




3 1761 06767668 4



Digitized by the Internet Archive  
in 2010 with funding from  
University of Toronto















D. D.

IOAN. GARSIAE,  
GALLECIIC.  
TRACTATVS  
DE EXPENSIS  
ET MELIORATIONIBVS,

*Cui de nouo accesserunt*

IOANNIS GARSIAE A SAABEDRA  
TRACTATVS QVATVOR.

- I. De Donatione remuneratoria. II. De Tacito Fideicommissio.  
III. De Hypotheca post contractum. IV. De coniugali Acquæstu.

*Nunc primum accuratè recognitus, & emendatior in Gallia prodit.*



LUGDVNI,  
Sumptibus LAVRENTII ANISSON:

M. DC. LXXI. ♀  
CVM SUPERIORVM PERMISSV.




K

G21624

T7

1671







# SERIES CAPITVM ET ARGVMENTORVM Huius Tractatus,

*Quorum singula continent particularem meliorationum & expensarum rationem.*

- CAP. I. **E**Xpensæ & meliorationis etymon, definitio, diuisio : de fructuum expensis, de bonæ fidei possessore expendente, vel meliorante. pag. 1
- II. De malæ fidei possessore necessariò meliorante. 19
- III. De expensis quæ contingunt respectu alimentorum, & de alimentis quatenus ad expensas pertinent. 31
- IV. De expensis ad maiores disciplinas addiscendas, & quomodo alimenta constituentur. 54
- V. De malæ fidei possessore vtiliter vel voluptariè expendente. 79
- VI. De eo qui à principio fuit bonæ fidei possessor, deinde malæ fidei, quoad expensas conseruandas. 95
- VII. Quomodo meliorationes traditas quis consequi possit, & de lege *si in area*, ff. de cond. indebiti. 109
- VIII. De expensis & sumptibus funerum. 126
- IX. De expensis quæ consequuntur funus, hoc est de luctuosa & abbazia. 153
- X. De vsufructuario expendente : traduntur aliqua vniuersè de vsufructu. 187
- XI. De vsufructuario, Episcopo, beneficiato, Prælato, & his  
similibus



	similibus expendentibus aut meliorantibus.	213
XII.	De feudatario vassallo expendente, vel meliorante rem dominicam.	243
XIII.	De marito expendente & meliorante res vxoris, quatenus expensas recuperet.	275
XIV.	De conductore, colono, inquilino, superficiario expendentibus, vel meliorantibus res conductas.	296
XV.	De emphyteuta expendente vel meliorante rem emphyteuticam.	318
XVI.	De maioratus possessore meliorante, vel expendente res maioratus.	323
XVII.	De hærede expendente vel meliorante.	352
XVIII.	De emptore expendente vel meliorante rem emptam, quantum expensas, & meliorationes suas conseruet.	364
XIX.	De his qui rem communem habent, expendentibus vel meliorantibus, vel reficientibus.	399
XX.	De tutore, curatore, administratore expendente vel meliorante, & de probatione expensarum.	409
XXI.	De variis & extraordinariis sumptibus & expensis.	423
XXII.	De augmento auri, & argenti fodinis, & alluione, & thesauro.	441
XXIII.	De comparatione expensarum & meliorationum cum fructibus.	472
XXIV.	De æstimatione facienda meliorationum.	521





# INDEX LEGVM, ET ALIORVM LOCORVM VTRIVSQUE IVRIS,

*Quæ peculiari aliqua ratione in hoc opere  
explicantur.*

## Ex Digestorum voluminibus.

**L.** *Aquissimum*, ff. de usufruct. explicatur. pag. 230. n. 44

*L. si extraneus*, §. sed si pater, ff. de iure dot. explicatur. p. 287. n. 35

*L. bonitatis*, ff. de uenitionib. expenditur. p. 369. n. 10.

*L. si fundum*, ff. mandati, elucidatur p. 355. n. 14

*L. si cum venditor*, §. fin. ff. de euiction. p. 367. n. 2

*L. ex mille*, l. bonitatis, ff. de euiction. p. 369. & seq. n. 10. & 11

*L. si cum venditor*, §. diuisione, ff. de euictionibus. p. 371. n. 12. & 13

*L. Paulus*, §. domus, ff. de pignor. conciliatur cum l. cum postulassem, §. 1. ff. de damn. infect. p. 389. n. 55

*L. parietem*, ff. de seruit. urban. pradior. p. 404. n. 11

*L. qui scit*, ff. de usuris, conciliatur cum l. qui bona fide, ff. de acquir. rer. domin. p. 483. n. 15

*L. fructus*, ff. de usuris, & l. de fructibus, ff. de donat. inter vir. & uxorem. p. 489. n. 22.

*L. in fundo*, ff. de rei vend. p. 525. num. 4

*L. diem proferre*, §. si plures, ff. de arbitris : & cap. 1. de arbitris, lib. 6. p. 529. & seqq. ferè 1010 cap. ult.

*L. in hoc iudicio*, ff. famil. erciscundæ. p. 531. n. 1

*L. una*, ff. de quibus reb. ad eundem ind. eatur. ibid. n. 11

*L. fundus qui*, ff. famil. erciscund. p. 9. n. 13. & seqq.

*L. si seruus seruum*, §. si oliuam, ff. ad l. Aquil. ibid. n. 13

*L. in fundo*, ff. de rei vend. pag. 16. numero 27.

*L. planè*, ff. de petit. hered. p. 21. n. 4. & p. 81. n. 4. & 5.

*L. ex argento*, ff. de condict. furt. p. 25. num. 12.

*L. sed etsi lege*, §. scire, ff. de petit. hered. p. 27. n. 17.

*L. cum hi*, §. qui transigit, ff. de transactio. p. 48. n. 38.

*L. qua pater*, ff. famil. erciscund. p. 52. num. 49.

*L. sin autem*, §. sed si seruum, ff. de rei vend. p. 81. n. 3

*L. utiles*, ff. de pet. hered. p. 83. n. 11. & p. 85. n. 14.

# Index Legum

- L. si pupilli*, §. sed etsi quis negotia, ff. de negot. gest. contra Molinenum. p. 92. n. 27.
- L. aut si ante denuntiatur*, ff. de rei vend. p. 99. n. 9.
- L. si in area*, ff. de condict. indebit. p. 100. & seqq. ferè toto cap. 7.
- L. qui exceptionem*, §. si pars, ff. de condict. indebit. p. 111. n. 3.
- L. in hoc iudicium*, ff. communi divid. p. 117. n. 11. & seqq.
- L. ex parte*, ff. famil. ercisc. cum l. qui in aliena, §. final. de negot. gest. p. 121. n. 22. & p. 401. n. 7.
- L. at si quis*, ff. de relig. & sumpt. funer. p. 124. n. 25.
- L. si possessor*, ff. de relig. & sumpt. fun. p. 126. n. 27.
- L. 4. ff. de usufruct. cum l. rectè*, ff. de verb. signific. contra Connan. Alciat. Bigl. & Pinel. p. 189. n. 1. & p. 190. num. 3.
- L. Lucius*, ff. de servit. rustic. pred. p. 196. n. 15.
- L. Proculus*, ff. de usufruct. contra Pinel. p. 198. & seqq. à n. 21. ad 27.
- L. necessario*, §. fin. ff. de pericul. & com. rei vend. p. 204. n. 35.
- L. fin. de usufructu legat.* p. 236. n. 62.
- L. cum quareretur*, §. pro aliis, ff. de leg. 3. p. 289. n. 40.
- L. qui concubinam*, §. qui hortos, ff. de leg. p. 354. n. 4.
- L. damnas*, §. qui duos, ff. de usufruct. legat. p. 358. n. 12.
- L. servum filij*, & §. fin. ff. de legat. 1. conciliantur. ibid. & seqq.
- L. cum servus*, ff. de legat. 1. pag. 361. num. 21.
- L. si quis ita institutus*, ff. de cond. instit. p. 380. n. 32.
- L. quæ sub conditione*, §. si quis, ff. de cond. instit. p. 380. n. 31.
- T. Tutia*, §. 1. ff. de aur. & argent. leg. p. 433. n. 27.
- L. nuper*, ff. de leg. 3. p. 456. n. 30.
- L. si chorus*, §. area legata, ff. de leg. 3. conciliatur cum l. servum filij, §. si area, ff. de leg. 1. ibid. & p. 458. n. 34.
- L. divorcio*, §. si vir, ff. sol. matr. p. 467. n. 48. & p. 476. n. 6.
- L. pen.* ff. rerum amot. p. 21. & seqq. à num. 2.
- L. domus*, l. si modò nulla, l. quod si nulla, ff. de leg. 1. p. 113. & seqq. n. 6.
- L. 1. ff. de usufruct. leg.* p. 193. n. 11.
- L. cum postulassem*, §. 1. ff. de damn. infect. conciliatur cum l. Paul. §. domus, ff. de pignor. p. 390. n. 58.
- L. in agris*, ff. de acquir. rer. domin. p. 463. n. 43.
- L. qui bona fide*, ff. de acquir. rer. dom. conciliatur cum l. qui scit, ff. de usufr. p. 485. n. 15.
- L. inter pares*, ff. de re ind. pag. 530. num. 9.
- L. in conventionalibus*, §. fin. ff. de verb. p. 510. n. 47.
- L. 1. §. fin. ff. de verb.* p. 541. n. 21.
- L. si quis uxori*, §. si quis massam, ff. de furt. p. 24. n. 11. & seqq.
- L. si quis ingenuam*, ff. de captiv. & possib. reuers. p. 39. & seqq. n. 21.
- L. adeo*, §. ex diverso, ff. de acquir. rer. dom. p. 84. n. 11. & p. 85. n. 14.
- L. rectè*, ff. de verb. & l. 4. ff. de usufruct. contra Connan. Alciat. Biglimum, & Pinel. p. 189. n. 1. & p. 190. n. 3.
- L. in venditione bonorum*, ff. de bon. auction. ind. poss. p. 193. n. 10.
- L. 3. §. pen. ff. de iure fisci.* pag. 471. num. 56.
- L. si vir uxori*, ff. de usucap. pro donat. p. 277. & seqq. passim cap. 13.
- L. si fundus*, ff. famil. ercisc. explicatur. p. 8. n. 15.



## & Locorum Iuris.

### Ex Cod. Iustiniani.

- L.** *Si ut proponis*, Cod. de edific. prin. p. 405. n. 14. & p. 407. num. 19.
- L.** *cerium*, Cod. de rei vend. pag. 508. num. 45.
- L.** *si fundum*, C. eod. ibid.
- L.** *fin.* C. de ponderator. p. 542. numero 22.
- L.** 1. C. de excusation. artific. p. 230. n. 41.
- L.** 2. Cod. de rescind. vend. pag. 377. n. 26.
- L.** 2. C. de pradiis & omni re nauc. & opinio Bartol. ibi, & Ioan. agitur. pag. 397. num. 77. & p. 398. num. 83.
- L.** 2. C. de alluvionibus. pag. 465. numero 46.
- L.** 1. C. de infantib. exposit. pag. 23. num. 8.
- L.** 2. C. de rei vendic. conciliatur cum l. adeo, §. ex diverso, ff. de acq. rer. dom. p. 92. n. 27.
- L.** *si fundum*, C. de rei vendic. pag. 99. num. 8.
- L.** *fin.* §. *fin.* aliàs Emptor, C. communia de leg. p. 116. n. 10.
- L.** *si controuersia*, C. de euiction. p. 118. n. 15.

### Ex Instit.

- §. **F**initur, Instit. de usufruct. p. 204. num. 35. & 36.
- §. *Thesaurus*, Institut. de rerum diuis. p. 471. n. 56.

### Ex libro Feudorum.

- §. **S**i vassallus in feudis, hic finitur lex, & incipiunt consuetudines. p. 274. n. 84. & 85.

### Ex Decretalibus.

- C**Ap. *licet*, de vot. explicatur. p. 344. n. 32.

### Ex libro sexto.

- C**Ap. 1. de arbitr. lib. 6. & l. diem proferre, §. si plures, ff. de arbitris. pag. 529. & seqq. à num. 8. ad num. 13.

### Leges Partitæ.

- L.** 24. tit. 3. partit. 3. p. 202. n. 30. & seq.
- L.** 34. tit. 1. part. 5. & l. fin. eod. tit. & part. p. 176. n. 66. & seq.
- L.** 5. tit. 2. partit. 1. pag. 168. numero 44.
- L.** 42. tit. 28. partit. 3. pag. 94. numero 28.
- L.** 44. tit. 28. partit. 3. pag. 82. n. 8. & seq.
- L.** *fin.* tit. *fin.* part. 6. pag. 381. numero 34. & conciliatur cum l. 26. tit. 29. part. 3. p. 382. n. 38.
- L.** 15. tit. 13. part. 5. pag. 395. numero 71.
- L.** *fin.* tit. *fin.* part. 3. pag. 407. numero 19.
- L.** 39. tit. 28. partit. 3. p. 504. numero 38.
- L.** 40. tit. 28. partit. 3. p. 507. numero 43.
- L.** 25. tit. 11. part. 4. pag. 288. numero 36.
- L.** 26. tit. 13. part. 5. p. 332. & seqq. num. 11. 12. & 13.
- L.** 4. tit. 15. partit. 2. pag. 335. numero 15.
- L.** 2. tit. 15. part. 2. pag. 342. numero 30.
- L.** 11. tit. 9. part. 6. confertur ad l. si res

## Index Legum & Locorum Iuris.

*res obligata. ff. de leg. 1. p. 363. num. 24.*  
*L. 56. tit. 5. part. 5. pag. 378. numero 27.*

### Leges 12. Tabul.

*L. 12. Tabul. adducitur. pag. 84. numero 11.*  
*L. 12. Tabul. de sumptibus funerum, adducitur & explicatur, p. 134. numero 10.*

### Leges Tauri.

*L. 21. Tauri. p. 237. n. 63*

*L. 14. Taur. p. 281. n. 15.*  
*L. 46. Taur. defenditur, & late explicatur. pag. 291. & seqq. numero 46. 47. & 48.*

*L. 46. Taur. p. 330. n. 8.*  
*L. 70. Taur. p. 331. n. 6.*  
*L. 70. Taur. p. 389. n. 54.*

*L. 10. Taur. pag. 36. n. 9. & p. 43. num. 27.*

*L. 30. Taur. p. 149. n. 50.*  
*L. 68. Taur. contra Conarr. p. 175. num. 64.*

*L. 68. Taur. correctæ ex parte in Gal-  
 lecia nouo iure. pag. 177. nu-  
 mero 72.*

## *Consensus Procuratoris Regij.*

**I**OANNIS GARSIAE GALLECI IC. Tractatum de Expensis.  
 Cui accesserunt Tractatus IOANNIS GARSIAE A SAABEDRA,  
 in lucem edi sumptibus LAVRENTIJ ANISSON, LAVRENTIJ ARNAVD,  
 & PETRI BORDE, ego Regis Consiliarius & Procurator in Praefectura  
 Lugdunensi, pro Rege non impedio, cæteris ne idem attentent, per triennium  
 de more inhibendo. Datum Lugduni die 22. mensis Iunij, anno 1671.

DEVAGINAY.

## P E R M I S S I O.

**F** I A T secundum consensum Procuratoris Regis, anno & die su-  
 pradictis.

D E S E V E.



D. D.

IOAN. GARSIAE  
IC. GALLECI,  
TRACTATUS  
DE EXPENSIS  
Et Meliorationibus.

---

CAPVT PRIMVM.

*Expensa & meliorationis etymon, definitio, diuisio :  
de fructuum expensis, & de bona fidei possessore  
expendente, vel meliorante.*

Notabilia ex hoc capite primo.

- 1 *Permutatio olim inter externos, primus omnium contractus.*
- 2 *Donatio inter coniunctos, primus omnium contractus.*
- 3 *Diomedis & Glauci permutatio qualis, contra Accursum.*
- 4 *Emptionis & venditionis equalitas, permutationem, & donationem expulit.*
- 5 *Testamentum per as & libram unde coeperit, & quomodo.*
- 6 *Adoptio quoque per as, & libram fieri coepit sicuti testamentum.*
- 7 *Expensa inde derivata, seu impendia, & impensum:*



- 8 *Melioratio verbum latinum, & Iureconsultis cognitum est, quid sit melioratio.*
- 9 *Qui de expensis & meliorationibus scripserint, ex nostris, & exteris.*
- 10 *Expensarum divisio quatuor continet membra.*
- 11 *Expensas qua sunt gratiâ colligendorum fructuum quilibet possessor potest deducere.*
- 12 *Nomine expensarum qua sunt gratiâ fructuum, quid contineatur.*
- 13 *Vniuersa traditio Iuliani in l. fundus qui, ff. famil. erciscund. conciliatur cum Ulpiano in l. si seruum, §. oliuam, ff. ad leg. Aquil.*
- 14 *Colonus qui ipse idem seuit, coluit, sepsit, operis proprii astimationem deducit.*
- 15 *Bona fidei possessor vniuersalis integros hos sumptus deducit, etiamsi fructus excedant expensa.*
- 16 *Pro expensis qua sunt gratiâ fructuum competit repetitio.*
- 17 *In solutione decime pradialis non fit deductio expensarum gratiâ fructuum.*
- 18 *In solutione decime non deducitur tributum, collecta, nec merces, aut pensio.*
- 19 *Ex fructibus semel decimatis, non est iterum decima solvenda.*
- 20 *Tributum debitum fisco an soluendum sit ante deductionem expensarum gratiâ fructuum, contra communem.*
- 21 *Decima fructuum debita tutori iure Hispano, an soluenda sit ante deductionem expensarum gratiâ fructuum, contra Gasparum Baëzium Hispanicum.*
- 22 *In partiario colono an diuisio fructuum fiat deductis expensis gratiâ fructuum, contra communem.*
- 23 *Fructus est quicquid à terra percipitur, quod renasci soleat.*
- 24 *Bona fidei possessor semper necessarias expensas deducit.*
- 25 *Bona fidei possessor quomodo viles expensas deducat, & num. 26. nostro iure Hispano bona fidei possessorem viles expensas deducere.*
- 27 *Arbitrium, de quo in l. in fundo, ff. de rei vindicat. iure Hispano admittendum.*
- 28 *Aequitas captiosa & sine iure, temeraria iniquitas est.*
- 29 *Iam olim ista quaestio de aequitate vetus fuit: Ciceronis locus.*
- 30 *Utilitas expensarum unde accipienda sit, an ex domino, an ex possessore.*
- 31 *Non est onerandus dominus excogitatis expensis.*
- 32 *Expensas voluptatis, siue voluptarias, bona fidei possessor abradit, & num. 33. abradere quatenus liceat.*
- 33 *Apposito pacto ut abradere omnino liceat, offerente domino cessat abrasio.*
- 34 *Offerente domino abrasio indifferenter sublata est in viroque fundo, rustico & urbano.*
- 35 *Deformitas urbis non fuit causa prohibenda abrasionis, contra Molinaum.*



I O C verbum *Expensum*, siue *Expensa*, vtrumque Latinum est antiquissimum, ab antiqua rerum ratione deductum: vt autem innotescat, vnde deriuatum sit, reuocare in mentem oportet, permutationem primum & antiquissimum omnium fuisse contractum, qui vt ferè reliqui contractus omnes, necessitate cogente inuentus & excogitatus est. Omnes enim gentes, & regna, vt fluminibus, & altissimis rupibus, ita cali quoque temperie, & indulgentia diuisæ & separatae, gentium quandam diuisionem & separa

separationem fecerunt. Ferebat Ægyptus triticum , Græcia vinum , Hispania aurum : hinc lanæ , illinc ferrum , inde argentum , aliunde autem aliud adsportabatur , neque vlla regio erat quæ simul omnia ad vitam tuendam necessaria ferret. Cumque humana natura fragilis , & malo quodam suo fato debilis omnibus indigeret , fiebat cogente indigentia , vt passim homines rudi illo seculo , mutuo acceptis redditisque rebus , opem sibi ferrent , & mutuo auxiliarentur. Hoc fuit initium permutationis vetus & antiquissimum , inter eos qui solo , cælo , lingua , moribus , patriâque diuisi liberalitate vti nequieverant. Námque inter eos qui moribus , lingua , & patria coniuncti vivebant , gratuita & amica donatio orta est , & profecti sunt reliqui contractus , qui donationis speciem habent , vt mutuum , commodatum , depositum , & his similes , in quibus mera liberalitas versatur , propter mutuam officiorum vicissitudinem , qua se , naturâ ducente , humanum genus mutuo prosequabatur. Atqui inter exteros , & ignotos permutatio magis obtinuit , etsi qui contractus sunt , qui permutationis vim & naturam antiquam obtineant , vt sunt emptio , locatio , & reliqui , quos nos nostro nomine innominatos dicimus , alieni prorsus à liberalitate , & in mutua quadam officiorum præstatione constituti. Vnde consuetudine humana hinc inde permutatio & donatio initium cœpisse noscuntur , à quibus veluti à duobus seminariis ad reliquos omnes contractus paulatim deuentum est. De quo in l. i. ff. de contrah. empt. *Origo emendi vendendique* ( inquit Paulus ) à permutationibus cœpit : unusquisque enim secundum necessitatem temporum ac rerum , vtilibus inutilia permutabat , quoniam plerumque euenit , vt quod alteri superest , alteri desit : vnde idem Paulus in l. fin. ff. de rerum permutatione , vicinam dixit permutationem emptioni , & similem vtriusque rationem existimauit in l. i. ff. eod.

2

Permutatio autem in eo inutilis esse cœpit , quod sæpè inæqualitate quadam rationes omnes humanæ vitæ confundebat : ærea , & ænea non semel compertum est aureis fuisse commutata , vnde celebris illa emanauit ab Homero vsque *Iliados sexto* , Diomedis & Glauci permutatio , de qua frequens apud antiquiores recordatio est , apud Platonem in *Phadro* , apud Aristotelem *quinto libro Moralium* , capite de iustitia , apud Ciceronem *ad Atticum lib. 6.* apud Plinium Iuniorum in *epistola ad Flaccum* , apud Gellium *lib. 2. Noctium Atticarum*. Fit eius mentio in procemio Digestorum à Iustiniano , in §. *incipite* , *prope finem* , vbi Accursius non infestiuè nescio quid de cadis & vino comminiscitur ridiculus : inducuntur ab Homero Glaucus & Diomedes singulati certamine congregientes , inita verò pace , & renouato veteris amicitie , & hospitij iure arma commutantes : accepit Diomedes Glauci aurea , præstitit ærea : Iustinianus gloriatur , pro æreis legibus dedisse aureas : non credunt Iustiniano viri sapientiores , qui mallent integras veterum Iureconsultorum leges , quàm à Iustiniano concisas , & crudeliter dilaniatas. Hæc erat rudi illo seculo permutatio inæqualitate molesta & grauis. Procedente verò tempore excusa pecunia est , quæ à qualitate quadam quantitatis rerum omnium veram æstimationem pensabat. Inde emptio & venditio inire cœperunt. Subortis autem emptione , & venditione , cognitaque vtilitate quæ ex hoc contractu rebus hominum accedebat , cum absolutam quandam permutationis , cui homines assueti erant ,

3

4



æqualitatem afferret, permutatio & donatio veluti internecione quadam desierunt ab hominum usu; æquissimam enim conditionem afferre videbatur emptio ex æqualitate, quam beneficium inuentæ pecuniæ secum adduxit. Itaque in omni hominum commercio emptio recepta est, nec quicquam rectè gestum antiquiores arbitrati sunt, quod sine venditione ficta vel vera reperiretur. Idque ut efficerent, pro pecunia, cuius adhuc nouus & rarus usus erat, graui ære utebantur, appenso tamen; & ita sæpè libripens appendebatur, qui quod dabatur æris vel pecuniæ, appenderet. Quod usque adedò inoleuit, ut in nuptiis, & testamentis receptum sit; quæ testamenta antiquiores ex hoc ære appenso, ut cuiusdam veluti emptionis æqualitas & firmitas adesset, per æs & libram vocabant. Fiebat autem per imaginariam quamdam emptionem & venditionem quinque testibus, & libripende, ciuibus Romanis puberibus, præsentibus, & eo qui emebat hæreditatem, quem familiæ emptorem vocabant. Idque lege duodecim Tabularum constitutum fuerat, cùm securitas testamentorum requireretur: de quo pauca Iustinianus in §. 1. *de testam. Instit. lib. 2.* cuius legis autoritate bona testatoris emancipabantur, hoc est ab emptore emebantur: de quo emptore plura Theophilus in d. §. 1. *de testamentis*. Erat autem hic emptor similis hæredi, à quo reliqui, tanquam hodie fideicommissarij, reciperent: ita Suetonius in Nerone. *Ex hoc Domitius nascitur, quem emptorem familiae, pecuniæque, in testamento Augusti fuisse mox vulgò notatum est.* Et sæpè ne periculum immineret testatori, nihil omnino relinquebatur emptori huic; & ne quicquam comperiretur, quod vltima voluntate esset relictum, quicquid emptor hic iubebatur restituere, secretò asseruabatur, atque ita vitæ testatoris consulebatur: proditæ enim sæpe tabulæ vltimæ necem testatori attulerunt. Vnde illud Papiniani, qui vetera præ cæteris Iureconsultis obseruauit, in l. cùm pater, ff. de legat. 2. Mando, inquit, filia mea, pro salute ipsius sollicitus, ut quoad liberos tollat, testamentum non faciat; ita enim poterit sine periculo viuere.

6 Idem quoque receptum est in adoptionibus, quæ fiebant per Prætorem, cum à parente, in cuius potestate filius est, ceditur iure, atque ab eo qui adoptat, apud eum, apud quem legis actio est, vendicatur: istud autem genus adoptionis antiquissimæ illis prioribus seculis fiebat terna venditione apud Magistratum, cui venditioni pro nummis æs appensum veterum more interueniebat, idque erat libripens; idcirco genus hoc adoptionis dicebatur per æs, & libram, de quo Suetonius in Augusto: *Caium & Lucium adoptauit domi per æssum & libram emptos à patre Agrippa.* Cicero pro A. Cecinna, paulò ante finem: *Si pater, inquit, vendidit eum, quem in suam potestatem susceperat, ex potestate dimittit: iam populus eum vendidit, qui miles factus non est, non adimit ei libertatem, sed indicat non esse eum liberum.* Aliqua Franciscus Connanus vir mihi doctissimus & elegantissimus, *Commentariorum iuris lib. 2. cap. 5. num. 3. & lib. 9. cap. 1.* Ex quibus expensa dicta sunt in rationibus ab expendendo, idemque impendia, & impensa; quòd antiquitus propter raram usum pecuniæ, vel propter euitandam molestiam numerandæ pecuniæ, quod hodie quoque fit, omnia appenderentur. Expensæ igitur nomine retento, veterum usu obtentum est, ut pecunia quæ consumpta est, significetur; vnde ratio accepti

accepti & expensi emanauit, & à nobis hoc nomine id intelligitur, quicquid consumptum est; id autem à sumptibus nihil distat. De eo igitur quod consumitur vel expenditur, siue circa res, siue circa personas, quocumque modo expendatur, nomine expensi significamus; vocauimus autem indifferenter *sumptus*, vel *expensas*; maluimûsque vocare *expensas*, non *impensas*, quoniam magis forense verbum est.

*Melioratio* quoque Latinum est, idêmq̃ *meliorare*, vnde melioratio de-  
ruiata: vititur hoc verbo Vlpianus in *l. aequissimum*, §. *inde quasitum*, ff. de usu-  
fruct. ibi: *Et si fortè in hoc quod instituit, plus redditus sit quàm in vineis, vel*  
*arbutis, vel oliuetis quæ fuerunt, forsân etiam hæc deicere poterit; siquidem ei*  
*permittitur meliorare proprietatem.* Alia ad hoc notat Iuriconsultorum respon-  
sa Aluarus Vasquez Lusitanus, vir egregia eruditione, elegans, & diligen-  
tissimus iuris emphyteutici, q. 2. num. 8. post Tiraquellum in *l. si unquam*, C. de  
renocandis donationibus, verbo *reueriamur*, num. 234. vnde apud nos non ine-  
ptè dicitur filius melioratus, quem pater bonis prælegatis inter ceteros me-  
liorem fecit; atque meliorationem factam fuisse filio. Quòd eo adnotatum est,  
quia non semel audierim viros non vulgariter eruditos contendentes, verba  
ea ineptè de filiis dici, esseque potius Hispana ex Hispanis legibus desumpta:  
ego autem à candore Latini sermonis non abhorreere contendo, etiamsi nobis  
à nostris legibus illa dicendi ratio desumpta esse videatur. Hæc autem melio-  
ratio plerisque dicitur, quando qualitas bonorum est mutata, & bonitas eo-  
rum mutata, & adaucta: ita definiunt meliorationem, vt sit augmentum bo-  
norum mutatâ eorundem qualitate, Beroius *consil.* 88. *lib.* 1. *num.* 35. Nathan.  
*consil.* 601. *lib.* 1. argumento deducto à decisione capitis 1. de *in integr. restit.*  
quod quidem sustineri non potest, cùm melioret vsufructuarius, qui regulari-  
ter mutare qualitatem rei fruendæ non possit, vt latè tradimus infrâ *cap.* 11.  
*num.* 38. 40. & 44. Præterea Paul. de Cast. *consil.* 270. *lib.* 2. & eum secutus  
Antonius de Fano de *pignoribus & hypothecis part.* 5. *membr.* 4. *num.* 11. plantatio-  
nem vinearum non existimant meliorationes, licet qualitas rei mutetur & res  
melior fiat: quod nos in emphyteuta recipimus, infrâ *cap.* 14. vbi agimus de  
imboscatione & plantatione & monte redacto ad culturam. Denique lex 41.  
& 44. *titul.* 28. *part.* 3. augmentum illud, quo res melior sit, siue de nouo adi-  
ficando, siue vetusta reficiendo; vel mutetur rei qualitas, vel non mutetur,  
dummodo res melior sit effecta, vocant meliorationem, vt augmentum quod-  
cunque contineat, quod rebus accedat; idque contigit in omni genere rerum  
& contractuum, emptionis, locationis, emphyteusis, societatis, in vassallo, cu-  
ratore, procuratore, administratore, hærede, possessore, de quibus omnibus  
acturi sumus. Et quoniam istud augmentum modò contingit sine sumptu,  
opera, & industria, frequenter autem nostrâ operâ & industriâ, de vtroque  
augmento acturi quoque sumus; quæ est inuentio nostri laboris, cætera ad  
dispositionem pertinent, quam sequemur secuti propositam dispositionem.

Quoniam autem ingenuus pudor est fateri per quos proficias, quoniâmq̃  
eorum ingenium abhorremus, qui malunt in furto deprendi, quàm acceptum  
fateri; breuiter eos dicemus, qui nobis ad scribendum materiam & segetem  
subministrarunt, quam quidem ita accepimus, vt liberè indicemus; neque enim



est iurandum in verba magistri: sicubi verò quicquam reperitur, quod ab alio priùs dictum fuisse noscatur, ita existiment lectores volo, non fuisse nos rapinam arbitratos; nouimus enim sortem fieri ex vsuris, & sæpe studiosioribus contingere multa inter scribendum, quæ eos ita ab institutis amoueant, vt plerumque nesciant vnde id quod scripserint, acceperint; quod cùm aliis frequens sit, mihi non potuit non fuisse frequentissimum, homini forensibus causis vehementer impedito. De his igitur expensis, & meliorationibus, quæ sunt à rerum possessoribus multi multa scripserunt; omnes tamen aliud agendo, nullus ex proposito rem hanc aggressus est, cùm in foro quotidiana & assidua de illis sit disputatio: tam longè enim earundem tractatio patet, quàm longè ipsum ius extenditur. Et sæpè compertum est, viros clarissimos in decisione quæstionum, quæ de expensis intercedebant, hæsitasse. Cùmque sicuti alij hominum actus, certis legibus hæc ipsa expensarum tractatio definita esset, ex certis legibus certa esset causarum definitio: sed fit in hac re, vt causæ de expensis & meliorationibus partim lege, partim autoritate, nonnulla etiam vsu forensi decendantur. Quapropter operæpretium me facturum existimaui, si quæ variè & diffusè apud varios Authores dicerentur, obseruatà aliquà methodi ratione in vnum congererem, quod quidem eo consilio à me gestum est, vt me ipsum instituerem, non vt ex hoc quicquid laboris sit, gloriam expectarem; noui enim ego, qui mihi bene conscius sum, ingenioli mei exiguitatem: agnosco item in aliis absolutam earum rerum, quæ ad hanc inuestigationem pertinent, cognitionem: præterea forensibus causis impediti, non possumus diffusius vagari; scimus tamen Doctores pro ea, in qua versantur, humanitate rationem, & consilium animi mei boni æquique consulturos, stultorum autem, & imprudentium (nisi mavis impudentium) iudicia non curamus, quibus illa vna virtus est, Doctoribus oblatrare. De his igitur expensis agunt scriptores Itali post Accursium omnium magistrum *in l. fundo, ff. de rei vend.* idem Accursius, Bart. Paul. Alex. & Ias. *in l. divorzio, §. impendia, ff. solut. mar.* Anton. de Fano *de pignoribus & hypothec. membr. 4. part. 3.* Afflicis in *§. vassallus, hic finitur lex, in vsibus feudorum*, Cagnolus *in l. 2. de rescind. vendit. per plures numeros*: inter Gallos Boër. *decis. 44. & 47.* Franciscus Connanus, Iacobus Cujacius, à nobis suis locis referendi. Tiraq. item *in 2. retract. §. 7. glos. 1.* Molinaus etiam feliciter receptus, doctè & arroganter *in consuetudinibus Parisensibus, part. 1. glos. 5.* ex Lusitanis duo mei præceptores, quos reuerenter nomino, Emanuel Costa, doctissimus & eloquentissimus; & Arius Pinel, diligentissimus, variis in locis, de quibus nobis agendum est; Alvarus Vasquez varià eruditione, & eloquentiâ non vulgari, *in questione iuris emphyteutici 25.* & aliis in locis à nobis adducendis: ex nostris eruditissimè, vt solet omnia, illustrissimus Didacus Cuarruuias in omni genere disciplinarum adeo versatus, vt de vnaquaque tanquam si nullam aliam vnquam didicisset, abundè & copiosè disserere possit, hodie Episcopus Conchenfis, & propter eximiam virtutem & varias animi doctes supremi Senatus apud Philippum Maximum Præses meritissimus; idque pluribus in locis, de quibus nobis agendum est: plura tradit Dominus Antonius Menesius, præceptor olim meus, hodie Nobilitatis Hispanæ, & Militantium Ordinum Iudex supremus, & Præfectus maximus, idque variis in locis



eorum commentationum, quæ in lucem edidit: multa quoque Petrus Peralta *in comment. super leges, in tit. ff. de legat. 2.* optimus omnium, qui sua ætate iura interpretati sunt, præceptor, & scriptor celeberrimus. Nonnulla Anton. Gomez, vir & literis & pietate præclarus, *in Commentariis super Taurinas leges*, quarum plures in hoc tractatu difficiliores reperiuntur. Multa quoque accepimus ab antiquioribus, inter quos Ioannes Lupus est de Palacios Rubios, diligentia & eruditione clarissimis æqualis: Rodericus item Suarez, mihi certè nemini ingenij claritate inferior. Ille *in sua repetitione rubrica, & capituli Per vestras, de donationibus inter virum & uxorem*: hic multis in locis, quorum allegatio nobis frequens est: Avendañus quoque vir eruditione utili, & quotidiana, in eo tractatu, qui est de *exequendis mandatis Regum Hispania*, multa præstitit: Menchaca quoque laborem, & operam nostram iuvit, vir & eruditione & fortunâ variâ, *in questionibus suis, & in tract. de successionum creatione*. Gregor. Lopes feliciter receptus, *in Commentariis super leges nostras Partitarum*, multa cumulavit, quæ pertinent ad expensas, & meliorationes: aliqua quoque Didacus de Simancas, Pacensis Episcopus, ingenij perspicuitate & iudicij optimi publicâ & verâ probatione illustris, *in Institutionibus Catholicis, & in eleganti tractatu de primogeniis*: aliqua quoque non minùs subtiliter & ingeniosè, quàm eloquenter Dominus Franciscus Sarmiento, hodie Episcopus Astoricensis, *in suis selectis questionibus, & in tractatu de redditibus Ecclesiasticis*, vir veterum Iureconsultorum egregius admirator & sectator optimus; Interpretum verò iuris æstimator non iniquus. Nauarrus quoque magister omnium multa tradit obiter, quæ à nobis adducuntur. Doctor Redinus, iudex omnium, quos hucusque viderim, incorruptissimus, nostri huius Senatus Galleci olim Præses, hodie supremi Senatus Hispaniæ apud Philippum maximum Senator meritissimus, designatus Illiberitani, vulgò Granatenfis, Senatûs Præses, aliqua *in suo tractatu de Maiestate Principum*. Posterior multa cumulavit Ludouicus Molina, supremi quoque Senatus Hispaniæ Senator, ex suis Commentariis satis laudatus, quæ scripsit utiliter, & non sine magna gloria, de Hispanorum primogeniis: aliquando etiam adducimus Fratrem Alphonsum de Castro, virum eruditione clarum, Franciscanum, sacrum Oratorem, facundiâ Hispanâ clarissimum, cui invida mors designatum Compostellanum Archiepiscopatum ademittit: Fratrem quoque Dominicum de Soto, virum & literis, & pietate eximium. Alij quoque alia scripserunt, quos adducimus inferiùs; sed luciferi sunt qui copiosius hactenus hanc de expensis, & meliorationibus disputationem aggressi sunt cum laude. Multa quoque nobis de hac ipsa re iura constituta sunt; cum autem adeo diffusè sparsa sint, & secretioribus in locis collocata; cumque multis otium non sit evolvendorum Authorum; plurimis verò in hac nostra Gallecia nec ea librorum copia, non est inutilis futurus noster labor, in vnum volumen omnia hæc coniecisse. Quod si hoc argumentum à præclarissimis viris tractatum est, cum tamen aliud agerent, multa pronunciarunt, quæ vel ambigua interpretatione subobscura reperiuntur; vel, ut ingenuè & verè loquar, longè aliter accipienda sunt. Constat enim inter viros eruditos, in quibus obiter versantur, facilem esse errorem: quo nomine etiam Iurisperiti subnotati sunt; quod latè

tradimus infrà cap.8. num.50. Hactenus de inuentione & dispositione nostri tractatus, de explicatione, nominum, & definitione egimus, adductis Authoribus per quos profecimus: diuiso restat. Si cui verò hæc ipsa Authorum relatio superuacua esse videatur, putetque nos aliud egisse, huic facile condonamus, dum meminerit hoc iam olim ab Aristotele, & Plinio factum fuisse.

IO Quadruplices autem reperiuntur expensæ, necessariae, vtilis, voluptariae; quantum genus earum est, quæ fiunt colligendorum fructuum gratiâ. De his sunt iura in l. impensa, ff. de verbor. signific. 79. Impensa, inquit Paulus, necessariae sunt, quæ si facta non sunt, res aut peritura, aut deterior futura sit. Vtilis impensas esse Fulcinius ait, quæ meliorem dotem faciant, deteriores esse non sinant, ex quibus redditus mulieri acquiratur, sicuti arbusi pastinatione, ultra quam necesse fuerat. Item doctrinam puerorum, quorum nomine onerari mulierem ignorantem, vel inuitam non oportet, ne cogatur fundo vel mancipiis carere. In his expensis & pistrinum, & horreum insula dotali adiectum, plerumque dicemus. Voluptariae sunt, quæ speciem dumtaxat ornant, non etiam fructum augent, ut sunt viridaria, aquæ salientes, incrustationes, loricationes, pictura. Hactenus Paulus, qui rem optimè depictam, & distinctam suis partibus & membris distribuit: ipsasque partes explicat: facit lex vtilis, ff. de petition. hered. l. 1. & 2. & l. sequent. ff. de impensis in reb. dotalib. factis. Agnouit necessarias, vtilis, & voluptatis expensas lex 44. tit. 28. part. 3. ibi: *De çimos, que si el fizo despenças provechosas*. Et ibi: *Otroçi de çimos, que si aquellos que son tenedores de casas, o heredamientos ajenos fazen despenças en ellas, que no son muy provechosas, mas son a postura de la casa, o de la heredad, assi como las pinturas*. Et ibi: *De çimos que aquel que las despenças fiziere, que sean menester*: vbi nouus & antiquior interpretes, & ante eos, omnes hanc distinctionem admittunt.

II Sequitur modò quædam huius distinctionis explicatio, antequàm ad particulares expensas, quæ fiunt à particularibus rerum possessoribus, deueniamus; quoniam ex vniuersis regulis particularia rectius intelliguntur. Ac primùm de his expensis agemus, quæ fiunt gratiâ colligendorum fructuum. Continet hæc inuestigatio quæstiones quotidianas & vtilis, totaque disputatio versatur in interpretatione legis fundus qui, ff. famil. erciscund. atque in his expensis, quæ fiunt gratiâ fructuum colligendorum, vniuersè traditum est, impensas has quemlibet possessorem posse deducere, ac subinde fructus ipsos retinere quousque soluantur, l. fundus qui, ff. famil. erciscund. ibi: *Quia nullus casus interuenire potest, qui hoc genus deductionis impediât, l. si à patre vel domino, §. si. ff. de petit. heredit.* vbi Paul. more suo latè exponit quid veniat nomine sumptus qui sit gratiâ colligendorum fructuum: atque id censet.

II 2 Contineri hoc nomine quicquid quærendi, colligendi, conseruandique fructus gratiâ irrogatur, idque non solum in possessore bonæ fidei, naturalis ratio postulat, verum etiam in prædonibus, sicuti Sabino placuit, l. fructus, ff. solut. matrim. Fructus, inquit Vlpianus, eos esse constat qui deductâ impensâ supererunt. Speculator explicat in tit. de expensis, §. expensa, in princ. l. quod in fructus, ff. de usuris. Lortotus de fructibus axiomaticè 4. l. 4. tit. 14. part. 6. vbi uterque Interpretes ibi: *E este que era tenedos de la heredad, deue lacar de los fructos en quanto ouiesse la heredad las despenças que ouiere fecho en labrarla, o en razon* de



de coger los frutos della. l. 4. tit. 28. pari. 3. vbi idem Interpres ibi: *Mas las despesas que fizere por razon de los frutos en quanto ouiesse la heredad, bien las puede descontar*: quæ iura nostram declarationem recipiunt ex Paulo in d. §. fin. vt expensæ in colendis & colligendis fructibus, non solum minuunt fructus, verum etiam id efficiant impensæ in conseruandis, de quibus nihil constitutum erat nostro iure Hispano, & tenuerat contrarium Bart. in l. cum quareretur, §. pradiis, ff. de legat. 3. quem refert & reprobat ad hoc Ludouicus Romanus singular. 332. ex l. si ita, §. fin. ff. de fundo instructo, & ex d. §. fin. In his autem expensis aptè connumerauimus specus qui fiunt à rusticis circa segetes, vt à ferarum incurfu defendantur; sepes item, maceries & cumuli ex congesto cespite, quibus vineas & agros frumentarios occludimus, & nascentes fruges conseruamus. In hac verò specie sæpe in hoc nostro Senatu illud animaduertitur, an ex ea causâ dumtaxat fiant, vt fructus conseruent, nullaue alia in re possessori vtilitati esse possint; ac tunc quidem admissam Pauli sententiam fuisse non semel animaduertit: quod si sepes, specus, maceries, ex congesto cespite cumuli, adhuc collectis fructibus vsui esse possunt, tantò minùs reputantur, quantò vtiliores reperiuntur: quod Paulus ad prædonem extendit, nec solum in possessore bonæ fidei admittit, in d. §. fin.

In hoc tamen Paulus iure repugnat cum Vlpiano in l. si seruus seruum, §. si oliuam, ff. ad legem Aquiliam, ibi: *Quod si iam maturas, cessat Aquilia: nulla enim iniuria est, cum tibi etiam impensas donauerit, quæ in collectione huiusmodi fructuum impenduntur*. Ex quo generalis illa decisio legis fundus qui, vbi vniuersè decisiuū est, nullum calum interuenire posse, qui hoc genus deductionis impediatur, difficilis est, & ægrè sustinebitur, cum contrarius casus positus sit in d. §. si oliuam, vbi Vlpianus de eo agit, qui fructus omnino alienos subripit, non autem de malæ fidei, vel bonæ fidei possessore, qui delinquendo, rapiendo & populando aliena furtim, per vim, & iniuriam, expensas donasse intelligitur ex Vlpiano; quæ solutio vera est, cum glossa in d. §. si oliuam, & Iulianus in d. l. fundus qui, & Paulus in d. §. fin. de eo agant, qui rem possidet, bonâ, vel malâ fide nihil interest; quem, si mala fide possideat, prædonem vocant. Idque obseruata ratione decidendi à Iurisconsultis, l. sed & si lege, §. scire, ff. de petition. hereditat. secundum communem & receptam sententiam, ibi: *Et non puto hunc esse prædonem qui dolo caret*. Quamuis in iure errauit, de quo nos alibi contra Pinellum cap. penult. & aliqua attingimus cap. sequenti. ad l. 1. C. de infantibus expositis. Quod attinet ad nostrum institutum, verissimum est dictam legem fundus qui, & dictum §. fin. habere locum in bonæ, vel malæ fidei possessore, qui rem, fundumve possidet; euictio enim fundo cum fructibus, sumptus deducit in colligendis & conseruandis & colendis fructibus irrogatos: & dictus §. si oliuam, vbi huiusmodi sumptus non deducuntur, restitutâ omnium integrâ fructuum quantitate, habet locum in eo, qui pendentes fructus alieno prorsus in fundo vi, doloue per vim; & iniuriam furtim delinquendo rapuit; qui cum delictum & scelus committat, rationi conuenit, vt illæ expensæ sibi non deducantur: multum enim interest inter malam fidem malæ fidei possessoris, & furis, quod pertinet ad iuris effectus, etiam si vterque malæ fidei sit: singularis est Baldi traditio in l. mala fide,



*fide, C. de conditione ex lege*, ubi triplicem constituit malæ fidei possessorem, improbum, improbiorem, & improbissimum; hunc autem eum esse ait, quem ob delictum & facinus iura expensis priuant: quicunque ergo penderes fructus alienæ rei inuasit, impensas in colligendis donasse visus est, *ex dict. §. si oliuam*: quod in nostro Senatu admittendum est in causis summariis, quas violentiæ vocamus; ut si quis vim intulisse probetur, quod aliena cum fructibus prædia inuasit, vel vineam, vel syluam cæduam, expensis careat etiam his, quas in colligendis fructibus expenderit, *ex d. §. si oliuam*, restricta decisione dictæ legis *fundus qui*: quoniam illa summaria causa violentiæ, & vis quam hoc nomine vocamus, crimini propius accedit, quam ulli civili actioni; idè summarie expeditur, præmissa citatione, Guido Papæ *decis. 1. Hyppolitus singular. 70.* Est enim quædam extraiudicialis defensio, Lucas de Peña *in l. si coloni, C. de agricolis & censitis, lib. 11. Afflict. decis. 2. & decis. 85.*

14

Quin & illud obseruandum est, ut si colonus suis manibus coluerit, ipse idem seuerit, sepperit, & collegerit, quo casu nullas expensas fecisse videri poterat, ex regula de qua suprâ, & nominis etymo; adhuc tamen laboris proprii æstimationem recipiat, Abb. *in cap. ad nostram, num. 8. in fin. de reb. Eccles. non alienand.* Bald. *in l. si quis sciens, C. de rei vend.* Paul. *in l. dinortio, §. impendia, ff. solut. matr.* ubi retulit Boër. *decis. 44. num. 11.* Etiam si fructus adhuc sint extantes, quo casu fundi pars videri poterat, non fructus, *l. fructus pendentes, ff. de rei vend. l. Iulianus, §. si fructib. ff. de action. empt. l. qui fundum, §. cum fundum, l. cum manusata, ff. de contrah. empt. l. 11. tit. 15. part. 5.* ubi uterque Interpres, Angel. *in l. fructus, ff. solut. matr.* quia non dicitur quis fructibus vri, nisi deductis expensis, *l. 1. C. de fructib. & litium exp.* Hoc, inquit Imperator, *fructuum nomine continetur, quod iustis expensis deductis superest.* Tum etiam quia in hoc fundo exculto, cuius pendentes fructus pars sunt, reperitur labor, cura, & diligentia mea, meaque impensa, quem cum accipis excultum pendentibus fructibus, meam operam, & meam industriam accipis, & meam substantiam, cum meo damno. Quod contra naturalem æquitatem est, de qua *in l. si me & Titium, ff. si ceri petat.*

15

In iudicio autem vniuersali etiam si pauciores fructus proueniant, bonæ fidei possessori integri ij sumptus debentur, *l. quod si sumptus, ff. de petiti. hæred. Quod si sumptus quidem fecit*, inquit Ulpianus, *nihil autem percepit fructuum, æquissimum erit rationem horum quoque in bonæ fidei possessoribus haberi.* Speculator *d. §. 1. vers. quid si excedunt*: qui cum Accursio *in d. l. quod si sumptus*, in bonæ fidei possessore vniuersali loquitur.

16

Inde qui expensas facit in colendis fructibus & colligendis & seruandis, causam habet retentionis coherentem ipsi rei; quæ causa retentionem inducit: nam licet regulariter res, quæ pignori non est tradita, non possit pro debito retineri, *l. fin. C. commodati: Pratexin debiti*, inquit Imperator, *restitutio commodati non probabiliter recusatur: l. si non induceta, C. in quibus causis tacite pignus vel hypotheca*; gloss. Bart. Paul. & Ias. *in l. si non sortem, §. si centum, ff. de condit. indebit. l. 5. tit. 8. part. 5.* si tamen reperitur expensum in ipsa re, tunc habet, qui expendit, causam retentionis coherentem ipsi rei, licet res ipsa non sit in pignus tradita, *l. colonus*, iuncta glossa, *vers. propter, ff. de*  
vñ

*vi & vi armat. l. si necessarias, ff. de pignorat. actione. Si necessarias expensas fecerim*, inquit Pomponius, *in seruum vel in fundum, quem pignoris causâ acceperim, non tam in retentionem, sed etiam contrariam pignoratitiam actionem habeo: l. quod dicitur, ff. de impens. in reb. dotatib. fact.* quod ad pistores, sartores, & pictores extendunt Bald. *in d. l. fin.* Angel. *in l. quadam, §. numularios, ff. de edendo*, Salicetus utrobique, Bart. Paul. Iafon, & Alexand. *in d. §. si centum*; vt calceos, tabulas pictas, deuestaque, vulgò *fardelos*, retinere possint. Quod eadem ratio postulat in scriptore, & tabellione, vt acta processus pro non soluta mercede retinere possint, quia ij habent iuxta iuris fundatam rationem causas retinendi coherentes ipsi rei. In hoc nostro Senatu, Aduocatis, Procuratoribus, scribis, & relatoribus prohibita est ista retentio; consultitur tamen sibi datis mandatis de soluendo: quod ego in tabellionibus durum iudico, ex fundata iuris ratione; sustinetur tamen vt facilius causæ expediantur: sed fit plerumque vt hoc quæsito colore scribæ sua mercede defraudentur, idèò attentius aduertendum est, ex qua causa acta petantur, & ita fit quotidie.

Neque solùm ex his, quæ diximus, interpretamur dictam legem *fundus* 17 *qui*; sed ex Pontificia decisione *in cap. vna nos, de decimis*, vbi particulari decisione constitutum est in decima prædiali, debita Ecclesiæ & Parocho, vt in facienda eius computatione non deducantur expensæ, quæ sunt gratiâ fructuum, *cap. pastoralis, cap. non est in potestate, cap. cum homines, de decimis*: glossa *in l. si à patre vel domino, §. fin. ff. de pet. hered. verbo impensis*, vbi Albericus, Bald. & alij: Petrus Rebuffus *de decimis quæst. 11. num. 3.* Aluarus Vaquez *iuris emphyt. quæst. 17. num. 10. ad fin.* Gaspar Bæza *de decima tutori præstanda, cap. 29. in princ.* rationem ipsi non addunt: Frater Dominicus de Soto in suo eleganti tractatu *de instit. & iure, lib. 9. quæst. 4. art. 2.* ante responsa ad argumentum, *ad fin.* rationem eam esse ait, cur non deducantur expensæ feminis, laboris, & operæ in seminandis, seruandis, colendis, & colligendis fructibus, quoniam ita existimandum sit coitam esse societatem inter agricolam, & Deum Optimum Maximum, vt ille semen, laborem, operam, & diligentiam ponat, confususque Dei largitari & beneficio, terræ mandat operam suam, & impensam, periculo expositus, ne nihil suscipiat; Deus autem immortalis cumulatò beneficio frugem conferat: nihil mirum igitur si pro suo periculo agricola nouem partes retinens, Deo largitori partem vnā integram relinquat, qui iura societatis remittens, beneficus esse & videri cupit. Et cum soleat de hominibus in omni vitæ ratione optimè mereri, in hoc plurimum sibi debere hominem, non obscuro testimonio proficitur, cum quo non leoninam, vt adsolent homines, sed diuinam quandam societatem coierit, plenam beneficio, & largitate, vt decet Deum Optimum Maximum. Cum ergo iure societatis quatuor sibi debitas partes remittat, æquum fuit vt ex illa vna, quam sibi retinuit, in recognitionem beneficij præstiti nullæ expensæ deducerentur. Sotus nihil ad hoc allegat; eam autem rationem agnouit Concilium Triburiense sub Arnolfo Imperatore, anno à salute Christiana dcccxcv. *capite 13. de decimis. Decima*, inquit, *ex debito requiruntur: quod si diceret Deus, meus es, ô homo, mea est terra quam colis, mea semina quæ spargis, mea animalia quæ faci-*



gas, meus est solis ardor; & cum omnia mea sint, tu qui minùs accommodas, solam decimam merebaris; sed seruo tibi nouem, da mihi decimam: si non dederis decimam, auferam nouem: si dederis mihi decimam, multiplicabo nouem. Si ergo quarat aliquis cur decima dentur, sciat quod ideo danda sunt, ut hac deuotione Deus placatus, largiùs præstet quæ necessaria sunt. Hactenus Concilium, quod est addendum his quæ tradit Sotus vbi suprâ.

- 18 Ex quo genere largitatis illud descendit, quod tradit idem Soro in responsione ad quartum argumentum, vbi suprâ, quod cum Deus Optimus Maximus erga nos liberalitatem exerceat, quia relictis societatis humanæ legibus, è decem partibus vnâ retineat sibi Deo domino, & largitori, cum posset iure optimo omnium dominus omnia habere, æquum est vt hæc decima Deo largitori debita nulli subdatur tributo, nulli collectæ, nulli mercedi, nulli pensionationi: omnia hæc post decimam soluenda sunt. Quod Sotus colligit ex D. Thoma, quem refert, 2. 2. *quæst.* 87. Constitutum tamen fuit in Concilio Lateranensi sub Innocentio III. *cap.* 54. *de decimis*, & est in *cap. cùm non sit in homine, de decimis*, quod siue agatur ager vectigalis, siue emphyteuticarius, siue censuarius sit, ante mercedem, pensionem, vectigal, & censum decima Deo soluenda est, ante tributum & collectam, de quibus dicemus inferiùs *cap.* 11. à *num.* 45. & est interpretatio ad dictam legem *fundus qui*, quam interpretamur, vt in decimis non habeat locum, quæ Deo dantur: ex qua ratione,
- 19 an habeat locum in decimis, quæ Nobilibus præstantur in hoc Regno iure præscripto, tu cogita: de his inferiùs *cap.* 9. à *num.* 90. Postquam autem semel fructus sunt decimati, decimari ampliùs non debent. Sotus vbi suprâ.

- 20 Hinc nonnullis placuit id quoque esse recipiendum in fisco, vt si pars quota debeatur fisco, priùs soluatur quàm expensa deducatur, quod est notabile pro tertiis, quæ Regibus Hispaniæ soluntur: authores huius opinionis sunt, inter nostros, Auendañus *part.* 2. *cap.* 14. *num.* 15. *de exeq. mand.* inter Gallos, Tiraq. *lib.* 1. *retract.* §. 15. *gloss.* 1. *num.* 12. inter Italos, Afflictis *decis.* 252. post Bald. Angel. Immol. Cuman. Roman. Alex. Arerin. Socin. Iasonem in *l. fructus, ff. solut. matr.* & quos refert: inter Lusitanos Aluarus Vazquez *quæst.* 17. *num.* 20. & inter nostros, Gaspar Baëza vbi suprâ, *cap.* 29. *num.* 1. Rationem eam esse aiunt, quod fauor decimarum, scilicet pius, extendendus sit ad fauorem publicum; quæ ratio diluitur ex ea, quam adduximus ex Concilio Triburiensi, quæ in fisco habere locum non potest, odiofo, & cui iura inimica sunt, *l. vna, §. fin. Cod. de caducis tollendis*: ideo nos ab hac recepta sententia decedimus, & apertius inferiùs *cap.* 11. *num.* 60. Habebit ergo locum dicta lex *fundus qui*, in tributario prædio, contra communem hanc sententiam, ex diuersa ratione, quæ in fisco, & in Deo reperitur: præstat hic, accipit ille: vnde immeritò Gaspar Baëza vbi suprâ, cum agnosceret eam sententiam, scilicet non rectè argumentari à decimis ad tributa, quia non subsit eadem ratio, quoniam alterum sit fauore plenissimum, alterum verò nimis odiofum; cumque id fundarit *num.* 2. 3. & 4. cumque ex hoc principio derivarit illam conclusionem, scilicet decimam fructuum tutori debitam (de qua nos agimus infrâ, *capit.* 20. *num.* 11. & 13.) ita demùm deberi, deductis priùs his expensis fructuum, ex multis, sed maxime ex regula dictæ legis *fundus qui*, & aliis; tandem à *num.* 7. tenet contra-



rium, & mouetur leuissimis argumentis, quæ non debuerunt hominem foro asuetum, scholarum delictis egressum, in eam sententiam adducere: idque ut teneat, mouetur triplici argumento, cui facilis est responsio.

Addruit primum, in partiario colono (& hæc est alia declaratio ad dictam legem *fundus qui*,) receptum esse ut diuisio fiat fructuum non deductis expensis fructuum; quæ quidem sententia, cum fatear eam communem & receptam esse, non diffiteor esse falsissimam, cum neque ius, neque legem habeat, ratioque aliud postulet. Authores huius opinionis ipse refert Bald. & Ifern. in l. 1. C. de fructibus & litium exp. Bald. in l. 1. C. pro socio, q. 7. Barr. Bald. post Alber. in l. fructibus, ff. solut. marr. Afflict. d. decis. 252. Bertrand. consil. 255. lib. 1. num. 4. Innoc. Hostiens. Abb. & reliquos in d. c. tua nos, Franciscum Marcum decis. 888. & 890. num. 12. & seq. hanc opinionem dixit receptam Aluar. Vazquez quest. 30. ubi supra num. 9. modò ita argumentaretur Baëza: cum in partiario colono istud receptum sit, meritò recipiendum est in tutore, cum subsit eadem ratio iuris constituti; hoc verò argumentum deductum à partiario colono præsupponit veritatem receptæ sententiæ in partiario colono, quæ tamen falsissima est; nam primum est contra expressa iuris principia, quæ adduximus ex d. l. fundus qui, & quæ tradimus infra cap. 14. num. 23. tum etiam quia receptæ sententiæ Authores, non omnes eam probant, etiam si Authores eiusdem referant; aliqui sine iure esse non diffitentur, plerique ad consuetudinem referunt, quæ virum de iure sollicitum nulla in re recreat. Vide Barr. & Ias. in d. l. fructus, & Franciscum Marcum d. decis. 888. & 890. & Aluar Vazquez, qui ab ea decedit, & meritò, ubi supra. Quia quæ iura sunt de decimis, non possunt applicari colono partiario, & domino, ex ratione Dominici de Soto. Deus Author naturæ fruges dat, fructus efficit, procreat, & conseruat; dominus non item: quare in colono quoque partiario recipienda est regula dicta legis *fundus qui*, ff. famil. ercisc. iuxta quam interpretamur idem in tutore, idque repetimus d. c. 14. num. 23.

Secundò argumentatur Baëzius, idque num. 8. & id argumentum secundum reincident in primum; quia licet verum sit (inquit ille) quod fructus dicuntur deductis expensis, illud ait ille verum esse quando non debetur quota pars fructuum, vtputà dimidia, decima, quarta: allegat cap. tua nos, & cap. pastoralis, supra adducta, & ita existimat nullam esse iuris rationem particularem in decimis; quasi illud recipiendum sit vniuersè vbicunq; fructus debeantur per quotam: quod notant Hostiens. & Abb. ibi. Illa autem Doctorum traditio falsa est extra casum decimarum; in decimis verò recipitur propter largitatem Dei Optimi Maximi, quam adduximus ex cap. tua, & cap. pastoralis: vnde non potest deduci argumentum extra decimas Deo debitas; itaque hoc secundum argumentum est idem cum primo.

Tertium argumentum, quo mouetur, est deductum ex vsu loquendi: quoniam (inquit) agricolæ, omnesque ita soliti sumus loqui, vt cum dicimus ex vinea nostra tot vinarum corbes deductos, intelligam nullis deductis expensis; vnde existimat verba legis Hispanæ in l. 2. tit. 7. lib. 3. fori leg. & l. Si el padre, titulo de los herederos, lib. 4. legum Gothorum, ibi: Mantengales de los frutos, y rone para si el diezmo; ita intelligenda esse, nullis deductis expensis fructuum: idque

ex quadam æquitatis congruentia (vñ ipse ait.) Ego primùm nullam hñc video æquitatis congruentiam, & quotidie fugio istas æquitates non scriptas, infrà *hoc cap. num. 28.* tum video scriptum ius, quod constituit istas expensas omnino deducendas: tum rem ipsam plenissimam iniquitate censerem erga pupillum, si expensæ sibi computentur in ratione tutelæ, & decima fructuum sine expensis solvatur: tum Bart. & Ias. in *d. l. fructus, ff. solut. matrim.* sine iure esse aiunt, quod de partiario colono receptum est: ego addo esse contra expressa iura dictæ legis *fundus qui*: quod verò attinet ad vsum loquendi, non solum vulgus ita loqui consuevit, sed & Iurisperiti eam locutionem agnoscunt; quidquid enim à terra percipitur, si renascatur, fructus vocant, *l. diuortio, §. si vir*, secundum communem & receptam allegationem, *ff. solut. matrim.* Cæterum in vera ratione iuris, si sumptus intercedat ratio, id solum nomine fructus intelligit ius, quod superest deductis expensis factis propter fructus, *dict. leg. si à patre vel domino, §. fin. d. l. fructus, d. l. fundus qui, d. l. i.* quarum regula recipit declarationem ex dicto *§. si oliuam*, secundò ex *d. cap. tua nos, & cap. pastoralis, & cap. non est in potestate, & cap. cum homines*; in cæteris autem, scilicet fisco, colono partiario, & tutore viget regula *dictæ legis fundus qui*; hæc autem pertineant ad expensas, quæ sunt gratiâ fructuum: nunc reliquas aggrediemur necessarias, vtilis, & voluptatis in bonæ & malæ fidei possessore; reliqua generalia attingentes, quæ pertinent ad expensas, antequam ad particulares rerum possessores deueniamus, in quibus propter naturam contractus sæpe decedimus à regulis vniuersalibus: postremò de computatione ipsarum cum fructibus, & de æstimatione, & probatione cum nonnulla dixerimus, noster labor finietur: quem propter me ipsum, & mei similes suscepi, non propter Doctores, qui omnia hæc abundè callent & sciunt.

24 Quod verò pertinet ad reliquas impensas in bonæ fidei possessore longè alia consideratio est quàm in malæ fidei possessore: namque necessarias expensas, quas iam superius exposuimus quæ sint, bonæ fidei possessor semper deducit, *l. Paulus, in fin. ff. de doli exceptione, l. si in area, ff. de condict. indebit. l. adeo, §. ceriè, ff. de acq. rer. dom.* Idque non solum excipiendo de dolo, & retinendo, quod Iurisperiti omnes existimant, *d. l. si in area*, ibi: *Nullò alio modo quàm per retentionem impensas seruari posse*; de qua lege nos sæpe acturi sumus, & agimus latè infrà *cap. 7.* per plures numeros, & *d. l. Paulus, d. §. ceriè*, ibi: *Per exceptionem doli mali repelli.* Et ibi: *Opposta doli mali exceptione*; sed noviore iure Codicis, actione quoque & petitione, *l. domum, C. de rei vendic.* ibi: *Nullam habere repetitionem nisi necessarios sumptus fecerim*; quod ius in hoc nouum est, & iura omnia illa antiqua inducta noua actione extendit, vt hic possessor propter necessarias expensas excipiat, retineat, & agar, petatque: nobis Hispanis est lex 44. *titul. 28. part. 3.* quæ exceptionem & retentionem potius quàm actionem præstare videri poterit attentius intuenti, ibi: *Que aquel que las despensas fiziere que sean menester, que las puede y deve cobrar.* Et ibi: *E mager el señor de la cosa, o de la heredad lo venciesse en juyzio, non gela deve ante enregar*: de qua conclusione nulla disceptatio, nec dubitatio Doctorum est; & sunt iura expressa, idèò referre scriptores nolumus; quod nobis erit obseruan



obseruandum in his sententiis , quæ iuribus comprobantur , nullumque habent contradictorem.

Sequens conclusio sit : Bonæ fidei possessor vtiles expensas deducit tribus casibus, obseruata Doctorum explicatione. Primus si dominus aliàs erat facturus huiusmodi vtiles expensas : secundus, si illicò erat rem ipsam vtiliter melioratam venditurus , ne commodum cum aliena iactura reporter, & ex aliena substantia sine causa ditescat : tertius casus, si sit diues , & habeat vnde has vtiles expensas soluere possit. Hos tres casus aiunt quidam Celsum veterem Iurisconsultum posuisse in *l. in fundo*, ff. de rei vendic. ibi : *Finge dominum eadem facturum fuisse , reddet impensas*. Et ibi : *Finge pauperem , cui si reddere id cogatur , laribus sepulchrisque auitis carendum sit , si siccit tibi permitti tollere*. Et ibi : *Eam esse personam domini , qua receptum fundum mox venditura sit*. Hactenus Celsus , & iuxta hanc interpretationem hanc trimembrem distinctionem deducunt ex dict. *l. in fundo*, Bartol. Bald. & alij , quos huius distinctionis aucthores refert & sequitur Anton. Gomez in *l. 46. Tauri*, num. 2. versicul. si verò, qui allegat legem 40. titul. 28. part. 3. Ista autem particio non est sine difficultate, tum ex ipsa lege nostra Hispana, cui plurimum concedendum est , quia nobis facit ius , non verò Celsi responsum in dict. *l. in fundo*, etiamsi ipsum intelligamus iuxta Antonij Gomez interpretationem in illis tribus dumtaxat casibus , & in triplici illa specie, quam Iurisconsultus Celsus tractauit. Præterea augetur difficultas ex *l. 44. eod. tit. & partic.* quæ , vt ad oculum patet , nihil requirunt in domino eorum quæ animaduertit Antonius Gomez in *d. l. in fundo*, & quos ipse refert & sequitur : tum etiam , quia iure communi regula videtur firmanda in contrarium , vt scilicet semper vtiles boni fidei possessori deducendæ esse videantur , idque tradendum sit regulariter, nisi æquitas aliud suadeat , ex dict. *l. in fundo*, quæ bene probat hanc regulam : exempla autem illa tria neque ampliant aut extendunt , neque constringunt regulam , & magis suadent deducendas esse expensas vtiles , quàm non deducendas. Apertior ad hoc decisio in *l. planè*, & in *l. vtiles*, ff. de petitione hereditatis ; vbi indistinctè doli exceptione opposita, vtiles expensæ deducuntur : quoniam autem poterant aliquando etiam ab hoc bonæ fidei possessore non deduci , æquitate suadente , vt erat secundo casu legis in *fundo*, retento , scilicet si dominus qui soluturus esset expensas , pauper sit , & res meliorata auita , quæ carendum omnino sit , nisi soluat dominus pauper expensas , qui vnde soluat nihil habet, nec decet carere re auita, ac subinde sepulchris & laribus auitis , iuxta textum in *l. que tutores*, ff. de administrat. tutorum , & in *l. si in emptione*, ff. de minoribus ; adde in hac specie proposita, vbi difficultas solutionis est ex parte domini, ad recuperandam rem auitam , vtiles illas expensas abradi non posse à bonæ fidei possessore sine rei interitu. Quo quidem casu apertè æquitas videbatur suadere , ne deducerentur expensæ illæ à bonæ fidei possessore , immò videbatur dicendum omnino tradendam rem cum expensis domino pauperi , quia soluere expensas non potest , ne re auita careat ; neque abrasionem concedendam esse bonæ fidei possessori , quoniam constituimus , abrasionem sine læsione rei contingere non posse ; itaque inopia , auitus fauor , difficultas abraddendi videbantur adimere vtilium expensarum deductionem. Æquitasque id videbatur

videbatur postulare, ne deducerentur, quæ scripta est in *l. vtilium*, ff. de impens. in reb. dotalib. factis. *Vtilium* (inquit Paulus) nomine ita faciendam esse deductionem quidam aiunt, si voluntate mulieris facta sunt: iniquum enim esse compelli mulierem rem vendere, ut impensas in eam factas soluat, si aliunde solvere non potest, quod summam habet æquitatis rationem. Quid autem in hac specie soleat pronunciare Senatus noster, dicemus cap. 6. num. 11. Sat sit ergo monstrasse, posse id fieri, ut bonæ fidei possessor vtilis impensas iure quidem debitas deducere & conseruare non possit. Itaque procliuus multò est in hac vtilium expensarum deducendarum tractatione regulam affirmatiuam firmare, ut regulariter deducantur, quàm negatiuam: at verò quoniam, ut dicebamus, ex rebus causisque æquitas, aut iniquitas insurgere potest, si aliquando deducantur, vel non deducantur; idèd Celsus consultissimè in *d. l. in fundo*, ex personis causisque bono viro constituendum reliquit: idem fecit Paulus, qui eiusdem temporis fuerunt Iureconsulti Papiniani auditores, in *d. l. vtilium*: idem Pomponius Celsus, & Paulo æqualis Papiniani quoque auditor, in *l. nisi venalem*, ff. de rei vend. exempla autem illa tria à Celso adducta, addita sunt, ut rem magis exponeret exemplis, quibus res, de quibus sermo est, sunt clariores, quàm ut ad illa tria exempla vniuersas regulas vtilium expensarum reduceret.

26 Paulus enim in *d. l. planè*, omninò & indistinctè censet conseruandas esse vtilis expensas bonæ fidei possessori: idem nobis nostra lege Hispana decisum est, ex quibus regula sumenda est. Verba nostræ legis hæc sunt: *Otrofi dezimos, que si el fizo despenfas que fuesßen prouechosas, si las fizo en buena fe, que las deue cobrar, maguer no fuesßen menester.*

27 Neque nostrum ius submouet boni viri illud arbitrium, de quo in *d. l. in fundo*, & in *d. l. vtilium*, quoniam arbitrium illud proficiscitur ex æquitate scripta, quam non ius ciuile, sed naturalis ratio induxit, quo cuique suum reddendum est: naturalia autem iura nullibi exclusa reperiuntur, sed perpetua & vniuersa sunt, legèque ciuili comprobata, quæ etiamsi iuris ciuilis instituta meritò dicantur, & rectè nominentur, non idèd minùs æqua & iusta videri possunt, ex ipsius naturæ ductu.

Quamvis enim iure Cæsarum, aut Hispano scripta sit illa æquitas, qua cuique suum reddendum esse arbitramur; quia tamen illa iura nihil aliud effecerunt, quàm naturali huic iuri vim quoque, & potestatem ciuilem addere, quacitès in rebus gerendis arctiùs vincirentur; meritò leges illas, quæ naturalem æquitatem continent, naturalis iuris instituta esse censemus. Ideoque ex hac naturali æquitate temperari ciuiles omnes leges constat, quod non est admitendum in aliis legibus, quæ merè ciuiles dispositiones continent. Immo leges ciuiles Hispanæ ad literam accipiendæ sunt, neque licet ab eis decedere vilo quæsito colore, nec vlla fictitia æquitate. Admisso tamen arbitrio Celsi in *d. l. in fundo*, ad illa tria genera, aut exempla, vniuersa vtilium expensarum tractatio non est restringenda, quia iniquitas subest si restringas. Finge enim me in fundo qui petitur & euincitur, domum vtiliter erexisse, qualem vicinus in vicino fundo habet: an dices quia dominus omnino non fuisset factururus, neque venditurus, non conseruari mihi has expensas vtiliter factas? quin si dominus pauper sit, cur meas expensas quas donare, legare, & vendere possum,



sum, quia iure proprio possideo, ut infra dicemus, *cap. 9. num. 20.* non vendam, ut substantiam conservem meam, postquam dominus pauper est? Certè quamvis nullus ex illis tribus casibus occurrat, si alius sit, idem quoque decidendum est, ita ut viles expensæ deducantur omnino, possint tamen non deduci suadente æquitate, *ex d. l. planè, & d. l. 40.* quæ deducendas omnino constituit. Admitteret ergo dicta lex 40. boni viri arbitrium, de quo Celsus *in d. l. in fundo*; & ita quotidie animaduerto nostrum Senatum censere, cum arbitrium illud Celsi habeat naturalem æquitatem scriptam, quæ in tractandis causis præcipuum semper locum obtinet.

Advertimus tamen non esse hanc æquitatem in omni genere causarum arripiendam, neque subvertendas esse leges, nec Reipublicæ instituta conculcanda temerè sub specie æquitatis: nam quæ æquitas sine iure, sine lege, quæ scripta non est, sed captiosè arrepta, pestilentissimum virus est, & viro de re & vita civium agenti dira lues. Bart. Bald. & reliqui *in l. 1. C. de Regibus, l. placuit, C. de iudiciis*. Abb. *in cap. fin. de transact.* nisi enim ab hac cauerint cordati iudices, nil erit vel certum, vel perpetuum in iure, quibuslibet causarum statum ad imaginariam & temerariam æquitatem (aut ut rectius dicam) iniquitatem detorquentibus. Quam iudicum iniuriam ut effugerent Allobroges, vulgò Delphinates, vel Sabaudienfes Regno Galliæ addicti à Rege Francisco, postularunt per legatos certis de rebus ad ipsum missos, inter cætera, ne iudicibus & Senatui, quos apud ipsos creauerat Franciscus, liceret ex æquo & bono iudicare: innuètes scilicet non obscure, cupere se, & postulare, ne cui iudici fas sit, æquitatis specie vim, autoritatèque iuris, & legum constitutarum temerè euertere: videbant in his quæstionibus de æquo & bono perniciosos contingere errores sub autoritate iuris scientiæ, ex Paulo *in l. si servum, §. sequitur, ff. de verbor.* Allobrogum petitio primùm barbara visa, attentius verò perspecta, opportunissima & prudens visa est. Refert. Franciscus Connanus *comment. iuris civilis lib. 1. cap. 11. num. 7.* ubi latissimè & elegantissimè de æquitate, & quatenus sit accipienda. Cicero *pro Aulo Cecinna*, cum in hanc incideret quæstionem, quæ iam illis temporibus foro irrepererat, & bonam fori partem contaminarat: Ita contra imaginariam, inquit, æquitatem, dum autoritatem iuris scripti tuetur & defendit. Atque illud (inquit) *in tota defensione tua mihi maxime mirum videbatur, te dicere Iurisperitorum autoritati obtemperari non oportere: quod ego, tamen si non nunc primum, nec in hac causa solum audio, tamen admodum mirabar abs te quamobrem diceretur; nam ceteri tum ad istam hortationem decurrunt, cum se in causa putant habere æquum & bonum quod defendant; si contra, verbis & literis, & ut dici solet, summo iure contenditur, solent eiusmodi iniquitati & æqui & boni nomen dignitatemque opponere. Tum illud quod dicitur, si veniat, irrident: tum auci-* 29  
*pia verborum, & literarum tendicula, invidia vocant. Tum vociferantur, ex æquo & bono, non ex callido, versutoque iure rem iudicari oportet: scriptum sequi, calumniatoris esse; bonique iudicis, voluntatem scriptoris, auctoritatèque defendere.* Hec Cicero, qui cum aduersarium his veluti aculeis pungat, contententè deferendum esse ius scriptum propter æquitatem; ita paulò post autoritatè iuris scripti defendit. Nam (inquit) *qui ius civile contemnendum putat, is vincula reuellit non modò iudiciorum, sed etiam utilitatis vitæque communis: qui autem Interpretes iuris vitu-* C  
*perat,*

perat, si imperitos iuris esse dicit, de hominibus, non de iure civili detrahbat; si peritis non putat esse obtemperandum, non homines lædit, sed leges ac iura labefactat; quod vobis venire in mentem profecto necesse est, nihil esse in ciuitate tam diligenter quàm ius ciuile retinendum; & cùm hoc sublato nihil est quare exploratum cuiquam possit esse quid suum, quid alienum sit; nihil est quod æquabile inter omnes, atque vnum omnibus esse possit. Hæc Cicero. Vide quàm periculosum sit, quamque plenum iniuriâ semper fuerit, propter imaginariam quandam æquitatem, quæ nullibi scripta sit, authoritatem iuris scripti conculcare, læsis legibus, violato iure, perturbato iudiciorum ordine, & miserrimi ciuis, qui iustitiam sibi expectabat, ablatis bonis, vtilitate reiecta, honoreque neglecto. Vigeat ergo ius, abeat æquitas non scripta, naturalis autem æquitas scripta omnia moderetur instituta ciuitatis. Omnes temperet ex iure scripto leges. Hactenus de lege in fundo, & lege vilium, & de æquitate quatenus sit recipienda.

- 30 Cùm autem de vtilibus impensis agamus, illud solet quæri, vt impensa vtilis dicatur, an vtilitas ex domino, an ex possessore expendenda sit? In qua quæstione non aliunde vtilitas expectanda est, quàm ex persona domini, non verò ex persona possessoris; sæpè enim ditiores pauperum breuiores ædes conductas, lateritiis pauimentis, & tubulis sumariis eductis totam decennij mercedem consumunt; at tunc quidem domini nihil sibi vtile recipiunt, quia nihil istis rebus indigebant: magis ergo est vt perspecta qualitate domini hæc ipsa inutilia esse censeamus, etiamsi vtilia possessori sunt, *leg. Titius, ff. de actionibus empt. & vendit. ibi: Iniquum videtur in magnam quantitatem obligari venditorem: leg. si seruos, ff. de pign. actione, ibi: Sicut enim negligere creditorem dolus & culpa quam præstat non patitur, ita neque talem efficere rem pignoratam, vt gratis sit debitori ad recipiendum. Putà saluum grandem pignori datum ab homine, qui vix luare potest, nedum excolere, tu acceptum pignori excoluisti, sic vt magni pretij faceres: alioquin non est æquum, & quærere me alios creditores, aut cogi distrahere, quod velim receptum, aut penuriâ coactum derelinquere tibi. l. sed an ultro, §. 1. de negotiis gest. ibi: Quid enim si eam insulam fulsit, quam dominus quasi impar sumptui dereliquit, vel quam sibi necessariam non putauit? Onerauit (inquit) dominum, secundum Labeonis sententiam. Et hæc sunt optima iura. Cùm itaque constituerimus regulam, vt viles impensæ deducantur bonæ fidei possessori, illud ita accipiendum est, si vtilitas dominum respiciat, ne oneretur à possessore excogitatis impensis, multiplicatis sumptibus, quibus impar dominus rem suam derelinquere cogatur. Vtilissimum possessori meliorationes has viles inchoanti consensum domini requirere, aut iudicis cum cognitione causæ, ne videatur consultò dominum onerasse expensis: quòd si domino fuerint viles, tunc nec ipsius, neque iudicis. requiro consensum, quod ex causis personisque iudex animaduertat, infra: cap. 12. num. 52.*

- 32 Tertia regula est de expensis, quæ fiunt voluptatis causâ, vt has expensas bonæ fidei possessor non deducat, abradat autem sine læsione prioris status. *l. viles, ff. de petition. heredit. l. in fundo, ff. de rei vendic. ibi: Neque enim malitius indulgendum est, si rectorum, puta quod induxeris, picturasque corradas*



*velis, nihil laturus, nisi ut officias. l. 44. titulo 28. partit. 3. ibi: Ocrofi, dezimos que si aquellos que son rehedores de casas, o de heredamientos agenos, fazen des-  
pensas en ellas que non son muy provechosas, mas son postura de la casa, o de la  
heredad, assi como las pinturas que fazen en ellas, o los canos que fazen por que  
nazca ay agua, o las otras cosas semejantes destas que fazen, ay como por aver deley-  
te ponellas, mas que por si ovo buena fe en teniendo aquello en que las fixo cuydan-  
do que era suyo, que entonces puede tomar loque oviero fecho y llevarlo: quod iure  
nostro verissimum est, bonæ fidei possessorem abraderere solum istas expensas  
sine læsione rei: iure autem communi verius est, deduci posse exceptione de  
dolo, item & abradi, dict. l. viles.*

Neque existimes indistinctè, & omnino esse concessam abrasionem; abra-  
dere enim volenti, si dominus paratus sit tantum solvere, quantum abraden-  
do possessor habiturus sit, cessat abrasio, *ex dict. l. in fundo*, Bartol. & aliis,  
& Bald. *in l. sed & si quid, ff. de usufructu*: quod quidem habet locum, etiamsi  
appositum sit pactum, ut omnino abraderere liceat, nihil obstante pacto, of-  
ferente domino, cessat abrasio. Bald. per dictam legem *in fundo*, ibi: *Censuimus*  
*verò, ut si paratus sit dominus tantum dare, quantum habiturus esset possessor his*  
*rebus ablatis, fiat ei potestas; neque enim malitiis indulgendum est.* Sequitur Ias.  
*in l. 1. Cod. de iure emphyteutico, numero 31.*

Hæc autem abrasio impeditur in fundo rustico & urbano, offerente  
domino meliorationis æstimationem, *ex d. l. in fundo* cuius ratio, hoc est, ut  
obuiam eatur malitiis, militat in vtroque fundo, offerente domino, & aperte  
loquitur in vtroque, ibi: *Si edificasti, vel consenuisti.* Deformitas autem urbis  
aliis iuribus est prohibita, *l. 2. Cod. de edificiis priuatis*: & ita tenendum est  
contra Molinæum in consuetudinibus Parisiensibus, tit. 1. part. 1. gloss. 5. num. 71.  
& Ifern. *in l. 1. Cod. de iure emphyt. num. 30.* prohibitam fuisse abrasionem in  
vtroque fundo propter malitiam, non propter deformitatem, quæ non est in  
prædio rustico.

## CAPUT II.

### *De mala fidei possessore necessario expendente.*

#### Notabilia ex capite secundo.

- 1 *Mala fidei possessor necessario impendens deducit expensas, & reperit, neq;  
abrasione indiget.*
- 2 *Abrasio sola mala fidei possessori in vitilibus & voluptariis expensis con-  
cessa est.*
- 3 *Exceptio de dolo nunquam mala fidei possessori, bona autem fidei semper  
conceditur.*
- 4 *Declaratur lex planè, ff. de petitione hæreditatis.*
- 5 *Desiderare est petere, & desiderium petitio est in iure.*

- 6 *Prohibitum exceptionem opponere, non prohibetur officium iudicis implorare.*
- 7 *Ratio quare pinguius succurratur malæ fidei possessori in necessariis quàm in utilibus & voluptatis expensis, & quid nostro iure Hispano.*
- 8 *Agitur de lege 1. C. de infantibus expositis.*
- 9 *Impensa alimentorum t. in necessaria dicitur quàm reparatio domus.*
- 10 *Abrasto singularem & particularem rationem habet in utilibus & voluptatis expensis, non in necessariis: & abradit etiam qui necessario expendit.*
- 11 *Fur conditione furtiva tenetur ad æstimationem, qua res unquam plurimè fuit.*
- 12 *Utilitas conditionis furtivæ tum demùm locum habet, quando res non extat qua sublata est.*
- 13 *Vegetatio infantis non ex alimentis solum procedit, sed ex facultate naturæ: & de declaratione domini Francisci Sarmiento ad dictam legem 1.*
- 14 *Vegetatio infantis opus naturæ.*
- 15 *Natura instar patrisfamilias est, qui alimenta aliis præstat.*
- 16 *Alimentum alit, nutrit, vegetat, & vegetatum conservat.*
- 17 *In hac materia expensarum longè alia ratio est furis, & malæ fidei possessoris: & de nomine, fur, quomodo in iure accipiat.*
- 18 *Qui infantem expositum nutrit, instar eius qui de nouo ex suo in alieno adificat, alimenta donasse videtur.*



**I**N malæ fidei possessore longè aliter disputandum est; sunt enim iura plura, quæ iam viris doctissimis visa sunt sine pace pugnare; ea tamen omnia distribuenda sunt in partes, ut clariùs elucescant, omnia enim simul confusè admodum tractabuntur. Itaque in malæ fidei possessore quod attinet ad expensas necessarias, regula indubitata est ex l. domum, C. de rei vend. ibi: *Malæ fidei, inquit Imperator, possessores eius quod in rem alienam impendunt, non eorum negotium gerentes, quorum res est, nullam habent repetitionem nisi necessarios sumptus fecerint: sin autem viles, licentia eis permittitur sine læsione prioris status eos auferre.* Et est expressa iuris decisio, ex quo abrasione non indiget malæ fidei possessor ad necessarias expensas recuperandas; quin immò semel traditas has meliorationes necessarias repetere potest, quod pertinet ad legem si in area, ff. de conditione indebiti, de qua infra multa. Facit ad nostram conclusionem lex planè, ff. de petis. hered. ubi viles & necessariae impensæ coniunguntur; sed longè alia harum & illarum constituitur ratio. Planè in ceteris necessariis, inquit Paulus, & utilibus expensis possunt separari: ut bonæ fidei quidem possessores has quoque imputent, prædo autem de se queri debeat, qui sciens in rem alienam impendit. Sed benignius est in huius quoque persona haberi rationem impensarum: non enim debet petitor ex aliena iactura lucrum facere, & id ipsum officio iudicis continebitur: nam nec exceptio doli desideratur. Hæc Paulus, ex quo responso iuncta dicta lege domum, ad necessarias & viles impensas recuperandas, malæ fidei possessor, de quo nobis sermo est, officium habet iudicis; hoc autem officium iudicis in eo versabitur, ut scilicet in necessariis malæ fidei possessori succurrat vberius, quàm in utilibus: in illis non solum abrasionem concedet, sed permittet petitionem



tionem , repetitionem & retentionem , ex vberissima dispositione dictæ legis domum. At verò in his beneficium præstabit abrasionis & separationis sine læsione , hoc est officium iudicis , ex dicta lege domum. Et licet de hac quæstione , quando abrasio competat , vel exceptio de dolo , vel vindicatio ad conseruandas & recuperandas expensas factas , inferiùs multa dicimus ; tamen hîc distinguendum est breuiter inter abrasionem , quæ velut sacra anchora , vnicum & postremum remedium est malæ fidei possessori circa vtiles , & voluptatis expensas , dict. l. domum , ibi : *Sin autem vtiles. l. idemque , §. idem labeo , versic. idemque ait , ff. mandati* , ibi : *Permittendum est ei auferre quod sine damno domini fiat. l. vtiles , ff. de petitione hereditatis* : ibi : *Vt tamen potestas ei fiat tollendorum eorum qua sine detrimento rei tolli possunt* : & circa repetitionem , quæ in necessariis expensis malæ fidei possessori conceditur. Itaque licèt Iureconsultus indistinctè officio iudicis possessori , in vtilibus & necessariis expensis , qui malam fidem habeat , succurri posse fateatur ; officium tamen hoc hodie post dictam legem domum , in vtrisque variè præstabitur ; in necessariis pinguiùs , in vtilibus parciùs : qui necessarias expensas fecerit , quamuis malæ fidei possessor , retinebit , repetet , abradet ; qui verò vtiles duntaxat , officio iudicis iuuabitur , vt separatione sibi consulat , quia in vtilibus hoc solùm repertum est remedium , quo sibi malæ fidei possessor consulat , scilicet abrasione , & separatione sine læsione prioris status , ex suprà adductis.

Vterque autem indistinctè exceptionem de dolo non habebit ; namque exceptio de dolo pessimè applicabitur ei qui dolo fecit : exceptio enim de dolo bonæ fidei possessori , qui expensas facit , non malæ fidei competit , l. vtiles , ff. de pet. heredit. ibi : *Videamus tamen ne ad picturarum quoque , & marmorum , & ceterarum voluptariarum rerum impensas aquè proficiat nobis doli exceptio : & utique proficiet si modò bonæ fidei possessores sumus. l. Iulianus 37. ff. de rei vend.* ibi : *Videamus an nihil mihi exceptio proficiat ? nisi fortè quis dicat prodesse de damno sollicito. Puto autem exceptionem huic non prodesse ; nec enim debueram in alienam aream certus adificium ponere. Sed hoc ei concedendum est vt tollat. l. adeo , §. certe , ff. de acquir. rerum domin.* ibi : *Poterit per exceptionem doli mali repelli , utique si nescierit qui edificauerit , alienum esse solum.* Sit igitur regula , vt exceptio de dolo in hac re , quam agimus , negata sit perpetuò malæ fidei possessori ; ex qua declaratio est ad dictam legem planè , vt quoniam exceptio de dolo non competat malæ fidei possessori , qui dolum habuerit , cui dolum & fraudem prodesse iniquum sit , verba Iureconsulti in d. l. planè , ibi : *Nam neque exceptio doli desideratur* ; esse intelligenda necessariò negatiuè , ita vt huic , de quo agimus , malæ fidei possessori in omni genere expensarum vtilium , necessariarum , & voluptatis nunquam succurri possit exceptione de dolo , cùm dolo expenderit ; idque innuunt verba illa , ac si clarius dixisset Paulus , Nec enim exceptio doli petitur , vel intentatur , vel opponitur : idque præterea quod coacta ratione intelligendum est , ex iuris regulâ , quæ dolo exceptionem doli negat , conueniunt ipsa verba ; namque desiderare , postulare est , & desiderium tuum , C. de muneribus postul. leg. professio & desiderium patrimonialibus , lib. 10. l. cùm te transgisse , ibi : *Frustra desideras. l. si diuersa pars* , ibi : *hoc desideras. leg. sanum* , ibi : *improbo desiderio* , C. de transact. leg. ex duobus fratribus ,

bus, ff. de neg. gest. ibi : *Sumptus sibi quasi re meliore facta desiderabat*. Quæ loquendi ratio Latinis vſitatiffima est. Vſur ea Corn. Tacitus in vita Auguſti : *Tiberium*, inquit, *olim nomine Auguſti deſideria milium & legionum fruſtrari ſolium*. Et paulò antè : *Bleſſus multa dicendi arte non per ſeditionem, & turbas deſideria militum ad Caſarem ferenda ait*. Itaque verba illa, *nec enim doli mali exceptio deſideratur*, propriè, & iuridicè interpretanda ſunt negatiuè ; & eſt verus & receptus intellectus à Bartolo, & aliis poſt Accuſum, qui inferunt ex dicta lege *planè*, quod prohibiti exceptionem opponere, non prohibentur officium iudicis implorare ; quod quidem in hoc caſu veriſſimum eſt, non ex hoc iure, etiamſi illud fatendum ſit officio iudicis longè aliud conſequi nos, quàm conſequeremur exceptione ; hac enim æſtimationem expenſarum conſequeremur, illo verò abraſionem duntaxat, idque ſine læſione : quod ſi læſio omninò futura ſit, nihil conſequemur, vt videas quàm parum fidendum ſit his generalibus Doctorem traditionibus, quas nos vulgari verbo *Brocardicas* vocamus, quæ aut nullo iure innituntur, aut ex iure longè & confuſè petuntur. Demus enim concedi ibi officium iudicis, denegari exceptionem, ſed ad diuerſa, & imparia ; cum enim exceptionem de dolo non habeat hic malæ fidei poſſeſſor, benigna tamen interpretatione receptum eſt, vt cùm rem poſſideat, quia poſſeſſor exiſtit, illud ſaltem obtineat, vt per abraſionem ſine læſione poſſit ſibi conſulere, ex diſpoſitione dictæ legis *demum*, & dicti §. *certè*, & *ex dict. leg. Iulianus* ; idque ne dominus in quantum fieri poſſit, diſceſcat cum aliena iactura ; quod fieri quidem poteſt, ſi malæ hic fidei poſſeſſor, cùm adhuc rem poſſideat, ſine læſione rei abradere poſſit ſuas expenſas ; plurimùm enim in hac re prodeſt ad hanc ipſam rem poſſeſſio rei, *ex l. Paulus reſpondit, ff. de exception. doli mali*, ibi : *Non aliàs ſumptus conſequi poſſe, quàm ſi poſſideat*.

7 Quin & illud maximè effecit, vt pinguiùs ſuccurratur in neceſſariis, quàm in vtilibus, & voluptariis, repetitione ſcilicet, non abraſione duntaxat : quia in neceſſariis ineſt periculum ſi non fiant, non item in cæteris : neceſſarias namque expenſas denegans duplici damno punitur ; niſi enim neceſſarias recuperaret, factas amitteret : non factis autem damnum reſarciret, *leg. ei qui, §. final. ff. de petit. hereditat.* ibi : *Iulianus ait, cùm prædia urbana & ruſtica negligentia poſſeſſorum peiores ſunt facta, veluti quia vineæ, pomaria, horti, extra conſuetudinem patriſfamilias deſuncti, culta ſunt, litis æſtimationem earum rerum, quantò peiores facta ſunt, poſſeſſores pati debent*. Tiraquellus de retract. lignagier, in fin. numero 68. & numero 70. facit lex quod ſi nolit, §. *ſi mancipium, verſ. culpam*, ibi : *Et præſtantur omnia quæ præſtarentur ſi viueret*. Et ibi : *Culpam autem accipimus omnem, non vtiq; latam*. Et in l. *cùm autem, §. cùm redhibetur, ff. de adilitio edicto*, vbi gloſſa recepta, de quibus infrà nobis latiffimè agendum eſt, cùm de damnis egerimus. Cùm igitur damna, & deteriorationem reſarciat ex ſuo in neceſſariis expenſis non præſtitis, nimirum ſi alia ratio in his atque in illis reperiatur, vt hæ repetantur, illæ verò abradantur ſolùm ſine læſione prioris ſtatus ; noſtro autem iure Hiſpano tales expenſæ neceſſariò factæ etiam à malæ fidei poſſeſſore repetuntur & conſeruantur indiſtinctè, l. 44. titul. 28. part. 3. ibi : *E en tal caſo como eſte, dezimos, que aquel que las deſpenſas fiziere,*



fiziere, que sean menester de fazerlas, que las deue, è las puede cobrar, demientra que fuere tenedor de la casa, o de la heredad en que las fizo, quier aya buena fe, quier mala en teniendola. Quæ lex repetitionem concedere minimè videtur, semper enim præsupponit, quod possessor qui expendit, rem ipsam melioratam possideat: ibi, *de mientra que fuere tenedor*; & ibi, *en teniendola*; & ibi, *non gela deve ante entregar*. Ex quo pronum est, vt arbitremur nouam decisionem legis domum, C. de rei vendicat. nostro iure non esse receptam, atque aded malæ fidei possessori in necessariis succurri retentione, ibi, *non gela deve ante entregar*: vel abrasione, quæ ex his, quæ diximus, malæ fidei possessori conceditur in vtilibus, ac proinde multò fortius in necessariis. Valet enim argumentum à minori ad maius, *authenticam multò magis*, C. de sacrosanct. Eccles. Vnde nostro iure, si malæ fidei hic possessor rem necessariis expensis traderet reparatam, nostra lege vix repeteret, cum illa possessori quandiu rem possidet, retentionis beneficium ad conseruandas has expensas concedat, re verò tradita nihil constituit.

Hæc autem omnia, quæ diximus de malæ fidei possessore circa necessarias expensas, difficultatem habent ex l. 1. C. de infantibus expositis: vbi in possessore malæ fidei contrarium decisum est expressè, mirèque lex illa pugnat cum dicta lege domum; alimenta enim ibi præstita infanti, quæ necessariae expensæ aptè tribuimus, vt infrà probabimus, non recuperantur à malæ fidei possessore. Immo penitus amittuntur; cùmque decisio illius textus clara & aperta sit, & communis item conclusio deducatur ex textu in l. domum, quæ clara item & aperta est; tota difficultas versabitur in intellectu dictæ legis 1. & in conciliatione istius legis cum dicta lege domum. Concordia autem difficilis visa est viris apprimè doctis, cùm in d. l. 1. malæ fidei possessor expensas necessarias, id est alimenta data infanti non recuperet: verba dictæ legis 1. hæc sunt. *Si inuito, vel ignorante re parius ancilla vel adscriptitia tua expositus sit, repetere eum non prohiberis; sed restitutio eius, si non à fure vendicaueris, ita fiet, vt si qua in alendo eo, vel fortè ad discendum artificium iuste consumpta fuerunt, restituas*. Hæc Imperator. Duas habet hæc lex partes: in priori necessarias impensas, nempe alimenta præstita infanti denegat huic malæ fidei possessori, contra proximè resolutam conclusionem, & pugnat in hac priori parte decisio textus cum dicta lege domum: secunda verò pars, quæ de artificio edocto est, pertinet ad vtilis expensas, de quibus modò nihil agimus. Accursius ibi sensit difficultatem, & dupliciter soluit; neutra tamen solutio re vera difficultatem diluit, namque discrimen, & separationem inter necessarias impensas, quæ fiunt in cæteris rebus, atque in nutriendo infante, si quis cordatè & rectè cogitet, planè nullam inueniet: vterque enim expendit, & quidem necessariò; tamque necessaria impensa alimentorum est ad tuendam vitam, quàm parietis, recti; pauimenti, triclinij, & cubiculi reparatio ad tuendas ædes, quod præterea quod re ipsa patet, probat mihi egregius textus, ibi: *Non autem vtiliter negotia gerit, qui non necessariam rem, vel quæ oneratura est patrifamilias, aggreditur*. Iuxta hoc est quod Iulianus scribit, eum qui insulam fulsit, feruum ægrum curauit, habere negotiorum gestorum actionem. Hæc Vlpianus, qui aptè

apud hæc duo genera expensarum connectit, reparationem insulæ, & serui ægrotantis medicamina, quæ inter alimenta verissimè referuntur, *l. verbo victus, ff. de verbor. significat.* ac ambo eidem iuris dispositioni sine vllò discrimine subiecit, contra Accursium. Secundò soluit Accursius, vt aliud sit constituendum in expensis quæ abradi possunt; aliud in his, quæ abradi non possunt, contra rei interitum, *ex l. si autem, §. sed si puerum meum, ff. de rei vend.* Hoc tamen, vt diximus supra, in expensis vtilibus particularem considerationem habet, non verò in necessariis, in quibus *ex dict. l. domum*, intelligimus repeti posse; at verò *ex l. i. Cod. de infantibus expositis*, contrarium colligimus. De abrasione verò sine læsione nihil modò disputamus; in necessariis enim quæ abradi possint, vel omnino abradi non possint, illud inquirimus, an repeti possint, & conseruentur, quemadmodum ex dicta lege *domum*, ita ex hac lege i. in vtilibus autem & voluptatis expensis illud maximum momentum est, an abradi possint, vel non, quia sola abrasio in vtilibus & voluptatis expensis locum habet præcipuum, & præterea nihil, *dict. leg. domum, dict. §. idem Labeo, dict. leg. vtilis, leg. in fundo, ff. de rei vindicat.* ibi: *Si testoriarum putà induxerit, picturasque corrådere velit.* Ideoque hæc inuestigatio pertinet ad secundam partem dictæ legis i. vbi agitur de artificio edocto, in quo quaeritur, cur saltem expensæ in docendo puero non deducantur? In quo illud respondemus, scilicet quia illa expensæ utilis est, à malæ fidei possessore facta, cui succurritur abrasione; quæ abrasio cum fieri nequeat in disciplina edocta puero sine pueri interitu, meritò talis utilis impensa amittitur, quod proximè dicendum est. Nunc verò contra Accursium sat sit intelligere, distinctionem inter expensas quæ abradi possunt, vel non abradi, perperam applicari posse nostræ quæstioni, in qua dubitamus cur malæ fidei possessor non repetat necessarias expensas præstitas infanti, *ex dict. leg. domum.*

Tertiò soluit glossa, vt quia in casu dictæ legis i. fur puerum furto abstulerit, teneatur quanti res vnquam fuerit, idque propter naturam conditionis furtiue, quæ fur teneatur ad æstimationem rei furto sublata, quantum res vnquam plurimi fuit, *leg. in re furtiua, ff. de condition. furtiua*; vnde pocula pretiosæ cælaturæ, quæ fuerant mihi in argento rudi adhuc subrepta, quæque fur ex argento mihi rudi ablato confecit, & egregiè cælauit, condici mihi quidem possunt; in ea autem furtiua conditione æstimatio quoque cælaturæ continetur, hoc est impensarum quæ fecerit fur, *l. ex argento subrepto, ff. de condition. furtiua, l. si quis uxori, §. si quis mensam, ff. de furt. l. penultima, ff. rerum amotar.* Vbi in actione rerum amotarum æstimatio rei amotæ fit in ea, quæ vnquam plurimi fuit: & ita vxor amouens, sicut fur contrectans, impensas quoque amittit, cum conditione furtiua teneatur ad æstimationem rei, quæ vnquam plurimi fuerit, ex supra adductis: sed neque hic intellectus omninò difficultatem tollit; & quamuis proximè accedat ad veritatem, sua tamen difficultate laborat; namque conditionis furtiue vtilitas in eo consistit, vt non redditæ re furtiua, æstimatio eius fiat, quæ vnquam plurimi fuerit; quod quidem euenire non potest nisi peremptæ re furtiua, & cum è medio sublata est, cum in dicta lege infans ipse vendicetur, & restituatur; vnde cessat inuestigatio illa furtiue conditionis, ac subinde semper rediitua subnascentur dubitatio,



dubitatio, cur in restitutione illa & vendicatione infantis, impensæ necessariorum alimentorum non conferuntur; unde intelligendum est *in dict. l. ex argento*, nec pocula ibi extitisse, postquam de æstimatione conditione agitur: ibidem *in dict. l. penultima*, res amotæ inuentæ nec sunt, nec oblatae, idque patet *ex dict. l. in re fortuna*, ibi: *Et si quidem obtulit fur, sine dubio nulla erit conditio; sin non obtulit, durat conditio æstimationis eius; corpus enim ipsum præstari non posse constat*. Unde meritò nihil consequitur nomine expensarum fur, quia neque extant impensæ quando conditione furtiua agitur; idque longè aliud est ab specie dictæ legis 1. ubi infans subreptus idem restituitur, & vendicatur cum impensis necessariis, scilicet adultus, & vegetatus alienis alimentis.

Doctissimus Dominus Franciscus Sarmiento, egregius Iureconsultorum 13  
sectator, hodie meritissimus Episcopus Astoricensis, ut est præclaro ingenio, & vtiliter & liberaliter erudito, *Selectarum Interpretationum lib. 1. cap. 10. num. 5. versiculo* Videamus ergo, nouè, &, ut ingenuè fatear, acutissimè interpretatur dictam legem 1. ut scilicet melioratio, de qua ibi, non sit melioratio effecta à fure, sed à natura ipsa; nec sit opus alimentorum, quæ grandiorē efficere infantem & robustiorem vix possint, nisi adsit natura veluti artifex; quod ipse vno verbo ait: [ Ego autem sic interpretor & extendo, ideo scilicet *in dict. l. 1.* non seruari furi expensas illas necessarias, quia scilicet conseruatio, & vegetatio infantis non ex alimentis dumtaxat dependeat; vis enim & potestas insita naturæ ( facultatem vocant Medici ) vegetandi, tacita quadam ratione membra protrahit, nervos dilatat, venas extendit, ossa profert, carnes nutrit, egregique artificis instar, parua & tenera adhuc membra ad ingentis & robusti corporis magnitudinem & firmitatem paulatim deducit, quod quidem efficere vel fur, vel alimentum non possunt. ] Itaque non secus ac artifex, qui statuam efficit, quamuis alius lignum ad statuam, instrumentaque ad artem necessaria præstiterit, effectæ statuæ pretium nanciscitur; ita naturæ quoque egregiæ artificis vegetationem & conseruationem infantis expositi deberi, condigna scilicet similitudine putat; non verò ei qui naturæ artificis alimenta subministrauit: quæ quidem alimenta sine naturæ ductu, & dispositione frustra præstantur; natura enim excoquit, natura digerit, natura diuidit, & in omnes corporis partes æqua portione distribuit: unde vegetatio euenit. Itaque quemadmodum eum submoueres, qui à te depictæ tabellæ 14  
pretium & mercedem expectaret, ac id quidem ex eo solùm postularer, quod pingenti tibi colores præstitisset; ita eum submouendum existimat vir ingeniosus Dominus Franciscus, qui infantis vegetationem, & incrementum sibi tribuerit, ex eo solùm, quod alimenta dederit; opus enim illud non alimentum præstantis est, sed naturæ, quod expressè mihi probat Aristoteles *libro de spiritu*, his verbis: [ Porro de his tribus moribus ambigi rectè potest, an sint cœui; & si non sint, quis horum primus sit; & an sit rationabile pulsum respiratione priorem statui. Nam alitio, priusquam totum animal sit perfectum, est, & postquam perfectum est animal; attractio enim menstrui humoris, ad formationem fœtus, & partium delineatarum auctio, nutricis facultatis opus est, quemadmodum designatio partium ex semine, formatricis. ] Hactenus Aristoteles, qui locus apertissimus est pro hac noua opinione, ex expositione *ad d. l. 1.*

Idemmet Aristot. *lib. 2. de partibus animantium. c. 14.* naturam authorem facit rei melioris quæ in homine reperitur, quo ad eius fieri possit. Rursum *de generatione animantium lib. 2. cap. 4. paulò antè finem*, ita ait: [Cæterarum partium vnaquæque ex alimento gignitur; nobilissima quæque & potissimi principij particeps ex concocto, sincerissimòque, & primo alimento; reliquæ necessariae ac illarum gratiâ instituendæ, ex deteriore, & reliquis excrementis: perinde enim natura, atque paterfamilias prudens, nihil amittere solet, ex quo fieri aliquid commodi possit. Dispensatur autem in cura rei familiaris, ita ut cibus optimus detur liberis, deterior servis, vilissimus solis animalibus.] Hactenus Aristoteles, qui naturam in vetegando homine patremfamilias facit. Ex his autem videbis naturam digerere, alimentum facere, factum distribuere, ac id quidem prudenter, veluti patremfamilias prouidum & industrium. Hæc est interpretatio acuta, meherculè, & ingenio plena; sed mihi, cui non ea mentis acies est, ad quamtalamcumque enim splendoris aciem & speciem obæcor, neque probatur, nec improbatur. Nam quod attinet ad Philosophiæ regulas, ipsemet Aristoteles incrementum viuentium animantium alimento tribuit, *lib. de Spiritu, in principio*, dicens sic alimentum his appositum, quæ animam habent, conseruat ipsa, & maiora reddit: rursus alimenta necessaria ad tuendam vitam esse. *Politicoꝝ lib. 1. cap. 5.* ait: [Præterea ex alimentorum qualitate corpus quoque, decor, habitudo, & ingenium ipsum formatur; qualisque cibus est, talis est corporis habitudo. Vnde est Martialis Epigramma trigessimum *lib. 5. ad Gellium*.

*Si quando leporem mitis miki Gellia, dicis*

*Formosus septem Marte diebus eris:*

*Si non derides, si verum lux mea narras,*

*Edisti nunquam Gellia tu leporem.*

Inde est apud Ælium Lampridium *in vita Alexandri Seueri Imperatoris*, qui Vlpianum pro tutore habuit, Epigramma illud:

*Pulchrum quod vides esse nostrum Regem,*

*Quem Sirum sua detulit propago*

*Venatus facit, & lepus comessus*

*Ex quo continuum capit leporem.*

Atque ipsemet Alexander, cum ex amicis quidam hos versus obtulisset, idem Lampridius refert quod hæc carmina quoque rescripsit.

*Pulchrum quod putas esse vestrum Regem*

*Vulgari miserande de fouella:*

*Si verum putas esse, non irascor.*

*Tantum tu comedas velim lepusculos,*

*Vt fias, animi malis repulsis,*

*Pulcher, ne inuideas liuore mentis.*

Cum igitur alimenta præcipuam habeant nutriendi facultatem, alimentis tribuenda est alimentatio. Præterea nos nostras expensas quærimus, quæ in re meliore effecta reperiuntur. Nec dubitandum est impendisse eum necessariò, qui alimenta præstiterit, namque si hæc ipsa negasses, necasse videri potuisses, ex iuris nostris dispositione, instar eius qui prædia urbana vel rustica ne-

gigen



gligentiâ suâ peiora effecit ; quantò peiora facta sunt , æstimatione facta damnatur , *d.l. ei qui* , §. *fin. ff. de petit. hered. l. quod si nolit* , §. *si mancipium* , *versic. culpam* , *l. cum autem* , *versic. redhibetur* , *ff. de edilit. edicto* . vbi glossa , & Albericus . Tiraq. *de retract. lignagier* , *in fin. num. 60. & num. 10.* Cagnolus *in l. 2. C. de pact. inter empl. & vendit. q. 84. num. 239.* Pin. *in l. 2. C. de rescind. vend. part. 2. c. 3. num. 34.* Ludouicus Molina *in tract. de Hispan. primog. lib. 1. c. 27. n. 1.* post Greg. Lopez *in l. 7. tit. 9. part. 6.* & Pet. Peralt. *in l. 3. §. qui fideicom. n. 43. & 44. ff. de hered. instit.* de quo nobis agendum est : adde quod in iure æquiparatur reparatio domus & alimentatio serui , *d.l. sed an ultro* , *versic. non autem negotia* , §. *1. ff. de negotiis gestis* . Nec tam subtilem & philosophicam inuestigationem forensis vñs recipere solet , pessimèque alimenta præstita reperenti obiicies de natura tam longam , tam difficilem , tamque subtilem disputationem : planiùs forenses causæ agendæ sunt , quàmuis subtilissimè indagari debeant .

Aliter aliud agens soluit doctissimus Couarr. *in regula peccatum* , 2. *part. §. 6. num. 3.* vbi ferè tenet tertiam solutionem , de qua agimus , cum glossa *in d. l. 1. & in d. l. domum* , scilicet dictam legem 1. habere locum in fure , in quo diuersa ratio est ac in aliis malæ fidei possessoribus ; additque rationem , scilicet quod in pœnam delicti priuentur impensis necessariò factis , idque efficere iniuriosam rei alienæ occupationem ; in aliis autem malæ fidei possessoribus , in quibus non reperitur violenta illa & iniuriosa contrectatio rei alienæ , conservari impensas necessarias , quia etiam si mala fides reperiatur , abest tamen violenta inuasio . Quæ solutio præter glossam prædictam est Baldi *in d. l. 1. & sequitur præter eum Gregorius Lopez in l. 44. tit. 18. part. 3.* & adiuuatur ex eo quod adduximus *ad l. si seruus seruum* , §. *si olimam* , *ff. ad leg. Aquil. c. 1.* supra , *num. 13.* & *ad d. l. si seruus seruum* , sentit & tenuit hanc distinctionem idem Dominus Franciscus Sarmiento *d. l. 1. cap. 10. num. 15.* vbi in fine testatur quod necessariæ expensæ seruantur prædoni ; & adducit dictam legem *planè* , *ff. de petit. hered.* & est solutio tolerabilis & iuri consona ; mala enim fides prædatoris & furis longè alios effectus habet in iure , quàm eius malæ fidei possessoris , qui vel à fure causam habet , *l. etiamsi putauit* , §. *sed si quis sciens* , *ff. de petit. hered.* *Sed si quis sciens* , inquit Vlpianus , *alienam emerit hereditatem , quasi pro possessore possidet* , & sic peti ab eo hereditatem quidam putant : quam sententiam non puto veram ; nemo enim prædo est , qui pretium numerauit . *Sed ut emptor hereditatis vtili teneatur* . Vides igitur hîc apertam differentiam , nàmque hîc , etiam si malæ fidei possessor sit , quia sciens hereditatem alienam emerit ; tamen hæc mala fides , quia tandem emit , multùm differt à mala fide authoris , vel ab ea quam ipsemet haberet si non emisset , & causam ab alio haberet ; est tamen vtraque mala fides , idèd contra hunc emptorem malæ fidei non conceditur petitio hereditatis , & contra authorem proculdubio concederetur , ex regula textus *in l. regulariter* , *ff. de petit. hered.* in quo singularis est traditio Baldi *in l. mala fide* , *C. de conditione ex lege* , vbi triplicem constituit malæ fidei possessorem , improbum , qui à non domino scienter emit ; improbiorem , qui à fure , quem furem nouit ; improbißimum , ipsum furem constituit ; mala enim fides , quæ in his reperitur , circa iuris effectus variè operatur , vt patet *ex d. §. sed si quis sciens* : non enim negamus non esse malæ fidei prædatorem : sed

illud fateamur, abundare in eo malam fidem, propter inuasionem violentam & iniuriosam, dolum & rapinam. Ex quo facilis est responsio ad ea quæ adduxit ipsemet Dominus Franciscus, vt nulla differentia sit inter furem, prædonem, & reliquos malæ fidei possessores; fateamur enim omnes esse in mala fide: cæterum contendimus, eam malam fidem potentiorē esse, & latius abundare in prædone quàm in reliquis possessoribus; idque patet *ex d. §. si quis sciens*, vnde propter hanc abundantiam malæ fidei, iuris effectus latius vel strictius impartimur. Vnde non mirum, quod in fure expensæ necessariae non conferuntur, *ex d. l. 1. in reliquis verò possessoribus malæ fidei conferuntur*, quia non est inuasio, nec violenta occupatio; & ita Iureconsulti si rectè inspiciantur, ex abundantia malæ fidei, quam variè inspiciunt, secundum varias causarum circumstantias, hos, vel illos malæ fidei effectus concedunt vel negant, nihil in hoc solliciti de nominis etymo, & propria significatione. Cum enim prædo à præda dicatur, vt notatur in *l. ab his, C. de nauiculariis, l. 11. in principio*, & in *l. nec casu, C. de discussoribus, lib. 10.* vbi legislator veram significationem huius nominis præda, non est assecutus; ea autem est, quam tradidit Gellius *noctium Auticarum lib. 13. cap. 24.* ex Cicerone in oratione quam dixit *de lege Agraria*; vt nomine prædæ intelligamus corpora ipsa quæ capta sunt in prælio; & nomine manubiarum pecunia redacta ex præda; vnde prædo est is, qui in bello aliquid cepit: inde trahitur ad quemcumque inuasorem, postremò ad simplicem malæ fidei possessorem; & ita promiscuè Iureconsulti vtuntur: quod probò manifestissimo argumento, repetito eo quod adducimus *proximo cap. num. 13.* scilicet quod fur & violentus prædo propter delictum amittat expensas factas in colligendis fructibus; quod probauimus *ex l. si seruus seruum, §. si oliuam, ff. ad leg. Aquil.* Ibi enim fructus ipsi furto subrepti à prædone vendicantur, & ratio nulla habetur de expensis; qui fructus licet ibi vendicentur, vt corpus, scilicet vas aureum, vel argenteum subreptum vendicaretur; adhuc tamen nisi ibi intercessisset iniuriōsa illa occupatio expensæ recuperarentur; cum enim Iureconsultus ibi expensarum factam esse donationem asseueret, merito colligendum est deducendas alias fore, nisi furti qualitas & inuasionis obstarēt, alias frustra & otiosè facta esset mentio de expensis à Iureconsulto in *d. §. si oliuam*. Igitur ibi non deducuntur, quia factæ fuerunt à fure inuadente & delictum committente: quod si hoc nomen prædo; propriè acciperetur, pugnaret ex diametro cum dicto *§. si oliuam*, textus in *l. si a. patre, §. fin. ff. de petit. hered.* vbi Paulus Iureconsultus prædoni concedit expensas, quas furi negat in *d. §. si oliuam*. Vlpianus. Igitur verbum illud prædo, variè accipitur à Iureconsultis, aliquando pro simplici malæ fidei possessore, vt in *d. §. fin. d. l. si a. patre*, vbi Paulus: *Fructus*, inquit, *intelliguntur deductis impensis quæ quarendorum, conseruandorumque eorum gratiæ sunt: quod non solum in bona fidei possessoribus naturalis ratio postulat, verum etiam in prædonibus, sicut Sabino quoque placuit.* Coacta igitur ratione intelligendum est, prædonem hîc esse malæ fidei quemlibet possessorem, non furem, qui expensas illas non deducit, *ex d. §. si oliuam*, ex quo ita intelligendum est in *l. sed & lege, §. scire, ff. de petit. hered.* verbum prædonem, ibi: *Et non puto eum prædonem, qui dolo caret, quamuis in iure arruerit;* accipiendum esse pro possessore malæ fidei, & non pro violento inua-



fore, & fure dolofo. Et ita intelligunt ibi Bart. & alij, Abb. & reliqui *in cap. ad nostram, de rebus Eccles. non alien.* Imola *in cap. si quis presbyterorum, eod. n. 1.* Iason *in l. 1. §. si vir uxori, ff. de acq. possess. & in l. 3. §. ex contrario, eod. n. 37.* Co-  
narr. lib. 1. *variar. resol. cap. 3. n. 8.* Quem receptum intellectum defendimus in-  
feriùs contra Pinellum *in l. 2. part. 2. cap. 4. num. 35.* qui textum illum intelligit  
in prådone, qui verè prædo sit, & fur, ex nominis etymo, cùm variè acci-  
piatur à Iureconsultis. Ita quoque intelligendum est *in l. planè, ff. de petit. heredi-  
tatis* ibi: *Prædo autem de se queri debet, qui sciens in rem alienam impendit;*  
vt verbum illud, *prædo*, pro malæ fidei possessore simpliciter accipiatur, non  
pro fure, & violento raptore, qui furando delinquit, aliàs non subiungeret  
Paulus Iureconsultus, ibi: *Sed benignius est in huius quoque persona haberi ra-  
tionem impensarum.* Nam si de fure criminoso intelligas, quæ benignitas in-  
tercedere potest, vt de impensis ratio habeatur? contra dictum §. *si oliuam.*  
Idem dicendum est *ad l. vires, ff. eod.* vt verba ibi: *Nam prædoni probè dicitur,*  
*non debuisse in alienam rem superuacuas impensas facere,* accipienda sint, vt  
tamen potestas ei fiat tollendorum eorum quæ sine detrimento ipsius rei tolli  
possunt; postquam enim abrasio conceditur, facilè est intelligere prædonem  
eum, de quo ibi, multùm distare à fure, cui nec abrasio conceditur, ex gene-  
rali decisione textus *in d. §. si oliuam*: postquam enim impensas donat, nihil  
habet quod abradat. Rursum intelligendum est prædonem magis apud Iure-  
consultos significare interdum, quàm malæ fidei possessorem, vt *in d. l. etiam si  
putauit, §. si quis sciens*, vbi verè emptor, qui sciens alienam esse rem, emit,  
malæ fidei est emptor: cæterùm quia emit, excusatur à nomine prædonis: ita  
*l. nemo prædo, ff. de regul. iur.* vbi Decius, cui hæc addenda sunt rursum, *in l. pro  
barede, §. fin. ff. de petit. heredit.* verbum, *prædo*, ibi, *pro possessore vero possidet præ-  
do*, in vero prædone esse intelligendum: quod non dubium videri posset ex var-  
ia acceptione vocis, proximè idemmet Iureconsultus Vlpianus explicat *in  
l. nec ullam, ff. eod.* ibi: *Et ideo fur & raptor petitione hereditatis tenemur.* Ex  
quibus patet manifestissimè prædonis verbum à Iureconsultis variè accipi,  
longeque aliquando differre à malæ fidei possessore, aliquando verò idem esse.  
Vnde meritò glossa *in d. l. 1. C. de infantibus expositis.* & Bald. & Gregor. & Co-  
narr. intelligunt dictam legem 1. in fure, contra quos nihil faciunt quæ ad-  
ducit Dominus Franciscus Sarmiento vbi suprà num. 3. quia illa iura planè  
sunt accipienda iuxta ea quæ diximus, aliàs si accipiantur ubique propriè, ne-  
que id efficient, quod expectatur, cùm pugnent mutuo, sine pace: præterea  
quod propriè prædo non est fur, vt diximus; sed verbum translatum est à  
prælio, ob idque variè accipitur: quod sensit Cicero *de Oratore perfecto lib. 3.*  
vbi de verbis translatis agit, cuius verba ad hoc sunt *mibi fol. 197. tom. 1.*  
*Translata, inquit ille, verba primum propter necessitatem accepta sunt, inde verò  
propter delictationem reperta, quæ à proprio verbo differant.*

Aliter adhuc responderi poterit, impensas has necessariò effectas non con- 18  
feruari furi huic, siue fur sit, siue tantùm malæ fidei possessor, *in d. l. 1. C. de  
infantibus expositis*, quia scilicet denuò fuerunt factæ in re aliena, hoc est in-  
fante recens nato, expositoque: quo casu qui de nouo in alieno solo ædificat,  
mala fide, & scienter, atque ex propria materia donasse ædificium intelligi-

tur, l. adeo, §. ex diverso, ff. de acquir. rerum dom. qui textus ut probet nostram conclusionem, repetendus est, à §. cum in suo solo, d. l. adeo: ubi verba Caij hæc sunt: *Cum in alieno solo aliquis ex aliena materia edificauerit, ipse dominus intelligitur esse edificij, quia omne quod inaedificatur, solo cedit; nec tamen ideo qui dominus materiae fuerit, desit dominus eius esse, sed tantisper nec vindicare eam potest, nec ad exhibendum de ea re agere, propter legem 12. Tabularum, quæ cauetur, ne quis tignum alienis in adibus suis iniunctum eximere cogatur, sed duplici pro eo præstet; tigni autem appellatione omnis materia significatur, ex qua ædificia sunt. Ergo si ex aliqua causa dirutum sit ædificium, poterit materia dominus tunc eam vindicare, & ad exhibendum agere; immò, ut ipse ait, usu capto à bona fidei possessore ædificio, si postea diruatur, habet tamen materia dominus vindicationem, quia singula istæ res non usu capiuntur cum toto ædificio.* Hæc Caius. Alienam materiam additam in alieno solo semper reservat pristino & antiquo domino, nec unquam præscribitur cum ædificio, vel usufruitur. Addit autem postea: *Ex diverso si quis in alieno solo suâ materiâ edificauerit, illius fit ædificium, cuius & solum est; & si scit alienum solum esse, sua voluntate amisisse proprietatem materia intelligitur; itaque nec diruto quidem ædificio vindicatio eius materiae competit.* Hæc Caius, ex quo responso semper aliena materia iniuncta solo alieno, vel proprio, manet antiquo domino: at verò si propriam addiderit sciens prudensque, magis est ut intelligamus donare voluisse. Hæc perpetuò ad hanc materiam notanda sunt, plurimùm enim refert, alienam materiam vel propriam addas. Propria enim addita solo alieno & scienter, donationem inducit: & mirè quadrat Caius cum decisione textus in l. 2. C. de rei vindicatione, si quis cum Accursio rectè animaduertat, qualiter Caius Iureconsultus inducit animum donandi, in d. §. ex diverso, scilicet cum quis mala fide, id est sciens solum esse alienum, in alieno solo ex materia sua ædificat, ut contrarium intelligendum sit, ubi quis licet mala fide in alieno solo ædificat, si ædificet ex aliena materia; neque enim induci potest donatio, cum repugnet iuris regula ex d. §. cum in suo. Ex qua dominium alienæ materiæ semper reservatur antiquo domino: quam legem 2. latius retento hoc sensu cum Caio & Accursio interpretamur contra aliquos qui nescio quis antinomias suscitant, reiecto sæpe vero sensu, ne dicam ignoto sæpe vero & recepto sensu. Quod attinet ad legem 1. Cod. de infantibus expositis, sat sit intellexisse, hanc procedere in eo, qui instar eius qui de nouo in alieno ex sua materia ædificat, materiam donasse videtur, ut alimenta amittat quoque qui infantem recens natum cœperit de suo alere, præsertim ipsum infantem subripiendo adhuc tenerum & paruulum, donasse intelligendus est, atque ex voluntate alimenta amisisse est censendus. Quam quidem solutionem propter teneram ætatem subrepti infantis facilè quis probabit, admissa similitudine ædificij crecti in alieno solo de nouo mala fide; hancque vno verbo quoque verè & cum iudicio attingit doctissimus Couarr. d. §. 6. num. 3. in regula peccatum, part. 2. ait enim & optimè, ut solet omnia, quoniam regula iuris est ut male fidei possessor conseruet necessarias impensas, ex d. l. dominum; atque hæc necessaria expensa in d. l. 1. furi denegatur, rationem diuersitatis quærendam & expectandam, vel ex præsumpta malæ fidei possessoris volun



voluntate, qua donare voluisse videtur, iuxta iura supradicta; vel quærendam esse à legali pœna ob contrectationem iniuriosam rei alienæ: paucioribus verbis nihil potuit dici elegantius, idque sensit Accursius, Bart. & reliqui in d. l. domum. Atque idem in d. l. ex argento, ff. de condict. furtiva. Restat igitur Accursij duplex solutio vera, atque nulla in re pugnare legem domum, & dictam legem 1.

Ex quibus fur, qui verè fur sit, nec necessarias impensas deducit, ex d. l. 1. quas aliàs deducit malæ fidei possessor, ex d. l. domum, secundum Paulum & Ifern. in l. fin. §. fin. C. communia de legat. Cinus & Salicet. in dict. l. domum, Faber, Platea & Angelus in §. certè, Institut. de rerum diuisione, Boërius decis. 44. num. 7. Pinellus, in l. 2. part. 2. cap. 3. num. 1. ad fin. ac ne eas quidem quas expendit in colligendis & conseruandis fructibus, ex d. l. si seruus seruuum, §. si oliuam, ff. ad leg. Aquil. quas Iureconsultus dicebat omnino deducendas in d. l. fundus qui, ff. famil. ercisc. & tenebat Bald. in l. si quis, C. de rei vendic. Paulus in l. diuortio, §. fin. num. 4. ff. solut. matrim. & ibi Aretin. quoque, Ioan. Andreas in c. conquestus, de usuris, Boërius decis. 44. num. 24. Carolus Molin. in consuetudinibus part. 1. §. 1. glos. §. num. 76. qui Angelum refert; Pinellus d. cap. 3. num. 4. atque hæc pertinent ad malæ fidei possessorem necessariò expendentem.

## CAPVT III.

*De expensis quæ contingunt respectu alimentorum;  
& de alimentis quatenus ad expensas pertinent.*

Notabilia ex cap. tertio.

- 1 *Parentes iure natura alere tenentur filios suos & educare.*
- 2 *Iure ciuili id quoque statutum est.*
- 3 *Natura quare educationem post creationem inuenit.*
- 4 *Homo omnium animantium miserrimè nascitur.*
- 5 *Infirmiorem hominis nascentis fortiores esse fortitudinem reliquorum animantium.*
- 6 *Amor erga filios educationis causa.*
- 7 *Legitima portio quoad alimenta, & in genere diminui potest, tolli non potest.*
- 8 *Filij spurij, naturales, & legitimi alendi sunt.*
- 9 *Declaratio ad legem decimam Tauri.*
- 10 *Alimenta an debeantur iure natura, an verò instinctu natura? & numero 11. 12. & 13.*
- 14 *Isidorus & Vlpianus variè ius naturale exponunt.*
- 15 *Ius gentium quid sit.*
- 16 *Explicatur §. ius autem ciuile, Institut. lib. 1. de iure natur. gent. & ciuil.*

- 17 *Nomine iuris gentium sæpe ius naturale intelligimus, & contrà.*  
 18 *Distinctio iuris gentium in primum & secundarium, merum figmentum est.*  
 19 *Explicatur nouella C. ius naturale, distinct. 1. contra hucusque receptam allegationem.*  
 20 *Canonicum ius, & Hispanum non recipiunt decisionem authentica ex complexu, C. de incest. nupt. & quod non abhorreat à naturali iure. num. 21. & de spuris.*  
 22 *Viri & femina coniunctio longè distat à pecudum coniunctione.*  
 23 *Nuptiarum solemnialicet de iure civili sint, nuptia verò habent fundamentum naturale.*  
 24 *Simplicem fornicationem esse contra naturam, & peccatum mortale.*  
 25 *Ponitur ratio ad authenticam ex complexu, C. de incest. nuptiis.*  
 26 *Filij colere debent parentes tanquam rem sacram & religiosam.*  
 27 *Lex decima Tauri explicatur: & num. 28.*  
 29 *Mater quoque intra triennium filium alere debet.*  
 30 *Quàm deceat matres proprios filios lactare.*  
 31 *Et an nobilis lactare teneatur; & si paupercula intra triennium lactauerit, an expensas à patre repetat.*  
 32 *Mater aliquando etiam si velit intra triennium alere filium, non potest.*  
 33 *Ani, proavi, atavi paterni & materni quomodo alere tenentur.*  
 34 *Fratres quatenus alere teneantur, & quatenus sobrinos, & num. 35.*  
 36 *Frater clericus, an ex redditibus Ecclesiasticis alere sororem teneatur.*  
 37 *Ab his omnibus alimenta sunt præstanda pro modo facultatum: atque nomine alimentorum quid veniat, num. 38. 39.*  
 40 *Aulæa non continentur nomine alimentorum, nec tapetes.*  
 41 *Stragula quid, & quid sit stragula conuoluta habere.*  
 42 *Medicamenta an contineantur verbo alimentorum.*  
 43 *In alimentis quando habeat locum magna vel parua expensa: & num. 44.*  
 45 *Expense pro disciplinis addiscendis, an veniant nomine alimentorum, & quid in tutore expendente ad disciplinam, num. 46. 47.*  
 48 *Pater tenetur expendere cum filio, ut artes liberas ediscat.*  
 49 *Lex quæ pater, ff. familiæ erciscundæ, explicatur.*  
 50 *Pater iniustus tenetur expensas filio præstare, ut liberas artes addiscat.*  
 51 *Tutor qui has artes pupillum non docuerit, merito priuatur decima fructuum.*  
 52 *Pater si semel cæperit expendere cum filio in maioribus disciplinis, an perficere teneatur.*  
 53 *Et quid de fratribus, & patre si bona habeant filij vel fratris, an teneantur, & utrum spurij grauari possint in alimentis relictis.*



**H**Æc autem alimenta, de quibus proximo capite egimus ( ut iam inde ab huiusmodi expensis ordiamur, secuti naturæ rationem ) non semper deducuntur, quia præstantur ab his sæpe qui alere tenentur naturâ, lege, vel consuetudine; & in primis parentes liberos alere & educare oportet, idque iure naturæ nobis cum cæteris animantibus communi, l. 1. §. ius naturale, ff. de iustit. & iur. c. ius naturale, 1. dist. ita



ita enim perspicimus bruta ipsa animantia rationis expertia naturæ gubernatricis suavi quodam motu pullos, catulosque suos anxie, sollicitè, opipareque pascere, & indefessè in eo elaborare, vt vegetatis artubus coalescant : quod ab his principij & naturæ seminariis ius ciuile accepit, variisque legibus latis confirmauit, *l. si quis à liberis, ff. de liberis agnoscendis*, ibi: Denique *Diuus Pius rescriptit ad Titianum, competentes indices aliter à patre tuo pro modo facultatum eius inebunt* : & in §. si vel parens, *versic. si quis ex his alere detrectet*, dicitur quod pro modo facultatum alimenta & constituentur. Quæ si non præstet, pignoribus captis & distractis cogetur sententiæ satisfacere : *l. fin. Cod. de alend. liberis*, quæ iura repetitâ lege naturæ & paternâ pietate, ciuiles vires adiungunt, vt quod natura præcipit, cogente quoque ciuili iure adimpleamus, ibi: *Quod si sponte non fecerit, aditus competens index alimenta pro modo facultatum præstari tibi inebit*. Cùm enim regulariter alimenta hæc officio iudicis petantur, & præstentur, vt ex prædictis iuribus tenet Bartol. post *glos. in d. l. si quis à liberis*, *glos. Abb. & reliqui in cap. cùm haberet, de eo qui duxit in matrimon. quam polluit per adult. l. 1. tit. 19. part. 4.* si parens rennat alimenta necessaria præstare; sæpe enim huiusmodi parentes odio filios suos alimenta petentes prosequuntur, ac sæpe conuicti, malunt bona sua capi, nonnunquam aliis creditoribus consultò addicta, vt filij difficultate percipiendi alimenta compulsi, modico aut nihilo sint contenti, & rediuiuas lites effugiant, quibus miserèdesurientes interim cruciantur, & desperatis alimentis vniuersam causam alimenti præstandi omittunt; solet Senatus noster præuia aliqua causæ cognitione, eâque summaria, ex qua constet de malignitate parentum, prædium aut fundum parentis assignare filio alendo, vnde ipse sua manu capiat alimenta; cogunturque coloni & inquilini filio præstare, quæ erant pro fundo aut prædio aliàs patri præstaturi. Bald. in *l. defuncto, C. si in fraud. patron. num. 3. versic. sed pone*. Bart. & Ioan. de Imol. in *l. si constante, ff. solut. matrim. num. 62.* & ibi *Ias. num. 198.* Rom. in *l. 2. §. quod si in paris, ff. solut. matrim.* idem Bald. in *l. non potest ff. de adoptionib.* idem Rom. & Paulus de Castro in *l. Imperator, ff. ad Trebel. num. 13.* Alexand. ibi, latè ibidem Segura numer. 118. alios allegat Lud. Molin. *lib. 2. de primog. Hispanor. cap. 15. num. 72.*

Natura namque parens, vt humanum genus propagaret, ne ipsum sua imbecillitate deficeret, procreatione adiuuenta, proximum fuit vt educationem institueret: nec enim homo conseruari potuisset mortalis, fragilis, debilis, cæli, solique iniuriis expositus, nisi post procreationem, nostris animis educationem prolis tacita quadam lege indidisset; quibus duobus præfidiis humanum genus conseruatur, sicuti animantium genus omne. Cùm enim miserrimè omnium quæ nascuntur, nascatur homo, alienâ eget ope, alieno præfidio, vt viuat. [ Vt enim ( inquit Plinius *lib. 7. Historia naturalis, in proœmio* ) ante omnia vnum animantium cunctorum alienis natura velat opibus, cæteris variè tegumenta tribuit, testas, cortices, coria, spinas, villos, setas, pillos, plumam, pennas, squammas, vellera: truncos atque etiam arbores cortice interdum gemino à frigoribus & calore tutata est; hominem tantùm nudum, & in nuda humo natali die abiicit, ad vagitus statim, & ploratum; E nullumque

nullumque tot animalium aliud ad lachrymas, & has protinus in vitæ principio; at hercule risus præcox ille & celerrimus ante quadragesimum diem nulli datur: ab hoc lucis rudimento, interque hos gemitus vincula excipiunt & omnium membrorum nexus; itaque feliciter natus iacet, manibus pedibusque deuinctis, flens, animal cæteris imperaturum, & à suppliciis vitam auspicatur, vnam tantum ob culpam, quia natum est. Heu dementiam ab his initiis existimantium ad superbiam se genitos! prima roboris spes, primumque temporis munus, quadrupedi similem facit, quando homini incessus, quando vox, quando firmum cibus os, quamdiu palpitans vertex? summæ inter cuncta animalia imbecillitatis indicium: iam morbi, totque medicinæ contra mala excogitatæ, & hæ quoque subinde nouitatibus victæ. Cætera sentire naturam suam, alia pernicitatem usurpare, alia præpetes volatus, alia vires, alia nare, hominem scire nihil, sine doctrina non fari, non ingredi, non vesci, breuiterque non aliud naturæ sponte quàm flere.] Hactenus Plinius; quæ pertinent ad miserissimam illam conditionem, quâ mortales nascimur, quæ ille accepit ab Aristotele *de generatione animalium lib. 5. cap. 1. ad medium*, ibi: *Imperfectissimi enim omnium perfectorum partium nascuntur.* Et melius *problemata. sectione 10. problemata. 45.* ibi: *Indicium verò cætera perfecta, hominem imperfectum prodire, est quod illa statim inde ab ortu natura vinere suâ operâ queunt, pueri curam desiderant, nec seruari nisi alieno beneficio possunt.* A quibus lex 7. tituli. 1. part. 2. hoc ipsum accepit, ibi: *E una de las razones porque mostraron que conuino que fuesse Rey, es esta, que todas las cosas que son unas traen consigo naturalmente todo lo que han menester, que no conuiene que otro gelo acarrée de otra parte, ca si son deuestis, ellas son vestidas de suyo, las unas de pendolas, las otras de cabellos, è otras de cueros, è las otras de escamas, è de conchas cada una dellas segun su natura, porque no han menester que texan para fazer vestidos. Otrosi, para defenderse, las unas traen picos, è las otras dientes, è las otras vnans, è las otras cuernos, ò aguijones, ò espinas, porque no les conuiene debuscar, aïras ormas conque se defiendan. Otrosi, lo que comen y biben, cada una lo falla, segun que le es menester, de guisa que non ha debuscar quien gelo adoue, ni cosa conque le sepa bien, ni lo han de comprar, ni yr à labrar por ello: mas el home de toto esto non ha nada para si, a menos de ayude muchos que le busquen, è le allegen aquellas cosas que le conuienen.* Hæc nostra lex, vt obiter aduertat, quàm varia sapientia sint refertæ leges Partitarum. Hæc hominis infirmitas, hæc indigentia, hæc misera conditio naturam impulit, vt suo iure parentes ad educationem compelleret. Aristoteles autem ingeniosius, & altiùs, *de partibus animantium & earum causis lib. 4. cap. 10. ad medium*, ex hac humana infirmitate perfectionem hominis commendat; ait enim non rectè eos sentire qui hominem non bene, sed deterrimè omnium animalium constare aiunt. Rationes quas ipse connectit, ad nostrum institutum non pertinent, poteris per te legere; eleganter enim ille hanc ipsam imbecillitatem, maximam fortitudinem esse comprobatur: in eodem argumento versatur Seneca *de beneficiis lib. 4. cap. 18.* nobis autem qui in iure versamur, non licet Academicos excessus sectari, sed planiùs ac utiliùs veram & vtilem Philosophiam profiteri, ne ipsa disputatio suâ ipsius acutie euanescat. Illud igitur naturam mouit, vt post



creationem educationem institueret, ne humana proles alieno auxilio, quo maximè eger, destituta periret, idque vt efficacius fieret, amorem indidit, quo animantium genus omnes fœtus suos prosequitur; vnde fit vt is ipse amor, quo nos ipsos tuemur, liberos quoque nostros tueatur; eorum namque conseruatione conseruamur, & eorum propagatione propagamur. Attrigit lex 1. 6  
*tit. 19. part. 4. ibi: Esta criança ha muy gran fuerça, è señaladamente la que faze el padre à su fijo; ca como quier que le ama naturalmente, porque le engendro, mucho mas le cresce el amor por razon de la criança que faze en el.* Nota amorem ex procreatione ortum, crescere ex educatione filiorum erga ipsos filios, l. 1. eod. tit. & part. vbi quod natura, amor, & iura cogant parentes alimenta præstare filiis: quod quidem ex Cicerone accepit lex nostra Hispana, lib. 3. de finibus bonor. & malor. Sic apparet ( inquit Cicero ) à natura ipsa, vt eos, quos genuerimus, amemus impelli. Quod autem ait lex, iura id præcipere, intelligit naturalia, quæ lex ciuilibus accepit, ipsaque lex nostra id præcipit ibi: *Esi alguno contra esto fiziere el inçgador de aquel legar, lo deue apreñiar, prendandolo, o de oira guisa, de manera que lo cunpla assi como sobredicho es.* Igitur omnia hæc iura id efficiunt, vt cogente & imperante natura parentes liberos suos educare teneantur, idque pro modo facultatum; idque tenent aliud agendo Gregorius Lopez in l. 8. titul. 13. part. 6. in glos. verb. menester. D. Didacus de Couarr. de sponsal. 3. part. cap. 8. §. 6. num. 8. Palacios Rub. in rub. de donationib. inter vir. & vxor. §. 24. num. 17. Rodericus Suarez in l. 1. tit. 6. libr. 3. fori leg. Molin. de Hispanor. Primog. libr. 2. cap. 15. num. 52. qui omnes maximi & clarissimi nominis viri id tenent, scilicet ius alendi ex iure naturali descendere, imperante id natura, quæ nulla lege ciuili abrogari potest. Eandem opinionem re ipsa tenent qui asseuerant legitimam portionem, quamuis quoad quotam legitimæ, vel quantitatem, de iure ciuili sit & positiuo; tamen quoad legitimam in genere, & quoad alimenta, pro quibus illa est, ex iure naturali procedere; quoniam natura cogit nos nostram prolem nostro modo alere, vt faciunt pecudes & cætera animantia, quæ fœtus suos suo quoque modo pascunt, & nutriunt: quam opinionem tenet Suarez noster in l. quoniam in prioribus, C. de in f. testam. lib. 2. num. 1. D. Didacus de Couarr. vbi suprà, num. 4. & 5. Gregorius Lopez in l. 32. tit. 9. part. 6. Antonius Gomez in l. 40. Tauri, num. 57. Ludouicus Molin. lib. 2. cap. 1. num. 4. qui alios plures allegat. Additio ad Capel. Tolosan. decis. 337. Ioann. de Garon. in rub. de secund. nupt. 2. part. num. 20. vnde iura ciuilia diminuere quidem, vel extendere possunt legitimam portionem, omninò autem tollere non possunt, quia iura naturalia, quibus prolem alere tenemur, destruere non possumus, etiamsi velimus. Ex 8  
quo filios nostros, quos genuimus, naturâ quidem alere tenemur, quod latè probant etiam quoad spurios, incestuosos, & naturales, legum Taurinarum Interpretes in l. 9. & 10. D. Didacus de Couarr. vbi suprà, num. 6. in cap. Quamuis pactum, de pactis lib. 6. part. 2. §. 6. num. 7. quod in Hispania ita accipiendum est, si modò quintam partem bonorum non excedant huiusmodi alimenta, l. 10. Tauri, de qua proximè agemus: istud tamen intellige cum Roderico Suarez in l. quoniam in prioribus, C. de inoff. testam. limitat. 12. ad leg. fori, numer. 1. & 2. & in l. 1. titul. 6. lib. 3. fori leg. vers. viso qui dicantur

2 dicantur filij spurij : Tello Fernandez in l. 10. Tauri, num. 4. Ludouicus Molin. lib. 2. de Hispan. Primog. cap. 15. num. 51. dum pater filios duos, tres, vel quatuor legitimos habeat; tunc enim quintam partem bonorum nomine alimentorum relinquere potest spurio, vel naturali; si verò quinque filios, sex, septemve, aut eo amplius habeat, tunc quidem spurio non quintam partem relinquit, quia iam plus acciperet spurius, quàm legitimus; sed tantum quantum filius percipiat, qui minùs ex fratribus de bonis patris percepit: quod est utilissimum, & rationi convenientissimum.

10 Sed non desunt, qui ingeniosius existiment, hæc ipsa alimenta, quæ respectu legitimorum filiorum vocamus portionem legitimam, respectu verò spurij solo nomine alimentorum significamus, nulla lege naturali deberi; sed quodam duntaxat instinctu, & motu naturæ volunt hi rapi nos suavi naturæ impulsu, & benigno quodam motu, sicuti reliqua omnia animantia, ad eam curam, & sollicitudinem, ut liberos nostros educemus, & alamus, quod faciunt feræ: cæterum compelli iure aliquo naturæ vix posse, cum sint plura animantia quæ prolem relinquant suam, ob idque nullam esse naturæ necessitatem, quâ compellamur legitimam omnino in genere, vel alimenta filijs relinquere, sed totas vires accessisse alimentis ex iure civili: quam opinionem tenent Alex. in l. quod de bonis, ff. ad leg. Falc. §. final. num. 2. Alciat. qui plures refert, regul. 1. præsumpt. 8. Ludouicus Molin. qui alios refert, lib. 2. cap. 1. num. 15. Tellus in l. 10. Tauri, qui obnixè id tuetur, ut necessitas alendi proveniat ex iure civili, non ex naturali aliquo iure, quamvis instinctu naturæ ad id rapiamur: quas opiniones inuicem pugnantes putant plures egregiè se diluere, ita distinguendo, quod legitima portio, quatenus ad alimenta necessaria est, sit de iure naturali, & ita procedat prior opinio; sed quatenus ad alimenta necessaria non est, sit de iure civili: quam conciliationem tenent additio ad Decium in l. iura sanguinis, ff. de reg. iur. additio ad Alciatum dict. reg. & præsumpt. num. 6. & placet Ludouico Molin. ubi supra num. 16. qui alios allegat. Verè tamen hæc concordia non diluit pugnam dissidentium authorum: nam prior opinio id agit, ut nec ipsa necessitas alendi, quatenus respicit alimenta in genere, insit aliquo iure naturæ, sed instinctu quodam, quo libentes & volentes ducimur; repugnantes autem trahi nequeamus. Moventur illi & auctoritate & ratione.

11  
12 Adducunt caput ius naturale, 1. distinct. ubi ius naturale est commune omnium nationum: & addit Isidorus, eo quod ubique instinctu naturæ, non constitutione habetur aliqua. Nota verbum *instinctu naturæ*. Nostri autem expendunt verba legis 2. tit. 1. part. 1. *Ius naturale, en Latin, tanto quiere dezir en Romance, como derecho natural que han en si los homis naturalmente, y aun las otras alimañas que han sentido: ca segun el movimiento deste derecho, el mensio se agunta con la sembra, aque nos llamamos casamiento.* Distingunt igitur ij inter hunc instinctum & motum naturæ, & ius illud naturæ, ad quod ducimur & trahimur eo instinctu & motu. Hæc duo loca pertinent ad auctoritatem: ratione ita agunt, quia si alimenta deberentur (intelligo in genere, ut legitimam portionem comprehendam) naturaliter, cum naturalia perpetua sint, tolli non possent: at videmus alimenta sæpe à iure civili sublata: omni-



no, & portionem legitimam sæpe adimi in totum; quâ ergo fieri potest, ut iure naturali hæc ipsa debeantur? Collectionem probant, quia alimenta non debentur si filius commodè habeat unde se alat, *l. si quis à liberis*, §. *sed si filius*, ff. *de lib. agnosc.* Et filius ex quibus causis exhæredatur, de quibus *in auth. v. cùm*, *de appell. cognosc.* §. *aliud quoque capitulum*, ex eisdem alimenta amittit. Bart. *in dict. l. si quis à liberis*, §. *si quis ex his*, ff. *de lib. agnosc.* & *in l. Diuus*, ff. *de parricidiis*, & *in l. si patrem*, *Cod. de alend. lib.* Et videmus omnino & in totum adimi alimenta *in authentica ex complexu*, *Cod. de incest. nupt.* & nostro iure est nobis lex §. *tit. 19. part. 4.*

Ad quæ duo argumenta, ut probè satisfacias, aduerte in primis, scilicet illud, quod de instinctu legitur *in d. cap. ius naturale*, non legi, nec reperiri *in l. §. huius studij*, *versic. ius naturale*, ff. *de inst. & iure*. Vlpianus enim Iureconsultissimus longè aliter ius naturale explicat, quàm Isidorus. Hic enim verè cum eo iure, quod nos ius gentium appellamus, confundit & commisceet. Vlpianus ius naturale esse ait, quod natura omnia animantia docuit, & istud ius non humani generis proprium, sed omnium animalium, quæ terra marique nascuntur, auium quoque commune esse fatetur; unde coniugatio maris & foeminæ, & procreatio liberorum: atque paulò inferiùs, hoc ius naturale, à iure illo, quod nos gentium dicimus, distinguit, quòd hoc iure gentium soli homines, vniuersique homines vtantur; at verò iure naturæ vtuntur hominum & pecudum genera omnia simul. Itaque ius gentium solis hominibus & vniuersis hominibus tribuimus, at verò ius naturæ hominibus ipsis, insuper & animantium vniuerso generi.

Ius gentium id definimus, quod ratione duce, non, verò natura apud omnes gentes receptum est. In quo omnium gentium, non singularum consensum requirimus: ius naturale naturam habet authorem, ius gentium rationem. Sotus *lib. 1. de inst. & iure*, *quest. 5. art. 4.* ius gentium esse ait quicquid mortales ex principiis naturalibus ratiocinando, & per modum conclusionis elicimus; vtpotà cùm quærimus de bello, licere dicimus bellum, si pacem aliter habere non possumus. Hæc ratio, hæc argumentatio, hæc ratiocinatio, siue collectio ex naturalibus principiis necessariò educta ius efficit gentium, quam hoc modo concipimus: pax naturâ ipsâ constat: sine bello pax obtineri non potest: ergo licet bellum gerere; atque hæc ratio naturalis, idest ratio educta ex principiis naturalibus, bellum apud omnes nationes induxit. Rursum sic: iniuriam & vim propellere licet; hoc iure gentium receptum est; quod ex hac ratione vel argumentatione deducta à principiis naturalibus recepit vniuersum hominum genus, ita ratiocinando: naturâ quidem licet seipsum tueri: ergo defendere; seipsum autem tueri non potest quisquam, nisi propellat vim illatam: ergo licet propellere vim & iniuriam: & vniuersum hominum genus vim vi cõpit propellere. Ecce quomodo constituitur ius gentium, ut omne illud quod ratione & syllogismo ex principiis naturalibus elicatur, id sit ius gentium, ab omnibus hominibus vniuersè acceptum. Vnde

verba illa apud Iustinianum *Institutionum lib. 1. tit. 2. de iure naturali, gent. & ciuili*, §. *ius autem ciuile*, ibi: *Quod verò naturalis ratio inter omnes gentes communis, id apud omnes populos peragere custoditur, vocaturque ius gentium*; ita

sunt interpretanda, scilicet, ut illud æquè custodiatur apud omnes gentes, & sit ius gentium, quod ratio naturalis inter omnes constituit, idest quod ratiocinatio naturalis ex principiis naturalibus elicit, & educit, & constituit. Nec enim intelligendum est, quod ratio naturalis, idest ius naturale, constituit, quod ferè sensit Accursius *ibidem*. Vide circa interpretationem illorum verborum Pinellum *in comment. ad rubr. C. de rescindend. vendit. 1. parie, num. 7.* Franciscum Connanum doctissimum *lib. 1. comment. iuris, cap. 5. ad finem.* Aluarum Vasquium *iuris emphyt. quest. 3. num. 2.* Ludouicum Charond. *lib. 1. verosimilium, cap. 5.* & sensit Soto ubi suprâ, *lib. 4. quest. 3. vers. Dicitur autem.*

- 17 Vnde quia hoc ius gentium deducitur ex principiis naturalibus per necessariam consequentiam, uti diximus sæpè, reperimus utrumque ius confusum, ut sæpè nomine iuris gentium intelligamus ius naturale, ut *in §. singulorum, Instit. de rerum diuisione*; atque eo modo locuti sunt veteres, non tam verborum, quàm rerum veræ cognitionis solliciti. Ex eo enim, quia istud ius gentium ex necessaria consequentia trahitur à iure naturali, scientissimi quique sæpe vnius nomine alterum significant, quod fecit Imperator *in dict. §. singulorum*, secutus Ciceronem *lib. 3. de Officiis, paulò post principium*. [Detrahare (inquit Cicero) aliquid alteri, & hominem hominis incommodo suum augere commodum, magis est contra naturam, quàm mors, quàm paupertas, quàm dolor, quàm cætera quæ possunt aut corpori accidere, aut rebus externis; nam præcipuè tollit conuictum humanum, & societatem: si enim sic erimus affecti, ut quisque propter suum emolumentum spoliaret, aut violet alterum, disrumpi necesse est eam, quæ maximè est secundum naturam humani generis, societatem, ut si vnumquodque membrum sensum hunc haberet, ut posse putaret se valere, si proximi membri valetudinem ad se traduxisset, debilitari & interire vniuersum corpus necessum esset; sic si vnusquisque nostrum ad se rapiat comoda aliorum, detrahatquè, quod cuique possit, emolumentum sui gratiâ, societas hominum communitasque euertatur necesse est. Nam ut si quisque malit, quod ad vsum vitæ pertineat, quod alteri acquirere necessum est, non repugnante naturâ, illud quidem natura non patitur, ut aliorum spoliis nostras facultates, copias, opes, augeamus. Nec hoc solum naturâ, idest iure gentium; sed etiam legibus populorum, quibus in singulis ciuitatibus respublicæ continentur.] Hæc Cicero, qui paulò inferiùs, hoc ius gentium quod cum naturali confuderat, diuinum vocat, ibi: [Atque hoc multò magis exigit ipsa naturæ ratio, quæ est lex diuina & humana, cui parere qui velit (omnes autem patebunt qui secundum naturam viuere volent,) nunquam committet, ut alienum appetat, & id quod alteri detraxerit, sibi assumat.] Hoc igitur est ius gentium, quod humanum vocat Cicero & naturale, quia ex natura iura deriuantur.

- 18 Vnde diuisio illa iuris gentium in primæum & secundarium, meritò displicebit docto & erudito viro; primæum enim ius gentium & secundarium, vnicum est, scilicet id, quod ex iure naturæ deriuatum est per necessariam consequentiam: quam diuisionem reprobant plures, & excusat Pinellus *in rub. Cod. de rescind. vend. 1. par. num. 13.* qui dicit communem diuisionem illam posse recipi gratiâ doctrinæ clarioris: plures refert, qui hanc, contra



contra diuisionem communiter receptam, tenent Aluarus Vasquius *iuris emphyt. quest. 3. num. 5. & 6.*

Ex quibus si rectè aduertas ad nostram quæstionem quam tractamus, nulum negotium facesser nobis Isidorus *in d. cap. ius naturale*; verè enim ille pro definitione, aut explicatione iuris naturalis, ius gentium definiuit & explicuit, dum ait ius naturale esse commune omnium nationum, eo quòd vbique instinctu naturæ, non constitutione habetur aliqua: hæc enim omnia pertinent verè ad ius gentium, quod est commune omnibus hominibus & nationibus, & vbique instinctu naturæ habetur, idest ratione naturali; nempe ratiocinatione & argumentatione desumpta à iure naturali: natura enim ipsa in nobis instituit ius gentium, cum ab eius legibus, & principiis naturalibus, quasi quodam instinctu & motu naturæ trahatur; illudque vocat, & meritò, instinctum naturæ, idest, institutionem naturæ, quâ nos ipsa natura instituit; quod ius gentium est. Et verè si percurras omnia capita Isidori *in 1. distinct.* nusquam inuenies iuris naturalis definitionem, quam posuit Vlpianus *in d. §. huius studij.* At verò lex 2. *tit. 1. q. 1.* etiam si magis sequatur Vlpianum, vsa est eo verbo, *Monimiento deste derecho*; quod verbum ita accipiendum est, quo nos mouet ius naturæ; itaque iure naturæ mouemur ad procreandum, & educandum prolem nostram. Vnde verba illa nihil faciunt contra receptam sententiam, nec pro noua, quæ inter ius naturæ, & instinctum distinguit. Immodò dictum caput *ius naturale*, magis confirmat receptam sententiam, quia cum verissimum sit dictum caput *ius naturale*, loqui de iure gentium, verè & aptè instinctum naturæ interpretamur legem naturæ, vnde ius gentium procedit. Et ita habet recepta sententia pro se ius in dicto capite *ius naturale*, ita vt instinctus naturæ & ius naturæ idem sint, ad quod non aduertit Tellus, & alij, quos ipse refert, *in dict. l. 10. num. 4.*

Immodò ex his que diximus, constat, quàm indifferenter & antiquiores, & nouiores ius genium naturale ius vocent; quia alterum nobis solum proprium sit ius, quòd ex naturæ instinctu, idest iure naturali proficiscatur; alterum verò cum reliquis animantibus nobis commune est, & est ipsemet instinctus naturæ. Hæc autem duo iura præter Vlpianum, & antiquiores, & dictam legem 2. *tit. 1. part. 1.* agnoscunt Soto doctissimus vbi suprà *lib. 1. q. 4.* quem viuentem coluimus, & mortuum epitaphio celebrabimus, quod cum aliis *lib. 1. meorum carminum*, leges: agnouit Franciscus Connanus vbi suprà, *lib. 1. cap. 4.* Ludouicus Molina *lib. 2. cap. 1. num. 19.* non aduertentes ad verba illa Isidori.

Rursum non obstat ratio illa, quâ argumentantur contra veram & receptam sententiam, scilicet deducto argumento ad inconueniens; quia si alimenta iure naturæ deberentur, nulla lege tolli possent, contra dictam authenticam *ex complexu*, & receptam sententiam, quâ ex hæredatis alimenta negamus, & his qui aliunde habeant vnde se alant, ea etiam negamus. Hæc enim exempla aliâ responsione egent; ac primum, ex authentica *ex complexu*, nec nos Hispani recipimus, nec recipit ius Canonum *in cap. cum haberet, de eo qui duxit in matrim. quam polluit per adult.* nec nobis Hispanis negotium facessit vllum, quod etiam si admittamus id, non abhorret plurimum à naturali iure:

19

20

21

iure: siquidem de filiis spuriiis procreandis nunquam ius civile certitudinem patris suspicatur; unde spurios vocauit, idest sine patre. At verò lex 3. tit. 14. part. 4. interpretatur spurium, *fornecino*. Nam lex partitæ sicuti ius commune agnouit filios legitimos, naturales, & spurios. Legitimi sunt ex iustis nuptiis concepti, quæ est vera, & naturalis proles; naturales, qui procreati sunt ex concubina, quæ solemniter recipiebatur, ex l. 2. tit. & part. eadem, ibi: *Deuelo fazer quando la recibiere por barragana ante buenos homes, aiziendo manifestamente ante ellos, como la recibe por su barragana*. Item debet esse vnica, & in eadem domo retenta, & agnita vt concubina; ex hac genitos vocabant antiqua iura naturales, & leges Partitæ cùm de naturalibus loquuntur, de his sunt intelligendæ; vt filius enim naturalis dicatur, debet adesse quoddam velut ementitum matrimonium, d. l. 2. & ibi glossa noua & vetus. Spurios autem iura partitæ & ciuilia vocant vulgò quæsitos sine patre, vel *de fornicio*, vt inquit lex nostra, licet hoc iure Canonum, & Hispano immutatum sit, de quo proximè agemus. Hos itaque spurios ius civile non agnoscit, & debilitata in eisdem iura naturæ arbitratur respectu patris, ideòque à patre ali non patitur, quia paterna iura nulla in hac sobole esse arbitratur dicta lex 3. tit. 14. part. 4. ad fin. ibi: *E demas tal fijo como esto non deve partir los bienes del padre, ni es el padre tenudo de criarle, si non quisiere*. l. 5. tit. 19. part. 4. At verò à matre, quam certam esse nouit, quamuis spurium more pecudum, tamen ali ius civile patitur, idque statutum est in dict. auth. ex complexu, C. de incest. nupt. Ob idque talis spurius reputatur legibus odiosus in authent. de triente & semiss. §. fin. a. tem. Bart. in l. 2. num. 4. ff. de his qui sunt sui vel alieni iuris, nec est de domo, nec de familia, nec de agnatione, neque de cognatione patris. Bart. per textum ibi in l. pronunciatio, §. familia, num. 1. ff. de verb. sign. Bald. in l. ex libera, in principio, C. de suis & legitimis hered. §. vulgò, Instit. de successione cognatorum, authent. quibus modis naturales efficiant. sui. §. si verò effusa concupiscentia ei fuerit, & alias, &c. Ob idque rectè concludit Ludouicus Molin. lib. 1. cap. 4. num. 45. ad maiusculum, & fideicommissum non admitti spurios. Alciat. in d. §. familia, Ias. in l. fin. C. de verb. signif. num. 13. & 14. Tiraquellus de nobilitat. cap. 15. num. 12. Ang. & Alexand. in l. ex facto, §. quis rogatus, ff. ad Trebellian. Immo nec arma, nec insignia portant parentum. Bart. in tract. de insignibus & armis, Guillelmus Benedictus in c. Raynuitius, verb. Raynuitius de Clera, num. 35. Guido Papæ decisio 580. idque relatis aliis resoluit Molina ubi supra, num. 46. & 47. atque odium hoc procedit à iure naturæ, vt statim videbimus: interim illud admonemus, spurios hodie verissimè dici comprehensos in d. auth. ex complexu; antiquo enim iure partitarum & ciuili nemo præsumebatur legitimus, nec naturalis, quia in vtrisque intercedit plurimùm facti; in illis solennitas nuptiarum, in his acceptatio concubinæ, & retentio ipsius in forma quadam ficti matrimonij; ideòque qui se dicit legitimum, probare debet. Alciat. regula 3. præsumpt. 1. num. 12. Ias. in l. nec professio, C. de testam. Dec. cons. 54. D. Didac. de Couarr. in 4. part. 2. §. 3. num. 1. neque item præsumebatur naturalis, quia debebat probare, matrem suam acceptam pro concubina, & solam domi à patre retentam publicè; iuxta d. l. 1. tit. 14. part. 4. solennitas enim requisita, vt filius dice-



retur naturalis, prolixior est, quàm ut legitimus dici possit, l. 3. ff. de concubinis: & ita tenet Speculator in tit. de successione ab intestato, §. 1. versic. nunc de naturalium. Ioannes Andreas in rub. qui filij sint legitimi, in additione ad Specul. in principio. Abb. in c. per venerabilem, qui filij sint legit. Ioann. Bapt. de sancto Seuerino in auct. si qua illustris, C. ad Orfician. in principio, Bald. in fin. C. de naturalibus lib. Nicolaus de Vbaldis in tract. de successione ab intestato, col. 2. vers. secundum membrum. Ang. in §. final. Instit. de nuptiis. Praposit. in cap. lator, qui filij sint legitimi. Stephanus Bertrandus conf. 26. num. 5. vnde filij, quos isti domini quotidie suscipiunt ex seruitricibus suis, sunt spurij. Bald. in l. eam quam, C. de fideicommiss. Alberic. de Rosatis in rubr. C. de naturalibus liberis. Vide Oldrad. conf. 196. vbi in nobili, qui cognouerat pauperulam mulierem, quæ solebat portare aquam de fonte in domum nobilis, & conducebat operas suas ad messes, & vivebat de laboribus manuum suarum, concludit quod filius ex ea est spurius, & non naturalis, vnde in dubio præsumitur filius spurius. Alciatus reg. 2. præsumpt. §. ad fin. nec obstat lex si quis ingenuam, ff. de captiv. & postliminio reuers. quia verè & necessariò intelligendum ibi est, seruam illam fuisse retentam domi pro concubina, postquam filium ex eadem genitum vocat naturale Iureconsultus, idque ex fundata iuris ratione necessariò intelligendum est. Ita tenet Aretin. consil. 48. & Baptista de sancto Seuerino in dicta l. si qua illustris, paulò post principium, contra gloss. in dict. l. si quis ingenuam, quæ non est vera: & ita intelligit Alciatus dicta præsumpt. ad finem.

Hæc de iure ciuili, & nostro iure partitarum recepta erant, iure autem canonum filius naturalis dicitur, qui olim spurius dicebatur, scilicet, qui natus est ex soluto & soluta, inter quos matrimonium contrahi posset, cap. innotuit, de electione, c. tanta, qui filij sint legitimi, quod generali consuetudine receptum est in terris Imperij. Abbas in c. per venerabilem, qui filij sint legitimi; & ita fuisse iudicatum in Senatu Pintiano asserit Suarez noster in l. 1. titul. 6. fori legum, lib. 3. quæ canonum decisio iure nouo Hispaniæ recepta est in l. 11. Tauri. Ob idque immutato hodie iure, immutabitur præsumptio, & stante dicta lege 11. Tauri, hodie quilibet præsumetur naturalis, non verò spurius; quia naturalis est hodie ex soluto soluta, inter quos matrimonium licet; omnes autem nascimur soluti & solutæ; & qualitates cum quibus nascimur, perpetuò præsumuntur: glossa communiter recepta, & elegantissima in cap. si forte, de electione lib. 6. & secundum hoc ius intelligendus est D. Didacus de Couarr. d. §. 3. in principio, num. 1. cap. 8. parte 2. de Sponsalibus, vbi ait potiùs quemquam esse præsumendum naturalem, quàm legitimum: & authentica ex complexu, procedit in his nostris spurij, quos nos Bastardos dicimus, conceptis ab his inter quos matrimonium constare non poterat.

Immo si rectè inspiciamus, hi omnes, siue naturales, siue spurij sint, nihil refert; cum legitimi ex legitimis nuptiis procreati non sint, verè non sunt iuxta naturæ leges procreati: nam licet maris & sceminæ coniunctio, & procreatio liberorum de iure naturali sit, in nobis tamen perfectissimum est hoc ius naturale, multòque nobilius, quàm in cæteris animantibus; illa enim promiscuè coniunguntur, nos iure ipso naturæ nullam huiusmodi coniunctionem

admittimus, immò nec admittit in nobis natura quicquam, quòd turpitudinem secum habeat coniunctam. Bonum enim amat, nihilque vult, quod à bono, & honesto decedat; ideòque in coniunctione maris & foeminae honestatem & bonitatem inuenit, ne ipsamet natura, quæ procreationem inuenit, rei turpis reperiretur inventrix, cuius leges, & iura honestissima & optima esse oportuit. Vnde in nobis procreatio illa solum liberorum secundum naturam est, quæ procedit ex iustis nuptiis, & vero matrimonio; licet enim nuptiarum solemnitas ius civile inuenerit, naturale tamen habent nuptiarum ius, cui innituntur: non enim vaga, & libera, aut potius effrenata libido & procreatio liberorum de iure naturali procedit; sed illa tantum, quæ matrimonio coniungitur. Vaga enim & libera procreatio liberorum, sine lege, sine honestate, absque matrimonio, quam nos simplicem fornicationem dicimus, contra naturam est; & nati ex ea, contra naturæ leges nati censendi sunt: ita, & rectè, sentiunt viri doctissimi, & clarissimi nominis D. Thom. 2.2. q.154. art.4. & in 4. *Sententiarum*, dist. 33. *quest.* 1. art. 3. eleganter Lactantius Firmianus lib.6. cap.3. Alfonso de Castro Hispanus, inter sacros Oratores ætate sua celeberrimus, lib. de *Hæresibus*, *diCTIONE coitus*. D. Didacus de Couar. in 4. part. 1. cap.4. num.8. qui reprehendit, & merito, Bartolum in l. penult. ff. de concubinis, & Alexand. in l. ex facto, §. si quis rogatus, num. 13. ff. ad Trebellianum, qui asserabant contra rationem, de qua egimus, simplicem concubinatum iure naturali legitimum coitum esse, ad differentiam adulterij, & incestus; sed re vera licet in adulterio, incestu, concubinato, & nefario crimine, magis, & minus naturæ iura violentur, solum de excessu est quæstio: omnes autem hi coitus naturæ iura lædunt, & ferino more concipiuntur, si qui ex huiusmodi coniunctione nascuntur, quæ aberret à matrimonio; quo fit vt Solonis illa lex, quam in Christiana ac benè constituta Republica minimè recipiendam ait D. Didacus Couar. de *sponsalibus* part.2. cap.8. §.6. num.5. quam refert Plutarchus in *uita Solonis*, vt scilicet geniti ex meretricibus parentes alere non teneantur, non multum distat à naturæ legibus, cum in his non sint vincula vlla naturalia, quæ natura ipsa, immò ipse naturæ author, perfectissima esse voluit: nec enim vagam & liberam voluit esse mortalibus maris & foeminae coniunctionem, sed honestam, & quæ bonitate splenderet sua; nulla autem est in meretricia coniunctione honestas, ob idque non immerito recepta à Romanis Solonis lex fuit, & in duodecim Tabulis reposita, nec multum diuersa est à l. fin. tit. 14. part. 4. in fin. quin immò vincunt hi coitus ferinas, & pecudum coniunctiones, cum in feris reperiamus aliquot huius naturalis honestatis vestigia, in columbis, & turturibus; & lex 1. §. *huius studij*, *versio ius naturale*, non qualemcumque coitum naturalem dicit, sed quod honestatem habet coniunctam, quæ in solo matrimonio reperitur diuinitus instituto. Deus naturæ author voluit hanc esse naturalem maris & foeminae coniunctionem; atque statim initio nascentis hominis eas leges indidit.

25 Ex quibus ad authenticam *ex complexu*, facilis est responsio, ideò ibi negata alimenta, quia deficit proles naturalis, & secundum leges naturæ suscepta; idque etiam respondebimus ad l.5. tit. 19. part. 4. quod vt magis & fortius tibi persuadeas, reuocabis in mentem, nobilitatem parentis non solum non de-

scendere



Ascendere in spurios, verum neque in naturales, in quibus minus læsas leges naturæ arbitrari sumus, ut tenent quos supra citauimus de spuriiis, & Cistuentes in l. 2. Tauri, licet in hoc ius nostrum Hispaniæ, l. 1. tit. 2. part. 7. & l. fin. tit. 22. lib. 4. Fori leg. naturalibus tribuerit nobilitatem parentis; cum verò ea iura fuerint ante leges Tauri, quibus immutatum est ius illud, meritò dubitari potest, an quos hodie vocamus naturales filios, qui non sunt procreati ex concubina vnica, & in domo retenta publicè, de quibus lex Fori, & Paritarum intelligebat, sint nobiles nobilitate parentum: quod dubium magis augeat lex finalis tit. 14. part. 4. & lex 3. tit. 15. ead. Partita; & an nobilitas concessa à lege olim illo casu, concedenda sit hodie hoc nouo casu. Quicquid sit in hoc Senatu lex partita recipitur in naturali filio, ex dispositione legis 2. Tauri: audio idem obseruari Pintiano in Senatu.

De exhæredatis alia autem ratio est, quia qui facit contra leges naturæ parentem laceffendo, æquissimum est ut naturæ quoque legibus destituatur, l. 6. tit. 9. part. 4. filii enim parentes veluti rem sacrosanctam colere debent, & venerari; sunt enim filiis veluti Deus alter, ut hoc verbo utar. Cicero pro Cneo Plancio. *Nam meo iudicio pietas fundamentum est omnium virutum, patrem vereri ut Deum; nec enim multò secus parens liberis.* Rursum quod adducitur, non deberi alimenta, si filius habeat unde se alat, illud ex eo est, quia cessat obligatio naturalis, quo casu ius ciuile ea adimere potuit: ita tenet Ludouicus Molina dicto cap. 1. lib. 2. num. 23. & dicemus inferius: debentur igitur alimenta legitimis iure naturæ, nec quicquam differt instinctus naturæ à iure naturæ.

Hodie verò nostra lege 10. Tauri, statutum est, ut si filios legitimos, quos verè naturales vocamus, pater habeat, quamuis velit naturalibus, vel spuriiis ultra quintam partem bonorum relinquere, non possit; habent enim necessario legitimi legitimam, alij quintum, ut assen utrique expleant: si legitimos non habeat, relinquere naturalibus pater vel totum assen potest. Spuriiis certè non potest ultra quintum; incapaces enim sunt eius quod quintum excedit, d. l. 10. Tauri, quæ magis tribuit naturalibus, quàm spuriiis; quia minùs in eorum procreatione læditur ius naturæ; utrosque autem respectu legitimorum tanquam prolem contra naturam odio prosequimur, idèò verissimum est contra Antonium Gomez, posse in eo quod sibi datur, granari, vel restitutione, vel submissione; multum enim differunt à legitimis quibus debetur legitima: ita iudicatum vidi. Vide infra num. 54.

Ob idque iam quaritur, an si quintum non sit satis ad alendum spurium, supplenda sint alimenta ultra quintam partem bonorum, stante dicta lege 10. in quo partem affirmatiuam tenet Gregorius Lopez in l. 8. tit. 13. partita 6. verb. *menester.* Rodericus Suarez in l. 1. tit. 6. lib. 3. Fori leg. *vers. notandum est igitur,* Couarruias de Sponsalibus 2. part. cap. 8. §. 6. num. 8. Palacios Rub. in repetit. rubrica, §. 24. num. 17. licet contra hos omnes teneat Tellus Fernandez in d. l. 10. num. 3. Et mouetur ipse, primùm quia alimenta, ut ipse ait, non debentur iure naturæ, sed instinctu naturæ, quod latè à nobis disputatum est: tum quia etiam si debeantur de iure naturæ, istud ius naturæ licet tolli omninò non possit, taxari tamen potest; & in d. l. 10. taxata reperiuntur alimenta, & redacta ad quintam partem bonorum; sed contra Tellium est, quia lex Tauri voluit ali-

menta posse relinqui spurii. Ut autem lex illa vtiliter constituatur, intelligendum est, legem præsumpsisse, quantum quidem sufficere ad alimenta: quod si non sufficiat ad alendum, meritò dici posse suppleri debere; quia aliàs lex loquens de alimentis, intelligeretur in non alimentis. Tu dic quod in naturalibus & spurii, si habeant legitimos fratres, suppleri alimenta non possunt: ita tenet Gregorius Lopez *in l. 8. tit. 13. part. 6. verb. menester*; immò si plures legitimi sint quàm quinque, minuendum est quantum, ex his quæ diximus *num. 9.* Si non sint legitimi, certè licèt lex *10.* taxauerit alimenta ad quantum, cùm tamen quantum non sufficiat, si constet de voluntate alimenta relinquere volentis, vltra quantum supplenda sunt, quia non sunt alimenta, quibus conseruare vitam non possis. Ludouicus Molina *lib. 2. cap. 15. num. 53.* Si verò pater filios habeat legitimos, vel non habeat, certè compelli non potest, vt vltra quantum præster; immò si filius naturalis agat, vel spurius pater satisfaciet, qui alimenta præstiterit secundùm vitæ necessitatem, quia debentur commiseratione naturali, legitimis verò iure fortissimo naturæ, idè pro modo facultatum: de quo inferiùs. Vide tamen Antonium Cordub. de Lara *in l. si quis à liberis*, §. *idem* rescripsit, *num. 59. & sequentib.*

30 Quæ iura cùm de parentibus loquantur, vt *in dict. l. 2. tit. 19. partia 4.* meritò extenduntur etiam ad matrem, idque intra triennium duntaxat; quod tenent glossa *in l. nec filium*, *Cod. de patria potestate*, verbo *trino*, vbi textus ibi: *Et remedium alimentorum maiori trino*, Bart. *in tractat. de alimentis*; numero 13. gloss. & Abb. *num. 9. in cap. cùm haberet*, de eo qui duxit in matrim. quam polluit per adult. gloss. *in l. alimenta*, *C. de negotiis gestis*, gloss. *in l. 1. vers. & ex tempore*, ff. *vbi pupillus educari valeat*, latè Ripa *in l. 1. ff. solut. mar.* Greg. Lopez *in l. 3. tit. 19. part. 4.* Molina vbi suprà, *part. 1. lib. 2. cap. 15. num. 2.* est nobis lex 3. *tit. 19. part. 4. nodrescer*, & *criar deven las madres a sus fijos que fueren menores de tres años*, e los padres a los que fueren mayores desta edad: quæ quidem assertio ex eo descendit, quod iure naturæ mater pietatis officio tenetur lactare filium: gloss. & Abbas *dicto num. 8. in cap. cùm haberet*, suprà: textus *in cap. ab eius*, §. *distinctione*, vbi Augustini hæc verba referuntur: [Praua autem consuetudo in coniugatorum moribus irrepsit, vt filios suos, quos gignunt, nutrire mulieres contemnunt, eosque ad nutriendum aliis mulieribus tradunt. Quod videlicet ex sola carnis incontinentia videtur fuisse inuentum, quia dum se continere nolunt, despiciunt lactare quos genuerunt.] Præpositus Alexandrinus ibi adducit causam, quia nihil magis nutriet infantem recens natum, quàm maternum lac, ex Philosophorum sententia, quos ipse non adducit; expresse tamen id fatetur Plinius, naturalis Historiæ author, *lib. 28. cap. 9.* elegans de hac ipsa re Phauorini Philosophi apud Gellium oratio, *Nocturnum Atticarum lib. 12. c. 1.* vbi solerriam naturæ admiratur, quæ postquam sanguine illo opifice in penetralibus suis totum corpus hominis effinxit, adueniente iam partus tempore in superas partes sanguinem illum profert, qui ad fouenda vitæ atque lucis rudimenta præsto est, & recens natis notum & familiarem victum sese offert; quam ob rem non frustra creditum putat, sicuti valet ad fingendas animi atque corporis similitudines vis, & natura seminis, non secus ad eandem rem lactis ingenia valere, nec in hominibus id solum,

sed



sed in pecudibus ait animaduersum : nam si ouium , inquit , lacte hœdi , aut capratum agni alerentur , constat fermè in his lanam duriores , in illis pilos gigni tenuiores. Hæc & alia multa ibi Philosophus ille : multa Macrobius lib. 5. Saturnalium , cap. 11. multa Tiraquellus in l. si unquam , Cod. de renocand. donat. num. 173. meliùs in tractat. de Nobilit. cap. 20. num. 76. alios citat D. Didacus Couarr. de Spons. lib. 2. part. cap. 8 §. 6. num. 13. vt ex his colligere possis , quàm pulchrè faciant matres , quæ fontes illos lacteos quæsitis medicamentis obturant , impiæ , effræ , asperæ , & immites , & in nulla alia re , quàm in oblectamentis & voluptatibus matres.

Quod tamen intellige vt mater triennio lactare debeat filium , & nutrire officio quodam pietatis , iuxta ea quæ tradunt Bartol. dict. tractat. de alimentis , & Bald. in dicta l. alimenta , C. de negot. gestis. Præpositus in dict. cap. ab eius , & Gregor. Lopez ubi supra , & alij quos adduximus , scilicet nisi mater sit nobilis , & magna Domina , nec deceat ipsam pollui his sordibus , quibus polluuntur istæ infantium conductitiæ nutrices , Præposit. ubi supr. quod quidem nec auctoritatem , nec rationem habet vllam. Reginam enim Hispaniæ , quâ nihil maius videt oriens , & occidens Sol , filios suos nutrire decet , idque obseruata ratione naturæ , quæ Reginis , & reliquis communis est. Illa verò honestior exceptio est , si mater sit pauper , quæ sibi quæsitura sit alimenta ; ordine enim charitatis prius sibi consulere debet mater , quàm filio ; vnde dicit Bald. in d. l. alimenta , quod istæ fantechæ , contra legem quâ nutrire teneantur triennio filios , propter paupertatem , quâ coguntur sibi alimenta quærere , possunt filium scholastico etiam intra triennium reddere , quod dictum Baldi egregium est , & quotidie versatur in nostro Senatu , quo tota die commenant pauperculæ mulieres , ab his , ex quibus filios sustulerunt , alimenta postulant præstita paruulis etiam intra triennium , quibus iam semel , ac bis succursus est ex dicta decisione Baldi : facit quod resoluit Abbas in dicto cap. cum haberet , de spuris enutritis , etiamsi mater locuplex sit , quem sequitur Gregorius Lopez in dicta l. 3. versicul. De tres años , ad finem ; ita vt regula de matre omninò in spuris locum non habeat , ex qua hodie indistinctè à Sacerdotibus exigere alimenta possunt mulierculæ , & nutrices.

Vtteriùs nota quod illa regula , scilicet , quod mater omnino teneatur alere intra triennium , necessitatem non inducit , admittit enim arbitrium : de quo Bartol. in l. si quis , §. si mater , ff. de liber. agnosc. vt scilicet etiamsi ipsa velit , & teneatur alere intra triennium , si tamen infanti nutriendo vile sit apud ipsam non ali , aliò traducatur iudicis arbitrio , l. 5. ff. ubi pupillus educari debeat , l. 1. ff. eodem , ibi : Et solet ex persona , & ex conditione , & ex tempore statuere ubi potius alendus sit , l. 1. Cod. eod. ibi : Quando autem inter eam & cognatos & res. o. es suborta fuerit dubitatio , aditus præses prouincia , inspectâ qualitate personarum & coniunctione perpendet , ubi puer educari debeat , l. 19. titul. 16. part. 6. ibi : Pero si tuviessè madre qua fuesse muger de buena fama , bien la puede dar el fijo que lo cire , e ella puede lo tener inientras mantuviere vinda , e non casare , mas luego que casare , &c. Vnde si vidua intra luctus tempora turpiter se gerat , etiamsi velit alere filium , auferetur sibi , & aliis tradetur ; tutius enim est de suo infantem ali secutè , quàm apud turpem matrem cum vitæ periculo per-

manere: ad hæc faciunt dicta lex 3. tit. 19. part. 4. & lex *lex quæ tutores*, ff. de administ. tutorum: facit quod tradit Gregor. Lopez in dict. l. 3. de divorcio facto inter virum & uxorem. Penes quem remanebant filij, vide apud ipsum; nihil pertinet ad nostrum institutum.

33

Nec hæc necessitas alendi restringenda est solùm ad ipsos parentes, qui procrearunt, quamvis in ipsis naturalis illa ratio fortissima esse videatur; sed ad avos, proavosque, & cæteros vitilis sexus parentes extendenda est, quin & à matre ad cæteros maiores per illum foemineum sexum infantem contingentes, necessitatem illam alendi deducimus & dilatamus; quoniam hos quoque ipsa ratio naturalis inuenit procreationis infantis authores, proximos eos quidem: ita Ulpianus in dict. l. si quis à liberis, ff. de lib. agnosc. Virum autem (inquit) tantum patrem, avumve paternum, proavumve paterni avi patrem, ceterosque virilis sexus parentes; an vero etiam matrem, ceterosque parentes per illum sexum contingentes cogamur alere, videndum est: & magis est ut virobique se index interponat, quorundam necessitatibus facilius succursurus, quorundam agriiudini; & cum ex æquitate hæc res descendat, charitatēque sanguinis singulorum desideria perpendere indicem oportebat. Hæc Ulpianus. Textus egregius in authentica ut liceat matri & avia, §. illud, ibi: Quod autem de alenda matre, & filiis indigentibus definivimus, hoc quoque in omnibus ascendentibus, descendentibusque personis viriſque natura valere precipimus: quod refertur in auth. si pater, C. de divorcio facto. In quo tamen id observandum est, ut non omnes confusè quidem alere teneantur, sed pater in primis, mater verò deinde illo triennio: quod si hi egeant, avi proavive paterni alant, in subsidium verò requirendi sunt materni: ita definit Marcellus in l. non quemadmodum, ff. de lib. agnosc. Non quemadmodum (inquit ille) masculorum liberorum nostrorum liberi ad onus nostrum pertinent, ita & in foeminis est; nam manifestum est id quod filia parit, non avo, sed patri suo esse oneri, nisi pater aut non sit superstes, aut egens sit. Hunc ordinem agnoscit Gregorius Lopez in lib. 2. titul. 19. partit. 4. versic. Padres.

34

Quin & ipse frater ditior fratres inopes alere tenetur, ipsasque sorores, leg. minus, ff. de iure dotium, ibi: Manente (inquit Paulus) matrimonio, non perditura uxori ob has causas dos reddi potest, ut se suosque alar, ut fundum idoneum emat, ut in exilium, vel in insulam relegato parenti præstet alimoniam, aut egentem virum, fratrem, sororemve sustineat: l. quamvis, ff. solut. matrimonio, ubi idem Paulus ait, quod quamvis mulier non in hoc recipiat constante matrimonio dotem, ut æs alienum soluat, aut prædia idonea emat, sed ut liberis ex alio viro egentibus, aut fratribus, aut parentibus consuleret, vel ut eos ex hostibus redimat, quia iusta & honesta causa est, non videtur malè accipere: l. tutor secundum dignitatem, §. finali, ff. de administratione tutor. [Aliud est, inquit Caius, si matri fortè aut sorori pupilli tutor ea quæ ad victum necessaria sunt, præstiterit, cum semetipsas sustinere non possent; nam ratum id habendum est, nec enim eadem causa est eius, quod in eam rem impenditur, & quod muneris, legatorumve nomine irrogatur.] l. filium, ff. ubi pupillus educari vel morari debeat. [Existimo, inquit Iulianus, etsi citra Magistratum decretum tutor sororem pupilli sui aluerit, & liberalibus artibus instituerit, cum hoc ei aliter contin



contingere non posset, nihil eo nomine tutelæ indicio pupillo, aut substitutis pupilli præstare debere. ] *Glossa versic. aliter, l. prima, §. sed nonnullos, ff. de tutel. & rationibus distrabend.* sed nonnullos casus posse existere, inquit Vlpianus, quibus sine reprehensione tutor author sit pupillo ad minuendum, decreto scilicet interueniente, veluti si matri aut sorori, quæ aliter se tueri non possunt, alimenta tutor præstiterit: tenent glossa, & Bartol. *in d. l. si quis à liberis, in princ. Salicet. in l. 1. de alend. liberis*, Ioannes de Imol. *in l. 1. ff. solut. matrim.* Quin & illud videbatur dicendum, fratrem debere fratri & fororis filios alere, cùm eadem ferè ratio reperitur, efficiente civili & legitima representatione fratrem & eius filium vnam & eandem personam: tum etiam quia fratrum nomine filij fratrum intelliguntur, §. *cùm filius, Instit. de hered. quæ ab intestat. deferuntur: cap. quaritur, 22. q. 2.* vbi soror etiam dicitur quæ filia fratris erat. Sed verius & receptius est non teneri fratrem filios fratris alere, nullibi enim scriptum est, idque post Angel. & Alexand. Ripam & Imolam *in l. 1. ff. solut. matrim.* tenet Afflictis *in constitutionib. Regni Sicil. lib. 3. rubr. 68. numero 14.* Emanuel Costa suo tempore Iurisperitorum omnium iurisperudentissimus, olim præceptor meus, *libr. 2. selectarum interpret. cap. 20. numer. 2.* à quo sæpè ea reddebatur ratio, quod nulla lege id reperiretur decisum: præterea leges naturæ iam in transversum euntes debilitari, & degenerare multùm à fratribus ad fratrum filios. Postremò hanc tenent Ludouicus Molina *de Primogeniis Hispanis lib. 2. part. 1. cap. 1. num. 67.* vbi pro *cap. frater, 22. quæst.* legendum est *cap. quaritur*, & *num. 58.* vbi allegatur lex 1. §. *sed nonnullos, ff. de lib. agnosc.* legendum est, *de iudic. & rationib. distrab.* & *num. 70.* pro *l. 8. tit. 3. part. 6.* legendum puto *tit. 13.*

35

Frater quoque Sacerdos tenetur alere sororem inopem, Antonius & Abb. *in c. peruenit, de arbitris*, quod de redditibus Ecclesiæ saluâ conscientia posse fieri tenent ibidem Abbas; dominus enim fructuum est, & dummodo absit abusus, de eisdem tanquam de patrimonio disponere potest, Ægidius de Bellamera *in cap. venerabilis, de exceptionib. num. 46. & seq. Soto de iust. & iur. libr. 10. quæst. 4. art. 3.* Couarr. *in cap. cùm in officiis, de iustament. num. 3.* Præpositus Alexandrinus *in cap. 1. 44. disti. et.* post Diuum Thomam *2. 2. quæst. 185. artic. 7.* cui opinioni proximè accedit illa opinio Zabarellæ Cardinalis *in Clem. quia contingit, de religiosis domibus*, & *in Clement. Gratia, de rescriptis*: vbi licet Clericum dominum non faciat, sed administratorem; liberam tamen administrationem relinquit, licet de abusu teneri dicat: de quibus duabus opinionibus contra Archidiaconum, qui tertiam aliam opinionem tenebat nimis rigorosam, vide elegantissimè Dominum Franciscum Sarmiento *in suo docto & eleganti tractat. de redditibus Ecclesiasticis, part. 2. per totam*; hæc enim solum ad nostrum institutum pertinent.

36

At verò inter has obligationes matris & patris, & fratris erga filios, sorores, & fratres, aliquod discrimen reperitur, ex fortiori, vel debiliori necessitate & obligatione, quæ in iis reperitur. Hæc autem cùm fortissima sit in patre, & matre, eo quo diximus modo, postea avi, & proavi, quos omnes tanquam authores generis & procreationis natura agnoscit; ij ex hac naturali & fortissima necessitate coguntur non qualiacunque alimenta præstare, scilicet

37

quæ

quæ duntaxat necessaria sunt ad vitam conseruandam, *l. si quis à liberis, §. si parens, versic. non tantum alimenta præstare*; sed alimenta pro sua dignitate præstabunt, & pro modo facultatum, *l. legatis, ff. de alimentis legat. Legatis alimentis*, inquit Iauolenus, *cibaria & vestitus, & habitatio debetur*, quia sine his ali corpus non potest: *l. verbo victus, ff. de verb. signific. l. quos nos, eod. Verbum viuere*, inquit Paulus, *quidam putant ad cibum pertinere: sed Offilius ad Atticum ait his verbis, & vestimenta, & stramenta contineri*; sine his enim viuere neminem posse: & ne in ambiguo laborandum sit, siue quis educandus sit, siue sint sibi alimenta præbenda, siue victus præstandus, omnia hæc exæquata sunt, vt ad victum necessaria præstentur, *l. fin. ff. de alimentis legatis. Rogatus es* (inquit Labeo) *vt quemdam educes; ad victum necessaria ei præstare cogendus es. Cur plenius est, rogo, alimentorum legatum, ubi dictum est, & vestiariū, & habitationem contineri: innò ambo exæquata sunt*. Ex quibus constat, victum, vestitum, & habitationem contineri verbo alimentorum. Ex hoc autem Labeonis responso videbatur plenius legatum alimentorum esse, vtpote quod non victum solum, sed vestitum, & habitationem contineat: quod apertè pugnare videtur cum lege *cum hi, §. qui transigit, ff. de transuentionib. Qui transigit*, inquit Vlpianus, *de alimentis, non videbitur, neque de habitatione, nec de vestiariis transigisse, cum Diuus Marcus, etiam specialiter de istis transigi volueris*: quod in eodem §. prosequitur. Ex quo responso vides apertè, alimentorum nomine, nec vestitum, nec habitationem contineri; sed breuiter recepta sententia est, vt propter odium transactionis super alimentis, quo casu transactio liceat, strictissimè fiat alimentorum interpretatio, vt id quod nominis etymo, & propria significatione continetur, id nomine alimentorum intelligamus; scilicet, quod re vera alit, non cætera; habitatio enim, & vestis verè non alunt, licet ad alendum vtilia sint; cibis autem alit, ex dicto §. *verbum viuere, l. quos nos*; ideòque solus cibus in transactione continebitur: at verò ubi agitur de alimentis præstandis, non auferendis, latior interpretatio fit, vt omnia hæc contineantur, & tunc victus, educatio, & alimenta exequantur, *ex dict. l. fin. & dict. l. legatis, & dict. l. verbo victus, & dicto §. viuere*: & ita resoluit Iason post reliquos in dicto §. *qui transigit, num. 1. versic. in ea gloss. ubi insert post Bartolum de legato alimentorum relicto uxori, vel de transactione inter hæredes & uxorem super legato alimentorum: idem Bartolus tract. de alimentis, num. 1. & 2. denique nobis est lex 8. tit. 13. part. 6. ibi: Enonces los herederos del son tenudos de le darlo que fuere menester para su gouierno, e para su vestir, e calcar, segun aluedrio de hombres buenos. Elegans textus in l. 2. tit. 19. part. 4. E la manera que deuen criar los padres sus fijos, e darles lo que les fuere menester, inaguer no quieran es esta, que les denen dar que coman, e que beban, que visitan, e que calcen, e lugar donde moren.*

- 39 Quin quod cubile etiam & stragula conuolutoria verbo alimentorum continentur, vulgò, *Vna cama, d. l. quos nos*, ibi: *Et stramenta & vestimenta contineri, sine his enim viuere neminem posse*; tener Angel. & post eum Iason in dicto §. *qui transigit, numer. 3. ad finem*. Aulæa autem serica, vel lanæa præstare non tenetur pater, cum hæc ad ornatum domus, non ad alimenta pertineant; sine his enim egregiè veteres viuebant; nos autem eò deuenimus, vt nisi parietes



parietes exquisito luxu cooperiamus, egregiè viuere nos minimè putemus. Insanit humanum genus, & liberè sibi, ne dicam impudenter, & Regum & Principum mores arripit; vix ad subeundas expensas aduersæ valetudinis opes habemus, & auratis parietibus vniuersum censum tribuimus. Optimè cum re publica nostra actum esset, si lege lata his quoque sumptibus modus imponeretur. Hæc autem cum inuenerit, luxus, & Regum opulentia, non necessitas, alimentorum nomine minimè continentur, *glos. in d.l. quos nos, versic. neminem, ff. de verborum signif. vbi Alciatus post alios, l. in strato, ff. eod. stragula* enim, de quo verbo *in d.l. in strato*, vt Marc. Varro ait *de lingua Latina lib. 4.* quicquid sternitur, significatur, à sternendo; vnde pro veste, & pro aulais, & tapetibus accipitur; item pro eo quo dormientes cooperimur, vnde dimanauit verbum illud latinis receptum, *stragula semper conuoluta habeto*: quod vrbانيتatem continet, vt scilicet stragula lecti componamus excubantes: tamen si verius multò sit hoc verbo commendatam fuisse verecundiam, vt etiam in his, quibus cogimur, & compellimur necessitati naturæ satisfacere, verecundi simus, & stragula conuoluta habeamus: & ita tenet Angel. & post eum Ias. *in dict. §. qui transigit, num. 3.*

Item & medicamenta ægrotanti debentur, & nomine victus, & alimentorum continentur, Bartol. *in l. si cum dotem, §. si autem in senissimo, ff. solut. matrim. num. 9. versic. ultim.* idem ex isto tenet Angel. & Ias. *in dict. §. qui transigit*: idem Bart. *in d.l. legatis, ff. de alimentis legat.* *glos. Abb. & Canonistæ in cap. cum haberet, de eo qui duxit in matrim. quam polluit per adult.* Dominicus de sancto Geminiano *in cap. omnino, 31. distinctione*, Ancharan. & Imol. *in cap. si aliquem, de prebendis in 6.* textus elegantissimus, quem Bartol. dicit à nemine allegari, *in leg. sicut impendia, ff. de usufruct. Sicut impendia cibariorum* (inquit Caius) *in seruum, cuius usufructus ad aliquem pertinet; ita & valetudinis impendia ad eum respicere naturâ manifestum est*: quod autem dicitur de medicamentis parvæ vel magnæ quantitatis, in hoc nostro casu, in quo simpliciter alimenta debentur, sine quibus viuere non possumus, non curamus; siue enim magna, siue parua sint, omnino sunt præstanda, quia ad vitam necessarium est. Parui autem & magni in alimentis inuestigatio singularem considerationem habet in casu legis *in rebus, §. possunt, ff. commodat. Possunt*, inquit Caius, *in ista causa esse, ex quibus cum eo qui commodasset, agi deberet, veluti de impensis in valetudinem serui factis, quæ post fugam requirendi, reducendique eius causâ factæ essent: nam cibariorum impense naturali ratione ad eum pertinent, qui viuendum accepisset; sed id quod de impensis valetudinis, aut fuga diximus, ad maiores impensas pertinere debet: modica autem impendia verius est, vt sicuti cibariorum, ad eundem pertineant.* Hæc Caius, vbi maiores impensæ ad dominum, non ad eum cui commodatur, pertinent; cum enim is cui commodatur, rem recipiat ad commodatam, alimenta præstabit respectu commoditatis: quæ autem commoditatis expensæ rationem superant, eæ ad dominum spectant. Commodasti equum, vt Compostellam irem; Compostellam veni, ægrotauit equus, curavi, grauis morbus fuit, expensæ rationem commoditatis superant. Proculdubio ea expensæ ad dominum pertinent, parua autem ad me. Idem dicendum est in omni specie, in qua alimenta de-

44 beantur respectiue, vt in viro qui tenetur alere vxorem, ac ob id medicamenta præstat. Sed cum hæc medicamenta debeantur respectiue, id est, ratione dotis, si morbus grauissimus sit, & maximæ impensæ fiant in vxorem ægrotantem, quæ dotis vfuras excedant, eas quæ excedunt dotem computabit vir in dotem; quia licet teneatur alere, ac subinde mederi; id tamen est respectu dotis: & ita tradit Paulus elegantissimè *in lege quod in vxorem*, ff. de negot. gestis, qui videndus; & tenuit Baldus ibidem numero tertio, qui existimauit aliquando hanc expensam medendi non pertinere ad maritum: & allegat Cinum, & Raynerium. Denique idem resoluit Palacius Rub. *in repet. cap. per vstras*, post adnotationes ad textum, §. 1. *per totum*, folio mihi 85. & ita respectiue habetur ratio paruæ & magnæ quantitatis: quod addendum est ad explicationem eorum quæ tradit Antonius Corduba de Lara *in lege si quis à liberis*, §. si quis ex his, numero 26. ff. de liberis agnoscend. In nostro verò casu, vbi de alimentis filiis præstandis à parentibus agimus, cum simpliciter debeantur auctore natura, & cogente lege, siue magnæ, siue paruæ quantitatis sint, præstari oportet, nec locum habet separatio illa magnæ & paruæ quantitatis, de qua Caius *in dicta l. in rebus*, §. possunt.

45 Tandem huiusmodi parentes præstare quoque tenentur expensas pro disciplina addiscenda, si fortè filius vult ire ad scholam Salmantinam: in quo animaduertendum est, nos nihil agere de legato alimentorum, in quo verissimum est, non contineri nisi ea quæ diximus, victum scilicet, vestitum, habitationem, & medicamenta: glossa *verb. victus*, in cap. Episcopus, 10. quaest. 2. Decius *in leg. de alimentis*, Cod. de transactionib. Bartol. *in tractat. de alimentis*, num. 1. 5. & 6. denique in legato veniunt ea quæ pertinent ad vitam tuendam, expensa autem ad disciplinam addiscendam non continetur in legato alimentorum; quod tenet Bartol. *dict. tract. de aliment. num. 3.* idem *in dict. lege legatis*, idem *in l. de bonis*, §. penultim. ff. ad Carbonian. post gloss. ibi, Iason *in §. qui transigit*, num. 4. pro quibus est textus *in dict. l. legatis*, ff. de aliment. legat. Legatis alimentis, inquit Iauolenus, cibaria, & vestitus, & habitatio debebitur, quia sine his ali corpus non potest: cetera quæ ad disciplinam pertinent, legato non continentur. In nostro verò casu, vbi obligatio alimentorum descendit à naturæ & legis dispositione, non verò hominis, proculdubio hæc expensæ veniunt quoque appellatione alimentorum, l. bonis, §. qui pup. vers. non solum, ff. de Carbonian. edito: Non solum alimenta, inquit Paulus, præstari debent pupillo, sed & in studia, & ceteras necessarias expensas debet impendi pro modo facultatum, quod & in tutore quoque receptum est. l. cum plures, §. fin. ff. de administ. tutorum. Cum tutor, inquit Paulus, non rebus duntaxat, sed moribus pupilli præponatur, in primis mercedes præceptoribus, non quantas minas poterit, sed pro facultate patrimonij, pro dignitate natalium constituet. Textus *in l. qui filium*, ff. vbi pupillus educari debeat, ibi: Iussus es à Magistratu alimenta pupillæ & mercedes ut liberalibus artibus instituere, pupillæ nomine præceptoribus dare; questum est aut tutela iudicio consequi possis. Existimo, eisi citra Magistratum decreta tutor sororem pupilli sui aluerit, ut liberalibus artibus instituere, nihil eo nomine tutela iudicio pupillo, aut substitutis pupilli præstari debere, cum aliter ei contingere non possit; id est, cum etiam si Magistratum adierit, cogendus omni-

47 nino



ninò esset præstare has impensas, quæ ad disciplinam irrogantur addiscendam pueris, puellisque.

Nec cum hanc questionem tractamus, id attingimus, an scilicet filius teneatur conferre expensas, quas pater secum fecit in studiis: aliud enim est an pater teneatur, aliud an filius debeat conferre, cum utrumque concurrere possit; & quod pater teneatur præstare impensas filio in scholis, & quod filius teneatur conferre fratribus. Rursus potest quidem fieri, ut pater teneatur præstare, & filius minimè conferre; unde resultat perspicuitas quæstionis nostræ, an scilicet ita instituendus sit, ut est alendus; & sicuti alimenta necessaria filius non confert, ita nec expensas pro disciplina addiscenda: & licet Bartol. in dict. tractat. de alimentis, & Paul. & Iason, & reliqui, de quibus supra, ita ex dict. leg. bonis, §. qui pupilla, & ex dict. leg. cum plures, §. fin. & dict. leg. qui filium, id indistinctè colligant, & tradant securè; aduertendum tamen est, quod pater tenetur mercedes præceptoribus, & magistris numerare, & filium erudire, non tamen maioribus facultatibus, iure Ciuili scilicet, aut Pontificio, vel Theologia, vel medendi Arte. Sed eò vsque duntaxat, ut filius discat Latinam linguam; parum enim homo videri solet, qui humaniores disciplinas non nouit, quantumvis reliquis maioribus disciplinis eruditus & instructus esse videatur: miserrimi enim ingenij est, quæ rectè senseris, non nisi barbarè promere, & turpiter explicare. Unde hanc prærogatiuam usurpauit sibi in iure Latina lingua, ut expensas in ea factas pater teneatur præstare, & filius minimè conferre: atque id quod de Latina lingua dicimus, de humanioribus studiis intelligimus, sine quibus hodie nullus satis peritus, & doctus est; idemque de Græca lingua, quæ ingenuis hominibus post Latinam apprime necessaria est, & doctissimo cuique ornamentum splendidissimum. Existimo ergo in hoc habendam esse rationem personarum, & patrimonij, idque arbitrio iudicis definiendum esse, ita ut omnino hæc impendenda sint nobili parenti, quæ filius in his consumpserit, has minimè collaturus expensas. Tenet Bartol. in l. bonis, §. non solum, ff. de Carboniano; idque significat illis verbis, dum ait: [ Sed respondeo quod textus iste hoc declarat, quod hic loquitur in studiis necessariis, sine quibus homo secundum consuetudinem, & conditionem suæ personæ viuere non potest, ut addiscat Grammaticam, & similia; & tunc dicitur impensa necessaria. ] Hæc Bartolus, qui cum dicit Grammaticam, & similia, intelligit Artes liberales, quæ liberaliter erudiunt, & ingenuè instituunt, veræque hominum diuitiæ sunt; quas qui norunt, ita reliquos homines excellunt, sicuti ipsi mutas pecudes. Tenet Ludouicus Romanus in leg. si donatione, Cod. de collationibus. Ang. in authent. res quæ, Cod. communia de legat. Iason in l. quidam cum filium, numero 33. ff. de verb. obligat. ubi refert Solonis legem, qua filius non tenebatur alimenta præstare patri, quem pater liberis studiis non erudisset, ex Plutarcho in vita Solonis. Tenet Ripa in leg. in quartam, num. 174. ff. ad legem Falcid. Gregorius Lopez in l. 15. part. 6. verb. Las despenfas, versículo aduerte tamen. Tenet doctissimus Antonius Meneses, præceptor olim meus, in authent. res quæ, C. communia de legat. numero 29. qui adducit Rebuffum de privilegiis scholasticorum numer. 53. in quo arbitrium iudicis desideratur, ut diximus, perspecta qualitate, & dignitate

- personarum, & patrimonij facultatibus : ex qua vera resolutione cauebis à glos. verbo, *solebat*, in l. *sed Iulianus*, §. *proinde*, ff. *ad Macedonianum*, ubi longa & prolixa distinctio est : & rursus cauebis à Bartolo in dicta l. *quidam cum filium*, num. 11. ubi indistinctè tenet quod pater tenetur ad impensas : &
- 49 quamvis Ludonicus Romanus, ubi *suprà*, pro sua, & Bartoli opinione adducat *legem qua pater*, ff. *familia erciscunda* ; illa tamen lex verè non loquitur in expensis omnino debitis, quia in his minimè indagamus animum credendi, vel non credendi : ille autem textus meliùs applicabitur in casu, quo pater expendit cum filio in maioribus studiis, ad quod minimè tenetur ; an donasse vilis sit si non reposuerit in libro rationum, vel si non explicauerit animum,
- 50 quod crediturus fecerit, non daturus, vt quadret cum lege *Nesennius*, ff. *de negotiis gest.* Facit pro recepta opinione dicta lex *qui filium*, ff. *ubi pupillus educari debeat*, & lex *cum plures*, §. *fin.* Putamus tamen inuito patre posse filium his humanioribus studiis operam dare ; cum enim omninò pater teneatur iisdem eundem erudire, non potest filius impediri, quo minus addiscat, si velit. Bald. in l. *Macedoniani*, C. *ad Macedonian.* Felin. in cap. 2. *de magistris.* Nouellus *de dote* 6. parte, privilegio 46. Rebuffus dicto privilegio 53.

Ex quibus cum pater ad hæc omnia teneatur, proculdubio tutores & curatores, qui huiusmodi expensas fecerint, in rem pupilli expendisse videbuntur, meritòque in ratione tutelæ has expensas deducunt ; idèmq; obseruabitur generaliter in omni eo, cui pupillus curæ sit, si pupillum legere, & characteres literarum aptè formare docuerit ; ferè enim nullus casus interuenire potest, nulla personæ qualitas, nulla patrimonij adeo exigua summa, quæ harum expensarum deductionem impediatur, etiamsi expensas in humanioribus disciplinis faciendas arbitrio iudicis relinquamus, perspecta qualitate & dignitate personæ, & patrimonij, *leg. qui filium*, ff. *ubi pupil. educari deb. leg. decimasexta*, tit. *decimosexto*, *parie sexta*, ubi Gregor. Lop. immò arbitramur si tutor tales expensas omiserit, teneri eum ex dispositione textus *in lege quicquid*, C. *arbitrium tutela* ; quia multò grauior est iactura pupilli, quam rei pupilli ; meritòque talis tutor priuabitur decima parte fructuum, quam consequitur ex iuris nostri dispositione vtiliter pupillum & pupilli rem gerens : non gessit, qui pupillum non erudiendo perdidit, quamvis rem auxerit, d. l. 16. tit. 16. *part. 6.*

- 52 Cæteras autem expensas in maioribus studiis, quas pater facit cum filio, an omnino teneatur facere, & si semel præstitit expensas, perseverare teneatur, quovsq; perficiat studiorum suorum tempora ; & si pater sit mortuus, qui semel expensas subministrat, an fratres teneantur, & in omnibus iis decisio est negatiua, quam resoluit Antonius Gomez in l. 29. *Tauri*, numero 18. post Bartolum in l. *de bonis*, §. *non solum*, ff. *de Carbon. edito* : idem Bartolus in l. *prima*, §. *nec Castrense*, ff. *de collationibus bonorum*, numero *decimesecundo* : idem in tractatu *de duobus fratribus*, *questione tertia*. Baldus in l. *filia cuius*, C. *familia erciscunda* : glossa & DD. in lege *Macedoniani*, C. *ad Macedonianum*. Iason in l. *quidam cum filium*, ff. *de verborum obligationibus*, numero *trigesimo tertio*. Pro fratribus est textus expressus in *leg. Esi filium*, ff. *de muneribus & honoribus*, *lege si uni*, §. *primo*, ff. *familia erciscunda*.



Et quamvis hoc generaliter traditum sit, si fratres communia habeant bona ex ea parte facultatis, quæ ad filium studentem pertinet, proculdubio in hoc Senatu compelluntur necessaria mittere ad studia perficienda, pro quo facit dicta lex *Et si filium*, ibi: *Cum eidem decurioni sufficientes facultates reliquerit pater*: quasi Iureconsultus dicat, non teneri fratres, quia decurio habet suas facultates. Igitur voluit quod ex facultatibus suis alatur, etiamsi hæ sint apud fratres cum reliquis bonis paternis; quas quidem expensas sibi faciet, & ex suo, non verò ex ea portione, quæ ad fratres pertineat.

Ex quo iam semel ex facto agitarum vidi in hoc Senatu, si pater semel miserit filium Salmanticam, qui maternam hæreditatem habeat; cuius tamen ususfructus apud patrem sit, nolitque expensas præstare ut filius perficiat studia, an sit compellendus: & coactum fuisse noui, idque in eo casu quo pater locuplex erat, & facillè poterat præstare necessaria sine distractione rerum maternarum, & diminutione ususfructus, argumento glossæ communiter receptæ *in lege Macedoniani*, *Cod. ad Macedonianum*; quam ibi sequitur Bartol. alias si esset ad id rem maternam distracturus, unde diminutio fieret ususfructus, non teneretur: ob id iudicium prudens arbitrium animaduertitur; filius autem postea expensas computabit secum factas.

Hæc sunt necessariò expendenda cum filiis legitimis, quos rectè genitos esse censemus, & in quibus fortissima naturæ iura esse arbitramur; nam in spuris & naturalibus magis minsuve læsa iura naturalia constituimus, idèoque in his commiserationem, in illis naturæ vim & potestatem inuenimus. Vnde illud animaduersione dignum est, quod tradit Antonius Gomez *in l. 10. Tauri*, *num. 43.* existimans adedè deberi spuris alimenta, ut sicuti legitima portio grauari onere vel fideicommissò non potest, propter naturalem obligationem; ita quoque alimenta fundantur *in l. 10. Tauri*, quæ mihi nihil huiusmodi probat; non enim video cur Sacerdos, qui centum nomine alimentorum filio, filiæve donat, vel relinquit, non possit fideicommittere filij, filiæve, ut post mortem suam fideicommissi nomine restituat alij; pro quo præterea quod ipsa ratio facit, à qua decessit ipse, scilicet, quia ius alimentorum personale est, & non transitorium ad hæredes, *l. cum hi*, §. *modus*, ff. *de transactionibus*, lex decima Tauri, etiamsi dicat, posse filium huiusmodi alimenta transmittere ad posteros, & relinquere quibus velit, id quidem intelligendum est, si liberè relinquuntur, nulla addita conditione; cum verò ex superiùs traditis constet, spurio, & naturali non deberi, quemadmodum legitima portio filijs legitimis, necessariò fatendum est, posse istos fideicommissò grauari, præsertim quod morte eorum incipiat, quo tempore alimenta desinant deberi. Et ita iudicauit Senatus noster, in causa dotis constitutæ filiæ Sacerdotis, addita conditione, ut si filia sine liberis moreretur, dos ad consanguineos quosdam Sacerdotis reuerteretur, marito ex voluntate vxoris bona desiderante, ex qua prolem nullam susceperat. Alimenta enim eam naturam obtinebant, ut finitâ vitâ ad donantem reuerterentur. Palacios Rubios, & alij quos refert & sequitur post Abbatem *conf. 115.* & Baldum *in l. eam quam*, *C. de fideicommissis*, *num. 41.* Antonius Gomez *in dict. l. 10. Tauri*, *num. 42.* & contra Antonium Gomez sunt ij, qui tenent alimenta deberi instinctu naturæ, non lege naturæ.

de quibus num. 10. & quia caret Antonius Gomez iure, & licet ipsi in fundamento errent, verè tamen tenent contra Gomez, & tenet Palac. Rub. in repet. cap. 99. num. 9. col. 1.

## CAPVT IV.

*De expensis ad maiores disciplinas addiscendas,  
& quomodo alimenta constituentur.*

*Notabilia ex hoc capite quarto.*


- 1 *Expensa facta in maioribus studiis cum filio, an conferantur.*
- 2 *Si pater habeat bona filij & expendat, in dubio censetur expendisse ad maiores disciplinas de patrimonio filij.*
- 3 *Quid si filius nihil profecerit in studiis, & operam perdidit.*
- 4 *Quid si pater expendat animo donandi, & quomodo probatur ille animus.*
- 5 *Necessaria expensa nunquam conferuntur, idque generale est.*
- 6 *De libris an conferantur, & quid iure nostro Hispano. num. 7. & quod Bartolus pessimè comparet scholasticos cum arcariis & muscariis. num. 8. contra Telliū. num. 9.*
- 10 *Quid de expensis in nuptiis filie, vel filij, & vestimentis pretiosioribus, vel vilioribus.*
- 11 *In materia donationum conferendarum, vel imputandarum cautè procedendum, quia subtilis est.*
- 12 *Expensas factas pro redemptione filij capti ab hostibus, an filius conferat; quid si hostis sit Christianus, quid si pyrata.*
- 13 *Expensas factas in solutione condemnationis facta filio, an faciat pater de suo.*
- 14 *Expensas factas à patre pro militia comparanda filio, an filius imputet, & de estimatione militia facienda.*
- 15 *Militia, decurionatus, tabellionatus, & officia acquisita constante matrimonio sunt communia viro & uxori ex iure nostri dispositione.*
- 16 *Tessera frumentaria, & militia differunt, & quid antiquis fuerint.*
- 17 *Alimenta sunt prestanda pro modo facultatum, & facultas debet estimari pro modo redditus. num. 18.*
- 19 *Idem pretium est duorum modiorum vini, & fundi, qui duos duntaxat modios reddat vini quotannis.*
- 20 *Alendus non cogitur manere in eadem domo cum eo à quo est alendus: & quod presentetur iudicis arbitrio alimenta.*
- 21 *Modus constituendorum alimentorum ut iurgia vitentur.*
- 22 *Filius si habeat aliunde unde se aliat, non est alendus, & de artificio honesto vel turpi, & hospitali domo quesita filio à patre.*



- 23 *Filius exheredatus quatenus alendus sit ab herede scripto.*
- 24 *Expensa facta cum eo, cum quo affectio est charitatis, affinitatis, sanguinis, vel amicitiae, quando repetantur: & limitationes. num. 25.*
- 26 *In tutore, vel curatore quid statuendum, an presumatur pupillus vixisse de suo: & de equo, & bone capio, quod alimenta praestentur. num. 27.*
- 28 *Animal repertum in alieno agro, quomodo retineatur, an pro damno, an vero pro alimentis.*
- 29 *A veniensium lege puniebatur qui bovem repertum in alieno agro interficiebat; & causa.*
- 30 *An si alimenta relinquuntur praestanda ex certo fundo quotannis, an fundus sit hypothecatus pro alimentis, & quid in annua praestatione universè traditur.*
- 31 *An per expressam hypothecam contrahentes recessisse videantur à tacita & legali, remissione.*
- 32 *Alimenta relicta in aliquo fundo habent fundum obligatum.*
- 33 *Vera in hoc resolutio, & ratio eius resolutionis.*
- 34 *Rursus hac ipsa resolutio latius resolvitur alia questione adducta, an assignatio loci unde alimenta praestentur, inducat conditionem, an verò demonstrationem.*
- 35 *Doctores aliis verbis hanc ipsam questionem proponunt.*
- 36 *Communis & recepta sententia in questione traditur.*
- 37 *Hec ipsa communis & recepta sententia obscure à Doctoribus tradita, latius & apertius explicatur.*
- 38 *Veraratio ex mente Iureconsultorum agnoscendi duplicem orationem.*
- 39 *Optima & quotidiana exempla ad hanc resolutionem traduntur. num. 40. & 41.*
- 42 *Quod dicitur ad obligationem personalem annui redditus solutionem esse principalem & principaliter attendendam, limitatur ex hac resolutione. & n. 43.*
- 44 *In constitutione annui redditus, vel alimenti quando excussio non sit necessaria, & quod extra hunc casum sit necessaria, contra Couarr. ita indicasse Senarum Gallicum.*
- 45 *Duplex oratio quomodo intelligatur in legato vel donatione, vel emptione annui redditus, vel alimenti annui, & effectus huius duplicis orationis: num. 46. & 47.*
- 48 *Licet à principio hypotheca non reperiatur sine actione personali, ex postfacto bene reperitur.*
- 49 *Augumentum à sufficienti partium enumeratione facit evidentiam rei.*
- 50 *Fundus demonstratus ad solutionem annuam est hypothecatus in causa alimentorum solum, ex Accursio.*
- 51 *Contra eundem Accursium verum esse extra causam quoque alimentorum in omni demonstratione fundi ad annuam solutionem induci hypothecam expressam.*
- 52 *Parentes quoque alendi sunt à liberis iure nostro & naturali reciproco.*
- 53 *Ciconia pietate insignes senectae coelectos enutrit.*
- 54 *Regium sceptrum olim in imo hippopotamum, in summo ciconiam habebat.*

55 *Legitima respectu parentum tolli non potest.*

56 *Difficillima ratio est ad decisionem Iureconsulti, quâ mater per substitutionem pupillarem legitima portione priuatur.*

**I**  Ed & illas expensas, quas pater libens, ac volens præstat filio vt maiores disciplinas addiscat, filius non confert, neque facit de suo, idque pro regula constituendum est. Cuius ea ratio est, quia licet Bartolus in l. 1. §. *nec castrense*, num. 3. ff. de collationibus bonorum, & in l. *filia cuius*, C. famil. *erciscund.* censeat donationem factam à patre filio studiorum causâ non valere mero iure, nisi præcedente traditione, & secuta confirmatione post mortem, quam opinionem communem dixit Ripa in l. 1. num. 153. ff. *solut. matrimonio*, & Alexand. de Imol. in l. *quartam*, num. 22. ff. ad leg. *Falcid.* & plures refert Tellius in l. 17. num. 114. contraria tamen opinio verior est, & receptior; quam receptiorem dixit Iason in d. l. 1. ff. *solut. matrimonio*, & Alexand. de Imola in dicta l. in *quartam*, dicto numero 22. & plures relati per Dueñas in *regula* 87. pro qua est nobis in nostro iure lex 3. tit. 4. part. 5. ibi: *Mas si el padre diessé algo dello suyo a alguno de losijos, non valdria, ca el fijo aquien lo diessé si ouiesse otros hermanos, tenuto seria despues de la muerte de su padre de adducirla, e meterla en particion con ellos, o de recibirla en su parte entregandose cada vno de los otros hermanos de otro tanto como valiesse la donacion que le dio el padre, fueras ende, si el padre fiziesse cavallero à su fijo, e le diessé cavallo è armas, o le fiziesse aprender alguna sciencia, o le diessé libros en que la aprendiesse, ca el donadio que fuesse fecho en alguna de las maneras sobredichas valdria, e non seria tenuto de adducirla en particion entre los otros hermanos.* Hactenus lex nostra: tum etiam hæc opinio probatur in l. *qua pater*, ff. famil. *erciscund.* *Que pater* (inquit Vlpianus) *emancipato studiorum causâ peregrè agenti subministravit, si non credendi animo pater misisse fuerit comprobatus, sed pietate debita ductus, in rationem portionis, quæ ex defuncti bonis ad eundem filium pertinent, computari æquitas non patitur.* Hæc Vlpianus, qui pro regula tradit, omnino regulariter non esse computandos eos sumptus & expensas; & huius legis argumento Bartol. ibi, & reliqui hanc regulam tradunt: & licet Vlpianus loquatur in emancipato, à fortiori idem intelligendum est de filio in potestate, secundum Corserum in l. *filium quem habentem*, num. 224. Cod. famil. *erciscund.* pro qua regula est nobis in nostro iure lex 5. tit. 5. part. 5. ibi: *Otrofi dezimos, que los libros e las despensas que el padre diessé à alguno de susijos para aprender alguna sciencia en escuelas, non gelas pueden contar los otros hermanos en su parte en la particion.* Et hæc regula constituenda est.

**2** Recipit autem aliquot declarationes, quæ in materia optimæ sunt: atque in primis ea est summè aduertenda, nisi pater aliqua bona filij habeat. Bartolus in dicto §. *nec castrense*, num. 8. Antonius Gomez in l. 29. *Tauri*, num. 16. Iaf. in *authent. quod locum*, Cod. de collationibus, num. 3. Palacios Rubios in *repetitione cap. per vestras*, §. 14. num. 4. fol. 91. Corrasius in *reper. l. filium quem habentem*, num. 226. vbi expressè sequitur Bartol. pro qua opinione est textus in l. *fin. ff. de petit. hæredit.* [Filius (inquit Scæuola) à patre emancipatus, secundum



dum conditionem testamenti matris adiit hereditatem, quam pater antequam filium emanciparet, possedit; fructusque ex ea percepit, sed erogationes in honorem filij cum esset Senator, fecit. Quæsitum est, cum paratus sit pater restituere hereditatem habita ratione eorum quæ in eum erogauit, an filius nihilominus perseuerans petere hereditatem, doli mali exceptione submoueri possit? Respondi, etsi non exciperetur, satis per officium iudicis consuli.] Quod est verum, etiamsi bona illa non consistant in pecunia: quod tenent contra Bartol. Antonius Gomez in dict. l. 29. num. 16. & Gregorius Lopez in l. 5. tit. 15. part. 2. verb. *Las expensas*; idque recipiendum est in dubio; nam si expresse donet, statuendum est ut supra diximus, numero proximo.

Secundò limitatur, si modò filius ea quæ pater sibi in studio præstitit, in malos erogauerit vsus. Ita tenet Bart. in dict. *auth. quod locum*, per textum ibi, *Cod. de collationibus*. Sequitur ibi Ias. num. 3. Decius num. 8. qui dicit id communiter receptum. Idem Bald. ibi, *vers. nota*. Platea in l. *licet*, C. de decurionib. lib. 10. Angelus in l. *filia licet*, *Cod. de collationibus*. Gregorius Lopez in l. 5. tit. 15. part. 6. verb. *Las expensas*: quæ sententia recepta eam habet rationem, quia hæc ipsa donatio ad studia eam habet tacitam conditionem, si filius huiusmodi expensas in bonos conuertat vsus: quod si filius se, sumptusque & expensas perdat, tunc repetitioni locus est, quasi non securâ causâ.

Limitatur tertio, si pater quo tempore expensas subministrat, non faciat animo donandi, sed potius credendi. Textus in dicta l. *quæ pater*, ff. *familia eriscunda*, ibi: *Si non credendi animo pater fecisse fuerit comprobatus*; vbi Bartol. idem tenet Antonius Gomez dicto num. 16. *vers. secundò limita*. Ille tamen animus credendi, & non donandi interuenire debet tempore ipso, quo expensæ præstantur, non ex intervallo, l. *illud*, *Cod. de collationibus*, ibi: *Nisi inuiusmodi legem donator tempore donationis suæ indulgentiæ imposuerit*; vbi Bartol. & Paulus. Sed in l. *perfecta donatio*, *Cod. de donation. quæ sub modo fiunt*, exemplum est, ut intelligamus quando pater præstat necessaria ad studium animo credendi, non verò donandi. Illud in primis adducitur, si pater subministrans sumptus testetur, vel in rationem sumptuum, & expensarum redigat huiusmodi expensas. Ripa in l. *in quartam*, ff. *ad legem falcidiam*, num. 175. Crotus in repetit. l. *frater à fratre*, ff. *de condict. indebiti*, num. 124. Christophorus Portius in §. 1. *instit. per quas personas nobis acquiras*. Antonius Gomez dicto n. 16. & probatur in dicta l. *Nesennius*, in fine, ff. *de negotiis gest.* quæ est vnica in iure, secundum Bartol. in l. *nuda*, *Cod. de donationibus*. Et licet hæc limitatio communiter recepta sit, in patre tamen difficultatem habet, quia dicta lex *Nesennius*, non loquitur in patre, sed nihilominus eadem ratio est in patre, cum ad has expensas minime teneatur.

Illud tamen aduertendum est, quod in omnibus casibus, quibus filius conferre teneretur expensas secum factas à patre in studio, debent deduci ante omnia, & taxari expensæ illæ quas pater aliàs necessariò factururus erat cum filio, si apud eum moraretur; hæ enim cum naturâ ipsâ debeantur, nec computantur, nec conferuntur. Portius in dicto §. 1. *Instit. per quas personas non acquir.* Antonius Gomez dicto num. 16. faciunt iura quæ allegat Antonius Gomez l. *sed csi lege*, §. *quod autem*, ff. *de petit. heredit.* & l. *ex parte*, ff. *famil. erisc.* Sed

etiam si nihil probent hæc iura, tamen illud fortissimum est argumentum, quod pater alias erat consumpturus, idque necessarium; nec illa obligatio naturalis extincta reperitur, & re vera repetitionem impedit, quia saltem naturaliter debebatur. Omitto, quod lege ciuili, vt diximus, pater compelli poterat.

- 6 Huc quoque pertinet expensa facta à patre in comparandis libris filio, an filius conferre teneatur, & eos sumptus pater de suo, an verò de patrimonio filij fecisse videatur? In qua quaestione Bartol. *in dicto §. nec castrense*, num. 2. & 3. distinguit, & recipitur communiter eius distinctio eidem Bartolo *in l. filia*, Cod. *famil. ercisc.* & *in tractatu de duobus fratribus*, num. 15. Paulus *in l. illud*, C. *de collationib.* Iason *in l. filia licet*, C. *de collationibus*, num. 3. Alexand. *in l. si donatione*, num. 19. C. *de collationibus*. Decius ibi communiter, num. 40. Ripa *in l. in quartam*, num. 169. ad *legem Falcid.* ex qua distinctione colligitur, quod nunquam libri sunt conferendi, nisi pater aliud dixerit. Itaque ex distinctione Bartoli aliquando conferuntur, aliquando verò minimè: sed indistinctè tenendum est libros nunquam esse conferendos donatos à patre filio, in quo ea ratio quoque Bartoli militat, quia cedunt in peculium filij, instar peculij Castrensis: glossa *in l. qua pater*, ff. *famil. erciscund.* glossa *in l. filia cuius*, C. *eodem*: facit lex *si filius familias*, C. *famil. ercisc.* vbi datum à patre filio eunti in militiam, castrense dicitur: ergo idem dicendum est in eo, quod datur filio eunti in studium, cum par sit ratio, vt notat Baldus *in l. 1. in fin. ff. soluto matrimonio*. Tandem hæc opinio probatur apertè *in l. §. tit. 15. part. 6.* & ibi Greg. Lopez *verb. Los libros*. Ex qua nostri iuris decisione cessat dubitatio illa, quam mouet Iason *in dicta l. filia licet*, Cod. *de collationibus*, post alios, & Baldus *in dicta l. 1. ff. solut. matrimonio*, & Palacios Rubios *in reperit. rubrica §. 42.* an collatio illa, quæ negatur filio circa libros, habeat locum in filio Doctore, vel Licentiatò, indistinctè enim seruanda est in Doctore, Licentiatò, & Bacchalaureo; hæc enim verborum conceptiones parum à doctis æstimantur: iuris & rerum cognitio, itemque cordata verborum copia hominem commendat; apud doctum ferè inanis titulus Doctoris, cum passim reperiamus plures Doctores, qui docendi sint; & scholasticos, qui docere possunt. Nec hanc quaestionem tanquam inanem & nullius frugis attigit lex nostra Hispana, quæ nihil intactum relinquere solet.

- 7 Immo si rectè inspiciantur iura Hispana, hanc donationem factam filio causâ studij, ad scholasticum, qui actu discit, non ad eum qui desit audire, extendunt, ita vt donatio facta à patre filio scholastico adhuc audienti valeat iure irrenocabili: & in primis est textus expressus *in l. 3. tit. 4. part. 5.* ibi: *O le dieffe libros en que la aprendieffe.* Nota verbum illud, *En que la aprendieffe*, quæ nisi in scholastico audiente adhuc verificari non possunt. Et ibi: *O le fizieffe deprender alguna sciencia.* Nota verbum, *Deprender*. Rursum est textus *in l. §. tit. 5. part. 6.* ibi: *Otro si dezimos, que los libros, e las despenfas que el padre dieffe à algenos de sus hijos, para aprender alguna sciencia en escuelas, non ge las podrien contar los otros hermanos en la particion.* Nota verbum, *Dieffe*, & verbum, *Aprender*. Iure communi est textus expressus *in l. que pater*, ff. *famil. erciscund.* qui est expressus, vt donatio à patre studiorum causâ valeat, neque



filius teneatur conferre; neque quicquam Iureconsultus distinguit inter huiusmodi Doctores, Licentiatos, vel Aduocatos, vel Bacchalaureos. Hæc enim ordinum, & titulorum discrimina ignota fuere prisca illis sæculis, quos scientia, non inanis titulus commendabat; & interpretandi ius negotium solebat à Principe concedi, non verò exigebatur à quoquam, idque Adrianus Princeps respondit, ut est in *l. 2. ff. de origine iuris*, & Alexander Seuerus dicere solebat, inuitum, non ambientem esse ad Rempublicam assumendum. Refert Ælius Lampridius in eius vita; multa enim sunt, quæ cum honestè concedantur, ambitiosè tamen petuntur, *lege prima, §. est enim, ff. de variis & extraordinariis cognitionibus, cap. de eulogiis, 18. dist. l. 1. ff. de lege Julia de ambit.* glossa *vers. prastari, in d. l. 2. ff. de orig. iuris*. Nostra autem ætate, iudicandi facultas non petitur, sed exigitur iure proprio. Præterea lex *3. tit. 4. & lex 5. tit. 15.* de quibus suprà, coniungunt donationem factam scholastico, & militi; donatio autem facta militi de armis valida est, quasi in peculium; igitur & ea quæ fit scholastico, qui adhuc Aduocatus non est, nec Doctor; & ita Angelus & Imola in *l. 1. in fin. ff. solut. matrim.* tenent, quod scholaris, sicuti Doctor, postquam reuera militat, possit habere peculium castrense, contra Bart. in *d. l. 1. §. nec Castrense, num. 2. ad fin. ff. de collatione bonorum*, ubi ait, nusquam scriptum esse scholasticum habere posse peculium Castrense, cum de illo non loquatur, lex *1. Cod. de excusationib. artificum, lib. 10.* Egregia allegatio, & risu dignissima; verè enim nihil facit ad propositum, ut patet ad literam: loquitur enim in artificibus, quorum nulla similitudo, aut conuenientia est cum scholasticis, qui literis insudamus: & miror quidem Bartolum nos cum arcariis, marmorariis, clauiculariis, immò cum brachariis, de quibus in *dict. l. 1. C. de excusationibus artific.* comparare, oblitus se scholasticum. Quicquid sit, nostro iure & communi donatio facta scholastico causâ studij valet irrevocabiliter, quia iura in hoc, quicquid sit de peculio, non distinguunt inter Doctorem, & addiscentem; immò si rectè perpendantur, loquuntur in scholastico apertè. Et ita tenent nostri, Gomez Arias in *l. 17. num. 34. Palacios Rub. num. 77. Cifuentes limit. 3. Segura in l. unum ex familia, §. sed etsi fundum, ff. de leg. 2. Castillo in versic. semejante*, Antonius Gomez in *l. 29. num. 16. Iafon & Crotus in l. frater à fratre, num. 47. ff. de condict. indebit.* pro quibus sunt iura, de quibus suprà. Quod libentiùs aduerti, quia Tellius in *dict. l. 17. num. 113. & 114.* leuissimo argumento decedit ab hac vera opinione, & nihil aduertens ad iura, secutus communem opinionem à veriori discessit. Quod plerumque fit ab his, qui potius scriptorum numerosam recitationem, quàm Iureconsultorum vera responsa quæritantes, totas membranas consumunt. Et certè licèt iure communi aliqua difficultas sit, nostro tamen iure expedita res est; quosque refert Tellius, confusè admodum loquuntur, & diuersos casus coniungunt, scilicet quando pater emit nomine filij ex pecuniâ propria; qui casus longè distat à nostro: quin & ipsa opinio quam ipse destruit, ex relatis per Dueñas in *dicta regul. 87.* receptior videtur: & hæc quoque addenda sunt ad Antonium Gomez in *l. 29. num. 17.*

Quin & expensæ, quas pater facit in nuptiis filij, vel filiæ, & vestes quas nubentibus dat, ad patrem pertinent; in quo tamen Bartol. in *dict. §. neque*

*castrense*, num. 9. Salicetus in *l. omni modo*, §. *imputari*, num. 8. de *inoffic. testamento*, Baldus in *l. filia cuius*, C. *familia eriscund*, num. 14. Ripa post antiquiores, in *l. in quam*, num. 152. ff. *ad legem Falcid.* Antonius Gomez in *dicta l. 29. num. 15.* intelligunt si vestes viles sint, & quotidianæ: nam pretiosiores cum fert filius, filiavæ, vterque expensas eas in huiusmodi vestibus de suo faciunt, *l. id vestimentum*, ff. *de peculio*, *l. peculium nascitur*, ff. *eodem*, *l. mortis causâ*, ff. *de donationibus causâ mortis*. Quod quidem adhuc intelligendum est iuxta legem finalem, ff. *de pet. haredit.* nisi pater habeat in potestate bona filij, vel filiæ; quia si bona horum habeat, de his expendisse videbitur, ex regula dictæ legis finalis: ita tenet Romanus in *authent. ex testamento*, n. 16. *C. de collationibus*.

11

In cæteris autem donationibus, quas pater facit filio, cum non pertineant ad expensas, nihil nobis attingendum est; vnum aduerto, non esse multum fidendum Tellio in *l. 17. Tauri*, in his quæ de collationibus, seu imputationibus refert; quoniam apertè confundit veram collationum, & imputationum rationem: item in eo, quod adducit de donationibus validis, & reuocabilibus, præsertim num. 82. vbi contra Fabrum vult ex eius verbis contra ipsum concludere, & rursus, quod donationes quæ morte confirmantur, valeant in vim prælegati, de quibus ne confundaris, & vt iura quæ varia sunt, quadrent, aduerte diuersis temporibus diuersa iura fuisse instituta. Bartolus in *l. pater filium*, ff. *de collat. dotis*, considerat septem iura: melius hoc tractauit Paulus in *rubrica de collationibus*, in C. qui considerat nouem iura. Rursus habenda tibi ratio est donationis simplicis, & donationis ob causam: rursus earum quæ valent, & earum quæ morte confirmantur; atque in his quæ valent à principio, an reuocari possint ex causis, ex quibus perfectas donationes reuocamus: deinde quomodo in his fiant collatio, computatio, vel imputatio, vide cordatiùs & attentius Dominum Couarr. in *cap. Raynaldus*, §. 2. num. 6. & 7. usque ad finem. vbi lex 29. Tauri, & 26. declarata concordantur: item lex 4. tit. 15. part. 6. & lex 3. tit. 4. part. 5. apertè dissidentes exponuntur, & conciliantur dilucidè, eruditè, & clarè, quæ tibi ad Tellium, vbi supra, necessaria sunt, & sine his passim in materia collationis hallucinaberis.

12

Expensas quoque à patre factas, vt filium captum ab hostibus redimat, ipsùmque redemptionis pretium pater de suo expendit, *l. liber captus*, ff. *de captiu. & postliminio reuers. authent. si captiui*, C. *de Episcopis & Clericis*, ibi: *Eadem poena est parentum, si redemptionem neglexerint liberorum*. In quo vide elegantem decisionem, & hanc ipsam latissimè extendentem, in *l. 3. tit. 29. part. 2.* & in *l. 6. tit. 7. part. 6.* & tenet Bartol. in *l. Stichus*, in fin. ff. *de peculio legat.* Bald. in *authent. ex testamento*, num. 12. C. *de collationibus*, Fabianus de Monte, vbi alios refert, num. 107. in *authentica nouissima*, C. *de inoffic. testamento*. Anton. Gomez in *l. 29. num. 29.* Dominus, & Præceptor meus Antonius de Meneses in *authentica*, *Res qua*, C. *communis de legat.* num. 95. vbi num. 96. & 97. extendit etiam si filius captus sit à Christianis, attingens nobilem illam difficultatem, an capti in bello gesto inter Christianos efficiantur captiui? Vide apud eum, resoluentem idem tenendum esse, vbi ex *l. 2. ff. de libero homine exhib.* tenet & verè, etiam si capti à Christianis bella gerentibus non efficiantur serui, nihil

tamen



tamen differre eos ab specie seruitutis, ex quibus ad pyratas quoque conclusionem extendit, quia militat in his quoque ratio dictæ legis 2. ff. de libero homin. exhib. Prædicta semper intellige, addito eo, quod deduximus ex sæpius allegata lege finali, ff. de petis. heredit.

Item & ea expensa, quam pater facit, dum condemnationem pro filio pecuniariam soluit, an sit filio imputanda, quæri solet, in quod est Bartoli distinctio recepta in l. Sticus, ff. de peculio legato, num. 2. quod aut pater soluit ex necessitate, ut quia volens fideiussit pro filio, vel quod statuto compellebatur soluere, & hoc casu filio debet imputari, ipsæque filius de suo expendat, & conferre teneatur: at verò si sponte soluat, pietate paterna fecisse videatur, ita ut de suo erogat: sequitur Baldus distinctionem Bart. in anthemica nisi rogatus, num. 8. ad Trebellian. & in authent. ex testamento, num. 13. C. de collat. sequitur communiter Alexand. in l. in quartam, num. 23. ff. ad leg. Falcid. Ioannes Crotus in repetitione l. frater à fratre, num. 95. ff. de condict. indebit. Antonius Gomez in l. 29. Tauri, num. 20. contra quos Ripa in d. l. in quartam, indistinctè tenet num. 175. hanc expensam omninò filio esse imputandam. Quod quidem ita accipiendum est, si causa condemnationis turpis filio sit, de quo vide Speculatorem tit. de executione sententia, §. sequitur, vers. quid si filius. Abb. in cap. 2. de delictis, Baldus in l. omnimodo, §. imputari, C. de ineffic. testam. plures allegat Gregorius Lopez in 2. titul. 19. part. 4. verbo, De les pagar: vide apud eum.

De expensis quoque factis ad comparandam militiam filio, videndum est, an pater expendat de suo, an verò filio imputandum sit? Et in primis militiæ nomine in nostro casu accipimus dignitatem, officiũve, ex quo annui redditus proveniunt, l. Lucius, la primera, ff. de legat. 2. l. fideicommissa, §. si seruo, ff. de legat. 3. l. his verbis, §. si alumno, ff. eod. l. fin. C. de pignoribus. Bartolus ergo in dict. §. neque castrense, num. 4. & 6. ita distinguit, quod aut militia hæc vendi solet & potest, aut transmitti; quo casu planè allerit filium æstimationem militiæ omninò conferre teneri, & expensas illas factas à patre in comparanda militia sibi, non verò patri necessariò esse imputandas: æstimationem autem hoc casu faciendam esse, quæ erat tempore mortis paternæ, ex l. omni modo, §. imputari, C. de inoff. testament. vbi Paulus num. final. l. illud, C. de collationibus, vbi lason. num. 5. & 6. id explicat: at verò si neque vendi possit, aut soleat, neque transmitti, tunc minimè expensas eas pertinere ad filium, sed ad patrem. Bart. in dict. §. neque castrense, vers. sed an id: glossa Gregoriana in l. 3. tit. 15. part. 6. verbo, Contar. Ripa in dicta l. in quartam, num. 173. Antonius Gomez in l. 29. num. 22. quod quidem habet locum, etiam si officium precibus patris, non pecuniâ comparatum sit: glossa in l. sed si plures, §. si in arrogato, ff. de vulgar. & pupillari, Paulus in dicta l. omnimodo, §. imputari, ff. de inoffic. testam. Anton. Gomez vbi supra.

Quòd verò diximus de æstimatione faciendâ, quæ erat tempore mortis paternæ, ex dicta lege omnimodo, §. imputari, & dicta l. illud, vbi glossa verbo, Lucrum, id quidem verum est: verum si æstimatio creuerit à tempore mortis patris, vel testatoris, non melioratione filij, vel operâ & industriâ hæredis, sed fortassis temporis iniuriâ; cuius vicissitudine omnia plures æstimantur; tum

quidem augmentum æstimationis consideratur iuxta tempus præsens, & tale augmentum cedit lucro cohæredum. Ita tenet Alexander, & verè in *dist. l. illud, num. 3.* contra Fulgosium ibi: quod quidem rationem habet, & secundum Alexandri opinionem iudicatum est in hoc Senatu, cum ageretur de æstimatione tabellionatus vnus ex quatuor, qui sunt in hoc Senatu nostro, cum tempore mortis paternæ æstimaretur ad mille & septingentos ducatos, & postea creuerat ad quinque millia, Gregorius Lopez in *l. 3. tit. 15. part. 6. verbo, Contar.*

Ex quo descendit, vt huiusmodi officia publica acquisita constante matrimonio, vtcumque acquirantur, siue precibus, siue pecuniâ numeratâ, censendantur lucra quæsitâ constante matrimonio inter virum & vxorem, ob idque communicanda: contrarium tenebat Gulielmus Benedictus in *capit. Raynutius, verbo, Vxorem nomine Adalassium, de testamentis, n. 787.* & Chassaneus in *consuetudinibus Burgundia, rubric. 4. vers. Secundo*: idem tenebat Nicolaus de Vbaldis de *successione ab inestato, col. 10.* qui existimabant, hanc militiam mortuo patre non communicari cum fratribus; contra quos resoluit doctissimus Couarruias variarum resolutionum *lib. 3. cap. 29. num. 4. 5. & 6.* quia militia facile vendi solet, Princepsque facile id concedit: tum quia æstimatio conferri potest & debet. Ideoque ait æstimationem cedere viro, & vxori, & verè esse bona lucrata censenda, quæ communicanda sint; cuius opinio tenenda est contra Chassaneum & Gulielmum, de quibus vide latè Tellium in *l. 26. Tauri, num. 9. 10. & seq.* quare vænalia sint hæc officia. Nec existimes cum eo, militiam & tesseram esse idem; neque enim tessera à principio aliquod officium fuit, sed signum duntaxat, quo cuius Romanus largitionibus Principum frueretur: Principes enim in fauorem populi sæpè solebant frumenta & præmia elargiri; accepturus verò huiusmodi donum, tesseram accipiebat, id est signum (id enim propriè est tessera; vnde à militantibus tessera quoque, id est signum dicitur, quod à Duce accipiunt ingredientes castra, atque his egressi, vt ab excubiis admittantur, vulgò *el sancto.*) Vide Couarr. *variarum lib. 4. cap. 1. num. 9.* Quoniam verò hæ largitiones & donaria nisi ciuibus minimè præstabantur, atque ciues per tribus erant dispositi & censiti, fiebat venditio tribus, vel tessera; sed tessera illud signum erat propter quod distributores largitionum donaria præstabant: ita apertè colliges præter ea quæ Couarr. adducit, ex Dione in *vita Adriani Imperatoris, folio mihi 37.* vbi de Adriano, *Dona, inquit, per tesseras, separatim viris & separatim mulieribus in theatro, & in Circo dedit.* Idem Dion Cassius in *conflagratione montis Vesuij, folio mihi 53.* *Exhibuit deinde quadam, inquit, ad vilitatem & lucrum, tesseras ligneas supernè in theatrum sparsit, in quibus signum erat, aut esculenti, aut vestis, argentei praterea vas, & aurei, eorum domitorum, pecorum, seruorum; quæ qui exceperant, oportebat ad distributores asferre, atque ab eis quod inscriptum erat, accipere.* Hæc erat veteribus tessera, signum longè diuersum à militia; inde acceptum est à Iureconsultis, paululum deriuato nomine, pro iure percipiendi huiusmodi largitiones.

Militia autem, quam Græci suo nomine *στρατην* appellant, redditus erat diurnus, qui singulis diebus militanti præstabatur; inde deriuatum est per translationem à Iureconsultis, vt nomine militiæ publica officia, & salaria intelligantur:



intelligentur : & quamvis de militia egerint multi, pauci verò exempla adduxerunt; exemplum autem elegantissimum est apud Flavius Vopiscum Syracusanum *in vita Probi Imperatoris*, qui refert ad verbum epistolam Valeriani Augusti ad Gallicanum Muluium Præfectum Prætorio. [ Miraris ( inquit ) fortassis, quòd ego imberbem Tribunum fecerim, contra constitutum Diui Adriani; sed non multum miraberis, si Probum cogitas adolescentem verè probum, nunquam enim aliud mihi cum cogito, nomen occurrit; quod nisi nomen haberet, potuit habere cognomen: huic igitur dari iubebis, quoniam mediocris fortunæ est, ut eius dignitas incrementis iuuetur, tunicas rufulas duas, pallia Gallica duo fibulata, interulas paragaudias duas, patinam argenteam librarum decem specillatam, aureos Antonianos centum, argenteos Aurelianos mille, æreos Philippeos decem millia; item in salario diurno, bobulæ pondo, porcine pondo sex, caprinæ pondo decem, gallinaceum per biduum, olei per biduum sextarium vnum, vini veteris diurnos sextarios decem, cum larido bubulino; salis, oleorum, lignorum quantum satis est. Hospitia præter eidem ut Tribunis legionum præberi iubebis. ] Hactenus Flavius Vopiscus. Hæc fuit antiquis militia, id est salarium diurnum, quod militantibus dabatur, postea verò etiam non militantibus concedi cœpit. Vnde panes ciuiles, *dict. l. fin. § fin. Cod. de iure dorum*, aliquando annonæ ciuiles, *in authent. de non alienandis*, §. *hæc ergo*: & cum à principio militantibus dari consueuissent, postea retento militiæ nomine in certum redditum abierunt, unde non malè censent, qui panes hos ciuiles existimant donatos Virgilio Maroni Poëtæ omnium illustrissimo, ab Augusto Cæsare, quos ille non admodum faciebat, quoniam opulentum fundum parenti suo abreptum ciuili bello, & concessum militibus, ex liberalitate Augusti expectabat.

Hæc omnia pertinent ad expensas respectu alimentorum, ut pater alere teneatur: filios iure quidem naturæ, nomine autem alimentorum contineatur victus, vestitus, habitatio, medicamenta, insuper & disciplina; cæteras autem impensas facit pater quo diximus modo. In patre autem, in quo fortior hæc ipsa obligatio est, ita accipiendum est, ut filium alere debeat pro modo facultatum & dignitate personæ, *l. si quis à liberis, §. sed si filius, versic. deinde, & §. de alimentis, ff. de liberis agnoscendis*. Tiraquel. *de Primogenio, quest. 4. num. 33*. vbi ad fratres extendit, Gregorius Lopez *in l. 2. tit. 19. part. 4.* vbi textus expressus ibi: *‘E esto dene cado vno fazer, segun la requæza e el poder que ouiere, catando toda via la persona de aquel’ que lo ouiere de auer*. Aduertimus autem hæc omnia intelligere nos de filiis legitimis; nam in spuriiis semper existimamus debilitata hæc ipsa iura naturæ.

Immo istæ facultates sunt æstimandæ pro modo reddituum; itaque si pater habeat splendidissima ædificia, & magni valoris, sed quæ vilissimos annuos redditus ferant, iuxta annuos redditus alet, neque cogendus est vendere ædificia. Sic resoluit Antonius Gomez *in l. 10. Tauri, num. 40*. Gregorius Lopez *in l. 2. tit. 19. part. 4. verbo, La riqueza*; tenet Tellius Fernandez *in dict. l. 10. num. 14*. quamvis in spurio alendo dubitet, & meritò, de quo modò non disputamus. Facit lex *Imperator, ff. ad Trebellian.* & ultra omnes facit elegans ratio, quia qui centum habet in redditibus, centum videtur tantum habere in proprietate.

17

18

proprietate, nec ampliùs; etenim si bona ipsa ampla sint, non existimandum est fundum, qui reddit decem annua, pretiosiorē esse, quàm ipsa annua decem; vetum enim pretium, & vera æstimatio fundi, & cuiusque rei ex redditibus accipitur; atque adēd etiam si ampla & magna ædificia sint, si nihil reddunt, si nullos redditus ferunt, nullius pretij sunt. Namque ex redditibus veram æstimationem cuiusque rei iudicamus, *l. si fundum, ff. de rebus eorum*, ibi: *Cum vique pro modo fructuum pretium inuenturus sit, l. si fundum per fidei commissum, ff. de legat. 1.* ibi: *Excusso pretio secundum redditum*: & ibi Ias. in *l. si quos, Cod. de rescindenda vend.* ibi: *Rei qualitas & reddituum qualitas æstimetur*. Tenet ex redditibus & fructibus æstimandum esse verum pretium cuiusque rei ex his iuribus Carolus Molin. *de Contractibus, quæst. 35. num. 267*. Itaque verē ille pauper est, qui nullos redditus habet, aut fructus eius rei, licet res ampla & magnifica sit; nec cogendus est pater vendere fundum, cum fundus minimē pretium inuenturus sit pro modo reddituum & fructuum, qui fructus nullus est ferē. Et hæc ipsa ratio facit in quæstione de spurio alendo, quam mouet Telliū *dict. num. 14*. vt vendere rem ipsam non teneatur, quia vendendo nihil ampliùs habet, quàm antea habebat; immō dimiuit patrimonium, in præiudiciū eius cui alimenta præstanda sunt. Ad quæ iura nunquam aduertunt, qui inter hæc duo differentiam & discrimen constituunt, scilicet, quod aliud sit pretium duorum modiorum vini, & aliud pretium prædij, quod duos duntaxat modios ferat vini. Adde hæc ex his quæ notat & tradit Antonius Cordub. de Lara in *l. si quis à liberis, in princip. num. 40. & seq. & latius in §. sed si filius, à num. 17*. vbi latē hoc tradit.

Hæc autem alimenta, cum omnino debeantur à parentibus & fratribus, atque omnino præstanda sint, non sunt cogendi filij aut fratres recepturi, eadem recipere in domo patris: tenet Gregorius Lopez in *l. 2. tit. 19. part. 4. verb. Dono rem*, cum Bald. in *l. 1. §. ius naturale, ff. de iustit. & iur.* qui tamen non id indistinctē fatetur, sed in eo casu, quo diffidium futurum sit inter filium & patrem, aut inter fratres; aliās censet alendum esse filium in domo patris, aut fratris, cum Angelo & Paulo in *l. quidam cum filium, ff. de verb. oblig.* idem tenet ibi Ias. *num. 6*. per textum ibi, *domum cum propulerit*: & ita intelligi debet iuxta tradita à Gregorio Lopez Ludouicus Molina *lib. 2. de Primogenitis Hispanis, c. p. 1. §. num. 74*. ita enim loquitur Arias Pinellus in *l. 1. part. 1. num. 54*. de bonis maternis, & Boerius, cæterique, quos ipse allegat: sed vt diffidium hoc vitetur, arbitrio iudicis taxantur hæc ipsa alimenta, & reducuntur in pecuniam: resoluit idem Molinaus *ibid. num. 72. & dict. num. 73. & 74*. quod talia alimenta sic taxata & redacta in pecuniam, debeant solui in principio cuiusque quadrimestris, vel quolibet anno in principio: & licet ita ab nostris decidatur, ego autem existimo, quantitatem alimentorum, & qualitatem, modumque, & tempus, totum hoc relinqui iudicis officio, qui latē ex tempore, loco, & personarum qualitate, itemque ex viribus patrimonij & facultatibus, iustis decretis rem omnem temperabit, *arg. l. §. tit. 7. part. 6.* ibi: *E segun que per teneciesse a ella, e aquel*: & est lex *2. tit. 19. part. 4.* ibi: *E esto eue*, &c. vel etiam fundum constituit filio, vel in pecunia esse præstanda certis diebus alimenta; latissimam enim in hoc potestatem habet egregia declaratio ad Bartol. in *l. liberis,*



beris, §. Lucius, num. 2. ff. de alimentis & cibariis legatis. Vide quæ diximus capite proximo, num. 2. ad fin. ubi tradimus modum constituendi alimenta.

Immo potest pater, vel frater, qui præstaturus est alimenta, libens ac volens assignare filio vel fratri alendo annua alimenta in usufructu, eo adiecto pacto, ut peracto tempore alimentorum usufructus ad patrem reuertatur, l. cum hi, §. si uni, ff. de transactionib. l. dominus, §. fin. ff. de usufr. Palacios Rubios in repet. c. per vestras, §. 24. num. 2. de donationib. inter virum & uxorem. & cogitur alendus hoc modo alimenta recipere, quod quidem consultissimè faciunt qui alimenta debent: hoc pacto enim dissidia & contentiones fugiunt, & alendis quietè consulunt.

Hæc autem omnia recipiunt illam receptissimam interpretationem, scilicet, quod filius non sit alendus à patre, si habeat unde se alat, aut eius artificij sit, unde possit sibi alimenta præbere. Dominus Couarr. in quaest. 2. part. cap. 8. §. 6. num. 6. Dominus Anton. de Padilla in auth. res quæ, C. communia de leg. n. 74. Gregorius Lopez in l. 6. tit. 19. part. 4. verb. De lo suyo, & verb. Tal menester, l. si quis à liberis, §. sed si filius, ff. de lib. agnosc. l. 6. tit. 19. part. 4. ibi: Otrósi quando el fijo oniesse de lo suyo en que pudiesse viuir, e oniesse tal menester, porque pudiesse guarescer, usando del fin mal estancia de si, emonces non e tenudo el padre de pensar del. Omnes tamen, quos adduxi, huius opinionis authores, & præterea Ludouicus Molina ubi suprà, cap. 15. num. 47. intelligunt legem Partitæ, & receptam sententiam, nisi tale artificium sit, ut dedecus sit id exercere, quod prius tenuerat Bartol. in tract. de alimentis, num. 22. ex qua dedecoris ratione & turpitudinis idem dicendum est si pater, vel frater curent & dent operam, ut ab ipsis alendus recipiatur in aliqua domo hospitali, & resoluit dominus Couarr. ubi suprà d. num. 9. & Palac. Rub. d. §. 23. num. 9. post Bald. in l. una, §. sed scimus, C. de Latina libertat. tollenda: alios ipsi referunt, & est opinio honestatis amicissima.

Adde quod etiam si filius exhæredatus sit à patre, quo casu meritò sibi negari poterant alimenta; tamen hæres scriptus, si filius plurimum egeat, & magna egestate laboret, alere ipsum tenebitur: tenet Albericus in d. l. si quis à liberis, §. parens, ff. de lib. agnoscend. idque tenet Gregor. Lopez in d. l. 6. tit. 19. part. 4. verb. Padre, contra glossam in auth. ut cum, de appel. cognosc. §. siue igitur. Ego addo, quod cum in hoc casu alimenta præstentur commiserationis causâ, non pro modo & facultate hæreditatis præstabunt, sed quantum ad tuendam vitam pane & aqua necessum sit: tenet Baldus in l. si maritus, ff. solut. matrimon. Palac. Rub. in repet. cap. per vestras, notabili 3. §. 24. num. 3. Chassaneus consilio 39. num. 55. Nec in hoc admittendum censeo illud, quod de spurio disputant Doctores, scilicet, an sibi danda sint alimenta perspecta qualitate & dignitate personarum, & quantitate patrimonij; quicquid enim sit de spuriis, quod modò non disputo, in hac specie verissimum est, alimenta præstari commiserationis causâ, ob idque ex necessitate vitæ accipienda esse; quid, quòd hæres scriptus, nec hæc quidem præstat, si filius exhæredatus auos, proauosve habeat, aut fratres locupletes; quia ad hos naturali ratione iure sanguinis pertinet hæc necessitas alendi, non ad hæredem scriptum: quod cum Bartolo in dicta l. si quis à liberis, §. item rescriptum, & Alberico in dict.

*§. parens*, tenet Gregorius Lopez *in d.l. 6. tit. 19. partit. 4.* qui licet loquantur in patre, eademmet ratio est in filio, cum in hoc iura mutua sint, & reciproca, *ex dict. l. si quis à liberis*, & *d.l. 6. iuncta l. 2. tit. 19. part. 5.*

24

Denique illud semper aduertendum est, nullam unquam repetitionem esse earum expensarum, quæ sunt in alendo, ubicunque inter expendentem, & eum, cui expenditur, affectio est aliqua sanguinis, vel charitatis: textus *in l. si paterno affectu, C. de negot. gestis.* vbi glossa verbo *repetiturus*, Bald. & Bartol. post reliquos, ibi: *Eius erogationis tibi nulla repetitio est. l. quod in uxorem, C. eodem*, ibi: *Sed affectioni tua debes expendere*: vbi priuignis & vxori præstita alimenta, atque expensæ in eam rem factæ non repetuntur: textus qui loquitur in matre, *in l. alimenta, C. eodem*, ibi: *Qua filiis tuis præstitisti, non iusta ratione reddi tibi postulas*, cum id exigente materna pietate feceris in filia sororis. Textus *in l. ex duobus, §. fin. ff. eodem*, ibi: *Titium si pietatis respectu, sororis aluit filiam, actionem hoc nomine contra eam non habere respondi*: vbi glossa verb. *habere*, hanc præsumptionem fundat ex charitate, & affectione: tenet glossa, Bald. Bartol. & Paulus ibi *l. is qui, ff. eodem*: vbi Paulus habendam quoque rationem esse censet sumptuum & expensarum: itaque si magnus sit sumptus, magnaue expensæ ex qualitate personarum, sola affectio non sufficit ad impediendam repetitionem. Sed tum demum affectio & charitas impediunt repetitionem expensarum, si modicè expensum sit: tenent idem Paulus,

25

Bart. & Bald. *in l. ex duobus, §. fin.* cum glossa ibi, verb. *habere*, supra: quæ glossa est in eo notabilis, quia non facile præsumimus donationem, *l. cum de indebito, ff. de probat.* Itaque cum magnus sumptus, tunc concurrunt duæ præsumptiones contrariæ, quæ mutuo concursu sese elidunt & destruunt, scilicet affectio, quæ præsumimus donatum; & magnitudo expensæ, quæ tollit donationis præsumptionem, ideoque mutuo eliduntur, *l. Diuus, ff. de in integ. restitutione*: quando autem modicè expensum est, præualet affectio, & donatum præsumitur ex eisdem iuribus, & hæc est ratio; & ita debent intelligi iura, quæ ex affectione, & charitate, amicitia, & affinitate donationem expensarum præsumunt, scilicet *lex si paterno affectu*, quæ loquitur in priuignis; & *lex quod in uxorem*, quæ loquitur in expensis factis cum vxore: *lex alimenta*, quæ loquitur in matre expendente, *lex 1. C. eodem*, quæ loquitur in expensis affectione materna, vel domestica: *lex 2. C. eodem*, in eo qui libens, ac volens nulla necessitate cogente expendit, & dicta *lex ex duobus, §. fin. ff. eod.* in expensis factis erga sororis filias: & dicta *lex is qui, ff. eod.* in eo qui amicè expendit. Habes igitur ad omnia hæc iura optimam declarationem, scilicet vt ex dictis iuribus donationem præsumamus huiusmodi expensarum, nisi expensarum quantitas perspecta personarum qualitate aliud suadeat. Hæc autem omnia recipiunt duplicem illam declarationem, nisi hi omnes testentur, se velle seruare sibi has impensas, & repetere, animumque explicent suum, se, quasi repetituros, expendere, *d.l. Nescimus, ff. de negot. gestis.* Item si habeant bona horum, quos alunt, in potestate, *d. l. ultima & penultima, tit. 12. part. 5.* vbi nouus glossator verb. *Faziendo affrentas*, hoc tenet, & probat nostram conclusionem, scilicet quod pro affectione sit semper præsumendum, nisi expensæ sit magna; in quo tamen quia paruum & magnum arbitrio iudicis

deciditur.



deciditur , plurimum poterit prudens iudicis consilium.

In tutore autem nullam huiusmodi affectionem intelligimus , vnde liberali- 26  
tatem præsumamus ; quia non ex pietate , vel affectione aliqua , sed officio ex-  
pendit : vnde regula est , quod pupillus præsumatur alimentatus à tutore , nisi  
probet se aliunde alimenta habuisse, *ex l. fin. C. de alimentis pupillo præstand.* Al-  
ciatus *regul. 1. præsumption. 50.* Nec enim pupillus præsumitur vixisse de vento.  
Ex quo Bart. Imol. Alex. & Ias. & communiter Doctores *in l. cum seruus , ff. de* 27  
*Verb. oblig.* inferunt ad multa , vt si creditor repetat expensas in alendo equo  
pignorado , ei teneatur equi dominus restituere ; præsumitur enim suis expen-  
sis equus vixisse , non verò de vento , *ex dicta l. fin.* Item licet alienum pecus 28  
reperiatur in agro tuo , & damnum dederit , dominus agri non potest retinere ,  
nisi vt cognoscat cuius est , illicòque restituere debet , saltem acceptis pigno-  
ribus ; & postea agere de damno illato , *l. quintus , & l. seq. ff. ad leg. Aquil.*  
*Speculator tit. de actore , versic. sed nunquid pecudem.* Bald. *in l. 2. C. de seruis fu-*  
*git.* Bart. & Doctores *in l. hoc amplius , §. de his autem , ff. de damno infecto.* At  
verò propter alimenta præstita retineri potest , donec de ipsis sibi satisfiat , *l. in*  
*summa , & ibi Salic. C. de pignorib.* Certè occidere boues repertos in alieno fun- 29  
do , graue delictum est : extat apud Ælianum *de varia historia lib. 5. cap. 14.* lex  
Atheniensium , quâ grauissimè puniebatur qui bouem occidisset ; quia , vt illi  
dicebant , agricola est , & humani laboris socius.

Vnum in hac materia alimentorum adnotandum est , quod mihi est diffi- 30  
cillimum , quoniam video & antiquiores , & nouiores viros eruditionis non  
vulgaris in eo variasse , scilicet , an si alimenta alicui reliquantur soluenda ex  
certo prædio quotannis , an prædium illud sit hypothecatum pro ipsis alimen-  
tis ? Quæstio dependet ex ea , an annua præstatio soluenda ex certo prædio ,  
habeat prædium illud hypothecatum ? In qua quæstione Antonius de Neuiza-  
nis *de pignoribus & hypothecis part. 2. memb. 4. num. 164. vers. vigesimus-tertius ca-*  
*sus* , late disputando tenet , non solum in alimentis , sed in omni annua præ-  
statione , si annua præstatio , vel alimenta soluenda sint ex certo fundo , vel  
prædio , quod prædium , vel fundus sunt obligata pro alimentis & præstatio-  
nibus annuis ; ita quod hæc regula sit generalis , tam in alimentis , quàm in  
reliquis præstationibus ; quod censet tanto fortius procedere , quanto diutius  
hæc sit quotannis soluenda. Allegat Bart. *in l. Lucius , ff. de alimentis & ciba-*  
*riis legat.* per textum *in l. 2. ff. eodem* , ibi : *Et licet ad fiscum bona fuerint deuoluta ,*  
*ex quibus alimenta debeantur , præstanda sunt , sicuti si ad quemlibet successorem*  
*transissent.* Allegat etiam Bart. *in l. fundus quem , ff. de annuis legat.* vbi quod  
si testator relinquit centum annua super aliquo fundo , quod ex hoc est fun-  
dus ille obligatus pro annua præstatione. Allegat eundem *in l. codicillis , §. insti-*  
*tuto , ff. de legat. 2.* interim tamen aduerte , quod nihil horum probatur *in d. l.*  
*Lucius* , nec *in dicta l. fundus quem* ; quia utrobique adest expressa obligatio ad-  
iecta à testatore ; quo casu non est locus coniecturis , nec argumentationi : pa-  
tet *in d. l. Lucius* , ibi : *Obligatos eis ob hanc causam fideicommissi esse fundos meos*  
*illum , & illum , vt ex redditu eorum alimenta superscripta percipiant , volo.* Idem  
expressum est *in dicta l. fundus quem* , ibi : *Legatorum nomine , quæ in annos sin-*  
*gulos reliquit , pignori esse voluit.* Itaque ex his iuribus argumentari in hac dis-

ceptione non licet, & huius Bartolus author est, & præter eum Hostiensis  
*tit. de locato, §. quæ actio, vers. amepenult.* Guido Papæ *quæst. 432.* Ioannes Fa-  
 ber *Instit. de actionib. §. item Seruiana*, & Corneus *consil. 296.* post quos om-  
 nes idem in annua præstatione citra causam alimentorum tenet doctissimus  
 Couar. *variarum resolutionum lib. 3. cap. 7. num. 5. vers. quarto si contractum istum;*  
 cuius autoritas apud doctos & prudentes grauissima esse debet, qui allegat  
 dictam legem *fundus quem*; sed re vera illa nil probat in nostra questione, vt  
 diximus; fuit enim ibi apposita expressa hypotheca à testatore; ex quo ille  
 textus aliam decidit questionem, quæ ad nos nihil pertinet, an per expressam  
 hypothecam additam in dispositione censeantur disponentes recessisse ab ea  
 hypotheca, quæ iure & lege tacite inducta est, vt si locator domus specialem  
 31 sibi & expressam hypothecam acquisierit ex contractu, videatur renunciaſſe  
 legali hypothecæ? de qua questione vide & optimè & eruditissimè differèntem  
 D. Didacum Couarr. *in cap. Raynutius, §. 10. num. 7. de testamentis*, ibidemque  
 ad hanc questionem explicat dictam legem *fundus quem*. Quod attinet ad no-  
 stram questionem, ille textus nihil facit. Præter hos Ias. *in l. 2. num. 45. C. de*  
*iure emphyteut.* idem censet, scilicet, generaliter annuam præstationem sol-  
 uendam ex fundo aliquo, habere fundum illum obligatum. Curt. Iunior *in*  
*l. ultima, §. ultimo, ff. de contrahend. emptione*; vbi aliqui censent, esse decisio-  
 nem pro hac opinione, iuncta glossa ibi, *obligatum non esse*: vbi Accursius ait  
 emptorem illum non esse obligatum actione personali; sed de hypothecaria  
 dubitat. Sed idemmet Accursius, nec hypothecariâ censet teneri, ibique est in  
 alia opinione, de qua proximè dicemus, scilicet quod hypotheca inducatur  
 respectu alimentorum, quæ singulis annis præstanda sunt, idque fauore ali-  
 mentorum: cuius opinionis auctores proximè referemus. Denique in omni  
 præstatione annua soluenda ex aliquo fundo, induci hypothecam respectu fun-  
 di designati, idque generaliter, non solum in casu alimentorum, tenet Petrus  
 Rebuffus *ad constitutiones Regias, 2. tomo de constit. redditu, art. 1. gloss. 14.*  
*num. 38.* At verò hanc generalem decisionem plures referunt solum ad causam  
 alimentorum, vt in alimentis annuis soluendis ex aliquo fundo fauore ipso-  
 rum alimentorum inducta iure videatur hypotheca fundi designati; cuius opi-  
 32 nionis auctores refert doctissimus Couar. *in cap. Raynutius, de testamentis,*  
*§. 10. num. 8. ad finem*, vbi hanc disputat questionem, & nihil ferè decidit ex  
 Barr. *in dict. l. Lucius*, & *in dict. l. Caius, ff. de annuis legat. Rom. consil. 388.*  
 Felin. *in cap. ad audientiam, in 2. not. num. 6. de rescriptis.* Baptista de sancto  
 Seuerino *in tractatu de pensionibus, quæst. 9.* Paulus de Castro *cons. 338. lib. 1.*  
 Guido Papæ *q. 576.* Gigas de pensionibus *q. 44.* Mouentur ij, quia vident om-  
 nia iura, quæ ad hanc questionem citantur, quæque hypothecam inducunt,  
 versari in causa alimentorum, *dict. l. 2. ff. de alimentis legat. l. hætenus, ff. de usu-*  
*fruct. l. cum ij, §. si uni, ff. de transactionib.* Hæ sunt duæ in hac re opiniones;  
 tertiam tenet Aluarus Vasquius Lusitanus, vir selectæ eruditionis, *q. 4. iuris*  
*emphyteutici, num. 7.* vt scilicet inducatur indifferenter & generaliter obligatio  
 fundi, si ex testamento annua præstatio, vel alimenta relinquantur; scilicet  
 quia iuris beneficio legata hypothecam habent, quod quidem nouo iure post  
 legem 1. *C. communia de legat. & §. nostra autem, Instit. de legatis*, nullam diffi-  
 cultatem



cultatem continet: quæ quidem hypotheca generalis est ad omnia bona testatoris, nec de hac ambigimus, sed vtrum antiquo iure omnino & generaliter inducta videatur, tam in legatis, quàm in cæteris dispositionibus ex sola fundi assignatione ad solutionem annuæ præstationis, vel alimenti: sed latius *quæst. 32. num. 13.* aliud tenet. Nos aliter definiendam quæstionem existimamus, ni fallimur. Aduerto verum quidem esse, omnia iura quæ ad hanc quæstionem adducuntur, procedere in alimentis: vnde constantissimum, & sine difficultate esse reor, in alimentis relictis in aliquo fundo, vel constitutis, induci obligationem fundi, vt hic casus sit citra controuersiam; tum etiam omnem annuam præstationem relictam in testamento, habere quidem hypothecam, de qua *in d. l. 1. Cod. communia de legat. & in dicto §. sed nostra*, quæ hypotheca omnia bona testatoris pariter afficit, non solum designatum fundum: sed non est de hac hypotheca nostra quæstio, sed particularem inquirimus & expressam, quæ ex assignatione fundi nascatur.

33

Tertiò existimo, opinionem Bartoli, & aliorum, qui in omni dispositione generaliter ex suppositione fundi induci existimant hypothecam, verissimam quidem esse; cuius ratio ea est, quia postquam conuenimus me tibi daturum centum annua, assignato fundo vnde percipiantur, certè suppositio fundi nihil aliud videtur effecisse, quàm obligationem fundi; nihil enim aliud operari possunt verba illa; & planè in obligationibus & hypothecis inducendis magis animum, & voluntatem agentium, & contrahentium, quàm verborum conceptionem inspiciamus, *l. fin. Cod. quæ res pignori obligari possint*. Præterea illa verba, *ex tali fundo percipienda*, planè verè habent fundum suppositum solutioni; ea autem suppositio nihil aliud est, quàm obligatio, idque patet ex significatione verbi *hypotheca*, quæ est suppositio; & *hypothecare* est supponere, *ex rubric. C. de prædiis, & aliis rebus minorum non alienandis, vel supponendis*, & *ex rubr. ff. eodem*. Budæus doctissimus Gallorum *in l. penult. vers. idemque esse, ff. de pignorib.* Brissonius *de verb. signific. verb. Hypotheca*. Quod si ea verba propriè inducunt suppositionem fundi, cum ipsum supponant aperte, ipsaque suppositio est hypotheca, quid obsecro obstat cur non intelligamus ex assignatione huiusmodi inductam hypothecam: itaque ex hac ratione, iuncta dicta lege finali, *C. quæ res pign. oblig. poss.* generaliter inducta videri potest hypotheca, non solum in causa alimentorum, sed generaliter in omni dispositione, secundum Bart. *in d. l. Lucius, ff. de alim. & cibis legat.* immò & Couar. doctissimus *in d. c. Raynuius, §. 10. num. 8.* dum hanc ipsam quæstionem tractat, his verbis ait: *Secus tamen erit si promittens, aut legans diuersa oratione utatur, in hunc modum, lego, aut promitto centum ex fundo Semproniano; non enim videtur pignus ex hoc constitutum, licet ad solutionem illius quantitatis fuerit designatus ille fundus*. Allegat Bart. *in dict. l. Caius*, & *in dict. l. Lucius*: quæ decisio breuissimis verbis totam prædictam quæstionem destruere videtur. Sed ne torquearis in intellectu illorum verborum, meminisse oportet eius quæstionis, quam nostri Doctores tractant, an scilicet assignatio, & adiectio loci vel personæ vbi solutio fiat, demonstrationem faciat, an verò conditionem? Exemplum ad hanc quæstionem habes ex Vlpiano *in l. quidam testamentum, o, ff. de legat.* [Quidam testamento, inquit Vlpianus, vel codicillis ita cavit: Au-

reos quadringentos Pamphila dari volo , ita ut infra scriptum est , à Tullio auctore aureos tot , & in castris quos habeo tot , & in numerato quos habeo tot. Post multos annos eadem voluntate manente decessit , cum omnes summæ in alios usus conuersæ essent : quæro an debeat fideicommissum ? Respondi verosimilius esse , patremfamilias demonstrare potius hæredibus voluisse , unde aureos quadringentos sine incommodo rei familiaris extrahere possint , quàm conditionem fideicommissi inieciisse , quod initio purè datum esset : & ideo quadringenti Pamphilæ debebuntur. ] Hactenus Ulpianus. Idem in l. Firmio , ff. quando dies legati cedat. [ Firmio ( inquit ) Heliodoro fratri meo dari volo quinquaginta ex redditu prædiorum meorum futuri anni : postea non videri conditionem additam , sed tempus soluendæ pecuniæ additum & prolatum videri respondi , & fructibus fundi relictæ pecuniæ non perceptis , ubertatem esse necessariam secundi anni. ] Alia exempla vide in l. si sit , §. 1. ff. de legat. 1. & in l. ex his verbis , ff. quando dies leg. vel fideicommiss. cedat. Ex quibus iuribus sunt aperta iura ad hanc quæstionem. Effectus huius quæstionis est , quia si adiectio conditionem facit , tunc quidem expectatur conditionis adimplementum. Itaque si mihi centum relinquis annua colligenda ex fundo Semproniano , si verba hæc conditionem faciant , fundo Semproniano alienato , vel si in illo fundo nihil habeas , nihil censebitur relictum : quod si demonstrationem faciant , omnino debebitur legatum , & aliunde soluetur. Exemplum aliud elegans est in proposito in l. Paulus Callimacho , §. Tullius , ff. de legat. 3. [ Tullius Severus ( inquit Paulus ) decedens instituit quibusdam hæredibus , alumno suo quinquaginta legauerat , eaque à Tullio Mauro colono suo ex pensionibus fundi ab eo debitis præstari voluit ; eidemque Mauro quædam legauerat. Cum de hæreditate fiscus quæstionem mouisset , iussu procuratoris Maurus pecuniam fisco soluerat , postea hæres scriptus obtinuerat aduersus fiscum : alumno autem mortuo hæres eius fideicommissum ab hærede Mauri petebat. Placuit Imperatori , non videri eius fideicommissum , sed demonstratum , unde accipere posset ; & ideo hæredem Seueri hoc præstare debere. ] Hæc Paulus. Quæstio igitur ex Iureconsultorum verbis in eo est , an ea verba , scilicet quæ assignationem inducunt , conditionem efficiant , an verò demonstrationem , etiam si Doctores aliter quæstionem proponant , scilicet , an assignatio loci , vel personæ ad solutionem faciendam inducat taxationem vel demonstrationem , ut effectus taxationis sit idem quod de conditione diximus ex responso Iureconsultorum. Ita proponebat hanc quæstionem Alexander del Meuo Vincentinus , qui interpretatus est publicè ius Canonicum in Gymnasio Patauino tempore Alexandri de Imola , in quodam consilio , quod ad litteram refert Gigas de pensionibus quæst. 62. num. 29. & posuerat Paulus de Castro conf. 338. vol. 1. & ante Paulum Bartol. usus fuerat his verbis in l. Lucius , num. 3. ff. de aliment. & cib. legat. Iureconsulti autem proprius locuti , de conditione & demonstratione inducenda agunt : Caccia-lupus in tract. de pensionibus , quæst. 16. in prædicta quæstione ait recurrendum esse ad decisionem Rotæ in antiquis , titulo de Testamentis , incipit : Lego pro anniuersario annali , & perpetuo faciendo pro anima mea , & parentum meorum in Ecclesia Murmurienfi duas formatas annone ad magnam mensuram , quas mihi seruauit



*seruium Guillelmus, & Raynerius fratres in quodam affirmant quod habent in tali loco.* Et dicit Caccialupus, quod illa Rotæ decisio est fons totius huius disputationis; in qua decisione quæsitum fuit, an hæredes liberentur cedendo actiones? contra doctos Guillelmum, & Raynerium; vel an omnino hæredes teneantur soluere? Et reuerà in proposito est elegans decisio ad nostram quæstionem, in qua receptior sententia est, quod si legatum, donatio, vel concessio, & assignatio personæ vel loci, sint in duplici & diuersa oratione, & sub diuersis verborum conceptionibus, quod talis assignatio inducit demonstrationem, ac subinde quod legatum omnino debeat; si verò vnica verborum conceptione, & vnica oratione vtrumque contineatur, quod est taxatio, vel conditio: ita determinat prædicta Rotæ decisio, *Gigas de pensionibus, dict. quæst. 62.* Bart. in *l. inter stipulantem, §. sacra, ff. de verb. oblig.* Paulus, & Alexand. in *l. Stichum qui meus erit, ff. de legatis 1.* Petrus Cinus, Salicetus, & Bald. *l. si quis argentum, §. 1. ibi: Iuxta quæro, Cod. de donationib.* Bart. in *l. Paulo Callimacho, §. fin. ff. de leg. 3.* Bart. & Paulus in *l. Lucius, §. ciuibus, ff. de leg. 2.* Romanus singulari 430. Ripa in *d. l. Stichum qui meus erit, num. 12.* Paulus in *l. si venditor, ad fin. ff. de actionib. empt.* Decius *conf. 437. col. 1. & conf. 500. in fin.* Ludouicus Gozadinus, qui receptissimam dicit, *conf. 83. num. 7.* Felinus in *cap. super litteris, de rescriptis, num. 4.* Ioannes Andreas in *additione ad Speculat. titulo de fructibus, versic. 3.* Practica Papiensis in *libello pro legato rei singul. versic. nunc his peractis*, Carolus Molinæus breuiter in *consuetudinibus, tit. 1. §. 2. num. 20.* Denique ex hac recepta sententia, & distinctione illud constat, si redditus annuus legatur vel donatur cum adiectione fundi, vel personæ in diuersa oratione, & conceptione verborum, tunc fundus additus censetur gratiâ demonstrationis; itaque tenebuntur hæredes soluere: si verò in vna eademque oratione donatus sit vel legatus, & adiectus fundus, tunc conditionem & taxationem, siue limitationem inducit, & hæredes non tenentur, sed liberantur cedendo actiones; tunc enim fundus limitatè & taxatiuè additus est & adiectus. Probat mihi textus egregius in *l. si sic, §. 1. ff. de leg. 1.* ibi: *Namque inter falsam conditionem, siue causam, multum interest: proinde etsi Titio decem quæ mihi Seius debet, legauero, nullum erit legatum; esse enim debitor debet. Nam & si uiuus exegissem, extingueretur legatum; & si debitor maneret, actiones aduersus eum hæres meus duntaxat præstare cogeretur.* Ex quo Iureconsulti responso vides hæredes in nihilo teneri, immò liberari, cessis actionibus. Textus egregius in *l. Lucius, §. ciuibus, ff. de legat. 2.* [Ciuibus meis do lego chirographum Caij Seij. Postea codicillis vetuit à Sejo exigi, & ab hærede petiit, vt ex alterius debitoris debito, quem codicillis nominauit, eandem summam reipublicæ daret. Quæsitum est si posterior idoneus non esset, an integram quantitatem hæres præstare debeat. Respondi hæredem reipublicæ aduersus eum duntaxat debitorem, qui nouissimis codicillis, vt proponitur, designatus est, actionem præstare debere.] In quo Iureconsulti responso vnica verborum conceptione assignatio & legatum continentur.

Et quamuis Doctores, de quibus suprà mentionem fecimus, illa ipsa distinctione hanc quæstionem definiant; illa tamen distinctio vnus, non diuersarum orationum planè est, nec ex Iureconsulorum verbis, nec sententiæ

namque Iureconfulti ipsi sapè ex vna eademque oratione demonstrationem inducunt; sapè etiam ex duplici taxationem & conditionem, idque patet ex iuribus suprà adductis: nam primùm *in d.l. quidam testamento*, vbi demonstratio inducta est, planè vnica oratio est, scilicet, *Pamphila quadringenos aureos dari volo, à Sempronio centum, à Titio ducentos, à Caio centum*: quæ verè vnica oratio est. Item id patet apertiùs *in d.l. Firmio*, ibi: *Heliodoro fratri meo dari volo quinquaginta ex redditu prædiorum meorum futuri anni*: hic enim à Iureconsulto inducitur demonstratio, cùm verè vnica sit oratio. Præterea *in l. si sic*, §. 1. si verum amamus duplex oratio taxationem & limitationem aut conditionem facit: item *in l. Paulus Callimacho*, §. Tullius, ff. de leg. 3. duplex oratio est, & taxatio inducitur; quin ipsemet doctissimus Couarruias, decus Hispanum, quem nunquam otiosè loquutum suspicor, *in dict. cap. Reynutius*, §. 10. num. 8. *ad medium*, inquit his verbis. [ Secus tamen erit si promittens aut legans diuersa oratione vtatur, in hunc modum, *lego, vel promitto centum ex fundo Semproniano*; non enim videtur pignus ex hoc constitutum, licèt ad solutionem illius quantitatis fuerit designatus ille fundus. ] hæc Dominus Couarruias, qui positurus exemplum de duplici oratione more Iureconsultorum obseruatà rectà ratione dicendi, vnicam duntaxat addit orationem loco exempli in hunc modum, *lego centum ex fundo Semproniano*; vt videas quàm miserum sit Doctorum sententias neglectis Iureconsultorum responsis festari; doctissimus enim Couarr. quamuis de duplici oratione methodum tradiderit, tamen non potuit exemplificaturus à Iureconsultorum propria ratione diuelli.

- 38 Vnde ex mente Iureconsultorum, & Doctorum, de quibus suprà, quamuis ita distinxerint, nihil attendendum est ad duplicem vel vnicam orationem, sed ad id duntaxat, scilicet ad dispositionem, & executionem; hoc est, an post legatum perfectum addatur executio legati, id est vnde legatum sit soluendum; atque ita siue in vna, siue duplici oratione adiectio loci, vel personæ ad executionem & consecutionem legati iam perfecti inducit demonstrationem, veluti si dicas, *lego Titio centum annua ex fundo meo Semproniano percipienda*; hinc quoniam legatum perfectum est, & post legatum perfectum adiicitur locus vnde soluantur centum annua, ad executionem & implementum legati, etiamsi in vna oratione vtrumque contineatur, demonstratio planè inducitur. Rursum etiamsi in diuersa & duplici oratione, si duplex illa oratio necessaria sit ad perfectionem legati, nihilque de executione agatur, erit taxatio & limitatio, aut conditio, vt est, *lego Sempronio centum annua quam mihi Caius pro fundo Seiano soluit*: hinc duplex ista oratio nihil continet, nisi dispositionem; idèd taxationem inducit assignatio loci. Contrarium esset dicendum si hoc modo prolatum esset, *lego Sempronio centum annua soluenda sibi ex fundo Seiano*; hinc licèt sit vnica oratio, quoniam continet dispositionem, eamque perfectam, & deinde executionem legati, demonstrationem facit, idque sentiunt Iurisperiti: itaque si in concessione, vel legato, vel donatione redditus annui, vel in venditione nihil refert, post dispositionem addita fuerit persona, vel locus adiectus ad solutionem & executionem, dispositio illa habebit demonstrationem; si duntaxat legatum habet perfectum, sine verbis



verbis executivis dispositionis, erit taxatum legatum, vel conditionale: ita melius explicat Albericus in dict. *l. quidam testamento*, Bart. in *l. Lucius*, Paulus de cons. 33 §. lib. 1. Decius cons. 324. Iacobinus de sancto Georgio in *l. si fideicommissum*, §. *Tractamus*, n. 7. ff. de iudiciis. Iason in *l. quæ doris*, num. 42. ff. solut. matrim. agens de donatione causâ mortis: & in hoc proposito D. Couarr. in rubrica de testamentis, parte 2. num. 13. versic. *secunda conclusio*, ad fin. ex Decio consil. 305. & in *l. fin. de pact.* num. 21. & in *l. non omnis*, ff. si certum petatur. Vide simile ex Bald. in *l. 2. C. de falsa causa adiecta legato*, num. 4. vbi declarat dictam legem *quidam testamento*: horum autem varius effectus est, & quotidianus & utilissimus in hoc nostro Prætorio; quorum aliquot referam.

Primus erit, quod hæc duæ conceptiones, scilicet, *Dexo à Fulano por via de alimentis suos fructus de tal fundo o predio*; aut si ita concipiatur, *Dexo à Fulano para sus alimentos diez cargas de pan, que me pague Fulano de tal lugar fundo, o predio*; sunt pura legata, & præter dispositionem nihil aliud continent; nulla enim reperiuntur verba dispositionis executiva, idè adiectio loci, vel personæ taxationem & limitationem inducit; & ita erit dispositio limitata & definita ad locum & personam, ita vt hæredes omnino liberentur cedendo actiones legatario: quod si fundus minùs reddat, minùs erit in legato; si nihil, nihil itidem: quoniam enim limitata est ad fundum, ipsum fundum quærit, hæredes autem obligatos non habet.

Vnde si is qui hoc modo legaverit eundem fundum aut prædium, prælegaverit, *ò mejorar*, iuxta nostra iura, aliquem ex filiis in eo prædio, filius melioratus in prædio solus ex fundi redditu subibit legatum pro fundi viribus & facultate, reliqui fratres in nihilo tenebuntur, si nihil habuerunt in fundo, licèt aliàs hæredes patris sint legantis ea ratione, quia limitata dispositio est, & conditionalis, designata, & definita ad certum fundum.

Rursum si vendas annua centum, quæ tibi habes Compostellæ empta, vel tot modios vini, vel corbes frumenti, quos habes quotannis in tali prædio, vel quos emisti à Sempronio, certè hæc venditio limitata est ad locum; vnde si ibi redditus non sit venditori, hæredes de evictione quidem tenebuntur actione personali ex contractu, at verò reddere singulis annis redditus non tenebuntur; quia limitata venditio est, tanquam si corpus esset venditum.

Rursum si vendideris decem annua quæ habes quotannis ex tali fundo, vel decem modios vini, vel *cargas de pan*, quæ habes quotannis in tali prædio empta à Sempronio, atque in hunc modum emeris, emptio limitata est & definita, & taxata ad fundum; vnde priùs emptor requireret fundi possessorem, quàm venderentem. Quod si in fundo emptio conservari non possit, tunc quidem contra venditorem ages, non quidem ad solutionem redditus, sed ad evictionem ratione contractus.

Quia licèt aliàs verum sit, quod obligatio ad solutionem annui redditus sit personalis, & quod fundi adiectio additur pro certiori, & firmiore solutione, atque ad id duntaxat accessorie fundi nominatio, idè quæ semper expectatur id quod principalius est, scilicet obligatio personalis; & idè quamvis fundus adiectus obligatus sit in solutione annui redditus, hæredes tamen venditoris teneantur pro rata, etiam si fundus assignatus ad solutionem prælegatus sit pri-

42 inogenito, vel alicui ex filiis; quia semper attendimus personalem obligationem, quæ principalior est quàm hypothecaria, quæ est accessoria; quod ex fundata iuris ratione tradit Carolus Molinæus in *consuetudinib. Paris. parte 1. tit. 1. §. 11. num. 12.* & D.D. Couarr. *Variarum libro tertio, cap. 7. num. 5. vers. quarto si contractum.* Hæc tamen omnia vera sunt, nisi limitata & designata sit dispositio, donatio, legatum vel venditio; tunc enim fundus ad quem limitatur quærendus est directò; & ita iam semel vidi iudicatum in hoc Senatu in venditione sex modiorum vini, qui limitatè fuerant venditi. Petebat emptor executionem pro redditu vnius anni contra venditorem: dicebat ille se non teneri, fundique possessorem esse requirendum; tunc secum agendum, ac tunc quidem non de redditu annuo, sed de euictione; & ita iudicatum est, quia limitata reperta est venditio, & redditus tanquam corpus venditus.

43 Rursum constituto annuo redditu vbi actio personalis est accessoria hypothecariæ, si res perimatur quæ obligata est ad solutionem, durat obligatio personalis ad consequendos redditus annuos, *l. creditor qui non idoneum, ff. si certum petat.* & in *l. aduersus*, vbi Bartol. & Bald. *C. de actionibus, & oblig.* At verò si taxata & limitata sit concessio redditus, tunc quidem perempta re nulla est obligatio personalis ad annum redditum.

44 Rursum & illud est aduertendum in hoc casu, vbi limitata est constitutio census, vel fructuum, vel redditus annui titulo venditionis, donationis, vel legati: nihil enim refert, cum Doctores omnes, de quibus suprà; immò ratio ipsa iuris vniuersè id in omni genere dispositionis recipiant. Nulla excussio est necessaria, cum nulla subsit obligatio personalis ad censum vel redditum, vel fructum annuum; atque in hunc sensum existimo intelligendum quod refert D. Didac. Couarr. *variarum. resol. lib. 3. cap. 7. num. 6. in principio*: namque vbi redditus, vel census annuus constituitur actione personali, & deinceps additur fundus iure pignoris pro firmiori & certiori solutione, quamuis D.D. Couarr. dicat, quod excussio non est necessaria, vt fundi conueniens possessorem hypothecati pro consequendo redditu, quem ille tenetur soluere, aut fundo supposito cedere; tamen hoc de reiecta excussione in hoc Senatu vidi receptissimum, hodie receptum non video, expectatur enim excussio in censu annuo, sicuti in reliquis contractibus, qui præter personalem obligationem hypothecariam continent, ex regula iuris in *authentica Hoc si debitor, C. de pignoribus*, & in *l. 14. tit. 13. part. 3.* & illa exceptio de non requirenda principali actione personali in contractu census annui, nusquam scripta est nostro iure: at verò si venditio limitata sit, tunc ad possessorem necessariò directò eundem est pro redditu consequendo, nec conuenitur principalis vllò modo pro redditu, sed nec actione ex contractu ad euictionem, nisi è conuerso facta excussione in fundi possessore ratione fundi: quod genus excussionis est mirabile & verissimum, si modò excussio propriè dici possit.

45 Contrarium omnino dicendum est, vbi redditus, census, annua præstatio, vel fructus conceditur, legatur, vel donatur duplici oratione, quarum altera dispositio, altera verò executio perfectæ dispositionis continetur, in hunc modum, *Dexo à Titio diez cargas de pan por via de alimentos, las quales quiero aya y llene en el mi lugar y heredad, o fundo de tal*; hîc etenim quoniam sunt verba dispositiua



dispositiua & dispositionis executiua, non est adiectio fundi ad taxationem, sed ad demonstrationem. Rursum si dicat, *Dono Titio centum annua, quæ volo Titium consequi à Sempronio colono meo*; hîc quoque demonstratio est. Rursum si vendas centum modios vini vel corbes frumenti, & addas, *Los quales aya y cobre del mi lugar, o fundo de tal parte*; certè demonstratio est in illa adiectione fundi, ideòque hæredes tenentur, etiamsi in loco adiecto nihil habeat testator aut donator; sunt enim verba inducentia dispositionem, & post dispositionem perfectam, adiiciuntur verba dispositionis executiua; quo casu intelligimus demonstrationem, non verò taxationem; idque etiam intelligendum est in exemplo quod adducebat D.D. Couarr. *diñt. §. 10. num. 8.* scilicet, *Lego vel promitto centum ex fundo Semproniano*; quia verbum illud, *ex fundo*, 46 est executium, *ex l. Firmio, ff. quando dies legat. cedat*, ibi: *Heliodoro fratri meo dari volo quinquaginta ex redditu prædiorum meorum futuri anni; non videri conditionem additam respondi*. In hoc ergo secundo casu intelligo omnia suprà adducta longè aliter; namque primùm hæredes omnino tenentur pro portionibus hæreditariis soluere redditum annuum, etiamsi fundum qui ad solutionem destinatus est, & assignatus, aut demonstratus, prælegatus sit primogenito, vel alicui ex filiis; quia prudens consilium patrisfamilias animaduertimus, qui faciliorem solutionis rationem ostendisse hæredibus intelligitur, *ex diñt. l. quidam testamento*.

Inde etiamsi testator alienet fundum demonstratum ad solutionem, legatum nihilominus debetur; idem obseruandum est, si chasmate pereat, quia demonstratus est hæredibus ad solutionem.

Immò si fundus hic demonstratus ad solutionem, & prælegatus vni ex fratribus, euincatur ab omnibus, defenditur; & si euincatur cum condemnatione expensarum, pro portionibus hæreditariis expensæ soluuntur, quia expensæ actione personali debentur, non verò pro portione & parte quam quisque facit in fundo: ita in simili dicebat Carol. Molinæus *part. 1. tit. 1. §. 11. in consuetudinibus Parisiensibus, num. 27.*

Denique in quæstione illa quam tractabamus, an ex suppositione fundi, vnde annua præstatio soluatur, resultet hypotheca fundi assignati? in qua quæstione opiniones retulimus, de quibus superiùs, si vera est opinio D.D. Couarr. *d. §. 10. num. 8.* nunquam contingere potest casus, in quo verificetur quæstio: namque si fundus assignatur limitatè, vel taxatiuè, verissimum est, cum desit obligatio personalis ad redditum, nec venditor vltiori teneatur, 48 quàm de euictione, immò neque hæredes ipsius, cum fundi illius redditus, vel fructus legatus venditûsque sit veluti corpus, non posse induci hypothecam; quia ea sine actione personali consistere non potest, saltem à principio: nam ex postfacto benè reperitur hypotheca sine actione personali, perempta actione personali tempore. Tempus enim plus operatur, & maiores vires habet contra actionem personalem, vtpote debiliorem, quàm contra hypothecariam, vtpote realem, & ideò fortiolem, *l. intelligere debes, C. de luitione pignoris. Intelligere debes*, inquit Imperator, *vincula pignoris durare personali actione submota*. Cum igitur à principio consistere non possit, cumque assignatio fundi taxatè & limitatè non inducat actionem illam personalem, quæ

fundamentum sit hypothecariæ, vt diximus, coacta ratione intelligendum est, eo casu, quo fundus adiicitur taxatè, non induci hypothecam fundi, cum magis fundus ipse assignetur tanquam corpus, non vt obligatus in subsidium, qui est effectus hypothecæ.

Rursum si fundus adiciatur demonstratiuè, duplici illa oratione, quæ dispositionem, & executionem dispositionis contineat, tunc quidem adhuc idem dicendum videtur, autoritate D. Didaci de Couarr. *d. §. 10. num. 8. ad medium*, qui allegat glossam & Bart. in *dict. l. Caius*, ff. de annui. legat. & est glossa verb. *Nec in rem*: quæ glossa non diffinitur fundum fuisse suppositum, sed non inducit obligationem ex hac suppositione, nisi in causa alimentorum. Itaque Accursius benè fateatur fundum esse suppositum quando demonstratur ad redditum; sed quia videt iura solùm inducere obligationem hypothecariam in causa alimentorum, vt *dict. l. hactenus*, ff. de usufructu, non ex defectu suppositionis, sed ex defectu iuris, quo hæc suppositio obligatio dicatur, ad solam alimentorum causam refert hypothecam: ex qua Accursij sententia saltem obtinebimus illud, scilicet, fundum demonstratum ad solutionem diuersa oratione, supponi quidem; ex illa autem suppositione non induci hypothecam, quia id nullo iure constitutum sit: vnde nec in priori casu, vbi taxatè ponitur fundus; neque in secundo, vbi demonstratiuè inducitur hypotheca, bene colligi potest vnquam induci hypothecam ex assignatione, & suppositione fundi.

49 Est enim argumentum à sufficienti partium enumeratione, scilicet, nec hoc, nec illud, nec est tertium, vt aiunt Dialectici; quod argumentum facit euidentiā rei, *l. arbor*, §. *si tibi*, ff. *si cert. petat.* vbi Iureconsultus, & Accursius hoc genere argumentationis vtuntur. Hæc omnia adde his quæ breuiter scripsit Antonius Corduba de Lara in *l. si quis à liberis*, §. *sed virum*, ff. de liberis agnoscendis, num. 33. his enim egent interpretationibus.

50 Vt tamen dicebamus, Accursius non negat in casu quo fundus adiciatur demonstratiuè, suppositionem fundi, sed illam suppositionem non extendit ad pignus vel hypothecam; scilicet, quia videt ex iuribus quæ allegat in *dict. l. Lucius*, & in *dict. l. Caius*, id solùm dispositum esse à Iureconsultis in alimentis, in aliis autem annuis redditibus cum non videat inductam hypothecam ex suppositione huiusmodi, ex defectu iuris id duntaxat recipit in causa alimentorum: nec quicquam in hac re facit, vt dicebamus, lex finalis, §. *fin.* ff. de contrahend. emptione, vbi Iureconsultus de hypotheca nec verbum: & sensit Accursius ibidem, dum de hypotheca mouet quæstionem.

51 Vnde qui placebit opinio eorum qui tenent pignus nuda conuentione contrahi posse, ac subinde suppositionem fundi esse verè hypothecam, cum verbum *hypotheca*, nihil aliud sit quàm suppositio, verèque fundus demonstratus supponatur, ac subinde obligetur; ex demonstratione fundi inducent hypothecam, quod mihi verissimum est: quamvis enim in fauorem hæredis assignatus fundus fuisse videatur, vt facilius sit hæredi solutio, ex *dict. l. quidam testamento*; nihil tamen vetat quod ad firmitatem quoque legati intelligamus demonstratum, cum æquè velit testator dispositionem suam adimpleri; imò cum ab hærede suo reliquerit, magis relicto prospexit, quàm hæredi, inde videtur quid tibi ascendendum sit tum doctissimo Couar. qui Iureconsultis assuetus



sæpe obseruata methodo Iureconsultorum vno verbo difficillimas sententias, & prolixè disputatas complectitur: rursus dubitationem Curtij Iunioris in *l. final. ff. de contrah. emptione*, explicabis, & varietatem Bart. in *d. l. Caius*, & dict. *l. Lucius* & in dict. *l. fundus quem*, vitabis, intelligesque latissimam disputationem Gigantis tract. de personibus, quæst. 51. & Pauli de Castro consil. 338. & Romani cons. 388. de quibus suprâ, idque obseruatis regulis, de quibus egimus.

Quæ autem diximus omnia de alimentis, locum quoque obtinent respectu filiorum erga parentes; est enim in hoc ius reciprocum & mutuum; eodem enim iure naturali, quo parentes filios suos alunt, eodem quoque filij parentes alere tenentur, *l. si quis à liberis*, §. *parens*, ff. de liberis agnoscend. [ Parens (inquit Vlpianus) quamuis ali à filio ratione naturali debeat, tamen æs alienum eius non esse cogendum filium exsoluere, receptum est. ] Vbi glos. quoad alimenta hoc ius naturæ recipit: doctissimus Alfonso de Castro de *instit. heretic. punitione*, cap. ult. contra Bart. qui in dicto §. *parens*, arbitratur alendos quidem parentes à liberis, non naturali aliquo iure, sed ratione naturali, quam rationem naturalem ille ius gentium vocat; fundatur, quia Iureconsultus vtitur eo verbo, scilicet, *ratione naturali*, in dicto §. *parens*: in hoc autem, vt dixi, parum fidendum est verbis, cum nomine rationis naturalis, sæpè ius naturale, sæpè gentium intelligamus, & differentiam inter vtrumque ius aliunde, quàm ex verbis venemur, scilicet an illud ius receptum sit cæteris animantibus, an nobis hominibus, & solis commune: vnde cum videamus hoc ipsum ius nobis, & animantibus commune, dicendum est, verbis illis, scilicet, *ratione naturali*, intelligendum esse ius naturale, vt diximus cap. proximo, num. 15. & 16. receptum enim est ciconias pietate præclaras, vt genitores senecta confectos inuicem educunt, & alant: quod tradit Plinius lib. 10. cap. 23. vnde est illud quod tradit Suidas, antiquitus in Regum summo sceptro ciconiæ figuram apponi solere, in imo verò hippopotamum; quo symbolo admonebant Reges pietatem plurimi facere oportere, violentiam verò cohibere. Sicuti enim ciconia defessos ætate parentes alit, ita hippopotamus animal efferum ac violentum enecat; quod aded impietate præcellit, vt interfecto patre, matrem ineat, teste Plutarcho in libello illo, cui titulus, Vtra animantia sint prudentiora, terrestria, an aquatilia; vnde Græcis dictum est vulgari verbo, *Ἀντιπαράστην*, id est mutuum officium reddere, *παλὰρ* enim ciconia est: ex qua ciconiæ insigni pietate rectius existimandum est, pietatem illam erga parentes naturalem esse, vt iure naturæ nobis cum animantibus communi alendi sint parentes, *l. 6. titul. 15. part. 4.* ibi: *Esso mismo dezimos*, que el fijo deve fazer contra su padre. Vnde dubitandum est de ea sententia, quam vt receptam refert Franciscus de Ripa libro 1. responsorum, cap. 7. scilicet, quod legitima debita parentibus tolli omnino possit; verè enim impia opinio est, & malè de parentum rebus commerita, ex his quæ diximus capite proximo. Cum enim ius alendi parentes à natura sit cognitum brutis animantibus rationis expertibus, quæ præter sensum nulla alia ratione reguntur, quî fieri potest vt tolli possit omnino hoc ius lege civili, præsertim quoad alimenta necessaria ad tuendam vitam. An viuet in otio filius lautus &

pinguis; parens verò qui eundem genuit, aluit, & educauit, egebit? Vigeat apud barbaros ea lex, nostra verò sententia piis, & cordatis hominibus comprobetur.

56 Ex quo fit, vt mater impuberis, cui à patre facta est substitutio pupillaris expressa, mortuo impubere habeat quidem alimenta à substituto, etiamsi ab hæreditate filij impuberis iuris potestate eiiciatur: ita tenent Ripa in l. 2. ff. de vulgari & pupillari, à num. 45. Zazius in tractatu de substit. titulo de pupillari, num. 22. Couarr. in cap. cum esses, de testamentis, numer. 2. Gregorius Lopez in l. 7. tit. 5. part. 6. verb. El mono, de quo est textus in l. si quis à liberis, §. idem rescriptum, ff. de liber. agnoscendis. Item rescriptum est, inquit Vlpianus, hæredes filij ad ea præstanda, quæ viuis filius ex officio pietatis sua dabat, inuiuis cogi non oportere, nisi in summam egestatem pater coniectus sit. Hoc enim descendit ex necessitate iuris illius naturalis, filiis naturâ ipsâ inditi, vt egentes genitores alant, & mutuam gratiam referant: cumque verum sit, & iure Ciuili, & Canonico, & Regio constitutissimum, per expressam pupillarem substitutionem matrem excludi à portione legitima filij, non solum in bonis parentis, sed in bonis ipsius pupilli, l. Papinianus, §. 1. ff. de inoffic. testament. cap. si pater, de testament. lib. 6. l. 7. tit. 5. part. 6. Bart. & Doctores in l. 2. ff. de vulg. & pupillari, quia testamentum illud, testamentum patris intelligitur, à quo matri pupilli nulla portio legitima debetur, vbi in dict. §. sed neque impuberis: hæc tamen ratio non tollit seminaria naturæ, & vincula fortissima filij erga genitricem, quæ filium gestauit, perniox sæpè toto mense; vt inhumanum satis videatur matrem perempto filio amantissimo, propter odium sæpe coniugis, & animi malignitatem à luctuosa hæreditate impuberis iuris quodam mero figmento propelli, quem ipsa volens nolensque omnino habitura erat hæredem; cum etiamsi ex voto filiis nostra cuncta paremus, l. nihil interest, ff. de bonis libert. cumque ratio naturalis quasi lex quædam tacita parentum hæreditatem liberis adiiciat, ad debitam successionem iure quodam naturæ eisdem vocando, vnde sui hæredes parentibus nuncupantur, l. cum ratio, ff. de bonis damnatorum; adeoque hæc ipsa liberorum successio incunda parentibus est, vt pater instituens filios dulci fungatur officio, l. 1. ff. de his qui sibi in testamento adscribunt; cumque verum sit esse quidem fortiorem successionem filiorum in bonis parentum, quàm patrum in bonis filiorum, ex hoc voto quod natura indidit vniuersis parentibus, qui filios suos cupiunt sibi successores, l. nam et si parentibus, ff. de inoffic. testam. l. scripto, ff. unde liberi; miserè tamen matrem ab hæreditate filij excludi miserum est, & impietate plenissimum. Vnde iura illa impia multis visa sunt; neque tamen cum hæc scribimus, eam opinionem probamus, quâ à viris doctissimis receptum est, eam decisionem quâ mater ab hæreditate impuberis excluditur propter pupillarem expressam substitutionem, non esse propter impietatem, quam habere videtur, obseruandam in foro, quod conscientiæ appellatur, cuius author Archidiaconus refertur in cap. si pater, de testamentis, lib. 6. vbi Dominicus post ipsum, & post hos Philippus Decius in l. precibus, Cod. de impuber. & aliis, & ibi Corraius num. 29. Faciunt quæ tradit Bald. ibid. vers. circa tertium, & quod notat Innocent. in cap. quia plerique, de immunitate Ecclesiarum,



rum, quod ubi lex civilis repugnat naturali æquitati, in foro interiori non sit seruanda: unde volebant substitutum pupillarem bono animo non posse obtinere hanc pupilli hereditatem exclusa matre, ideoque posse per denunciationem Evangelicam compelli ipsam matri restituere, ex his quæ notat Bartol. in *extranaganti ad reprimendum*, verb. *per denunciationem*; quodque notabat Gregorius Lopez in *dict. l. 7. tit. 5. part. 6.* verissima enim opinio est contra Archidiaconum, & qui eum sequuntur. Quod quidem latissimè resoluit Dominus Didacus Couarruias in *dict. cap. cum esses*, num. 2. & in *cap. Raynuius*, §. *ad finem*, & Gregorius Lopez in *d. l. 7. tit. 5. part. 6.* Cum enim lex ita scripta sit, nequeunt homines contra ipsam, sed secundum ipsam iudicare, *cap. in istis*, 4. *distinct.* In *istis temporalibus legibus*, inquit August. *quanquam de his homines iudicent cum eas instituunt, tamen cum fuerint instituta & firmata, non licebit iudici de ipsis iudicare, sed secundum ipsas.* Non igitur opinionem Archidiaconi sequimur, sed cupimus emendationem eius iuris, quod naturali rationi contrarium est; ideoque existimamus obseruandam legem & expectandam emendationem; neque cum Corrasio existimamus iniquam esse decisionem, parum tamen piam esse fatemur; cum, vt alia omnia omittam, tollat remuneratoriam illam gratiam, quæ erga matres benefici esse debemus.

## CAPUT V.

### *De mala fidei possessore utiliter vel voluptariè expendente.*

#### Notabilia ex capite quinto.

- 1 *Viles expensas mala fidei possessor non deducit, sicuti necessarias, sed abradit.*
- 2 *Idem quoque iure nostro Hispano decisum est lege Partita.*
- 3 *Hæc abrasio intelligenda est sine damno, & interitu rei, aliàs non conceditur: & ibi intellectus ad l. 1. C. de infantibus expositis, & ad l. fin autem, §. sed si seruum meum, ff. de rei vindicat.*
- 4 *Agitur de lege planè, ff. de petit. hæreditatis, quod pugnet cum lege domum, C. de rei vindicatione.*
- 5 *Conciliantur hæc duo iura, adductâ differentiâ inter rei vindicationem & petitionem hæreditatis.*
- 6 *Aliqua esse particularia in petitione hæreditatis, & defenditur solutio contra nouiores, & distinguuntur aliquot iura: & num. 7.*
- 8 *Iure nostro Hispano distinctio Bartoli antiquata in petitione hæreditatis, & in rei vindicatione abrasio concessa.*
- 9 *Voluptatis expensas mala fidei possessor ex Accursij sententia amittit, ex*  
*Iure*

*Iureconsultorum verò abradit; & adducitur notabilis lex ex duobus fratribus, ff. de negotiis gestis; ut aedificia ampla plerumque ad voluptatem pertineant.*

- 10 *Iure nostro Hispano lege Partita Accursij sententia probatur, contra Iureconsultorum aperta responsa.*
- 11 *Distinctio inter aedificantem de nouo in alieno, & rescipientem aliena, cognita Iureconsultis, & de lege utiles, & §. ex diuerso, quod ex hac differentia conciliantur, contranouiores: & num. 12.*
- 13 *Nostro Iure Hispano lege Partita hac distinctio comprobata iuris dispositionem diuersam facit.*
- 14 *Nona conciliatio ad illa iura ex sententia Domini Francisci Sarmiento; & ratio conciliationis ab ipso adducta.*
- 15 *Impugnatur hac ipsa conciliatio ex iuribus, quae pro se adducit.*
- 16 *Separatio & abrasio concessa est semper mala fidei possessoribus meliorationum utilium, & voluptatis sine laesione rei.*
- 17 *Exceptio doli, de qua in l. Paulus respondit, nunquam conceditur mala fidei possessori, unde dicta lex Paulus respondit, semper in bona fidei possessore venit intelligenda: & num. 18.*
- 19 *Vendicatio materia separata quando competat, & quomodo aedificatori, vel reaedificatori mala fidei: & de lege 2. Cod. de rei vend. & §. ex diuerso, & defenditur glossa contra nouiores; & de solo & superficie.*
- 20 *Aedificium constructum in solo alieno, quantumvis bona fide, regulariter eius est, cuius & solum, idque iuris potestate voluntatem interpretamur. Defenditur Accursius; & an idem censendum sit de meliorationibus; & quomodo in utrisque animum donandi materiam intelligamus; & num. 21. 22. & 23.*
- 24 *Quam verum sit, dominium rei legata transire rectè in legatarium iuris potestate, ex l. à Titio, ff. de furtis.*
- 25 *Aedificans in publico soluit vectigal, quod à solo solarium est dictum. Egregia declaratio ad pragmaticam Regiam, quae conserenti vineas in publico vectigal imponitur.*
- 26 *Aliquando voluptatis, & utiles meliorationes à mala fidei possessore factae recuperantur, non per abrasionem solum.*
- 27 *Contra Molineum intellectus ad l. si pupilli, §. sed & si quis negotia, ff. de neg. gestis.*
- 28 *Declaratio ad leges Partita ex superioribus traditur.*
- 29 *Traditur declaratio quoque ex his ad cap. 1. de in integrum restitutione, quodque variè sit decisio illa intelligenda.*
- 30 *Quod leges concisa sint, & ex aliis legibus recipiunt interpretationem.*



I

Equitur nunc utilis impensa, quod attinet ad mala fidei possessorem, ut talis mala fidei possessor non conseruet utiles expensas, nec deducat, aut consequatur aliqua actione, sed duntaxat abradat; huic enim abrasio permessa est: textus in l. domum, C. de rei vendicatione, ubi scriptum est, mala fidei possessores, eius quod in rem alienam



nam impendunt, non eorum negotium gerentes, quorum res est, nullam habere repetitionem, nisi necessarios sumptus fecerint; sin autem utiles, licentia eis permittitur sine læsione prioris status rei eos auferre: vbi Paulus num. 3. id ipsum tradit. Cui conuenit lex 4. *tit. 28. part. 3. ibi: Otrosi dezimos, que si el fizo despendas que fuesen provechosas al heredamiento, o a la casa agena, de que era tenedor, que si las fizo en buena fé, cuydando fazer en lo suyo, que las deve cobrar, maguer non ouiesse menester de las fazer; mas si las fizo aviendo mala fé, sabiendo que el heredamiento a la casa que era agena, si el señor que la vençio en juyzio non gelas quisiere fazer pechar, puede ende el otro levar la labor que fizo y fazer.* Atque vt rem istam perficiamus, intelligendum est hanc abrasionem concedi sine damno & interitu ipsius rei, *d. l. domum*, ex qua recipit declarationem dicta lex 44. & probatur elegantissimè in *l. 1. Cod. de infant. expos. in secundo casu artificij edocti*; ideo enim ibi possessor malæ fidei expensas eas utiles artificij edocti non deducit, quia etiam si abraderet artificium ab infante velit, non potest; ob idque ibi non fit deductio expensarum utilium, scilicet doctrinæ edoctæ, quia utilis expensa est, quæ repeti à malæ fidei possessore non potest; nec abradi & separari ab infante sine interitu ipsius infantis: elegans ad hoc textus, qui ex hac ipsa declaratione explicatur, in *l. sin autem, §. sed si seruum, ff. de rei vendicat. Sed si puerum meum* (inquit Paulus) *cùm possideres, erudisses, non idem obseruandum Proculus existimat: quia nec carere seruo meo debeam, nec potest remedium idem adhiberi, quod in area dicimus.* Hæc Paulus, cuius responsum ex Proculi sententia elegans est, quòd in puero edocto non potest remedium idem adhiberi, quod in area meliorata admittitur, scilicet abrasio meliorationis; disciplina enim serui abradi non potest: quæ addenda sunt his quæ diximus *ad dict. l. 1. Cod. de infantibus expos.* ex his enim illa in vtroque casu alimentorum & doctrinæ remanet exposita.

Nec quicquam contra hæc, quæ de abrasione scribimus, facit lex *planè, ff. de petitione hereditatis*, ibi: *Planè sic potest in eo differentia esse, vt bona fidei quidem possessor omnino quidem, licet res non extet, in quam fecit, sicut tutor vel curator consequatur; prado autem non aliter quam si res melior sit facta.* Hæc Paulus, quæ difficultatem habent præmissa priori parte dictæ legis *planè*, vbi de vtilibus, non solùm de necessariis expensis agit Paulus, ibi: *Planè in ceteris necessariis & vtilibus impensis possunt separari.* Paulus enim possessori malæ fidei conseruasse videtur utiles expensas, nec quicquam de abrasione curat, contra dictam legem *domum, C. de rei vend.* vbi cùm malæ fidei possessori eius, quod in rem alienam impenderat, & contra omnia, quæ diximus *c. 2. num. 10.* in vtilibus solam abrasionem superesse dicat malæ fidei possessori, conciliatio petenda est ex glossa in *§. certè, Instit. de rerum diuisione*; quam allegat & approbat Bart. in *l. in fundo, num. 2. ff. de rei vend.* Considerant distinctionem inter petitionem hereditatis, & rei vendicationem, vt scilicet in petitione hereditatis malæ fidei quicumque possessor utiles conseruet expensas, cùm in eo respectu eius qui hereditatem petit, æquitas versetur, ne cum aliena iactura petitor ditescat; namque petito hereditatis plerumque competit ei, qui verè dominus non est, ad petitionem hereditatis sufficit titulus hereditarius; vnde respectu eius qui hereditatem petit, cùm dominus verè non sit, rei melio-

ratæ vtiliter, malæ fidei possessor integrum habet ius suarum vtilium expensarum, & liberas quoad petito rem hæreditatis habet ædes, respectu meliorationum vtiliter factarum; ob idque meritò ab eo deducuntur, & retinentur, & petuntur, ne petitor ditescat cum iactura meliorationum earum, in quibus adhuc integrum ius habet rei possessor, quamuis malæ fidei; ideo huiusmodi possessori conceditur abrasio, retentio, & separatio: in petitore enim hæreditatis solum titulum hæreditarium ius considerat, non dominium, l. *¶ non tantum*, ff. de pet. hæreditatis, ibi: *Sicut illa quarum nomine publiciana competit*; quæ competit cum à non domino testator emit: contra verò in rei vendicatione, quæ domino conceditur, longè aliud statuendum fuit, scilicet, posse eas expensas quæ cum re, & in ipsa re reperiuntur, domino quæri, nisi abradi malæ fidei possessori possint sine læsione rei ipsius; & ita procedit lex *domum*, & lex *in fundo*, ff. de rei vendicat. Nec est solutio diuinatoria, cum educatur ex iuris principiis; suntque aliqua particularia in petitione hæreditatis, quæ non reperiuntur in domino vendicante, dict. l. *planè*; vbi perempta re meliorata, melioratio recuperatur, contra notissimas iuris regulas, propter naturam & particularem rationem eius actionis, ibi: *¶ bona fidei possessor expensas omnino deducat, licet res non exiet*. Nec contra hanc conciliationem quicquam facit lex 2. *Cod. de rei vend.* & §. *ex diuerso*, de quibus num. 12. & seq. agemus. Illæ enim leges singularem considerationem habent in eo, qui ædificat de nouo, in quo longè alia iuris ratio stabilita est, quàm eius qui reficit, vt dicemus. Nec rursus cum lege *domum*, concordat lex *vtiles*, ff. de pet. hæred. namque dicta lex *domum*, primo loco de necessariis agit expensis, de quibus modò nulla controuersia est, postremo loco de voluptariis expensis nihil agit, sed de vtilibus: at verò dicta lex *vtiles*, solum de voluptariis agit; idèd ambo ea iura, ne temerè misceantur, nullà conuenientià quadrant, nec pugnà aliquà discrepant; nec rursus cum ipsis pugnant dicta lex 2. & §. *ex diuerso*; quia hæc in ædificatore, illa in reficiente intelliguntur; de qua ratione diuersitatis mox pauca dicemus, nunc tantum iura ipsa distinguimus.

7 Patet ergo, vtiles expensas amitti malæ fidei possessori, nisi abradi possint sine læsione; in petitione autem hæreditatis, vbi dominus non est petitor, retineri à malæ fidei possessore; quia quoad illum integrum ius retinet possessor, quantumvis malæ fidei; at verò iure nostro Hispano hæc distinctio antiquata est, ex dicta l. 44. tit. 28. part. 3. quæ confundit vtrumque iudicium, vendicationis & petitionis hæreditatis, ibi: *Mas si las fixo auiendo mala fé, subiendo que el heredamiento, o la cosa que era aiena, si el señor que la vencia en iuyzio non gelas quiesiere fazer pechar, puede el otro ende levar la labor que fixo y fazer*. Nota verba illa *Heredamiento*, & verbum, *Casa*. Alterum enim hæreditatem significat, & ad petitionem hæreditatis referendum est; alterum autem verbum, scilicet, *Casa*, ad iudicium particulare, scilicet, vendicationis; unde non perperam in antiquis libris non *casa*, sed *cosa*, legitur; quod verbum significantius est: hodie tamen *casa*, legitur. Vtrumque autem verbum conueniens est ad tollendam eam distinctionem. Quæ quidem addenda sunt ad ea, quæ tradit Tiraquellus ad l. *planè*, de retract. 2. parte, §. 7. num. 1. glos. 5. & ad Caelum Molinæum l. *paria consuetudinis Parisiensis*, tit. 1. glos. 5. num. 87.



& ad Gregorium Lopez in dicta l. 44. tit. 28. part. 3. verb. *Ante entregar*, & ad Antonium Gomezium in l. 46. num. 2. in legibus Tauri. Omitto quos ipsi allegant, quibus ex his non parum lucis adhibetur circa viles expensas à malæ fidei possessore factas.

Voluptarias expensas malæ fidei possessor nec deducit, nec abradit: glossa finalis in fin. in dict. l. in fundo, vbi Bart. anxie distinguit, & subdistinguit multa cumulando: cum glossa tenet Angelus in §. cerie, Institut. de rerum diuisione; de iure autem verior opinio est, vt sicuti in vtilibus, ita & in voluptariis abrasio concedatur, de quo glossa verb. *Non habere*, in l. ex duobus, ff. de negotiis gestis: similis glossa in l. si pupilli, verb. *Locupletior*, ff. eodem: pro quibus est textus in l. idemque, §. idem Labeo, vers. *idemque ait*, ff. mandati. Idemque (ait Vlpianus,) si quid procurator citra mandatum ad voluptatem fecit, permittendum ei auferre, quod sine damno domini fiat. Idem Caius in l. viles, ff. de petitione hereditatis: qui textus loquitur de voluptatis expensis, ibi: *Nam pradoni probe dicitur, non debuisse in alienam rem superuacuas impensas facere; vt tamen potestas ei fiat tollendorum eorum, quæ sine detrimento rei tolli possint.* Cui addendus est versiculus, ibi: *Videamus ne ad picturam quoque marmorum, & ceterarum voluptuariorum rerum impensas aequè proficiet nobis doli exceptio: & utique proficiet, si modò bona fidei possessores sumus: nam pradoni,* &c. Facit generalis illa decisio dictæ legis in fundo: textus expressus in l. vna, §. taceat, vers. *quod si voluptaria*, Cod. de rei uxoria actione. Quæ iura aperta sunt, secundum quæ intelligenda est lex ex duobus fratribus, ff. de negotiis gestis: quæ quidem elegans est, & in proposito vtilis, vt ampla ædificia plerumque ad voluptatem pertineant. [Ex duobus fratribus (inquit Modestinus) vno quidem suæ ætatis, alio verò minore ætatis, cum haberent communia rustica prædia, maior frater in saltu communi habente habitationes paternas ampla ædificia ædificauerat: cumque eundem saltum cum fratre diuideret, sumptus sibi quasi re meliore ab eo facta desiderabat, fratre minore iam legitimæ ætatis constituto. Herennius Modestinus respondit, ob sumptus nulla re urgente, sed voluptatis causâ factos, eum, de quo quæritur, actionem non habere.] Hæc Modestini responsio egregia est, vt scilicet ædificia augmentata sine causa ad voluptatem pertineant, soletque in hoc Senatu adduci vt lateritia pauimenta, & lapideæ fenestræ, aliaque id genus in rusticis ædibus in emphyteusim acceptis ad voluptatem erecta videantur; & non semel in hoc Senatu huiusmodi ædificia voluptaria iudicata sunt. Illa tamen lex etiam si actionem neget, intelligenda est abrasionem admittere, si modò abrasio sine læsione rei esse, & fieri possit; quod in hoc genere meliorationum rarò venire potest.

Ex quibus mirum est, quod lex nostra Hispana 44. tit. 28. part. 3. in fin. apertè negauerit abrasionem huic malæ fidei possessori, contra Iureconsultorum aperta responsa, approbatâ Accursij contra seipsam sententiâ, vbi supra, ibi: *Mas si el que fiziesse tales despensas, como estas, ouiesse mala fé en teniendo la casa ò la heredad, pierde todo quanto y fizo, e non puede ende levar ninguna cosa.* Ex qua, iunctâ dictâ lege ex duobus fratribus, ædificia ista non auferuntur in Hispania.

Et quamuis Bartolus in dict. l. in fundo, opponat ad dictam legem viles, quæ

quæ loquitur in eo qui expensas facit voluptarias mala fide, concessa sibi ablatione sine detrimento rei, *l. adeo, §. ex diuerso, ff. de acquir. rer. dominio*, ubi si quis mala fide in alieno solo ædificium erexerit, amittit quod impendit, adeo ut neque diruto quidem ædificio materiæ ablatae dominus intelligatur: idem tamen Bartolus *in dicta l. in fundo, num. 2.* distinguit inter ædificantem de nouo, & reparantem, siue ædificia erigentem & expensas facientem in re quam possidet: quæ solutio non solum non est diuinitoria, ut iam semel visa est Domino Francisco Sarmiento *selectarum questionum lib. 1. cap. 10. num. 6.* sed est necessaria, & ad litteram ipsarum legum verba addere libet, ut ad oculum solutio ipsa Bartoli constet; quæ eò mihi libentiùs adducitur, quod ad leges nostras necessaria sit, quæ eam Bartoli distinctionem admittunt. Verba Caij *in dict. l. utiles*, superiùs adduximus, *num. 9.* quæ lex sine dubio de impensis agit in reficiendo factis, ut patet ibi: *Utiles autem, necessariaeque sunt, veluti quæ sunt reficiendorum ædificiorum gratiâ, aut in nouale, aut cum seruorum gratiâ litis æstimatio soluitur.* Et rursus ibi: *Videamus tamen ne ad picturarum quoque & marmorum, & ceterarum, &c.* In quibus expensis male fidei possessori abrasio permittitur sine læsione rei: & magis id patet, quia cum dicat Caius, abradi posse sine læsione rei, necessariò intelligendum est reædificationem fuisse, cum res supersit quæ meliorata est illis voluptariis expensis. Nunc venio ad eundem Caium *in dict. l. adeo, §. ex diuerso*, ubi idem Caius longè aliud agit; non enim ibi agit de repetitione vel abrasione meliorationum, sed de acquisitione dominij, & quomodo iniecta in alieno cuiusque fiant, ob idque inde incipit, ut hominum dominia quærantur: inde de alluione agit, à quo ad insulas deuectus, ad flumina & alueos peruenit; deinde ad vasa ex aliena materia confecta. Postremò id tractat, cum in solo suo quis ex aliena materia ædificat, illud perpetuò inuestigando, quomodo rerum dominia acquirantur: cumque in hoc casu asserat dominum materiæ, quandiu ædificium extat, nec vendicare posse, nec ad exhibendum agere, propter legem duodecim Tabularum; diruto tamen ædificio, separataque materia ait posse ipsum dominum materiam vendicare, quia dominium nunquam perit, etiamsi consopitum extiterit, quandiu ædificium exiit, propter legem duodecim Tabularum, quæ prohibebat vendicationes materiæ, quæ ædibus esset iniuncta, propter deformitatem vrbis vitandam: verba autem legis duodecim Tabularum hæc fuerunt, *Tignum iniunctum adibus meis, vendicatio, non soluitur.* Refert Festus, & adducit Connanus *Commentariorum in iis lib. 3. cap. 6. num. 7.* vendicare enim tignum suum domino licebat, tollere non concedebatur, sed eius duplum consequeretur ab ædificatore, ne Italia ruinis deformatetur; quo nomine contra apertas iuris regulas multa admiserunt Iureconsulti, ut *in l. quod si vir uxori, ff. de donat. inter virum & uxorem*. Iuncta lege præcedenti, *in fin.* Favor enim publicus in eo versatur, ne Respublica ruinis deformatetur, & propter eum à regulis iuris deceditur, licet glossa ibi eam existimet causam, quia non fiat coniux accipiens locupletior; & aliam causam glossa adducat *in cap. fin. cod.* ubi Abbas eam sequitur, *num. 15.* Similim dispensationem cum iuris quadam regula facit hic favor publicus *in l. penult. §. eandem, C. de donationib.* de donatione ad refectionem sine insinuatione. Denique Caius *in d. l. adeo*, dominium inqui



inquirat earum rerum, quæ rebus nostris accedunt, quantum, quomodoque accessione earundem dominium acquiratur: de quo tamen vide eleganter Connanum *Commentariorum iuris lib. 3. cap. 6.* ubi optime de accessione materiæ ad speciem differit, & copiose tractat, & Iureconsultos conciliat; quod nostrum institutum non est. Illud prosequimur, recipiendam fore Bartoli distinctionem inter ædificantem de nouo, & reficientem; quæ distinctio ex verbis Iureconsultorum aptè colligitur, quoniam dicta lex *planè*, & lex *viles*, *eodem*, de expensis in reficiendo agunt; at verò dictus §. *ex diuerso*, de erigente nouum ædificium intelligendus est. De hisque, scilicet de nouo ædificatore, & de reficiente, & collapsa reparante, diuersæ iuris regulæ proditæ sunt; quoniam qui de nouo ædificat, dominium quærit ipsâ suâ ædificatione; quod non intelligitur facere qui rem collapsam reparat. Quæ distinctio Bartoli cum colligatur ex Iureconsultis, occasionem dedit conditoribus legum Partitarum, ut hanc ipsam distinctionem admitterent, & lege lata constituerent, & sunt nobis iura expressa in *l. 43. tit. 28. part. 3.* & *l. 41. eodem tit. & part.* quæ conciliari debent iuxta hanc distinctionem, ut dicta lex 41. procedat in eo qui de nouo ædificat, ac cum mala fide, qui donasse videtur; & patet ibi: *En razon de aquello que y labro de nuevo*: dicta verò lex 43. procedat in eo qui reparat, ibi: *Non faziendo de nuevo, mas refaziendo*; quodque distinctio Bartoli sit recipienda, maximum argumentum præstant nobis duæ leges Partitarum.

Quamuis tamen leges Partitarum eam distinctionem videantur admittere, quod eò notauimus, ne solutio illa videatur diuinitoria; tamen mihi, qui nunquam nisi verecundè, & cum pudore ab eruditissimorum hominum sententia decedo, adhuc illa solutio non satisfacit, etiamsi nostris legibus comprobata esse videatur; liberè enim philosophanti eadem difficultas integra est. Siue enim reædifices, siue de nouo facias, semper illud inquirendum est, cur in casu dictæ legis *viles*, per abrasionem consulatur malæ fidei possessori in voluptariis, denegata exceptione doli; at verò in dicta lege *adeò*, §. *ex diuerso*, omnino rei vindicatio denegetur, etiam diruto ædificio, & separatâ materiâ. Quæstio in eo est, cur vindicatio non concedatur materiæ separatæ, & ædificij diruti, cum dicta lege *viles*, separatio concedatur? quid potuit contrarium suadere, ut separatio in vno casu concedatur, in altero verò & simili separatæ materiæ vindicatio denegetur? quia etiamsi de vtilibus expensis intelligas, in ipsis nunquam denegatur abrasio sine læsione rei, *l. domum, C. de rei vindicatione*, ibi: *Sin autem viles, licentia eis permittitur sine læsione prioris status rei eos auferre*.

Vir doctissimus D. Franciscus Sarmiento, meritissimus Episcopus Astoricensis, *dict. cap. 10. num. 10. lib. 1. selectarum questionum*, post varias solutiones, quarum aliquot leuissimis argumentis reiecit, nonè conciliat hæc iura, ut leges quæ prædoni consulunt per ablationem, vel abrasionem expensarum, quas fecerit, quando sine rei deterioratione auferri possunt, vel quia reperiuntur separatæ; ut, inquam, hæc leges, scilicet lex *viles*, & lex *domum*, loquantur quando ipsemet fur adhuc possidet, & ita quod ista ablatio fiat per retentionem; leges autem, quæ mala fide ædificanti separatâ materiâ negant vindicationem expensarum, ut in *dict. §. ex diuerso, l. adeò, ff. de acquirend. rerum*

domino, loquantur per viam actionis. Rationem huius idemmet D. Franciscus eam existimat, quod is qui possidet, bonæ fidei possessor credatur, *ex l. Paulus respondit, ff. de doli exceptione, l. fin. C. de rei vend.* Hæc D. Franciscus dicto num. 10. inde sese confert ad l. 2. C. de rei vindicatione, de qua agimus num. 19. quæ tamen solutio, quæ (vti ipse ait) colorem habere videtur, iudicio meo non diluit difficultatem; immò si propius inspicatur, magis destruitur ex ipsa ratione, cui innititur, *ex dicta l. Paulus*; namque etiamsi verum sit, quod iura quæ concedunt furi, nempe malæ fidei possessori, abrasionem sine damno rei, loquantur quando fur adhuc possidet; & quæ negant vindicationem, procedant per viam actionis; adhuc tamen integra est difficultas, cur tam variè decisum sit in eodem malæ fidei possessore, vt alter abradat, alter vindicare separatam & abrasam materiam possit; cùm etiam bona vel mala fides hanc ipsam rem dirimat, non possessio. Hæc difficultas coëgit ipsum vt excogitaret illam rationem *ex d. l. Paulus*; quia possessor præsumitur bonæ fidei, ob idque inducatur abrasio in ipso; cùm verò non possideat, cessat hæc præsumptio, & ideo actio quoque cessat. Hæc autem ratio id demùm obtinet, vt abrasio admittenda sit quamdiu quis bonæ fidei possessor præsumitur: quod si apertè de mala fide ipsius constet, tunc quidem ipsa ratio D. Francisci abrasionem non admittit, contra dispositionem dictæ legis *vtiles*, & dictæ legis *domum*, vbi ei, qui apertè malæ fidei possessor est, abrasio permittitur, vt patet ad oculum. Igitur hæc conciliatio est contra ipsamet iura, quæ pro se adducit; exceptio enim doli malæ fidei possessori nunquam conceditur; abrasio autem conceditur. Textus elegans ad hoc in *l. Iulianus lib. 8. Digestorum, ff. de rei vindicatione*, vbi mala fide ædificatum est de nouo, & possessor reperitur is, qui ædificauit; atque cùm exceptio denegetur doli, conceditur abrasio ibi: *Eo autem tempore ædificauit, quo iam sciebam alienam: videamus, an nihil mihi exceptio profuit? nisi fortè quis dicat prodesse de damno sollicito. Puto autem huic exceptionem non prodesse; neque enim debui in alienam aream certius ædificium ponere: sed hoc ei concedendum est, vt sine dispendio domini area tollat ædificium quod posuit.* Idem in *l. idemque*, & in *l. infundo, §. idem Labeo, vers. idemque ait, ff. mandati*, ibi: *Idemque*, ait Vlpianus, *si quid procurator citra mandatum ad voluptatem fecit, permittendum ei auferre, quod sine damno domini fiat.* Denique in hoc malæ fidei possessore, qui rem melioratam à se mala fide tenet, perpetuò admissa est abrasio, nunquam verò concessa exceptio doli, & meritò; quo pacto enim de dolo excipiet, qui dolo impensas facit? Item in *l. domum, C. de rei vendic.* conceditur abrasio malæ fidei possessori in vtilibus expensis; atque vt vniuersalem regulam tradamus, intelligendum est, separationem & abrasionem concessam semper fuisse malæ fidei possessoribus meliorationum vtilium & voluptatis, sine læsione, si malæ fidei possessores huiusmodi res melioratas possideant. In hoc casu omnia iura conueniunt, *dict. l. vtiles, dict. l. Iulianus, d. l. idemque, §. idem Labeo, d. l. domum.* In quibus tamen iura nostra distinxerunt inter vtiles expensas & voluptarias, vt in illis abrasio permittatur, in his denegetur, *ex d. l. 43. ibi: Pude el otro ende leuar.* Et ibi: *E non puede ende leuar ninguna cosa.* Et in hoc lex nostra partita, quæ abrasionem negat malæ fidei possessori, in voluptariis secuta est Accursij sententiam in d. l. in



*l. in fundo, in fine, in glos. ultima*, contra expressa iura, de quibus suprà. In necessariis autem de abrasione non curamus, quia pinguius remedium est ad consecutionem ipsarum, *ex d. l. domum, & d. l. 43. ibi: Que las puede, e deve cobrar.* Et ibi: *Quier ayabuena fé, quier mala:* & hoc pertinet ad abrasionem. Quod attinet ad doli exceptionem, video nunquam concessam fuisse malæ fidei possessori. Quî enim fieri potest, ut doli exceptione iuuetur, qui dolo fecerit, & commiserit, quo minus iuaretur? *l. utilis, ibi: Et utique proficiet, si modò bona fidei possessores sumus; nam pradoni probè dicuntur, &c. d. l. Iulianus, ibi: Puto autem huic exceptionem non prodesse; nec enim debuit iam in alienam certus ædificium ponere. l. adeò, §. certè, ff. de acquir. rer. dom. & §. certè, Instit. de rerum diuisione, lib. 2. Inst. ibi: Poteris per exceptionem doli mali repelli, utique si nescieris qui ædificauerit alienum esse solum, & tanquam in suo bona fide ædificauerit; nam scienti alienum esse solum potest culpa obici, quod tamen ædificauerit in eo solo, quod intelligeret alienum esse.* Hec Caius, ex quibus malæ fidei possessori mala fide ædificanti, vel reædificanti denegatur exceptio doli, etiam si possideat; & meritò, quia cum dolo fecerit expensas, exceptione doli iuari non potest. At verò iure optimo conceditur abrasio, quia scilicet mala fides non eò extenditur, ut ex aliena mala fide tu ditescas cum aliena iactura, præsertim cum adhuc malæ fidei possessor abradere possit sine iactura; in hoc enim semper æquitas in promptu est, de qua *in d. l. in fundo*. Ex quibus necessariò intelligenda est lex *Paulus respondit, ff. de exceptionib.* in possessore bonæ fidei, qui bona fide in alieno ædificat, vel reficit; nam in malæ fidei possessore ædificante, ex iuris principiis repugnantibus intelligi non potest; in malæ fidei autem possessore intelligi nullo modo potest, *ex dict. l. viles, & dict. l. Iulianus, & §. certè*, quæ sunt aperta iura. Bonæ fidei autem possessor, qui in alieno solo ædificat, quandiu est in possessione, rectè exceptione doli iuuatur; quod si semel tradiderit rem melioratam, exceptio cessat, quæ possessori conceditur. Nec quicquam refert, quod *Iulianus in d. l. Paulus respondit*, vtatur illis verbis, *in alieno solo*; namque frequens dicendi ratio est Iureconsultis, etiam in bonæ fidei possessore, ut patet *in d. l. Iulianus, & in d. l. si area, ff. de cond. indebiti, & in d. §. ex diuerso, & §. certè*; ex sola enim ædificatione in alieno non resultat mala fides, nisi etiam scientiam alieni proponamus, *d. §. ex diuerso, ibi: Et si scit alienum esse; & d. §. certè, ibi: Utique si nesciuerit*; ut ex his videas, quàm immeritò *Franciscus Hotomanus* hæc iura tanquam pugnantia coniunxerit, *lib. 2. feudorum, l. c. finitur lex, §. 3. fol. miki 264. ad fin.* vbi legem *Paulus*, & legem *Iulianus*, tanquam pugnantes adducit.

De rei vindicatione verò, an & quando competat huiusmodi ædicatori, 19 vel reædicatori, duo sunt iura, quæ sine pace pugnare plerisque visa sunt, scilicet lex *adeo, §. ex diuerso, ff. de acquir. rerum domin.* & lex 2. *C. de rei vindicatione*. Pugnam eo est, quia hætenus egimus de malæ fidei possessore possidente rem, quam utiliter vel ad voluptatem refecit, idque mala fide, ut is abradere possit sine læsione, excipere verò de dolo non possit: de hoc autem malæ fidei possessore, qui rem ædificatam, vel melioratam non possidet, quia tradiderit, difficultas est, an vindicare materiam, saltem separatam, possit, si casu, aliave ratione vlla ædificium destructum sit. Itaque in domo, quam colebas,

colebas, in supremo tecto solarium extruxi, vel cùm superficiem solùmque possideres, tecta & tabulata superiora imposui, quæ tu possides; an ipse saltem destructo ædificio separatam materiam vindicare possim? In quo textus *in d. §. ex diuerso*, apertus est, vbi Caius Iureconsultus, inquit, *Itaque nec diruto ædificio vindicatio eius materia competit*: qui textus in priori parte id agit, vt ædificium cedat solo; intelligemus autem iuxta prædicta, si quis de nouo faciat, de quo *in l. fin. ff. de superficibus*. Superficiarias ades, inquit Caius, *appellamus, quæ in conducto solo positæ sunt, quarum proprietas iure civili & naturali eius est, cuius & solum. l. obligationum* ferè, §. placet, *ff. de actionib. & oblig.* vbi elegantia verba ad propositum ponit Paulus ibi: *Sic & in tradendo si quis dixerit, se solum sine superficie tradere, nihil proficit, quominus & superficies transeat, quæ naturâ solo coheret. l. cum qui, ff. de usucapionibus*, ibi: *Vi putà cum ades ex duabus rebus constent, ex solo & superficie. l. solum, ff. de rei vend.* vbi solum partem esse ædium existimat Celsus, nec alioqui subiacere vti mare nauibus. Quod eò adduximus, vt perspicuum sit, ædificium constructum in solo alieno, quantumvis bona fide, iure quidem eius esse, cuius & solum est: at verò si mala fide ædificet, sciens alienum esse solum, & ex materia propria, tunc quidem, & iure, voluntate sua materiam superimpositam amisisse intelligitur, iurisque potestas tunc ex voluntate magis confirmatur. Idque resultat ex utroque, scilicet ex iuris potestate, & voluntate, vt diruto ædificio vindicatio materiæ eius, quæ mala fide imposita est in alieno solo, si propria fuerit eius qui superimposuit, non competat. Hæc est dispositio textus *in d. §. ex diuerso*, in quo, si cum iudicio legas, tria sunt, mala fides, ædificatio in alieno, & proprietas materiæ superimpositæ; quæ tria simul donationem materiæ inducunt, vt separata & diruta vindicari non possit. In quo aptè animaduertit Dominus Franciscus Sarmiento vbi suprà, hunc malæ fidei ædificatorem non possidere, & nos agnoscimus; nam si possideat ædicator is, frustra de vendicando ageretur, quæ possessorem alterum desiderant, *l. officium, ff. de rei vindicatione*; ob idque neque de abrasione, nec de exceptione doli quicquam attingit Iureconsultus, quæ ædicatori malæ vel bonæ fidei secundum prædicta conceduntur; malæ fidei possessori abrasio, bonæ fidei autem de dolo exceptio, *d. l. Iulianus, d. l. Paulus respondit, d. l. viles, d. §. certè, d. l. domum, d. l. idemque, §. idem Labeo*. Exceptio enim illa & abrasio, nisi ei qui possidet, competere non possunt; in quo tamen apertè cum §. *ex diuerso*, pugnat dicta lex 2. *C. de rei vendicat.* vbi in priori parte illud etiam probatur, ædificium cedere solo: quod receptissimum fuit antiquis, de quo præter iura suprà adducta extant veterum testimonia, *l. 2. tit. de rei vend in C. Gregor.* ita Marco & Valerio rescriptum est, ædificium in alieno agro extructum solo cedere, sumptusque eius nomine factos non nisi bonæ fidei emptorem retentione posse seruare, certissimi iuris est. Item *in l. 1. eod.* vineas in alieno agro institutas solo cedere; & si à malæ fidei possessore id factum sit, sumptus eius nomine qui erogatur, per retentionem seruari non posse, incognitum non est. Idem obseruauit Caius *lib. 2. tit. 1.* inter ipsius Caij institutiones. Item *regulariter constitutum est, vt superposita inferioribus cedant, ut si quis in solo nostro sive nostro permixto domum edificauerit, ad eum cuius terra est, domus edificata pertineat.* Hæc Caius.



Caius. Ex quibus ædificium semper solo cedit, idque in priori parte dictæ legis 2. constitutum est. In posteriori verò id constituitur, diruto & separato ædificio à solo, materiam iam separatam ad pristinum dominum redire, idque siue bona, siue mala fide ædificium extractum sit: quod patet ad literam. Itaque ex hac iuris decisione, quandiu ædificium manet constructum, cedit ei cuius est solum, idque semper obseruatum est, & antiquiores animaduertunt. Si verò separaretur à solo ædificium, tunc ad antiquum dominum redire ædificij materiam constat, *ex dict. l. 2.* in quo mirè hæc secunda pars pugnat cum dicto §. *ex diuerso*, in quo diruto & destructo ædificio, vendicatio quæ ex hoc procedit, negatur materiæ pristino domino. Dominus Franciscus Sarmiento ubi suprà intelligit dictum §. *ex diuerso*, in actore, vt ibi malæ fidei possessor ædificans actor sit: quod colligit, & bene, ex eo quod ibi agitur de vendicando, vt scilicet ibi vendicatio concedatur ædificatori, quæ contra possessorem dirigitur: rursum *in dict. l. 2.* ædificatorem fuisse reum, quod quidem difficile est ex litera ipsius legis extorquere, cum ibi eadem verba sint, quæ *in dict. §. ex diuerso*: quin etiamsi reus ibi sit ædificator, cum Imperator non distinguat inter bonam & malam fidem, ibi, *siue bona, siue mala fide*; cumque textus *in dict. §. ex diuerso*, malam fidem habenti & ædificanti id tribuat, vt materiam etiam separatam amittat, adeo vt neque diruto ædificio rem vendicare possit, quæ fieri potest, vt *in dict. l. 2.* mala fide ædificans, atque ob id amittens materiam, iterum eiusdem fiat dominus? Quid obsecro interuenit inter illos actus amissionis materiæ mala fide superpositæ, & recuperationem ipsius destructo ædificio, vt postquam amiserim, rursum sine aliquo alio facto recuperem separatam, siue actor sim, siue reus; & vt verum fatear, ruina vel separatio id efficere non potuit.

Conciliatio mihi petenda est ex glossa *in dict. l. 2. verb. extractum*, quam Paulus de Castro sequitur; & iudicio meo verissima est & necessaria, quam vt intelligas, præmitte *ad dict. §. ex diuerso*, aliud esse in hoc consilium iuris, aliud hominis; quamuis enim iuris intellectu materia superposita cedat solo, superponentis verò consilium aliud est, scilicet magis vt solum occupet, quam vt materiam donet. Non enim qui ædificat in alieno solo, videtur eo animo ædificasse, vt donet, neque facile præsumimus donationem, *l. cum de indebito, ff. de donationib.* aliàs *de probat. l. qui vas, §. furere, ff. de furtis*. Quinimò contraria præsumptio de iure sustineri potest, vt ædificans in alieno, præsumatur eo animo ædificasse, vt occuparet potius aliena, quam vt propria donaret, *l. si pupilli, §. sed si quis, ff. de negotiis gestis. Sed si quis* (inquit Vlpianus) *negotia mea gessit, non mei contemplatione, sed sui lucri causâ, Labeo scribit suum eum potius, quam meum negotium gessisse; qui enim depredandi causâ accidit, suo lucro, non meo commodo studet*. Hæc Vlpianus: quod quidem in proposito aliud agens agnouit Aluarus Vazquez *prima parte emph. iuris, quest. 2. num. 20.* & Molinæus *in consuetudinibus, prima part. tit. 1. glos. 5. num. 87.* Vnde in hac nostra tractatione, etiamsi nihil præsumamus, vt colligamus animum donandi ædificium superpositum alieno in solo, atque ad eò vt donatio inducatur, ita vt diruto & separato ædificio vendicare non possimus, vtque duæ illæ leges concilientur, aduertenda sunt verba Iureconsulti Caij, ad quæ parum

aduercentes, saepe viri non leuiter eruditi in miseris abeunt opiniones. Ex hoc itaque principio iuris, quod raro præsumimus donationem, nisi in eo casu, quo à iure hæc ipsa donatio sit inducta, præsumenda non est: ex quo pendet necessaria declaratio ad nostrum textum *in dict. §. ex diuerso*, vbi ad litteram donatio intelligitur, ibi, *& si scit alienum esse solum, sua voluntate amisisse proprietatem materiæ intelligitur*; atque ea donationis præsumptio ibi tradita, cum sit exorbitans à regulis iuris, intelligenda semper est iuxta dictum *§. ex diuerso*; scilicet concurrentibus omnibus his, quæ ibi reperiuntur, scilicet cum quis mala fide in alieno ædificat, & de sua materia. Namque ex mala fide, & scientia alieni, & dominio eius materiæ, quam sciens & prudens superponis solo alieno, videris donasse superposita, ex sententia Caij *in d. §. ex diuerso*. Itaque materiæ nostræ his concurrentibus dominium amittimus. Verba Caij hæc sunt: [ Ex diuerso, si quis suâ materiâ, in alieno solo ædificet, illius sit ædificium, cuius & solum est. Et si scit alienum solum, suâ voluntate amisisse proprietatem materiæ intelligitur: itaque nec diruto quidem ædificio, vendicatio eius materiæ competit. ] Vides igitur ibi donationem non induci à sola mala fide, nec à sola scientia rei alienæ, sed ex eo etiam, quod ex propria materia ædificasti. Hæc tria ex sententia Caij donationem inducunt. Et ita *ex dict. §. ex diuerso*, intelligendum est eum habuisse animum donandi, qui non solum mala fide in alieno solo ædificauit, sed qui præter malam fidem & scientiam soli alieni suâ materiâ extruxit; ita vt hæc duæ orationes conuertantur, scilicet, *H. buit animum donandi: ergo mala fide, & in alieno ædificauit suâ materiâ, non alienâ*. Non igitur sufficit ad inducendam donationis præsumptionem mala fides, & scientia soli alieni, nisi accedat quoque proprietas materiæ. Vnde ex hac fundata iuris ratione non rectè colliges, *Ædificasti in alieno, cum scires alienum: ergo materiam donasse videris*; quia cum sit coniuncta oratio, omnes partes suas adesse cupit, nequitque consistere, nisi omnes partes simul copulatæ consistent, *l. si is qui ducenta, §. 1. ff. de rebus dub.* Ex eo igitur quod aliquis agnoscitur ædificasse in alieno solo, & mala fide, non licet colligere eum animum donandi habuisse; quia deficit illud tertium, propriâ materiâ ædificatum fuisse; & nisi hoc tertium additum sit, rectè colligam non esse materiam donatam. Rursum si dicam, quempiam materiam superpositam donare voluisse, necessariò intelligam, eum ædificasse de suo in alieno scienter; id enim postulat iuris ratio, quam Caius insequutus est *in dict. §. ex diuerso*. Ex quibus plana est interpretatio *ad dict. l. 2. Cod. de rei vendicat.* Eam autem diuido in tres partes. In priori constituitur ædificium solo cedere. In secunda parte, ædificium in solo alieno mala fide extructum, si corruat, ita vt materia dissoluatur, adhuc dominium materiæ ad antiquum dominum redire; idque merito, quia ex his duobus, scilicet, mala fide, & scientia alieni soli, non inducitur donatio. In tertia parte additur illud, scilicet, id demum habere locum, nisi donandi animo ædificia in alieno solo posita sint. Quibus verbis nihil aliud significatum est, quàm si apertius dixisset Imperator, recordatus Caij decisionem, *Nisi ex propria materia ædifices præcedente hac mala fide ædicatoris in alieno*; namque si ex propria materia ædificasti, quod est dictum, si animum habuisti donandi, tunc dominium ad te non redit. Hæc est solutio



solario Accursij in dict. leg. 2. & dict. §. ex diuerso, obscure & breuiter paucissimis verbis significata; quæ cum ingeniosa sit & vera, facile percipi non potuit. Vnde occasio data est viris doctissimis nouas interpretationes inuestigandi. Ex quibus restat intellectus ad dict. §. ex diuerso, ad §. certè, ad dict. l. viles, ad d. l. domum, ad l. Paulus, ad l. Iulianus, & ad dict. l. 2. isque ad literam, quem nec explicant viri doctissimi, omisso Accursio, inter quos Molinæus ubi suprà, dict. gl. f. §. num. 75. Ex quibus patet, quid dicendum sit ad l. sed & si quid, ff. de usufructu, scilicet, usufructuarium ibi bona fide ædificasse; habebat enim ius in re, neque re vera habebat malam fidem.

Ex quibus patet quid dicendum sit in ea questione quam mouent nostri in dicta l. 2. vt intelligant, quando quis dicitur ædificasse in alieno animo donandi materiam superpositam? In qua Bartol. Paulus, Angel. & Salicet. ibi ex mala fide id duntaxat colligunt. Allegant §. ex diuerso, non aduertentes ibi præter malam fidem, ædificantem in aliena ædificium fecisse ex materia propria scienter, & loquuntur contra dispositionem dictæ legis 2. quæ malam fidem amittit in ædificatore in solo alieno, atque ex his duntaxat animus donandi non colligitur, quasi necessarium adhuc aliud sit, scilicet materiæ superpositæ dominium, vt id ex voluntate transferatur; aliis rursus colligentibus contrarium animum, scilicet, non donandi, ex bona fide; cum id quoque perpetuum non sit; namque ex dicta lege poteris quidem in alieno mala fide ædificare, & minimè habuisse animum donandi, nisi ex materia propria ædificium erectum est. Namque etiamsi in alieno imponas, si alienam materiam imponas, non ita videri poteris donasse, quàm si propriam superponas, cuius dominium verè obtines, §. cum in suo, l. adeo, de acquir. rerum dominio; id enim efficit illa iuris præsumptio, quæ nemo donare præsumitur, l. si cum aurum, ff. de solutionib. vt contraria præsumptio donandi in eo duntaxat casu, & in ea solum specie admittatur, quæ à iure proponitur in dicto §. ex diuerso.

Simile huic est quod dicitur, dominium rei legatæ rectà viâ à testatore ad legatarium transire, l. à Titio, ff. de furtis, ibi; Quia ea que legantur, rectà viâ ab eo qui legauit, ad eum cui legata sunt, transeunt. Quod quidem intelligimus, si is qui legauit, proprietatem & dominium obtinebat rei legatæ; namque si rem alienam legauerit, veluti rem hæredis, iuxta legem cum à matre, C. de rei vendicatione, tunc quidem quia rem alienam legauit, cuius verè dominium non obtinebat, rei legatæ dominium non transit in legatarium, contra regulam dictæ legis à Titio, ff. de furtis. Ita notant ibi gloss. Bartol. & alij, & est textus in l. si quis inquilinos, §. cum seruum, ff. de legatis 1. vbi valet alienatio facta de seruo qui hæredis erat, qui legatus fuerat à testatore. Ita vt in nostra hac tractatione plurimum iuuet, an materia iniecta in alieno sit propria, necne, vt dominium eius censeatur translatum.

Illud aduertendum est ad d. l. 2. vt si quis in publico ædificet, adhuc non videatur fecisse animo donandi, sed occupandi, quantumvis id faciat mala fide, & ex proprio. Imponitur tamen vectigal, quod à solo solarium dicitur Iureconsultis; nos vocamus pensionem, à pendendo, vel censum annuum, singulis annis reipublicæ soluendum, l. 2. §. si quis nemine, ff. ne quid in loco publico, ibi: Si tamen ædificium obstat publico vsui, utique is qui operibus publicis procurat, de-

bebit id deponere; aut si non obstat, solarium ei imponere; veltigal enim hoc sic appellatur solarium ex eo quod pro solo pendatur. De quo textu vide Paul. in l. fluminum, num. 2. ff. de damno infecto. Alexand. & Imol. in l. 1. §. nunc videamus, ff. de noni operis nuntiatio. è qua lege in dict. §. si quis nemine, traxit originem Regia Pragmatica, quâ conferenti vineas in publico imponitur vectigal; quam ego vidi iam semel obseruatam in hoc Prætorio, scilicet, si nihil vsui publico obstat: nam si obstat vsui publico, extirpandæ sunt vineæ; sunt enim ferè loca aliqua eius naturæ & qualitatibus, vt cum publica sint, nullius tamen sint vsus, vini tamen sunt feracissima, quod sæpè in locis sterilibus & saxosis euenit.

26

Postremò notandum est, in omnibus casibus, de quibus supra egimus, quibus expensæ voluptariæ vel viles amittuntur, posse retineri, nec quicquam obesse malam fidem, si dominus voluptarias, vel viles expensas aliàs erat factururus; vel si non erat factururus, restitutas fuisset venditurus illico, vel si quid aliud subeat, quod iuste mouere iudicem possit, vt retentionem concedat. In hoc enim iudex variè pronuntiabit; semper enim illud arbitrium superest, de quo in dict. l. in fundo, & l. nisi venalem, ff. de rei vindicatione. Dummodo huiusmodi arbitrium monoculum non sit, hoc est, quod vtilitatem alterius tantum respiciat; arbitrium enim biceps esse debet, & vtriusque partis vtilitatem ex iure scripto metietur.

27

Atque ex his omnibus, quæ diximus, si liberè & verè philosophandum sit, videas Molinæum virum eruditissimum, post longam de hac re disputationem nihil efficere: nam dictus titulus 1. gloss. §. num. 87. cum de lege 2. Cod. de rei vindicatione, agat, atque illud attingat ex proposito, an in alieno ædificans, animo id videatur donandi efficere, existimat quidem, non esse animum donandi præsumendum; difficultatem tamen dictæ legis 2. cum dicto §. ex diuerso, prætermittit, multumque moratur in intellectu legis si pupilli, §. sed & si quis negotia, ff. de neg. gest. Atque vt sibi ipsi laborer, relicto glossæ ibi intellectu, verissimo eo quidem, quem tenuit Bart. Bald. Paul. & reliqui, ipse sibi scopum suæ disputationis fingit, vt tela sua aliquò iecisse videatur; quod vir ille facere consuevit. Difficultas eius legis in eo versatur, cur ille, qui sui lucri causâ, non verò mei contemplatione aliquid impendit, idque mala fide, cum prædo sit, qui occupandi animo id fecerit, negotiorum gestorum actionem habeat contra me in eo saltem, quo ex negotiatione huiusmodi factus fuerim locupletior? Glossa ibi, vt dicebam, & post eam Bartol. Paulus & alij planè respondent, prædonem illum gessisse nomine meo; quod colligunt ex litera ibi, Quod si quis negotia mea gesserit; quo apertius nihil dici potuit, nec ibi illum, qui gessit, verè fuisse prædonem constat, nec id voluit Vlpianus; nam quod ipse ait, qui enim de prædandi causâ accedit, suo lucro, non meo commodo studet, id Vlpianus aliunde ad decisionem quæstionis propositæ adduxit, quod frequentissimum est Iureconsultis. Accursij igitur, & qui eum sequuntur, verus sensus est: Quispiam negotia mea gessit, qui quamuis specie quidem, ipsaque facie, mea negotia gerebat, ea tamen verè non mei contemplatione, sed sui lucri causa, quod ipsum principaliter coëgit vt fieret, fecit. In ea subdola & improba negotiorum meorum gestione, circa res meas quas gessit, impendit; petebat ipse à me expensas eas, idque vt impe-



rraret à iudice, dicebat se gessisse meo nomine, ob idque teneri me putabat actione illa negotiorum gestorum: obiiciebam in nihilo me teneri, quia scilicet, is verè nihil gessisset meum, quia re vera sua negotia gessisset, & suo lucro, non meo commodo studuisset. Atque ut id obtinerem, adducebam illud, quia prædo qui prædandi causâ accedit, suo lucro studet, non meo commodo. Hæc erant hinc inde argumenta, quæ facti speciem constituiebant. Vlpianus in ea specie id sentit, nec hunc quidem prædoni similem esse, nec item meritò comparari posse negotiorum vero gestori; quia sub prætextu meorum negotiorum, sua potius gessisset: ac ne omnino prædo videri posset, occurrebat illud, scilicet, quod tandem meo nomine gessisset. Atque huius facti anceps, & dubia ratio Vlpianum nouit, ut mediam eligeret viam, eam scilicet, ut hic subdolos negotiorum gestor, si fortè damnum passus esset, bono id animo pateretur, & boni confunderet, quod maius non sit perperessus, quia subdola negotiatione sese implicauerit; sin verò profecisset domino, quia tamen gessisset, non potuit denegare actionem Vlpianus, quatenus locupletior factus est, cuius negotia gesta sunt. Hæc est glossæ, Bartoli, & Pauli vera, plana, & ad litteram expositio, à qua decessit nullo fundamento Molinæus *ad l. planè sese confert, ff. de petition. heredit.* de qua egimus, circa quam plurimum laborat; deinde in *l. 2. C. de rei vindicatione*, ieiunè admodum. Postremò *ad §. certè, & §. ex diuerso*, peruenit: veram autem difficultatem earum legum non attingit, ut faciliè videre est; quæ enim ipse cumulat, ea initium capiunt ab intellectu dicti *§. sed si quis negotia*; omnia autem illa iura dupliciter conciliat, primò diuinando, ut ipsemet dicit, *num. 88.* deinde *num. 89.* confugit ad quandam, quam ipse vocat, æquitatem, quam fundat in dicto *l. planè in ceteris*, ibi: *Sed benignius est*; & censet Inreconsultum recessisse à iuris rigore ad æquitatem: quod quidem quantum attinet ad dictam legem *planè, ff. de petition. hereditat.* verius est, ut iuris rigor subsit in illis verbis, *nam prædoni, &c.* æquitas autem in illis, *sed benignius*; quam æquitatem vult ad alia iura derivare, contra notissimas iuris regulas, quibus æquitates in iure non multiplicamus. Coëgit tamen Carolum abire in hanc æquitatem, quod existimat in dicto *§. Sed & si quis*, nihil nomine meo gestum esse, & constat illum gessisse mea negotia; namque verba illa, *sed si quis mea negotia gessit*, in dicto *§. sed si quis*, in hoc nullum dubium relinquunt, nec ibi adfuit æquitas, nec aberat iniquitas, sed potuerat ille negotiorum gestor videri similis prædoni; quia tamen mea negotia gessit, utcumque gesserit, iniquum visum est Vlpiano censeri eum omnino prædonem, qui meo nomine gesserat, causamque temperato consilio diremit. Nec quicquam facit textus in *l. item si computans, ff. de negotiis gestis*. Primùm, quia semper sumus in hac opinione, ut hic gestum sit negotium; sed etiam si non gestum esset, hic dolus inerat: error pater ibi, *dum puo*, quæ duæ species plurimum differunt, idè ibi sustinetur iudicium, & negotiorum gestorum actio, cætera verò quæ Carolus adducit, ea omnia descendunt ex difficultate quam ipsemet sibi facit, reiecto glossæ & communi intellectu *ad §. sed si quis negotia*; & tamen illa iura intelligenda sunt, ut diximus à *num. 26. & 27. usque ad num. 33.* Quod verò ipse connectit *ad l. si in ore, ff. de cond. indebiti*, ut is qui rem melioratam tradit, nec quicquam egit de

melioratione, possit sibi succurrere æquitate illa, quam ille excogitat, id longè aliam habet interpretationem quàm ipse opinatus est, de quo proximo capite agendum nobis abundè est.

28 Tandem ex his patet intellectus *ad l. 52. tit. 28. part. 3.* vt lex illa in priori parte intelligatur iuxta prædicta de eo qui ædificat in solo alieno, vt si tigna imposuisses in alieno ædificio, sicut vites in alieno solo, adhuc illa tigna, si propria imponentis non sint diruto ædificio, si separata reperiantur, ab antiquo domino vendicari possint. In vtilibus verò longè alia ratio est, quæ in plantis animaduertitur; radicatæ enim consolidatione quadam pars fundi fiunt. Deinde renascendo aliæ atque aliæ fiunt, vnde est, vt ne dirutà quidem vineâ, vites ad pristinum dominum reuertantur; non enim illæ vites sunt, quæ à te subreptæ sunt, & radicatæ. Textus in *l. adeò, §. si alienam, ff. de acquirend. rer. domin. Si alienam plantam*, inquit Caius, *in meo solo posuero, mea erit; & ex diuerso si meam plantam in alieno solo posuero, illius erit, si modò viroque casu radices egerit; ante enim quàm radices egerit, illius permanet, cuius & fuit.* Et facit *§. his conueniens, ead. lege.* Facit *§. cum quis ex aliena materia, dict. l. adeò*, in media illa sententia rectè existimantium, si species ad eandem materiam reuerti possit, veram esse sententiam Cassij & Sabini, existimantium naturali ratione effici, vt qui materiæ dominus est, is eius operis quod ex ea factum est, dominus sit; quod si species ad eandem materiam reuerti non possit, Neruæ & Proculi veriore esse sententiam, eum dominum esse qui fecit; & vide ibi elegantia exempla de naui facta ex alienis tabulis; & vestimento ex aliena lana; & subfelliis ex alieno tigno; emplastrum & collyrium ex alieno medicamento; & vase ex alieno argento, vt in his omnibus obseruanda sit illa media sententia inter sententiam Neruæ & Proculi alterum, & Cassij & Sabini alterum sentientium, de quo modò non agimus. Illud constitutum sit, quod antiquus dominus separatam suam materiam vendicare possit: cui decisio illa Gaij in *dict. §. cum quis ex aliena*, non repugnat, immò magis conuenit si rectè perdendatur, & cum iudicio; & est textus apertior in *l. in omnibus, ff. de acq. rer. dominio*, & in *l. sed si ex meis, eod. tit. & in l. Iulianus, §. 1. ff. ad exhibendum*, quæ quadrant & conueniunt, minimèque pugnant, vt iam viris doctissimis visæ sunt pugnare. In hoc enim inspicienda est forma, an mutetur ex eo quod accedit, vt in *dict. l. Iulianus, §. 1. ibi: Nam mutatâ formâ prope inierim substantiam rei.* Vnde de plantis quod diximus, sustinetur, quia radicatæ ex nouo alimento nouam formam accipiunt, *l. sed si ex meis, versiculo arbor radicitus, ff. de acquirendo rerum dominio*; quæ elegans est ad propositum.

29 Ex quibus omnibus in ordinem redactis inferes, habendam esse rationem de sumptibus necessariis, vtilibus & voluptatis, in bonæ fidei & malæ fidei possessore; immò in omni casu deducendos esse sumptus qui fiunt gratiâ colligendorum & conseruandorum fructuum, ac non solùm sumptus, verùm æstimatio proprii laboris deducenda est, vt notauimus, & scripsit Tiraquel. *lib. 1. de retract. §. 15. gl. 1. ad fin. Rom. sing. 536.* doctissimus Couarr. *lib. 1. variarum, cap. 3. num. 3.* vnde in *cap. 1. de restitutione in integrum*, verba illa. *Providendum est tamen, nisi fortè coloni possessiones illas expensis ac labore suo reddiderint meliores,*



liores, sumptibus quos bona fide fecerunt debeant defraudari, intelligenda sunt iuxta has distinctiones, & reducenda sunt ad ius commune; nam si ad litteram accipias, confusè admodum acceperis; nec enim sunt ad litteram iura accipienda, alia enim ex aliis dependent, & legem ad litteram accipiendo sæpe errabis: consciis sunt leges, & Pontificum responsa ad pauca verba redacta; paucissimis autem verbis sæpe secretius quid & occultius continent, quod ex aliis iuris regulis accipiendum sit, ex quibus facilè Socraticos quosdam nostri temporis legum peritos irridemus, qui sibi Iureconsultorum nomen superbè admodum usurpantes, litteram legum mordicus tenentes, veterem interpretationem ex aliis legibus petitam reiicientes, in miseris quasdam antinomias abeunt; quos nisi cum risu eò coniectos eripere valeas. Lex ex lege interpretatur, & sibi mutuo leges auxilium præstant, verèque de legibus dici potest, quod de homine ille dixit, *Homo homini Deus*. Contra hos est ratio in *l. scire leges, ff. de legibus, cap. Marchio, l. q. 1. l. in omnibus, ff. de regulis iur.* Plura contra eos, qui litteræ legum adhærent, temerè notat Carolus Molinæus in *consuet. Parisiensis. l. 1. §. 22. num. 43.*

## CAPUT VI.

*De eo qui à principio fuit bonæ fidei possessor, deinde malæ fidei, quoad expensas conservandas.*

Notabilia ex capite sexto.

- 1 Qui à principio fuit bonæ fidei possessor, postea verò malæ fidei, qualiter expensas deducat.
- 2 Contestatio lris, item & denunciatio, quatenus habeant effectus malæ fidei, & de meliorationibus factis post protestationem, & denunciationem, ne fiant.
- 3 Bonæ fides quid sit, & quod inter bonam & malam fidem sit medium: num. 4. & quid sit malæ fides: practica item, & speculativa. num. 5.
- 6 Aliquando publicatio attestatorum habet effectum fortiores quàm lris contestatio, quantum ad inducendam malam fidem. Vide latissimè infra cap. 25. num. 13.
- 7 Meliorationes factæ post commissum, quatenus conserventur, & quid censeat Senatus noster.
- 8 Contra Boerium & Tiraquellum, expensas factas intra tempus retractus, etiam minias aliquando conservari.
- 9 Agitur de lege si fundum, C. de rei vend. & denunciationibus factis post denunciationem, & num. 10.
- 11 Quid faciendum, censendumve sit, si meliorationes factæ sint non malignè in re omnino restituenda, si dominus non sit solvendo, an sit sibi cavendum re sua.

- 12 *Si in contractu appositum sit quod possessor rem meliores, & melioratam relinquat, quid censendum sit de meliorationibus, an debeantur, & de verbo Emponema; & num. 21.*
- 13 *Meliorationes quæ fiunt ex natura & necessitate pacti conueni nemo deducit.*
- 14 *Perempta re meliorata quomodo succurratur expensas facienti in iudicio uniuersali.*
- 15 *Qui in iudicio de expensis non egit, an in executione opponere possit.*
- 16 *In executione sententia potest opponi exceptio quæ non impugnatur directò sententiam, sed eam vel moderatur, vel limitat.*
- 17 *Extenditur etiam si in iudicio de expensis actum sit, si tamen non sit quicquam de his à iudice pronunciatum.*
- 18 *Executor qui exequitur sententiam in addendis expensis, & traditione rei, ordinem sententia sequitur.*
- 19 *Meliorationes, si non sint certa & liquida in causis executiuis & summariis, an inducant retentionem; & quid indicauerit noster Senatus.*
- 20 *Meliorationes iure proprio fiunt facientis, & potest legare & donare, & vendere, contra Dominum Franciscum Sarmiento.*
- 21 *Emphyteuta quas meliorationes conseruet sibi, quasque teneatur facere ex natura contractus: num. 21. & quas amittat ob commissum: num. 22.*
- 23 *Traditur regula distinguendi emphyteusin à locatione, ad multa.*

I



Ne eo autem, qui à principio fuit possessor bonæ fidei, deinde malæ fidei, idem obseruandum est, quod superiùs tradimus, iuxta distinctionem de necessariis, vtilibus, & voluptatis expensis; de quo *l. Iulian. ff. de rei vend.* vbi Vlpianus ait, [ Si in aliena area ædificassem, cuius bonæ fidei quidem emptor fui; eo autem tempore ædificauim, quoniam iam sciebam alienam, videamus an nihil mihi exceptio profit; nisi fortè quis dicat prodesse de damno sollicito: puto autem huic exceptionem non prodesse, nec enim debuit in alienam aream certus ædificium ponere. Sed hoc ei concedendum esse, vt sine dispendio domini tollat ædificium quod posuit. ] Hæc Vlpianus, qui ei, qui à principio fuerat bonæ fidei, superueniente mala fide pro expensis abractionem, non exceptionem de dolo concedit, *l. sed & si lege, §. si ante litem contestatam, ff. de petitione hereditat.* ibi: *Qui vero prado est, & ante litem contestatam doli mali nomine tenetur; hic est enim dolus præteritus.*

2

Vlpianus ibi vocat dolum præteritum ante litem contestatam; namque ex eodem textu litis contestatio habet effectus malæ fidei, & æquiparatur malæ fidei, & non solum litis contestatio, verum ipsa denuntiatio: patet *ind. §. si ante litem*, ibi: *Quoniam post litem contestatam omnes incipiunt mala fidei possessores esse: quinimmo post controuersiam motam, & denunciationem. l. si fundum, C. de rei vindicat.* quæ quidem opportuna sunt ad eum qui cœpit ædificare bona fide in alieno, demum mala fide perfecit, vt in eo regula de malæ & bonæ fidei possessore seruetur. Vide inferiùs *cap. 23. num. 4. & 5.* vbi de bona fide & litis contestatione: quod autem de litis contestatione & denunciatione, quod habeat effectus malæ fidei, cautè accipiendum est: namque reuera litis contestatio,



restitutio, & controuersia, siue denunciatio & protestatio non sunt mala fides, neque necessariò concluditur: *Controuersia mihi de domo mota est: ergo domum mala fide possideo*; quia litis contestatio, & denunciatio fidei mala fides censentur, non verè. Vnde verba illa dicti §. *si ante litem*, ibi, *quoniam post litem contestatam omnes incipiunt mala fidei possessores esse, quinimo post controuersiam motam*, Iureconsultus ibi apposuit, & ex his quæ frequenter fiunt, traxit regulam; bona enim & mala fides verè non dependet ex controuersia mota, vel ex contestatione; cùm hi actus non dependeant ex scientia rei alienæ; est namque bona fides iudicium priuatum, quo quisque secum de rebus suis diiudicat in animo suo, in quo fides iudicium est, quo ego iudico rem petitam, vel nondum petitam ad me pertinere vel non pertinere, tacitus quidem; ex quo iudicio si conscientia dictat, rem ad me non pertinere, malæ fidei possessor sum; sin contrà, bonæ fidei sum possessor, quicquid nuncies, vel petas: vnde ad diiudicandum bonam vel malam fidem alicuius inquirenda est ex circumstantiis eius conscientia; si verè habuit conscientiam rei alienæ, malæ fidei possessor est; sin contrà, bonæ fidei censetur, l. 1. §. *Julianus scribit*, ff. *de iurare actuque priuato*, ibi: *Non enim opinio tua, sed mea querenda est*; cùm tamen inter bonam & malam fidem medium reperiatur: bona autem fides pendet ex conscientia mea, non ex conscientia aduersarij, qui dicit rem ad se pertinere, & quamuis dubitans nec malam, nec bonam fidem habeat, l. 1. §. *scientiam*, ff. *de tributoria*, glossa in l. 1. *Cod. de acquir. pos.* glossa in l. 3. §. *generaliter*, ff. *de od.* glossa in l. 2. ff. *pro socio*, quas communiter recipiunt nostri ibi post Ias. & Alexand. tamen dubitans speculatiuè non statim tenetur rem restituere, quamuis dubitet speculatiuè; qui enim rem possidet iure dominij, quamuis cogitet rem illam furtiuam esse potuisse; tamen quia practicè non est dubius, cùm adhuc non appareat probabiliter quod aliena sit, interim dum speculatiuè dubitat, iustè rem illam possidet titulo dominij; cùm verò practicè innotescat dominium alienum, tunc quidem dubitatio illa fortis est, & propiùs accedit malæ, quàm bonæ fidei; ita probat vt solet optimè, Ioan. de Medina lib. *de restit. quest.* 17. Adrianus quodlibeto 2. *vers. ad primam confirmationem*. Ex quibus sola petitio aduersarij, vel denunciatio eius qui dicit rem quam ego iure dominij bona fide possideo, ad se modis omnibus pertinere, non verò ad me, nihilo alio adducto, non statim aded me dubitantem facit, vt malæ fidei reddat; quandiu enim alias circumstantias, argumenta & indicia non adduxerit, adhuc illa dubitatio speculatiua est, non practica, possumque rem retinere iure dominij, quia verè adhuc conscientiam non habeo rei alienæ, vt patet ad oculum. Ex quibus, quantum arbitror, iam semel in hoc Regio Senatu animaduerti condemnationem fructuum rei petite factam fuisse à tempore attestatorum publicatarum, non verò à tempore litis contestatæ; quia tunc videri potuit possessor, practicè quidem propter attestaciones dubitare potuisse: quod attinet verò ad nostram tractationem, in qua agimus de meliorationibus factis à possessore malæ fidei, & bonæ fidei, plurimùm intererit animaduvertere, qualis illa mala fides sit, an ficta, utpote per litis contestationem vel protestationem; an vera, quod tenet Carolus Molinæus dict. §. 22. num. 50. qui nihil adducit. Quod si is semel incepit, postea verò superueniente mala fide

ædificium perfecit, & re vera malam fidem habuit cum opus perfecit, iudicandum erit secundum regulas quæ de bonæ fidei, & malæ possessoris traditæ sunt; si verò denunciatio & petitio sequuta sit, & demum litis contestatio; quoniam hæc omnino verè malam fidem non inducunt, sed fictam, locus erit arbitrio iudicis, an conseruari possint huiusmodi meliorationes, necne, idque ex causis: hæc autem in eo versabuntur, an causas habuerit faciendi, an verò adeò forte ius præstiterit actor, vt reus qui conuenitur, iustè ædificasse non potuerit; atque ex hoc arbitrio sæpè conseruatas post litem contestatam vidi, sæpè non conseruatas, variè ex causis iudicante Senatu. Latissimè de hac litis contestatione, quatenus malam fidem inducat, agimus infrà cap. 23. num. 11. 12. & 13. & sequent.

7 Vnde effectum est, vt in hoc Senatu quotidie expensæ factæ post commissum, ex quo apertissimè res emphyteutica à vero Domino euinci potest, vt pote post pensionem non solutam tempore legitimo, scilicet triennio, vel biennio, vel post venditionem factam, aut aliam alienationem vniuersæ emphyteusis irrequisito Domino, contra ius & formam instrumenti emphyteuticarij, & contra pacta conuenta, aliquando conseruentur, aliquando verò non, variè iudicante Senatu, vt diximus, ex variis circumstantiis personarum & causarum, ex moribus item in patria inueteratâ consuetudine receptis, qui plurimum possunt circa leges emphyteuticarias; omnia hæc variè mouent iudicem cordatum & prudentem, atque ea decisio quæstionis, an meliorationes factæ post commissum sint soluendæ? pertinet ad arbitrium iudicis prudentis, an scilicet factæ sint ex malignitate animi, vel vtutum illa melioratio ipsum dominum potius grauet, quàm rei de qua agitur, proficit: & singularem decisionem iuris habemus *ex l. sed an ultro, §. 1. ff. de neg. gestis*, ibi: *Quid enim si insulam fulsit quam dominus quasi impar sumptui dereliquerit, vel quam sibi necessariam non putauerit? Onerauit, inquit, dominum, secundum Labonis sententiam; cum unicuique liceat & damni infecti nomine rem derelinquere. Sed istam sententiam eleganter Celsus deridet; is enim negotiorum gestorum, inquit, habet actionem, qui vtiliter negotia gessit: non autem vtiliter negotia gerit, qui non necessariam rem, vel qua oneratura est patre in familias, aggreditur.* Hæc Ulpianus. Ex quo arbitrium pendet, an proficere rei vel domino volueris meliorando, an magis ipsum sumptibus onerare, *l. si seruos, ff. de pignor.* quam adduximus suprâ cap. 1. num. 22. textus elegans in *l. duo fratres, ff. de neg. gest.* aliàs, *ex duobus fratribus*, 28. quæ Modestini est, cuius verba pulchra sunt. [ Ex duobus fratribus ( inquit Modestinus ) vno quidem suæ ætatis, alio verò minore annis, cum haberent communia rustica prædia, maior frater in saltu communi habente habitationes paternas ampla ædificia ædificauerat, cumque eundem saltum cum fratre diuideret sumptus sibi quasi re meliore ab eo facta desiderabat, fratre minore iam legitimæ ætatis constituto. Herennius Modestinus respondit, ob sumptus nulla re vrgente, sed voluptatis causâ factos, eum de quo quæritur, actionem non habere. ] Hæc Modestinus, quæ decisio opportuna est ad lateritias, & ex lapide quadrato erectas ædes ruri, nulla vrgente necessitate, vt ad voluptatem pertinere videantur; & addenda sunt ad Molinæum in feudis, §. 30. num. 103. tit. 1. qui generaliter decedit periculosè.

Atque



Atque ita tenet Boërius *decisione* 47. *num.* 10. decidendum esse ex coniecturis & circumstantiis temporis & loci, & personarum: item ex quantitate, an malignè factæ sint meliorationes. Inde infert ad casum satis quotidianum, ut emptor rei auitæ, quam tamen intra tempus legitimum possit proximus retrahere, si expensas intra illud tempus nimias fecerit, videatur fecisse malignè, ut conseruari sibi non possint; quod est notabile ad leges nostras, quæ de retractu scriptæ sunt: & Tiraquellus *de retract. conuentionali*, §. 7. *num.* 5. qui volunt huiusmodi expensas & meliorationes factas esse malignè, & ferè tota Gallia est in illa opinione, quod voluit Iacobinus *in auth. qui rem*, *Cod. de sacrosanct. Ecclesiis*, ut factæ meliorationes post commissum, atque ita eo tempore, quo planè cognosco rem à me planè euinci posse, in fraudem domini factæ videri possint: melius tamen id ex circumstantiis, & ex quantitate expensarum diiudicabitur, iuxta ea quæ diximus. Vide latissimè & copiosè Aluarum Vasquium, qui hæc, ut solet reliqua, locupletissimè prosequitur, *dict. quest.* 25. *num.* 4. & infra *cap.* 18. vbi de emptore agimus.

Proximum huic est, quod de protestatione comminiscuntur Doctores, ut si quis antè denunciauerit, ne fiant meliorationes, inducta videatur mala fides; de quo multa Boërius *dict. decisione* 47. *per totam*: quam rem si altiùs & cordatiùs item inspicias, comperies multos protestationis effectus multiplicasse Doctores. In quæstione verò ista existimo ex his quæ diximus intelligendum esse, siue dominus protestetur, qui fundum euicturus est, siue non protestetur, totam rationem deducendarum meliorationum & expensarum dependere non ex protestatione, sed ex iure; namque si legitimè fiant, ius quod in inuitum redditur, cogit ut soluantur; solutio enim ipsarum pendet ex iure, non ex voluntate domini prohibentis: si verò pendeant omnino ex voluntate domini, tum plurimùm poterit huiusmodi protestatio; quam tamen rectiùs prohibitionem eius qui prohibere potest, nuncupabis, non verò protestationem, de quo est singularis textus *in l. fin. Cod. de negotiis gestis*, vbi dominus rectè prohibendo expensarum nomine nihil soluit: de quo textu vide Corsetum, *verb. expensa*, vel primò *in singularibus suis*; addit enim quinque declarationes. Itaque ea lex finalis rectè & propriè applicabitur domino, qui ab initio prohibet meliorationes fieri; quod plurimùm differt à protestatione: vbi autem possessori, qui expensas facit, ius quæsitum est in ipsa re, quam meliorat suis sumptibus, vel ex lege, vel ex contractu; tunc quia confessio meliorationum non dependet ex voluntate domini, prohibitio vel protestatio hoc tempore parum efficiunt; aliunde enim tunc dependet ratio soluendi expensas, quàm ex protestatione, scilicet ex arbitrio iudicis, de quo *in d. l. in fundo*, ut *in dict. l. si seruos*, & *dict. l. sed an ultro*. Ex quibus quotidie expensæ vel conseruantur, vel non conseruantur, & ratio de quantitate, & circumstantiis habetur: nec quicquam facit lex *aut si ante denuntiatum*, ff. *de rei vindicatione*, ibi enim longè alia est denunciatio, quàm ea de qua agimus; soluantur enim ibi expensæ quæ aliàs non erant soluendæ propter dissimulationem; hîc verò agimus de non soluendis expensis propter denunciationem factam; qui casus pugnat ex diametro cum dispositione dictæ legis *si ante denuntiatum*; licèt ille textus in argumento allegetur ad illud, scilicet, quod protestatio excuset à

soluzione expensarum. Allegat Boër. *decisione 44. num. 8.* & Aluar. Vafq. *dict. q. 25. num. 10.* ille tamen textus fundat se in dissimulatione actoris, quæ par fuit dolo, ex glossa ibi: *Si enim seruum suum esse dixisset, cum requisitus fuit, possessor eundem non erudisset; postquam autem institutus est servus, tunc actor dominum se eius servi professus est: merito ergo eius simulatio & dolus sibi nocet, ut expensas soluat.* Tum etiam quia pronum est magis interpretari ut expensæ solvantur, quam ut non solvantur, si nihil aliud obstat; quia ille qui expensas facit, de damno agit vitando; contrà verò de lucro ille accipiendo, qui expensas se non soluturum esse ait; quæ causâ non solet favorem commereri, *ex l. si me & Titium, ff. si cerum peratur.* Igitur in *dict. l. aut si ante denunciatum*, æquius fuit, ut expensæ solverentur. In nostro autem casu agimus de non soluendis expensis post denunciationem, ubi fauor nullus est; ob id iustis decretis res temperanda est, uti diximus; non verò ita indistinctè censendum, ut omninò non solvantur.

- 10 Nec quicquam etiam facit lex *si fundum, C. de rei vindicatione*; quia si rectè inspicatur, quicquid ex ea colligant Bart. & Baldus, tamen veriùs Paulus de Castro ibi verum sensum assequutus, longè aliam speciem constituit eius legis, quàm eam de qua nos agimus; ait enim *ex l. si quis inficiatus, ff. depositi*, quod non teneor credere tibi qui dicis fundum, quem ego illicò empturum, ad te pertinere, nisi aliquid ostendas, quo id mihi verisimile fiat; ait tamen, quoniam illa denunciatio fuit facta re integra antequam acquireretur res emptori, quod debebam tibi credere, & perquirere veritatem antequam emerem; quia de facili poteram abstinere ab emendo; deinde ait, quod postquam emisisses, per illam simplicem denunciationem non constituerem te in mala fide, si non ostenderem me esse dominum, *ex dict. l. si quis inficiatus.* Denique ex Pauli interpretatione idè ibi denunciatio operatur effectus malæ fidei, quia emptori nullum ius erat adhuc in re emenda, quod diuersum ius constituit in casu contrario, ubi alicui ius quæsitum sit, ut denunciatio illa possessori nihil noceat; cum expensæ autem fiant à possessore, qui ius habet in re, & qui contendit se dominum respectu expensarum, illa protestatio parum efficit. Et reuerà interpretatio Pauli est rationi convenientissima; sed præter illum difficilè colligis *ex dict. l. si fundum*, solam illam denunciationem induxisse malam fidem, quia verba illius legis sub conditione sunt, scilicet, *si non rectè is, contra quem preces funditis, comparavit fundum vestrum, admonentibus vobis per denunciationem volentem ad emptionem accedere, quod distraktis non fuerit, vel alio modo mala fide contraxit.* Rursum etiamsi ex denunciatione voluerit deducere malam fidem, ex natura verbi, *vel alio modo*, quod verbum aliud, similitudinis est; tamen Imperator fundum restitui iubet cum fructibus, qui cum mala fide percepti sunt; non verò, inquit, *cum fructibus, qui post denunciationem percepti sunt*; quasi velit posse fieri ut denunciatio illa malam fidem non inducat, ut in arbitrio iudicis sit, ex circumstantiis, & probationibus constituere malam fidem à tempore denunciationis vel post. Et adhuc lex illa singularem considerationem habet, circa fructus, qui naturali quadam ratione rem ipsam sequuntur, & cum re abeunt; ob idque cum denunciatio illa sequutâ causâ, & verâ probatione ipsius sufficiens fuerit ad inducendam



malam fidem , quantum ad rei restitutionem , necessariò id quoque recipiendum fuit circa fructuum acquisitionem , qui rem sequuntur , *l. quod si minor, §. restitutio, ff. de minoribus, l. verum, §. 1. l. pari, §. si pecuniam, l. minor viginti quinque annis cui fideicommissum, ff. eodem, l. 1. tit. 19. pars. 6. l. videamus, §. in Fausana, ff. de usuris, l. ex diuerso, §. 1. ff. de rei vend.* Quod attinet ad expensas illas de lege nihil deceditur , nec bonum argumentum præstat ex doctrina Pauli , quam adduximus suprâ. Præterea omnes fatentur , denunciationem illam per se nec bonam , nec malam fidem inducere , sed adiuari probatione sequuta ; quod ferè commune est omni protestationi , vt iustificetur probatione , vel instrumento , *ex l. final. ff. de leg. commiss.* notant Doctores *in l. qui alienam, §. Celsus, ff. de acquir. hered.* vbi Iason. & *in l. non solum, §. morte, ff. de noui operis nuntiatione.* Cùm igitur dependeat ex sui iustificatione , necessariò dicendum est , solam denunciationem illam non producere malam fidem , postquam desiderat iustificationem , quæ iudici arbitraria erit. Itaque sola denunciatio non erit sufficiens , vt expensæ non soluantur , sed ipsius iustificatio ex circumstantiis , quas diximus ; in quo quoque iudex quantitatem considerabit , si probabilem modum faciendi excesserit , *l. hereditas, ff. de petition. hereditatis* , ibi : *Si probabilem modum faciendi monumenti sumptus, vel quantum testator iussit, non excedat.* Elegans textus *in l. Titius, ff. de actionib. empti & venditi* , vbi de sumptibus planè inquit Paulus : *Si in tantum pretium excessisse proponas, ut non sit cogitatum à venditore de tanta summa, veluti si proponas agitatore postea factum, vel panthominum euctum esse eum qui minimo venit pretio, iniquum videtur in magnam quantitatem obligari venditorem.* Denique in hoc arbitrio quod tractamus , versatur ratio dictæ legis *sed an ultra* , & dictæ legis *si seruos* , & dictæ legis *in fundo* , licet Boërius decisionem dictæ legis *si fundum* , adducat ad impensas minimè soluendas propter protestationem , idque *decisione 17. num. 2.* & adducit alia iura de protestatione , quæ nihil ad nostram hanc de meliorationibus materiam pertinent ; proinde in hoc parum aut nihil protestatio valet ; sed tota res arbitrio iudicis commissa est. Duplici ergo ex capite constituendum est in hac re , vt si dominus , qui plenum adhuc habet ius rei suæ , & ex eius voluntate ante traditionem dependet tota ratio conciliendarum meliorationum , ab initio prohibuerit huiusmodi meliorationes fieri , minimè factæ soluantur. Hæc enim non est protestatio , sed prohibitio prohibere potentis , *ex d. l. fin. C. de negotiis gestis* , & iis quæ notat Bart. *in l. non solum, §. morte, ff. de noui operis nuntiatione, num. 42.* quæ plurimum faciunt ad eam clausulam , quæ apponi consuevit in contractibus , vt nullæ meliorationes fiant ; quæ cum ex conuentione partium ius accipiant , & apponantur eo tempore , quo domino plenum ius est prohibendi , rectè huiusmodi impensæ factæ non debentur. Quod ramen sanè intelligendum est , nisi tales impensæ necessariae sint ; hæ enim ex his , quæ diximus , omnino debentur , & semper deducuntur , non obstante hac clausula , *dicta l. domum, C. de rei vend. l. planè, ff. de petitione hered.* ex ea ratione , quia non factis necessariis expensis damnum refarcit , *l. ei qui, §. fin. ff. de petitione hered.*

Quod si post contractum , atque ita post acquisitum ius possessoris ex ipso contractu expensæ fiant , siue lite mota , siue non mota , siue extra iudicium ,

sive in iudicio fiat nunciatio, vel protestatio, tota ratio soluendarum expensarum dependebit iam tunc non ex prohibitione domini, nec ex denunciatione facta, sed ex ore & arbitrio iudicis. Tiraquellus in 2. retract. num. 5. pag. mihi 752.

II

Quod si expensas fecerit possessor, quæ sine detrimento abradi non possint, atque eas sine dolo, nec malignè, quia nec mora lis est, neque commissum aderat, nec aliud suberat unde mala fides coniceretur, obtineri poterunt. Idque non semel attentatum animaduerti, si dominus pauper sit, & qui soluendo non sit meliorationes has, ut res quidem restitueretur de qua agitur, ne omnino dominus re sua careat; verum ipse dominus saltem ex redditibus annuis persolvere debet donec meliorationum huiusmodi factarum expleat quantitatem, vel ad rationem unius pro quatuordecim respectu totius summæ meliorationum, quousque integram persolvat, ex eo quod iniquum sit cum mea iactura dominum locupletari; simulque ut domino pauperi succurratur, ut hoc modo & domino egenti, & possessori bonæ fidei expensas utiliter & necessariò facienti bona fide & sine dolo æquè succurratur, ex d. l. in fundo, iuncta l. si me & Titium, ff. si certum petat. in utroque enim æquitas reperitur, ut & ille rem suam habeat, & possessor expensas suas recuperet. Ita tenet Alvarus Vassiquius d. q. 25. num. 10. Quam ego sententiam duriusculam esse existimo, cum non teneatur possessor istas suas expensas minutatim accipere, sed integras, arg. l. tutor, § Lucius, ff. de usuris, & iis quæ ibi notantur.

12

Quod si in contractu ipso dominus pactum apposuerit, quod possessor rem meliorem efficiat, seu quod res meliorata restituatur; tunc quidem arbitrium iudicis in eo versabitur, ut res meliorata restituatur, ex forma pacti conventi; quod tenet Gregorius Lopez in l. 24. tit. 8. part. 5. Afflictus in §. si vassallus, hic finitur lex in usus feudorum, num. 6. nobis est lex 24. tit. 8. part. 5. ubi textus expressus; quem tamen intellige in casu in quo loquitur, scilicet, in conductore, qui ad nullas expensas tenetur; ideò ut pactum aliquod operetur, tenendum est teneri eum relinquere rem melioratam ex forma pacti conventi: in emphyteusi autem, cum detur ad meliorandum, ex natura contractus, & verbi emphyteusis propria acceptione difficultatem habebat ex eo, quia verba illa non videbantur mutare iuris dispositionem, cum expriment illud quod iam inerat ex natura contractus; atque ea quæ tacitè insunt, etiam si exprimentur, nihil operantur, sed expressio ex iuris dispositione formam accipit: quo iure quia emphyteuta meliorare tenetur, melioramenta quoque relinquet domino, argumento l. non rectè, C. de fideiussoribus. Adde quod tradit Paulus de Castro in l. penultima, ff. locati, l. si conuenerit, ff. pro socio: ex quibus Pinellus in l. 2. de rescindend. vendit. parte 1. cap. 3. num. 10. tenet, quod in emphyteusi propter illam clausulam, quod res meliorata restituatur, nihil addatur præter id, quod iure cautum erat; expressum autem erat, ut expensas quæ venirent ex natura emphyteusis, emphyteuta amitteret, ut insitio, cultura, plantatio & alia id genus; maiores verò meliorationes & pretiosas utiliter factas, quæ non venirent ex natura verbi Emponematos, ut erectio ædium, & molæ frumentariæ, & alia id genus, obtineri posse; quia hæc non continentur verbo illo Emponematos, de quo in authentico de alienatione & emphyteusi, §. si



§. si quis verò : atque id notauit Carolus Molinæus *consuet. Paris. §. 1. gloss. 5. num. 73.* & cum eo tenet Pinellus *vbi supra*, scilicet, vt verba illa, *relinques rem melioratam*, vel *cum melioramentis*, habeant hanc iuris interpretationem: in quo tamen variè aduertendum est ad verba contractus; de his infra agimus *hoc ipso cap. num. 21.* ex quibus manifestè dominus Franciscus Samiento nimis generaliter constituit, omnes meliorationes finita emphyteusi pertinere ad dominum, idque indistinctè, siue commisso, vel ob culpam res emphytheuticaria ad dominum reuertatur, siue finito tempore reuertatur: tum etiam sine distinctione harum meliorationum, quæ fiunt ab emphyteuta ex natura contractus, vt est, insitio, plantatio, & cultura; & earum quæ non fiunt, nec veniunt ex natura contractus, vt est erectio domus, parietum, deductio riuorum, ductus aquæ, & alia id genus, idque tenet ille *lib. 3. selectarum question. cap. 4. vbi num. 4.* id tenet. Tota ratio ipsius est, quia emphyteusis datur ad meliorandum, quod quidem verissimum est; non tamen pretiosè, & magnificis sumptibus & expensis, sed rusticis, qui conueniant contractui emphyteusis, ipsiusque rationi; vnde hi sumptus rustici, scilicet insitio, plantatio, & cultura, reductio nempe montis & syluæ ad culturam, remanent domino, vt cumque finiatur emphyteusis; non illi maiores & pretiosi, vt dicemus infra, *num. 21.*

Si quæ verò meliorationes fiant ex necessitate pacti conuenti, nemo repetit; sunt enim pars contractus, *l. fundi partem, ff. de contrahend. empt.* Iac. in *l. 1. num. 26.* & in *l. 2. num. 32. Cod. de iure emphyt.* Pinellus in *l. 2. cap. 3. num. 10. Cod. de rescindend. vendit.* facit lex *colonus, ff. locati, l. dominus horreorum*, §. in conducto, *ff. eod. ibi, cum id non conuenisset.*

Quoniam verò diximus *suprà*, ex *l. si in area*, quod non iure actionis, sed exceptionis ope, aut retentionis beneficio deducimus sumptus; reliquum est, vt perempta re, nihil nomine sumptuum & expensarum habeamus; in re enim quæ non est, retentio esse nequit; quia eius quod non est, nullæ sunt qualitates: quod in iudicio vniuersali locum non habet, in quo perempta re impensas in ea factas adipiscimur, ope exceptionis, vel retentionis retinendo aliud, quod hæreditarium sit, *l. planè, ff. de petit. hered. ibi, Vt bona fidei quidem possessor omnino impensas deducat, licet res non extet*, vt ex decisione Pauli tradit ibi Anton. Gomez in *l. 46. Tauri*, & quos ipse allegat.

Hinc est, quod quādiu rem possidemus, ipsammet rem retinere possumus pro impensis, vnde condemnatus ad rei restitutionem, qui in ipso iudicio de sumptibus nihil egit, in exequutione adhuc agere potest; quia hæc ipsa de sumptibus exceptio non impugnatur directò ipsam sententiam, nec ipsam principaliter labefactat, sed potius exequutionem ipsius respicit; nam qui retinet, non dicit non esse exequutioni mandandam sententiam, nec ait non esse consequendum, quod re iudicata conceditur, sed aliud agit, scilicet, rem illam penes se esse debere, donec de meliorationibus satisfiat; & ita cessare dispositionem textus in *l. peremptorius, Cod. sentent. rescind. non poss.* & habere locum quod tradit Bart. pro regula in *l. 1. C. de de iuris & facti ignorant.* quod omnis exceptio, licet peremptoria, quæ non venit directò ad impugnandam sententiam, sed eam limitat, & moderatur, in executione possit opponi post sententiam:

rentiam : quam regulam tenent post Bartol. omnes, & resoluit ibi Ias. num. 15. & Bald. latissimè in *l. peremptorias*, C. *sententiam rescindi non posse*. l. *ex diuerso*, §. *fin. ff. solut. matr. l. Nensennius*, §. *fin. ff. de re iudic. l. si fideiussores*, §. *idem respondit*, ff. *de fideiussoribus*. Tradit etiam Dominus Antonius Padilla, & Meneses in *l. 1. C. de iuris & facti ignorantia*, num. 36. ex quo Ias. vbi suprà ad multa infert & quotidiana, scilicet, ad exceptionem compensationis, vt possit opponi in executione sententiæ, cum non sit directò contra ipsam sententiam, *l. etiam*, C. *de compensationibus*, l. *si cum militi*, §. 1. ff. *eod.* Imola in *cap. cum Ioannes Heremita*, num. 15. de *fide instrumentorum* : idem tenet in exceptione, ne quis vltra teneatur quam facere possit, *dict. l. ex diuerso*, §. *fin. ff. soluto matrim.* idem in hypothecaria, & in exceptione inuentarij non confecti. Bald. in *l. peremptorias*, sæpius allegatus, & Ias. in *dict. l. 1. num. 17.* de qua vide Domin. Antonium de Meneses vbi suprà, num. 40. & seq. idem in exceptione impenfarum tenet Iason in *dict. l. 1. num. 16.* Bartol. in *l. infundo*, num. 17. ff. *de rei vendicat.* idem in *l. Paulus*, ff. *de doli exceptione* : idem tenet Alex. in *dict. l. infundo*, idem Ias. in *dict. l. si in area*, Paulus *consil. 17. & consil. 326.* quem allegat, & idem tenet Antonius de Fano *de pignoribus & hypoth. part. 5. memb. 4.* ex quibus declarabis legem 9. *tit. 3. part. 3.* & magis extenditur decisio Hispana, quâ in executione sententiæ opponere licet exceptionem solutionis, aut liberationis, aut aliam exceptionem legitimam, vt scilicet omnes hæ exceptiones sint legitimæ, quoniam sunt à lege cognitæ & comprobatæ, & legis beneficio possunt referuari ad executionem sententiæ. Tenet Dominus Antonius Meneses vbi suprà, num. 39.

17 Quod extendere poteris etiam si de talibus sumptibus & meliorationibus ante sententiam actum sit, dummodo de his nihil sit pronunciatum à iudice, quia casus contrarius sine difficultate est, scilicet, si super his esset pronunciatum : nec hæc nostra conclusio quicquam pertinet ad ea quæ notat Iason in *d. l. 1.* scilicet, si à iudice & parte ante sententiam de huiusmodi expensis actum sit ; sed illud agimus, quando statim apertè de his meliorationibus actum est, nihil autem pronunciatum à iudice. Quæstio in eo est, an fuerit iudicis omissio, an verò videatur iudex absoluisse, ita vt ampliùs in executione opponi non possit, ex Ias. in *dict. l. 1. num. 19.* & in hoc aduertendum est, quod meliorationes, iuxta ea quæ diximus, aut petuntur actione, ex *l. domum*, C. *de rei vendicat. l. qui exceptionem*, §. 1. ff. *de cond. indebit. l. dominus*, §. 1. ff. *locati*, aut excipiendo, *l. Paulus*, ff. *de doli exceptione*, l. *si in area*, ff. *de cond. indebit.* Si petantur meliorationes per viam actionis, debet iudex expressè de illis pronunciare, aliàs omissio est. Imola, Antonius, & Felin. in *cap. significauerunt*, de *exceptionib.* de quo glossa in *l. 1. C. si aduersus rem indicat.* & ibi Albericus contra Abbat. in *dict. cap. significauerunt*, qui censebat ex illa ommissione induci absolutionem, de qua vide Couarr. *Practicarum. qq. cap. 25. num. 6. versic. Nam vbi petita sunt.* In hoc ergo casu licet petantur in priori instantia, si in sententia nihil de illis sit iudicatum, in posteriori agi poterit ; quod si & in secunda nihil pronuncietur, in executione agendum erit ; atque si in secunda demùm pronuncietur deberi, aut non deberi, prima in hoc sententia erit, & ex quantitate ipsarum appellabitur, vel supplicabitur, quia in priori nihil



nihil de illis iudicatum est. Facit ad hoc Corn. *conf.* 49. *lib.* 2. *lit.* f. & Aymon. *conf.* 302. de petitione in decem, & condemnatione facta in 5. an sit absolutio, vel omissio in aliis 5. At verò si opponantur meliorationes per viam exceptionis, adhuc possunt in executione deduci; quia qui exceptione succumbit, non prohibetur illud idem in alio iudicio per viam exceptionis aut actionis proponere, maximè quando super illa exceptione non fuit iudicatum; & talis erat exceptio, quæ non erat ex diametro contraria, nec incompatibilis cum actione, Bartol. *in l. fundum*, ff. de exceptionibus, numero 1. & *in l. qui Romæ*, §. duo fratres, ff. de verbor. l. si autem, §. fin. ff. de negotiis gestis, vbi Paulus de Castro. Et *in l. quod in diem*, §. si rationem, num. 3. ff. de compensationibus. Cum igitur exceptio de meliorationibus non sit ex diametro contraria, nec incompatibilis cum rei vendicatione, potest quidem stare condemnatio ad restitutionem rei, neque idè sequitur absolutio à meliorationibus, nisi id expresse pronunciatum sit, quia vtrumque simul potest esse: vnde *ad l. 1. C. de ord. cognit.* dicendum est, ex condemnatione in principali deduci absolutionem in incidenti, quando incidens, & principalis causa non se compatiuntur; ita quod vno necessariò tollendum sit alterum; in nostro casu secus est, ita Bartol. ibi, & Paulus vbi supra. Felin. *in cap. suborta*, num. 3. & 4. *de re iud.* & *inc. aduersario*, de exceptionibus.

In executione autem sententiæ verba sententiæ attendenda sunt, ita vt si in sententia de meliorationibus priùs soluendis mentio fiat, priùs soluantur, iuxta sententiæ ordinem. Antonius de Fano vbi supra, §. parte, membro 4. num. 10. Paulus *consilio* 270. *lib.* 2. argumento textus *in l. statuliber rationem*, §. fin. ff. de statulib. l. promissor, §. constituto, ff. de constit. pecunia, l. quoties, ff. de usufruct. l. si alij fundum, ff. de usufructu legato; ordo enim literæ seruandus est, & à forma sententiæ non est recedendum, l. cum post sententiam, l. ex stipulatione, C. de sententiis & interlocutionibus omnium iudicum.

Ille casus indifficilis est quoties simpliciter de meliorationibus soluendis in sententia actum est, de prioritare verò nec verbum; quod frequentissimum est, petente filio bonorum possessionem in bonis paternis ex testamento, vel ex causa intestati, bonorum possessore de meliorationibus opponente, expensisque & sumptibus factis. In quo quotidie itur ad decisionem Capycij, & ad ea quæ tradit Tiraquellus *de retract. conuentionali*, §. 7. *glos.* 1. num. 13. vt scilicet retentio concedatur, quæ ex hoc iure scripto concedenda videbatur; id tamen vbi meliorationes nec liquidæ sunt, aut expensæ, nec facillè liquidari possint, quod ex qualitate expensarum quæ allegantur, animaduertit iudex, certè noster Sefatus temperat aliquando si de vniuersitate bonorum agatur, & melioratum vnicum duntaxat prædium proponatur; cætera bona tradit dato meliorato prædio ad retentionem, ex Paulo *in dict. consil.* 270. quod si expensæ & sumptus sint eius generis, qui totam hereditatem inficiant, vt sunt expensæ litium vtiliter factæ, quæ tamen neque liquidæ sunt, nec breuiter possunt liquidari, tunc quidem præstira cautione de soluendo cum liquidabuntur præsertim in causis summarijs & exequurijs, res ipsæ traduntur; quod præcipue obtinet cum hæres scriptus hereditatis possessionem petit, vel vniuersale fideicommissum beneficio legis finalis, C. de edicto Dini Adriani tollend.

atque hoc videtur tenere Alexand. in l. 4. §. ait Praetor, ff. de re iudicata, Iason in l. 1. ff. qui satisdare. cog. num. 2. Non est enim impedienda restitutio rei liquidæ propter expensas non liquidas, l. statuliber, ff. de statuliberis: ita tenet Baldus in cap. quoniam frequenter, §. in aliis, num. 20. vt lite non contestata. Si vero exigui sumptus sint, licet non liquidi; tunc vel eadem satisfactione, vel deposita pecunia apud sequestrem publicum res iubetur restitui. Antonius de Fano 5. parte, membro 4. num. 10. Alvarus Vasquius de quæst. 25. num. 23. & 24. In marito cessant omnia, qui propter sumptus & meliorationes retentionem nullam habet rerum dotalium, §. sed neque ob impensas, l. una, C. de rei uxoria actione, l. fin. tit. 11. partit. 4.

- 20 Adde huic tractationi, quod meliorationes quæ ex iuris potestate, vel ex conventionione partium ad dominum non pertinent, ipsius conficientis sunt iure proprio, & ad hæredes eius, sicuti reliqua bona omnia, deferuntur, etiam si emphyteuta sit, feudatarius, vel usufructuarius: nam in colono minor ratio est dubitandi, qui ex natura contractus nullas meliorationes tenetur conficere, Paulus de Castro consilio 270. volumine 2. Bartol. Bald. Paul. in l. penultima, ff. locati, Iason in authent. qui rem, C. de sacrosanct. Eccles. Ias. in l. 2. C. de iure emphyt. numero 27. Bald. & Angel. in l. Senatus, §. Marcellus, ff. de leg. 1. Albert. Brun. tract. de augmento & diminutione, conclus. 20. quod obtinet in meliorationibus factis per vassallum in feudo ex cap. 1. §. si vassallus, hic finit lex, secundum intellectum gloss. de quo Bald. & Ifern. Textus in l. Senatus, §. 1. ff. de leg. 1. ibi: Ergo si non est ei obijurum quo minus detrahat, dici oportebit legatum eum posse quod detrahere potest: & notavit Carol. Molinaus vbi supra, quod vniuersum est in emphyteuta, vassallo, & conductore, etiam ad longum tempus. In emphyteuta sano modo, quo diximus cum Carolo Molinao in §. gloss. 5. num. 73. consuetud. Parisiens. & cum Pinello in l. 2. part. 2. c. 3. numero 9. & Balduino in §. adeo, Institut. locati, receptum esse, vt scilicet, meliorationes, quas ex natura contractus emphyteuta tenetur conficere, quia ad meliorandum rem in emphyteusum accipit, suas non efficit, vt est deductio riuorum, maceries, lucus plantatus, vinea insita: cætera autem quæ ex natura contractus non veniunt, sua efficit, & conseruat, & ad hæredes transmittit, scilicet, domum erectam, molas frumentarias, aliæque id genus pretiosiora, & quæ nomine Emponematos, non continentur. Si tamen in his maioribus illarum obseruationes admittantur, de quibus supra, ita temperanda arbitror, quæ tradit Dominus Franciscus Sarmiento Quaestionum select. lib. 3. cap. 4. quod superius diximus. In colono autem & inquilino, aut conductore, siue eiecto, finita locatione, siue non finita diuersum ius est, quia ex his quæ diximus meliorationes suas efficit, & ad hæredes transmittit iure proprio, de quo in l. penultima, ff. locati. Tiracquellus de retractu conventionali, §. 7. num. 17. Iason in §. actionum, num. 183. Institut. de actionib. Paul. in authent. qui rem, num. 6. C. de sacrosanct. Eccles. Namque in emphyteuta, si tempore emphyteutis finitur, meliorationes suas efficit maiores illas, de quibus supra; si ob culpam eiectus sit, illas amittit; ita Molinaus vbi supra, §. 1. gloss. 5. num. 69. Alexand. in l. Senatus, §. 1. ff. de legatis 1. Beronius in cap. potuit, de locato, num. 146. de quo textus in authent. de alienatione & emphyteusi, §. si quis verò, authent. qui rem,



rem, C. de sacros. Eccles. ita indicatur ex Guidonis decisione 169. lex autem penultima, ff. locati, intelligenda est in casu in quo loquitur; ita notavit Bart. Paulus ibi, & Iason in l. 2. C. de iure emphyt. numero 27. contra Salicetum & gloss. in dict. l. penultima; quæ malè distinguebat inter emphyteutam Ecclesiæ, & priuatam; sed inter hos nulla differentia est, par enim ratio est non soluti canonis in utroque: vide Pinellum in dict. l. 2. cap. 3. num. 8. & 7. Ex quibus patet, quomodo meliorationes ad efficientem pertineant, & statuendum sit pertinere ad ipsum; particularem autem rationem esse in emphyteuta respectu earum meliorationum, quas ipse ex natura contractus tenetur facere, ut has omni casu amittat, minimèque transmittat ad hæredes. In quo elegans est decisio textus in l. fin. C. de iure emphyt. ubi emphyteutæ licet expectatâ domini voluntate tempore ibi definito meliorationes suas vendere; & est lex 29. tit. 8. part. 5. quæ tamen loquitur expressè de vendenda vel hypothecanda re emphyteutica, requisito domino; nihil verò attingit de meliorationibus. Præstat verò maximum argumentum, quod à fortiori illud recipiendum sit in meliorationibus, quæ iure proprio possidentur, postquam in re emphyteutica alienatio illa admissa est. Ex quibus quotidie videmus rusticos meliorationes suas obligare, quas fecerint in re emphyteutica; quia ipsarum veri domini sunt, & omnino à domino sunt easdem habituri, & iure proprio obtinentur: quod eò notauimus, quod Dominus Franciscus Sarmiento inter meliorationes & ius emphyteuticum nullum discrimen constituit, lib. 3. cap. 2. numero 8. Quoad alienationem mihi probabilis differentia est, ut fortior sit ratio in expensis, quàm in re emphyteutica. Nec quicquam facit lex Senatus, ff. de legat. 1. quia decisio illius textus particularem habet rationem, deformitatem vrbis, & ædificiorum; qua ratione aliqua in iure contra notissimas iuris regulas reperiuntur: quod adduximus capite primo, num. 28. & est lex sed si mortis, iuncta lege quod si vir uxori, ff. de donationib. inter virum & uxorem. Ex quibus emphyteuta, secundum veriorum intellectum Molinæi dict. gloss. num. 73. siue finita sit emphyteusis tempore, siue culpâ suâ, & commissio, maiores expensas quas fecerit semper obtinebit, ex vi verbi quod tenet Balduinus in §. adeo, Instit. locat. & Pinellus in dict. l. 2. part. 2. cap. 3. numero 9. quam latè quoque & doctissimè defendit Aluarus Vasquius iuris emphyteutici d. q. 25. num. 3. qui asserit ita fuisse iudicatum secundum hanc æquam sententiam, quâ ipsemet num. 4. latissimè probat meliorationes pertinere ad emphyteutam & eius hæredes, uti rem propriam; & adducit Carolum Molinæum dicentem, quod hæc est veritas. Faciunt enim fortissimè duo, ut emphyteutâ non soluto canone, vel aliâs amittente emphyteuticam rem, etiam ob commissum; deducat tamen maiores expensas. Primum, quia lex solùm id statuit, ut emponemara amittat sua; quod verbum maiores expensas, putâ molas frumentarias, & ædes erectas, ex propria significatione non comprehendit, ut trahunt Pinellus, Aluarus Vasquius, Balduinus, & Molinæus ubi suprâ. Tum etiam facit, quia iniquum videri poterit dominum locupletari cum rustici iactura; & cum rusticus diliquerit, quia non soluerit triennio decem annua, centum in meliorationibus persoluat. Contra communem sententiam, qua dicimus prenam esse commensurandam delicto. Igitur has maiores expensas semper habebunt & iure quidem proprio.

23 Quod autem diximus de colono , vt expensas omnino suas faciat , & ad hæredes transmittat , illud extendit Ias. & benè *in auth. qui rem , num. 1. Cod. de sacros. Ecclesis* , ad conductorem longi temporis , vt etiam hic expensas repetat , etiam ob culpam eiectus ; pessimeque in hoc æquabitur conductor ad longum tempus , & emphyteuta ; siquidem dispar vtriusque ratio. Et quamvis multa comminiscantur Doctores communia , inter emphyteusin , & locationem ad longum tempus , de quibus Boërius *decis. 234.* & Tiraq. *de retractu lignagier , §. 1. gloss. 14. num. 79.* tamen ea aut sunt sine lege , quæ modo non prosequor , aut nihil faciunt ad impensas , de quibus nos agimus. Planè ex contractu locationis , licèt ad mille annos , nunquam insurgit necessitas faciendi meliorationes , quantum est ex natura contractus ; vnde semper meliorationes habebit. Nec quicquam facit quod locatio sit ad annos mille , vel ad vitas & generationes ; hæc enim non est ratio distinguendi locationem ab emphyteusi , sed pensio quoque , & translatio dominij utilis. Itaque si res locetur ad vitas & generationes cum modica pensione ad recognitionem dominij directi , emphyteusis censenda est , licèt nomine locationis concepta sit , *ex l. 1. Cod. de iure emphyt.* in colono enim plerumque par fructibus pensio constituitur , ob idque etiam si ad vitas , & sub nomine emphyteusis res concedatur sub pensione quæ par sit fructibus , locatio potius censenda est ; quod notat Beroius *in dict. cap. potuit , num. 150. de locato* , Ias. *in l. 2. Cod. de iure emphyt. num. 27.* Cagnolus *in l. si quis maior , num. 34.* & infra , *Cod. de transact.* & ita quotidie ad remissionem mercedis ob casus fortuitos , solitos vel insolitos ; item ad impensas , & alia quæ occurrunt , & solent decidi ex natura contractus locationis vel emphyteusis , si dubitatio sit , non ex vna re duntaxat , sed ex pluribus perquirat Senatus noster , atque in primis id inquit , an ad vitas , an parua pensio , an in recognitionem dominij pensio constituta sit , ex quibus si simul concurrant , emphyteusin iudicat , etiam si locationis nomine concepta sit. Sola enim modicitas pensionis nec locationem , nec emphyteusin facit ; item nec concessio ad vitas , cum possit locari quoque res ad vitas : in dubio autem hæc duo simul fortissimè persuadent emphyteusin contractum esse , quæ ad vitas sub modica pensione concessus est. Rursus concessio sub pensione , quæ par sit fructibus , in dubio locatio censetur , ex Bart. *in l. 1. Cod. de iure emph.* & sequentibus ibi reliquis ; sed verè singula hæc non distinguunt contractus hos , quod ferè plerique arbitrantur ; sed ferè omnia illa tria iuncta : quod enim traditur , quod in emphyteusi pensio modica esse debeat , ferè sine iure est ; nec item sequitur per necessariam consequentiam , *Par pensio est fructibus : ergo locatio est.* Potest enim par fructibus pensio in emphyteusi constitui ; atqui si in recognitionem dominij constituatur , emphyteusis erit. Itaque in hoc Senatu sæpè video ex contractus serie animum contrahentium perquiri ; in dubio autem pensio exigua , & concessio ad vitas emphyteusin persuadet ex Baldi doctrina , quæ quotidie allegatur *in cap. littera , num. 5. de dilationibus* , Ias. *in l. 1. num. 35. & 36. Cod. de iure emphyt.* & facit ad multa ; namque ex quantitate iudicium accipitur ad cognoscendum contractum. Glossa *in l. 1. vers. agendo , ff. de superficiebus*. Hippolytus *singular. 105.* Palacios Rub. *in ropet. sap. 21. num. 4.* Franciscus de Arer. *caus. 6. num. 9.* Ias. *in*



*l. ex conventionem, ff. de pactis, num. 2.* Tiraq. in *l. si unquam, vers. donationem, 2. Cod. de renocandis donationib.* & in hoc nostro casu pensio æqualis fructibus in dubio semper persuadet contractum locationis ex usu communi in contrahendo observato: & tenent glossa in *authen. perpetua, vers. sextam, C. de sacros. Eccles.* Socinus in *l. Gallus, §. etiamsi parente, num. 6. ff. de lib. & postb.* Arerinus *conf. 55.* latissimè Alvarus Vasquius *quæst. de iure emphyteut. 27. num. 9. & 11.* & ij qui tenent exiguitatem pensionis, vel magnitudinem, maximum præstare argumentum ad cognoscendum contractum, iuxta hæc quæ à nobis dicta sunt; & attingit ad hanc quæstionem Gregorius Lopez in *l. 28. titul. 8. part. 5.* & est optima declaratio ad ipsammet *l. 28.* ex iis quæ scripsit Pinellus in *dicta l. 2. part. 2. cap. 3. num. 8.* ut sola concessio ad vitas induceret naturam emphyteusis: quod tamen perpetuum non est, nisi quoque aliunde iuuetur, ex his quæ diximus, ex quibus utrumque emphyteusis à locatione cognoscetur. Conductor ergo indistinctè impensas suas facit, emphyteuta non item; nam quæ ex natura contractus impensæ fiunt, domino relinquuntur, ceteras iure proprio suas facit, & nullo casu amittit, etiam ob commissum, secundum mihi veriore opinionem: at verò conductor indistinctè meliorationes suas facit, quia nullo casu tenetur conficere.

## C A P V T V I I.

Quomodo meliorationes traditas quis consequi possit, ex *l. Si in area, ff. de conditione indebiti.*

Notabilia ex cap. septimo.

- 1 *Si rem melioratam tradidit, quicque egit de meliorationibus, an possit easdem consequi, & de lege si in area, ff. de cond. indebiti.*
- 2 *Difficilis redditur decisio textus in dict. l. si in area, ex aliis iuribus, quæ actionem concedunt ad recuperandas expensas traditas.*
- 3 *Verus intellectus ad legem si in area, & conciliatur cum lege qui exceptionem, §. si pars, ff. de cond. indeb. & cum lege domos, & lege si modo nulla, ff. de leg. 1. & cum aliis iuribus.*
- 4 *Confunditur de iuris rigore Pauli opinio, sed ea æquitatem habet, & amplectenda videtur.*
- 5 *Emphyteutam, conductorem, inquilinum, fideicommissarium posse agere ad recuperandas expensas contra dispositionem dictæ legis si in area.*
- 6 *Quæ sit conditio incerti, de qua in d. l. quod exceptionem, §. si pars, & in d. l. domos, & in l. si modò nulla, & in d. l. quod si nulla.*
- 7 *Per conditionem indebiti, ob causam, sine causa, quid consequamur.*
- 8 *Verbum quasi, aliquando exprimit veritatem, non verò similitudinem.*
- 9 *Obtineri potest ut incerti conditio, de qua in d. l. domos, applicetur ad legem*

- si in area; & quod indebiti conditio, l. de qua in d. l. si in area, applicetur ad legem domos, & ad similes leges.
- 10 Traditur ex his noua declaratio ad l. fin. §. emptor, C. communia de legat. ut emptori competat hac incerti conditio.
- 11 Molinans incasu dicta legis si in area, attentabat posse dari actionem negotiorum gestorum ad recuperandas expensas traditas, & male.
- 12 Declaratio ad legem in hoc iudicium, ff. communi diuidendo, ex hoc incerti condicione.
- 13 Quis expensas non facit, expensarum nomine, agere potest & ipsas consequi.
- 14 Agens de euictione aduersus venditorem, an agat ad impensas quas tradidit in venditione: & intelligitur lex si controuersia, C. de euict. numero 15.
- 16 In causa euictionis venit etiam id, quod rei accessit, utcumque cedat.
- 17 Sciens me aliena vendere, atque emens, impensas à me ex causa euictionis non consequitur.
- 18 Si sciens alienam rem vendideris, omnino de impensis traditis teneris.
- 19 Ut competat actio negotiorum gestorum ad consequendas expensas, necessarium est quod negotium gestum sit nomine alterius, nec quicquam nocet error.
- 20 Is qui secum duntaxat negotium gessit, sola retentione vititur, quia neminem alium obligat.
- 21 Necessaria expensa semper deducuntur; utiles ita demum si negotium gesseris, & alium obligare volueris.
- 12 Explicatur lex ex parte, ff. famil. erciscund. & conciliatur cum lege qui aliena, §. fin. ff. de reg. gest.
- 23 Explicatur lex hæreditas, ff. de petit. hæredit. ex lege si cum putari, & ex lege in hoc iudicium, contra Molinaum.
- 24 Hæres compelli potest non solum Pontificali, sed & Principali potestate adimplere voluntatem defuncti.
- 25 Explicatur, lex at si quis, §. si quis, de religiof. & sumptib. funerum, contra Molinaum.
- 26 Qua sit natura funeraria actionis, & declaratur magis dicta lex at si quis, §. si quis, de relig. & sumpt. fun.
- 27 Explicatur lex si possessor. ff. eodem, ex eodem juris principio.

I



X his quæ notauimus ad l. si in area, ff. de condicione indebiti, ibi: Si insulam fulisset nullo alio modo quàm per retentionem seruare posse, scilicet ad recuperandas impensas nullam aliam actionem competere, sed exceptionem de dolo, aut retentionem prodesse: ex qua juris dispositione ex facto saepe agitur, an si rem melioratam imprudenter restituas, nulla opposita, nec in iudicio, exceptione, nec in executione retentione proposita, an remedio vilo seruari tibi possint expensæ, an verò iterum rem consequi possis, ut retineas; difficultatem facit dicta lex si in area, quæ exceptionem, aut retentionem duntaxat concedit, & ampliùs nihil: quam in hoc nimis restringit Cinus in l. si quis sciens, C. de rei vendic. Iason in d. l. si



*si in area, in principio.* Paulus *in l. dominus horreorum*, §. 1. num. 3. ff. locati, & conf. sapius allegato 270. lib. 2. Omnes enim hi post Accursium, Bald. & Salycet, *in dict. l. si quis sciens*, tenent hunc omnino exclusum esse, & in hac sententia breviter est Anton. Gomez *in l. 46. Tauri*, num. 2. Paulus *in d. l. si in area*: omnes hi mouentur ex verbis Iuliani, ibi: *Et ideo si quis cum existimaret se heredem esse, insulam fulsisset, nullo alio modo quam per retentionem impensas seruare posse.*

Paulus verò *in dict. l. si in area, in fine*, putabat posse huic succurri beneficio legis *si me & Titium*, ff. si cert. petat. actione in factum, ex æquitate illius legis, quia iniquum sit, & satis contra naturalem æquitatem, vt dicescat quispiam cum aliena iactura; & quod videat bonæ fidei possessor substantiam suam penes alium sine facto suo: & licet Antonius Gomez decedat ab hac Pauli sententia *in dict. l. 46. num. 2.* propter receptam sententiam, & propter iuris rigorem, in illis verbis, scilicet, *nullo alio modo quam per retentionem impensas seruare posse*; sed tamen videri poterat expensas has seruari posse actione, *ex l. qui exceptionem*, §. si pars, ff. de cond. indeb. vbi Marcius domum melioratam sine deductione impensarum restitutam ex causa fideicommissi proponit, atque in ea specie conditionem incerti competere ait, quasi plus debito datum sit. Similis textus *in l. domos*, & *in l. si modo nulla*, & *l. quod si nulla*, ff. de leg. 1. vbi Iulian. consultus, *Quod si nulla*, ait, *retentione facta domum tradiderit, incerti conditionem ei competere quasi plus debito soluerit.* Hæc Iulian. Sunt igitur hæc iura ex diametro pugnancia cum dispositione dictæ legis *si in area*, vt facta traditione possis meliorationes tuas consequi, & iam viris doctissimis hæc iura visa sunt sine pace pugnare, vt ex iis antinomiam fecerint. Sed hi pessimam de Triboniano opinionem conceperunt, quasi in compilandis Pandectarum libris multa Iureconsultorum veterum responsa crudeliter dilaniarit, aiunt enim Iulianum *in dict. l. si in area*, aliud, aliud verò *in dict. l. quod si nulla*, respondisse. Marcium autem *in dict. §. si pars*, pugnare cum Iuliano *in dict. l. si in area*, quod in hac ipsa specie Iulianus nullum remedium inuenerit, Marcius autem, immò ipsemet Iulianus conditionem incerti competere asseuerent: immò si propius hanc ipsam rem inuestigando quæserimus, inueniemus meliorationes, quæ sunt actione, posse nos consequi, non solum conseruatuuros sola retentione: textus *in l. dominus horreorum*, §. 1. ff. locati, vbi Paulus: *In conducto fundo, si conductor suâ operâ aliquid necessario, vel utiliter auxerit, vel edificauerit, vel instruxerit, cum id non conuenisset, ad recipienda ea quæ impenderit, ex conducto cum domino fundi experiri poterit.* Ulpianus quoque ad consequendas expensas actionem præstat *in l. si seruos*, ff. de pignorat. action. ibi: *Erit contraria actio.* Similis est textus *in l. d. norio*, §. impendia, versic. planè, ff. solut. matrim. ibi: *Erit eius impense petitio.* Vides igitur quàm egregiè periclitetur Iuliani responsum *in dict. l. si in area*, quod sit retentione, vel exceptione consulat ad recuperandas expensas, cum hæc ipsa iura conditionem incerti, & actionem aperte præstent.

Quod attinet ad hæc iura, animaduertendum est Iureconsultorum responsa minime pugnare, namque si rectè inspiciamus, dictæ legis *si in area*, longè alia ratio est, quàm earum legum, quæ aduersari videntur: ibi enim hæ-

res, qui hæreditatem omnino ad se pertinere censebat, seque verè dominum & irrevocabilem existimabat, impensas fecit; faciendo autem huiusmodi impensas, secum duntaxat negotium gessit; se enim solum dominum credebat, neminemque alium, cum quo negotium gereret, intercedere putabat; quod opportunè movit Iulianum, ut sola retentione teneatur, & defendat hunc, qui secum duntaxat meliorando egit; alium enim, quem meliorando obliget, neminem in animo habebat, quàm seipsum, quem dominum verè crediderat. Patet ibi: *Si quis cum existimaret se heredem esse*; animus enim alium obligandi plurimùm potest in hac ipsa re: quod patet in eodem textu, ibi, *quia nullum negotium inter nos contraheretur*; & ibi, *hoc ipso aliquid negotij gessit*; & est textus in *l. si cum putavi*, ff. de negotiis gestis: & in *l. hoc iudicium*, ff. communi dividundo, de quibus latius nobis dicendum est. Ex qua declaratione, & textu in *dict. l. si in area*, & gloss. ibi, ad repetendas meliorationes, & impensas plurimùm facit inuestigatio illa Iuliani, an scilicet negotium cum aliquo gessisse videare, an verò tecum duntaxat; ita ut si nullum negotium gessisse videris, neminem obliges nomine impensarum; si cum aliquo negotium gessisse intelligaris, ipsum videare obligasse. Iraque si tibi soli laboraveris, tibi refeceris, quoniam præsumi nulla ex re potest animus, quo negotium gessisse videris, neminem obliges, ut adversus eundem agere possis: textus in proposito optimus in *l. si pupilli*, §. *sed si quis*, ff. de negot. gestis. Sed si quis, inquit Ulpianus, *negotia mea gesserit, non mei contemplatione, sed sui lucri causâ; Labeo se ibi suum eum potius quàm meum negotium gerere*. Vnde meritò Iulianus in *dict. l. si in area*, ei qui secum duntaxat agit, & cum nemine alio negotium gerit, retentionem præstat, eaque prætermisâ, re scilicet traditâ, nullum aliud remedium tribuit, quia actione agere non potest; unde dicta lex *si in area*, procedit in possessore bonæ fidei, qui rem modis omnibus ad se pertinere existimat iure perpetuo & irrevocabili, nec unquam resoluendo. Et ita intellexit Anton. Gomez noster in *dict. l. 46. num. 2.* etiam subobscurè Greg. Lopez in *l. 44. tit. 28. part. 3.* id sensit, sed brevissimè & obscurissimè: idem clariùs tradit Alvarus Vasquius *quæst. 25. num. 25.* agens de dicta lege *si in area*; & fuit Accursij sensus, qui nihil ignoravit, in *dict. l. si in area*, & in *dict. §. si quis*; in alijs autem responsis, is qui expensas fecit, dominum se perpetuum non existimabat, nec irrevocabilem; planè enim rem sciebat restituendam aliquando; ideoque videri potuit, & meritò, eum obligasse meliorando, ad quem res erat omnino perventura, & quasi negotium cum eo gessisse; ex scientia enim eius, qui scit rem omnino restituendam, ex bona fide etiam eius qui meliorat, colligunt Iureconsulti animum obligandi eius qui melioravit, & ita huic actionem, petitionem, incerti conditionem præstant, item negotiorum gestorum actionem: ita procedunt iura de quibus suprà, *l. qui exceptionem*, §. *si pars*, ff. de cond. indeb. *l. domos*, *l. quod si nulla*, *l. si modò nulla*, ff. de legatis 1. ubi fidei commissum inerat, ex quo domus erat restituenda ab eo qui bona fide melioravit: item in *l. dominus horreorum*, §. 1. ex natura conductionis res erat restituenda finito tempore conductionis: item in *dict. §. impendit*, in erat restitutio rei dotalis; quod cessat in *dict. l. si in area*: unde meritò in illa negatur actio, quia nemo est cum quo intelligatur negotium gestum; in illis autem



autem conceditur, scilicet quia interueniunt, cum quibus negotium gestum videri potest, scilicet domini, quibus tandem restitutum facienda est, & quos tandem dominos futuros rei possessor existimare potuit.

Ex qua declaratione hæc iura minimè adduci possunt pro Paulo contra communem & receptam sententiam; Paulus enim *in dict. l. si in area*, rebatur succurri posse melioranti tradita re meliorata, beneficio legis *si me & Titium, ff. si cert. pet.* ex æquitate illius legis, actione scilicet in factum; quia videbat cum nemine gestum fuisse negotium, ex quo ex autoritate iuris scientiæ, stricta disputatione actio concedi non poterat, sed sola retentio, vel exceptio; eumque in proposita specie, iuxta dictam legem *qui exceptionem, §. si pars*, & dictam legem *domos*, & reliqua iura actio concedatur, quia negotium gestum videri poterat, non possunt ea iura pro Paulo adduci. Æquitas tamen illa adiecta à Paulo, cum scripta sit, recipi poterit; & censebat idem cum Paulo Carol. Molin. *ubi supra*, de quo nobis infra *hoc cap.* Quamuis enim dicta lex *si me & Titium*, pro magis ac nulla sæpè sit, & variè ad multa allegetur, quod proprium est earum legum, quæ æquitatem aliquam continere videntur, in quatum intellectu sæpè occasione ipsius æquitatis perniciosè erratur; in hoc tamen casu iuris ratio, & ipsa æquitas suadent, vt admittatur, vnde meritò Antonius Gomez stricta iuris disputatione negabat Pauli sententiam esse admittendam, sequutus Iuliani responsum censentis, huic nullo alio modo quàm per retentionem posse succurri.

Vnde ex his necessariò inferendum est, cum qui iure proprii dominij rem possidet, quia rem suam omnino existimabat, nec meliorando negotium cum aliquo gessisse videtur, si rem tradat melioratam, actionem quidem minimè habere ad recuperandas meliorationes, *ex dict. l. si in area*, sed expectandam esse æquitatem, *ex dict. l. si me & Titium*, quam iudex ex æquo & bono temperabit, multa contemplatus, quia sæpè iudices dum æquitatem inquirunt, perniciosè errant, *l. si seruum, §. sequitur, ff. de verb. signif.* Diuersum verò dicendum est in eo, qui licèt dominus sit, restitutum omnino se nouerat rem quam meliorabat, hîc enim negotium quia gessisse videtur cum alio, actio ei & petitio, & incerti condictio præstatur, ex dictis legibus. Elegans declaratio ad emphyteutam, qui scit rem tandem à se restituendam; ad colonum, conductorem, inquilinum, maritum, fideicommissarium; omnes enim isti meliorando habuerunt cum quo contraxisse videri poterunt, ac proinde restituta re meliorata pro meliorationibus & expensis, actio, petitio, & incerti condictio conceditur. Vide Molinæum *dict. glos. 5. num. 93. & 94. & 90.*

Hæc verò difficultatem habent, atque ea versatur in ea inuestigatione, scilicet, quæ sit illa incerti condictio, quam Marcianus concedit circa expensas traditas *in dict. l. qui exceptionem, §. si pars, ff. de condict. indebiti*: & Iulianus *in dict. l. domos*, & *l. si modò nulla*, & *l. quod si nulla*. Verba ipsa Iureconsultorum ita habent: *Si pars domus*, (inquit Marcianus) *qua in diem per fideicommissum relicta est, arserit ante diem fideicommisso cedentem, & eandem heres suâ impensâ refecerit; deducendam esse impensam ex fideicommisso constat, & si sine deductione domum tradiderit, posse condici incerti, quasi plus debito dederit.* Iulianus quoque *in dict. l. quod si nulla*, idem scriptum reliquit: *Quod si*

*nulla retentione factâ domum tradidisset, incerti conditio ei competit, quasi plus debito soluerit.* Quæ quidem præter ea quæ adduximus, adhuc nihil pugnant cum dicta lege *si in area*, ubi conditio denegatur, scilicet, indebiti; cum enim ibi nihil actum sit, meritò conditio indebiti denegatur, quæ personali actioni cedit. Cum igitur inter illos negotium non est gestum, actio non datur, nec conditio indebiti; neque item *in d. l. domos*, & *in d. l. quod si nulla*, & *in d. §. si pars*, conditio indebiti conceditur, sed incerti, quæ longè aliud est; per hanc enim incerti conditionem non recuperantur ipsæ expensæ factæ directò, nec eò tendit principaliter hæc incerti conditio, quantum est ex natura eius conditionis incerti; quod quidem principaliter agebatur per conditionem indebiti, per quam, & per conditionem ob causam, & sine causa, ut dicit Bart. receptus *in l. sed & si me putem*, §. *cum iter*, ff. *de cond. indebiti*, & *in l. si in area*, post glossam ibi, ff. *de cond. indebiti*, nihil consequimur nisi negotium gestum sit inter partes; ac nec negotio quidem gesto oriuntur huiusmodi conditiones, secundum id quod gestum est, sed extra id quod geritur. Ita Bartol. ubi supra, *num. 6. vers. declaro hoc*, & seq. Paul. & Ias. Hæc autem incerti conditio eò tendit, ut retraditio fiat nuda, quia traditio facta est pinguius quàm oportebat. Quæ Paul. de Cast. *in d. §. cum iter*, ita explicat, ut quia res tradita sit, aliter tamen & pinguius quàm debebatur, tradenti sola conditione incerti succurritur, ne damnum patiatur: ea tamen incerti conditio in eo versatur, ut retradatur res retinenda iterum ab eo, qui tradiderat pinguius, quovsq; quid fieri debeat, iudicetur. Adducit Paulum *l. si binarum*, ff. *de servitutibus urb. prædiorum*, ubi si binarum domorum dominus dixisset, eas ædes quas venderet, servas fore, neque in traditione mentionem faceret servitutis impositæ, vel imponendæ, habere ait actionem ex empto, vel incerti conditionem, ut servitus constituatur; conditio autem illa incerti ex Paulo non est indebitum, quia emptor rem sibi debitam, scilicet emptione, accepit, nec sine causa, quia habuit eandem empti causam ut acciperet; nec conditio est ut tradas dominium, aut possessionem, quæ iam non esset incerti conditio, sed certi, *l. indebiti*, §. *sed si nummi*, ff. *de cond. indebiti*. ubi Bart. & *in d. §. cum iter*, *num. 5. vers. sed contra*. Præterea dominium & possessionem rectè accipit emptor: quid ergo continet incerti illa conditio? Aliud querendum est & inuestigandum. Continet ergo nudam retraditionem eius rei, quam pinguius tradidi quàm debebam; quæ cum factum nudum contineat retradendi quod omnino incertum est, meritò Iureconsultus vocavit conditionem incerti. Igitur conditione illa incerti neque consequor servitutem, neque dominium, neque possessionem, sed nudam detentionem rei (ut ita loquar) quam tradideram pinguius quàm oportebat, ut re tradita denuò agamus de servitute constituenda, vel non. In hunc modum dicendum arbitror *in dict. §. si pars*, & *in dict. l. quod si nulla*, conditionem incerti non ad impensas directò dari; esset enim conditio certi, quia veniebant certificandæ per sententiam, ex traditis à Bart. *in d. §. cum iter*: & pessimè loqueretur Iureconsultus si ad has consequendas incerti conditionem competere dixisset; non enim est incertum, quod certificari potest, ut interesse, ex Bartol. *ubi supra*; sed dicendum est dari ad nudam retraditionem eius rei, quæ tradita fuit pinguius,



guius, scilicet cum meliorationibus, quæ non fuerant tradendæ, vt de nouo re mihi de facto retradita, constituamus, an sit de nouo retinenda propter impensas, exemplo ædium quæ liberæ traditæ fuerunt, cùm venderentur, feruæ, quæ conditione incerti traduntur, vt postea constituatur de seruitute imponenda, vel non: & conueniunt verba Iureconsulti *in dict. §. si pars*, & *in dict. l. quod si nulla*, ibi: *Quasi plus debito soluerit*. Nota verbum *quasi*, quod quidem similitudinarium est; planè enim si conditio illa incerti daretur ad impensas, non esset dictum, *quasi plus debito dederit*, sed dixisset Iureconsultus, *quia verè plus debito dedit*. Innuit igitur Iureconsultus, quod in illo casu datur conditio incerti *quasi*, id est ad similitudinem indebiti; vt quemadmodum conditione indebiti, si ea daretur, hoc casu consequeremur directò impensas indebitè traditas; ita conditione hac incerti retraditionem nudam rei meliorata consequamur, vt re tradita postea de impensis constituamus quid agendum sit. Qui sensus ex Paulo videtur verissimus; & licèt verbum *quasi*, 8 in iure nostro similitudinarium semper non sit; aliquando enim expressum est veritatis, vt *in l. eum*, ff. *de relig. & sumptibus funerum*, ibi, *Æquissimum enim videtur, & visum est veteribus, mulieres quasi de patrimonii suis, ita de dotibus funerari*; & est apud D. Ioan. cap. 1. *Quasi unigeniti à P. ure*: & *in cap. parochianos*, de *decimis*. In nostra specie incerti conditio est ad similitudinem indebiti, quia factum merum continet, scilicet nullam aliam rem, quàm retraditionem: decisio autem Iureconsulti elegans & subtilis est, ex ratione & æquitate, quam secum habet, quam sibi nouam dixit Aluarus Vasquius, & notabilem, *dict. quest. 25. num. 25. ad finem*, & non explicuit Francisc. Hotomanus *l. 2. h. c. finitur lex*, §. 3. *ante fin.* Habet enim fundamentum in restitutione facta pinguius quàm oportebat, cùm enim res ibi restituenda esset pro vt relicta fuit a testatore, meliorata restituta est; vnde incerti illa conditio nata est. Atque cùm hæc ratio vbique militet, tam in bonis subiectis restitutioni, quàm non subiectis, obtineri potest, vt possit applicari *ad d. l. si in area*; vt scilicet, quamvis ibi conditio indebiti non competat, quia nullum negotium gestum sit, vnde illa conditio indebiti oriri possit; adhuc tamen possit competere hæc incerti conditio ex ratione illa, de qua suprà, scilicet, quia pinguius res tradita est quàm oportebat; tum ex eo magis videtur applicanda *ad dict. l. si in area*, quo minùs ordinaria actio ibi competit; certum enim est, incerti conditionem competere, vbi alia ordinaria actio prodita non est, ex Bartol. recepto *in dict. §. cùm iter*, num. 6. Rursus obtineri potest, vt in casu dictæ legis *quod si nulla*, & *in dict. §. si pars*. Quoniam negotium gestum videri potest, cùm sciuerit rem quam meliorabat, restituendam sibi omnino esse; vnde potuit colligi animus alium obligandi, quod ibi non solum comperat actio negotiorum gestorum; sed conditio indebiti: quod si in actione negotiorum gestorum duriusculum sit, in conditione indebiti ex ratione Iureconsulti *in d. l. si in area*, recipiendum videtur. Cerrè conditio certi ad recuperandam possessionem dari in hoc casu non potest; tam in casu dicti §. *si pars*, & legis *quod si nulla*; quàm in casu dictæ legis *si in area*, quia vtrobique possessio rectè tradita est: quod contra practicam Papin. *in forma resp. rei conuent. super verb. expensarum*, *in fin.* notauit Carol. Molinæus *vbi suprà*, & eum se-

quintus Aluarus Vasquius *dict. quæst. 25. num. 25. vers. ut interim caveas.*

- 9 Ex quibuselegans est declaratio *ad l. fin. §. si aliàs emptios, ff. comm. de legat.* quæ denegat emptori scienter ementi rem subjectam restitutioni, recuperationem sumptuum, & meliorationum, ut lex illa planè intelligenda sit, ut iacet, secundum ipsius litteram; scilicet, si aduersus venditorem agat de euictione; quoniam enim sciuerat rem alienam aliquando futuram, ex dispositione vltima; & tamen eandem emit sciens & prudens, duplam quidem & expensas à venditore minimè consequatur. Verba legis hæc sunt: *Emptor autem sciens rei grauamen, aduersus venditorem actionem habet tantum ad restitutionem pretij, nec dupla stipulatione, nec melioratione locum habente, cum sufficiat ei saltem pro pretio quod sciens dedit pro aliena re sibi satisfieri.* Hactenus Imperator. Quæ lex habet æquam interpretationem, ut scilicet assumpta ratione à fideicommissio, de quo *dict. §. si pars, & l. quod si nulla*, quæ generalis esse videtur, contra venditorem quidem agere non possit; sed tamen contra eum qui rem evincit, aget primò quidem retinendo, & excipiendo, postremò re tradita aget conditione hac incerti ad retraditionem; lex enim illa *in dict. §. emptor*, nihil disposuit, & is in vindicatione aduersus vendicantem aduersus vendicantem ad conseruandas sibi suas expensas uti poterit remediis à iure sibi præstitis: nec in hoc difficilem existimo illius legis decisionem, difficillima tamen est in principali decisione *ad l. si fundum sciens, C. de euictionibus*. Vide consilium Grati mihi 22. volum. 1. Molinæum *in consilii. Paris. §. 22. num. 116. & §. 1. glos. §. num. 76.*

- 10 Et quamuis Molinæus ubi suprà, scilicet *tit. 1. glos. §. num. 93.* reprobet prædictam practicam Papiensem quæ dabat certi conditionem ad recuperandam possessionem in casu dictæ legis *quod si nulla*; & dicat dandam esse incerti conditionem cum Iureconsulto ibi; quid tamen illa incerti conditio sit non attingit, quin immò ipsemet Molinæus *num. 91.* apertè decipitur, qui in casu dictæ legis *si in area*, existimat concedi actionem negotiorum gestorum, quod ut probet, adducit rationem egregiè concludentem contra seipsum, ait enim, & verè, quod Iureconsultus *in d. l. si in area*, in principio, medio, & fine, semper in eo est, quod ibi inter bonæ fidei possessorem meliorantem, atque ipsum verè dominum, nullum gestum esse negotium, nullus intercessit quasi contractus; quod quidem concedendum est Molinæo: vnde ait, nullam, neque actionem, nec exceptionem, nec obligationem oriri potuisse, ac ne actionem quidem negotiorum gestorum: dicit tamen Molinæus more suo, verbosa quadam dicendi ratione, nullo plerumque, aut leui subiecto sensu, quod ex variis figuris, & aliis causis, vel speciali aliqua æquitate haberi poterit, quod quidem ego ita accipio, licet ipse non dicat, ut haberi possit ex his quæ diximus, hanc scilicet, incerti conditionem bonæ ille fidei possessor, habere poterit cum conditio illa incerti solum innitatur in eo, scilicet, quia est facta traditio pinguius quàm oportebat. Neque incerti illa conditio obtinet naturam conditionis indebiti, quæ negotium gestum desiderat; namque merito iure, ut dicebamus, æquitas legis *si me & Titium, ff. si certum petat.* extranea est, & longè petita ad nostrum casum; & Iureconsultus, ut dicebat, & notabat Antonius Gomez *ubi suprà*, sola retentione aut exceptione succurri posse



posse putabat, bonæ fidei possessori, qui tradidisset rem melioratam.

Sed neque æquitas illa, quam latè & diffusè quærit Molinæus *ex l. planè, ff. de petit. heredit.* extendi potest ut malæ fidei possessor expendens agat rei vendicatione, nec repetitione, nec exceptione doli; sed duntaxat ut officio iudicis benignè sibi succurratur abrasione & separatione, si adhuc possideat, quam benignitatem in malæ fidei possessore pessimè extendens ad bonæ fidei possessorum, cui aliis remediis iure succursum est.

Idem dici oportet *ad l. in hoc iudicium, ff. communi diuidendo*, quia est ad 12  
propositum elegans textus in hoc. [Iudicium, inquit Paulus, venit quod communi nomine actum est, aut agi debuit ab eo qui scit se socium habere. Impendia autem quæ dum proprium meum fundum existimo fieri, quæ scilicet, si vendicaretur fundi pars, per exceptionem doli mali retinere possem, an etiam si communi diuidendo iudicio mecum agatur, æquitate ipsius iudicii retinere possim considerandum est? Quod quidem magis puto, quia bonæ fidei iudicium est communi diuidendo: sed hoc ita si mecum agatur. Caterùm si partem meam alienauero, non erit unde retinere possim.] Hactenus Paulus: in priori parte conuenit cum dicta lege *si in area*; namque expensas quamdiu rem possideo ob bonam fidem exceptione doli opposita conseruo retinendo, Quod si alienauero, non est quomodo retinere possim; in hoc autem proderit condictio illa incerti, ut res retradatur, quoniam pinguius tradita fuit.

In secunda autem parte dictæ legis *in hoc iudicium*, Paulus connectit, ut is 13  
qui rem melioratam tradidit, nihil de expensis curans, faciat eam traditionem ad vtilitatem eius cui tradidit; qui quidem expensas illas sibi vltro traditas, quas non soluerit, conseruet tamen sibi si res quoque ab eo euincatur. Sed & is, inquit Paulus, *qui à me emit, an retinere possit, videndum est; nam si vendicatur ab eo pars impendiorum nomine, quæ ego fecissem, ita ut ego, poterat ipse retentionem facere: & verius est ut in hac specie retineantur.* Itaque ex Paulo, qui expensas non facit, neque soluit, de expensis retinendis agit. Neque prodest obiectio, scilicet, quod neque ipse fecerim, nec soluerim, qui expensas retineo; quod enim ad te attinet, melioratum certè fundum sine refusione expensarum habiturus non es. Quam decisionem Pauli iam semel vide adductam & oppositam in iudicio, in specie scilicet cum emphyteuta, qui fundum emphyteuticum locauerat agricolæ; in qua qui melioratus reperiebatur, condemnatus esset ad restitutionem; ipse verò aiebat refundendas esse sibi meliorationes, quæ in fundo factæ reperirentur. Explicabat dominus directus, ad rusticum, qui meliorasset, eam rem pertinere, non ad emphyteutam. Pro emphyteuta facere videtur dicta lex *in hoc iudicium*. Adducebatur etiam Carolus Molinæus *tit. 1. in consuetudinibus Parisiensibus glos. 5. num. 95.* qui id tenere videtur, *iuncto num. 87.* aiebantque nullam hîc esse necessariam cessionem rustici, quia ex Baldo, Cyno, & Bart. *l. 3. Cod. quod metus causa*, hoc ius transit sine cessione. Cùm enim ius retentionis sapiat defensionem, meritò sicuti ius defensionis transit in particularem successorem, sine vlla cessione. Dinus *in l. Fluminum, §. additur, ff. de damno infecto.* Salicet. *in dict. l. 3.* Romanus *singular. 176.* Ludouicus de Bolog. *in l. & si quis, §. index, ff. de religiosis &*

*Sumptib. funerum.* Allegant nostram legem, scilicet legem *in hoc iudicium*: & facit lex *fin. ff. de exceptione rei vendit.* Sed tamen hæc, & quæ tradit Carolus Molinæus sunt intelligenda, quando particularis hic successor, & qui opponere vult de expensis à se non factis, reperitur rei melioratæ possessor; tunc enim nihil perspicimus, fecerit, necne: quicquid enim sit de expensis, tu certè rem melioratam accipere non debes sine refusione expensarum. Ceterùm si non possideat, tunc verius existimamus, quod tradit Paulus de Castro *in consl. 270. num. 4.* vt sine cessione expensas non consequantur: quod etiam si non possideam; si meo nomine, aut omnino mihi factæ sint, aut ad me pertineant pacto, tunc nulla cessio necessaria est, quia rustico nunquam soluenda sunt: tunc etiam si de vera & iusta mercede & pensione remissi, vt melioraret, nulla cessio necessaria est, *argumento l. penultima, Cod. de omni agro deserto, lib. 11.* Ex quibus patet conciliatio ad Molinæum cum Paulo non adducto ab eo, & quid in hac specie, si se offert, inuestigandum sit.

14 Contrarium quoque in casu contrario respondendum est, si cum rem emeris, & meliorem feceris tuis sumptibus, deinde à te euicta sit, & tradita, si in traditione nihil de expensis egeris, reuersus ad venditorem tuum, ex empto agere quidem contra ipsum non poteris, si cum possideres & retinere poteras, nihil tamen nomine expensarum egisti: extat Pauli responsum elegantissimum *in l. idque Iulianum, ff. de actionib. empti & venditi*, cuius verba hæc sunt: *Illud expeditius videbatur, si mihi alienam arcam vendideris, & in ea ego edificauero, atque ita eam dominus euincat: nam cum possim petentem, nisi impensam adificiorum soluat, doli mali exceptione submouere, magis est, vt ea res ad periculum venditoris non pertineat.* Liberat igitur Paulus venditorem ab expensis, quas possidet emptor, in causa cum domino vendicante sibi conseruare retinendo, ad eamque rem excipiendi; debuit enim possidens excipere, secus si non possidebat, vtputa quia res vendita erat, sed ipse à possessione sua ceciderat sine culpa; tunc enim quia non possidet, ac subinde excipere de meliorationibus non potest, reuersus ad venditorem agere potest ad id quod interest. In ea autem actione, scilicet, ex empto, in eo quod interest, impensa

15 quoque & melioratio continetur, *dict. l. idque*, ibi: *Quod si emptor non possideat adificium vel seruum, ex empto habebit actionem.* Et ita Bart. Bald. Salic. & reliqui intelligunt, *l. si controuerfia, Cod. de euictionibus*, vt scilicet ibi emptor non possideat rem melioratam, quando ab eo euincitur, vnde competat emptori aduersus venditorem actio ex empto ad omne id quod interest. Hoc est etiam ad expensas vltra pretium. Denique regula in hoc videtur sumenda ex dicta lege *idque*, & ex eadem exceptione, vt habeat locum actio ex empto aduersus venditorem, si emptor cum fundus melioratus euincitur, non possidendo excipere non potuit ad retinendas expensas illas; quod si possidebat, exceptio nemque neglexit, tunc quidem ad venditorem reuerti non potuit, *dict. §. quod si emptor, dict. l. si controuerfia*; potest enim fieri, vt melioret rem venditoris, quæ adhuc tradita non sit; vel cum sit tradita, potest sine culpa aut dolo à possessione sua cadere. Glossa *in l. si rem quam, §. 1. vers. amissa fuerit, ff. de euictionibus*, vbi similis legis decisio; ibi enim idem Pomponius constituit. *Si dupla*, inquit, *stipuletur, ex possessore petitor factus, victus sit, quam rem si possideres*



*sideret, retinere potuerit, perere autem utiliter non potuerit, vel ipso iure promissor dupla tutus erit, vel certe exceptione doli mali se tueri poterit; sed ita si culpa, vel sponte dupla stipulatoris possessio amissa fuerit.* Hæc Pomponius, qui clariùs hanc rem distinguere non potuit ad intellectum legis *controuersia*, ubi & glossa, vide infra *cap. 18. num. 2.*

Namque aliàs si à vendicante sumptus conservare non possum, planè à 16  
venditore consequor, qui ex natura & ratione actionis ex empto in eo tene-  
tur, ut expensas quoque mihi restituat, quas aliàs à vendicante servare mihi  
non potuit. Textus in *l. Titius. vers. sumptib. ff. de actionib. empti & venditi*,  
ibi: *Nam empti iudicium ad eam quoque speciem sufficere existimo; non enim pre-*  
*tium continet tantum, sed omne quod interest emptoris, servum non emi.* Itaque si  
servum erudissem, quem mihi vendideras, isque manumitti iussus ad liberta-  
tem proclamasset, non solum pretium, sed impensas quoque eas restitues  
actione ex empto, quia alium quem hoc nomine conveniam, habeo nemi-  
nem, *l. evicta, ff. de evictionibus. Evicta re vendita*, inquit Pomponius, *ex*  
*empto erit agendum de eo quod accessit.* In quo tamen ut suprà notavimus, ille  
textus est singularis, ut si istiusmodi expensæ nimix sint, quod servum Phi-  
losophiam medendine Artem docuisses, agitatorémve feceris, vel panthomi-  
num, iniquum sit in magnam quantitatem obligari venditorem, iustis decre-  
tis temperanda isthæc res est; in promptu enim esse debet inuestigatio Iure-  
consultorum in *dict. l. in fundo*, an omnino facturus esset, an venditurus illi-  
cè; & in *dict. l. sed an ultro*, ut utilitas meliorationum expendatur ex per-  
sona domini, non expendentis; licèt hæc inuestigatio in bonæ fidei pos-  
sessore, qui sibi solum expendit, non contemplatione alterius, difficile, &  
in negotiorum gestore, emphyteuta, & reliquis, ut dicebamus, admittenda  
sit. Itaque cum ex *dict. l. Titius*, illud sit constitutum, ut in causa illa, si evin-  
catur res vendita, ad venditorem fiat recursus, ad pretium, & omnem causam,  
quæ accedit, cuius nomine meliorationem intellexit Iureconsultus; id fallit  
in eo qui rem possidet melioratam, & retentione uti potuit adversus vendi-  
cantem; quam cum prætermittat, magis est ut ea res ad periculum venditoris  
non pertineat, ex *dict. l. idque*. Rursum hæc exceptio ipsa procedit, si is ipse,  
qui prætermisit exceptionem de dolo ad retinendam rem melioratam adversus  
vendicantem, possidebat; namque si non possidebat, agere potest ad pretium  
& expensas in re utiliter vel necessariò factas; eo enim ipso quod rem ipsam  
non possidebat, cum retentio possessionem sequatur, constat neque retinere  
potuisse, *dict. l. idque, dict. vers. quod si emptor, dict. l. si controuersia*; & glossa, 17  
& Bartol. rursum si sciens emi aliena, ab eo qui sciens prudensque aliena  
quoque vendidit, dicendum est non solum non deberi expensas, quas fece-  
rim, sed neque pretium, *l. si fundum, C. de evictienib.* cum glossa ibi, & con-  
cordatis. Facit rex finalis §. *emptor autem sciens, C. communia de legat. & fidei-*  
*commissis.* ubi quod attinet ad impensas, non recuperantur à venditore actione  
ex empto, qui venditor tamen solvit pretium; ibi enim res non erat aliena,  
sed propria venditoris, restituenda tamen; quæ restitutio non impedit domi-  
nium, *l. non ideo minus, ff. de rei vendic.* ob idque pretium duntaxat solvit ven-  
ditor non cætera omnia quæ accesserunt rei.

- 18 Si verò bonam emptor habeat fidem, venditor verò sciens & prudens rem omnino alienam venderit, dicendum est, emptorem etiam si possessor sit, & negligat exceptionem de dolo ad retinendas impensas in restitutione rei ex causa eictionis contra venditorem, qui sciens rem vendidit alienam, agere utiliter posse ex empto, *ex dict. l. idque, versic. in omnibus*, ubi inquit Paulus in his casibus, si sciens quis alienum venderit, omni modo teneri debet: ad quod vide Alciat. *de eo quod interest, cap. 5. col. 3.* Atque hæ regulæ traditæ sunt de eo, qui aduersus venditorem reuertitur recuperaturus impensas, quas vel non potuit retinere, vel cum posset, noluit; & pertinent ad dictam legem *in hoc iudicium*, in secunda parte, ubi is, qui expensas non fecit, quas tamen ipsi vendicanti rem cum ipsa re tradidit emptor, nihil retentione usus, potest ipse quamuis non fecerit, easdem expensas retinere aduersus verum dominum vendicantem, nec proderit domino si dicat eum fecisse; namque quod attinet ad dominum, certe rem non aliter consequitur quàm si impensas soluat. Eadem lex tertia parte egregia est ad dictam legem *si in area*, & ad *l. domos* & ad *l. quod si nulla*, ubi Iureconsultus Paulus in *dict. l. in hoc iudicium*, ait, *si ita ego eo animo gero negotia, ut alium mihi obligem, licet errem in corpore, tamen ex animo & voluntate mea qui alium obligari volui, nascitur negotiorum gestorum utilis actio*. Itaque si Titij putem me gerere negotia, quæ tamen Seij reuera sint, ex animo meo restat mihi Seius obligatus actione negotiorum gestorum, non Titius; quia in hoc voluntas & animus mihi profunt ad actionem, qui non mihi, sed alij gesserim; ex hoc expensas in hoc casu consequor actione. Verba Pauli hæc sunt: *At cum puto rem Titij esse, quæ sit Manij, aut esse mihi communem cum alio quàm est, id ago, ut alium mihi obligem*. Et sicut negotiorum gestorum actio datur aduersus eum, cuius negotia curavi, cum putarem alterius ea esse; ita & in proposito. Similis textus in *l. item si cum putavi, versic. sed etsi putavi, ff. de neg. gest.* *Sed etsi putavi*, inquit Vlpian. *Titij negotia esse, cum essent Sempronij, eaque gessi, solus Sempronius mihi actione negotiorum gestorum renebitur*. Sufficit igitur solus animus alium obligare volentis, qui inde colligitur, quod alienum gesserò, ut competat mihi illa actio: & ita Iureconsulti, ubi negotium gestum non est, actionem non tribuunt; tribuunt autem retentionem ei, qui sibi soli agit.
- 20 Vnde mero iure is qui alium noluit obligare, sola retentione, & exceptione de dolo sibi consulit, nisi incerti illam conditionem desiderauerit: qui verò aliena gesserit animo alium obligandi, etiam si erret in corpore, quod huius negotia gesserit dum illius putabat gerenda, habet negotiorum gestorum actionem, quæ ex animo initium capit: æquitatem autem illam Molinæi, quam ipse de nouo post tot secula excogitauit, totas has iuris civilis regulas destruit & efficit inanes; ob idque nec passim, neque ubique, nec in omni negotio admittenda est: conditio autem illa incerti in promptu esse poterit, quæ habet fundatam iuris rationem; & militat ea ratio in eo qui rem melioratam suis expensis nihil retinendo tradiderit, quem iustum est iuuare aliqua iuris ratione, contra eum, qui alienam substantiam recipit ferè sine causa.
- 21 In necessariis autem expensis arbitramur cessare hodie incerti hanc conditionem



tionem, quia actione putamus posse recuperari, idque iure nouiore, per legem *domum*, *Col. de rei vindicat.* nisi quis breuius illud & vtilius remedium amplecti vellet, vt scilicet, res retradatur obtinenda quousque de meliorationibus agamus, an causam retinendi præstent vel non; ad hoc enim incerti conditio pertinet, actio autem vel conditio ex lege, ad consequendas ipsas expensas. Vnde quia ad diuersa sunt, actio ipsa, *ex dict. l. domum*, quæ est directò ad expensas, non tollit remedium pinguius, & vtilius ad aliud longè diuersum inuentum & excogitatum, nempe ad retraditionem, quæ vel ex ipso facto medium vberius est, argumento textus in *l. ordinarij*, *ff. de rei vend.*

In vtilibus autem illud obseruandum est, quod diximus, vt si negotium alterius videaris gessisse, competat actio, nec necesse sit quod sciat is cuius negotia gesseris; sufficit voluntas tua, quæ ex eo colligitur, quòd aliena gesseris, *ex dict. l. in hoc iudicium*, & *dict. l. item si cum putari*.

Ex quibus conciliatio est opportuna ad duo iura difficillima, quæ frequentissima sunt & quotidiana in hac expensarum tractatione. Alterum est responsum Scæuolæ in *l. ex parte*, *ff. familia herciscunda*, cuius verba sunt: *Ex parte heres institutus causam de totis bonis, quam omnes heredes patiebantur ob inultam mortem, suscepit & obtinuit: cohæres partem suam ab eo petebat, nec partem sumptuum in litem factorum præstare volebat. Quæsitum est an doli exceptio noceret? Respondi, si idcirco amplius erogatum esset quòd ipse quoque causa defensa esset, habendam ratione sumptuum; sed & si omiserit doli exceptionem agere posse de recipienda portione sumptuum.* Hæc Scæuola. Cuius decisio dependet ex eo quod diximus, scilicet, quod is qui sibi ipsi agit, qui sibi ipsi laborat, nec cum quoquam negotium gerit, sola retentione & exceptione sibi consulit; ast ille, qui cum alio agit, qui eo est animo vt alium sibi obliget, etiam si erret, habet actionem negotiorum gestorum. Hi duo casus applicantur ad hanc legem à Scæuola, vt scilicet hic cohæres qui litem suscepit ob inultam mortem testatoris, si nihil amplius erogauit, quàm quod aliàs pro se erat erogaturus si tota hæreditas ad se pertineret; tum quia nullum indicium est nec signum voluntatis, quod voluerit alium sibi obligare, & cum alio negotium gerere, neminem habeat obligatum, expensasque petere non possit, quia secum duntaxat egit, nihil amplius erogando quàm quod propria causa postulabat: contra verò si amplius erogauit quàm sua causa postulabat, tunc quidem rectè intelligimus alterius negotium gestum esse, pro quo amplius erogauit, Gregor. Lopez in *l. 41. tit. 28. part. 3. l. creditor*, §. 2. *ff. mandati*, Roman. *singul. 633. in cap. inpena*, vbi additio: atque ita cohæredes voluisse obligare ad ampliores illos sumptus; vnde non solum in *dict. l. ex parte*, exceptione de dolo eodem consequitur, sed actione, quia amplius consumendo cohæredis negotium visum est gessisse; vnde verba legis *ex parte*, in illis verbis. *Vnde si omiserit exceptionem doli, agere posse de recipienda portione sumptuum*, intelligenda sunt de actione negotiorum gestorum; quoniam plus consumendo quàm pro se consumpturus erat, visus est alterius gerere negotia, ex animo & voluntate præsumpto ex ampliori erogatione.

Prædicta autem lex *ex parte*, videbatur pugnare cum lege *qui aliena*, §. *uno defensionis*, *ff. de negot. gestis*, vbi ex eo quod Papinianus dat ei, qui defendit

causam communis prædij, actionem negotiorum gestorum, necessariò intelligendum est, ibi causam defensam fuisse communi nomine, qui casus planus est; vel amplius ibi illum, qui defendit, consumpsisse quàm poscebat sua causa, idque necessarium est ex iuris fundata ratione: denique hæc duo iura concordant & declarationem recipiunt *ex d. l. in hoc iudicium. ff. communi diuidundo, & ex l. si cum putani, ff. de neg. gestis. iuncta dict. l. si in area*, vt is qui sibi solùm agit, sola retentione vtatur; qui verò cum alio negotium gessisse possit videri, actionem habeat negotiorum gestorum; vnde *in dict. §. vno deficiente*, per quem datur actio, negotium gestum est nomine communi; & *in dict. l. ex parte*, si amplius erogatur, negotium quoque geritur; si non erogatur amplius, negotium non geritur; & idcirco ratio sumptuum non habetur, quia pro sua parte gessisse visus est, pro ea enim parte qua quisque hæres est, sumptus debentur, *l. sorori, ff. si pars heredis. petatur*, vide amplius, *cap. 19. n. 6. & 8.*

23 Ex quibus *ad l. hereditas, ff. de pet. hered.* planus sensus est, petita interpretatione *ex dict. l. si cum putani, vers. sed eisi putani; & ex dict. l. in hoc iudicium, ff. communi diuidundo*, vbi ex eo solùm quod aliena negotia gessi, etiam si ignorauerim cuius negotia gesserim, competit mihi actio negotiorum gestorum; vt scilicet ibi, quoniam possessor hereditatis monumentum fecerit, secutus defuncti voluntatem, qui monumentum sibi fieri iusserat, si hereditas sibi auferatur, aut retentione vel exceptione de dolo sibi conferuet expensas; aut si tradiderit, actione negotiorum gestorum consequatur. Verba Papiniani *in dict. l. hereditas*, sunt: *Si defuncto conditionis implende gratia bonæ fidei possessor fecerit, potest dici, quia voluntas defuncti in hoc seruanda est, vique si probabilem modum faciendi monumenti sumptus, vel quantum testator iusserit, non excedat; cum cui auferitur hereditas, impensas aut doli exceptione retenturum aut actione negotiorum gestorum repetiturum, veluti hereditario negotio gesto.* Hæc Papinianus, qui planè intelligendus est, vt scilicet is, qui secutus defuncti voluntatem monumentum fecerit, quia defuncti secutus est vltimum elogium, atque ided aliena gesserit, quia defuncti voluntatem exequitur, & alienum, non proprium opus fecerit, possit quidem agere aduersus eum qui hereditatem eripuit, ad repetendos sumptus factos in ipsa hereditate actione negotiorum gestorum, idque etiam si hereditatem euictam tradiderit, sine deductione expensarum; quandiu enim hereditas euicta non est; retentione agere potest, vt expensas conferuet sibi: caterùm cum semel tradiderit, negotiorum gestorum actione agere poterit; monumentum enim non sibi fecit, sed hereditati ex dispositione defuncti, eiusque secutus voluntatem. Quæ decisio Papiniani *ex dict. l. in hoc iudicium. & ex d. l. item si cum putani*, descendit ex eo, nempe quod ille, qui aliena gerit, sibi soli minimè agens, habet hanc ipsam negotiorum gestorum actionem; vnde meritò actio negotiorum gestorum datur hereditatis bonæ fidei possessori, & interpretatio sumitur ex ipsa lege ibi, *conditionis implende gratia*; & ibi, *quod voluntas defuncti in hoc seruanda est*, & planus ibi, *veluti hereditario negotio gesto*; vbi verbum illud, *veluti*, exprimit veritatem; qui enim monumentum fecit, quod sibi testator faciendum curauit & præcepit, non proprium, sed hereditarium negotium gerit, atque ob id solùm quod aliena gerit, rectè *ex dict. l. in hoc iudicium*,



*dicium*, & ex dict. l. si cum putavi, competit actio negotiorum gestorum ad consequendas impensas factas & traditas; & is est verus & planus sensus ad d. l. hereditas, quam quidem nouè aliò retorquet Carolus Molinæus, vt æquitatem aliquam inquirat, idque d. gloss. 5. tit. 2. part. 1. num. 94. atque obnixè contendit in d. hereditas, nullum fuisse negotium gestum alienum à bonæ fidei possessore, quod non fecisset hæredis nomine, sed suo; in quo tamen decipitur vir eruditissimus, quia nihil necesse est, me alicuius negotia gerere, Titij scilicet, vel Sempronij; sufficit enim, vt ipsa actio competat, aliena me negotia gerere, ex d. l. in hoc indicium, & ex d. l. item si cum putavi. Cùm ergo in casu dictæ legis hereditas, possessor bonæ fidei non fecerit sibi monumentum, sed quoddam testator sibi fieri iusserat, planè hereditarium negotium gessit, sic alienum, vnde meritò actio illa negotiorum gestorum competit, idque insinuat Papianus, in d. l. hereditas, ibi, *actione negotiorum gestorum repetiturum, veluti hereditario negotio gesto*; vt verbum illud, *veluti*, expressiuum sit veritatis: neque quicquam facit versiculus ille, ibi, *quamvis enim stricto iure nulla teneantur actione heredes ad monumentum faciendum, tamen Principali vel Pontificali auctoritate compelluntur ad obsequium suprema voluntatis*: is enim versiculus ad superiora nullum habet appendicem, nec ex superiori parte descendit; quamvis Molinæus inde deducat, & perperam, ni fallor; superius enim in prima parte legis egerat de impensis factis à bonæ fidei possessore, quas tamen testator fieri iusserat, quas cum bonæ fidei, possessori facit, non sibi laborat, nec sibi facit, nec sibi solùm prospicit, sed hereditati, secutus voluntatem defuncti, qui monumentum sibi fieri iusserat; ob idque quia verè aliena gerit, nempe hereditatis, negotiorum gestorum actionem habet mero & stricto iure, ex iuribus supra adductis. Id cùm constituisset Papianus, subiunxit illud, scilicet; *quamvis enim stricto iure nulla tenerentur actione heredes ad monumentum faciendum, tamen Principali vel Pontificali auctoritate compelluntur ad obsequium suprema voluntatis*: quasi dicat Papianus, quia etiam si bonæ fidei possessor is ille non fuisset qui monumentum fecit obsequens suprema voluntati, tamen is ipse posset heredem compellere ad faciendum, si non actione & stricto iure (nulla enim ad hoc erat prodita actio) saltem Pontificali vel Principali officio implorato. Vnde vel hoc capite bonæ fidei possessori impensæ sunt restituendæ, quia hæres omnino erat facturus, officioque Pontificis vel Principis compelli poterat, quo casu impensæ debentur, ex l. in fundo, ff. de rei vindicatione, ibi, *singe & dominum eadem facturum fuisse, reddet impensas*: quæ ratio est elegantissima ad d. l. hereditas; nihilenim aliud illis verbis voluit Papianus, quàm ex duplici capite ostendere, esse eas impensas omnino bonæ fidei possessori solundas: tum ex eo quia hereditatis non proprium negotium gessit, quo casu meritò competit actio negotiorum gestorum; tum ex eo, quia etiam si fecisset iniquè, cùm tandem id effecerit, quod hæres omnino erat facturus, vel saltem compulsus Pontificali, vel Principali auctoritate, omnino tenebitur: quod quidem Carolum Molinæum præterit, vt est videre dict. num. 49. Indeque prætermisso vero sensu legis, nescio quas æquitates inquirat, quas ego si iure scriptæ non sunt semper suspectas habuit, semper istos novos intellectus tanquam Africana monstra exosus, in quos passim videmus collapsos viros do-

diffimos non vulgariter eruditos, nescio quo malo fato, vix, quod ingentiè & verè fatear, receptas & communes assertiones assecutos, in luce sæpè apertissima ad radios veræ & communis opinionis caligantes. Itaque dicta lex *hereditas*, de qua nobis sensus est, nunc quæsitus est contra Molinæum, planam habet interpretationem, ut scilicet, in priori casu bonæ fidei possessor habeat negotiorum gestorum actionem, quia hereditarium negotium, non proprium gestum est; quo casu intelligunt Iureconsulti me eo animo gessisse, ut te ad quem verè negotium pertinebat, obligarem, etiam si nomine alterius geram, *ex dict. l. in hoc iudicium. & ex dict. l. item, si cum putavi, & ex d. l. ex parte*, secundum eum sensum quem tradidimus, qui necessarius est *dict. §. uno*: in secunda autem parte dictæ legis *hereditas*, easdem impensas consequatur, quia etiam si nomine hereditatio non fecisset, tamen eas impensas fecit, quas hæres omnino facturus erat; quia licet mero iure ad struendum monumentum non teneretur, saltem Pontificali vel Principali autoritate compelli poterat, ad exequendum ultimam dispositionem; unde est ut verus hæres huiusmodi expensas debeat, & ab eo servari possint, *ex d. l. infundo*, ubi impensas, quas aliàs dominus erat facturus, diluere tenetur: & dicta lex *hereditas*, est elegans, quatenus in posteriori parte constituit posse heredem compelli non solum Pontificali, sed etiam Principali autoritate ad exequendam ultimam voluntatem testatoris. Vide Speculatorem *tir. de Testamentis, §. in primis*. Addit quod nemine id petente possit ex officio fieri, nempe per inquisitionem; quod adde: ad eaque notat doctissimus Couarr. latè *in cap. 3. de Testamentis, per totum*, ut etiam apud Principem de exequutione ultimæ voluntatis agi possit.

- 25 Nec quicquam facit lex *at si quis, §. si quis, ff. de religiosis & sumptibus funerum*; ubi ei qui non fecit impensam animo alium obligandi, datur tamen contra ipsum actio: quem textum ipsemet Molinæus adducit pro sua nova excogitata æquitate; &, quod miremur, vir doctissimus non perfecta tota lege minime potuit advertere ad æquitatem inibi scriptam, & particulari ratione ibi admissam à Iureconsulto, propter pietatem quæ versatur in sepeliendo vitæ functum; quem sensum intellexit Accursius ex Iureconsulto ibi; & tamen Molinæus errasse Accursium inquit, cum habeat Accursius Iureconsulti responsum apertum, in eo casu admittentis expressè æquitaris particularem illam rationem. Connectere libet verba Vlpiani: *Si quis (inquit Vlpianus) dum se heredem putat, patrem familias funeravit, funeraria actione vii non putavit, quia non hoc animo fecit quasi alienum negotium gerens: & ita Trebatius & Proculus putant. Puto tamen etiam ei ex causa dandam actionem funerariam*. Hactenus Molinæus verba Vlpiani Iureconsulti expendit & ponderavit. Ex quibus ita ille argumentatur, ut eius sententiam in formam & speciem argumenti redigamus; ecce habes hic heredem qui funeravit testatorem, rem propriam agens, dum ad se tanquam heredem existimabat pertinere hereditatem, ac subinde munus illud & officium sepeliendi; unde neminem alium obligare voluisse, ex his iuribus quæ à nobis adducta sunt, facili negotio colligi potest, & tamen, inquit ille, datur funeraria actio: non igitur sola retentione succurritur ei qui secum duntaxat egit, neque cum quoquam alio visus est



est gessisse negotium. Cum videamus autem concedi actionem, necessario dicendum est procedere id quidem ex æquitate, scilicet, ne sumptus meos lucrifacias, & demum substantiam meam habeas cum mea iactura, *ex d. l. si me & Titium, si si certum petat.* Dicendum igitur est secundum Molinæum d. n. 94. versari in his expensis aliquam æquitatem, propter quam is ille, qui sibi expendit & cum nemine negotium gerit, consulere sibi potest etiam post traditionem, si in ipsa traditione retentionem omiserit, vel exceptionem non opposuerit. Hæc est ratio Molinæi, ex qua ipse propter æquitatem illam suam, *ex l. plane*, actionem tribuit, licet non ita connectat rationem. Cui tamen facilis est responsio in hoc ipso Vlpiani responso, quæ verissima est ex Accursio, ibi, scilicet, esse quidem verum quod versatur ibi æquitas, sed ea non est petenda ex lege *planè*, nec ex *si me & Titium*: sed expectanda est ex ipsamet *at si quis*, ad quam Molinæus nihil aduertit; ait enim ibi ipsemet Vlpianus, paulò post inferius, in eo genere expensarum generaliter statuendum esse, ut non mera negotiorum gestorum actio, eiusdemque stricta ratio consideranda sit, sed locus quoque sit futurus æquitati, quæ in ea specie versatur: verba Vlpiani hæc sunt: *Et generaliter puto iudicem iustum, non meram negotiorum gestorum actionem imitari, sed sollicitus æquitatem sequi, cum hoc ei actionis natura indulgeat.* Hæc Vlpianus. Ex quibus verbis quæ generaliter adduntur in hac funerariæ actionis tractatione, nostra quoque quæstio, de qua agimus, deciditur, & terminatur. Generalis enim regula tradita est ab Vlpiano, ut scilicet, quamvis mero iure actio non competat ei qui impensas facit nomine suo, qui animum minimè habuerit alium obligandi, ut pote qui fuerit hæres, non possessor rei hæreditariæ, qui rem omnem hæreditariam ad se pertinere arbitrabatur, atque ob id cum nemine negotium gerebat; sed sibi solùm faciebat; tamen bonum & iustum iudicem sollicitè æquitatem secuturum in hac re, ut funeraria concedatur, cum natura huius funerariæ actionis iudici indulgeat, ut in hoc quoque casu, etiamsi cum nemine negotium gestum sit, funerarium concedere possit. Et antequam hæc ipsa verba explicentur, contra Molinæum concludendum est, subesse hîc quidem particularem æquitatem, quam Molinæus dum Accursium reprehendit, non aduertit: ibi autem scripta æquitas est, non est ea aliunde veluti ostiatim (quod aiunt) postulanda, scilicet ex Celso *in dict. l. si me Titium*, & *ex dict. l. planè*: nec item æquitas hoc casu scripta, & particulari ratione applicata in hac specie, rectè applicabitur Celso *in dict. l. si in area, ff. de condict. indebiti*, cum dispar ratio sit in utraque specie. Igitur hæredi qui testatorem funeravit, licet videbatur deneganda actio mero iure, quia funerando sibi solùm fecerat, & cum nemine negotium gesserat; tamen Iureconsultus generaliter definit in hoc casu ubi de impensis funeris agitur, non esse adhærendum verbis legis & iuris rigori, sed amplectendam esse à bono iudice & iusto æquitatem ut funeraria competat: addit Vlpianus, quia præter æquitatem & pietatem, quæ in sepeliendo defuncto versatur, natura quoque ipsius funerariæ actionis id concedere videtur; natura autem funerariæ actionis est, *ex l. 1. eodem*, ut qui propter funus aliquid impendit, cum defuncto contraxisse videatur. Cum igitur cum defuncto contraxisse visus sit, etiamsi nulla alia æquitas in hoc versaretur,

mero iure dicendum esset posse eum impensas hac funeraria actione consequi, quia creditor est, qui cum defuncto iuris intellectu contraxit. Igitur particularis in hoc casu, & iuris, & pietatis, & æquitatis ratio versatur, quæ fecit ut etiam si proprio nomine, & non alieno gesseris, funeraria tamen actio tibi concedatur, siue exigente in æquitate scripta *in dict. §. & generaliter*; siue pietate, de qua ibidem, siue faciente id naturâ funerariæ actionis, quæ fingit me qui in funus impendo, cum defuncto contraxisse, postquam funus meâ impensâ curavi. Ex quibus singularis declaratio est *ad l. si possessor, ff. de religiosis & sumptibus funerum*; ubi ex hac ipsa ratione, quâ ius præsumit eum qui funus impensâ suâ & sumptu fecerit, cum defuncto contraxisse, bonæ fidei possessor rei hæreditariæ censetur; qui bonæ fidei possessor ab hærede aliquando differt, etiam si ipse hæres is sit, à quo postea hæreditas euincitur, *l. contra quoque, ff. de religiosis & sumptibus funerum*, ibi, *collaturos hæredes, bonorumque possessores*. Hæres enim omnino ad se existimat pertinere hæreditatem, etiam si postea vario euentu ab eo hæreditas auferatur ex causis iure expressis, quia indignus, vel aliàs; possessor verò hæreditatis scriptus hæres non est, sed plerumque is est, à quo scriptus hæres hæreditarias res euincit. Quicquid sit hic bonæ fidei possessor, qui funus fecit, deinde victus in restitutione hæreditatis impensas non deducit, vtilem habet funerariæ actionis vim & potestatem; quod quidem intelligendum est, vel ex dicto *§. & generaliter, in dict. leg. at si quis*, obseruata illa æquitate, de qua ibi, quæ versatur in hac specie funerariæ actionis funerando defunctum; vel ex eo, quia quantumcunque quis funus suo nomine fecerit, semper ex dicta lege *1. ff. eodem* videtur & creditur cum defuncto contraxisse: quæ solutio non est aliunde petita quàm ex ipsiusmet legibus; quare commodè applicari ad cæteras iuris regulas non potest, quia particularem iuris, pietatis, & æquitatis scriptæ rationem habent: vnde perperam *ad l. si in aream*, applicari potest, nec hæc iura de funere & funeris sumptibus indigent noua illa Molinæi æquitate, quam secum familiarem habent & domesticam.

Igitur qui funus fecerit, vel possessor hæreditatis, vel hæres, si hæreditatem restituat sine deductione expensarum, cum defuncto contraxisse videtur iuris intellectu, si funus fecit; & ideo agere potest ex dicto *§. & generaliter*, & dicta lege 1.

## CAPVT VIII.

### De expensis & sumptibus funerum.

#### Notabilia ex capite octauo.

- 1 *Inquiritur quid contineatur nomine sumptus qui sit ad funerandum.*
- 2 *Aliud est impensa funeris, aliud sumptus ad monumentum, & qualis debeat esse.*



- 3 *Necessaria ad sepulturam educenda sunt de legatis, si tota substantia legatis consumpta sit, ex praesumpta voluntate testatoris.*
- 4 *Ei qui sepulchrum habet maiorum suorum, non est nouum sepulchrum comparandum, & de iure sepulchrorum.*
- 5 *Anaxagoras barbarè sepulchrum negligebat, & redditur causa ex Cicerone.*
- 6 *Qui modus fuerit Graecis sepeliendi, & de sepulchro facto Mausolo Regi Caria. & de sepulchro Clusij ciuis Romani, & num. 7.*
- 8 *Referuntur leges Gracorum, quae de sepulchris latè traduntur apud antiquiores.*
- 9 *Tybon, quam nos nostro vulgari verbo vocamus Tumba, unde originem traxerit.*
- 10 *De sumptibus funerum lege duodecim Tabularum quid constitutum fuerit, atque explicatur, & verbum, Situs est, unde, & num. 11.*
- 12 *Conuiuia olim in funeribus lege duodecim Tabularum permissa, item concio in laudem defuncti; sacris Canonibus conuiuia prohibita.*
- 13 *Conuiuia quae fiunt in funeribus pauperibus, amore charitatis hodie permissa Clericis.*
- 14 *Verbum charitas pro pensione annua quae soluitur loco pio aut religioso, unde derivatum sit.*
- 15 *Hodie apud nos riciniis, id est vestibus lugubribus, vulgò Luctos, modus est impositus.*
- 16 *Sumptus non solum funeris necessarius est, sed qui reperitur septimo, nono, vel alio die pro regionis consuetudine, & de anniuersario, & nonendiali.*
- 17 *Vestes lugubres quatenus pertineant ad expensas funeris.*
- 18 *Quae funeris impensa sit, quae praefertur ari alieno, ad l. 12. tit. 13. part. 1.*
- 19 *Funus non potest detineri propter creditores, nec cadaueris inhumati fieri sequestationem.*
- 20 *Existentibus creditoribus & filiis, quomodo impensa funeris necessaria deducenda sit.*
- 21 *Execucior testamenti quomodo sumptus funeris deducat, & expensas suas propter funus.*
- 22 *Filius, ad quem pertinet quintum bonorum, ex iuris nostri decisione, an praestet vestes lugubres coheredibus, & an seruis.*
- 23 *An expensa funeris praferantur ari alieno, quod habet tacitam vel expressam hypothecam.*
- 24 *Vir uxorem pauperem de suo funerat, & pertinet ad ipsius dignitatem.*
- 25 *Iureconsulti voluerunt tacitas & legales hypothecas omnino esse similes expressis, contra Antonium de Fano.*
- 26 *Stabularius non restituit bona hospitii emortui, quousque de expensis satisfiat; nec in hoc praesumimus pro stabulario quod expenderit, contra Bartolum. & num. 27.*
- 28 *Praesumptio iuris quare sit dicta; & qui sine lege praesumit, praesumptuosè & stultè praesumit.*
- 29 *Vidua an sit danda vestis laetiuosa, & quod dependeat ab alia opinione recepta, & eius veritate, scilicet an haeredes viri lucrentur fructus rerum mobilium tempore annua dilationis ad soluendum.*

- 30 *Dos restituenda est vidua, res soli illi cum fructibus à morte viri, at verò mobilia intra annum.*
- 31 *Verior opinio contra communem, ut fructus rerum mobilium ad heredem viri non pertineant.*
- 32 *Fructus rerum dotalium pertinent ad maritum, vel quia est dominus, vel quia sustinet onera matrimonij.*
- 33 *Rerum mobilium quæ fructuosæ non sunt, est aliqua commoditas, & utilitas, quam agnoscunt Iureconsulti.*
- 34 *Antonij Gomezij media opinio inter receptam, & Zazij opinionem, & vera.*
- 35 *Ex Pauli & Zazij opinione uxor toto anno non est alenda, & vestes lugubres de suo habebit, num. 36. & quomodo succurrendum sit de alimentis & vestibus eo tempore, num. 37.*
- 38 *Maritus vestes viles præsumitur donasse uxori, pretiosas non item, & quid in herede viri.*
- 39 *Consuetudo observanda est quoad vestes viduales, & vidua probat consuetudinem; & quid si nupsit intra annum, num. 40.*
- 41 *Vidua an habeat lectulum mariti, & de quo lectulo intelligendum sit, & de legato lectuli facto viduæ.*
- 42 *Si uxor sit moritua, ad quem expensa funeris pertineat.*
- 43 *Conueniri debet is penes quem dos est, etiamsi restitutus sit dotem, & de Bartoli opinione, num. 44. & quid si apponatur pactum, ne maritus de expensis funeris teneatur, num. 45.*
- 46 *Quid si mulier præter dotem habeat parapherna, quomodo funeretur, & cuius expensis.*
- 47 *Quo casu maritus teneatur ad funus uxoris, & quod pertineat ad eius dignitatem, & de lege cum in fundo, ff. de iure dot. num. 48.*
- 49 *Funus filij, quatenus pertineat ad patrem, & de lege 6. Tauri, an ex tertio sicuti ex quinto deducendum sit, & num. 50. & de religione sepulchrorum, & num. 51.*
- 51 *Summus Pontifex, & Episcopi quibus expensis sunt sepeliendi & funerandi.*

I



2

Vid autem continetur nomine sumptus, qui fit propter funus, explicat Macer Iureconsultus in *l. funeris sumptus*, ff. de relig. & sumptibus funerum. Funeris sumptus (inquit ille) accipitur quicquid corporis causâ erogatum est, veluti vnguentum, & pretium loci, in quo defunctus humatus est, & si qua vestiaria sunt, vel sarcophagi, & vectura; & quicquid corporis causâ antequam sepeliatur consumptum est, funeris impensam esse existimo: quod quidem moderatum erit, & quantum necessum sit pro rei & personæ qualitate, nec quantum testator voluerit, si damnum alteri imminet, l. 1. §. de impensa, ff. ad legem falcid. ibi: *Et Sabinus ita deducendam putat, si necessarium fuerit monumentum construere.* Et ibi rursum. *Neque enim ita monumenti ædificationem necessariam esse, ut sit funus & sepultura.* Idem Marcellus sensit in *l. nec amplius*, eod. *Nec amplius*, inquit, *concedendum erit, quam quod sufficiat ad speciem modicam monumenti.* Quæ iura omnia duplicem continent expensam, scilicet monumenti & corporis, vtrumque autem ag-



nouit lex nostra 12. tit. 13. part. 1. vbi Gregorius omnia committit arbitrio iudicis. At verò dictus §. *de impensa*, quadrat & conuenit cum dicta lege neque amplius, idque ibi sentit Accursius, & Scribentes omnes, licet solus Albericus inter antiquiores correctionem quandam inducat : sed nulla correctio est, vtrumque ius moderatam impensam exigit, si de alicuius agatur præiudicio & damno; & ita intelligendum est aliud esse expensam funeris, aliud monumenti construendi. Impensa namque funeris, quæ sit dum effertur cadauer, necessaria semper est; impensa verò monumenti, non aliter necessaria est, quam si moderata sit. In vtraque autem semper moderatio admittenda est, excessus verò vitandus; ea autem moderatio in eo versatur, vt impensa funeris sit secundum qualitatem personæ, & facultates, & bonorum quantitatem, & consuetudinem ciuitatis, in qua quis moritur, vtque in sepulchro maiorum suorum sepeliatur si maiores sepulchrum habeant, aliàs sepulchrum comparetur quale vicinus, amicus, & consanguineus habere consuevit. Qua distinctione admissa, quæ est Pauli de Castro in d. §. *de impensa*, cessant maximæ difficultates Doctorum; cum enim in præiudicium alicuius agitur, ita intelligendum est voluisse testatorem. Testator enim, qui substantiam suam legatis consumpsit, neque necessaria reliquit ad sepulturam, sui oblitus, visus profectò est necessarium illud ad funus & sepulturam suam voluisse ex legatis deduci, l. *at si quis*, §. *sed & si res*, ff. *hoc titul. Sed & si res*, inquit Vlpianus, *legata sint à testatore de cuius funere agitur, nec sit unde funeretur, ad eas quoque manus mittere oportet: satius est enim de suo testatorem funerari, quam alios legata consequi*. Rursum si quippiam immoderatum iusserit testator, id quidem coercendum est intra modum, si subit damnum; ad quod facit lex *seruo alieno*, §. *fin.* ff. *de legatis* 1. *Ineptas voluntates*, inquit Marcianus, *defunctorum circa sepulchram, veluti vi vestes, aut quæ alia supernacua ei in funus impendantur, non valere*, Papinianus libro tertio *Digestorum* scribit. Ex quibus hi, qui in restitutione hæreditatis agunt de impensis funerum, accipient quidem sumptus, sed eos moderatos, quantum personæ dignitas, facultas, & quantitas bonorum, consuetudòque patriæ ferat, & indulgeat. Denique ea impensa veniet solvenda, quam vicino & consanguineo æquali genere, & patrimonio vitinus, & consanguineus facit in sepultura. Nostro autem iure etiam si amplæ facultates sint, funalibus & lugubribus vestimentis positus modus est.

Neque nouum quærendum est ei sepulchrum, qui maiorum suorum sepulchrum habeat, item in oblationibus & sacrificiis id obseruabitur. Quæ omnia Paulus de Castro tradit optimè dict. §. *de impensa*, & ibi Angelus, & in l. *hæreditas*, §. 1. ff. *de petitione hæreditatis*, Ioan. de Imola in dicto §. *de impensa*, & in l. *si ex re*, §. *illud*, ff. *de stipulatione seruorum*, dicens, quod quatenus expenditur ultra necessitatem, dicitur impensum ad vanam gloriam. Facit cap. *vi anima defunctorum* 13. *quæst.* 2. & in cap. *Ebrom, ead. caus. & quæstione*, vbi quod in sepulchro maiorum suorum sepulti sunt Abraham, Isaac, Iacob, cum Sara, Rebecca, & Lya, & ante ipsos Adamus cum vxore Eva, frequensque dicendi modus est in sacris literis de Regibus Israël, *obijt Rex, & sepultus est cum patribus suis*. Dicebátque Tobias filio suo : *Cum acceperis Deus animam meam, corpus meum sepelies, & honorem habebis matrì tua omnibus diebus vitæ eius; &*

cum ipsa compleuerit tempus suum, sepelies eam iuxta me in uno sepulchro Tobias 14. cap. Aeneasque, si prophana miscere sacris liceat, id optauerat illis verbis: *O terque quaterque beati, quæ ante ora patrum Troia sub mœnibus aliis contigit oppetere.* Est enim iucundum cum moriendum sit, cum maioribus sepeliri.

Ex quibus suborta sæpe quæstio est, an liceat vniuersis in sepulchro maiorum suorum sepeliri. Et ex facto in nostro hoc Senatu agitatum est, quod sepulchrum maiores maximis sibi sumptibus magnificè construxerint. Hanc quæstionem nouissimè attigit Ludouicus Molina de *Primogeniis Hispanis*, libr. 1. capit. 24. num. 41. Quatenus pertinet ad successores maioratus: ego autem, licet ipse, ut reliqua omnia, ita hoc copiosè, & cum ingenio tractauerit, aliqua præter ipsum dicturus, distinguo inter monumentum & sepulchrum; illud enim est res memoriæ causâ in posterum prodita, in quam si corpus vel reliquiæ inferantur, fiet sepulchrum: si verò nihil eorum, erit monumentum memoriæ causâ factum, quod Græci *ἑνολόγιον* vocant, l. monumentum, ff. hoc tit. l. 2. eod. ubi Vlpianus, *Sepulchrum*, inquit, *est ubi corpus ossæue hominis condita sunt: monumentum est quod memoria seruanda gratiâ exiit.* Itaque si capellam construxeris, quandiu corpus illatum non sit, meritò sepulchri nomine non continetur; vnde dispositio iuris quæ de sepulchro est, capellam non continebit, in qua adhuc corpus non sit illatum. Ex quo in diuisione bonorum si capella cum bonis cedat vni ex hæredibus, proprio iure habebit; & quandiu ipse corpus non intulerit, sepulchrum non est, immò cohæres inferre non poterit, quia non est sepulchrum effectum; diuersa enim sunt monumentum & sepulchrum, & diuerso iure censentur. Elegans consideratio ad l. si sepulchrum, C. eod. ibi: *Ius ad omnes hæredes pertinere, neque diuisione ad unum hæredem redigi potuisse.* Postquam autem corpus illatum est, monumentum esse desit, & sepulchrum factum est; tunc quidem rectè quæritur, an omnes agnati & cognati & de familia, an verò soli hæredes in eo sepeliri possint? In quo solet distingui iuxta sepulchrorum rationem ab ipsis Iureconsultis traditam. Alia enim sepulchra (aiunt ipsi) sunt hæreditaria, alia familiaria: hæc sunt quæ sibi quis familiæque suæ constituit; illa verò sunt quæ sibi & hæredibus, vel quæ paterfamilias iure hæreditario quæsiuit, l. familiaria, cum l. seq. ff. eod. l. ius sepulchri, & l. ius familiarum, C. eod. Quibus præmissis sit vniuersa traditio, & sine dubitatione vlla, quod siue sepulchrum familiare sit, siue hæreditarium, omnes liberi, cuiuscumque sexus vel gradus sint, possunt sepeliri in paterno, aut vtrouque sepulchro, siue hæredes sint, siue non sint hæredes. Intelligimus autem liberorum nomine nepotes & pronepotes, ceterosque qui ex his descendunt, iuxta legem liberorum, ff. de verbor. & rer. signific. probat mihi id apertissimè textus in l. vel quæ pater, ff. de religiosis & sumptibus funerum, quod quidem est Vlpiani responsum, qui cum ibi distinguat inter sepulchrum familiare, & hæreditarium, statim post distinctionem subdit his verbis: *Sed in utroque hæredibus quidem, ceterisque successoribus, qualescumque fuerint, licet sepelire & mortuum inferre, etiamsi ex minima parte hæredes ex testamento, vel ab intestato sint licet non consentiant alij. Liberis etiam cuiuscumque sexus vel gradus, & filiis familias & emancipatis idem ius concessum est,* siue



*sive extiterint hæredes, sive se abstineant.* Hæc Vlpianus. Ex quo responso successor maioratus, qui hæres non est, si sit ex liberis eius, qui sepulchrum constituit, vel sit sepulchrum hæreditarium, vel familiare, sepeliri in eodem sepulchro poterit, si velit. Quod existimo verum ex Vlpiano, licet Ludouicus Molina *vbi supra*, videatur contrarium tenere; sed intelligendum est, sensisse de successore maioratus, non hærede eius qui sepulchrum constituit, qui non erat de liberis eius. In his verò, qui ex liberis non sunt, an possint sepeliri, obseruanda est distinctio sepulchri familiaris & hæreditarij; in quo sunt duo iura, quæ licet specie pugnare videantur, re vera conueniunt, *l. ius sepulchri*, & *l. ius familiarium*, *C. eodem*. Ex quibus illud indistinctè verum est, quod in utroque possunt sepeliri hæredes, licet extranei, *l. ius sepulchri*, quia iura sepulchri tam familiaris, quàm hæreditarij ad extraneos etiam hæredes pertinent. *C. eod.* In necessariis autem hæredibus nulla difficultas est. In hæreditario sepulchro certum est quod hæredes solum possunt in eo sepeliri; in familiari omnes de familia, etiam si hæredes non sunt, *dict. l. ius sepulchri*. Qui autem in hoc intelligantur de familia explicat dicta lex *ius familiarum*, vbi quod affines & cognati non sunt de familia quantum ad hoc ius sepulchri. Nota est enim differentia inter agnatos & cognatos, ex §. *sunt autem agnati*, *Institutis de legitima agnatorum tutela*. Sed hoc Accursius existimat correctum, vt in hoc nulla sit differentia inter agnatos & cognatos, in eadem *l. ius familiarium*, verb. *Cognatos*, per *authent. de hered. ab intestato*, §. *nullam*, *collatione 9.* quod quidem reprehensorem non habet, & est rationi convenientissimum. Ex qua Accursij opinione omnes agnati & cognati in familia esse intelliguntur, quantum atinet ad ius sepulchri familiaris. In liberis igitur & descendantibus, tam masculis, quàm fœminis; tam hæredibus, quàm non hæredibus, nihil distinguimus inter sepulchrum familiare & hæreditarium: in familiari verò sepulchro omnes de familia admittuntur; nec distinguimus inter agnatos & cognatos, in aliis casibus distinctio erit obseruanda. Illud quoque aduertendum est, esse generale in omni sepulchro, siue familiarium sit, siue hæreditarium, quod nemini licet in eum inferre, nisi eum qui de familia & posteritate sit eius qui sepulchrum constituit, *dict. l. vel qua pater*, ibi, *non etiam alios præter suam posteritatem inferre licet*. Vnde ad *d. l. monumenta*, *C. de legatis*, intelligendum est ius sepulchri, id est inferendi mortuum, posse legari, vt scilicet testator possit tibi legare suum sepulchrum, id est ius vt in suo sepulchro inferri & sepeliri possis, quod ipse habebat, vel sibi construxerat, aut ab alio legitimo modo quæsierat. Si verò cohæres sis cum aliis fratribus, quo casu habes ius sepulchri hæreditarij quod sibi pater omnium construxit, si non fratrem, aut aliquem ex liberis patris instituas hæredem, sed extraneum, tunc quidem vtiliter intelligendum est ius illud inferendi non transire cum tua hæreditate, ex *d. l. vel qua pater*, quia non alios præter suam posteritatem inferri licet. Vnde dicta lex *monumenta*, intelligenda est cum quis solum sepulchrum sine communicatione obtiner; vel si commune est, habet cum extraneis cohæredibus, extraneus quoque ipse. Nam si cum familiaribus habeat, vel cum successoribus, eisdemque liberis eius qui sepulchrum construxit, non licet sibi nullo modo inferre, nisi posteritatem. Ex quibus superest hæc de sepulchri iure

quaestio exposita. Itaque moderatos volumus sumptus, sed ita ut in contumeliam non cedant; iudex enim qui de hac re cognoscet, interdum sumptum omnino non debet admittere modicum factum, si fortè in contumeliam hominis locupletis modicus factus sit. Nam non debet huius habere rationem, cum contumeliam defuncto fecisse videatur eum funerando. Ita Ulpianus in l. at si quis, vers. index, ff. eod. Hæc adde Domino Couarr. in capite. Rayntius, §... num. 11.

- 5 Habenda ergo est ratio funeris & sepulchri, nec barbarè cum Anaxagora omnino sepulchrum negligamus, qui cum Lampfaci moreretur, quærentibus amicis, vellèrne Clazomenas in patriam, ubi maiores eius sepulti erant, si quid ei accidisset, efferri: *Nihil necesse est*, inquit; *undique enim ad inferos tantundem via est*; facillèmq; dicebat ille iacturam sepulchri. Cuius quidem rationem Cicero illam esse dicebat *Tuscul. quest. lib. 1.* quòd scilicet tota ratio humationis ad corpus pertineat, in quo elapso spiritu nullus sensus supersit, ob idque facillè contemni possit, quòd non intelligeretur ab eo cui impenderetur.
- 6 Olim enim iam tum à Cecrope receptus fuit modus in sepultura; terræ enim humabantur emortui, quæ terra obducta nostris frugibus obferebatur, ut sinus & gremium quasi matris mortuo tribueretur; terra autem ipsa frugibus censebatur expiata, ut viuis deinceps redderetur; postquam autem terræ humabantur, sequebantur epulæ, quas inibant propinqui coronati, apud quas de mortui laude agebatur, ubi nisi verum nihil prædicabatur: nam mentiri de mortuo laudes, nefas habebatur. Hæc erant prima funera, humatio in terra, cum epulis & laude; postea vero adeo creuit, ut propè miracula de sepulchris referantur; notissimum est sepulchrum ab Arthemisia factum Mausolo coniugi Carix Regi, qui obiit olympiadis centesimæ anno secundo; opus id ut esset inter septem miracula optimi quos sua ætate habuit Græcia artifices,
- 7 Scopas, Briaxis, Timothæus, Leochares, referuntur. Patebat ab Austro & Septentrione sexagenos ternos pedes, brevius à frontibus, toto circuitu pedes quadragintos vndenos: in altitudinem attollebatur cubitis vigintiquinque, cingebatur columnis triginta sex, ab Oriente cælavit Scopas, à Septentrione Briaxis, à Meridie Timothæus, ab occasu Leochares, nobilissimi sua ætate pictores; & mariti memoriæ Mausoli opus id extrui iusserat. Non tamen recesserunt nisi absoluto iam, id gloriæ ipsorum artífque monumentum iudicantes, hodièque certant manus: præter quæ accessit quintus artifex, namque supra cacumen pyramis altitudine inferiorem æquavit, viginti quatuor gradibus in metæ cacumen se contrahens; in summo est quadriga marmorea quam fecit Pabis; hæc adiecta centum quadringenta pedum altitudine totum opus includit. Hoc est illud sepulchrum quod effectum est à Regina Arthemisia Mausolo Regi coniugi, à quo Mausoleum dictum est: refert Plinius *Naturalis historia lib. 3. cap. 5.* sed ut hæc quæ fabulosa videri poterant superet veritas, immò ut viri Romani admiremur diuitias & luxum, sepultus est Clusio sub vrbe, in quo loco monumentum fecit lapide quadrato singula latera pedum lata tricenùm alta quinquagenùm inque basi quadrata intus labyrinthum inextricabilem, quòd si quis impropèrè prorumpat sine glomere lini, exitum inuenire



inuenire nequeat. Supra id quadratum pyramides stant quinque, quatuor in angulis, in medio verò vna, in imo latæ pedum septuagenumquinum, altæ centum quinquagenum, ita fastigiata, vt in summo æneus orbis, & petasus vnus omnibus sit impositus, ex quo pendeant excepta catenis tintinnabula ex ære campano, quæ vento agitata longè sonitus referant, vt à Dodone olim factum est, vnde Dodoneum æs: supra hunc orbem quatuor pyramides insuper singulæ extant ætæ pedum centenum, supra quas aliæ in solo quinque pyramides positæ, quarum altitudinem adiicere puduit Varronem. Hæc Plinius *lib. 36. cap. 13.* qui de pyramidibus Ægyptiis *cap. 12.* egerat, adeo tunc insaniebant iam mortales; cùm enim se omnino morituros pernoscèrent, ex lapidibus recordationem, & immortalitatem expectabant, nihil eius memores, quòd regna palam moriantur, & vrbes.

Huiusmodi atque alios id genus sumptus in construendis monumentis ex- 8  
sa antiquitas leges plures tulit, quibus hos sumptus coërceret: nec enim hoc à sapientissimis legum scriptoribus neglectum est, scilicet sepulchrorum magnificentiā esse minuendam: post Solonem enim, qui nihil de hac re attigerat, quòd moderatè admodum sepulchra sua ætate construebantur, humanis hominibus, & terra coopertis, propter nouas sepulchrorum amplitudinēs lege sancitum est, ne quis sepulchrum faceret operosius quàm quod decem homines efficerent triduo; nec id opere tectorio exornari, nec Hermas eos, quos vocant, licebat imponi. Hermanæ statutæ sunt truncæ, quales in columnis quotidie videmus. Hoc Athenis de sepulchris sancitum fuit, postea verò angustior de hac ipsa re præceptio; sepulchris enim nouis finitus modus est: nam super terræ cumulum noluerunt Areopagitæ quid statui, nisi columellam tribus cubitis non altiore, aut mensam, aut labellum; atque huic rei certum magistratum, qui de sepulchris cognosceret, præfecerunt. Plato quoque vetat ex agro culto, eoue qui possit, vllam partem sumi sepulchro. Sed quæ natura agri tantummodo efficere possit, vt mortuorum corpora sine detrimento viuorum recipiat, ea potissimum vt compleatur: quæ autem terra fruges fert, & vt mater cibos suppeditare possit, eam ne quis nobis minuat, nec viuus, nec mortuus? Extrui autem vetat sepulchrum altiùs, quàm quod quinque diebus absolverint; nec ex lapide excitari plus, nec imponi, quàm quod capiat laudem emortui incisam, nec plus quam quatuor heroicis versibus, quos longos appellant. De columella illa, quæ ex Areopagitarum decreto sepulchro superimponi permittebatur, extat recordatio apud Diogenem Laërtium *in vita Diogenis Cynici, ad finem.* Ait enim, Diogenem sepultum esse Corinthi ad portam quæ in Isthmum ducit; subditque Corinthios erexisse illi tumulum, & super tumulum columnam, & eam desuper sculpsisse. Ex qua columella antiqua quæ superponebatur sepulturæ, videri potest, traxisse originem Tybon, quam nos nostro nomine *Tumba*, vocamus. De 9  
qua Cicero, qui hæc omnia refert *de legibus, 2. lib. ad finem*, quæ quidem opportuna sunt ad legem *nec amplius*, ff. *ad leg. Falcid.* vbi Marcellus non amplius concedendum esse existimat ad monumentum, quàm quod necessarium sit; atque id contineri ibi nomine expensæ funerariæ censet Accursius, & post eum Bart. Imol. Alexand. & tenent Scriptores *in l. 30. Tauri*, inter Taurinas leges.

De sumptibus quoque funeris lege duodecim Tabularum, tabula decima, lex refertur, quæ iam à Solone profecta creditur: ea verò ad funus potius quam ad sepulchrum pertinet, cuius verba refert Cicero ubi supra in hunc modum: *Hominem mortuum in urbe ne sepelito, nève vrito, rogum ne facito, ascia ne polito, mulieres genas ne radunto, nève lasum funeris ergo habento, tribus riciniis & vinculis purpurea, & decem tibicinibus funera fiant.* Hactenus lex duodecim Tabularum, tabula decima de sumptibus funeris constituit. Quod autem ait lex, *in urbe ne sepelito, nève vrito.* Cicero de sepultura in urbe nihil dicit. Nos tamen ita explicamus, quod scilicet ab hac lege duodecim Tabularum non licebat quemquam in urbe sepelire, idque perpetuo tenore fuit observatum, l. Prator ait, §. *Diuus Adrianus, ff. de sepulchro violato.* *Diuus Adrianus*, inquit Ulpianus, *rescripsit, & pœnam statuit quadraginta aureorum in eos qui in ciuitate sepulchrum faciunt; quam fisco inferri iussit, & in Magistratus eandem statuit pœnam qui passi sunt, & locum publicari iussit, & inde corpus transferri:* Causam eius prohibitionis, refert Iulius Paulus Vetus iureconsultus, lib. 1. *receptarum sententiarum, titulo de sepulchris, & lugendis, §. 2.* his verbis: *Corpus in Ciuitatem inferri non licet, ne funestentur sacra ciuitatis; & qui contra ea fecerit extra ordinem punitur.* Eandem causam refert mortuorum, C. de religios. & sumptibus, his verbis: *Mortuorum reliquias ne sanctum municipiorum ius pollnatur, intra ciuitatem condi iam pridem veritum est.* Vbi verba illa, *Iam pridem*, non sunt referenda ad dictum §. *Diuus Adrianus*, vt censet Accursius; sed potius ad hanc legem duodecim Tabularum, quam interpretamur: & quamuis hoc ita constitutum erat, præclaro tamen viro triumphali, & qui de patria bene esset commeritus, licebat in urbe condi: ita refert Plutarchus in Romanis questionibus, atque eam fuisse quoque legem Atheniensibus refert ex Lyparci autoritate, Valer. & Caij Fabricij, ob præclara gesta in foro sepulti sunt. Cicero quoque Tubertum recenset in foro sepultum propter eximiam virtutem: Reges quoque Romani in foro monumenta sua habuere; refert Appianus Alexandrinus *de bello ciuili*, lib. 2. cum de morte Cæsaris, & eius funere ordinem & pompam narrat, qui eo quoque authore in media urbe exustus est. Hæc fuit antiqua observatio, ne quis in urbe sepeliretur. Subdit lex illa vetus duodecim Tabularum, *nève in urbe vrito.* Cicero propter ignis periculum dictum fuisse existimat; quodque lex geminat, dicens *mortuum ne sepelito, nève vrito*, indicat non sepeliri qui vritur, sed qui humatur: antiquissimum enim sepulturæ genus, quo Cyrus vritur apud Xenophontem, illud fuit quo corpus terræ redditur, & ita locatum ac situm est, quasi matris terræ cooperimento obducatur: hoc sepulchri genere usi sunt antiquiores. Exemplum est quod à Sylla Marij ossa dissipata sunt, quod fatum sibi quoque timent Sylla, primus inter Cornelios cremari voluit: atque hos ita humanos *sitos* vocabant. Non igitur qui vritur sepelitur, sed qui humatur; quod autem ait lex de tribus riciniis, vestimentum hoc erat lugubre & funestum: ita interpretabantur Sextus Ælius, & Lucius Accilius veteres legum interpretes; non enim decebat funus alba vestis & festiua. Vnde Iulius Paulus *dict. lib. 1. receptarum sententiarum tit. 21. de sepulchris & lugendis*, §. 3. ita, inquit: *Qui luget, abstinere debet à conuiujs, ornamentis & alba veste.* Nostra autem lege His-



paniæ finitus quoque & taxatus modus est his riciniis, id est, vestibus lugubribus, vestibulque luctuosus, deducto modo iam pridem à lege hac duodecim Tabularum, qua tribus riciniis totum funus complebatur. Subdit lex, *neue læsum funeris ergo habento*: læsum Lælius vetus interpres, quasi lugubrem eiulationem interpretatur; expendenda autem sunt verba Lælij interpretis, ait enim læsum, hoc est lugubrem eiulationem, non verò fletum fuisse lege duodecim Tabularum prohibitam. Humanum erit propter amicorum mortem, & propinquorum flere, eiulare verò ferinum; nihil enim, vel immoderatè casu aliquo commoueri, aut pecudis, aut stulti est; aliorum verò casum condolere, humanum; ideoque lex duodecim Tabularum prohibet eiulationem, non fletum. Aeneus esto, aut mortem amicorum condolebis. Nam & Iacob Patriarcham tora fleuit Ægyptus septuagintua diebus, & Ioseph, & fratres eius cùm patrem deferrent in terram Chanaan ad sepeliendum, celebrantes exequias ad aream Azaël, quæ sita est trans Iordanem, planctu magno, atque vehementi impleuerunt septem dies, & nomen à planctu inditum loco est. *Geneseos cap. 50.* Et de beato Stephano legimus, quod sepelierunt eum viri timorati, & fecerunt planctum magnum super eum; ideò in Concilio Arelat. *canon. 3.* circa tempora Leonis Papæ, sessio est his verbis: *Laici qui excubias funeris obseruant, cum timore & terrore & reuerentia hoc faciant; nullus ibi diabolica carmina presumat cantare, nec iocos, nec saltationes facere, quæ Paganis docente diabolo adinuenerunt. Quis enim nesciat diabolicum esse, & non solum à religione Christiana alienum, sed etiam humana natura esse contrarium, ibi latari, cantare, inebriari, & cachinnis ora dissolui, & omni pietate, & affectu charitatis postposito quasi de fraterna morte exultare, ubi luctus & planctus flebilibus, vocibus debuerit resonare pro amissione chari fratris.* Hactenus Concilium: & Iulius Paulus receptorum sententiarum titulum fecit *de sepulchris & lugendis*, & §.3. *Qui luges (inquit) abstinere debet à conuiuiis & ornamenti & alba veste.* Multa quoque lex duodecim Tabularum de vinctura, de potatione, deque accerra; fiebat enim potatio, & epulos inibant propinqui coronati, & de laude mortui agebatur, ex Cicerone *dist. lib. 2. de legibus, ad finem.* Quod quidem nostri sanctissimè prohibuerunt sacris Canonibus de his constitutis, *cap. nullus, 44. distinct.* Quo in loco conuiuia turpia in mortuorum funere prohibentur. *Nullus presbyterorum, inquit, Concilium, quando ad anniuersarium diem, trigessimum, aut septimum, vel tertium alicuius defuncti, aut quacunque vocatione ad collectam conuenerit, se inebriare vllatenus presumat, nec precatus amore Sanctorum, vel ipsius anima bibere, vel alios ad bibendum cogere, vel se aliena precatione ingurgitare, nec plausus, & risus inconditos, & fabulas inanes ibi referre, aut cantare presumat.* Veteres enim Græci & Romani ex Cicerone *ubi supra*, potationes, & epulas admiserunt, & cantus & carmina, quod lege duodecim Tabularum diminutum fuerat. Lege autem Pontificia omnino prohibitum, ne in defunctorum funere conuiuia fiant, nec his assideant viri religiosi, & pij: quod in hoc Regno apud Gallicos perpetuò prohibitum, & perpetuò retentum est; & prohibebitur semper, & apud rusticos perpetuò retinebitur.

12

?

Ex his autem non est intelligendum conuiuia omnino prohibita esse clericis

13

cis

cis & religiosis ; conuiuia enim quæ fiunt pauperibus religionis amore , & charitate , etiam clericis permittuntur in funere ; dum tamen hæc conuiuia non fiant in tempus sacris , *cap. conuiuia* , 44. *distinct. cap. non oportet* , 2. *distinct. cap. quiescamus* , 42. *distinct.* quæ conuiuia , quæ pauperibus exhibebantur amoris & charitatis vi , charitatem vocarunt veteres , & significarunt hoc verbo *אַהבה* , quod est charitas. Iudas in epistola inquit : *Hæ sunt inter charitates vestras macula , mutuo conuiuantes , absque timore*. Et verbum illud , *inter charitates* , id est , inter comessationes interpretatur , quæ fiebant charitatis gratiâ. Vnde charitates dictæ sunt , quo verbo vitur Hieronymus *in epistola ad Eustochium* , Cyprianus *lib. 3. ad Quintum* , *cap. 3.* Vide plura adducentem D. Didac. Couatr. *in cap. fin. de Testam. in principio*. Quod eo notauit , quod in nostro Pratorio Galleco nomine charitatis significamus pensionem quæ quotannis soluitur ab Aduocatis ad comparandum cereas candelas , & funalia , quibus sacra fiant , & corpora mortuorum sepeliantur : cum enim vulgò Annalia vocentur , nobis charitas nuncupatur , sicuti conuiuia & commessationes piæ dicebantur agape , id est dilectio , vel charitas ; scilicet quod fiebant charitatis & dilectionis causâ ; ita pensio illa dicitur agape nobis , id est , dilectio vel charitas , quod feruentiori amore , & charitatis quodam veluti voto persoluatur , deducto verbo à Hieron. Cypriano , & Iuda in historia sacra. Denique id dictum volumus , semper funeris sumptus iuraque ipsa sepulchrorum legibus moderatos fuisse , vt non miremur si nostri quoque hodie modum in his quærant , cum riciniis , id est vestibus lugubribus , quas nos nostro nomine vocamus *Lutos* , & funalibus sit constitutus modus lege lata.

- 14 Itaque funeris sumptus necessarios intelligimus , qui ad sepeliendum corpus fiunt in ipso funere , & in ipsa duntaxat sepultura , nihilque amplius , obseruatâ personæ , quæ sepelitur , qualitate & bonorum facultate , *l. 12. tit. 13. part. 1. ibi : Que aquestas despesas sean fechas mesuradamente , catanda la persona de aquel por quien son fechas*. Quin sic alicubi consuetudo recepta inoleuit , vt nouendiale fiat ; solet enim funus repeti septimo sæpè , nonnunquam nonno die ; passim verò anno expleto , de quo *in dict. c. nullus* , 44. *distinct. c. quia alij* , 13. q. 2. *Quia alij* , inquit Ambrosius , *tercium diem , alij tricesimum , alij quadragesimum obseruare consueuerunt , quid doceat lectio consideremus*. Defuncto , inquit , Iacob , præcepit Ioseph pueris sepulcoribus , vt sepelirent eum , & sepelierunt sepulchros Israël , & completi sunt quadraginta dies. Sic enim dinnumerabantur dies sepultura , & luxit eum Aegyptus septuaginta diebus. Hæc ergo sequenda solennitas , quam præscribit lectio : Nouendialis autem mentionem fecit Horatius in Epodo , & Coelius Rhodiginus *lectionum antiquarum cap. 45. lib. 9.* De septimo die mentio est apud Ecclesiasticum *cap. 22. Luctus mortui septem dies*. De anniuersariis meminit Tertullianus *de Monomachia* , quod anniuersaria pro defunctis celebrari consueuerant. Dion Cassius de Adriano Casare ita inquit : *Quare minimè mirandum est si Plotinam mortuam , cuius potissimum operâ Imperium adeptus fuerat , eumque amauerat , excellentissimè coluerit & ornauerit ; per nouem enim funeris dies pullatus incessit , templumque erexit , & hymnos in eam fecit*. Quæ quidem aduertenda sunt vt horum quoque dierum ratio habeatur in expensâ funeris facta , in quo plurimum valebat consuetudo , & bonorum facultas ,



facultas, personæque qualitas. Quod enim ait lex *funeris sumptus*, ff. *de relig. & sumptib. fun. Si quæ vestiaria sunt*, non ita accipiendum est, vt nomine huius vestes intelligamus quæ fieri solent hæredibus. Hæ enim vestes vulgò *Lutos*, nisi emortuus dandas censuerit, necessariae ad funus non sunt: sed *in d. l. funeris*, nomine illo vestiaria illa intelligimus, quibus cadauer inuoluimus, vulgò *Mortaja*, atque pannum illum quo *Tybon* Græcis, vt est apud Cicero- nem *suprà*, nos *Tumba*, vulgari verbo vocamus, contegitur, & cooperitur. Hos ferè sumptus nomine funerarij intelligimus. Vide Chassanæum *in consue- tudinibus Burgundia*, rubr. 4. §. 9. pagina mihi 273. quæ est egregia declaratio ad glossam *verb. funesta*, *in l. si ex re*, §. *fin. ff. de stipulat. seruorum*, quam sequitur, præter cæteros, Angelus ibi, & Ioannes de Imola, & sequutus est Didacus de Castillo *in l. 30. Tauri*, *verb. Gastos*. Verè enim tenendum est vestiariis, de quibus *in d. l. funeris*, id solum contineri, quo cadauer contegitur; vestes verò lugubres qui fieri sibi velit de suo soluat.

Vnde intelligendum est, quod est ipsa necessaria impensa funeris ad sepul- turam, & nouendiale, vel annale, ex consuetudine. Denique id quod impen- ditur in sepultura corporis, necessariae expensæ nomine continetur *ex dict. l. funeris*. Atque hæc ipsa expensa est illa, quæ præfertur æri alieno, iuxta legem *impensa*, ff. *cod. & l. 12. tit. 13. part. 1*. Quod dicimus de nouendiali, annali, vel anniuersario, cautè accipiendum est; non enim aded necessariam arbitramur, sicuti est ipsa corporis sepultura; ob idque si facultates emortui creditoribus non sufficiant, meliùs anniuersarium omitti, vel nouendiale negligi, quàm im- piè æs alienum deglutiri. Si verò facultates mortui suppetant sine iniuria & damno creditorum, non existimo omittenda esse, ob idque in ratione hæredita- ria, cui sumptus funeris necessarij erunt persoluendi, rectè quoque soluentur nouendiales, vel annales sumptus, obseruata consuetudine, quam honestè omittere non potuit ille qui funus fecit. Est enim ea consuetudo laudabilis ex dictis legibus & Pontificalibus constitutis. Sic itaque accipiendum est quod dicitur *in d. l. impensa*, & *in d. l. 12. impensam* funeris deducendam esse priùs quàm æs alienum, vt id intelligamus iuxta prædicta de impensa funeris ad se- pulchram duntaxat emortui; in quo non continebitur nisi vestiarium, quo in- dutum cadauer sepelitur, vel quod tybon cooperit; non verò vestes lugubres continebuntur; funalia autem cerea, & alia id genus quoque pro personæ qualitate, & facultatibus eiusdem, & loci consuetudine, *d. l. 12. ibi: Ca: fazer en cumplir los monumentos*. Et pertinet ad ea quæ diximus de sepulchris. *T aun en fayerlos leuar a foterar, e mayormente quando mueren fuera de sus luga- res, e los au de lleuar alla, y para guadar los de noche e de dia quando non los pue- den foterar, e en candelas, e en mortajas, e en todas las otras despenfas que faxen por razon del cuerpo antes que sea foterado*. Hæc est necessaria expensa, & sub- dit. *Deuen gelas dar delos bienes del muerto ante que paguen ninguna cosa de las mandas que fize en su testamento, ni aun de las deudas que deuia en qualquiera manera que la deuia, e ante que partan ninguna cosa de su auer los herederos que lo ouieren de auer, solo que estas despenfas sean fechas mesuradamente, catan- do la persona de aquel porquien son fechas*. Quæ verba vltimò posita con- firmant ea quæ ex Paulo adduximus *in d. l. 1. §. de impensa*, ff. *ad leg. falcid.*

Vide in fi  
et Consue  
18 l. inu  
et stud

Itaque ius nostrum impensam illam omnino necessariam ad sepulturam æri alieno præponit, non alia quæ ad honorem fieri consueverunt. Si igitur ære alieno quis aded grauatius fuerit, ut deductis ex patrimonio funeris necessariis expensis creditoribus præiudicium fiat, patienter illi ferent. Nec enim funus potest propter creditores detineri, nec corpus inhumatum, infletumque detinebitur ob id ipsum, glossa *in cap. ex parte, el primo, de sepulturis*. Abb. ibi, & Franciscus *in c. qua fronte, de appellationibus*. Humani enim corporis secrestatio fieri non potest etiam ob instrumentum executiuum. Suarez *in repet. l. regni*, post legem, *post rem iudicatam, ff. de re iudicat. 6. amplificat.* Hyppolitus *singul. 199.* Felin. *in cap. quàm sit, de Iudæis*. Couarr. *in cap. Raynaldus, de Testam. §. 3. num. 3.* Regia lex *fin. tit. 13. part. 1.* contra Seguram *in l. si ex legari causa, ff. de verborum obligat.* & Angel, *in authent. ut defuncti seu funera eorum*: quæ inuestigatio eò pertinet si cum creditoribus lis sit.

At verò si creditores sint, & filij, quibus respectu debita & legitimæ portiones sint debitæ, tunc quidem alia consideratio est; deducetur enim istiusmodi impensa ante æs alienum, tum verò creditoribus satisfiet, demùm de residuo portiones legitimæ fient; quod si impensa hæc necessaria respectu portionum quantum exceßerit, cum tamen necessaria sit, filiis deuoranda est istæ molestia, non verò creditoribus: filij enim boni consulant quod aliquid supersit in hæreditate, qui patrem sine ullis bonis emortuum aliàs erant funeraturi suis expensis: si verò filiis nihil remaneat, atque ære alieno soluto impensa necessaria seruari non possit, creditoribus oberit: tenet Couarr. ubi suprà *d. §. 3. n. 2.* Inter filios verò ex quinto paternæ hæreditatis huiusmodi impensæ soluuntur, *l. 6. inter Taurinas leges.* Quod si quantum relinquat pater filio naturali pro alimentis, & deductis expensis funeris non sit quantum illud sufficiens ad alimenta, adhuc existimo quod ad portiones legitimas filiorum non sit deueniendum, sed recurrendum est ad ea quæ diximus suprà.

21 Si verò quispiam, veluti executor testamenti, has fecerit impensas, & quintam bonorum partem necessariæ expensæ exceßerint, filij quidem patienter ferent; intra quantum autem expendet ex Paulo *in d. §. de impensa, & ex d. l. 12. tit. 13. part. 1.* pro loci & personæ qualitate, dummodo in funeralibus & vestibibus luctuosus modum lege nostra Regia taxatum & definitum non excedat: ipse autem executor, qui huiusmodi necessarias impensas facit, in exactione rerum hæreditariarum, & fructuum si quas quoque expensas fecerit, ex bonis defuncti poterit deducere, Ioan. Andreas, Archid. Dominicus *in c. fin. de testam. lib. 6.* Paulus Paris. *consil. 26. num. 18. vol. 4.*

22 Illud quoque huc pertinet quod ait Abb. *in cap. ut præterita, de electione*, & Decius *consil. 157.* & Abb. *in disputatione, Sempronius dub. 1.* quod successor in Ecclesia tenetur necessarias expensas in funus Rectoris & Parochi mortui erogare, alia verò quæ pertinent ad magnificum sepulturæ ornatum hæredes tenentur subministrare. Afflictis, *decis. 84.* Igitur necessariæ impensæ alia ubique ratio est, alia verò eius quæ sit ad magnificentiam & honorem, unde successor vestes lugubres non præstabit, nec item filius, etiam si quinta ei pars bonorum relinquatur, quia hæ vestes lugubres non continentur plerumque nomine necessariæ expensæ, sed filij istiusmodi vestes lugubres vel ex tota hæreditate



reditate accipient, vel quisque de suo faciet sibi: in seruis quoque quod iustum bonumque videbitur, fiet pro personæ qualitate, & bonorum facultate, ex *dict. l. 12*. Certè filia dotata quæ patris emortui, vel matris omnino hæres futura non est, de suo vestem illam lugubrem faciet, sufficietque illam esse dotatam ad hoc; interim dum animum non explicat, consumat de suo, si pulchra & luctuosa pro parente videri velit.

Ex his omnibus, quæ dicta sunt, facilè componitur difficultas illa, an expensa funeris præferatur sicuti æri alieno, ita quoque æri alieno qui habeat tacitam vel expressam hypothecam, vtpotà fisco vel vxori in rebus dotalibus? 23  
 Quam quidem difficultatem, vt verum fatear, ita accipio, vt verbis quidem speciosa sit, re vera tamen nihil solidum contineat. Nos enim etiam in hac quæstione agimus de funeris expensis necessariis, quas omnes æri alieno præferunt. Itaque ex decisione Iureconsultorum nullam subesse difficultatem intelligere poteramus, quia ipsi planè cùm constituent quid necessariæ impensæ nomine contineatur, de quo *in dict. l. sumptus funeris*, & *in l. at si quis, §. funeris causa sumptus*, ff. de relig. & *sumptibus fun.* & *dict. l. 12. tit. 13. part. 1.* deinde cùm dicant hanc necessariam impensam omnino præferendam esse omni æri alieno, vt *in dict. l. at si quis, §. 1.* & *l. penultima*, ff. de relig. *sumpt.* planum videbatur cessare istiusmodi difficultatem; qui enim dicit funeris impensam necessariam præferri omni æri alieno, planè nisi stolidus sit, intelligere videtur, de dote & fiscali debito, in quibus æris alieni propriè vox ipsa verificatur, vt patet ad oculum; atque hæc quantum attinet ad ipsam impensam. Quod verò attinet ad differentiam inter expressam & tacitam hypothecam, sicuti in hac parte, ita in cæteris iuris partibus passim video discrimina & differentias huiusmodi inter expressas & tacitas hypothecas labefactari, & à doctis longius propelli & eiici; quod nunc non prosequor, vbicumque enim ius hypothecam subiicit, quam nos tacitam vocamus nostro nomine; video eidem omne ius omnem prærogatiuam concedere, sed vtcumque sit, licèt hæc difficultas docto & egregiè erudito nullum negotium faceret, omnibus tamen, quod ait Paulus, faciendum est. Igitur Antonius de Fano *de pignorb. & hypoib. 5. part. membro 2. num. 28.* hoc ipsum attingit, qui tamen recitat opinionem Bart. *in l. 1. ff. solut. matrimon. 4. oppositione*, qui tenet quod huiusmodi impensæ præfertur doti; quod sequitur Angel. de Aret. *Instit. de leg. Falcid. §. fin. in 2. notabili*: quorum assertio eò extenditur, vt quatenus de dote loquuntur, intelligamus huiusmodi prælationem in hypotheca tacita. Ex altera autem parte ponderat dictum Bald. *in tractat. de dote, in 2. parte, 6. limitat.* qui tenet & admittit distinctionem & separationem inter expressam & tacitam hypothecam; & in hac opinione Antonius de Fano conquiescit, vt scilicet præferatur funeris impensæ (nos de necessaria intelligimus, nam de alia nulla dubitatio iusta esse, potest,) tacitæ hypothecæ, non verò expressæ. Denique vult post Baldum, vt mulier quæ instrumentum publicum habeat receptæ dotis cum hypotheca dotis, hoc est, obligatione bonorum ad solutionem dotis, consequatur dotem integram, insepulto, & inhumato viro, nihilque de dote amittat ob sepulturam viri necessariam, etiamsi maritus inhumatus remaneat. Quæ quidem opinio etiamsi nihil aliud pro se haberet, satis ex ipsa facti spe-

cie dura & inhumana videri poterat. Quid enim est quod vir vxorem pauperem ex suo funeret, *ex dict. l. quod si nulla, ff. de relig. & sumptibus*, ibi : *Quod si nec heredes habeat ; nec pater soluendo sit , maritum in quantum facere potest , pro hoc conueniri , ne iniuria eius videatur , quondam vxorem eius insepultam relinqui : quia ex dignitate mariti sit , vxorem eius insepultam minimè relinqui ; at verò mulieri prærogatiua sit excogitanda , qua dotem consequatur insepulto viro & inhumato ?* Illa tamen distinctio inter hypothecam expressam & tacitam minimè iure probatur , *l. fin. §. in computatione , Cod. de iure deliberand. l. impensa , ff. de relig. & sumptib.* vbi Mærianus inquit : *Impensa funeris semper ex hereditate deducitur , quæ etiam omne creditum solet precedere , cum bona soluendo non sunt : ponderando verbum Omne , & verbum Semper. Nihil enim excludunt , l. à procuratore , C. mandati , cap. si Romanorum , 19. distinct.* Immo cum dos præcedat tacitam hypothecam , vt in *l. at si quis , §. 1. ff. de relig. & sumpt. fun.* vbi, *si colonus*, inquit Vlpianus , *vel inquilinus sit is , qui mortuus est , nec sit vnde funeretur , ex inuestis & illatis eum funerandum Pomponius scribit ; & si quid superfluum remanserit , hoc pro debita pensione teneri ;* necessariò intelligendum est expressæ quoque hypothecæ esse præferendam. Cum enim Imperatores tacitas hypothecas inuenerunt , id effecerunt , vt legibus subueniretur , quemadmodum sibi quisque aditis & consultis doctis & peritis

25 in iure subuenire expressè posset ; omninoque tacitas hypothecas expressis similes esse voluerunt : probat mihi textus elegans & expressus in *l. una , §. & plenius , C. de rei uxoria actione*, ibi : *Sicut enim stipulationes & hypotheca inesse dotibus intelliguntur , & inutiles stipulationes emendantur ; sic & in posterum causa inueniatur valida & perfecta , quasi omnibus dotalibus instrumentis à prudentissimis viris confectis.* Quod quidem Imperator vniuersum esse voluit in omni tacita hypotheca de lege inducta in eo §. & vt plenius , ibi , *quemadmodum in administratione pupillarum rerum , & in aliis multis iuris articulis. Facit lex pro officio , Cod. de administratione tutor.* ibi : *Bona tanquam titulo pignoris obligata.* Vbi quemadmodum si ipse tutor expressè obligasset bona sua pro administratione tutelæ , ita lex ipsa obligat. Habes plura iura per totum Codicem in quibus causis tacit. pignus vel hypothec. contrahat. Elegans textus ad hoc in *l. 1. Cod. communia de legatis*, quæ ad prosecutionem legati hypothecariam concedens , ita ait : *Cum enim iam hoc iure nostro increbuit licere testatori hypothecam rerum suarum in testamento quibus voluerit dare ; non abs re etiam nos in presenti casu hypothecariam donare actionem , quæ etiam nullo verbo præcedenti possit ab ipsa lege indulgeri.* Et infra in eadē lege , per totam. Cum igitur in hoc expressis hypothecis per omnia exæquata sint tacitæ , cessat Baldi & Antonij de Fano consideratio illa , quæ in tacita & expressa eadem in hoc consideratio est.

- 26 Adde in hac materia , quod is qui publicè hospitatur , vocamus nos nostro nomine *Mesoneros*, si in hospitis emortui funus fecerit impensas , vel in infirmitate , non tenetur restituere bona hospitis emortui , nisi refulis expensis morbi & funeris. Ita Paulus de Castro in *l. in restituenda , Cod. de petitione hered.* & ante eum Bald. & Bartol. & tenent Paulus & Bald. ibidem , quod non præsumamus sumptus huiusmodi factos ab ipso stabulario ; quia in hoc nulla præsumptio iuris est , contra Barr. qui in hoc & aliis id genus negotiis præsumptio



præsumptionem excogitauit, de qua Iason *in l. cum seruus, ff. de verborum oblig. num. 4.* & Alex. Ang. & Franciscus de Aretio ibi: existimebat enim Bartol. quod vbi factum requirit sumptum, præsumatur factum ab illo qui suis expensis facere tenebatur; per textum *in l. fin. C. de alimentis præstandis*. Vnde infert Bartol. quod si testator mandauit sibi fieri sepulchrum, & reperiatur factum, quod præsumemus factum ab eo qui facere tenebatur, per textum *in dict. l. fin.* quod quidem benè ipse Iason explicat, vt quod attinet ad hos sumptus recuperandos, nihil præsumamus, cum agatur de obligatione inferenda & inducenda; sed is recuperare sumptus voluerit, probare tenetur illos à se factos esse, quod probauit ex Paulo, & Baldo *in dict. l. in restituenda*. Idem probabit ille à quo hæreditas restituitur, ex Bart. Paulo & Baldo, secundum hanc magis veram opinionem *in dict. l. in restituenda*; iuris enim præsumptiones non sunt cumulandæ, nec aliæ admittendæ, quàm quas ius ipsum inducit; præsumuntur enim ea quæ ius voluit præsumi; id est, quia ius antequam aliquid constet, absque aliis probationibus, habet aliquid pro vero, ex præpositione, *pra.* & verbo *sumo*. Ita Alcuius in principio de præsumptionibus: vnde qui sine iure præsumit, præsumptuose agit, temerariè & superbè, glossa *in §. sic itaque, in authentico de nuptiis*: glossa & Felinus *in c. Iudai, de testibus*, cum ibi adductis. Vnde in hoc casu vbi agitur de sumptibus recuperandis, nulla est inducta à iure præsumptio; ac proinde sunt ab eo qui se fecisse sumptus asseruat probandi. Nec quicquam facit lex finalis, *C. de alimentis pupillo præstandis*, quia ibi fortasse contra Bartol. nulla præsumptio est. Verè enim tutor ibi non excusatur approbatione, etiamsi contraria requiratur à pupillo: & si qua est, quam ego nullam esse arbitror in casu dictæ legis finalis, alia adhuc ratio est tutoris, & stabularij. Tutor enim alere tenetur pupillum, quem domi in potestate habet; stabularius non item. Vnde quia à principio inest tutori obligatio alendi pupillum, quem domi suæ secum habet ad hoc ipsum vt eum alia, merito cum pupillus reperiatur adultus, & domi tutoris alitus, præsumit ius ab eo alimenta præstita, nisi pupillus aliunde se alitum ostendat, cum ex necessitate tutor teneatur alere: ita intelligit Paulus, & post eum reliqui *in dict. l. cum seruus, ff. de verb. oblig.* in quo Bart. doctrina saluari poterit; quem tamen indistinctè Iason reprehendit vbi suprâ.

Quod attinet ad vxorem viduam alia traditio est, si quidem eidem dandæ sint vestes lugubres, necne. Quod quidem faciendum existimabit glossa *in l. 4. titul. 11. part. 4.* præter alios, de quibus inferiùs: & vetus illa glossa ex eo id colligebat, quia cum mulier vidua alimentanda esset, pronum quoque erat eandem induere lugubri illo vestimento funeri s, ex ratione legis *verbo victus, ff. de verb. significat.* Illa tamen quæstio etiamsi leuiter attingatur à nonioribus interpretibus legum Taurinarum, altiùs tamen inuestiganda est, & multa in eam incidunt maximè controuersa inter viros egregiè. Siquidem iam inde repetenda est ab illa verissima opinione contra communem & receptam sententiam, quâ receptum est communiter hæredes mariti sicuti ipsum maritum lucrari fructus rerum mobilium toto tempore annuæ dilationis, quæ datur marito, ad mobilia restituenda: quam communem opinionem cum glossa *in*

- l. una, §. exactio versio. restituendis, C. de rei uxoria action.* Bartol. & communis Schola tenet in *l. diuortio, ff. soluto matrimo.* Vbi expressè Paulus, Alexand. & Iason hanc receptissimam esse dicunt : idem Zazius communem dicit *lib. 2. singul. responsum cap. 3. num. 1.* Idem Couarr. in *par. 2. cap. 3. §. 9. numero 9.* notissimum enim est iuris illud principium, dotem restituendam esse vxori relictæ, immobilia quidem cum fructibus illicò, at verò mobilia intra annum, *dict. §. exactio, & l. penultima, tit. de las dotes, part. 4.* Tenet igitur communis opinio, quod intra annuam illam dilationem hæredes viri omninò lucrentur fructus rerum mobilium : quæ quidem communis iam olim Paulo de Castro, & post eum Alexandro suspecta fuit ; tandem Zazius eam refutat apertè, & fortissimè ; cùm immobilia statim cum fructibus restitui iubeantur, nec bona ratio diuersitatis reperiri possit ; vtcumque enim à principio dos fuit in vtroque, ideo par viro & vxori ius est soluto matrimonio. Tum quia verissimum est soluto matrimonio dotem datam vxori, quæ tradita est viro, ad vxorem ipso iure reuerti, ita vt statim singulari iuris beneficio sublato è medio viri impedimento, dotis domina fiat, siue dos in rebus immobilibus, siue mobilibus consistat, *l. in rebus, C. de iure dot. l. fin. C. soluto matrimonio.* Bald. in *l. dotis actione, C. solut. matrim.* Cùm igitur dos pleno iure reuertatur ad vxorem, dilatio illa annua ius circa fructus extinguere non videtur. Ex eo enim tempore hæredes mariti verè rem alienam possident, quam sciunt ad se iam non pertinere, & omninò restituendam ; fructus igitur non facient suos, *l. bona fidei emptor, ff. de acquirend. rerum domin.* Facit textus in *l. diuortio, §. non solum, ff. solut. matrimonio*, vnde fructus fundi, & rei mobilis æquiparantur. Verba eius apponuntur, quia de illo textu dicit Zazius, quod mortalis anima sine diuinatione vel suppletionem respondere nunquam poterit. *Non solum*, inquit Papianus, *de fundo, sed etiam de pecore idem dicemus, ut lana onium fœtusque pecorum præstetur; quare enim si maritus prope partum oves doti acceperit, item proximas consue; post partum & consas oves protinus diuortio factò nihil reddatur: nam hic fructuum toto tempore quo curantur, non quo percipiuntur rationem accipere debemus.* Hactenus Papianus, qui textus est apertissimus.
- Item illa rationem, vt vir fructus dotis lucretur, necessum est intelligere, vel quia dominus est rei dotalis, ad quem iure dominij fructus pertinere dignoscuntur, *l. doce ancillam, C. de rei vindicat. iuncta l. bona fidei emptor, ff. de acquir. rerum dominio*; vel quia onera sustinet matrimonij, *l. pro oneribus, ff. de iure dotum.* Solutum autem matrimonio, nec dominus est, nec item onera sustinet matrimonij; cur igitur fructus rerum mobilium consequetur? Facit textus *l. 1. §. Itaque, C. de rei uxoria actione*; qui textus est apertus, verba autem eius hæc sunt : *Fœtus autem iumentorum, omniæque quæ fructuum nomine continentur, ad lucrum mariti petrineant pro tempore matrimonij, siue æstimata sint, siue non: sed & nouissimi anni, in quo matrimonium soluitur, fructus pro rata temporis portione* : qui textus bene facit pro Zazio, contra communem, quatenus de fœtu iumentorum agit ; sed fortius pro opinione Antonij Gomezij, de qua infra agendum est, ibi, *omniæque quæ fructuum nomine continentur.* Ecce igitur pro Zazio quomodo fructus mobilium pro portione anni diuidantur : nec retenta hac opinione tollitur



tollitur vtilitas annuæ dilationis ; proderit enim annua dilatio hæredibus mariti , ne ad solutionem præcipitentur ; conceditur enim viro ob humanitatem istiusmodi annua dilatio. Interim tamen vir , dum mobilia non auferuntur , eodem commoditatibus utetur , nempe ad pompam , luxum , honorem , & ornamentum domus ; quæ commoditas agnita est Iureconsultis in *l. sed mihi , in fin. cum l. seq. l. si ut certo , §. si de me , ff. commodari. Non potest commodari* , inquit Vlpianus , *id quod usu consumitur , nisi forte ad pompam vel ostentationem quis accipiat* : & Gaius : *Sapè , inquit , ad hoc commodantur pecunia , ut dicis gratia numerationis loco intercedant*. Ex qua ratione , quòd intra annuam dilationem mobilia ad honorem & pompam , quorum hæc commoditas est , marito esse poterunt , cessat obiectio illa. Tum etiam quia dilatio annua euitat properam & præcipitem solutionem , qua maritus aliàs grauari poterat ; & in hunc sensum accipit Zazius legem *si constante , §. quoties , ff. solut. matrim.* vt verbum illud *commodo* , de quo ibi , hoc importet : idem in *l. si cum mulier , §. rerum , ff. de actione rer. amotar.* vt quidem maritus habeat commodum hoc rerum mobilium , non verò fructus. Tum etiam *ad dict. §. quoties* , distinguit inter tempus certum , de quo ibi ; & tempus legitimum , quasi dicat ibi ex conuentione contrahentium fuisse tempus certum & constitutum , non verò legitimum à lege positum ; ad quod certum tempus dos restitueretur , quo casu ex voluntate contrahentium toto illo certo tempore maritus fructus lucratus est. Pro qua contra communem opinionem ponderatur textus in *dict. l. i. §. ex actio , C. de rei uxoria actione* , ibi : *Fructibus videlicet immobilium rerum parti mulieris ex tempore dissoluti matrimonij præstandis , similique modo pensionibus , vel vecturis nauium sine iumentorum , vel operis seruorum , vel quasi ciuiliam annonarum , & aliis , quæ sunt eis similia , parti mulieris restituendis*. Pondera verba illa , *ex tempore dissoluti matrimonij* ; & verba illa , *vel vecturis nauium , sine iumentorum* , ex quibus intelligere facile est , fructus mobilium , quales vectura nauium , & iumentorum , parti mulieris restituendos à tempore soluti matrimonij ; nec dependet versiculus ille ex superiore , vbi de mora Imperator agit , sed separatim legendus est versiculus , ex sententia Zazij , contra Iasonem qui dicebat versiculum illum , *Fructibus videlicet* appendicem esse ex versiculo superiori , *sin autem* , vbi de mora Imperator egerat , vt differente viro post annum rerum mobilium restitutionem , ex mora fructus debeantur , ex qua contra receptam veteribus sententiam fructus mobilium non pertinent ad virum , nec ad hæredes viri , sed ad vxorem viduam à tempore soluti matrimonij ; cum enim maritus ex hac opinione lucretur , ad vxorem pertinere debent : & hæc vtilia sunt ad legem penultimam , *titul. de las dotes , partit. 4.*

Et quauis Zazius fortissimè argumentetur contra communem , tamen nec Zazius indistinctè , nec vetus & recepta sententia verum attigère. Meliusque Hispanus Antonius Gomezius , etiamsi difficultatem non attigerit , mediam viam , eamque iuridicam constituit in *l. §. i. Tauri , num. 47.* vt scilicet , nec hæredes , aut vir lucrentur fructus mobilium cum communi , nec omnino restituant Zazio , Paulo , & Alex. sed ita temperetur res sicuti ab Imperatore temperatum est , in *d. l. i. §. fructibus C. de rei uxor. actione* , vbi imperator constituit apertè , quod si dos constituatur in rebus mobilibus , quæ fructuosæ sint , vt in iumentis ,

iumentis, nauibus, & aliis his similibus re ipsa fructuosis, huiusmodi res mobiles restituantur post dilationem cum fructibus, scilicet, vecturis, & iumentis enatis; sin verò res suâ naturâ fructuosæ non sint, vt serui, & pecuniæ, tunc quidem res duntaxat veniat in restitutione; quod respectu pecuniæ, quæ fructuosa non est de sui natura, & interim ampliores redditus habet quàm fructuosæ res, vtilissimus est; Toto enim anno vsuras pecuniæ lege permissas, vel quæstum retinet, pecuniâ duntaxat numeratâ & solutâ post dilationem: pro hac faciunt verba illa *in dict. §. fructibus. Fructibus videlicet immobilium rerum parti mulieris ex tempore dissoluti matrimonij præstandis, similique modo pensionibus, vel vecturis narium, siue iumentorum, vel operis seruorum, vel quæstu ciuiliu, annonarum, & aliis quæ sunt eis similia parti mulieris restituendis.* Hæc Imperator, vbi verba illa & aliis quæ sunt eis similia, non sunt otiosè posita ab Imperatore; posset enim vnico verbo dicere, & aliis mobilibus, quod non est dictum, vt de mobilibus fructuosis intelligeretur: & vtræque Antonius Gomez noster, & Zazius intelligunt versiculum illum, *fructibus videlicet*, non dependere ex versiculo anteriori, vbi de mora actum erat, contra Iasonem; & benè & ita asserit tenere Bartolum & Doctores suo more *in d. l. si constante, §. quoties, ff. soluto matrimonio. num. 9.* & Alexand. post alios *in l. diuortio eod.* Hæc pro veritate eius disputationis cumulata nobis sunt cùm autem tres opiniones in hoc sint, iuxta vnâquâmque in nostra quæstione variè respondendum est, ex opinione Zazij, Pauli, & Alexand. consequenter tenendum est contra communem opinionem *in dict. l. diuortio ff. solut. matrim.* de qua communi idem Bart. Paulus, Alexand. & Iason, quod hæredes mariti non tenentur toto illo anno dilationis vxorem viduam alere; quæ quidem nova assertio ex anteriori pender, quia si vxor vidua integrè bona omnia sua consequitur cum fructibus & vsuris, qui fieri potest, vt alimenta habeat, cùm hæc ipsa debeantur ratione dotis, quam integrè consequitur. Porro ipsa, vel ex fructibus rerum soli, quæ statim restituntur, aletur; vel si totam dotem res mobilis fecerit, quam ipsa habere non potest propter annuam dilationem, implorare officium iudicis poterit, vt maritus, vel hæredes, qui post annum ad fructus tenentur, anticipata aliqua solutione propter necessitatem tantum ei fructum præstet, quantum ad alimenta necessum sit, quod obtinebit ex regula *Quod tibi non nocet, & alteri prodest, inuitus teneris vt facias: l. 2. §. item Varus, ff. de aqua plu. arcen.* & quia subest necessitas alimentorum, ita tenet Zazius *vbi supra.*

36 Vnde consequenter ad nostram quæstionem quam tractamus, retenta hac opinione, quoniam vidua integram dotem habitura est cum vsuris & fructibus, seclusa consuetudine dicendum est vestes lugubres in funere habituram de suo vxorem, nec enim aliter intelligi potest; cùm enim iam separatum matrimonium sit, diuisioque facta patrimoniorum, quisque de suo incipit viuere & ali, atque aded vestiri, *d. l. diuortio, l. de diuisione, ff. solut. matrimon.* ita vt ex hac opinione glossa vetus *in dict. l. 4. titul. 11. part. 4.* sustineri non possit.

37 Sustinebitur autem ad nostram quæstionem, quam tractamus, retenta etiam opinione Zazij, vbi vxor alenda sit, vel quia non habet vnde se alat intra annum



num præter mobilia; quo casu alenda est ab hæredibus viri, penes quos est dos toto anno, quo casu postea hæc ipsa alimenta reputabit cum fructibus mobilium restituendorum, vel cum ipsis rebus mobilibus: ac tum quidem cum sic alitur vxor iuxta hanc opinionem, vestes quoque lugubres habebit quas reputabit postea; namque hæc vestimenta, verbo victus continentur: siue autem alatur retenta communi opinione interim dum mobilia dotis non restituuntur, cum ipsa aliunde ali non possit, quo casu alenda est, iuxta communem glossam in *l. diuortio*, in *principio*, ff. *solut. matrimon.* communiter receptam, glossa, Bart. & communis in *dict. §. exactio*, quam latè explicat Alexand. in *dict. l. diuortio*, Cynus & alij in *l. fin. Cod. de bonis mat.* hoc quoque casu cum alimentis vestes lugubres habebit ex ratione legis verbo *victus*, ff. *de verb. signific.* nec quicquam postea reputabit, retenta communi opinione, quia iuxta eam fructus mobilium habitura non est: quod si opinionem illam Gomezij teneas, quæ tenenda videtur, si in pecunia dos sit, aletur vxor, & per consequens vestes lugubres præstabuntur: si verò consistat dos in rebus de sui natura fructuosas, itidem vestes & alimenta præstabuntur, ipsa autem receptis rebus mobilibus cum fructibus, alimenta, & vestes reputabit: & cum dicitur teneri hæredes dare vestes lugubres vxori viduæ, quod asserit glossa & Ioan. de Imol. in *l. si ex re*, §. *illud quasi sum*, ff. *de stipul. seruorum*, Angelus in *§. fuerat*, *Instit. de actionibus*, Bartol. Bald. Angel. Innocentius, & Ancharan. quos refert & sequitur Ioannes Lupus de Palacios Rab. in *repetit. rub. de donationibus inter virum & uxorem*, §. 10. num. 8. glossa vetus in *d. l. 4. tit. 11. part. 4.* & glossa in *l. 6. tit. 6. lib. 3. fori leg.* illud quidem intelligendum est iuxta præmissa, aliàs confusè admodum tractabitur quæstio, & vaga illa & vniuersa assertio iniquitatem continebit.

Vnde intelligi potest id quod ait Alexand. in *l. is qui quadringenta*, §. *fin.* ff. *ad legem Falcidiam*, ad finem, vt si hæredes vestes has viduæ dederint, ad quod minimè tenerentur, quod donasse videri poterunt quia vestes viles & parui momenti sunt; quo casu maritus videtur donasse, ex his quæ in vestibus quotidianis notat Ioannes Lupus de Palac. Rubios in *rubrica* §. 11. in *principio*, & latiùs glossa in *dict. l. 6. tit. 6. lib. 3. fori leg.* Hæc enim conclusio iuxta præcedentia difficilis est, namque retenta opinione Pauli, & Alexand. & Zazij, vel veriori Antonij Gomezij, intra annum hæredes viri omnium mobilium, vel saltem fructuosorum nihil tenerentur dare: si tamen viduæ vestes dederint viduales: nihil aliud habenti quam mobilia fructuosa, vel infructuosa, iuxta has duas opiniones postea in exactione rerum dotalium cum fructibus reputabuntur. Illa enim præsumpta donatio vestium quotidianarum in viro singularem considerationem habet, eaque est vera, quia re vera huiusmodi vestes viles & quotidianæ alimentorum sapiunt naturam, quas mulier ex hac causa tanquam alimentorum iure irrevocabili consequitur, magis quam donationis aliquâ præsumptâ voluntate, quæ rarè, aut nunquam in marito præsumitur: in hæredibus viri cessat ista ratio alendi; cum dissolutio matrimonij diuisionem fecerit patrimoniorum; cessatque charitas coniugalis: denique ex suo quisque viuut dissoluta societate, quæ morte viri extincta est.

39 Si verò indistinctè consuetudine receptum sit, quod mulieri dentur vestes viduales, consuetudo seruanda est, quæ in hoc plurimum potest, ex dicta glossa in dict. l. 4. tit. 11. part. 4. Vitalis in tract. clausular. claus. penult. Campegius de dote 2. part. quæst. 56. Palac. Rub. dict. §. 11. num. 7. singularis est declaratio ad decisionem Campegij 26. qui restringit probationem huiusmodi consuetudinis; verè enim mulier probauit in hoc casu hanc ex omni parte consuetudinem.

40 Immo etiam si vigore consuetudinis hæredes huiusmodi vestes teneantur præstare, quas mulier lucratur ex consuetudine; si tamen intra annum luctus nubat, reddere tenetur hæredibus, Ioan. Lup. de Palac. Rub. dict. §. 10. num. 8. Campegius ubi supra, Alex. in d. l. is qui quadringenta, §. fin. in fin. Ioan. de Garrob. rubr. C. de secundis nupt. n. 43. pœna 18. Couarr. in 4. part. 2. cap. 3. num. 10.

41 Rursum ex eo capite descendit quod mulier ex l. 5. tit. 6. lib. 3. fori leg. lectulum quoque vxoribus donationis quodam præsumpto titulo consequetur, in quo ipsa & vir cubuissent; quæ lex consuetudinem quoque desiderat receptam, & absque ea admittenda non est. Neque intelligas cum Ioanne Lup. de Palac. Rub. eam legem de lectulo, in quo vxor seorsum cubabat; ita enim ille accipit, contra verba expressa eius legis ibi: *El lecho que auien quotidiano fin. que al viuo*. Lex enim de eo intelligit in quo ambo dormiebant. Et ita intellexit & bene glossa ibi, *si verò lectulum à viro legatum sit vxori vidua, an extendatur ad lectulum preciosum & stramenta serica?* glossa in dict. l. 5. tenet cum Baldo in l. voluntas, Cod. de fideicommiss. Ang. in l. planum, §. equitium, ff. de usu & habit. quod tale legatum intelligatur de eo lectulo quod conuenit viduæ lugubri, tristi & luctuosæ; non autem de lectulo qui magis deceret sponfam quàm viduam; quod tenet contra Bartol. in l. librorum, §. fin. ff. de legat. 3. sed Palacios Rub. meliùs componit hanc quæstionem dict. §. 11. num. 9. scilicet, quòd hoc relinquatur iudicis arbitrio: quod quidem arbitrium versabitur in circumspectione qualitatis viri emortui, & viduæ superstitis, inque patrimonio, & eiusdem facultate: ex eo enim iudicabitur lectulus pretiosus, aut vilis, & stramenta item.

42 Hactenus diximus de impensis funeris, quid eo nomine contineatur, quæque vestes habitura sit vxor, quæ summa in funere, quæ quantitas in sepulchro, tum legibus, tum moribus: si verò ipsa vxor mortua sit, vetus Iureconsultorum quæstio est, ad quem pertineat funeris sumptus? in quo nostri quoque variarunt, siquidem Bald. in l. quod in uxorem, Cod. de negotiis gestis, & alij ipsum secuti ibi, ex dote funerandam esse aiunt. Franciscus de Aretio aliud arbitratur ibidem, quorum perplexitas periculosa est inquirentibus veritatem, non ei qui id duntaxat inquit, quod vtile cuiquam est. Adeoque apertè in hoc Iureconsulti locuti sunt, vt nec vberius nec expeditius quicquam tradi possit, Doctores nostri hoc attingere, sed meliùs Iureconsulti, & in primis Vlpianus regulam tradit, scilicet, mulieres de dotibus suis esse funerandas, ac id onus funeris ad eum censet pertinere, qui dotem vel iuris beneficio, vel pacto, vel consuetudine lucratur, l. in eum, ff. de religiof. & sumptib. funer. In eum, inquit Vlpianus, ad quem dotis nomine quid peruenit, dat Prætor funerariam actionem: *aquissimum enim visum est veteribus, mulieres quasi*  
de



de patrimoniis suis, ita de dotibus funerari, & eum qui morte mulieris dotem lucratur in funus conferre debere, siue pater mulieris sit, siue maritus. Hæc Vlpianus, cuius responso nihil est clarius, siquidem, vt Iulianus ait, impensa funeris æs alienum dotis est, *l. impensa, ff. de relig. & sumptib. funer.* ideoque Vlpianus inquit, *dos sentire hoc æs alienum debet, l. ideoque, ff. eod.* quod magistratè tractat, vt solet omnia Papinianus, dicens actionem funerariæ impensæ rectâ viâ dirigi in eum penes quem dos sit, etiamsi ex postfacto restituenda sit ab eodem; ita tamen vt is qui restituit, *l. sed si nondum, ff. eod.* Sed si nondum, inquit, *pater dotem recuperauit, vir solum conuenietur reputaturus patri, quod eo nomine præstiterit.* Ex quo iure, quod apertissimum est, ad funus & funeris sumptus cogendus & conueniendus est is penes quem dos est, etiamsi ipse restitutus sit, quipostea in restitutione reputauit huiusmodi sumptus; nec de hac re clarius quicquam tradi potest, quàm Iureconsulti tradunt, quibuscum si ex iure ageremus, nihil Bartoli, nihil Iasonis, nihil aliorum labore indigeremus; sed ita malo quodam fato animati sumus, vt priùs ad alphabetarias tabellas oculos coniciamus, quàm ad Iureconsultorum responsa manus admo-ueantur. Tum demùm ad Iureconsultos imus, cùm perditæ & desperatæ res nostræ sunt, ex quo perplexitas, obscuritas, & quædam veluti cæcitas mentem obnubilat, & plusquam cymeriis tenebris obscurat. Quodque vno verbo à Iureconsultis accipimus, ab Interpretibus vix numerosis voluminibus per- uolutis extorquemus; non tamen abhorremus iuris Interpretes, hoc enim nomine abhorrendi essent ipsimet Iureconsulti; nec reiiciendos esse arbitramur, quod faciunt iniquè plures nostra ætate: eorum autoritatem in rebus dubiis & obscuris inquirendam censemus; cordatè tamen & in omni quæstione, quæ proponatur, eundem potius ad fontes esse, quàm istos riuulos sectandos rectius semper duxi, ac vtinam apud nos in instituenda iuuentute Iureconsulti in eo duntaxat totos dies, notasque noctes nobis contererent, nihil aliud sæpè nobis audientibus toto mense; nisi numerosa Doctorum multitudo referatur, qui membranas totas implent: postremò cùm iuris scientissimi videri poteramus, præter meras nugas nihil aliud domum reuersi afferimus; dira quidem ingenio Hispano lues, & virus pestilentissimum, quod vtinam vt sapius prohibetur, semel seuerè extingatur.

Papinianus igitur eum, penes quem dos est, cogendum censet ad funus, qui in restitutione reputabit quod expenderit, contra Bartol. in *l. qui erant hæredes, ff. famil. erciscund.* qui num. 2. ait officio iudicis compelli posse eum qui succedit in hæreditate, testatorem sepelire, *ex dict. l. qui erat*, quod quidem vniuersim intelligi non potest, sed ex Papiniano ita demùm, si is qui succedit, bona habeat, licèt ex fideicommissò, aut ex alia causa restitutus sit, quia in ipsa restitutione reputabit; & ita intelligitur dicta lex *qui erat*, & patet in textu, quia ille qui compulsus fuit officio iudicis suum testatorem sepelire, bona testatoris possidebat; seruum enim vendidit hæreditarium, quem habebat, vt patet in *dict. l. qui erat*; & Vlpianus dictum Papiniani extendit, vt maritus qui dotem adhuc tenet, sit conueniendus de sumptibus funeris, vt habeat locum, etiamsi appositum sit pactum, vt maritus partem dotis lucretur, & minimè de totis illa parte in aliquo impensa funeris

sufficiat; ut adhuc non obstante pacto illo, vtiliter conueniri possit, & compelli ad funus, & pro expensis funeris, quia is maritus qui soluit, potest postea in restitutione dotis reputare id quod iuste soluerit nomine impensæ funerariæ, *l. Neratius, ff. eod. ibi: Si verò alius funeravit, posse eum maritum conuenire. Quod si maritus totam dotem lucretur de sumptibus, conuenietur in solidum, non verò pater vxoris emortuæ, dict. l. Neratius, §. si maritus, ff. eod.*

- 46 Rursum alia species prodita est à Iureconsultis, & eleganter tradita, quæ vtilitatem continet: si maritus dotem lucretur, præter dotem autem mulier opulentam hæreditatem reliquerit *παράκλησις* nempe, pro rata dotis, & hæreditatis mulieris fiet sumptus funeris, *l. Celsus, ff. eod.* ita pro rata conferre maritum, & hæredem oportet in funus emortuæ, aliàs si nulla dos est mulieri quæ indotata traducta sit, tum quidem omnem impensam pater præstat, aut eius hæres, etiamsi nulla bona sint; quia nomen hoc *hæreditas*, iuris nomen est & iuris interpretationem recipit; at verò si nec pater solvendo sit expensas funeris, nec ipsa hæredes habeat, vel quia hæredes non scripserit, vel quia scripti hæredes nomen illud cum hæreditate repudient, maritus in quantum facere poterit, ad funus compelli, & pro expensis funeris conueniri poterit, ne iniuriâ eius videatur quondam vxor inhumata, & insepulta relinqui impiè, & contra vxorias leges, *l. quod si nulla, ff. eod.* cuius verba elegantia sunt:
- 47 *Quod si nulla*, inquit Papinianus, *sit dos, tum omnem impensam patrem præstare debere, Attilicinus ait, aut hæredes eius mulieris, putà emancipata, quod si neque hæredes habeat, neque pater soluendo sit, maritum in quantum facere potest, pro hoc conueniri, ne iniuriâ eius videatur, quondam vxorem eius insepultam relinqui.* Contra vero si pater impensam huiusmodi fecerit, & vir dotem lucretur, ex dote impensas reputabit, *l. contra, ff. eod. ibi: Collatueros hæredes, bonorumque possessores, & patrem proportionem dotis quam lucretur est: quæ sunt plurimum notanda ad l. cum in fundo, ff. de iure dorum*, vbi Tryphonius Iureconsultus ex hoc iuris principio, scilicet, quod impensa funeris sequatur eum qui dotem mulieris lucretur, infert ad eam quæstionem, in qua fingimus, quod mulier in fundo mariti habeat vsumfructum, quem doris nomine viro suo dedit: mortua vxore, cum vir toto tempore matrimonij vsumfructum iure dotali percepisset, iure quodam consolidationis morte vsumfructuæ vxoris pleno iure fundum habere cœpit; quæsitum est, an quia iuris quondam beneficio dos, nempe vsumfructus, ad virum pervenisset, is ad impensas funeris teneretur? & respondet Tryphonius, non teneri eum, quia nihil nomine dotis lucratus est vir. Illa enim consolidatio aliàs facienda erat morte ipsius mulieris vsumfructuariæ, etiamsi vir eam mulierem nunquam duxisset, Verba ipsius sunt, *Quod si in matrimonio discessit vxor, nihil emolumentum ob dotem habere videtur maritus: quia & si vxorem eam non duxisset, tamen fructuaria morte finitus vsumfructus ad proprietatem rediret, ideoque neque in funus conferret mulieris.* hæc Tryphonius; quæ decisio alia quoque elegantia decedit, quorum inferius, cum de computatione meliorationum & fructuum egerimus in materia de fructibus computandis cum meliorationibus, agendum nobis est. Adducitur enim dicta lex *in fundo*, ad eam quæstionem, quam primus & solus attigit Dominus Franciscus Sarmiento *lib. 3. Selectarum interpret. cap. 10.* an maritus solu-



to matrimonio teneatur restituere annuos redditus, quos constante matrimonio, percepit, quando dos in annuis redditibus constituta est? In qua quaestione dicta lex *in fundo* egregia est, & facit ad nostram tractationem; & est in proposita quaestione elegans textus in *l. filiofam. togar. ff. de in rem verso*, ibi: *Funus enim filij as alienum patris est.*

Quod quidem sanè intelligendum est secundum ea quæ superiùs diximus, ut scilicet tum demum pater teneatur si ad ipsum bona filij pertinuerint, ex supra adductis, quod si pars bonorum patri cedat, pro parte funeris impensas erogat bit & æs alienum, est enim funus ex his quæ diximus. Ex quibus omnibus est declaratio ad *l. quod in uxorem, Cod. de neg. gest.* in secunda parte, vbi de funeris impensa erogata in uxorem à marito Imperator rogatus, respondet ad eam teneri patrem, quia ad eum dos peruenit, ibi *In funus sanè eius si quid eo nomine quasi recepturus erogasti, patrem ad quem dos redit iure conuenis.* Vbi Baldus expressè post Bart. & reliquos id tenet, neque quicquam facit ibi verbum quasi, ex traditis Iureconsultorum regulis, quibus definitum est, quemque de suo sepeliendum, atque ea iuris regula est, nisi alius probet apertam voluntatem huiusmodi expensas remittentis. Rarè enim præsumimus huiusmodi donationes ex his quæ sæpius diximus: ex quibus hodie is ad quem pertinuerit dos vxoris, funus efficit, immò si ad plures, omnes pro rata tenebuntur, & proportionibus, *dict. l. Cessus, dict. l. veluti, ff. eod.*

Ex quo, si vxor patrem habeat hodie, & iuris nostri Hispani dispositione marito tertiam bonorum partem relinquat, quod potest *l. 6. Tauri*, secundum iuris dispositionem ad vtrumq; funeris impensa pro rata bonorum pertinebit; pater duas partes, maritus tertiam præstabit ad funus, quia verè in hoc casu, si quis cordatè nostra iura expenderit, nihil contra ius antiquum dispositum reperiet; cùm enim de quinta parte, quam parentes extraneis beneficio iuris nostri relinquere possunt, sepeliendum parentem iura nostra constituerint, *l. 30. Tauri*, tamen de tertio, quod filius, vel pie, vel profanè relinquere potest, & parentibus arripere, nihil tale constitutum est, vnde recurrendum est ad iuris dispositionem Cæsarei, ut pro portionibus teneantur qui vxoris bona lucrantur. Lex enim Hispana, qua ratione vberius consuluit filio ut tertium relinqueret; parcus parenti, ut non nisi quintum; ea ratione quoque ex quinto funus deduci voluit, ex tertio non item: quæ ratio desumenda est ex *l. scripto, ff. unde liberi*, & *l. nam & si parentibus, ff. de inoffic. testam.* & quamvis doctissimus Covarr. in *cap. Raynaldus, num. 2. ad medium*, §. 3. & Tellius in *l. 30. Tauri, num. 6.* de tertio dicant deducendum funus, sicuti de quinto; id tamen obiter aliud agendo, difficultate prætermissa dixerunt, quos non dubito in contrariam sententiam ituros, si paulò-morati ex professo rem illam tractassent: neque nouum est Iureconsultos sæpè, in quibus obiter obiter versantur aliud agendo, non semel à vero aberrasse; quod ne nouum videatur tradit Alciatus *lib. 4. Pererg. cap. 17.* & eo nomine excusatur Modestinus in *l. nonnunquam, ff. de cond. & demonstr.* Quin etiam Castellus Hispanus sentiens difficultatem in *l. 30.* tenet nostram sententiam, se ipsum corrigens, qui in *l. 6.* contrarium tenuerat, expendendo verba dictæ legis 6. ibi: *O hazer qualquier a vltima volun ad por su alma*; quod erat debilissimum argumentum, ut paret ex

ipſa litera & ex natura diſiunctiua, *l. ſi heredi plures*, ff. de conditionib. inſtitut. *l. illud aut illud*, ff. de conſtitut. pecunia, Deniq. Palac. Rub. qui adfuit legibus illis condendis, vt ipſe reſert *in rub. §. 44. num. 3.* certò tenet non eſſe compreſſam noſtram ſpeciem *in l. 30. Tauri*, nec deducendum funus ex tertio: quærenti autem vnde ſubrogandum ſit illud, viſum eſt, de toto patrimonio, atque adeò proportionibus potuit adducere dictam legem *Celſus*, & legem *veluti*, quæ in cæteris filiis, quibus teſtamenti factio licita eſt, obſervandæ ſunt, vt pater & extraneus expenſas præſtent funeris; funus enim æs alienum eſt, ideòque in nihilo læditur pater, cùm minuat legitimas filiorum, vt diximus quando quintum non ſufficit; nimirum ſi proportionem parentum minuat, quæ non debetur parentibus ſicuti filiis, dict. *l. ſcripto, d. l. nam & ſi parentibus*, vbi ſuprà.

51

De religione autem ſepulchrorum aliud olim, aliud hodie ius eſt; ſicbat enim religioſum ſepulchrum, ipſumque ſepulchri opus & locus ſimulatque mortuus inferebatur, *l. 2. ff. eod.* Accipimus autem quod locus ille ſit religioſus, id eſt, ſeparatus à communione populi, & quaſi ſecreſtatus à commercio plebis, & reſectus: ita interpretatur Cicero *lib. 1. de Natura Deorum*, qui inquit, omnia quæ ad cultum Deorum pertinerent, diligenter pertractari; & quaſi relegerent ſunt dicti religioſi à relegendo, & ita locus ille in quo ſepultus mortuus eſt, qui eſt nobis propter quandam veluti ſanctitatem remotus, ſepoſitus, & ſeparatus, religioſum vocarunt veteres; quòdque circa illa loca metus ſit: vnde ſicuti & religioſa loca, ita quoque & meticuloſa loca, quæ cadaveribus plena ſunt, vocamus. Religio metum ſecum habet & timorem. Virgilius *Aneid. 8. Iam nun religio pauidos terrebatur agreſtes dira loci*. Connexa ſunt timor & religioſos quoque fecerunt dies, id eſt timoris pleniffimos; vocamus nos *azizagos*. Liviſ *lib. 6. in principio*: [Hi, inquit, ex interregno, cùm ex templo magiſtratum inſiſſent, nulla de re priùs quàm de religionibus Senatum conſulvere: in primis fœdera ac leges. Erant autem æræ duodecim Tabulæ, & quædam regiæ lèges conquiri & comparari iuſſerunt, alia ex eis edita etiam in vulgus; quæ autem ad ſacra pertinebant à Pontificibus maximè, vt religione obſtriſtos haberent multitudinis animos, ſuppreſſa. Tum de diebus religioſis agitari cœptum, diem, à D. x v. Kalendas Septilis duplici clade inſignem quo die ad Cremeram Fabij Cæſi, quo deinde ad aliam cum exitio vrbiſ fœdè pugnatum à poſteriori clade Alienſem appellarunt, inſignemque rei nulli publicè vel priuatim agenda fecerunt, & hi dies erant religioſi, & religioſa ſuberant loca, id eſt reſicta, & ſepoſita, & quaſi ſeparata ſimul, ad quæ mortuus inferebatur, & amplius in hominum commercio non erant.]

Hodie tamen iure noſtro Pontificali locus ille religioſus non ſit, niſi Epiſcopi accedat authoritas, & locus deſtinatus ſit vt mortuus inferatur, *l. ad hæc, de relig. domibus*, Innocentius, & Abbas, & deinde reliqui *in cap. abolenda, de ſepulchris*, Felinus, & poſt eum Decius *in cap. quarto, de iudiciis*; vnde niſi ab Epiſcopo ſit deſtinatus locus, vendi poterit, Felinus dict. *cap. quarto, num. 4.* contra Ioannem Fabrum *in §. religioſum, Inſtit. de rerum diſpoſitione*. Gregorius Lopez *in l. 1. tit. 13. part. 1. verbo Vender*; & contra alios quos reſert Ludouicus Molina *primog. Hiſpanor. lib. 1. cap. 24. num. 39.* qui *num. 40.* ſubdit, quòd poſtquam



postquam sepulchrum autoritate Episcopi constructum est, vendi vel pignori non potest, c. *Questas, c. postquam*, 13. q. 2. d. l. 1. tit. 13. part. 1. ubi Gregor. merito impudentissimum eorum consilium reprehendit, qui sepulturas numeratâ pecuniâ vendunt, simoniacasque huiusmodi portiones ait; quod est verissimum.

Quatenus autem de sepulturis & iura sepulchrorum iudex laicus cognoscere possit, quoniam ad nos nihil pertinet. Vide Felinum *in dict. cap. quando, de iudiciis num. 5.*

Vnde laicus nec dominium, nec possessionem habet sepulchri, sed vsum. Doctores *in dict. cap. quando*. Abbas *in dict. cap. abolende*, Lambertinus *lib. 3. de iure patronatus, quest. 9. art. 9. num. 2.* Vnde in sepulchro meo non potest alter me inuito sepeliri. Archidiac. *in cap. precipienti*, 12. q. 2. Ancharanus *conf. 113.* Lambertinus ubi supra, *lib. 3. q. 5. art. 4. num. 1.* Rochus *eod. verb. in Ecclesia, quest. 6. num. 17.* Petrus de Perusio *de quarta canonica, vers. secundo quaritur, l. 2. §. vsumfructum, ff. eod.* Antonius de Butrio *in dict. cap. abolende*, nisi ex magna causa, putâ pestis. Abb. & Decius *dict. cap. quando*. Antonius *dict. cap. abolende*. Quo factum est apud nos his diebus, quibus tota Gallecia exitiali morbo epidemiæ laborat, vt ob multitudinem morientium nulla ratio sepulchrorum habita sit nec vlli auditi questus de sepulturis; molliter enim apud Grobes recepta, involucris lanarum à Cantabris ad nos adductis adeo miserè ingruit, i vt ferè toto decennio Galleciam ad internecionem vsque vastaret, & extinxerit miserè, fugiente aliò atque aliò semper Senatu nostro. Coruna enim, quæ vrbs (quantum ex antiquioribus coniectari licet authoribus) antiquis ignota fuit, à Nerio enim promontorio, vulgò *Finis terra*, ad Austres versus Septentrionem, nulla vrbs clarior apud Strabonem, Plinium, & Pomponium refertur. Dicta autem est Coruna, à columna marmorea, quæ erecta postremum littus, vulgò *Castillo viejo*; antiqui enim turres speculatorias illas consueverunt erigere ad littus, quas à forma columnæ columnas vocarunt, in quibus accenso noctu igne facilior esset appulsus nauigantibus; quales apud Rheginos ad Pelorum, & in Corinthiaco Isthmo, & ad Gades Strabo fuisse asserit *libr. 3.* his verbis: [Veteribus enim hic mos fuit huius generis confinia ponere, quemadmodum Rhegini columnam, turrim quandam exilem, super freto locauerunt, & huic columnæ turris, quam *Pelori* nuncupant. Et rursus, in ipso Corinthiaco Isthmo columnam quandam locatam fuisse, & rursus priores illos fabricatis manu funibus vfos esse, aut altaribus, aut turribus, aut columnis, apud locos, ad quorum vltima viri illustres peruenerunt.] Hæc Strabo. Corrupto autem nomine, pro columna, Coruna dici cœpit, creuitque ex ruina veteris oppiduli, vulgò dicti *Burgo*, quod fuit ad ostia fluminis, quod ab eo oppidulo *Burgo* quoque dictum est. Coronâ igitur profectus Senatus noster anno sexagesimo nono, quo iam malum illud irreperat, quia Compostellam quoque inuaserat, Antiensem urbem mense Augusto peruenit, ibique ferè Biennio commoratus, quo tempore nobiliores huius regni vrbes ciuium internecone deuastatæ sunt, Coruna, Compostella, & Ponteuedra, patria mihi carissima, quam ego Helenem antiquam esse suspicor; satis enim constat duos Teucris socios, Helem, & Amphilocum

in Galleciam venisse, duâsque vrbes ex nominibus suis erexisse proximas & vicinas Tydæ quam Diomedes ad ostia Minij ex nomine Tydei patris sui erexerat, ( vocat Strabo Castellum Tydei, vulgò *Tui* : ) has vrbes ( quantum conii-  
 cior ) hodie ex scæminarum Græco adhuc capitis cooperimento Pontenedram & Bayonam vicinas Tyde, & solas moribus, lingua, cultuque perfimiles, non leui coniectura esse aio. Inuasit quoque id malum Noiam, omnium quæ in Gallecia sunt antiquissimam urbem, ( & si famæ credimus, ) tempore Noë erectam, Betancos eo morbo, simulque incre libili quodam incendio consumptis igne ferè quingentis ædibus, nocte intempesta, ferè euerfa est. Ignobiliores pagi, obscurioraque oppidula, rusticæque villæ, mortâis ciuibus, aliis fugâ ( quæ vna salutare remedium erat ) salutem quærentibus, relinquuntur iacentibus per syluas & montes passim cadaueribus inhumatis: aliud aliud providente Senatu nostro. Sed dira illa lues, nullo quantumvis salutari cosilio extingui potuit. Inuaserat iam Ripam Auixæ malum, Senatuque mirabatur vicino, quo tempore iam Cornua refrigercebat, ne præcluderetur via Senatum adituris. Cornuam Senatus mense Iulio, anno septuagesimo-primo reuersus est, relicta Auriensi vrbe, quæ vix Senatu nostro egressio, pestilenti morbo miserimè laborauit, quo tempore quoque Lucus Augusti ( vulgò *Lugo* ) id malum passus est. Durauit in his urbibus ea lues anno ferè, quo elapso cum sanitatem omnes sibi pollicerentur, ecce nihil minus sibi cauentem Senatum Corunæ, in media vrbe repertis glandulis exitiâlibus, atque ex his proptere surreptis aliquot ciuibus malum illud quasi cœlitus immissum nullo authore compulit eum secundò aufugere, qui Compostellam reuersus est mense Octobri, anno septuagesimo-tertio vnâ inter Galleciæ omnes vrbes, Tyde hodie adhuc incolumi, siue Dei singulari beneficio, siue soli cœlique indulgentia, & salutari temperamento, quo vna illa vrbs inter cæteras maximè commendatur. Euasimus quietè annum septuagesimum-quartum; proximo verò qui secutus est anno, relicta Scilla, incidimus in vastam Carybdim, incredibili frumenti caritate, miserâque fame laborauimus. Rustici relictis domibus gregatim ad vrbes confluunt. Compostellæ hodie pauperes ostiarij censi sunt duo mille & ducenti: diuiduntur inter ciues alendi: hic rerum nostrarum hodie status est, miser, & calamitosus. De sepulchris igitur nemo auditus, propter pestem, ex Abb. & Decio, & Antonio *vbi supra*. Est igitur nobis ius sepeliendi, quod cedi, & legari potest quo diximus modo *ad l. sepulchrum*, & *ad l. monumenta*, *C. de legatis*, cum vniuersitate bonorum: vsus hic sepeliendi titulo venditionis ad emptorem transit, Rochus *vbi supra* q. 3. num. 17. Lambertinus *lib. 1. part. 2. q. 5. art. 12. & 17.*

Adeoque verum est non possidere laicos sepulturas, etiamsi earum habeant vsus, vt in eis inuitis Episcopis non possint ponere sedilia ( vulgò *Estrados*, ) Lambertinus *vbi supra*, *part. 1. q. 11. art. 15. fol. 100.* Abb. & alij *in cap. abolenda, de sepulturis*, Rochus *vbi supra* q. 7. num. 17. non licet enim sedilia illa ponere sine facultate Episcopi, sedere verò in sepulturis suis, ex illo vsu & iure vtendi prohiberi non possunt, ex his quæ diximus.

Nec nobilis vir aut scæmina quemquam spoliabit hoc vsu sedendi super sepulturam suam, quod facere assolent superbè nobiles, vt honorabilius sedent: permittent



permittendum autem ipsis non est, siquidem nobilis defenditur in honorabili-  
liori loco, si ibi sedere consuevit, non aliter, Ioannes Fab. *in §. aliam, Instit.*  
*de bonorum possess.* super glossa verbo *Aliori loco*. Gerardus de Petra Sancta  
*singul.* 33. Iacob. de Guarincis *notabili* 240. in quo officio succurritur iudicis,  
tam nobili, quàm ei qui sepulturam habet, quia actionem non habent, ex  
glossa *in dict. §. aliam*, & Fabro ibi; & potest vterque honorabiliorem locum  
suum defendere ab inuasore, quo occiso, aut grauitè læso, non puniuntur pœ-  
nâ ordinariâ, ex eodem Gerardo vbi suprà Boërius *in additione ad Benedictum*  
*de Plumbinis, in l. iusta, ff. de manumissis vindicta*: quia si pro re, vt eam defendas,  
licet offendere, multò fortius licebit pro honore, argumento *iusta*, & glossa  
ibi, & *Julianus ff. si quis omissa causa testamenti*. Plura in proposito scripsit  
Antonius Cordubæ de Lara *in principio legis si quis à liberis, ff. de liberis agno-*  
*scendis num.* 23. *ad num.* 32. vbi plura eleganter & copiosè de nobiliori loco,  
& quantum debeantur nobiliori.

Summus autem Pontifex & Episcopi, prælatique, quibus expensis sint se-  
peliendi, & funerandi, vide semper elegantem quæstionem Abbatis, tertiam  
inter quæstiones Abbatis, cui si addideris Paulum de Castro *in d. l. 1. §. de im-*  
*pensa, ff. ad legem Falcid.* nihil ampliùs deerit ad perfectam cognitionem.

## CAPVT IX.

*De sumptibus qui consequuntur funus, hoc est, de  
luctuosa, & abbadia.*

Notabilia ex cap. sequenti.

- 1 *Luctuosa & abbadia, ex diuersa iuris ratione apud nos distinguuntur.*
- 2 *Luctuosa præstatio odiosa est, semper præsumimus in ea metum & coactionem,  
& numero 3.*
- 4 *Decanus & Archidiaconus habent ordinariam iurisdictionem, & dicitur  
Archipresbyter Decanus, num. 5. & Plebanus, & Ruralis, & de eius officio  
& potestate, num. 6. & à quo in his luctuosis est duplex præsumptio, ex qua  
odiose censeari possunt, num. 7.*
- 8 *Necessaria est dominis exercentibus iurisdictionem probatio possessionis imme-  
morialis, vt pleno iure obtinere possint luctuosas, eaque debet probari exactis-  
simè.*
- 9 *Testis qui de immemoriali attestaturus est, cuius ætatis esse debeat, & quid at-  
testaturi sint circa ea quæ audierint à maioribus suis, num. 10. in materia, quæ  
non est odiosa, non requiritur exactissima probatio immemorialis, num. 11.*
- 12 *In antiquis fama probat, & opinio communis habetur pro veritate, num. 13.  
& debent esse testes probi, num. 14. & vbi lex requirit testes boni nominis,  
probatio necessaria est, num. 15.*

- 16 *Probata immemoriali cum circumstantiis suis non est necessaria tituli allegatio, & immemorialis est titulus undequaque legitimus, numero 17. & habet vim legis, num. 18. & potest tantum quantum Imperator cum causa, numero 19. & habet vim privilegij, numero 20. & presumpcio qua resultat ex immemoriali, dicitur iuris, & de iure, num. 21. nec curamus de bona vel mala fide, num. 22. & probata immemoriali non presumitur vis, neque dolus, num. 23.*
- 24 *Ad probationem immemorialis possessionis probandum est memoriam non extare contrarij facti; unde si memoria facti contrarij extet, corrumpit probatio, num. 25.*
- 26 *Si luctuosa praestatio non fuerit semper uniformis, corrumpit probatio, adeo ut neque inuet in possessione, num. 27. & tota corrumpit, num. 28.*
- 29 *Difficillime probatur immemorialis possessio, & magis creditur duobus asserentibus, quam mille negantibus. num. 30.*
- 31 *Si contrarium reperitur factum ultra centum annos, corrumpit immemorialis, & potest testificari de his quae vidit ante pubertatem, num. 32. & cum requiritur probatio immemorialis, non curamus de possessione centum annorum, num. 33. factum antiquum est quod contingit abhinc centum annos, & eo amplius, num. 34.*
- 35 *In hac materia possessio debet esse sine coactione ulla, & dominis incumbit onus probandi quod vassalli sponte soluerint. num. 36. si domini arrestabant, constat praesumptio violenta, num. 37.*
- 38 *Praescriptio stricti iuris est, & non extenditur, & quando praescribitur, ius reale extenditur de persona ad personam, num. 39. & quando de uno actu ad alium possit extendi praescriptio, num. 40. ubi praescribitur ius personale, non extenditur praescriptio num. 41. & limitatur, numero 42.*
- 43 *Consuetudo & praescriptio distinguuntur, & consuetudo requirit binum actum. num. 44. & an binus ille actus debeat esse iudicialis. num. 45. & de lege 5. tit. 2. part. 1. num. 46.*
- 47 *Praescriptio unico actu sustinetur, si actus sit permanens; quod si actus sint momentanei, requiritur frequentia actuum. n. 48. & an praescriptio extendatur ab his, qui luctuosas praestant, ad eos qui non praestant. n. 49. & in hac praescriptione tot actus requirimus, qui possint inducere populi consensum, n. 50.*
- 51 *Vassalli censetur qui dicantur, & quod nihil referat quod sint solariegi, & quis dicatur vassallus solariegius. num. 52. vocant alij homines demansata. num. 53. quicquid acquirit homo de manso, domino cedit. num. 54. ab his dominus praeter censum conventum nihil expectare debet: & de lege 2. tit. 3. lib. 6. Ordinationum. num. 55. ad alia praeter censum conventum indigent immemoriali. num. 56. & clausula in fine posita determinat omnia in quibus eadem ratio. num. 57.*
- 58 *Praestatio facta triginta annis praescriptionem inducit: in hac luctuosarum materia nihil distinguimus inter vassallos solariegos, & reliquos. num. 59. quomodo vassallus decedat à manso. num. 60. acquisita vassallo quomodo cedant domino. num. 61.*
- 62 *In traditione rei sua potest quis apponere leges quas velit, & poena conventionalis*



- tionalis apud suprema tribunalia non exigitur. num. 63. agitur de lege 68. Tauri, contra Couarruiam, num. 64. quanta debeat esse pœna conuentio-  
nalis, difficilimum. num. 65.
- 66 Si pœna adiciatur obligationi quantitatis, faciliè præsumimus vsuram: & de  
lege 34. tit. 2. partit. 5. & l. fin. tit. 2. part. 6. suprema tribunalia raro ad-  
mittunt pœnam conuentionalem ultra id quod vere interest. num. 67. suprema  
tribunalia debent accipere legem & iura in casu quo loquuntur, aut con-  
sulant Principem. num. 68.
- 69 Rex Hispania non recognoscit superiorem, & iam olim Gothi nihil accepe-  
runt à Romanis; adducitur lex Gothorum, num. 70. non licet apertam le-  
gem aliò retorquere. num. 71.
- 72 Dicta lex 68. Tauri ex parte correctæ est in censu frumentario; & potest lex  
reducere census frumentarios ad census pecuniarios, num. 73. ratio conden-  
dæ nouæ pragmaticæ de los censos, in hoc regno Gallecia. num. 74. noua  
pragmatica de los censos adducitur. num. 75. & agitur de ipsa. num. 76.
- 77 Si semel rusticus beneficio legis nouæ usus pecuniam pro fructu soluerit, fructus  
iterum soluere inuito emptore censûs non potest; hodie lege illa iustum pre-  
tium census frumentarij perpetui est ad rationem unius pro viginti. num. 78.  
Iustum pretium fundi videtur esse quantum viginti annis fructus prædij de-  
ductis expensis effecerint. num. 79. & lege hac noua apud Gallicos constitu-  
tum est pretium iustum census frumentarij redimibilis. num. 80. non verò  
constituitur iustum pretium census pecuniarij. num. 81. & in actione legis  
huius non veniunt fructus ut cefferunt ante litis contestationem. num. 82.  
in causis summarijs, & executionis quasi litis contestatio. num. 83.
- 84 Abbadia quid sit, & quòd non habeat præsumptionem violentiæ. num. 85.  
& aliquot quæstiones de Abbadia. num. 86. in legato vestium veniunt affi-  
xa & appensa vestibus. num. 87. & quando Abbadia sit odiosa.
- 90 Consilium Lateranense quo tempore fuerit. Laici licet ius decimarum habe-  
re non possint, fructus habere possunt. num. 91. nobiles Gallecia iuste ob-  
tinent decimas ex concessione ante Lateranense Concilium. num. 92. & di-  
cuntur beneficia patrimonialia. num. 93. anno millesimo tricesimo nona-  
gesimo fuit latum arrestum pro nobilibus Gallecijs, num. 94. & rursum  
anno millesimo quadringentesimo secundo. num. 95. inducitur decisio Con-  
cilij Tridentini pro nobilibus. num. 96. ista beneficia patrimonialia ven-  
duntur, & dantur in dotem, & diuiduntur cum hereditate. num. 97. Rex  
noster Philippus potest alienare terras quas habet ex privilegio. num. 98.  
immo ista decimæ non possunt collectari. num. 99. & manus Episcopi non  
extenduntur ad has decimas. num. 100.



VNT autem alij sumptus, quos luunt hæredes ex hereditate, qui  
licet non sint sumptus funeris, funus tamen ipsum consequun-  
tur, & rectius in ratione æris alieni numerantur. De quibus in  
hoc nostro Senatu frequens disputatio est, & decisio ferè quoti-  
diana. Inueterata enim consuetudine in hoc Regno pluribus in locis rece-  
ptum est, vt si alter ex coniugibus decedat, Dominus locorum qui iurisdic-  
tionem

- ctionem exercent, lectulus, vestis, bos, equusve, aut arca quadrupes solvatur. Alibique receptum est, ut Rectori parochiali huiusmodi res quoque solvantur. Alibi etiam Episcopis, Decanis, & Archidiaconis è bonis parochorum, vel clericorum inferiorum emorientium istiusmodi res solvantur. Varia denique est in hoc Regno consuetudo: hæc verò omnia quæ solvantur ex emortui bonis, siue bos, siue equa, siue bestia, aut mula, Forensis huiusmodi seruitia vel impositiones duplici nomine distinxit, ex duplici ratione iuris quæ in his præstationibus inuenta est. Onera enim huiusmodi, aut luctuosas, aut abbadias vocat, quæ duæ voces plurimum apud nos distant; longèque alia ratio iuris in luctuosis, quàm in his quas abbadias vocamus, inuenta est, vnde diuerso iure in hoc Senatu censentur; luctuosa est onus illud luctuosum quod soluitur dominis, è bonis vassalli
- 2 emortui inueterata consuetudine solutum, vestis scilicet, bos, aut mula, vel equus. Quod quidem onus quod nos nostro nomine vocamus luctuosam, frequentius soluitur Dominis locorum in his locis iurisdictionem exercentibus. Atque hæc odiosa est, satisque ipso suo nomine odium meretur, in quibus luctuosis tanquam odiosis seruitiis, sicuti & in reliquis oneribus, quæ impositiones vocantur, semper in promptu est, præsumptio illa, de qua Panormitanus, Ioannes Andreas, Hostiensis & alij, *in cap. quod latenter, de reg. iuris.*
- 3 In huiusmodi enim præstationibus adeò insolitis potiùs præsumimus coactionem & metum, & tyrannidem, quàm voluntariam liberalitatem, aut spontaneam sponsonem. Quod tradunt Innocentius *in cap. bona, l. 2. de postulat. Prælator.* idem *in capit. si diligenti, de prescriptionibus.* Ioan. Faber *in §. a què si agat. Institutis de actionibus, quest. 3.* Bald. *in cap. 1. §. pactiones, de pace Constantia in visibus feudorum.* Andreas de Ifernina *in cap. 1. §. fin. de pace iuramento firmanda,* Abbas *in d. cap. si diligenti,* Ioannes Andreas *in cap. 1. de prescriptionib. lib. 6.* Iason *in §. quadrupli, Instit. de actionib.* Paris. de Puteo *in tractat. Syndicatus, part. officiales si concussionem.* Guido Papa *cons. 1. num. 8.* Gregor. Lopez *in l. 6. tit. 25. part. 4.* Couarr. *in Regul. possessor. 2. part. §. 4. num. 1. & seq.* Auendañus *de exequendis mandatis Reg. Hispan. 2. part. cap. 4.* de qua præsumptione est textus *in cap. nullus, §. ultimo. 1. q. 1. ibi: Nullus Episcopus grauiamen seu seruale seruitium ex usu contra ecclesiasticam normam Abbatibus, seu Clericis suis imponat.* Textus *in cap. quia cognouimus, 10. q. 3. ibi: Qui exactiones diocesi sue, vel damna infligunt: & ibi: ideo censemus ut alia, qua illis hucusque præsumpta sunt, denegentur.* Facit textus *in l. fin. §. iusto, ff. de eo quod metus causâ: alia duo iura allegantur, l. 1. C. ne liceat potentioribus, l. 1. & 3. ff. de alienat. iudicij met. caus. facti.* Ex quibus importunam præsumimus & tyrannicam potentiorum vim & potestatem in huiusmodi luctuosis & seruitiis quæ præstantur dominis habentibus iurisdictionem in eodem loco, siue ecclesiasticis, siue secularibus, *ex dict. cap. nullus, & c. quia cognouimus, ex dict. reg. quod latenter;* & per receptam ibi sententiam, semper si nihil aliud proponatur, præsumitur coacta voluntas vassallorum, magisque intelligimus metum & vim quàm liberam & spontaneam voluntatem; huiusmodi enim luctuosæ, siue dominis solvantur laicis, siue ecclesiasticis, si iurisdictionem exercent, qui eas percipiunt, in eos à quibus percipiuntur, odiosæ sunt, nullasque retinent causas



causas fauoris. Idque etiam de illis intelligendum est, quas Decani, vel Archidiaconi percipiunt à clericis suis, quales in Ecclesia Compostellana hodie percipiuntur à Decano, & Archidiaconis. Namque in his par præsumptio est: quia iurisdictionem exercent ordinariam, *cap. 1. de officio Archidiaconi*, ibi, *Et omnem curam in clero ad se pertinere, siue de eorum conuersatione, siue honore*. Et ibi, *Ut deterio in tertium annum si Episcopus non potest, parochiam uniuersam circumueat, & cuncta quæ emendatione indigent, vice sui Episcopi corrigat & emendet*. Archidiaconus in omnibus est vicarius Episcopi, habet curam in clero, tam in vrbe, quàm in parochiis. Denique, ut dicit Innocentius *in dict. capit. 1.* semota alia præscriptione exercet omnia de quibus in toto titulo de officio Archidiaconi. In quo tamen ex eodem Innocentio multum aduertendum est ad consuetudinem, in his quæ Decani, vel Archidiaconi, & Præpositi possunt facere. In officiis enim prævalent consuetudines obseruatæ in Ecclesiis, *cap. cum olim, de consuetudine*. Quæ consuetudines ferè tot sunt, quot sunt Ecclesiæ. De iurisdictione Archidiaconi multa Ioannes Andreas *in Nouella in capit. officium, de officio Archidiaconi*, Audit iurgia clericorum, 15. *distinctione, cap. perlectis*, pœnas infligit, c. licet, de pœnis, priuat beneficiis, de præbendis *cap. referente*. Item excommunicat: tenet Ioannes Andreas, & Innocentius *in cap. Archidiaconus, de officio Archidiaconi*; vbi dicunt quod ius commune est, ut ipse & alij Prælati iurisdictionem habentes ab Episcopis, ex collatione vel confirmatione officiorum, vel dignitatum, ad quas assumuntur, sint iudices ordinarij, & quod possint excommunicare, 11. q. 3. *cap. nullus*. Et quod dicitur *in cap. Archidiaconus, eod.* quod non possint excommunicare, secundum antiqua instituta intelligit: postea verò & iure & consuetudine præscripta facultas excommunicandi, concessa quoque est, glossa Abb. & Doctor. *in cap. Archidiaconus, de officio Archidiaconi*.

Decani etiam, qui Archipresbyteri dicuntur, *in cap. ad hæc, de officio Archidiaconi*, ibi: *Archipresbyteri verò, qui à pluribus Decani nuncupantur, eius iurisdictioni se nouerint subiacere*. Hi iurisdictionem habent. Siue enim in plebe sint & ciuitate, vnde plebani quoque dicuntur *in cap. cum ad Ecclesiarum, de officio ordinarij*; siue ruri, vnde rurales dicuntur, non solum imperiti vulgi sollicitudinem gerunt, verum etiam Presbyterorum, qui per minores Ecclesias habitant: & vitam ipsorum iugi & continua circumspeditione obseruant, & renunciat Episcopo quâ quisque industria officium suum exerceat, *cap. fin. de officio Archipresb.* & ibi glossa, quatenus dicit textus quod ad Episcopum referat, intelligit maiora referenda esse: nam de minoribus dicit quod ipse potest decidere, cum iurisdictionem habet ordinariam. Quam glossam sequuntur omnes, & est textus *in dict. cap. cum ad Ecclesiarum, de officio ordinarij*. In his ergo Decanis, & Archidiaconis, qui iurisdictionem exercent suam, quia eadem militat ratio, quæ in laicis dominis (omitto Episcopos, quia in his nulla est dubitandi ratio ex regula *capitis quod latenter*, & quæ ibi Doctores, in huiusmodi seruitiis & oneribus, quæ sibi ab inferioribus, siue laicis, siue clericis soluuntur, nomine luctuosæ præsumptio est contra ipsos, & pro clericis quod huiusmodi luctuosas soluerint coacti, non verò animi liberalitate. Itaque respectu horum nullus inest fauor, qui odium extinguat, aut remoueat; imò

mò horum possessio in huiusmodi seruitiis & oneribus, seu luctuosis, quam domini allegant, & est, & præsumitur violenta & iniusta, vt refert Gregorius Lopez *in dict. l. 6.* ex Abb. Innocentio, & Ifernia. Denique in hoc casu, & in aliis omnibus, similibus duplex reperitur præsumptio; altera quæ vassallos & inferiores, ab his seruitiis liberos & exemptos dictat, quæ pro vassallis est; altera verò quæ ius in istis dominis iurisdictionem exercentibus, terrorem & metum, vim & coactionem præsumit, ex his quæ diximus circa dictum caput *quod lateuter*. Et ita receptum est, ex his quæ diximus suprà.

- 8 Ex quo cum ius ipsum resistat Dominis in huiusmodi seruitiis & oneribus, necessaria est Dominis exercentibus iurisdictionem immemorialis præscriptio, præcipuè vbi de titulo & causa non apparet, *l. 8. tit. 15. lib. 4. Ordination. Regiarum*. Atque hæc immemorialis præscriptio probari debet, & articulus de ea concipi debet exactissimè iuxta formam legis nostræ, quam Carolus inter Reges Hispaniæ huius nominis Primus, inter Augustos verò Quintus tulit Madriti ( quæ antiquis fuit Mantua Carpentaneorum ) anno millesimo quingentesimo vigesimo octauo, *in cap. 20.* Cuius quidem immemorialis præscriptio necessaria est, vt Domini possint perpetuò exigere has luctuosas firmo & perpetuo iure; dum tamen hæc ipsa immemorialis probatio contineat omnes circumstantias suas, iuxta leges Regias quæ de immemoriali probanda constitutæ sunt, *l. 1. tit. 7. lib. 5. Ordinationum Regiarum*. In casu enim vbi ius resistit Dominis & assistit vassallis, exactissima & verissima attestatio necessaria est, & quæ ex omni parte sibi constet, quam à bonis primogenij trahes ad has luctuosas. Ex cuius forma concludendum est per testes, qui ad minus memores esse possint eorum quæ circa huiusmodi exactiones in eo loco, de quo agatur, gesta sunt proximis quadraginta annis. De quo Francus, & Dominicus, & Lapus *in cap. 1. de præscriptionib. lib. 6.* Aymon *de antiquitate temporis*, 4. *pari. cap. absolutis*, num. 3. Chassaneus *in consuetudinibus Burgundiae*, rub. 1. §. 2. *ad fin.* quod *dict. l. 1. tit. 7. lib. 5. Ordin. & l. 41. Tauri*, constitutum est. Atque hi testes, quoniam attestaturi sunt de his quæ videntur proximis quadraginta annis, necessum est vt attingant ad minus annum quinquagesimum & dimidium, vel quinquaginta & vnum, & post decimum & dimidium, vel vndecimum annum superint quadraginta de quibus deponat & attestetur quæcunque viderit circa exactionem luctuosarum: glossa *in cap. 1. de præscriptionibus*, lib. 6. Quam ibi Francus, & reliqui tenent: Speculator. *titulo de probationib. §. ultimo*, Bald. *de præscriptionib.* qui plures allegat 2. *part. partis tertia*, quæst. 6. alios refert Doctissimus Couarr. *in regula Possessor*, 2. *pari. §. 3. num. 6.* Doctores nostri *in l. 41. Tauri*, vbi Castillo *verb. Quarenta años*. Molina *de Primogeniis Hispanis lib. 2. cap. 6. num. 40.* vbi verè concludit contra Parisium *cons. 27. num. 97. lib. 1.* & contra Antonium Gabrielem *lib. 2. communium opinion. tit. de præscriptione, conclusione 1. num. 83.* quod non sit necesse vt testis qui de immemoriali possessione sit attestaturus, expleuerit annos quinquaginta quatuor. Sufficit enim quod attestetur de his quæ perpetuo tenore vidit obseruari, iam inde ab illa ætate, qua doli capax videri potuit, scilicet à decimo anno cum dimidio. Tunc enim doli capacem puerum intelligimus: glossa *in §. in summa, verbo proximus, de vi bonorum raptorum*, & *in l. pupillus*



*l. pupillus*, ff. de regulis iuris, & in §. *pupillus*, *Institutiis de inutilib. stipular.* & per *l. 9. titul. 1. part. 7.* & *l. 17. titul. 14. ead. part.* Vide latius per eundem Molinam *ubi supra*. Igitur deponent testes de possessione quadraginta annorum ad minus vidisse se toto illo tempore quo recordantur solui luctuosas patienter, nunquamque vidisse contrarium fieri, factumque, aut gestum fuisse, audisseque seniores ita quoque asserentes vidisse se, de quo auditu à maioribus est, *l. in summa*, §. *idem Labeo*, ff. de aqua pluvia arcenda, ibi: *Neque utique necesse est superesse qui meminerit, verum esse qui audierint eos, qui memoria tenuerint.* Tandem concludent prædicti testes ita præterea esse famam publicam, & communem opinionem apud eos omnes, qui de ea re cognouerint. Hæc erat iure communi probatio memorialis, atque ex hoc iure nihil necesse erat quod testes deponerent, præter ea quæ vidissent proximis quadraginta annis; quod attinet ad seniores, nisi de auditu, quod audissent maiores suos, ita referentes gestum esse, nec vnquam contrarium gestum, actumque fuisse, quod ipsi scirent, nihil aliud exigebat ius. Sed iure nostro *ex dict. l. 41.* requiritur exactissima probatio, vt scilicet testes deponant, se ita vidisse proximis quadraginta annis, & audisse maiores dicentes se quoque toto suo tempore ita vidisse geri, fieri, & audisse antiquiores qui dicerent ita factum fuisse, idque accepisse à senioribus, & audisse qui ita dicerent. Deponet ergo testis in huiusmodi probatione immemoriali, vt nos forensi verbo dicimus, *De las segundas oydas*. Aliàs probatio in hoc casu nullius est momenti, quia iure nostro requiritur probatio exactissima & vndeunque perfecta cum omnibus circumstantiis, ne quid desit. Quod tenet Doctiss. Couarr. & Gregor. Lopez *ubi supra*: item & Ludouicus Molina *ubi supra*, num. 32. & licet ipse relinquat arbitrio iudicis hoc ipsum; tamen cum sumus in materia odiosa, vbi ius resistit, video in hoc Senatu Galleco omnes circumstantias immemorialis probationis requiri, & ob omissam illam circumstantiam *de las segundas oydas*, iam vidi aliquando iudicatum, immemoriam possessionem non esse probatam. In casu autem vbi res, de qua agitur, non est odiosa, vt in pascuis, vbi etiam si non assistat ius, non tamen resistit, non ita exactam video requiri probationem; & tunc habet locum quod dicitur, quod omissio modicæ solennitatis non vitiat actum, ex Bart. in *l. 1. §. quod autem*, num. 1. ff. de vent. inspiciend. Iason in *l. 2. §. prius*, num. 10. ff. de vulgar. Emanuel Costa in *l. Gallus*, §. *Et quid si tantum*, ff. de lib. & posthum. 3. part. num. 86. Menchaca de *successionum creatione* §. 9. num. 9. Couarr. Et Ludouicus Molin. *ubi supra*. Hoc enim ita accipere solet Senatus noster si probatio versetur in materia fauorabili, vel non odiosa. Vbi autem odium est, & ius resistit, tunc quidem nulla circumstantia omit-tenda est, sed requiritur obseruatio formæ traditæ in *dict. l. 41. Taurina*. Ideoque in huiusmodi seruitiis & præstationibus, oneribus, & luctuosis quæ præstantur à vassallis Dominis exercentibus iurisdictionem in eo loco, quoniam odium est, & ius resistit, probatio requiritur perfectissima cum omnibus circumstantiis, iuxta leges nostras Regias, de quibus *suprà*. Et cum hæc circumstantia *de las segundas oydas*, posita sit in *dict. l. 41.* meritò omitti non potest, vt bene aduertit doctissimus Couarr. *ubi supra*, §. 3. num. 7. Vnde si omittatur, vt solet omitti imperitiâ Scribarum, quibus hæc testium receptiones, vnde re-  
ceptores

9

10

11

ceptiores vulgò dicuntur, committuntur, totam probationem corrumpere necesse est: ut videas quàm sit in potestate scribæ ignorantissimi vniuersi iuris confusio.

- 12 Quod autem additur de fama publica & communi opinione, ideo dictum est, quia in antiquis fama probat, Bald. in l. cum super, Cod. de rei vend. Abb. in cap. veniens, et segundo, de testibus, & in cap. quid per nouale, de verb. signific. & in cap. super eo, de paroch.
- 13 Idem de opinione generali in antiquis habetur pro veritate, & non est necessaria alia probatio, dum tamen talis opinio sit vniformis apud omnes, nec de ea sit controuersia & contradictio apud peritos. Facit quod vult Innocentius in c. cum causa, de iuramento calunnia, & in c. veniens, de verb. significat.
- 14 Item testes debent esse probi & boni nominis, & integræ opinionis, ex dict. l. 41. ibi: Por testigos de buena fama. Vnde consuevit fieri articulus Ab aduocatis de fama & opinione laudabili eorum, quos in testes produxerunt ad probandum immemoriam: & est necessarium nostro iure in huiusmodi probatione, aliàs quoque hac probatione omissa, utpote circumstantiâ posita à lege, corrumpit tota probatio. Quamuis enim nemo præsumatur malus, nemo item præsumitur bonus ad certum actum, qualis est ad testificandum in probatione immemoriali. Quare necesse est ut is qui testes produxerit, testes eisdem approbet, adductis aliis testibus qui vitam ipsorum, mores, & famam noscant & approbent. In quo est singularis doctrina Angeli in l. 2. §. diem autem, ff. quemadmodum testam. aperiantur. Quod si lex vel statutum requirit testes optimæ opinionis, hoc est præcisè articulandum & probandum: quod tradit Ludouicus Molina ubi supra, num. 30. & fuit opinio Aymonis Crauetæ, ubi supra, 1. parte, §. queritur, num. 38. Auendañ. de exequendis mandatis Reg. Hispan. cap. 6. num. 6. & aliorum, quos ipsi adducunt, quos poteris videre, ut videas quanti momenti sit in his causis repulsa testium, ubi boni testes & boni nominis requiruntur. Hæc igitur est immemorialis, quæ tuetur Dominos contra vassallos in his oneribus & seruitiis; & probata hac immemoriali possessione cum his circumstantiis, quas diximus, non est necessaria tituli allegatio, secundum communem & veram sententiam, cum glossa verb. non extat, in cap. 1. de prescriptionib. lib. 6. & in cap. super quibusdam, de verborum signific. Ias. in l. si ceris annis, Cod. de pactis. Quia ipsa immemorialis possessio est titulus vndeque legitimus. Aymon de antiquitate temporum 4. parte, §. absolutis, num. 49. Alexand. conf. 6. lib. 1. Iason conf. 156. lib. 1. Bald. de præscr. 5. parte, quæst. 7. Ripa in cap. 2. de iudiciis, lib. 3. §. ductus aqua, ff. de aqua quotidiana & ostia, cap. super quibusdam, §. præterea, & ibi glossa, de verbor. signific. cap. hoc quippe, 3. quæst. 6. cap. conquestus, 9. quæst. 3. cap. mos antiquus, 65. ost. Auendañus lib. 1. de exequendis mand. Reg. Hispan. cap. 12. num. 7. Immo habet vim legis, l. 1. §. fin. & l. in summa, ff. de aqua pluuiæ arcenda, ibi: Si tamen agri lex non inueniatur, vetustatem vicem legis tenere. Sanè enim & in seruitutibus hoc idem sequimur, ut ubi seruitus non inueniatur imposita, qui diu usus est seruitute, nec vi, nec clam, nec precario habuisse, longa consuetudine velut iure impositam seruitutem videatur.

- 19 Et hæc immemorialis potest tantum quantum Imperator eum causa, Andreas



deas de Ifernia in cap. 1. verb. *flumina*, quæ sint regalia in vsibus feudorum, vbi Bald. dicit quod habet vim priuilegij. Iason in l. *quo minus*, ff. de *fluminibus*, & præsumptio resultans ex tali immemoriali legitime probata, dicitur iuris & de iure, aded quod non recipit probationem in contrarium. Felinus in cap. *cum nobis*, de *prescript.* & in hac probatione immemoriali non curamus de bona vel mala fide, Salycet. in l. 2. C. de *seruitutibus & aqua*: præsumitur enim ex ea titulus, & bona fides. Angel. Paul. & Anchar. Ias. l. *si certis annis* C. de *petitis*. Bart. in l. *cum de in rem verso*, ff. de *usuris*, & in l. *Celsus*, ff. de *usucap.* Quodque immemoriali tempore possessum est, præsumitur ab authoribus eius iuste & legitime, & rectè possessum. Innocentius, & Bald. in cap. *si diligenti*, de *prescriptionib.* Baldus de *prescript.* 2. parte partis *tertia*, q. 6. *principali*: hæc atque alia id genus potest immemorialis hæc probatio, de qua agimus in his oneribus & seruitiis, & in reliquis casibus vbi legitime probata sit, si talis probatio necessaria sit.

Vnde probata hac immemoriali possessione aduersus vassallos & subditos, non est præsumenda vis, nec coactio aut tyrannis, cessatque penitus præsumptio illa, de qua Doctores in d. *regula quod latenter*. Tanti enim temporis vsus & reiterata tot seculis solutio omnem penitus præsumptionem violentiæ & coactionis excludit, idque probatur apertè ex his quæ de immemorialis possessionis vi & potestate cumulauimus, & colligitur apertè ex dict. *regul.* 41. *Tauri*, & tradidit Guido & conf. 1. & 65. in *princip.* & num. 10. & Gregorius Lopez in d. l. 6. tit. 25. part. 4. vbi optime.

Cum enim ad immemorialis præscriptionis probationem deducendum sit memoriam hominum non extare facti alicuius, quod in contrarium gestum actumve sit, de quo in l. 2. §. *idem Labeo* ait ff. de *aqua pluuiæ arcenda*, ibi: *Idem Labeo* (inquit Paulus) ait, *cum quaritur, an memoria extat ex facto opere, non diem & Consulem ad liquidum exquirendum, sed sufficere si quis sciat factum esse, hoc est, si factum esse non ambigitur, nec vique necesse est superesse qui meminerint, verum esse qui audierint eos qui memoriâ tenuerint*: idem in §. *idem Labeo*, in eadem lege, ibi: *planè si fossa iure facta sit cuius memoria non extat agi tecum posse aqua pluuiæ arcenda ut reficias*: Si igitur memoria in contrarium extat, corruiet immemorialis, quæ in hac nostra specie constare sibi debet ex omni parte. Quod tenet Ioan. Andr. & reliqui in cap. *quid per nouale*, de *verborum significat.* Innocentius verb. *memoriam*, & Ioannes Andreas in cap. *ueniens*, de *verborum significat.* lib. 6. Cum ergo in dict. l. 41. *Tauri*, hanc circumstantiam addiderit ad probationem immemorialis probationis, scilicet quod contrarium nec visum, nec auditum sit, ibi: *Y que nunca vieron, ni oyeron dezir lo contrario*; in hac odiosa luctuosarum præstatione præcisè observanda est: nec curamus legem illam aliter, & civiliter interpretari, vti humanè. Quod quidem an fieri debeat in materia favorabili vel saltem non odiosa, modò non disputo, vt in materia primogenij, vel pascuorum fortassè aliunde excogitanda est interpretatio, ex contraria præscriptione inducta cum legitimo tempore ex contratio actu: certè in nostro casu necessum est quod memoria non extet in contrarium. Vnde etiamsi initium non prodas immemorialis, quo casu nulla est difficultas, sed tantum contrarium actum probes, qui memoriam in contrarium extare

demonstret, in nostra materia odiosa, & cui ius adversatur, sustineri non poterit immemorialis præscriptio, quæ vel ex ipso nomine absque memoria contrarij actus esse debet. Vide infra *numer.* 34.

- 26 Tum etiam corrui immemoralis, si id quod exigitur & soluitur, non sit semper vniformiter solutum. Ex omnibus enim quos superius citauimus, vniformis debet esse, & semper fuisse exactio & solutio luctuosæ, seu oneris. Namque si ab hinc quinquaginta annis bos duntaxat nomine luctuosæ solutus sit, deinde procedente tempore equa, aut equus, postea vestis, aut mula, simul; aut si duo olim, postea vnum soluta sint, huiusmodi variatio & vicissitudo deformis diuerso tempore planè sine controuersia immemoriam destruit rediuiua præsumptione coactionis & metus. Et ita data varietate hac oneris exacti & luctuosæ solutæ obtinere non potest Dominus contra vassallos. Quod quidem est generale in omni onere & impositione in ratione immemorialis possessionis. Tenet Covarr. *dict.* §. 4. *part.* 2. *num.* 4. *versic. annua præstatio vniformis*: nec in hoc casu quando est variatio, habet locum immemorialis, nec lex Regia lata à Carolo Imperatore, etiam quoad possessionem probata præstatione deformi, vti in specie, & bene refert & tenet Avendañus *de exequend. mandas. Reg. Hispan. part.* 2. *cap.* 4. *num.* 17. *Quod praximè verum est*, si ista doni datio vniformis non est vniuersaliter vniformis, sed diuersa in præstatione; qui allegat Baldum, Angel. & Iasonem: & quamvis ipsi nihil dixissent, fundata iuris ratio cogit sic intelligere. Concludere enim debet testis, & ita concipi articulus debet, quod ea præstatio, de qua agitur tempore litis soluta fuerit ab hinc quadraginta annis ad minus, & vltra quadraginta annos toto tempore, cuius initij memoria hominum non extet. Quod si illa aut diuersa fuit, aut dissimilis, aut maior, aut grandior in suo genere, vicissitudine variante planè immemorialis esse nequit: & sicut illa quæ de novo aucta, vel diminuta est, sustineri non potest: ita nec antiqua, quia vna & eadem res quæ petita est, nequit diuerso iure censeretur, *l. cum qui, ff. de usucapionib. cap. cum in tua, de decimis.* Bald. *in l. humanitatis, C. de impuris & aliis*, & ratione partis de toto iudicamus, *l. 3. in princip.* & ibi gloss. & Doctores *ff. de acquirend. posses.* immemorialis enim perpetua vniformis, vna & eadem esse debet: verissimum enim est, requiri ad hanc probationem possessionem, vel quasi eius temporis, cuius initium memoriam hominum excedat, & cuius actus contrarius memoriam non habeat. Alex. *consil.* 16. *num.* 16. *lib.* 5.
- 29 Observandum tamen summè est, quia vtilissimum & quotidianum in hac materia, quod ista probatio, etiamsi vulgò aliter receptum sit, est difficillima. Namque etiamsi plures testes deponant se vidisse luctuosas solvi è bonis morientis, quia viderit è bonis Titij & Sempronij solutas, audisseque eos qui viderant solutas suis temporibus, & audierant maiores suos qui viderant, & memoriâ tenuerant, nec vnquam contrarium vidisse, atque id esse publicam famam & constantem opinionem apud omnes qui id nossent; tamen adhuc hæc ipsa probatio difficillima est, quia habet aliquid negativum, scilicet contrarium minimè vidisse fieri, gerive. Quæ pars cum negativa sit ( vt apparet ) fallacem, habere potest attestationem, aut certè debilem, cum minimè destruere possit probationem contrariam, si testes contrarij contrarium se vidisse planè



& verè asserant. Tunc enim si contrarium appareat, maius adhuc periculum est, quia fides testis deponentis de immemoriali magis debilitatur. Vnde ex duobus testibus qui viderint & attestentur contrarium actum sciente & patiente Domino, memoria inducitur facti contrarij, & infringitur probatio, quia hi de affirmatiua, illi verò de negatiua ferè deponunt. Quid enim obstat si mille nunquam viderint negatas luctuosas, si tamen duo testes meminerint petitas aliquando nec fuisse, nec solutas, idque tacente & consentiente Domino? Certè magis creditur his duobus asserentibus, quàm mille negantibus: glossa in *l. diem proferre*, §. *si plures*, ff. *de arbit.* quæ recepta est communiter. Itaque si contrarium meminerint homines, iam immemorialis dici nequit; quod in hoc genere probationis facilius admittent iudices propter facti acerbitatem & violentam præsumptionem, quâ præsumptio adiunatur quæ liberos ait vassallos.

Vnde dicendum est ex Alex. *d. consil.* 16. *lib.* 5. non solùm intra centum annos posse destrui immemorialem probationem, si testes ex aduerso producti intra id tempus dicant se vidisse contrarium, verùm si ultra centum annos asserant vidisse eos contrarium fieri agere; utcùmque enim, siue cis, siue citra centum annos memoria extet in contrarium, proculdubio corruet immemorialis. Quid enim si ultra centum annos deponant testes luctuosas non exigi solere, quòd viderint mortuos Titium, & Sejum, vidente Domino, neque luctuosas petitas, nec postulas; quod si petita minimè soluta sint, certè hæc verè est memoria in contrarium; etiam si id gestum sit ultra centum annos. Potest namque reperiri testis qui deponat de his, quæ vidit ultra centum annos; & in hoc Senatu quotidie referuntur testes huiusmodi. Tenet Alex. *dict. consil.* 16. Ioan. Andr. in *d. c.* 1. *de præscr. lib.* 6. *ad finem*, quod quidem facile fieri potest retenta communi opinione, de qua glossa in *c. relatum*, 37. *distinct.* glossa in *l. 3.* §. *lege Iul.* ff. *de testib.* & *l. ad testium*, §. 1. *de testam.* alia in §. *testes*, *Inst. de testam.* communem dixit Aret. in *d. l. ad l. testium*, §. 1. Fel. in *cap. ult. de sententia excommun.* Decius in *l. 2.* §. *ult.* ff. *de reg. iur.* ubi omnes asserunt, posse testem testificari de his quæ ante pubertatem vidit; & valet eius testimonium, cum eo tempore, quo testificatur, iam pubes sit, licet actus, cuius testimonium perhibet, ante pubertatem contigerit: quæ communis opinio verissima est, & habet legem 9. *titul.* 16. *part.* 3. pro se ubi Greg. Lop. qui *verb. Quæ ovissem ante visto*, optimè exponit, scilicet eo tempore, etiam si in pupillari ætate, si tamen memores esse possint; atque illud proximum pubertati esse debet, ut ipse optime declarat & benè, scilicet decem anni cum dimidio, vel saltem vndecim, ex *d. gl. in d. c.* 1. *de præscr. lib.* 6. & ita debet intelligi prædicta lex 9. *tit.* 16. *part.* 3. Itaque ex his, siue citra, siue cis centesimum annum constet memoria hominum, quod scilicet luctuosæ in loco minimè soluebantur, nec petebantur, morientibus ciuibus, vidente & patiente Domino, certè destruitur immemorialis in hoc nostro casu & specie luctuosarum, quæ odiosæ sunt. Vnde in hoc non est curandum de quasi possessione centum annorum, hoc est, quod intra centum annos non extet memoria contrarij actus. Existimabat enim Guido Papa, q. 573. & ante eum Cynus in *l. 2. C. de servitutibus & aqua*, q. 10. & ibi Bald. *num.* 21. Capola *de servitutibus urbanorum præ-*

diorum, c. 19. Bald. de *prescriptionibus* 2. parte partis 3. q. 6. & alij, quos refert Ludouic. Molina vbi supra num. 61. & Speculat. tit. de probat. §. 1. num. 28. Antonius de Buttr. in c. quid per nouale, de verb. signific. Ioan. Andr. in d. cap. veniens, de verb. sig. libr. 6. Aymon. vbi supra 4. parte, cap. materia ista singularitatis testium, num. 40. ferè immemoriam tempore esse recordationem centum annorum, ita vt etiam si contrarium reperiretur factum ab hinc centum & vno, vel centum & duobus annis, etiam si id constet per testes qui id viderint, adhuc immemorialis dicatur vel sustineatur, cum intra centum annos contrarij actus memoria non extet. Quam opinionem communem dicit Carolus Molineus in *consuetudinibus Parisiensib.* tit. 1. §. 5. num. 63. quem pro hac opinione allegat doctissimus Couar. in dict. Reg. possessor. part. 2. §. 3. num. 6. ad fin. etiam si Carolus Molineus aliud agat. Verè enim ille ( vt patet ad litteram ) nihil agit de immemoriali, sed inquit quod dicatur factum antiquum, & relatis aliorum opinionibus refert etiam illam, quæ communis est, vt factum antiquum dicatur illud, quod ab hinc centum annis contigit. Cuius opinionis authores refert plures, de immemoriali verò nihil. Aliud factum antiquum est, aliud sine memoria & recordatione. Idèd Carolus Molineus non est in illa opinione, & statuendum est, nihil aduertendum esse ad centum annos; vtumque enim, siue citra, siue cis centum annos facti contrarij memoria reperiatur, immemorialis esse nequit. Et optimè concludit contra communem doctissimus Couar. vbi supra cap. 3. num. 7. & licèt Ludouicus Molina dict. lib. 2. c. 6. num. 60. & 61. & seq. ad resolutionem huius questionis distinguat, planè tota eius distinctio in eo est, vt si reperiatur contrarium actum gestumve contra immemoriam, siue is, siue citra centum annos, immemorialis minimè consistat: nam si actus non sit contrarius, & consistere possit cum immemoriali, tunc quidem non est nostra dubitatio. Quod cum ipse recipiat in materia primogenij, certè multò fortius est admittendum in nostro casu odioso, vbi lex requirit immemoriam cum circumstantiis suis vndequeque perfectissimam. Vnde licèt Dominus probet immemoriam possessionem, & vasalli adducant testes oculatos, qui attestentur vidisse se ab hinc centum & duobus, vel decem annis luctuosas nullas solui, vel intra centum annos, morientibus ciuibz minimè postulas luctuosas, etiam si initium non prodant & principium quando primùm cœperint præstari, certè immemorialis corruet extante memoria contrarij actus ex superius adductis.

Secus dicendum est, si cum Dominus semper habuerit luctuosas, semperque præstitæ sint; si tamen vnus, & item alter desierit solvere luctuosas, negligente Domino, vel nolente, vel cum posset exigere, nihil refert. Hæc enim non est memoria contrarij actus, quia semper præstitæ sunt; si non ab his qui reuelarunt, certè ab aliis: est tamen interruptio eius qui soluere non vult, cum debeat solvere; quem etiam si negligat Dominus, vel nolit, non statim destruit immemoriam suam. Aliud est enim interruptio contrarij actus, quæ præsupponit immemoriam possessionem; aliud memoriam non extare, quod nullam talem possessionem præsupponit. Rursum non est idem memoriam non extare, vel dari principium immemorialis; potest enim testis vidisse non solutas, nec exactas luctuosas in loco, sed ignorare quando primùm solu-



ta sint. Itaque maximè aduertendum est in hac materia ad hæc tria, scilicet ad memoriam contrariam, initium immemorialis, & interruptionem. Interruptio enim non vitiat immemoriam. Oldrad. *consil.* 254. *num.* 18. Corneus *consil.* 22. *num.* 5. *lib.* 1. Parisius *consil.* 27. *num.* 28. *lib.* 1. quos allegat Ludouicus Molina vbi suprà, *numero* 47. Cuius ea ratio est, quia cum immemorialis contineat tempus infinitum, adempto aliquantulo tempore semper remanet infinitum, ob idque interruptione non læditur nec destruitur immemorialis. Quæ ratio tam militat siue interruptio hæc contingat intra quadraginta annos, de quibus *in l.* 41. *Tauri*, vel vltra quadraginta annos. Namque si Dominus possessionem quadragenariam non probauerit, non est probata immemorialis: si ipsam probet cum aliis circumstantiis, *dict. l.* 41. probata est ab ipso immemorialis. Atque tunc quidem etiam si vassallus probet interruptionem, etiam intra quadraginta annos, interruptio illa ex his, quæ diximus, non destruit immemoriam. Et ita intelligenda est dicta lex 41. *Tauri*, & Ludouicus Molin. vbi suprà *dict. num.* 47. qui nisi ita intelligatur difficile sustineri poterit: & habes hæc bene explicata ad probationem immemorialis.

Tum etiam illud aduertendum est, quod ista præstatio luctuosarum debet esse sine coactione vlla; Requiritur enim ad hoc vt domini obtinere possint, quod toto tempore illo immemoriali liberè domini habuerint ex bonis emortui huiusmodi luctuosas, quodque vassalli patienter tulerint hoc onus, nec restiterint vnquam contradicendo; immò propter præsumptionem vehementem, quæ est contra ipsos, ipsis incumbit onus probandi huiusmodi patientiam. Quod si vassalli probauerint, nolentibus ipsis soluere has luctuosas, pignora fuisse sibi capta, eosque pignora data numeratâ pecuniâ redemisse, ne rebus suis carerent; denique si Domini arrestabant, fortior efficitur præsumptio coactionis & violentiæ, de qua *in d. reg. quod latenter*. Hi enim actus, arrestatio, pignoratio, incarcerationio, violentiæ & coactionis indices sunt, non meræ voluntatis, ex quibus immemoralis corrui.

Hoc notat Gregor. Lopez *in d. l.* 5. & bene (vt ipe asserit:) cum enim patientia requiratur vassallorum toto illo tempore in præstatione harum luctuosarum, quantum est ex se coactionem secum affert, & violentiam. Quis enim nisi planè stultus ita cogitauit voluisse quemquam tantum, tamque miserum onus subire, vt morienti sibi & filiis parente destitutis bona ipsa auferantur. Ex quibus satis piè Greg. Lopez *in dict. l.* 6. admonet locorum Dominos, vt si ab his exactionibus abstineant, operæpretium facturos sibi, & animabus suis opportunè consulturos. Notandum tamen est in hac materia, quod licet præscriptio stricti iuris sit, & strictissimam recipiat interpretationem, nec extendatur de persona ad personam, nec de re ad rem, Innoc. *in c. iua*, de *decimis*. Doctores *in cap. cum olim*, de *prescriptionibus*, Bald. *in l. non dubium*, C. de *legibus*, l. 1. vbi gloss. & Bartol. l. ff. de *uincere actûque priuato*, cap. *auditis*, de *prescript.* Socin. *conf.* 272. 2. *part.* incipit: *In causa sancti Andree*. gloss. *in reg. odia*, de *reg. iur. libr.* 6. Innocent. *in cap. auditis*, & ibi Felin. *num.* 10. Bald. *in l. de quibus*, ff. de *legib.* vnde dictum est, quantum possessum, tantum præscriptum; in hoc tamen casu non est necessarium quod præscriptum sit præscriptione immemoriali contra omnes particulariter. Sufficit

enim quod luctuosa sit percepta ab aliquibus, vt contra omnes intelligamus præscriptum: cum enim præscribatur ius reale in genere, scilicet ius exigendi luctuosam illam præstationem, præscripto iure illo reali exigendi, præscriptum intelligimus contra omnes personas territorij, quibus ius illud applicari potest, ex singulari doctrina Bald. in l. si quis diuturno, 2. notabili, ff. si seruitus vendicetur, vbi inquit, quod præscriptio iuris realis porrigitur ad omnes, etiam si aduersus eos specificè non fuerit præscriptum. Vnde qui præscribit iurisdictionem in territorio, poterit illam exercere aduersus aduenas, quamuis aduersus illos non præscripserit. Vnde præscriptio in illa specie, quæ præscripta est, extendi potest de persona ad personam. Sequitur Bald. in additione ad Speculat. tit. de iurisdictione omnium iudic. vers. antepen. Felin. vbi sup. num. 20. Iason in l. 3. num. 39. de acquir. poss. Aymon de antiquitate temporum part. 4. in principio, num. 59. Bald. de præscript. 2. part. principali, q. 2. num. 28. Ludouicus Molina post hos vbi supra, cap. 6. num. 17. qui refert Bartholum authorem huius opinionis in d. l. si quis diuturno; ille tamen nihil de hoc: vide latissimè, quando de vna specie, & de vno actu ad alium possit extendi, eleganter Zaz. lib. 2. conf. 16. num. 59. & eundem Aymon Crauetam. vbi sup. num. 58. & 60. & ex illis intelliges meliùs quæ tradit idem Ludouicus Molina. vbi sup. num. 18. ad extensionem præscriptionis de vno actu & de vna specie ad aliam, quod nunc non est nostrum propositum. Nobis illud sufficiet attigisse, scilicet non requiri in hoc præscriptionis genere, quod ab omnibus de territorio sit exacta luctuosa. Sufficit enim quod à quibusdam præstita sit cum sese casus obtulit, iuxta veram rationem & naturam eius actus, & iuris realis quod præscribitur; quia tunc contra omnes præscriptum esse intelligendum est.

- 41 Vnde si quemadmodum hæc ipsa præscriptio dirigitur ad exigendum ius reale, dirigeretur ad seruitium aliquod personale, scilicet vt arcem carceremve custodirent vassalli, vel dominum comitarentur; tunc verè non extenderetur de persona ad personam, sed penes illos versaretur illa præscriptio, penes quos actus reperirentur exercitati ex eisdem Baldo & aliis, quos adduximus, qui suscipiunt id duntaxat in iure reali acquisito & præscriptione; non possunt Domini compellere subditos ad custodiam nocturnam faciendam in castro, vel fortalitia, vt tenet Ias. in l. diuortio, §. impendia, versic. item aduerte, ff. solut. matrimonio, vbi dicit, ita consuluisse: allegat Angel. in l. turres, C. de operibus publicis, Ang. tamen id non asserit, sed tenet Chassaneus in consuetudinibus Burgundia. titul. de feudo, num. 25. Iacobinus de sancto Georgio titulo de homagiis, ad fin. Boërius, qui latè allegat, decisione 212. lib. 1. Quod tamen limita, nisi tale seruitium soluatur ratione loci, hoc est nisi sit focagium, vt dicunt Galli; quia tunc transit ad omnes qui habitauerint locum illum pro quo debetur seruitium, & si pater habuerit plures filios, qui locum incoluerint illum, omnes præstabunt singuli singula illa seruitia, de quo vide semper Boërium vbi supra, num. 4. vbi benè & latè hoc disputat. Sed tamen etiam si Doctores abierint in hanc sententiam, secuti Baldum, Bald. tamen locutus est in casu dictæ legis si quis diuturno, §. 1. sup. quod ius reale, de quo ibi, multum differt ab hoc iure reali, de quo nos. Demus id

Doctoribus,



43

vel

vel quia ius reale acquiritur ex traditione Doctorum, de quibus suprà.

44

Vel ex alio extendenda erit præscriptio ista ad vicinos, etiam qui nunquam præstiterint lucuosas; quia licet verum sit, quod consuetudo requirat binum actum, *l. 3. Cod. de Episcopali audientia, cap. ex parte, de consuetudine*, Bartol. & reliqui *in l. de quibus, ff. de legib. num. 11. l. 5. tit. 2. partit. 1.* non aded tamen requirit binum actum, vt adhuc necessum sit, quod binus ille actus obtentus sit in iudicio, saltem vbi consuetudo inducitur contra ius: tenent Calderinus, Ancharanus, Ang. & Curtius Iunior, quos refert Aymon Craueta *dict. 4. part. num. 32.* etiamsi communis opinio ad probationem consuetudinis actus extraiudiciales admittat, de qua Bart. *in dict. l. de quibus*, & ibi Ias. *vers. in secunda part. glos. septima.* Bald. *in conf. 210. lib. 1.* dicit communem, Corn. *conf. 293. lib. 1.* & *conf. 179. lib. 3.* Abb. *conf. 73. lib. 2.* idem *in cap. fin. de consuetudine, num. 16.* Rochus de Curte *de consuetudine, num. 362.* Aymon Craueta vbi suprà, *4. parte, in principio, num. 33.* Burgos de Pace *in l. 1. Tauri, n. 148.* Ludouicus Molina *de Primogeniis Hispanis lib. 2. cap. 6. num. 27. & 28.* Gregorius Lopez *in dict. l. 5. tit. 2. part. 1. verb. Fueren dados.* Contra hanc communem fortissimè facit prædicta lex *5. tit. 2. part. 1.* ibi: *en este tiempo misino fueren ados conceieramente dos inyzios por ella.* Nostri namque intelligunt illam legem, vt scilicet in nihilo resistat receptæ opinioni, vt scilicet necessarius sit duplex actus, isque iudicialis, si quis se ad istud probationis genus restrinxerit; quasi lex quæ vnum genus probationis admiserit, alterum non excluderet: itaque verius putant, admittendos quoque esse actus extraiudiciales, non obstante lege illa Partitæ; quod mihi, qui decedere à doctissimorum virorum sensu leuiter non soleo, durissimum est, propter verba dictæ legis *5.* quæ mihi in Hispania ius facit, non Doctorum opinio: & ita censebat Burgos de Pace, *vbi suprà*, Tu cogita; & facit fortissimè illa ratio, quia ided requiritur actus binus, isque iudicialis in probatione consuetudinis, quia ex probatione duplicis illius actus iudicialis, intelligimus quendam notorium, & tacitum populi consensum; postquam enim in iudicium deducimus illam consuetudinem, & secundum eam obrinemus, iam tunc in promptu est sic existimare vniuersum populum id voluisse; quæ est ratio exigendi duos illos actus iudiciales, quæ ratio cogit intelligere debiliores esse & infirmiores actus extraiudiciales, quàm vt ex illis notorium illud inducatur. Vnde ex duobus actibus extraiudicialibus non ita intelligimus notorium illud, & vniuersi populi consensum; quod sensit Bartol. *in dict. l. de quibus, in prima & secunda lectura*; & notat idem Aymon Craueta *vbi suprà, num. 35.* & est ipsa veritas: vnde ad nostram legem Partitæ dicendum est, legitimè probari consuetudinem duplici actu iudicali, quia scilicet ex illo inducitur notorium; non autem probari ex duplici extraiudicali actu, quia ex illo non intelligo notorium educum ex consensu populi. Vnde si quis hodie velit in Hispania probare consuetudinem, & nullum actum adducat, aut vnum, duosue tantum, eosque extraiudiciales, nunquam existimabo consuetudinem probatam; non enim mihi possum ex vno actu etiam iudicali, vel ex duplici extraiudicali consensum populi notorium & publicum persuadere, nisi cum duplici actu illo esset probata vniuersi populi comprobatio eius consuetudinis, & ferè expressa,



pressa, quod rarò fit. Si verò plures actus, & frequentia actuum deducantur, ex quibus verosimile sit populum vniuersum id cognouisse & consensisse, quamuis hi plures actus extraiudiciales sint, tunc tamen quia frequentia & pluralitas actuum inducit notorium illud idem, quod resultabat ex duobus actibus iudicialibus, & reperitur obseruata ratio dictæ legis §. bene admittimus interpretationem nostrorum & communem sententiam, vt tales actus, licet extraiudiciales, quia plures sunt & frequentes, & quia inducunt notorium, admittantur; & hoc casu hoc probationis genus admittendum. Duo verò actus extraiudiciales rarò aut nunquam probabunt consuetudinem, quia non ita facile ex eis deducimus notoriam. Ob idque plurimum in hoc poterit iudicis arbitrium, qui de ea re cognoscet: cuius arbitrium in eo versabitur, an tales actus extraiudiciales sint, ex quibus possit notorius ille populi consensus educi, perspecta re, & rei qualitate, & circumstantiis: quod existimamus obtinendum, siue consuetudo probanda sit probatione ordinaria, siue eâ, cuius initij memoria non extet; semper enim habenda est ratio actuum, an hi sint qui inducere, & suadere possint populi vniuersi notorium consensum, qualem ex actibus iudicialibus colligeret doctus & prudens iudex. Idque contra Ludouicum Molinam vbi supra, *num. 28. versic. quicquid*, vbi ait in hoc probationis genere nihil esse curandum de actibus iudicialibus, constareque probationem ex actibus extraiudicialibus; quod ego ita intelligerem, si frequentia actuum extraiudicialium deducatur. Namque, vt diximus, ex duplici actu, eoque extraiudiciali, rarò aut nunquam admittitur probatio consuetudinis, ex his quæ diximus supra.

Quæ diximus autem de consuetudine, maximè faciunt ad ea quæ dicturi sumus de præscriptione, quæ vt plurimum vnico duntaxat actu sustinetur, præsertim vbi actus ille habet secum tractum futuri temporis, & continuationem successiuam, & permanentem, vt est electio, præsentatio, nominatio, & successio; namque continuatio successiua eius actus per tempus lege definitum præscriptionem constituit: & ita, quod sufficiat in præscriptione vnicus actus, tenet Abba in *cap. final. num. 17. de consuetud.* Tiraquellus de *Primogen. quest. 38. num. 2.* Ifernina in *cap. Imperialem, §. præterea ducatus, num. 3. de prohibita feudi alienatione per Federicum.* Palacios Rubio in *repetitione cap. per vestras, §. 28. num. 37.* qui quamuis loquantur in consuetudine, idem obseruandum à fortiori est in præscriptione ad quam vnicus duntaxat actus requiritur, *cap. cum Ecclesia*, vbi Scribentes, de *causa possessionis & proprietatis.* Hostienfis in *cap. Abbatem sancti Syluani, de verbor. signific. cap. consultationib. de iure patronatus.* Bartol. in *l. 1. §. hoc interdicto, num. 1. & 6. de itinere actuque priuato.* Rochus de Curte de *iure patronatus in parte competente alicui, quest. 14.* Lambertinus eodem *lib. 2. part. 1. quest. 3. art. 11. num. 5.* Dominus Antonius de Meneſes in *l. 1. Cod. de seruit. & aqua, num. 22.* Molinā vbi supra, *lib. 2. cap. 6. numero 23. vers. sed an sufficiat.*

Ex quibus in nostra questione dicendum videbatur, sufficere vnicum actum, sed quamuis illud habeat locum in illis actibus qui habent continuationem & tractum temporis; in actibus tamen momentaneis dicendum est requiri frequentiam actuum, *argument. text. in l. 1. vers. quod autem scriptum est,*

49 *ff. de aqua quotidian. & astin.* Item faciunt illa omnia, quæ de consuetudine adduximus; quia si in consuetudine, quæ fauorabilis est, requirimus duplicem actum, atque iudicalem ad minus; & ubi iudicialis actus non interuenerit, requirimus frequentiam actuum; multò magis id admittendum est in præscriptione, quæ est odiosa: in nostro ergo casu, cum actus sint momentanei, desideramus frequentiam eorum, ex quibus cum tempore possimus inducere ius præscriptum percipiendi luctuosam; & ut tandem concludamus de actibus necessariis ad expectandam præscriptionem ab his qui luctuosas præstarunt, ad eos quibus adhuc non est præstita, & à quibus nondum exacta est, hoc est de persona ad personam, proponimus hanc quæstionem: Pone quod in aliquo territorio, castro, oppido, vel alio loco dominus territorij, seu is qui iurisdictionem habet (nihil refert) percipit luctuosam à Titio primum, postea à Sempronio emortuis, ob eam causam quòd omnes de castro tenerentur; habeatque hos duos actus & tempus quale lege requiritur, an possit ex his contra reliquos de territorio uti hoc ipso iure præscripto, qui nondum luctuosam soluerunt; scilicet, quia nullus toto illo tempore mortuus est, aut quia casus non interuenit ut luctuosa solueretur; scilicet intra quadraginta annos, quibus ex iuris nostri dispositione dominus in sua possessione harum luctuosarum defenditur. Quæstio in ea est, an ex his actibus, & tempore præscriptum sit contra hæredes eorum qui soluerint luctuosas tantum, an verò contra omnes de castro, & territorio, propter quod exacta est luctuosa, in quo ex fundata iuris ratione, de qua supra, sic existimo definiendum quod si talis exactio deuenit ad notitiam totius populi, aut maioris eius partis, cum scirent luctuosam à Titio exactam quia moretur in territorio, item postea à Sempronio; & tamen nullus contradixit toto illo tempore requisito à lege ad præscribendum, quod isto casu acquiritur ius contra omnes de territorio, & directò præscribitur contra omnes de territorio, nullaque in hoc casu est extensio, nec de extendenda præscriptione de persona ad personam in hoc casu agimus: aliàs si ista exactio vel ex causa non sit, vel si fiat, non deuenit ad notitiam totius populi, vel maioris partis, tunc quidem existimandum est eos actus latenter factos, minimèque esse contra omnes præscriptum, cum præscriptio sit strictissimi iuris, *l. 1. §. Iulianus, ff. de itinere actûque priuato.* Innoc. in *c. dilectus, de capell. monach.* Bart. in *l. cum de in rem verso, ff. de usuris.* Nec necesse est quod luctuosa exacta sit à maiori parte populi, quod in simili existimabat Boërius *decis. 125. num. 5. ad med.* sufficit enim quòd sit exacta ab aliquibus ex prædicta causa, & quod talis exactio peruenerit ad notitiam maioris partis de territorio vel castro: ita contra Boërium tenendum est cum Aymon Craneta, *ubi supra, 4. part. §. materia ista singularitatis testium, numero 86. folio mihi 215.* Ex qua regula, quæ est edueta ex ratione fundata iure, facile est intelligere quod actus in istiusmodi præscriptione necessarij sint, & secundum eam dicendum est; sufficere quod iudicem prudentem mouere possint, ut sibi persuadeat populum, vel maiorem partem incolarum, vel eorum à quibus exigenda est luctuosa, ex notitia & tacito consensu luctuosarum exactarum voluisse huiusmodi luctuosas solui tacendo, siue hi actus duo sint, siue tres, siue plures (nihil refert) dummodo ex his resultet tacitus ille consensus, & quædam  
veluti



veluti gratuita donatio, quam ex iuris principiiis facere videtur, qui contra se præscriptionem expleri permittit, nihil renuendo, vel interpellando: quod si hic consensus tacitus non resultet ex actibus particularibus, licet plures sint, adhuc intelligam non esse præscriptum: & hæc pertinet ad actus. Ex quibus videbis quàm aperte decipiantur qui certum numerum actuum inquirunt ad complementum præscriptionis.

Nec quicquam refert, quòd vassallus, à quo dominus luctuosam exigit, & in quem iurisdictionem exercet, sit censitus (censiti enim dicuntur vassalli qui cum ipsa gleba censentur, & sunt veluti glebæ pars; de quibus optimè Alvarus Vasquius *iuris emphyteutici* q. 32. num. 5.) velut nos nostro nomine vocamus *Solariego*, vel ut dicunt Itali & receperunt Galli, quod sit de mansata; quia adhuc illa præsumptio, de qua Doctores *in dict. regula quod latenter*, contra dominos vrget, namque præter censum constitutum nihil aliud à vassallo expectare domino convenit. Textus expressus secundum vnum sensum *in l. domini, C. de agricolis & censit. lib. 11.* tenet Bald. *in l. cum multa, in fin. Cod. de bonis qua liberis. Alexan. 6. cons. 35. lib. 2. & cons. 124. lib. 4. & cons. 145. lib. 2.* Guido Papa q. 407.

Sunt enim vassallorum genera plura, de quibus *l. 3. tit. 25. part. 4. & l. 2. cod.* vassallos verò *Solariegos* dicimus eos, qui à solo quod colunt, quòdque à Domino accipiunt, solariegi vulgò dicti sunt; verba eius legis hæc sunt: *Solariego tanto quiere dezir como home que es poblado en suelo de otro, è este a tal puede salir quando quisiere de la heredad con todas las cosas muebles que hy ouiere: mas no puere enagenar aquel solar, nin demandar la maiora que hy ouiere fecha, dene fincar al señor cuyo es Pero si el solariego a la sazon que poble aquel logar recibio algunos maravedis del señor, o fizieron algunas posturas de so vno deuen ser guer dadas entre ellos en la guisa que fuerun puestas, e en tales solariegos como estos no ha el Rey ioro derecho, sino tan solamente moneda.* Itali quoque agnoscunt hoc genus vassallorum, & vocant vulgari verbo *Hiron de Mansata*, à mansionem quam accipiunt à domino: ita de his dicit *Spec. tit. de feud. libr. 4. part. 3. §. quoniam super homagiis, num. 38.* cuius verba sunt: [Est, aiunt, mansata, quando Dominus dat alicui mansum cum diuersis possessionibus, & propter hoc ille facit se hominem Domini, & ad certum seruitium tenetur, & talis dicitur homo de mansata, qui est homo ratione possessionum; persona tamen eius libera erit, secundum consuetudinem Regni Franciæ, si dimissâ mansatâ alibi se transferat.] Hæc *Spec.* qui & *num. 37.* de acquisitis ab homine de mansata, inquit: [Homo de mansata quicquid acquirit post acquisitam mansatam, ipsi mansatæ acquirit; & quod acquirit, eius naturæ est, cuius est ipsa mansata, & de ipsa mansata efficitur. Est autem conditio, seu natura mansatæ, ut alienari non possit; & si se homo de mansata alibi se transferat, mansata efficitur domini, & eam amittit vassallus, qui aliò se transfert.] Hæc *Speculator.* Ex quibus patet, quod homo de mansata dicitur à manso, sicuti solariego à solo: & quod est homo Domini cui subiaceret, & quod tenetur ad certum seruitium: vocarunt iura feudorum mansum, *§. si quis de manso, in cap. 1. qui feud. dare possint*, ubi Iacobus Cuiacius eruditè explicat, quòdque liberè potest abire à solo, seu mansata, dum tamen mansatam relinquat Do-

mino cum acquisitis & meliorationibus ; quicquid enim acquirit hic homo de mansata, vel solariegus mansatæ solo mansatæ acquirit, vel Domino : cui legi conuenit dicta lex 3. ibi : *Hoye que es poblado en suelo de otro*. Et ibi : *Esto tali puede salir quando quisere*. Et ibi : *Mas no puede enagenar aquel solar, ni demandar la maioria*. Quòdque facit ad id quod egimus, pacta conuenta air lex omnino esse seruanda inter Dominum & vassallum modis omnibus : & quamuis lege Partitæ ita dispositum sit de vassallis de mansata, vel solariegis ; tamen de his ipsis vberius dispositum fuit nouis subinde conditis legibus. Cùm enim lege Partitæ statutum id esset, vt homo de mansata liberè decedere possit relictis meliorationibus ; dubitatum postea fuit, an Dominus quoque eundem expellere possit liberè. Quod si nec alter expellere, nec alter abire liberè posset, quid faciendum abire, vel expellere volenti quis modus in decessu ? quæ ratio in expulsionem ? quid vassallo cum Domino ? quid Domino cum vassallo agendum esset circa seruitium præstandum ; an liceret Domino onera superimponere ? hæc postea lege lata constituta sunt, l. 2. tit. 3.

- § 5 lib. 6. *Ordinat. Regiar.* quæ in his omnibus lex tertia explicat eleganter, & tandem nostram quæstionem decidit, vt scilicet etiam si vassallus solariegus sit, & de mansata, adhuc extra censum si quid aliud acceperit Dominus, per vim cœpisse videatur, vt in hoc vassallo quemadmodum in reliquis, præsumptio metus & coactionis urgeat, ibi : *E ningun gran señor que tuuiere la behetria, na les puedo fazer tuerto, ni fuerça, mas de quanto son aforadas*. Pondera verbum. *Mas de quanto son aforadas*, vt Dominus accepto censu quiescat in exactione oneris. Et rursum ibi : *Pero si algunos solariegos ouiere o han otro uso y costumbre : o privilegio, in qualquiera manera deuen passas con los señores, e los señores con ellos, que les seaguardado*. Addebat antiquata lex veteris Ordinamenti post hæc verba, *El uso, costumbre, y privilegio que ouiere en sta razon*. Quæ verba non erant superflua, nec otiosa, etiam si à compilatoribus omissa sint : multaenim in legibus illis addita, aliqua omissa, quædam verò mutata sunt, quod proximè patebit. Illud ex his reliquum sit, ex vassallis censitis, vulgò *Solariegos*, vel de mansata, nihil aliud posse Dominos expectare, quàm censum, ad quem solum, & mansum cum prædiis concesserunt Domini agricolis censitis, nisi vsus vel consuetudo, vel priuilegium aliud induxerit ex antiquitate temporis & longæua præstatione : at verò ne quis dubitaret, qualis illa consuetudo esse deberet, subdit lex illa in fin. consuetudinem illam immemoriam esse debere, ibi : *E si non ouiere cartas o privilegios que les sea guardado el uso, y costumbre que ouieren en esta razon, de tanto tiempo aca, que memoria de hombres no sea en contraria*. Ac ne fortè quis dubitaret, an ea clausula extenderetur ad vassallos solariegos, quia proximis verbis *de las encartaciones*, loquebatur, præterea quod in vtrisque vna eademque inerat ratio, idem legislator ne de hoc dubitatio vlla esse posset, lib. 6. tit. 11. post leges eius tituli in appendice remissarum legum, versic. 4. hanc ipsam legem ad id notat, & refert quomodo præscribi possit à Dominis aduersus vassallos solariegos, vel de mansata : quod quidem in censu intelligi non potest, cùm is ex conuentione soluatur, vt cætera, de quibus conuentum non sit inter Dominum & vassallum, immemoriam sustinenda veniant



niant probatione; quod quidem necessarium est, quia ex fundata iuris ratione est efficax contraria illa violentiæ præsumptio, cum isti Domini exerçant iurisdictionem civilem & criminalem in his vassallis; & est eò fortior, quia prædicti vassalli sunt solariegi; & contra Dominum est dicta regula *quod latenter*, & quod ibi Doctores idèd immemorialis requiritur. Et quamvis illa 57 clausula ponatur in fine eius legis, tamen quia par ratio est in illa, & in cæteris, pariter determinat omnia capitula legis, ex his quæ notat & tradit Abba, & Francus & reliqui *in cap. 2. requiris*, num. 4. & 10. *de appel.* optime Decius *ibidem* num. 3. Bart. *in l. talis scriptura*, §. *fin. ff. de leg. 1.* Bald. *in l. 1. Cod. de lib. prat. vel exheret.* Alex. *consil. 213. lib. 2.* Aretin. *consilio 116.* Bald. *in l. in act. notabili 3. de his qui notant infam.* Hæc enim regula ab omnibus agnoscitur, ut clausula generaliter ad omnia referatur quando nulla ratio assignari potest, propter quam magis ad vnum capitulum, quàm ad aliud referatur. Itaque ex clausula illa, ut Domini contra quos est præsumptio violentiæ & coactionis, à vassallis etiam solariegis & de mansata ultra constitutum censum nihil aliud accipiant, necessaria est immemorialis præscriptio, *ex dict. l. 2. tit. 3. l. 6. Ordinationum Regiarum*, & clausula illa consultissimè posita fuit, aliàs autem forsàn obtineri poterat à Dominis, ut præstatio annua ultra censum constitutum iterata triginta annis continuis veram acquisitionem induceret, & tituli præsumptionem; quia præstatio triginta annorum præscriptionem videtur inducere iure communi, etiam in rebus maximi præiudicii, Bart. *in l. soler*, §. 1. *ff. de officio Proconsulis.* Bald. *in l. malè agitur, de præscriptione trig. vel quadrag. annorum.* Baldus *de præscriptionibus 4. part. quarta partis*, quest. 9. Carolus Molinæus *in consuetud. Paris. tit. 1. §. 7. num. 21. l. sicut*, l. *cum notissimi*, *Cod. de præscript. trig. vel quadrag. annorum.* Alex. *consil. 124. lib. 4.* ad decennium istiusmodi præscriptionem redigebat, sed nostra lex cum animaduerneret præsumptionem violentam, & repugnantiam iuris contra Dominos, tempus immemoriale requirit, & meritò, ex his quæ tradunt Ioannes Andreas, Hostiensis, Henricus, Panormitanus, & reliqui *in dict. regula quod latenter.* Itaque ex his nihil distinguimus inter vassallos de mansata, vel solariegos, & alios quoad huiusmodi exactiones & onera, cum in vtrisque idem ius sit, atque eadem reperitur definitio, eaque multò clarior in solariego; quia in his expressè decisum est, quod sola immemoriali possessione defendantur in his quæ extra constitutum censum ab eisdem percipiunt Domini.

Est igitur id observandum in vassallo solariego, quod in aliis, quod attinet ad luctuosas, ut nisi immemoriali præscriptione Domini iuuentur, eas à vassallis exigere non possint, omniaque superius tradita habent locum in vassallo de mansata; qui quidem vassallus etiam si lege Partitæ liberè decedere poterat à mansionem & solo, tamen iure nouo *ex dict. l. 2.* hæc decedendi facultas ablata est, & forma tradita, quo pacto vassallus decedere possit à solo & prædio. Namque si Dominus vassallum grauauerit de mansata, plus exigendo quàm conuentum sit, tunc decedere potest, in abscessu verò formam illam seruabit, de qua his verbis lex nostra: *Es si fuere vna, dos o tres vegadas tuerto, e non gelo quisiere emendar a la tercera vegada, el labrador saquela cabeça por vna finestra de aquella casa en que mora, e trayga a testigos, & diga a que renuncia e se parte del* 59

señorio de aquel que le façe tuerto, & que se torna vassallo con todo lo que ha de otro señor, que sea natural de aquella beherria, en que es aquel solar en que vive. Quæ  
 60 lex in hac forma abundi egregia est, & antiquitate plenissima. Rursum nec Dominus potest adimere mansum vel solum, vel prædium vassallo, nec liberis eius, si vassallus eiusque liberi censum conuentum soluerint, in principio dict. l. 2. nec vassalli quicquam de manso vendere possunt, ibi: *E ningun solariego no puede vender, ni enagenar, ni empeñar, cosa alguna de aquello que fuere del solar.* Quod indistinctè constituebat lex antiquata, hodie verò additum est in noua lege, *saluo, a otro solariego, que se a vassallo de aquel señor, cuyo es aquel solar.* Itaque hodie cessat illa consideratio, quam adducebat Gregorius Lopez in dict. l. 3. tit. 25. part. 4. vbi tenet, quod si vassallus consueuerit vendere possessiones suas liberè, incumbat probatio Domino quod illæ sint suæ propriæ; quam regulam ipse inducit ex eo, quod vassallus vendat liberè, quia vassallo solariego prohibita erat alienatio, ex Speculatore vbi supra, ad quam adducit Iserniam de controuersia inter masculum & fœminam, in principio, vers. quid tamen, qui tamen mihi ferè nihil dicit: at verò ex noua nostra lege Hispana, vt illa consideratio habeat locum, & inducamus præsumptionem pro vassallo vendente contra Dominum, debet vassallus vendidisse, non ei qui vassallus item sit ipsius Domini, sed libero homini, & in libero fundo habitanti, cum lege noua indistinctè venditio non sit prohibita, sed solum homini libero: ob idque si vendiderit vassallus vassallo, adhuc est præsumptio pro Domino, quod vassallus secus leges constitutas mansum vassallo vendiderit, secus si vendat libero homini; quia tunc Dominus probare tenetur, quod mansum venditum ad se pertineat, cum vassallus tanquam proprium vendiderit: quod si qua est præsumptio, quæ onus probationis in alium transferat, hoc modo est accipienda.

61 Postremò dispositum est prædicta lege, vt acquisita à vassallo de mansata vel solariego, fiant mansata, & soli, & remaneant Domino cum meliorationibus. Quod quidem intelligendum est, si emerit ab homine vassallo; item eiusdem Domini mansum: quod patet, quia emptæ in solo Regio, aut Ecclesiæ non cedunt Domino ex dispositione eiusdem legis. Idemque necessariò fatendum est, si emerit ab homine vassallo alterius Domini; namque ille ipse dominus, in cuius quoque mansata emuntur prædia, beneficio eiusdem legis tutus est, vt bona quoque de mansata sua, vel solariega alienari item non possint. Postremò notabilis est lex illa, quatenus ait pacta conuenta inter vassallum & Dominum esse seruanda, quia hodie frequenter ex conuentione forma prædictæ legis non seruatur; namque Domini prædiorum sub certo censu possessiones suas concedunt vassallis, alio atque alio censu sibi reseruato quotannis soluendo. Denique ex d. l. 2. talia pacta & conditiones vtiliter opponuntur & conseruantur, & meritò, quia in traditione rei propriæ potest quisque rei suæ leges, quas velit, apponere, l. in re mandata, C. mandati: idèoque si Dominus à principio pacto conuento de luctuosa agat, pactum seruabitur, atque ipsa luctuosa pars census erit l. fundi partem, ff. de contrab. emptio. qui casus in omni genere personarum receptissimus est, & sine difficultate, vt conuentio tollat omnem præsumptionem metus, coactionis



actionis & violentiæ, cùm præsertim possit quisque in traditione rei suæ leges apponere, quas subire debet is, qui velit re aliena vti. Postremò ex hâ ratione, quòd in traditione rei suæ quisque apponere possit leges quas velit & reservare sibi ius in re sua quod velit; atque aded ex eo, quod pacta conventa in hac concessione soli & mansatæ sunt servanda, si inter Dominum & vassallum pactum sit, vt nisi vassallus singulis annis censum soluerit, prædium commissi lege ad Dominum reuertatur, proculdubio pactum illud efficaciter seruabitur; quamuis enim pœna conuentionalis ex vsu foricensi apud suprema Tribunalia non mandetur executioni, decisio Matthæi de Afflict. 135. vnde stipulato de dupla rarò aut nunquam exigitur, quod notat Greg. Lop. in l. 32. tit. 5. part. 4. verbo *doblo*, vbi pœnam, de qua ibi, non exigi attestatur, cui addendus est Matthæus de Afflict. d. *decisione* 135. & *decis.* 80. & Carol. Molinæus *de eo quod interest*, num. 178. & Rom. *consil.* 510. num. 9. facit in nostro casu textus in l. 68. *Tauri*, quam in hoc sensu accipit doctissimus Couar. *variar. lib.* 3. *cap.* 7. num. 1. Ait enim forensem vsum apud suprema Regis Tribunalia eam legem ita interpretatum fuisse, scilicet vt commissum, de quo in lege Taurina, ita demùm locum habeat, scilicet si res eius sit, qui censum sibi soluendum cauerit: reuerà tamen ille sensus mihi nunquam placuit, nec scio an ita indistincte apud suprema Regis Tribunalia lex illa accipiat.

Quid enim mouere potuerit legum illarum conditores, ignoro, vt de re clarissima legem tulissent; cùm Taurinæ omnes leges maximè controuersas quæstiones deciderint: nulla autem dubitatio esse poterat, vt in traditione rei propriæ ipse mihi ius totum rei meæ reservare possem; quæ enim iniquitas est, aut quæ iniuria sit, vt tradita re mea ex mea liberalitate, conditio à me apponatur, vt totum redditum rei meæ singulis annis mihi soluas; quod si renuas, res mea ad me integro iure reuertatur, cùm à principio integrum tibi sit & liberum rem meam ita non accipere? certè indigna hæc dubitatio erat, quæ Taurina lege decideretur, quod mihi fortiùs persuadeo, quòd Ioannes Lupus de Palac. Rubios, vir eruditissimus, & summæ apud nos auctoritatis, qui affuit his legibus Taurinis condendis, longè aliter eam legem accipit, scilicet cùm quis retenta sibi re sua, super eadem censum soluendum singulis annis vendidit, addita ea lege, vt scilicet nisi ad tempus certum solvatur census, res commissio ad eum qui censum habiturus erat, pertineat; in quo lex illa videri poterat difficillimam iuris decidisse quæstionem, scilicet, qualis, quantavè debeat esse pœna conuentionalis: in quo textus in l. *vna*, de *sententiis qua pro eo quod interest*, moderationem pœnæ conuentionalis requirebat. Hæc verò moderatio deerat, vbi læsio reperiretur ultra dimidiam, de qua læsione in d. l. 68. Præterea Doctorum sententiæ aded erant ambiguae & dubiæ, vt in illa re illud vnum videretur certissimum, nihil certi reperiri. Glossa in l. *vna*, distinguebat inter pœnam appositam per verba multiplicatiua, vel per verba simplicia, quam Rebuffus dicit communem in *repetitione* d. l. *unica*, num. 546. & Alex. *cons.* 157. num. 6. lib. 6. quam tamen reprehendunt & Bart. in d. l. *vna*, num. 2. alij distinguebant, quod aut pœna apponebatur rei certæ, aut rei incertæ. Sapia dicebat hanc quoque communiter receptam,

- receptam, *ibidem* num. 83. & omnes in §. *alteri*, de *inutilib. stipulationib.* post Portium dicebant, quod pœna non potest ascendere duplum, & est communis per Imolam in *l. stipulatio*, §. *alteri*, de *verborum*, & Curtium in *d. l. 1. num. 32.* ad quam opinionem videtur respexisse dicta lex 68. ibi: *Aunque sea mas de la merad.* Alij distinguebant inter pœnam additam factô, vel quantitati; vt priori casu ascenderet in infinitum; secundo verò casu redigeretur ad legitimum modum vsurarum. Hanc dicit communem Franciscus Curtius in *dict. leg. una*, numer. 32. Baldus de *prescription. parte tersia partis*, quest. 13. num. 6. Facit bona glos. *verb. potest*, in *l. Lucius*, ff. de *actionib. empri*, & *vendit.* & in *l. cum allegas*, glos. 1. C. de *usuris*. Quibus dicitur, quod si pœna adijciatur quantitati, de facili præsuntur vsura: quod non est si adijciatur factô. Quæ opinio in hoc regno mihi verissima est, ex qua desumptæ videri possunt duæ nostræ leges, ex duplici membro huius distinctionis; altera est lex 34. *tit. 11. part. 5.* quâ deciditur, quod pœna apposta non adimplemento facti, ex conuentione exequenda sit, ibi: *Peche la pena, y cumpla el fecho.* Ad quam respexisse videntur legum earum conditores, quas Taurinas dicimus in *d. l. 68.* iuncta opinione præcedenti, vt scilicet non soluto censu annuo vendito res commissio pereat, vt pœna illa, quia est apposta non adimplemento facti, sit exequenda. Altera verò lex est lex *fin. titul. & part. ead.* quæ videri poterat contraria, sed loquitur in pœna conuentionali, quæ apponitur obligationi numerandæ pecuniæ, quæ pœna proximè accedit vsuræ. Cum verò tota ratio vsurarum hodie ad id quod interest redacta sit. Quod longè latèque patet ex qualitate personarum & circumstantis rerum, locorum, & temporum, non deerant qui iure decidi hanc quæstionem posse negarent, sed totum committi arbitrio iudicis; quod quidem ratione non carebat, & tenebat Carol. Molinæus de *eo quod interest*, num. 33. & 173. Romanus ante eum *consil. 510. num. 9.* in quod quoque non leuis ratio decidendi ad legem Taurinam videbatur, id scilicet, quod suprema Tribunalia rarè admitterent pœnam conuentionalem vltra id quod cuiusque interesset, *d. decision. 153.* legum illarum ergo conditores lege illa Taurina constituerunt, pœnam illam appositam non adimplemento facti esse exequendam, etiam si talis pœna excedat duplum, *dict. l. 34. tit. 11. part. 5.* contra penultimam opinionem retulimus. Cùm autem ea planè scripta sit, & quadret 34. & videatur in hac specie census non soluti apposta pœna commissi abstulisse difficultatem quæ poterat insurgere, aliud ipsam retorquere, ad casum sine dubio nec potest, nec debet iudex; ipse enimmet Couarr. apertè legem illam ita accipit, vt ad id decisa & lata sit, scilicet cùm quis supra re sua, quam retinet, censum alteri constituerit, etiam si dicat suprema Tribunalia aliter recipere illam legem. Suprema autem Tribunalia, aut Principem consulant de re dubia, aut legem accipiant in casu quo loquitur necesse est; cùm enim lata sit à Principe non recognoscente superiorem, qualis Rex noster Hispaniæ, glos. in *c. Adrianus*, 2. 63. *distinctione*; possidet enim Rex noster hoc Regnum Hispaniæ, vt dicit Felinus in *c. cum non liceat*, de *prescription.* tanquam rem captam in bello; idem dicebat Cardinalis in *Clementina fin. de censibus*, q. 7. vbi
- 69 appellat Regem nostrum, Regem sui iuris, quasi nihil acceperit ab Imperatore;



re ; alia adducunt Auendañus , & Palacios Rubios *in principio, hic in repet rubrica de donationibus inter virum & uxorem, ille de exeq. mandat. Regum Hispania*, Greg. Lop. *in l. 1. tit. 18. part. 2.* & licet isti omnes intelligant, quod Reges Hispaniæ vendicarunt Hispaniam à Mauris , & verum quidem illud sit ; iamdiu tamen iure proprio Hispaniam possidebant bello iusto captam à Romanis , qui Hispaniæ finibus , neglectis iuris humani & diuini legibus , turpiter agebant , factique sunt Gothi illa ætate veri Domini , & iure successu suo posteris suis reliquerunt , quod non obscure indicat mihi lex Gothorum antiquissima , quæ est lex 8. lib. 10. *del Foro in xgo delos Godos, tit. delos partimientos* , cuius verba hæc sunt : *El departimiento que hy le fecho de las tierras e de los montes ente los Godos e los Romanos, en ninguna manero non deue ser quebrantada, nen los Romanos deuen contrariar, nen demandar nada de las duas partes delos Godos, nen los Godos de la tertia parte de los Romanos, si non quanto les nos diemos. E los partimientos que fizieren los padres sos fillos nen so linagelo deuen quebrar* : expendo verba illa , si non quanto les nos diemos ; non licet vlli iudici aliò legem apertè retorquere , nec ab ea recedere : ita Diuus Augustinus *lib. de vera religione. In istis*, inquit , *legibus temporalibus, quamuis de ipsis iudicent homines cum eas constituunt & faciunt, postquam tamen facta & constituta sunt, non licet iudici de ipsis indicare, sed secundum ipsas.* Et habetur in *cap. in istis, 4. distinctione* ; & peccat index qui prætextu æquitatis quæ scripta non est , à verbis & mente legis recedit , quia resistit potentia & maioriati Regum. Et est in *cap. si quis, de maiorit. & obedientia. Qui principi non obedierit, morte moriatur. Lex igitur 68. Tauri*, quæ hodie est *1. tit. 15. lib. 5. Ordinationum*, ad hunc sensum accipienda est quousque Princeps aliter lex interpretetur ; & idè siue ex ratione huius legis , siue ex rationibus , de quibus suprà , quia in traditione rei meæ possum mihi reservare integrum ius , siue quia pacta conuenta inter vasallum & dominum sunt seruanda , quia à principio liberè contrahitur , postea verò necessariò conuentioni standum est , vasallus non soluto censu ex conuento pacto rem commisso amittet. Sit igitur verus sensus dictæ legis 68. vt loquatur in censu quem quis constituit super rem suam quam retinet alij soluendo , propter pretium census acceptum ; non verò cum quis rem suam alteri tradit , & in traditione reservat sibi censum singulis annis soluendum , addita conditione , vt si in solutione is qui rem accepit , cessauerit , rem iterum antiquo domino restituat , quia hic casus indignus est decisione Taurina. In priori autem specie versabatur maxima difficultas , de qua suprà , quæ decisa videri poterat ex prædicta lege : retento autem illo sensu sic intelligendum est , nouo iure Hispano illam legem Taurinam ex parte correctam esse , non enim ab anno millesimo quingentesimo trigesimo quarto licet super re aliqua imponi censum , qui soluendus sit in frumento , vino , butyro , melle , & aliis id genus rebus , cum pacto de redimendo : itaque non licebat acceptà pecunià vendere , neque emere annum censum vini , olei , vel tritici cum pacto de redimendo , vt si ad certum tempus pecunia restituatur , emptori res libera remaneat , nec ampliùs census soluatur ; sed lex illa huiusmodi contractum emptionis ad pecuniam redigit , vt census non in fructibus soluatur , sed in pecunia , ad rationem vnius pro quatuordecim , quæ numerasset emptor. Quæ

73 lex legitimum pretium constituit censui redimibili soluendo in fructibus, ut non excedat in computatione facienda estimationem vnus pro quatuordecim. Itaque non licebat lege illa lata pro quatuordecim aureis, quos nos ducatos vocamus ampliùs accipere nomine annui census redimibilis soluendi in fructibus, quàm vnum aut ream ducatum, aut vinum, oleum, triticumue quod vno ducato aureo comparari in foro possit; & hoc fuit pretium censui redimibilis fructuarij. In quo casu lex illa lata & recepta est, redigitque huiusmodi contractus ad legitimas vsuras, & potuit redigere ex fructu ad pecuniam istam constitutionem annui redditus fructuarij redimibilis; quia non solum potest constitui census annuus in fructibus, quo casu nemo negat contractus huiusmodi validitatem; Ioannes de Medina Theologus, *de Restitutione cap. Duensibus*. Ioannes Maior *in 4. distinct. 15. q. 42.* & est extrauagans prima Martini Quinti, & extrauagans secunda Calixti Tertij, *sub titulo de emptione & venditione* inter communes: & multa Dominus Couarr. *variarum resolutionum cap. 7.* & Rebuffus *in l. 38. titul. 8. part. 5.* sed potest constitui super certa re, ut soluatur in pecunia; ita tenet doctissimus Couarr. *d. cap. 7.* Gregor. Lopez *dist. l. 38.* Antonius Gomez & alij *in d. l. 68. Tauri*. Et ita census ille, qui constitutus fuerat à principio in fructibus propter pactum appositum de redimendo, quod cum modicitate pretij suspicionem aliquam præbebat obscuratæ & obiectæ cuiusdam vsuræ, redactus est lege nostra ad pecuniam intra certos limites & fines legitimarum vsurarum, ad rationem vnus pro quatuordecim: sicuti arrestis Parisiensem Senatam annuos redditus frumentarios cum pacto de redimendo constitutos scimus in pecuniarios commutasse ad

74 estimationem vnus pro quindecim: refert Carolus Molinæus *de contractib. quest. 21.* & Repellanus *libro institutionum forensium, 1. cap. 34.* Atqui cum hoc dispositum esset in censu constituto cum pacto de redimendo, nequibat lex extendi ad casum longè diuersum, scilicet vbi census annuus soluendus in fructu venderetur perpetuò, nullo adiecto pacto de reuendendo: & quamuis Aduocatorum pauci in hac quoque specie existimarent agendum conditione ex illa lege, eo quod ratio ipsius multò fortior inueniretur in contractu constituti census annui perpetuò, qui etiamsi pactum non haberet de reuendendo, in vera tamen computatione non ascendebat ad rationem vnus pro singulis quatuordecim, quod videbatur ex illa lege legitimum pretium census annui fructuarij & redimibilis, ob idque dicebant istos contractus perpetuos celebrari, ut reductio vitaretur, de qua in dicta lege Regia edita anno trigésimo - quarto; & idè videri poterat argumento deducto à fortiori *auth. multò magis, C. de sacrosanct. Ecclesiis*, census istos annuos fructuarios, licèt perpetuos & non redimibiles, posse conditione illius legis reduci ad rationem vnus pro quatuordecim, præsertim illos qui in vera computatione ad eam rationem non ascenderent ut frequentissimum erat in modio vini annuo vendito perpetuò, soluendo pro decem aut duodecim aureis ducatis: & constabat modium vini semel comparari & vendi pro duobus ducatis: vnde in vera computatione emebat emptor annum modium vini soluendum perpetuò, qui singulis annis veniebat pro duobus ducatis, idque pro pretio decem, aut duodecim ducatorum, & sic soluebat vnum ducatum annum pro singulis quinque,



quinque , aut sex ducatis ; quæ ratio longè distabat à legitimo pretio census etiam redimibilis , scilicet ad rationem vnus pro quatuordecim , quod lege illa fuerat constitutum censui fructuario redimibili ; immò videbatur in huiusmodi contractibus inesse iniustitiam & iniquitatem maximam , quæ temperari deberet ex dicta lege Regia , quæ lata fuerat anno trigésimo quarto , licet ipsa expresse de censu redimibili , non perpetuo loqueretur , cum fortior in hoc esset ratio , quam in illo , cum non ascenderet ad rationem vnus pro quatordecim ; aliis hanc sententiam reiicientibus , qui dicebant hanc quæstionem decidi posse ex iuris regulis , scilicet ex læsione vltra dimidiam , *ex l. 2. C. de resc. vend. vel ex læsione enormissima , vel ex dolo , qui insurgeret ex ipsa re, l. si superstiteris, de dolo. C. quibus mod. existimabant* plerique & Aduocatorum vberius posse succurri huic malo , quia hæc remedia erant agnita à iure etiam Hispano ; cumque hæc reperirentur remedia ordinaria , non esse deueniendum ad eas cruces , vt nouam decisionem quæ decideret casum census redimibilis , extenderent ad hos contractus perpetuos : quæ quidem ratio benè admittebatur , & erat quidem verbis speciosa , sed internam continebat sanie ; habebat enim tacitè secum difficillimam quæstionem , & ferè impossibilem probationem læsionis , siue vltra dimidiam , siue enormissimam , quia ad probationem læsionis videbatur recurrendum ad commune pretium ; commune autem pretium , quod in ciuitate , & in regno , atque in foro publicè communi omnium commercio reperiebatur , non ascendebat ad eam rationem vnus pro singulis quatuordecim , itaque incipiebat dubitatio & quæstio , de legitimo pretio & valore cuiusque rei ; item de communi , & an distinguerentur in huiusmodi contractibus , & an ab illo , an verò ex hoc , an ex vtroque probanda esset læsio , quæ in his contractibus reperiebatur : de fructibus quoque lucrandis , vel restituendis variè agitatum est ; vt restituerentur , suadebat læsio , qua videbatur enormissima dolo ferè par , & æqualis ; ex aduerso bona fides & titulus , denegatæque læsio pugnabant ; stultissimùmque id genus hominum videri poterat , qui pluris census illos annuos in fructibus solvendo emeret , quam publicè & communiter in foro , & in ciuitate sua venderentur , eam emptionem stultam esse , cum vilis reperiretur , exprobrarèque stultitiam euentis. Ex quibus excitatæ sunt in hoc Senatu maximæ lites , ex Senatoribus aliis in alias abeuntibus sententias , postremo consultus Senatus supremus Hispaniæ , re ad Philippum nostrum Regem Inuictissimum delata , lis nouè edita lege decisa est : quamquam typis adhuc excusa non est , addere libuit ; vocant apud nos Gallicos vulgari verbo rustici *la pramatica de la quatorcena*.

**D**On Philippe por la gracia de Dios , Rey de Castilla , de Leon , de Aragon , de las dos Sicilias , de Hierusalem , de Navarra , de Granada , de Toledo , de Valencia , de Galicia , de Mallorcas , de Senilla , de Cordua , de Cerdeña , de Corcega , de Murcia , de Iau , Conde de Flandes , de Tyrol , &c. A los de nuestro Consejo , Presidente , y Oydores de la nuestra Casa y Corte , y Cancilleri , y al nuestro Regente , y Alcaldes mayores y ordinarios del Reyno de Galicia , y otros señores y iusticias qualesquiera de todas las ciudades , villas , y lugares : los nues-

stros Reynos y Señorios, y cada uno y a qualquiera de vos en vuestros Lugares y iurisdicciones a quien esta nuestra carta fuere mostrado, o su traslado sinado con autoridad de iuez, salud y gracia. Y asabeys, que entendidos los grandes daños y inconuenientes que se siguen a nuestros subditos y naturales que con necesidades imponian sobre sus heredades y otras haciendas censos al quitar para los pagar en pan, vino, azyme, leña, carbon, miel, cera, xabon, lino, gallinas, tocino, y otro qualquiera genero de cosas, que no sea dinero, por leyes de nuestros Reynos, especialmente la que se hizo en la Cortes que tuuimos en la villa de Madrid el año pasado de mil y quinientos y treinta y quatro, esta prohibido y mandado que no se pudiesen fundar, ni instituir semejantes censos y tributos al quitar, y que los que estuuieren puestos y fundados hasta el dicho año de quinientos y treinta y quatro, e se constituiesse e fueren de dy adelante se pagassen en dinero a respecto de mil maravedis por cada catorze mil de los que ouiere dado el comprador de los tales censos por precio principal, y porque somos informados que en el nuestro Reyno de Galicia por contrauentir e defraudar a lo proueydo por la dicha ley, algunas personas han otorgado y otorgan contratos y escrituras en que se obligan de pagar algunas quantidades, medidas, o pesos delas dichas cosas, cargandolo sobre sus heredades y haciendas para los pagar perpetuamente, como quiera que las palabras de los tales contratos suenan ser perpetuos los precios que por ellos di en auer se dado y pagados son tam baxos, que considerado el valor que las dichas cosas tienen, el tiempo que se vendieron e impusieron por censos y tributos, no solamente no llegan a lo que es iusto precio de censos perpetuos, pero sale mucho menos de los dicho, catorze mil al millar, que las dichas nuestras leyes ponen por precio iusto a los censos alquitar que se instituyen en las dichas cosas: lo qual redundando en mayor daño de los probes, que con necesidades que se les ofrecen toman los tales censos, y de lo dicho y de otras conieturas se colige, que aunque suenan ser censos perpetuos, pero de intencion y voluntad de las partes son redimibiles, y dello algunas vezes hazen escrituras a parte, pero por no constar dello e de la dicha intencion de los contrayentes los iuezes ante quien han ocurrido pleytos tocantes a la execucion y cumplimiento de las dichas leyes han tenido ocasion de dudar en la determinacion y decision dellos, de que se ha seguido a los dichos nuestros subditos y naturales costas y gastos, y otros daños, sobre cuyo remedio platicado en el nuestro consejo, y con nos consultado, fue acordado que deviamos mandar, y mandamos que todos los censos y tributos que en el dicho Reyno de Galicia se ouieren ansi puestos y fundados por qualquiera persona, desde el dicho año de quinientos y treinta y quatro a esta parte en pan, vino, y otras qualesquiera cosas de las susdichas, cuyo valor reducido a su comun precio, que tenían al tiempo, y en los lugares que se fundo el dicho censo, salia a razón de catorze mil al millar, y desde a baxo, que los tales censos que assi se ouieren fundado, y fundaren de aquí adelante, se paguen a razón de mil maravedis por cada catorze mil de los que ouiere dado el comprador, y sin embargo que en las dichas escrituras que dello se otorgaren, o ouieren otorgado suenen ser censos perpetuos se ayen de juzgar, y tengan por redimibiles, y con tales se puedan juzgar, pagando la suerte principal, y en todo se juzguen por las leyes que hablan en los censos redimibiles, y los que salieren a mas precio de los dicho, catorze al millar, como no lleguen a veinte mil, queriendolos la parte del dender



dendor reducir y pagar por ellos a razón de catorze mil al millar, lo pueda hacer, y los tales censos se tengan y juzgan y juzguen por redimibles, aunque la escritura los llame y nombre perpetuos, quedando su derecho a soluo al dicho dendor que esto no quisiere para seguir su justicia contra el señor de censo sobre el engaño e iniquidad del tal contrato como viere que le conviene. Ten quamo a lo corrido de los dichos censos, mandamos que los corridos desde el dia de la conestacion se reduzgan y paguen al dicho respecto de catorze mil al millar, condenando a los dueños en restitucion de lo que en is ouiere llevado desde el dicho dia, absolvi endolos y dádolos por libres en lo de antes: lo qual mandamos se entienda en los dichos censos, que como dicho es suenan se perpetuos, sin que aya auido concierto, o contra escritura que los haga redimibles para siempre, o temporlamene, porque costando aver auido tal concierto e contra escritura, los tales censos se han de tener y juzgar sin distincion de precio, ni distincion de tiempo por redimibles, segun los demas que estan ligados, y los uno, y los otros no hagades ende algo, só pena de la mi merced, y de diez mil maravedis para la nuestra Camara. Dada en el Pardo a diez y ocho dias del mes de Hebrero, de mil y quinientos y secema tres años.

YO EL REY.

To Antonio de Erasso secretario de su Magestad Catholica la fize  
escreuir por su mandado,

D. EPISCOPVS SEGOVIENSIS.

El Licenciado PERO GASCO.

El Licenciado IVAN THOMAS.

El Licenciado RODRIGO VAZQUEZ ARZE.

El Doctor LVYS DE MOLINA.

Cuius legis tres partes dignoscuntur: in priori omnis contractus census annui, etiam perpetui, soluendi in fructibus, reducitur ad pecuniam soluendam ad rationem vnus pro quatuordecim, si facta computatione pecuniæ acceptæ pro censu annuo cum pretio fructus, ratio ipsa computationis non excedat rationem vnus pro quatuordecim, talisque census, velit nolit venditor, in pecunia soluendus est ad eam rationem, quovsque omnino oblatâ integrâ pecuniâ redimatur, & hoc in priori parte; in secunda verò, si facta computatione ratio excedat ultra modum vnus pro quatuordecim vsque ad vnum de viginti, in facultate venditoris est reducere ad pecuniam, vel soluere fructus si velit, si verò semel reduxerit ad pecuniam, in posterum in pecunia soluat necesse est, quovsque redimat oblatâ integrâ pecuniâ; quia semel redimibilis census perpetuò est redimibilis; quod ferè tenet in terminis doctissimus Couar. *variar. resolut. lib. 1. capit. 9. num. 8. versic. ex ultima verò ratione*: tertiam verò partem huius legis intelligimus ex præcedentibus, vt si facta computatione ratio ipsa attingat modum vnus pro viginti, non esse locum reductioni, ita vt intelligere possimus iustum & legitimum pretium in hoc regno Galleciæ census fructuarij perpetui ex huius legis dispositione esse, si ratio ipsa ascendat ad modum vnus pro viginti; ita enim videtur intelligi

76

77

telligendum, quia reductio inducta in duplici casu priori, inducit contrariam firmitatem in hoc casu tertio, argumento textus in *l. cum prator*, cum vulgatis, *ff. de iudiciis*. Itaque ex hac legis novæ decisione constitutio census annui, ad rationem vnus pro quatuordecim & infra, est beneficio huius legis redimibilis, velit nolit venditor: constitutio verò eiusdem census fructuarij ad rationem vnus pro quindecim, & eo amplius vsque ad vnum de viginti, est redimibilis si velit venditor census. Ex his duobus intelligimus tertium casum, vt census qui constitutus reperitur ad rationem vnus pro viginti firmus sit sine metu reductionis ad pecuniam.

78

Ex quibus in hoc nostro Regno restat decum hodie, iustum pretium census perpetui & fructuarij ceteri id quod æstimetur ad rationem vnus pro viginti, vnde iam nobis Gallecis extante hac lege nullum negotium facesset inquisitio iusti pretij census perpetui & redimibilis fructuarij, moribus, lege & consuetudine apud exteros recepti; nec iam multum laborauimus circa *consil.* 180. Guidonis Papæ, & decisionem Conradi *de contractibus*, q. 84: & Carol. Molin. *de contractibus*, q. 5. num. 117. qui existimabant iniquum esse pretium annui redditus etiam redimibilis, quando id minus sit quam ad rationem vnus pro viginti: & ita dicebant obseruari in Delphinatu, & apud Germanos, & Gallos, alibi autem constituebantur ad rationem vnus pro quindecim, idem Conradus q. 83. *conclusione* 2. Apud Gallos etiam alibi obseruari tradit Carolus Molin. *d. q. 5. num.* 125. Aliam rationem tradebat Tiraquellus *lib. 1. de retractu*, §. 1. *gloss. 6. num.* 19. vt emptio annui census redimibilis facta ad rationem vnus pro duodecim toleretur; si verò fiat ad rationem vnus pro decem, vel vndecim, reducatur ad rationem vnus pro quindecim: si verò constituatur ad rationem vnus pro octo, & eo minus, tunc tanquam nequissimus contractus, in quo desit iustitiæ fundamentum, omnino non sustinetur. Ita obseruari apud Regia Tribunalia testatur Tiraquel. *ubi supr.* & alij quos refert doctissimus Couart. *variarum resolut. lib. 3. cap.* 10. quorum quæ ipse adducit ad nostram legem pleraque necessaria sunt, qui apud Hispanos in Batica ait hos redditus annuos constitui ad rationem decimæ; at verò apud Carpentanos & Vascæos, quos nos nostro nomine dicimus Castellanos, constitui ad rationem vnus pro duodecim, vel quatuordecim, & cum hæc reperirentur diuersarum gentium exempla, supremo Senatui placuit, vt huiusmodi census fructuarios, qui non attingerent rationem vnus pro viginti, soluerent venditores in pecunia ad Rationem vnus pro quatuordecim: quâ vnâ re illud certè obtinuerunt, vt ratio annui census perpetui & fructuarij intelligatur, quæ in vera æstimatione æquat & attingit modum vnus pro viginti, argumento glossæ in *authent. perpetua*, *Cod. de sacros. Eccles.* quam approbat Salycet. *quæst. 5. ibi*, & Tiraquel. *lib. 1. de retractu*, §. 1. *gloss. 6. num.* 19. & Carol. Molin. *de contract. quæst. 5. num.* 118. per textum in *authent. de alienatione & emph. §. si verò alicuius*; idque ea ratione existimabant, quia ex decisione illius textus iustum pretium fundi sit quantum viginti annis fundi fructus effecerint, deductis expensis: ibi enim pensio illa emphyteusis Ecclesiæ censeretur iusta & legitima, quæ viginti annis faciat æstimationem rei: quo argumento Accursius & alij existimabant pretium rei esse fructus viginti annorum



rum, & Carol. Molin. Conradus & alij existimabant pretium iustum & legitimum census fructuarij & perpetui esse id, quod in vera computatione aestimetur ad rationem vnus pro viginti: quod quidem nostra lege ferè decisum est, quamuis alij aliter senserint, quorum opiniones vide apud doctissimum Couar. *variarum, lib. 3. cap. 9. num. 5.* Hodie enim nobis Gallicis, iam lege lata nullum negotium facessere videntur illæ opiniones, de quibus Pinellus *in l. 2. de rescind. vend. 3. part. ad finem, num. 29.*

Item aduertendum est, quod sicuti ex hac nostra lege videtur definitum legitimum & iustum pretium censui perpetuo fructuario; ita quoque definitum est iustum & legitimum pretium censui fructuario redimibili, scilicet ad rationem vnus pro quatuordecim; idem enim est si receptis quatuordecim ducatis aureis, enumeres quotannis vnum ducatum aureum, vel fructus, qui in foro vno aureo ducato possunt comparari. Itaque ex hac lege habemus iustum & legitimum pretium census fructuarij redimibilis.

Nec existimes, ex eadem lege constare pretium census pecuniarij redimibilis, etiamsi census in fructibus constitutus ad eam rationem reducat: quod quidem ex *dict. l. edita, à num. 34.* in specie concludit Couar. *dict. cap. 10. lib. 3. variarum, num. 3.* adhuc enim integra difficultas est, quod sit iustum pretium census pecuniarij redimibilis: in quo opiniones illæ, de quibus à nobis *n. 78.* & *sequenti* actum est, obseruandæ sunt, & inter illas plurimum poterit consuetudo patriæ, in quibus fiunt istæ venditiones, argumento Extraneantis Calixti Tertij, inter communes, *de empt. & vend.* quæ plurimum tribuit consuetudini loci, & ciuitatis, ibi: *Quod à centum annis circa & supra, & à tanto tempore, & per tantum tempus, cuius contrarij memoria hominum non existit, in eisdem ciuitate & diocesi ac partibus aliis vicinis quadam consuetudo rationabilis, obseruata, præscripta ac moribus vrentium obseruata ad communem hominum utilitatem introducta fuisset.* Idem reperitur in *Extraneanti sequenti*, & sentiunt superius adducti, *dict. num. 79. hoc capite*: vnde in hoc regno fortassis hodie poteris emere censum pecuniarium ad rationem vnus pro duodecim, fructuarium non item.

Item in actione illius nouæ legis non veniunt fructus, qui cesserunt ante litis contestationem, sed illi duntaxat, qui post litem contestatam cedunt; vnde in causis executiis & summarijs, vbi non est litis contestatio, ipsa oppositio habet vim & effectum litis contestationis; in causis enim summarijs primus actus repugnans & contradicens sustinet vicem litis contestationis, & ob id effectum quoque, Bald. *in l. nulla, & in l. nihil, Cod. de procuratoribus.* Card. *in Clem. const. §. si, in fin. de electione.* Abb. *in cap. insinuante, in fin. de off. delegati,* Felin. *in cap. cum olim, de accusationibus.* Pari de Puteo *in tractatu syndicatus, in vers. sententia,* Maranta *de ordine iudiciorum, de positione, seu de articulorum productione, num. 3. & 4.* & cum executio fiat plerumque de censu qui iam cessit ante iudicium executionis, meritò ex dispositione legis nostræ præcipitur vt soluatur census qui cessit in fructibus, atque in posterum fit reductio eiusdem census fructuarij ad pecuniam, ad rationem vnus pro singulis quatuordecim; quæ practica videtur de mente dictæ nostræ legis, licet aliquibus aliud videatur, qui intra rationem vnus pro quatuordecim, cessent sen-

80

81

82

83

sus

sus hos ipso iure esse factos redimibiles, ex hac lege; & verba illa absoluen-  
do, intelligunt de consumptis, & non malè; illi verò expendunt verba legis,  
ibi: *Y en quanto à lo corrido*. Subobscura verba sunt, quæ interpretatione  
egent nouâ, quæ omnia fuerunt nobis adducenda *ad l. 68. Tauri*, quæ est inter  
leges nouè compilatas, vt correctæ ex hac nostra lege in hoc Regno sit; &  
• pertinuerunt ad pacta conuenta inter Dominum & vassallum. Hactenusque de  
luctuosis quæ soluuntur dominiis iurisdictionem exercentibus ex vscapione,  
vel vscapione temporis, cuius memoria non extet in contrarium.

84 De luctuosis autem, quæ alio nomine *Abbadia* dicuntur vulgari verbo, &  
proprio in hoc Regno alia ratio est; est enim *Abbadia*, præstatio quæ datur è  
bonis emortui parochi, rectori parochiali, lectulus videlicet, vestisue, bos,  
vel quid aliud; & differt à luctuosa vscu forensi, quia hoc nomine propriè in-  
telligimus in hoc Regno præstationem illam, quæ datur Domino habenti iur-  
isdictionem; at verò abbadia datur rectori Ecclesiæ: de hac abbadia memine-  
re plures, Ias. *in l. res obligata, ff. de legat. 1.* Capella Tolosana *quæst. 387. &*  
*quæst. 388.* Innocentius & Hostiensis *in cap. ad Apostolicam, de simonia.* Hen-  
ricus & alij *in cap. Iacobus, de simonia.* Cassadorus *decisione 1.* Couarr. Doctis-  
simus *lib. 1. variarum resolutionum, cap. 27.* Dinus *in l. vestimentum, ff. de auro &*  
*argento legato*: in qua re longè alia inuestigatio est; hæc enim præstatio cùm  
non habeat causas odij, nec percipiatur ab eo qui alias compellere possit, lon-  
gè habet à se violentiæ præsumptionem; immò nulla hic reperitur ex his  
quæ de luctuosa diximus; & idè cessat præsumptio violentiæ, de qua Doctores

85 *in dict. cap. quod latenter*. Immo habet causas fauoris apertè, postquam Re-  
ctori Ecclesiæ soluuntur, vnde non requirimus immemoriam probationem,  
sed sufficit ordinaria præscriptio decem annorum cum actibus, qui, vt dixi-  
mus hoc capite, possunt inducere scientiam & tacitum consensum maioris  
partis parochianorum. Ita tenet Couarr. *ubi sup.* ex Cassiadori decisione, & ra-  
tioni conuenit: quoniam scilicet cessant omnes causæ quæ in luctuosa imme-  
moriam probationem requirunt, scilicet præsumptio metûs & coactionis.

86 Et vtrum hoc casu rector, qui debet habere meliorem vestem parochia-  
ni sui decedentis, habere debeat vestem scissam, necdum consutam, ne-  
que perfectam, & quæ adhuc sit penes sartorem? dic quod sic, per tex-  
tum *in l. & si non sunt, §. quid ego, & fin. l. vestimentum, ff. de auro &*  
*argento legato*: & ita concludit Capella Tolosana 387. Idemque de veste  
parochianæ habentis maritum, dum tamen sit quotidiana; nam pretio-  
siores vestes non sunt coniugis, vt diximus capite proximo: ita tenet  
Capella Tolosana *decis. 388.* Adde, quod si vestes hæ, quas habiturus  
est rector, vigore huius consuetudinis habeant aliquid affixum vel ap-  
pensum; veluti clauos aureos, vel orbiculos aureos adstrictorios, vulgò *Bo-*  
*tones*, vel laminas auri, vel argenti, quòd rector habebit cum veste illud  
87 quod vesti est affixum, vel appensum; quia in legato vestium venit affixum  
vesti: quod in specie tenet Stephanus Austerius in additione ad Capellam  
Tolosanam, *d. q. 387.* Item si vestis, vel res quam habiturus est rector nomi-  
ne Abbadie sit pignoratæ, hæres non tenetur luere, sed rector luet si velit.  
Ita tenet Ias. *in l. si res obligata, ff. de leg. 1. num. 25.* Igitur hæc consuetudo  
continet



continet fauorem, ob idque longè distat à regulis quas de luctuosis tradidimus, ideòque minori tempore acquiritur abbatia, si modò actus reperiuntur qui inducere possint tacitum populi, aut maioris partis consensum, vt diximus hoc capite; laudabilis est enim consuetudo, & compelli debent parochiani soluere has abbadias, maximè hoc infelici tempore, in quo omnis deuotio perit circa Deum & eius Ecclesias, vt in simili dicit Rebus. *In concordatis sub titul. de publicis concubinariis*, §. quia verò, in *glos. fin.* vbi ex hac consuetudine, quam vocat laudabilem, cum decisione textus in *cap. ad Apostolicam, de simonia*, ait prolatum fuisse arrestum in Curia Parlamenti Parisiensis contra quosdam laicos, qui appellarant ad Curiam Parlamenti, tanquam ab abusu, quòd compellerentur à iudicibus Ecclesiasticis soluere aliquid parochiali rectori, iuxta consuetudinem obseruatam ibi pro sepulturis, & benedictionibus nubentium, & aliis spiritualibus, alioquin, vt ipse ait, non possent curati viuere, cum nihil habeant certi, neque integræ decimæ soluantur; & cum ministrant spiritualia, iustum est vt corporalia metant. Hæc Rebuffus, quæ sustineri & permitti ait in Senatu Parisiensi ex hac ratione quod sit laudabilis hæc consuetudo: quo fit vt iniquè Burgos de Pace confuderit luctuosas cum his abbadiis, in *l. Tauri, num. 312.*

Has autem causas fauoris consideramus respectu ipsius rectoris; vnde si abbatia alteri soluatur quàm rectori, tunc quidem cessat ratio fauoris & inducitur odium, vt eo iure censeatur, quo luctuosa; nec tunc sufficit tempus ordinarium, sed immemorialis præscriptio erit necessaria cum qualitatibus, de quibus supra; istud autem in hoc Regno receptum est; Domini namque locorum in hoc Regno Gallicie hoc iure gaudent ex consuetudine & privilegio concessò ante Lateranense Concilium, quod celebratum fuit tempore Alexandri tertij, anno Domini millesimo centesimo septuagesimo nono, vt bene aduertit doctissimus Couarr. *variartum lib. 1. cap. 17.* apud quem vide, quod meritò nobiles possunt habere has decimas ex concessione Pontificia ante Concilium Lateranense, ultra quem & quos ipse adducit; aduerte quod hæc quæstio est ferè nostri Senatus propria, quia in hoc Regno ferè omnes nobiles habent hatum decimarum percipiendarum ius hoc, aut concessionem; licet enim laici incapaces sint earum, hoc est iure decimandi, decima verò ipsa, hoc est ipse fructus ad laicum pertinet, & pertinere potest ex hac concessione *glos. in c. peruenit. 1. q. 3. verb. laicalibus* similis: *glos. in c. quoniam 16. q. 1. verb. non licere*, similis *glos. in c. quamuis, de decimis*, quæ optima est in proposito. Abb. in *c. ad hanc, de decimis* Collect. in *c. querelam, ne Prælati vices suas*. D. Thomas *quodlibet. 2. art. 8.* Ob idque ex concessione ante Concilium Lateranense iustè obtinent laici has decimas, Capella Tolosana ita pronunciauit *q. 439.* vbi bona additio Stephani Aufferrij. Guid. Papæ *q. 288.* Carol. Molin. in *consuet. Parisiensib. tit. 1. §. 46. num. 18.* Baldus de *præscrip. 5. parte principali, q. 7.* Couarr. *variartum d. lib. 1. cap. 17.* vnde istæ decimæ concessæ laicis, quas possident ante Concilium illud, dicuntur beneficia patrimonialia, Guillelm. Benedict. in *repetitione cap. Raynuitus, verbo, duas habens filias, num. 58.* Bartholomæus Chassan. in *consuetudinibus Burgundie, §. 6. rubrica 1. verbo, des iustices, num. 35.* dicuntur etiam præstimonialia.

trimonialia. Ioannes Staphileus *de literis gratia, in quinta forma, numer. 3.* & in hoc regno nobiles habent hæc beneficia patrimonialia ex concessione Pontificia iam inde ante prædictum Concilium, & iustè istas decimas percipiunt, annòque millesimo trecentesimo nonagesimo, apud Ioannem huius nominis Primum, Henrici item primi, qui Petrum Regem interfecit, filium, cum esset Guadalaixæ Episcopi conquesti sunt de nobilibus, quod contra humana & diuina iura decimas percepissent, quæ sibi & Sacerdotibus deberentur, qui spiritualia ministrarent; auditique sunt nobiles, qui asserabant se decimas illas possidere & percipere ex concessione Pontificia iam inde ante Concilium Lateranense, & ab eo tempore cuius contrarij memoria non extabat, neque esse modò post tantum tempus adeoque diuturnum perturbandos, qui Ecclesias fundassent, erexissent, & dotassent, terramque vindicassent ab hostibus: res apud Senatores Regios agitata hinc inde est, qui tandem pronuntiarunt, non esse ampliùs de ea re agendum Episcopis, nobilesque iustè decimas percipere, nec esse ampliùs inquietandos, nec perturbandos; & est latissimè in chronica Ioannis Primi Regis Castellæ, & Legionis, *cap. 10.* quæ circumfertur cum chronica Petri Regis Hispani. Rursumque illa quæstio excitata est anno millesimo quadringentesimo nonagesimo secundo, apud Ferdinandum & Elizabeth Reges Hispaniæ, qui mandatis literis ad Senatores qui erant in Galleciæ Regno, rem iterum composuerunt eo modo, vt nobiles minimè in sua possessione percipiendi decimas perturbarentur, literarum hic tenor est:

*Nuestro Governador y Alcaldes mayores, nos auemos sabido ( que vosotros, o alguno de vos con petition de algunas personas Ecclesiasticas y seglares, aueys conosciado, y conoseys de algunos negocios y causas tocantes à los beneficios que en esse Reyno han possedydo, y posscen algunos caualleros, possyeron sus antecessores y personas de quien ouieron y tienen causa, y pretenden, ) les quitays les tales possessiones: de lo qual algunos dellos se han queixado delante nos, y por el tiempo que nos mandamos entender en esto al Reuerendo in Christo padre, Obispo de Catania, solamente fue que ouiesse informacion de la manera que los tales caualleros y personas possayan los tales beneficios, y ansila ambiasse, para quædiessemos forma de segurar sus consciencias, y con acuerdo de algunos perlados de nuestros reynos, y personas de nuestro Consejo, y eiretando mandamos no hiziesse novedad alguna en la prouision y possessio de los tales beneficios, y sobre ello le bemos escripto. Porende nos vos mandamos, que hasta tanto que assi mandaremos prouer lo que cerca delos dichos beneficios en este dicho regno se deve hazer à petition de parte, ni por inuocacion del dicho Obispo, ni in otra manera no quiteys, ni dispoieys de la possession delos dichos beneficios, ni de algunos dellos à los dichos caualleros y personas legas que los posscen, y los han possedydo, ellos y sus antecessores, y personas de quen ouieren causa. Y si hasta aqui lo ouieredes hecho, o han sido quitados algunos delas dichas possessiones, los torneys à restituyr à las personas que los tenian y possayan, segun lo possayan antes. Idémque constitutum esse apud Gallos testatur Chaf-*



verbis : *Præcipit igitur sancta Synodus omnibus, cuiuscunque gradus & conditionis sint, ad quos decimarum solutio spectat, ut eas, ad quas de iure tenentur, in posterum Cathedrali, aut quibuscunque aliis Ecclesiis vel personis quibus legitime debentur, &c.* Ex quibus verbis non obscure de nobilibus, qui legitime percipiunt has decimas, intelligere poteris ; & quia ista beneficia sunt patrimonialia, instar patrimonij possunt vendi, permutari, in dotem dari, obligari, & veniunt in iudicio familiæ eriscundæ. Sotus *de iustitia & iure lib. 9. cap. 4. art. 3. & cap. 7. art. 1. glos. verb. & iudicem, in cap. Salvator, 1. quest. 3.* Gregor. Lopez *in l. 22. titul. 20. part. 1. contra Abbatem in cap. prohibemus, de decimis, & facit pro his quæ adduximus consilium Barbariæ 35. & 45. Chassanei. & Zazius de feudis 4. part. numer. 18. & infert Gregorius Lopez ubi supra, quod Rex noster Philippus potest alienare tertias quas habet decimarum, ex privilegio Sedis Apostolicæ ; & Guillelmus Benedictus ubi sup. quod id sustinetur in Francia : ego autem sæpius vidi in hoc Senatu Galleco sustineri venditiones, permutationes, locationes harum decimarum, & quotidie deducuntur in iudicium familiæ eriscundæ, & retrahuntur iure retractus, sicuti auita reliqua bona, & vidi latas plures sententias, etsi novis Senatoribus, qui ab scholis quotidie ad nos veniunt, noua res semper visa sit : subdit Soto *ubi sup. lib. 10. quest. 4. art. 3. ad finem.* quod ex hac ratione, scilicet ; quod hæc beneficia sint patrimonialia instar bonorum secularium, quod tales decimæ concessæ laicis non possunt collectari per Episcopum, eo casu quo necessarium sit collectari decimas pro Ecclesiæ necessitate, siue ut reparetur, siue ob aliam rem similem : unde ait quod manus Episcopi non extenduntur ad has decimas laicorum. Quæcumque igitur iusserit Episcopus fieri ex istis decimis laicorum, quia sunt instar patrimonij, respectu cuius Episcopo nulla potestas est, & ita iam semel contra Episcopum Lucensem in hoc Senatu iudicatum est, in causa tanquam de vi & violentia, nobilis de eo conqueri poterit. Hi igitur nobiles Galliciæ propter hoc ius decimarum quas habent, sæpè abbadias quoque percipiunt, sicuti & rectores Ecclesiarum ; in his igitur nobilibus nullæ sunt causæ fauoris, ideoque immemoriali egent possessione exactissimè probanda circumstantiis, de quibus supra egimus.*

## C A P V T X.

*De usufructuario expendente : traduntur aliqua de usufructu uniuersè.*

Notabilia ex capite decimo.

2 *Usfructus variè à Iureconsultis consideratur, & variè de eo constitutum est : agitur de lege 4. ff. de usufruct. & de lege recte, ff. de verb. signif.*

- 2 *Pater in bonis filij, in quibus habet usufructum, est instar domini, & vendicationem habet.*
- 3 *Defenditur interpretatio Bartoli ad illa duo iura contra Franciscum Connam, Alciatum, & Pinellum.*
- 4 *Fundus consideratur dupliciter, ut est res corporea, & quatenus pertinet ad ius: & ita duplices habet partes.*
- 5 *Ususfructus est pars substantialis fundi, & num. 6. servitus est genus, usufructus est species, & num. 7. pars propriè est species, & num. 8. Bartholi verus sensus ad illas duo iura.*
- 9 *Servitutes nec consistunt ad tempus, neque ex tempore; usufructus contra & diuiduus est contra naturam reliquarum servitutum.*
- 10 *Ususfructus est ius & veluti res corporea & alibi pars fundi.*
- 11 *Agitur de lege 1. ff. de usufructu legato, num. 12. traditur declaratio noua ad litteram contra Pinellum, & quos ipse refert, & num. 13. quod nomine bonorum veniunt iura, & actiones.*
- 14 *Quid sit servitus personalis, & num. 15. quid sit servitus realis, & num. 16. Accursius parum edoctus mensuras antiquorum.*
- 17 *Legato pluribus usufructu omnes concurrunt, & quomodo fruamur, & n. 18. quod non sit tradendum generaliter de usufructu.*
- 19 *In materia usufructus receditur à verbis testatoris expressis propter iuris rationem.*
- 20 *Legato fundo uni, deinde alteri usufructu, diuiditur usufructus, & reperitur coniunctio.*
- 21 *Defenditur communis & recepta interpretatio ad l. Proculus, ff. de usufructu, contra Pinellum, & num. 22. rationes communis opinionis, & num. 23. quod communis opinio probatur in d. l. Proculus, & num. 24. ratio interpretationis.*
- 25 *Legato usufructu cum facultate, ut usufructuarius de re disponere possit: res censetur legata etiam quoad proprietatem.*
- 26 *Decisio legis Proculus, habet locum, tam in ultima voluntate, quam in contractis inter viros.*
- 27 *Agitur questio illa, an usufructus possit vendi, & num. 28. referuntur Scribentium opiniones, & num. 29. adducuntur iura, qua in hac specie reperiuntur, & num. 30. referuntur Iureconsulti, qui de eare constituerunt.*
- 31 *Adducitur ius Hispanum inter has opiniones, & num. 32. in quo differat à iure communi, in quo quadret. & num. 33. qua opinio Doctorum quadret cum iure Hispano, & num. 34. opinio Arii Pinelli, & Baldini, traditur, & num. 35. exponitur littera §. finalis legis necessarii, ff. de periculo & commodo rei vendit. & num. 36. refellitur intellectus Pinelli ad §. fin. d. l. necessarii.*
- 37 *Quæ sunt iuris, ea perpetuò apud nos sunt, & nunquam à nobis amouentur, & num. 38. traditur verus intellectus ad d. §. finitur, & num. 39. traditur resolutio vera ad questionem.*
- 40 *Iura quoque venduntur sicuti res alia corporea, & habemus iura sicuti res nostras.*



- 41 Si quis vendat *usumfructum*, simpliciter videbitur in dubio vendidisse ius & facultatem colligendi fructus, quam commoditatem vocamus, & num. 42. si vendat *usumfructum*, adhuc convenitur ut *usufructuarius*, & numero 43. quod adhuc procuratorio nomine nuntiat novum opus, & numero 44. adhuc de damno convenitur.
- 45 Pater in bonis maioratus filij habet *usumfructum*, & num. 46. an si is qui *usumfructum* reliquit, prohibeat patri eius acquisitionem, pater adhuc habeat commoditatem.
- 47 An *usufructus* possit confiscari, & num. 48. quæ non possunt alienari per contractum, vel ultimam voluntatem, non possunt confiscari.
- 49 Quod paciscendo qui efficere non potest, nec delinquendo, & num. 50. inferitur ad casum vilem & quotidianum.
- 51 Quæ non transeunt ad heredes extraneos, non confiscantur, & de feudo, & *emphyteusi Ecclesiastica*.
- 52 Meliorationes factæ in *emphyteusi* vel feudo Ecclesiastico confiscantur, licet in feudo difficultas sit, & de *iure patronatus*, & *fideicommissio remissive*.
- 53 Si quis *usufructum* leget, vel relinquat, ita tamen ne alienet, an delinquendo alienare possit.



**V**usufructuarius quoque expendit item & meliorationes facit, ut verò intelligas, quid quantumque ius in hoc sit, ut expensas conservet suas, item & meliorationes, aliqua præiacienda sunt de usufructu, quæ variè à Scribentibus traduntur; in aliquibus enim usufructus pars est dominij, in aliquibus verò non, immò servitus est; aliquando cum proprietate reperitur coniunctus, & instar rei corporeæ est, aliquando separatur à proprietate, aliquando cum proprietate est coniunctus. Ob idque variè circa expensas, & meliorationes expenditur, & iudicatur; alia enim ratio in domino expendente est, alia in eo qui dominus non est, alia in eo qui rem ad se modis omnibus pertinere censeat, alia in eo qui cum vita extinctum quoque usufructum esse arbitratur: sunt autem in hoc iura, quæ desiderio videri poterunt, l. 4. ff. de usufructu, ubi Paulus ait: *Usufructus in multis pars est dominij, & exiat vel præsens, vel ex die dari potest.* Et l. rectè dicimus, ff. de verborum signif. ubi idem Paulus: *Rectè dicimus (ait) eum fundum totum nostrum esse, cuius usufructus alienus est, quia usufructus non dominij pars, sed servitutis, ut via & iter.* Quæ iura videntur contraria, cum alterum responsum usufructum faciat partem dominij, alterum verò non. Arius Pinellus in l. 1. C. de bonis maternis, part. 3. in principio, cumulat intellectus ad duo illa iura, & tandem residet in illa opinione quæ fuit Connani *commentariorum iuris, lib. 4. cap. 3. & cap. 6.* & ante eos fuit Azonis in *summa de usufructu, num. 2.* & Accursij in dict. l. 4. & ibi Bald. & Fulgos. & post hos Alciatus in dict. l. rectè, num. 7. ut scilicet duo illa iura sint veluti regula & exceptio, itaque dicta lex rectè, contineat regulam; at verò dicta lex 4. exceptionem, adèd ut verum sit, quod usufructus non sit pars dominij: dari autem casus aliquot, in quo usufructus non sit pars dominij: dari autem casus aliquot, in quo usufructus pars dominij censendus sit, quæ sit instar, & similitudinem dominij, ut est in patre

vsufructum habente in bonis filij, qui vsufructuarius cum sit, dominus nihilominus est, & habet vendicationem proprio nomine rerum earundem, in quibus habet vsufructum, *l. 1. C. de bonis maternis*, ibi: *Atque ita omnia agere, tanquam solidum perfectumque dominium eorum eis acquisitum fuisset. l. cum oportet, §. non autem*, ibi: *Plenissimam potestatem. C. eod. l. fin. §. fin. eodem*. Et quamvis pater habeat plenissimam potestatem, & similis sit domino, adhuc tamen vsufructuarius, & formalem vsufructum habet separatum (quod aiunt) à proprietate, quæ est penes filium. Ita censet Ioannes Lupus de Falacios Rubios *in repet. rubricæ, dict. §. 42. num. 13*. Castillo *in l. 48. Tauri*, Pinellus *in dict. l. 1. part. 3. n. 25*. In aliquibus tamen similis est domino, & eius vsusfructus similis est dominio, unde multa specialia in parte colligit Pinellus ubi supra *n. 16. cum seq.* quæ non reperiuntur in aliis vsufructuariis, quæ videre poteris, & aliqua sunt nobis attingenda capite sequenti.

- 2 Ex qua solutione glossæ & Azonis, Coñani, Pinelli, & Alciati, & Biglij item, ut inferius videbimus, scilicet *ad dict. l. 4. & ad l. rectè è dicimus*, restat, quod nisi expresse aliquid in iure expressum sit, quod vsufructum faciat similem dominij, semper vsusfructus distinguitur à dominio, & sunt diuersa, & separata: & licet Arius Pinellus *in dict. l. 1. num. 2. part. 3.* recedat ab opinione Bartol. *in l. qui vsufructum, ff. de verborum, num. 3. & aliis*,
- 3 tamen Bartol. ibi si maturè expendatur, rectè ait vsufructum non esse partem fundi corpoream, sed bene esse partem substantialem fundi, hoc est dominij quod in fundo habemus. Possumus enim considerare fundum, ut res corporea, separatum à iure. Tunc quidem vsusfructus non est pars fundi, sed sylua, ager,
- 4 domus, hortus, campus, mons, & alia id genus corpora: hæc partes sunt fundi, sicuti domus partes tabulata, parietes, tigna, & tectum. Si verò accipias fundum, consideratâ ratione iuris, pro toto dominio quod in eo habemus, tunc quidem alia ratio est; partes enim substantiales huius dominij quod habemus in fundo, & sic huius fundi, sunt duæ partes substantiales, proprietas & vsusfructus, hæque integrales; integrè enim constituunt hoc totum, scilicet ius, vel dominium quod habemus in fundo, vel ipsum fundum; & sub hac ratione iuris & dominij, quod ministerio iuris habemus, nec rectè dicemus tunc syluam esse partem fundi, cum in ipsa sylua proprietas & vsusfructus reperiatur, idemque de monte, horto, pascuis, & aliis id genus
- 5 partibus; & hoc modo intelligit Bartol. *in dict. l. qui vsufructum, & bene, esse eum partem dominij & fundi*: repetit *in l. 1. ff. de rebus dubiis* sequitur Paulus *in l. si quis, §. differentiæ, ff. de acquir. poss.* Iason *in l. 1. §. fin. ff. de noui operis nuntiat.* & quamvis Biglius *in §. alienus seruus, Instit. de heredib. instituend.* & Pinellus ubi supra, recedant à Bartolo, quatenus ex hoc conciliat hæc duo iura, scilicet legem rectè, & dictam legem 4. tamen forsitan opinio, & interpretatio Bartoli verissima est ad illa duo iura; nam quo in se sit vera, non est dubium; & reuera si rectè expendamus verba Iureconsulti *in dict. l. rectè*, ibi, *quia vsusfructus non dominij pars, sed seruutis sit, ut via, & iter planè* necessariò intelligendum est Iureconsultum intellexisse iuxta doctrinam Bartoli *in dict. l. rectè*, vsufructum non esse partem prædicamentalem dominij, hoc est, non esse speciem dominij; quia qua ratione vsusfructus est



est pars , id est species servitutis , ea ratione non est pars , id est species dominij , *ex dict. l. rectè*. At verò satis constat , servitutem esse genus quoddam univèrsum ; viam , actum , iter , & vsumfructum esse speciem : qua ergo ratione vsumfructus est pars , id est species servitutis ; non est pars , id est species dominij ? est ergo species servitutis , ergo non dominij , quod benè colligitur *ex dict. l. rectè*. quia vsumfructus non dominij pars , sed servitutis est , ut via : necessaria ergo & coacta ratione intelligendum est Iureconsultum nomine partis intellexisse species Dialecticas , & sensisse vsumfructum non esse partem , id est speciem prædicamentalem dominij , sicuti est species servitutis ; ob idque is fundus adhuc noster est , in quo quisquam habet vsumfructum ; quia si interrogemus , an is qui habet vsumfructum , habeat dominium , non rectè respondetur affirmative ; non enim vsumfructuarius est dominus , nec vsumfructus dominium , sed pars dominij , & vsumfructuarius obtinet alteram partem substantialem fundi , & dominij , quod in eo habemus. Et ita licet Pinellus doctissimus , & Biglius , Alciat. item & Coñanus , dialecticam dicant esse solutionem & interpretationem Bartoli , proculdubio tamen Iureconsultus necessariò intelligendus est dialecticè , alias malè intelligemus illa verba , *sed servitutis pars sit , ut via , actus* : locutus est enim Iureconsultus dialecticè , significans non esse vsumfructum partem , id est speciem dominij , sicuti est pars , id est , species servitutis : & benè Bartolus ait non esse partem prædicamentalem dominij vsumfructum , id est non esse speciem dominij , nec item esse partem fundi , ut intelligamus fundum separatum à iure , pro re corporea ; quia tunc partes fundi sunt , ut dicebamus , campus , mons , ager , sylva , vinea , & alia id genus ; esse autem partem vsumfructum substantialem fundi , quatenus eum consideramus secundum ius , quod in eo habemus. Tunc enim ex iuris dispositione habemus in fundo vsumfructum & proprietatem , & sunt duæ partes substantiales integrantes fundum acceptum secundum ius. Itaque Iureconsultus ex interpretatione Bartoli , & rectè *in dict. l. rectè* , intelligit dialecticè vsumfructum non esse partem , id est speciem dominij , quia vsumfructus est pars , id est species servitutis , ut via actus , & propriè locutus est Iureconsultus cum species vocat partes ; sic enim locuti sunt veteres elegantiores. Cicero *de Oratore lib. 1. fol. miki 136. tomo primo* : *Genus autem ( inquit ) id est , quod sui similes communi quidem , specie autem differentes* 7 *duas aut plures complectitur partes. Partes autem sunt qua generibus his ex quibus emanant , subiiciuntur.* Hæc Cicero. Rursum de inventione capite de confirmatione. Genus ( inquit ) *est quod partes aliquas amplectitur ; ut cupiditas pars est , quæ subest generi , ut cupiditati amor , avaritia.* Rursum capite de inveniione , cum tractat controuersiam generis , ita ait : *Generis est controuersia , cum & quid factum sit , conuenit ; & quod id factum nomine appellari oporteat , constat ; & tamen quantum & cuiusmodi & omnino quale sit , quaritur , hoc modo , iustum , aut iniustum , utile , an inutile ; & omnia in quibus quale sit id quod factum est , quaritur , sine ulla nominis controuersia.* Huic generi Hermagoras partes quatuor supposuit , deliberatiuam , demonstratiuam , iudicialem , negotialem , quod eius , ut nos putamus non mediocriter peccatum reprehendendum videtur. Verùm breui , ne aut si taciti praterierimus sine causa , nos secuti eum

puemur; aut si diutius in hoc constiterimus, moram atque impedimentum reliquis praeceptis intulisse videamur, si deliberatio, & demonstratio genera sunt causarum, non possunt rectè partes alicuius generis causae putari; eadem enim res alijs genus esse, alijs pars potest; eidem genus esse & pars non potest. Haec tenus Cicero. Plura alia ex Cicerone adducere possem loca, sed haec elegantiora mihi visa sunt pro Bartolo contra Biglium & Pinellum, ut Iureconsultus in dict. l. rectè, nomine partis rectissime & obseruata proprietate dicendi, species intellexerit. Idque vñtatissimum est Dialecticis, qui veram Dialecticam profitentur, & elegantiorē; non his qui barbarè & sophisticè ratiocinantur, quibus toto anno cum sua chimæra, & suis brunellis, lis & contentio assidua est. Sit ergo verus sensus ad literam textus in dict. l. rectè, scilicet rectè dici, id est propriè, obseruata recta ratione dicendi, fundum eum nostrum esse, licet alius in eo habeat vsumfructum; quia vsumfructus non est pars dominij, sed seruitutis, ut via, actus, iter, quod etiam sensit ibi glossa ex Placentini opinione. At verò in dict. l. 4. idem Iureconsultus ait: *In multis casibus vsumfructus est pars dominij, & extat quod vel praesens, vel ex die dari potest.* Vbi necessariò dicendum est, Iureconsultum sensisse, vsumfructum esse partem dominij, scilicet substantialem, non verò praedicamentalem; dominium enim quod habemus in fundo, constat ex proprietate & vsumfructu, sicuti fundus ipse si sumatur ut corpus, habet partes corporeas, vineas, montes, lucos, & saltus, & alia id genus. Nec quicquam faciunt verba illa, *si in multis causis*; quia cum in multis sit pars praedicamentalis, id est species seruitutis, tanquam sui generis, ut in dict. l. rectè, in multis pars tanquam corporea separata à iure, ut in l. 1. §. si vsumfructus, ff. ad leg. Falcid. restat ut in multis non in omnibus sit dominij pars substantialis. Quæ ratio debuit Pinellum adducere in opinionem Bartoli, non verò ab ipsa auertere, quæ si expenderetur, efficeret saltem, ut non ita ridiculè Bartolus eiiceretur: subdit Iureconsultus in dict. l. 4. & extat quod vel praesens, vel ex die dari potest; quæ verba magis suadent Bartoli conciliationem, ut verissima sit censenda, & ad literam textus: idem enim Paulus Iureconsultus non immemor eius quod tradiderat in dict. l. rectè, repetensque idem argumentum, quoniam dixerat vsumfructum esse speciem seruitutis quasi sui generis, subdit in dict. l. 4. non esse id quidem perpetuum, nec semper vsumfructum esse speciem seruitutis, quia in multis casibus sit pars dominij substantialis, quod habemus in rebus, & varia consideratione varius sit, quoad iuris effectus, nec possit de eo vniuersè & indefinitè constitui, quia diuersè in iure accipiuntur, varietque iuris regulas, dum alibi aliter accipitur: quod Paulus probat ex eo, quia seruitutes non consistunt ex die, vel ad praesens, nec extant: per se patet ex l. 4. ff. de seruitutibus, ibi: *Seruitutes, inquit Papinianus, ipso quidem iure, nec ex tempore, nec ad tempus, nec sub conditione, nec ad certam conditionem, verbi gratiâ, quamdiu volam, constitui possunt*: at constat vsumfructum constitui ad diem & ex die, dict. l. 4. & cum cæteræ seruitutes sint indiuiduæ, constat vsumfructum esse diuiduum; l. 1. §. si vsumfructus, ff. ad legem Falcidiam, ibi: *Idem Paulus, si vsumfructus* (inquit) *legatus sit, qui & diuidi potest, non sicut cætera seruitutes indiuiduæ sunt, veteres quidem æstimandum totum vsumfructum putabant, & ita constituendum quantum*



*fit in legato : sed Aristo à veterum opinione recessit ; ait enim posse quartam partem ex eo sicuti ex corporibus retineri , idque Iulianus rectè probat.* Hæc Paulus, qui semper in ea sententia est , vt vsusfructus multiplex in iure sit ex multiplici iuris acceptione , vt alibi sit species seruitutis , sicuti via , actus , id est totus ad ius pertineat ; alibi sit pars substantialis fundi , & dominij , quod in eo nobis est , vt cum proprietate totum fundum contineat ; in aliis quoque casibus reperiatur vt corpus , & accedat commoditati , vt *in dict. l. 1. §. si vsusfructus* , vbi non ius , sed commoditas nomine vsusfructus diuiditur in partes , tanquam corpus ; & omnia hæc responsa sunt Pauli , ad quæ oculos coniecit Bartol. vbi suprà , & cum eo communis interpretatio ad illa iura. Nec enim dubitari potest de multiplici acceptione eius , ex his quæ infrà hoc capite latius dicemus ; licet enim vbique vsusfructus sit , tamen alibi ius , alibi corpus , alibi pars est dominij , & ita promiscuè à Iureconsultis accipitur ; ob idque licet conciliatio Bartoli displiceat Biglio, Connano, Alciato, & Pinello, tamen ea necessaria est , & secundum iuris rationem , & in se vera.

Ex Paulo ergo restat , vt vsusfructus multipliciter accipiatur , pro specie seruitutis , pro parte fundi , pro commoditate ; & ita alibi est ius , alibi res corporea , vt *in dict. §. si vsusfructus* , vnde in *l. in venditione bonorum , ff. de bonis auctoritate iudicis possid.* rectè vsufructuarium dominum appellamus , quia partem dominij habet , idest vsumfructum , qui est pars dominij ; licet enim stricta disputatione non habeat hominem qui partem hominis habet , nec fundum qui partem fundi habet ; tamen ex intellectu iuris , & acceptione nominis huius , quod dominium illud significat aliquando , quod versatur in perceptione fructuum , rectè dicimus vsufructuarium dominum eius dominij , obseruata multiplici nominis acceptione ; neque enim possumus , neque debemus de hoc nomine , quod adeo variè accipitur à Iureconsultis , vniuersè & indefinitè constituere ; quod si responsa Iureconsultorum velimus ad vnam duntaxat acceptionem referre , erraremus miserè. Nemo enim est qui non videat quantum distet commoditas ipsa à iure fruendi ; & tamen constat , vtrumque significare Iureconsultos nomine vsusfructus : nihil mirum igitur , quod alibi sit ius , alibi pars fundi , alibi dominium significet eius partis , quam in toto fundo facit , cum de his omnibus aperta sint responsa veterum Iureconsultorum : quæ eò dixerim , ne tibi mirum videatur , si dixerimus errasse , qui de vsufructu vniuersè tradiderint.

Nec multum difficilis est interpretatio *ad l. 1. ff. de vsufructu legat.* quæ variè quoque nouiorum interpretum mentem cruciat. Verba eius hæc sunt : *Nec usus , nec vsusfructus itineris , actus , via aquæ ductus legari potest , quia seruitus seruitutis esse non potest , nec erit vile ex Senatusconsulto , quo cauetur , vt omnium quæ in bonis sunt , vsusfructus legari possit , quia id neque ex bonis , nec extra bona sit , sed incerti actio erit cum hærede , vt legatario , quando vixerit , eundi , agendi , ducendi facultatem præstet , aut ea seruitus constitutur sub hac cautione , vt si decesserit legatarius , vel capite minutus ex magna causa fuerit , restituatur.* Hæc Paulus. Difficultas est in intellectu illorum verborum , quia id neque ex bonis , nec extra bona sit. *Glos. & Bart. ibidem* , & in *l. rem in bonis , ff. de acquir. rerum dominio* , & in *l. rei appellatio , ff. de*

verborum significo. & in principio Instituit. de rerum diuisione, intelligunt vt seruitutes neque sint in bonis, nec extra bona, eamque opinionem & latius explicat & refutat Pinellus d.l. 1. 2. part. num. 6. & subdit secundum intellectum Lortiori in l. non videtur, ff. de reg. iuris. vt ibi vsusfructus, & seruitutes non dicantur in bonis, idest in dominio propriè sumpto; nec extra bona, idest extra bonorum appellationem, quæ in iure latè patet. Hanc quoque refutat ibidem Pinellus, quod Iureconsultus ibi non agat de dominio proprio, vel improprio, nec possit omnino in vsufructu negari dominium; ad quam refutationem facit, quod tradidimus proximo num. 10. Tertiò adducit solutionem Longoualij in l. imperium, ff. de iurisdict. omn. iud. num. 232. qui appellat hanc difficultatem nodum Gordianum, dum explicat verba illa, non in vsufructu & seruitute, sed in vsu & vsufructu seruitutis. Quam quoque interpretationem ipse reiicit, nescio quantum bene, & tandem ipse resoluit contra Bartolum, Accursium, communem, Lortorium, & Longoualium, vt verba illa, nec ex bonis, nec extra bona, posita sint ex iuris quadam subtilitate, quam subtilitatem ipse in eo esse ait, vt verba illa, nec extra bona, intelligantur pro non omnino aliena, nec extra ius disponentis, non verò pro his quæ in bonis esse non possunt; quæ iuris subtilitas certè adhuc verba illa non explicat; siue enim sint extra bona, siue non omnino aliena, semper restat difficultas, quomodo nec sint de bonis, nec extra: & re vera vt dicemus, seruitutes in bonis nostris sunt, & inter bona connumerantur, vt dicemus, & agnoscit ipsemet Pinellus. Quî fieri ergo potuit, vt Caius Iureconsultus diceret, eas neque ex bonis, nec extra bona esse, cùm si subtiliter intelligas seruitutes non esse omnino alienas, quomodo non sunt ex bonis, si omnino alienæ non sunt? aut quid cõgît Iureconsultum, vt ea verba adderet, quem otiosè locutum fuisse non decet arbitrari? Ego verò existimo Iureconsultos nunquam multiplicasse verba, neque quicquam dixisse frustra, quod alibi notabam ad l. in causa, §. interdum, ff. de minoribus, ibi: Ne rem suam perdat, vel re sua careat; quæ duo plurimum distant. Itaque existimo Iureconsultum planè posse intelligi, nec necessum esse inuestigare tam subtiliter intellectum illorum verborum aliunde quàm ab ipso Paulo in d.l. 1. ff. de vsufructu legat. ipse enim satis superque seipsum explicat, si maturè expenditur litera illius textus. Quærit ibi Paulus, an vsus, vel vsusfructus seruitutis legari possit; nihilque disputat de legato seruitutis; in quo Longoualius non recedebat à vera specie Iureconsulti: non enim quærit, an via legari possit in fundo, sed an vsus viæ, quæ debetur fundo, legari possit? Et in hac specie in prima parte textus moratur in his verbis, nec vsus, nec vsusfructus itineris, actus, viæ, aquæve ductus legari potest. Cumque constituat, legari quidem non posse talem vsum, vel vsumfructum seruitutis realis, subdit duas rationes, ex quibus probat suam illam conclusionem, scilicet, tale legatum inutile esse; quæ ambæ incidunt in vnâ eandemque rationem. Prima ratio est, quia si tale legatum constaret, iam daretur seruitus seruitutis, quod fieri quidem nullo modo potest; cùm enim via sit seruitus, si viæ vsusfructus legaretur, iam legaretur seruitus seruitutis; quod fieri nequit. Secunda ratio incipit ibi, nec erit vile: ubi Iureconsultus Paul. ita ait: Nec hoc legatum erit vile, nec constare potest ex

verbis



verbis *Senatusconsulti*, quod de usufructu legando constitutum est, quo caueretur, & sancitum est, ut usufructus omnium, quæ in bonis sunt, legari possit. Subdit Iureconsultus Paulus rationem huius, quare non sit utile legatum hoc ex verbis *Senatusconsulti*, cum *Senatusconsultum* dicat aperte, posse legari usufructum omnium quæ in bonis sunt: & videbatur posse legari usufructus servitutis, quia servitus in bonis nostris est. Ratio tamen Iureconsulti ea est, quia servitutes non sunt ex bonis, de quibus sensit *Senatusconsultum*, cum servitutis nullus usufructus sit, qui legari possit. Intellexit enim *Senatusconsultum* omnium rerum, quarum usufructus constitui posset, usufructus constitui & legari posse, servitutes autem non esse ex bonis *Senatusconsulti*, quia in usu consistunt, & separari ab usu non possunt, ob idque nec ex bonis sunt, scilicet, de quibus *Senatusconsultum* latum est: nec item sunt extra bona, quasi dicat, cum servitutes in bonis nostris sint, videbatur constare posse legatum; sed cum sint bona in quibus constitui usufructus non possit, non sunt ex bonis, de quibus agimus, ut utile sit legatum. Ob idque ait Iureconsultus dari actionem incerti, & ita rectè ait, in proposito servitutes nec esse in bonis, nec extra bona, scilicet, de quibus agebat, ut legatum utile esset: & ita potest Paulus verè & planè intelligi, observata iuris ratione ex *Senatusconsulto*, de quo ipse agit.

Constat enim latissimè nomen hoc *bona*; & bonorum appellatione veniunt iura & actiones, non solùm corporea, mobilia, & immobilia, *l. bonorum*, ff. de verborum signific. & ibi Alciatus, Guillelmus Benedictus in cap. Raynuius, verb. cetera bona, Tiraquellus in *l. si unquam*, verb. bona, de renovandis donation. Pinellus in rubr. de bonis maternis, statim in principio, & est lex si legamus, ff. ad Trebellian. & servitutes tanquam res propriæ legantur, *l. usufructus*, cum sequent. ff. de usufructu; ex quo videri poterat servitutes non esse extra bona, atque aded contineri *Senatusconsulto*, quod dictabat, ut omnium quæ in bonis essent, usufructus legari posset; sed quoniam tales erant, de quibus usufructus constitui non poterat, quia servitutis servitus esse non poterat, *d. l. i.* meritò Paulus Iureconsultus in ea tractatione legati usufructus, servitutes nec esse ex bonis, nec extra bona ait, succurritque legatario non ordinaria actione, sed incerti quadam actione, hoc est facti, ut scilicet hæres faciat, & per eum non stet, quò minus legatarius ille id quoque consequatur, ut si servitutem non habeat; saltem utcumque, quantum res ferat, utatur, fruatur. Accipitur ergo multipliciter in iure verbum hoc *usufructus*, ex Paulo Iureconsulto: modò servitus est, totaque in iure consistit, dict. *l. rectè*, personalisque servitus est, quæ debetur personæ, sicuti habitatio & usus: realis autem servitus est, quæ debetur personæ ex re. Exemplum istius personalis servitutis non est ius quod habet dominus in servis; illud enim dominium est propriè, & in re propria non cadit servitus, sed dominium, *l. uti frui*, ff. si servitus vendicetur, *l. in re communi*, ff. de servit. urb. pradiorum: sicuti enim usufructus proprii fundi non est servitus, ita nec ius servi. Bartol. in *l. i.* ff. de servitutibus, Faber in §. æquè si agat, Institutis de actionib. ubi ait quod hæc servitus exemplificabitur, si dominus alicuius servi concesserit alteri operas servi, retento dominio: & vocat hanc servitutem personalissimam, & sentiebat ibi Ias.

sed certè seruitus personalis vnica est, quæ debetur personæ, & cum ipsa persona extinguitur, nec egreditur personam, siue ea debeatur à persona, siue à re, dum personæ debeatur, duratura cum ipsa persona: duplexque est genus seruitutum, ex l. 1. ff. de seruitutibus, licet gloss. ibi admittat triplicem, vel quadrimembrem distinctionem; cum enim debetur personæ, & cum persona extinguitur, personalis est; si rei debeatur, & ad possessores rei transeat, realis est. Et hæc est distinctio Iureconsulti, & est optimus textus in l. Lucius Titius, ff. de seruitutibus rusticorum pradiorum, ibi: *Lucius Titius* (inquit Paulus) *Caio Seio fratri salutem. Aqua fluentis in fontem constructum in Istmo à patre meo trado & dono tibi digitum in domum tuam, quæ est in Istmo, aut ubicunque vis. Quaritur an ex hac scriptura usus aqua etiam ad hæredes Caij Seij pertineat? Paulus respondit, usum aqua personalem ad hæredem Seij quasi vsuarij transmissi non oportere.* Ecce quia seruitus personalis est, vbi id glossa sentit, quæ verbo *digitum*, ridicula est, parum edocta antiquorum mensuras, & pondera; ex eo enim dictæ sunt seruitutes personales, quòd cum persona extinguantur, & pereant, quibus concessæ videntur; realis autem à re, cui item conceduntur: & quia cum ea durant perpetuò, & ad quoscunque possessores pertinent ratione rei, etiam si aliquando tempore defuisse videantur: textus elegans ad hoc in l. cum fundo, ff. de seruitutibus rusticorum pradiorum, quæ addenda sunt ad Cæpolam lib. 1. cap. 3. & Anton. Gomezium de contractibus tom. 2. cap. 15. & ita bimembrem duntaxat distinctionem agnouit D. Anton. Menenius præceptor meus, in principio de seruitutibus & aqua. Est igitur vsusfructus species seruitutis, dict. l. rectè, & personalis, quæ cum vita finitur, & cum persona extinguitur, §. finitur, Institutus de vsusfructu.

Alibi autem vsusfructus est veluti res corporea, quæ diuidi potest, & tanquam in partes secari; cum enim reliquæ seruitutes indiuiduæ sint, vsusfructus diuiduus est, l. 1. §. si vsusfructus, ff. ad l. Falcid. l. vsusfructus ab initio, ff. de vsusfructu, gloss. Bart. & reliqui ibi. Inde est, quod legatur pluribus simul, & omnes in eo concurrunt simul & æqualiter pro partibus, l. si vsusfructus legatus, ff. de vsufr. l. duos, ff. de vsufr. legat. l. 1. ff. de vsufruct. accrescendo; legatarij autem diuident inter se vsumfructum, iuxta iuris regulas, vel regionibus, vel tempore, vel æstimatione, vt locando, l. communi diuidendo, §. si vsufr. ff. communi diuidendo. Cum de vsusfructu (inquit Vlpian.) communi diuidendo iudicio agitur, index officium suum ita diriget, vt vel regionibus eis vii frui permittat, vel locet vsusfructum uni ex illis, vel tertia persona, vt hi pensiones sine ulla controuersia percipiant, vel si res mobiles sint, etiam sic poterit vt inter se conueniant, caueantque per tempora se vsuros fruituros, hoc est apud singulos mutua vice certo tempore sit vsusfructus. Hactenus Vlpianus. Expende verba illa, vt apud singulos mutua vice, certo tempore sit vsusfructus, iuncta glossa verb. vsusfruct. vt nomine vsusfructus intelligamus commoditatem, quæ prouenit ex iure illo vtendi & fruendi, quæ commoditas rectè dicitur à Iureconsultis vsusfructus, cum variè accipiat, l. si cum duorum, ff. de stipulatione seruorum, vbi glossa verb. communitio, Baldus in cap. 1. §. præterea ducatus, de prohibita feudi alienatione. Bartol. in l. stipulationes non diuiduntur, de verborum obligationibus, & ibi Ioannes de Imola, latè Paulus de Castro in l. quoties, §. hæredes, ff. de hæredib. instituen



*instituendis*, textus *in dict. leg. 1. §. si ususfructus*, ad legem *Falcid.* qui est in materia egregius. Ex quibus vides id quod passim animaduertimus, *vsusfructum* apud Iureconsultos modò vides esse, modò speciem seruitutis, modò commoditatem & rem diuiduam, & veluti corpoream, quæ diuiditur, commutatur, conducitur, & est in commercio tanquam res venalis, *l. Manius*, §. *penultimo*, ff. *de legat. 2.* Atque hæc omnia nomine *vsusfructus* significant Iureconsulti, & variè de *vsusfructu* tradunt præcepta, multiplici acceptione nominis iure agnita, aliquando item partem substantialem fundi significantes, qui constat ex proprietate & *vsusfructu*, *dict. l. 4.* Vnde qui generaliter de *vsusfructu* tradere præcepta volunt, cùm decedant à iuris regulis, & vera traditione Iureconsultorum, necessarium est aut fallantur, aut fallant. Quod faciunt viri eruditissimi, vti proximè prolixiùs videbimus in his quæ nobis dicenda restant.

18

Ex hac iuris regula inferitur ad aliqua, quæ variè accipiuntur à Scribentibus; diuersitas autem provenit & resultat, quòd generaliter de *vsusfructu* statuere volunt, qui tamen multiplex est: & primum quod sæpè circa dispositiones de *vsusfructu* receditur apertè à verbis testatoris, & interpretatio sumitur à iure; quia enim diximus quod *vsusfructus* & proprietates sunt partes substantiales integrantes quoad iuris intellectum fundum, & fundi totum dominium, *ex dict. l. 4. ff. de vsusfructu*, fit, vt si testator relinquat alteri simpliciter fundum, alij verò *vsusfructum* eiusmet fundi, quòd prior habebit proprietatem & dimidiam partem *vsusfructus*, & posterior habebit dimidium *vsusfructus*, & ambo concurrunt in *vsusfructu*, & concursu faciunt sibi partes, *l. si alij*, ff. *de vsusfruct. legat.* [ Si alij ( inquit Modestinus ) fundum, alij *vsusfructum* eiusdem fundi testator legauerit, si eo proposito fecit, vt alius *vsusfructum*, alius nudam haberet proprietatem, errore labitur; nam detractò *vsusfructu*, proprietatem eum legare oportet eo modo, *Titio fundum detractò vsusfructu lego*; vel, *Seio eiusdem fundi vsusfructum hæres daio*: quod nisi fecerit, *vsusfructus* inter eos communicabitur, quia interdum plus valet scriptura, quàm quod actum est. ] Hactenus Modestinus, qui apertè conuenit cum Paulo *in dict. l. 4.* & fundi nomine intelligit proprietatem & *vsusfructum* tanquam partes substantiales fundi integrantes totum dominium quod nobis est in fundo. Textus *in l. qui vsusfructum*, ff. *de verb. obl.* vbi Paulus, *Qui vsusfructum*, inquit, *fundi stipulatur*, deinde *fundum*, *similis est ei qui partem fundi stipulatur*, deinde *fundum totum*; quia *fundus dari non intelligitur, si vsusfructus detrahatur*. Cùm igitur fundus consistat secundum iuridicam rationem in proprietate & *vsusfructu* tanquam in partibus substantialibus integrantibus totum dominium fundi, vt *dict. l. 9.* & *dict. l. qui vsusfructum*, & *dict. l. si alij*, & *l. si stipulatus fuero*, §. *Titius*, ff. *de verb. obl.* legando vni fundum, videri potuit fundum pleno iure legasse quoad *vsusfructum*, postea autem legando alteri eiusdem fundi *vsusfructum*, videtur secundò legasse rem eandem quam priori legauerat: vnde tanquam re coniuncti concurrunt, & pariter admittuntur, & mutuo concursu faciunt sibi partes: & ita tenet Bart. *in dict. l. si alij*, & *in l. inde Neratius*, §. *non solum*, ff. *de vsusfructu accrescendo*, & *in l. si proprietates*, eod. & resoluit

19

20

Antonius Gomez *tit. de seruitutibus*, sæpius allegato, *tom. 2. num. 5.* qui tamen intelligit in legato, non verò in relicto vniuersali: vide apud ipsum, nihil enim ad nos pertinet, nobis enim ad ea quæ tractamus satis id sit attigisse, vsumfructum esse partem substantialem fundi & dominij, quod in fundo nobis est, qui cum proprietate totum fundum constituit, iuxta *dict. l. 4. dict. l. qui vsumfructum, dict. l. si alij, dict. §. si Titius*. Vnde etiam si in legato contineatur totus fundus, minùs habet legatarius quàm fundum, & alter, cui legatus est vsumfructus fundi, minùs habet quàm vsumfructum; habet enim dimidium vsumfructus duntaxat, idque prouenit ex eo quod dicimus, vsumfructum iuris intellectu esse partem fundi.

21 Ne autem à nobis hæc sine vtilitate allata esse videantur, ex hac fundatâ iuris ratione apertè & planè defenditur communis & recepta omnibus hucus Scribentibus interpretatio *ad l. Proculus, ff. de vsumfructu*, contra Arium Pinellum, qui solus inter Scribentes omnes nouum sensum existimat se inuenisse, & irridet vniuersos, qui legem illam hucusque allegarunt, & tandem dicit excogitato à se vero sensu non defuturos, qui repertis frugibus, glandibus vesci malint: ego autem existimo illum despectis frugibus, glandulis plusquam exitiabilibus laborasse, dum à vero & recepto sensu recedit, minimè recordatus hoc ipsum, quod modò tradebamus, scilicet nomine fundi solitos esse Iureconsultos intelligere proprietatem & vsumfructum, tanquam partes substantiales fundi; vnde, vt modò diximus, legato fundo, proprietas, & vsumfructus censetur legatus: quo præmissò Bartol. Bald. Alberic. Ang. Fulgositius *in d. l. Proculus*, & est textus ibi, asserunt, quod si testator legat alicui vsumfructum domus cum onere, vt seruitus hæredi constituatur, ne altius domus tollatur, domus quantum ad proprietatem censetur relicta, non solus vsumfructus, adeo vt in hoc legato etiam si solus vsumfructus videri poterat legatus, proprietas tamen domus contineatur, ita vt domus debeatur: tamen idem Bart. tenet hanc *in l. ex hac, num. 3. ff. de donationibus*. Cuman. Romanus, Alex. Alciatus, Claudius Marmert. Galeaula, relati à Pinello *in d. l. 1. C. de bonis mat. 3. part. num. 41.* qui dicit communem hanc interpretationem eam habere rationem, quod de iure vsumfructuarius non potest altius tollere, nec rem alienare, *l. vsumfructuarius, 1. & 2. & l. nisi, ff. de vsumfruct. l. interest, Cod. eod.* Vnde ne verba testatoris sine effectu maneant, nec videantur

22 superflua, cum necessum non sit interdicare vsumfructuario, ne altius tollat, cumque nec ipse vsumfructuarius constituere seruitutem possit, intelligendum est, quod nomine vsumfructus intelligatur proprietas relicta & legata: hanc dicit rationem communis interpretationis, quam imaginariam vocat decisionem, quæ fuit Accursij *in dict. l. Proculus*. Deinde ait ille, Iureconsultum non egisse id, sed tradidisse modum & limitationem quandam ad regulam quæ ait, quod vsumfructuarius non possit constituere seruitutem in re, in qua habet vsumfructum, vt id non habeat locum, si fructuarius ex testatoris voluntate, vel concedentis vsumfructum, seruitutem constituat, quia tunc quantumvis vsumfructuarius, seruitutem tamen imponere potest, contra prædictas regulas iuris, *ex dict. l. Proculus*. Ego sanè miror virum eruditissimum abiisse in hanc sententiam, quem sæpè animaduerti inter legendum cordatè communes



& receptas sententias à nouiorum telis & iaculis defensantem, solitusque era-  
dicere receptas sententias, aut omnino & funditus euertendas esse, aut om-  
nino relinquendas intactas, & illius quidem sensus sine vlla difficultate est.  
Quod enim negotium obsecro erat, vt Proculus putaret? sic enim inquit Pom-  
ponius putasse Proculum, quasi in re dubia, obscura, & difficili, in qua  
assertio plena periculo esset; putasse nempe testatorem posse constituere serui-  
tutem in fundo proprio, cum etiam si constitueretur ab usufructuario, cum id  
fieret iussu testatoris, à testatore constituta censenda erat; plurimum enim in-  
terest, vtrum in potestate eius, quem testator obligare cogitat, faciat, si ve-  
lit dare; an imposita necessitate dandi, solum ei distribuendi liberum arbi-  
trium concedat, tunc enim à testatore accipit, vt inquit Iureconsultus *in*  
*l. verum*, §. *cum quidam*, ff. *de ebus dubiis*; & re vera indignum hoc argu-  
mentum est, in quo versatur Proculus, atque in eo tanquam subobscurum pu-  
taret, ita constitui posse. Propterea neque erat, quòd tantopere Pompo-  
nius Proculi commendaret cogitationem illam & sententiam, nec illa erat  
exceptio regulæ, quæ tradit usufructuario non posse constituere seruitutem;  
nam eo casu seruitus non ab usufructuario, sed à testatore constituebatur, cuius  
iussu, & præcepto, & voluntate constitui debebat. Subdit deinde Arius  
Pinellus doctissimus, sibi satis esse id, scilicet, Iureconsultum non dicere  
quod glossa & Scribentes *ex d. l. Proculus*, colligunt: mihi autem, si verum  
amamus, apertè dicta lex *Proculus*, communem & receptam sententiam com-  
probat, idque ad literam, & sine violentia vlla; præterea quòd ex fundata  
iuris ratione, ex his, quæ diximus, necessaria & coacta ratione id intelligen-  
dum est; Proculus enim *in d. l. Proculus*, non inquirat modum legandi vsum-  
fructum, quod existimabat Pinellus, sed legandi fundum integrum, vel In-  
sulam pleno iure, scilicet cum partibus suis substantialibus, usufructu, &  
proprietate, idque etiam si solius usufructus in legato fiat mentio; quod ar-  
gumentum plenum ingenio est, & dignissimum Iureconsulto: & aptè ex his  
quæ diximus, expendenda sunt verba eius legis ibi, *Proculus putat Insulam*  
*ita posse legari*; ecce enim quod inuestigatio Iureconsulti non est de legato  
vsufructus solius, sed de legato Insulæ; satis autem constat ex his quæ dixi-  
mus, Insulam sicuti & fundum constare suis partibus substantialibus, nempe  
usufructu & proprietate. Cum ergo Proculus putet Insulam ita posse legari,  
necessariò intelligendum est, agere eum de excogitanda forma & ratione iu-  
ris, ex qua cum solus usufructus contineatur in legato, tamen Insula vide-  
tur legata integro iure quoad vsumfructum, & quoad proprietatem, in quo  
aptissimè & meritò Pomponius statim in principio, ne de mente Proculi du-  
bitaretur, ea verba addidit, *Proculus putat Insulam ita posse legari*, quasi aper-  
tiùs dixisset, Proculus ingeniosè excogitauit iuris formam, quæ cum solus  
vsufructus in legato sit, tamen verè proprietatis & usufructus, id est Insula  
legata sit: & post illa verba subdit formam illam, quam Proculus excogita-  
uit, *vt ei scilicet insula seruitus imponatur, quæ alteri insula hereditarie debeat*  
*hoc modo*: post hæc autem addidit exempla duo, *si ille heredi meo promi-*  
*serit per se non fore, quo aliis ea adificia tollantur, tunc ei eorum adificiorum*  
*vsufructum do, lego*: & est primum exemplum, deinde subdit secundum, *vel*  
*si*

sic adiumentum quo ad alius quam vii nunc sunt, adificata non erunt, illi usum-  
 fructum do, lego. Itaque tota decisio Pomponij Proculum secuti in eo versatur,  
 vt ingeniosè excogitet formam illam, qua legatum solius vsusfructus conti-  
 neat insulam pleno iure; ratio autem iuris, quare insula pleno iure in eo le-  
 gato contineatur, ea est, quia cum ex verbis legati vsusfructus ad legatarium,  
 24 proprietatem ad heredem specie quidem pertinere videretur, impositio tamen  
 seruitutis iuris regulas contra aperta verba testatoris excitauit, quia hæres ser-  
 uitutem habere in fundo proprio non potuit, cum haberet dominium & pro-  
 prietatem, *l. vii frui, ff. si seruius petatur, l. in re communi, ff. de seruitutibus*.  
 Vnde meritò cum apud heredem consistere non possit, propter seruitutem  
 impositam, quæ sibi deberetur, necessariò ex iuris dispositione proprietatem  
 vsusfructum secuta est: & hæc est ratio & decisio Proculi, atque eum secuti  
 Pomponij ex forma excogitata, vt legato vsusfructu proprietatem verè legata sit.  
 Vnde quod ait Pinellus, & sæpiùs repetit, satis ibi esse quod dicta lex *Procu-*  
*lus*, non probeat communem conclusionem, nec dicat id, ad quod tota die al-  
 legatur à Scribentibus, quod vocat imaginariam decisionem: certè textus *in*  
*dict. l. Proculus*, ex hac acceptione vsusfructus, quam tractamus, apertè id  
 probat, & planè, neque est imaginaria decisio, sed ingeniosa & digna Pro-  
 culo, & Pomponio; neque existimandum est, tot sæculis latuisse sensum il-  
 lum, quem adducit Pinellus, viros cordatos & egregiè eruditos, qui nec in-  
 geniosus est, nec habet vllam difficultatem, nec obtinet id ad quod adducitur,  
 scilicet vt vsusfructuarius constituat ex iussu testatoris seruitutem, quia illa  
 seruitus non est constituta ab vsusfructuario, sed à testatore, vt diximus: præ-  
 terea quæ ipse Pinellus infert *numero 43*. omnia illa descendunt ex illa sua opi-  
 nione, nec approbamus eorum consilium, qui iuris imperitissimum homi-  
 nem cogerent ita testari, vt eo consilio nomine vsusfructus proprietatem arri-  
 perent; nec existimandum est id voluisse Thomam Ferrar. *causela 2*. quem  
 ibi adducit *dict. num. 43*. Planè eam cautelam, si quis prudens, sciensque fece-  
 rit, nec pium, nec prudentem iuris existimamus, sed iniquum & dolo sum.  
 Cæterum si dispositio ista reperiatur testatoris sine dolo, tunc quidem ex iuris  
 regulis ita definiendum existimamus, vt etiam si vsusfructus legatus sit, pro-  
 prietas cum vsusfructu videatur legata, sicuti in casu præcedenti vsusfructua-  
 rius, cui apertè vsusfructus legatus est, dimidium vsusfructus consequitur, &  
 qui vsusfructum stipulatur, deinde fundum, idem bis stipulatus est; nemo  
 enim potest facere, quin leges & iura in sua dispositione locum habeant. Præ-  
 terea, dubiæ res & ancipites testantium voluntates, dubiaque & ambigua  
 dispositio non aliunde quam ex iuris regulis interpretanda est: postremò  
 25 quamuis ipse impugnet sententiam Cumanij *consil. 121. numero 3*. Parisij *con-*  
*sil. 71. lib. 2*. qui tenent argumento dictæ legis *Proculus*, relicto vsusfructu cum  
 potestate, vt legatarius, idemque vsusfructuarius de re disponere possit, com-  
 prehendi proprietatem: certè quicquid conetur Pinellus, qui nullum satis  
 vehemens argumentum contra hoc adducit, illa doctrina vera est; quid enim  
 aliud efficere possunt verba illa, quam vt liberè disponat de re vsusfructuarius:  
 postremò communem & receptam sententiam tenent viri doctissimi, & erudi-  
 tissimi, plures numero, magni authoritate, ingenio præclari, præter eos quos  
 adduximus



adduximus, quos enumerat ipsemet Pinellus *ad fin. num. 41.* Ias. Albertus Brunus, Ferrara, Parisius, Matthæus de Afflictis, Duo Riminaldi, Castillus Hispanus, Cremenfis, Hippolytus, Loazes, Barbatij, Curtius Iunior, Parisius, Cardinalis, Hieronymus Gratus, Bollonius, Corneus, Carol. Ruinus, Decius, ipseque Pinellus ex relatione horum ait, hanc sententiam vsu forenfi esse receptissimam, ob idque magis dolet, videre se hoc scriptum à Doctoribus grauissimis; at ego magis doleo, quòd vir eruditissimus, graui iudicio, selecta doctrina in hanc sententiam ierit; cumque hoc luxurianti, aut florenti ingenio facile concedendum sit, certè quod apertissimis solis radiis in media luce caligauerit, illud non possum non iniquè ferre. Præterea hæc communis opinio ex iisdem, aut pluribus habet locum in omni concessione, tam in vltima voluntate, quàm in contractu inter viuos, quia ratio illa Proculi generalis est; siue enim in vltima voluntate, siue in contractu constituatur seruitus, certè res tua tibi seruire non potest, ob idque imposita seruitute necessum est, vt aliò proprietas eat, scilicet ad consolidationem cum vsufructu; facile enim res reuertitur ad suam naturam. Sit igitur vera opinio communis, & habeat textum expressum *in dict. l. Proculus*, & intellectus communis dependeat ex verbo illo, *Insulam*, quod continet vsufructum, & proprietatem, tanquam partes substantiales, quæ constituunt insulam & fundum, *ex dict. l. 4. & dict. l. si alij*, de quibus suprà; sitque multiplex nomen vsusfructus, & variè acceptus variet quoque & mutet iuris regulas, nec quicquam de eo vniuersè tradatur, qui veluti Protheus nouas semper inducit formas, modò seruitutis, modò commoditatis, modò partis dominij; nec quisquam existimet, pessimè me animatum aduersus Pinellum doctissimum, quòd Emanuele Costam in petitione Cathedræ Primariæ Salmantiæ iuuerim, procuratoris assumpto officio, liberè enim disputandum est, & liberè philosophari ab ipsis edoctus sum; & licèt doctissimus, homo tamen erat, & humanum à se nihil alienum putare debuit.

26

Ex hoc etiam principio iuris, quòd scilicet vsusfructus & ius fruendi modò merum ius continet, vt *in dict. l. rectè*, modò rem corpoream, quæ diuiditur, venditur, locatur, & in familiæ iudicio eriscundæ in partes secatur, vt *in d. l. 1. §. si vsusfructus*, ff. *ad legem Falcid.* & *in dict. l. communi diuidundo*, §. *cum de vsufructu*, ff. *communi diuidundo*: denique ex multiplici acceptione huius vocis, quæ variè à Iureconsultis accipitur, patet quid tenendum sit in ea quæstione difficili, scilicet an vsusfructus possit vendi? in qua iura sine pace dissidere videri possunt, nisi ex hoc iuris principio componantur: in hac autem re opiniones Doctorum retulit Arius Pinellus latissimè, & ante eum latè Antonius Gomez: ille *in l. 1. C. de bonis maternis*, 2. part. num. 38. hic *in tomo de Contractibus*, c. *de seruitutibus*, 15. num. 15. & post eos latissimè & acutissimè Cordub. de Lara *in §. parens*, à num. 60. *l. si quis à liberis*, ff. *de liber. agnosc.* Alij dicebant, quod si vsufructuarius alienet suum vsufructum, nec exprimat se alienare commoditatem, seu facultatem percipiendi fructus, alienatio non tenebit, & insuper vsusfructus amitteretur, & cum proprietate consolidabitur: glossa *in dict. l. vsusfructus*, ff. *de iure dotium*, Azon. *in summa*, C. *de vsufructu*, num. 20. Alberic. Paulus, & Alex. Ias. Ripa, Socinus,

28

Corneus, Loazes, Couarr. quos adducit in suis locis Pinellus *ubi sup. dict. num. 38.* alij tenent non posse usufructuarium alienare usufructum; quod si alienet, aiunt non valere alienationem, & quod ex tali alienatione poterit usufructus reuerti ad proprietatem. Faber *in dict. §. finitur*, Antonius Gomez *ubi sup. num. 1 §.* & Parisius *consil. 71. lib. 2. num. 3.* alij verò distinguunt, scilicet quod usufructus non possit alienari, nec eius alienatio careat pœna, de qua suprà; sed aiunt, commoditatem usufructus posse alienari, tanquam diuersam ab ipso iure usufructus: *glos. in dict. l. si usufructus*, & *in dict. l. necessario*, §. *fin. ff. de periculo & commodo rei vend.* & *in §. 1. Instit. de usu & habitatione*, & *in dict. §. finitur*, & *in l. arboribus*, §. *si usufructus*, ff. *de usufructu*: & sequitur Bald. Bartol. Alex. & Ias. relati à Pinello *ubi suprà*, Antonius Gomez *dict. num. 15.* Couar. *variar. lib. 1. cap. 8. num. 7. & 8.* Palacios Rub. *in repetitione cap. per vestras*, §. 38. Tiraquel. *de retractu lignagier*, §. 1. *glos. 7. num. 46.* Matthæus de Afflictis *lib. 3. constitutionum. rub. 5. num. 19.* Alij dicebant usufructuarium alienantem usufructum, in dubio præsumendum esse alienasse commoditatem, Bald. Socin. Curtius Iunior, Aymon Craueta, Aretinus, quos refert Pinellus *ubi suprà*, & Couar. in parte usufructuario bonorum aduentitiorum id tentabat, *ubi supra.* Has opiniones cumulauit

29 Pinellus doctissimus, *ubi suprà*, & ante eum nouiores. Quod attinet ad iura, adducit ille §. *finitur*, & *l. si usufructus*, ff. *de iure dotium*, & ait adduci quoque posse legem *si domina*, C. *de usufructu*. Hæc tria iura adducuntur, vt usufructuario non liceat usufructum alienare: contra verò vt liceat, adducitur *lex arboribus*, ff. *de usufructu*, *l. in venditione*, ff. *de bonis authorit. iudicio possidend. l. cui usufructus*, 74. *de usufr.* *l. non vitur*, & *l. sequenti*, ff. *eod. c. nuper*, *de donationib. inter virum & uxorem*, & sunt pulchra iura §. 1. *Instit. de usu & habitatione*, *lib. 2. & l. necessario*, §. *ultim. ff. de periculo & commodo rei vend.* qui est elegans, & *l. si domina*, C. *de usufr.* Denique vt alienet, sunt octo iura; vt non alienet, sunt tria, & Vlpianus *in dict. l. arboribus*, Caius *in dict. l. in venditione*, Iulianus *in dict. l. cui usufructus*, Martianus & idem Caius *in dict. l. non vitur*, & *l. seq.* Paulus *in dict. l. necessario*, & Iustinianus *in dict. §. 1.* & postremò Innocentius Summus Pontifex *in dict. cap. nuper*: sunt

30 authores pro hac parte septem, scilicet Vlpianus, Caius, Iulianus, Martianus, Paulus, Iustinianus, & Innocentius Tertius: vt non alienet est idemmet Iustinianus *in dict. §. finitur*, & constitutio Imperatoris *in dict. l. nona*, & Pomponius *in dict. l. si usufructus*, vt obiter videas ipsum Iustinianum, modò aientem, modò negantem, *in dict. §. finitur*, & *in dict. §. 1.* hæc pertinent ad iura quæ adducuntur pro vnaquaque opinione, vt videas quàm ridiculi sint qui in iure poscunt indubitatas assertiones, cum nihil in iure securum sit, & nisi casus distinguas & proprias nominum significationes agnoscas, planè fluctibus plusquam decumanis miserè concitatus, passim naufragium facias; quod faciunt qui in hac multiplici usufructus acceptione vniuersè decidere volunt. Inter has & has & Scribentium & Iureconsultorum opiniones diffidentes, est nobis lex Hispana 24. tit. 31. *partii. 5.* cuius verba hæc sunt: *Querosi de Ximoz, que si aquel aquien fuere otorgado el usufructo, o el uso en la casa, otorgasse despues a otro alguno el derecho que avia en ella, que se desata por ende*



el usufructo o el uso, etornasse porende al señor de la propiedad, e de allí adelante non io deve aver, nin el otro a quien el otorgo. Ca como quieta qui este a tal que ha el usufructo, en la cosa lo podria arrendar a otro si quisiesse, con todo esso el derecho que en ello avia, non lo puede enagenar. Vbi Gregorius Lopez nihil horum attigit: qua lege nostra Hispana Pomponij accepta est sententia in d.l. si usufructus, ff. de iure dotium, ibi: Quoniam dicimus usufructum à fructuario cedi non posse, nisi domino proprietatis; & si extraneo cedatur, id est ei qui proprietatem non habet, nihil ad eum transire, sed ad dominum proprietatis reuersurum usufructum: & cum Pomponio lege nostra Hispana recepta est opinio Azonis in summa, C. de usufructu, d.n. 20. cum glossa in d. §. finitur. Itaque lege nostra constitutissimum est, non posse ius usufructus ab usufructuario alienari, etiam si possit locari, ibi: Otorgasse despues à otro alguno el derecho: & ibi, con todo esso el derecho que en el avia: potest autem ius istud locare, nam verba illa, Lo podria arrendar, ad ius referenda sunt, ibi: Que ha el usufructo en la cosa, lo podria arrendar; non inquit, La podria arrendar; sed, Lo podria arrendar. Vnde etiam si ad longum tempus locet ius usufructus, non est visus alienasse, ex dispositione nostræ legis, retenta communi opinione cum glossa in Clem. 1. & ibi Cardinalis de rebus Ecclesie, ad quam adde Tiraquel. in princip. retract. §. 1. glos. 14. num. 79. & 80. & latissimè Aluarum Vasquium quest. 29. iuris emptyrentici, per totam; quæ immeritò æquat conductionem ad longum tempus alienationi, contra veram opinionem, quam defendunt Franciscus Connanus Commentariorum iuris lib. 7. cap. 12. Pinellus in l. 1. Cod. de bonis mat. 3. part. num. 66. & seq. & tenet idem Alvarus Vasquius vbi suprâ, d. quest. 29. num. 28. qui tamen monet, non esse recedendum à communi in practica; aliqua tamen nobis attingenda sunt capite seq. Itaque nostra lege ius usufructus non potest alienari, etiam si locari possit; & cum lex nostra indefinitè loquatur, indefinitè accipienda est, scilicet siue locatio sit ad longum tempus, siue ad breue. De commoditate autem usufructus formanda est regula in contrarium, cum propositum, nec prohibitum non reperitur, vt locari, vel vendi non possit.

Ex qua lege Partitæ, cum non solùm de usufructu loquatur, sed de usu quoque, ibi, El usufructo, o el uso, quadrat cum §. 1. Institut. de usu & habitatione, in prima parte, ibi: Neque illi alij ius quod habet, aut locare, aut vendere, aut gratis concedere potest. Rursum discrepat in duobus, quatenus ait usum posse locari, quod negatur in dict. §. 1. & quia dicit usufructuarium posse vendere usufructum: at verò dicta lex Partitæ id negat, in quo quoque dictus §. 1. pugnat cum dicto §. finitur, ex diametro.

Ex quibus quia lex Partitæ solùm ait, non posse ius usufructus & usus alienari, constat, quod usufructus qui non est ius, vt pote commoditas, & facultas percipiendi fructus, possit vendi, retenta communi opinione, de qua suprâ, & acceptione nominis huius usufructus, quod aliquando ius, aliquando commodum ipsum fructuum, ferè rem corpoream, aliquando partem substantialem fundi & dominij, quod in eo nobis est, significat ex dict. l. rectè, ex dict. l. 4. ex dict. l. 1. §. si usufructus; vnde stante lege Partitæ, quæ planè alienationem iuris usufructus prohibet, duntaxat in Hispania reci-

pienda est sententia Antonij Gomezij *ubi sup.* vt scilicet ius vsusfructus alienari minimè possit, commoditas autem possit; quam opinionem communem dixerunt hi, de quibus suprà egimus. Nobis enim Hispanis, non Iureconsultorum responsa faciunt ius, sed leges nostræ patriæ, quæ nobis æquæ sunt, & secundum veram iuris rationem vbique latæ: quod ius qui ignorabunt, necessum est vt nostras quoque leges ignorent, leges enim Iureconsultorum, responsa sunt prudentum, nec quicquam faciunt aut imperant, nisi ratione bona & naturali innitantur, vt in simili tenent Carolus de Grafaltis *lib. 1. regal. Francia, priuileg. 7.* Aluarus Vasquius *ubi sup. quest. 25.* ad finem, Molina *ubi sup. lib. 1. cap. 21. num. 9.* quod nobis inferiùs necessariò attingendum est.

- 34 Quod attinet ad Iureconsultos, res difficilis est, vt patet ex dictis iuribus. Doctissimus Pinellus existimat, secutus Franciscum Balduinum *in dict. §. finitur*, impunè posse vsufructuarium vendere suum vsusfructum, etiam si nomine vsusfructus intelligamus ius illud fruendi: itaque deducit regulam *ex d. l. arboribus*, & *ex d. l. non vitur, cum l. sequenti, ff. de vsufructu*, & *ex d. l. cui vsusfructus, ff. eod.* adde legem necessariò, §. ultimo, *ff. de periculo & commod. rei vend.* Est mihi his omnibus fortius ius in §. 1. *Instit. de usu & habitatione*, qui de iure fruendi apertè loqui videtur, cuius verba suprà referuntur; cumque hoc vt certissimum constituat, totus eius labor in eo versatur, vt respondeat ad iura opposita, scilicet ad §. *finitur*, & *ad l. si vsusfructus, ff. de iure dotium*, & *ad l. nonam, C. de vsufr.* Nam quod adducitur *ex c. nuper, de donas. inter vir. & uxor.* certè parum aut nihil facit ad hanc quæstionem; namque ibi non erat omnino vsufructuarius, cum terra donata ad vitam fuisset, non solus vsusfructus; & sic nihil facit ad §. ultimo, *l. necessariò, ff. de periculo & commodo rei vendita*, in quo non terra, sed vsusfructus est datus venditusve, nihil refert. Licet Antonius Cordubæ de Lara aliter explicet dictum §. *parens, num. 7.* verba eius §. finalis elegantia sunt; addere ea libuit, ferè enim ex eis conuincitur intellectus Pinelli, & aliquibus facere negotium possent. *Cum vsusfructum (inquit Paulus) mihi vendis, interest, virum ius utendi fruendi, quod solum tuum sit, vendas, an verò in ipsum corpus quod tuum sit, vsusfructum mihi vendas; nam priori casu, etiam si statim moriaris, nihil mihi hæres tuus debebit, hæredi autem meo debebitur, si tu viuas: posteriori casu hæredi meo nihil debebitur, hæres tuus debebit.* Hæc Paulus, quæ lex quadrat
- 35 cum lege *si domina, C. de vsufructu*: distinguit ergo Paulus duos casus, & totum eius responsum acutum versatur in duplici specie. Prima est, si is qui solum ius habet fruendi, hoc est solum vsusfructum, ipsum vendat, ibi, *quod solum tuum sit*; & in hoc casu sic constituitur, vt si venditor moriatur viuo emptore, nihil debeat emptori, quia cum morte venditoris finitus sit vsusfructus, nihil hæredes venditoris debent emptori superstiti & viuo. Contrà verò si emptor moriatur viuo venditore, adhuc hæredibus emptoris debeat vsusfructus, quia superstes est venditor; & quamdiu ipse viuít, durat vsusfructus, ibi, *nam priori casu, etiam si statim morieris, nihil mihi hæres tuus debebit; hæredi autem meo debebitur, si tu viuas.* Altera species est, si is qui vsusfructum vendit, habeat & possideat ipsum corpus, in quo vendit vsusfructum,



atum, id est si dominus sit fundi in quo vsumfructum vendit, ibi; *an verò in ipsum corpus quod tuum sit, vsumfructum mihi vendas*; quo casu inquit Paulus, si ipse, id est emptor, moriatur, nihil debetur hæredi meo, ibi; *posteriori autem casu hæredi meo nihil debebitur*: contra verò si tu venditor moriaris, quia emptor & vsumfructuarius superstes sum, hæredes tui mihi emptori superstiti debebunt vsumfructum quandiu viuam, ibi, *hæres tuus debebit*. Hæc littera est illius §. finalis, *d. l. necessario*, quæ non est à nobis frustra exposita; ex ea enim licet textus ille allegetur, vt vsumfructus vendatur, forsan magis confirmatur communis opinio, quæ distinguit inter commoditatem & facultatem fruendi, & inter ipsum ius vsumfructus. Præmissa autem littera eius §. finalis, *d. l. necessario*, Pinellus respondet *ad §. finitur*, quod ibi agitur de prohibitione alienationis vsumfructus, non quòd vsumfructus non possit alienari, sed ait *d. §. finitur*, prouisum esse proprietario, idque principaliter geri, ne ex alienatione fiat damnum proprietario, qui quidem esse poterat, si quemadmodum alienatio vsumfructus, vt ipse ait, permittitur; ita quoque nobis subinde additis nouis vsumfructuariis ex multiplicatis alienationibus nunquam fieret consolidatio cum proprietate; quod malum vt vitaretur, ait constituisse Iustinianum, si alienatio fieret, vt ea nihil noceat proprietario, ita vt adhuc vsumfructus & ius fruendi dependeat ex persona ipsius cui constitutus est primò vsumfructus; quæ interpretatio licet multa addat ad dictum §. *finitur*, qui nihil aliud statuit, quàm id, scilicet, vsumfructum alteri quàm domino cedi non posse; quod si extraneo cedatur, nihil fieri; nec multum difficile erat Imperatori addere id quod Pinellus adstruit, scilicet, ne vsumfructus consolidatione impediatur morte cedentis. Tamen etiam si id demus Pinello doctissimo, voluisse Iustinianum scilicet prouidere, ne domino ius consolidationis dilaretur ex nouo vsumfructuario, cui antiquus vsumfructuarius cedit & ius suum vendit; cur obsecro, si commodum domini inquirimus, aut si vsumfructuarius ius verè potest vendere & transferre, vt nihil penes se relinquat, esto quod nouus vsumfructuarius, idemque emptor diutius viuat, vsumfructus tamen finiatur morte primi vsumfructuarij, eiusdemque venditoris? cur, obsecro, si nouus vsumfructuarius, isque emptor moriatur viuo & superstitute venditore, eoque antiquo vsumfructuario, si totum ius translatum est in eum, & ipse est verè vsumfructuarius, & moritur viuente venditore, cur non finitur vsumfructus morte ipsius, cum hæredi emptoris debeatur, quamdiu venditor viuit, penes quem erat vsumfructus separatus à proprietate, *d. l. necessario*, *§. fin.* ibi: *Hæredi autem meo debebitur, si tu uiuis*: quæ ratio id obtinet, vt non obstante venditione adhuc ius vsumfructus videatur residere & permanere penes venditorem; idque etiam obtinet, vt etiam si expositio & interpretatio Pinelli habeat locum, si emptor diutius viuat, tamen mortuo emptore, viuente venditore, si vsumfructus venditus, & translatus esset, verè non dubium est quin consolidatio futura esset; cum autem non fiat, sed adhuc expectetur mors venditoris primi, scilicet vsumfructuarij, patet apud ipsum esse aliquod ius, & vsumfructum adhuc retineri; nec enim aliud esse potest id quod expectatur in ipso vsumfructuario, qui vendidit & tradidit vsumfructum, quàm ius illud merum, quod cohaeret perpetuo, nullaque ratione potest ab ipso vsumfructuario

fructuario amoueri: quod quidem mihi apertè probat textus *in dict. l. arboribus*, ex qua regulam in contrarium desumebat Pinellus, cuius verba sunt, usufructuarius, vel ipse frui ea re, vel locare, vel vendere, vel alij fruendam concedere potest; nam & qui locat, vitur, & qui vendit; sed & si alij precario concedat, vel donet; & puto eum uti, atque ideò retinere vsumfructum, & hoc Pegafus, & Cassius responderunt, & Pomponius *libro 5. ex Sabino* probat. Expende verba illa, *atque utique retinere vsumfructum*; quasi referantur ad verbum *vendere*; retenta opinione Pinelli. Difficillima sunt namque; si ius usufructus potes vendere, & reuera vendis, & tradis, quí fieri potest, vt retineas vsumfructum. Idem probatur *in l. non vitur, ff. eodem*, quem textum adducit Pinellus pro sua illa opinione, ibi: *Planè illud interest, quod si vendidero vsumfructum, etiamsi emptor non vitur, videor vsumfructum retinere*. Quod si dicas cum Caio Iureconsulto *in l. quia qui pretio, ff. eodem*, quod is qui vendit, videtur retinere vsumfructum, quia vitur pecunia quæ sibi data est loco usufructus, atque ob id videtur retinere vsumfructum, verum id quidem est quando agitur de amissione usufructus, qui ex non usu amittitur; vendens enim vsumfructum, etiamsi emptor non vitur, semper visus est venditor retinuisse vsumfructum vtendo pecuniâ; & ita intelligimus nunquam amissum vsumfructum: sed *in dict. l. arboribus*, expresse fit mentio eius usufructuarij, qui donauit nullâ acceptâ pecuniâ, quem putat Iureconsultus adhuc vsumfructum retinere, & frui. Quod intelligi non potest, si apud ipsum nihil est relictum, verè enim tunc donatarius vitur, non ipse qui donauit. Idem intelligendum est *in dict. l. non vitur*: quare dicendum est usufructuarium donando, vendendo, locando, semper ius aliquod retinere, quod à se amoueri non potest; propter quod ius perpetuum, siue emptor diutius viuat quàm venditor, siue statim moriatur antequam venditor, adhuc semper attendimus vitam venditoris, penes quem semper intelligimus situm, & positum esse ius illud usufructus, vt *in dict. §. finitur*, & clariùs *in dict. §. fin. dict. l. necessario*, & *in dict. l. si domina*. Nec nouum est in his iuribus, & similibus, quantumcumque vendas, vel dones, apud te semper ius inuiolatum retineri, quod à te eiicere, & propellere non potes. Quæ enim iuris sunt, à nobis amoueri non possunt, sed perpetua sunt, & perpetuò adhærent, vt est in venditore hæreditatis. Licet enim hæres vniuersam hæreditatem vendiderit, & omnes res hæreditarias emptori tradiderit, nihilominus tenetur respondere creditoribus & legatariis, *l. 2. Cod. de heredit. vel actione vend.* & glossa ibi prima, & Scribentes, & Antonius Cordubæ de Lara *in dict. §. parens, num. 63*. Nec enim hæres vendendo hæreditatem definit esse hæres, sed adhuc vt hæres conuenitur, & retinet iura hæredis, nihilque nocent sibi venditio, & traditio. Facit *§. at si ita stipularis*, ibi: *Quia ad rempus, non potest deberi: Institutis de verborum obligationibus*, & *§. sed qua facit, Institutis de bonorum possessionibus*. Qui enim semel hæres extitit, non potest regulariter desinere ipso iure hæres esse, *l. etsi sine, §. sed quod Papinianus, ff. de minoribus, l. is qui, l. hereditas ex die, ff. de hereditibus instituendis*. Ergo ex qua parte usufructus est ius, vt *in dict. l. rectè*, planè perpetuum est, & semper retinetur, nullaue alienatione amouetur, nec ceditur, nec vllò actu alienatur,

sed



sed perpetuò durat; & verè isthuc est, quod dicitur *in dict. §. finitur*, vbi hæc duntaxat sunt verba; *nam cedendo extraneo nihil fit*; quo nihil neque breuius, nec apertius dici potuit; quantumvis enim usufructuarius cedat, nihil agit, quia non potest non esse usufructuarius, & retinere iura usufructuarij, etiamsi facultatem percipiendi fructus transtulerit, quia illa duo plurimùm differunt inter se: idem quoque apertè & dilucidè expressum est *in dict. l. si usufructus*, ibi: *Quoniam dicimus usufructum à fructuario cedi non posse, nisi domino proprietatis*; & *si extraneo cedatur, id est ei qui proprietatem non habet, nihil ad eum transire, sed ad dominum proprietatis reuersurum usufructum*. Hæc Pomponius, vbi ait, nihil transire ad emptorem, & quadrat cum dicto *§. finitur*, ibi, *nihil agi*: quod subdit verò, *sed ad dominum proprietatis reuersurum usufructum*, planè intelligendum est, scilicet omninò peruenturum ad dominum usufructum. Nihilque in alienatione factum gestumque esse, idque futurum vel morte usufructuarij, vel ex alia causa, ex qua consolidatio sequi potest. Nihilque aduertendum esse ad emptorem, siue ipse diutius viuat, siue statim moriatur, vt *in dict. l. necessario, §. final.* esseque & permanere apud ipsum semper ius illud usufructus, nec vlla arte, aut consilio ab eo auelli posse: nec enim illa verba, *sed ad dominum proprietatis usufructum reuersurum*, pœnalia sunt, nec pœnam continent, quâ puniatur usufructuarius alienans usufructum: sed simpliciter & enuntiatiuè posita sunt à Iureconsulto, propter id quod dixerat, cessionem usufructus non posse fieri nisi domino; quod si fiat, inquit, alij, nihil agitur; ad dominum enim proprietatis directò ab usufructuario reuersurus est usufructus: & licet conditores legis Partitæ intellexerint illa verba, quasi addita in pœnam usufructuario alienanti, vt ob id amittat usufructum, certè magis secuti sunt Scribentium opinionem, quàm Pomponij Iureconsulti sententiam, quia ea verba pœnalia esse noluit.

Animaduerte tamen, Antonium Cordubæ de Lara explicuisse illa iura murò dissidentia ex etymo verbi *cedere*, & verbi *vendere*, vt seruitus vendi possit, cedi verò minimè possit; cùm vendere rem alienam possis, dare non possis, ita vt in incorporalibus id efficiat cessio, quod in corporalibus traditio, quasi id aduerterint Iurisconsulti dum inquirunt, seruitutem vendi posse, cedi non posse; quæ ipse optimè fundat *in §. parens, num. 66. l. si quis à liberis, ff. de liberis agnoscend.* quod quidem elegans est, & magis confirmat communem opinionem, vt ius illud omninò amoueri à nobis non possit, vt si quid amotum reperiatur, ad commoditatem & fructum referendum sit, non ad ius, vtque opinio illorum omnino destruat, qui non distinguunt inter usufructum qui ius sit, & usufructum qui sit commoditas, ex varia acceptione nominis; est enim maximè necessaria isthæc distinctio, vt iura intelligantur, quæ de usufructu prodita sunt.

Sit igitur regula, quod usufructuarius potest alienare, cedere, donare, vendere, & locare usufructum & ius quoddam percipiendi fructus: quod ius & usufructus parum distat à fructu, sicuti rector parochialis cedit, donat, vendit, locat laicis ius quoddam percipiendi decimas; quod ius longè distat ab eo iure, quo decimæ pertinent ad rectorem, cuius incapax omnino laicus

38

39

laicus est, quodque cedendo, locando, vendendo decimas suas & sibi debitas altero illo iure, priore magis uti videtur Sacerdos, ut diximus capite præcedenti, & latè fundat Soto *de iust. & iur. lib. 9. art. 3. in principio*. Ius autem illud usufructus primùm, quo quisque usufructuarius constitutus est, omnino cedi & amoueri non potest, ratione illa, quia perpetuum est, de quo iure perpetuo intelligimus dictum §. *finiur*, & *l. si usufructus, ff. de iure dotium*, & legem nostram Hispanam Partitæ, & dictam *l. necessariò*, §. *final.* quatenus ibi vendito usufructu, & translato in emptorem, mortuo emptore superstite venditore usufructus non fit consolidatio, sed usufructus debetur hæredibus emptoris quandiu viuit venditor; alterum verò ius, quod rectiùs facultatem fruendi vocamus, quam vendit, locat, donat, & cedit usufructuarius alij, qui ex ea facultate, aut iure fructus percipit & utitur, fruiturque, longè diuersum ab illo, & separatim existimamus; proximè enim accedit commoditati, & rei; de quo intelligimus legem *arboribus*, cùm usufructus, & fruendi ius illud antiquum & primæum magis retineatur ex cessione, donatione, venditione huius secundi iuris & facultatis, *ex dict. l. arboribus*, & *dict. l. non utitur*, & *l. seq. ff. de usufr.* Quantò enim magis cedit, donat, & vendit hanc facultatem, & ius vtendi fruendi, magis retinet vsumfructum, & ius illud antiquum, & primæum vtendi & fruendi, quod perpetuum est cum vita, locando utitur, item & vendendo; & dum donat, utitur & fruitur, *dict. l. quia qui pretio*, & *dict. l. arboribus*, instar Sacerdotis, qui quantò magis locat iura decimarum, magis ipsa retinet; exercet enim ius illud, quod penes se est, & penes alterum esse nequit; & hoc modo intelligimus iura posse conciliari non recedendo à receptis sententiis. Nec nouum tibi videatur, quod iura vendantur; sunt enim iura hæc in bonis nostris, & venduntur, *l. à Dino Pio, §. in venditione, ff. de re iudicata*, ibi: *Quod si nec ea quæ soli sunt, sufficiant, vel nulla sint pignora soli, tunc peruenietur etiam ad iura*. Præterea ius est veluti quædam facultas; & ita dicimus habere nos ius adeundi, id est facultatem adeundi, & ius agendi ad supplementum, & ius substituendi pupillariter moribus receptum. Nihil mirum igitur, quod illa facultas fruendi dicatur ius à Iureconsultis, & quod vendatur, cedatur, & alienetur; est enim veluti res quædam nostra corporea, parum distans à fructu, & ita quadrat diuersa & multiplex acceptio huius nominis agnita à Iureconsultis, ut diuersimodè accipiat; statuere enim de usufructu vniuersè non licet sine periculo; & nisi hæc iura, quæ dissidere videntur, componas, aliter intelligi vix possunt: & omnia hæc adde ad ea quæ notat doctissimus Couar. *variarum resolutionum lib. 1. c. 8. num. 7. versic. quid si pater, ad medium*.

41 Vnde si quis hodie simpliciter vendat vsumfructum quem habet, etiam stante lege nostra Partitæ, non videtur amittere vsumfructum, quia potest venditio ipsa verificari in hac facultate percipiendi fructus, vel in hoc iure, quæ est in bonis nostris, & venditur, ut *in dict. §. in venditione*; secus verò si vendat vniuersum ius usufructus quod habet, vel totum ius usufructus quod habet, vel quicquid iuris habet, quia tunc ex natura vniuersalis, totum ius & vniuersum ius usufructus venditur, & fit locus legi Partitæ. Itaque si vniuersali nomine ius usufructus vendatur, locus est legi Partitæ, secus si indefinitè,



finite, quia indefinita hæc locutio non æquipollet vniuersali, cùm multiplex & æquiuoca sit acceptio ipsius.

Infertur etiam, quod si vendat vsufructuarius vsumfructum, cùm adhuc remaneat vsufructuarius, ex iure illo perpetuo, quod amoueri non potest, quod adhuc venditor de damno conuenietur, non emptor, instar hæredis, qui vendidit hæreditatem, & adhuc legatariis & creditoribus tenetur, *dict. l. 2. C. de hæreditate vel actione vendit.* Si igitur res damnum passa sit, quod quæsitâ tempore seruitus sit, vel damnum aliud patiat; tunc quidem adhuc venditor conueniendus est, qui secundo iudicio contra emptorem experietur.

Præterea cùm vsufructuarius possit nomine domini nuntiare opus nouum, & sit veluti utilis procurator, *l. 1. §. final. ff. de operis noui nuntiatione*, profectò id emptori non est concedendum, sed permittendum venditori, qui ius illud perpetuum non obstante venditione retinuisse visus est, ac subinde semper est utilis procurator.

Præterea si arbores fructiferas exciderit emptor, vel villam diruerit, vel quicquàm fecerit in perniciem proprietatis, profectò venditor domino tenebitur, ipse autem emptor venditori, quia sic poscit iuris ratio, argumento dictæ legis *2. C. de hæredit. vel actione vendit.* tenebitur autem iuxta legem *æquissimum, ff. de vsufruct.* de quo proximo capite.

Præterea ex hac differentia, scilicet inter verum ius vsusfructus perpetuum, & nunquam amouendum, & ius illud vsusfructus, quod vendi potest, vel facultatem percipiendi fructus, quæ parum distat à commoditate, quam differentiam breuiter agnouit Ludouicus Molin. *lib. 1. de Hispanis primogenitis, cap. 20. num. 2.* inferri potest vera ratio ad id quod tradit idem *ubi sup. cap. 19. num. 33.* & arbitramur eam rationem deducendam esse ex his quæ diximus; cùm enim verissimum sit, parentem in bonis maioratus filij habere verum vsumfructum, sicuti in aliis bonis, quorum plenum dominium habet filius, sine futura restitutione necessaria, quod contra Rodericum Suarez, & Pinellum, & Tellium Fernandez, tenet idem Ludouicus Molina *dict. lib. 1. c. 19. num. 19. 20. & 23.* quod quidem verissimum est, nisi institutor maioratus expressè disposuerit, quod parentes ex bonis eiusdem maioratus, in quibus eorum filij successerint, vsumfructum percipere non possint; tunc enim seruandam huiusmodi prohibitionem asserunt plures & bene, etiamsi non expressè facta sit parenti isthæc prohibitio percipiendi vsumfructum; sed etiam quando hæc prohibitio intelligitur ex coniecturata mente instituentis maioratum, dum verba apta sint, vt prohibitionem inducere possint. Boërius *decisione 193. & 194.* Menchaca *de successionum progressionem lib. 3. §. 26. num. 32.* Ludouicus Molina, qui refert Paul. Raphaëlem, Cuman. Atetinum, & Socinum, & alios *ubi supra, num. 38.* Quam quidem Doctorum Scribentium traditionem ita accipit Angelus *in §. igitur, Instituis per quas personas nobis acquiritur: quem sequitur Iason in l. cum filio, ff. de legatis 1. num. 157.* vt scilicet ex hac prohibitionem non intelligatur prohibita commoditas & facultas percipiendi fructus; quam nomine quoque vsusfructus intellexerunt Iureconsulti: quod quidem specie ipsa videbatur secundum ius, quia cùm nomen vsusfructus videatur æquiuocum pro iure illo perpetuo, & nunquam amouibili;

bili; item & pro commoditate, & facultate percipiendi fructus, videbatur habere locum regula Dialecticorum, vt analogum per se sumptum flet pro famosiore significato; & ita prohibita vsusfructus perceptione, videbatur intelligendum prohibitam perceptionem vsusfructus illius perpetui, quod in iure totum consistit, de quo diximus; non verò facultas percipiendi fructus, hoc est commoditas, tanquam minùs principale significatum eius nominis: sed meritò Ludouicus Molina decedit ab hac interpretatione Angeli, quæ proculdubio est falsa, idque numero 33. *ubi supra*, & facit pro eo ratio deducta ex his quæ superius diximus; quia nomen hoc vsusfructus æquè & principaliter ex dict. l. rectè, & l. 1. §. si vsusfructus, ff. ad legem Falcidiam, & l. arboribus, & l. non vititur, ff. de vsufructu, & ex dict. §. 1. Instituti de usu & habitatione, iuncto §. finitur, & l. si vsusfructus, ff. de iure dotium, & dict. l. necessariò, §. fin. vtrumque significat. Vnde nec est locus regulæ Dialecticorum, nec doctrinæ Angeli, quia qui vsusfructum prohibet percipiendum, totum dicit indefinitè, nec quicquam in contrarium in hac re decisum est, ob idque pater percipere vsusfructum non poterit. Contrarium existimabat dicendum idem Ludouicus Molina, si institutor non prohibuerit perceptionem vsusfructus, sed alienationem bonorum. Tunc enim adhuc ipse existimat patrem posse habere commoditatem & facultatem vtendi & fruendi, idque verum est, tum ex eo quod ipse adducit, scilicet quod alienationis prohibitio non excludit perceptionem commoditatis; fortasse enim dicendum esset contrarium: sed illa ratio est, quia commoditas illa vsusfructus est in bonis possessoris, non in bonis de quibus facta est prohibitio alienationis; institutor enim prohibens bona alienari, de bonis à se relictis intellexit, non de bonis possessoris; de his enim alia magis particularis prohibitio est necessaria. Vnde si institutor præter prohibitionem alienationis bonorum, addat quoque ne vsusfructus alienetur à possessore, qui casus distat ab eo de quo supra, quia illa prohibitio specifica est, scilicet ne pater ratione patriæ potestatis habeat vsusfructum; hæc verò indefinita & generalis, ne vsusfructus alienetur; in hoc casu existimamus, non posse item patrem habere commoditatem, nec facultatem vtendi fruendi ratione patriæ potestatis; quia hic non solum viget acceptio propria nominis, quæ propriè & ius, & facultatem, & commoditatem comprehendit; sed etiam facit ratio euentissima, quia cum institutor prohibet alienationem vsusfructus, non possunt verba ista intelligi, nisi de vsufructu qui aliàs poterat alienari, hoc est, vt diximus, de facultate vtendi, & fruendi, & commoditate; de vsufructu autem, qui ius est, non poterant intelligi, quoniam ille vsusfructus, qui in iure consistit, perpetuus est, & alienari non potest, ex dict. §. finitur, & dict. l. si vsusfructus, & dict. l. Parita. Ex quibus nihil intererat quod institutor vel expresse prohibuerit perceptionem vsusfructus, vel quod generaliter prohibeat alienationem vsusfructus; vtroque enim casu, ex diuersa tamen ratione, commoditas non percipitur; diuersa tamen ratione, & diuersum est, si institutor prohibuerit bona alienari: tunc enim commoditas, & facultas fruendi & colligendi fructus permittitur, quia etiam si commoditas in bonis sit, est tamen in bonis possessoris, non in bonis eius qui prohibuit,

nec



nec ex bonis , de quibus facta est prohibitio , ne alienaretur ; quæ descendunt omnia ex varia acceptione nominis , & quotidiana sunt , & recepta : & si retineas opinionem Pinelli , qui ridet distinctionem usufructus , quatenus est ius , à commoditate , & qui eam sequuntur ; planè inutilia sunt : cum autem sint vtilia , necessariò refutanda fuit à nobis opinio ipsius , inquisita veritate , & quantum arbitror reperta , vt communes & receptas sententias existimemus non esse leuiter reiiciendas.

Eadem hæc faciunt ad quæstionem de confiscatione usufructus , quod tractauit Antonius Gomez *dict. cap. 15. num. 16.* & alij , quos modò adducemus , ex nouioribus , & antiquioribus ; vt scilicet quia ius illud inseparabile usufructus nec vendi , nec alienari potest ab usufructuario , nullo modo confiscetur ; alter verò usufructus , incorporeus ille quidem , id est facultas percipiendi vsumfructum , & commoditas , ille quidem fisco applicetur , *argumento dict. l. necessariò , §. finali , ff. de periculo & commodo rei vendita :* & quod dicebamus , scilicet vt consolidatio fiat , mortem usufructuarij , penes quem usufructus conseruatur , expectari , ratio est elegans ad omnia quæ de usufructu tractantur. Textus est etiam ad hoc , vt mors expectetur eius penes quem est ius usufructus , *in l. si postulauerit , §. inbet , ff. ad legem Iuliam de adulteriis* , ibi : *Proinde in communi partem publicamus ; in proprio , cuius usufructus alienus est , nadam proprietatem : in quo tamen usufructum habuerit reus , magis est vt perceptio usufructus ad publicum incipias pertinere.* Hæc Ulpianus , qui ex illis verbis , *magis est* , proculdubio innuit difficultatem subesse , quia ius usufructus alienari non poterat , vt suprà diximus ; & quæ non possunt alienari per contractum , vel vltimam voluntatem , confiscari non possunt , *l. Imperator , ff. de fideicommiss. libertatib.* vbi Bart. Antonius Gomez *vbi suprà* , quod intellige cum Bartolo *in l. si quis in tantam , Cod. unde vi , num. 12.* si modò prohibitio alienationis facta fuit in fauorem tertij , non solius delinquentis ; si enim solum fauorem delinquentis respexerit , tunc quidem confiscationi locus est. Ita post Bartol. resoluit Ludouicus Molina *de Primogeniis lib. 4. cap. 11. num. 5.* qui ad hoc multos allegat , inter quos Bald. *in l. legatarius , ff. de excusationibus tutorum* , Angelus , Segura , Iason , Ripa , Ambrosius de Opizo , Decius , Socinus , Couarruias , Ruinus , Roland ab Valle , Thom. Grammatic. Cassaneus , Claudius Cremenfis , Bernardus Diaz de Lugo in practica , Ægidius Boscius , Rubeus. Inter quos plures indistinctè loquuntur , distinctionem Bartoli *in dict. l. si quis in tantam* , non agnoscentes , etiam si ad illud allegentur ; ea tamen vera est , & exemplum ponit idemmet Bartolus *in dict. l. si quis in tantam* , vbi vide. Meritò igitur Ulpianus in illa quæstione de confiscatione usufructus , licèt animaduerteteret ius illud alienari non posse , tamen cum intelligeret esse vsumfructum quoque alium , id est commoditatem , *magis est* , inquit , *vt perceptio usufructus ad publicum pertineat.* Est igitur in hoc recepta sententia , vt commoditas confiscetur , retento iure usufructus , qui inseparabilis est.

Ex qua ratione infertur , quod id quod paciscendo quis efficere non potest , minimè quidem id potest delinquendo : tenent omnes de quibus suprà , *proximo num. 48.* in hoc enim omnes conueniunt. Vnde si mulier ex priori ma-

50 trimonio filios habuerit, & secundò nupta adulterium commiserit, ob quod bona mulieris viro applicantur ex iuris nostri dispositione, & *l. cum mulier, ff. solut. matrimon.* certè filii legitima portio reservabitur, nec ea ad maritum pertinebit, quia delinquendo mulier non potuit filios fraudare portione legitima, sicuti nec paciscendo. Tenet Cremenensis *singulari* 66. ex Baldo *in l. hac edictali, Cod. de secundis nuptiis*: quem vide, quia is qui delinquit, iuxta Cremenensem, cum fisco quasi contrahit, *l. Imperator, ff. de iure fisci*, ibi: *Tu reipsum pœna subdidisti*. Facit lex *si filius, Cod. de bonis prescriptorum*, Bart. *in dict. l. si finita, §. si de vestigali, ff. de damno infecto*, n. 12. Alexand. *consil.* 13. *lib.* 1.

51 Item facit, quia illa quæ non transiunt ad extraneos hæredes, non confiscantur, *l. eorum, ff. ad legem Iuliam maiestatis, l. iura liberorum, ff. de iure patronat.* Antonius Gomez, & Ludouicus Molina *ubi supra*, Hippolytus *in l. fin. ff. de questionibus*, num. 149. Alex. *consil.* 23. num. 3. *lib.* 1. Vnde si delinquens habeat feudum vel emphyteusim ecclesiasticam, tunc illa non veniunt in confiscationem, de quo vide Bernardum Diaz de Lugo *in Practica*, cap. 124. quod si meliorationes reperiantur in bonis emphyteuticis, illæ confiscantur, quia ad delinquentem omni iure pertinent, & sunt res propriæ, & ad hæredes cum bonis hæreditariis deferuntur: ita tenet Cardinalis *in Clementina nolentes*, §. *Inquisitoribus*, num. 4. *versic. & videtur quod ob delictum, de hæreticis*, ex Speculatore, & Ioanne Andrea, sequitur Bernardus Diaz de Lugo *ubi supra*: quod intelligendum est dupliciter, tum in emphyteusi, tum in feudo: nam meliorationes repertæ in re feudali ad dominum pertinent, ex his quæ diximus proximo capite, & secundum veriore intellectum, §. *si vassallus, hic finitur lex, deinde consuetudines in usibus feudorum*, & ex lege nostra Partitæ *suprà* adducta capite proximo, atque in emphyteusi intelligendum est de maioribus expensis & meliorationibus, quæ non veniunt ex necessitate & natura contractus emphyteutici, & proprietate nominis: illæ enim sequuntur rem emphyteuticam, de quo latius diximus *suprà*.

Et an iuspatronatus veniat confiscandum, vide eundem Bernardum Diaz de Lugo *ubi supra*, & an feudum, vide Molinam *ubi supra*, *lib.* 4. *cap.* 11. & utrum res quæ fideicommissò subiecta est, & tacitè alienari prohibita, vide eundem Molinam *suprà*, num. 6. & 11. in quo recurrendum est ad legem *ex facto*, §. *ex facto, ff. ad Trebel.* & ad *l. Statius Florus*, §. *Cornelio Felici, ff. de iure fisci, l. cum pater*, §. *hæredit.* *ubi* scribentes, *ff. de legatis*.

53 In hoc ultimo difficultas occurrit ex doctrinâ Bart. *in dict. l. si quis in tantam*, decidenda, si quis usufructuarium facit ea lege, ne usumfructum alienare possit; quo casu de commoditate intelligendum est, non de iure inseparabili; vel dicit quod si commoditas ususfructus alienari non possit, an si usufructuarius delinquat, possit hæc commoditas confiscari; in quo admittenda est distinctio Bartoli *in dict. l. si quis in tantam*, argumento textus *in l. filiusfamilias*, §. *Dini, ff. de legatis* 1. ibi: *Fisco fraudi esse*. Quod si in casu alienationis alium vocet, tunc fisco locus non erit, sed vocato, ex Bartolo *ubi supra*.



## CAPUT XI.

*De usufructuario Episcopo, beneficiario, Prelato,  
& aliis his similibus expendentibus, aut  
meliorantibus.*

Notabilia ex capite undecimo.

- 1 *Usufructuarius tenetur facere omnia, qua diligens rei custos facere tenetur.*
- 2 *Pater quamvis fructuarius sit, iustar tamen domini est.*
- 3 *Fructuarius agere potest nomine proprietarij tanquam procurator sine mandato.*
- 4 *Et an sit procurator in rem suam.*
- 5 *Quas expensas fructuarius facere teneatur, & de magnis & parvis expensis.*
- 6 *Quomodo accipiendum sit, quod dicitur fructuarium omnium bonorum legitimum teneri ad solutionem legatorum.*
- 7 *Differentia magna & parva quantitatis recipienda est in viroque usufructuario legitimo, & dano.*
- 8 *Impugnatur hoc ipsum, & quod in parente legitimo fructuario non sit habenda ratio magna vel parva expensa circa lites.*
- 9 *Filius est res patris, & de eo tanquam de re propria pater disponere poterat.*
- 10 *Si lites moveatur circa usumfructum, fructuarius expensas praestat sine distinctione: & excusatur Anton. Gomez.*
- 11 *Temperatur quod dictum est de patre expendente circa lites, nonè, & vitiatur.*
- 12 *Circa expensas in reficiendo non est distinguendum inter fructuarium legitimum, & non legitimum.*
- 13 *Expensa magna ut recuperetur, debet pertinere ad perpetuam utilitatem rei.*
- 14 *Meliorationes magne quantitatis facta à parente in rebus filij, conferuntur à filio aliis fructibus: & numero 15. si fiant constante matrimonio, mulieri dimidium dandum est.*
- 16 *Magne & parva quantitatis ratio iudicis arbitrio relinquenda, ex personarum & rerum qualitate.*
- 17 *Magna res, & causa comparata ad maiores expensas, dicitur parva, & est utile.*
- 18 *Domum ex vetustate collapsam non tenetur haeres erigere; & si crexerit, non impeditur fructuarius vii, si ex parte corruat.*
- 19 *Domus excussa & reparata non habet fructuarius usumfructum, ita ut neque area constet usufuctus, & de agro inundato, num. 20. & de usufuctu sylvae excissa sylva, num. 21. & de auro & argento, ex quo vasa facta sint,*

- numero 22. & de usufructu nautis dissecta navi; & quadrigarum perempto equo, num. 23.
- 24 Et quod pater inatata forma rei habeat usufructum propter patriam potestatem.
- 25 Usufructuario reficere volenti non cogitur dominus pecuniam prestare, recuperat autem consumptam & expensam à domino, si magna sit: & num. 26. quod fructuarius nunquam compellitur reficere.
- 27 Nemo compelli potest ut se obligationi committat: & num. 28. quod usufructuarius non necesse habeat commouere dominum ut reficiat: reprobatur Romanorum sententia.
- 29 Fructuarius si modicam expensam, ad quam tenetur, omiserit, tenetur.
- 30 Quando fructuarius teneatur ob omissam magnam impensam, ad quam non tenetur.
- 31 An usufructuarius possit cadere syluam, & qua dicatur syluacadua, & non cadua.
- 32 Arbores fructiferas excidere non potest fructuarius: & num. 33. si cadat arbores frugiferas, posse eiici ab usufructu; & num. 34. quod idem obseruetur in emphyteuta.
- 35 Incisio syluae cadua debet esse ad utilitatem, non ad destructionem: & n. 36. quod maritus & emphyteuta possint incidere arbores caduas, qua tamen ad longum tempus renascuntur, si tandem aliquo tempore renascantur; adducitur lex diuortio, §. si vir, ff. solut. matrim.
- 37 Quid si alicui relinquitur usufructus syluae non caduae, an cadere possit.
- 38 Fructuarius non mutat formam rei, & num. 39. fundus quot partes habere debeat ex M. Catone. de re rustica, & declaratio legis fundi nomine, ff. de verb. signif.
- 40 Nihil nouum facere potest fructuarius in re fruenda: & num. 41. quod pro Albariis, Albi dicantur quidam artifices in l. 2. C. de excusationib. artificum, & restituitur.
- 42 Fructuarius perficere opus inchoatum non potest, & num. 43. quod nec proprietarius in damnum fructuarij.
- 44 Lex æquissimum, §. proinde, vers. & si fortè, ff. de usufruct. difficillima, cui vix solutio, nec ratio possit excogitari.
- 45 Fructuarius onera & tributa rei soluit, & soluens sibi expendit, nihilque eo nomine à proprietario expectat, sequuntur enim fructuum perceptorem.
- 46 Pro rata fructuum quisque ad onera, & tributa realia tenetur.
- 47 Quin & tributa de nouo imposita, non solum antiqua ad eos pertinent, qui fructus percipiunt.
- 48 Quod fallit, si usufructus contingant ex causa onerosa, tunc enim onera & tributa non consueta non expendit fructuarius.
- 49 An fructuarius teneatur ad onera praterita; res pro tributis & oneribus sunt tacite hypothecata. num. 50.
- 51 Usufructuarius expendens nomine onerum & tributorum, qua debebat possessor, eo nomine conuenit possessoris heredes, & num. 52. quod illud sit generale in eo qui soluit decimas prateritas, & num. 54. in possessore beneficij qui soluit pensiones decursas & prateritas.



- 55 Et procedit id adeo, ut etiamsi pactum conuentum sit in contrarium, nihil proficit.
- 56 Expendit etiam fructuarius collectas soluendo, & quid sit collecta, & num. 57. Quid collecta, & an sicuti tributum, sequatur eos qui fructus percipiunt.
- 58 Pensionarius, & beneficiatus, uterque pro modo emolumenti soluit collectas: & num. 59. quod in hoc plurimum possit consuetudo.
- 60 Ponitur casus in quoratione fructus non habetur ratio expensarum, ut deducantur.
- 61 Et an onera & tributa sint soluenda fructuario, etiamsi vsufructus remaneat sine utilitate, contra communem & receptam sententiam cum Pinello.
- 62 An vsufructus expendat circa soluenda legata, ad l. fin. ff. de vsufructu legato.
- 63 Declaratio ad l. 21. Tauri, & traditur ibi nouus & verus intellectus.
- 64 Tenentur vsufructuarij inuentarium facere, & num. 65. quod sit id recipiendum in patre.
- 66 Beneficiati, Pralati & Episcopi tenentur inuentarium facere, num. 67. item & haeres restitutus hereditatem; item & possessor maioratus, num. 68.
- 69 Et hi tenentur resarcire damna & deteriorationes, quae contingunt in ipsis rebus Ecclesiae & dignitatis, & num. 70. practica Hispania in taxandis deteriorationibus huiusmodi.
- 71 Meliorationes quas faciunt beneficiati, Pralati, & Episcopi, in rebus Ecclesiarum & dignitatum, sunt Ecclesiae, nec quicquam recuperant facientes, vel expendentes.
- 72 Aliquando beneficiati vel eorum haeredes possunt recuperare has expensas.
- 73 Episcopus, vel Pralatus, vel beneficiatus si deteriorauit res quasdam, quasdam vero meliorauit, non fit compensatio, sed illas amittit, & damnum resarcit.



St in hac re primò constituendum, fructuarium habere rei, quā I  
fruitur, & utitur, quandam curam, & custodiam, & teneri facere omnia illa, quae diligens rei custos facere tenetur, l. 1. §. fin. cum l. seq. ff. de vsufruct. quemadmod. caueat. ibi: Interdum autem in erit proprietatis aestimatio, si forte fructuarius cum posset, vsucapionem interpellare neglexit, omnem enim rei curam suscepit. Quod quidem de vsufructuario dato, & vsufructu habito ex dispositione hominis intelligendum est, quatenus hunc vsumfructum distinguimus ab eo vsufructu, qui iuris potestate defertur, ut in patre respectu bonorum aduentitiorum filij, quem in potestate habet.

Licet enim pater vsufructuarius sit, domino tamen propius accedit, & in-  
star proprietarij est, ut dicebamus supra ex l. 1. Cod. de bonis mat. ibi: Omnia potest agere ac si perfectè dominus sit, & l. cum oportet, §. non autem, Cod. de bonis quae lib. ibi: Plenissimam potestatem, l. fin. §. fin. autem as alienum, in fin. Cod. eod. & aliis oneribus, quae ab vsufructuariis extraneis exigi solent, liberatur; hoc enim particulari ratione receptum in patre est, qui ratione patriae potestatis, vitae, ac necis filij, eiusque bonorum dominus est, l. in suis, ff. de lib. & posth. reliqui verò vsufructuarij sunt veluti custodes, & gerunt earum rerum, quibus

quibus utuntur, fruuntur, curam & sollicitudinem, Bartol. *in dict. l. 1. §. fin. ff. usufructus quemadmodum caneat.* idem Bart. *in l. 1. §. fin. ff. de noui operis nuntiat. num. 9.* & ibi omnes, & Ias. *num. 3.* idem Bart. *in l. cum ad quem, Cod. de usufructu,* & ibi Paul. Bald. *in l. 2. Cod. ubi in rem actio,* Molin. *in consuetudinibus Parisiens. §. 1. num. 10.* quod quidem adeò verum est, vt talis usufructuarius habeat ad rem tuendam facultatem, & possit nomine proprietarij agere tanquam procurator sine alio mandato, Bald. *in dict. l. 1. §. fin. ff. usufruct. quemadmod. caneat.* Bartol. *in l. de die, §. quidem, ff. qui satisfacere cogantur,* vbi ait usufructuarium censerì procuratorem in rem suam, & habere mandatum generale. Paul. *in l. cum ad quem, Cod. de usufructu,* Bald. qui latè id agit *in cap. quoniam frequenter, num. 11. vt lite non contest.* tradit etiam latè Ias. *in l. 1. §. fin. ff. de noui oper. nuntiat.* & post eum idem Molineus *vbi supra,* & post hos Antonius Gomez *tom. 2. cap. 15. num. 6.* & Pinellus *in l. 1. Cod. de bonis mat. part. 2. num. 16.*

4 Ex quorum traditione usufructuarius non solum est custos, & rei curam suscipit, verum habet mandatum generale, & procurator censetur in rem suam. Habet hæc traditio textum *in l. 1. §. fin. ff. de noui oper. nuntiat.* cuius verba hæc sunt: *Usufructuarius autem opus nouum suo nomine nuntiare non potest, sed procuratorij nomine nuntiare poterit, vel vindicare usufructum ab eo, qui nouum opus facit; qua vindicatio præstabit ei quod eius interfuerit opus nouum factum non esse.* Hactenus Vlpian. ex quo textu id deduxere omnes, de quibus supra meminimus: & licet Ioan. Crotus *in repet. l. 2. §. nuntiatio, ff. de noui oper. nuntiat. num. 9.* agat *de §. fin. dict. l. 1.* demùm concludit non esse fructuarium procuratorem in rem suam, eo quòd non potest nuntiare nouum opus nomine proprio, quod faceret si in rem propriam esset procurator: cùm autem non nuntiet nomine proprio, concludendum est, non esse procuratorem in rem propriam, idque ibi ille attingit, attingens quæstionem, an ad nuntiationem noui operis requiratur speciale mandatum, contra communem & receptam sententiam tenens non requiri speciale mandatum, *ad §. fin. dict. l. 1.* respondit ibi, usufructuarium non esse procuratorem in rem suam, nec habere speciale mandatum, & tamen nuntiare opus nouum; non tamen negat non esse procuratorem, quæ est nostra tractatio, fateturque posse agere nomine proprietarij, cùm sit expressum *in dict. l. 1. §. fin.* idem notat Antonius Rubeus *in §. morte, l. hoc edito, ff. de noui operis nuntiatione, num. 12.* vnde dicendum est, non esse quidem procuratorem in proprium fructuarium, contra Paulum, & Baldum supra; non tamen negandum est, esse procuratorem, & agere posse nomine domini, atque adeò debere custodire, & curam gerere rei de qua utitur fruitur, quoniam procuratoris vicem gerat, & officium sustineat, cui satisfacere tenetur.

5 Ex qua iuris ratione, scilicet quod procurator est domini, decidetur quæstio, scilicet, si lis mora sit usufructuario, quas quantasque expensas teneatur facere fructuarius pro defensione rei qua fruitur; quid quantumque consumpturus sit ob eam causam? In qua videbatur dicendum, aliud esse constituendum in patre, scilicet legitimo usufructuario, aliud verò in aliis usufructuariis, qui non habent usufructum à lege, sed ab homine; sic enim in hac quæstione



quæstione distinguunt plures, Bartol. enim *in l. 1. Cod. de bonis mat. num. 3.* ait patrem omnino teneri facere sumptus & expensas litium ex fructibus bonorum aduentitiorum filij, & ibi Bald. Ang. & Corneus, Crotus *in l. frater à fratre, num. 123. ff. de cond. indebit.* Pinellus *in l. 1. Cod. de bonis mat. 2. parte, numero 68.* Ludonicus Molina *de Hispanorum Primogeniis lib. 2. cap. 27. num. 10. per dict. l. 1. Cod. de bonis mat. ibi: Sumptus ex fructibus facere.* In aliis verò usufructuariis distinguunt, ut scilicet si expensæ modicæ sint, eas fructuarius teneatur facere ex fructibus; sin verò magnæ, contrà, imò imputandæ sint domino. Tradit hanc distinctionem Antonius Gomez *ubi sup. dict. cap. 15. num. 7. tom. 2.* Pinellus *ubi suprà,* & Ludovicus Molina, item Baldus, & Ang. *in l. 1. §. usufructuarius, ff. de usufructu,* Paulus, Picus, & Gozadinus, quos refert Pinellus, & post eum Molina *ubi suprà,* idem quoque tenet Gregorius Lopez *in l. 22. tit. 3. 1. part. 3. verb. Non caya,* cum Iacobo de Butrio, & Alberico *in l. hæcenus, ff. de usufructu,* *ubi pro hac distinctione magnæ & parvæ expensæ textus est apertus.* Tandem hæc sententia distinguit inter usufructuarium legitimum, cui ex dispositione iuris debetur & contingit usufructus, ut in hoc non sit habenda ratio vlla magnæ vel parvæ expensæ; & reliquos usufructuarios, quibus ex dispositione hominis usufructus debetur; & contingit, ut in his admittamus distinctionem illam magnæ, & parvæ expensæ.

Nec nova est isthæc distinctio, alibi enim admittitur etiam; namque Alex. *in l. usufructu, ff. ad leg. Falcid. & Barb. cons. 63. lib. 3.* scriptum reliquere, usufructuarium omnium bonorum ex causa testamenti non teneri ad legatorum solutionem; secus verò dicendum esse in usufructuario, cui legis beneficio usufructus contingat: quod quidem ita accipiendum est, scilicet, ut usufructuarius omnium bonorum ex testamento securus sit à legatorum solutione, eaque incumbat hæredi, qui tamen hæres ex bonis hæreditariis poterit vendere necessaria ad solutionem legatorum, velit nolit usufructuarius: si verò legitimus sit usufructuarius, cui usufructus legis indulgentiâ contigerit, ut pater, directò subit hoc onus soluendi legata, & poterit à legatariis vocari in ius, qui tamen die dicto legata soluet ex rebus quarum usufructus legatus est: denique in utroque casu ex rebus soluitur legatum, quarum usufructus relictus est; in eo verò recipitur distinctio, quod fructuarius legitimus convenitur de legatis, non hæres; at verò in usufructuario ex testamento convenitur hæres, & in utroque casu de his ipsis rebus fruendis solutio facienda est, quæ faciunt *ad l. fin. ff. de usufructu legato,* & quæ ad eam scribit doctissimus Couar. *variar. resol. lib. 2. cap. 2.* de qua quoque nos infrà hoc capite nonnihil attingimus. Non est ergo nova hæc distinctio inter usufructuarium legitimum, & datum, ut ita dicamus; sed in aliis quoque iuris partibus ad alia consideratur; præterea quando usufructus omnium bonorum relictus est, & annua quantitas alicui relinquitur, constat annuæ quantitatis solutionem ad usufructuarium pertinere, *l. ultima, §. fin. autem, Cod. de bonis qua liberis:* & licet rextus loquatur in usufructuario legitimo, Bald. Salycet. Fulgosius, Paulus, & Corneus ibi idem recipiunt in fructuario ex dispositione hominis, ex eadem iuris ratione, quæ reperitur in utroque; quasi non esset idem dicendum, si diuersa ratio & dispar intercederet, quæ suaderet contrarium, ut pronum sit

- asserere distinctionem inter utrumque, vel elicere ex eadem, vel diuersa ratione, quæ inter utrumque reperiatur: & quamuis Doctorum sententiâ recepta sit distinctio illa, de qua suprà, vt quantum attinet ad expensas, in altero admittatur ratio magnæ & paruæ expensæ; in altero verò minimè, Arius tamen Pinellus vbi suprà, *part. 2. num. 68.* & post eum Molina *dict. lib. 1. cap. 27. num. 10.* secuti Alexand. *in l. si vir, ff. ad leg. Falcid.* reiciunt hanc distinctionem, voluntque differentiam magnæ & paruæ quantitatis admittendam esse in utroque fructuario, legitimo & non legitimo, quoniam Pinellus nullam vider rationem, quæ suadeat ipsam distinctionem; neque existimat tutum, deterioris & peioris conditionis const tuere patrem legitimum administratorem, quàm alium, cui ex vltima dispositione vsusfructus contingat: subditque Molina, non esse credendum, legem quæ tot prærogatiuas parenti supra cæteros vsusfructuarios concessit, eundem iisdem longè inferiorem reliquisse: agnosco Pinelli, Molinæque auctoritatem; video tamen communem & receptam sententiam, quæ distinguit inter patrem & reliquos fructuarios, quantum ad expensas litis habere fundatam iuris rationem, quicquid ipsi teneant; namque textus *in dict. l. 1.* indistinctè loquitur, immò si verum amamus, non obscure Imperator hanc ipsam distinctionem magni & parui, in expensis litium repulit; cum enim dixisset, *parentes autem, penes quos maternarum rerum vrendi fruendique tantum potestas est, omnem debent tuenda rei diligentiam adhibere*; in quo expendendum est verbum, *omnem*, vt pater debeat suscipere omnem diligentiam, magnam, paruam, maximam & minimam; susceptâ autem huiusmodi diligentiam, tunc quarit Imperator, vnde sufficere debeat sumptus, & ait, *& quod iure filiis debetur, in examine per se, vel procuratorem poscere, & sumptus ex fructibus impigrè facere*: ecce postquam constituit, omnem litem, omnem causam, omnem controuersiam esse sibi suscipiendam, siue parua sit, siue magna, siue maxima, subdit, *& sumptus ex fructibus impigrè facere*; vbi verbum illud, *impigrè*, non est positum otiosè: rursus subdit, *atque ita omnia agere*: ecce iterum verbum *omnia*, nihil distinguens, quasi dicat, suscepta omni causa magna, vel maxima, ex fructibus sumptus faciat, atque ita, hoc est ex his fructibus, omnia agat: & rursus, *tanquam solidum dominium eis acquisitum esset*. Præterea idem constitutum est *in l. 5. tit. 17. part. 4.* quæ lex est optima interpretis iuris Cæsarei, ait enim his verbis, *Pero el padre dezimos que deue defender e guardar estos bienes aduenticios de su fijo en toda su vida; tambien en inyçio como fuera de inyçio*: quæ lex cum dicat patri id incumbere, intelligenda est ita sensisse, vt eius expensis fiat conseruatio & defensio aduentitiorum, non verò filij. Præterea illa ratio facit contra patrem: quam rationem Pinellus & Molina pro ipsa facere arbitrantur, quia quandiu pater habet filium in potestate, & bona aduentitia cum filio, reuerà omnia habet quasi quodam iure dominij; cum filio enim, si nihil aliud dispositum iure reperiatur, etiam si nihil dicta lege 1. esset dispositum illis verbis, *tanquam solidum perfectumque dominium eorum eis acquisitum esset*, & *in l. cum oportet, §. non autem, Cod. de bonis qua liberis*, ibi: *Plenissimam potestatem*, & *in l. fin. §. fin autem* *1. Cod. de alienum*, ibi: *Et aliis omnibus, qua ab usufructuariis extraneis exiguntur*; dicendum tamen erat ex fundata iuris ratione habere patrem filij sui,



sui, & bonorum omnium eius dominium verum, quoniam & ipse filius res  
 patris est, & plenissimam in eo pater habet potestatem: ita intelligunt pleri-  
 que verba duodecim Tabularum, quæ referuntur in *leg. verbis legis*, ff. de verbo-  
 rum significatione: *Vti quisque rei sua legasset, ita ius esto*; quicquid interprete-  
 tur Franciscus Hotomanus *Institutis de pupillari substitutione, in verbo moribus*,  
 quod nunc non disputo, nihil enim ad nos pertinet, aliudque agit illa inue-  
 stigatio. Certè iure duodecim Tabularum filius erat res patris, & de eo tanquam  
 de equo, aut ædibus disponere poterat pater, sicuti de re propria, & quam ve-  
 rè in suis rebus habebat. Vnde est illa facultas occidendi, de qua in *leg. in suis*,  
 ff. de liberis & posthumis, etiamsi pupillaris substitutio moribus postea fuerit  
 recepta, non verò lege aliqua constituta, l. 2. ff. de vulgari, & in principio *Insti-*  
*tut. de pupillari*; mores enim Romani principio antequam lex, induxere pu-  
 pillarem substitutionem; postea verò mores illi legibus latis in vim legum  
 abiire, cœptumque est authore lege, & consuetudine adiuventrice, ius substi-  
 tuendi liberis, secundis tabulis confectis. Illud tamen semper utroque tem-  
 pore & morum, & legis observatum fuit, ut pater iuris indulgentiâ, & po-  
 testate haberet filium in potestate, tanquam rem suam, & bona eius tanquam  
 propria; sicuti enim habet suum equum, & gladium, ita quoque suum filium,  
 & heredem, qui est in bonis eius, l. cum ratio, ff. de bonis damnatorum. Quid-  
 quid ergo constituendum sit de differentia illa inter legitimum fructuarium,  
 & reliquos fructuarios, qui ex dispositione hominis habent vsumfructum  
 (quidquid dicant Pinellus & Molina, quos ego maximi facio,) quod attinet  
 ad patrem, verissimam arbitror communem sententiam, sicque constituo in  
 patre legitimo fructuario bonorum filij, quem in potestate habet, non esse  
 admittendam distinctionem magnæ & parvæ impensæ circa lites, & defen-  
 sionem bonorum filij. Omnem enim diligentiam debet, & omnia gerere  
 compellitur, tanquam si earundem rerum, quibus fruitur utiturque, domi-  
 nium haberet, sumptusque impigrè cogitur facere, etiamsi totam fructuum  
 substantiam consumat in litibus & causis, quæ sibi super bonis filij succres-  
 cant; & siue lis mota sit super proprietate, siue super vusufructu, utrumque  
 defendere tenetur pater, & expensas & sumptus impigrè facere, ex dict. l. 1.  
 nec in his expensis litis arbitror habendam esse rationem magni, & parvi,  
 quam dicta lex hactenus, in reliquis vusufructuariis admittit: quod ferè tenet ip-  
 se Pinellus, si attentè legatur, ubi suprà, etiamsi postea apertè distinctionem  
 illam reiiciat. Rursum circa has expensas litium in aliis fructuariis longè aliud  
 statuendum est, non enim indistinctè observandum est quod tradit Antonius  
 Gomez dict. num. 7. versio. ex quo deducitur & inferitur; qui tenet indistinctè,  
 ut si lis moveatur ab vusufructuario, vel ipse moveat litem, quod omninò con-  
 servat sibi & sine distinctione vlla, expensas recuperandas à domino proprie-  
 tatis; & ita in aliis vusufructuariis quod attinet ad has expensas, censet con-  
 trarium esse constituendum quàm constitutum sit in patre, eodemque legiti-  
 mo administratore; quod etiamsi respectu patris approbemus, in aliis verò  
 vusufructuariis veriore existimamus sententiam Pinelli ubi sup. dict. num. 68.  
 & eum secuti Molinæ dict. num. 10. ut scilicet si lis moveatur respectu solius  
 vusufructus, siue ab vusufructuario, siue contra ipsum, ab vusufructuario sint

subministrandæ expensæ, quia omnino pertinent illæ expensæ ad fructus, & illæ continent causam solius ususfructus, utilitasque ususfructus in ea lite versatur, quæ ad fructuarium pertinet; cumque utilitas litis fructuarij sit, necesse est ut expensæ quoque ad ipsum pertineat; & cum sentiat commodum, naturalis quædam ratio exigit, ut damnum quoque deuorandum sibi sit: allegat Baldum Pinellus in l. 2. Cod. de liberali causa: mihi tamen Baldus ferè nihil dicit, sed hæc opinio rationem habet, & æquitatem illam naturalem, scriptamque, & lege lata susceptam, ut expensas fructus sibi faciat fructuarius: nec quicquam facit lex *eum ad quem*, Cod. de usufructu, quæ loquitur in expensis non litium, de quibus modò agimus, sed refectionis, de quibus dicemus infra, num. 28. quales, quantæ, quaque ratione conferrentur fructuario. In illis enim alia ratio est quàm in expensis litis super usufructu, qui ad fructuarium totus pertinet, nihilque ad proprietarium: idem dicendum est ad l. hætenus, ff. de usufructu, & ad l. usufructu legatio, §. fin. ff. eodem, iuxta quas Antonius Gomez tenebat usufructuarium posse consequi expensas litis: ita tamen intelligendum est, ut si lis mota sit super usufructu, & tota pertineat ad usufructum, tum nihil esse quod suadeat, ut aliunde usufructuarius expensas illas consequatur, qui cum sibi solum litiget, sibi solum expendere æquum est; atque in hoc sensu accipiendus est Antonius Gomez, licet indistinctè loquatur, quin si super proprietate excitetur causa, fructuariusque paruas impensas faciat, tunc quoque locum habebit dicta lex *hætenus*. At verò si agatur de perpetua utilitate rei, ex eoque alius habeat eandem rem, usufructuarius verò dicat fruendam sibi, quod ad ipsum pertineat, qui sibi suarum rerum concesserit usufructum, & nomine domini vendicet, tunc certè magni & parui admittenda distinctio est, ex dict. l. hætenus, & dict. l. usufructu legatio, & dict. l. *eum ad quem*. quæ leges licet agant de refectione, argumentum præstant ad nostram hanc speciem quam tractamus; eadem enim in utraque est ratio, ob idque eadem iuris dispositio; & tenet Ludouicus Molina in simili in possessore maioratus, dict. num. 10. versic. si verò eadem lis, perpetuam utilitatem ipsius maioratus, & plures allegat: sed præcipua ad hoc allegatio est argumentum dictatum legum, l. hætenus, l. *eum ad quem*, vbi glossa expressa.

Ex qua declaratione elegans est interpretatio ad dict. l. 1. C. de bonis matern. & ad l. 5. tit. 17. part. 4. licet enim ibi constitutum sit, ut pater omnino teneatur ex fructibus lites suscipere, & omnia agere, tanquam si dominus esset, & sumptus impigrè facere, & quod debetur filiis, in examine per se, vel procuratorem suum poscere, ut si à tertio rem vendicet, quam tertius impigrè quoque defenderit, & ad filium omnino pertinere neget, si pater nimios sumptus faciat, tales scilicet, & tantos, qui in vera computatione fructus aduentitiorum excedant, filius omnino tenetur, cuius nomine causa agitata est, de excessu: agit enim pater de utilitate perpetua, ob idque saltem excessum illum tenetur refundere filius, & conferre fratribus, vel tanto minùs accipiendo, vel deducto eo ex hereditate, inter reliquos filios & hæredes diuidendo; magis enim consumpsit, quàm habebat in fructu, & opulentiam rem, fundum, vel prædium vendicauit, quam liberam accipit fi-



lius. Ratio poscit in hac specie, vt excessum reputet filius, etiamsi demus quod pater causam filij debeat ponere in examine, vel per se, vel per procuratorem suum; non enim arbitrandum est, voluisse Imperatorem substantiam aliorum filiorum eo praetextu vni parari; & hæc pertinent ad expensas litis, in quibus admittendam vel reiiciendam secundum propositas species arbitramur distinctionem inter legitimum fructuarium, & alios, quibus non à lege, sed ex dispositione hominis contingit vsusfructus, nihilque hucusque egimus de expensis in ædificando, aut reficiendo, de quibus *infra num. 28.* in his expensis verò in reficiendo verissimum arbitramur, non esse distinguendum inter vsufructuarium legitimum, & alium, quòd ex dispositione hominis vsumfructum habeat, quoniam subest eadem ratio in utroque, & in utroque obseruanda est ratio legis *hactenus*, & *d. l. vsufruct. §. fin. ff. de vsufruct. & d. l. cum ad quem, C. eod.* vt modica impensa ad vsufructuarium pertineat, immodica verò ad proprietarium; intelligimus autem de expensa in reficiendo, quæ concernit perpetuam vtilitatem rei, non momentaneam, & quæ fiat gratià colligendorum fructuum; nam hæc etiamsi magna sit, ad vsufructuarium pertinet: textus elegans in *l. 3. ff. de impensis in rebus dotalibus factis*, vbi nos (inquit Vlpianus) *generaliter definiemus multum interesse ad perpetuam vtilitatem agri, vel ad eam qua non ad presentis temporis fructum pertineret, an verò ad presentis anni fructum: si in presentis anni, cum fructibus compensandum; si verò non fuit ad presentem, tantum apta erogatione necessariis impensis compensandum.* Hæc Vlpianus, cum quo generaliter eius decisio recipienda est, non solum in marito, sed in omni causa meliorationum. Igitur quod diximus de magna quantitate, vt proprietarius teneatur, non vsufructuarius, intelligendum est, dum expensa illa magna in reficiendo consumpta, pertineat ad perpetuam vtilitatem rei, non solius fructus; & tunc illa expenditur proprietario, siue fructuarius expendens sit legitimus, siue non; ob idque si pater in reficiendo fundum aduentitium expenderit, cuius vsumfructum habebat ratione patriæ potestatis, filius qui in re aduentitia reperit meliorationes factas magnæ quantitatis, valorem ipsarum conferet aliis fratribus, quoniam illæ ad patrem pertinebant, & ab eo in bonis suis tempore mortis relictæ sunt. Tenet & optimè Pinellus vbi supra *num. 69.* Ludouicus Molina vbi supra, Bald. in *auth. excipitur, num. 4. C. de vsufruct.* Paul. in *l. fin. §. vbi autem, num. 7. C. de bonis qua liberis.* Castillus in *l. 64. Tauri*, contra Crotum, qui *l. frater à fratre, num. 124. quest. 36. ff. de cond. indeb.* distinguebat, an pater esset diues, an plures habeat filios, an sumptuum rationem scripserit quasi reperiturus. Collationi igitur locus est, ex regula *authent. ex testamento, C. de collationibus*, imò si meliorationes hæc fiant constante matrimonio, vxori dimidiumtribuendum est, ex iuris nostri dispositione, quoniam reperiuntur in bonis vtriusque coniugis, quasi lucrata constante matrimonio, iuxta iuris nostri dispositionem, quod de lucris coniugum latum est, ad quæ omnia est nobis lex *22. tit. 31. part. 3.* *Guisada cosa es (inquit) e derecha, que quienquiera a quien fuesse otorgado el usufructo de alguna casa, o de alguna heredad, o en algunos ganados, que assi como quiere auerla por en que les otorgado, este derecho, que pune quanto pudiere de la alijar, e de la guardar, e de la enderecar bien e lealmente, de manera que si*

16 *fuere casa que la repare, e la enderece, que no caya, nin se empeore por su.* Vbi Gregor. Lopez & vetus Glossator distinctionem illam adducit de magna & parua quantitate, ex Celfo Iurifconsulto *in d. l. haftenus, & in d. §. fin. & d. l. eum ad quem.* Isthæc autem magna vel parua quantitas iudicis arbitrio definietur, glossa *in dict. l. haftenus*, quam sequuntur DD. inter quos Aug. num. 2. gl. & Bart. *in l. omnino, ff. de impensis in rebus dotalibus factis*: idem tenet Bart. *in l. Scio, in princ. ff. de integ. restitutione*, vt paruum, magnum, vel minimum accipiat arbitrium, & iudicium ex qualitate rei, secundum ipsius magnitudinem, glossa vbi Florianus & Scribentes *in l. res bona, ff. de contrahend. empt.* glossa *in l. sed si susceperis, §. 1. versic. tam modica, ff. de iudiciis*, & ibi Angel. dicit summam videri magnam, & paruam ex qualitate personarum. Facit lex *legitimos, ff. de legitimis tutorib.* vide glossam 2. q. 6. §. illud, *in gl. 1. & in cap. terrulas, 12. q. 2.* quæ sunt ad ea quæ Bart. & Bald. adducunt *in authent. nisi breuiore, C. de sententiis ex periculo recitandis*, & sunt nobis quotidiana in hoc regio Prætorio Galleco; quotidie enim conqueruntur appellantes, quodd iudices Ecclesiastici, à quibus appellant, non deferant sibi suæque appellationi in causis ciuilibus; namque si causæ minores sint, ob mercedem seruitij vel conductionis non solutam, aut aliam ob rem similem, in prosequenda appellatione maiores expensas appellatus facturus est, quàm sibi ex sententia adiudicatum sit; tunc prospectâ causâ, quantitatêque ex personarum qualitate, & iustificatione, pronuntiatur deferendum, vel non deferendum esse. Causa enim, 17 licet magna videatur, comparata ad maiores expensas, quæ futuræ sint, sine dubio parua existimanda est, *c. anteriorem, §. illud, 2. q. 6.* notatur *in d. authent. nisi breuiore*, per Bald. & *in c. de appellat. tit. de appellation.* neque enim existimandum est, quid petat pauper & rusticus, si de vniuersa sua substantia agat; causa enim de porcello sæpe in hoc prætorio Galleco causa maxima est, & causa trium, quatuorve talentorum minima, ex qualitate personarum; porcellum oculum rustici vocabat Accursius *in l. illicitas, §. & ne tenuis, ff. de offic. Præsidis*: nec minùs laborandum est iudici, & referenti causas in causa bouis, aut porcelli, quàm in causa primogenij; bos enim & porcellus rustico & egeno primogenium est, nec maior aut minor quantitas, paupertasque vel opulencia actoris vel rei, iuris dispositionem mutat: textus elegans *in l. qui filium & filiam habebat, §. 1. ff. ad Treb.* vbi paupertas obiecta in iudicio est: tamen Imperatores non ex prætensa & obiecta paupertate, sed ex iuris regulis & constitutionibus pronunciarunt. Ex eodem iure descendit pronuntiatio causæ minimæ, aut maximæ, ne quis existimet imperitum leuiore causas posse decidere, imperitiorêsq; alibi, alibi peritiores posse iudicare. Ego imperitum nullibi iudicare posse arbitror, semperque diligendos viros peritos esse existimaui, quantoque leuiore sint causæ in hoc prætorio, tanto prudentiores semper desidero iudices, quoniam in causa leuissima sæpe agitur de tota hominis substantia, & sæpe ex contemptu causæ, & æquitatis cuiusdam nusquam scriptæ, sed captiosæ prætextu, non semel vidi perniciosè erratum. Sed ne in cælum inspuam, faciem obtruncaturus, conticeo.

18 Quod si domus ex vetustate aliqua ex parte corruerit, non potest compelli hæres reficere & reparare, *dict. l. haftenus*, ibi: *Si qua vetustate corruerit, reficere*



cere non cogitur; si autem hæres vel proprietarius libens & volens refecerit, impedire fructuarium non potest, quin fruatur, utaturque. Et ibi: Sed si hæres refecerit, passurum fructuarium vis. Itaque nec proprietarius impediet, quò minus fructuarium reficiat, si velit, expensasque magnam refundet, velit nolit. Et ibi: Nerva autem libro tertio membranarum ait, non posse fructuarium prohiberi, quò minus reficiat: & tenet Albericus ibi. Quod quidem ita accipiendum est, scilicet si ædes, quarum ususfructus relictus est, ex parte collapsæ sint, & corruerint; nam si vniuersæ ædes corruant, & collabantur, vel exustæ sint, tunc quidem finitus est ususfructus, qui nec in area collapsis ædibus sustinetur; ob idque si semel exustas, & collapsas, & solo dirutas hæres ex integro refecerit, tunc non habet locum decisio Iureconsulti *in dict. l. hactenus*. Nihilque habet usufructuarius in ædibus denuò erectis, quia semel extinctus est, *l. repetit*, ff. quibus modis ususfructus amittatur, versic. rei mutatione, ubi inquit Ulpianus, interire usumfructum placet: veluti usufructus adium mihi legatus est, ædes corruerunt, vel exustæ sunt, sine dubio extinguuntur usufructus. An & area? certissimum est exustis ædibus nec area, nec camentorum usumfructum deberi. Textus elegans in *l. quid tamen*, ff. eod. ubi in eo versiculo, non tantum de domo agit Iureconsultus ex parte resecta, verum de ædibus collapsis, ut usufructus vel retineatur, vel amittatur: tum in versic. agri, de agro agit, cuius usufructus relictus est, an inundatione amittatur: & in versic. sed & si stagni, de usufructu querit stagni, si stagnum exaruerit: in versiculo, non tantum, de usufructu agri, cuius forma mutata sit, quod usufructus non amittatur; in quo textus est elegantissimus ad *l. aequissimum*, ff. de usufructu, versic. si vcnas lapidinarum, & ibi, forsitan & hæc deicere poterit, in quibus usufructuarius fundi formam mutat; quod modò non agimus: deinde in versic. certa sylva, de usufructu agit sylvæ destructæ, an destructâ sylvâ & cæsa duret usufructus; an verò finitus esse existimandus sit: deinde de massa aurea, aut argentea, hoc est de auri, & argenti rudis usufructu relicto, ex quo vasa sint confecta, vel scyphi, vel vrceoli, an usufructus auri & argenti duret. Postremò de naui, deinde & de quadrigarum usufructu relicto, perempto equo, an duret usufructus quadrigarum, quæ sunt pulchra exempla ad hoc quod tractamus. Textus in *l. qui usumfructum area*, ff. de usufructu: vide Angelum in § finitur, Instituti de usufruct. & *l. 25. tit. 31. partis. 3.* Vbi Gregorius Lopez. In patre tamen legitimo administratore, qui filios in potestate habet, & bonis aduentitiis fruitur, ratione patriæ potestatis contrarium dicendum est; licet enim usufructuarius verè sit, non tamen mutata forma rei extinguuntur sibi usufructus; durat enim semper patria potestas, quæ non patitur usumfructum perimi, imò cum ea continuatur usus, quamcunque formam res accipiat, licet novus insurgat mutatione rei usufructus; eadem enim semper est acquisitio iuris potestate: quæ est optima declaratio ad omnia iura, de quibus suprâ gloss. in *l. cum oportet*, §. non autem, Cod. de bonis quæ liberis, versic. mobiles: quam probant Salic. & Paul. in authentica excipitur, Cod. de usufructu, num. 2. Verum igitur est, fructuarium usumfructum rei resectæ habere, nisi tota corruat; nec potest ipse impediri, quò minus reficiat: quicquid autem protestetur dominus contra reficientem fructuarium, expensas tamen recuperabit ille à domino.

19

20

21

22

23

24

- 25 Nec intelligendum est cogi posse dominum præstare pecuniam usufructuario, ex qua rem reficiat; ipse enim fructuarius si velit reficere, pecuniam sufficiet, & subministrabit, & suis expensis ager, deinde expensas has factas in magna refectione, perfecto opere repetet à proprietario, vel rem retinebit tempore consolidationis, ob impensas. Nec item intelligas usufructuarium
- 26 omnino teneri reficere, siue modicè, siue immodicè reficiendum sit; iniquum enim esset compellere fructuarium, ut suâ pecuniâ impensam faciat; cui iniquitati non satis consuleretur repetitione faciendâ à domino, *dict. l. hætenus*. Ita tenet Paulus in *dict. l. eum ad quem*, contra Bartol. in *l. cotem*, §. *fin. ff. de publican. & vectigal.* sed Bartolus re vera ibi idem tenet quod Paulus, & ita intelligit Bartol. Imola in *cap. fin. num. 20. de pignorib.* & Bertrandus *consil. 40. num. 15.* idem Bart. in *l. Nefennius*, num. 7. ff. *de negot. gestis*, scilicet quod fructuarius non oneratur onere illo magnæ impensæ, nec cogi possit reficere immodicè, etiam si possit repetere immodicam illam expensam, si libens impenderit. Azon. in *summa*, Cod. *de usufructu*, num. 6. *ad fin.* quæ opinio æqua est, nam licet custodiam debeat usufructuarius, custodia hæc non est extendenda eò, ut arctetur & cogatur ad magnam impensam, eo prætextu, quod eam repetere possit; nemo enim compelli potest ut se committat obligationi, *l. cogi, §. si pater, ff. ad Trebellian.* ibi, *non oportet sub incerto conditionis se committere.*
- 27 Facit dicta lex *hætenus*, *dict. l. eum ad quem*, ubi datur fructuario repetitio magnæ impensæ; non autem cogitur omnino facere, nec dominus item, nisi perfecto opere. Si verò dominus velit reficere & facere suo modo hanc impensam, nihil obfuturus usufructui, poterit, & præfertur fructuario, argumento eius quod tradit Abbas in *cap. cum non sint*, num. 5. *de decimis*, ibi, *in interest domini ut sit præsens.*
- 28 Præterea fructuarius si velit reficere immodicè, ut repetat magnam impensam, non necesse habet, antequam expendat, nunciare domino, si expensa necessaria sit; cum enim custodiam debeat, satis ad custodis officium pertinere videri potuit resectio necessaria, ut ab hac nunciatione fructuarius ex ea ratione diligentia & custodia liberetur, utque ea ommissa, adhuc repetere possit, Bartol. *dict. l. cotem*, §. *fin. ff. de publicanis & vectigalibus*, Pinellus cum secutus *dict. l. 1. part. 2. num. 72. ad fin.*

Quomodo verò, & qua ratione repetet, & consequetur fructuarius has impensas magnas, adnotandum nobis est in primis illud esse citra controuersiam, ut si immodicè consumpserit in reficiendo, obseruata ratione tradita à Celso in *dict. l. hætenus*, habere fructuarium omnium legum prærogatiuas, ut sibi conseruet eas impensas & meliorationes immodicas necessariò factas: itaque petet, excipiet, retinebit, & repetet, semelque traditas actione in factum consequetur, iuxta ea quæ nobis latè supra tradita sunt de hac ipsa recuperatione expensarum. Si verò de nouo ædificet, vel inchoatum ædificium exædificet, obseruata item ratione legis *usufr. §. 1.* & legis *usufruct. 68. ff. de usufructu*, rem sibi certè proficua & utilem, non proprietario, & quæ ad voluptatem suam magis quàm ad utilitatem domini pertineat, fecisse visus est: cum enim utilitas perspicenda sit non ex parte coloni, emphyteutæ, conductoris, vassalli, vel usufructuarij, in his expensis, quæ sunt in reficiendo, vel de nouo ædificando;



ædificando; sed ex parte domini, ut adnotauimus suprà *cap. 1. num. 22.* cumque hæc ædificationes, incrustationes, & tectoria, de quibus in dictis legibus, *usufructuarius* § 1. & 68. pertineant ad voluptatem magis quam ad utilitatem domini, de quo est optimum responsum Modestini in *l. ex duobus, ff. de negot. gestis*, ibi: *Maiores frater in salu communi habitationes paternas habente, ampla ædificia ædificauerat; & ibi, obsumptus nulla re urgente, sed voluptatis causa factos, eum, de quo queritur, actionem non habere:* & adduximus suprà, *cap. 5. numero 9.* reliquum est, ut has expensas, de quibus in *ad. ll. usufructuarius*, § 1. & 68. quæ voluptatis sunt, iuris intellectu abradat, vel separatas vendicet, cum nullo tempore donasse propter bonam fidem intelligi possit. Retinere certe, vel petere non potest; quorsum enim tectoria, incrustationes, & ampla ædificia sine domino, nihil perspecta voluntate proprietarij erigit? Voluptas certe est, & animi oblectamentum, cum etiam si sibi utilis sit, aliunde sit perspicienda hæc utilitas, ut diximus: unde has expensas abrasione sine læsione consequitur, iuxta regulas nobis traditas de bonæ fidei possessore ad voluptatem expendente; separatas verò vendicabit: quamdiu autem in solo ædificium erectum sit, nihil habebit.

Nec constituendum est esse fructuarium ædificantem de nouo, vel inchoatum ædificium perficientem malæ fidei possessorem, ex duobus. Primum, quia si malæ fidei possessor esset, re vera cum in alieno solo ædificet, & ex propria materia, & mala fide, necessariò sequebatur ex his tribus donatio à lege præsumpta, quæ impediret vendicationem separatæ materiæ, *l. adeo, §. ex diuerso, ff. de acquir. rer. dom.* iuxta ea quæ latius tradidimus suprà *cap. 5. num. 19.* ad interpretationem legis 2. *C. de rei vend.* Cum verò ius separatæ materiæ concedat fructuario ædificatori vendicationem, *l. sed etsi quid, 19. ff. de usufructu*, extorquendum est vel ab inuitis, usufructuarium exædificantem de nouo, non intelligi malæ fidei possessorem. Præterea est euidentissima ratio, quia generaliter de bona vel mala fide definire non possumus; namque bona, vel mala fides versatur in facto, non in iure, hoc est in conscientia particulari cuiusque, non in iuris aliqua dispositione. Denique sicuti generaliter definire non possumus omnem alienæ rei emptorem malæ fidei esse, nisi adsit scientia rei alienæ, quæ in animo consistit; ita non dici potest omnem fructuarium ædificantem esse malæ fidei; quia cum hæc mala fides consistat in animo cuiusque, generalem non sustinet definitionem; & evenire potest, ut fructuarius eo animo faciat, quod intelligat, id cupere & optare proprietarium, præsertim si inceptum & inchoatum ædificium perficiat, aliàs non facturum. Cum ergo in facto consistat bona vel mala fides, non potest fructuarius generaliter bonæ vel malæ fidei iudicari: textus in *l. bona fidei* 48. *ff. de acquir. rer. dominio.* Puto verendum, inquit Paulus, *ne non sit bona fidei possessor, quamvis capiat; hoc enim ad ius, id est ad usucapionem; illud aut factum perinet, ut quis bona vel mala fide possideat.* Quod eo libentius adnotaui, quod Franciscus Hothomanus vir doctissimus censeat fructuarium ædificantem malæ fidei esse, contra notissimas iuris regulas *lib. 2. feudorum, hic finitur lex, §. si vassallus, folio mihi 263.* & quod magis miror, ad hoc adducit dictam legem *sed si quid*, quæ separatæ materiæ præstat vendicationem; quod

fieri nequireret, si malæ fidei esset. Vnde ex his illud advertendum est, quod si ædificium perfectum, vel de nouo erectum ab usufructuario euidenter utile sit proprietario, aliud observandum esse; tunc enim iudex cordatus recurreret ad iuris regulas de utilibus expensis factis à bonæ fidei possessore, de quibus primo capite egimus; quia iam id poscit ius, quo hæc ædificia ad voluptatem pertinere intelligebantur, detecta utilitate ædificij; quapropter nihil fiet contra dispositionem dictarum legum *usufructuarius*, § 1. & 68. quasi exclusa voluptate, & reperta utilitate; quæ utilitas ex eo euidenter colligetur, si proprietarius omnino erat factururus, vel consolidatione facta illicò vendidit, *argumento l. in fundo*, ff. *de rei vendicat.* quamuis enim illud statutum sit *in dict. l. sed si*, quod voluptas id exigebat, quod si utilitas reperiatur, utilitatis præcepta in bonæ fidei possessore sequenda sunt, & est æquum *ex dict. l. in fundo*, & rationem habet.

29 Atque ex his omnibus restat, ut quia magnam impensam usufructuarius non tenetur facere, modicam autem teneatur, *d. leg. hætenus*, cum iuribus supra adductis; quod si modicam expensam in resciendo omiserit, teneatur. Itaque si ædes, siue casu, siue culpa leui, vel lata, quæ proxima dolo sit, corrumpantur ex parte, quæ tamen modicè expendendo, resciri possunt, teneri usufructuarium; cum enim percipiat fructus, reliquum est ut ad modicam expensam teneatur, utcumque contigerit, nec in hoc requirimus culpam, vel latam, vel dolum, *d. l. hætenus*, & *d. l. eum ad quem*, *l. diuortio*, §. *impensia*, ff. *solutio matrimonio*, ubi gloss. & Scribentes, *l. omnino*, ff. *de impensis in rebus dotalib. factis*, *dict. l. 22. tit. 3. part. 3.*

30 Si autem expensa magna sit, tunc distinguendum est: aut deterioratio contingit ob culpam fructuarij, aut nullâ eius præcedente culpâ; si nulla eius præcessit culpa, sine dubio est ipsum non teneri immodicè expendere, *dict. l. hætenus*, & *l. diuortio*, §. *impensia*, ff. *solutio matrimon.* quæ lex loquitur in marito ibi, *vel veterem totam sine culpa sua collapsam restituere*, ubi Scribentes: si præcesserit culpa, propter quam damnum contigit, quod magnâ expensâ refarciendum sit, si ea culpa sit lata, non dubium est quin ob latam culpam usufructuarius teneatur, etiam si immodicè sibi sit expendendum, minusque dubitandum est si dolus præcesserit; sed & idem dicendum est, si damnum illud leui ex culpa contigerit; cum enim in hac ususfructus constitutione commodum domini, penes quem proprietas est, & fructuarij item utilitas versetur, atque adeò utriusque contrahentium, vel quasi emolumentum, utriusque culpa comprehenditur, textus elegans, qui ad hoc solet allegari *in l. si servus legatus*, III. §. *cum quid tibi*, ff. *de legat. I.* *Cum quid tibi legatum* (inquit Africanus) *fideique tuæ commissum est, ut mihi restituas; si quidem nihil præterea ex testamento capias, dolum malum duntaxat in exigendo eo legato, alioqui etiam culpam tibi prestare debere existimaui, sicuti in contractibus bonæ fidei servatur, ut si quidem utriusque contrahentis commodum versetur, etiam culpa; si unius solius dolum malum tantummodo præstetur*; de leuissima autem culpa non tenetur: ita in simili concludit Ludouicus Molina *lib. I. cap. 17. num. 6.* & est generalis traditio in omni deterioratione, & damno facto ad maritum, emphyteutam, feudatarium, possessorem maioratus, Episcopum, beneficiatum, fructuarium, emptorem.



emptorem, commodatarium, & eum apud quem res aliqua deponitur; semper enim ad damnum ob culpam recuperandum, recurrendum est ad hanc Aphricani decisionem, & ad legem *hactenus*, quæ custodiam & diligentiam requirit in usufructuario; quæ diligentia leuissimam dumtaxat culpam reicit: quod patet ex his quæ culpam leuem definiunt. Vide Bartolum *l. cum res, §. culpa, ff. de legatis 1. l. contractus*, ubi Decius, *ff. de regulis iuris*. Scribentes in *d. §. cum quid*. Si quid igitur in rebus, quarum fructus habeo; damni contigerit, ut id refarciatur, si magna expensa requiratur, dolo malo, vel culpâ latâ, aut leui interueniente, certè ipse reficere teneor, etiamsi magnam expensam sim factururus, ex *d. §. cum quid tibi*. Optima interpretatio ad dict. *l. hactenus*, & ad *l. eum apud quem*, & ad omnia quæ de magna & parua impensa referuntur; & generalis est decisio, ut modò dicebamus.

Ex quibus illud quoque deriuatur, an arbores scindere & vendere possit; 31  
an verò si sylua in usufructu contingat, an cædendo damnum fecisse videatur, ut ob eam causam in refectione quoque sibi sit expendendum, & ob culpam sibi sit quippiam refarciendum. In quo breuiter cum Pinello dict. 2. part. n. 59. dicendum est esse distinguendum inter syluam cæduam, & non cæduam; est sylua cædua, cuius arbores semel cæse renascantur; contra verò non cædua, cuius arbores cæse ampliùs non renascantur, in quibus quoque frugiferae numerantur, *l. sylua, l. 30. ff. de verb. signif. Sylua*, inquit Paulus, *cædua est, ut quidam putant, quæ in hoc habetur, ut caderetur: Seruius eam esse, quæ succisa rursus ex stirpibus aut radicibus renascatur*. Hæc Paulus. Pinellus existimat recurrendum esse ad regulam legis *ex sylua, ff. de usufructu*; quam postea aliter interpretatur diffusius. Ego primùm existimo constituendum, fructuarium arbores frugiferas scindere non posse, *l. aquissimum, §. fructuarius, ff. de usufructu*. 32  
*Et si quidem*, inquit Iulianus, *fundi usufructus legatus est, non debere, neque arbores frugiferas excidere, neque villam diruere, nec quicquam facere in perniciem proprietatis*. Hæc Iulianus: tenet Iason in *l. 1. Cod. de iure emphyteutico, num. 99. l. diuorio, §. si fundum, ff. soluto matrimonio*, secundum intellectum Bartoli ibi, & post eum omnes, *l. in fraudem, §. conductor, ff. de iure fisci*.

Imò fructuarius si cædat arbores frugiferas, vel damnum faciat notabile, 33  
potest eiici ab usufructu. Alexand. in dict. *§. si fundum*, Tiraquellus de *Retractu conuentionali §. 3. gloss. 1. num. 22*. Molineus in *consuetudinibus Parisiensibus §. 1. glos. 1. num. 31*. Paulus, & Decius in *authentica qui rem, Cod. de sacrosanct. Eccles.* ubi Paulus refert non impediri expulsionem ob cautionem quam usufructuarius præstitit, se boni viri arbitrato vsurum; & tenet cum Paulo Pinellus ubi *suprà*, num. 60. Nec enim proprietario esset bene consultum, si usufructuarius rem deteriore faciens, non repelli posset; tempore enim expectato, totius usufructus veritas occultaretur, & probatio difficilis, vel ferè impossibilis redderetur; quod & in emphyteuta dicit esse recipiendum, ex Baldo in dict. *l. diuorio, §. si fundum, ff. solut. matrim.* quem defendit Alexand. dict. *§. si fundum*, & Paulus, & Decius dict. *authent. qui rem*. Tiraquel. ubi *suprà*; & Iason dict. num. 99. Aymon *consil. 300. num. 1.* & alij, quos refert & sequitur Pinel. ubi *suprà*, contra Ioannem de Imola, & Roman. in dict. *§. si fundum*, Angelus de Aretio in *§. final. Insit. de usufruct.* & Afflict. *lib. 3. feudorum, si de*

fendo fuerit controuersia inter domin. & agnatos, §. licet v. ff. illius, num. 14. & est textus expressus in l. eleganter, §. 1. ff. de dolo. Non solum (inquit Vlpianus) si alia actio non sit, sed & si dubitatur an alia sit, putat Labeo de dolo dandam actionem, & adfert talem speciem: qui seruum mihi debebat vel ex venditione, vel ex stipulatu, venenum ei dedit, & sic eum tradidit; vel fundum, & dum tradit, imponit ei seruitutem; vel adificia diruit, vel arbores excidit, vel vineam exirpauit; ait Labeo siue canit de dolo, siue non, dandam in eum de dolo actionem, quoniam si canit, dubium sit, an competat ex stipulatu actio. Hæc Vlpianus; qui textus elegans est, ut non obstante cautione, illico possit agi aduersus deteriorantem, vel potius destruentem, & damna facientem. Si enim finiti ususfructus tempus expectes, fortasse probatio deficiet, l. 2. ff. si ususfructus petatur: vbi, si ab hærede. (Pomponius ait) ex testamento fundi ususfructus petitus sit, qui arbores deiecisset, aut adificium demolitus esset, aut aliquo modo deteriorem ususfructum fecisset, aut seruitutes imponendo, aut vicinorum prædia liberando, ad iudicis religionem pertinet, ut inspiciat qualis ante iudicium acceptum fundus fuerit, ut ususfructuario hoc quod interest, ab eo seruetur. Hæc Pomponius. L. loc amplius, §. vltimo, ff. de damno infecto. Celsus (inquit Vlpianus) recte scribit, si ædium tuarum ususfructus Titia est, aut damni infecti dominum repromittere, aut Titiam satisfacere debere: quod si in possessionem missus fueris is cui damni infecti cauendum fuit, Titiam vii frui prohibebit. Idem ait eum quoque fructuarium, qui non reficit, à domino vii frui prohibendum. Quæ iura adducunt hi, de quibus supra mentionem fecimus. Et habent locum in patre legitimo fructuario & 34 administratore bonorum filij, ex Pinello vbi supra, & emphyteuta & fructuario, ex eadem ratione, quæ in his reperitur, & pertinent ad damnum, & deteriorationem, utcumque contingat, siue dum excidis arbores fructiferas, siue dum destruis fundum, dum deterioratio notabilis sit, & culpæ tribuatur. Unde fructuarium, etiamsi immodicè expendat, ad refectionem & reparationem tenetur, ex his quæ diximus.

- 35 At verò in sylua cædua si ususfructus relictus sit, fructuarium cedere potest, ita tamen ut incisio ad fructum pertineat, non verò ad destructionem, dict. l. ex sylua, ff. de usufruct. Intelligimus autem de arboribus non fructiferis, & syluam cæduam, arboresque cæduas, dum tamen renasci possint, licet longo tempore; atque has ab usufructuario posse cædi existimamus, quæ licet longo tempore renascantur, sunt in fructu. Alexand. consil. 118. num. 3. & 7. lib. 5. Curtius Senior consil. 70. num. 8. Parisius consil. 111. num. 32. lib. 1. Ex qua resolu- 36 tione poterit maritus incidere has arbores, quæ longo tempore renascantur: item & alij, ad quos sylvæ cæduæ fructus pertinent. Quod in emphyteuta obtinendum est, & aliis ex eadem ratione; pertinent enim ad fructum, & tandem renascuntur, licet contrarium teneat Pinellus vbi supra, part. 2. num. 59. & sunt quotidiana: quæ enim renascuntur, ad fructus pertinent, l. diuortio, §. si vir, ff. solut. matrim. ibi, quia neque in fructu marmor est, nisi talis sit, ut ibi fructus renascatur: secundum communem & receptum intellectum, de quo textu infra parte secunda, agendum nobis est, cum de computatione fructuum & meliorationum egerimus: facit lex finalis, ff. de fundo dotali; quicquid enim renascitur, in fructu connumerari conuenit, propterea



ad fructuarium pertinet : unde *ad leg. sed si grandis*, ff. de usufructu, ubi arbores grandes verat Paulus Iureconsultus incidi, dicendum est ex his quæ diximus, intelligendum esse, ut ea lex habeat locum in arboribus grandibus, quæ non renascuntur, ac non cædvis; & ita intelligunt gloss. & Angelus ibi, & Alciatus in l. sylva cædua, ff. de verborum sign. quod magis suadetur propterea quod iuris ratio ita cogit intelligere ex continuatione, quia dictæ legi *sed si grandes*, opponitur dicta lex *ex sylva*, quæ in posteriori parte, cui adhæret, loquitur de sylva non cædua.

Illud præterea aduertendum est, quod si usufructus alicui relinquatur sylvæ non cædæ particulariter, & ita arborum quæ non renascuntur, ne legatum sit inutile, poterit fructuarius cedere, temperatè tamen, ne, ut dicebamus, incisio pertineat ad destructionem, sed ad fructum, l. Diuus, ff. de usu & habitatione, ibi: *Quia* (inquit Pomponius) *nisi liceret legatariis cedere sylvam, & vendere sicuti fructuariis licet, nihil habituri essem ex eo legatio*: & ita tenendum est cum Pinello dict. num. 59. & hæc pertinent ad damnum & deteriorationem, & magnam impensam. Quod si usufructuarius ultra id quod sibi permissum est, inciderit, tenebitur & ob culpam damnum resarcire, etiam si vel immodicè expendat ob eam causam; neque enim abuti rebus debuit, uti certe potuit.

Mutare quoque formam rei usufructuarius non potest; neque enim ex vinea efficiet pratum, nec destructis adibus columbarium, nec ex sylva hortum, nec rursus ex horto salictum, aut viridaria, l. æquissimum, ff. de usufructu. Fructuarius, inquit Iulianus, *causam proprietatis deteriore facere non debet, meliorem facere potest*. Et aut fundi est usufructus legatus, aut alterius rei: & si quidem fundi usufructus legatus est, non debet neque arbores frugiferas excidere, nec villam diruere, nec quicquam facere in perniciem proprietatis; & si fortè voluptarium fuit prædium, viridaria, & gestationes, & deambulationes arboribus infructuosis opacas atque amœnas habens, non debet delicere, ut fortè hortos olitorios faciat, vel aliud quid, quod ad redditum spectet. Et Iureconsultus loquitur de fundo & eius usufructu, fundus autem continet omnem agrum, & ædificium, leg. fundi appellatione, ff. de verborum & rerum significatione. Quid autem habere debeat fundus, explicat eleganter, ut solet, Marcus Cato de re rustica, cap. 2. ad finem. Prædium quod primum fiet, *Firme rogabis*, inquit ille: *sic dicam. De omnibus agris, optimoque loco, si emeris agri ingera centum, vinea est prima, si vino multo fiet: secundo loco horius irriguus, tertio salictum, quarto oletum, quinto pratum, sexto campus frumentarius, septimo sylva cædua, octavo arbutum, nono glandiaria sylva*. Hæc Cato; in quo quod attinet ad pratum, reprehenditur à Columella, cui primum locum tribuit inter agros omnes, existimatque à veteribus pratum fuisse dictum quasi paratum, quod paratas habeat opes. Hæc igitur sunt partes fundi, has non obscurè Iureconsultus significavit in dict. l. fundi nomine, dum ait fundi nomine omnem agrum contineri. Igitur in hoc fundo unusquisque ager continebit suam formam, nihilque mutabitur, neque hortus in vineam, neque vinea in pratum, neque rursus pratum in campum frumentarium, nec ipse in salictum, aut oletum: utique frui potest fructuarius, mutare verò quic-

- quam non potest. Neque nouum faciet lex *usufructuarius*, la 1. ff. de usufruct. [Usufructuarius, inquit Neratius, nouum tectorium parietibus, qui rudes fuissent, imponere non potest, quia tamen si meliorem excolendo ædificium domini causam facturum esset, non tamen id iure suo facere potest; aliudque est tueri quod accepit, aliud nouum facere.] Quæ fuerint ista tectoria, satis explicat Vitruuius *lib. 7. cap. 2.* Fiunt autem plerumque aut gypso, aut pura calce; & quoddam tectorium sit, dicitur opus albarium, aut arenatum, aliquando marmoreum à marmore, & vocantur artifices tectoriorum albarij, non albinij, ex quo restitutum est litera in l. 2. *Cod. de excusatione artificum*, ubi pro albarijs, albinos posuit Typographus. Ita restituit Philander Gallus *dict. lib. 7. cap. 2. ad Vitruuium.*
- 42 Ideoque non potest fructuarius nouum opus facere, vt nec perficere inchoatum opus possit, l. usufructuarius, 68. ff. de usufructu. *Ædificium inchoatum*, inquit Neratius, *fructuarium consummare non posse placet, etiamsi eo loco aliter vi non potest.* Ratio eius decisionis ea est, quia usufructus mutatam formam rei consistere non potest, ex his quæ superius diximus, & ita sentiunt glossæ. Albericus, Angelus, & Fulgosius in *dict. l. usufructuarius* 68. & Angelus Aretinus in §. *final. ad finem, Institutis de usufructu*; & est vera ratio quam defendit Pinellus *ubi supra*, contra Curtium in l. 2. ff. de iurisdiction. omnium iudicum, num. 59. & contra Corrasium *lib. 1. Miscellaneorum, cap. 6.* omnia enim necessaria, vt fructuarius vtatur fruatur, videri poterunt concessa, sine quibus usufructus constare sibi non posset; idque ita accipiendum est, dum tamen formam rei fruendæ non mutet; atque in hunc sensum sunt accipienda iura aliquot, l. 1. §. usufructus, ff. si usufructus petatur, l. Diuus, ff. de usu & habitac. ubi intelligimus non esse mutatam formam rerum; & hæc ratio anceps est, ipsumque proprietarium comprehendit; neuter enim in alterius damnum & præiudicium potest mutare formam rei, quæ fruenda conceditur,
- 43 l. fin. ff. de usu & habitatione, dict. l. æquissimum, §. inde Nerua, versic. quod Labeo, ff. de usufruct. ibi: *Quod Labeo etiam in proprietatis domino scribit.*
- 44 Ex quibus omnibus singularis est decisio textus in dict. l. æquissimum, §. Proinde, versic. & si fortè; cuius verba quoniam difficilia ex his sunt, addere liber. *Et si fortè in hoc quod instituit, plus redditus sit, quam in vineis, vel arbustis, vel oliuetis, quæ fuerunt, forsitan hæc deicere poterit; siquidem ei perimititur meliorare proprietatem.* Quæ verba sunt Iuliani: at verò lauolenus idem argumentum tractauit in l. final. ff. de fundo dotali, & in l. diuortio, §. si vir, ff. solut. matrimon. Sed abstinuit ab hac vitium expulsionem, & extirpationem, neque illarum argumentum ad usufructuarium pertinet, quantum ad hoc quod tractemus, an scilicet fructuarius vites eiicere, extirpareque possit, vt lapidicinas instituat: quod quidem Iulianus contra Iureconsultos reliquos fatetur, idque apertè; vnde responsum illud Iuliani difficile est, quo vno videantur reliqua iura labefactari, quæ de non mutanda forma prædij constituta sunt, plura numero, & autoritate forsitan superiora. Accursus ibi verbum eiicere, variè soluit; illa verò solutio, si quam diluere difficultatem poterit, placebit, quod paterfamilias, qui vsumfructum concessit & reliquit, lapidicinas illas instituerat; quod si obiciat, neque inchoatum quidem opus potuisse usufructua-



rium perficere ; respondet Accursius , ex voluntate domini , qui eas institue-  
rat, fuisse perfectas , & vites eiectas , & extirpatas. Adiunant verba Iurecon-  
sulti ibi , *vel quas paterfamilias instituit* ; & rursus quæ sequuntur verba ; *&*  
*si forte in eo quod instituit* ; vt hæc verba referantur ad patremfamilias , vt ex  
voluntate ipsius videri possint vites extirpatæ & depulsæ , quasi id omnino  
facturus esset , secutus patrisfamilias voluntatem ; vnde nec morte eius exi-  
stimamus peremptam voluntatem , quasi permanentem in hærede , qui ex vo-  
luntate patrisfamilias , qui lapidicinas instituerat , omnino fuisset extirpatu-  
rus vites , & instituturus eas lapidicinas. Quod si Accursij displiceat sensus ,  
difficilè lex interpretari poterit , propter formam mutatam agri.

Alias etiam expensas facit fructuarius ratione fructuum , quibus vitur &  
fruitur ; tributa enim & onera rerum , reliquaque grauamina subit ; & ex hoc  
capite immodicam quoque facit impensam , quod tradit Pinellus *dict. l. 1. par-*  
*te 2. num. 72.* & post eum Aluarus Vazquez , vt solet latissimè & optimè , *qua-*  
*stione iuris emphyteutici 17.* & post hos Ludouicus Molina *de primogeniis His-*  
*panorum lib. 1. c. p. 27. num. 8.*

In quo iuris indubitata regula est , vt qui fructus percipit , omnia hæc one-  
ra subeat , sequuntur enim fructus , à quibus expensæ hæc pendent , Matthæus  
de Afflictis *in constitutionibus Neapolitan. lib. 1. rubrica 97. §. vltimo, num. 5.*  
Chassaneus *in consuetudinibus Burgundia, rubrica 4. §. 6. Gigas de pensionibus*  
*quest. 38. & quest. 43.* Baldus , Angel. & alij *in l. hætenus* , sæpius allegata ,  
Auendañus *de exequendis mandatis Reg. Hispania, lib. 2. cap. 14.* Orosius *in*  
*linter debitorem, ff. de pactis.* Pinellus , Aluarus Vazquez , & Molina *vbi*  
*suprà.*

Quod adeò verum est , vt pro rata teneatur ad tributa & onera realia , &  
ad alia omnia quæ præstantur ratione rei , quicumque fructuum aliquam par-  
tem percipit ; namque pro ea parte oneris quoque & tributi subibit grauamen ,  
Matthæus de Afflict. *in §. præterea ducatus, lib. 3. feudorum, tit. de prohibita feudi*  
*alienatione per Federicum, num. 53.* item *decisione 252. num. 2.* quod descendit  
ex ea ratione , quia hæc onera fructus sequuntur. Præterea non solum perti-  
net ad eos , qui fructus percipiunt , solutio onerum & tributorum , quæ con-  
sueuerunt solui ante vsumfructum constitutum , sed & de nouis impositis : tex-  
tus *in l. quæro, ff. de usufructu legat.* Afflictis *in dict. §. præterea ducatus, num. 57.*  
& Bart. *in dict. l. quæro* , facit lex *seruius, ff. de seruitutibus urbanorum pradio-*  
*rum* , Pinellus *vbi suprà* , Aluarus Vazquez quoque *num. 5.* qui optimè respon-  
det *ad l. Scio, §. medico, ff. de annuis legatis* : vide apud eum.

Quod si fructuarius emerit vsumfructum , vel ex causa onerosa contingat ,  
vt quia in dotem acceperit fructus beneficij decennio , triennio , vel quinquen-  
nio percipiendos , nil interest , vel emeris vnâ summâ , vel in solum acciperis .  
Itaque si contingat ex causa onerosa , is minimè teneretur ad onera extraordi-  
naria , quæ minimè consueuissent exigi , & fieret deductio pretij pro ratione  
deductorum fructuum ; namque dicta lex *quæro* , loquitur in legatario , & ita in  
causa lucratia , & ad hunc sensum intelligenda est dicta lex *hætenus* , cum si-  
milibus ; expensæ enim minuunt valorem fructuum , vt per Alexand. Iasonem ,  
& Imolam , quos ad hoc adducit Pinellus *vbi suprà, num. 72. versiculo ex quo à*  
*paritate*

*paritate rationis* ; ea enim natura est fructuum , ut semper expensas excipiant : neque enim dicitur fructus , nisi qui superest deductis expensis , quare in his extraordinariis tributis usufructuarius ex causa onerosa , quoniam non tenetur , si ex hac causa expenderit , id recuperabit tanto minus soluendo.

- 50 Et quamvis verissimum sit dependere solutionem onerum & tributorum à fructibus , in usufructuario illud recipimus , ut ad onera præterita minimè teneatur , neque ad decursas pensationes , quæ tempore domini debita , solutæ tamen non sunt. Faciebat in hoc difficultatem decisio textus cum glossa in l. *Imperatores*, ff. de publicanis & vectigalibus, ibi: *Ipsa prædia, non personas conveniri*. Et ibi: *Ideo possessores etiam præteriti temporis vectigal soluere debere*. Paulus, & melius decisio Marth. de Afflict. 95. textus in l. 3. §. fin. ff. de censibus, ibi: *Ob tributa præteriti temporis*. Ex quibus Pinellus securè in usufructuario id recipiebat, ut ad onera præteriti temporis teneretur, idque d. num. 72. versic. nonò ampliatur. Quod tamen sanè intelligendum erat , ut scilicet conveniri cum effectu posset ; at verò exacta ab ipso onera & tributa ab hæredibus proprietarij recuperari possint. Ita tenebant, retenta opinione Pinelli, glossa & Scribentes in d. l. *Imperatores* , & Alvarus Vasquez d. q. 17. num. 22. Qui tamen in usufructuario circa præterita onera, & tributa & impensas huiusmodi , existimat fructuarius posse conveniri propter hypothecam , utpote rei obligatæ possessorem : fructuarius enim naturaliter rem possidet, quâ fruitur & utitur, Tiraquel. in tract. de morte , 3. part. declaratione 1. num. 4. dominus D. Couarr. doctissimus in regula possessor, 2. part. in principio, num. 5. glossa ibi & Iason. & reliqui in l. naturaliter, ff. de acquirend. possessione. Igitur ait Alvarus Vasquez posse conveniri fructuarium quasi possessorem ob hypothecam , quasi denegata hypotheca , aut prætermittenda necessaria excussione , contrarium fuisset dicturus , idque dict. q. 17. num. 23. Constat enim prædia, ipsasque res pro his oneribus & tributis , in his ipsis rebus repertis obligatas esse , & infectas esse quibusdam tacitis obligationibus ; nam de expressis , quo modo inducantur pro his tributis annuis , diximus suprâ c. 4. num. 30. cùm de expensis egimus , quæ circa alimenta contingunt : de hac autem obligatione vide Antonium de Fano de pignoribus 2. part. membro 4. num. 125. Iason & ante eum Paulus in l. idem Iulianus , §. hæres igitur, ff. de legat. 1. Alvarus Vasquius dict. quest. 17. n. 20. & 21. l. 25. tit. 13. part. 5. ubi Gregorius Lopez. Itaque censet Alvarus Vasquius ex hac hypotheca conveniri posse usufructuarium tanquam rei naturalem possessorem, Chassâneus autem in consuetudinib. Burg. rubrica 4. §. 6. num. 4. & eum securus Auendañus de exequendis mandatis Regum Hispan. cap. 14. num. 15. tenent fructuarium omnino non teneri de præteritis , cum gloss. vers. Solarium, in dict. l. idem Iulianus , §. hæres, ff. de legatis 1. quæ non habet reprehensorem : & licet ita videbatur dicendum cum gloss. suprâ allegata ; tamen ea difficilis est , propter dispositionem dictæ legis *Imperatores*. Illud certum est , & citra dubium , quod si fructuarius conventus tributa præterita soluat , magis enim est , ut de ipsis possit conveniri tanquam possessor naturalis rei pro eisdem obligatæ ; aduersus hæredes defuncti , cuius tempore cœperunt deberi , recursum habeat , saluūque sibi & integrum ius remaneat , ut à se exactum recuperare ab



ab eis possit. Quod quidem generale est in omni possessore rei, quæ sine certo auctore obligata est ad tributa, ut si præterita & decursa soluerit onera, conseruet nihilominus sibi ab eo, & eius hæredibus, qui debere cœpit: iuxta quem sensum exponitur opportunè textus *in dict. l. idem Iulianus, §. hæres, ff. de legat. 1.* cum glossa ibi & communi, ut ibi hæres teneatur ad onera præterita in effectu, quia fiscus primò exigit à legatario possessore, & demùm legatarius ab hærede. Ita interpretantur Alberic. Bart. Imol. Paul. Alexand. & Iason ibi, Tiraquellus *primo retractu, §. 6. gloss. 1. num. 7.* quod recipiendum est in omni eo qui ad præteritas pensitationes & decursa tributa conuenit, ut solutum ex hac causa, recuperare possit ab eo, seu eius hæredibus, qui debere cœpit; unde nouus possessor beneficij, qui iura Episcopalia, vel pensiones decursas præteriti temporis soluit, propter quæ, utpote possessor, conueniri potest, secundum Cardinalem *in Clement. 1. de censibus, quæst. 11.* ab hæredibus mortui id recuperabit.

Item & possessor prædij, qui decimas prædiales præteriti temporis soluit conuentus, iuxta glossam *in cap. tua nobis, cap. pastoralis, ad finem, de decimis,* & quæ tradit Federicus de Senis *consil. 81.* & defendit contra Chassaneum *in consuetudinibus Burgund. rubrica 4. §. 6. num. 5. versiculo, & supporter,* Aluarus Vazquez *d. quæst. 18. num. 8.* hic quoque solutas à se decimas, ab antecessore verò debitas, hoc quem diximus modo, recuperabit.

Quin & nouus successor in beneficio decursas pensiones soluens, pro quibus conueniri posse certum est, Gigas *de pensionibus quæst. 43.* Philipus Francus *in capit. fin. §. fin. num. 4. de officio ordinarij lib. 6.* Ioannes Baptista Caccialupus *in eodem tractatu de pensionibus, quæst. 11.* eadem item recuperabit, ex glossa *in d. §. hæres,* & communi interpretatione. Idem exigit ratio, ut quamuis possessores conueniantur, exactas ab illis pensiones recuperent, qui verè earundem erant debitores, propter prædia quæ possederunt tributaria, & obligata propter pensiones, onera & tributa; & qui fructus, ex quibus omnino deducenda fuissent, perceperint, ex ratione dictæ legis *Imperatores,* easdem luunt.

Idque obtinuit etiam si inter usufructuarium & possessorem rei, prædij, fundi, vel beneficij ( nihil interest, ) pro quo, aut ex fructibus cuius pensio soluitur, vel tributum, pactum & conuentum sit, ne possessor omnino teneatur pro tributis & pensionibus; non enim valet hæc pactio, ut fiscum amouere possit à petitione tributi debiti contra rei possessorem, qui nihilominus ac si pactio illa nunquam intercessisset, conuenitur, & tributa soluit, *l. penultima & ultima, C. sine censu vel reliquiis fund. compar. non poss.* id enim sonant verba illa, *sine reliquiis,* id est sine obligatione soluendi reliquum, quod ex censu debeat. Ita exponit Rebuffus *ad constitutiones regias, tract. de constit. reddit. art. 1. gloss. 15.* Orosius *in l. inter debitorem, ff. de pactis,* ubi bonus textus, Antonius de Fano *de pignoribus 7. parte, membro 3. num. 9.* Quod quidem ita accipiendum est, ut hæc pacta non valeant in præiudicium fisci, qui nihil istiusmodi pactionibus constringitur. Cæterum, quantum attinet ad concedentem usufructum, si voluit usufructuarium immunem ab his oneribus & tributis, ad hæredem ipsius pertinebunt, etiam si à fructuario soluta sint:

tenet Oroscius *ubi supra*, & post eum Aluarus Vazquez *dicta questio. 17. numero 14.*

56 Quin & illud obseruandum est, non solum teneri fructuarium onera, & tributa realia, quæ insunt rebus, soluere, propter fructus ab eo perceptos, quos illa sequantur, quocumque vadant; sed etiam tenebitur soluere collectas: collecta namque etiam si imponatur primò & principaliter personis, imponitur tamen pro bonis, & ad rationem fructuum, & reddituum; neque enim istæ collectæ insunt rebus, sicuti tributa & onera alia realia; sed personam quærunt, pro modo tamen rei; fructus & reditus. Bartol. *in dict. l. quæro, ff. de usufructu legato.* Baldus, & Ang. *in dict. l. hactenus*, sapius allegata, Romanus & alij *in dict. l. Imperatores*, Petrus Vbaldus *in tractatu de collectis*, Afflictis *in feudis quæ sunt regalia, §. plaustorum, num. 40.* Licet enim differant in aliquibus tributa à collectis, vt per Barth. & Plateam *in l. 1. Cod. de annonis, lib. 10.* & Alexand. *conf. 78. lib. 6. & consil. 3. lib. 4.* & Baldus *in l. fin. ex num. 3. & Salicetus num. 5. cap. sine censu vel reliquiis*, & alios quos refert Aluar. Vazq. *dict. quest. 17. num. 8.* & alios retulerat Pinel. *d. num. 72. ampliatione 10. ad finem*, qui ambo reprobant Rebuffum *in dict. l. 1. Cod. de annonis, lib. 10.* qui existimabat collectam esse diuidendam inter dominum & eum qui fructus lucrabatur, contra iuris veram & fundatam rationem, quâ receptum est ex fructibus deducenda esse hæc ipsa onera; cum enim collecta licet principaliter imponatur personis, soluatur ratione bonorum, & pro modo reddituum & fructuum, quos quis ex bonis percipit, necesse est vt qui fructus percipit bonorum, collectas quoque subeat sicuti & tributa; quod si partem fructuum, pro rata quoque onus istud sentiet.

57 Quod si fructuarius pensionem soluit, pensionarius item pro rata suæ pensionis collectas soluat; & ita vnusquisque secundum emolumentum fructus. Simile in emphyteuta, & domino qui canonem percipit, notant Afflictis *dict. §. plaustorum, num. 36.* Lucas de Peña *in l. vna, Cod. de imponend. lucrat. descriptione, lib. 10.* idem *in l. fin. Cod. de fundis limit. lib. 11.* Alexand. *in l. vbi pure, ff. ad Trebellian. & in l. quories, ff. ad legem Falcidianam*, Iason *in l. non amplius, ff. de legat. 1.* dominus proprietarius pro rata pensionis collectam soluet, *argumento l. si quos, Cod. de rescindend. vendit. l. 2. Cod. de pradiis nauicul. lib. 11.* Platea *in l. 1. Cod. de cens. & censit.* Aluar. Vazquez *dict. num. 8.* quod est quotidianum & vtile ad multa.

58 Ex qua resolutione inferas ad pensionarium & beneficiatum, vt teneatur vterque ad decimas Papæ, & charitatiua subsidia pro rata fructuum; pensionarius autem pro rata pensionis, Caccialupus *ubi supra, quest. 17. Gigas questio. 38. 39. & 40.* Rebuffus *de pacificis possessoribus, num. 20.* Chassaneus *in consuetudinibus Burg. rubrica 3. §. 6. num. 7.* Tiraquellus *de primogeniis, quest. 75. num. 10.* Quod notandum est ad nouam collectam del Dezimero, concessam Philippo Regi nostro potentissimo, vt pensionarij quoque detrimentum patiantur, & diminutionem. Ex hac regula ex eo fit, vt quotidie videamus pensiones concessas immunes, liberas, & exemptas ab omni decima, onere, & tributo, & collecta etiam nouiter imponenda. Quod est notandum pro his, qui partes fructus percipiunt, vulgò sui curas, vnâ cum Rectoribus, de quibus



bus *suprà*, *cap. 9. ad fin.* eginus; omnes enim pro rata tenentur, ex portione fructuum quos percipiunt, ad has quoque collectas.

Illud præterea in hoc addendum est, quod etiam si hæc omnia vera sint, & secundum iuris rationem; tamen si aliter se habeat præscripta legitimè consuetudo, quod attinet ad tributa & onera realia, ut scilicet domini prædiorum, non usufructuarius, beneficiati, non item hi qui partem fructuum sine cura animarum percipiunt, vel emphyteutæ, non directus dominus soluant hæc tributa & onera, consuetudo hæc inueterata seruanda est; plurimum enim valet in solutione onerum & tributorum: *glos. & Ioannes de Platea in l. 1. Cod. de annonis & tributis, lib. 10. l. litibus, §. hac de redditibus, Cod. de agricol. & censit. lib. 11. l. Celsus, ff. de probat. Auendañus lib. 2. de exeq. mandat. Reg. Hisp. cap. 14. num. 19. & 21. Dec. consil. 285. num. 2. Bald. consil. 365. lib. 3.*

Ultimò, quod hoc casu, quo usufructuarius soluit collectas, ratione fructuum habetur consideratio fructuum integrè, id est non deductis expensis in colligendis, conseruandis, & conferendis fructibus, idque ratione publicæ utilitatis, quod tradit *Auend. dist. cap. 14. num. 15. Matthæus de Afflict. decis. 252.* tradit etiam *Aluarus Vazq. ubi suprà*, qui ab eis decedit, & meritò; ego enim eam sententiam reciperem nunquam; nullus enim casus est, qui hoc genus deductionis impediatur, ut diximus *cap. 1. suprà*: id rationi maximè quadrat; quæ enim utilitas Reipublicæ persuadere potest, ut quæ iuris constitutio in cæteris iuris partibus locum habet, aduersus Rempubicam in odiosis tributis non habeat? an respublica extorquebat à me cum fructibus laborem, impensam, & substantiam meam? Nulla ratio id suadet; fructus enim non solum percepti, & à solo separati, in qua specie nulla dubitatio est, intelliguntur deductis impensis huiusmodi, sed & pendentes, & solo affixi, hanc diminutionem impensarum sentiunt: unde cum hoc iuris sit, ut quocumque tempore fructuarius moriatur, omnes quos percepit fructus, ipsius hæredi relinquantur, reliqui verò, & pendentes, & stantes ad proprietarium pertineant, *§. is ad quem, Institutis de rerum diuisione, l. in singulos, ff. de annis legatis, ubi fructuarius, inquit lex, etiam si maturis fructibus, nondum tamen perceptis decesserit, hæredi suo eos fructus non relinquit, l. si fructuarius, 13. ff. quibus modis usufructus amittat. l. qui scit 25. §. primo, ff. de usuris, l. arboribus 12. §. 5. ff. de usufructu*: atque par ratio est in contrariam partem; vicissim enim & fructus pendentes in agro tempore inchoati usufructus ad usufructuarium pertinent, *l. si pendentes 27. l. si usufructus, 35. ff. de usufructu*. Vtrotque autem casu æquum est, ut siue maturis fructibus decedat fructuarius, has impensas proprietarius; si verò proprietarius, & tunc usufructuarius repender, quas vterque fecerit dum arant, stercorant, serunt, & omnem culturam suo labore, & opera adhibent; semper enim fructus intelliguntur deductis his impensis, ut diximus, *l. fructus, ff. solut. matrim. l. 1. Cod. de fructibus & litium expensis, l. fundus, ff. famil. hercis. l. quod in fructib. ff. de usur*. Atque illud quod diximus de fructibus sanè intelligendum est, si fructuarius per se agros colat; nam si colonis pro pensione colendos dederit, tunc de pensione alia ratio est; diuiditur enim inter dominum & hæredes fructuarij, *l. si operas 26. & l. defuncta, § 8. de usufructu*. *Franciscus Hothomanus lib. 2. feudorum, hic finitur*

lex, §. his consequenter, & latius & melius D. Didac. Couarr. *variarum lib. 1. cap. 15. per totum.*

61

Et quamvis recepta sententia intelligat fructuarium debere soluere onera, & tributa rei, ita tamen, ne solutis oneribus legatum ususfructus maneat sine utilitate, quasi dicat non teneri fructuarium soluere hæc onera, si iis solutis nihil sibi ususfructus reliquum esset, & ita legatum remaneret sine utilitate, idque cum glossa in *l. si pendentes*, §. *si quid*, verbo *pertinebunt*, ff. de *usufructu*. Cynus relatus à Bart. in *l. penultima*, §. *fin.* ff. de *legat. 3.* Cynus relatus ab Alex. in *l. apud Iulianum*, §. *si quis*, in *fin.* ff. de *leg. 1.* Molineus in *consuetudinibus Parisiensibus*, §. 22. gl. 1. num. 16. allegant legem *qui concubinam*, §. *qui hortos*, ff. de *legatis 3.* sed verè ille textus nihil facit ad hanc quæstionem, nec ibi agitur de onere aliquo aut tributo. Legauit ibi testator fructus hortorum, quos ad quinquennium conduxerat à populo Romano. Respondet in ea specie Iureconsultus, teneri hæredem soluere mercedem populo Romano conductionis, ne legatum fiat inutile, legatario soluente mercedem de tributo aut onere: nec temerè, nec immeritò dubitauit Alexand. in *dict.* §. *si quis*, & contra communem tenuit Angelus in *l. eum ad quem*, in *fin.* Cod. de *usufructu*. & ita contra communem concludit Pinellus, & meritò, *dict.* num. 72. *limitat.* 7. vbi ad propositum alia adducit.

62

Sæpe etiam contingit, vt fructuarius diminutionem sentiat ex usufructu, quia sæpè res, in quibus habiturus erat vsumfructum, ad æris alieni solutionem subtrahuntur, vnde ususfructus quoque diminuitur: quæ inuestigatio eò pertinet, an usufructuarius teneatur ad æris alieni solutionem, & pertinet ad *l. final.* ff. de *usufructu leg.* quem textum explicat Dominus Didacus Couarr. per sex conclusiones, *variarum lib. 2. cap. 2.* Ludouicus quoque Molina explicat materiam *lib. 1. cap. 10.* ferè per totum. Summam attingemus, & in primis iure communi illud expeditum est, vt fructuarius certæ rei nihil nomine æris alieni expendat, *dict.* *l. final.* ff. de *usufructu legato*, ibi: *At si certarum rerum usufructus legatus erit, non idem obseruabitur, immò nec actiones actiua vel passiuæ transseunt in fructuarium, quia actio personalis non sequitur singularem successorem*, *l. fin.* ff. de *contrahend. emptione*, *l. 1.* §. *si hæres percepto*, ff. ad *Trebellianum*. Itaque in hac specie non solum non est actio contra fructuarium, verum nec deductio aliqua debiti: rursus nec in fructuario quotæ partis hæreditatis est æris alieni deductio, *l. si quis seruum*, §. *fin.* ff. de *leg. 2.* quia hæreditas intelligitur deducto ære alieno; & ita subtiliter cui pars quota hæreditatis relinquatur, æs alienum soluit pro rata portionis; & actiones actiua & passiuæ transseunt in eum cui pars hæreditatis relinquatur, licèt hæreditatis partem intelligamus deducto ære alieno. Bart. in *dict.* §. *fin.* *l. si quis seruum*, Paulus & Raphael Cumanus. Idem obseruandum est, si ususfructus pars bonorum relinquatur, quia tunc debita & onera deducuntur, *l. generali*, §. *fin.* ff. de *usufructu legat.* *Vsumfructum tertia partis*, inquit Scæuola, *bonorum suorum vni ex hæredibus legauerat ibi: an eximenda sint ex quantitate, vt reliqua duntaxat pecunia, si hoc elegerit hæres, reddi debeat?* Respondi *reliqua pecunie tertiam præstandam.* In hoc autem casu vbi quota bonorum requiritur vt æs alienum solua-

qua



que ex manu dat legatario. Peralta post Paulum in dict. §. final. l. si quis seruum, Rodericus Suarez in l. quoniam in prioribus, 7. ampli. num. 12. & 13. Dominus Didac. Couarr. ubi supra, Molina ubi supra, num. 8. Quod si relinquatur usufructus omnium bonorum, vel totius hereditatis, tunc est locus decisioni dictæ legis finalis, ff. de usufructu legat. & legatarius omnium bonorum, vel totius hereditatis, quem rectius heredem vocabis, tenetur & conuenitur ob debita: idem Dominus Didacus Couarr. & Molina ubi supra, & Petrus Peralta in l. 3. §. qui fideicommissio, num. 106. ff. de heredibus instituend. & hæc iure communi statuta sunt. Vide etiam Guillelmum Benedictum in cap. Raynuitius, de testamentis, verbo, & cetera bona, num. 43. ut si fructuarius præueniat heredem soluendo, retineat res pro debitis, quousque sibi satisfiat: & Bart. in dict. l. fin. ff. de usufructu legat; quæ addenda sunt ad Antonium Gomefium de Contractibus tom. 2. cap. 15. num. 7.

Nunc de lege 21. Tauri agendum est, in cuius explicatione mirè variant nostri Hispani Interpretes, an scilicet corrigat ius commune quod diximus, scilicet an melioratus in tertium & quintum bonorum, possit conueniri pro rata æris alieni, ex dispositione illius legis; constabat enim ex superius adductis, eum cui pars quota bonorum relinqueretur, non teneri actiue, nec passiuè ad debitorum solutionem, sed deberi ab heredem peti, qui deducturus videretur ex bonis, ex dict. l. generali, §. fin. ff. de usufructu legat. At verò in legato aut prælegato rei certæ, nihil neque ab heredem deducebatur nomine æris alieni, neque quicquam soluere tenebatur legatarius rei certæ, neque ea de re conueniri poterat, nec hæres pro rata item rei illius, etiamsi pretiosa esset, quicquam deducturus erat nomine æris alieni: hoc in utroque casu videbatur correctum dict. l. 21. ut melioratus in parte quota bonorum, scilicet in tertio & quinto, teneretur, & conueniri posset ob æs alienum, pro rata tamen, omisso heredem, ibi: *Sean obligados los tales meiorados a los pagar por rata de la dicha meioria, como si fuesen herederos en la dicha meioria de tertio y quinto.* Tum etiam ut ex prælegato certæ rei deduceretur æs alienum pro rata, atque ob eam rem conueniri posset legatarius, aut melioratus, ibi: *Lo qual mandamos que se entienda, ora la dicha meioria sea en cosa cierta, o en cierta parte de bienes.* Et in hoc plures ex nostris existimant legem nostram correxisse ius commune, secundum Dominum Didacum Couarr. variarum lib. 2. capit. 2. num. 2. Rodericus Suarez in l. quoniam in prioribus, 7. extensione, num. 8. idem & liberius Cifuentes, Palacios Rubios, Tellus Fernandez, Gregorius Lopez in l. 2. titul. 9. partida 6. in gloss. verbo, *La manda*: in altero casu dicit concordare cum iure communi, in altero ait esse correctoriam: Petrus Peralta conatur ipsam ad ius commune adducere in l. 3. §. qui fideicommissam, num. 142. ff. de heredibus instituend. & in l. si quis seruum, §. fin. ff. de legat. 2. Ludouicus Molina ubi supra, ait omnes, qui hucusque de ea lege scripserunt, aut errare, aut æquiuocè locutos fuisse: & primum intelligit totam legem in tota sua dispositione, ut loquatur in prælegato partis quotæ bonorum, scilicet in melioratione tertiæ & quintæ partis bonorum, aut saltem in tertia, vel quinta; nusquam verò agere prædictam legem de prælegato in certa re: & verba illa, *Lo qual mandamos, que se entienda, ora la dicha meioria sea en cosa cierta*, in-

telligit, scilicet de melioratione tertij & quinti in re certa, de qua loquebatur in principio legis; & ita tenet lapsos fuisse qui intelligunt esse deducenda debita ex prælegato rei certæ, nec correctum in hoc censet ius commune. Vnde si pater prælegauerit filio fundum Seianum, censet ex eo fundo non esse deducendum æs alienum pro rata, & incorrectum esse ius commune; & hunc casum expellit à dispositione dictæ legis 21. quasi de eo nihil actum sit.

In altero verò casu, scilicet in prælegato tertij, aut quinti bonorum, de quo intelligit prædictam legem, censet etiam incorrectum ius commune, vt melioratus non sit conueniendus, sed hæres. Ponderat textum qui dicit, tempore diuisionis bonorum esse deducendum æs alienum: quod si appareat æs alienum post diuisionem, tunc in effectu teneri melioratum ait; quasi dicat prius conueniendum hæredem, tum demùm melioratus tenebitur hæredi: hic ferè sensus est, acutus sanè, nescio tamen an æquè utilis, & ex eiusdem legis ratione mihi neque probatur, neque reprobat: legum nostrarum semper publicam utilitatem quærere sum solitus, propter quam editæ videri possunt; illum enim circuitum, vt hæres conueniatur, tum ab hærede melioratus, non probō: verba etiam illa, *Sean obligados à las pagar, como si fuesen herederos*, fortiora sunt omni solutione.

Præterea illa lex in eo est noua & elegantissima, quod filius qui patris hæreditatem repudiavit, contentus prælegato tertij, aut quinti, debita paterna soluat ex prælegato, contra ius expressum in l. 1. C. si certum petatur; cum enim possit quis prælegatum acceptare repudiata hæreditate, l. qui filiabus, §. si ff. de leg. 1. l. 2. tit. 9. partita 6. cumque melioratio tertij & quinti inter filios prælegatum sit, argumentol. non amplius, §. cum bonorum, ff. de legatis primo, l. quoties, C. famil. eriscund. & dict. l. 21. cumque debita ex hæreditate integrè deducantur, non ex prælegato, dict. l. 1. C. si certum petatur, qui est textus expressus, profectò dicta lex 21. in eo est singularis, vt debita ex prælegato deducantur: & ita videbatur ex ea correctà dicta lex 1. Cod. si certum petatur.

Sed reuera ego existimo dictam legem 1. C. si certum petatur, non esse correctam ex dict. l. 21. namque prædicta lex 1. loquitur in eo qui hæreditatem acceptauit, vt hic pro prælegato nihil debitorum soluat, ibi, *tu, & frater cohæres tuus*; & ibi, *pro portionibus hereditariis*: at verò dicta lex 21. procedit in eo, qui repudiavit hæreditatem paternam, qui dolo facere videtur, accepto lucro, & reiecto ære alieno ad fratres: in quem iuxta veram rationem legis 1. ff. si quis omiſsa causa testamenti, iuste fuit dicta lege 21. constitutum, vt ad debita pro rata teneatur, secus forſan erat dicendum, si hæreditatem acceptasset, ex d. l. 1. C. si certum petat. quo casu dicta lege 21. nihil disponitur; vnde ex hac ratione existimo D. Didaci Couarr. declarationem verissimam, ex ratione dictæ legis 21. quæ versatur in melioratione rei certæ & partis bonorum: & cum filius lucrum captans, relinquat hæreditatem onustam ære alieno, meritò tunc ex prælegato debita quoque deducuntur, & ipse tenetur, & conuenitur.

64 Ille autem fructuarius, quoniam res omnino finito vſufructu restituendæ sunt, vt d. §. finiur, tenetur à principio inuentarium singularum rerum conscribere, & potest ad id compelli, cum teneatur ad rationem, curam, & diligentiam,



gentiam, exactè descripta qualitate & quantitate rerum fruendarum, ut melius damnum vel melioratio finito usufructu cognosci possit, l. 1. §. rectè, ff. usufructus quemadmodum caneatur. quem textum licet glossa verb. fauent, intelligat de consilio, intelligendum est omninò compelli posse, Ang. in §. constituuntur, Instit. de usufructu, Rebuff. ad constit. Gallia, tom. 1. tract. de sentent. tit. 13. gloss. 3. num. 8. Iacobinus à sancto Georgio in l. fin. §. 1. C. de iure deliberand. 65  
Marth. de Afflict. decisio. 342. quod etiam in patre legitimo administratore bonorum filij recipit, & tenendum censet Pinellus dict. l. 1. 2. parte, num. 13. nec distinguimus inter descriptionem rerum, vel inuentarium, dummodo constet, quid, quantumque ad patrem peruenit; in hoc enim idem existimamus inuentarium & descriptionem, licet distinguant Boërius decis. 61. num. 7. Guido Papæ decis. 351. Bertrand. conf. 243. lib. 1. num. 6. Cuman. conf. 88.

Quod quidem non solum habet locum in fructuariis, sed & in beneficiatis, 66  
quos nonnulli valetudinarios vsuariis, prospera verò valetudine fructuariis similes esse existimant, glossa in cap. presenti, de officio ordinarij in 6. Barbatia in cap. requisisti, de testamentis, num. 34. vidè Abbatem in cap. cum esses, de testamentis. In quo tamen an sint vsuariis, an verò fructuariis similes, miserè variant Scribentes, cum verius sit, nec esse illis, neque his similes; sed habere dispositionem fructuum beneficiorum taxatam & limitatam à iure, non verò liberam; alibi enim disponere possunt, & habent suas distributiones liberas; alibi verò non; quia taxatum & limitatum est eis dominium fructuum. Ut non sint vsuarij, facit titulus & ius quod habent in re, & fructuum perceptio, & distributio; item administratio instar dominij. Ut non sint fructuarij, facit quod de fructibus ipsis liberè disponere non possunt, nisi certis casibus à iure expressis, quos omnes vide apud Dominum Couarruias in cap. cum in officiis, num. 2. & 3. de Testamentis; idque magis recipiendum est in Episcopis, per ea quæ notat Couarruias in cap. 1. eodem, per totum. Cum igitur in his quædam ratio, quæ militat in fructuariis, imò omnia quæ adducuntur, ut fructuarij cogantur inuentarium facere, in his sint fortiora, dicendum est teneri eos ad inuentarij perfectionem, cum ea res in nihilo sibi noceat, plurimum verò profit, & pertineat ad vtilitatem Ecclesiarum, & earundem bonorum; quæ ratio facit, ut inuiti teneantur. Ita tenebat glossa in cap. qualiter, el. 2. verb. redde, de accusationib. & in c. auditis, de in integr. restit. & in cap. nulli, de rebus Ecclesie, & inc. ea quæ, de officio archid. & expressa glossa in cap. manifesta, l. 2. q. 2. Paulus in l. Orphanotrophos, C. de Episcopis & Clericis, Bertachinus de Episcopo lib. 4. part. 4. num. 28. Ancharanus & Imola in cap. cum in officiis, de de testamentis, Aret. consil. 31. quæ opinio rationem habet, eam scilicet, quæ fructuarium compellit ad inuentarij perfectionem, argument. d. l. 1. §. rectè: cum enim sit quædam futura restitutio in his bonis, & debita, & utilis administratio, & ratio quædam reddenda eorum quæ perperam administrata sint, ut dicemus proximè, planè recipienda est hæc opinio contra aliam opinionem receptam etiam, quæ contrarium assererat ex duobus: tum quod nullibi constitutum esset Episcopos, & Rectores, vel beneficiatos debere facere inuentarium rerum ad Ecclesias suas pertinentium; quod quidem non est sine difficultate, cum in administratoribus receptum sit, atque adeò ubicumque restitutio futura

futura est: item ex eo quod sibi non noceat, profit verò plurimum Ecclesiis, earumque rebus. Ex quibus reliquum est, vt hæc opinio sit recipienda, contra Abbat. *in quest. 3. dub. 4.* & Felinum *in cap. cum deputati, de iudiciis*, Barbar. *dict. c. cum in officiis, num. 10.* tum ex eo fundatur hæc opinio, scilicet ne teneantur ad inuentarium, quod Episcopi, & Rectores beneficiorum non poterant videri similes tutoribus, gloss. *in cap. fin. q. 53.* Abbas *in d. c. auditis*, & alij, quos refert Conarruias *in d. c. 1. de testamentis, num. 9.* quod quidem etiam si concedamus, non esse eos similes tutoribus, obtinere tamen debet, vt omnino teneantur conficere inuentarium, quia ad damna proculdubio tenentur, & ad deteriorationes, vt videbimus, & est quædam restitutio: quæ duo sine inuentario intelligi nullo modo possunt; nisi enim intelligas, quis fuerit status rerum, quæ qualitas, quæ quantitas, ad Ecclesiam pertinentium, damnum intelligi non potest, vel utilitas, nec melioratio, aut deterioratio; necessariò enim ponendum est antecedens ad consequens, si sine altero alterum intelligi non possit, *l. rem mobilem, l. ad legatum, ff. de procuratoribus*: tum ex eo, quod hoc inuentarium in nihilo ipsos grauat, vide infra *cap. 16. num. 39.* vbi adducitur ius antiquum.

67 Et ita videmus ex his rationibus id receptum in pluribus aliis, non solum in tutoribus, scilicet in hærede, qui hæreditatem restitutus est, glossa *in l. in ratione, la 1. §. quod vulgò, verbo nimum approbata, ff. ad leg. Falcid. & in l. 1. §. hæc verba, verbo sufficiunt, ff. si cui plusquam per l. Falcid.* Vincentius de Herculanis *in dict. §. quod vulgò*, Guido Papæ *decisione 381.* incipit, *Vtrum hæres, num. 1. l. 10. tit. 6. part. 6.*

68 Item & in possessore maioratus tenuit Petrus Peralta *in l. 3. §. qui fideicommissum, num. 45. ff. de heredibus instituendis*, idque non solum in primo possessore, sed in singulis aliis comprobatur Ludouicus Molina *de Primogeniis Hispan. lib. 1. cap. 28. num. 4.* idque concludit ex his rationibus in fideicommissario vniuersali, *num. 6.*

Quapropter Prælati Ecclesiarum, tam maiores, quàm minores, compelli quidem poterunt facere inuentarium, saltem earum rerum, quæ ad eos, & in eorum potestatem deueniunt; & hæc opinio habet rationis fundamentum iure comprobata, quæ cordatum iudicem mouere potest; namque tenetur refarci e omne damnum, propter eorum negligentiam in rebus Ecclesiarum suarum contingens: glossa *in authent. idem est Nestorianis, C. de hæreticis*: Ioannes de Platea *in l. vna, C. de colonis Illjricis, lib. 11.* Gregor. Lopez *in l. 7. tit. 9. part. 6.* Molina *d. l. 1. c. 27. num. 3.*

69 Ex quibus, vt ipse ait, in Regno Castellæ obseruatum est forense vsu, vt mortuo Episcopo, sequens obtineat apud regios supremi Senatus Senatores præceptum, vt Iudex Regius vicinior Episcopatu compellat hæredes emortui, vt nominent æstimatores seu taxatores damnorum, quæ res Ecclesiæ passæ sint toto tempore quo Episcopus mortuus obtinuit Episcopatum; qui cum nominatis à nouo Episcopo, æstiment & taxent damna & deteriorationes, electo etiam tertio, non conuenientibus duobus; factaque æstimatione, restituitur pecunia nouo Episcopo, vt damna refarciat & reparet: quod quidem cum in Episcopis receptum sit, eadem ratio poscit, vt in reliquis quoque minoribus

Prælati



Prælatiſ recipiatur, in quo ipſe Epiſcopuſ poterit præceptum dare; condignum enim eſt, vt ſuiſ ſumptibuſ & expenſiſ reparent reſ qua ſua negligentia deſtruxerunt, ſicuti in poſſeſſoribuſ maioratum exiſtimat recipiendum Molina *ubi ſuprà*.

Meliorationeſ autem quæ ſunt à Prælatiſ, ſive neceſſariæ, ad quas omninò tenentur, ſive vtileſ, ædificando de nouo in prædiis Eccleſiæ, vel reſciendo, vel plantando, vel quid aliud faciendo, hæc omnia ad Eccleſiaſ pertinent, nihilque eo nomine ad hæredes Prælatorum pertinet, ſive maiores Prælati ſint, ſive minores, ſive Rectoreſ beneficiorum; quia cùm ſiant poſt dignitateſ, Epiſcopatuſ, & beneficia quaſita, planè ſunt bona intuitu Eccleſiæ quaſita, & quæ proceſſerunt ex fructibuſ ipſiuſ Eccleſiæ, & talia præſunt vultuſ, gloſſa, & Doctor. *in cap. 1. de peculio Clericorum, & in cap. 1. de teſtamentiſ*; & quamuiſ in Hiſpania inoleuerit conſuetudo, vt Clerici reſtari poſſint, de qua multa D. Couarruuias *in cap. cum in officiis, de Teſtamentiſ num. 9.* & Dominuſ Franciſcuſ Sarmiento *de redditibuſ Eccleſiaſticis 3. part.* & eſt hodie lxx lata apud noſ comprobata inter legeſ nouiter compellataſ, l. 2. tit. 8. lib. 5. *Ordinament.* in hiſ tamen meliorationibuſ, quæ factæ reperiuntur in beneficiiſ, & dignitatibuſ, & Epiſcopatibuſ, nunquam illam conſuetudinem audiuiſ recep-tam; de illiſ enim nunquam diſpoſuere Prælati, nec in hiſ hæredes Clericorum vnquam ſunt audiſ; ad Eccleſiam enim pertinent, ex boniſ cuiuſ proceſſerunt: nec enim par ratio eſt meliorationum quæ ſunt à laiciſ in boniſ; illæ enim omni iure ad eoſ pertinent, & ſunt in eorum boniſ. Bald. *in l. fin. §. final. Cod. Communia de legatiſ, num. 6.* & *in l. Senatuſ, §. Marcelluſ*, ubi Aretinuſ, *ff. de legat. primo*, communiter Dec. *conſil. 518. num. 2.* & *conſ. 326. num. 4.* & *in auth. qui rem, num. 14. Cod. de ſacroſanct. Eccleſiaſ*, magiſ communiter Beroiuſ *queſt. 96. num. 4.* & dicit dubitatione carere Cæpola *conſ. 213. num. 13. & 14. lib. 2.* & ratio eſt, quia faciunt illi haſ meliorationeſ ex fructibuſ, qui pleno & integro iure ad ſe pertinent, quorum pleniffimuſ habent dominium: in Prælatiſ & beneficiatiſ non item; fructuum enim, ex quibuſ ſunt hæ meliorationeſ, non habent dominium, ſed taxatam & limitatam diſtributionem: quare cùm non ſiant expenſiſ propriè ipſorum, relinquuntur Eccleſiæ, in qua factæ reperiuntur; non enim ſunt domini fructuum, vt pater ex hiſ quæ tradit D. Couarruuias *dict. cap. cum in officiis, & in cap. 1. cod.* idè ad Eccleſiam modiſ omniſ pertinent.

Ex quo iuriſ fundamento meliorationeſ quæ ſunt à Canoniciſ in illiſ boniſ, quæ accipiunt ſub ſpecie emphyteuſiſ perpetuæ, vel conductioniſ ad vitam, pacta mercede, ad vitam tamen & reſectionem, vulgò, *En laſ ſenenciaſ, que ſe arriendan entre loſ capiſulariſ*, vt ſibi reddituſ ſuæ Canoniciæ ſua manu percipiant, reliquum verò reddant Eccleſiæ, ſi quid ſuperſit, remanebunt Eccleſiæ, nihilque hæredes Canonici nomine harum meliorationum percipient, quia ex fructibuſ Eccleſiæ proceſſerunt, qui pleno iure ad Canonicum non pertinebant, & intuitu Eccleſiæ acquiſita ſunt, in quibuſ illæſum reperi-tur iuſ commune, vt ad Eccleſiam pertinere videantur: cùm enim bona illa nunquam egreſſa ſint extra Eccleſiam, quia Canoniciſ traduntur pro reſectione, meritò Eccleſia retinet meliorationeſ illaſ, ſicuti ſi fierent à Prælato; &

par ratio est in Prælato, Episcopo, beneficiato, & in Canonico, qui expendit de fructibus Canonice in bonis Ecclesie, in quibus fructibus verè distributionem habebat limitatam, atque taxatam, non liberam.

Quod tamen intelligendum est si Canonicus morte bona meliorata relinquat; nam si bona illa à se auferantur, & Ecclesie iterum applicentur ex causa, quæ non accedat commisso, tunc quidem æquum est meliorationum haberi rationem, *agum. cap. 1. de in integr. restit.* erit tamen locus compensationi cum fructibus perceptis ex bonis, secundum antiquum statum antequam perficerentur meliorationes; de quo inferiùs agendum nobis est, cum de compensatione egerimus.

72 Quæ diximus autem suprà, de beneficiato meliorante intelligenda sunt, si Prælatus, siue beneficiatus, aut Episcopus, siue Canonicus simpliciter faciant meliorationes & expensas nomine suo, cum fructus quoque percipiat dignitatis, Episcopatus, beneficii, aut tenentie; namque si expensas faciat nomine Ecclesie, quasi cum eo contrahens, ipsamque obligaturus, tales scilicet, quæ excederent fructus beneficii, deductis expensis in serendo, colligendo, & conseruando, & attingerent ea ratione proprium patrimonium, aut si nullos fructus perciperet; tunc quidem illud quod de suo expendit, idque nomine Ecclesie, recuperabit, vide Abbat. *in capit. de milia, de prebend. & dignitatibus, num. 14. & in cap. fin. de peculio Clericorum*, & Boërium *decisione 44. num. 14. ad finem*, qui optimè in hoc loquuntur, & sunt quotidiana: quocunque autem casu sine læsione rerum poterunt abraderi, dolia scilicet, arcas frumentarias, & alia id genus, quæ separari possunt; neque quisquam in contrarium aptè argumentabitur à fructuario, feudatario, emphyteuta, vel conductore; quia hi habent plenum dominium fructuum, & expensarum, ex quibus fiant meliorationes: Episcopus, beneficiatus, Prælatus, & Canonicus, ex singulari dispositione iuris Canonici non item.

73 Immo in hoc casu non fit compensatio meliorationum cum damno: itaque si Episcopus, beneficiatus, vel Canonicus meliorauit aedes, in eamque rem impendit mille; at verò culpâ & negligentia suâ in aliis rebus damnum reperiatur, siue ad mille, siue ad quingenta, non fit compensatio damni cum melioratione; quando enim damnum contingit ex culpa, tunc non est cum lucro compensandum. Bart. *in l. si negotis, num. 1. ff. de negotis gestis*: & ita praticari in Prælatis in supremo Senatu Regio, testatur Ludouicus Molina *lib. 1. cap. 27. num. 7.* & ante eum attingit; & ita tenet ex eodem fundamento Gregorius Lopez *in l. 7. tit. 9. part. 6.* & est ratio communis, quæ habet locum in Episcopo, quàm beneficiato, usufructuario, marito, emphyteuta, & in reliquis, si ob culpam contingat deterioratio.



## CAPUT XII.

*De feudatario vassallo expendente, vel meliorante rem dominicam.*

## Notabilia ex capite duodecimo.

- 1 *Feudum antiquitus simile usufructui, & num.2. Aduocatus quis, & num.3. de feudi origine, opinio Budai, & Zazij.*
- 4 *Cliencia Romana exemplum ex Plauto, & num.5. enumerantur & referuntur iura omnia quae de clientelis Romanis mentionem faciunt.*
- 6 *Refellitur opinio Zazij, & Budai, & Cantinucula, adductis rationibus.*
- 7 *Traditur opinio Molinaei, & num.8. quod in Pandectis, & Codice, & Nouellis constitutionibus, quas vocamus authenticas, non reperiatur verbum vassallus.*
- 9 *Carolus Molinaeus temerè & sine authore asserit, Hispanos victos & debellatos à Carolo Magno, & num.10. Carolum Magnum victum ab Hispanis, & num.11. Rolandi ad fauces Pyraei mors.*
- 12 *Rex noster Philippus Inuictissimus à Carolo Magno originem ducit, & numero 13. referunt omnes à Carolo ad Dominum nostrum Philippum.*
- 14 *Luca de Peña opinio de origine fundi, eadem cum opinione Sonsebij.*
- 15 *Francisci Connani opinio, & num.16. soldurij, soldata, soldados, unde dicti, & num.17. refellitur opinio Connani.*
- 18 *Lalij Taurelij de origine feudorum opinio, & num.19. agri limitrophij qui, & quod Hispanis sunt fronteras, & num.20. alia opinio refertur.*
- 21 *Censitores, agricola vel censui, an locum fecerint vassallis feudisticis, & n.22. mansus vel mansum quid, & num.23. curtis quid, & num.24. corte quid, & curia, & feudum in curte & extra curtem; & quid cors, vel cohors, & corte, verbum Gallicum.*
- 25 *Coloni armati, de quibus apud Casarem, & Sallustium, an sint vassalli feudistae.*
- 26 *Francisci Hotomani de origine feudorum opinio, & num.27. feudum & beneficium idem.*
- 28 *Adriani Papa & Federici bellum, propter verbum hoc beneficium.*
- 29 *Signor quid, & senior, & num.30. feudum unde, & quid feida, & disfeidare vel diffidere.*
- 31 *Parum curamus leges agentes de eismo vocum, & num.32. feudum quid.*
- 33 *Feudum regale vel dignitatis quod, & unde originem traxerit.*
- 34 *Feudum ligium quid, & unde dictum sit.*
- 35 *Feudum Francum quid, & num.36. unde haec tria feudorum genera marzarins.*
- 37 *Marchia quid, item & Marchio, & unde, & Mariscalcus, & Comes, vassus,*

- valuasores, valuasini, inf feudati, beneficiarij, & fideles.
- 38 Basse Turcarum an à vassis dicti, & num. 39. qui propriè vassi, vassalli, qui valuasores, qui valuasini dicantur.
- 40 Applicatur Laliy Taurely & Hothomani opinio, & num. 41. quod Hispania Barones fei: è regale habeant feudum ligium: & num. 43. quod sit feudum francum.
- 44 Feudum aliud nouum, aliud antiquum; & utilitas distinctionis huius ad emphyteutam.
- 45 Feudum aliud rectum, aliud non rectum; & num. 46. feudum guardia, guardaldia, camera, cauena, & soldatae quid.
- 47 Quantum liceat argumentari ab usu fructuario ad feudatarium.
- 48 Feudatarius sicuti usufructuarius rem feudalem conseruat, tueretur & defendit, ne res deterior fiat.
- 49 Si rem dominicam deteriorauerit, an priuandus veniat feudo, sicuti usufructuarius.
- 50 Et quod ad priuationem interpellatio necessaria sit in vassallo.
- 51 Deterioratio ad priuationem feudi qualis esse debeat, ex Molinæ, & Iulio Claro, qui mutuo non dissident in hoc.
- 52 Quodque in hoc plurimum valeat prudentis iudicis arbitrium.
- 53 Domini Hispani habentes castra, tenentur ea reparare suis sumptibus.
- 54 Qualis culpa requiratur in vassallo non reparante & deteriore.
- 55 Vassallus qui iurisdictione, quam habet, abutitur, eadem priuatur.
- 56 Negligentia vassalli, vel iudicis inferioris in administratione iustitiæ, operatur recuperationem ipsius Regi, & eius iudicibus.
- 57 Rex Hispania solus fundat intentionem in iurisdictione in Hispania, & concurrat cum inferioribus: & num. 58. delirare eos qui Regi nostro solum gradum appellationis relinquunt.
- 59 Hac negligentia iudicis inferioris in hoc Gallico Pratorio quomodo intelligitur.
- 60 Dominus etiam feudi ex hac causa priuatur proprietate feudi.
- 61 Quæ, qualis, quantaque iniustitia requiratur, officio iudicis relinquatur.
- 62 Feudatarius ad onera & tributa quoque, sicuti fructuarius tenetur.
- 63 Expendit etiam vassallus nomine collectarum & talearum quæ imponuntur.
- 64 Comites, Duces, Marchiones, & Capitanei superiorem recognoscences, non possunt imponere collectas & taleas, & num. 65. quod hoc sit limitatum in re nostro ad quantitatem trium millium marapetinorum.
- 66 Parochiani exigentes aliquam quantitatem inter se ad comparandas vestes sacras & vasa, non videntur imponere collectas.
- 67 Respublica potest compellere ciues suos, ut otiosam pecuniam mutuent ad necessitates publicas subleuandas.
- 68 Vbi verè collecta imponitur, iure nostro non sufficit consensus ciuium.
- 69 Vassalli & feudatarij, emphyteutæque Ecclesia subeunt collectas impositas à domino nostro Rege.
- 70 Mutata qualitate persone fit bonorum quoque & qualitatis ipsorum mutatio, & inferitur ad quotidianam questionem in hoc Pratorio Gallico.



- 71 *Expendit vassallus reparando, soluendo tributa, onera, & collectas, non admissa distinctione magna vel parue quantitatıs.*
- 72 *Expendit etiam nomine alimentorum alendo dominum esurientem.*
- 73 *Donatarius donatorem suum esurientem alere qualiter quantumque teneatur.*
- 74 *Benefacere beneficientibus naturalis quadam equitas est.*
- 75 *Feudum quoque emitur, & dicitur feudum emptum, & vassallus emens feudum non tenetur alere.*
- 76 *Vassallus tenetur alere filium domini exortui, sicuti ipsum dominum, contra Molinæum.*
- 77 *Expendere vassallus an teneatur pro domino incarcerato, ut ipsum liberet.*
- 78 *Vassallus an incidere possit arbores frugiferas.*
- 79 *Euertere domos, & incidere arbores frugiferas, idem ius est.*
- 80 *Excisio arborum generaliter fructuario, marito, emphyteuta, vassallo, fideicommissario, possessori maioratus, & conductori ad longum tempus prohibita est.*
- 81 *Circa arbores frugiferas excidendas plurimum tribuitur consuetudini loci, qualitati, & arborum natura, ad evitacionem pœna.*
- 82 *Expendit vassallus, quia suis sumptibus sequitur dominum bellantem, & & valuasores comitantur Regem Romanorum suis expensis: item & valuasini valuasores suos.*
- 83 *Expendit etiam feudatarius, si feudum hereditarium sit, quid si ex prouidentia, quid ad emphyteusim.*
- 84 *Melioraciones factas à vassallo in feudo, finito feudo, per generationem, vel aliter Domino an acquirantur, vel vassallo: agitur de §. si vassallus, hic finitur lex, & incipiunt consuetudines, & quod verius sit domino acquiri.*



Ost eam, quam de usufructuario instituimus disputationem, constituta recuperatione meliorationis, & expensarum, traditæque ratione omnium quæ expendit circa res, quas vtendas, fruendasque suscipit; item & demonstratâ Iureconsultorum sententiâ circa damna & deteriorationes, quæ negligentia ipsius contingunt in his rebus quæ sibi fruendæ traduntur, quoniam pleræque ex illis trahuntur ad vassallum, emphyteutam, maritum, & conductorem, de his quoque non nihil agendum est, priusque de usufructuario disputandum fuit, ut quæ illis cum eo communia inuenirentur, præmonstrata esse intelligantur. Inter hos verò vassallus vel feudatarius primum locum obtinuit, qui initio eius iuris, quod nos feudorum vocamus, nihil ferè ab usufructuario separabatur. Initio enim consuetudinum feudalium feuda in sui primæua origine erant momentanea, neque nisi ad tempus concedebantur; immò si verum amamus, personalia erant, sicuti & ipsum ius fruendi, quod cum persona extinguirur, nec aliquod ius domini, nec vtilis, nec directi transferebatur in vassallum, sed ipsa commoditas duntaxat, quam usufructus quoque nomine inrelligimus: quæ commoditas sicuti in usufructuario animaduertimus, morte finiebatur, ob eamque causam neque ad hæredes suos, legitimos vel extraneos, feudalis illa commoditas transibat, *cap. vno, in quibus causis feudum amittatur, §. in*

primis, versio. huius autem generis, ibi: Ita datur alicui, ut proprietates quidem rei immobilis beneficiata penes dantem remaneat, ususfructus vero illius rei ita ad accipientem transeat, ut ad eum heredesque suos, masculos siue feminas (si de his nominatim dictum sit) in perpetuum pertineat. Postea verò sensum receptum fuit, ut ad filios & nepotes ex eis tantum extenderetur, deinde ad descendentes masculos, primum usque ad quartum, postremo usque ad septimum gradum, & nouissimo iure usque in infinitum & perpetuum protraheretur, cap. uno, §. hoc quoque, de feudi successione, ibi, & olim observabatur usque ad quartum gradum. Tamen secundum quosdam hoc ideo, quia postea non vocatur feudum paternum: alij autem dicunt usque ad septimum gradum, postea verò alia natio & gens aliam consuetudinem recepit; unde hæc iura consuetudines quoque nuncupari consueuerunt: qui locus suo iure proprio id exigit, ut de primordio feudorum nonnihil attingendum sit; quod quidem, ut meipsum lectionis varietate recreem, eos enim excessus non poscebat institutum nostrum, non grauare quidem faciam; video enim præclarissima ingenia in diuersas sectas abeuntia, quod quidem rei difficultatem satis ostendit: tum etiam quia iucundus labor est, antiquitatem rerum indagasse, quam licet non assequaris dum aliorum scripta in vnum colligis, optimè de studiosis commeritis videri poteris, quibus doctissimorum sententias proposueris, ut ex his liceat sibi, quam eruditorem esse iudicant, amplecti; nec enim hæc doctis reicienda sunt, quæ passim in priuatas disputationes incidunt: quorum si imperitus sis, quamuis ad forum parum pertineant, indoctior tamen iudicaberis: nec nostra hæc ætas pragmatikos accipit, aut probat, qui vllam iuris partem à se sequestrent, & alienam iudicent. Omnia decent Aduocatum, & causarum patronum; quem si ex Cicerone definire velimus, eum esse dicemus, cuius domus oraculum est ciuitatis, cuique ex hac causa ignorare nihil liceat, ut animaduertant quam prouinciam suscipiant, qui Aduocati munus insolenter sibi ambiunt.

- 3 Guillelmus igitur Budæus, vel suis duntaxat de assè & partibus eius, editis commentariis posteritati illustris, in l. Herennius, ff. de exactionibus, ad priscorum Romanorum institutum Feudalia hæc iura refert, apud quos iam inde à Romuleis temporibus, patronorum, & clientum instituta noscuntur necessitudines, quæ initium habuere ex Dionysio Halicarnasæo libr. 2. quem adducit Vldricus Zazius, secundus post Budæum, licet ipsum non referat: existimo, quia nondum ad manus eius peruenerat, alioqui vir ingenuè eruditus virum eruditissimum non dedignaretur habere socium, & comitem excogitata quoque à se sententiæ, quamuis eo nomine non obscure reprehendatur à Carolo Molinæo in principio, in consuetudinibus Parisiensib. num. 12. & sequ. dum eum tamen variè laudat: Romanæ igitur clientelæ initium fuit fauor egentium; permissum enim fuit plebi Romanæ, quem sibi vellent ex Patriciis in patronum eligere, ut his fortunarum suarum defensoribus iniuriam potentiorum propularent, suscepto pro his à Patriciis apud iudices patrocinio. Officium patronorum apud Romanos omnibus suis coloribus depictum
- 4 extat hodie apud Plautum Comicum, & veterem Poëtam, qui quoniam elegans locus est, huc transferri non iniquum duxerit, qui Romanæ clientelæ exemplum



exemplum desiderauit, non reperturus apud hos, qui ad eam iura hæc dominicalia contrahunt. Menchemus igitur surreptus apud Plautum in *Menchemis*, act. 4. scen. 2. seipsum excusans quod citius ad amicam redire non potuisset, patronorum & clientum munera ea ætate recepta ita proponit:

*At hoc uinitur more, morum molesto maxime omnium,  
Atque uti quique optimi sunt maximi, morem hunc habent,  
Clientis sibi omnes volunt esse multos, bonine, mali sient,  
Id haud queritant, res queritur magis, quam clientum fides,  
Quoinsmodi cluat, si pauper est, atque haud malus,  
Nequam habetur; sin dines malus est, habetur is cliens  
Frugi, qui neque leges, neque æquum, neque bonum usquam cclunt.  
Solicitos patronos habent, datum denegant, quod datum est,  
Litium pleni, rapaces, fraudulentum sunt viri,  
Qui aut fœnore, aut periuriis paratam rem habent:  
Mens in querelis; iuris ubi dicitur dies, simul  
Patronis dicitur; quippe qui pro illis que malè fecerint  
Loquantur; aut ad populum, aut in iure, aut res est ad iudicem,  
Sicut me hodie sollicitum quidam habuit cliens,  
Neque quod voluit agere, quicquam licitum est, ita me adiunxit,  
Ita detinuit apud ediles prælis factis plurimis  
Pessumisque, dixi causam, conditiones retuli  
Tortas, confragosas, plus minùs opus quàm erat, multò dixeram  
Controuersiam ut sponsio fieret: quid ille? prædam dedit,  
Nec magis ego manifesto teneri hominem unquam vidi  
Omnibus malè factis, testes tres aderant accerrumi,  
Dij illum omnes perdant, ita mihi hunc hodie corruptit diem,  
Meque adeo, qui hodie forum oculis uicquam inssessi meis.*

Veteranus quidam cum vocatus in ius periclitaretur (refertur inter Octauij Augusti apophthegmata) adiit in publico Augustum, rogans ut sibi in iudicio adesse veller: Augustus ex comitatu suo selectum illico dedit, eique litigatorem commendauit; miles vociferans, inquit, An non ego, Cæsar, periclitante te Actiaco bello vicarium quæsiui? sed pro te ipse pugnauit; simulque detexit cicatrices. Erubuit Cæsar, atque ipsemet descendit ad patrocinium, veritus ne non modò superbus, verum etiam ingratus videretur. Hæc fuerunt prisca illis seculis officia patronorum erga clientes; hæc patronorum primordia, sanctissima illa tunc quidem cum orta sunt, & Reipublicæ saluberrima, plena omni officiorum genere, & pietate maxima: procedente deinde tempore, ad multiplicandas lites, iurgia, & iniurias apta; patroni namque quos clientes defendendos susceperant, quoniam ad dignitatem suam pertinere videbatur, unde utilitas quoque pullulabat si in causis controuersis victores euaderent, contra fas & ius, æqui & pariter iniqui despecta ratione tuebantur & defendebant, conditiones dum referunt, ut inquit Plautus, tortas, confragosas, plus minùs opus quàm erat, multa dicendo; quod hodie vtinam de Aduocatis & forensibus patronis veriùs dici non posset, quàm antiquitus de patronis Romanis à Plauto est scriptum: inde fiebat ut quod quisque in Repub-

blica clarior erat, & rerum à se gestarum gloriâ illustrior, cuius auctoritas apud iudices maxima esset, eò sibi plures in clientes sese dederent. Appius Claudius, à quo Appiorum familia processit, à Sabinis cum Romam cum fortunis suis sese transferret, cum quinque millibus clientum migrasse traditur: hi verò clientes patronis suis obsequiebantur, operas præstabant, & pecuniam cum opus erat, præsertim si filia nuberet, filiusve uxorem duceret, à quibus ad liberos quoque hoc obsequij genus derivatum postea adaucta urbe fuit, exortis bellis, & finitimis quibusque deuictis, seruisque iure belli effectis, libertateque donatis. Vnde hi clientes quasi patronis familiares, cum hospitibus, libertis & familiaribus coniunguntur. Paul. *in l. sed & clientes, 3. iunctal. 2. Digest. de usu & habitatione*: qui proculdubio ad hanc clientelæ necessitudinem respexit antiquam: idem fecit Vlpianus *in l. si verò plures, 5. Digestis de his qui eiecerunt, vel effuderunt*, eandem secutus rationem, quòd hi familiares sint & domestici, addicti obsequio patronorum: idem Vlpian. cum amicis, & rursus cum libertis comparat *in l. qui penum, versic. sed quod diximus, Digestis de penu legat.* ibi, *Vsus sui causâ paratum accipiendum erit, & amicorum eius, & clientum, & vniuersorum quos circa se habet.* Proculus quoque verus Iureconsultus clientum conditionem satis explicuit *in l. non dubito, 7. Digestis de captiuis & postlimin. reuers.* Et quemadmodum, inquit, *clientes nostros intelligimus liberos esse, etiamsi neque autoritate, neque dignitate, neque iure omni nobis pares sint.* Vnde & Imperator Gordianus ab hoc obsequio à cliente patrono debito, nomine ipso iam ea ætate translato latius ad debitorem, pro ipso debitore accipit *in l. 3. ad fin. Cod. de nouationibus.* Inde quoque iure nouiori, & ex eadem translatione nomine clientum litigatores intelligimus, sicuti & patroni postulatorem Aduocatum; quam verborum notionem vsus hodie magis obtinuit. Iustinianus Imperator *in l. rem nouam, 12. Cod. de iudiciis, Iuramentum*, inquit, *præstem patroni*, id est Aduocati, defensores; *quod omni quidem virtute sua, omniq[ue] ope, quod verum & iustum existimauerint, clientibus suis inferre procurabunt.* Hæc sunt in omnibus quinquaginta Pandedarum libris, & in nouis Iustiniani Codicis constitutionibus, veterum Iureconsultorum, & Imperatorum responsa, in quibus de clientibus mentio fiat, sex numero: quatuor priora propriè nomen hoc accipiunt; duo posteriora transferunt à propria significatione ad translata[m], pro debitore & litigatore: omnia autem descendunt ex antiqua illa & Romulea clientela, quam à Græcis Romulus quoque accepit ex eodem Halicarnasseo, *dict. l. Guillemus.* Igitur Budæus iura hæc feudalia, & dominicalia iura, inter dominum & vassallum ad hanc Romanam clientelam referebat, Vldricus Zazius, qui Budæum non vidit, *in l. 2. de origine iuris*, in glos. *verbo curias*, à Romanis ad reliquas gentes eam extendit, ita vt credere par sit, ab hoc veluti fonte dimanasse Francorum consuetudines, & vassallorum obsequia, quæ sint veluti simulachra antiquæ clientelæ; quo enim tempore, inquit, Romani victricia vbique terrarum signa circumtulissent, multi eorum remansisse in provinciis creduntur, pars præsidio, pars agri vbertate capti; denique dum colonie diuiderentur, bona Romanorum pars eò loci commigrarunt, quibus cum multum agri, multum fundorum esset, ne pro Romano more carerent clientibus,



clientibus, verisimile est incolas terræ in suum inuitasse patrocinium, suosque eis fundos ( prout cuiusque erat conditio ) in beneficium distribuissè; tractu tamen temporis, quod omnia variat, clientelarum nomine commutato feuda à fœdere forsitan, curiasque dominicales nominari cœptas, vt qui clarioribus essent natalibus, feuda, alij ex vulgo curias haberent dominicales, constitutis certis iuribus, quæ dominos, quæ clientes ( quos vassallos vocant ) respicerent, quorum aliqua consuetudine, vt in feudis; aliqua pactis, vt in curiis, constare dignoscuntur. Hæc est Zazij coniectura de feudorum origine; hanc Zazij coniecturam de vassallis sequitur Claudius Cantiuncula, *in suis Topicis legalibus, in loco à feudo ad emphyteusm*. Ipsa quidem Zazij coniectura, Budæi & Claudij, plena quidem est eruditione, & ipsa rerum antiquitate, optimo cuique ingenio, & egregiè erudito, non solum æqui bonique consulenda, sed maximi facienda; agrestis enim & inculti, immò planè rustici ingenij est alterius operam & laborem in re præsertim præclara despiciere: aliorum enim stultitiâ frui, cum iucundum sit; labore alieno frui non potest non esse & vtilissimum, & iucundissimum. Ex multis tamen illa coniectura reiicitur, quorum multa Carolus Molineus *in principio ad consuetudines Parisenses, num. 12*. Illa tamen fortiora sunt, quod necessitudines illæ clientelares institutæ videri possunt in commodum & vtilitatem pauperum, & eorum quorum autoritas in republica minùs valebat, quàm patroni, quam sibi adesse cupiebant; feudisticæ verò leges, Reges, & Imperatores, auctoritate, diuitiis, armis, nobilitatèque excellentiores, si ad Dominos conferantur, in clientes & vassallos accipiunt, & iure constituto admittunt. Præterea illæ clientelæ, obsequia & seruitia, aut rectiùs dicas officia sua, in otio, pace, & in medio foro exigebant, vbi lis agenda erat, & de causa cognoscendum. Feudalis illa officiorum necessitas rei militaris est, siue bellum publicè, siue priuatim ineatur, nulla est harum societatum similitudo, separationes multæ; nulla illæ clientelæ exigebant bona soli, hæc sine bonis communicandis constare non possunt, quorum dominium inter dominum & vassallum communicatione quadam commune, ius quoddam maius & minus efficiat, necessaria enim est rei immobilis inuestitura, vt feudum insurgat, *cap. vnic. quibus modis feudum constitui potest, cap. vn. in fin. in quib. caus. feudum amittitur*. In illis nullæ dissolutionis causæ desiderabantur; in his dissolutio inuestituræ necessaria est, & eius renouatio, quæ sit prima causa beneficii amittendi, in principio. Denique illic vtrinque & patrociniij & obsequij fides ad omnia in personis, in rebus, & negotiis vniuersis, controuersisque causarum officium extendebat; hîc verò fides, obsequium, & seruitium ad rem dominicalem contrahitur, in cæteris relaxata obligatione seruitij & obsequij. Post illos tres nullus fuit qui ad clientum Romanorum vetus institutum consuetudines feudales referret, quoniam longiùs peritæ videbantur à re planè longè dissimili, & omni ratione separata. Itaque hæc sententia post hæc relicta est à suis authoribus, reliquis omnibus, qui secuti sunt, in diuersas sententias abeuntibus. Carolus Molineus *vbi supra*, à pragmaticis non recedit, nec latum quidem vnguem; illud mordicus conatus defendere, quod communi sententiâ receptum erat, scilicet feudum, vassallos, & eorum iura non proces-

- 8 fuisse à iure vlllo Romano, nec à Romanis legibus, à ut Romuleis institutis, sed à iure quodam consuetudinario, & quorundam moribus fuisse introductum; atque hanc esse veritatem, idque *num. 7.* quod scilicet in toto iure Romano non reperitur verbum *vassallum*, sed neque in Pandectis, nec in duodecim libris Codicis, nec in libris Institutionum, nec in Nouellis constitutionibus, quas authenticas vocamus: ita tenuerat Andreas Isernia in *proœmio feudorum*, *quast. 14.* idem notarant Iacobin. & Aluarot. in *proœmio feudorum*, *quast. 7.* & in *titul. de conceione inuestitura inter dominum & vassallum*, de *inuestitura feudi*, *notabili 4.* Odofredus, Nicolaus de Neapolis *ibidem*: & hæc sententia fuerat vna & concors omnium Scribentium ad tempora vsque Budæi, & Zazij, atque eos secuti Claudij Caniuncula: ipseque Carol. Molin. à *num. 15.* prolixa quadam temporum inquisitione querit tempora quibus primum hæ ipse consuetudines in leges abierint; vnde autem illæ consuetudines receptæ sint, ne verbum. Præterea quod *num. 19.* atque alibi sæpe refert, Hispanos vicisse Carolum Magnum, eisdemque vi captis, & bello victis, dominatum fuisse, victa, & captâ Hispaniâ, dominioque Caroli cognomento Magni subiectâ, sine teste, sine testimonio, sine auctore est. Egregiè quidem ille effutire solitus est, in hoc verò insanit apertè: nunquam festinus ille vir Hispanos pueros audiuit cantilenis suis Gallorum internecionem recolentes ad Pyrenæas angustias, vulgo en *Ronces Valles*, vbi inglorius Carolus in Galliam aufugit amisso exercitu cæterarum gentium domitore, & duodecim illis nobilissimis Ducibus, quos vulgus Franciæ Pares vocat, misere interfectis. Scio fore Hispanas Historias viro Gallo suspectas: vt autem legitimo testimonio agamus, adest Donatus Aciajulus, vir Gallus, in vita Caroli Magni à se non ineleganter conscripta, qui denictis Longobardis à Carolo & Desiderio vltimo, & postremò Longobardorum Rege capto cum vxore, & filiis, & fortunis omnibus; liberataque Italia, quæ tot seculis Barbarorum potentiâ oppressa turpiter iacuerat, atque in Saxones transato bello, hisque subactis, ad Hispanos oculos coniecisse Carolum ait, belli verò euentum his verbis narrat. [Cum verò ea tempestate Barbaræ gentes quæ nostræ religioni perpetuum bellum indixerant, Hispaniam graui seruitute oppressam tenerent, Carolus rei indignitate commotus, ad eam liberandam mentem conuertit; id autem fieri posse arbitrabatur, si ingenti celeritate exercitu in Hispaniam ducto, prius hostes opprimeret, quam illi parare subsidia possent. Ad hanc igitur rem aggrediendam satis iam omnibus comparatis castra mouet, & quammaximis potest itineribus in Hispaniam transire contendit: nec iam miles grauatè sequebatur, quòd iam diu in animum induxerat, quocunque à Rege Carolo duceretur, belli præmium, exploratamque victoriam duci. Inter hæc ciuitates Hispaniæ, quæ propinquiorens erant finibus Galliæ, incertis rumoribus excitatæ, aliquantulo sibi, suisque Regibus timere inceperant. Postquam verò per Pyrenæum saltum traductus exercitus est, rumorque per barbaros manauit de aduentu Francorum certior, ingens repente trepidatio populos omnes inuasit, non satis gnaros, quid aduersus tantum, tamque horrendum hostem sibi agendum aut parandum foret. Carolus confestim superatis Pyrenæi iugis, cum in fines hostium peruenisset, militibus imperat, vt quam-

latissime



latissimè possint, vagentur, & quammaximum hostibus terrorem inferant. Exemplò ciuitates nonnullæ, cum ad petenda externa auxilia non sufficeret tempus, nec propriis præsiidiis res suas tueri possent, sponte deditionem faciunt, Augusta, & Pampilonia, duæ opulentissimæ totius Hispaniæ vrbes, quæ mandata Caroli aspernabantur, vi captæ, & prædæ militibus datæ: cum alteram Franci ad solum euertissent, alteram mœnibus nudassent, tantum terroris omnibus gentibus iniecere, ut quas adissent, quasque non adissent pariter vltimæ propinquis imperio parerent. Sic igitur Hispania ferè omnis in Francorum potestatem deuenit; victis præcipuè impiis, ut falsis relictis diis, Christianæ fidei legem acciperent. Carolus rebus felicissimè gestis, cum incolumen exercitum in Galliam reduceret, prope Pyrenæi iuga, in finitimarum gentium, quas nunc Vascones vocant, insidias incidit. Insederant enim barbari in occultioribus locis expectantes occasionem gerendæ rei: ubi verò Francorum copias in angustiore viam deductas viderunt, repente ex iugo insuper imminente nouissimum agmen adorti, ingentem eadem stragemque dedere. Nam Franci cum neque inuadere possent iugum à Vasconibus occupatum, neque se explicare, suometipso agmine in arcto hærente, simul ab hostibus, simul ab iniquitate locorum oppugnabantur; nec iam primi in tam angustis locis ita celeriter vertere aciem poterant, ut vltimis in extremo periculo constitutis opem in tempore, ac subsidium ferrent. Itaque etsi animo, viribusque longè superiores hostibus forent, alienis tamen locis pugnantes vitare non potuerunt, quin eo die insignem cladem acciperent. Cecidere in ea pugna dolo hostium, non virtute commissâ, Anselmus, & Egibardus, summi in bello Duces, aliique permulti fortissimi viri, quorum operâ Carolus sæpè in maximis certaminibus egregiâ vsus erat: sunt etiam qui Rolandum Caroli ex sorore nepotem, præstantem fortitudine virum post ingentem hostium editam cædemeo prælio interiisse dicant. ] Hactenus Donatus, qui etiam si neque belli causas veras attigerit, neque verè bellum quo ordine gestum fuerit, narrauerit; victoriam tamen Caroli, quam in Galliam reuersus reportauit, ab Hispanis tacere non potuit, nec vnquam felicius cum Hispanis Galli decertarunt: quo tempore ergo consuetudines Francorum de vassallis in leges abirent, vel ex his legibus perspicuum est: vnde autem hæ consuetudines emanarint, inuestigamus; id quærunt ingenia præclara, quæ vestigia apud antiquiores reperiantur eius consuetudinis, vnde ipsa dimanare potuerit, & dominicalia iura initium accepisse dici possunt, de quibus nihil Molineus: nec multum periculi hodie est, si rem à Molineo fictam sine auctore eidem concedamus, quoniam Rex Philippus II. auspiciatissimus, Caroli Augusti, & Imperatoris maximi filius, Philippi nepos, qui Hispanam ditionem felicissimè tenet, à Carolo Magno genus ducat: quem etiam si Hispanis dominatum fateamur (quod fateri quidem historiæ veræ non patiuntur,) bene tamen cum Hispanis cœli beneficio singulari actum est, ut victores suos Reges haberent: atque adeo ut genus ipsum ducamus ad Philippum nostrum, illud constituendum est, Carolum cognomento Magnum habuisse ex pluribus vxoribus filios tres, totidemque filias; Carolum maiorem natu, Pepinum maiori proximum, quem viuens adhuc pater rebus citioris Galliæ.

II

12

hoc est Flandriæ, & Burgundiæ præfecerat: habuit etiam Ludouicum natu-  
 minum, quem Galliæ Aquitanicæ, vulgò Francia, & imperio fecit suc-  
 cessorem, obiens 5. Kalend. Februarij, anno Domini 815. Aquisgrani: Pe-  
 pino successit Begga, Beggæ Pepinus secundus, huic Carolus Martellus, de-  
 inde Pepinus tertius, tum Carolus cognomento item Magnus, deinde Lu-  
 douicus Magni filius, postea Godefredus Barbarus, eidem Godefredus Barba-  
 13 ri filius, huic Godefredus tertius, hunc secutus est Henricus tertij Godefredi  
 filius, post hunc Henricus secundus primi filius, inde Henricus tertius se-  
 cundi filius, postea Ioannes Henrici tertij filius, tum Ioannes secundus supe-  
 rioris filius, huic Ioannes tertius secundi filius, demùm Vvenselaus Ioannis  
 Bohemiæ Regis filius, Antonius quoque Philippi Burgundiæ Principis filius,  
 tum Ioannes Antonij filius, conditor scholæ Louaniensis, primus ex hoc  
 Philippus Ioannis frater, tum Philippus Burgundiæ Dux, Carolus deinde  
 Philippi filius, Maria Caroli vnica filia, Maximilianus Mariæ superioris ma-  
 ritus, Philippus Maximiliani filius, Carolus Philippi Regis Hispaniæ quo-  
 que Cæsar Augustus, Philippi nostri Regis Potentissimi parens, quorum  
 omnium res gestas Hadrianus Barlandus scribit, dum Brabantia Ducum hi-  
 storiam contexit. Non igitur erat nobis aliena laus, si Hispani à Carolo victi  
 essent, sed rei gestæ series & ordo non patiatur Molineum impunè abiisse; re-  
 deo ad nostrum propositum: Lucas de Peña in *l. quicumque, Col. de omni agro*  
 14 *deserto, lib. 11.* assererat contractum feudalem fuisse tempore Iustiniani, ad-  
 ducto ad hoc §. *per traditionem, Instit. de rerum diuis.* exponens verbum *stipendi-*  
*diaria*, de prædiis datis militibus, vt ex eorum fructibus viuerent, stipendio-  
 rum nomine, vtque Reipublicæ seruiant absque alijs stipendijs; & ita intel-  
 ligit dictum §. *per traditionem*: deinde ait, ea fuisse prædia data militibus  
 veteranis in præmium emeritæ militiæ, vt in *l. Lucius, ff. de emptionib. l. sed*  
*et si, ff. de rei vendic.* sed reuera Lucas decipitur dum existimat prædia data  
 fuisse in feudum, atque eo nomine reprehenditur à Molineo vbi supra num. 4.  
 & 5. Lucas tamen inquit originem feudorum, & consuetudinis, quæ sibi  
 non ineptè videri potuit dimanasse ab illis largitionibus prædiorum, quæ fie-  
 bant militibus, vt bello adessent cùm opus esset; nam ad agros veteranis as-  
 signatos in præmium emeritæ militiæ referri certè non possunt iura feudalia,  
 quæ plerumque propter militiam futuram constituuntur, non in præmium  
 expletæ militiæ, quod ferè tenuit Sonsbec. 1. part. num. 31. ad vsus feudales.  
 Indagabat etiam originem feudorum Franciscus Connanus *commentar. iuris*  
*lib. 2. cap. 9. num. 5.* qui existimat feudorum mores venisse à Gallis ad Germa-  
 15 nos, Italos, & Hispanos, & alios Europæ populos, ex Cæsare *lib. 3. de bello*  
*Gallico*, vbi de Gallis ita inquit, qui opibus inter eos valerent, multos ha-  
 buisse deuotos, quos secum in bellum ducerent, soldurios sua lingua voca-  
 tos, quorum hæc erat conditio, vt omnibus in vita commodis vnà cum his  
 fruerentur, quorum se amicitia dedidissent; quod si quid his per vim accidisset,  
 aut eundem casum ferrent ipsi, aut mortem sibi consciscerent. Hactenus  
 Cæsar: solduriorum autem nomen à solda, hoc est à soldata dictum existi-  
 mat, quod, vt ego suspicor, Gallicum vetus verbum est, aut Germanicum,  
 significatque stipendium; Sold enim Germani stipendium vocant. Abbas



Vrsperg. de Phi. ppo Imperatote ita inquit, quod cum non haberet pecunias, quibus salaria, siue solda præberet militibus, primus cœpit distrahere prædia, quæ pater suus acquisierat. Alij verò nomen hoc *soldata*, deducunt à solidis, quibus fiebat numeratio & solutio soldatæ: *quis dicatur Dux, Marchio, Comes, §. soldata*. Soldata, inquit, est præstatio quædam annua gratuita, quæ à neutra parte transit in hæredem; morte enim dantis vel accipientis interueniente finitur, & dicitur soldata, quia plerumque in solidorum donatione consistit, quandoque autem in vino & annona consistit; hinc solidarj milites, id est solidis, & solda, nempe soldata conducti, proprijs stipendiarij milites dicti sunt: vocat Cæsar in *Commentariis*, recepto patrio nomine, soldurios, *lib. 3.* at Cantuanus inquit cum sexcentis deuotis, quos illi soldurios appellant, quorum hæc est conditio, &c. A quo non ineptè soldati nomen deriuatum est, apud Hispanos quoque, sicuti apud Gallos fuerunt deuoti quidam, qui se in custodiam dabant Duci, & Imperatori, qui eos duceret, & pro eis pugnaret, bellaque patria conficeret; elegans exemplum apud Plutarchum in vita Sertorij; mira enim deuotione sibi Hispanorum coniunxit animos, pro quibus sæpius felicissimè pugnavit. Sed & in his separatio est. Erat enim fortuna communis in dominis & vassallis; fortuna inæqualis est, nec video proprios & certos agros illis assignatos, sicuti in feudis perspicimus. Inuenit igitur Franciscus Connanus vit doctissimus elegantem originem, vel ab ipsis Gallis repertam, cui iura hæc feudistica referret, quod quidem (quod de Zazio, & Budæo diximus) laude dignissimum est. Caterum non possunt ex æquo conuenire, immò dissident, & separantur apertè: egregia enim illa fides solduriorum, ut patrono mortuo sibi mortem adsciscerent, ferina est, & longè ab æquo & iusto aliena: quæ si cuiquam placeat, necesse est displiceant sanctissima iura, quæ verant in se suas quemque conicere manus: barbarorum illa consuetudo erat, valeant illi cum sua barbara consuetudine, nos mitiora & magis pia delectent instituta, nec nobis illa iuris dominicalis origo sit.

Sequitur Lælij Taurelli, viri doctissimi & eloquentissimi opinio non inelegans, in libello suo, quem de militiis inscripsit: is refert hæc feudistica iura ad agros Imperij extremos, quos solebant militibus Imperatores assignare, idque adstruit ex Lampridio in vita Alexand. Sola, inquit, quæ de hostibus capta sunt, limitaneis Ducibus, aut Nobilibus donauit, ita ut eorum essent, si hæredes eorum militarent, nec vnquam ad priuatos pertinerent, dicens attentius militaturos, si etiam sua rura defenderent. Hæc Lampridius, nec pertinet hæc assignatio ad agros illos, de quibus proximè egimus, qui militibus diuidebantur in præmium emeritæ militiæ, de quibus Suetonius quoque in Iulio: Assignauit & agros veteranis militibus, sed non continuos, ne quis possessorum expelleretur. Isti enim dabantur, ut miles quiesceret, & in otio acturus haberet paratas epulas; illi dabantur, ut in limitibus Imperij miles seipsum alens, agrumque suum ab incurfionibus militum defendendo, Imperij quoque fines tueretur: atque hi sunt fundi & agri limitrophj, de quibus libro vndecimo in Codice Iustiniano mentio fit, editis legibus, quas ex Lampridio in Alexandro intelligere poteris: hancque largitionem animaduerti-

- mus familiarem fuisse Regibus Hispanis antiquioribus, qui pleraque capta ab hostibus militibus dabant, vocabantque *Frontera*, quoddè regione, & è fronte hostes haberent, de quibus quoque inferius aliqua. Denique neque in his reperimus exactam similitudinem; namque militibus senio, & labore confectis, edentulis agri illi, & fundi præstabantur, ut seipsos pascere, simulque agros & limites defenderent; at verò feuda plerumque iuuenibus nervosis, qui militare possint, & quod ducantur, domini possint & debeant subire obsequium, ubicumque bellum gerendum est: præterea nulla iura constituebantur inter ipsos & Imperatores, in feudis diuersum est. Nec desunt, qui existiment hæc iura referri oportere ad eam consuetudinem, quæ in provinciis aliquot inoleuit, ut latrones, famosi, sceleratique viri, & qui crimen aliquod commiserint, in limitibus Imperij constituentur, remissâ acerbiori pœnâ; ita tamen ut cum hostibus res sibi sit futura, quos deprædari fas illis sit, dum tamen à ciuibus abstineant: sed hæc indigniora sunt, & turpiora, quam quibus referri possint iura constituta.
- 20 Nec rursus hæc iura referenda sunt ad colonos & inquilinos, quibus agri certi in perpetuum attributi sunt, ea conditione, ut cum eos colant, certam eorum nomine pensionem præstent, nec dimittere eos possunt, nisi formâ legis obseruatâ, de qua aliàs egimus *suprà, cap. 9. num. 51. de quibus l. 9. & 18. & 19. Cod. de agricol. & censit.* quia etiam si vulgò & iure nostro vassalli dicantur; in his tamen vassallis nulla est mentio, neque necessitas belli ineundi & gerendi, nulla necessitas domini comitandi; præter censum enim & pensionem nihil aliud ab his exigit dominus, neque exigere potest, ut diximus. Itaque existimabimus illos censitos colonos per similes vassallis de manso, quia apud iura hæc feudistica mansus, vel mansum, neque domus est, nec area, neque hortus, sed ager certi modi ac mensuræ, qui methetus ab antiquis dicebatur, quoniam in agrorum diuisionibus maiores adhibebantur,
- 22 qui & finitores à Cicerone dicuntur in Agraria oratione: quomodo autem diuiderentur, & quibus nominibus dicerentur, extat Iulij Frontini libellus non inelegans, nec parum difficilis: itaque iure feudorum curtis est in manso, nomine autem curtis intelligimus domum, ædificium, & sæpè pro toto territorio, si de inuestitura feudi controversia fuerit, §. *similiter, versiculo, si quis de manso*, ibi, si dominus reseruauerit sibi aliquid in ipsa curte; vbi curtis pro domo est, & ædificio. Aliquando mansus est fundus, qui duobus bobus ad laborandum sufficit, quod inde dictum existimat Zazius, quod Germani dimensa prædia nunciant *Mansmat*: Baldus verò à manendo dictum existimabat, quod in eo manerent homines: curtis aliquando pro toto territorio sumitur, de Capitaneo qui curiam vendidit, §. 1. quidam Capitaneus in quadam curte sua beneficium dedit. Hinc descendit verbum corte, & curiæ, vel curtis, & in legibus Bajoar, est titulus de eo qui scandalum in curia Regis commisit; & mox in textu legitur, si quis in curte Ducis scandalum commiserit; item, nullus presumat in curte Ducis scandalum committere. Adducit Franciscus Hothomanus, titulo de verbis feudalibus, verbo *Curtis*, qui alia dicit. Hinc dicimus feudum in curte, dicimus & extra curtem, quibus modis feudum amittatur, §. *fin. versiculo item si quis*, quod si quis feudum habuerit in curte domini sui, non poterit ipsum



sum feudum in aliqua parte libellario nomine alicui sine consensu domini dare, vel pignori obligare : similiter si extra curtem detinuerit, & dominus districtum habuerit, vel alium honorem, si alienauerit sine domini voluntate, iure ad dominum reuertitur. Denique dicitur, curtis, quasi cohors. Cohors autem est apud Varronem *lib. 4. de lingua Latina*, quod in villa ex pluribus testis coniungitur, & dicitur cohors, quod in eum locum pecus coërceatur. Item & *de re rustica lib. 1. cap. 13. Cohortes in fundo magno*, inquit, *duæ aptiores; una ut interius compluium habeat lacum, ubi aqua saliat, qui intra stabulata cum venit, sit semipiscina*. Et rursus : *In cohorte exteriori lacum esse oportet, ubi maceretur lupinum*. Et rursus : *Cohors exterior crebro operata stramentis*. Vnde dicimus cohortales aues, quæ ruri in villa aluntur, & saginantur : vnde Ouidius de vulpecula, *Absfulerat multas illa cohortis aues* : & sæpe in hac significatione sine h, reperitur, præsertim pro septo, ubi gallinæ, & reliquæ aues saginantur. Ita accipit Varro, & scribitur cōrs. Ab hac igitur corte rustica dicta est curtis à curte, seu corte Domini & Ducis : ab hac corte quoque dici cœpit locus ille ubi Rex est. In qua significatione lex Hispana Partitæ frequentior est, *l. 18. tit. 9. partis. 2. Corte es llamado el lugar do es el Rey, e sus vassallos, e sus oficiales*. Et rursus ibi, *E tomo esta palabra es nome del Latin, que dizen Cors, en que muestra tanto como ayuntamiento de compañías, ca alli se allegan todos aquellos que han de homrar, de guardar al Rey, e al reyno; e otrosi ha nome en Latin Curia, que quiere tanto de xir como lugar do es la cura de todos los fechos de la tierra*. Quæ omnia pertinent ad ea quæ diximus, quod cors, vel cohors domus rustica sit : inde dicta est curtis domus feudi, inde curtis Ducis, inde corte, quod ad Ducem & Regem confluant vassalli ; inde dicti Pares curiæ vel curtis, qui causas feudales dirimunt, etiamsi Dominus Didacus Couar. *practicarum qq. cap. 4. num. 10. ad Curias Romanas referat nomen illud, quod modò non disputo*. Si igitur vassallus de manso videbitur idem quod censitus, sic neque ille ad feuda pertinet, quia præter canonem, liber ab obsequio belli est. Vassallus dicitur nostro Hispano iure, qui & habet suum dominum, & colit domini mansum, & curtem, hoc est cortem, siue cohortem, id est domum vel ædificium factum in feudo, desumpto nomine à septis pecorum, quæ cohortes, vel cortes Latinè vocantur. idipsumque Gallegi faciunt ; nam pecudum septa cortes vocant condignè & propriè obseruatâ vocis etymologîâ. In his autem vassallis deest & desideratur fides illa ad bellum, propter quam feuda instituta videri possunt, *lib. 1. tit. 1. ad finem, in vñbus feudorum*, ibi, *nisi Roman cum illis in exercitum perrexerint*. Itaque hi vassalli sunt terræ addicti ; ita vt terrâ venditâ, ipsi quoque venditi censeantur, *l. 2. & l. 7. C. de agricol. & censitis*, nec puncto temporis à terra decedere ipsis licet, *l. colonos 14. C. eod.* vassallorum verò genus, de quibus feudistica iura sunt, ingenium est, & militare, & nomine militis vassallum feudisticum intelligimus, eoque nomine significantur vassalli feudistici, *si de feudo defuncti contentio sit inter dominum & agnatos vassalli, §. 1. si de feudo defuncti militis sit contentio inter dominum & agnatos, & de lege Conradi, §. ex eadem lege, & clariùs in §. similiter*, ibi, *& ille qui accepit feudum, inueniatur miles* : propria enim & perpetua vassallorum conditio est, vt simul atque bellum indicitur, cum armis & equis militaribus præstò sint patronis

tronis suis. In his colonis & agricolis censitis licet vocentur lege nostra Hispana vassalli, nullum huiusmodi est obsequium & seruitium, sed pensio duntaxat soluenda singulis annis.

- 25 Quâ arreptâ ansâ & occasione non desunt qui iura hæc feudalia referant ad colonos quosdam, quos antiqui sæpe armatos secum in bellum ducebant, eorumque operâ & auxilio utebantur, quibus Domitius vsus est: Cæsar *de bello civili lib. 1. c. 8.* profectum inquit Domitium, ad occupandam Massiliam nauibus actuariis septem, quæ ex Sicilia, & Sardinia priuatis coactis seruis, liberisque colonis suis compleuerat: & rursus *cap. 22.* certas sibi deposcit naues Domitius, atque has colonis pastoribus, quos secum adduxerat, compler. Item Sallustius in Catilinario, ipse cum libertis & colonis propter Aquilam adfuit. Sed neque hæc ad ius referenda videntur, sed ad factum, scilicet quia ita res postulat, vt colonos, seruos, libertos, denique familiam sæpe quis armet, vt sese, suosque tueatur: nulla tamen erat lex agri concessi, quæ ipsos in bellum cogeret, sed gratia, amicitia, & necessitudo, quâ Ducem suum prosequerentur.
- 26 Aliam ingressus est viam Franciscus Hothomanus in feudis, qui feudum Longobardicâ linguâ nihil aliud esse quàm beneficium ait, esseque familiarissimum Germanis asserit, vt quæcunque iura, commoda, beneficia liberalitate alicuius tribuuntur, ea generali vocabulo feuda Germani vocent, vt sicubi apud præclaros auctores beneficij mentio sit, rectè à Germanis feudi nomine significetur, & passim iura feudistica beneficij nomine feudum intelligunt,
- 27 quod tertio quoque verbo reperies in legibus quæ de feudis scriptæ sunt, *de lege Conradi §. 1. 2. 3. 4. & 5.* & alibi sæpe de vassallo, qui contra constitutionem Lotharij, §. 1. & alibi sæpissimè hæc duo nomina, feudum & beneficium, pro eodem accipiuntur. Longobardicâ namque linguâ feudum beneficium est: siue enim honos, aut dignitas, siue prædia urbana vel rustica, siue vrbs, siue Ducatus Marchiæ, Comitatus, vel Regna, denique siue Imperium conferatur, Longobardi, & hos secuti Germani, hæc omnia beneficia vocabant, & feuda, ad quod adducit Franciscus Hothomanus exemplum ex Othone Frigingenſi Episcopo. Ioanne Abb. Vrspergenſi, Ioanne Abb. Tritemio, Nauclero, & post hos ex Radeuico *in lib. 1. cap. 9.* quod exemplum in eo totum versatur, quod beneficium feudum sit, acceptâ propriè nominis significatione. Adrianus Papa Imperatorem Federicum Enobarbum Romæ coronauit, eidemque Româ profecto ita scripsit: *Debes enim ante oculos mentis reducere, quàm grater alio anno mater tua Romana Ecclesia te suscepit, nec tamen pœnitet nos desideria tua tua voluntatis in omnibus impleuisse, sed si maiora beneficia Excellentia tua de manu nostra suscepisset, non inmerito gauderemus.* Hæc Adrianus Imperator verò, quia Summus Pontifex vsus est verbo illo, Beneficia, quasi Papa tacite innuisset Imperium feudum esse Ecclesiæ; indignatus liberius quàm Imperatorem Romanum decebat, Germanico tamen more rescripsit, quas rescriptorias literas reperies apud eundem Radeuicum *cap. 10.* & refert idem Hothomanus *ubi supra*, quas quidem Summus Pontifex, ut ipsum, & innocentem vitum decebat, veræque mansuetudinis institutorem, singulari animi moderatione accepit, & ad Cæsarem ita rescripsit: idem Radeuicus



denicus cap. 22. [ Occasione siquidem cuiusdam verbi, quod est *beneficium*, tuus animus, sicut dicitur, est commotus, quod utique nedum tanti viri, sed nec cuiuslibet minoris animum meritò commouisset: licet enim hoc nomen, quod est *beneficium*, apud quosdam in alia significatione, quàm ex impositione habeat, assumatur; tum tamen in ea significatione accipiendum fuerat, quam nos ipsi posuimus, & quam ex institutione sua noscitur retinere; hoc enim nomen ex bono & facto est dictum, & dicitur beneficium apud nos, non feudum, sed bonum factum: in qua significatione in vniuerso sacræ Scripturæ corpore inuenitur, vbi ex beneficio Dei, non tanquam ex feudo, sed tanquam ex benedictione & bono facto ipsius gubernari dicimur, & nutriri: & tua quidem Magnificèntia liquidò recognoscit, quòd nos ita benè & honorificè Imperialis dignitatis insigne tuo capiti imposuimus, vt bonum factum valeat ab omnibus iudicari. ] Hactenus Summus Pontifex. Feudorum ergo nomine beneficia omnia, quantumvis magna, velut Imperia, Regna, Magistratus, & aliæ dignitates appellantur: itaque feudorum appellatione militaria beneficia intelligimus, §. 1. *de prohibita feudi alienatione per Lotharium*, ibi: *Per multas enim interpellationes ad nos factas comperimus milites sua beneficia passim distrahere, ac ita omnibus exhaustis suorum seniorum seruitia subterfugere*. Vbi verbum illud, *seniorum*, interpretandum est, id est, patronorum, qui feudo dato vassallum sibi quæsierunt. Signor enim barbara vox est, Germanica primùm, 29 quàm dans significatur; deinde ad Italos, Gallos, & Hispanos translata, & vsu accepta, non verò ab ætate, hoc est à senio deducta, quasi seniores dominos appellemus; longè enim petita isthæ acceptio est, præsertim cùm videamus minorem vigintiquinque annis feudalem patronum esse posse, dato & concessio feudo viris senioribus, qui merito patronum suum, licet ætate minorem, vocabunt seniore, & signor, aut vt nos dicimus *seignor*, §. 1. *per quos fiat inuestitura, & per quos recipiatur*. *Inuestitura autem*, inquit lex, *aut sit de veteri beneficio, aut de nouo; quæ de veteri sit, etiam à minore potest fieri*. Et paulò inferiùs, §. 2. *Personam autem accipientis non distinguimus*. Non igitur ab ætate assumpta videri potest, sed à verbo Germanico, quod ab ipsis ad nos vsque dimanauit: namque vbique qui dominus appellatur, is signior à Germanis dictus reperitur. Extat lex Caroli Magni inter ipsius leges c. 5. art. 3. vt nullus comparet cauallum, bouem & iumentum, vel alia, nisi illum hominem cognoscat, qui eum vendidit, aut de quo pago est, vel vbi manet, aut quis est eius senior. Plura adducit ad hoc Franciscus Hothomanus *vbi supra*. Recepto igitur nomine à Germanis, scilicet *feudum*, quo beneficium significant, existimat ille feudum, moresque & consuetudines feudisticas deriuari posse à beneficiis, quæ in alios conferuntur, præsertim vbi ex necessitate beneficij obsequium videretur iniunctum & seruitium; cùmque hoc antiquissimum fuerit, etiam Romanis obseruatum, non ineptè à Romanis consuetudines illas dimanasse arbitrandum est. Sallustius namque Iugurtino bello scribit Massinissam, Micepsæ patrem victis Carthaginensibus in amicitiam populo Romano receptum, eique populum Romanum quascumque vrbes & agros ceperat, dono dedisse, quàm de causâ Micepsam ipsius filium Numantino bello, equitum & peditum auxilium Romanis misisse; & Adherbal Micepsæ filius ad Senatum sic

locutus est : *Micepsa pater meus moriens mihi precepit, vii regni Numidia tantummodo procuratorem existimarem meam, ceterum ius & imperium eius penes vos esse.* Itaque censet ab hoc largitionis genere, quod tamen ad bellum habebat obsequium iniunctum, dimanasse feudisticum ius, quod priscis beneficium fuit; Longobardi autem vocarunt suo nomine *feudum*, id est militare beneficium; suamque coniecturam ille coadiuuat ex eo, quod verbum hoc *feudum*, deductum videatur à verbo Germanico, *Fed*, quo bellum significatur, vel publicum, vel priuatum; & *feida*, pro capitalibus inimiciis; & *defeidare*, pro eo quod nobis est capitales inimicitias denuntiare; & *defeidatus* est is, contra quem inimicitia est denuntiata, Longobardicâ linguâ in Lombardia, *lib. 1. tit. 9. l. si quis hominem*, ibi : *Quia filia, qua femineo sexu esse noscuntur, non possunt feidam leuare*; & in legibus Franciæ *lib. 4. tit. 49.* vbi cumque aut culpa contigerit, vnde *feida* contingere potest; & in legibus Longobardicis, *tit. 17. & tit. 30.* verbum *feida*, inimicitia est. Ex quibus censet vir doctus, & eruditus verbum hoc Germanicum, ab ipsis Germanis inuentum, beneficia significare; non qualiacumque, sed militaria, & quæ obsequium ad bellum suscipiendum, iniunctum habeant; nec enim vassalli solum ad publica bella solemniter indicta tenentur, sed & ad priuatas contentiones, §. *fin. sic finitur lex deinde consuetudines Regni incipiunt.* Contra omnes, inquit, debet vassallus Dominum adiuuare, & contra fratrem & filium, & patrem, nisi contra alium Dominum antiquiorem; hic enim ceteris est preferendus. Hæc Hothomani sententia est, qui quod attinet ad nomen *feudum*, habet feudisticam legem contrariam, scilicet §. *final. per quos fiat inuestitura, & per quos recipiatur*, vbi *feudum* à fide dictum Obertus censet. *Nulla autem inuestitura*, inquit, *debet ei fieri, qui fidelitatem facere recusat, cum à fidelitate feudum dicatur, vel à fide, nisi eo pacto acquisitum sit ei feudum, vt sine iuramento fidelitatis habeatur.* Hæc Obertus, quem licet hoc nomine reprehendat ipse Othomannus, ab eo tamen non est decedendum; quamuis enim in his quæ pertinent ad nominum etymum, parum aut nihil faciat apud cordatos & eruditos viros legis autoritas, est nobis inter alias *lex 28. tit. 9. part. 6.* quæ præter merum veterum figmentum, quos illa secuta est, nihil aliud continet, & sic se habet: *En latin tanto quiere dezir en Romance, como una razon que es scripta en el dextro, que muestra porque palabras pueden ser dexadas las mandas.* Cùm multitudo legum effecerit, vt in partes distribuerentur, scilicet tres, non verò persona, verbum, vel res; promiscuè enim in tribus tomis Legatorum de personis, rebusque agitur, ac de significatione quoque verborum disceptatur. In his verò Feudorum libris, vbi de verbo Longobardo à Longobardis agitur, non potest non esse maxima ipsis autoritas, sicuti & in nostris legibus Hispaniæ, sicubi de significatione, & vsu veteri verbi Hispani agitur, non verò exteri & peregrini, sacrosancta autoritas est, à qua decedere impium satis sit.

Hæc de origine feudorum scripta sunt, vnde dimanarint feudisticæ consuetudines, quæ singula applicari feudo vniuersè cùm non possint, applicata verò singula singulis generibus feudorum magis propria videri poterunt; ipsa namque consuetudo varia est, & plura genera feudorum admisit, cum quibus



non ineptè aliquæ quoque Romanorum veteres consuetudines conferri poterunt ; cùm enim feudum sit beneficium ex largitate datum , proprietate Domino reseruata , vñfructu translato in accipientem , & eius hæredes vtriusque generis & sexus , si de his mentio in concessione facta sit , vt tamen ipsi seruiant , textus *in c. primo , §. beneficium , ex quibus causis feudum amittatur , lib. 2. titul. 2. 3. ad finem* : & est illa recepta Scriptoribus , licèt alias definitiones tradant ; sed in eundem sensum incidunt , vt scilicet gratuita donatio feudum sit , retenta proprietate sub fidelitate & exhibitione seruitij ; Molinæus *in consuetudinibus Parisiensibus , tit. 1. in principio , num. 52.* cùmque hæc gratuita largitas , & donatio , vel concessio fieri consueuerit pluribus modis , neque vnus semper modus obseruatus sit , non vna lex , non vna eadèmq̃ constitutio in concessione feudi fieri poterit , vt diuersæ consuetudines diuersis quoque Romanorum moribus rectè applicentur ; est namque feudum aliud regale , vel vt alio nomine dicitur , feudum dignitatis , in quo concedatur regnum , vel dignitas , Ducatus , Comitatus , à Rege vel Imperatore , vel Republica , quæ Regis , vel Imperatoris instar sit : huic rectè applicatur Massinifæ Regnum acceptum à Romanis , de quo superius , quod Micepsa fatebatur à parente sibi reliquum ; ita tamen vt Romanorum esse existimaret , procurationem existimans sibi solum commendatam. Ligium feudum est , in quo vassallus principaliter potestati Domini personam suam subiiciat , & cum persona sua omnia bona sua , & iurat fidelitatem , nulla alterius fidelitate reseruata ; vnde non potest quisquam esse duorum homo ligius , *in Clement. pastoralis , de sententia & re iudicata , verbo , Homoque ligius.* Ligius enim est qui fidelitatem iurat vni contra omnes de mundo , nemine excepto. At verò in reliquis liberum erat ad antiquiorem Dominum accedere , *hic finiur lex , & consuetudines Regni incipiunt , §. final. libro 2. titulo 28.* contra omnes debet vassallus Dominum adiuuare , & contra fratrem & filium & patrem , nisi contra alium dominum antiquiorem ; hic enim ceteris est præferendus. Præterea *in §. primo , de noua forma fidelitatis , libro secundo , titulo septimo* , est noua forma iurifurandi de nouo inuenta , in hæc verba : *Ego Titius iuro super hac sancta Dei Euangelia , quod ab hac hora in antea vsque ad vltimum diem vite meæ ero fidelis tibi Caio Domino meo contra omnem hominem , excepto Imperatore.* Ecce quod ibi Imperator excipitur : & quamuis *in §. final. de prohibita feudi alienatione per Federicum , libro 2. titul. 55.* constitutum sit , vt in omni Sacramento fidelitatis Imperator semper excipiat , vnde videri poterat semper exceptus Imperator ; ac subinde videri poterat nullum esse ligium feudum , quia nulla concessio in feudum constitui potest , quin videatur Imperator semper exceptus ; quod ad nos attinet , si quis à Rege Gallorum , vel Hispano , qui Imperio non subsunt , feudum accipiunt cum fidelitate præstita contra omnes de mundo , vel ab ipso Imperatore , regale id feudum erit , ipsèque homo ligius , quia nemini accedere potest , neminèque excepto contra omnes stare debet : & licèt Franciscus Hothomanus in disputatione de feudo , capitulo quarto , isthuc conetur destruere , fundamenta eius non euertunt rationem distinctionis receptissimæ , cùm etiam si apud Gallos , & Germanos homo ligius sit idem quod vassus , vel vassallus , & subiectus ; tamen Feudistæ reper-

- 35 ra formâ fidelitatis, in qua nemo excipiebatur, ligium illum vocarunt, aiunt-  
que necesse esse, vt in inuestitura ita nominetur. Aliud est feudum francum,  
in quo inuestitus ad ea sola seruitia tenetur, quæ expressa sunt in inuestitura,  
ad alia verò minimè. Atque hæc tria feudorum genera, scilicet regale, ligium,  
& francum, quæ communis & recepta diuisio constituit, vocant alij sum-  
36 mum, medium, infimum; vt summum & primarium feudum regale sit, quod  
à Rege, vel Imperatore datum est, vt Ducatus, Comitatus, vel Marchia. Est  
37 autem Marchia prouincia in limite posita, quæ traditur semel expugnata ali-  
cui custodienda, dicta Marchia, à verbo *March*, Germanico, quod limitem  
significat; & Marchio est ille cui hæc prouincia commissâ est, limitanea &  
finalis, de quo tamen videndus est Franciscus Hothomanus in *suo Dictiona-  
rio*, verbo *Marchionis*, vbi insignem locum adducit Albetti Krantij in Van-  
dalia, lib. 3. cap. 16. licet alij existiment dictam Marchiam, & Marchionem,  
& Marischalcum, à voce Gallica *March*, quâ equum significant, vt Mar-  
chio sit, qui & Præfectus equorum, vel Equitum magister; & inde dictum  
quoque Marischalcum: idem Hothomanus *vbi supra*, licet textus in *auth.*  
*Marchia*, à Mari deducat, quis dicatur *Dux, Marchio, Comes, Capitaneus, vel*  
*Valuasor*, lib. 2. titul. 10. in principio. Qui à Principe, inquit, est de Ducatu  
aliquo inuestitus, Dux solito more vocatur: qui verò de Marchia, Marchio  
dicitur: dicitur autem Marchia, quia Marcha vtplurimum iuxta Mare sit po-  
sita. Qui verò de aliquo Comitatu, Comes appellatur; qui verò de plebe, vel  
plebis parte, appellatur Capitaneus, qui propriè valuasores maiores olim ap-  
pellabantur. Licet autem textus dicat Marchiam dictam à Mari, verius tam-  
en est nomine Marchiæ intelligendam esse prouinciâ ad limites Imperij,  
cuius custos Marchio dicitur. Legitur titulus inter leges Francorum, libro 4.  
*de Vasis Dominicis ad Marchiam custodiendam constitutis*. Summum igitur, &  
supremum feudorum genus est, scilicet regale, quod ex largitate Principis  
profisciscitur, & dicitur etiam feudum dignitatis; & qui hoc genus feudi acci-  
piunt, valuasores appellantur; item vassij, seu vassalli, vel valuasini, vel be-  
neficiarij, vel infeudati, vel fideles, vel feudatarij; quæ nomina generalia  
sunt, vt beneficiarium significant. Rex enim Francorum lib. legum 4. cap. 88.  
feudatarios suos, Episcoporum & Abbatum, Comitum & reliquorum, nomi-  
ne generali vasis vocat: & lib. 5. cap. 1. Ordinavit (inquit de Carolo Mag-  
no) per totam Aquitaniam Comites, Abbatésque, necnon alios primos, quos  
vasos vulgò vocant, ex gente Francorum, eisque commisit curam Regni, pro-  
vt vtile iudicauit, & finium tutamen. Vassalli quoque dicuntur, diminuto no-  
mine à vasis dicti vassalli: dicuntur & valuasores, & valuasini. Quod verò  
Franciscus Hothomanus existimat in *disputationibus de feudis*, lib. 1. cap. 3. à  
vasis dictos Bassas Turcarum, sine auctoritate est. Simile etiam erat apud  
38 Connanum *vbi supra*. Turcæ namque nomine patrio magnos Duces Bassas ap-  
pellant; nec verosimile est ad has nominum acceptiones respexisse: & licet  
omnes beneficiarij propriè & feudatarij, vassij, vassalli, valuasores, & valua-  
sini appellentur, propriâ obseruatâ vocum significatione; illud obtinet respec-  
tu Principis, & quantum pertinet ad regale feudum, summum scilicet & su-  
premmum: in quo genere sunt sæpe Reges, Comites, Duces, Marchiones,  
Capitanei,



Capitanei ; nam quod attinet ad medios , hoc est ad ligium feudum , quod conceditur sæpe ab istis Ducibus , Comitibus , Capitaneis , & Marchionibus , beneficiarij hi & in feudati propriè dicuntur valuasores minores , §. *qui verò à Principe , quis dicatur Dux , Marchio* , lib. 2. tit. 10. qui verò à Principe vel aliqua potestate de plebe aliqua vel plebis parte per feudum est inuestitus , is Capitaneus appellatur , qui propriè valuasores maiores olim appellabantur ; qui verò à Capitaneis antiquitus beneficium tenent , valuasores sunt ; qui autem à valuasoribus feudum quod à Capitaneis habebatur , similiter acceperint , valuasini , id est , minores valuasores appellantur : qui valuasini vltimum & infimum genus feudi constituunt , scilicet Francum , in quo præter seruitium inuestituræ expressum nihil aliud continetur ; & hæc pertinent ad tria illa genera feudorum , regale , quod summum est , ligium medium , francum infimum ; in quo licèt omnes feudatarios & beneficiarios , vasa , vassallos , valuasores , & valuasinos appellemus , vsu tamen feudistico regales vocamus vasa & vassallos , medios vel ligios vocamus valuasores ; infimos autem vocamus valuasinos , qui francum feudum adepti sunt . Hæc est trimembris illa diuisio feudorum , quæ passim à Scriptoribus traditur , vsu forensi recepta .

Vides igitur ex superioribus non ineptè , sed eleganter applicari posse feudi genus illud supremum & maximum , quod nos regale vocamus , beneficiis à Romanis acceptis , quale illud Massinissæ est apud Sallustium . Tum illud quod de Marchione dicimus , non absimile est his quæ ex Lælio Taurelio adduximus ; hoc enim beneficij genus tale erat , vt beneficiarij his à quibus beneficium acceperint , domi forisq; adessent armati , togæ , militiæque subituri obsequium , vtque arces & castra in finibus imperij sibi donata , defendentes , seipsos tuerentur , & imperij fines dilatarent ; pertinentque hæc omnia ad feudum regale , quod qui acceperint , propriè vocantur vasa , aut vassalli ; reliqui qui ab his feuda accipiunt , valuasores , vel valuasini , si à minimis accipiant beneficium ; in Hispania enim non agnoscimus aliud genus feudi , quàm largitates & beneficia Principum collata Nobilibus , propter quæ Nobiles , qui vrbes , castra , & oppida accipiunt , eadem custodire teneantur , & Regem suum sequi armati , quocumque bellum indixerit ; ibi ipsi cum armatis adsunt vulgò , *Con lanças* . Et hac ratione isti Nobiles solum beneficiarij , vassalli vocantur Regis Hispaniæ , non verò reliqui , solum enim vasus vel vassallus Regis vocatur , qui ab eo habet castra , vel oppida , vel vrbes , lib. 1. tit. 25. part. 4. & l. 2. eod. tit. & part. quod tenet Molina lib. 1. de *Primogeniis Hispanorum* , cap. 13. num. 48. cum autem verum sit , eos qui accipiunt à Regibus Hispaniæ hæc beneficia , scilicet , Duces , Marchiones , Comites , & Capitaneos , dici vassallos ; eos tamen duntaxat dici propriè hoc nomine , nostro iure non probo , vel ex ipsis legibus quas allegat idem Molina d. l. 1. tit. 25. part. 4. *E vassallos son aquellos que reciben honra , e bien fecho de los señores , assi como cavalleria o tierra , o dineros , por seruicio señalado , que les ayan de facer* . Et dict. l. 2. eod. tit. & part. & l. 4. eodem , clariùs : *Vassallo se puede fazer un home de otro , segun la antigua costumbre de España en esta manera , otorgandose por vasallo de aquel que lo recibe , e besandole la mano por reconocimiento de señorio* . Et ibi rursum , *Tornase home de otro* . Nobiles enim Hispani cum à Regibus acceperint

urbes, & redditus propter seruitia facta & facienda, feudatarij sunt intelligendi. Andreas *in cap. 1. in fin. in additione*, ex quibus causis feudum amittatur; quod ad ligium feudum non ineptè refertur, de qua Clarus *in l. 4. eodem*, ubi quod duorum simul vassallus Dominorum esse nequit: & quemadmodum deceder ab vno, ita ad alterum accedet, quæ ad ligium feudum referenda sunt, & non  
 43 nihil pertinent ad clientelam Romanam, de qua Budæus & Zazius *ubi suprà*; nemo enim duos patronos habere poterat, nec vnquam habuit. Tertium autem genus feudi infimum, scilicet, francum, ad vassallos solariegos Hispaniæ rectè applicatur, qui ad ea solùm tenentur, quæ in inuestitura expressa sunt, nec quicquam aliud; de quibus suprà egimus *cap. 9. num. 52.* & cum agricolis censitis rectè comparantur. Itaque licet nouiores in eo laborarint, vt consuetudines feudisticas vniuersè referrent ad mores Romanos, vniuersè id fieri nequit, singula autem genera rectè applicari possunt.

44 Præterea Micepsa non otiosa aiebat, patrem suum Massinissam sibi prædixisse, Regnum suum populi Romani esse, procurationem suam esse, & ad se pertinere, vt vetus possemus intelligere feudi genus; namque feudum aliud vetus est, aliud nouum: illud vel ab antecessore præsentis domini constitutum, vel antecessori vassalli concessum; antiquum enim feudum successionem respicit, siue proximam, siue remotam; ideoque paternum feudum, & auitum, & hæreditarium continet, cùm antecessorem habeat, qui dederit, vel acceperit, §. 1. *per quos fiat inuestitura, & per quos recipiatur, lib. 2. tit. 3. Inuestitura* (inquit) *aut fit de veteri beneficio, aut de nouo; quæ de veteri, etiam à minore potest fieri.* Aliud est nouum, quod & ab eo Domino, & ei vassallo, de quibus agitur, constitutum est, *dict. §. 1. & si duo fratres, de feudo Marchia, vel Ducatus, lib. 1. tit. 14.* Si duo fratres simul inuestiti fuerint de beneficio nouo, & non de paterno, si vnus eorum sine descendentibus masculini sexus mortuus fuerit, dominus succedit, non frater; maxima autem vtilitas huius distinctionis est, quantum ad alienationem feudi, vel commissum, etiam in præiudicium filiorum; & potest ipsum prælegare pater, qui nouiter accepit, de quo Iulius Clarus *quæst. 41. & quæst. 40. verbo feudum.* Vnde si quis habeat feudum antiquum, si ipsum renouat, quod pertinet ad se, & dominum, feudum nouum est; at verò quoad filios agnatos, vetus est, ne ipsis fiat præiudicium ex nouatione feudi innouati sine ipsorum consensu: quod est elegans ad renouationes emphyteuticas, quas passim vnus ex cohæredibus emphyteutæ facit, vt fratres priuet commoditate & fructu emphyteusis; quia tale feudum, ac subinde emphyteusis, noua est respectu domini & nouiter accipientis; respectu verò fratrum & agnatorum, est antiquum, nec quicquam ipsis præiudicat innouatio. Bald. quem refert Iulius Clarus *quæst. 8. verbo feudum, in c. 1. n. 20. an agnati, vel filius*; quæ est sententia communiter recepta, Iacobinus *in feud. verbo, Itaque ipsi inuestiti, n. 14. vers. sed ponamus.* Est igitur Micepsa recordatio parentis illa non otiosa, sed opportuna, vt beneficium illud acceptum à populo Romano, vetus & antiquum, paternumque significaret; quod firmitus esse solet & fortius, magisque stabile, & permanens, quantò antiquius, & magis diuturnum: cùm enim multa in concessione deesse possint & soleant frequenter, diuturnitas temporis sui ipsius beneficio omnia ea supplere solet, & potest.

Præterea



Præterea reperiuntur etiam feuda non militaria, quæ qui accipiunt, censitis Romanorum similes videri possunt, cum pensionem persoluant pro re recepta; ad militiam autem & bellum nec ex forma inuestituræ tenentur: distinguunt enim tertio Feudistæ inter feudum rectum, & non rectum. Rectum voco proprium, & est quod propriis feudi regulis continetur & legibus, & veram & rectam, propriamque feudi rationem & naturam, conditionemque retinet; veluti, ut militare beneficium sit, ut perpetuo iure teneatur, utque ad hæredes transeat, neque auferri queat, nisi ob feloniam, §. *præterea, quid sit inuestitura*, lib. 2. tit. 2. & in §. *item dicit vassallus, de controuersia inter Episcopum & vassallum*, lib. 2. tit. 20. ibi: *Item dicit vassallus, quod prius de suo recto feudo debet*. Aliud est non rectum, & improprium, quod degenerat à recta ratione feudi, veluti quod militare non sit, cuius causâ fidelitatis sacramentum nullum interuenit, veluti quod certo & definito tempore finiatur, qualia sunt feuda Guastaldi, & Guardie, Camere, Cauene, & Soldatæ, §. 1. *de feudo Guardia, & Castaldie*: Guardia autem est custodia, vetus vox Germanica, unde feudum guardie habet is qui prædio custos imponitur. Hinc aliud est tenere pro feudo, & tenere pro Guardia, dict. §. 1. *de feudo Guardia*, & ibidem Castaldia, siue Guastaldia, est cura; & Guastaldus, præfectus, siue custos curtis, & dicitur actor in legib. Longobard. lib. 2. tit. 17. ibi: *Si Guastaldus aut quilibet actor Regis post susceptas & commissas ibi ad gubernandum curies, aut casus Regis aliquid per donationem acquisierit*. Hæc autem duo genera feudorum Guardie & Guastaldie improprie feudum dicebantur, quoniam ad custodiam dabantur & curam, non perpetuè. Idem est dicendum de feudo camere, siue cauene; sunt enim feuda non recta, id est, non obseruata recta ratione feudi; camera enim Longobardorum lingua conclauis est, in quo pecunia seruatur, & ita vocatur Hispanis; sæpe enim applicatur pecunia cameræ Regis; & vnum feudum de camera, accipitur pro stipendio quod vassallo datur à Domino: & cauena est cella; unde feudum de cauena, est annua erogatio vini, frumenti, alteriusve annonæ, quæ militi tribuitur. Itaque feudum de cauena, est feudum de cella vinaria vel frumentaria, §. *sciendum, de feudi cognitione*, lib. 2. tit. 1. *Ubi*, inquit Obertus, *sciendum est feudum, si e beneficium, non nisi in rebus soli aut solo coherentibus, aut in his qua inter immobilia connumerantur* (veluti cum de camera aut de cauena feudum datur,) *posse consistere*: §. *si vero vassallus, quid sit inuestitura*, lib. 2. tit. 1. Improprium etiam est feudum soldatæ, quæ est præstatio vel solutio pro seruitio, §. *fin. quis dicatur Marchio*, lib. 2. tit. 10. Hoc verò feudi genus improprium, & non rectum non immeritò referri poterit ad Romanorum veteres militias, de quibus diximus suprâ latè, cap. 4. num. 16. Militia enim, ut ibi diximus, erogatio erat, ex largitate Principis profecta, pecuniaria, vel frumentaria, quæ principio militibus bello clavis præstari cœpit, postea verò etiam togatis: unde feudum de Guardia, Guastaldia, camere, cauene, & soldatæ proficisci non ineptè existimabimus. Hoc enim efficitur post ingenia illustria, ut singula feudorum genera singulis quoque Romanorum moribus relata ab ipsis profecta videri possint; omnia autem simul iuncta ad vnum eundemque morem referri non possunt, ut Molinæi & reliquorum sententia, qui à Romanis profecta negant

negant isthæc iura dubia, vel ipsarum gestarum rerum serie videri possit.

47 Plura alia de feudo traduntur, sed hæc pertinent ad originem feudorum, quæ plerique obstinatè ignota Romanis esse asseuerant; quod docti quidem fatentur, si leges scriptas de ipsis, feudique constituendi rationem, regulas, legesque respicias. Caterùm si mores & consuetudines legibus ipsis comprobatas animaduertas, non dubium est, quin originem acceperint à Romanorum clientelis, militiis, beneficiis, & prouinciis; aded vt in his feudis eluceant non obscura veteris consuetudinis vestigia. Et sunt hæc addenda ad ea quæ tradit Alvarus Vasc. doctissimus, *quest. 39. iuris emphyteutici*, vbi & in præcedenti, & aliis sequentibus latissimè de feudo, quatenus potest ad emphyteusim referri, eleganter agit. Nos tamen nostrum institutum securi, obseruata ratione quam tradidimus de vsufructuario, inquirimus quæ expendat vassallus, quas expensas, quasque meliorationes de suo teneatur facere, quasque recuperet à domino, quasque amittat, quæ sit necessitas expendendi; hic enim nobis cyclus est, extra quem videri possumus extra choream saltare, etiamsi animaduertamus nullam esse posse tam constantem orationem, quæ non excessus quoque admittat suos. Itaque principio constituendum est, licere quidem argumentari de vsufructuario ad vassallum, emphyteutam, & alios his similes, quibus fructuum percipiendorum ius est plenum & absolutum, quales sunt Episcopi, Beneficiati, & maioratum possessores; quia quantum attinet ad fructus, & ea omnia, quæ fructuum perceptores sequuntur, fructuariis similes sunt, etiamsi in aliis dissimiles videri possint; & in hoc constituitur argumentum inter hos, vbi inter eos eadem ratio inueniatur; licet enim maioratus possessor dominus sit, licet emphyteuta, & vassallus ius fortius quàm in fructuario sit, habeant; licet Episcopis & Beneficiatis aliquantò debilius; tamen cum omnes iure proprio fructus percipiunt, quantum ratio ipsa fructuum percipiendorum patitur, quantumque natura & qualitas eorum omnium, quæ fructus consequuntur, fert, optima est collectio ab vsufructuario ad feudatarium, emphyteutam, possessorem maioratus, Episcopum & Beneficiatum, quia vna, eademque ratio est in his; contrarium autem argumentum non constat, quia ratio feudatarij emphyteutæ est; quod argumentum passim agnoscunt viri doctissimi, quia quando vnum adæquatur alteri, tunc rei, ad quam sit adæquatio, nihil adiicitur, sed tribuitur ipsi adæquato quicquid est iuris in re ad quam sit adæquatio, *l. illud, ff. de donation. caus. mort. l. 1. §. 1. ff. si quid in fraudem patroni*: quando autem duo mutuo adæquantur, tunc hinc inde vires vtriusque adæquantur, *l. 2. C. communia de leg. Auth. in successione, C. de suis & legitimis hered. Bart. in l. 1. ff. de leg. 1. & Ias. ibid. num. 37*. Cum autem æquiparemus vsufructuarium vassallo, ius feudatarij, quod comparatur, tribuimus vassallo, non verò contrà vassallum dicimus in omnibus fructuario similem. Ex qua ratione ita colligebat Molina *lib. 1. de Hispanis primog. cap. 7. num. 8*. Pinell. latissimè in *l. 1. C. de bonis mar. part. 2. num. 72. versiculo secundo ampliatur*, quod sæpe repetit. Vbi etiam in octaua ampliacione extendit ad conductorem ad longum tempus, de quo nobis inferiùs agendum est; quia ratio quæ versatur in fructuario propter fructus, & quæ fructus sequuntur, reperitur etiam in conductore: ita quoque ar-

gumentatur



gmentatur Aluarius Vazquez *in quest.* 16. *num.* 1. statim post principium, de alluione : & idem argumentum non receperat, propter diuersam rationem, *in quest.* 15. *num.* 10. & rursum admittit idem argumentum *quest.* 17. ubi de tributis agit, quæ & quanta quis soluat. Recipit illud argumentationis genus Franciscus Hochomanus *cap.* 34. *ubi supra*, & recipiunt Feudistæ reliqui.

Et primò quidem, sicuti receptum est in usufructuario, ut rem, cuius fru- 48  
ctibus fruitur, conseruet & tueatur, ne deterior fiat, *l. cum ad quem 7. C. de usufruct. l. usufructu, §. 1. eodem*; ædes enim fartas tectas habere debet, prædicia culta, fundos, reliquaque in eo saltem statu, in quo erant, cum fruendi ius concessum est; quod proximo capite diximus. Id quoque recipiendum est in vassallo: textus *in §. publici latrones, versic. quicumque aduocatiam suam, de pace tenenda, & eius violatoribus, lib. 2. tit. 27.* allegat ad hoc Franciscus Hochomanus *§. fin. & penultim. Hic finitur lex, lib. 2. tit. 28.* sed nihil facit: tenet Zazius *in Epitome feudorum, part. 10. conclusione 2.* quòd ex hac causa possint priuari feudo, Afflictis *decisione Neapolitana 265. vers. 11.* Molineus *in consuetud. Parisiensib. tit. 1. §. 30. num. 166.* & in hoc argumentatur ab emphyteusi ad feudum, *arg. aut. qui rem, C. de sacrosanct. Ecclesiis*: nec existimat Molineus distinguendum esse inter feudum perpetuum & temporale, ut scilicet in hoc admittatur priuatio ob deteriorationem, in illo verò non admittatur, ex eo scilicet, quod feudum perpetuum sit in nostro patrimonio, & liceat nobis saltem impunè abuti rebus nostris, quarum sumus integri moderatores & arbitri. Concludit tamen Molineus, non licere vassallo deteriorare vel destruere, in magnum & perpetuum detrimentum domini, & deuastationem feudi; quid enim si vassallus turres, castella, & mœnia urbium euertat, curtem destruat, vniuersum fundum in syluam abire patiatur? profectò non possunt non videri dolo hæc effecta, quæ ne populator quidem, aut patriæ hostis efficeret. Talisque deterioratio procul dubio dominum ad iudicium admitteret, iudexque prudens ex ea causa, quæ talis, tantaque sit, feudum domino adiudicabit; in quo tamen est textus *in dict. §. quicumque*. Interpellatio domini necessaria est, ut vassallus repararet, non respicientem autem & obstinatè deteriorantem, meritò à feudo iura excludent: & quamuis Iulius Clarus *quest. 56. verbo feudum*, existimet decedere se ab opinione Molinei, reuerà idem tenet quod Molineus; 50  
vterque enim admittit priuationem feudi ob deteriorationem magnam, quæ sit melioris, vel maioris partis fundi, & feudi; Molineus enim eam deteriorationem admittit ad priuationem, quæ talis & tanta sit, ut more populatoris facta esse videatur; in quo tamen, quod attinet ad deteriorationem, prudens expectatur iudicis arbitrium, qui de ea re cognoscet. Plurimum enim illud valet, & admissum quoque est in feudalibus controuersiis, *§. ad hoc, de pace tenenda & eius violatorib. lib. 2. tit. 17.* ibi: *Bonus tamen iudex variè ex personis causisque definit.* Aluarius Vazquez *quest. 38. num. 22. iuris emphyteutici*, indistinctè tenet, propter deteriorationem priuari posse vassallum, & refutat Iulium Clarum; sed reuerà Iulius Clarus, & Molin. idem tenent, ut dicimus, & pro ista sententia est nobis expressa lex *1. tit. 18. part. 2.* ibi: *Ca aquel- 51  
los que los han por heredamiento, deuenlos tener labrados e bastidos de oves, e de*

armas, e de todas las otras cosas que les fuesen menester, de guissa que por culpa dellos no se pierdan, nin venga dellos danno, nin mal al Rey, nin al reyno. Et loquitur lex de castris, vrbibus, & oppidis datis iure perpetuo Nobilibus Hispaniæ, quam concessionem diximus non absumilem feudo regali, quæ sit Marchioni, Duci, aut Comiti, aut Capitaneo, ibi: *La una de aquellos aquien el Rey da los Castillos por heredamiento.* Et subdit lex, propter deteriorationem, vel alienationem priuari posse, ibi: *Porende el que perdiessse el castillo, o lo enagenasse, a sabiendas aquien fixiessse danno, o guerra al Rey, o al Rey del, faria traycion conosciada, porque deve perder todo el heredamiento que oviere, e ser he elbgo de la tierra para siempre jamas, e el castillo deve tornar al señorio del Rey, como de primero.* Et Greg. Lopez ibi, verbo, *Deven las tener labradas*, tenet teneri Dominos ad reparationem mœnium, & castrorum suis sumptibus, & quod possunt ad illud cogi. Ex quibus omnibus elegans est æquiparatio fructuarij, & vassalli, vt de deterioratione omnino teneantur; & sicut ille tenetur tueri & defendere causam vsusfructus, quo fruitur, vtcumque defendenda sit, siue manu, siue in iudicio, quando per vsusfructum sibi liceat, id quodque omnino facere teneatur vassallus; quod si maiores expensæ necessariæ sunt, tunc requiritur Dominus.

Culpam autem vassalli in hoc casu, etiam leuissimam, admittimus: tum ex his quæ diximus precedenti capite, num. 30. quia versatur in hoc casu Domini, & vassalli emolumentum, commodum, & vtilitas, ne ædes, mœnia, castra corruant: & tum etiam, quia in vassallis exactissimam diligentiam requirimus, arg. text. in l. 3. § sciendum, ff. de offic. Prefecti: videndus Greg. Lopez ubi supra, verbo, *Por su culpa perdere el castillo*, vbi tenet quod custos castrum qui ob leuissimam culpam amisit castrum, non puniatur pœnâ mortis, arg. text. in l. 12. tit. 29. part. 7.

Ex eo etiam meritò descendit, vt quia feudum propter deteriorationem & maximum damnum reuertatur ad Dominum, iurisdictio, quam obtinent Domini locorum infeudatam, vel apud nos à Rege concessam, ad Dominum reuertatur, si Domini locorum eadem abutantur, instar deteriorationis quæ in reliquis rebus contingit, & propter abusum & nimium excessum in exercitio ipsius sequitur priuatio, in pœnam abusus, quod post Bald. & alios in dict. §. *quicumque aduocatum*, Innocent. Ioan. And. Gemin. & Philippum Francum in cap. 2. de re iudic. in 6. tenet Molin. ubi supra, num. 166. quod quidem ex facto semel vidimus in hoc Prætorio, latâ sententiâ contra Domin. Fernandum de Castro, quia prætextu iurisditionis accusabatur raptum commisisse; postea morte ipsius res consopita est.

Quin immò ex sola negligentia Dominorum in administranda iustitia partibus & subditis reuertitur iurisdictio ad Regem & ad iudices Regis ordinarios: cum enim Rex Hispaniæ fundet intentionem in omni iurisditione in Hispania iure communi Hispano, Gregorius Lopez in l. 2. tit. 1. part. 2. Avenañus de exequendis mandatis Regis Hispaniæ, cap. 1. part. 1. num. 6. vers. *idem probatur*, ob idque concurret cum omnibus Dominis sibi subditis, quibus ab ipso concessa est iurisdictio, Palacios Rubios post Baldum, & alios quos ibi refert, in Rubrica de donationib. inter vir. & uxor. col. 3. num. 7. Avenañus



dañus vbi supra *num. 3. i. vers. nam licet*; constat enim Regem nostrum in toto suo Regno, & qualibet eius parte fundatam habere iurisdictionem, cum sit Monarcha & summus Rex, & solus in Regno suo, *l. i. in principio*, ibi, *ei & in eum omne imperium*, ff. *de consis. Princip. l. vna*, ibi, *regiminibus reipublica ad Imperatores translatus*, ff. *de offic. Prætorio Præfecti*; isthuc autem fundamentum est de iure gentium, *l. ex hoc iure*, ff. *de iustitia & iure, cap. in apibus, 7. quæst. 1.* Duius Thom. 2. 2. *quæst. 66. art. 2.* ideoque delirant, qui solum gradum appellationis Domino nostro Regi reseruant; concurret enim cum omnibus: inde est, vt si Domini locorum negligentes sint, eorumque iudices in administratione iustitiæ, iudex regius ordinarius possit de ea causa, in qua negligenter sese gesserunt, cognoscere, *in auth. de quæstore, §. si verò forsan, coll. 6. & in cap. irrefragabili, de offic. ordinarij*, Gregor. Lopez *in dict. l. 3. tit. 1. part. 2. verb. per privilegio*, Carol. Molineus licet obscurius, *in consuetudinibus Parisiensib. tit. 1. §. 2. glos. 2. num. 10.* Auendañus *cap. 1. in prima parte, de exequendis mand. Reg. num. 31. ad fin.* Quod in hoc nostro prætorio 58  
quotidianum est, sæpe enim proponitur querela super homicidio, aut alio crimine contra delinquentes, & iudices Dominorum, in quorum territorio delictum commissum sit; proponiturque iudicium negligentia, vt magis causæ cognitio in Senatu retineatur; ex aduerso autem proponitur causam præuentam, nec posse ad Senatum pertinere ante diffinitiuam: præcipitur autem, vt testes de crimine recipiantur, & acta iudicis adducuntur, ex quibus si constet negligentia iudicis, retinetur causa; & capti à iudice quoque ad carcerem regium adducuntur, aliàs remittitur causa legitimè præuentione occupata; & & in hoc casu rectè competit iurdictio, quia ordinaria est, vnde in hoc casu debet declinatoria proponi à iudice Domini, vel ab ipso Domino; nam pars propter competentem iurisdictionem non auditur declinans. Ita tenent Gregor. Lopez, & Molineus *vbi supra*, & fit quotidie.

Hæc enim omnia ex eo descendunt, quod scilicet vassallus tenetur reparare & conseruare curtem feudalem & dominicam, nec ipso feudo abutitur: illinc descendit priuatio, & iurisdictionis abusu ipsius recuperatio ad Dominum, & in casu negligentia particularis illa quoque recuperatio. Simile est 60  
quod tradit glossa *in cap. 1. §. item qui domino, in verbo iustitiam, qua fuit prima causa beneficij amit. lib. 2. tit. 24.* Vbi fit illa æquiparatio, quod sicut priuatur vassallus si iustitiâ abutatur ipsam non administrando; ita quoque Dominus priuatur proprietate propter eandem causam; & sequitur glossam Bald. & Præpositus, & Iacobinus *in feudo, verb. dictique vassalli, el primo, num. 24.* licet Iulius Clarus huic opinioni non assideat propter æquiparationem vassalli & Domini: æquiparatio autem innititur in abusu ab vtroque facto, & commisso; & reuerà illa æquiparatio cognita est iure illo feudorum, *cap. 1. qualiter dominus proprietate feudi priuatur, lib. 2. tit. 47.* & in vassallo est textus *§. illud tamen non lateat*, aliàs, *item qui domino, qua fuit causa beneficij amittendi, lib. 2. tit. 24.* Item illud (inquit Obertus) non lateat, quod si quis suo Domino iustitiam facere noluerit, feudum quod tenebat, perdet, sicut in alio libello tibi scripisse hoc credo. Quæ autem & quanta, qualisque iniustitia hæc esse debeat, qui, quantus, qualisve excessus, illud iudicis arbitrio relinquendum

- est, §. *sed quia natura*, *cod. tit. & lib.* Sed quia natura (inquit Obertus) nouas deproperat edere formas, potest multis modis contingere, vt alia emergant causa, quibus videatur iuste adimi posse feudum; ideoque index solers & discretus, & æquitati obsecundare solitus, cuncta subtiliter dispensans provideat, si qua fuerit antiquioribus causis similis, seu maior, vt proinde sciat, vtum beneficium sit amittendum, an nihilominus retinendum.
- 62 Illud consequens est, an sicut usufructuarius ratione fructuum tenetur ad tributa & onera, ita quoque & feudatarius? In quo deducta ratione ab usufructuario, vt dicebamus, concludendum est, teneri beneficium vel vassallum ad onera & tributa, cum fructus rei dominicæ percipiat. In quo faciunt quæ diximus capite præcedenti, *num. 45. & seq.* & in terminis ita concludit Pinellus in *l. 1. Cod. de bonis mat. part. 2. num. 72. ampliatione 2.* post Chassan. in *consuetud. Burg. rub. 4. §. 6.* In quo vide supra *cap. proximo*, *num. 46.* hæc enim onera & tributa sequuntur fructuum perceptorem; cumque infeudatus fructus percipiat, reliquum est vt ad onera hæc & tributa teneatur, & ex hac ratione ita concludit Aluar. Vazq. *iuris emphyteutici quæst. 17. num. 3.* Omnia de his tributis constituta in usufructuario, habent locum in vassallo & feudatario, ex ratione, quæ eadem reperitur in vtroque. Molineus in *consuetudin. Paris. tit. 1. §. 22. num. 156. & 158.* vnde omnia, quæ constituta sunt de his oneribus & tributis in usufructuario, habent locum in vassallo.
- 63 Quin & in collectis quæ imponuntur, idem obseruandum est, propter eandem rationem; hæc enim rationem fructuum sequuntur, Pinel. *dict. l. 1. p. 2. num. 72. sexta ampliat.* & est in hoc argumentatio recepta ab usufructuario ad vassallum, quia vterque percipit fructus; constat enim in feudis imponi posse collectas & talias à Rege, vel Imperatore, vel Republica non recognoscente superiore: Barones verò, Comites, Duces, Marchiones, Capitanei & alij inferiores, qui superiorem recognoscunt, non possunt valuasinis suis, nempe subditis, collectas, & taleas has imponere, quamuis habeant merum imperium, & omnimodam iurisdictionem, sub quocumque prætextu, siue belli, siue famis, siue pestis, siue ad reparationem mœnium, aut murorum, aut pontium; hæc enim impositio collectarum est de regalibus, & ad Principem pertinet, *l. vna, Cod. de superindictis, lib. 10. cap. 1. quæ sint regalia:* & quamuis iure communi ciuitas, vel communitas pro necessitate præsentis poterat collectare subditos, *l. omnes, Cod. de operibus publicis*, Egidius Bossius *tit. de Principe & eius privileg. num. 95.* Chassaneus in *consuet. Burg. rubr. 1. §. 4. gl. & surses, sub num. 47.* Matth. de Afflict. in *constit. Neapolitanis, tit. de contumacia vniuersitatis, lib. 1.* Thomas Grammat. *conf. 69.* iure tamen nostro Hispano hoc ius limitatum est vsque ad quantitatem trium millium moraperinorum, qui efficiunt drachmas argenteas Romanas octuaginta octo, plus minusve, *l. 16. tit. 1. lib. 7. Ordinat.* quæ est lex 25. *tit. 6. lib. 3.* in noua compilatione. Et licet Iulius Clarus *quæst. 29. verbo feudum*, disputet contra Boëtium *decisione 116.* an ex possessione immemoriali subditos suos posset is, qui supremus non est, collectare, illud hodie cessat in Hispania, vbi est dispositio legis 24. In capitulis correctorum reprobatum contraria consuetudo, de quo Auend. in 2. *part. de exeq. mandatis Reg. Hispania, cap. 14. num. 5.*



Debet tamen collecta propriè accipi : nam si parochiani alienius parochia pro vestibus , vasisque sacris comparandis exigant quid inter se mutuo consensu , illud propriè collecta non est , nec indigent licentiâ & facultate regia , cùm fiat virtute consensus ; Chassaneus in *consuetudinibus Burg. rubr.* 13. §. 6. *glos. de porte* , Auendañus infra allegandus.

Idem dicendum est si Respublica compellat vicinos suos ditiores , vt mutant otiosam pecuniam ; quod hodie fit Compostellæ in hac frumenti miserrima caritate : quo enim tempore hæc scribimus , miserè fame laboramus , & ad comparandum frumentum , cuius à Gallis ad nos mira quantitas appulit , *mas de docientas mil hanegas* , compelluntur ditiores ciues pecunias mutuare. Chassaneus *vbi sup. rubr.* 1. §. 4. *vers. sed dicimus* , Auendañus *vbi sup. num.* 9. In his casibus , quoniam collecta nulla imponitur , non timetur pœnalis Hispaniæ : in aliis autem casibus , vbi verè collecta imponitur , non sufficiet pactum , nec concessus ciuium , propter legem nostram Hispanam. Ex quibus cauebis ab Auendaño *vbi sup. n.* 7. & 8. quod si feudum concessum sit ab Ecclesia laico , iuxta §. 1. *qui feudum dare possint* , lib. 1. tit. 1. in princ. qualia duo noscimus in hoc Regno duntaxat ab Ecclesia diui Iacobi & Compostellanis Archiepiscopis concessa Nobilibus huius Regni , alterum Comiti Altamirano , quod sine vlla controuersia obseruatum est ; alterum Marchioni de Sarria concessum , de quo lis & controuersia mota est , & adhuc pender , Archiepiscopis renuentibus accipere seruitium , equum phaleratum , & certam pecuniæ quantitatem ; isti enim feudatarij Ecclesiæ , & rerum Ecclesiarum subeunt collectas impositas à Rege nostro , etiam si Rex noster laicus sit ; de quo licet maxima controuersia sit , ita asserendum est , ex æquiparatione vsufructuarij , & feudatarij ; idque ex hac æquiparatione , & aliis vrgentissimis argumentis in emphyteuta Ecclesiæ concludit latissimè Aluarus Vazquez. *quest.* 17. *num.* 11. & *aliis seqq.* cuius rationes omnes æquè militent in feudatario sicuti in emphyteuta ; vterque enim habet vtile dominium , quod quidem in vassallo laico laicum est , quod ipse latissimè probat *num.* 12. vnde quia laicum & prophanum est , etiam si sit separatum à dominio & proprietate Ecclesiæ , subiectum est domino nostro Regi , & patitur collectas ab ipso impositas : quod probat adducto Petro de Anchar. & Andrea Barbatia , Paulo , Cumano , Alexand. Alberto Bruno , Socino , Felino , Decio , & Tiraq. in *retractu lignagier* , §. 1. *gl.* 13. *n.* 1. & Siluano *conf.* 9. *num.* 23. qui solus contradicit. Tum etiam quia mutata conditione personæ videtur mutata conditio bonorum , l. *Paulus* , aliàs *per procuratorem* , ff. de acq. hered. l. *fiscus* , ff. de iure fisci , l. *cùm quidam* , §. *si debitores* , ff. de publicanis , c. *vno* , §. *verum* , de iure patronatus lib. 6. & comprobatur ex aliis , quos adducit idem Aluarus Vazquez *num.* 25. *vers. quibus accedit* , vbi latè : tum ex ratione & tempore præscriptionis , quia licet aduersus quamlibet Ecclesiam requirantur quadraginta anni , c. *de quarta* , de *præscriptionib. auct. quas actiones* , C. de sacros. Eccles. Greg. Lop. in l. *fin. tit. fin. part.* 6. aduersus tamen Ecclesiæ vassallos , vel emphyteutas ad præscriptionem vtilis eorum dominij sufficit tempus commune , sicuti aduersus alios priuatos. Bart. in l. *si publicanus* , §. *in vestigalib.* ff. de publicanis , Baldus de *præscript.* 1. *part.* 5. *princip. in princip.* *num.* 19. & 20. Tiraq. *vbi supr.* & alios allegat ipse Aluarus

- Vazquez *vbi sup. num. 13.* Ex quibus concludit contra Laurentium Siluanum *conf. 9.* & eius fundamentis responder; & est vera opinio, quod quotidianum est in nostro pratorio, deducto argumento ad aliam speciem, vt scilicet conductores rerum Ecclesiarum non gaudeant privilegiis Ecclesiæ, quia mutata persona, fit quoque qualitatis bonorum mutatio, Segura *l. 3. §. fin. ff. de lib. & testib.* Tiraq. *in primo reuact. §. 1. glos. 13. num. 12.* Peralta *in l. cum patronus, ff. de legat. 2.* ex quo axiomate, & his quæ diximus, etiam si aliàs Ecclesia faciat notionem causarum Senatui nostro, hoc est, facit *caso de corte*, pro suis rebus conductores earundem, emphyteutæ, vel censuarij notionem eam non facient, immò nec canonici, quibus fit locatio ad vitam rerum Ecclesiæ, debitores suos adducent ad Senatum, quia mutata persona, qualitas quoque ipsarum rerum mutata censetur: de quo tamen cum obstinatè disputatum sit, sæpè variè iudicatum vidi, aliis iudicibus in alias abeuntibus sententias: sed verior est pars negatiua ex his quæ diximus, & ex *Clement. 1. de decimis, Clementina final. de censibus*, vbi Scriptores, & Geminianus *in cap. quatinque, de censibus, lib. 6.* Ioan. Andr. *in cap. 1. de immunitat. Ecclesia*, Alexand. *conf. 9. volumine 5.* Expendit igitur vassallus suis sumptibus ex his causis quas explicuimus, scilicet reparando, & reficiendo rem feudalem: item tuendo & defendendo, ne res deterior fiat, neve mansum seu curtis corruat, iurisdictionem iustè exercet, ne abusu, vel negligentia amittatur: expensas quoque eas facit suis sumptibus, quæ insurgunt propter onera & tributa quæ insunt rebus infeudatis; quin & propter collectas, & taleas impositas sumptus quoque facit, quæ omnia paria sibi sunt, & communia cum fructuariis, vigetque in vtrisque eadem ratio, ideòque iuris eadem admittitur dispositio: vnde neque magnæ, neque parvæ expensæ vlla habetur ratio; quantum enim fructus sufficere possint, tantum ob has causas expendere tenetur vassallus infeudatus.
- 72 Expendit etiam vassallus ex causa alimentorum, scilicet si patronus inops sit, nec aliunde habeat vnde se alat; esurientem enim alere tenetur, quantum ferant feudi dominici fructus, Dynus, & Bart. *in l. alimenta, §. Imperator, ff. de liberis agnoscendis*, & *in tractat. suo alimentorum, num. 45.* Ioannes Fab. & reliq. §. *sed & si quis cum parente, Institut. de actionib.* Bald. *in l. 1. §. sed scimus, C. de Latina libert. tollenda.* Matthæus de Afflictis. *decisione Neapolit. 265. vers. 29.* Caccialupus *in reper. cap. 1. in 15. concordantia de feudi cognitione*: tractat quæstionem Iulius Clarus *quæst. 23. verb. feudum.* Molineus *in consuetudinibus, tit. 1. §. 30. num. 145.* Præcipuum argumentum ad hanc conclusionem ex sententia Molinei deducitur à donatario, qui nisi esurienti donatori suo alimenta necessaria præstiterit, donatione quasi indignus priuatur, ex glossa
- 73 *in l. fin. verb. voluerit, C. de reuocandis donationib.* quam dicit communiter receptam: & licet illa causa non sit expressa *in dict. l. fin.* scilicet negatio alimentorum, vt inquit eadem glossa, & similis *in l. condemnatione, ff. de regulis iuris*; tamen constat quod ex causis similibus, vel grauioribus expressis *in dict. l. fin.* potest æquè donatio reuocari. Grauius autem est alimentà negare, quàm iniuriam verbo facere, *l. vel necare, ff. de liberis agnoscend.* ex quo argumento ita tenent prædicti; & licet in donatario, quantum ad hoc, distinguant Albericus *in dict. l. in condemnatione*, Anchar. Imol. Panormit. & Barbar. *in cap. fin.*



*fin. de donationibus*, inter donatorem omnium bonorum, ut hic alendus sit; & donatorem rei particularis, ut non sit alendus; distinctio tamen illa non placet Molineo, & merito: non enim existimat ferendum, ut inofficiosus & impius donatarius maneat in lucro, & liberalis donator extremam egestatem patiatur, ob eamque causam, siue particularis res donata sit magna, siue maxima, siue parua, siue fructuosa, ad æstimationem rei deueniendum existimat, ut tandem donatori iuxta modum largitatis suæ succurratur, siue senex sit donator, siue iuuenis, contra Franciscum de Ripa *in dict. l. fin.* eaque sententia rationem habet, & naturalem illam æquitatem animis nostris inscriptam, qua benefactoribus nostris bene quoque facere gratiam parcm referentes compellimur, quod *ἀντιπελαργέν* vocarunt veteres. Ex ratione igitur quæ suadet alendum donatarium, colligitur ratio alendi patronum; & dicendum videbatur, alendum eum quantum largitas beneficii patiatur, instar donatoris; Carolus tamen ita censet, ut si primus author feudi, qui liberaliter & gratis prædia sua in feudali passus est, esuriat, absque dubio obseruandum sit quod de donatore alendo diximus; secus verò si feudum non fuerit gratis concessum, sed ob pecuniam, & quasi pretij intercessione emptum: quod fieri posse constat ex textu *in cap. 1. de natura feudi, lib. 1. tit. 7.* ibi: *Vel nisi emerint fundum; tunc enim pretium restituendum est, secundum antiquum & rationabilem usum.* Et *in §. final. qui feudum dare possunt, libro primo, tit. 1.* vel nisi aliquid propter feudum acceperint; tunc enim nisi restituto pretio auferre non possunt. Textus *in cap. 1. de feudo guardia, lib. 1. tit. 2.* Iulius Clarus *quæst. 16. verbo feudum*; & Doctores feudistæ in prædictis locis. In hoc igitur genere feudi empti, quia liberalitas non reperitur, nil mirum si retributio quoque non reperiatur; ubi autem liberalitas est, oportet ut beneficis Dominus vassalli beneficiarii, beneficium quoque accipiat famelicus & esuriens; contrarium verò ait obseruandum in feudis antiquis, quorum viuentes patroni non sunt authores, à quibus vassalli beneficium non acceperunt, licet eisdem ad seruitium teneantur, ex Aluaro, & Præposito *in cap. 1. §. licet, si de feudo defuncti controuersia sit inter domin. & agnat.* & aliis quos allegat: quod ego non recipio in filio, nepote, & pronepote primi Domini, qui feudum concessit; nulla enim, nec humana, neque iuris ratio suadere potest, ut quam ob causam pater meus esuriens videbatur alendus, non videar quoque ipse filius & hæres; cum si beneficium collatum sit à patre, non minùs voluerit prospectum mihi pater, quàm sibi, cui ex voto cuncta parabat: nec ius huiusmodi obligationes distinguit à patre, & filiis, quos eosdem esse censet: itaque in hoc libenter à Carolo decedimus, quoniam nulla subest ratio, quæ distinguat inter patrem, filium, & nepotes: nec ferendum est ut tu habeas substantiam paternam, quæ mihi ex voto parabatur, me filio, eodémque hærede esuriante miserè: ex quibus quoque videas quantum probanda sit distinctio Iulij Clari *dict. quæst. 23.* qui distinguit duos casus, qui retenta superiore opinione sine dubio videri poterant. Itaque ex hac causa expendere cogitur vassallus, non verò priuatur feudo, quia iure cautum non est in consuetudinibus.

Expendere autem vassallus an teneatur pro liberando Domino incarcerato ob æs alienum, hoc est, an debita patroni ex fructibus cogatur diluere, &

nisi

nisi diluat, an seu lo priuandus sit; breuiter dic, quod debita pecuniaria non tenetur soluere, nec ex fructibus feudi. Ita resoluunt in hoc omnes concordi consensu, Carolus Molin. vbi suprà *num. 146.* & Iulius Clarus *quest. 24.* præter eos quos ipsi allegant; omnes enim in hoc conueniunt, & ab hoc onere & ratione expensarum liber est vassallus; operam autem & diligentiam tenetur adhibere, vt dominum liberet, *cap. 1. §. item si delator, quæ fuerit prima causa beneficij amittendi, lib. 2. tit. 24.* ibi: *Vel si cognouerit dominum inclusum, & eum cum potuerit, non liberauit, feudum perdit.* In quo cauendum est à Carolo Molineo, qui existimat vassallum denegata hac opera non priuari feudo; aperte enim loquitur contra textum *in dict. §. item delator.* Tenet etiam contra Doctores omnes ibi, & contra Iacobinum *in suo feudo, in verbo, dictique vassal. num. 37.* & tenuerat gl. ibi. Cogi certè ad operam illam exhibendam non potest, cum liberum illi sit, vel operam adhibere, vt pœnam euitet; vel pœnam volens libensque incurrere: quod si patronus dominus iustè inclusus sit, si vassallus operam illam neget, nequeat, aut nolit curare domini liberationem, non timet pœnam, *dict. §. item si delator*; qui enim iniustè delinquit, iustè plectitur. Ita limitat & explicat *dict. §. item si delator*, Isernia ibi, & Iacobinus *dict. num. 37.* & Iulius Clarus *vbi suprà*, quæ sententia periculosa est; iustitia enim, vel iniuria carcerationis dependet ex futuro iudicij euentu, interim verò vassallus iniquè faciet si putet dominum iniustè fecisse, ob eamque priuatam sententiam dominum suum in carcere relinquat sine præsidio, & litigatore.

Sed & illud, quod in fructuario adnotabimus, an incidere posset arbores frugiferas, repetendum hîc est: idè enim in usufructuario disputanda illa omnia capita nostræ argumentationis fuerunt, vt ad feudatarium, maritum, emphyteutam, conductorem, possessoremque maioratus præfata essent fundamenta. Vassallus igitur, sicuti & fructuarius, deteriorationis damna abhorrens, frugiferarum arborum fugiet incisiones; has enim in fundo feudali incidere non potest impunè, ex his quæ tradit Bart. & post eum Ias. *in l. diuortio, §. si fundum, ff. sol. mat.* Paul. de Cast. *in autent. qui rem, Cod. de sacrosanct. Eccles.* facit textus *in cap. 1. §. si vero, de inuestitura de re aliena facta, lib. 2. tit. 8.* ibi: *Meliorem namque conditionem feudi facere potest, deteriore verò sine Domini voluntate, vel eorum agnatorum, ad quos per successionem pertinet, facere non potest.* Si enim propter deteriorationem mansi, vel curtis, aut domus priuatur feudo, idem recipiendum est propter incisionem arborum frugiferarum; vtriusque enim eadem ratio est, *l. eleganter, §. non solum, ff. de dolo*, ibi: *Vel fundum & dum tradidit, imposuit ei seruientem, vel adificia diruit, vel arbores excidit, vel vineam extirpauit*: quem textum dicit Iason suprà didicisse se à Bald. ad Specul. *in tit. de locato, statim in principio, versiculo*, & hic nota quod *emphyteuta vel colonus*: idque recipiunt omnes non solum in fructuario, vt diximus suprà capite proximo, sed & in vassallo, emphyteuta & marito, & conductore. Facit lex *si merces, §. culpa, ff. locati*, ibi: *Ipse etiam si exciderit, non solum ex locato tenetur, sed etiam lege Aquilia: l. duobus, §. colonus, ff. de iureiurand.* vbi de colono cum quo propter succisas arbores agebatur ex locato: *l. in fraudem, §. si conductor, ff. de iure fisci*, vbi de marito: *l. diuortio, §. si*



§. *si fundus*, ff. *solut. mar.* tenet in vassallo Iulius Clarus *quest.* 47. *verbo feudum*: & hæc excisio arborum generaliter fideicommissario, marito, maioratus possessori, conductori ad longum etiam tempus, emphyteutæ, vassallo & fructuario impunè non licet. Tiraq. *de retractu conventionali* §. 3. *glos.* 1. *num.* 23. idem Iulius Clarus *verbo emphyteusis*, *quest.* 26. Cæpola *de servitutibus rusticorum pradior. de montib.* *num.* 13. Molina *in suo nobili tract. de Primog. Hisp. lib.* 1. *cap.* 22. *num.* 5. quod tamen generaliter intellige ex Tiraq. *ubi sup.* & Ias. *in dict.* §. *si fundum*, *num.* 4. nisi soleant arbores frugiferæ huiusmodi excidi, ac tunc quidem aliæ loco excisarum substituentur; plurimum enim valet consuetudo provinciarum & natura, & qualitas arborum; sunt enim eius qualitatis arbores, ut nisi excidantur certis annis, adeo senescant, ut renascantur nunquam; & in hoc nostro Regno oportet robora, castaneasque arbores statim temporibus non dico amputare, sed succidere, quoniam compertum sit, senescere eas, excisas verò germina citius emissâ propagare: itaque consuetudo loci, cælique temperies, ipsaque natura arborum plurimum facient, ut vassallus, emphyteuta, reliquique pœnam euitent huiusmodi incisionis. Adde quæ diximus *cap. proximo*, *num.* 32. & *seq.*

Expendit etiam vassallus, quia cum teneatur dominum defendere, suis sumptibus faciat illud necesse est. Primum probatur per textum *in cap.* 1. *quibus modis feudum amittatur*, *lib.* 1. *tit.* 5. ibi: *Si enim Dominus praliū campestre habuerit, & vassallus eum morantem in ipso pralio dimiserit non mortuum, nec ad mortem vulneratum, feudum amittere debet.* Secundum tenet Iulius Clar. post Alex. *in l. recusare*, §. *si quis alio*, *num.* 10. ff. *ad Treb. in quest.* 21. *verbo feudum*, & probat textus *in cap.* 1. *de allodiis*, *lib.* 2. *tit.* 54. De protectione & expeditione regis Romanorum Romam, ut Coronam Imperij suscipiat, firmiter statuimus, inquit Federicus, tam in Italia quàm Alemaniam, ut quicumque indicta publicè expeditione Romam ad suscipiendam Imperij coronam, Regem, aut Subregem Dominum suum non adiuvauerit, aut eundo cum ipso, aut pro quantitate feudi stipendia militiæ persolvendo, si de vocatione legitima à Domino suo convinci per compares suos poterit, feudum perdat, & Dominus in suos usus illud habeat redigendi liberam facultatem. Textus *in §. firmiter, de prohibita fendi alien. per Fed. lib.* 2. *tit.* 55. debent enim feudatarii Imperij, qui ab Imperatore tenent feudum, quales Marchiones, Duces, Comites, & Capitanei, maiores scilicet valuasores, comitari Regem Romanorum, seu Alemanniæ, qui est Rex Italiæ, & Teuthonicorum, *cap.* 1. *de noua forma fidelitatis*, euntem Romam suscipere Coronam & nomen Imperij; nam antea non dicitur Imperator, *l. fin. C. de quadriennij prescriptione*; idemque & valuasini tenentur facere, scilicet, comitari Dominos suos, sequentes Regem Romanorum, idque suis sumptibus, & in omni expeditione id constitutum est *dict.* §. *firmiter*, vel præbeant ad iuvamen alium quem Dominus, vel Rex approbet, aut dimidii redditus unius anni, quem reddat feudum, *dict.* *cap.* 1. *de allodiis*, & *dict.* §. *firmiter*, Isernia & reliqui *in dictis locis*.

Expendere etiam aliunde tenetur feudatarius, si feudum hæreditarium habeat; nam onera omnia hæreditaria solvit, atque ob eam causam expendit, quod ut pateat, oportet advertere, feudum aliud esse hæreditarium, idemque

de emphyteusi constituendum est; aliud non hæreditarium, quod obtinere quidem potest is qui prædecessoris emortui hæres non sit, & dicitur feudum ex pacto, & de prouidentia; illud autem nisi hæres prædecessoris non obtinet, quia scilicet concessum sit pro se & hæredibus: alterum verò quod conceditur pro te, & Titio, vel iure Francorum, primogeniis Hispanis simile est. Omnia hæc late fundant nouiores, Pinel. post Afflict. *decisione* 140. & *decis.* 119. num. 1. & 2. Iulius Clarus *quæst.* 9. & *verb. emphyteusis, quæst.* 16. Pinel. *de bonis matern. l. 1. part. 3. num.* 48. Aluarus Vazquez *quæst.* 43. *iuris emphyteut. num.* 1. & *seq.* Ludouicus Molina *de Primogeniis Hisp. lib. 1. cap. 7. num.* 3. & 4. in dubio autem semper præsumimus feudum hæreditarium, non verò ex pacto & prouidentia, de quo latè Aluarus Vazquez ubi suprà, contra Pinellum: idem Greg. Lopez tenet *in l. 6. tit. 26. part. 4. verbo, Lo heredan.* Si igitur feudum hæreditarium sit, & idem de emphyteusi, tenebitur successor, idemque hæres onera hæreditaria subire; quamuis inuentarium solemniter conficiat, quia feudum hæreditas est, & de hæreditate tenetur, & iuxta vires hæreditarias; si verò feudum ex prouidentia sit, aut emphyteusis non hæreditaria, tunc quidem non tenetur ad onera hæreditaria ex feudo, nullo etiam inuentario facto; quia cum non pertineat ad hæreditatem, nec iure hæreditario ad se pertinet: ita tenent quos suprà citauimus, Iulius Clarus, & Aluarus Vazquez, Isernia *in cap. 1. qui suam teneat.* Alex. *cons.* 19. num. 18. lib. 5. alios effectus tradunt illi, sed iste pertinet ad nostrum institutum: vide ad hæc omnia D. Didac. Couar. *variarum lib. 2. cap. 18. num.* 4. quæ plurimum faciunt ad *l. item veniunt, ff. famil. herciscund.* quia emphyteusis ex prouidentia minime diuidetur pro portionibus hæreditariis, & quomodo facienda sit diuisio emphyteusis; an per commodatam, an per regiones, an per æstimationem, & quid operentur verba illa, *No se pueda partir, ni diuidir, ande siempre en una sola voz;* que consuevere apponi in emphyteusi: & rursus, an verba illa solita apponi, *Os aforamos a vos y a vuestra muger en una sola voz, y al que postrero de vos muriere,* inducant ex expresso contrahentium consensu ius accrescendi, an verò non decrescendi, alibi dicemus; non enim pertinet ad nostrum institutum.

85 Meliorationes autem, quas vassallus fecit, in feudo recuperat, finito feudo, vel per generationem finitam, vel aliter, absque dolo & culpa vassalli: ita tenent Scribentes *in §. si vassallus, hęc finitur lex, & incipiunt consuetudines, lib. 2. tit. 28.* Iulius Clarus *verb. feudum, quæst.* 88. Franciscus Hothomanus *in dict. §. si vassallus*: recuperabit autem huiusmodi expensas retenta hac opinione, vel exceptione, vel beneficio legis *domum, C. de rei vendic.* vel incerti conditione, vt diximus superiùs, habita ratione meliorationum voluptatis, vtilium, & quæ necessariò expenduntur, iuxta regulas superiùs traditas: illudque æquitatem eam habet, ne dominus diteſcat cum aliena iactura, habeatque vassalli substantiam sine causa vlla. Itaque si ædificium erexerit, necesse erit domino vel numerata pecunia redimere. Neque potest dicere dominus, *solle rudera & saxa*, quamuis id dicat ibi Bald. *in §. si vassallus*, si est ædificium vrbani, sed retinebit, glossa *in dict. §. vassallus*, Guido Papæ *decis.* 169. Decius *consil.* 518. lib. 4. Idem obseruandum est si pretio seruitutem fundo



fundo adquisierit , vt pretium perfoluat dominus , si seruitute vti voluerit : & pro hæc sententia , quæ crebriori Scribentium sententiâ recepta est , allegant omnes dictum §. *si vassallus* , quem Iulius Clarus dicit apertum textum pro hac opinione ; qui tantum abest vt apertus sit , vt obscurissimus videri possit attentius intuenti , ex illis verbis in fine positis : *Quidam alij dicunt ad Dominum pertinere* ; iunctis his quæ adduximus supra cap. 9. num. 51. Ex quibus videbatur dicendum omnia ad Dominum pertinere , idque verissimè deduci videtur ex textu in dict. §. *si vassallus* , vbi Afflict. latissimè , in quam partem inclino adiuncta ratione quæ traditur à nostris Scribentibus ad l. 46. *Tauri* , quam generaliter plerique intelligunt , cuius rationes omnes faciunt , & suadent posteriorem hanc sententiam , scilicet quod nihil debeatur vassallo nomine meliorationum , ne scilicet detur via & occasio defraudandi Dominum , ne vnquam feudum ad Dominum reuertatur , sumptibus multiplicatis , excrecentibus his in eam quantitatem , quam Dominus soluere nequeat. Quo iure ergo conditores legum Taurinarum nihil nomine meliorationum relinquunt vltimo possessori melioranti maioratus res , nil mirum etsi feudorum constitutiones in feudis id ipsum constituerint , vnde deriuata videtur dicta lex 46. de qua capite sequenti agemus : itaque verius existimamus , feudum melioratum relinquendum Domino , nisi meliorationes eius generis sint , vt sine ruptura auferri possint : & ita intelligendum §. *si vassallus* , arbitramur : de quo superius , capit. 1. & seq. multa : de augmento verò quod contingit in feudo , inferius dicemus : item de thesauro à vassallo reperto.

## C A P V T X I I I.

*De marito expendente & meliorante res uxoris,  
quatenus expensas recuperat.*

Notabilia ex capite decimotertio.

- 1 *An maritus sit dominus rerum dotalium , & num. 2. quod nomine iuris gentium multa inculcet Accursius.*
- 3 *Thesaurus inuentus à marito in fundo dotali , diuiditur , & num. 4. quod fidelitas feudi dotalis sit penes uxorem.*
- 5 *Relenium quid , & quid nobis sit , & num. 6. traditur noua opinio de dominio uxoris.*
- 7 *An soluto matrimonio mulier remaneat domina rerum dotalium , & num. 8. quod dominium eiusdem rei possit esse apud duos diuersis respectibus , & n. 9. quomodo dos sit substantia uxoris , & patrimonium.*
- 10 *Prohibitio alienationis non impedit dominium.*
- 11 *In Hispania , quæ sint bona lucrata , & quot quarantur uxori quoad dominium & possessionem , num. 12. & num. 13. quod iure communi non reperitur ista*

- societas, & num. 15. agitur de lege 14. Tauri, & num. 16. ratio ad d. l. 14. & num. 17. quæ sunt lucra quæ reservanda sunt filiis.*
- 18 *Maritus quantum possit alienare hæc lucra, & num. 19. & donare possit, & num. 20. an possit legare.*
- 21 *An mulier in parte sua lucrorum habeat hypothecam, sicuti in mariti, & n. 22. quod possit quis in re sua habere hypothecam.*
- 23 *Expensas ad alendam uxorem quatenus vir præstet, & de agro ante uxore, & num. 24. de expensis vestimentorum, & n. 25. de expensis funeris uxoris, & n. 26. de expensis faciendis cum vidua.*
- 27 *Maritus solvit tributa, & pensiones, & collectas, & num. 28. si maritus non solvat pensiones rerum dotialium, an res dotialis pereat commissio, & n. 29. & quod maritus tenetur de dolo & culpa.*
- 30 *Prelatus quid quantumque noceat Ecclesie, vel delinquendo, vel omittendo, remissivè.*
- 31 *Quot, quantumque pater noceat filiis in emphyteusi, omittendo vel delinquendo, & num. 32. quid in feudis remissivè, & num. 33. an pater renuntiando emphyteusi, vel feudo noceat filiis, remissivè.*
- 34 *Ad maritum pertinet periculum nominum dotialium, & num. 35. agitur de lege si extraneus, §. sed si pater, ff. de iure dotium, & num. 36. de l. 15. tit. 11. part. 4.*
- 37 *Cuius expensis fiat hæc exactio nominum dotialium, & num. 38. parva & magna expensa respectu dotis accipienda est.*
- 39 *An maritus suis sumptibus tueatur castrum dotale, & num. 40. traditur ratio ad l. cum quæreretur, §. prædij, ff. de legat. 3.*
- 41 *Ædificia erecta in solo alterius coniugis, cui cedant.*
- 42 *Vinea plantata in solo alterius, cui cedat.*
- 43 *De meliorationibus factis in solo maioratus alterius: agitur de lege 46. Tauri, & num. 44. quod dicta lex 46. habeat naturalem iustitiam, quæ potius mouere eius conditores.*
- 45 *Dispositio legis 46. generaliter accipienda est in omni re maioratus, & n. 46. quod habeat locum in omni genere maioratum, etiam in Capellis, & annuerariis.*
- 47 *Dispositio dictæ legis 46. non impedit abrasionem eorum quæ abradi possint, nisi estimatio offeratur.*
- 48 *Dispositio dictæ legis 46. non impedit repetitionem dotis, si à marito tota, vel ex parte consumpta sit in meliorationibus.*
- 49 *Quæ dicatur necessaria expensa in re dotali, & quid iure nostro.*
- 50 *Si maritus leget uxori dotem suam, an videatur remisisse deductionem expensarum.*
- 51 *Maritus litiganti secum uxori an præstet expensas: quid si indotata, & numero 52.*
- 53 *Pupillus agens querela inofficiosa, an sit alendus, & quomodo, remissivè.*
- 54 *Dives litigans cum paupere, an præstet ei expensas, remissivè.*
- 55 *Priuatius agens ad utilitatem publicam, an habeat expensas ex publico.*
- 56 *Mulier de adulterio conuicta, an habeat expensas à viro.*



- 57 *Marius an habeat ius retentionis in rebus melioratis, vel in rebus dotalibus propter sumptus & expensas & meliorationes factas.*  
 58 *Maritus an compenset fructus cum expensis & meliorationibus.*



Aritus quoque suam particularem habet iuris rationem, ad expensas & meliorationes in rebus vxoris factas consequendas, quoniam variè expendit, varieque meliorat; idque argumentum variè tractarunt Iureconsulti, vnde ad ceteros qui expendunt, solent argumenta deduci, per totum Digestum *de impensis in rebus dotalibus factis*: nos verò licet hæc probemus, quæ reprobari non possunt, tamen aliunde deducenda argumenta arbitramur, quæ suadeant repetendas vel recuperandas expensas, inuenta semel vera ratione rerum dotalium penes maritum: hæc enim ferè vniuersa tradita à Iureconsultis aperit, ac subinde recuperationem expensarum & meliorationum suadet, vel dissuadet; quamvis enim vulgò sic acceptum sit, vt maritus rerum dotalium verè sit dominus, cuius opinionis author Accursius est *in l. in rebus, Cod. de iure dotium*, quem veluti ducem antesignanum sequuntur ceteri; ita tamen vt licet dominus sit aliquando, tamen restitutus sit dominium illud, quasi dominium illud sit reuocabile; quod sensit Bald. *in dist. l. in rebus*, & Bart. *in l. diuorio, §. si fundum, ff. solut. matr.* vbi Ias. & Alex. quam tamen opinionem duo Imperatorum responsa comprobare videntur, *l. si pradium, 23. Cod. de iure dotium*, ibi: *Cum rei tibi quesita dominium auferre nolenti minimè potuerit*. Facit etiam lex *dece ancillam, Cod. de rei vendic.* quæ vulgaris ad hoc est, & notissima, neminique non est in ore: ex aduerso pugnat textus *in l. in rebus, Cod. de iure dotium*, vbi Imperator ita inquit: *Cum eadem res, scilicet dotales, & ab initio vxoris fuerint, & naturaliter in eius permanserint dominio; non enim quod legum subtilitate transitus earum in patrimonium mariti videatur fieri, ideo rei veritas deleta vel confusa est*. Qui textus apertus est: quod autem glossa ibi interpretatur *naturaliter*, id est, iure gentium, ferè nullam interpretationem habet, ex his quæ notauimus suprà *cap. 3. num. 14. & 15. & seq.* vt enim ibi diximus, illa iuris gentium disputatio viros doctissimos sæpè decepit, dum in illis verbis secretius quicquam subesse existimant. Secundò contra communem est textus *in l. si constante, §. si maritus, ff. solut. matr.* ibi: *Attamen sanctia qua in propriis culpanda est, in alienis coercenda est, hoc est in dotalibus*. Hæc Vlpianus, qui res dotales respectu mariti alienas vocat. Tertiò est textus *in l. assiduus, Cod. qui potiores in pignore habeantur*, vbi constitutum est, maritum ex sua substantia, non ex dote mulieris debere creditoribus satisfacere, & separantur ibi res, quarum maritus est dominus, à rebus dotalibus, ibi: *Oportebat enim disponi, maritos de substantia sua creditoribus suis satisfacere, de mulieris autem dote minime*. Quartò facit textus *in l. denique, §. sed utrum, ff. de minoribus*, vbi, quod dos est proprium patrimonium vxoris. Ex quibus videtur, quod maritus fictione potius iuris, quàm reuerà sit dominus rerum vxoris; nec enim veritas deleri potest figmento iuris, *dict. l. in rebus*: quod & suadet, quia rei suæ quilibet est moderator & arbiter, *l. sed etsi lege, §. consuluit, ff. de petitione hereditatis, l. in re mandata, Cod. mandati, l. nemo, Cod. de Iudais*: maritus autem

- 4 dote abuti non potest, *l. si cum dote*, §. *in sanctissimo*, ff. *soluta matrim.* Præterea thesaurus inuentus à marito in feudo dotali diuiditur, quasi ( inquit Iureconsultus ) in alieno inuentus: quin & illud facit, quia fidelitas feudi dotalis residet penes vxorem, non apud virum: quod probat Molinæus §. 25. num. 2. tit. 1. vnde difficilis redditur constitutio illa Parisiensis, quod si vassalla nubat, releuium debeatur patrono; videbatur enim contrarium dicendum ex his, quia dominium vtile, & fidelitas resident penes vassallum; ideoque cum non sit apertum feudum propter maritum superuenientem, respondendum erat, releuium non deberi.
- 5 Est autem releuium munus honorarium, quod nouus vassallus patrono introitus causâ largitur, quasi morte alterius vassalli, vel si aliquo casu feudum ceciderit, vel apertum sit, quod appellarunt veteres introitum, *l. his verbis*, §. *alumno*, ff. *de legatis tertio*, ibi: *Et cum per atatem licebit, militiam illam cum introitu comparari volo.* Et nostro nomine hodie vocamus *Entrada*, quæ datur cum emphyteusis vel renouatur, vel de nouo conceditur: distinguitur à quinquagesima pretij parte, de qua in *l. 4. Cod. de iure emphyteutico*: ob eam causam illa Parisiensis constitutio videtur contra rationem, quia vassalla ex his quæ diximus, retinet vtile dominium feudale, & fidelitatem, nec videri potest feudum apertum, vbi releuium debeatur, & sunt addenda hæc Carolo: leuiter enim ab eo attinguntur, potueruntque adduci contra illam constitutionem quæ contra maritum adducta sunt, vt dominus rerum dotalium videri non possit.
- 6 Tenent igitur ex his fundamentis nouiores homines non vulgariter eruditi, dominium rerum dotalium reuerà permanere apud vxorem, figmento verò iuris esse apud maritum, ad eos duntaxat effectus, quos ius explicuit; ad effectus verò iure non expressos, non attendi fictum illud dominium, Duarenus in rubrica ff. *soluta matrim.* Corasius miscell. lib. 5. cap. 14. Balduinus in principio quibus alienare liceat, vel non, *Institutiis*, & in *l. naturaliter*, §. *nihil commune*, ff. *de acquir. possess. ex num. 33.* Zazius intellectuum singularium lib. 2. cap. 5. incipit: *Declaratio, l. in rebus*, & quæ ibi tractantur, *Cod. de iure dot.* Tenent etiam alij, quos refert Pinellus in *l. 1. Cod. de bonis mat. part. 3. num. 13. ad fin.* qui omnes respondent, iura omnia quæ dominium concedunt marito rerum dotalium, intelligenda esse de dominio ficto, non verò ad effectum, vt maritus agat, vtque re fruatur subiturus onera matrimonij: ita intelligunt dictam legem *si pradium, l. dote, l. quæ dotis, Cod. de iure dotium, l. dotis, in fine, cum l. seq. ff. eod. l. Pomponius*, §. *in dotem*, ff. *de acquir. possess.* Itaque retenta hac opinione cessat inuestigatio illa, an soluto matrimonio mulier fiat domina rerum dotalium sine noua traditione: planè si ipsa semper naturaliter retinuit dominium rerum suarum, nec maritus verè, sed fictè fuit dominus, ex dict. *l. in rebus*, profectò nulla traditio necessaria est: contrarium autem resoluebat Nouellus tractat. de dote, part. 8. privileg. 8. num. 1. Alexand. in *l. 3. num. 6. in princip.* ibi: *Nam hodie, ff. solut. matrim.* Ad legem doce ancillam, *Cod. de rei vendicatione*, respondent ibi, non tam concedi viro dominium, quàm ius & facultatem agendi, & exercitium adionum; turpe enim videri poterat, marito tacente, vxorem causam dicere; & cum vir domi sit, vxorem in foro versari,



ri, commutato officio. Simile est, quod pater agit pro rebus filij, quem in potestate retinet, cum filius earum dominus sit; quod Pinellus *ubi supra* expendit *num. 14.* Ita constituunt nouiores dominam verè esse vxorem, maritum fictè habere dominium ad effectus iuris, vt agat, vt conseruet, vt fruatur, ne ipse, neue vxor ipso inuito alienet, vt commodius onera subeat matrimonij. Quod & Ludouicus Molina sentit *lib. 1. de Primogen. Hispan. cap. 22. num. 6.* atque tolerari dominium apud duos diuersis respectibus, ex Bald. *in l. in rebus, num. 6. in fin. Cod. de iure dotum.* Paulus *in dict. l. doce ancillam, Cod. de rei vindicat. num. 1.* alios refert Pinellus *ubi supra*: hæc autem nouior interpretatio accipienda est, licèt nullus eorum id dicat in bonis quæ mulier ipsa habebat antequam nuberet; tunc enim ipsa naturale dominium habet, maritus autem ciuile & efficax ad agendum: cum enim tradiderit ipsa, ita tamen vt aleretur, vtque necessaria omnia sibi cum victu, alimentisque præstarentur, profectò in illa traditione tam sibi consuluit, quàm marito; neque omnino bona illa à se alienauit, quæ vitæ quadam communione communia esse voluit. Nec mirum si naturaliter domina sit eorum bonorum, quæ omnino aliena minimè esse voluit. Vnde duplex insurgit illud dominium duplici respectu: probat mihi textus expressus *in dict. l. in rebus*, quem textum vocat nouæ opinionis Zazius scipionem, & ansam, cui ipse inhæret in illis verbis, *cùm eadem res & ab initio vxoris fuerint*: cætera autem iura, quæ vocant dotem patrimonium vxoris, *dict. l. sed virum, §. ergo, aliàs l. 3. ff. de minoribus*, alibi substantiam vxoris, *dict. l. assiduis*, alibi vocant aliena bona respectu viri, *dict. §. si maritus*; variè exponuntur à Doctoribus, & faciem habent respon- sionem, vnde cumque proficiscantur bona dotalia; semper enim respectu vxoris & vxori dantur accipiente marito; idèd substantia & patrimonium vxoris est dos, qua ipse viuut & sustinetur, sicuti substantia & patrimonium filiorum bona paterna sunt, licèt ipsorum pater & naturalis, & ciuilis sit dominus: vnde in hoc casu accipiendum est quod diximus, soluto matrimonio non indigere vxorem traditione, ad recuperandum dominium, quia cum ipsa dotem ex rebus suis constituerit, quarum à principio domina erat, naturale illud dominium semper retinuit: at verò si pater, frater, aliufve dotem constituat & tradat, cum ipsa à principio dominium eorum nunquam habuerit, nullum dominium retinet, neque naturale, etiamsi substantia ipsius sit, & patrimonium, quia ex ipsis alatur & sustineatur, quia propter traditionem, quæ facta fuit marito, mariti fiunt, *l. traditionibus, C. de pactis*, ex ratione dictæ legis *in rebus*: quo casu necessaria est traditio soluto matrimonio, & ad alia quotidiana opportuna hæc inuestigatio est; & hoc casu neque naturale dominium apud vxorem est, sed totum apud maritum, constante matrimonio, cum communi & recepta sententia.

Neque interdicta marito alienatio rerum dotalium quicquam pertinet ad dominium; diuersa enim sunt, neque mutua sit illatio inter diuersa, cum iure constitutum sit, vt in plurimis iuris partibus verè dominus non alienet, rursumque alibi alienet, non dominus, vt iniqua argumentatio illa sit, Dominus est: ergo alienat; pessimaque illa collectio est, Alienat: ergo est dominus. Primum vel in ipso marito perspicitur, in tutore, Sacerdote, quibus ex causa alienatio

alienatio conceditur, dominium denegatur: sed elegans est exemplum nostro iure Hispano in his, de quibus agimus, marito & vxore; satis enim constat, ex iuris nostri dispositione bona omnia lucrata constante matrimonio com-

- 11 munia esse mariti & vxoris: bona autem lucrata vocamus non secundum statuta Italiae, quæ vir ab vxore, vel vxor à viro lucratur; sed quæ constante matrimonio rebus amborum accrescunt, de quibus Suarez, & ibi textus *in lib. 1. tit. de las ganancias del marido y de la muger, lib. 3. fori leg.* Antonius Gomez *in l. 50. Tauri, num. 69.* & alij, quos ipsi referunt, & sunt plura alia Hispana iura, quæ Ioannes Lupus de Palacios Rubios & alij referunt *in repet. c. per vstras, folio 46. & folio mihi 27. Segura in repet. l. 3. §. fin. ff. de lib. & posthum.* Couarr. *in 4. part. 2. §. 1. num. 5. & seq. & in cap. 3. num. 7. & 8.* aliqua Pinellus *in l. ultima, C. de bonis maternis, num. 2.* quod aded verum est, scilicet, hæc quæ constante matrimonio acquiruntur, marito, & vxori esse communia, vt scilicet vxori illico etiam constante matrimonio, lucratorum pro sua parte dimidia dominium, & possessio competat, quod quidem tenet Antonius Gomez *ubi supra*, post Seguram, & Palacios Rubios, ex singulari intellectu legis 47. *tit. 28. parte 3.* qui videtur textus expressus; licet enim in societate olim omnium bonorum, vel partis bonorum, socij efficerentur domini & possessores rerum societatis, *l. 1. & 2. ff. pro socio*, ibi: *Quia licet specialiter traditio non intercedat, tacite tamen creditur interuenire*, vbi gl. & Bart. id notant; tamen id receptum erat in bonis, quæ in societatem conferebantur tempore contractæ societatis, in rebus verò adauctis post societatem initam diuersum erat; non enim fiebat id quod accedebat statim sociorum, sed iudicio societatis bene communicabatur, *l. si quis societatem contraxerit, ff. pro socio*, vbi glossa & recepta tenet opinio: quod tamen hodie ex dispositione dictæ legis 47. videtur correctum, cuius verba sunt. *Otrofi dezimos, que quando fazen los homes compañías entresi, poniendo que todos los bienes que han o ganaren dende en adelante, que sean comunalmente de todos los compañeros, que luego que tal compañía ayan fecha, e firmada, e otorgada entresi, que passa el señoria de todas las cosas que cada dellos ha a los otros tambien, como si vnos a otros se ouiesesen apoderado en todos los bienes que ouiesesen corporalmente.* Hactenus de bonis quæ socij habent tempore contractæ societatis; de lucratis verò post societatem initam subdit textus *in fine*: *Otrofi dezimos, que todala ganancia que qualquiera dellos faga, que el señorio della passa à los otros, tam bien como si cada vno dellos la ouiesse fecho.* Et hanc dicit Suarez importantissimam pro hac opinione, & ex ea corrigi ius ciuile putat Antonius Gomez, & Palacios Rubios, & vxor domina est suæ partis, & verè eam possidet ex dispositione illius legis; quia quantum attinet ad lucra, societas contracta est vniuersalis inter coniuges, quæ descendit ex societate coniugali, obtinetque locum in lucris, ex particulari nostri iuris dispositione, *l. 1. & 3. tit. 3. lib. 3. fori leg. l. 14. 15. & 16. & 60. inter leges Tauri.*

- 14 Constat enim iure communi non ita fuisse inductam hanc communio-
- nem & societatem in bonis quærendis constante matrimonio; quod tenet Ioannes Lupus de Palacios Rubios *in repetit. rubr. de donation. inter vir. & vxor. §. 62. num. 4. & 5.* Chassan. *in consuetudin. Burg. rubr. 4. §. 2. num. 16.* Couarr.



in 4. §. 1. partit. 2. cap. 7. num. 5. qui respondent, & optimè ad fundamenta eorum, qui iure communi existimabant inductam societatem, & communio- nem bonorum acquirendorum constante matrimonio, scilicet cap. 2. de dona- tionibus inter vir. & vxor. Vbi quæsitæ marito & vxori communia, ex pecunia communi processerunt; nos verò aliam societatem inquirimus, quæ quæsitæ & lucrata faciat communia, etiamsi id augmentum procedat ex pecunia & in- dustria alterius duntaxat coniugis, quam nostrum ius agnoscit, & vberius & plenius Lusitani & Galli. Igitur illa pars deferitur vxori, ipsaque verè domina fit dimidiæ partis eorum bonorum, quæ propter societatem coniugalem ad ip- sam incipiunt pertinere. Talia enim sunt hæc bona lucrata, vt censeantur la- bore & industriâ vtriusque quæsitæ; ideoque vterque coniux suæ partis verè est dominus, verum dominium obtinet, & de parte sua liberè disponere po- test vt velit, etiamsi ad secundas nuptias transolet. Nihil enim horum tenentur reservare filiis eius matrimonij, in quo lucrata & quæsitæ sunt, l. 14. Tauri, quæ intelligenda est de viro, & vxore; item & de parte dimidia, quæ 15 alteri competit, vt vir in secundo matrimonio de parte sua lucri quæsitæ in priori matrimonio disponere possit; item vxor de sua parte, non verò vt ma- ritus possit disponere de vtraque parte postquam matrimonium solum est, quo constante lucrum illud quæsitum est; quia tunc adempta est facultas alie- nandi pro ea parte quæ vxoris erat: ita intelligunt dictam legem 14. Palacios Rubios ibi, & Couarr. in 4. cap. 3. §. 9. num. 8. etiamsi Castillo subobscurè re- ferat illam legem ad l. 4. titul. de las ganancias, lib. 5. Ordin. quæ est lex 5. titul. 9. lib. 5. in recollectione nouarum legum: illa enim aliam habet rationem, de qua statim; quod pertinet ad lucra, maritus & vxor iuris nostri potestate so- cietatem contrahunt, ex qua descendit, vt lucra constante matrimonio quæ- sita vtriusque fiant quoad dominium & possessionem: vnde mortuo alterutro ex coniugibus, lucra cum reliqua hæreditate transferuntur ad hæredes emor- tui, & vxor superstes quoad illa nihil expectat ab hærede mariti, cum ipsa par- tem suam rectè possideat, cuius verè domina est.

Faciebat autem difficultatem ad dict. l. 14. Tauri, quia si alter ex coniugibus transvolaret ad secundas nuptias, reservare filiis debebat quicquid acquisisset 16 lucri nomine, constante illo matrimonio, in quo filij illi geniti essent, vnde interdicta videbatur alienatio, quæ permittitur in d. l. 14. ex dispositione legis fœmina, Cod. de secundis nuptiis, quod in viro receperant gloss. & Bart. ibi, cuius opinio comprobata est ex l. 15. Tauri, & videbatur constituta in l. gene- raliter, Cod. de secundis nuptiis. Illa tamen omnia locum habebant in his, quæ ad maritum pertinebant, ex dote, vel bonis vxoris præmortuæ, vel ad vxorem in bonis mariti præmortui, ex conuentione, & pactis conuentis, vel ex for- ma contractus coniugalis; in quo quoque idem respondendum erat, si ex dis- positione legis, non solum ex dispositione partium contrahentium, contin- geret lucrum alteri coniugi ex bonis alterius; hæc erant & sunt lucra refer- uanda filiis. Ioannes Lupus de Palacios Rubios in rubr. de donationib. inter vi- rum & vxorem, §. 50. num. 35. Couarr. in 4. part. 2. cap. 3. §. 9. num. 6. versic. Tertiò 17 hinc apparet. Istud tamen non poterat extendi, nec intelligi in his bonis, de quibus agimus, quæ lege regia deferuntur ad coniuges, acquisita constante

mattimonio, non ex bonis alterius, sed aliunde labore & opera, & industria particulari; idque meritò constitutum est *dict. l. 14.* vt nihil de his referuaretur, sed liberum esset vendere partem suam: & ita responderat Palacios Rubios *ad dict. l. 14. dict. num. 35.* & notarat Ripa *dict. l. femina, num. 45. & 43.* Antonius Gomez *in l. 50. num. 74.* & alij *in dict. l. 14.*

- 18 Quin immò maritus potest hæc lucra alienare, & vendere integra, etiam pro parte vxoris, si alienatio fiat constante eo matrimonio, quo lucra quæ sita sunt, *dict. l. 4. tit. de las ganancias, lib. 5. ordin.* Idque habet locum, siue alienatio fiat titulo oneroso, siue lucratiuo, donationis nempe: idque resoluit Anton. Gom. *dict. l. 50. num. 73.* ex pluribus fundamentis contra Rodericum Suarez, & Palac. Rubios, qui existimabant non posse maritum donare, & malè: ex quibus mulier non potest petere dimidium eorum, quæ maritus expendit ludens, scortans, vel quid aliud committens; lex enim quæ alienationem concedit, omnem viam concedit, & omnem actum, ex quo sequatur dominij translatio, quæ est vera alienatio, *l. fin. Cod. de reb. alien. non alienandis, l. 1. §. fin. Cod. de fundo dotali*: vide Molinam temperantem has duas opiniones, *de primogen. Hispan. lib. 2. cap. 10. num. 96.* qui magis accedit Antonio Gomez:
- 19 quod quidem sanè intelligendum est, si contrahendo disponat vir, secus verò si delictum committat, ex quo confiscatio sequitur, vel imponenda à iudice, vel ipso iure propter delictum commissum imposita; nam tunc mulieri nihil peccat maritus: licèt enim liberè possit disponere de his lucris quo diximus modo, delinquendo tamen sibi, non vxori nocet. Libera enim administratio concessa alicui, vt alienet, non extenditur ad alienationem, quæ consequitur delictum, *l. 3. Cod. de bonis proscriptorum.* Iason *in §. actiones, Institut. de actionibus, num. 62.* istudque constitutum nobis est *in l. 77. Tauri*, vbi Antonius & reliqui. Dolus enim & dolosa administratio minimè concessa intelligitur in generali & libera concessione administrationis, Bart. & Paul. *in l. si sic, ff. de legat. 1.* Iason *in l. qui Roma, §. duo frares, ff. de verb. oblig. num. 75. l. creditor, §. Lucius, ff. mandati.*

- 20 Ex quibus quoniam dicimus vxorem verè dominam lucrorum, quæ sunt constante matrimonio, licèt vir constante eo matrimonio alienare possit ea lucra, tam pro parte vxoris, quàm pro sua, sequitur vt vir possit quidem constante eodem matrimonio bona immobilia lucrata prælegare in præiudicium vxoris, atque ipsa vxor ex aliis bonis accipiet partem illam, quam in prælegato habebat, dimidium verò prælegati certè retineri non poterit; habet enim liberam constante eo matrimonio dispositionem vir, quæ hoc casu id saltem obrinebit, vt refuso damno vxori res lucrata ad eum pertineat, cui à viro prælegata & relicta sit; tale enim legatum rectâ viâ moriente viro ad legatarium transit, *l. à Titio, ff. de furtis*: & licèt post mortem incipiat pertinere ad legatarium, tamen retro fingitur pertinuisse, & reuerà moriente viro cœpit obtineri, ex Bart. *in l. 1. num. 17. ff. de vulgari.* Verbum enim *cum moriatur*, vtrumque extremum, finem vitæ, & mortis initium obtinere creditur, *l. qui duos, §. hac conditio, ff. de manumissis testam.* Aulus Gellius *lib. 6. Nocturnum Atticarum, cap. 13.* Præterea & in secundo matrimonio vir, seu soluto priori, potest inuitis filiis prioris matrimonij vxoris hæredibus partem lucrorum, quæ



ad ipsos pertinet, alienare, non solum ex testamento, sed & per contractum, quia id iure nostro sibi licet, *l. 24. tit. 13. partita 5.* nec filij reuocabunt id legatum, vel alienationem, si aliunde ex bonis parentis habeant unde sibi consulere possint, ut damnum resarciant suum. De qua lege vide D. Couarr. *variarum lib. 1. cap. 8. num. 5.* quæ nihil conuenit cum iure Cæsareo in *l. 1. Cod. de bonis matern.* ubi alienatio interdicta est, ob idque nullus locus excussioni relinquitur: nostro autem iure excussio admissa est, & alienatio patri permissa, unde non ineptè dicimus, virum alienare posse, etiam si filij vxoris hæredes renitantur, quibus ex aliis bonis parentis consulendum est. Quæ interpretatio quotidiana est, cum parentes quotidie legent prædia aliqua lucrata, filiique sæpè nolunt partem suam prædij remittere, aiuntque illa bona ad se pertinere pro dimidia, nec parenti in vltima voluntate, nisi de suo patrimonio esse administrationem & liberam dispositionem concessam; unde sæpè nituntur habere bona illa lucrata, nihilque morantur si ex aliis bonis legatum suppleatur, vel in pecunia, dum tamen à se ea specie non auferantur: ex his autem videbatur valere legatum illud, dum filiis aliunde damnum resarciatur; sed alij omnino censent respectu vxoris, & filiorum eius, virum minime posse relinquere integrum fundum lucratum, censentque omnino filios, vel vxorem retenturos, si velint, partem suam, tanquam dominos, quæ aliunde in pecunia ex bonis mariti suppleatur legatario: quorum fundamentum est, quia veri domini sunt, & dispositio permissa alienandi sit constante matrimonio, *ex dict. l. Ordinamenti*, cum legatum sit dispositio de eo quod fieri quis vult post mortem suam; ob idque magis sentiunt, inuitis filiis aut vxore non posse legatarium consequi partem fundi legati, atque lucrati constante matrimonio, quæ vxoris aut filiorum est pleno iure; etiam si pars illa legata tanquam res aliena scienter aliunde supplenda sit, iuxta §. *non solum, Instituitis de legatis*, quæ difficultas in vxore renitente admittenda est, in filiis non item, propter generalem dispositionem dictæ legis 24. *titul. 13. parti. 5.* Atque in iure minus difficultatis erit, si quis cum Roderico Suarez contra Antonium Gomez, de quibus supra, teneat, alienationem lucratorum permissam marito constante matrimonio, non extendi ad donationem, si maritus donare velit: tu cogita, quotidiana enim quæstio est, cum quotidie viri legent huiusmodi lucra, & iubeant ut antiquis dominis reuendantur; vxor verò & filij sæpè renuunt, quibus particularis affectio est rei lucrata, & in diuisionibus bonorum frequens quæstio est.

Præterea illud quotidianum est, & non semel ex facto agitatum, quoniam bona lucrata omnia fiunt vxoris & mariti, & verè mulier suæ partis domina est propter legem Partitæ, quam supra adduximus, & receptiorem sententiam, ut maritus alienatis à se huiusmodi bonis lucrat, ære alieno oppressus, ad summam inopiam reductus versuram faciat, diglutita aliena pecunia; ac tunc quidem vxor ad possessores recurrit bonorum, quæ mariti fuerint, ex obligatione, vel hypotheca, quibus affecta bona illa sunt, cum qua ad particulares possessores peruenerunt; petitque ut bona illa lucrata, constanteque matrimonio alienata, tradantur sibi obtinenda iure pignoris & hypothecæ, quousque dos sibi consumpta refundatur; si possessores dotem persolvere re-

21

- nuant, possessores istorum bonorum, quæ lucrata fuerunt constante matrimonio, & in se translata, aiunt dimidium illorum bonorum, quod mariti fuerit, paratos se esse ex hac causa restituere vxori; dimidium verò, quod ipsius vxoris, non debere se restituere, quoniam vxor agat hypothecaria, quæ nulla esse potest in bonis ipsius vxoris, sed in bonis mariti bene admittendam esse, *l. neque pignus*, ff. de reg. iuris, *l. si rem alienam*, ff. de pignor. action. Ex facto semel agitata est hæc quæstio, pronunciatumque noui totam rem lucratam esse restituendam vxori, vt retineat iure pignoris, quia potest quis etiam si dominus sit, habere hypothecam in ea re, cuius dominium obtinet, si dominium illud reuocabile sit, secus verò si irreuocabile, *l. in bello*, §. si quis seruum, ff. de cap. & postliminio reuers. iuncta *l. Senatus*, §. fin. ff. de legat. 1. ibi, & proficiet legatum ad liberationem vinculi pignoris, quod in eo habet qui redemit: vbi glos. verb. pignoris. Cum enim seruus redemptus ab hostibus fiat redemptoris, cum tamen dominium illud sit reuocabile, offerendo pretium redemptionis antiquo domino, redimens, dum antiquus dominus offert, habet dominium serui, & in eo hypothecam, quoniam dominium illud sit reuocabile; quo pacto & mulier habebit hypothecam rei suæ, cum dominium illud fuerit reuocabile propter liberam dispositionem concessam marito, qui constante matrimonio alienauit: quæ ratio magis fouetur ex dispositione legis in rebus, *C. de iure dotium*, vbi strictius mulieri in re propria, cuius verè domina est, hypotheca conceditur, & ibi notat Bald. num. 9. Bart. & Angel. relati per Dec. in dict. *l. neque pignus*; vix tamen applicari hæc possunt nostræ quæstioni, quia hæc argumentatio id tantum obtinet, vt in re propria, cuius dominium reuocari potest, possit constitui hypotheca domino: egregia limitatio ad dict. *l. neque pignus*; at verò quod mulier habeat in suis lucris iustam hypothecam, quam ex iuris dispositione habere potuit propter dominium reuocabile, nullibi scriptum reperio; extendere autem hypothecam à rebus dotalibus, vel à rebus mariti, ad hæc lucra, siue subsit fortior, vel infirmior ratio, certè non licet, quia hypothecam vel facto hominum, vel iuris dispositione constituimus, non verò extendimus: quare stricta iuris dispositione & vera credo, quod particularis ille & tertius possessor securus sit, quantum pertinet ad lucra quæ mulieris fuerant: tu cogita, quotidianum est.
- 23 Expensarum ergo, quas maritus hic, de quo agimus, facere tenetur (vt de his semel definiamus, antequam ad meliorationes rerum dotalium deueniamus,) prima ratio est, quæ fiunt in alenda vxore, siue sana, vel valetudinaria sit, de quibus expensis iam nobis superius actum est *cap. 4. num. 24. & cap. 3. num. 44.* quatenus vxor ægrotans sit medicamentis succurrenda, an sit locus distinctioni magnæ vel parvæ quantitatis, & an vir conseruet sibi in diuisione bonorum medicamenta erogata in vxorem, si dotem exceßerint, ex Paul. in *l. quod vxorem*, *C. de negot. gestis*, vide ibi.
- 24 Expensas quoque illas attigimus superius, quæ faciendæ sunt cum vxore respectu vestimentorum, quam splendide vir teneatur vestire vxorem, supra *capit. 4. num. 38.* vbi traditur distinctio illa vestium quotidianarum, & earum quæ pretiosiores sunt; & cur illæ donatæ intelliguntur, hæc verò minimè. Vide ibi.



Expensas quoque funeris attigimus, quas facere tenetur vir, *dist. cap. 8. num. 24. & num. 42. & num. 47.* latè, vbi quomodo vxor pauper funeretur a viro, quid de locuplete & diuite, quis conueniendus sit ob eam causam, & an de dote, an de bonis extra dotem.

Expensas quoque illas attigimus, quas vidua expectat ab hæredibus viri præmortui intra annum luctus, *dist. cap. 8.* & quæ vestes sint viduæ præstandæ, *num. 29.* nunc verò ad alias expensas, quas maritus facere tenetur, propterandum est, vt topica quædam hæc nostra disputatio videatur, si quis sedes proprias, & loca, in quibus expensæ reperiuntur, requirat, vt repertis his eloquentius & copiosius ab aliis tractentur; hæc enim mihi ipsi scribo, vt meipsum erudiam, non vt doctis eruditionis ex his accessionem expectem.

Expendit ratione fructuum maritus, quos lucratur, quia tributa soluit & pensiones rerum dotialium, quod, vt diximus de usufructuario, & feudatario, generale est in omni possessore rei, qui fructus percipit, vt scilicet ad tributa & pensiones teneatur. Afflictis *in lib. 4. feudorum, tit. de prohibita feudi alienat. per Federicum, §. præterea ducatus, num. 53. & decisione 252. numero 2.* & in expresse ita tenet Alexand. *in l. nec stipendium, ff. de impensis in rebus dotalib. factis*, apud Bart. idem Bart. & gloss. *in l. una, C. de muneribus, & in quo loco munera, lib. 10. Platea in l. 1. C. de annonis, lib. 10.* textus elegans *in l. nec stipendium, ff. de impensis in rebus dotalibus factis*, ibi: *Onus enim fructuum hac impendia sunt.* Tenet Pinellus *dist. l. 1. C. de bonis maternis, parte 2. num. 72.* Alvarus Vasquez *quæst. 17. num. 2.*

Quod extendendum est ad collectas, vt maritus ex hac quoque causa expendere teneatur, nihil expectans ab vxore, cum ipsa dotales res tradens, his oneribus non solum realibus, quæ rem sequuntur, satisfecisse videatur, sed personalibus etiam. Bart. *in l. quero, ff. de usufructu.* Bald. *in l. 1. C. de annonis & tribut. lib. 10. num. 5. & in l. 1. num. 5. C. de iure emphyt.* Alexand. *consil. 148. lib. 6. num. 3.* Matthæus de Afflictis *lib. 3. feudorum. tit. quæ sint regalia, §. Plaustrorum, num. 40.* Itaque expendit maritus eo nomine tributa, & collectas soluens, quæ insunt rebus dotalibus, vel propter res dotales impo-  
nuntur.

Quod si maritus tributa & pensiones non soluat, quia fortè emphyteutica vel feudalialia prædia in dotem acceperit, tunc quidem prædium amittitur ob seruitium non præstitum, vel pensionem aut tributa non soluta: sed vxor ob negligentiam viri, contra ipsum & hæredes eius recursum habet. Ita ait se vidisse Ifernia *in feudis, de capitulis Conrad. §. final. num. 20.* neque enim alienare potest, *l. 1. ff. de fundo dotali*, facit lex etiam, *§. 1. ff. soluto matrimonio, l. si constante, §. si maritus, eodem, l. si filio, §. maritum, eod.* ibi: *Damnandum eum quanti mulier in litem iurauerit.* Tenetur enim vir de dolo, & culpa in rebus dotalibus, *l. in rebus, C. de iure dotium*: & quamuis Carolus Molineus *in feudis tit. 1. §. 30. num. 69.* velit, quod maritus non possit præiudicare vxori in dotalibus, & quod negatio, vel delictum præiudicet marito constante matrimonio, soluto autem eo integrum ius reſeruetur vxori, cui maritus delinquendo nocere non potuit; secundum ea tamen quæ diximus hoc capite, si res dotales traditæ fuerunt marito, nec vnquam in potestate vxoris extiterunt, ita

- ut maritus verè dominus sit, Iferniæ opinio proculdubio vera est, quia maritus sibi nocet, sibi delinquit, & delinquendo vxori obligatur: si verò mulier habuit à principio bona dotalia, quo casu magis est, ut domina naturaliter remanserit, ex his quæ diximus, magis erat, ut opinioni Molinei non esset locus, cùm nihil ad maritum pertineret, ex ea opinione, ex qua hoc casu mulierem dominam, non maritum asserimus: sed quia custodia earum marito commissæ est, adhuc isto casu veram existimamus opinionem Iferniæ, quæ est Molinei *n.63.* De Prælato, quid & quantum noceat Ecclesiæ delinquendo, vel omittendo, vide Molineum *vbi supra*, quod ad nos modò non pertinet; & an pater possit præiudicare filiis in emphyteusi, vel noua, vel antiqua, committendo, vel omittendo, scilicet deteriorando, vel alienando, vel non soluendo canonem, siue emphyteusis sit ex pacto & prouidentia, siue hæreditaria, vide Bartol. *in l. cum qui, ff. de interdicitis & relegat. in fin. versicul. per hæc dico*, Alexand. *in l. si finita, §. si de vestigalibus, num. 29. ff. de damno infecto*, Ripam *in l. fin. C. de reuocandis donationibus, quest. ultim. Afflictis in cap. 1. §. præterea, gloss. 3. num. 5. de prohibita feudi alienatione*: qui volunt ut filiis præiudicet pater, quia peccatur aduersus legem contractus, ex cuius forma res emphyteutica ad Dominum reuertitur. Nec existimandum est, patrem consultò commissurum, ut filij emphyteusi careant, quia nemo melius consilium capit pro filiis quàm pater, *l. si furioso puero, ff. de curatore furiosi*: quod si dolo sibi delinqueret, ut filiis malignè noceret, tunc succurrendum esset filiis. Ti-  
 32 raquellus *2. retractu, §. 3. gloss. una, num. 17.* Molineus *in consuetudinibus Parisiensibus titul. 1. §. 8. gloss. 3. num. 17.* & an in feudis præiudicet filiis, vide Zazium *in 10. part. feudorum, folio 72.* Curtium Iunior. *5. part. conclusionem 4.*  
 33 & an cedendo, vel renuntiando nocere possit filius in emphyteusi ex pacto & prouidentia, vel antiqua, aut hæreditaria, nouæve, vide Aluarum Vazquez *question. 49. numero 6.* post alios, quos ipse allegat. In quæstione nostra, maritus si omitat soluere canonem, planè vxori nocet, eidemque obligatur; delinquendo autem, quod in feudis familiaris est, aliud forsan obseruabitur, secundum Molinei opinionem, cùm neque delinquendo nocere possit vxori: in emphyteusi tamen tutius est, ut siue delinquat, siue omitat, quia dominus est, vxori noceat, eidemque obligetur: quod si dominus non sit, quòd mulier secum bona quoque tradat, quorum dominium naturaliter in vxore remaneat, ob non solutam pensionem idem omnino placet; at verò isto casu si vir delinquat, quia dominus non est, non omnino nocet vxori, ex his quæ tradit Molineus *vbi supra*. Itaque obseruandum erit ex qua causa dominus directus petat rem sibi restitui, an ob pensionem non solutam, quo casu indistinctè rem reuocat; aut ob delictum, quo casu videndum est an maritus qui deliquit, omnino dominus sit, an verò dominium naturale remanserit penes vxorem. Priori casu delinquendo præiudicat sibi & vxori, & eidem tenetur; secundo verò non, cùm delictum eius vxori non præiudicet soluto matrimonio.  
 34 Expendit etiam, quia si in dotem nomina debitorum dentur, putà obligationes, vir tenetur expendere omnino, quia negligentia viri, vti modò dicebamus, nocet quidem vxori, & in consequentiam mariti hæredibus respectu ipsius



ipſius vxoris ; debitor enim liberatur ex negligentia viri exceptione temporis, ſed vxor habet quidem recurſum contra bona mariti, & eius hæredes : tenet Maſuerius *titul. de præſcriptionibus, verſiculo item & res dotalis*, per textum *in l. ſi fundum, ff. de fundo dotali* : cùm enim vxori dos promiſſa fuit, & ad vxorem, & vxoris cauſa, competit marito actio ad exigendum eam pecuniam, cùm tradito inſtrumento, tradita pecunia videatur ; vnde ad ipſum tanquam ex traditione dominum ſpectat periculum exactionis, iuxta dictam legem *ſi fundum*, & quæ diximus ſuprà *iſto capite, num. 1.* & præcedenti, quo caſu præſcriptio currit contra virum. Contrarium dicendum eſſet, ſi dominus non reperiatur, iuxta ſuperiùs dicta ; quia tunc nihil obest vxori negligentia viri, cùm ipſa ad agendum propter nuptias impedita ſit. Itaque multùm iuuabit inſpectio illa, de qua ſuprà, an maritus omnino dominus ſit, an mulier naturaliter dominium retinuerit ? A qua inſpectione initio huius capitis diximus deſumendam eſſe rationem conſeruandarum expenſarum, vel amitendarum : quod quidem intelligimus ſi nomina contineant rem corpoream aliquam non æſtimatam ; quia ſi in nominibus contineatur quantitas, vel res æſtimata, tunc nulla dubitatio eſt, cùm periculo mariti res æſtimata vel quantitas pereat, quod vulgare eſt, & hoc eſt veriſſimum, licèt Alexand. & Cumanus, ſecuti Dylum teneant *in leg. nupta, §. quoties, ff. ſoluto matrimonio*, quod regulariter marito eius negligentia, ſiue culpa in non exigendo dotem, vel eius hæredibus imputari per vxorem non poſſit : idque tenent ſecuti gloſſ. *in l. ſi ſocer, §. Lucius, verſicul. redditurus, ff. ſoluto matrimonio*, per textum *in l. ſi extraneus, §. ſed ſi pater, ff. de iure dotium* : ſed lex illa ſatis fundat contra ipſos, cùm ex ſuis exceptionibus fundet regulam in contrarium, & eſt ad propoſitum elegans textus ex Boërio *decifione 229.* & Gregorio Lopez *in in leg. 15. titulo 11. partit. 4. verbo, Departimiento*, vbi Vlpianus ſtatim in principio regulam conſtituit, vt negligentia quidem noceat viro, his verbis : *Si extraneus*, inquit Vlpianus, *ſit, qui dotem promiſit, iſque defectus ſit facultatibus antequam dotem daret, imputabitur marito, cur eum non conuenerit, maxime ſi ex neceſſitate, non ex voluntate dotem promiſerit.* Cùm autem Vlpianus regulam conſtituerit, obſeruata methodo & ratione optima interpretandi, ſubdit ſtatim exceptiones, ſcilicet in donatore, patre, vel in ipſa vxore, ſi ipſa promiſit ; idque his verbis : *Nam ſi donauit, vtrique parcendum eſt marito, qui eum non præcipitanit ad ſolutionem, qui donaret, quémque in id quod facere poſſet, ſi conueniſſet, condemnaret ; hoc enim Diuus Pius reſcripſit, eos qui ex liberalitate conueniuntur, in id quod facere poſſunt, condemnandos.* Hactenus de donatore Vlpianus, qui ſubdit de parente ac de ipſa vxore his verbis : *Sed quid ſi vel pater, vel ipſa promiſerit ? Iulianus quidem libro 16. Digefſtorum ſcribit, eſi pater promiſerit, periculum reſpicere ad maritum, quod ferendum non eſt : debet igitur mulieris eſſe periculum, nequaquam enim inde ex propriis auribus audiet mulierem dicentem, cur patrem qui de ſuo dotem promiſit, non vrſerit ad ſolutionem ; mul. ò minùs cur ipſam non conuenerit : rectè itaque Sabinus diſpoſuit, vt diceret, quod pater, vel ipſa mulier promiſerit, id viri periculo non eſſe ; quod debitor mulieris, id viri eſſe periculo ; quod alius, ſcilicet donaturus, eius periculo eſſe, cui acquiritur ; acquiri autem mulieri accipimus, ad quam rei commodum reſ-*

35

picit.

*picit.* Hactenus Vlpianus, cui nihil addi, adimive posse videri potest, sed rectè interpretatus est dictam legem *si extraneus*, conditor legum Partitarum, *leg. 15. part. 4. titulo 11.* ibi: *Ca si el dendor fuesse padre, o abuelo, o visabuelo, maguer fuesse negligente, &c.* Et rursus ibi: *Ca o seria el dendo de premia, o de voluntad, e si fuesse de premia.* Et ibi: *E si el dendo fuesse de voluntad.* Et ibi: *E si fuesse cierta cosa.* Et ibi: *E si fuesse de cosa non cierta.* Igitur in hac quaestione recurrendum est ad dictam legem *si extraneus*, & ad dictam legem 15. Partitæ, quando maritus teneatur de culpa, quia non exegerit dotalia nomina, quia ex hac causa ut culpam vitet, & ne vxori teneatur, prædictis casibus expendendum sibi est.

- 36 Cùm autem constituerimus diligentiam mariti, eiusque culpam, ex qua negligens vxori tenetur ad damna negligentiae in exigendis nominibus, sequens quaestio est, cuius expensis sint hæc nomina exigenda, an vxoris, an verò ipsius viri? Quam quaestionem tractat Bart. *in l. 1. Cod. de bonis matern. & glossa in l. 1. vers. non sint, ff. de impens. in reb. dotalib. factis.* Accursius autem & Bartolus contrarium censent, quos conciliant Pinellus *in dict. l. 1. part. 2. num. 70.* & Gregorius Lopez *in l. 15. tit. 11. partita 4. verbo, El marido negligente.* Accursius enim tenebat, quod vir sibi expendebat, nihil sibi expectaturus ab vxore: & Bart. existimabat omnes illas expensas factas in exactiōe rerum dotalium deducendas esse ex dote. Baldus sequebatur glossam *in l. 2. C. de actionib. & oblig.* glossam commendat Chassaneus *in consuetudinibus Burgundia, rubr. 4. §. 17. versicul. quero.* Iason *in l. si in area, num. 3. ff. de condict. indebiti,* Corneus *dict. l. 1. Cod. de bonis maternis,* tenet cum Bartolo contra gloss. & dicit eius opinionem magis communem, licet Pinellus ex relatione Doctorum receptiorem faciat glossæ opinionem contra Bartolum: videbatur autem opinio Bartoli ex his quæ diximus numero præcedenti, secundum ius, quia cùm necessaria impensa sit restituenda viro, sine dubio videbatur hoc quoque restituendum, quia necessaria expensa est; cùm enim necessaria expensa sit, quam vir omittere non potest, *ex l. 4. ff. de impensis in reb. dotalibus factis;* hæc autem expensa omissa viro imputetur, ut diximus; dicendum est ad dotem pertinere has impensas, sed tamen & Pinello, & Gregorio Lopez post Baldum ubi suprà placet distinctio inter magnam & parvam expensam, ut in magna procedat opinio Bartoli, ut scilicet in dotem imputentur sumptus illi; in parua autem expensa tutior sit opinio glossæ: quam distinctionem probat Iason ubi suprà, Alexand. ad Bartol. *in dict. l. 1. ff. de impensis;* comprobatur ex Iureconsulto *in l. omnino, ff. de impensis in reb. dotal. factis.* ibi, *modicas impensas.*

- 38 In qua tamen re magnam vel parvam expensam iudicamus respectu dotis. Albericus *in l. hactenus, ff. de usufructu.* Diximus suprà latè *cap. undecimo, n. 16.* neque quicquam aduertendum est ut magna vel parua expensa dicatur, quod attinet ad nostram quaestionem, quod expensa perpetua sit, vel momentanea; namque si magna sit, etiamsi momentanea, vxori sit: rursus si sit parua, etiamsi perpetua, viro expenditur. Ita contra Alexandrum *in leg. diuortio, §. impendia, num. 3. ff. sol. matr.* resoluit Pinellus ubi suprà, & meritò, pro quo est textus *in l. quod dicitur, ff. de impensis in reb. dotalibus factis,* ibi: *Et quauis modica*



*modica adificiorum refectio.* Et est textus cum glossa *in l. virum, ff. de donatio-  
nib. inter virum & uxorem*, vbi modicus sumptus factus in re dotali præsumitur  
donum, magnus verò minimè.

Quæ omnia eò tendunt, vt diligentem faciamus virum in custodiendis &  
conseruandis rebus dotalibus: eò vsque tamen illud recipiendum est, ne vir  
damnum de suo patiatur; id enim illa distinctio paræ & magnæ quantitatis  
exigit; nec enim æqualitas est, si fructus rerum dotalium litibus vxoris con-  
sumantur, & vxor sumptibus viri alatur: ideoque constitutum est, vt sum-  
ptus magni fiant vxori, parui marito. Ex qua verissima opinione temperan-  
dum est quod indistinctè traditur, scilicet, teneri maritum custodire, & prop-  
ugnare, tueri, & defendere castrum, vel urbem dotalem, & belli, & pacis  
tempore, nihil expectaturum ab vxore eius sumptus nomine, quia diligens  
esse debet, & ad custodiam tenetur, de quo dicit Bart. esse textum *in l. fin. ff. de  
impensis in reb. dotalib. factis*, ibi: *Sed etiam si ad conseruandam ipsam rem, spe-  
ciemque eius necessaria sunt, ex suo vir eas facit.* Quod etiam tenet Angelus, qui  
dicit vidisse hanc questionem de facto *in l. sumptus, ff. de legatis primo*, vbi Ia-  
son plures refert à num. 3. idem *in leg. diuortio, §. impendia, ff. soluto matrimo-  
nio*. Et præter eum idem tenet Paulus de Castr. *in l. fructus, ff. soluto matrimo-  
nio*. Ista tamen opinio temperanda est, vt si expensæ factæ in conseruanda re  
dotali excedant fructus dotis, proculdubio recuperentur, vt distinctio magnæ  
& paræ expensæ recipiatur; quid enim censebit prudens & cordatus vir, si  
maritus sustineat bellum, & expensas faciat viles, & necessarias, vt conseruet  
castrum, quæ fructus dotis excedant; an excessum illum de suo faciet? Cerrè  
iniquitas est: quod si vxori imputentur, cui res conseruata est, æquitas ver-  
satur. Nec quicquam facit dicta lex finalis; nam illa intelligenda est iuxta  
dictam legem *quod dicitur*, & legem *omnino*, & legem *virum*: idque suadet  
litera textus, quæ de minoribus expensis ad reficiendam rem magis intelli-  
gitur, quàm de bellicis sumptibus & maximis expensis. Idque voluit Barto-  
lus & reliqui, dum aiunt, maritum repetiturum eos sumptus si perpetui sint;  
qui voluerunt eo verbo *magnos sumptus*, id intelligere, quia, vt diximus,  
potest quidem sumptus perpetuus esse, & tamen modicus, ita vt ad maritum  
pertineat: contrà verò temporales & maximi ad vxorem pertinent: ita-  
que si vir immodicas expensas fecerit, repetet: vnde si tormenta sul-  
phuraria magno empta in castro collocauerit, si bellica instrumenta addu-  
xerit, hastas, clypeos, enses, ferreos thoraces, & bellicas machinas;  
si seruos bello captos, vel emptos, milites præsidarios instituerit, quo-  
niam hi sumptus maximi sunt, etiam si custodia causâ facti intelligantur,  
nec sint perpetui, mulieri deuorantur, non viro, pro quo est textus *in leg.  
cum quæreretur, §. prædiis, ff. de legatis tertio*, quem in contrarium allegant  
prædicti Doctores; ibi enim legatis prædiis, & quæ eorum prædiorum colen-  
dorum causâ empta, paratæ essent, Iureconsultus Africanus nec topiarium,  
nec saluarium seruum legatum esse ait: sed verè ille textus parum facit ad  
hanc quætionem; deciditur autem illa ex suprâ adductis, quoniam iniquitas  
sit virum eos sumptus de suo facere, qui dotis fructus excedant, non illius an-  
ni quo facti sunt, sed eius temporis quo matrimonium constituit. Ratio au-

39

tem dicti §. *prædiis*, ea est, quia cum prædia legata essent, & quæ eorum prædiorum colendorum causâ parata, emptæ essent, non potuit topiarius, vel saltuarius videri legatus, quia neuter erat paratus agri colendi gratiâ, sed alter perinebat ad voluptatem, alter ad custodiam: nec vlla ibi investigatio est, quod illi sint perpetui, vel temporales; asinus autem machinarius, item oues, & opilio ( in quibus par perpetuitas atque in topiario & saltuario videri poterat, ) veniunt in eo legato, quia prædij colendi causâ parata erant, & ad culturam pertinebant: & ita contra Paulum, Bartolum, & Iasonem *vbi supra*, textus ille nihil facit ad nostram quæstionem, & hunc sensum apertè indicant verba eiusdem textus ibi, & *quæ eorum prædiorum colendorum causâ emptæ, paratæque essent*; & rursum ibi, *topiarium enim ornandi, saltuarium autem tuendi, custodiendi que fundi magis quàm colendi causâ paratum esse*. In eo enim legato si prædia vti erant instructa, legarentur, non dubium est, quin saltuarius & topiarius seruus legato continerentur, ex textu in *l. si ita*, §. *si mulier*, ff. *de fundo instructo*, ibi: *Mulier villa custos perpetua in fundo, qui cum instrumen. o legatus est, aut instructo coninebitur, sicuti saltuarius; par enim ratio est*. Hæc Pomponius; qui textus etiam nihil facit ad nostram quæstionem, neque ad regulam, neque ad exceptionem; quia ibi ideo venit saltuarius & custos, quia fundus instructus, vel cum instrumento legatus est: inter instrumenta autem fundi reperta est custos perpetua, sicuti & saltuarius; quod innuit Iureconsultus ibi: *Nam desiderant tam villa, quàm agri custodiam*. In eo autem verbo, *perpetua custos*, nulla inest vis, quia si temporalis esset, idem dicendum esset, ex Iureconsulto ibi, *par enim ratio est*, scilicet saltuarij & custodis perpetui, contra glossam ibi *verbo perpetua*: & licet hæc iura adducantur ab his quos adduximus, nihil, aut parum faciunt. Facit textus in *l. 3. §. nos generaliter*, ff. *de imp. in reb. dotal. fact.* & *l. 1. ff. eod.* ibi: *Inter necessarias impensas esse Labeo ait moles in mare*, iuncta glossa ibi, *vel causâ munitionis*. Restat igitur vt admittamus in hoc quoque magnæ & paræ expensæ rationem, ita vt licet aliàs plurimum intersit, si quis expensas facit perpetuas, vel temporales; in marito certè nihil perpetuitas, vel mortalitas possit, quod singulare est.

4<sup>r</sup> Rursum si maritus constante matrimonio ædificia erexerit in solo vxoris, ædes nempe, furnum, molas frumentarias, piscinas, aut columbarium, aut quid huiusmodi, omnia hæc cedunt in diuisione bonorum soluto matrimonio vxori, quia in eius solo erecta reperiuntur; soluta tamen vera æstimatione expensarum marito, si expensas eas solus mortua vxore effecit; aliàs dimidio, si ambo viuentes effecerint: idemque vice versa intelligendum est si vxor in solo mariti id effecerit: textus est nobis nostro iure vsu recepto in *l. 9. titul. de los labores*, 4. lib. 3. *fori leg.* quem sæpius in hoc Senatu Regio forensi vsu receptum animaduerti, & ita recipi testatur doctissimus Suarez in *repetitione tit. de las ganancias*, lib. 3. *fori leg. versic. sed pone quod in solo*. Quod quidem rationem iuris habet ex regula quâ dicitur ædificium cedere solo in quo erectum est, *l. adeo*, §. *cum in suo*, & §. *ex diuerso*, ff. *de acquir. rer. domin.* & quæ adduximus *suprà cap. 5. num. 20. cum sequentibus*.

4<sup>2</sup> Diuersum in vinea plantata in solo alterius iudicatum vidi; is enim cuius solum est, in quo vinea plantata est, præcipuum habebit, quod in ea regione dari



dari consuevit his qui montem incultum dare consueuerunt rusticis vitibus conferendum: vocant nostri vulgari verbo *Terrazgo*; reliquum vtrique communicabitur, neque cedit domino fundi, aut soli, in quo vites consistunt, quandiu vinea constiterit, & durabit. Hæc est lex 3. *tit. de los labores, lib. 3. fori leg.* quam vsu receptam tradit Suarez *vbi supra*, & ego sæpius practicari vidi in diuisionibus bonorum, ita iudicante nostro Senatu.

Si autem vir in solo maioratus ædificia erexerit, & meliorationes fecerit, huiusmodi ædificia erecta, & meliorationes factæ cedunt successori maioratus, nec quicquam soluet successor eius nomine vxori, vel filiis eius, vel mariti emortui: nec in diuisione bonorum inter filios eius qui ædificauit, & vxorem viduam, ratio vlla habebitur earum expensarum, quæ recuperari à possessore, eodemque nouo successore non possunt. Idem intelligendum est in contraria specie, si vir maioratum dotalem nactus sit, & huiusmodi expensas, & meliorationes faciat, nihil expectabit, nec à nouo successore maioratus, nec ab hæredibus vxoris, nec filij audientur, quòd pater nimium consumendo, & expendendo ea ratione eos legitima portione priuauerit: licet enim iure communi meliorationes, & expensæ, quæ fierent in solo maioratus, vel in bonis restitutioni subiectis, venirent diuidendæ inter coniuges, tanquam prouenientes ex causa lucratiua, & vera ratione reperirentur lucratiuæ constante matrimonio, ita vt æstimationis meliorationibus & expensis, iuxta veram rationem æstimationis earundem, de qua infrà agemus, medietas remaneret viro & eius hæredibus, altera verò medietas vxori, ac subinde diuiderentur inter heredes tanquam res hæreditariæ iudicio familiæ eriscundæ, secundum Ang. in *l. emptor, ff. de rei vendic.* & alios, quos adducit Palacios Rubios in *repet. rubr. de donationibus inter virum & vxorem, §. 62. num. 15. folio mihi 38.* quod in fideicommissario iure statutum erat, *l. domos, ff. de legat. 1.* vbi Iason, Carolus Molineus in *consuetudinibus Parisiensibus, tit. 1. §. 1. glos. 5. num. 75.* Iulius Clarus *lib. 4. §. feud. quæst. 88.* hodie autem ex decisione legis 46. *Tauri*, quæ est lex 7. *tit. 6. lib. 5. in nouis legib. compilatis*, constitutum est, vxores, seu alios hæredes non posse repetere ea quæ in ædificiis erectis in solo maioratus consumpta sunt & expensa; quæ lex hodie præcisè seruanda est, neque licet iam de eius iustificatione dubitare, post ea quæ scribit Ludouicus Molina *lib. 1. de Hispanorum Primogen. cap. 26. parte 1. num. 14. & sequenti*, & ante eum Pinellus in *l. 1. Cod. de bonis maternis, part. 2. num. 71.* vbi refert legem Lusitanam contrariam nostræ legi, magisque iuri communi conuenientem. In interpretatione eius legis tria solent in dubitationem adduci, an sit iusta æqua ratione, non solum autoritate conditoris: alterum, an habeat locum in omni genere expensarum: tertium, an in omni genere maioratum. Circa primum iniquam dixit Palacios Rubios *dict. §. 62. num. 19.* vbi ait, cum conderetur, non potuisse se tantum clamare, quin reliquorum suffragio conderetur: æquum tamen est, & conuenit perpetuitati maioratum, cuius causæ instituuntur, vt tales expensæ minimè soluantur, quia is qui expensas eas soluisset, vtrique non solum solutas, sed & quas ipse fecisset, esset reperiturus à successore, & is vtrique ab alio, ac subinde contingeret, vt factis quotidie nouis expensis, accedentibus his ad antiquas iam solutas, infinitam congererent

43

44

rent quantitatem expensarum, quæ solui nequeat, ita ut eâ viâ pereat maioratus: præterea neque ratio quæ in fideicommissis reperitur, ad maioratus Hispanos referri potest, renitente iuris ratione; fideicommissum enim restituitur ei qui iam restituere minimè tenetur, maioratus non item. Denique ex his & aliis congestis ab Scriptoribus in *diēt. l. 46.* & quos antè adduxi, lex illa rationem habet. Idem effecit Menchac. *lib. 1. de success. creat. §. 5. numer. 13.*

45 Secundò dispositionem eius legis non solum intelligimus in fortalitiis, muris, ac domibus, quæ solum in ea lege expressa sunt, sed etiam in ædificiis, & reliquis meliorationibus in omnibus aliis rebus maioratus factis generice, & vniuersè, cum ratio illius legis iustissima sit, nec possit ratio aduersitatis aliqua reperiri; nec exempla in ea posita, ut restringerent, addita sunt, sed ut magis explicarent. Sic tenet Ludouicus Molina *vbi supra*, qui ait supremorum Iudicum ita semel iudicio & sententia decusum fuisse, quod apud nos ferè instar legis est, ob idque ita accipiendum est, contra Aluarum Vazquez *iuris emphyteutici quest. 25. num. 29.* qui ita accipiebat eam legem, ut haberet locum in tribus exemplis ab ipsa adductis, neque amplius extenderetur: & antequam Molina, & Aluarus Vazquez ad nos venirent, secundum sententiam Aluari Vazquez pronuntiatum vidi in causa inter D. Ioannam de Zuniga, & D. Antonium de Castro, super meliorationibus factis in oppido de Cayon, pronuntiantibus viris doctissimis Platino, & Hernandez in hoc nostro Senatu præclaris Aduocatis.

46 Tertiò dictæ legis decisio pari ratione non solum continet maioratus, qui fiunt præmissa facultate regia, sed & illos qui nullam huiusmodi facultatem habent, quin & anniuersaria, & patronatus, & capellas continet, in quibus iure maioratus succedendum, Couarr. *variarum lib. 3. cap. 5. num. 3.* Anton. Meneses *in rubr. Cod. de fideicommiss. num. 10.* Molina *lib. 1. cap. 1. num. 27.*

47 In hoc verò duo aduertenda sunt. Primum, quod etiam si meliorationes istæ non possint exigi à possessore maioratus, si tamen sine læsione rei adimi possint, abraduntur, & auferuntur; unde tormenta sulphuraria, machinas bellicas, clypeos, hastas, thoraces, globulosque ferreos emptos, & in fortalitiis constitutos ex hac ratione auferre poterunt hæredes præmortui, nisi veram æstimationem possessor soluerit: item pietas tabellas, & castri cætera instrumenta, quæ abradi possint citra detrimentum; & in his vxor habebit dimidium, *l. in fundo, ff. de rei vindicat.* vbi regula constituitur, quod meliorationes illæ abradantur, dum tamen abradi sine læsione possint, quæ exigi non possunt, *l. Iulianus, ff. eodem.* Tiraquellus *de retractu conuentionali §. 7. gloss. 1. num. 6.* Molina *vbi supra num. 16.*

48 Alterum verò, quod etiam si constitutum sit, vxorem nihil exigere posse eorum quæ consumpta sunt in rebus maioratus; si tamen tota dos consumpta sit in rebus maioratus ad refectionem necessariam & perpetuam, nec vxor ex aliis rebus mariti dotem seruare sibi possit, tunc quidem æquissimè fiet, si ex fructibus maioratus ipsi succurratur; videt enim substantiam suam in maiortu sine facto suo, proderit ei æquitas, *l. sine & Titium, ff. si certum petatur, ad concurrentem vsque quantitatem dotis, expensarumque, ita ut possessor maioratus*



maioratus ne locupletetur cum aliena iactura, dotem soluat, si magis expensum sit; expensam verò, si minus: in qua specie proderunt adducta per Pinellum *dict. numero 71*. Præterea indotatam remanere vxorem odium continet publicum, estque hæc ipsa restitutio veluti debitum, cum sit alienatio, cui ius resistit, ex cuius iuris beneficio succurrendum est vxori, vt dotem suam alienatam habeat, vbicumque dos reperiatur; nec lex quæ de non exigendis lucris expensis constituta est, dotis alienationem concessisse videri potest. Præterea ipsa vxor hoc casu est veluti creditor, cui omnino soluendum est quod ex substantia sua ad necessariam refectionem, & evidentem vtilitatem maioratus consumptum est: quo casu debita solvuntur à successore maioratus, non quod ipse aliqua obligatione teneatur, repugnante dicta lege 46. cum enim ædificia non teneatur soluere, neque tenebitur soluere mutuatum, aut præstitum, aut creditum ad ædificandum; sed ex bonis ipsius maioratus soluendum est illud debitum, in quibus reperitur substantia aliena sine facto domini; quia quod mutuatur ad refectionem alicuius rei, habet iure nostro rem refectionem obligatam, *ex l. 26. tit. 13. part. 5.* argumento cuius & mulieri succurri poterit, vt dotem suam consequatur: de hac autem obligatione in rebus maioratus latè Molina *lib. 1. cap. 10. num. 19.* & nos inferiùs aliqua attingemus *cap. 16. num. 11.*

Cæteras autem expensas, quas vir facit necessariò, ne res dotalis collabatur & pereat, istæ dicuntur necessariae, *l. 1. §. fin. cum lege sequenti, ff. de impensis in rebus dotalibus factis, l. impensa, eodem tit. & l. impensa, ff. de verb. signific. l. 10. tit. 32. part. 7.* & minuunt dotem, *l. unica, §. sed neque ob impensam, C. de rei uxoria actione, l. quod dicitur, ff. de impensis in reb. l. sis qui, §. quod dicitur, & ibi Bartol. ff. de iure dotium, & Bartol. in dict. l. impensa.* Et licèt hoc ita constitutum sit, vt expensæ necessariae duntaxat minuunt dotem, sine quibus res corrueret, & laberetur, aut periret; iure tamen nostro *ex l. fin. tit. 11. part. 4.* omnis expensa deducitur, licèt necessaria non sit, quæ auger dotem; dùmque aucta sit dos, nihil de necessitate curamus, inquit lex nostra: *Mejorando el marido la cosa que le dio su muger en dote, non seyendo apreciada, assi como si la resciesse, o la acresciesse, porque fuesse mejor, e rendiesse mas si las despenfas que en ella metiere fueren a tales que se mejora la dote por ellas, puede las contar e auerlas aquellas que fiziere ademas de quanto montare el esquilino que lleuo de los fructos è de las rentas de la dote.* Itaque augmentum & melioratio dotis, vtcumque fiat, siue vtiliter, siue necessariò, dotem nobis minuit: egregia declaratio ad decisionem Boërij 44. *numero 12. & 13.* & ad decisionem Matthæi de Afflictis 359. *per plures numeros*, vbi necessitas quæritur, & illa perpetuitatem desiderat; maritus enim satisfaciebat obligationi restituendæ dotis, si ipsam non æstimatam restitueret, qualis res ipsa restitueretur, vel reperiretur tempore restitutionis faciendæ, etiamsi deterior reperitur, *l. plerumque, §. 1. ff. de iure dotium.* Palacios Rubios *in Reperit. capituli per vestras, limitatione 12. folio mihi 115. numero 11.* cum autem melior restituatur, oportet vt melioratio ipsa marito profit, & de dote deducatur.

Adde quod si maritus qui meliorem fecit dotem, leget vxori non expensas

factas in rebus dotalibus expresse, sed ita legatum concipiat, *lego uxori mea quicquid ad me nomine dotis peruenit*; videtur remissile vxori deductionem expensarum, quæ facienda erat ex dote, postquam dos relicta est. Paulus de Castro in l. Manio, §. à me, ff. de legatis 2. Afflictis decisione 359. secus si diceret, *lego uxori mea dotem*, quia tunc dos intelligitur id quod deductis impensis superest, Palacios Rubios dict. §. 12. vel limitatione 12. folio mibi 116. num. 17. ante finem. Quod autem diximus, si testator dicat, *quicquid nomine dotis ad me peruenit*, idem dicendum erit si vtatur signo aliquo vniuersali, vt *totam dotem quam secum attulit*, vel *vniuersam dotem*, vel *integram dotem*; hæc enim omnia impediunt deductionem: & est hic casus vbi indefinita non æquipollet vniuersali, propter absonum iuris intellectum, quod resularet in hoc casu; quæ sunt addenda ad Iason. in l. 2. ff. de lib. & posthumis, num. 20.

- 51 Expendit etiam maritus, quia si agat aduersus vxorem ob delictum, vel mulier agat aduersus maritum ob dilapidationem dotis, quod ad inopiam vergat maritus, tenetur vxori sumptus & expensas subministrare necessarias, vt vel accusationem sustinere possit, vel dotem consequi; & ita quotidie videmus ex facto agitatum. Albericus in l. vbi adhuc, C. de iure dotium, versicul. sed cuius expensis, argum. l. final. C. de ordin. cognitionum: vbi secundum Baldum est casus, quo quis aduersario prouidet: sed melior textus in cap. ex parte, de accusationib. vbi monachus, qui accusat Abbatem de bonis monasterij, expensas accipit necessarias: vbi glossa decisionem textus ampliat, & extendit, vt tales expensæ dentur quousque lis finiatur. Tenet Hostiensis in summa, tit. de accusationibus, §. 1. versic. quid ergo si contingat. Speculator tit. de inquisitione, §. ultimo, versic. quid si matrimonium, Abb. in dict. cap. ex parte, de accusationibus. Quod intellige etiam si indotata sit mulier si accusetur. Innocentius in cap. per vestras, de donationibus inter virum & vxorem. Hostiensis, & Cardinalis ibidem, qui eum sequuntur. Secus verò si ipsa agat, ex eisdem, & Palacios Rubios in repet. cap. §. 39. folio mibi 75. num. 5. vbi ex proposito hoc ipsum agit, & quotidie videmus ita obseruari in hoc Senatu, taxatis necessariis expensis ad alimenta, & causæ liberationem, Aduocatam, Procuratorem, & reliquos quibuscum eo nomine expendendum sit.

- 53 Et an pupillus agens querela inofficiosi testamenti sit alendus pendente iudicio, data satisfatione, vide Couarr. doctissimè Practicarum questionum cap. 6. num. 6. & an diues, qui cum paupere litigat, ipsi teneatur expensas præstare, vide Ioannem de Palacios Rubios dict. §. 39. fol. 75. & si priuatus intendat iudicium ad vtilitatem publicam, debeat dari expensa ex publico, vide 54 Franciscum de Aretio in cap. si qui testium, de testibus, & l. si mulier in opus salinarum, ff. qui potiores in pignore habeantur: vbi Baldus dicit esse casum expressum in l. 1. ff. de iustitia & iure.

- 56 Si autem mulier de adulterio conuincatur, & aliquo casu viua remaneat, non tenetur vir illi præstare alimenta, glossa in l. fideicommissum, C. de fideicommissis, & Baldus in cap. ex parte, de consuetudine, Palacios Rubios in repetitione rubrica, §. 64. num. 8. & 9. vbi multa alia adducit, ex quibus vxor non sit alenda: vide apud ipsum glossam.

- 57 Has autem expensas factas in rebus dotalibus petere potest maritus, aut eius hæredes



hæredes soluto matrimonio : retinere autem res dotales propter expensas non potest, *l. una, §. sed neque ob impensam, C. de rei vendic. action.* & ita intelligenda sunt verba textus in *l. fin. tit. 11. partit. 4.* ibi, *Puede las contar y auerlas*, scilicet, actione mandati ; vel negotiorum gestorum, vel conditione ex lege, adducta lege *domum, C. de rei vendic.* non verò retentione, *ex dict. §. sed neque ob impensam.* Bene tamen in restitutione dotis, minuendo dorem, tantò minus soluendo, quantò magis expensum sit, *ex dict. l. fin.* ibi : *Non las deve contar, nin las puede demandar quando entregare la dote.* In ratione autem harum expensarum non veniunt expensæ quæ fiunt gratiâ colligendorum fructuum, vel quæ propter cōseruationem fructuum expenduntur. Hæ enim reperiuntur in fructibus, quos maritus suos facit, sicuti à contrario, si fructus restitueret, impensas illas deduceret ; quod in omni fructuum restitutione vel retentione generale est, vt diximus suprâ *cap. 1.* latè cum textu in *l. fundus qui, ff. famil. erciscund. l. fructus, ff. soluto matrimo. l. 4. tit. 14. part. 6.* & in *l. vel si vites*, ibi : *Nos generaliter definimus multum interesse ad perpetuam utilitatem agri, an verò ad presentis anni fructum :* & ibi *si in presenti cum fructibus hoc compensandum :* & in *fin.* ibi, *quacumque impensa quarendorum fructuum causâ facta :* & ibi : *ideoque non solum ad percipiendos fructus, sed ad cōseruandam ipsam rem eas vir ex suo facit :* *ff. de impens. in reb. dotalibus factis.*

Neque hoc casu maritus compensat fructus cum expensis, quia, vt infrâ § 8 dicemus, cùm de compensatione fructuum & expensarum egerimus, cessat compensatio vbicumque fructus percipiuntur, non iure possessionis, sed dominiij. Cùm igitur maritus omni iure fructus suos faciat, cessat compensatio, *glos. verb. superfluum, ad fin. in l. emptor*, quæ est ad hoc optimus textus, *ff. de rei vendic.* quam ibi Baldus, & Angelus commendant, Bald. Imol. Iafon, Bart. Paul. & Alexand. in *l. domos, ff. de legatis 1.* Baldus, Imol. & Iafon in *l. Insulam, §. fructus, ff. soluto matrimo.* Alexand. *consil. 123. volum. 1.* quem refert Felinus in *cap. cum causam, de re iudic.* qui hos tradit, Abb. Bald. & alij in *c. grauis, de restit. spoliat.* Alexand. ad Bart. in *l. in fundo, ff. de rei vendic.* Tiraquellus de retractu convention. §. 7. *glos. 1. num. 14.* Afflictis *decision. 87.* Gregor. Lopez in *l. 41. tit. 38. part. 3.* Couarr. *variarum lib. 1. cap. 8. num. 4.* Antonius Gomez in *l. 46. Tauri, num. 3.*

Ex qua resolutione est elegans declaratio ad *l. fin. tit. 11. part. 4.* ibi : *Puede las contar y auerlas aquellas que fuere ademas de quanto montare el esquilno que lleuo de los frutos, e de las rentas de la dote ;* vt verbum illud, *ademas*, accipiendum sit, videlicet ultra fructus perceptos, ita vt non inducat compensationem ; illud sonat enim verbum *ademas*, & est interpretatio ex fundata iuris ratione, & proprietate sermonis Hispani : quod eo libentiùs adnotaui, quod vetus interpres computandos fructus cum impensis censet, contra fundatam iuris rationem. Doctissimus Gregorius Lopez censet, legem Partitæ loqui de fructibus ipsarum meliorationum, quod est apertè contra apertissima verba legis nostræ, ibi : *Ademas de quanto montare el esquilno que lleuo de los frutos, e de las rentas de la dote :* nota verbum, *de la dote.* Præterea censet fructus mearum meliorationum, quæ ipse fecero, debere minueri mihi pretium mearum meliorationum, quod vt dicimus inferiùs, cùm de compensatione egerimus,

mus, est contra ius fundatum; quia cum ego sim verè dominus meorum meliorationum, ipsasque possideam iure dominij, ex recepta sententia, cessat compensatio. De his dicemus inferiùs: neque quicquam facit textus in *l. insulam, §. fructus, ff. solut. matrimo.* ubi vir compensat fructus cum impensis, contra hæc ipsa à nobis adducta. Ibi enim fuit matrimonium non verum, sed putativum: ita ibi declarat paulò post glos. & Bart. vide Couarr. in 4. part. 2. cap. 6. §. 8. num. 25. & hæc ad maritum pertinent, quantum ad expensas & meliorationes; cætera dicemus in cap. de augmento, & in cap. de thesauro.

## CAPVT XIV.

*De conductore, colono, inquilino, superficiario expendentibus, vel meliorantibus res conductas.*

Notabilia ex capite decimoquarto.

- 1 *Locatio ad longum tempus vile dominium transfert, & num. 2. qua sit ad longum tempus locatio.*
- 3 *Agitur de veritate illius questionis, an transferat dominium vile locatio ad longum tempus.*
- 4 *An prohibitus alienare, locet ad longum tempus, & num. 5. an particularis successor teneatur stare conductori ad longum tempus, & num. 6. an sit similis emphyteuta.*
- 7 *An conductor, sicut emphyteuta, possit expelli ob non solum canonem, in rebus Ecclesia & secularibus: conciliantur lex 5. & lex 6. titulo 8. part. 5.*
- 8 *An pœna imposita emphyteutæ alienanti habeat locum in conductore ad longum tempus.*
- 9 *An remissio sit facienda conductori ad longum tempus, sicuti emphyteuta, propter sterilitatem, vel rei interitum.*
- 10 *Conductor conservat utiles & necessarias expensas, utcumque finiatur conductio.*
- 11 *Lex æquissima, ff. de usufructu, est mirabilis, quia usufructuarius mutat formam rei.*
- 12 *Emphyteuta quasdam meliorationes facit ex necessitate contractus.*
- 13 *Necessarias expensas & utiles conservat conductor, si darent post conductionem, & num. 14. etiamsi culpa sua eiciatur.*
- 15 *Conductor non tenetur facere aggeres & fossata, etiam quæ durent tempore conductionis.*
- 16 *Quando, & quibus casibus conductor & colonus suas meliorationes non conservet; & exempla posita.*
- 17 *Conducens ab usufructuario an conservet meliorationes, & quomodo: agitur de lege*



*lege si quis dominum, §. idem querit, ff. locati.*

- 18 *An tributa & onera realia, & collectas soluat conductor, an dominus.*
- 19 *Quis conueniri possit, an dominus, an conductor.*
- 20 *Locatio an requirat de necessitate pensionem soluendam in pecunia.*
- 21 *Colonus partiarius quis dicatur, & vera ipsius ratio.*
- 22 *An colonus partiarius soluat onera & tributa & collectas.*
- 23 *Colonus partiarius deducit expensas seminis & cultura; & quas expensas vocamus fructuum.*
- 24 *Maritus & conductor an excidere possint arbores etiam non frugiferas.*
- 25 *Et intelligitur lex in fraudem, §. conductor, ff. de iure fisci.*
- 26 *Superficiarius conductor quis sit, & qualiter conseruet expensas & meliorationes.*
- 27 *Expensas litium pro conseruatione rei locata quantum conseruentur conductori.*
- 28 *Quae dicatur necessaria expensa in conductore, colono & inquilino.*
- 29 *Colonus & conductor de quibus rebus teneatur domino.*
- 30 *Colonus & conductor ob quam culpam teneatur domino.*



Orum quoque circa expensas & meliorationes conseruandas, vel amittendas ius controuersum est : sed quia hoc ius præclara ingenia exposuere, breuiter hoc nobis attingendum est, & id nobis deinceps in emphyteuta & possessore maioratus obseruandum erit, quoniam abundè ab aliis tradita expositaque sunt, quæ à nobis hanc institutionem ingressis erant exponenda : controuersia autem descendit ab illa antiquorum diuisione receptissima ad hæc vsque nostra tempora, quæ separauit conductorem ad longum tempus ab eo, qui ad breue tempus conduxit, vt in illo fortius ius reperiatur, ac subinde fortior necessitas meliorandi & expendendi; in hoc verò debilius, ac proinde debiliior quoque causa expendendi : vnde de tributis, collectis, arboribus, pensionibus, deque meliorationibus variè disputatum est, retenta illa recepta diuisione, quam pauci & nouiores euertere conantur : locatio igitur ad longum tempus retentâ hucusque receptissimâ sententiâ vtile dominium transfert. Tiraquellus *in 1. retract.* §. 1. gloss. 14. numero 79. & 80. latissimè Aluarus Vazquez *quest. iuris emphyteutici* 29. post glossam Bart. & alios *in l. 2. ff. si ager vectigalis vel emphyteut.* Dueñas *reg.* 240. Boërius *decision.* 224. & 234. Couarr. *lib. 2. resolutionum, cap. 16. num. 1.* & est gloss. & DD. *in Clement. 1. de rebus Eccles.* dicitur autem locatio ad longum tempus, si fiat hac verborum conceptione, *quandiu conductor voluerit*, Socinus Iunior *consilio* 63. *lib. 2. num. 11.* Decius *consilio* 204. Martin. Landens. *in rubric. ff. de rei vendic.* Dicitur etiam locatio ad longum tempus si fiat ad decennium, & vltra, gloss. *in dict. l. 2. in fin. ff. si ager vectigal.* Bart. & alij *in l. 1. §. quod autem, ff. de superficieb.* Paulus, & Alexand. *in l. filio, §. si vir in quinquennium, ff. solut. matrimonio*, Parisius *consil.* 118. *volume* 3. Socinus *consil.* 32. *lib. 1.* Boërius, & Couarr. *ubi sup. à*, Zazius, Ruinus, Fabianus, & alij relati ab Aluaro Vazquez *num. 5. ubi suprà.* Dicitur autem decennium longum tempus, *rub. & l. penultim. & l. fin. C. de prescrip.*

*longi temporis*, l. *fideicommissa*, §. *Aristo*, ff. *qui & à quibus*, & *Alexand. consil.* 17. lib. 4. numero 2. & 3. ait longi temporis definitionem relinqui iudicis arbitrio, qui tamen iudicabit decennium esse tempus quod longum dici possit, ex eodem *Alexand. ubi supra*, *Cardinalis in Clement.* 1. §. *fin. quest.* 4. D. *Nauarrus in §. defleat*, notab. 5. *Carol. Molineus in consuetudinibus Parisiensibus*, tit. 1. §. 41. num. 19. *Tiraq. in tract. de prescriptionibus*, §. 1. gloss. 4.

- 2 Præterea si ad vitam locantis, seu conducentis fiat locatio, ad longum tempus est, *Boërius decis.* 234. *Nauarrus in dict. §. defleat*, 5. notab. *Corn. & Decius* relati ab *Aluaro Vazquez ubi supra*: tenet præter ipsum gloss. & *Scribentes in l. 1. ff. pro socio*, & *Ludouicus Molina in cap. 21. lib. 1. num. 16. de Hispan. primogen.* vbi multa quoque adducit ad hanc receptissimam sententiam, & secundum eam (non enim de ea dubitat,) decedit quaestionem de rebus maioratus alienandis titulo locationis, vel non alienandis. Denique hætenus habemus id receptissimum, conductionem ad longum tempus transferre utile dominium; & dici ad longum tempus, quæ sit ad decennium, vel ad vitam alterius, locatoris, vel conductoris, vel dum conductor voluerit. Aliis autem modis quæ fiet locatio, erit ad tempus modicum, & dominium non transferet, veluti ad triennium, quinquennium, nouennium, l. *non solet*, ff. *locati, l. cum manu sata*, §. *fin. ff. de contrahend. empt.* secundum receptam interpretationem *Baldi in rubr. Cod. de iure emphyt. num. 7.* *Alex. cons.* 204. lib. 3. num. 1.

- 3 Sed tamen non desunt viri magni nominis, & egregie eruditi, qui contendant hanc separationem inter vtrumque conductorem non reperiri lege aliqua constitutam, inuentamque fuisse ab Scribentibus sine lege, sine auctore, & vt ipsi aiunt, sine ratione; aiuntque nullibi scriptum esse, locationem ad longum tempus transferre utile dominium: quam sententiam tentauit *Franciscus Connanus* vir *Gallus doctissimus*, & liberaliter eruditus, lib. 7. *Commentariorum iuris*; cap. 12. & eum sequutus *Pinell. in l. 1. Cod. de bonis matern. part. 3. num. 66.* & ante illos tentauerat *Cumanus in l. codicillis*, §. *instituto*, num. 3. ff. *de legat.* 2. & quia communis & receptissima sententia defenditur duobus Iureconsultorum responsis; in eo duo illi nouiores dant operam, vt responsa illa aliter diluant, & aliud retorqueant. Adducitur ergo pro communi, vt locatio ad longum tempus transferat dominium utile, textus, qui meâ sententiâ apertissimus est, & qui communem etiam ab inuito extorqueat, in l. 1. §. *quod autem ait Prator*, ff. *de superficiebus*, ibi: *Et sanè causâ cognitâ ei, qui non ad modicum tempus conduxit superficiem, in rem actio competit.* *Pinellus* ait specialem rationem esse in conductore superficiei, vt si ad longum tempus superficiem conduxerit, habeat utilem in rem actionem; hanc verò specialem rationem in eo versari aiunt, quia cum superficiarius sit qui in solo alieno ædificat, conductæ superficiei, l. *obligationem*, ff. *de action. & oblig. l. fin. ff. de superficiebus*, vbi superficiarias ædes *Caius* appellat quæ in conducto solo positæ sunt, *Alciatus παρίστωρ iuris lib. 1. cap. 36.* posset reperiri fauor publicus, qui in ædificiis versatur, ne vrbes deformentur ruinis, ex l. *si quis*, Cod. *de ædificiis priuatis*, ibi, *publicum decus*; & in l. *prescriptio*, Cod. *de operibus publicis*, ibi, *ornatum & commodum ad decoram faciem ciuitatis*; & in l. *quod si vir*, 15. ff. *de donationibus inter virum & uxorem*, vbi contra notissimas iuris regulas



regulas valet donatio inter virum & uxorem ad refectioem ædium. Ex quibus aiunt particularem esse ibi rationem, ut actio in rem concedatur, scilicet fauor hic publicus. Præterea expendunt verba illa dicti §. *quod autem*, ibi, *causâ cognitâ*; quasi firment regulam in contrarium, ut regulariter conductori negetur utilis in rem actio, quæ tamen causâ cognitâ possit concedi: hæc tamen duo non debuerunt mouere viros doctissimos, ut contra communem interpretationem aliò retorquerent sensum legis apertissimum: nam primùm, si fauor publicus versatur in ædificiis, is non est extendendus ad casus longè alienos & separatos ab ædificiis; isque fauor tam in locatione ad longum tempus, quàm ad modicum possit habere locum: & pari ratione propter fauorem publicum, qui in ædificiis versaretur, tam conductor superficiæ triennialis, quàm decennialis vtilem in rem actionem haberet, quia ita exornat urbem conductor superficiæ qui intra biennium ædificat, imò magis amplificat urbem, quàm conductor ad decennium, qui intra decennium erigit superficiarias ædes. Præterea fauor publicus, qui versatur in ædificiis, potuit conservari abundè aliis actionibus, scilicet, ex locato: neque Iureconsultus oculos coniiceret ad tempus longum, sed ad publicum fauorem. Præterea Imperatoris illæ constitutiones de urbe non deformanda ruinis, & extruenda ad regulam posterioris, non potuerunt occasionem præbere responso Iureconsulti in dict. §. *quod autem ait*. Præterea Pinellus pessimè aduertit ad §. *quod si vir*, ff. de donationibus inter virum & uxorem. ubi ex hoc fauore ait valere donationem inter virum & uxorem ad reficiendum collapsa; nam si donatio illa ex hoc fauore sustineretur, vtrique dicendum esset, magis esse sustinendam donationem inter coniuges ad ædificandum, cum magis deceat superficiarium erectio quàm refectio, aut reparatio: constat autem donationem inter coniuges ad ædificium de nouo extruendum non valere, l. *sed si mors*, §. *cum quis acceperit*, ff. de donationibus inter coniuges, qui est vicinus dictæ legi *quod si vir*, & facile potuit patere Pinello. Cum igitur donatio ad reficiendum valeat, ad ædificandum non valeat, & in vtroque versetur fauor ille, certè non potuit ex illo valere illa donatio; valuit autem ex alio, quia accipiens non est factus locupletior, quo casu valet donatio. Textus mihi egregius in l. *si sponsus*, §. *concessa*, ff. de donationibus inter virum & uxorem, ibi, *accipiens id quod aliàs erat expensurus de suo*: in quo textus est magis admirandus, & rectè accipitur ex ea ratione, quia non fit locupletior; quæ ratio mouit Iureconsultum Paulum in dict. l. *quod si vir*, non autem fauor publicus, quem multi ad multa retorquent immeritò, ut diximus suprâ cap. i. num. final. Mulier enim quæ reficit, nihil addit patrimonio suo; contra verò si de nouo ædificat. Igitur ille fauor non potuit præstare actionem in rem; argumentum autem quod deducitur ex verbis illis, *causâ cognitâ*, debilissimum est; & si rectè expendantur, magis faciunt pro communi, ut scilicet non soleat transferri in conductores vtile dominium, ex l. *non solet*, ff. locati: causâ autem cognitâ si locatio reperiatur ad longum tempus, vel definito tempore, vel ex præsumpta voluntate, quia detur ad vitam alterius, vel ad voluntatem conductoris, vel aliàs constet voluisse modo alio civili locatorem dominium vtile transferre in conductorem, vel aliàs expresse; tunc quidem actio utilis in rem datur, & ita interpre-

tamur dictam legem *non solet*, ut licet non soleat dominium transferri in locatorem, transferatur tamen causâ cognitâ, id est, perfecta voluntate locatoris, quam ius interpretatur ex longo tempore, ex vita, ex voluntate, si aliâs expressum non sit a contrahentibus: manet ergo communis sententia firmata *ex dict. §. quod autem*, quem nouissimè ita allegat Ludouicus Molina *dict. cap. 21. num. 16.* ultra omnes, de quibus suprà alia addit Aluarus Vazquez *dict. num. 28. vers. ad iura*, quæ iuncta his fortiolem faciunt receptam sententiam.

Alterum Iureconfulti responsum est *in l. 1. §. qui in perpetuum, ff. si ager vectig.* ibi: *Quamuis domini non efficiantur, competere eis in rem actionem.* Sed reuerà nihil facit pro communi, & vera est interpretatio nouiorum; est enim illud proprium, ut conductores agri vectigalis etiam ad modicum tempus vtilem in rem actionem habeant, ac subinde dicantur viles domini; eaque lege habent hos agros, ut quandiu pensionem soluant, adimi sibi non possint: & dicebatur vectigalis ager respectu vectigalis & pensionis, & perpetuarius respectu conductoris, qui perpetuò accipiebat, id est dum pensionem persolueret, *l. fin. Cod. de locatione pradiorum ciuilium, lib. 11. l. 1. Cod. de offic. Comit. sacri Palatii. Ad Palatinorum*, inquit Arcadius & Honorius Imperatores, *curam & rationalium officia perpetuarij, hoc est emphyteuticarij iuris ex actio reuertatur.* Iam diu enim Respublica & Principes consueuerunt agros publicos locare staturâ certâ pensione, quæ quotannis solueretur, idque iam à Græcis profectum acceperunt Romani, de quibus Aristoteles *æconomic. 11.* tradit, Bizantios pecuniâ indigentes, publicos fundos certa mercede locasse, fructuosos ad tempus, infructuosos in perpetuum. Itaque ager locus à Principe vel Republica, siue daretur in perpetuum, siue ad tempus, dabatur instar rei emphyteuticæ; & ex locatione illa dabatur utilis in rem actio, & dicebatur contractus ille perpetuarius, vel vectigalis, siue emphyteuticarius, *ex d. l. fin. iuncta dict. l. 1. de officio Comit. sacri Palatii, & iuncta dict. l. 1. ff. si ager vectigalis, cum l. 3. ff. eod. ibi, idem est si ad tempus habuerit conductum:* vbi gloss. malè interpretatur, *ad tempus*, id est, *longum*, diuinando apertè. Ita interpretatur Alciatus *lib. 1. Parergon, cap. 36. & 37. & lib. dispunct. num. 3. cap. 10.* Corasius *in l. ei qui, num. 18. ff. de seruitutib.* Connanus *lib. 7. commentar. iuris*, & alij plures prolixè relati per Aluarum Vazquez *quest. 29. num. 28. vers. ad text. verò:* proinde neque lex 3. nec lex 1. *vers. qui in perpetuum, ff. si ager vectigal.* faciunt pro communi, quia in illa locatione rerum ciuilium, particulariter concessa est conductori ad breue, siue ad longum tempus actio utilis in rem, & trahi ad particulares conductores non potest, salua recta ratione iuris constituti: ex quibus quoque patet rubrica illa desumpta ex his iuris regulis, si ager vectigalis, vel emphyteuticarius petatur, *ex dict. l. 1. de officio Com. sacri Palat.* quam alij euertendo aliter legendam esse contendunt, nihil animaduertentes *ad dict. l. final. & dict. l. 1.* nec quicquam contra communem facit lex *qui fundum, ff. locati*, vbi locatio plurium annorum simplex est sine hac actione utili in rem, quia plures anni tribus continentur: nec lex *non solet, ff. eod.* quia bene verum est non solere locationem dominium transferre, sed tamen aliquando reperitur, quod magis quadrat verbo, *non solet*, ex hisque constituendum est receptam sententiam veram esse, & habere textum pro se inuitabilem



tabilem in dict. l. 1. §. quod autem ait Prator, ff. de superficibus, à qua non est recedendum propter solam auctoritatem Pinelli & Connani, quæ iuris rationi subiicienda est.

Hinc ad multa inferunt Doctores, præsertim nouiores, quæ ex hac receptissima sententia deciduntur, & recepta item sunt; eueriebantur autem omnia retentâ Connani & Pinelli noua opinione, aded periculosum est ab ea sententia, quam plures probant, leuiter decedere; & primùm, an prohibitus alienare, possit ad longum tempus locare: quod quantum attinet ad res maioratus, disputauit Ludouic. Molina vt solet doctissimè *lib. 1. cap. 21. num. 18. & sequentibus*, vbi resoluit partem negatiuam, & extendit ad feudatarium & emphyteutam, vbi contra Carolum Molineum in consuetudinibus Parisiensibus, §. 41. titul. 1. num. 36. & contra Couarr. *variarum lib. 2. cap. 16. num. 1.* & contra Pinellum *de bonis matern. lib. 1. part. 3. num. 64.* tenet, quod etiam si res emphyteuticæ, feudales, & maioris, aut Ecclesiæ non possint locari ad longum tempus, commoditas tamen ipsa, quæ ad possessorem pertinet, locari possit, quod optimè explicat *num. 26.* non quod locatio commoditatis ad plures annos facta valere debeat mortuo maioratus possessore, eodemque locatore; illud enim fieri non potest, quia locator plus iuris in conductorem transferre non potuit quàm ipse habebat: sed ita recipiatur, vt ea locatio non sit alienatio, valeatque eo modo, quo locationes ad modicum tempus valere consueuerunt; quem sensum optimum illum mihi apertè probat caput *querelam, ne Pralati vices suas*, si rectè verba illius decisionis expendantur. Circa principalem quæstionem multa adducit Aluar. Vazquez, secutus etiam communem, vt locatio ad longum tempus sit alienatio: quod autem laborat circa glos. in *l. codicillis*, §. *instituto*, ff. de *legat. 2.* Accursus bonum sensum habere potuit; cùm enim Iureconsultus ibi agat de alienatione, non rei, sed commoditatis, hoc est pensionis; cumque Accursius ibi in prima parte agat de alienatione item commoditatis, subdit his verbis, quod textus præstat argumentum, quod locatio ad centum vel mille annos non sit alienatio, idque verissimum est; non enim locatio ad longum tempus inducit alienationem, sed locatio longi temporis rei prohibitæ alienari, & in hunc modum intelligit legem non solet, ff. locat. & optimè: quo fit in proposito, dict. §. *instituto*, vt locatio ad mille annos, vel ad centum annos, quod exempli causâ addidit, cùm sit commoditatis rei, scilicet non prohibitæ alienari, non inducat alienationem; isque potuit & debuit esse sensus Accursij ex fundata iuris ratione, licèt reproberetur communiter. Tiraq. *de retract. lignagier*, §. 1. gloss. 14. num. 91. Couarr. *variar. lib. 2. cap. 16.* suprâ adductus. Duënas *reg. 40. num. 12.* Meneses in *l. voluntas*, num. 8. *Cod. de fideicommissis*, & Aluar. Vazquez vbi suprâ num. 7. qui dicit Accursium sine dubio non habuisse bonum sensum iuris, qui reuerà habuit bonum sensum iuris & elegantem, vt alienatio non ducatur à solo tempore, sed etiam à re quæ alienari nequeat; vtrumque autem faciat alienationem, non sola locatio ad tempus non modicum. Quod ad multa vtile est in tutoribus, curatoribus, Rectoribus Ecclesiarum, institutoribus, & negotiorum gestoribus; & ita meritò Molina allegauit Accursium ad suam quæstionem de alienatione commoditatis in dict. §. *instituto*. Estque noua & elegans

allegatio pro sua interpretatione, vt etiam si sit locatio ad longum tempus, non inducat alienationem, ex Accursio in dict. §. instituo.

Quod & ad locationes rerum Ecclesiæ extendendum est, vt sicuti alienatio in ipsis prohibita est, ita quoque prohibita sit locatio ad longum tempus, quod resoluunt Molina, & Aluarus Vazquez vbi supra, post Tiraquellum de retractu lignagier, §. 1. glos. 14. num. 81. & Couarr. variarum lib. 2. cap. 16. contra Baldum in c. litera, de dilacionib. Ruinus consilio 161. num. 22. & consil. 77. lib. 1. & Rolandum consil. 96. num. 24. & 27.

Inde inferunt ex hac recepta sententia, quod si locatio fiat ad modicum tempus, cum pacto renouandi in aliud tempus, quod priori adiuncto longum tempus efficiat, rei quæ prohibeatur alienari, quod censetur conductio ad longum tempus, ac subinde alienatio facta in fraudem legum quæ alienationem prohibent, vt si quis locet rem prohibitam alienari pro duobus nouenniis, vel pro duobus vel tribus quinquenniis, vel pro nouem & quinque annis, vel pro decem, & intelligantur decem locationes; hæc enim locationis genera machinationes sunt in fraudem legis conceptæ: tenent plures quos allegat Aluarus Vazquez dict. quæst. 21. num. 15. post Tiraquel. in 2. retractu, in præfatione num. 2. Molineus in consuetudinibus Parisiensibus tit. 1. §. 41. num. 36. Oroscius in l. manumissiones, num. 7. de iustit. & iur. Couarr. lib. 2. resolutionum, cap. 16. num. 4. pro quibus est textus in authentico de non alienandis, §. neque, ibi: *Quam per resolutionem & machinationem perpetuas emphyteuses*. Et est egregia declaratio ad extrauagantem Paulinam, incipit, *ambitiosa*, & ad session. 25. cap. 11. de reformatione, in Concilio Tridentino.

Inde ad tutorem, quia prohibetur alienare, inferunt Scriptores, vt prohibeatur locare ad decennium, vel ultra, Boër. decis. 232. Alexand. consil. 117. lib. 5. idem & in marito Anton. Gom. in l. 50. Tauri, num. 57. Alcuius in l. 1. ff. solut. matrim. num. 57. Aluar. Vazq. supra num. 10.

Inde inferunt ad lempstorem, C. locati, & l. 19. tit. 8. part. 5. quod licet particularis successor non teneatur stare colono, tenetur tamen stare colono ad longum tempus, propter utile dominium quod talis colonus habet, Couarr. lib. 2. variarum, cap. 15. num. 2. Duëñas reg. 240. num. 2. Dom. Antonius Meneses in l. voluntas, num. 19. C. de fideicommiss. & alij plures relati ab istis, & quos refert Aluar. Vazquez vbi supra, & an res maioratus locatæ ad longum tempus nouo successorii incipiant pertinere, & quomodo, quantumque hæc ipsa locatio conferretur, vide Greg. Lopez in l. 2. tit. 8. part. 5. verb. *El heredero*: & post ipsum Molinam dict. lib. 1. cap. 21. num. 28. & seq. vbi latissimè.

Inde illud quoque descendit, quod nonnulli voluerunt, vt scilicet ex hac ratione utilis dominij, quod ex locatione longæua transfertur, talis locator sit veluti emphyteuta; non deerant enim qui omnino similes contractus hos existimarent, quos refert Tiraquel. lib. 1. retractus, §. 1. glos. 14. num. 84. Alexand. consil. 14. lib. 4. Socinus consil. 167. lib. 2. verissimum tamen est, esse contractus, & re, & nomine separatos, Iason in l. 1. C. de iure emphyteutico, numero 36. & non licet de vno ad alium argumentari, nisi quatenus est in iure expressum. Ioannes Andreas ad Speculatorum tit. de locato, §. nunc aliqua, ver-  
sic.



fic. 4. circa finem additionis. Differentias autem ex quantitate pensionis ponit Baldus in d. c. *litera*, & Decius *consil.* 142. Afflictis & alij relati ab Aluaro Vazquez *dict. quæst.* 29. num. 19. vbi alia addit: vbi autem reperiatur in utroque eadem ratio, tunc bene deducitur argumentum de vno ad alterum. Decius in *auth. qui rem, in principio, C. de sacrosanctis Eccles.* Tiraq. *dict. num.* 84. Alexand. *consil.* 117. lib. 4. num. 11.

Ex qua æquiparatione descendebat illa opinio glossæ in c. *propter*, §. *verum*, *versic. vel cum canonem, de locato*, quam sequitur Abb. ibi num. 10. & alij, & Ias. in l. 2. *de iure emphyt.* num. 39. vt sicuti emphyteuta Ecclesiæ potest expelli si biennio cessauerit à solutione canonis, cap. *ponit, de locato*: ita quoque conductor ad longum tempus. Verissimum tamen est hanc sententiam non probari in *dict. §. verum*, vbi nihil de locatione ad longum tempus, sed simpliciter de locatione fit mentio, quæ simpliciter de minori & maiori est accipienda; ob idque planè intelligendus est dictus §. *verum*, in conductore rei Ecclesiæ, siue ad longum, siue ad modicum tempus, vt à iure totali suæ locationis expelli possit, si biennio cesset à solutione canonis: ita intelligit Ias. vbi *suprà*, num. 37. & Greg. Lopez in l. 5. *titul. 8. part. 5. verb. Dende adelante*.

In rebus verò non Ecclesiæ, sed laicorum, illud ex hac sententiâ fuit obseruandum, vt sicuti conductor ad longum tempus habet vtile dominium rei locatæ; ita quoque cum emphyteuta comparetur, vt quemadmodum hic nisi non soluto canone triennio non potest expelli ab emphyteusi, ita quoque conductor ad longum tempus, l. 2. *C. de iure emphyt.* & tenet Tiraquellus vbi *suprà* num. 48. Ias. in *dict. l. 2. num.* 39. *C. de iure emphyt.* Baldus in *dict. cap. litera, de dilacionib.* & alij relati per Aluar. Vazquez *dict. quæst.* 21. num. 21. quamuis contrarium tenuerint Imol. in l. *vestigalia*, §. 1. *ff. de publicanis*, & Neuizanus *consil.* 92. num. 52. moti quòd nusquam legatur, conductorem posse expelli ob non solutum canonem; hocque ita receptum est iure communi, nostro autem iure Hispano difficilior quæstio est, ex duabus legibus ferè pugnantibus, l. 5. *titul. 6. part. 5.* & l. 6. *eod. titul. 6. part.* vbi ita ait: *Alquilada teniendo algun onre de otra alguna casa, si no le pague el loguero a los plazos que pusieren con el, a lo mas tardar a la fin del año, segun deximos en la ley ante desta, dende adelante el señor de la casa puede hechar della al que la tiene alquilada, sin calona, e sin pena.* Vbi expressum est, ob canonem non solutum vno anno posse expelli conductorem: at verò in l. 6. *tit. eod. 6. part.* dum numerantur causæ propter quas conductor potest expelli, ita ait: *La quarta es si alloggasse la casa por quatro años, o cinco, auiendo a dar por ella cada año loguero cierto; ca si passaren dos años que non paguasse loque devia dar dende adelante, puede le hechar della.* Quæ lex in eo corrigit receptas traditiones, de quibus *suprà*, vt in conductione rei, non Ecclesiasticæ, sed secularis expectetur cessatio biennij, non triennij: rursus pugnat cum dicta lege 5. quia illa annum, hæc biennium expectat. Greg. conciliat illas leges, vt dicta lex 5. procedat si locatio facta fuit ad biennium, vt hoc casu non expectetur totum biennium, sed vnus anni solutio non facta profit ad expulsionem. At verò dicta lex 6. procedat in locatione facta ad plures annos, quatuor, quinque, decem, plu-

resve, vt tunc expectetur biennium ad expulsionem: & hæc magis quadrat literæ dictarum legum, in dict. l. 6. ibi: *Por quatro o cinco años, & in dict. l. 5. ibi, A la fin del año.* Secundò soluit, vt cessatio solutionis vno anno prosit ad expellendum locatorem à præsentis vsu rei, & sic procedat dicta lex 5. At verò cessatio solutionis biennio prosit ad expulsionem perpetuam, & ita procedat dicta lex 6. & quadrant verba dictæ legis 6. ibi; *Dende en adelante puede le hechar della.* Nota verbum, *Dende en adelante*; quod est, *deinceps*, hoc est perpetuò. At in dict. l. 5. etiam est verbum illud: vide Baldum & Salycetum in l. *adem*, C. *locati*; & vtræque solutio est optima, & conuenit literæ dictarum legum. Adde quod ait Gregor. Lopez, quod si appositum est pactum de non expellendo conductorem, adhuc expelli potest, cessante solutione toto biennio. Ita tenet & notat Gregorius Lopez dict. l. 5. post glossam in l. *quero*, §. *inter locatorem*, ff. *locati*, & Baldum in dict. l. *adem*, Alexand. *consil.* 109. *volume* 3. *cum quatuor sequentibus*; & hæc pertinent ad æquiparationem conductoris ad longum tempus cum emphyteuta; quia propter dominium vtile acquisitum, cessatio solutionis quæstionem dominij refricare videtur; vnde cum subsit eadem ratio, meritò inducitur idem ius.

- 8 Inde est etiam, vt pœna commissi imposita emphyteutæ alienanti, imposita censeatur emphyteutæ locanti ad longum tempus, quia locatio illa, ex his quæ diximus, alienatio est, ob idque videbatur pœnæ locus esse; idque ea ratione videtur sciendum, quòd cum ex locatione ad longum tempus vtile dominium transferatur, iusque in re constituatur, vt supra ostensum est, id in re alienari prohibita constitui non potest, ex l. *fin. C. de rebus alienis non alienand.* per quem textum aiunt. Bartol. Bald. & Scribentes ibi, quod prohibitus alienare non potest transferre vtile dominium, & sic ius in re; & tenent Scribentes in l. *filiiusfamilias*, §. *Dini*, ff. *de legatis secundo*, ex dict. leg. *fin.* Immo Baldus post gloss. ibi in cap. 1. §. *noni*, per quos fiat inuestitura, & idem Baldus in cap. 1. §. *aut si libellario*, quibus modis feudum amittatur, ait propriè alienare, qui vtile dominium transfert. Imol. & Abbas in cap. *intellecto*, de *inre iurando*, aiunt peritum esse Prælatum, qui iurauit, non alienaturum se res Ecclesiæ, si ad longum tempus locet: & ita tenent commissi pœnam habere locum in conductione ad longum tempus, sicuti in vera alienatione, Baldus *consil.* 415. *lib.* 1. Iason in l. 1. *num.* 35. & l. *final. num.* 12. C. *de iure emphyt.* Alexand. *consil.* 119. *lib.* 3. *num.* 7. Tiraquellus *ubi supra*, *num.* 82. *lib.* 1. *retract.* §. 1. *gloss.* 14. Hæc quæstio non est eadem, de qua supra, quia ibi quærimus, an sit alienatio, vt non valeat in rebus prohibitis alienari: hîc quærimus de pœna imposita alienantibus, an habeat locum in locantibus ad longum tempus, quod erit addendum Molinæ dict. cap. 21. *lib.* 10. & capit. 1. *lib.* 4. & pertinet ad l. *final. C. de iure emphyt.* an commissum appositum alienanti debeat apponi locanti ad non modicum tempus. Carolus Molineus dict. *consil.* 119. & Codarr. *variarum lib.* 2. cap. 16. *num.* 2. *vers. hinc etiam*, ad finem, atque eos secutus Aluarus Vazquez dict. *quæst.* 29. *num.* 23. tenent quod non sit locus commissio propter locationem ad non modicum tempus; quorum ratio est, quia etiam si verum sit prohibitam esse locationem ad longum tempus rerum Ecclesiæ, & prohibita alienatione prohibitam esse locationem ad longum



gum tempus; id tamen aiunt improprie esse, vt conductio sit alienatio, & ex lata verbi significatione, *l. si fundum, ff. de fundo dotali, l. alienatum non proprie, ff. de verb. significatione, l. non alienat, ff. de regul. iuris, l. item si res, §. sunt & alia, ff. de alienat. iudicij mutand. caus. facta.* Quibus constat, conductionem ad longum tempus non esse proprie alienationem; & licet plerumque ob latam dictionis significationem res prohibita alienari, ad longum tempus locari non possit; hæc tamen impropria significatio accipienda est (vt ipsi aiunt) ad hoc vt contractus non valeat, non ad pœnam infligendam locanti. Baldus in *l. voluntas, Cod. de fideicommissis.* & quia pœna priuationis non est extendenda, nisi quatenus reperitur expressa, *l. at si quis, §. Diuis, ff. de relig. & sumptib. funer. auth. de non eligendo secundo nubentes, §. cum igitur.* Cumque in locatore ad longum tempus hæc pœna non reperta sit, sed in alienante, merito decedunt ab illa opinione, vt commissio non sit locus; ideoque aiunt alienationem illam fictam non valere, scilicet, conductionem ad longum tempus; at verò non esse locum commissio, nec Prælatum esse peritum, cum Calderino in *cap. cum contingat, de iureiurando,* contra Abbat. *vbi sup.* & licet Aluarus Vazquez videatur ad finem ab his decedere, hæc tamen opinio, vt commissum locum non habeat, æquior est, vidique iam semel vsu forensi in hoc Senatu obseruatam.

Hinc illud quoque consequitur, vt emphyteutæ facienda non sit remissio mercedis propter sterilitatem, *l. 1. de iure emphyt.* dicimus propter sterilitatem, quia si tota res emphyteutica pereat, periculum est domini; vnde illud vulgatum, *Si res pereat tota, liberabitur emphyteuta; sed si pro parte, nulla liberabitur arte:* quod refert Ananias in *cap. potuit, de locato, num. 13.* & est hoc receptissimum in *dict. l. 1.* ex Iacobino & aliis in *auth. qui rem, Cod. de sacros. Eccles.* Iulius Clarus *lib. 4. Sententiar. §. emphyteusis;* quanta autem pars futura sit reliqua, vt pensio soluatur, illud æquius est, aliquid superesse, ex quo pensio possit solui, Bald. *dict. l. 1. num. 9. oppos. 2.* Abbas in *dict. cap. potuit, Fulgos. dict. l. 1. num. 11.* Platea *dict. §. adeo, Instit. locat.* Anania *dict. cap. potuit, num. 31.* quin illud receptissimum erat, sufficere vt pensio solueretur, quod pars aliqua fundi remaneret, Tiraquellus in *l. si unquam, verbo omnia vel partem, num. 17. Cod. de renouandis donationib.* Iacobinus vbi suprâ *num. 26. dict. l. 1. ibi, nihil reliquum;* plures adducit Aluarus Vazquez *quest. 27. num. 4.* qui *num. 5.* ait, vidisse se remissionem istam factam fuisse arbitrio bonorum virorum, qui ad hoc assignarentur, quod ego iam obseruatam in hoc Senatu animaduerti. Quod tamen ita accipiendum est, dummodo pensio modica sit, nec fructibus respondeat; nam si fructibus respondeat, tunc quia locationi propius accedit, fiet remissio, vt dicemus de conductore; & pertinent hæc ad interitum rei emphyteuticæ, vel in totum, vel pro parte; in quo est dicta lex 1. *Cod. de iure emphyt.* Propter sterilitatem autem contingentem in fructibus non fit remissio pensionis, quia in emphyteusi modica pensio est, quæ soluitur potius in recognitionem dominij, quàm ratione fructuum, vt est notissimum; quæ recognitio, siue extent fructus, siue non extent, facienda est: & ita tenent omnes in *dict. l. 1. Cod. de iure emphyt.* vbi Bald. *num. 10. quest. 4.* dicit communem: idem dicit Bart. in *authent. perpetua, Cod. de sacrosanct. Ecclesiis,* Iacobinus in

*authentic. qui rem*, *Cod. de sacros. Ecclesiis*, Marcus Anton. Nat. in *consil.* 94. Capola & alij plures, quos refert Alvarus Vazquez *dict. quest.* 17. *num.* 7. vbi latissimè, quod si sit par fructibus, vel paulò minor, vel quanta daretur si res locata esset; tunc pensio pro fructibus constituta est, non verò in recognitionem dominij: & cessat ratio, ob idque est locus remissioni, glossa in *authentic. perpetua*, *vers. sextam*, *Cod. de sacros. Ecclesiis*. Bartol. & Salyc. *num.* 20. in *d. l. 1.* & alij plures ex his, quos suprà adduximus, & tenet Gregorius Lopez in *l. 1. de iure emphyteut.* aliàs 28. *tit.* 8. *part.* 5. verbo, *Octava parte*. Quomodo autem, & in quota parte fructuum continget sterilitas, vt locus sit remissioni, videndum; agimus enim de sterilitate fructuum, quia lex 28. *tit.* 8. *part.* 5. quatenus de octava parte loquitur, referenda est ad deteriorationem rei, non sterilitatem fructuum, de quibus ibi nihil agitur, vt patet ad oculum, quamuis ad hoc quoque adducatur, & malè. Apud nos ratio hæc petenda est ex *l. 22. tit. 8. part. ead.* vbi Gregorius Lopez recitat opiniones, quæ de hoc fuerunt iure civili. Idem facit Alvarus Vazquez *dict. quest.* 27. *num.* 24. Couarr. *practicarum quest.* 30. Egidius Boscius de remissione mercedis ob conductionem, vbi latissimè per plures numeros, Gigas de pensionibus *quest.* 62. Pinell. in *l. 2. Cod. de rescind. vendit.* 1. *parte*, *cap.* 3. *num.* 11. In qua Scribentium varietate optima declaratio est ex *dict. l. 22.* vt si omnes fructus perdantur, fiat remissio, ibique *toliesse todos los frutos de zinos, que non es tenuto el que lo tenuiesse arrendado de dar ninguna cosa del precio del arrendamiento que touiesse prometido.* Alter casus est, vt si aliqui fructus remanserint, & colonus petierit remissionem, cogatur deductis expensis fructuum reliquos fructus relinquere domino prædij, aliàs pensionem soluat integram, ibi: *Pero si acaesciesse que los frutos non se perdiessen todos, e cogiere el labrador alguna partida dellos, entonces en su escogencia si ha de dar todo el arrendamiento de la heredad al señor, e si non de sacar para si las despesas, e las misiones que fizo en labrar la heredad, e lo que sobrare de lo al señor de aquella cosa que tenia arrendada.* In quo est egregia decisio nostri textus, & tollit difficultates Scribentium; & in eo aduertendum est ad *l. 23. ead. partit. 8. tit.* vbi si locatio est ad plures annos, vnius anni sterilitas compensatur cum vbertate alterius, & evitatur remissio; ad quod plurimum solent advertere peritiores Aduocati.

Quod si res locata pereat, vel pro parte, vel in totum, an teneatur locator, vel conductor? vide legem 8. *ead. tit. 8. part.* & ibi Gregorium Lopez; namque superiùs dicta pertinent ad remissionem mercedis ob fructus non collectos; in colono enim & conductore sit remissio fructuum, aut pensionis propter sterilitatem contingentem in eo, vel in fructibus rei locatæ, *l. licet*, *Cod. locati*, *l. ex conducto*, §. *si vis tempestatis*, ff. *eodem*, *d. l. 22. tit. 8. part. 5.*

Vnde ex æquiparatione emphyteutæ & conductoris ad longum tempus, non deerant qui existimarent negandam quoque esse remissionem conductori ad longum tempus, quos referunt Gregorius Lopez in *dict. l. 22. verb. Arrendada*, & Alvarus Vazquez *quest.* 29. *num.* 24. post alios quos ipsi referunt. Sed tamen contrarium verius & receptius est, vt remissioni sit locus, Gregorius Lopez *vbi sup.* Petrus Cynus, Bald. & Ias. *num.* 21. & 36. in *dict. l. 1.* Abb. Imol. & reliqui in *cap. potuit*, de *locato*; quod verissimum est ex his quæ diximus pro emphyteuta,



emphyteuta, de pensione modica, & quod detur in recognitionem dominij; quod alienum est ab ipso conductore, vbi pensio pro fructibus, & ad rationem fructuum constituitur. Quod si conductor ad longum tempus quispiam vocetur, & exigua pensionem solueret in recognitionem dominij, hunc emphyteutam rectius putarem, obseruata recta ratione iuris, & remissionem negarem. Ratio autem concedendæ remissionis, vel non, faciebat negotium antiquioribus, quia conductor ad longum tempus vtile habebat dominium, ex quo videri poterat similis emphyteutæ: similitudo autem aliunde expectanda est, scilicet ex modica pensione, que non solvatur propter fructus, sed propter dominium directum, & in recognitionem ipsius; tunc emphyteutam censeo, licet de generationibus nulla mentio facta sit; & locus erit regulis quæ de emphyteuta latæ sunt, aliàs ad colonorum & conductorum iura accurrendum est.

Non defuerunt item, qui æquiparationem emphyteutæ & conductoris dilatarent ad expensas & meliorationes: quod vt innotescat, præmittendum est, meliorationes vtilis & necessarias conseruari colonis & conductoribus in re conductæ, siue conductio finiatur tempore, siue culpâ, *l. dominus horreorum, §. 1. l. ex conducto, ff. locat.* Iason in *l. 1. Cod. de iure emphyt. num. 25. & sequent.* Tiraquellus in *2. retractu, §. 7. gloss. 1. num. 16.* Gregorius Lopez in *l. 24. tit. 8. part. 5.* vbi textus iure nostro expressus, & optimus in proposito, & qui explicat apertè, quas meliorationes colonus sibi conseruet, faciendo (inquit) *labores o cosas de nuevo, e plantando y arboles o viña, porque la cosa vala mas de la renta à la faxon que la dexan, que quando la tomaron.* Ex quibus verbis satis explicatur quid veniat nomine meliorationis; intelligimus enim quicquid rei accedit, quocunque modo accedat, ex quo valor rei & eius æstimatio augeatur, siue id in reficiendo, siue de nouo ædificando contingat, vel in eam rem expendas; siue rei mutata forma sit, siue non sit mutata; vtcunque res accrescat, eiusque æstimatio, tunc rem melioratam dicimus, vt omne augmentum comprehendamus; reparamus enim & reficimus vetusta, & quæ reparationem exigunt, ne corruant, idque manente eadem forma rei, *l. 3. §. reficere*, & ibi glossa, & Bartol. *ff. de iunere actuque priuato. Reficere*, inquit Ulpianus, *sic accipimus, ad pristinam formam iter & actum reducere, hoc est, ne quis dilaret, aut producat, aut deprimat, aut exaggeret.* Aliud enim est reficere, aliud longè facere, *l. 1. §. si quis, ff. de via publica*, ibi: *Propter quod neque altiore, neque longiore, nec latiore, neque humiliore viam sub nomine refecit is qui interdicit, potest facere.* Textus elegans in *l. si quis adificium, ff. de noui operis nuntiat.* ibi: *Hic enim non nouum opus fecit, sed veteri sustinendo remedium adhibet.* De quo vide Paul. in *§. opus nouum, di. l. 1.* & Iason. in *di. l. si quis adificium*, & alios refert Boërius *decision. 43. statim in principio.* Textus elegans in *l. 4. Cod. de operibus publ.* quæ inter reparantem & ædificantem de nouo distinguunt: ex qua constat prohibitum ædificare, non prohiberi reficere collapsa; quod tamen intelligendum est, nisi vetusta illa omnino diruta sint, & æquata solo; tunc enim reparari illud non potest, quia ædificium est de nouo, *l. 1. §. ædificare*, vbi Bald. & Angel. *ff. de mortuo inferendo.* Adde quæ de usufructuario reficiente adduximus *cap. 12.* cui tamen non licet meliorare

mutatâ formâ rei. Quod attinet ad nostrum institutum, vterque meliorat, & qui dat operam, vt facta testâ sint, & qui à solo erigit: vtrumque agnouit lex 24. suprâ adducta, & apertè quoque lex 44. tit. 28. partitâ 3. ibi: *Despensas hacen los homes en las casas, o en las heredades ajenas que tienen, non faziendo y de nuevo al una cosa, mas refaziendo o enderecando los edificios en los logares do es menester, o faziendo y algunas cosas que son provechosas a la casa ò a la heredad.* Et in l. 41. eadem partit. & tit. ibi: *E despues que las han compradas hacen y de nuevo alguna cosa assi como torre.* Et ibi: *Que sea tenuto de tornar al otro todas las despensas que oviere fecho de nuevo.* Et Gregorius Lopez, verbo *Nuevamente*, agnoscit hanc ipsam meliorationem, siue de nouo faciendo, siue reparando; vtcumque enim reparatione, vel ædificatione rei æstimatio crescat, melioratum fundum existimamus; namque in dict. l. 24. facies fundi mutatur, ibi enim colonus formam prædij mutauit in vineam, & expensas accipit, ibi: *E plantando y arboles o viña.* Quod est conuenientissimum iure ciuili in l. colonus, ff. locati, vbi colonus etiam si lege locationis non est comprehensum vt vineas plantaret, nihilominus vineas in fundo instituit, quibus insitis cœpit fundus pluri locari, eiusque æstimatio creuit: dominus colonum ob non solutam mercedem fundo eiecit, & nomine pensionum quæ deberentur, ipsum conuenit; ipse de meliorationibus excepit, respondetque Scæuola, expensas eum consecuturum, quia etiam si mutata forma in vineam, tamen fundus auctus est, ex qua lege colonus, & dict. l. 24. formam mutat colonus, dum tamen rem meliorem efficiat: in usufructuario verò mirabilis est lex *aquissimum*, ff. de usufruct. vbi & vites & oliueti eiiciuntur, & mutatur forma rei; ob idque dicta lex colonus, non debuit videri mirabilis Tiraquello in 2. retract. §. 7. glos. 1. num. 16. Est ergo verissimum, meliorari posse rem mutatâ formâ; & conseruatâ, contra Boërium dict. decision. 44. in principio, & Beroium conf. 89. lib. 1. num. 35. & Nattam conf. 601. lib. 1. qui existimant tum demùm melioratam esse rem, cùm æstimatio aucta est, & forma immutata, contra notissimas iuris regulas, l. hætenus, ff. de usufructu, l. usufructuarius, la 1. & 2. ff. eod. immò Paul. in conf. 270. in 2. volumine, tenebat plantationem, & deboscationem, & redactum montem ad culturam, non pertinere ad meliorationem, quem sequitur Antonius de Fano de pignoribus & hypothecis 5. parte, membr. 4. num. 11. existimabant enim pertinere hoc ad fructus; dicendum tamen est pertinere ad meliorationem, dict. l. 41. & 44. & 43. & dict. l. 24. suprâ, & quæ tradit Paulus in l. domos, ff. de legat. 1.

12 Quod tamen sanè intelligendum est, dupliciterque interpretatur, scilicet respectu emphyteutæ, & respectu locatoris; nam respectu emphyteutæ alia ratio est, cùm ex natura contractus imboscationes, & plantationes, & insitiones contineantur, vt diximus sæpiùs; emphyteusis enim insitio est, & qui emphyteusim accipit, ad inferendum, plantandum & boscandum accipit; vnde has meliorationes non conseruat, secus verò maiores, quæ non veniunt nomine emphyteusis; has enim & finito tempore, & ob culpam eiectus emphyteuta consequitur, vt sunt ades, molæ frumentariæ, muri, reliquæque id genus maiora & pretiosiora: vide suprâ cap. 6. num. 21.

13 Secundò intellige in expensis necessariis & vtilibus, duraturis vltra tem-  
pus



pus conductionis; nam si meliorationes sint propter fructus, vel pro tempore conductionis duntaxat, planè nihil debetur, Boërius *dict. de iur. l. 44*. Antonius Gomez de *Contrah. cap. 3. num. 20*. Alex. in *l. dinortio*, §. *impendi*, num. 3. ff. *solut. matrim.* Itaque licet conductor plurimum expendat, si parum utilitatis permaneat locatori finita conductione, illud parum debetur; si multum, multum, ut id tantum soluat locator, quod ad eum pervenit; illud verò quod de modica, vel magna expensa recipitur, in marito & patre singularem considerationem habet, & in illis statutum reperitur, non in aliis, ut diximus supra de usufructuario, & marito: in nostro conductore id consequitur, quod ad locatorem pervenit. Ex quibus est interpretatio ad Paulum *dict. conf. 270*. quod intellexit de emphyteuta, aut de sumptibus propter fructus; illud autem quod distinguit de magna & parva quantitate Alvarus Vazquez *quest. 21. num. 15*. obtinere non debet ultra usufructuarium & maritum, contra Ruinum *conf. 134. lib. 3.* & Rolandum, qui eum sequitur, *conf. 28*.

Et hæc obtinent licet conductor & colonus culpâ suâ eiiciantur, non solum finita locatione, *dict. l. colonus*, *dict. l. 24*. Paulus in *authent. qui rem*, C. de *sacrosanct. Eccles. num. 6*. Bartol. Paul. Fulgos. in *dict. l. colonus*, Iason in §. *actionum*, num. 183. *Instit. de actionib.* Aretinus in *l. Senatus*, quam legit sub *l. cetera*, §. *Marcellus*, ff. de *legat. primo*. Colonus enim multum differt ab emphyteuta, cui propter meliorationem res datur in emphyteusim, & videtur se obligasse ad meliorandum, saltem quoad eas meliorationes, quæ contineri possunt nomine emphyteusis, ut sunt insitiones, plantationes, imboscationes, montesque redacti ad culturam. Tiraquellus in *l. si unquam*, verbo *reversatur*, numero 234. Alciatus supra adductus *lib. Parergon 1. cap. 36*. Corasius *lib. 1. Miscellan. cap. 21*. & in *l. ei qui*, num. 20. ff. de *servit.* Carolus Molin. in *consuetud. Parisiens. tit. 1. §. 1. gloss. 5. num. 73*; neque in hoc distinguendum est inter conductorem simplicem, & ad longum tempus; dispar enim ratio est eius, & emphyteutæ, nisi cum longo tempore sit parva pensio, quæ fructibus non respondeat, in recognitionem Domini directi, quod ex eo sæpius repetimus, quod hoc vnum sit, quod locationem diuturnam possit facere emphyteusi omnino similem, nilque amplius.

Vnde ex hac separatione inter emphyteutam & conductorem diuturnum reprobatur quod tradit Bart. in *l. impensa*, in *fin. de impensis in reb. dotalibus factis*, ubi inquit, quod conductor tenetur facere aggeres & fossata, saltem quæ concernunt utilitatem rei pro tempore conductionis; namque illud nec in colono simplici, neque ad longum tempus, ex his quæ diximus, habere potest locum, cum resistat ratio iuris, quæ in his conductorem distinguit ab emphyteuta; immò si res pro parte corrumpatur sine culpa conductoris, non solum non tenetur reficere, sed remittitur pensio pro parte. Aretinus *conf. 55. numero 3*. & ita tenent qui hanc ipsam iuris rationem sectantur, non teneri conductorem reficere domum si corruperit, etiamsi conductor longi temporis sit, *dict. l. ex conducto*, *l. si domus*, ff. de *usu & habit. l. sed cum usufructuarius*, §. 1. ff. de *usufructu*, Speculator *tit. de locato*, §. *postquam*, num. 11. in *tertia particula*, *lib. 4*. Denique semper animaduertendum est, colonum & conductorem, etiam ad longum tempus, plurimum differre ab emphyteuta, esse-

que de utroque varia iura, etiam si ad utrumque dominium utile transferatur, illumque minimè teneri expendere, cum propter fructus pensionem soluat, parem eam, & æqualem ipsis fructibus: quam ob rem omnem impensam, & magnam, & parvam, quæ ad fructus non pertineat, visus est à se abieciſſe, quæ ad dominum certi iuris est pertinere, cum pensionem recipiat fructibus parem. Vnde si quis conducatur domum dirutam, molas frumentarias destructas, agrum sentibus oppletum, montem incultum, ipsumque culturâ miororem effecerit, agrumque purgauerit, domum molasque crexerit, melioratione ultra tempus conductionis duratura, æstimationem habebit eius meliorationis, quia in nihilum horum tenebatur. Bartol. in l. cotem ferro, §. qui maximos, quest. 17. num. 13. ff. de publicanis, Bald. in l. licet, C. locati, quest. 4. Iason in l. 1. C. de iure emphyteutico, num. 28.

16

Quæ omnia habent locum nisi lege conductionis tacitè, vel expressè contrarium gestum, actumque sit, quia tunc domino meliorat colonus & conductor, non sibi, l. 24. tit. 8. part. 5. ibi: *Fueras ende si en el pley. o del arrendamiento fuesse puesto que fiziesse de lo syyo tales labores e mejoras, como estas que de syso deximos, ca entonces seria tenuto de guardar el pley. o segun que fue puesto.* Diximus tacitè, ex eo quia etiam si expressè non sit actum gestumve, ut colonus melioraret ex suo; si tacitè tamen id ipsum videatur gestum, idem obseruandum est, veluti si colonus accipiat rem nomine locationis, sed ad meliorandum; vel si generaliter dictum sit, ut colonus melioraret, tunc quidem sibi expendit, nihil conseruaturus à domino expensarum nomine, Bald. in dict. l. colonus, ff. locati, 2. lectura, in principio ad finem, Gregorius Lopez in dict. l. 24. verb. *Ca entonces*: idem si ex actu ipso præsumamus id fuisse conuentum, veluti si conducatur quis aream ad domum ædificandam, ut in ea recipiat dominum euntem & reuertentem; nam cum detur ad ædificandum, locus est superiori decisione, ut nihil nomine meliorationis debeatur; cum id gestum sit, ut colonus melioraret, ex Bald. & Gregorio ubi supra; immò hoc casu, cum id gestum sit ut dominus excipiat, habeatque conductio illam perpetuam & permanentem utilitatem domini, cuius euntis, & decedentis interest ut domus erecta sit, idque ex pacto conuento, dicendum est colonum teneri reficere collapsam suo sumptu, si semel erecta corruat, l. eum debere columnam, ff. de seruitutibus urban. prædiorum. Vide latè Ioannem Andream ad Specul. tit. de locato, §. postquam, in additione, incipit, *habita, vers. rediendo ad principalem.* Simile est si quis conducatur solum ad erigendum furnum decoctorium, aut partem fluminis particularis ad erigendas molas frumentarias, constitutâ certâ mercede annuâ, & ut domino decoquat panes, & molat frumentum, quia cum ad construendum conduxerit, visus est expensas in se recepisse, ex Bald. & Gregorio. Præterea cum intersit domini molas & furnum non perire, tenebitur etiam collapsum in totum, vel ex parte suo sumptu erigere: idem Ioannes Andr. ubi supra: quæ descendunt ex ratione dictæ legis 24. & sunt quotidiana. Idem tenet non teneri colonum, siue conductorem puteum purgare, vel viam publicam lapidibus iuxta domum consternere; quod cum fecerit, posse à domino habere sumptus: cuius ratio est, quia hæc omnia pendunt ex domino, l. adiles, ff. de via publica, ubi latè, l. 1. ff. de loco public. fruendo,



*fruendo*, vbi Bart. Paulus *in l. ex conducto*, ff. *locati*, Iason *in l. 1. num. 28. C. de iure emphyteut.* vbi id procedere ait etiam si gratis habitet; quod ad nos non pertinet, cum de conductore agamus, qui propter mercedem parem fructibus domum habitandam accipit.

At verò si quis conduxerit ab usufructuario domum, fundum, aliamve huiusmodi rem ad certum tempus, mediòque tempore ante finitam locationem moriatur usufructuarius, non solum resoluitur conductio, finito usufructu, ex regula legis *lex veltigali*, ff. *de pignor.* sed & conductor quicquid nomine expensarum in re conducta consumpserit, quasi toto tempore conductionis fruiturus, amittit, neque ab eo, ad quem res morte fructuarij incipit pertinere, neque ab hæredibus fructuarij quicquam conseruat nomine expensarum, *l. si quis domum*, §. *hic subiungi*, & §. *idem quærit*, ff. *locati*, vbi Fulgos. Paul. & alij. Tiraquellus *in l. retract.* §. 11. gloss. 6. num. 3. & 4. Antonius Gomez *in l. 40. Tauri*, num. 84. Aluarus Vazquez *quæst.* 25. num. 25. Ludouicus Molina *c. 21. lib. 1. num. 9. & num. 10.* cuius decisionis (quæ Vlpiani est) ratio illam habet considerationem, quòd conductor hic, qui ab usufructuario conduxit rem ad certum tempus, cogitare debuit euenire illud potuisse, vt medio tempore usufructuarius, idemque locator moreretur, cuius morte ad alium res, aut fundus omninò incipiat pertinere. Et licet Vlpianus eam rationem adiunxerit, aut reliquerint solam compilatores Digestorum, aut si mauis, dilaniores veterum Iureconsultorum; tamen non inepta ei decisioni aptabitur ratio; quia cum morte fructuarij res reuertatur ad dominum, iam conductor nihil expectare potest ab hæredibus fructuarij, ad quos nihil peruenit, nec expensarum, neque ipsius rei; indignumque esset, cum dominus habeat cum re expensas, ab hæredibus fructuarij conseruare sibi conductorem expensas, quæ non ad ipsos, sed ad alium deuenissent; idque debuit considerare conductor expendens, quod scilicet mortuo locatore ante locationem finitam, nihil habere poterat ab hæredibus locatoris, ad quos nihil earum expensarum pertineret; & ita quantum arbitror & colligo ex litera legis *si quis domum*, §. *final. per totum*, aliàs *hic subiungi*: in quo Vlpianus id duntaxat attingit, quid, quantumque conductor à locatore sit consequuturus, si res locata euieta sit, vel perempta: itaque respectu eius qui locauit, cum mortuus sit, mortuæque eius finitus ususfructus planè definit, nihil conductorem consequi posse ab hæredibus fructuarij decedit, ad quos neque ipsa res, nec expensa peruenit; quod considerare debuisset conductor. At verò Vlpianus nihil decedit in illa altera quæstione, an scilicet saltem retinere possit rem melioratam propter expensas, ne sibi auferatur à domino priusquam de sumptibus sit satisfactum? In qua quæstione cum nihil responderit Vlpianus, rectius est ita intelligere, vt Vlpianus responderet, omninò conductorem retenturum, ne violaretur regula legis *si me & Titium*, ff. *si certum petatur*, & legis planè, §. *sed benignius*, ff. *de petitione hæredit.*

Ex quibus, quantum coniector, quia de hac quæstione nihil Vlpianus attingit, intelligo perperam adduci dispositionem dicti §. *hic subiungi*, ad quæstionem illam, scilicet, an si possessor maioratus rem maioratus alicui locet, aut concedat in emphyteusim, & medio tempore locationis, vel emphyteusis decedat

decedat maioratus possessor, qui locavit, non solum finiatur locatio, vel emphytensis, quod ex dispositione dicti §. *hic subiungi*, indubitatum est, & ad hoc expendunt Tiraquellus, & Antonius Gomez, & Ludovicus Molina *ubi supra*, & præter illos Pinellus *in l. 1. parit. 3. num. 65. C. de bonis maternis*; sed etiam conductor non possit consequi expensas suas à successore maioratus (attento iure communi,) quod ait Alvarus Vazquez, & ad hoc ait esse textum *in dict. §. hic subiungi*. Ego nihil tale video decisum in dicto textu, immò hæc questio secunda omissa est ab Vlpiano, atque in hoc eam decisionem Vlpiani non esse observandam in regno Portugalix, cum non faciat ius, nisi quantum ratione innitatur Iureconsultorum responsa; ad quod allegat Carolum de Grassallis *lib. 1. regal. Francia, 7. iure*: sed melius Emanuel Costa *in §. si arbitrain, in fine*, id ipsum in Hispania tradit, & tradunt alij, quos referre in re clara non oportet; cum enim Rex Hispanix, & Lusitanus non recognoscant Imperatorem, habent suas leges, sua iura, & instituta. Iureconsultorumque responsa ita demum accipienda sunt, si cum nostro iure non pugnent, & bona, æquaque, & naturali ratione innitantur; ob idque censet Alvarus Vazquez decisionem dicti §. *hic subiungi, versicul. idem querit*, quoniam à recta ratione deniat, non esse observandam. Ego si tota lex statim à principio perlegatur, existimo nihil de hac questione actum fuisse ab Vlpiano.

Atque etiam si id concedamus Alvaro Vazquez *d. versicul. idem querit*, de successore maioratus, & de domino esse intelligendum, ad quem res pervenit finito usufructu, ut omnino ad expensas non teneantur, existimo Vlpianum in specie dicti §. *idem querit*, rectè sensisse, quoniam illæ expensæ fuerunt modicæ, ad quas omnino tenebatur fructuarius, ex dispositione legis *hactenus, ff. de usufructu*, à quo ille qui expendit, conduxit, ut patet ex dicto §. *hic subiungi*, ubi locatio fuit ad quinquennium ibi, *si fructuarius locavit fundum in quinquennium*; & inferiùs *in dict. §. idem querit*, subdit, *si sumptus fecit, quasi quinquennio fructurus*: quod sensit Franciscus Connanus *lib. 7. Commentariorum iuris, cap. 11. num. 21*.

Nostro autem iure Hispano de expensis questio proposita expedita est, ex his quæ diximus capite proximo de expensis factis in re maioratus, ex cuius legis Taurinæ dispositione generaliter semper constituimus successorem maioratus, & vinculi, & capellanix, non teneri ad huiusmodi expensas & meliorationes; unde cautè sibi provideant, qui à possessoribus maioratus, vel à fructuariis, vel ab Episcopis, aut beneficiatis res conducunt, circa huiusmodi expensas, nisi velint incidere in dictum §. *hic subiungi, versic. idem querit*, & varias de eius interpretatione sententias.

18 Expedit etiam conductor ex ea causa, quia tributa persolvit, quæ insunt rei conductæ; namque dominus locans prædium pro pensione pecuniaria, non tenetur ad tributa, & onera realia, sed conductor fructuum qui fructus percipit: glossa *in l. 1. versic. fructus, C. de annontis & tributis*, quam notat Bartol. *ibi*, & Ioannes de Platea *num. 3. Corsetus singulari verbo locatio, Romanus in l. Imperatores, ff. de publicanis. Iason in consil. 109. lib. 1. ad finem, Paulus libro 1. consil. 442. tenet Alvarus Vazquez quest. 17. num. 27. quæ assertio Doctorum proculdubio non solum periculosa est, verum contra iuris manifesta principia;*



& primò quod attinet ad auctoritatem, Platea sibi contrarius contrarium tenet in *l. 1. num. 9.* suprà adducta, de *tributis & annonis, per leg. 4. C. de agricolis & censitis, num. 2.* vbi excusat à tributis conductorem, qui pensionem pecuniariam soluit: vbi negatiua addenda est verbis Plateæ, vt constet census, & conueniat aduersariæ, quæ sequitur ibi, *sed domini*; & ita notat Pinellus in *l. 1. C. de bonis maternis, part. 2. num. 72. ampliatione 10.* & post eum Aluarius Vazquez *vbi suprà*; idem contra receptam sententiam tenet Molineus *ad consil. Alexand. consil. 4. lib. 5.* idem ferè, licet obscuriùs, tenet Pinellus *vbi suprà*, & tenendum est contra receptam sententiam, ex fundamento ipsius communis opinionis: illa enim opinio ex eo recepta est, vt colonus teneretur ad tributa & onera realia; quia cum illa onera consequantur fructus, videntur pertinere ad fructuum perceptorem: atqui conductor qui pro pensione pecuniaria fructus percepit, fructus eosdem suos facit: ergo videtur ad hæc onera & tributa teneri, *l. Imperatores, ff. de publicanis*, Afflictis *lib. 1. Constitutionum, rubric. 97. §. ultim. num. 5.* diximus latè capite 11. per plures numeros; hæc tamen ratio fortius facit contra communem sententiam, quia postquam dominus locauit fructus, & pro fructibus pensionem accipit, proculdubio ipse fruitur, non conductor, ac subinde ipse ad tributa & onera tenetur, quia pro fructibus soluit colonus pecuniam, quæ proculdubio fructuum vicem sustinet; & reuerà is mihi semper frui videtur, qui vel re fruitur, vel rem locat pro pensione: textus elegans in *l. non vitur, & l. quia, ff. de usufructu. Non videtur*, inquit Marcian. *vi usufructuarius, si nec ipse vitur, nec nomine eius alius, putà qui emit, vel qui conduxit, vel cui donatus est, vel qui negotium eius gerit.* Et subdit Caius in *d. l. Quia qui pretio vitur, non minùs habere intelligitur, quàm qui principali re vitur fruitur.* Sunt hæc iura apertissima contra receptam sententiam; cum enim ipsa ex eo ad conductorem & colonum transferat onera realia & tributa, quia percipit fructus, ex eadem ratione intelligendum est contrarium; postquam enim dominus pensionem percipit pro fructibus, ipse iuris intellectu & reuerà fructus percipiens, ad onera & tributa tenebitur. Alia iura allegat Pinellus *vbi suprà, l. fin. C. de constituta pecunia*, ibi, *possibile est omnes res in pecuniam conueri: l. vendicamus, ff. de usur. vbi merces locationis fructus appellatur*; & in argumento legis *si astimatis, ff. solut. matr.* Neque quicquam facit pro recepta sententia lex *si sine, 33. §. Lucius, ff. de administratione tutorum*, vbi refertur patriæ consuetudo, in qua domini prædiorum, non conductores onera realia soluebant; quia innuit Iureconsultus seclusâ consuetudine aliud fore statuendum; Iureconsultus enim ibi aliud agit, scilicet de reddenda ratione administratæ tutelæ, quid quantumque imputandum sit pupillo, tutorive; & ait computandum esse rei pupilli quicquid aliàs ipse pupillus propter consuetudinem patriæ receptam esset expensurus: id agit ex proposito; consuetudinem autem illam refert vti erat in patriâ recepta, nihil de iure sollicitus; & potuit quidem ad conductorem tributum pertinere, vt inferiùs dicemus, & habere locum consuetudo illa: itaque sic constituendum est, simplicem colonum, vel conductorem, qui simpliciter nullo appposito pacto rem conduxit pro pensione pecuniaria, ad onera & tributa realia minimè te-

neri, sed hæc omnia expensurum dominum, qui reuerà fructus percipit.

- 19 Illud tamen aduertendum est, quod colonus hic, seu conductor, qui fructus percipit, potest pro oneribus & tributis conueniri, ex ratione dictæ legis *Imperatores*, & diximus *dict. cap. 11.* quia cum sequantur fructus, quocunque ierint, ipsorum perceptorem, scilicet colonum vel conductorem, habent obligatum: cæterum ipse colonus computabit in mercede soluenda, & pensione præstanda domino, tantò minùs soluendo, quantò magis nomine tributì & collectæ persoluerit: & hic potuit esse sensus dictæ glossæ *in dict. l. 1. C. de annonis*, & receptæ sententiæ, vt omninò colonus teneretur, qui fructus percipit: quod iuris rationem habet, dum intelligamus domino esse expendendum.

Præterea quæ diximus contra receptam sententiam, habent etiam locum, etiam si onera, & tributa soluenda ratione fructuum, sint notoria & consuetæ; adhuc enim nihil speciale de his notoriis & consuetis oneribus scriptum est in iure; reliquorum namque onerum & tributorum, quæ neque notoria, neque consuetæ sunt, subeunt rationem: quapropter non est aliter de illis iudicandum, sed ad dominum reuerà pertinere, qui pensionem recipit pecuniariam, & cum ipsa in effectu fructus: quamuis de his notoriis & manifestis oneribus existimet Pinellus *ubi sup. dict. 10. ampliat. versic. Terriò, in eodem articulo*, ad conductorem pertinere, motus leuissimo fundamento, scilicet quia conductor regulariter notoria hæc ignorare non potuit: sed utique res hæc non pendet ex scientia, vel ignorantia, sed ex fructibus; & cum qui frui tur consequitur, eiusque periculo fit.

Præterea non desunt qui in conductore ad longum tempus existiment statuendum, vt ad onera omnino teneatur realia, & ad tributa, & collectas quæ pro rebus imponuntur personis: quod quidem asserunt Aruarus Vazquez *dict. quæst. 17. num. 26.* post Pinellum *de bonis mai. l. 1. part. 2. num. 72. ampliat. 8.* & ambo post Alex. *conf. 1. lib. 4. num. 10.* Decium *conf. 204.* Syluanum *conf. 47.* Thom. Parp. *in l. placet, num. 48. C. de sacros. Eccles.* faciunt namque pares emphyteutam & conductorem ad longum tempus. Ista tamen sententia ita demùm accipienda est, si conductor ad longum tempus pensionem soluat modicam, & fructibus minimè parem, & correspondentem; quo casu intelligimus fructibus eum uti & frui: at verò si pensionem parem fructibus persoluat, tunc quidem ex ratione suprâ adducta, quia fructus ad dominum pertinere intelliguntur, ad dominum onera & tributa pertinebunt, non ad conductorem, quantumvis diuturnum; semper enim ex fructibus ducenda ratio est tributorum, & onerum; emphyteuta namque fructus percipit modicam pensionem soluens, atque eam in recognitionem domini, non pro fructibus; idèò disposita in emphyteuta non possunt trahi ad conductorem ad longum tempus, nisi saltem modica sit pensio, quæ velut index demonstret, ad quem cum fructibus onera pertinere debeant: sustinebitur autem hæc ipsa sententia sicuti superior, vt conductor conueniatur, qui domino expendet, & in solutione mercedis deducet quod nomine oneris & tributì persoluerit.

- 20 Prædicta omnia habent locum in colono, vel conductore, qui colit fundum



dum vel prædium pro pensione pecuniaria, quæ non sit par fructibus; idemque arbitramur, si colat non pro pensione pecuniaria, sed pro pensione quæ sit soluenda in frumento, vel vino, vel oleo, vel in alio his simili, putà pro modio vini, vel frumenti, vel olei: qui contractus in nihilo distinguitur à vera locatione, etiamsi communis & recepta sententia innominatum contractum vocet similem locationi, *l. 1. §. si quis seruum, ff. de posui*: glossa Bart. in *l. si olei, Cod. locati*, Bart. in *l. si merces, §. vis maior, num. 10. ff. locati*. Frequentiori enim sententia receptum est, requiri ad locationem ut interueniat pensio in pecunia numerata, quam resoluunt post antiquiores Ias. in *§. actio-num, num. 185. & in §. item Seruiana, num. 12. in tit. de actionibus*. Carolus Ruinus consilio 151. num. 8. lib. 4. Paris. de Puteo de reint. feud. num. 18. Antonius Gomez de contractibus cap. 3. num. 3. Rebuffus in tom. 1. ad leg. Gall. tract. de licitar. obligat. artic. 4. glos. 2. num. 22. Menchaca controuersiarum usi freq. lib. 3. cap. 52. Pinellus in rub. Cod. de rescind. vend. part. 2. cap. 3. num. 28. Gregorius Lopez in *l. 1. titul. 8. part. 5.* ubi pro hac communi opinione est textus nostro iure expressus, secutus antiquiorum traditiones, non verò iuris verissimas regulas: *Alloquero es propriamente quando un home logua a otro obras que ha de haçer con su persona, o con su bestia, o otorgar un home a otro poder de usar de su cosa, o de seruirse della por cierto precio que se le ha de pagar en dineros contados; casi otria cosa recibiesse que no fuesen dineros, non seria loguero, mas seria contracto innominado.* Hactenus nostra lex, quæ traditionem communem secuta est; namque iure Cæsareo verius erat, constituta quoque mercede & pensione, non in pecunia, sed in aliqua specie, locationem propriè dici, & hanc contra communem opinionem tenet Menchaca ubi suprà. Corasius lib. 2. *Miscellaneorum, cap. 15.* & sentiunt plures relati per Rebuffum ubi suprà, & verissimam dicit constanter Harmenop. in *Epitome Iuris Ciuilis, lib. 3. tit. 8.* quod attinet ad nostram quæstionem, siue pensio sit in pecunia, siue in specie aliqua, quæ non sit par fructibus quoad onera, & tributa nihil immutat eorum quæ diximus.

At verò si quòta pars fructuum eiusdem pretij, tertia videlicet, media, vel quinta persoluatur pro pensione, tunc alia iuris ratio sequenda erit; hic enim propriè non dicitur conductor simpliciter, sed conductor partiarius, estque in eo quedam societatis similitudo, & ex regulis quæ de societate scriptæ sunt, leges suas & iura sortitur. Bart. in *l. si merces, §. vis maior, ff. locati*. Bald. in *l. emptorem, Cod. locati, num. 7.* Abbas in cap. propter, de locat. num. 14. Angelus in principio *Institut. locati, num. 4.* Franciscus Connanus lib. 7. *Commentar. iuris ciuilis, cap. 11. num. 1. & num. 13.* hæc est de colono partiario mentio, & ratio iuris, quod ad multa prodest; sed quod attinet ad nostrum institutum hæc sunt adnotanda.

Primum, quia ex ratione, de qua suprà egimus abundè, quia tributa & onera realia fructus sequuntur, proculdubio tributa & onera realia fundi & prædij, quod datum est colono partiario, præstabuntur ab ipso quidem colono partiario; cæterum in computatione computabuntur & domino & colono, pro portione fructuum, quæ ad vtrumque ipsorum peruenit: quæ conclusio probata nobis abundè est cap. 11. num. 45. & 46.

23 Secundum, quia nisi aliter conventionis lege expressum sit, partiarius colonus deducet expensas factas pro fructibus seminandis, colligendis, & conservandis, *l. fundus qui, ff. famil. erciscunda*, & diximus latè *cap. 1. num. 11. & 12.* ideoque deducuntur ex integro fructu, *l. si unus, §. unus, l. socium qui in eo, §. socius, ff. pro socio, l. si fratres, §. si quis ex sociis, ff. eodem*: quæ omnia in sociis habent locum, & de eos præmonstrata videri possunt. Semper enim socius proprias expensas deducit, communes autem imputantur sociis pro rata, quia id exigit ratio societatis; & licet in partiario colono nonnulli velint inducere consuetudinem contrariam, quæ derogeret iuri, ego istas consuetudines Doctorum suspectas semper habeo, qui didicerim consuetudinem probandam esse legitimo modo, ut à nobis traditum est *cap. 9. num. 43.* Authores autem huius consuetudinis refert Franciscus Marcus *decisione 888. n. 12. & 890. num. 2.* & sunt hæc vera contra ea quæ cumulat Gaspar Bætius *de decima tuctori præstanda, cap. 29. num. 7. & 8.*

24 Tertium, quia sicuti locator fundi simplex, si colono prædium locat, non potest colonus arbores excidere, quia illud de arboribus cædendis in sylva cædua singularem habet considerationem in usufructuario, ut diximus *cap. 11.* latissimè, & in marito *ex l. diuortio, §. si fundum, ff. soluto matrimonio*, ubi viro arbores cæduas & non frugiferas excidere licet, in conductore verò nihil tale decisum est; magis enim ut rei profit, quàm ut noceat, locatio fit: idèd colonus si deteriorem sylvam fecerit, tenebitur de deterioratione, *l. si merces, §. culpa, ff. locati. Ipse quoque, ait Caius, si exciderit, non solum ex locato teneatur, sed etiam lege Aquilia, & ex lege duodecim Tabularum, arborum furtim cæsarum, & interdicto quod vi aut clam. l. duobus, §. colonus, ff. de iureiur.* ubi Paulus idem argumentum tractat de colono excidente arbores, qua actione teneatur; at verò arbores frugiferas non excider, excisis autem tenebitur, *l. in frandem, §. conductor, ff. de iure fisci*: quodque ibi additum est, posse cupressos conductorem excidere, & arbores cæduas, aliis substitutis, particularem habet rationem in conductore fisci, vel fundi publici, qui perpetuò locabatur, & eius dominium transferebatur, ex his quæ diximus suprâ isto capite *ad l. 1. §. qui in perpetuum, ff. si ager veftigalis, vel emphyteut. petat.* idèd non potest applicari eius decisio simplici colono, cui ex aliis iuribus excidere arbores minimè licet, etiam si sit partiarius. Ita tenet Speculator *titulo de locato, §. 1. num. 5. vers. illud autem queri*; vide latè Tiraquellum *in 2. retractu, §. 3. gloss. 1. num. 24.*

Quartum, quod si vi ventorum arbor radicitus excisa sit, adhuc tamen ex parte colono partiario nihil eius arboris acquiritur, veluti si pinus, cupressus, palma, quercus, aut castanea euulsa radicitus concidat, tota ad dominum pertinebit. Is enim fructus cùm naturâ obueniat, ad conductorem non pertinet, *l. fructus, ff. de usuris.* Præterea fortior est ratio quæ suadebat in marito, ut hæ arbores euulsæ ad eum pertinerent, quia erat dominus, & non solum fructus habebat, *l. pro oneribus, ff. de iure dotium*; sed obuentiones & emolumenta, *l. diuortio, §. si vir, ff. soluto matrimonio*, ubi Iureconsultus concedit marito marmora excisa ex lapidicina, licet non renascantur, neque possint in fructibus numerari, secundum vnum intellectum illius textus, quia maritus



ritus non solum habet fructus, sed commoditates & emolumenta, & redditus rerum dotalium. De quo tamen textu Duarenus & Ludovicus Molina multa, & nos inferius cum de augmento tractabimus, dicturi sumus. Ex hoc ergo quod emolumenta & obventiones pertinent ad maritum, dicendum videbatur arbores euulsas ad eum pertinere: at de his longè diuersum extat decisum in dict. l. diuortio, §. si fundum, ff. soluto matrimonio, ibi: *Sed si vi tempestatis exciderit, dici oportet pretium earum restituendum mulieri.* Cum ergo ita decisum sit in marito, rectius est ut in colono quoque recipiatur, cui neque dominium, nec possessio rei locatæ est.

Conductor quoque superficiei habet propriam rationem conseruandi sibi suas meliorationes; cum enim conducat solum superficiem ad leuandum ædificium, remanente proprietate soli, & directo dominio superficiei penes dominum, constitutaque pensione in recognitionem domini soli, restat ut superficiarius habeat utile dominium superficiei, *leg. obligationum ferè, §. placet, ff. de actionibus & obligationibus*; vbi naturâ ipsâ superficies cohæret solo, neque fieri potest vlla arte, vllôve ingenio, aut iuris inuento, quin tradito solo non videatur superficies quoque tradita, l. 1. §. quod autem ait Prætor, ff. de superficialibus, ibi: *Habet in rem, qualem habet in solo, l. fin. cod.* vbi Bartol. *Superficiarias ades*, inquit Caius, *appellamus quæ in conducto solo posite sunt, quarum proprietas & ciuili & naturali iure eius est, cuius & solum.* Alcuius lib. 1. *Parerg. cap. 36.* & diximus superius.

In hoc ergo superficiario viget ea ratio, de qua superius egimus; quia cum ad ædificandum conducat superficiem, tacitè meliorationes illas & sumptus ædificij visus est domino donasse, cum ea lege conduxerit; cum id in conductore supra isto capite dixerimus esse receptum, ob idque finita conductione superficiei leuat ex ædificio ea quæ sine ruptura leuari & abradi possunt, Alcuius in l. bonorum, ff. de verborum significatione, qui sic intelligendus est. Bald. in rubr. Cod. de iure emphyteut. in principio, argumento legis *sed addes, §. si inquilinus, ff. locati.* Vide Aluarum Vazquez q. 33. num. 11.

Reliquos verò sumptus, quos conductores faciunt susceptis litibus pro defensione rerum locatarum, computantur domino, ex ea ratione, quia dominus mercedem totam pro fructibus recipit; idè ad ipsum pertinere debent hi sumptus, quos quoque nomine expensarum intelligimus & meliorationum; nec enim magis meliorat qui parietem fulsit, quàm qui contrariam actionem repellit, aduersariumque submouet, Boërius *decisione 44. num. 15.* vnde & ob meliorationes, & propter sumptus retentionem habet colonus, & conductor, ex his quæ sæpius nobis repetita sunt; dum tamen in his habeatur ratio eius quod quis expendit citra necessitatem & utilitatem domini; semper enim illud ob oculos esse debet, an necessariae expensæ sint, an verò utiles, utilitasque expectanda est respectu domini, non conductoris; neque enim ferendus est qui velit dominum onerare excogitatis expensis, ex his quæ diximus *cap. 1. num. 22.* quæ autem pertinebunt ad voluptatem, abrasione sine ruptura seruabuntur.

Necessaria autem expensæ hoc casu dicitur, sine qua res conductæ constare non posset, puta si domus minatur ruinam, vel paries, vel tigna corruant,

vel trabes confringantur, vel pauimenta subsidant; quia sine his conductor non posset uti re ipsa: idem de puteo purgato, & mundata cloaca, strataque via publica ante aedes intelligendum est; omnia enim hæc necessariò facit conductor ut re conductæ fruatur, ut supra latè monstrabimus, ex decisione textus in *l. Colonus, l. ex conductæ, l. dominus, §. 1. ff. locati*, & aliis quæ nobis supra adducta sunt.

29

Præterea illud quoque necessariò facit conductor, namque si vicinus immitrat tignum in parietem proprium ædium conductarum, vel si vicinæ aedes minentur ruinam, damnum facturæ conductæ domui, tenetur conductor domino ad omne illud quod eius intererat, si id non renunciauerit domino, *l. videamus, vers. item prospicere debet, ff. locati*, Pinellus in *l. 3. §. si ego, ff. de noui operis nunciacione*: idem Paulus post reliquos in *l. de pupillo, §. nunciacionem, ff. eodem*; culpam enim præstat conductor, quam intelligimus etiam leuem, postquam contractus in vtilitatem vtriusque, & conductoris, & locatoris initus esse censetur, ex regula textus in *l. si seruus legatus 111. §. cum quid tibi, ff. de legatis 1. ibi*: Sicuti in contractibus bonæ fidei seruatur, ut si quidem vtriusque contrahentis commodum versetur, etiam culpa: sin vnius solius, dolus malus tantummodo præstetur: & faciunt quæ adduximus supra cap. 11. num. 30. quem textum debuit allegare Antonius Gomez in *tit. de locato, in 2. tomo, cap. 3. numero 10*. Idem debuit adducere Gregorius Lopez in *l. 7. tit. 8. part. 5. ad verbum culpa*, ut leuem culpam contineret, ex decisione Africani in *dict. §. cum quid tibi*: vnde si contra formam locationis aliquid geras, tunc leuissimâ culpâ teneris, *l. videamus, §. si hoc, ff. locati*: Si hoc in locatione conuenit (inquit Vlpianus) ignem ne habeto, & habuit, tenebitur, etiamsi fortuitus casus admisit incendiū, quia non debuisti ignem habere.

## CAPVT XV.

## De emphyteuta expendente, vel meliorante rem emphyteuticam.

## Notabilia ex capite decimoquinto.

- 1 Meliorationes factæ ab emphyteuta sunt propria bona, & n. 2. quas meliorationes faciat de suo, & n. 3. quales meliorationes amittat ex causa commissi.
- 4 Plantatio, imboscatio, & cultura, quatenus pertineant ad meliorationes, & num. 5. de meliorationibus factis post commissum, & num. 6. de pacto, ut emphyteuta melioret, & verbo emponema, & num. 7. qua sit ratio cognoscendi meliorationes viles, & num. 8. qua ratione vel remedio emphyteuta consequatur suas meliorationes.
- 9 An meliorationes factas à rusticis emphyteuta consequatur sibi sine ipsorum cessione.



- 10 *Quantum liceat emphyteuta cadere sylvas, & num. 11. An meliorationes conficiantur.*  
 12 *Ampla edificia erecta an pertineant ad voluptatem, & num. 13. an expellatur, an alienet, & de remissione pensionis.*  
 14 *An soluat onera realia, & num. 15. an collectas, & num. 16. tenetur de deterioratione & danno.*  
 17 *Domo, vel insula diruta, an teneatur reficere & soluere canonem integrum, & quod in hoc nulla sit differentia inter insulam & domum.*  
 18 *Ad impetrandam renouationem nihil opus est quod emphyteuta meliorauerit, & num. 19. de augmento extrinseco & melioratione externa, thesauro, & compensatione.*



Anc laboris nostri partem elegantissimè attigit Alvarus Vazquez, & doctissimè perfecit pluribus in locis, & præcipuè *quæst. 25. iuris emphyteutici*, nòsque in hac re præcipua iam adduximus superiùs, quæ nec sunt transferenda, nec iterum repetenda, ne delicatos & doctos lectores cambre miserè repetita occidat: diximus enim superiùs, meliorationes factas ab emphyteuta esse propria bona conficientis, hoc est emphyteuta, obtinerique iure proprio; vnde venduntur, obligantur, & legantur sicuti propria bona, c.6. *sup. num. 20.*

Diximus etiam *eod. c.6. n. 21.* emphyteutam teneri facere aliquas expensas & meliorationes de suo ex natura & genuina ratione contractus emphyteusis, aliquas verò minimè; & exempla adduximus vt clariùs id innotesceret, adductis nouiorum sententiis, & vera verbi emphyteusis acceptione.

Et dicto *cap.6. num. 22.* ex illa conclusione deduximus, quales meliorationes & expensas amittat emphyteuta ex causa commissi, qualèsq; adhuc conseruet, obseruata nouiorum recta iuris ratione, quæ æquitatem naturalem secuta, docto amplectenda est.

Ibique dicto *cap.6. num. 23.* tradidimus rationem distinguendi emphyteutam à locatore, idque etiam repetitum à nobis est *cap. 14. proximo, num. 14.* vbi egimus de plantatione, & imboscatione, & monte redacto ad culturam, quantum ad hæc teneatur emphyteuta, quod est iure constitutum.

Diximus quoque dicto *cap.6. num. 7.* de meliorationibus factis post commissum, quantum conseruentur emphyteuta; quod quidem ex iure decidendum arbitrati sumus contra Boërium & Tiraquellum, & pertinent ad emphyteutam, emphyteusisque rationem sequuntur.

Diximus dicto *cap.6. num. 12.* de pacto appposito, quod possessor meliore, vel melioratam relinquat rem, quid censendum sit de meliorationibus factis ab emphyteuta, vbi de verbo *imponemata*, quoque egimus, & pertinebant ad nostrum tractatum de emphyteuta.

Diximus *cap. 1. num. 22.* quæ sit ratio cognoscendi vtilitatem expensarum; quod quidem tam obtinet in emphyteuta, quàm in feudatario, quàm in locatore, & aliis, qui res quas possident, meliorant suis expensis.

Illud quoque nobis traditum est, quà actione, vel quo remedio emphyteuta suas meliorationes consequatur, idque nobis disputatum est *cap. 7. supra,* per

per totum, *num. 5.* & *reliquis*, ubi de necessariis expensis, & utilibus, & voluptatis regulæ traditæ sunt, actumque de actione, & exceptione, & conductione ex lege, & incerti conditione ad recuperationem expensarum.

9 Præterea adduximus *dicto cap. num. 13.* an emphyteuta, qui rem emphyteuticam locauit rusticis possit consequi à domino directo vendicatio rem emphyteuticam meliorationes factas à rusticis: egregia declaratio *ad l. in hoc iudicium*, ff. *communi diuidendo*, an verò sit necessaria rusticorum cessio.

10 Præterea *cap. 11. num. 36.* iunctis numeris præcedentibus diximus de arboribus, & syluis cæduis & non cæduis, quantumque liceat cædere; ubi de emphyteuta quoque egimus obseruata ratione iuris contra Pinellum, ut ex illis intelligantur quæ diximus *cap. 2. num. 80.* & 81.

11 Præterea *cap. 10. num. 52.* illud attigimus, utrum meliorationes factæ ab emphyteuta, tanquam bona propria possint confiscari, an verò ad dominum omnino pertineant; in quo obseruanda quoque est ratio meliorationum, quæ sunt ex necessitate contractus, & maiorum expensarum, quas emphyteuta libens ac volens facit. Quam distinctionem ibi rationi conuenientissimam existimauimus, ut hæc ad fiscum, illæ verò ad dominum cum ipsa re sua omnino pertineant, non verò ad fiscum.

12 Ostendimus etiam *cap. 5. num. 9.* ampla ædificia erecta ruri ab emphyteuta, vel possessore citra necessitatem, non pertinere ad utilitatem, sed ad voluptatem, notabili lege *ex duobus fratribus*, ff. *de negot. gestis*; sæpe enim emphyteutæ erigunt aedes lapideas ex lapide quadrato, ut hæc impentæ aut voluptatis causâ, aut dominum oneraturæ factæ esse intelligantur; sed dominus nihil eo nomine soluere tenetur, ipse autem qui ædificauit, tollat si velit: quod respondendum est de turribus, & aliis amplis ædificiis erectis citra necessitatem ab emphyteutis: de tubulis fumariis, vulgò *camineas*, & lateritiis pauimentis, vide *cap. 1. num. 22.* & 23. & *cap. 11. num. 28.*

13 Idem etiam attigimus *cap. 14. num. 7.* an expelli possit emphyteuta ob non solutum canonem, & *num. 8.* quantum alienare possit, & *num. 9.* an remissioni sit locus in contractu emphyteusis: hæc omnia sunt nobis iam superius dicta, dum de expensis ab aliis factis egimus.

14 Illud quoque consequens est, ut quia emphyteuta fructus percipit solutâ pensione parua in recognitionem domini, quod plerumque fit, subeat onera realia & tributa, l. 2. *Cod. de iure emphyt.* ibi, *publicarum fructuum*: & ibi Bart. Albericus & Salic. & *in l. si pendentes*, §. *si quid cloacariz*, ff. *de usufructu*, Iason *in l. 1. num. 35. Cod. de iure emphyteut.* Chassaneus *de consuetudinibus Burg. rubric. 4. §. 6.* Pinell. *de bonis matern. lib. 1. 2. part. num. 72.* Sylvanus *conf. 57. num. 37.* quod sustinetur ex his, quæ diximus de usufructuario, *cap. 11. num. 45.* & 46. & *seq.* quæ sunt hîc repetenda; hæc onera enim sequuntur fructus, cum insint rei.

Quod si pensio fructibus correspondeat, quæ detur in recognitionem domini, quo casu emphyteusis quoque constat, tunc quidem etiam si emphyteuta conueniatur à domino, recuperat, sicuti diximus *cap. 14. num. 18.* quod si pensio sit pars quota fructuum instar coloni partiariz, quod apud multos recipitur, soluitur enim quintum, aut tertium vini, vel frumenti; tunc pro rata tributa



tributa solvuntur, vt diximus *cap. 14. num. 22.* quia casu quia decima est onus reale, & sequitur fructus, *cap. cum non sint*, & ibi glossa & DD. & *cap. tua nobis, de decimis*, *cap. pastoralis*, eod. soluetur antequam dominus habeat quor-  
tam fructuum, vel pro rata, Socin. *consil. 93. lib. 3. num. 3.* vide M. Anton. Nat. *consil. 114. per totum.*

Idque obrinet etiam in collectis, & diximus *cap. 11. num. 56.* quid quan-  
tumque differant à tributis, & tenent Aluaror. *cap. 1. per quos fiat inuestitura*,  
Socinus *consil. 119. lib. 1.* Curtius Senior *consil. 36.* Ifernia *cap. 1. quæ sint regalia*,  
Alex. *consil. 101. lib. 1.* Sylvanus *consil. 47.* Naten. *d. consil. 114.* diximus latè *cap. 12.*  
*num. 69.* etiam si emphyteuta sit Ecclesiæ, & collecta imponatur à Rege, *dict.*  
*num. 69.*

Præterea non solum tenetur meliorare, verum si deteriorauerit, propter  
talem deteriorationem expellitur, Bald. *in l. diuortio, §. si fundum, ff. solus. ma-*  
*trimon.* vbi Iason *Authent. qui rem,* & alij, *Cod. de sacrosanct. Eccles.* & ibi Iaco-  
binus Pinellus *in l. 1. Cod. de bonis matern. part. 2. num. 60. vers. idem in emphy-*  
*teuta*; ideo tenetur reparare & conseruare omnia, *arg. l. hæc lenius, ff. de usufruct.*  
aliàs tenetur de deterioratione, nec solum expellitur: tenet Pinellus *vbi su-*  
*prà*, vnde litis expensas subministrat ex his omnibus, quia tenetur rem con-  
seruare; & in hoc casu tenetur de culpa, iuxta textum *in l. si seruus legatus 13.*  
*§. cum quid tibi, ff. de leg. 1.* & quæ diximus *cap. proximo, num. 30.* Domo au-  
tèm penitus diruta, combusta, vel destructa casu fortuito, vel lenissimâ cul-  
pâ, emphyteuta tenetur pro solo eandem pensionem soluere, quæ pro domo  
præstabatur. Ang. *in auth. de non alienand. collat. 2. in §. lex itaque, in fin.* Imol.  
*in cap. potuit, de locato.* Ias. *in l. 1. Cod. de iure emphyt. num. 44. & num. 15. & 78.*  
Afflict. *decis. 392. num. 12.* contra Bald. *in dict. l. 1. lectur. 1. num. 10.* & contra  
Bartholomeum Philippum virum eruditissimum, qui distinguit inter emphy-  
teutam insulæ, & domus, cum insula nihil aliud sit quàm multitudo do-  
muum; quodque ius est de vna, idem ius est de pluribus: quod si culpa in-  
terueniat, tunc erit in electione domini vel recipere pensionem, vel cogere  
ipsum reedificare, *argum. l. 2. verb. volenti, cap. isto*, quod tenet Bald. *in dict.*  
*l. 1.* vbi suprà, Aluarus Vazquez *quæst. 27. num. 2.* decedit ab opinione Angeli,  
& sequitur distinctionem Bartholomei Philippi *in cap. scindite corda vestra,*  
*fol. 25. vers. hinc tertio, de pæn. distinct. 1.* rationem verò eam esse ait, quia in-  
sula manet manente area, domus verò minimè, destructa forma, quæ in  
sola area non manet; & mutata forma videtur rei substantia mutata & pe-  
rempta, *l. Iulianus, §. & si quis, ff. ad exhibendum, l. repeti, §. fin. ff. quibus mod.*  
*usufructus amittat. l. qui res, §. aream, ff. de solutionibus, l. qui tamen, §. nam*  
*et si domus, ff. quib. modis usufr. amittat.* Nam *et si domus* (inquit Vlpian.) *diru-*  
*ta fuerit, & ex eisdem camentis tignisque fuerit restituta, usufructus extinguitur.*  
Sed reuera Iureconsulti nihil distinguunt inter domum & insulam, adeo vt  
vtriusque idem ius sit; nam quod attinet ad domum, aliquando ex area pen-  
dere videtur, *l. Paulus, §. domus, ff. de pignorib.* vbi domus obligata est, & eâ  
destructâ & dirutâ, conseruatur obligatio ipsius in area, quasi parte domus;  
immo & insula destructo ædificio demolitur, & destruitur manente area, *l. qui*  
*insulam, ff. locati*; & legato usufructu insulæ, redacta insula in aream non de-  
herur,

betur, *l. qui usufructum*, ff. de usufructu: cùm alias manente parte insulæ usufructus debeat, *l. sicuti insula*, eod. quoties enim Iureconsulti de area loquuntur respectu ædificij superimpositi, aream partem insulæ esse aiunt, ut iura quæ de area sunt, & obligationes integræ remaneant: & facit ad hoc ratio iuris, quia area semper remanet, quantumvis superponatur ædificium; ciuiler enim pars domus, hoc est superficiæ, est: & ita intelligit Paulus in dict. *l. qui res*, §. *aream*. Contra verò, si de domo aut insula agant, quasi de re integra, non verò quatenus sunt superficies soli. Tunc enim destructa insula, manente area, insulæ usufructus, & reliqua iura conseruari non solent, ex iuribus suprâ adductis: quod igitur ius est de domo, idem de insula esto; & quoniam emphyteuta pleno iure insulam, & domum accipit, non solum respectu superficiæ, sed respectu soli & areæ, iuxta subiectam materiam, de qua agitur, intelligendum est, manere ius emphyteusis in area, destructâ domo & insulâ; sicuti durat ius pignoris, diruta domo, in area, domo obligatâ, dict. §. *domus*, & area quoque pars est insulæ, dict. *l. qui res*. Alibi autem iuxta subiectam materiam, de qua agitur, insulam peremptam omnino censemus, etiam si in ea maneat area, ut in dict. *l. qui usufructum*, ubi ex subiecta materia usufructus relictus non potuit intelligi conseruatus usufructus insulæ in sola area, ideoque area remanente, & insula diruta, extinctus est insulæ usufructus: denique in hoc res, de qua agitur, expendenda est; in emphyteusi autem distinguere inter insulam, & domum non possumus. Præterea illud animaduersione dignum est, quod tradit Alu. Vazq. *quæst. 2. iuris emphyt. num. 7.* & tradiderat *quæst. 1. num. 10.* necessarium esse emphyteutæ renouationem emphyteusis sibi fieri desideranti, finita emphyteusi, probare rem emphyteuticam melioratam sibi esse, posseque meritò renouationem denegari, nisi meliorationes probentur factæ in re emphyteutica, ex Bart. in *l. 1. §. permittitur*, ff. de aqua quotidiana & astiua, ubi Bart. de meliorationibus necessariis ad faciendam renouationem nihil dicit; & ita existimo sufficere si res deteriorata non sit; namque ex deterioratione sicuti resoluitur emphyteusis, renouatio quoque impeditur, & minus damnum ad impediendam renouationem requirimus, quàm ad resoluendam emphyteusim iam constitutam; iniuria enim est si renouatio non fiat, non verò beneficium si fiat, ex dict. §. *permittitur*. Proderit autem plurimum si meliorata res reperiatur, ut fiat renouatio, & optimè allegabitur ut impetretur.

- 19 Reliqua autem pertinent ad augmentum, de quo inferiùs agemus, ubi de meliorationibus internis & externis, & quæ operâ & industriâ emphyteutæ fiunt, & quæ naturâ, vel temporis beneficio sine industria factæ reperiuntur; illud interim adnotantes, meliorationes externas, quæ non contingunt rem emphyteuticam, veluti si emphyteuta feudum emat, vel excolat iuxta fundum emphyteuticum, non pertinere ad dominum, neque emphyteusi commissa, neque per generationes finita, quia reuerà non sunt meliorationes, etiam si fiant ut res emphyteutica commodiùs excolatur, *l. pradiis*, §. *balneas*, cum seq. ff. de legatis 3. & in feudis receptum id est, glossa, & Bald. post textum in cap. 1. §. *ex contrario*, responso 1. de inuestitura de re aliena facta; Boër *quæst. familiari* 69. num. 4. & dicemus infrâ latiùs cum Ludouico Molina, &



Carolo Molineo, *capite de augmento*, & attigit Aluarus Vazquez d. *quest. 25. num. 20. & 21.*

Præterea de thesauro nobis agendum est inferiùs, quid, quantumque pertineat ex thesauro emphyteutæ, usufructuario, feudatario, colono, & reliquis, utputà marito, & conductori fructuum, & maioratus possessori; particularis enim indagatio est, & quæ suas habet regulas vniuersas, quæ particulariter singulis applicari sine fastidio repetitionis sæpiùs repetitæ non poterunt: vide infrà *cap. de thesauro*.

Quatenus verò emphyteuta compenset fructus cum meliorationibus, vide inferiùs in capitulo; & de comparatione fructuum & expensarum, quæ generalis quoque decisio est, & suo capiti aptanda.

## CAPVT XVI.

### *De maioratus possessore meliorante, vel expendente circa res maioratus.*

#### Notabilia ex capite decimo sexto.

- 1 *Hæres restitutus fideicommissario recuperat expensas: & num. 2. etiam expensas litium.*
- 3 *Maioratus Hispani & fideicommissa non exaquantur: & num. 4. differentia inter utrumque.*
- 5 *Vbi sit eadem ratio in fideicommissis & in maioratu, erit idem ius.*
- 6 *Defenditur opinio Emanuelis Costæ de diuisione fructuum maioratus, contra reliquos.*
- 7 *An possessor maioratus soluat debita prædecessoris, distinguitur inter institutorem & reliquos.*
- 8 *Agitur de debitis contractis non ab institutore, sed ab alio possessore: & n. 10. agitur de lege 46. Tauri.*
- 11 *Dispositionem legis 26. titul. 13. part. 5. non habere locum in casu dictæ legis 46.*
- 12 *Dispositio legis 26. & legis 46. an habeat locum in Pralato: & num. 13. an in fideicommissario.*
- 14 *Debita contracta in utilitatem rei permanentem, maioratus possessor. Pralatus, & reliqui solvunt.*
- 15 *An Rex teneatur soluere debita defuncti Regis: agitur de lege 4. titul. 15. part. 2.*
- 16 *An regnum deferatur iure hereditario.*
- 17 *Regnum Hispania qualiter acquisitum sit iure Gothorum: & num. 18. qualiter à Pelagio ad publicationem legis Partisæ.*
- 19 *Quando publicata sint leges Partisæ: & num. 20. Rex Fernandus, cognomen*

- mento Magnus, Regna inter quatuor filios diuisi: & num. 21. Sanchum perperam recusasse Regnorum diuisionem.
- 22 Sanchus Rex à parente exheredatus est: & num. 23. valere exheredationem pro parie.
- 24 Alphonsus, cognomento Imperator, Regna diuisi inter liberos.
- 25 Alphonsi noni tempore inter patrum & nepotem de Regno disceptatum est, & vicit patrum.
- 26 Sanctus cognomento Ferox, exheredatus est à parente Alphonso.
- 27 Exhereditio in primogeniis an & quando habeat locum, remissiuè.
- 28 De exheredatione Sanchi Regis variè disputatum est in Regno tempore Ioannis Regis Primi.
- 29 Rex Alphonsus nonus iussit debita solui à Regni successore: & num. 30. lege 2. tit. 15. part. 2. certus modus succedendi in Regno constitutus est: & num. 31. particularem esse successionem in Regno.
- 32 Agitur de capite licet, de voto, & traditur vera ratio ad eius decisionem.
- 33 Maioratus successorem aliquando soluere funeris impensas pramortui, & necessaria alimenta: & num. 34. & debita ad exonerationem animæ, & n. 35.
- 36 Agitur de expensis litium: & num. 37. de tributis & oneribus & collectis.
- 38 Damna resarciunt suâ culpâ facta: & num. 39. idem faciunt Pralati, adducitur lex Gothorum.
- 40 Queritur quæ culpa requiratur, an lata, an levis, an dolus.
- 41 An possessor maioratus mutet formam rei.
- 42 Expendit etiam nomine alimentorum, & dotis.



Vdouicus Molina, vir eruditissimus, præclaris bonarum literarum prædiis instructus, in suo eleganti & copioso tractatu de Hispanorum primogeniis, quem inter Hispanos primus non sine magna gloria nouissimè edidit, variè etiam hoc argumentum tractauit; breuiter autem ab eo, quæ ad nostram institutionem pertinent, accipienda erunt, ne quid desit in re præsertim apprimè necessaria; sicubi verò ab eo decesserimus, id ingenuè factum velimus, qui noster mos est, non maleuolè, utque tragœdias excitemus nouas, sed magis ut ipsa veritas innotescat; quam cum fateamur non latuisse virum doctissimum, id tamen euenire potuisse non diffitemur, ut eam aliquando probaret opinionem, quæ aliis improbabilis esse videatur. Seder nobis, & æternum sedebit recordatio Emanuelis Costæ Præceptoris mei charissimi, quem viuum amauimus, & mortuum colimus; quem disputantem, & publicè, & priuatim sæpè audiuius; me enim ille valde amauit, elegans, facundus, acutus, in suadendo vehemens, interpretatione suauis, in referendo verus, in euertendo neruosus, in instituendo omnium qui ante eum instituerunt, & ius interpretati sunt, verè princeps, cuius animam, pro ea quam Salmanticam attulit legum & iuris cognitione homo inculpatæ vitæ, & moris probatissimi, confidimus Deum optimum Maximum æterna requie, & beatitudine donasse: obiit ille sanctissimè, innocens vitæ, & sceleris purus, summo totius Hispaniæ mœtore; nam Salmanticæ nullus fuit qui cum Emanuele Costa non existimaret subreptum quoque nobis ius, nosque



que in eius funere carmen lufimus, quod noſtrorum carminum legitur *litro 1.* Is igitur aliqua memoriæ edidit, à quibus decedit doctiſſimus Molina. Boni igitur conſulat, ſi pro præceptore tantisper pugnaverimus, qui illud ſemper in ore ferebat, liberè eſſe philoſophandum, & debere iuris ſtudioſum veritatis eſſe amatorem, non ſolùm aliorum notando ſententias, verùm proprios corrigendo errores, aded ingenuè ille profitebatur iuris ſententiam. Quod pertinet igitur ad poſſeſſorem maioratus, illud expeditum videbatur, vt quia reſtitutus erat bona, expenſas quas feciſſet in bonis reſtituendis, in reſtitutione reputaret; ſic enim conſtitutum eſt iure, & tenet Palacios Rubios *in repet. rubr. de donat. inter vir. & uxor. §. 62. num. 14. 15. & 16.* vbi præter gloſſ. & Ang. *in l. emptor, ff. de rei vendicat.* nihil allegat: mihi eſt textus expreſſus *in l. vbi purè, §. 1. verſic. qui in diſtrahendis, ff. ad Senatusconſ. Trebel. Qui in diſtrahendis,* inquit Paulus, *conſeru indiſque rebus hæreditatis ſumptus factus eſt, imputari hæredi debet.* Vbi licèt Accuſſius variè, anxieque interpretetur verbum illud, *imputari hæredi*, planè accipiendum eſt, debere imputari hæredi in reſtitutione faciendæ ſumptus & expenſas, vt ſcilicèt tantò minus reſtituat, quantò magis expenſum ſit; ita vt ſumptus illi & expenſæ imputentur hæredi, id eſt, in vtilitatem hæredis, vt minùs reſtituat, reſuſis ſumptibus & expenſis factis in rebus reſtituendis. Textus elegans *in l. mulier, §. ſed enim, verſic. ſed & ipſe, ff. eod. Sed & ipſe*, inquit Vlpianus, *ſi quem ſumptum fecerit, in res hæreditarias detrabit; ſed & expenſas litium, qua inſtituiſſet, vel proſecutus eſſet hæres hæreditatem reſtituere grauatus, ſi ad fideicommiſſarium fructus pertinuerint, hæredi, hoc eſt, in vtilitatem & commodum hæredis, reputabuntur, & compensabuntur in reſtitutione ipſa, l. 1. ſtatim in principio, ff. eod. Cum eſſet*, inquit Vlpianus, *aquiſſimum in omnibus fideicommiſſariis hæreditatibus, ſi qua de his bonis iudicia penderent, ex his eos ſubire, in quos ius, fructusque transferretur.* Ex quibus ipſe Palacios Rubios cùm conderentur leges Taurinæ, vt ipſe de ſe refert, vix contineri potuit, quin clamaret, iniquam eſſe deciſionem legis Taurinæ, quæ eſt lex 46. de qua latè egimus *cap. 13. num. 33. & ſequent.* quia recuperatio expenſarum haberet locum ſecundùm iuris fundatam rationem in bonis reſtituendis per fideicommiſſum: & videtur maxima ſimilitudo inter hæredem rogatum reſtituere fideicommiſſario, & poſſeſſorem maioratus, & ſucceſſorem, cùm poſſeſſor item poſt mortem reſtituere rogatus videri poſſit, vt quemadmodum hæres recuperat expenſas & meliorationes factas in rebus reſtituendis, ita quoque poſſeſſori maioratus expendenti & melioranti recuperandæ viderentur: ſed in poſſeſſore maioratus aliter diſpoſitum eſt iure noſtro Hiſpano, vt diximus *dict. cap. 13. num. 43.*

Ex qua ſimilitudine non eſt exiſtimandum, vt quia poſſeſſor maioratus non recuperat expenſas & meliorationes factas in re ſubiecta reſtitutioni, ex deciſione noſtri iuris Hiſpani *dict. l. 46.* ſic etiam exiſtimandum ſit de hærede rogato reſtituere per fideicommiſſum, vt textus *in dict. l. vbi purè, §. 1. & l. mulier, §. ſed enim, verſic. ſed & ipſe*, & *dict. l. 1.* correcti cenſeantur ex diſpoſitione dictæ legis 46. non enim correcti ſunt, & in hoc veriſſima eſt opinio Ludouici Molin. vbi ſuprà, *capit. 1. num. 14. lib. 1. de Hiſpanorum primogeniis*, & item *lib. 3. cap. 11. num. 14.* qui eleganter ex multis diſtinguit inter maioratus Hiſpa-

nos, de quibus est lex regni, & fideicommissa. Sexdecim discrimina adducit inter vtrumque doctissimus Iacobus Simancas *lib. disceptat. cap. 5.* Verissimum enim est, non exæquari per omnia, neque in omnibus esse similia, neque posse de vno ad aliud trahi & deduci argumentum, nisi quatenus subsit eadem ratio; quod tenet ipse Molina *dict. lib. 1. cap. 7. num. 9.* Cum ergo in hærede grauato restituere per fideicommissum diuersa sit ratio expensarum recuperandarum, quàm in possessore maioratus, cumque longè alia sit ratio in successore, quàm in fideicommissario, qui ab hærede accipit, meritò dicendum est decisionem dictæ legis 46. non habere locum in hærede grauato, & est hodie incorrecta lex *domos*, ff. de leg. 1.

Quod vt pateat, præmittendum est Hispanos omnes scriptores, qui sunt nobis docti & eruditi, indiésque mitescensibus domesticis bellis, cultiores & elegantiores, in eam sententiam quasi pactâ concordia, & inito consensu abiisse, vt existimarent maioratus Hispanos, & primogenia instar fideicommissorum esse, quæ perpetuò familiæ relinquerentur, ita vt proximus quisque admitteretur cum prærogatiua ætatis, & sexus, vno semper admissio; & ita censeretur fideicommissa, & ex fideicommissis deducendam esse regulam, quâ primogenia dirigantur: ita censent quos refert Ludouicus Molina *dict. cap. 1. num. 7.* Palacios Rubios *in repet. capituli per vestras, de donationibus inter virum & uxorem*, §. 44. num. 3. 4. & 5. Didacus Couarruias *lib. 1. resolutionum, cap. 15. num. 14.* vbi ait proculdubio possessorem maioratus fideicommissario comparari, Petrus Peralta *in l. 3. §. qui fideicommissum, num. 91. ff. de hæredibus instituend.* & *in l. cum ita legatur, §. in fideicommissio, num. 24. ff. de legat. 2.* Simancas *de primogeniis Hispanorum lib. 1. cap. 28.* Menchaca *de successionis resolutione lib. 1. §. 10. num. 28.* Dominus Antonius de Padilla *in rubr. Cod. de fideicommissis, num. 7.* Aluarius Vazquez *in questionibus iuris emphyteutici, quest. 50. num. 29.* Burgos de Pace *in proœmio legum Taurinarum, num. 71.* Dominus 4 Franciscus Sarmiento Episcopus Astoricensis *selectarum interpretationum question. 4. lib. 3. num. 5.* & quamuis ita hoc receptum sit nostris, inter vtrumque tamen diuersa est iuris & facti ratio; namque fideicommissa ex voluntate testatoris restituuntur vni, vel pluribus, prout à testatore prouisum dignoscitur, reperiturque vltimus in fideicommissis vocatus, & sæpè plures vltimi vocati: itaque cessat in fideicommissis iure Cæsareo agnitis prærogatiua ætatis & sexus in eodem gradu; cessatque indiuiduum illud, quod in primogeniis desideramus, quod patet *ex dict. §. in fideicommissio, & l. peto, §. fratre, ff. de legat. 2. & l. fin.* vbi Bartol. & alij, *Cod. de verb. signific.* in primogeniis enim perpetua est restitutio, vnusque duntaxat admittitur, habitâ sexus, & ætatis prærogatiuâ inter plures eodem gradu propinquos, aut proximos.

Ex quibus verissima ratio est, hæredem grauatum restituere per fideicommissum, posse sumptus & meliorationes suas recuperare; quia fideicommissarius ille liberè accipit bona illa, ideóque iniquum esset si expensas non solueret, quas liberè cum re restituta accipit, quod ex ratione dictæ legis 46. Tauri longè alienum est à primogenij successore, qui rem accipit omnino restituendam; & ille item restituere tenetur, nouoque successore interueniente, noua semper imminet restitutio perpetuò facienda, aliis deficientibus, aliis rursum



rursum succrescentibus primogenij possessoribus ; ob idque quia eadem ratio non reperitur iuris , longè aliud ius constituendum est : non est ergo correctæ decisiõ legis *mulier* , & legis *ubi purè* , & legis 1. de quibus suprà , ex decisiõne dictæ legis 46. Tauri : imò hodie in fideicommissis particularibus , quæ natura- 5  
m non obtineant primogeniorum , locus non erit decisiõni dictæ legis 46. quia non est eadem ratio iuris : diuersum autem constituendum est vbicunque eadem ratio , quæ in fideicommissis versatur , in primogeniis reperiatur.

Vnde ex hac ratione , in ea quæstione , qualiter diuidendi sint fructus , qui 6  
tempore mortis reperiuntur pendentes , inter hæredes emortui , & nouum successorem in bonis maioratus , verissimam existimo opinionem Emanuelis Costæ *in quæst. de patruj & nepotis successione* , pag. mihi 144. quam refert & refutat Ludouicus Molina vbi suprà *lib. 3. cap. 11. num. 11. vers. sed Emanuel Costa* , secutus opinionem aliorum , quos reprobat idem Costa *vbi suprà*. Cum enim nihil sit constitutum à iure , quod attinet ad hanc diuisionem fructuum circa res maioratus , necessum fuit , vt aliunde à iure alibi scripto in hanc partem deduceretur ; necessariò autem debet deduci ex ratione quæ scripta reperitur in hæredem grauatum post mortem restituere , & ipsum fideicommissarium , qui morte hæredis grauati & emortui bona obtinet : sicuti enim viuens hæres obtinebat hæreditatis licèt restituendæ dominium , ita & possessor maioratus dominium obtinet , *l. non ideo minùs* , ff. de rei vindicatione , & quæ latè fundat idem Molina *lib. 1. cap. 19. num. 14. 15. & seq.* Mortuo autem hærede grauato statim dominia prædiorum & rerum transeunt in fideicommissarium , *l. 2. Cod. commun. de legat.* idque ita etiam contingit in successore maioratus , quod probat ex pluribus idem Ludouicus Molina *lib. 3. cap. 12.* immò possessor fit illicò ex lege 45. Tauri. Cum igitur eadem ratio sit acquirendi fideicommissum , & bona maioratus ; immò cum in hoc pinguius iure nostro succursum sit , eadem profectò debet esse iuris constitutio : & sicuti fideicommissarius ex eo fructus pendentes acquirit , quia reperitur dominus prædiorum , quorum fructus , quia adhuc pendet , pars sunt , *l. fructus* , ff. de rei vendic. ita quoque successor maioratus , quia fit ipso iure dominus rerum ad maioratum pertinentium , fructus debet acquirere integros , qui pars earum rerum adhuc sunt , quia pendet , quarum dominium obtinet : quæ ratio efficacissima est , & ex ea pendet decisiõ textus *in l. Herennius* , ff. de usuris , qui fructus pendentes tribuit fideicommissario , quamuis maior pars anni transacta sit ; quia pars rei sunt , quæ ad fideicommissarium pleno iure pertinet. Agnouit hanc vnicam & solam rationem Vlpianus *in l. si pendentes* , ff. de usufructu , quæ Iureconsultis semper adest. Et hæc est ratio in qua se fundat Emanuel Costa , quam allegat *in l. 2. Cod. communia de legat.* & ex ea dicit plenam esse inductionem *ad l. Herennius* : & ita iudicatum esse ait in supremo Lusitanæ Senatu , quem ego veram iuris rationem secutum esse puto , & quæ nullo modo , nullo colore vitari possit : & conueniunt verba dictæ legis *Herennius* , ibi : *Fructus qui post acquisitum dominium ex causa fideicommissi ex terra percipiuntur.* Quæ verba iuncta dict. *l. 2.* planam faciunt eam constitutionem in bonis maioratus , vt fructus , qui ex terra percipiuntur post acquisitum dominium

nium successori in bonis maioratus, ad successorem pertineant; in quo quidem haberi poterit ratio expensarum, quæ in serendo, colendo, & conseruandis eisdem fructibus sint, vt hæc ad hæredes emortui pertineant ex fructibus deducendæ; nullus enim casus interuenire potest, qui hoc genus deductionis impediat, *ex l. fundus qui, ff. familia herciscundæ.*

Neque quicquam oberit, quod de marito & vxore traditum est in *l. diuortio, in principio, ff. solutio matrimonij*, & *l. 26. tit. 11. part. 4.* vt pro rata diuidantur inter vtrumque: cuius decisionis ratio est, quia cum fructus dotis ad maritum pertineant propter onera matrimonij sustinenda, *vulgata l. pro oneribus, Cod. de iure dotum*, meritò constitutum est, vt fructibus integrè gaudeat quandiu onera sustinuit matrimonij; cum enim respectiua fructuum præstatio sit, quæ iure constituta est, scilicet propter onera, meritò deficientibus oneribus fructus incipiunt ad vtrumque pertinere; atque cum hoc constitutum sit in marito & coniuge, trahunt ad successorem maioratus. Dominus Didacus Couarr. *variarum resolutionum lib. 1. capit. 15. num. 14.* Ioannes Lupus de Palacios Rubios in *reper. rubr. §. 62. num. 10.* & eos secutus Ludouicus Molina *lib. 3. c. p. 11. num. 11. vers. quod autem fructus.* Atque ita iudicatum esse in Senatu Granatensi ait D. Couarr. quam quidem sententiã ex eo aiunt admittendam esse, quia in hoc possessor maioratus instar sit viri, & vterque onera sustinet: hic quæ insunt matrimonio, ille quæ insunt bonis maioratus occasione ipsius maioratus. Quæ ratio proculdubio admittenda foret, si quemadmodum onera matrimonij certa sunt, ita quoque onera possessoris maioratus certa essent; sed fit plerumque vt possessor maioratus pauca onera subeat, alius plura, alius nulla, alius maxima, cum hæc onera incerta sint, ex qualitate bonorum, & personarum, & conditionum, legi quæ ab institutore imponuntur. Quod si acquisitio fructuum respectiua esset pro oneribus, planè inciderent innumere quæstiones, infinitæ lites, & contentiones maximæ, quod sæpè nullos fructus lucraretur, quia nulla onera subierit; sæpè totos, sæpè paucos, sæpè plures, sæpè variante iure, ex varia onerum ratione. Confusa certè, & perplexa decidendi ratio, & planè contra apertissima iuris principia, quæ certam acquirendorum fructuum rationem desiderant, ex dominio dimetiendam, *§. si is ad quem, Institut. de rerum diuisione*: ideòque meritò ait Emanuel Costa *ubi supra*, illa onera quæ reperiuntur in maioratu, non esse comparanda cum oneribus matrimonij, vt propter illa discedendum sit à iure constituto, quo cautum, constitutumque est, vt fructus pendentes, quia pars prædij sunt, ad eum pertineant, qui dominium prædij nactus sit, cum præsertim onera realia, tributa, & collectæ fructus sequantur perceptorem, vt sapiùs diximus; atque vt hæc onera à nostra quæstione eliciamus, quæ poterant videri certa, scilicet, tributa, quia fructus sequuntur quocumque hi abeant; præterea licèt fideicommissarius non possit videri similis possessori maioratus, quod quidem fatemur; tamen ratio propter quam fideicommissarius fructus integros, eisdemque pendentes lucratur, habet profectò locum in possessore maioratus, & meritò propter dominium prædiorum, quibus adhuc fructus adhærent: & hanc cum Emanuele Costa, & ante eum tenet Antonius Gomez in *l. 4. Tauri, num. 74.* de diuisione autem fructus inter feudatarium & dominum est textus



in cap. 1. §. his consequenter, hic finitur lex Conradi, & Franciscus Hotomanus latè in *præludivis feudorum*, capite de fructuum diuisione, vbi de vsufructuario, emphyteuta, emptore, fideicommissario, marito, & Prælato; & præter eum Auendañus *responsio* §. num. 1. & Didacus Couarr. *lib. 1. resolutionum*, cap. 15. num. 12. Tiraq. de *retractu conuentionali*, §. 5. gloss. 4. num. 5. & 6. Carolus Molineus in *consuetudinibus Parisiensibus*, tit. 1. gloss. 1. §. 1. num. 33. Bart. Paul. & Ias. Alexand. & Socinus in *dict. l. diuortio*, in principio, ff. *solut. matrimon.* & post omnes hos Ludouicus Molina *dict. lib. 3. cap. 11. num. 2.* vbi ait solitum esse diuidi quoque fructus Commendarum sancti Ioannis, Iacobi, Calatravæ, & Alcantaræ, ex eorum Ordinum constitutione: vide semper legem 26. *tit. 11. partis. 2.* de qua suprâ. Sit igitur lex *Herennius*, regula fructuum lucratorum, adiuvante dicta lege 2. *C. communia de legat.* propter dominium acquisitum prædiorum, quorum pars fructus pendentes sunt: pro qua facit lex *defuncta*, ff. de *usi fructu*. Nec quicquam facit quod possessor maioratus pet omnia non sit similis fructuario; quod enim attinet ad fructus percipiendos & lucrandos, eadem ratio est in vtroque. Facit lex *si pendentes*, ff. *eod.* Ex quibus utilior, securior, & magis conueniens iuri constituto opinio est, vt qui fundi dominus sit, fructuum pendantium sit etiam dominus, cuius fundi fructus pendentes pars verè & ciuilitè sunt, ex *dict. l. si pendentes*, & *l. Herennius*, *in dict. l. 2. & dict. l. diuortio*: vide Iacobum Cuiacium post commentaria ad Aphricanum, vbi explicat dictam legem *diuortio*.

Expendit possessor quoque maioratus soluendo debita prædecessoris; in quo aduertendum est ad ea quæ tradit Ludouicus Molina eleganter *lib. 1. cap. 10. per totum*, vt distinguamus inter primum maioratus institutorem, & reliquos successores; namque si primus institutor maioratum instituerit ex vniuersis bonis suis, vel vniuersa hæreditate sua, quod plerumque fit, notissimum est successorem, qui obtinuerit hanc hæreditatem, vel hæc bona relicta, teneri debita persolvere, siue tertius, siue decimus, siue millesimus, nihil refert, *l. 2. Bartol. Bald. & alij, C. ad Trebellianum, l. 1. in princip. ff. eod. l. si quis seruum, cum l. seq. ff. de leg. 2. l. filiusfamilias*, §. *Dini*, et 2. ff. de leg. 1. ibi: *Nam si heredis propter creditores testatoris bona vanierint, fortunam communem fideicommissarii quoque sequentur.* Ex quo textu bona, quæ prohibita sunt alienari, per fideicommissum restituenda, possunt propter debita alienari: ita definiunt nostri post antiquiores, Palacios Rubios in *repetit. rub. de donationib. inter virum & uxorem*, §. 16. num. 14. Petrus Peralta in *l. 3. §. qui fideicommissam*, numero 106. ff. de *heredibus instit.* D. Antonius de Padilla in *l. vnum ex familia*, §. *si de Falcidia*, num. 7. ff. de *legat. 2.* idque temperant, vt prius bona libera vaneant, tum demùm ad fructus fideicommissi, & post hos in subsidium ad ipsa bona restituenda deueniendum sit.

Atque idem constitutum est, si de quota hæreditatis maioratus institutio facta sit, vt maioratus huius possessor pro portione hæreditaria ad debita teneatur, *l. si quis seruum*, §. *fin.* ff. de *legat. 2.* vbi Bart. Paul. & Cumanus, & post eos Scribentes, atque in his duobus casibus transente actiones actiue & passiuæ in eum, in quem tota hæreditas, vel vniuersa bona transeunt, *l. nam quod*, §. *fin. cum l. seq. ff. ad Trebellian.* & *l. cogi, in principio*, ff. *eodem*: idem

que recipiendum est in hoc casu, cum ex quota hereditatis relinquitur, cum legatarius ex quota hereditatis parte habeatur loco hæredis, & habeat actiones actiuas, & passiuas instar hæredis, *l. 1. in principio, inest. l. mulier, §. fin. ff. ad Trebellian. l. final. Cod. cod. Angelus in §. & quia, Institut. de fid. commissariis hæredibus*: à qua conclusione nemo vnquam discrepauit, vt inquit Molina vbi supra, *num. 7.*

Intelligenda autem omnia hæc sunt, si maioratus instituat in testamento, secus si in contractu; nec enim is, in quem vniuersa bona transferuntur ex testamento, similis est ei, in quem ex contractu transferuntur; ille enim habet actiones illas, hic verò minimè, quia bonorum appellatio facta in contractu, intelligitur deducto ære alieno. Paulus in *dict. l. nam quid, §. final. num. 2. ff. ad Trebellian.* & tenent omnes, quos supra citauimus.

8 Restant duo casus, præmissis tribus, de quibus supra: atque duo hi casus sunt, cum maioratus instituitur ex quota bonorum, vel ex re certa. In quibus duobus casibus duo sunt aduertenda: vnum in quo conueniunt, alterum in quo separantur; conueniunt autem in eo, quia neque in successorem maioratus instituti ex quota bonorum, vel ex re certa, transferuntur actiones actiuæ, neque passiuæ. Rursus discrepant in eo, quia ex quota illa bonorum deducitur æs alienum, non verò ex re certa; vnde in vtroque hoc casu de manu hæredis erit accipiendum: qui hæres ex quota bonorum debita deducet persoluenda, non verò ex re certa. Vtrumque latè fundat Ludouicus Molina *dict. lib. 1. cap. 10. num. 8. 9. 10. 11.* & in quota bonorum tenet Rodericus Suarez in *l. quoniam in prioribus, ampliatione 7. num. 12. & 13. & l. cum autem, ff. de legat. 2. l. 1. Cod. si certum petat.* & de re particulari est textus in *l. 1. §. si hæres percepro, ff. ad Trebel.* & diximus supra *cap. 11. num. 62. & 63.* vbi egimus de lege 21. Tauri, quod non corrigat dictam legem 1. *Cod. si certum petat.* quia loquitur in eo qui acceptato prælegato repudiat hereditatem, quasi dicta lex 21. obuiam eat huic consilio, vt omnino ad debita teneatur talis legatarius, vel prælegatarius, ne relinquat hereditatem onustam debitis, accepto prælegato impunè, siue id prælegatum in re certa, vel in quota bonorum consistat, quasi lex velit coercere huiusmodi dolos, & in hoc casu videntur correctæ quæ diximus; incorrectæ autem remaneant si prælegatarius hereditatem acceptet quoque, *ex dict. l. 1. Cod. si certum petatur.* Quæ interpretatio, quantum arbitror, noua est, & vera, & ex fundata iuris ratione, vt diximus *dict. cap. 11. num. 63.* Ex cuius legis interpretatione hodie si melioratio fiat in re certa, filiusque melioratus hæres quoque paternus sit, *ex l. 1. Cod. si certum petatur*, & ex his quæ diximus supra, rem illam habebit liberam nullis debitis obnoxiam: si repudauerit patris hereditatem, tunc vt vitetur fraus, quia fratribus relinquit hereditatem debitis onustam, meritò ad debita quoque tenebitur, & conuenitur pro re illa, & æstimatione illius comparata ad totam hereditatem, ne ex sua repudiatione dolosa utilitatem capiant. Quod si melioratio constet ex quota bonorum, *ex dict. l. 21.* & iure communi, debita deducuntur, & in eo erit separatio; quia si acceptet, cum reliquis hæredibus conuenietur; si repudiet, solus pro quota illa. Quæ utilitas dictæ legis 21. revento hoc intellectu maxima est, & circuitum vitat, aliàs nihil expenderet  
tanto



tanto opere, *dict. l. 21.* Ut vtiliter intelligamus prædictam legem in melioratione facta in re certa, vel quota bonorum; in quo aptissime conveniunt verba dictæ legis 21. ibi, *Como si fuesen herederos en la dicha mejoría: & ibi, Sean obligados los tales mejorados à la pagar*; licet aliter interpretetur Molina *ubi supra*, cuius sensus nobis neque probatur, neque improbat, ut liberum cuique sit suo more sentire: nobis utilis Reipublicæ hæc interpretatio videtur, & ad *dict. l. 21.* & ad *l. 1. Cod. si certum petatur*, opportunissima, quæ decidebat casum illum, scilicet, cum legatarius prælegatum acceptabat, idemque hæres acceptata quoque hereditate: sed id omisum erat, si prælegatum acceptasset repudiata hereditate, in quo nostra lex 21. visa est casum novum & difficultate plenum decidisse, ut & debita solueret, & ad debita teneretur: siue prælegatum in re certa, siue in quota bonorum consisteret: & hæc pertinent ad casum priorem, quando debita contracta sunt à primo maioratus institutore. Iure communi distinguuntur quinque illi casus, tota hereditas, omnia bona, quota hereditatis, quota bonorum, certa res, & quid in his dicta lege 21. Tauri constitutum sit, iuxta nostrorum Interpretum sensum, de quo *d. c. 11. n. 63.* Modò accipimus alterum disputationis caput, secuti Ludovici Molinæ methodum; cum scilicet debita non sunt contracta ab institutore, sed ab alio successore maioratus: & tunc distinguit ipse inter debita contracta contemplatione maioratus, & contemplatione ipsius possessoris: & rursum in his debitis, quæ contrahuntur à possessore maioratus occasione maioratus subdistinguit, ut si intercedat regia facultas ad obligandas res maioratus, pro debitis occasione maioratus contractis, habita causæ cognitione ad impetrandam huiusmodi facultatem obligandi res maioratus, iuxta ea quæ resoluit idem Molina *lib. 4. cap. 1. per totum.* Et tunc successor omnino teneatur aut ea debita solvere, aut res obligatas creditoribus relinquere, ut eas tamdiu obtineant, quamdiu debitis non sit satisfactum, computatis tamen fructibus in sortem & debita ipsa, iuxta legem finalem, *Cod. si unus ex pluribus heredibus*, ibi: *Ut vel totum debitum solvant, vel eo quod deciderint cedant.* In quo tamen cultura & expensarum, quæ fiunt causâ colligendorum fructuum & conservandorum, ratio habenda est, *dict. l. fundus qui, ff. famil. erciscund.*

Quod si facultas regia non intercedat, tunc circa expensas & debita quæ contracta sunt occasione ædificiorum, & reparationum, & meliorationum bonorum maioratus, iure nostro maior difficultas est, *ex l. 46. Tauri*, ex cuius legis decisione illud expeditum videbatur, ut si meliorationes, expensæque, propter quas contracta sunt debita, pertineant ad ædificia & ædificiorum reparationes necessarias, atque pertineant ad perpetuam utilitatem bonorum maioratus, in nihilo omnino teneri possessorem & successorem maioratus, quia cum prædicta lex 46. filius & vxoribus negarit in huiusmodi meliorationibus & expensis ædificiorum, & reparationum actiones ad consequenda ea quæ sibi deberentur earundem occasione, nihilque voluerit deberi propter has meliorationes, in nihiloque teneri successorem, sed libere perveniant ad successorem, proculdubio omne creditorum ius longius expulisse videtur à rebus maioratus, quod ex ædificiis & ædificiorum reparatione resularet, postquam voluit, ut libera ab omni debito transferrentur in successorem; qui enim vult

consequens, necessariò vult antecedens, quod necessariò antecedit, *l. ad legatum, l. ad rem mobilem, ff. de procuratoribus*. Tum etiam quia nisi hoc intelligeretur, aperta esset fraus dictæ legis 46. interpositis cautionibus inter creditores, filios, & vxores, machinante sæpe dolos possessore maioratus, & mutuatam accipiente pecuniam ad refectionem, quæ postea vxori & filiis restitueretur; quodque vnâ viâ prohibitum esset, aliâ permissum reperitur, onustaque sæpe primogenia arte alieno, hac arte excogitatâ hypothecâ perirent, & machinato dolo interciderent: quapropter meritò existimamus, ex huiusmodi expensis & meliorationibus factis propter ædificia, & ædificiorum reparationes, nihil omnino debere successorem maioratus, neque filiis, neque vxori præmortui possessoris, vt latè diximus suprâ *cap. 13. num. 43. & seq. ad dict. l. 46. Tauri*: verùm ita arbitramur, mutuantem ad ædificium, vel reparationem ædificij, in bonis maioratus non habere tacitam hypothecam, sed obligationem duntaxat personalem contra eum, cui mutuauit & eius hæredes, ex ratione dictæ legis 46. quæ militat in omni genere creditorum, ne maioratus magno consilio institutus vt pèrpetuò duret, breuissimè excogitatâ hac viâ destruat, & quia bona ipsa successorum libera esse voluerit ab omni debito, quod patet ex litera dictæ legis 46. ibi: *Sean assi de mayorazgo, como lo son, o fueran las ciudades, villas, o lugares y heredanientos y casus donde se labraren*. Vult igitur lex, vt tales meliorationes, & ædificia sint libera, sicuti sunt ipsa bona maioratus, quæ libera sunt ab omni obligatione: præterea successorem liberum quoque esse voluit & fecit, ibi: *Y mandamos que en todo ello succeda el que fuere llamado al mayorazgo con los vinculos y condiciones en el mayorazgo contenidas, sin que sea obligado a dar parte alguna de la estimacion o valor de los dichos edificios*. Quæ autem sequuntur verba, *A las mugeres del que los hizo, ni à sus hijos*, exempli causâ adducta sunt, neque dispositionem coarctant, aut restringunt; quod proprium est exemplorum, & trahuntur vt plurimum ab his, quæ frequentius contingunt; omnia enim simul aptari ad regulas non possunt, quia infinita exempla sunt. Voluit igitur lex 46. bona omnia maioratus & ædificia in his erecta libera ab omni obligatione, & ipsum successorem ab omni debito huiusmodi securum.

Vnde licet ex dispositione legis 26. *tit. 13. part. 5.* dispositum sit mutuantem in refectionem domus, vel naus acquirere in eis ius hypothecæ contra dispositionem iuris communis, vt ibi bene aduertit Gregor. Lopez verbo *facere*, id tamen non est recipiendum in mutuo ad reficiendum res maioratus, vel ad ædificandum de nouo, quia in his prohibita est obligatio, non secus ac si quis ad refectionem domus vel ædis sacræ mutuarer, exindeque existimaret ædem sacram esse sibi obligatam & hypothecatam, ex decisione dictæ legis 26. ex cuius legis decisione id existimabat Ludouicus Molina *dict. lib. 1. cap. 10. num. 19.* neque quicquam oberit, quod subsit magna causa, & in vtilitatem perpetuam maioratus, ex quibus alienari prohibita, non solum pignori dantur, sed alienantur quotidie, *l. pæro, §. pradium, ff. de legat. 2. l. qui solidum, §. fin. eod.* Tiraquellus qui plura refert de retractu lignagier, §. 1. gloss. 14. *num. 1.* *authent. res que*, & ibi D. Anton. Meneses de Padilla *Cod. communia de legatis*: quia in nostra hac specie ædificiorum, & reparationum obtineri non potest,



rest, vbi expressè obligatio ista prohibita est; ob idque particularis ista iuris prohibitio cessare facit generalem definitionem, quare consultius fiet, si in hac quoque specie facultas Regis postuletur, propter difficultatem dictæ legis 46. Si cui verò opinio placebit Ludouici Molinae, meminerit, admittendam eam esse, vt inquit Vlpianus *in l. solet, ff. de officio Proconsulis & Legati*, οὐτε πάλιν, οὐτε πάντοτε, οὐτε πρὸ πάντων; & cùm casus contigerit, vt ipse ait, maturius pensandum & deliberandum erit, propter dictam legem 46. & propter condiciones appositæ, quæ obligationes, & alienationes prohibent: atque cùm hoc constitutum sit in ædificiis & meliorationibus quæ pertinent ad perpetuam vtilitatem rerum maioratus, multò fortius admittenda sunt in ædificiis & meliorationibus modicis, & quæ fiunt propter fructus colligendos & conseruandos; successor enim nihil horum soluere tenetur, ex fructibus facta hæc omnia videri debent: quare cùm semper agamus de debitis contractis propter ædificia, & ædificiorum reparationem, denique de expensis, retenta dicta lege 46. *Tauri*, dicendum est, si tales meliorationes etiam propter fructus durent, & earum vtilitas permaneat in tempus sequentis successoris, hunc successorem minimè teneri soluere aliquid, etiam pro ea vtilitate, quæ sibi obuenit ex huiusmodi expensis, *ex dict. l. 46.* quia si id non recipimus in perpetuis & permanentibus, vtilibus & necessariis, quæ fieri potest vt admittamus in his quæ fiunt propter fructus, vel quæ modicæ sint? Contrarium existimabat Ludouicus Molina vbi suprâ *num. 24.* atque ad id inducebat caput 2. *de solutionibus*: sed in nostro casu pugnat lex 46. in casu autem dicti capitis 1. æquum est, vt successor pro rata vtilitatis, quam percipit ex meliorationibus ab alio factis, satisfaciatur; cui æquitati nihil repugnat ex diametro. Hactenus si debita contracta sint propter ædificia, & meliorationes ædificiorum, retenta dicta lege 46.

Prædicta autem omnia rectè accipientur in Prælato, in quo nulla difficultas est, *ex dict. l. 46. Tauri*, vt si Prælatus debita contraxerit in euidentem vtilitatem & necessariam Ecclesiæ, rerumque Ecclesiasticarum, quæ vtilitas permaneat & persistat post vitam eius qui debita contraxit, successor saltem teneatur ad debita pro portione vtilitatis, si ex fructibus præmortui, deductis necessariis ad vitam cum dignitate tuendam expensis, creditoribus satisfieri non potuit, ex textu *in dict. cap. 1. de solutionibus*. vbi Abbas & Scribentes, & *in cap. ex presentium, de pignoribus*, Antonius Ancharanus & Scribentes *in cap. significauit, de rescriptis*, Imola *in l. si filiusfamilias, §. fin. ff. soluto matrimonio*: plures allegat Ludouicus Molina *dict. lib. 1. cap. 10. num. 15.*

Imò in hoc casu, si Prælatus accipiat mutuam pecuniam ad reficiendum ædes, turrin, vel domum, existimamus habere locum dispositionem dictæ legis 26. *tit. 13. part. 5.* vt pro mutuata pecunia restent obligata, quia in hoc casu nihil est quod obligationem illam impediat, dummodo refectio necessaria sit, & pertineat ad necessariam & permanentem vtilitatem rei, quæ reficienda sit, & quod pecunia ad hanc ipsam refectionem sit mutuata; & in hac specie magis admittenda est, quia ex ea pecunia res Ecclesiæ, vel dignitatis conseruantur, quæ alias omninò corruerent, & est opportuna inductio legis huius, *ff. qui potiores in pignore habeantur*, ibi: *Huius enim pecunia saluam fecit totius*

*pignoris causam.* Neque extendenda est generalis illa prohibitio, ne res Ecclesiæ alienentur, vel supponantur, ad eam obligationem, quæ magis conseruat res Ecclesiæ, cum præsertim illad *in dict. cap. 1. de solutionibus*, non solum non sit reprobatum, sed ferè constitutum; prouum enim est vt constituta actione personali *in dict. cap. 1.* hypothecariam subiungamus, vt personali innitatur, *ex dict. l. 26.* vt quoque hunc casum separamus à priori, propter legem 46. quæ personalem & hypothecariam tollit.

- 13 Præterea, quia maioratus à fideicommissò secernitur & separatur, *dict. l. 46.* eius dispositio quoque de hypotheca non recipienda in rebus maioratus refectionis, accepta mutuo ad refectionem pecuniâ, non est admittenda in fideicommissò, imò nò fideicommissarius, sicuti tenetur ad expensas necessarias & permanentes, ita quoque tenebitur ad debita contracta propter refectionem & ædificia necessaria & permanentia, saltem pro utilitate, quæ ad fideicommissarium peruenit ex ea refectione, aut ædificio, argumento textus *in dict. l. dominos, ff. de legat. 1.* & quæ adduximus isto capite, in principio. Carolus Molineus *cit. l. 1. §. 1. gloss. 5. num. 75.* Iulius Clarus *lib. 4. sententiarum, §. feudum, quæst. 88.* Guido Papæ *decisione. 169. num. 1.* Iason *in dict. l. dominos, num. 1.* imò in hac specie, postquam admittitur actio personalis, vt *in dict. l. dominos, l. ubi pure, ff. ad Trebel. l. mulier, §. sed enim, ff. eod.* prouum quoque est vt hypothecariam admittamus, *dict. l. 26. tit. 13. part. 5.* cum enim fiat vt magis res conseruetur, cumque expensæ fideicommissario repurentur, meritò & debitò propter has expensas oritur & obligatio realis; nihil enim est quod ipsam impediat: cumque ius voluerit fideicommissarium teneri, procliuè est sic intelligere, vt res quoque per fideicommissum restituende, tacitè sunt obligatæ, quod in maioratu recipi non potuit propter dictam legem 46. quæ fundamentum abstulit obligationis realis, scilicet personalem obligationem contra successorem; eum enim liberum esse voluit ab omni debito, etiam propter refectionem contracto, securaque & libera ipsa bona, ne de obligatione reali dubitari posset: diuersum est in Prælato, *ex dict. l. 1. & fideicommissario, dict. l. dominos.*

- 14 Seclusâ verò dicta lege 46. & reiectis debitis contractis propter ædificia erecta in solo maioratus, & propter refectionem ædificiorum, reliqua debita eam recipiunt diuisionem, vt alia contracta intelligantur occasione maioratus, & ad maioratus euidentem, & permanentem, & utilem causam, in quo plurimum aduertendum erit, atque huiusmodi debita soluit possessor maioratus: ita resoluunt D. Antonius de Padilla præceptor meus *in l. vnum ex familia, §. si de Fulcidia, ff. de legat. 2. num. 9.* Ant. Gomez *in l. 40. Tauri, num. 72.* Petrus Peralta *in l. 3. §. qui si teicommissam, ff. de heredib. instituend. num. 130.* Ludouicus Molina *dict. l. 10 cap. 10. num. 15. & num. 24. vers. in primo casu, cum num. 25.*

Quod & in Prælato admittendum est ex decisione capitis 1. *de solutionibus*, vbi Abbas, & *in cap. ex presentium, de pignoribus, cap. 1. §. si vassallus*, sic finitur lex, deinde consuetud. incip. Afflictis *in cap. 1. qui success. teneant. num. 24.* Paulus *consil. 54. volumine 1.* Oldradus *consil. 146.* Aretinus *in l. ciuitas, versic. circa quartum, ff. si certum pet.* plures allegant prædicti Doctores, de quibus



*num. precedenti*, qui licet allegent dictum §. *si v. ffallus*, textus ille tamen nihil probat, secundam intellectum veram ad litteram, de quo supra egimus *cap. 12. num. 84.*

Si verò debita contracta non sint occasione ipsius maioratus, sed pro necessitatibus ipsius maioratus possessoris, tunc successor maioratus ad huiusmodi debita minimè tenebitur. Carol. Mol. *in consuet. Parisiens. part. 1. §. 11. num. 8* Greg. Lopez *in l. 4. tit. 15. part. 2.* verbo, *Sus deudas*, Anton. Gomez *l. 40. Tauri, num. 72.* Dominus Antonius de Padilla *dict. §. si de falcidia, num. 7.* Molina *d. et lib. 1. cap. 10. num. 29.*

Contra hoc postremum est textus elegans & difficilis, in cuius explicatio-  
ne concertant ingenia præclara, scilicet lex 4. *tit. 15. part. 2.* vbi scriptum est, 15  
quod nouus Rex, idemque successor in Regno, debeat & teneatur debita præ-  
decessoris soluere, ibi: *E oirosi pager sus deudas, e en complir sus mandas, e en f. zer*  
*algo a los fijos.* Quam tamen legem Hispani Gregorius Lopez *ibidem*, Do-  
minus Antonius de Padilla *in dict. §. si de Falcidia, num. 7.* & Antonius Gomez  
*in dict. l. 40. num. 72.* Petrus Peralta *in §. qui fideicommissam, num. 138.* Molina  
*dict. l. 1. cap. 10. num. 30.* dupliciter intelligunt, primò vt procedat de honesta-  
te, non verò de iuris rigore, quia verecundum sit Regi debita emortui Regis  
non soluere: idque probant ex verbis dictæ legis 6. ibi: *E por bien estanza.*  
Itaque si verecundiam hanc omiserit Rex, quæ facile solet omitti ex hoc sen-  
su, arbitrantur non compelli posse ad debita soluenda: secundò interpretan-  
tur dictam legem 4. vt distinguant inter regnum & reliqua bona emortui Re-  
gis, præmittuntque regnum non deferri hæreditario iure, sed iure sanguinis,  
*ex l. 1. eod. tit. & part. ibi: E esto usaron siempre en todas las tierras de mundo do*  
*quier que el señorio ouieron por linea, e, è mayormente en España.* Quæ verba al-  
tius nobis sunt repetenda: aiunt ergo successorem in regno, fuisse quoque  
hæredem in reliquis bonis liberis, ac proinde teneri ad debita. Quam secun-  
dam interpretationem accipiunt ex illis verbis, *Porque finca en el lugar, e here-*  
*da sus bienes.* Et excogitata est ista secunda solutio, quæ distinguit inter reg-  
num, & reliqua bona, propterea quod lex prædicta dixerat teneri successorem  
in regno ad debita ex honestate, quia inuerecundum esset non soluere, & ex  
iuris rigore; ita vt verba illa, *Por bien estanza*, referant ad successorem solius  
regni; & verba illa, *Por derecho*, referant ad successorem regni, qui hæres  
extiterit in reliquis bonis: quin Antonius Gomez ex verbis illis, *Por dere-*  
*cho*, existimat *in dict. l. 40. dict. num. 72.* debita illa fuisse contracta in utilita-  
tem regni: quo casu ait teneri novum Regem, ex his quæ superius diximus:  
& illam interpretationem repetit idem Molina *lib. 3. cap. 6. num. 12.* qui cum  
aliis semper fuit in opinione, vt regnum non deferatur iure hæreditario:  
quod iterum, & tertio repetit *lib. 1. cap. 8. num. 9. ex dict. l. 2. tit. 15. part. 2.* ibi,  
*Do quier que el señorio ouieron por linage: & l. 9. tit. 7. part. 2.* ibi, *Por razón de*  
*linage.*

Sed hæ interpretationes mihi semper difficiles visæ sunt, qui facile credu-  
lus neque fin, neque esse velim. Quod attinet ad primam solutionem, ea vel  
ex litera ipsius legis reiicitur, siquidem dicta lex non se restringit ad solam ra-  
tionem æqui & boni, sed ad strictam quoque iuris scripti vim & potestatem,  
ibi:

ibi: *Tenulos por derecho, e por bien estanza de fazer estas cosas por el Rey finado.* Vbi illa duo verba, *Por derecho, e por bien estanza*, non fuerunt ouiosè multiplicata à legum nostrarum conditoribus, qui planè nouerant, distingui illa duo & separari, l. 2. §. item *Varus*, ff. de aqua pluuiæ arcenda, ibi: *Hoc æquitas suggerit, etiamsi iure deficiamus*, vulgata l. placuit, C. de iudiciis, l. in his, ff. de condit. & demonstrat. In his (inquit Caius) quæ extra testamentum incurrunt, possunt res ex bono & æquo interpretationem capere; ea verò quæ ex ipso testamento oriuntur, necesse est secundum scripti iuris rationem expediri. Cum igitur lege cumulata sint verba illa, non potest lex, salua & iuris & verborum recta ratione, ad alterum tantum restringi, quæ planè & expedite asserat, *E por derecho, & por bien estanza*, teneri regni successorem debita mortui soluere; quæ difficultas commouit Gregorium, & Gomezium, & reliquos, ut irent in alteram interpretationem, eam scilicet, quod Rex nouus extiterit hæres emortuo, non in regno, quod hæreditario iure deferri negant; sed in reliquis bonis, quod extorquere volunt ex dict. l. 4. ibi, *E hereda sus bienes*. Ideoque præmittunt habuisse Regem emortuum bona libera, in quibus nomen & ius hæredis consistere potest, quod quidem tum diuinatur, tum relictur ex ipsa litera dictæ legis 4. quæ ad regni quoque successionem refert ius illud debitorum exigendorum à nono Rege, ibi: *E segun iusticia, e derecho, como quiera que fizeffen a el en su muerte, assi lo deue el fazer por la anima del finado, pues que finca en su lugar, e hereda sus bienes*. Expende verba, *Segun iusticia e derecho*; & illa item, *Pues que finca en su lugar*. Quæ coacta ratione ad regnum sunt referenda, non ad bona libera; quia illa etiamsi diuinationem concedamus liberæ hæreditatis, satis explicantur per illa verba, *E hereda sus bienes*. Præterea cum duo illa verba, *Pues que finca en lugar, e hereda sus bienes*, coniungantur copulâ illâ, *E*, dicendum est esse diuersa, ac proinde priora ad regnum, posteriora ad bona libera esse referenda, admissa eorum opinione, qui ibi bona libera interuenisse diuinant, modò cum *Segun iusticia e derecho*, debeat soluere debita; & quia in regno, & in reliquis bonis successit, dicendum est, tam propter regni successionem teneri, quàm propter reliquam hæreditatem; quod magis suadetur coacta ratione ex verbis dictæ legis 4. quæ sequuntur ibi: *Pero esto deue ser fecho, de manera que non mengue el señorio, assi como vendiendo, o enagenando los bienes del que son, como rayes del reyno, mas puedelo fazer de las otras cosas muebles que ouiere*. Que verba vel ab inuito extorquebunt de successore in regno esse intelligendam obligationem soluendi debiti, quia aliàs inanis erat, & indigna tantarum legum conditoribus prohibitio illa, ne res soli ad solum regnum pertinentes propter debita vendantur, quæ securæ erant ab hac alienatione, cum in illis nulla talis obligatio reperiretur: & subdit d. l. 4. *Onde el Rey que esto non fizeffe auer, lo ayau por enacio, e por definesurado, e aun por corticero*. Expende verba illa, *Onde el rey*, ad solam enim regni successionem, non ad aliud restringit obligationem soluendi debiti: neque tam seuerè de Rege statueret, si Rex, quia regni successor, ad ea debita non teneretur: quæ rationes coëgerunt tertiam illam interpretationem, ut intelligendum sit debita fuisse contracta in utilitatem regni, quâ nulla quidem potest ad l. 4. maior esse diuinatio; hæc autem tertia interpretatio excogi-



rata est, quia duæ priores constare non poterant, omnes autem alienæ sunt à vera ratione dictæ legis 4.

Vnde Emanuel Costain *tract. de patruj & nepotis successionē, tit. de successione regni, pagina mihi 140.* tenet dictam legem 4. absolutè esse intelligendam de regno, & regni successore, ut is teneatur ad debita, argumento textus in *cap. 1. de solutionib. & cap. licet, de voto*; quia bona Regis emortui in nihilo distinguuntur in his iuribus à regno, & ex Baldo in *cap. venerabilem, num. 14.* de electione; & deferri regnum iure hæreditario intelligit cum Ioanne Cirier in *tractat. primogen. quæst. 5. lib. 2. num. 6.* & Andreas Tiraquelus *de iure primogenij, quæst. 35. n. 25. & 26.* cui opinioni nihil oberit quod ex Paulo de Castro adducitur *conf. 164. volumine 2. & Abbate conf. 85. part. 1.* Bologninus *conf. 62.* quodd reliqui maioratus Hispaniæ sint instar regni; quia non inde sequitur regnum non deferri iure hæreditario; est enim ipsa regni hæreditas, si modò hæreditas est, nobilior & excellentior, aliis legibus definita, quàm sint reliquæ hæreditates, quia vnus exclusis reliquis succedit, & est indiuiduum; isque maior natu & ætate grandior, etiam si sororem habeat grandiore: neque vnquam filia nisi deficiente masculo ad regnum admittitur, neposque ex filio maiori patrum secundogenitum excludit. Tum quia illa successio regni est ad propinquiorem eiusdem generis, maiorem ut diximus, neque ad lineam transversam vnquam deuenitur, nisi defectâ rectâ lineâ, ob idque perpetua est successio in regno, etiam si quis sit in millesimo gradu: & licet regni successio habeat has omnes prærogatiuas, nihil obstat ut iure hæreditario deferatur, retracto aut contracto hoc iure hæreditario ad has leges, quas expressit lex 2. *tit. 15. part. 2.* vnde nihil mirum, quod in aliis, quæ ex dispositione legis illius non sunt immutata, planè hæreditarium sit regnum, ita ut debita soluat tanquam hæres, & legata persoluat, quod expressum est in *dict. l. 4.* quæ duo geri citra ius & nomen hæredis vix possunt. Idem erit dicendum de obseruatione contractuum qui gesti sint cum emortuo Rege, quia in his nihil commutatum est, *dict. l. 1. & ita existimandum est, iunctis dict. l. 2. & dict. l. 4.* regnum quidem hæreditarium esse, *ex dict. l. 4.* leges tamen hæreditarias plures esse commutatas, *ex dict. l. 2.* quæ faciunt ipsum regnum veluti maioratum perpetuum, vnde cæteri maioratus leges accipiant; non tamen colligendum est, non deferri iure hæreditario, quia id *ex l. 4.* difficillimum est; ipse enim Rex Hispaniæ in hac ipsa hæreditarij regni successionē leges liberè apponere potuit, ut supremus Rex, supremus Dominus, & Rex sui iuris, ut dicunt Galli, Deo in cælis, & eius Vicario in terris duntaxat subiectus, quare ut constent duæ illæ leges 2. & 4. ita interpretandum est.

Quod ut magis pateat animaduerto Gothorum tempore ante Pelagium, Hispaniæ regnum nec iure sanguinis, nec hæreditario deferri solitum; eligebantur enim Reges, electioneque conferebatur regnum; quod tamen erat indiuiduum, *lib. 1. statim in principio, del fuero de las leyes de los Godos, cap. de la election de los Principes, e de lo que ganen. En esta ley dix como deven ser elegidos los Principes, e que las cosas que ellos ganauan, deven fincar al reyno.* Et rursum *cap. sequenti, ibi: Porende establecemos, que daqui adelante los Reyes deven ser escollidos en la ciudad de Roma, o en aquel lugar hy moriere el otro Rey,*

*e deve ser elegido con consello de los Obispos, e de los ricos homes de la corte, e del pueblo, e non deve ser escollido de fora de la ciudad, nen de consello de pocos, nen de villanos de pueblo. Et rursum in eodem capite, quod regnum erat indiuiduum, ibi: Mas las cosas que ellos ganaren, non las deve haver nengun de sos fillos, sino como mandar el Rey, e las cosas que y eran suas proprias ante que fossen Reyes, devenlas aver sos fillos y e sos heredores. Et rursum capite de los que non deven ser Reyes: Quando el Rey morre ( inquit Gothus ) nengun non deve tomar el reyno, nen fazerse Rey por forcia, nen nengun religioso, nen a otro home, nen siervo, nen otro home extraño, si non es de linage de los Godos, e fillo d' lgo, e noble, e digno de costumbres, e con el otorgamiento de los Obispos, e de los Godos mayores, e de todo el pueblo. Id ipsum patet ex Concilio Toletano IV. ultimo canone, & Concilio Toletano quinto, cap. 3. quæ loca adducit Ludouicus Molin. lib. 1. cap. 2. num. 11. & hoc est verissimum, & consentiunt omnes, ante*

18 Pelagium electos fuisse Reges Gothos, qui rebus præessent Hispanis, nec successione aliqua delarum esse regnum. Quod verò legitur in dicta lege Gothorum, *Que de aqui adelante los Reyes deven ser esleydos en la ciudad de Roma*, Ludouicus Molina intelligit nomine ciuitatis illius ( cum Latina exemplaria legant, non Romæ, sed in vrbe Regia ) Toletum; quod quidem neque ausim comprobare, neque reprobare: existimo sustineri posse lectionem vulgatam, ut reges Gothi electi sint Romæ, vel in Hispania in vrbe vbi mortuus erat Rex; quod vel ex hoc carmine Hispano satis constat, quod vulgo de electione Bambæ Gothi circumfertur, in qua electione propter varias sententias Hispanorum, Romam ad Summum Pontificem itum est, qui de ea re statuit quod faciendum foret: plurimum enim in creandis nouis Regibus poterat Episcoporum autoritas, ut pater ex prædictis locis, quibus dissentientibus necesse erat, ut contentio electionis Romæ à Summo Pontifice definiretur; ideoque constitutum erat, ut vel Romæ propter varia studia Principum & Episcoporum, vel his non pugnantibus, neque dissentientibus, fieret electio in vrbe in qua Rex Gothus moreretur: quodque ait prædicta lex, *E non deve ser elegido de fuera de la ciudad*, planum habet sensum, ut non eligatur Rex, nisi ex eis, qui in vrbe reperiantur ad electionem faciendam. Erat enim Pontificis Maximi sacrosancta autoritas, qui Hispaniam concesserat Gothis debellandam, propter prauos mores, & noua dogmata eorum qui ea ætate Hispaniam incoluerant; vel ad Summum Pontificem saltem discordantibus Gothis spectabat electio Romæ tunc facienda. Atque hæc fuit Gothorum ratio in creandis Regibus longissimo temporis cursu obseruata, quousque à Mauris qui Mauritaniæ incolebant, tradentibus aliquot Hispanis ob priuatas simultates, deuicta & expugnata est; vnus enim Pelagius cum paucissimis relictus ex antiquo & nobili Gothorum genere, ne partium diuersarum studia quod sibi reliquum erat ex vniuersa Hispania acciperent, néve paucorum ambitio, & desperatum regnum, si electione conferretur, vires alioquin exiguas minueret, electione propter regni firmitatem reiecta, sanctissimè constituit, ut regnum deinceps non electione, sed successione conferretur; sic enim existimabat, obfirmata Hispanorum fide, reiectaque belli ciuilis causa, quod nisi ob regnum excitari non poterat, certo subinde Rege posse Hispanos, licet in



extremo malo constitutos , pro sua antiqua animi magnitudine , quod turpiter amiserant , fortiter recuperare : quæ Pelagium minimè decepit opinio. Refer-  
tur hæc lex edita à Pelagio à Luca Tudenſi in ſuo chronico, licèt aliqui Co-  
dices de lege illa mentionem non faciant , & ex relatione Tudenſis refert  
Ioan. Lup. de Palac. Rub. *de obtentione regni Nauarra*, part. 6. §. 9. & in rub.  
§. 69 num. 26. Quicquid de lege illa , quam refert Lucas , & poſt eum Palacios  
Rubios ſit , certè à Pelagio ad promulgationem uſque legum Partitarum,  
non ſolùm ceſſauit electio , quæ fuerat priſcis Gothiſ , verùm varius fuit &  
incertus modus ſuccedendi in Regno ; & ſi verum amamus , Regnum certè  
Hiſpaniæ hæreditario quodam iure delatum eſt. Leges autem Partitæ licèt à  
Rege Alphonſo Nono conditæ ſint , quod patet in proœmio ipſarum legum,  
publicatæ tamen non ſunt ad tempora uſque Alphonſi Vndecimi , qui primus  
conſtituta lege præcepit , vt Partitarum leges in decidendis cauſis obſerua-  
rentur , era milleſima trecentefima octuageſima ſexta , l. 4. titulo 4. lib. 1. *Ordina-  
tionum antiquarum* , ibi : *Mandamos que ſe libren por las leyes conuenidas en los  
libros de las ſiete Partidas, fechas y ordenadas por el Rey don Alphonſo nueſtro  
progenitor*. Itaque à Pelagio ad Regem uſque Alphonſum Vndecimum , quo  
tempore dicta lex 2. titulo 15. *partit. 2.* publicata eſt , quæ regni ſucceſſioni  
certam rationem appoſuit , varius fuit modus ſuccedendi ; ſed ille magis ob-  
ſeruatus eſt , ex veriſſima rerum geſtarum ſerie , qui propiùs ad hæreditaria  
iura accedebat , & regnum Hiſpaniæ hæreditarium eſſe cœpit , reiecta electio-  
ne , nullaque , vel ea ambigua de Regni ſucceſſione lata & conſtituta lege,  
quam modò non habemus niſi ex relatione Tudenſis Lucæ ; quam tamen ali-  
qui codices antiqui & manuſcripti non habent ; vnde toto illo tempore variè  
de regni ſucceſſione diſputatum eſt , vicitque illud quod ad hæreditatis delatæ  
iura magis pertinebat ; vt veriſimile ſit , ad legem uſque partitæ à Pelagio  
Regni ſucceſſionem in nihilo ſeparatam eſſe à ſucceſſione reliquarum hære-  
ditatum , quas Hiſpaniſ viriſ viri Hiſpaniſ relinquerent : nam primum Rex 20  
Fernandus , cognomento Magnus , era milleſima nonageſima tercia , regnum  
Hiſpaniæ tanquam hæreditatem paternam diuiſit inter liberos , obſeruata ra-  
tione legis *hac conſultiſſima* , §. *ex imperfecto* , *Cod. de teſtamentiſ* , & l. 7. tit. 1.  
*partit. 6.* quæ plures poſt annos lata eſt ; ſiquidem quatuor filiis Sancho , Al-  
phonſo , Garcia , & Vrracæ , vniuerſo patrimonio per partes diſtributo , to-  
tam hæreditatem reliquit ; & quamuiſ Sanchus natu maior primùm reſtiterit,  
poſteà tamen conſenſit : ex eo autem reſiſtebat , quia exiſtimabat , Hiſpanam  
ditionem diuidi non poſſe , quòd ita uſitatum eſſet Gothiſ ; pater autem ſan-  
ctiſſimus , quia ius illud Gothorum tanquam nouiſ inductiſ moribuiſ , vel le-  
ge noua conſtituta , abolitum , & extinctum eſſe nouerat , non deſiit regna  
veluti patrimonium diuidere , in qua quidem ætate , & in obſcura ratione ſuc-  
ceſſionis rectiùs eſt , vt pro parente Fernando pronuntiemus , qui Regna inter  
liberos diuiſit , idque ex teſtamento ; quàm pro Sancho , qui vt diuiſionem 21  
impediret , ne diuiderentur , antiquam , aut potiùs antiquatam conſuetudinem  
Gothorum adducebat ; cuius querela non ſolùm non commouit parentem , vt  
ab incepto deſiſteret , ſed magiſ vt animum ſuum confirmaret ; videbat enim  
à Pelagio longè aliam rationem eſſe initam ſucceſſionis , quæ leges hæredita-

- rias subiret; idque magis mihi persuadeo ex eo quia factâ illâ regnorum diuisione, cùm ad Regem accederet Rodericus de Viuar, cognomento Cidius, & Fernandus Regis filius nothus, purpurei galeri insignibus decoratus, causamque diuisionis eius à Rege percontarentur, eas Rex prudens causas explicuit, quæ proculdubio ad hæreditatem pertinent, admittendam, vel consequendam; causas enim ingratitudinis retulit, quas Sanchus filius maior natu commisisset, ibi: *Cayo di a don Sancho a Castilla, que es flor de los Reynos, mas no plega a Dios que los el logre, ca dos vezes me deshonrró en mi casa, e firio mal a don García, e a don Alphonso, ambos hermanos ante mi, de que me coue por abilitado, e mande Dios, que nuncha fijo haga que mande el Reyno.* Ex quibus etiam si
- 22 ad Sanchum regna omnia pertinuerint, pronum erat exhæredatum illum fuisse pro parte: constat autem sustineri exhæredationem pro parte instituto exhæredato filio in re certa; quia cùm de supplenda portione integra agit, obiciuntur causæ exhæredationis: quam exhæredationem pro parte, facta institutione in re certa, fundat Angelus de Perusio *in l. si pater, Cod. de institutionibus & substitutionibus*. Merito igitur Sancho relictum est regnum Castellæ, appositis causis exhæredationis, vt si regnum diuidi non posset, quod tamen fieri posse existimabat Rex Fernandus, saltem Sanchus exhæredatus pro parte reperiretur: vtrumque autem, vt patet ad oculum, ad regni hæreditariam successionem pertinebat, siue vnus, siue plures succederent; sicque existimandum est, nihil statuisse ea ætate Regem optimum, quod contra iura sui regni dispositum videri posset. Obtinuitque diuisio, & iureiurando Sanchi religiosè approbata est, ibi: *E alli a iuramento otra vez el Rey don Fernando a sus fijos, e dio maldicion, al que fiziesse cambio por cambio, ni tomasse ninguna cosa, a pesar de sus hermanos, o ellos prometieronlo, e otorgaronlo.* Mortuo verò Fernando, Sancho aduersus sororem bellum suscipiente, ipse ob contemptam religionem Deum habuit authorem pœnæ, vlciscente diuina ira iurandi contemptum, & diuisionem regnorum factam non obscuro iudicio approbante, vt facile sit, vel ex hoc exemplo, & rei gestæ narratione à Pelagio hæreditarium fuisse Regnum Castellæ, quod diuideretur tanquam hæreditas; & quædam veluti exhæredatio reperiatur. Iterumque regna diuisa sunt iure
- 24 quodam hæreditario; Alphonso enim, qui cognomento Imperator dictus est, mortuo era millesima centesima nonagesima secunda, relictis duobus filiis, Sancho, & Fernando, alter Castellam, alter Legionem obtinuit, durauitque diutius ea diuisio, quousque iterum ad Castellæ ditionem hæreditario iure Legionense regnum reuersum est; de quo meminit Ludouicus Molina *lib. 1. de Hispanorum Primogeniis, cap. 2. num. 15.* quin immò & Alphonfi Noni tempore variè de regni successione disputatum est; mortuo enim Fernando Regis Alphonfi filio natu grandiore, relictoque filio Alphonso Regis nepote, Sanchus cognomento postea Ferox vocatus, à feritate innata, quâ contra iuris diuini & humani leges omnes parentem de se optimè meritum bello impetritum regno tandem repulit, quia post Fernandum emortuum maior reperiebatur idem Alphonfi Regis filius, regnum ad se pertinere mortuo fratre maiore, viuo vtriusque parente, dicebat simul atque Rex moreretur, etiam si frater maior natu filium reliquisset: & tum primum orta est in Hispania quæ-



stio de patruī & nepotis successione; non poterat autem lege Partitæ definiri, quæ, vti diximus, nondum erat publicata; ita enim Sanchus mortuo fratre successionem sollicitabat, vt est in chronico Alphonſi Noni: *E lue o don Sancho fablo con don Lope diaz, e dixole, que pues el fincaua el mayor de sus hermanos, que el deuia heredar los regnos despues de dias de su padre, e que le rogaua le ayudasse.* Obtinuitque regnum Sanchus secundo genitus expulſo nepote ex filio maiore, qui tamen parentis testamento exheredatus est: ita refertur in testamento Regis Alphonſi Noni, quod est post eius chronicon: *Porende nos sigiondo esta carrera despues de la muerte del infante don Fernando nuestro ſijo mayor, como quier que el ſijo dexasse de su muger de bendicion, si el viniera mas que nos, por derecho deue heredar lo ſuyo, eſſi como auia de heredar el padre; mas pues que Dios quiso que salieſſe de medio que era linea derecha por descendencia el derecho de nos a los ſus ſijos, e nos catando el derecho antiguo, e la ley de raxon, segun el fuero de España, otorgamos entonce a don Sancho nostro ſijo mayor que lo ouieſſe en lugar de don Fernando, porque era mas llegada por linea derecha que los nuestros nietos, ſijos de don Fernando, e esto deximos y otorgamos gelo, mas complidamente, que gelo podiamos dar, e otorgar, fiando en la merced de Dios, que pues el es rey de todos los bienes, derechos que furia a don Sancho que lo entendiess.* Quæ verba me magnopere commouent, cum ab eo dicta sint, qui iam lege lata, non tamen publicata, potioreſt statuerat causam in successione regni nepotis quàm patruī, ſcilicet dict. l. 2. tit. 15. partit. 2. ac id quidem conſtituerat ex inueterata conſuetudine Hispaniæ, vt refertur in dict. l. 2. ibi: *Tau mandaron, que si el ſijo mayor murieſſe ante que heredasse, si dexasse ſijo o ſija que ouieſſe de su muger legitima, que aquel, o aquella lo ouieſſe, e non otro ninguno.* Ego tamen arbitror hoc de patruo excludendo à nepote, in dict. l. 2. additum fuiſſe

26

27

Denique Sanchus conſentiente & approbante parente excluſo nepote regnum obtinuit, & à successione regni poſteà ab ipſo parente exheredatus est, quod pater in dicto testamento, ibi: *E otrosi el ſijo que desheredare el padre contra mandamiento de Dios, e que lo manda la ley aquien quier que padre o madre desheredare, que muera por ello, e porende don Sancho porque lo fizo contra nos deue ſer desheredado. Otrosi por el desheredamiento que nos fizo tomando nuestros heredamientos, a muy gran quebrantamiento de nos, no queriendo esperar faſta la nueſtra muerte, por auerlo con derecho como deuia, es desheredado de Dios, e de natura, e nos desheredamoste. Otrosi por fuero ley del mundo, que non heredade en lo nueſtro, el ni los que del vinieren. Otrosi porque nos desapodero del mayor desapoderamiento que nunca fue fecho a home, deue el ſer desapoderado contra verdad, e contra derecho, deximos nos contra el, aquel mal que Dios eſtalleſcio contra aquel que tales cosas fizieſſe, esto es, que ſea mal dicho de Dios, e de ſanta Maria, e de la corte ceſteſtial, e de nos, por el diſfamamiento que fizo de nueſtra perſona, diſfamamoste nos de aquel diſfamamiento que el ſe quiso auer.* Plura alia ſunt quæ ad exheredationem pertinent, grauiffima alia quidem, & tanto Rege digniffima; protinuſque in diſpoſitione ad regni ſucceſſionem vocat nepotes ex filio Fernando natu grandiore, his verbis, ne cui dubium ſit factam fuiſſe exheredationem de regni ſucceſſione, ibi: *E porende ordina-*

mos, e mandamos, e otorgamos en este nuestro testamento, que nuestro señorio mayor de todo lo que auemos, e auer deuemos, finque despues de nuestros dias a nuestros nietos, hijos de don Fernando nuestro fiyo, que fue primero heredero, de guisa que el mayor herede el señorio. Et rursum ibi regni successioni substitutionem facit, ibi: *E ordenamos aun mas, que si hijos de don Fernando moriessen, que deniessen heredar, que tome este nuestro señorio el Rey de Francia, porque vienne derechamente de línea derecha, onde nos venimos del Emperador de España, e es visnieto del Rey don Alfonso de Castilla, bien como nos, e es nieto de su fijo.* Quæ exheredatio certè fieri non potuit, nisi regnum iure hæreditario deferretur; sic enim distinguunt nostri: & quamuis in primo institutore maioratus latè disputent, an possit exheredare, vt per Carolum Molineum in *consuetudinib. Parisiensib. tit. 1. §. 8. gloss. 3. num. 12.* Peralta in *l. 3. §. qui fideicommissam, num. 86. ff. de hered. instituend.* Dominus Antonius de Padilla in *l. vnum ex familia, §. si de Falcidia, num. 16. ff. de legat. 2.* Emanuel Costa in *questione de patris & nepotis successionem, pag. 252.* Menchaca de *successionum creatione §. 21. num. 146.* Tiraquellus de *primogen. quest. 21. num. 4. & 10.* Guillelmus Benedictus in *cap. Raynuitius, verb. in eodem testamento, el 1. num. 207.* tamen in casu, in quo iure particulari vocationis, non hæreditario succedatur, non ab vltimo possessore capiendo, sed à primo institutore, proculdubio exheredatio facta ab vltimo possessore nihil obest successorì, cùm ab eo nihil accipiat: ita concludit Carolus Molineus *vbi supra, num. 10.* Antonius Gomezius in *l. 40. Tauri, num. 71.* & resoluit & dicit verissimum idem Molina *lib. 1. cap. 9. num. 2. ve. sic. aut agimus.* Cùm igitur regna inter hæredes diuisa sint, & successor sit exheredatus ab vltimo possessore, procul dubio dicendum est, deferri regnum iure hæreditario. De

28

ea autem exheredatione Sanchi latissimè disputatum est post plures annos; sola enim illa exheredatio conseruauit Hispaniæ regnum Ioanni I. filio Henrici I. contra Halencastrum Britannum, coniugem Mariæ filiæ Petri Regis, cognomento Crudelis; qui Halencastrus contendebat restituendum esse sibi Hispaniæ regnum, qui filiam maiorem natu Petri, cognomento Crudelis, duxisset: porrò Ioannem primum filium esse Henrici, qui fratrem verè Regem regno repulisset, deinde occidisset. De eaque re variè disputatum est ab vtriusque Legatis ad Pagum Valderas, qui non longè distat ab Vrbe Astoricensi; totaque causâ Ioannis Primi deriuata est ab exheredatione Sanchi; refertur in chronico Ioannis Primi, vbi pulchrè de regni iure actum est; dignares, quæ sæpiùs perlegatur: quin quod idem Rex Alphonfus debita præcepit vt à regni successore soluerentur in eodem testamento. Verissimum ergo est, quod licet tempore Gothorum regnum ex electione cederet, à tempore Pelagij ad publicationem legum Partitarum hæreditarium fuisse, vt quod inter liberos diuisum sit, & exheredationis iura admiserit.

29

30

At verò dict. *l. 2. tit. 15. partit. 2.* certus modus constitutus est successionì, vt filius maior, mortuo patre, ad regnum admitteretur: quod verò subdit dicta lex 2. *Do quier que el señorio ouieron por linage, e mayormente en España,* ad Pelagij tempora referendum est, non ad Gothorum tempora: item quod successio fiat ex recta linea, deficiente filio maiore, vnde filia quoque admissa est defecto masculino, ibi: *Que si fijo varon y non ouiesse, la fija mayor*



mayor heredasse el reyno; vtque nepos ex filio maiore patrum excluderet, ibi: *E aun mandaron que si el fijo mayor moriesse ante que heredasse, si dexasse fijo, o fija que ouiesse de su muger legitima, que aquel, o aquella lo ouiesse, e non o.ro.* Ex his omnibus autem nusquam ablata est hæreditaria qualitas; immò lex ipsa hæritatem esse significat repetito illo sæpius verbo, *Heredasse*; verbumque illud, *Por linage*, quodque ex eo volunt deducere, vt regnum deferatur iure sanguinis, non iure hæreditario, primò referunt ius antiquum, quod centè hæreditarium fuit, ex his quæ diximus suprà. Præterea nihil obstat vt bona aliqua deferantur propinquiori, & retineant iura & qualitates hæreditarias; quod in Gallia recipitur in maioratibus, qui iure præcipui filio maiori competunt, de quibus Tiraquel. Carolus Molineus, & Guilielmus Benedictus *ubi sup.* ob idque semper leges Partitum retinent nomen *heredar*; nam in *l. 3. dict. tit. 15. part. 2.* verbum illud reperitur, ibi: *La octaua, que sean tales, que no codicien heredar lo suyo, eny dando q e han derecho en ello, despues de su muerte;* quod in pupillo ad regni successionem proculdubio referendum est, ac statim sequitur lex 4. quæ de debitis est, & legatis soluendis, quæ proculdubio de regni successore est intelligenda: ex qua *dict. l. 4.* iuncta *dict. l. 2.* necessariò deducendum est, quia de debitis & legatis nihil in *l. 2.* fuerat dispositum, remanere intacta quantum ad hoc iura hæreditaria; & quæ de debitis & legatis præstandis statuta sunt in reliquis hæreditatibus, idem de contractibus statuendum censeo, de quibus nihil sit dispositum in *d. l. 2.* cum tamen aliæ leges obseruentur, quæ de alienatione constitutæ sunt, *l. 5. cod. tit. & partit.* & nouioribus postea latis, de quibus nihil ad nos. Est ergo regni successio illustrior, excellentior, nobilior, & tota particularibus legibus definita, quæ perpetuam regni conseruationem pollicentur; vnde perpetua quoque maioratum conseruatio postulata est; ob id tamen sicut reliqui maioratus indignior qualitates hæredis non amittit, successor in regno, immo hæres verè est, & debita soluit, & legata præstat, & contractus obseruat, obseruata vetustate, & antiqua ratione successionis, quæ eatenus correctæ censeri debet, quatenus *dict. l. 2.* immutata reperitur: hinc est vt nomine expensarum & meliorationum, quæ fiunt ad regni conseruationem, & defensionem, ornatum, vel splendorem, perpetuo tenore à Gothis ad nostra vsque tempora nihil vnquam à coniuge, & reliquis filiis sit petitum; quia scilicet vnum regnum est, & indiuiduum, etiam si ex ædificiis, vel aliàs expensæ procedant; instar quæ regni de reliquis maioratibus constitutum est, *l. 46. Tauri.* Iam enim tum à Gothis hæc lucra Regno cedebant, *dict. l. 2. in princip. del fuero iuzgo*, ibi: *Mas las cosas que ellos ganaren, non las deue auer ninguno de sos fillos.* Alias enim breuiter periret Regnum, quæque ad *l. 46. Tauri*, adduximus, multò fortius in Regno admittenda sunt.

Hinc puto deriuatum, vt Regnum propter hæresim auferendum sit ab hæretico Rege, & ab eius liberis; quod tenent eruditiores: vide Iacob. Simancæ *libro disputat. cap. 16.* & ibi quid verba illa *iure sanguinis*, significant, qualiterque sint accipienda.

Plura enim regna iure hæreditario deferuntur, vt patet ex his quæ refert Oldradus in *cons. 94. & sequentib. & consil. 230.* Albericus in *proemia Digesto-*  
rum,

*rum*, §. *discipuli*, & in *l. fin. Cod. de donationibus inter virum & uxorem*. Petrus de Ancharano in *cap. licet, de voto*, Panormit. in *consil. 3. lib. 2.* Martinus Laudensis in *tractat. Primogenij, in fine*. Et tamen in his regnis hæreditariis, ut patet ex his quos retulimus, omnia ferè sunt, quæ admittuntur in regnis non hæreditariis; vnus enim admittitur, natu grandior, excluditur scæmina, indiuiduum regnum est, admittuntur autem reliquæ qualitates hæreditariæ, quæ solent recipi in priuatis successioneibus; quin quòd omnes agnoscunt regnum Vngariæ esse hæreditarium, in *cap. licet, de voto*, & Oldradus *consil. 93. num. 16.* & Martinus Laudensis *ubi supra, quaest. 19.* & Ripa in *l. nemo potest, num. 7. ff. de legatis 1.* asseuerant generaliter Regem posse priuare primogenitum filium regno propter legitimam ingratitudinis causam, iuxta §. *causas, in auth. ut cum, de appellat. cognosc. collat. 8.* & licet Guillelmus Benedictus *ubi sup. num. 209.* & Molineus *ubi sup. num. 12.* intelligant contrarium in Delphino Franciæ, tamen id Guillelmus Benedictus *num. 209.* dubitat: in Hispania certè facta semel exhæredatio magnum argumentum præstat ut possit fieri, cum nihil contrarium dispositum reperiatur: pro quibus quoque maximè facit diuisio illa, quæ facta semel ac iterum est à Regibus Hispaniæ, quæ ad iura hæreditaria maximè accedit, ex his quæ adducit Baldus in *authent. hoc amplius, Cod. de fideicommissis, num. 10.* ubi quærit, an filij Regis possint diuidere Baronias inter se, ut eurent futuras dissensiones? & respondet posse de consensu patris, & licere ipsi Regi id facere, vel renocare dum viuit. Vnde in diuisione illa, quam adduximus, facta semel, & iterum, consensus filiorum & viuentis Regis expectatus est: ex quibus, ni fallor, nihil oberunt disposita in *dict. l. 2. tit. 15. part. 2.* cum ea omnia admittantur in regnis hæreditariis, neque destruant reliquas hæreditarias qualitates, quæ inibi immutatae non reperiuntur. Ex quibus quantum coniector multa deducebat Emanuel Costa, præceptor meus, in quæstione de patris & nepotis successione, de regni successione, *pagina mihi 135. & sequentib.* quæ quidem cum dicta sint à viro iuris scientissimo, acutè, eleganter, & ex fundata iuris ratione, & serie rerum antiquarum, planè non sunt commerita, ut errores vocentur; honestiùs, præsertim cum mortuis, luctandum est, ne videamur emortui leonis barbam vellere. Meritò ergo regnum à maioratu separamus, quia separatam habent rationem, licet doctiores bis ac ter nihil inter vtrumque distinguant: illud verò mihi quoque referre liberum est; hæc tibi videntur, illa verò mihi.

- 32 Præterea facit pro prædictis caput *licet, de voto*, iuxta veram & elegantem interpretationem eius decisionis, quam relatis reliquorum interpretationibus trademus; sic enim constituit communis & recepta sententia cum glossa in *dict. cap. licet*; quod ideo ibi in specie proposita filius Regis Vngariæ amisit regnum integrum propter non adimpletum votum parentis, & non legitimam portionem duntaxat, quia scilicet portio legitima, quâ solum primâ facie videbatur priuandus, non poterat deduci à regno, quia regnum erat indiuiduum: aiunt enim, quod quamuis propter adimpletum votum parentis non possit legitimâ priuari, notat Cardinalis, Abb. & Imol. in *cap. si hæredes, de testamentis*, ubi Couarruias *num. 9.* Segura in *l. 3. §. final. ff. de liberis & posthu-*



*mis*, Ioannes Cirier, qui latè tradit, *de primogen. lib. 3. quest. 6. num. 15.* Carolus Molineus *vbi supra, num. 19. dict. tit. 1. §. 8. gloss. 3.* id tamen aiunt non habere locum, neque esse recipiendum in regni successione, in quo legitima non potest deduci à regno, quia regnum vnicum est, & indiuiduum, ob idque integrè regnum amittitur: quæ quidem interpretatio satis conuenit his quæ diximus; in regno enim, quantumvis hæreditario, singularia quædam constituta sunt, quæ regni successionem separant à regulis vulgaribus reliquarum hæreditatum; quod patet vel *ex dict. l. 2. tit. 15. part. 2.* & fatentur omnes qui de regnis hæreditariis verba faciunt.

Ex qua communi interpretatione deducebat Rodericus Suarez *in l. quoniam in priorib. Cod. de inofficioso testamento, in princip. num. 20.* vt scilicet, licèt verum sit, quod iuxta decisionem eius legis omne grauamen de legitima reiiciatur, vnde reiiciendum quoque esset voti adimplementum, & quodlibet onus legati, quantumvis pij appositi; tamen illud fallit, quando hæreditas consistet in regno, seu alia dignitate indiuidua; quia tunc ratio illa indiuidui faceret vt filius legitima priuaretur, ex decisione dicti capitis *licet*; qui intellectus pendet ex communi interpretatione *ad dict. cap. licet.*

Hostiensis, Ioannes Andr. & communiter omnes *in eodem cap. licet*, & glossa & Scribentes *in cap. si hæredes, de testamentis*, ex eo quibque filium priuatum regno esse aiunt, quia non adimpleuit contenta in paterno testamento; aiuntque esse inibi casum specialem, scilicet fauor testamenti, & piæ causæ; istumque intellectum sequitur Petrus Peralta *in l. 3. §. qui fideicommissum, ff. de hæredibus instituend. num. 86.*

Ioannes Cirier *de primogenio lib. 3. quest. 6.* Guillelmus Benedictus *in cap. Raynutius, verbo si absque liberis moreretur, el 2. num. 21.* Carolus Molineus *vbi supra, tit. 1. §. 8. gloss. 3. num. 10.* Couarruias *in dict. cap. si hæredes, numero 10.* Gregorius Lopez *in l. fin. tit. 10. part. 6. in gloss. fin.* Antonius de Meneles *in authent. hoc amplius, Cod. de fideicommissis, num. 18.* Ludouicus Molina *lib. 1. de Hispanorum Primogeniis, cap. 9. num. 5.* aliter interpretantur textum *in dict. cap. licet*, ideo ibi filium priuatum fuisse regni successione, quod ipse se expressè ad votum paternum implendum adstrinxit; quod probant ex litera ibi: *Et id assumpto crucis signaculo te sine dilatione adimpleturum esse promissisti.* Et iterum: *Ne si onus tibi à patre iniunctum, & à te sponte susceptum.* Et iterum: *Debitum accepta crucis exsoluens, propositum iter accipias.*

Innocentius, & eum secutus Emanuel Costa *vbi supra*, tenent regnum hæreditarium esse, ob idque nihil perspiciendam esse obligationem filij, qui etiam si voto non se adstrinxisset, ire tamen Hierosolymam in manu forti teneretur; quod, vt ipsi dicunt, regnum hæreditas sit, & hæreditariis legibus alioqui non antiquatis subiaceat: hanc autem aiunt non esse antiquatam, neque de medio ablatam.

Hi ferè sunt sensus *ad dict. cap. licet*, qui proculdubio bifariam diuiduntur, qui enim priuationem regni ad obligationem filij referunt, ferè in eo sensu sunt, vt regnum hæreditarium esse, aut deferri iure hæreditario negent; tunc enim quia filius regnum accipiens nihil ex eorum sententia recipiebat à patre, in nihilo quoque ad votum obligatus erat paternum; ideo autem, quia se ad-

strinxit libens ac volens, compellitur ire Hierosolymam in manu armata: quod si regnum hæreditarium esset, ex horum sententia non esset necessaria propria filij obligatio, qui satis ex ipsa recepta hæreditate obligaretur: simile aiunt de maioratu, quem pater non instituit, ut filius non adimplens voluntatem patris non possit priuari eo maioratu, quem filius iure sanguinis ab institutore accipit, non à parente. Ioannes Cirier *de primogenio lib. 3. quest. 6.* Palacios Rubios *in repet. cap. per vestras, folio 83. num. 42.* Carolus Molineus *ubi supra*, & Guillelmus Benedictus *ubi supra, dict. verb. si absque liberis moreretur, et 2. num. 216.* & ita ex hac interpretatione tenet Molina *ubi supra, n. 4.* Denique ex eo, quod filius propria voluntate se obligavit & adstrinxit ad voti piæ adimplementum, arbitrantur regnum non delatum esse iure hæreditario; quia si iure hæreditario deferretur, nulla talis obligatio filij esset necessaria, neque proposita: quæ interpretatio optimè priuationem regni deducit ex obligatione propria; perperam tamen ex eo in proposita specie dicti capitis *licet*, arbitratur regnum non deferri iure hæreditario, quasi aliàs non sit necessaria obligatio filij, si regnum uti hæreditas deferretur; patebit enim regnum delatum etiamsi sit iure hæreditario, quod *suprà* probauimus, necessariam adhuc fuisse obligationem filij, ut ad implendum votum parentis compelli posset, ita ut non sufficiat in proposita specie dicti capitis *licet*, regnum esse hæreditarium, & filium Regem in regno quoque hæredem, ut compelli possit ad exequendum votum patris, nisi particulari obligatione filius seipsum ad id adstrinxerit.

Qui autem regnum hæreditarium esse contendunt, nihil faciunt ad obligationem filij, quasi ea necessaria non sit, cum filius hæres satis hæreditatem ingressus, actiones omnes pro ipso accipiat, & contra ipsum patiat; quod tenent Innocentius & Emanuel Costa. Denique qui has cruces effugere conati sunt, ad fauorem piæ causæ occurrunt: omitto communem sententiam, quæ cum regnum hæreditarium esse dicat, in regno legitimas portiones esse conatur, quas tamen amittant filij propter rationem indiuiduam; quæ in successionem regni reperitur. Quæ communis opinio, & recepta sententia de obligatione illa filij nihil curauit; quem satis ex eo obligatum esse extitima-uit, quia hæres in regno hæreditario, tanquam in hæreditate accepta reperi-ebatur.

Ego autem sic constituo, regnum Vngariæ hæreditario iure deferri, & filium Regem hæredem extitisse parenti in regno hæreditario, quod communi sententiæ receptum est *in dict. cap. licet*, ex recepta interpretatione, & patet ex litera textus *in dict. cap. licet*: tum etiam constituo necessariam adhuc fuisse Regis filij obligationem, ut ad exequendum votum emissum à parente compelli posset; & iustissime *in dict. cap. licet*, Summum Pontificem expendisse obligationem filij Regis, etiamsi hæres esset, quia sine voluntaria illa obligatione filij, quantumvis hæredis, ire Hierosolymam nunquam compelleretur: vnde cessant considerationes illæ ex obligatione personali, quia obligatio illa personalis non ademit qualitatem hæredis; rursumque etiamsi filium hæredem fateamur parenti in regno, adhuc necessaria fuit obligatio, neque solæ hæreditariæ actiones compellere poterant filium, ut votum pa-



rentis adimpleret. Nota enim est distinctio in illa quæstione, an hæres teneatur adimplere vota testatoris sui, quæ distinguit inter votum reale & votum personale: vota realia sunt quæ pendent quoad implementum ex bonis & rebus testatoris, quale est si testator vouerit se Ecclesiam ædificaturum, aut centum expensurum charitatis, & pietatis causâ, quia hæres qui debita soluit, vota quoque hæc realia omnino adimplet, & ex eo solum compellitur, quod hæres sit eius qui vouerit; aliud autem est votum personale, quale votum continentie, vel ieiunij est; & in eo genere si quis votum voueat adeundi compostellam, vel Hierosolymam, quæ adimplere nequit ipse, non hæres, quia hæres, tenetur, nisi se ad executionem propria voluntate adstringat, siue filius sit, siue alius, nihil distinguimus: notant Panormitanus & reliqui in dict. cap. licet, glossa in l. 2. ff. de pollicitationibus. Paludanus in 4. distinct. 38. quest. 3. art. 3. Nauarrus in Manuali, cap. 12. num. 56. qui allegat legem 2. ff. de pollicitationib. ubi subdit, quod si testator vouerit votum, partim personale, partim reale, veluti si promiserit adire Compostellam, & ibi mille piè & religiosè expendere, quod hæres mille expendet, Compostellam verò ire minime compellitur: quod si solum votum personale expressum sit, nihil verò exprimatur reale, tunc etiam si quippiam in consequentiam voti personalis accedat reale, cum accessorium sit ad votum personale, ait in nihilo teneri hæredem: quod explicat in eo qui vouit, & promisit, se religionem ingressurum, vt hæres neque obligatus sit ingredi monasterium, neque monasterio reddere quod aliàs ex bonis habiturus erat, si testator ingressus esset, argument. l. cum principalis, ff. de regulis iuris, cap. accessorium, de regulis iuris lib. 6. modo quo in dict. cap. licet, si Rex Vngariæ vouisset se visitaturum Hierosolymam, quod quidem votum erat personale, necessaria fuit obligatio Regis, eiusdemque filij, quantumvis hæredis: & rectè contenditur regnum Vngariæ esse hæreditarium, & delatum fuisse iure hæreditario, & coactum fuisse filium, eundemque hæredem, ex promissione particulari, quam fecerat; quia aliàs compelli non poterat, & meritò priuatur successione, vt inquit textus in dict. cap. licet, hoc est regno, quia regnum illud hæreditarium totum & solum erat & indiuiduum, licet hæreditarium: ex quibus cessant omnia, quæ circa dictum caput licet, somniant interpretes; & facit apertè dictum caput licet, pro his quæ diximus, vt regnum sit hæreditarium, & deferatur iure hæreditario; licet sit indiuiduum, quia nobilior hæreditas est nobilioribus legibus definita, quàm sint reliquæ hæreditates; quæ leges expressè sunt singulæ in dict. l. 2. tit. 15. part. 2. in reliquis autem consistendum est admittendas esse cæteras leges, quæ in priuatis hæreditatibus recipiuntur: ex quibus, ni fallor, successor in regno debita soluet, & legata præstabit, & contractus obseruabit; quæ tamen regnum indiuiduum, & permansurum neque diuidant, neque minuant, aut labefactent. Hactenus de debitis: quod à nobis candidè dictum sit veritatem indagantibus, non obstinatè, si quis in aliam sententiam rationem trahere velit.

Ex quibus, ni fallor, absolutum est, maioratus successorem non teneri soluere ea debita, de quibus egimus, quamuis contrarium in regni successore sit recipiendum: quod tamen vt perficiamus, limitabat Dominus Antonius

Meneses de Padilla *in dict. §. si de Falcidia*, num. 11. in impensa funeris, facta ad sepeliendum mortuum ultimum possessorem, vt successor maioratus solvere teneatur: quod ipse censuit ex ratione, quæ mouit Iureconsultum Pomponium *in l. quod si nulla, ff. de relig. & sumpt. funeris*, quia non possit non videri iniuriâ successoris insepultus & inhumatus mortuus possessor maioratus: idque in feudi successore animaduertat Matth. de Afflictis *in cap. 1. an agnatus vel filius*, num. 15. & licet Molina *dict. cap. 10. num. 33.* teneat contrariam opinionem, non dubium est, quin Matthæus de Afflictis, & Dominus Antonius de Meneses perspexerint dictam legem *quod si nulla*, versari in casu & specie longè alio quàm maioratus; sed tamen doctè & cordatè animaduertunt rationem eius decisionis versari in successore maioratus, sicuti in feudatario, & vxore, vel marito; cumque sit eadem ratio, necessariò fatendum est esse eandem iuris dispositionem; cur enim patietur nouus maioratus possessor antiquum iacere inhumatum, genere sibi coniunctum, de propria familia, cum quo sibi charitatis affectio, & affectionis causa intercedat? Certè Matthæi, & D. Antonij opinio æquitate plenissima videri poterit iudici cordato, & prudenter res intuenti.

34 Secundò limitat & restringit idem Dominus Antonius *in dict. §. si de falcidia*, num. 11. prædicta, vt si debita sint contracta pro necessariis alimentis personæ vltimi maioratus possessoris, nouus successor omnino teneatur solvere huiusmodi debita, argumento eorum quæ in Prælato tradit Panormitanus *in cap. ex presentium*, num. 5. *de pignoribus*, vbi quod successor Prælati tenetur ad debita, quæ mortuus contraxit pro necessariis alimentis: idem Abbas *in cap. si quorundam*, num. 2. *de solutionibus*: de quo meritò dubitat Peralta *in dict. §. qui fideicommissam*, num. 131. & 132. & restrinxit ad casum particularem. Ego ita interpretor, vt habeat locum in debitis contractis propter alimenta, & contractis ab institutore maioratus, post institutum maioratum, & post nominationem irreuocabilem factam, & traditam etiam possessionem; quo casu nihil videbatur soluendum. Ad quod faciunt quæ attulimus de feudatario, *cap. 22. num. 72. & 73.*

35 Tertiò restringit idem Dom. Antonius Meneses in debitis paruis & exiguis, quæ tamen pertineant ad exonerationem conscientiæ & animæ emortui, vt hæc solvere successor teneatur, si aliunde non sit vnde soluantur, idque *in dict. §. si de falcidia*, num. 10. ex Gregorio *in l. 4. tit. 15. part. 2. in glos. verbo, Sus deudas*: qui accepit ab Ifernia *in cap. vno, an agnatus vel filius*: quæ opinio in opulento maioratu digna quidem est vt recipiatur, & æquitatem habet naturalem, mentibus inscriptam, quæ lege vlla non indiget. Hactenus de expensis propter debita: reliqua breuiter attingemus.

36 De expensis autem litium factis à possessore maioratus, an sibi conseruet possessor qui expendit, optimè Molina *dict. lib. 1. cap. 27. num. 10. cum sequentibus*, vbi distinguit inter lites, quæ contingunt maioratus possessori propter suam duntaxat utilitatem, de quibus constitutissimum est, siue expensa modica, siue magna sit, sibi fieri: & ex his quæ tradit Bald. *in l. 2. num. 1. Cod. de liberali caus.* & Pinellus *in l. 1. Cod. de bonis mat. part. 2. num. 68.*

Quod si lis perpetuam ipsius maioratus utilitatem habeat, tunc inter mag-



nam & paruam expensam distinguunt, vt hanc sibi faciat, illam verò minimè, *arg. text. in l. hactenus*, qui de usufructuario est, *ff. de usufructu*; ita vt magnæ deducantur ex rebus maioratus, vt expendenti satisfiat. Bald. *in auth. excipitur*, num. 4. *Cod. de bonis qua lib.* Paul. *in l. fin. §. ubi autem*, num. 7. *Cod. cod.* Bald. Paul. Ang. Alex. Ias. *in l. fin. §. in computatione*, num. ... *Cod. de iure deliberandi.* Alexand. ad Bartol. *verb. expensas*, *in dict. l. 1. Cod. de bonis maternis.* Pinellus *ubi supra*, num. 69. quod quidem prudenter animaduertendum esse à iudicibus, qui de ea re cognoscent, animaduertit Molina *ubi supra* num. final. *versic.* quod prudenter. Mihi autem semper visum est, admittendam esse Vlpiani rationem *in l. 1 ff. ad Trebellian. in principio*, vt quamuis expensæ magnæ sint, si tamen fructus maioratus non vnius anni, sed totius temporis, quo litigatum est, sufficiant pro his litium expensis, nihil expectandum esse ab eo qui succedit, sed fructibus esse imputandas expensas; quod multò magis admittendum est si finita lite fructus perceperit ipse qui litigauerit, qui soli cum præteritis coniuncti sufficiant his expensis, argumento dictæ legis 1. ibi, *cum esset aequissimum in omnibus fideicommissariis hereditariis, si quæ de his bonis iudicia penderent, ex his eos subire, in quos ius, fructusque transferretur.* Aequissimum enim est, vt qui maioratus maiores fructus percipit, litium alioqui magnarum expensas faciat, si fructus his sumptibus & expensis sufficiant.

Præterea expendit nouus possessor maioratus nomine censuum, pensionum, tributorumque, & omnium onerum realium, quæ ex bonis maioratus soluenda sint, siue menstrua, siue annua, nihil refert, vel etiam sint diutna; quin & collectas, quæ imponantur personis propter res, soluit possessor maioratus, idque ex ea ratione, quam adduximus ad usufructuarium, *suprà cap. 11. num. 45. & sequentibus, ad numerum 56.* Ex illis enim hæc pendent, & probat post antiquiores Carolus Molineus *in consuetudinibus Parisiensibus*, tit. ... §. 22. num. 156. & 158. & post eum Pinellus *in l. 1. C. de bonis maternis, part. 2. num. 71.* & post hos Aluarus Vazquez *questione iuris empti. quest. 17. num. 1.* nouissimè Molin. *dict. l. 1. cap. 27. num. 28.* Omnia autem quæ de usufructuario diximus, repetenda hic sunt, vt decursas quoque pensiones soluat, quomodo de usufructuario intellectum est; cum tamen ad hæres præmortui reuersus conseruare sibi possit, quod ab illo fuisset exigendum, si diutiùs viueret: quod quidem omnes admittunt.

Quin & eo nomine expendunt possesores maioratus, quod scilicet propriis sumptibus & expensis reficiunt omnia ea, quæ morientes peiora & deteriora relinquunt, quod à fideicommissis ad possesores maioratus deducunt nostri *ex l. mulier, §. si hæres, versic. sed enim*, ibi, *culpa planè rationem reddere: ff. ad Trebel.* per quem text. Bald. *in l. filium quem habentem*, num. 52. *Cod. famil. erciscund.* asserit quod hæres restitutus per fideicommissum, tenetur reddere rationem de damno dato, si deterior res facta fuerit, & in possessore maioratus recipiunt Gregorius Lopez *in l. 7. tit. 9. partit. 6. verb. por su culpa*, Peralta *in dict. §. qui fideicommiss. num. 42. & 44. ff. de heredib. insti. l. 3.* quod iuridicum & rationabile asserit Molin. *ubi sup. num. 66.*

Ex quibus diximus *suprà cap. 11. num. 66. & 69.* Prælatos & beneficiatos, quia tenentur de damno, & de his quæ deteriora reperta sunt, teneri refarcire

damna Ecclesiis suis, ex his, quæ inibi adduximus; ideoque iam tum à Gothis in Prælati & Episcopis receptum est in Hispania, ut damna resarciant, iuxta veram & legitimam æstimationem factam à taxatoribus & æstimatoribus, quos ut nominent, hodie compelluntur, *l. 5. tit. 1. in Foro Iuzgo, seu legibus Gothorum. Nos creemos, inquit Gothus, que bon consello sera de nostro regno, se nos mandamos por nostra ley, que las cosas de santa yglesia sean guardadas. E porende establecemos en esta ley, que manteniendo, que el Obispo for ordenando, que saga escripto de las cosas de la yglesia, presentes cinco homes bonos, e aquellos ante que for fecho el escripto, prouen este escripto con suas maos, e despois de la morte de aquel Obispo, el otro Obispo que for en su logar segundo, aquel escripto demande las cosas de la yglesia, e se alguna cosa fallar iniquada, los herederos del primer Obispo, o aquellos a quien pertenece sua bona del Obispo. E si alguna cosa vendio el otro Obispo, que bien despues le entregue el precio al comprador, e reciba la cosa e todo lo fructo e suus pertenencias sen toda calunnia. E otrosi mandamos esto guardar de los otros sacerdotes, e de los diagonos, e de todos los otros clerigos.* Quod quidem Gothorum ius antiquum occasionem dedit his quæ diximus *dict. capit. 11. dict. num. 66. & 69.* & quæ ibi adduximus ex nostris Hispanis.

40

Bene tamen quærent nostri, quæ culpa requiratur, an lata, & quæ par dolo videatur; an verò levis, & quæ ab industrio & diligenti vitari non potuisset; an leuissima, & casui fortuito similis: in quo quidem semper itum ad decisionem Iureconsulti in *l. si seruus legatus, §. cum quid, ff. de legat. 1. & l. 7. tit. 9. part. 6.* ubi Gregor. *verb. por su culpa*; ut scilicet ex Africani sententia, si vtriusque contrahentis utilitas versetur, culpa levis exigatur; sin verò alterius duntaxat, dolus malus tantummodo præstetur: ideoque in eo qui restitutus est fideicommissum ex testamento, si nullam utilitatem percipiat ex testamento in exactione fideicommissi, dolum duntaxat præstat, alioqui si commodum percipit, ex leui culpa tenetur; idque generale est in contractibus & vltimis dispositionibus, & est ab omnibus receptum in *dict. l. mulier, §. si hæres*: à qua, ut inquit Molina *ubi supra, num. 4.* nemo vnquam discrepauit; cuius quidem rationem ipse reddit, qui cum Alexandro in *dict. §. si hæres*, & cum Petro Peralta in *dict. §. qui fideicommissam, num. 45.* in hærede grauato per fideicommissum restituere fideicommissario, detractâ quartâ, hoc est, quando quarta detrahatur iudicio testatoris, non solius legis beneficio, existimat hunc hæredem restitutum hoc pacto detractâ quartâ, testatoris iudicio teneri solum de lata culpa & dolo, non verò de leui culpa; quia, inquit ipsi, quod quamuis hæres percipiat quartam iudicio testatoris, vnde testamentum videri poterat institutum in commodum vtriusque, quo casu *ex dict. l. si seruus, §. cum quid*, videbatur præstanda levis culpa; adhuc tamen quia hoc commodum exiguum est respectu eius commodi, quod fideicommissarius percipit ex testamento, dispositionem illam videri factam gratiâ solius fideicommissarij, ut adhuc de lata culpa teneatur: quæ ratio certè parum vel magnæ utilitatis non mutat, nec variat Africani decisionem in *dict. §. cum quid*, ob idque melior est decisio Angeli & Raphaëlis in *dict. §. si hæres*, ut culpa levis præstetur ab hoc hærede, qui ex causa fideicommissi restituit, detractâ



tractâ quartâ iudicio testatoris : verè enim dispositio illa , quâ hæres restituit detractâ aut retenta quarta iudicio testatoris , non potest non videri facta in vtilitatem & commodum vtriusque , scilicet testatoris & fideicommissarij & hæredis , alioqui Africanus , qui magnæ & parvæ quantitatis , aut rei rationem nullam habuit , veram suæ decisionis rationem omisisse meritò videri poterat , quem ego inter cæteros Iureconsultos subtilem , elegantem , acutūque , veramque iuris rationem assecutum , tum ex his quæ à maioribus meis accepi , tum ex his quæ ipse animaduerti , semper reperi , quem doctissimè & elegantissimè Iacobus Cuiacius interpretandum his diebus suscepit , & perfecit , qua laude duos Iureconsultos sui temporis verè principes decuit.

Ex quibus modò quod attinet ad maioratus possessorem , Petrus Peralta *dict. num. 45. d. §. qui fideicommissum* , ex eo , quod maioratus possessor nihil retinebat , & in restitutione neque detrahebat quartam , existimabat teneri de lata culpa , de dolo , non de levi , secutus decisionem Africani ; sed ex eadem decisione *in dict. §. cum quid* , contra Petrum Peralta constituendum est ; vterque enim , & possessor , & successor maioratus iudicio eiusdem institutoris fructus eisdem percipit ; vnde institutio illa maioratus vtriusque commodum & vtilitatem continet ; eadem enim vtilitas vtrique est , quæ futura est millefimo possessori. Ex qua ratione de levi culpa tenebuntur omnes in restitutione , si deterius contingat quippiam in rebus maioratus ipsorum levi , vel lata culpa , aut dolo ; securi tamen erunt propter leuissimam culpam aut casum fortuitum , atque hæc est regula in magnis & parvis expensis ; non enim quantitatem , sed ius consideramus ; debet enim maioratus possessor re vti , non abuti , *l. Titius rogatus* , ff. *ad Trebellianum* : vbi ob bonam fidem & dolum cognoscendum elegans decisio est , talēque se gerere debet circa res maioratus , qualem se diligens paterfamilias gessisset , *l. ea igitur* , ff. *de pignoratitia actione*.

Vnde ex sylva cædua succidit arbores maioratus possessor , in quo tamen vsum in cædendo consuetum non excedat ; ex sylva autem non cædua arbores fructiferas si succidat , damnum illatum reficiet , ob eamque rem expendet ; quod non solum in maioratus possessore , sed in vassallo , emphyteuta , fructuario , marito , & aliis receptum est , *l. sed si grandis* , ff. *de usufr. l. exquisitum* , §. *fructuarius* , ff. *eod. l. diuortio* , §. *si fundum* , ff. *solut. matrimonio* , *l. 27. tit. 11. part. 5.* Tiraquellus *de retractu conuentionali* , §. 3. *gloss. 1. num. 23.* Iulius Clarus *lib. 4. sententiarum* , §. *fendum* , *quæst. 47.* & §. *emphyteusis* , *quæst. 26.* in quo tamen consuetudo patriæ , & natura loci plurimum poterunt ad euitandam culpam , aut dolum , vt ob hanc causam nihil , aut aliquid expendendum sit maioratus possessori , quod diximus *cap. 11. num. 31. & seq.* & tenebat hoc Iason *in dict. §. si fundum* , *num. 24.* & Tiraquellus *vbi supra* , *gloss. 1. num. 24.* & Molina *lib. 1. cap. 22. num. 5.*

Si verò maioratus possessor mutet formam agri , vineæ , horti , lucivæ , aut sylvæ , in nouam formam minùs vtiliter , sine dubio tenebitur , & ob hanc causam expendit , quia ea res secuto damno culpam certè vitare non potest : cum verò vtiliter mutat , an compellatur suis sumptibus ad pristinam formam reducere ,

reducere, quod scilicet mutare non licuerit? Teneri respondent, qui aiunt emphyteutæ, vassallo, & reliquis non licere antiquam faciem prædij mutare. Bald. in l. 1. num. 11. C. de iure emphyt. Iason ibi num. 99. Capola de seruicib. rustic. prædior. tit. de montibus, num. 10. Pinellus in l. 1. C. de bonis mar. 2. pars. num. 52. à quibus ad maioratus possessorem hæc iuris ratio deriuanda videbatur: quod tenet Molina *ubi supra*, varius tamen num. 7. Ego tamen non dubito quod maioratus possessor possit vtiliter, dum tamen vtilitas permansura sit, mutare formam prædij, horti, vineæve, aut luci, aut syluæ, cum id liceat fructuario: de quo est mihi textus elegantissimus in l. æquissimum, §. etsi forte in hoc, ff. de usufructu: de quo latè egimus d. cap. 11. num. 44. cum sex prioribus: vbi tamen si receptam sententiam teneas, poteris ad textum respondere, secutum ibi fuisse fructuarium domini voluntatem: in maioratu certè si vtilitas euidens est, & permansura, non est cur mutatio antiquæ formæ denegetur.

- 42 Expendit etiam maioratus possessor nomine alimentorum: quæ expensarum ratio communis est sibi cum reliquis, qui vel naturâ, vel iure ciuili alere tenentur, in quibus alimentis dotes quoque contineri solent, de quibus recurrendum tibi erit ad nouiores repetentes in authentica res quæ, C. communia de legat. de alimentis autem latè Ludouicus Molina in suo tract. de Primogeniis Hispanorum, lib. 2. cap. 14. 15. & 16. vbi latissimè, & nos aliqua attigimus cap. 2. & 4. isto; ob hanc enim causam solent maioratus possessores maiores expensas facere, & ad eas quotidie compelluntur, dum sorores maritant, fratres alunt, & instituunt, maioresque disciplinas edocent: & pertinent omnia ad ea quæ expendunt necessario, quod erat nostrum institutum, & fecimus candidè aliorum scripta fideliter referentes, & cum ingenio si quod nobis est, expendentes.

## CAPVT XVII.

## De herede expendente, vel meliorante.

## Notabilia ex capite decimoseptimo.

- 1 Hæres restitutus hereditatem, etiam per fideicommissum, meliorationes conseruat suas.
- 2 Onera realia, & tributa an soluat hæres, an verò legatarius.
- 3 Forma est locus excavatus, per quem aqua ducitur.
- 4 Si legatarius solutis tributis & oneribus nullam vtilitatem sit habiturus ex legato, an soluere teneatur: agitur de lege qui concubinam, §. qui hortos, de legatis 3. contra communem.
- 5 Non est nouum, legatum esse inutile.
- 6 Quod dicitur, ultimas voluntates adiuvandas, qualiter accipiendum sit.
- 7 An idem recipiendum sit in oneribus priuatis ab homine priuato impositis.



- 8 *Onera sequuntur fructus*, & num.9. qualiter sint exigenda.
- 10 *Hæres facit expensas & sumptus necessarios*, ut legatarius legatum consequatur.
- 11 *Legato usufructu necessarius aditus ad fruendum ab hærede dandus est.*
- 12 *Lex damnas*, §.qui duos, ff.de usufructu leg. & *lex seruus filij*, §.final. ff.de leg.1. conciliantur.
- 13 *Annus census pecuniarius relictus alicui*, comparatur expensis & sumptibus hæredis.
- 14 *Empto fundo comparari de nouo sumptibus emptoris debet aditus ad fundum.*
- 15 *Idem in diuisione hereditatis*: & num.16. de eo cui in diuisione bonorum contingit supremum tabulatum, an habeat aditum per inferiora, contra Iasonem.
- 17 *Pragmaticus & verè practicus quis dicatur.*
- 18 *Agitur de ea questione*, cuius expensis res adducenda sit ut tradatur, & n.19. ubi legatum peti possit.
- 20 *Res legata ibi tradenda est*, ubi est relictæ, & num.21. agitur de lege cum seruus, ff.de legatis 1. contra communem interpretationem, & num.22. distinguuntur tres casus.
- 23 *Si res obligata aut pignori tradita legata sit*, cuius expensis sit luenda.
- 24 *Agitur de lege 2. tit.9. partit.6. & confertur ad legem si res obligata*, ff. de legat.1.
- 25 *Nomine alimentorum quid expendat hæres*, remissiuè.



Ostrum igitur institutum secuti, de hærede aliqua quoque sunt quæ ad expensas pertinent; namque de meliorationibus factis sibi consumpsisse videtur, & hæc à nobis abundè dicta sunt. Aut enim scit hæreditatem à se restituendam, & tunc locus est decisioni Papiniani in *l.domos*, cum sequent. de leg.1. de qua cap. proximo diximus, siue illæ meliorationes in ædificiis sint, siue in aliis rebus, ex quibus augmentum accrescat hæreditati restituendæ: neque, ut diximus, tunc locus est, neque in reliquis fideicommissis, decisioni legis 46. Tauri, quæ in maioratibus proculdubio recipienda est, qui, ut diximus, longè absunt à fideicommissis; quod si meliorauerit hæres hæreditatem, siue ædificando, siue aliter augendo, tunc quoque eas expensas conseruat sibi, quo diximus modo suprâ cap.7. per plures num.19.20. & sequent. & est textus in *l.si à patre vel domino*, §.fin. & *l.quod si sumptus*, & *l.planè*, & *l.vriles*, & *l.hæreditas*, ff.de petit. hæredit. cum his, quæ tradidimus suprâ latissimè de distinctione expensarum; & quomodo conseruentur expendenti; alia autem expendit hæres occasione hæreditatis, quæ habent particularem iuris rationem, neque possunt generalibus regulis contineri, quapropter seorsum apponenda sunt.

Et primùm, quod attinet ad tributa, & onera realia, quæ debentur ratione rei legatæ, dubitari solet an ad legatarium, an verò ad hæredem onera & tributa pertineant? Legauit testator fundum Scianum, ex quo annuas frumenti modios habet respublica, quæ toto quinquennio viuente testatore

nihil percepit nomine annuæ pensionis, nec altero, quod insequutum est, quinquennio. An solutio huius temporis ad hæredem, an ad legatarium, an verò ad utrumque pertineat; an hæres hoc nomine quicquam expendere teneatur. Est enim hæc expensarum causa propter tributa & onera realia in omni tempore & loco, in omnibus personis familiaris, in omni parte iuris reperitur, & habet suam particularem rationem in hærede scripto, de quo modò nobis sermo est. In quo illud obseruandum est, decisionem esse deducendam ex Papiniano *in l. Imperatores, ff. de publicanis & vectigalibus*: qui ait in vectigalibus ipsa prædia, non personas conueniri; & ideo possessores etiam præteriti temporis vectigal soluere debere, eoque exemplo actionem, si ignorauerint, habituros. Textus *in l. fin. Cod. sine censu vel reliq. l. hæcenus, ff. de usufruct. l. inter debitorem, ff. de pactis*, vbi ius fisci idem est, quantum ad onera realia consequenda, quæ possessorem rei sequuntur, quocunque res abeat, latè tradidimus *suprà cap. 11. num. 45. & sequent.* Vnde in hac nostra proposita specie legatarius, ad quem res censualis & tributaria peruenit, soluet tributa, etiam præterita totius temporis; quia possessor repertus est prædij, in quem iura actionem in effectum dirigunt, propter ipsum prædium; & ita in aliis possessoribus sæpius resoluiumus, vt ipsi omnino teneantur, & conueniri possint etiam ob præteritas pensitationes, nisi res ipsas relinquere velint; idque in Episcopis, Beneficiatis, successoribus maioratus, fructuariis, colonis, conductoribus, emphyteutis, atque adeò in reliquis omnibus, quicumque ij sint, qui res possident vectigales: in qua tamen specie videtur pugnare ex diametro Paulus *in l. idem Iulianus, 41. §. hæres, de legat. 1.* qui onera illa præteriti temporis, non legatario, sed hæredi soluenda esse ait. *Hæres*, inquit, *cogitur legati prædij soluere vectigal præteritum, vel tributum; vel salarium, vel cleacarium, vel pro aquaductu & forma.* Vbi verbum illud, *forma*, est ductus aquæ excauatus in terra, vel parietibus, aut aggeribus obductus, quæ perducitur aqua, estque verbum Iureconsultis agnitum, quo sæpius vtuntur Scriptores *in l. quo minus, ff. de fluminib.* Accursius *in dict. §. hæres, verbo præteritum*, isque receptus, ex his quæ latè tradidimus *dict. cap. undecimo*, & intelligit Paulum, vt hæres cogatur legati prædij soluere vectigal, scilicet legatario; quasi innuat, legatarium fisco teneri, quasi possessorem; hæredem verò legatario, qui tributa soluerit, & est bona & recepta interpretatio, vt regula omnino desumenda sit *ex dict. l. Imperatores.* Facit optimus textus *in l. cum possessor, §. final. ff. de censibus*, vbi adeo possessor prædij tributarij tenetur, vt excussio reiiciatur pro pecunia tributi (inquit Paulus) quod sua die non est redditum; quinimò ne prædium iure pignoris distrahatur, oblata moratoria cautio non admittitur, neque audietur legatarius contradicens ob tributa præteriti temporis, quod hæres soluendo sit, & is qui tributis recipiendis præpositus fuerat: allegat etiam Accursius legem *qui concubinam, §. qui hortos, ff. de legat. 3.* qui tamen textus longè aliud agit.

4 Solent enim communiter *ex dict. §. qui hortos*, Scribentes restringere decisionem dicti §. *hæres*, vt scilicet legatarius teneatur soluere tributa pro rata temporis eius, qui tributarium prædium possidet, alia verò tributa præteriti temporis antequam possessionem adeptus est, consequatur ab hærede, iuxta  
verum



verum intellectum ad dict. §. *hæres*, & quæ tradit glos. & post eam Bartolus in *l. quero*, ff. de usufruct. legat. ubi dicit hanc verissimam resolutionem, scilicet si legatarius aliquam utilitatem percipiat ex legato, soluto tributo; namque si solutio tributi, & oneris utile faciat legatum, tunc quidem existimant limitandam decisionem dicti §. *hæres*, ex §. *qui hortos*, ut solutio tributi & oneris, quæ inutile faciat legatum, ad hæredem pertineat, eoque nomine hæres expendere teneatur, idque ut legatum in aliquo utilitatem habere videatur; idemque recipiunt in donatione rei tributariæ. Authores sunt Accursius in *l. si pendentes*, verb. *pertinebunt*, §. *si quid*, ff. de usufructu. Bartolus in *l. penultima*, §. *final*, ff. de legat. 3. Alexand. qui Cinum refert, in *l. apud Iulianum*, §. *si quis*, ff. de usufruct. Bartol. in *l. penultim.* §. *fin.* ff. de legat. 1. Roman. dict. consil. 230. Aretinus in *l. fructus*, ff. soluto matrimonio, ad fin. & ibi Iason num. 18. idem in dict. §. *hæres*, num. 8. Molineus in consuetudinibus Parisiensibus, §. 22. tit. 1. num. 156. Tiraquellus de retractu lignagier, §. 15. glos. 1. num. 16. Pinel. de bonis matern. part. 2. lib. 2. num. 72. Angelus tamen contrà sentiebat in *l. cum ad quem*, in fin. Cod. de usufructu; neque tamen omninò huic sententiæ assentiebat Alexand. in dict. §. *si quis*, cum Bartolo in dict. §. *fin.* Recepta tamen sententia, quæ desumpta est ex dicto §. *qui hortos*, communis est, ut tributa hæres, non legatarius soluat, si legatum utilitatem nullam habiturum sit, soluto tributo: putant igitur authores huius opinionis in specie dicti §. *qui hortos*, eos hortos fuisse tributarios, qui tamen decipiuntur; & Albericus tenet eos hortos non fuisse tributarios: idem Fulgosius tenebat in dict. *l. si pendentes*; ibi enim legavit testator fructus hortorum, quos ad quinquennium à republica conduxerat; respondetque Iureconsultus hæredem passurum legatarium uti frui, & mercedem rei publicæ præstaturum. Ratio ea est, quia cum fructus sint legati, lucrative, videri debent legati, non verò onerosè, solutâ iustâ mercede conductionis à legatario, quia si mercedem solueret legatarius pro fructibus, fructus non possent videri relictî, sed anceps & dubia conditio conductionis, contra vim verborum, quibus conceptum est legatum, ibi, *eorum hortorum fructus usque ad lustrum, quo conducti essent, Ausidio legauerat*. Et ita communis & recepta sententia, quæ intelligit dictum §. *qui hortos*, in tributis, & hortis tributariis, falsa est, ut patet ad literam: tum etiam ibi merces soluitur ab hærede, quia fructus sunt legati; & debentur; debetque legatos fructus legatarius liberè consequi, postquam liberè sunt relictî. Contrà autem evenisset, si legatarius mercedem, & pensionem solueret; magis enim videretur emisse, aut suâ pecuniâ conduxisse, quàm ex causa legati accepisse. Unde ea limitatio ad dict. §. *hæres*, sustineri non potest, legatariusque, cui prædium fuerit relictum, à testatore tributarium prædium duntaxat consequetur, tributâque soluet, etiam si ex hac causa legatum inutile futurum sit; quia quod à testatore relictum sit, consequi debet legatarius, nihilque amplius. Textus elegans in *l. si à substituto*, §. *hæres*, ff. de legat. 1. ibi, *si verò certus homo legatus est*, inquit Caius, *talís dari debet, qualis est: l. seruo legato*, §. *si fundus*, ff. eod. Si fundus, qui legatus est (inquit idem) *servitutem debeat impositam, qualis est, dari debet: l. legatum*, ff. eod. Legatum (inquit Vlpianus) ita erat: *Qua Lucius Titius mihi debet, hæres meus Cornelio dare damnas esto. Nihil*

*amplius ex hoc legato, quam actiones suas hares præstare debet. Ad quem textum vide latè quæ diximus supra cap. 4. num. 34. & 35. & sequent. & capi. e vigesimo, num. 33. vbi de augmento legati, & diminutione egimus: l. si legati serui, ff. eod. Si legati serui (inquit Pomponius Iureconsultus) nomine stipuletur legatarius, fugitiuum eam non esse præstari, nihil veniet in eam stipulationem; quia qualis est, talis ex testamento præstari debet: id enim animaduertendum est, quod reliqueris testator, nec damnus facere in legato videtur: l. apud Iulianum, §. idem Iulianus, ff. eod. vbi Paulus ex Iuliani sententia scriptum reliquit, vt si testator leget alicui fundum, quem emerat, sed qui nondum traditus sit, hæredem eò vsque teneri, vt cogi possit actionem ex empto præstare; suis autem sumptibus & expensis non tenetur liberare fundum, liberumque legatario tradere: quia legata re à testatore, ad quem ius duntaxat habeat testator, ius illud relictum censetur: quod si illud ius morte testatoris finiatur, adhuc solum illud legatum & relictum intelligitur, nihilque amplius. Quo casu omnino inutile legatum est: textus elegans in l. vxor patru, Cod. de legatis, vbi id agnoscunt Bart. Alex. & alij post Accursium, & antiquiores, l. quod in rerum, §. 1. ff. de legatis 1. vbi quod si legetur quod in rerum natura futurum non erat tempore cedentis legati mortuo testatore, si legetur inutile, veluti si vsumfructum habeam, cumque legauerim, ni postea proprietatem eius nactus sim, inutile legatum esse ait Pomponius vetus Iureconsultus: vnde communis & recepta sententia reiicitur, quæ nullum habeat ius pro se, habeat autem auctoritatem plurium Iureconsultorum, & iuris fundamenta, quibus omnino destruitur. Vnde ea omnia quæ passim circumferuntur, scilicet vltimas dispositiones esse coadiuuandas, & latissimè esse interpretandas, quia fauorabiliores sint, cum iudicio ita accipies, dummodo adint verba quæ extensiones illas obseruata proprietate suadeant, perspecto iure, cognita re, & intellecta propria vocis significatione, quâ vltima voluntas concepta est, aliàs licebit cuique ex fauore illo ius & iusticiam violare, verba extorquere in alienum sensum, & confusa totius iuris ratione contra testatoris voluntatem eius dispositionem protrahere; quod passim faciunt imperiti, quibus si obistere velis, protinus obtundunt, dispositiones vltimas esse quamlatissimè extrahendas, signari quàm longè illa extensio patere possit.*

7 *Hæc autem omnia accipienda sunt in tributis & oneribus publicis ex lege inductis, vel ex auctoritate Principis, vt sæpiùs diximus: aliud autem obseruandum est in pensionibus impositis, & constitutis ab homine, vt si Titius vendiderit annuos redditus sibi soluendos, pro quibus velit fundum Seianum suppositum in subsidium obligationis personalis; legato fundo Seiano non est eundem ad legatarium, sed prius cum hærede obligatione personali hæreditaria obligato agendum est; actio enim illa personalis prima penes hæredem est, neque eius personam egreditur, l. fin. §. fin. ff. de contrahenda emptione: notat Paulus in l. in venditione, ff. de contrahenda emptione, Iason in l. 2. num. 150. & 154. Cod. de iure emphyteut. Albericus in dict. §. qui hortos. Romanus in dict. l. Imperatores, ad finem, ff. de publican. Quomodo autem, & quantum pro annuis redditibus prædia sint obligata, & quando, & quo casu locus sit excusationi, & quando demonstratiuè, aut condicionaliter apponatur locus & tem-*



pus, unde annuus redditus solvatur, latè diximus suprà capite quarto, à n. 32. usque ad numerum 50. cùm de constitutione alimentorum tractauimus: ex quibus videbis quàm verum sit quod tradit Bart. in dict. §. hares, & Paulus ibi, qui effectum illum distributi oneris inter hæredem & legatarium tribuunt hypothecæ & obligationi, quâ affecta sunt prædia tributaria; quæ si indistinctè vera esset, efficeret certè, vt in aliis oneribus ex dispositione hominis debitis & constitutis, putà ex venditione, vel donatione, vel legato, hypotheca, quæ frequentius reperitur, faceret, vt ad possessorem rectà iretur, omisso eo qui obligatione personali teneretur; quod tamen indistinctè non probauimus dict. cap. 4. unde indistinctè ad hypothecam non est referendum; cùmque hypothecam subesse in his prædiis tributariis fateamur, vt sæpius dict. cap. 11. diximus, tributa hæc & onera publica fructus sequuntur, in eosque rectà abeunt, qui fructus percipiunt, l. nam stipendium, ff. de impens. in rebus dotalib. factis, l. si pendentes, §. si quid cloacarij, ff. de usufruct. Itaque vtrumque efficit, vt & rem, & eum qui fructus percepit, conueniamus; nam dum rei possessorem sequimur, is fructuum perceptorem conuocat, quodque à possessore res publica consequitur, nomine tributi possessor ab eo sibi seruat, qui fructus eius temporis percepit: distingue etiam tributa à collectis, vt diximus dict. cap. 4. & an pro collectis sint bona hypothecata, vide Soënum consil. 29.

Unde ex hac ratione, quia ex ratione fructuum perceptorum perspicitur 8 regula distribuendi tributa, dicendum est, quod si testator leget rem tributariam sub conditione, vel ad diem, pendente die, vel conditione, etiam mortuo testatore, quia fructus rei legatæ ad hæredem pertinent, hæres eius temporis quoque persoluet tributa, & onera: ita tenent Paulus de Castro in dict. §. hares, in principio, & pendet eius decisio ex dict. l. nam stipendium, & dict. §. si quid cloacarij, qui num. 2. infert ad quæstionem, quæ ex his melius diluitur, quàm ex his quæ ipse adducit; quæ parum, aut nihil faciunt ad decisionem eius quæstionis. Pone (inquit Paulus) quod in vita defuncti, vel pendente conditione onus publicum fuit indictum prædiis, & sic cessit dies, non tamen venerat dies solutionis, iuxta l. cedere diem, ff. de verb. sign. Venit autem postquam res tributa peruenit ad legatarium; quis soluet tributum? ipse respondet hæredem teneri; ego existimo magis teneri possessorem, qui reperitur cum re, tempore quo tributum peti potest, qui ex dict. l. Imperatores, tributa soluet; & si fructus ab alio eius temporis, putà ab hærede percepti sunt, ab eo sibi conferuabit, quod tributi nomine persoluerit; & præterea quod pro hac sententia sunt iura omnia, quæ adduximus; & ex his fundata ratio legis defunctæ, ff. de usufructu, magis facit pro nostra, quàm Pauli sententia, si rectè attendatur: at verò l. incolæ, quam allegat idem Paulus, nihil facit ad propositam quæstionem. Hæc igitur sunt, quæ expendit hæres nomine tributi, & oneris publici, quæ aliàs videbatur expensurus legatarius ex dict. l. Imperatores, cum dict. §. hares. ex vera expositione ad dictum §. qui hortos, & pertinebant ad nostram hanc expensarum tractationem.

Expendit etiam hæres alio expensarum genere, quia sumptus necessarios 10 vt legatarius consequatur legatum, facit, eoque nomine expendit, sumptusque de suo facit: quâ de re sunt Accursij duo loca optima in l. quare, ff. de usu-

fructu legat. verb. pertinere, in medio, & in l. his verbis, 100. §. ultimo, ff. de leg. 3. verb. danda, quibus ipse constituit & optimè, anteriores temporis expensas, vt legatarius rem legatam consequatur, ad hæredem pertinere; posteriores verò, postquam legatarius rem possidet, ad legatarium. De prioribus est textus egregius in l. his verbis, §. final. ff. de legat. 3. Idem testator, inquit Scævola, liberto militiam his verbis legauit: Sejo liberto meo militiam do, lego illam militiam quam testator habuit. *Quæsitum est, an omnia onera & introitus militiæ ab hærede sint danda? Respondi danda; qui enim rem legat, necessario videtur legasse quæ sunt necessaria ad legatum consequendum & obtinendum.* Textus in l. 1. §. 1. ff. si usufructus petatur; qui textus est elegans; neque enim negandum est legatario, quod ex propria vocis significatione & acceptione nomine rei legatæ continetur; legato enim usufructu à testatore eos sumptus testator videtur inieciisse hæredi, sine quibus vt legatarius non posset, ibi in dict. §. 1. *Sed & an alias utilitates & seruientes ei hæres præstare debeat, puta luminum & aquarum; an verò non? Et puto eas solas præstare compellendum, sine quibus omnino uti non potest, sed si cum aliquo incommodo utatur, non esse præstandas.* Hæc Ulpianus, vnde si usufructus legatus sit, ad quem aditus non est nisi per prædium hæreditarium, ex testamento agendo legatarius consequetur, vt usufructus cum aditu præstetur, quia aliter uti non potest, neque legatum consequi, dict. §. 1. qui est pro Accursio, vt anteriores sumptus, & onera ad hæredem; posteriores verò, quæ rem legatam sequuntur, pertineant ad legatarium; & hæc veniunt non extensione aliqua, neque iuris interpretatione fauorabili, sed propria vocis significatione, quâ legatum conceptum est, adeo vt si testator legasset prædium illud, per quod via ad usufructum est, legatarius prædij, non hæres iter aut viam præstare teneretur, quia id in legato continetur, l. damnas, §. qui duos, ff. de usufructu legato, ibi: *Respondi, quemadmodum si in hæreditate esset fundus, per quem fructuario posset præstari via secundum voluntatem defuncti, videretur id exigere ab hærede; ita & in hac specie non aliter concedendum esse legatario fundum vendicare, nisi prius transeundi ius usufructuario præstet, vt hac forma in agris seruetur, quæ vino testatore obtinueris, siue donec usufructus permanet, siue dum ad suam proprietatem redierit.* Hæc Marcellus. Expendenda verba sunt illa, secundum voluntatem: qua in re illud obseruandum est, legatarium, cui usufructus legatus est, non posse agere aduersus alterum legatarium, cui fundus est relictus, per quem via præstanda est; sed agere aduersus hæredem: nam ei ab altero legatario nihil est relictum; tenetur autem hæres, & conuenitur qui agit aduersum legatarium, vt viam præstet; redemptamque & constitutam viam tradit usufructuario, vt utatur & fruatur, idque liberè, nihiloque dato consequitur hæres. Ita tenet Accursius in l. seruum filij, 46. §. fin. ff. de legat. 1. & Bart. Paulus, & reliqui, qui ratione interpretantur dictum §. finalem, vt quadraret cum dicto §. qui duos; alias enim ex diametro pugnare videntur. Si duos (inquit Paulus) fundos habens testator, alterius mihi usufructum, alterum Titio leget, aditum mihi legatarius non debebit, sed hæres cogetur redimere aditum & præstare. Expende verbum illud, aditum mihi legatarius non debebit, à quo scilicet mihi nihil relictum est; ideò nulla mihi actione tenetur, sed hæres tenetur, qui secundum



secundum voluntatem testatoris *ex dict. §. qui duos*, à legatario aditum redimet, id est vendicabit, sine pretio, sine pecunia, nihiloque dato, & mihi præstabit; & est optima conciliatio, quam sine contradicatore agnoscunt Interpretes, eoque omnia vergunt, & pertinent, ut anteriores expensas & sumptus teneatur facere hæres, ut legatarius obtimeat legatum: agit eo nomine hæres suis sumptibus, & expensis cum legatario, ut aditus expedire, & liberè sine sumptu & expensa præstetur usufructuario, quia expensæ sunt anteriores, quæ præcedunt traditionem legati: facit vulgata ratio legis 2. ff. de iurisdictione omnium iudicum, & egregia decisio legis Diuus, ff. de usu & habitatione: ex quibus iuribus sic constituendum est, expensas, & sumptus præcedentes ad consecutionem legati, ad hæredem pertinere. Ex quibus iam semel ex facto agitur est, ut annua præstatio, & annui census pecuniarum alieni relictæ, expediantur sumptibus hæredis, quod rationem habet. Ex hoc iuris fundamento quoque, quem redimi testator voluit, cum apud Turcas esset, proculdubio expensis & sumptibus hæredis redimendus est; præcedunt enim hæ expensæ legatum, unde ad hæredem pertinent, & sunt quotidiana, & pendunt *ex dict. l. his verbis*, §. fin. ff. de leg. 3. facit lex testatrix, ff. si servitus vendicetur.

Habent hæc locum in ultima dispositione, in qua voluntas testatoris ea intelligitur; in contractibus verò secus est, quia vendito fundo comparari de nouo oportet ab emptore viam, aut iter, si velit ingredi, egredive, nisi expressè aliud actum sit, *l. in venditione, de contrahenda emptione*, Iason post Bartol. & alios, quos ipse allegat, *in l. servum filij*, §. si statuliberum, ff. de legat. 1. Idemque in venditione hæreditatis, hoc est in diuisione hæreditatis; diuisio enim hæc venditio est, *l. 1. Cod. vtriusque indicij communia*: de hoc est textus *in l. via constitui*, §. fin. vbi Bartol. ff. de servitutibus rusticorum prædiorum: unde dicunt Doctores, quod si tres habeant vnam eandemque domum, quæ tria solaria habeat, infimum, medium, & supremum, & cuique in diuisione suum solarium contingat, quod supremi solarij habitator non poterit descendere, neque ascendere per medium; neque qui medium obtinuit, per infimum, quia scilicet in contractibus illa omnia non habent locum quæ diximus de aditu præstando. Refert Iason *vbi supra*; quod quidem forensis usus vix admitteret, nec practicus in eam sententiam vnquam adduceretur, qui proculdubio nunquam induceretur ut crederet, ita diuisionem ædium factam fuisse, ut alius alarum egenus, qui volare nunquam didicisset, tanquam in nido in supremo solariorum manere voluisset: voco practicum, non circumforaneum Aduocatum, merumque pragmaticum, qui quæstui deditus, rudis & ignavi vulgi, imperitissimæque plebis auram venatur, qui sæpe magno pretio emptus, importunaque prece sollicitatus, meras nugas respondet, veri iuris ignarus, eius duntaxat memor, quod aliquando in forum fortè per errorem irrepsit. Voco autem pragmaticum qui iuris scientiam veri proficitur, qui his iuris regulis negotiorum veras circumstantias, varietates, vicesque cordatè expendit, & vtrumque conferendo veram iuris & fori praxim adeptus est. Hic verè pragmaticus est, quem non dubito reiecturum illam Iasonis, & eorum, quos ipse sequitur, decisionem; tale enim illud negotium est, ut vix intelligi

intelligi possit, diuisionem eam factam fuisse, vt in supremo tabulato alius remaneret sine aditu, ascensu, vel descensu; ipsa enim circumstantia rei, quam verè pragmaticus cum bono & æquo iure coniunget, & conferet, faciet vt à mero scholastico figmento recedat; hæc enim illa fori experientia est, quæ dicitur rerum magistra, §. *penultim. Instit. de satisfactionibus*, quæ scilicet iuri constituto res forenses, earumque causas, hisque vera & bene intellecta Iureconsultorum responsa adaptat, & vtriusque quandam symmetriam, & consonantiam facit, prudens, cautus, perspicax, & in vtraque re circumspectus: talisque ego semper probare pragmaticus sum solitus: hos Aduocatos appello, hos Patronorum nomine condignos iudico; alios, qui alteram iuris partem à se reiecerunt, exemplaque rerum sententiis compositarum duntaxat secutos, rabulas, nebuloncsque existimo, importunissimum hominum genus, qui cum nihil norunt, tamen omnium scientissimi sibi videntur, eaque vna re nimium sibi placent, quâ vnâ doctis & egregiè eruditis displicere nimium possunt.

- 18 Aliud expensarum genus est, quod hæres facit, de quo latè Bartol. Iason, & Paulus *in l. cum seruus, ff. de legat. 1.* & Gregorius Lopez *in l. 4. tit. 9. part. 6. verb. que la de*; vbi tradi res legata debeat legatario, cuiusque expensis adducenda sit vt tradatur; neque enim hîc quærimus, vbi peti possit res legata, quod ad forum pertinet, sed vbi tradenda sit legatario, & cuius expensis: quod enim attinet ad forum, vbi legata & fideicommissa peti possint, est lex *vna, Cod. vbi fideicommissum peti oporteat*; fundus enim, vel domus, aut species aliqua legata, siue actione reali vel personali petatur, iuxta legem 2. *Cod. communia de legat.* peti potest in loco vbi res sita est, aut vbi hæres cum laribus fortunas suas habere dicatur; aditio enim hæreditatis, est veluti contractus, crediturque ibi contraxisse cum legatariis, vbi hæreditatem adiit: item in loco vbi hæreditas est, vel maior hæreditatis pars. Si verò legatur res in genere, ibi tantum agitur, vbi hæres domicilium habet suum, aut vbi hæreditas vel hæreditatis maior pars est; idque etiam recipiendum est, si quantitas relicta sit, vel res quæ pondere, numero & mensura constet, *l. quod legatur, ff. de iudiciis*: vbi glossa, Bart. & reliqui, *l. fideicommissum, §. 1. & penultim. ff. eodem, l. cum res, ff. de legat. 1.* Antonius Gomez in tomo de vltimis voluntatibus, c. 12. *de legat. num. fin.* vbi hæc: *Alterum verò inquirimus, cuius scilicet expensis res legata comparanda est, vt legatario tradatur; an hæredis, an verò legatarij? & primum illud constituendum est, rem legatam ibi tradendam esse, vbi legata sit, & relicta.* Textus in *l. cum res, ff. de legat. 1.* ibi, *primum quidem constat ibi esse præstandam, vbi relicta est, nisi alibi testator voluerit.*

Hæc Vlpianus, quod idem repetit iterum *vers. sed si id petatur*; vbi distinguit inter speciem legatam, & quantitatem, vt quantitas ibi præstanda sit, vbi petitur, si pondere, numero, & mensura constet, species verò non nisi vbi relicta sit: qui textus est elegans, & facit textus in *l. non amplius, ff. de legat. 1.* *Non amplius legatorum nomine*, inquit Pomponius, *ad quæquam pertinere videtur, quàm quod deducto eo quod explenda conditionis causa datum superest. Si certum corpus hæres dare damnatus sit, neque fecerit, quo minus vbi id esset, traderetur, si id postea sine dolo & culpa hæredis perierit, deterior fit legatarij conditio.*



*ditio: l. seruo legato, §. fin. ff. de leg. 1. vbi Caius, Si res, qua legata est ( inquit ) an in rerum natura sit, dubietur, fortè si dubium sit, an homo legatus uiuat, placuit agi quidem ex testamento posse, sed officio iudicis contineri, ut cautio interponeretur, quâ hæres caueret, eam se rem persecuturum; & si nactus esset, legatario restitutum.* Sed tamen cuius sumptibus ea persecutio fieri debeat, indicat Africanus *in l. si seruus legatus, 111. ff. eodem. Si seruus legatus, inquit, uiuo testatore fugisse dicatur, & impensâ & periculo eius, cui legatus fuit, debet reddi, quoniam rem legatam eo loco prestare hæres debet, in quo à testatore sit relicta.* Facit lex *cum seruus, ff. eodem, vbi de sumptibus Paulus ex Africani sententia quæstionem decidit his verbis: Cum seruus legatus in fuga est, vel longinquo absens exigitur, operam prestare hæres debet, ut eum requirat, & praestet; & ita Iulianus scribit: num & sumptum in hanc rem facere hæres debeat, Africanus libro vigesimo Epistolarum, apud Iulianum querit, putatque sumptum praestandum: quod & ego arbitror sequendum.* Hæc Paulus, qui tamen in eo quod ait, seruum legatum, qui in longinquo sit, tradendum esse expensis hæredis, proculdubio pugnat *cum dict. l. cum res, vbi seruus ab hærede in eo loco præstandus est, vbi relictus est.* Scriptores omnes, quos ex vno Iasone intueri licebit, id ex eo decisum putant, quod si legatarius in eam rem expenderet, cum seruus in longinquo sit, inutile redderetur legatum; idèd ut euitent Accursium *in l. quod legatur, ff. de iudiciis*, intelligunt Pauli responsum, scilicet hæredis expensis absentem seruum, & valde remotum esse tradendum, non verò legatarij, ne factis expensis inutile fiat legatum. Denique semper insistant in eo, quod deducebant *ex dict. §. qui hortos*, de quo supra isto capite, *num. 3. & seq.* quæ ratio est Bart. & post eum Pauli, Baldi, Alexandri, & Aretini, quos refert Iason *in dict. l. cum seruus.*

Et licet hæc ita tradita sint ab scriptoribus securè, mihi tamen visi sunt confundere facti species longè diuersas, & separatas, perperamque in tenebris dimicantes Iureconsultis imponunt, quod ab eis dictum nullo vnquam ingenio extorquebunt; aliud enim est tradere seruum vel equum, aliud perquirere rem legatam, quæ vbi sit, ignorent hæres & legatarius; aliud ipsam asportare, & in loco tradere legatario. Cum enim illud indubitatum sit, rem legatam tradendam esse ibi vbi relicta sit, *dict. l. cum res*, proxima dubitatio erat de expensis faciendis, scilicet cum seruus legatus fuisset, qui tempore testamenti erat Corunæ, sed viuente testatore aufugisset Hispalim, an reducendus esset Corunam expensis hæredis, an verò legatarij? & Iureconsultus meritò ait reducendum esse expensis legatarij, *in dict. l. si seruus legatus 111.* quia scilicet etiam si post testamentum factum, & ante mortem testatoris Hispalim aufugisset, ibi tandem relictus est, vbi morte testatoris relictus existit; tunc enim testamentum iure incipit, & testamentum esse incipit: quod si post mortem testatoris aufugisset, tunc quidem expensa & sumptus reductionis ad hæredem pertinerent, quia ibi asportandus esset ut traderetur, vbi relictus fuisset. Sequens quæstio erat, quæ subinde oriebatur, scilicet si homo legatus esset, de quo meritò dubitaretur an in rerum natura esset, cuius expensis & sumptibus perquirendus esset homo; & in hac quæstione responderetur, inquisitionem hanc faciendam sumptibus hæredis, quia hi sumptus præcedunt traditionem

legati, ex his quæ superius diximus, & decifum est *in d.l. seruo legato, §. fin.* Itaque si nescias ubi res legata sit, operâ & diligentia, & sumptu hæredis fiet inquisitio rei legatæ, vt tradatur. Iuxta hanc tertiam quæstionem intelligenda est decisio Pauli ex Africano, nempe de sumptibus faciendis ad inquirendum seruum qui est in fuga, aut qui in longinquo; sicuti enim hi duo casus æquiparantur & coniunguntur à Iureconsulto, ita mutuo intelligi debent, vt eandem & facti, & iuris speciem habeant; ita enim accipimus verba illa, *in longinquo*, sicuti illa, *qui in fuga est*: vnde sicuti nescimus seruum, qui in fuga est, in quo loco sit; ita quoque accipiendum est, nescire nos eum qui in longinquo est, ubi sit. Pone esse seruum apud Italos, Gallos, Lusitanos, sed nescire nos, an Romæ, an Conymbrae sit: perquirendus est expensis hæredis, vt præstetur. Itaque Paulus *in dict. l. cum seruus*, id tantum decedit, quod decifum erat *in dict. l. seruo legato, §. fin.* scilicet seruum illum, qui absens in longinquo est, vel qui est in fuga, perquirendum esse sumptu, & expensa hæredis, vt præstetur legatario; in alia autem quæstione, scilicet an asportandus sit sumptibus hæredis, vt legatario præstetur, hoc non disputat Paulus, & perperam eius decisionem ad hoc extendunt scriptores nouiores: quæ tamen quæstio deciditur ex priori, scilicet *ex dict. l. cum res*, vt scilicet ad eum locum asportetur ubi relictus est, aut ubi testator eum esse existimauit, aut ubi erat tempore mortis, vt ibi legatario præstetur, vnde legatarius adducet suis sumptibus; semper enim obseruanda est ratio dictæ legis *cum res*, vt ibi præstetur ubi relictus est. Neque obstat, si dicas, posse quidem contingere, vt si aliunde è longinquo asporteretur expensâ legatarij, posse quidem fieri, vt legatum sit inutile, quia huic rationi satisfecimus supra *isto capite*, ad *§. qui hortos*, contra communem & receptam ibi sententiam, quæ est eadem cum hac quam recipiunt Interpretes *in dict. l. cum seruus*: sed utrobique, quantum coniector, decipiuntur, neque lege, neque ratione iuuantur, ex his quæ ibi diximus ad *dict. §. qui hortos*, & hæc est Iureconsultorum vera & facilis decisio. Quod si de vtilitate legati esset iudici arbitrium, admissâ recepta sententia, tunc quidem maior occasio litibus aperiretur; vt enim vtile, aut inutile legatum dici posset, meritò legati æstimatio, & expensarum quantitas expendenda esset, difficile probationis genus: tum etiam expendendum esset, an quippiam esset reliquum, in quo factis expensis legatum legatario vtile esse posset, iuxta legem *si res obligata, ff. de leg. 1.* ibi, *vel potest aliquid esse superfluum, quod quidem maiores expensas requireret quàm serui asportatio, aut inquisitio*. Restat igitur, vt quod à Iureconsultis rectè & expedite traditum est, expedite quoque accipiatur, ne nobis scriptorum perplexitas rem alioquin claram obscuraret; Paulus enim *in dict. l. cum seruus*, solum id decedit, perquirendum esse seruum qui in longinquo est, expensis hæredis, vt præstetur: quo loco autem præstandus sit, id aliunde decidendum est, scilicet *ex dict. l. cum res*: hæres enim rectè faciet, si seruum suis sumptibus & expensis exquisitum ad eum locum adduxerit, ubi morte testatoris fuerit; inde verò legatarius necessum habet vt asportet, quod ipse voluerit suis expensis & sumptibus: vnde si testator seruum Romæ habeat rebus suis præpositum, qui in Hispania moriatur, quem Titio leget, seruus verò post mortem in Græciam nauigarit; ex his quæ adduximus



adduximus, seruus is, qui in longinquo est, adducendus est Romam & perquirendus sumptibus hæredis, *ex dict. l. cum seruus*. Cum verò exquisierit, & Romæ constituerit, tum Titius legatarius suis sumptibus in Hispaniam asportabit: nullumque negotium facit expensarum quantitas, quia tandem ibi redditur, ubi relictus est. Ex quibus omnibus patet ad vnguem decisio legis 48. tit. 9. part. 6. vbi Gregorius Lopez hæc leuiter attingit.

23  
 Alias quoque expensas facit hæres; si enim testator legat rem suam pignori datam vel obligationi suppositam, quæstio apud veteres fuit, an hæres luere teneatur, vt liberam tradat legatario, cui libera videri potuit legata: quod argumentum cum iudicio & distinctione tractauit Vlpianus in l. si res obligata 57. ff. de legat. 1. In qua re suis partibus rem diuidit, vt solet reliqua; ea enim vna facti diuisione perpetua inter cæterorum Iureconsultorum eius responsa dignoscuntur. Si res obligata, inquit, per fideicommissum fuerit relicta, si quidem scit eam testator obligatam, ab hærede luenda est, nisi si alio animo fuerit: si nesciat, à fideicommissario, nisi si vel hanc, vel aliam rem relicturus fuisset, si scisset obligatam, vel nisi non potest aliquid esse superfluum exsoluto ære alieno. Quod si testator eo animo fuit, vt quamquam liberandorum prædiorum onus ad hæredes suos pertinere voluerit, non tamen apud de his liberandis senserit, poterit fideicommissarius per doli exceptionem à creditoribus qui hypothecaria secum agerent, consequi, vt actiones sibi exhibeantur. Quod quamquam suo tempore non fecerit, tamen per iurisdictionem Præsidis prouincia id sibi præstabitur. Hactenus Vlpianus, cuius quidem responsum clarius est ob distinctionem, quam Caij in l. licet, 16. ff. de dote prælegata, qui indistinctè aliud agens dixerat, ab hærede luendam rem pignoratam, contrariumque constituebat in legato dotis, nisi testator aliud disposuisset. Facit lex prædia, Cod. de fideicommissis, vbi distinctio admittitur Vlpiani, ferè per eius verba lex: Manius, §. penultimo, ff. de legat. 2. vbi Papinianus id ipsum argumentum tractat, sed breuius & indistinctè. Quæ Iureconsultorum diuersa constituendi ratio, aliis indistinctè luendam rem pignoratam ab hærede tradentibus, aliis verò id cum distinctione admittentibus, efficit, vt Interpretes variè digladiantur in hac ipsa quæstione, de quo Bartol. Paul. & Iason post Alexandrum in dict. l. si res obligata, & post eos Antonius Gomez tomo 1. cap. 12. num. 39. Verior tamen est distinctio Vlpiani in dict. l. si res obligata, quæ hodie est approbata lege nostra Hispania, lib. 11. tit. 9. part. 6. vbi secutus Vlpiani traditionem constituit, rem omnino luendam esse hæredi, si à testatore relicta sit, ipseque testator sciuerit rem legatam alteri esse traditam pignori, idque in prima parte. Manda faziendo, inquit lex, el testador de alguna cosa suya que el sabia que era empeñada, o obligada a otro, por menos de lo que valiesse, tenuto es el heredero de la quitar de los bienes del finado, e de darla aquel a quien fue manda. Itaque hoc 24  
 priori casu duo requiruntur & necessaria sunt, vt hoc nomine expendat hæres, vnum quod testator sciuerit rem suam esse pignori traditam, aut obligationi suppositam; alterum, quod res maioris obligata sit, quam sit vera ipsius æstimatio: neque lex distinguit, quod pignori sit tradita, vel obligationi subiecta. Secunda pars legis tollit omnino scientiam, vel ignorantiam testatoris, aitque omnino expensurum hæredem vt luat rem, si pro tanto pretio, aut ma-

iori sit obligata, aut pignori tradita, quanta sit vera ipsius rei legata æstimatione, siue id rescierit testator, siue ignorauerit, ibi: *Otrofi dezimos, que si tal cosa era empeñada por tanto ò por mas de lo que valiesse, que estonce la denia quitar el heredero del testador, de los bienes de la herencia, quier sopiesse que tal cosa era empeñada, o no, quando la mandana.* Tertia pars continet casum, scilicet cum testator legauit rem obligatam aut pignori traditam, quam tamen nesciebat obligationi subiectam, vt tunc expensis & sumptibus legatarij, non hæredis luenda sit, ibi: *Mas si por menor precio de quanto valia jazia tal cosa empeños, si el testador no lo sabia, quando la mando, dene la quitar de lo suyo aquel aquien es fecha la manda.* Hæc tria nostro iure decisa sunt, quæ attigit Vlpianus in dict. l. si res obligata, & desumpta sunt ab eo. Illud verò à conditoribus nostrarum legum omissum est, scilicet si coniuncta persona erat legatarius, cui testator omnino illam rem, vel aliam esset relicturus; quod adhuc esse recipiendum non obstante dicta lege 11. asserunt Gregorius Lopez ibi, *verb. La manda*, & Antonius Gomez *vbi supra, dict. num. 39.* Cæterum ratio iuris nostri scripti suadet, vt ab eis recedendum sit, nihilque curandum est de eo, quod planè viderunt, aduerterunt, expenderunt nostrarum legum conditores, & consultò reiecerunt, constitutis tribus illis quæstionibus; quoniam illa quæstio, scilicet, an relicturus omnino esset, vel non relicturus, plena erat ambiguitate, & quæ causam præstare posset multiplicandarum litium; ob idque meritò relicta est, nullumque negotium nobis facesset casus ille Hispanis; apud reliquos admittenda illa consideratio est, an relicturus esset testator, vel non relicturus, in quo affectio sanguinis, amicitia, consuetudinis, officij, & beneficij vltro dati, acceptique plurimum poterunt. In casu verò legis 10. tit. 19. part. 6. admissa est ratio adiuncti, & agnoscit Molina *de Primog. Hispan. lib. 1. c. 10. n. 70.* vbi est alius casus, in quo hæres expendit. Vide ibi.

- 25 Expendit etiam hæres in causa alimentorum, de quibus supra satis superque egimus, *capite tertio, & quarto, num. 23.* & aliis plurimis, quæ non sunt repetenda, ibi vide; & pertinebant hæc ad hæredis expensas, sumptus & meliorationes, quod nostrum institutum est: scio doctius, & elegantius tractari posse, sed non omnia possumus omnes.

## C A P V T XVIII.

*De emptore expendente vel meliorante rem emptam, quantum expensas & meliorationes suas conseruet.*

Notabilia ex capite decimo octauo:

- 1 Emptor vendicationem passus obiicit meliorationes factas in re emptâ aduersus venditorem.



- 2 *Heres quoque rei hereditaria meliorationes recuperat à cohærede, & num.3. explicatur litera legis si cùm venditor, § final. ff. de euictionibus.*
- 4 *Actio ex empto in casu euictionis habet duocapita, & num.5. quod primum caput habeat respectum ad bonitatem quæ fuit tempore contractus, & num.6. quod alterum caput habeat respectum ad bonitatem quæ fuerit tempore euictæ rei: & num.7. in hoc secundo capite ita demum teneri venditorem, si emptor à vendicante augmentum factum ex meliorationibus conseruare non possit.*
- 8 *Stipulationis dupla origo, & eius capita, & num.9. explicatur lex ex mille. ff. de euictionibus.*
- 10 *Explicatur lex 1. & lex bonitatis, ff. de euictionib. & ponitur ratio dubitationis: & num.11. ratio decisionis.*
- 12 *Equitas nullibi scripta fugienda est: & num.13. explicatur §. in diuisione, contra Molineum.*
- 14 *Augmentum, quod sine mea opera contigit, si possideam, mihi non prodest.*
- 15 *Rescisso contractu ex causa restitutionis, meliorationes conseruantur: & n.16. in Ecclesia isthuc receptum: & num.17. de expensis factis intra retractus tempora: & num.18. idem receptum in casu legis 2. de rescindend. venditione.*
- 19 *Lasio in emptione potest dupliciter contingere: & num.20. adducuntur iura & rationes contra glossam in l. si quidem, Cod. de prædiis, & aliis rebus minorum: & num.21. lasio quacunque, etiam minima, sufficit ad impetrandam restitutionem: & num.22. equatos esse coniuges circa res dotales cum minoribus.*
- 23 *Adducuntur rationes Pinelli contra glossam: & num.24. ponitur defensio Baldi: & num.25. adducitur ratio actionis noxalis pro Baldo: & n.26. adducitur ratio legis 2. Cod. de resc. vend. pro Baldo: & num.27. expenditur lex 56. tit.5. part.5. & num.28. adducitur praxis dictæ legis.*
- 29 *Ad sustinendum libellum magis prodest pars quæ inuat, quàm quæ nocet: & num.30. defenditur Baldus contra Pinellum, Couarr. & D. Antonium Meneses.*
- 31 *Ex quacunque vltima dispositione solùm id, quod turpe est, reiicitur: & num.32. adducitur lex si quis institutus, ff. de condition. institution. & num.33. explicatur litera §. si quis, l. quæ sub conditione, ff. de conditione institutionum.*
- 34 *Agitur de lege finali, tit. fin. part.6. & num.35. quomodo Ecclesia restituatur, contra Bernardum Diaz de Lugo: & num.36. quanto tempore Ecclesia audiatur, contra Rodericum Suarez: & num.37. dari 40. annos: & num.38. conciliatur dicta lex finalis cum lege 26. tit.29. partit.3. & n.39. remedium legis 2. Cod. de rescindend. vend. durare Ecclesia, Reipublica & Principi 30. annos.*
- 40 *Baldus magis defenditur ex dict. l.2. & num.41. iudicium restitutionis est stricti iuris: & num.42. in iudiciis stricti iuris non competit actio alternatiua: & num.43. adducitur utilitas eius questionis: & num.44. declaratio ad l.1. Cod. si aduers. vend. & ad l.1. & 2. Cod. de vendend. rebus ad*

- ciuitat. pertinentib. & num. 45. ad l. 5. tit. fin. part. 6.
- 46 *De expensis factis in solutione tributorum, an emptor, an venditor teneatur: & de laudemio, & releuio, & gabellis, numeris 47. 48. 49. 50. 51. 52. ubi agitur de opinione Molinei, & de spe restitutionis, quatenus impediatur ciuiles effectus.*
- 53 *An emptor recuperet à venditore actione ex empto hac ipsa tributa: & n. 54. de lege 70. Tauri.*
- 55 *Agitur de re hypothecata facta meliore, an à creditore conseruentur expensæ: & num. 56. 57. 58. explicatur lex cum postulassem, §. 1. ff. de damno infecto, & conciliatur cum lege Paulus, §. domus, ff. de pignoribus: & num. 59. 60. 61. 62. 63. agitur de interpretatione nouiorum & antiquorum: & num. 64. refellitur, & explicatur, vsque ad num. 70.*
- 71 *Agitur de lege 1. tit. 13. part. 5. & an melioratio contineat augmentum, num. 72. 73. ubi & num. 74. & 75. agitur de meliorationibus factis à creditore, vel à debitore, an & quomodo sint quoque hypothecata, & quomodo conseruentur.*
- 76 *Meliorationes factæ à tertio possessore an sint hypothecata creditori.*
- 77 *Agitur de communi opinione recepta cum Bartolo in l. 2. Cod. de prædiis & omni re nauiculariorum: & n. 78. 79. 80. 81. & 82. variè explicatur.*
- 83 *Traditur alia opinio Socini, desumpta ex dicta lege 2. & amba destruntur ex fundamentis iuris, & vero sensu dictæ legis 2. Cod. de prædiis, & omni re nauiculariorum.*



Iffusum hoc expensarum & meliorationum genus cogit per singulas iuris partes particularem cuiusque sumptus rationem indagare, quæ cum in aliis obuia sit, in emptore certè est difficilis, & obscura, & quam vnus & item alter, dum aliud agit, tractat, ferè indiscussa relinquitur; breuiter autem hoc sumptuum genus tractabitur, quod dilucidius fiet, si per partes distribuatur. Et primùm constat, tunc agendum ab emptore de expensis & meliorationibus esse, cum res à se petitur, vel exigitur, aut euincitur; tunc enim ipse, vel aduersus eum qui rem vendicat, agit de expensis & meliorationibus, & sumptibus; vel cum de his nihil egerit, aduersus venditorem reuersus, ab eo omnia exigit, quæ sibi desunt exacta re, pretium, meliorationes, sumptus, & expensas: hoc vltimum attingimus suprà cap. 7. num. 14. & sequent. ad numerum 18. ubi latè quando, & quomodo emptor à venditore ad ipsum reuersus, conseruet suas expensas & meliorationes; quæ omnia pertinent ad l. idque Iulianum, ff. de actionib. empti & venditi, & ad l. Titius, vers. de sumptibus, ff. de actionib. empti. & venditi, ubi quoque expensarum ratio habetur, l. si controuersa, Cod. de euictionibus, & ad l. si fundum, Cod. de euictionib. Denique summa in hoc est, vt possessor emptor aduersus vendicantem obiciat meliorationes suas & expensas; si negligat obiciere, aduersus venditorem agere non potest, si non possideat; aut cum possideat, si conseruare sibi non possit, à vendicante ad venditorem reuersus, ab eo consequetur, quod à vendicante sibi conseruare non potuit; actio enim empti & venditi ad eam quoque speciem extenditur, vt non solum



solum pretium contineat, sed omnia quæ sua interest, hoc est rem non fuisse vendicatum, *dict. l. Titius*, & *in l. euicta*, ff. de euictionibus. Denique hæc nobis dicta sunt, quod recipiunt Doctores nostri omnes, etiam in diuisione bonorum, iudicio familiæ herciscundæ facta. Finge binas ædes relictas in hæreditate Titij, Sempronio & Mæuio, cuique singulas obuuisse, dum hæreditatem diuidunt; facta diuisione euictas esse ædes Mæuio, factas tamen meliores, ob expensas & sumptus: agit aduersus Sempronium cohæredem, clamat ablatas esse sibi ædes hæreditarias, non potuisse se ab eo qui vindicauit, meliorationes suas conseruare, Sempronium cohæredem teneri sibi euictionem passo, saltem ad dimidium, quod non solum pretium ædium tempore diuisionis factæ adscenderet, sed inspecto præsentī statu, quo meliores ædes factæ reperiuntur. Accursius, atque eum secuti reliqui Interpretes, *in l. si cum debitor*, §. *fin* ff. de actionib. vno consensu existimant teneri cohæredem, non solum de pretio, sed de melioratione, & accessione. Quam sententiam existimant decisam esse à Papiniano *in dict. §. final.* ibi, *ut quanti sua interest, actor consequatur*: vbi, ut ingenè fatear, litera eius textus implicita est, & quæ negotium facessere potest docto, & erudito. Postquam enim Papinianus tradidit actionem dandam esse in hæredem, ut quanti sua interest, actor consequatur, subdit hæc verba: *Scilicet ut melioris, aut deterioris agri facti causa finem pretij quo fuerat tempore diuisionis æstimatus, diminuat, vel excedat*. Illa enim verba sic componenda sunt; quod fecimus pro his, qui vix prima rudimenta ingressi, statim ad ius ciuile, tanquam ad sutoriam artem confugiunt, aut veriùs, aduolant: scilicet, ut causa, hoc est controuersia, aut veriùs utilitas agri facti, id est qui factus est melioris, aut deterioris pretij, diminuat, vel excedat finem, id est modum, & quantitatem, quo (supple sine) id est, qua quantitate fuerat æstimatus tempore diuisionis, id est, quo diuisio facta est. Itaque actio danda est in cohæredem ex Papiniani responso, quanti sua inter sit, ædes non fuisse vendicatas, ita ut diminuta æstimatione ædium tempore vendicationis, minùs accipiat euictionem passas; adaucta verò magis habeat. Itaque textus ille ad literam probare videtur id, ad quod ab Accursio, & reliquis adducitur, & in proposita specie Sempronium teneri non solum ad pretium quod fuit tempore diuisionis, sed ad eam quantitatem, quæ erat vera æstimatio ædium euictarum: quia causa ædium, quæ factæ sunt meliores aut deteriores, diminuit, vel excedit finem pretij, id est modum pretij, quo fuerant æstimatæ tempore diuisionis, *ex dict. §. diuisione*, & eius litera. Incidimus tamen hîc in iura difficillima, & quæ apertè decidere videntur; quæ scribentium turba confusè admodum tractat, & ut fatear quod sentio, magis suis interpretationibus obscurat; alibi enim videbis hæc augmenta non recipi, alibi exigi. Illud *in l. ex mille*, ff. de euictionib. per totum responsum: alibi exigi, ut *in dict. §. diuisione*, & *dict. l. Titius*, & *Idque Iulianum*, *dict. l. euicta*, & *dict. l. si fundum*, quæ Iureconsultorum responsa si attentius legas, nullâ, aut difficili concordîâ cohærebunt. Hæc ut expediam distinctiùs & clariùs, aduerto in hac tractatione versari Iureconsultorum responsa circa duo veluti capita totius disputationis; namque in hac euictionis quæstione frequens est stipulatio duplæ, & actio ex empto, *d. l. ex mille*, & reliquis legibus suprâ adductis.

Actio autem ex empto habet duo capita in hac materia, euictionis scilicet  
 4 ad pretium, istudque perpetuum & naturale huic actioni, & quod in ea semper reperitur; neque enim vlllo pacto, nulla circumstantia vnquam videtur remissum pretium in causa euictionis: denique est perpetuum & naturale huic actioni ex empto, vt emptor qui euictionem rei emptæ passus est, pretium à venditore consequatur; alterum autem caput huius actionis non est naturale, nec perpetuum, sed incidens, & vt aliqui dicunt, casuale, quodd aliquando incidat, & contingat, aliquando verò non; istudque est præter pretium, id quod emptoris interest rem non fuisse sibi vendicatum, in quo capite insunt expensæ & meliorationes & augmenta, quibus res facta est melior, *dict. l. Titius, dict. l. emptorem, §. si. ff. de actionib. empti & venditi, l. si in venditione, l. euiecta, 2. l. si plus, de euictionibus.*

Illud præterea aduertendum est circa hæc duo capita, vt rem aperiamus ex  
 5 Iureconsultorum responsis, non ex interpretum placitis, quæ sunt plerumque captiosa. Primum illud caput huius actionis, scilicet quod dirigitur ad pretium, quod vocabimus naturale & perpetuum huius actionis, in tractatione de euictione, semper habere relationem ad bonitatem & pretium, quod erat tempore contractus, respectu eius quod euictum est, ita probat apertè lex 1. & lex *bonitatis, ff. de euictionib.* Itaque si ex re quæ mille constitit, dimidium euictum sit, ex hoc capite quingenta potest petere euictionem passus, non integra mille, quia hoc primum caput certum est, & habet suam relationem ad tempus antiqui contractus, non verò ad tempus euictæ rei: & ita intelligendæ sunt dicta lex 1. & lex *bonitatis.*

Alterum verò caput huius actionis, quod est ad id quod interest emptoris  
 6 rem emptam non fuisse ablatam & euictam, habet relationem ad tempus euictæ rei, non contractus, ideoque patitur diminutionem & augmentum, prout res emptæ, vel melior, vel deterior facta reperiebatur tempore euictionis. *dict. l. Titius, l. emptorem, l. idque Iulianum, l. euiecta, l. si in venditione, l. si plus,* suprà adductæ, quæ iuxta hæc quæ à nobis traduntur, sunt concilianda cum dicta lege 1. & lege *bonitatis, ff. de euictionib.* & est verus sensus, & ex fundata iuris ratione, ad quæ non aduertentes, facile cumulant iuris ridiculas quasdam antinomias. Ad hoc secundum caput, eius quod interest, rem non fuisse euictam; quod augmentum & diminutionem recipit, vt diximus, referenda est dicta lex *si cum venditor, §. diuisione, ff. de euictionibus,* de qua nobis sermo erat: & ea verba id significant, scilicet vt causa, hoc est controuersia, agri, hoc est, quæ super agrum mota est, facti, id est, qui factus est, melioris aut deterioris, id est melior aut deterior, excedat, aut diminuat finem, id est modum, & quantitatem pretij, quo fuerat æstimatus tempore diuisionis; cum enim diuisio facta sit bonorum, quæ emptio est, *l. 1. Cod. communia vtriusque iudicij,* facit lex *cum pater, §. hereditatem, ff. de leg. 2.* Iureconsultus euictionis causam distinguit à vero pretio, secutus alterum caput euictionis, quod est ad id quod interest, quod aliquando maius est, aliquando minus, quam sit pretium, & vocamus interesse vulgò extrinsecum, illud interesse intrinsecum.

Præterea illud aduertendum est in hoc secundo capite, in quo actione ex  
 7 empto agitur, non ad pretium, sed ad id quod interest, ita demùm teneri venditorem,



ditorem, si emptor expensas & meliorationes conseruare sibi à vendicante non potuit; tunc enim euictionem passus id à venditore antiquo sibi conseruat: contrarium in casu contrario decidendum est, si cum res empta à se exigeretur, sciens prudensque tradiderit, nihil de his agens; tunc enim ipsa sua voluntate sibi nocuisse comperitur, *dict. l. Titius, l. idque Iulianum, ff. de actionib. empti & vend.* vnde necessariò illud fatendum est requiri in *dict. §. diuisione*, ex fundata iuris ratione. Habes ex his expositionem *dicti §. diuisione*, & legis *Titius*, legis *idque Iulianum*, legis *emptorem*, legis *euicta*, legis in *uenditione*, legis *si plus*, cum lege 1. & cum lege *bonitatis*, de quibus suprà.

Modò quod diximus de actione ex empto, ita interpretamur in stipulatione 8  
duplæ, vt cum quadrent in aliquibus, in aliquo verò dissideant apertè; stipulatio enim duplæ fuit inueterato vsu & assidua, antiquaque consuetudine hominum excogitata & inuenta, legibus approbata, & polita loco actionis ex empto ad interesse in eadem causa euictionis, *l. final. de pratoriis stipulationibus, §. fin. Instit. de verbor. oblig.* idque receptum est, quod difficilis esset probatio eius, quod emptoris interesse poterat, rem esse euictam: sic enim homines illo seculo iam cautiore, fugientes probationem eius quod interest, statui in ipso contractu prouidebant, sibi interposita stipulatione duplæ, si res vel pars eius, quam emissent, auferretur, vel non traderetur; vnde stipulatio duplæ habet id commune cum actione ex empto, quod vtraque habet suam utilitatem circa illud caput primum; nam siue tota res, vel pars eius euicta sit, emptor euictionem passus ad venditorem reuersus habet totum pretium & duplum ipsius loco eius quod interest; vel partem pretij quæ correspondeat parti rei euictæ, & duplum, quod quidem stipulatum fuit; & in hoc conueniunt apertè, quod versantur in altero capite euictionis, & actionis ex empto. In eo verò differunt, quia in stipulatione duplæ non continetur augmentum, nec decrementum rei externum, quod aliunde rei accedit; sicuti accedit in actione ex empto. Itaque qui agit ex stipulatu ad duplam, pretium, aut pretij partem cum duplo accepturus est, ex natura ipsius stipulationis, quæ interposita est, quæ cum solum de duplo interposita sit & concepta rei certo pretio venditæ, ad alia, de quibus actum non est, nempe ad externum augmentum, scilicet meliorationes, expensas & sumptum extendi non potest: extenditur autem actio ex empto, idque ex natura illius actionis, quæ huiusmodi augmenta & accessiones continet, ex his quæ necessariò nobis dicenda fuerunt, patet, *l. ex mille, ff. de euictionib.* vbi apertè accessiones & externa augmenta non veniunt in causa euictionis, contra reliqua omnia iura, quia ibi 9  
de stipulatione agitur duplæ, & ita quadrat cum dicta lege *Titius, l. emptorem, l. euicta, l. in uenditione, l. si plus, l. Idque Iulianum*; & nisi ad hæc oculos conicias, nulla erit conciliatio. Hacenus patet conciliatio harum legum cum lege 1. & lege *bonitatis*, circa vnum; & cum lege *ex mille*, circa alterum, propositâ naturâ, & verâ ratione actionis ex empto, & stipulationis duplæ; nunc ad alia non minùs elegantia quàm difficilia, quæ pertinent ad nostrum institutum & conciliationem iurium.

Habentque suam originem ex *dict. l. 1. & l. bonitatis, ff. de euictionibus*; di- 10  
ces enim, quorsum de bonitate rei venditæ agitur, deque eius qualitate, si ad

pretium agendum est ex hac euictionis natura, & vera & propria ratione actionis ex empto. Pone fundum venditum, emptori traditum, euictum; constat emptorem euictionem passum, à venditore consequi non rem, sed pretium, ex primo capite actionis ex empto, in quo diximus considerandam esse bonitatem quæ fuerit tempore contractus, non verò euictionis; diuersum in secundo casu, quando agitur ad id quod interest. Cùm igitur intellexerimus dictam legem 1. & legem *bonitatis*, in primo capite euictionis, scilicet cùm agimus ad pretium, & quantitatem, quæ erat tempore contractus, cùm id sit certum, nempe pretium conuentum; quorsum, obsecro, perspicimus rei bonitatem, quæ fuerit tempore contractus? vt dict. l. 1. & dict. l. *bonitatis*: si res esset omnino tradenda ex hac actione ex empto, opportunè inuestiganda esset bonitas rei venditæ, vt talis traderetur, qualis tradita esset tempore contractus; sed cùm hæc actio comperat ad pretium, non ad rem, ex primo capite, quorsum bonitatem rei inquirimus in dict. l. 1. & l. *bonitatis*, cùm non ad rem, sed ad pretium agamus ex empto, & ex primo capite. Hæc ratio poscit verum intellectum ad dict. l. 1. & l. *bonitatis*, quæ considerant bonitatem rei tempore contractus, cùm eius bonitas ex certo, & constituto pretio certa, & diffinita, & constituta sit; planè enim si emptor ædes quingentis emerit aureis, etiam si mille valeant, idque tempore contractus, euictionem passus, ex hoc primo capite à venditore, si res euicta sit, vel non sit tradita, sola quingenta actione ex empto consequitur; hac enim actione ad pretium, non ad rem agitur, ex hoc capite. Ita omnia iura constituunt, quæ plura sunt, l. *Tutius*, in fin. vers. non enim, de actionibus empti, l. si fundo, in principio, l. si in venditione, l. euicta re, l. si plus, de euictionibus, l. super empti, Cod. de euictionibus: & ferè nullum ius est, quod dicat de euictione agi ad rem, sed ad pretium, & postea in id quod interest ex secundo capite: & idem ex Accursio & Scribentibus decisum est in l. cùm successores, in fin. Cod. de euictionibus, licet pro contraria sententia soleat adduci; & hanc opinionem tuetur Andreas Tiraquell. de retract. lignag. §. 3. i. num. 3. quæ cùm ita constituta sint, non erat profectò requirenda bonitas rei venditæ, quæ tamen inuestigatur in dict. l. 1. & l. *bonitatis*: & hæc est alia inuestigatio, in qua leges illæ mutuò quoque pugnant: sed dicta lex 1. & lex *bonitatis*, ita explicantur, vt valor & æstimationis, de qua ibi, fiat solùm ad effectum distributionis pretij conuenti, inter partem pretij: partis euictæ, & non euictæ. Pone venditum fuisse fundum Seianum quingentis; in eo fundo sunt plura prædia, scilicet salictum, oliuetum, vinetum, domus, pratum, hortus irriguus, agerque frumentarius. Pone quoque euictum esse salictum, emptor euictionem passus, reuersus ad venditorem, partis euictæ pretium exigit; bonitatis salicti & vtilitatis ratio quæritur, quæ fuerit tempore contractus, vt vniuersis quingentis distributis inter omnes fundi partes, vera æstimationis, & verum pretium constituatur salicti, quod emptori soluatur; & ita conueniunt verba dictæ legis 1. ibi: *Quid enim si quod fuit in agro pretiosissimum, hoc euictum est; aut quod fuit in agro vilissimum? æstimabitur loci qualitas, & sic erit regressus.* Hæc Iureconsultus. Adde tu æstimationem eam faciendam esse, quæ fuerat tempore contractus, non euictionis, ex dict. l. *bonitatis*, ibi: *Proculus rectè putat quæ fuisset vendi-*



tionis tempore, non cum euinceretur. Habes verum sensum ad dict. l. i. & l. bonitatis, in duplici iuris difficillimo argumento, & concordiam plurium iurium, & pertinebant ad d. §. diuisione; ubi instar venditionis natura actionis id exigit, ut frater agens quadam veluti actione ex empto, ad id quod interest ex secundo capite causam agat, quæ diminuat, vel excedat quantitatem pretij, quod fuit agro tempore factæ diuisionis: denique consequetur externum augmentum, & accessiones, expensas & meliorationes, quæ continentur in illa actione nomine eius quod interest, saltem pro portione quam accepisse intelligitur à cohærede. Qui sensus est planus, & quadrat eius literæ, & agnoscunt omnes, & conueniunt quæ adduximus omnia de euictione, & actione ex empto.

Sed Carolus Molineus in lectione l. unica, Cod. de sententiis qua pro eo quod interest, quam glorioso, & magnifico titulo inscripsit, *Extrictio labyrinthis de eo quod interest*, inscripto, ut inquit Paulus, in procæmio naturalis historiæ, propter quam vadimonium deferri possit; is ergo num. 143. more suo ait vidisse se sæpissimè errare in intellectu dicti §. diuisione, idque non solum in schola, sed in foro, aitque vulgò dictum §. diuisione, ruditer acceptum esse; utinam nunquam ab eo rudiùs acciperetur. Causam ille eam existimat, quòd vulgus ad æquum & bonum non adspiciat, neque dictum §. diuisione, excutiat ad legalis æquitatis gnomonem. Ita ille loquitur, deinde destruit communem sensum, postremò interpretationem addit suam, quod facit à num. 143. ad numerum 147. Ego primùm istas æquitates nullibi scriptas semper odi; ubicunque enim de æquitate incidit quæstio, quæ scripta, aut certè naturæ ductu, & rationis vi, animis nostris indita non sit, statim ex autoritate iuris scientiæ perniciosè erratur, l. seruum filij, ff. de verborum. In proposita autem specie nulla æquitatis scriptæ ratio extat, ut eius prætextu à iure scripto recedendum sit. Præterea dictus §. diuisione, rationem illam continet, quæ reperitur in venditione, cui diuisio par est: præterea continet ancipitem & dubium euentus casum, qui utriusque imminet, ut facta diuisione, si res hæreditaria fuisse non reperiatur, pro ea parte, quam accipit à cohærede, conseruetur sibi, cum augmento, & accessione externa; idque ita demùm (quod Molineum præterit) si à vendicante accessionem & meliorationem conseruare non potuit, ex dict. l. idque Iulianum, quia venditio est, & venditionis habet hunc effectum apertè scriptum in dict. §. diuisione: propter Molineum enim verba eius interpretati sumus, quoniam ille (quod ausim dicere) verba illa dicti §. diuisione, dum num. 147. inquit verbum, *Causa*, in dict. §. diuisione, posse legi in ablatiuo, videtur non satis percepisse; neque enim video qua ratione verbum illud, *Causa*, in dict. §. diuisione, possit legi in ablatiuo: planè nisi in nominatiuo legas, ineptissimus erit sensus legis. Præterea, si cohæres non asseruit rem esse suam, certè asseruit esse hæreditariam, & sicuti testator teneretur vendendo, cohæres tenetur diuidendo. An dices, quòd venditor bona fide vendat, statim non teneri ad meliorationes? Immo ipsa bona fides exuberat pro emptore, qui bona fide expendit, & meliorat, ne rem suam perdat, vel re sua careat, qui aduersus vendicantem aget de expensis & meliorationibus: postremò in subsidium contra venditorem, quem imitabitur cohæres,

res, qui in diuisione prædium accepit, ipsumque meliorem factum suis expensis & meliorationibus, non dolo, neque culpa amisit; ratio in hoc postulat, ut expensarum nomine sibi consulatur, quæ suadebat, ut emptori prouideretur, saltem pro ea parte, quam à cohærede accipit, vndecumque id augmentum accesserit, quod constituitur *in dict. §. diuisione*, & extat ratio illa *in l. si familia eriscunda, Cod. familia eriscunda*: quæ duo iura, iuncta lege idque Iulianum, constituunt tria illa, scilicet teneri cohæredem de eo quod interest, quod meliorationem prædij continet, pro parte accepta, si à vendicante conseruare sibi illud non potuerit. Modò facit argumentum Molineus contra hanc sententiam, quod quidem ego fortissimum esse faterer, si esset verum, & certè me in suam sententiam traheret. Ita ille argumentatur. Si totus fundus, qui diuisus sit tanquam hæreditarius, ad alterum tantum pertineat cohæredem iure proprio, poterit is vendicare, neque de euictione tenetur in aliquo: ergo neque partis quam existimabit hæreditariam à se acceptam. Antecedens probat ille ex textu *in l. cum putarem, 37. ff. famil. eriscund.* quem textum si millies legas, nunquam ab eo id extorquebis. Aliud agit ibi Iureconsultus, quod alienum est ab hac argumentatione. Præterea quid posset iniquius fieri, quàm surripi mihi fundum integrum, quem tanquam hæreditarium accepissem, neque suppleri portionem ex bonis hæreditariis, ut æqualitas abigeretur à diuisione: præterea accipere te fundum bona fide meliorem factum nullis refusus expensis. Abeat Molineus cum suis fictitiis æquitatibus, nobis iuris scripti ratio placeat. Postremò addit suam interpretationem, postquam satis dissectam existimat nostram sententiam: breuiterque dicam, nunquam ita ad textum diuinatum est, uti ipse *ad dict. §. diuisione*, diuinat. Denique existimat ibi fundum fuisse euictum, non ob defectum iuris defuncti, sed culpâ & dolo cohæredis, qui conuenitur ab altero cohærede de euictione, & existimat referendum esse *§. diuisione*, *ad l. si fratres, Cod. communia virisq; iudicij*, vbi cohæres priùs obligauerat fundum hæreditarium, deinde in diuisione tacitus dederat cohæredi, qui propter hypothecam euictionem passus, à cohærede expensas consequitur: lege & perlege dictum *§. diuisione*. Deum immortalem, quàm nihil inuenies, quod ad dolum pertineat, non potest à vera ratione iuris recedi, quin fraus fiat iuri, & legi. Igitur in diuisione bonorum, externum illud quod vocant interesse, accessio, augmentum, melioratio, expensaque, venit in euictionis causa, *ex dict. §. diuisione*, sicuti inter venditorem & emptorem constitutum est.

14 Quod quidem ego ita temperarem & intelligerem in meliorationibus & sumptibus à me factis in re hæreditaria, quæ mihi ex diuisione contigerit meis expensis, aut labore, vel industria: idem enim est, ut capite primo diximus; secus verò res ipsa hæreditaria sine facto meo, sine industria, sine expensis, sine sumptibus, sed casu, temporisque beneficio cresceret, & aucta esset, eiusue æstimatio, quia tunc satius est ut id à cohærede meo non conseruem. Facit quod diximus suprâ *cap. 4. num. 14. vers. quod verò diximus*. Ratio enim, quæ monet ut æstimatio rei hæreditariæ crescat omnibus hæredibus, non solum vni, ea poscit ut cohæres non teneatur de augmento illo: pone domum relictam in hæreditate, quam habuit vnus ex hæredibus à patre; hæc morte patris



patris valebat ducenta, postea verò, & antequam hæreditas diuideretur, augmentum factum est, pretiũque domus temporis beneficio creuit ad mille, sine industria aut opera hæredis: certè hæres aut domum, aut mille conferet cohæredibus; quia augmentum illud sibi prodesse non debet, quod sine labore suo euenit, ex his quæ ibi diximus *dict. num. 14.* Igitur in nostro casu æquum quoque est vt hoc augmentum sine facto suo & labore non vergat ad vtilitatem cohæredis: ex quibus restat dictus §. *diuisione*, explicitus, & quæ pertinent ad expensas factas à venditore recuperandas emptori.

Alterum caput nostræ disputationis est, quoties contractus emptionis rescinditur per restitutionem in integrum; tunc enim emptor rectè de meliorationibus & expensis agit, remque ipsam retinet donec de expensis satisfiat; de quo est lex *intra vile*, 40. §. *fin. ff. de minoribus*, ibi. *Vix enim restituendum esse, nisi maluerit, omnes expensas quas bona fide emptor fecisse approbauerit, ei prestare: l. si pradium, Cod. de pradiis minorum.* Facit apertè textus in *cap. 1. de in integ. restit.* & ratio legis quæ est in *l. in fundo, ff. de rei vindicatione*: qua ratione & in Ecclesia illud receptissimum est, & *dict. cap. 1.* & ibi Abbas & reliqui, in quo nulla differentia, nullum discrimen est, nisi id quod resultat ex variis expensarum generibus; aliter enim vtilis, aliter necessaria, aliter voluptatis, bonæ vel malæ fidei possessori conseruantur: quod abundè nobis suprà dictum est.

Ex qua regula, & interpretatione idem iudicandum est de expensis, quæ fiunt ab emptore intra retractus tempora; neque enim quod intra id tempus fiant, protinus sic existimandum est, factas eas esse malo & iniquo animo, vt retrahens oneretur; sed qualitas rei, item & expensarum expendenda est, de quo nobis iam suprà abundè dictum est *capit. 6. num. 8.* contra Gallos, Boërium, & Tiraquellum, ex his iuribus & decisione legis in *fundo*, & legis *intra vile*, & legis *si pradium*, & *cap. 1.* suprà adducto.

Præterea et si res ab emptore exigatur beneficio legis 2. *Cod. de rescind. vendit.* emptor quoque argumento earum legum expensas conseruat sibi, quod adnotauit primus Bald. in *l. 2. Cod. de rescind. vend. quæst. 19. num. 23.* quem post Alex. Cagnolus, Anton. de Burgos, Iacobinum à sancto Georgio, Fabianum, Boërium sequitur Pinellus, qui hos refert in *l. 2. Cod. de rescind. venditione, part. 2. cap. 1. num. 1.* contra Salicetum *ibidem quæst. 17.* In qua quoque re obseruanda est distinctio, de qua proximè diximus, vtilium, & voluptatis, & earum expensarum, quæ necessariae sunt.

Nam nihil aduersus hanc receptam sententiam facit quod Salycetus adnotauit, scilicet non posse deduci argumentum ex *l. intra vile, §. fin.* quia ibi indistinctè res rapitur per restitutionem in integrum, hic verò, id est in casu legis secundæ, *de rescindenda venditione*, non nisi ex voluntate emptoris, qui supplere iustum pretium recusat; quia quicquid respondeat Pinellus, emptor expensas suas ex voluntate sua tradere nunquam intelligitur, nec minor restituendus est, nisi in eo quod sibi deest; item & venditor: expensas autem haberet cum re, & cum iactura aliena, quod ab æquo & bono recedit; nam quod ait Pinellus, posse fieri, vt læsio solum contingat in pretio, non in alienatione, quo casu ait receptius esse, restitutionem minori non dari, ad

rescindendum contractum, vel rem repetendam, sed ad supplementum pretij; allegat gloss. & Bart. in *l. si quidem, Cod. de pradiis minorum*: rursus idem argumentum repetit in *dict. l. 2. par. 3. cap. 1.* per plures numeros; id tamen quo fiat modo, quoniam in aliquibus decedendum est à Pinell. hæc sunt adnotanda.

- 19 Primum læsionem in emptione, & aliis contractibus posse quidem contingere duplici ex capite, scilicet ex alienatione, quod res alienata sit, etiam si iusto pretio sit alienata, aut iusta mercede & pensione, *l. si emptione, ff. de minorib. l. quæ tutores, Cod. de administr. tutor.* vel cum alienanda sit, quod minoris sit alienata, quod est secundum caput; nam si vtrumque coniungas, plenissima est restitutio. Sine difficultate ex primo capite contractum rescindit minor, & Ecclesia, & directò rem recuperat suam, quam alienare non deuit. Ex secundo capite, quando in pretio fuit læsus, non in alienatione, indistinctè non recuperat rem, quoniam emptor, conductor, vel emphyteuta euitant rei restitutionem, si pretium suppleant iustum, propter quod in integrum restitutio implorata est. Hæc est illa glossa celebris in *dict. l. si quidem, C. de pradiis & aliis rebus minorum*, quam sequuntur Bart. Paul. Bald. & Salycet. similis glossa est in *l. patri pro filio, §. si pecuniam, vers. pradium quoque, ff. de minorib. verb. Oporteat.* Aliqua ibi Adducit Bart. melius autem & clarius in *l. si res, §. 1. ff. de iure dot.* Idem tenet Abb. in *cap. constitutus, de in integr. restit. num. 10.* Alex. in *l. non interest, ad fin. de eo quod met. causâ.* Socin. *conf. 57. lib. 4.* Antonius Gomez Hispanus 2. *tomo de contractibus, cap. 14. num. 1. vers. si vero sit læsus in pretio.* Paulus de Castro in *l. non interest, Cod. de his quæ vi met. sue,* etiam si referat Cinum in *dict. l. si quidem*, contrarium existimantem, contra quam glossæ opinionem, quæ pluribus placet, allegat Abbas duo iura in *dicto cap. constitutus*, quæ fortissimè contra glossam faciunt. Primum est decisio textus in *cap. primo, de in integr. restit.* vbi læsio contingit in minori pretio, non verò in alienatione: quod patet ibi, quid agendum sit de possessionibus laicis sub modico censu concessis; non inquit requisitio illa, de possessionibus laicis concessis, quæ concedi non dubuissent; sed de concessis, sub modico tamen censu; & tamen conceditur restitutio ad rescissionem contractus, rebus expensis, quod patet ex litera ibi: *Quæ in damnum eius data constiterit, ad ipsius convenit ius, & proprietatem redire.* Redditur ibi quod datum est, non verò suppletur quod defuit iusto censui, vel mercedi, aut pretio. Alterum ius est in *l. patri pro filio, §. item ex diverso, ff. de minoribus*, vbi Caius in hæc verba: *Item ex diverso, si minore pretio, quam oportuit, vendiderit adolescens, emptor quidem inheri debet, prædia cum fructibus restituere, iuuenis verò eatenus ex pretio reddere, quatenus ex ea pecunia locupletior est.* Hæc Caius, qui minorem pretio læsum poponit tantum, & tamen prædium cum fructibus extorquetur. Abb. autem etiam si Accursium sectetur, his tamen iuribus non satisfacit. Est etiam contra glossam fortissima ratio, quam agnovit textus in *dict. cap. 1. de in integr. restitutione*, quam agnovit Paulus vbi suprâ, quia restitutio in integrum, est in pristinum statum repositio; & tamen supplementum iusti pretij non reponit causam in pristino statu, imò supplementi oblatio, & acceptatio magis ipsam alienationem confirmat; quod patet ad oculum. Hæc fortissimè
- 10



tissime faciunt contra glossam in dict. l. si quidem, ex quibus Cuius & Petrus eam reprobant in dict. l. si quidem: glossa tamen habet iuris rationem, & vera est, pro qua est textus expressus in l. si res, §. 1. ff. de iure dotium, vers. enim verò, ubi inquit Vlpianus, quod si in æstimationis modo circumuenta est, erit arbitrium mariti, vtrum iustam æstimationem, an potius seruum præstet. Quod Iureconsulti responsum planè æquauit causam coniugis circa res dotales cum causa minoris restitutionem impetrantis, vt sicuti minor ob quamcumque læsionem restituitur, etiam minimam, & quæ dimidiam non attingat; vtrumque enim Ecclesia, vel minor lædantur, restituntur, Abbas in cap. cum dilecti, de empt. & venditione, num. 42. Antonius de Burgos num. 44. latè Emanuel Costa in l. Gallus, §. & quid sit tantum, ff. de liber. & posthum. part. 2. num. 78. latè post ipsum doctissimus Couar. variarum resolution. lib. 1. cap. 3. num. 10. & 11. & post vtrumque Pinellus in l. 2. Cod. de rescindend. vend. part. 1. cap. 1. num. 25. & 26. & ante eos Alciatus lib. 4. de verb. signific. pagina mihi 109. idque probant ex textu in l. scio, ff. de in integr. restitution. quem textum Abbas supra adducebat pro ea opinione, vt ob modicam læsionem non compereret restitutio in integrum; ibi tamen non simpliciter, neque indistinctè in modicis restitutio negatur, sed in satis minimis, ac neque in his, nisi fortè ex restitutione huiusmodi ob satis modicam quantitatem resulter rescissio actus magnæ quantitatis: ita, ait Imperator, neque propter satis minimam rem, vel summam, si maiori rei vel summæ præiudicatur, audiat is, qui in integrum restitui postulabat. Ex quibus verbis restitutio in modicis simpliciter non denegatur, quem sensum aduertit Emanuel Costa summo, vt solet omnia, iudicio: Couarruias ait cordatè & attentè prospiciendum esse in istis minimis ad læsionem, quantitatem, actum qui gestus est; ex quibus circumstantiis grandem, modicam, vel enormem læsionem iudicamus. Quod si læsio vltra dimidiam contingat, meritò enormissima iudicabitur; in nihilo enim distinguimus læsionem enormissimam ab ea, quæ vltra dimidiam est: tum quia nullum ius distinguit: tum quia in hoc est egregius textus in l. domum, ff. de contrah. emptiõ. vbi contractus ille non perficitur, qui læsionem vltra dimidiam continet; quod patet ex textu ibi, vt si quidem amplior domus pars exulta est, non compellatur emptor perficere emptionem: ad quod summè aduertendum est; videas enim quotidie distingui enormem, & enormissimam læsionem, ab ea quæ est vltra dimidiam, cum certa regula constitui non possit, nec differentia vlla. Cagnolus in l. 2. de rescind. vend. num. 88. & 97. Afflictis decisio 322. Abbas in cap. cum contingat, de iureiurando. Felinus in cap. in presentia, num. 108. de probationibus, & repetentes in cap. Quamuis pactum, de pactis lib. 6. recurrendum tamen est ad regulas Iureconsultorum in dict. l. domum, quæ optima est contra istas traditiones.

Quod cum ita sit, patet æquatos esse coniuges circa res dotales cum minoribus in dict. l. si res, §. 1. & in l. iure succursum, ff. de iure dot. siue enim minores, siue maiores sunt coniuges, siue intra dimidiam, siue vltra contingat læsio, in rebus dotalibus id emendatur, in quæ læsio contingit; quod præter cæteros tenent & probant Pinel. in dict. l. 2. de rescind. vend. part. 1. cap. 1. n. 12. & 13. Anton. Gom. in l. 50. Tauri, num. 44. & est nobis probatissima isthæc opinio

21

22

opinio *ex l. 16. tit. 11 part. 4.* vbi vterque Interpres. Vnde meritò cùm in utroque casu fiat quædam emendatio damni contingentis, vtcunque contingat, obseruata ratione damni, quæ in rebus dotalibus contingit, dicendum est, recipiendam eam esse in minore, vt resarciatur sibi id, in quo fuit læsus. Quod si læsio in minori pretio reperiatur, non in alienatione, pretium suppleatur, non etiam res restituatur inuito minore, qui in alienatione non est læsus; & ita pro glossa *in dict. l. si quidem*, apertè facit dicta lex *si res*, §. 1.

- 23 Arius tamen Pinellus receptam hanc sententiam glossæ *in dict. l. si quidem*, oppugnat, & ab ea recedit post Albericum, Cinum, Paulum, Fulgosium, quos ipse refert *in l. 1. de rescind. vend. part. 3. cap. 2. num. 21.* Vt euertat autem glossæ sententiam, vitur duobus fundamentis; alterum in eo versatur, vt dicat, omnem minoris restitutionem resolui in rei restitutionem, etiam si ex minori pretio læsio contingat, in quo planè vitur argumento Abbatis *in dict. cap. constitutus*, *ex cap. 1. de in integ. rest. & l. patri pro filio*, §. *item ex diuerso*, suprà adductis: neque aliud facit Pinel. quàm addere aliquot iura magis probantia. Abb. vitur *l. quod si minor*, §. *restit. ff. de minoribus*, *l. tutor*, §. 1. & *l. penult. ff. eod. l. si sine*, §. *interpositio ff. de administ. tutor. l. non interest*, *Cod. quod metus causâ*; quæ iura non ita aperta sunt, omnia tamen concludunt, quantumvis læsio contingat in pretio, restitutionem concedi ad rescissionem contractus: quod quidem non diffitentur, qui glossæ opinionem sequuntur; aiunt tamen vitari contractus rescissionem oblato iusto pretio, in quo læsio contingit. Secundum fundamentum Pinelli est, dum responder *ad dict. l. si res*, §. 1. ait enim hanc legem ita esse intelligendam, vt ibi electio data sit coniungi ex iuris particularis dispositione, propter æquum & bonum, quod in dote exigitur; idque *num. 23. dict. 3. part.* in restitutione minoris non esse datam hanc electionem, quod obnixè negant qui sequuntur glossæ opinionem: denique ex his restat indagare, an in hac restitutione, quæ contingit propter minus pretium, sit hæc electio; quæ si concedenda sit, corrui Pinelli argumentum, quod totum in hoc versatur; & nos cum glossa asserimus dandam hanc electionem ei, qui rem possidet, contra quem hæc restitutio postulatur ex capite læsionis, quæ contingit non in venditione, sed in pretio; præterea quod *in dict. l. si res*, §. 1. *ff. de iure dot.* ex æquiparatione coniugis & minoris id videbatur concedendum, cùm id quoque æquum, iustumque sit, & minori in eo succurratur, in quo læsus restituatur: neque enim adolescenti inuito alienationem approbanti, pretium postulanti iustum neganda est hæc electio ex parte emptoris, si emptor narrationem libelli securus, velit pretium supplendo ratam habere venditionem: quomodo autem hæc electio concedenda sit, paucis explicabo; neque enim facilè recedendum est à receptis sententiis, præsertim his, quæ naturalem æquitatem & rationem habent.

- 24 Omnia enim illa iura & rationes veterum, scilicet quod restitutio sit in pristinum statum repositio, Bald. ita diluit *in dict. l. si quidem*, quod minor hoc casu, quo restitutionem sibi concedi postulat, ob pretij modicitatem non debet petere, nec formare libellum ad solum pretij præstandi supplementum, sed suam in integrum restitutionem postulabit aduersus actum; quam restitutionem reus conuentus vitare poterit, si velit supplere iustum pretium. Quasi  
in



in actore sit petitio restitutionis ob modicitatem pretij, quæ modicitas sola & vnica causa fuit impetrandi restitutionem; est verò in rei conuenti potestate supplere iustum pretium, ita vt deficiente & cessante causa restitutionis, & rescissionis actus, quasi ex voluntate vtriusque cesset ipsa actus annullatio: quam formam libelli probauit Alex. ad Bart. *in dict. l. si quidem*, pro Bald. contra Bart. ibi, & fuit Accursij, quatenus induxit legem 2. *Cod. de rescind. vend.* de qua statim agimus pro Bald. & quatenus ait solam rem esse in obligatione, supplementum autem iusti pretij in facultate soluentis; quod verissimum est, licet Bart. *in dict. l. si quidem*, & Abb. *in dict. cap. constituimus*, dicant hanc restitutionem debere postulari ad solius pretij supplementum, non ad rescissionem actus: & pro Bald. facit dicta lex *si quidem*, & caput 1. *de in integr. rest.* & reliqua iura, quæ adducuntur à Pinel. vbi læsio in pretio contingit, & imploratur restitutio iuxta tenorem edicti perpetui, id est rescissio actus, & rei petitio. Facit etiam pro Baldo dicta lex *si res*, §. 1. vbi Iureconsultus, cum in duobus fateatur coniugem lædi posse, quod seruum dederit, vel quodd minoris æstimauerit; ait tamen id solum acturum coniugem, vt seruus sibi restituatur; postmodumque subdit, si coniux in eo solum læsa reperiatur, quod minoris æstimauerit, etiamsi seruus petitus sit, in arbitrio tamen esse mariti, vel seruum tradere, vel pretium supplere, quasi sola res sit in obligatione, in potestate autem soluentis, vel rei traditio, vel pretij supplementum.

E quibus potest vitari argumentum Pinel. & Abb. & potest responderi ad cap. 1. & ad l. *patri pro filio*, §. *item ex diuerso*, & ad alia iura, quæ his adduntur, quod etiamsi ibi feratur sententia condemnatoria ad rei restitutionem, iuxta libelli formam, & licet hæc sententia habeat authoritatem rei iudicatæ, non ideo minus negatur, imò relinquitur quod reus, donec conueniatur actione rei iudicatæ, possit supplere iustum pretium, & eo ipso vitare rei restitutionem. Textus *in l. item veniunt*, §. *idem rectè*, ff. *de per. hered.* ibi, *Tam diu quis habet noxæ dedenda facultatem, quamdiu iudicati conueniatur.* Constat autem in noxali actione damnum esse in condemnatione, ex l. 1. & per totum titulum *de noxali*; & glossa recepta *in dict. §. idem rectè*. Bart. *in l. si quis stipulatus decem*, ff. *de solut. num. 6.* Abb. *in cap. cum dilecti*, num. 2. *de empt. & vend.* Igitur nihil mirum sit, si in casu dictæ glossæ *in dict. l. si quidem*, res postuletur, & fiat item rei condemnatio, vt *dict. cap. 1. & in dict. §. item ex diuerso*: sed quia ex relatione minoris, qui læsionem ad pretium retulit, sicuti in noxali causa ex dispositione legis vnum est in petitione, alterum in solutione, nihil mirum, quod vsque ad executionem sententiæ possit alterum eligi & solui, argumento dicti §. *idem rectè*, contra Pinell. & Abb. pro Bald. & recepta sententia, cum glossa *in dict. l. si quidem*.

Sed fortissimè facit pro Bald. & glossa prædicta ratio desumpta ex l. 2. *C. de rescind. vend.* licet enim in specie eius legis controuersum sit, an res, an pretium, an vtrumque sit in obligatione, in quo mirè Canonistæ à legistis differunt; illi enim tenent, & pretij supplementum, & rem ipsam esse in obligatione, cum Ioan. Andr. & Abb. *in cap. dilecti*, *de empt. & vend.* & latè Beroius ibi, num. 15. *cum seq.* ast legistæ tenent solam rem esse in obligatione, iu-

fiti autem pretij supplementum in solius emptoris facultate : post glossam in  
*dict. l. 2.* tenent Bald. Salic. & reliqui ibi : vtramque autem opinionem variè  
 proferunt & dilatant Molin. in *consuet. Parisiens.* §. 22. num. 42. Conar. *variar.*  
*lib. 2. cap. 4. ad fin.* Anton. Gomez de *contractib. cap. 2. paulò post principium.*  
 Pinell. in *dict. l. 2. part. 3. cap. 3. num. 1.* & ibi Cagnol. num. 116. D. Anton. de  
 Menes. *ibidem*, num. 38. alij tamen abeunt in tertiam opinionem , vt scilicet  
 supplementum solum sit in obligatione , res autem ipsa in facultate soluentis,  
 de quo Raphael Fulg. in *dict. l. 2. num. 9.* & quamvis hæc tertia opinio Ful-  
 gosij ab omnibus semper reiecta , singularis semper extiterit , nobis Hispanis  
 27 certe , ni fallor , maximè aduertenda est ; iure enim nostro probata esse vide-  
 tur , *l. 56. tit. 5. part. 5.* quem textum & nostri & exteri securè pro Canonista-  
 rum opinione adducunt , perperam quantum existimo ; verba enim eius legis  
 pro Fulgosij aperta sunt , neque inductione egent vlla , ibi : *Es si el vendedor esto*  
*pudiere probar , puede demandar al comprador , qual cumpla sobre aquello que auia*  
*dado por ella , tanto quanto la cosa entonces podria valer , segun derecho , è si esto*  
*no quisiere fazer el comprador , deve la desamparar al vendedor , e recibir del el*  
*precio que auia dado por ella.* Quæ verba non patiuntur vt aliud retorqueri pos-  
 sint , vllò colore quæsito. Imò verba ipsa nouioris constitutionis , titulo de  
*las ventas* , si maturè pensentur , idem probant , ibi : *Mas que el compr. dor sea*  
*tenundo de cumplir el precio que valia la cosa al tiempo que fue comprada* ; quasi id  
 sit in obligatione ex verbo , *sea tenundo* : ast quæ sequuntur verba , *o la dexar*  
*al vendedor* , intelligenda sunt iuxta legem Partitæ , scilicet si priorem casum  
 non elegerit emptor , ad quem tenebatur ; quod quidem efficit vt sustineat-  
 ur hodie in Hispania libellus , qui concludat solum supplendum esse sibi ius-  
 tum pretium , vel solum esse sibi restituendum , vel vtrumque , dummodo ap-  
 tam contineat narrationem læsionis vltra dimidiam : quicquid enim horum  
 petas , præmissa apta narratione læsionis vltra dimidiam , emptor vel supplere  
 iustum pretium , vel rem tradere potest. In quo tamen praxis apud nos admisit  
 28 consilium Bart. in *dict. l. 2. num. 13.* vt vel res tradatur , vel suppleatur iustum  
 pretium , quod securus est , & huic sensui magis quadrant & conueniunt  
 verba nouæ constitutionis inter regias constitutiones , quæ vtrumque coniun-  
 xit , nisi eam , vt diximus , intelligas iuxta dictam legem 56. vt quadrant am-  
 bæ. Hanc conclusionem libelli magis agnouerunt veteres , tradentes in actio-  
 ne multiplici & variè accepta iudicium sustineri , si pars quæ apta legi est , in  
 libello reperiatur , etiamsi cum apta inepta quoque coniuncta sit ; in hoc  
 29 enim facto plus potest ea pars quæ iuuat , quàm ea quæ noceat. Iason in *l. 1.*  
*§. sed si mihi* , num. 14. ff. de *verborum* : & quæ ipse adducit , & adducit plures.  
 Alexand. *conf. 105. lib. 3. ad fin.* quamcunque enim opinionem teneas , quan-  
 tum ad libellum , in potestate est quidquid velis postulare ; si supplementum  
 intentes solum , habes iure nostro Hispano dictam legem 56. si ad rem indi-  
 stinctè ages , habes Accursium , & qui eum sequuntur : si ad vtrumque , con-  
 sultius facies cum Bart. quidquid egeris , sine timore esto , nec vnquam ad-  
 imes emptori electionem illam , ex Bald. in *dict. l. 2. num. 19.* idque fatentur sin-  
 guli suarum opinionum auctores.

Igitur ex his quæ verissima sunt , patet etiam in actione legis 2. solere iuxta  
 Accursij



Accursij sententiam rem indistinctè peti; imò ipsam solam esse in obligatione, supplementum verò in potestate emptoris conuenti, vt nihil mirandum sit in casu glossæ dictæ legis *si quidem*, *Cod. de prædijs & alijs rebus minor.* quod res omnino veniat petenda, & rescissio contractus; & præmissa apta narratione solius læsionis in pretio, non verò alienationis, emptor, reusque conuentus rescissionem contractus, & rei restitutionem vitet, iusto pretio oblato: cùm enim hoc impetret minor Ecclesiæ beneficio restitutionis minorum, si ex causa iudicati rescissio contractus sequatur; quia verò læsio in solo pretio proponitur contigisse, meritò offerendo pretium emptor restitutionem vitat, sicuti in *l. 2.* retentâ Accursij sententiâ.

Est autem hæc animaduersio vtilis minoribus & Ecclesijs, qui vellent sapiùs contractus obseruari iusto pretio refarcito, & vtilior pro Bald. in *l. quæ sub condicione*, §. *si quis*, ff. *de cond. instit.* & ibi Albericus, Angel. & Paul. & Ias. in *l. vbi pactum*, num. 3. *Cod. de transact.* Anton. de Burg. Catellian. Corta, Socinus, Cassadorus, Decius, Cagnolus, & alij relati per Pinel. in *dict. l. 2. part. 3. cap. 1. num. 5.* quod pro Bald. retulit Couarr. in *cap. quamuis pactum*, part. 3. §. 4. num. 8. Dicebat enim Bald. venditorem, qui iurauit contractum venditionis, si aduersus emptorem egerit, atque aded libelli alternatiua postulatione concluderit, aut rem sibi tradi, aut pretium suppleri, periurum cum quidem esse, quia petendo rem agit contra iusiurandum; secus autem dicendum esse si ad supplementum tantum agat, quia tunc principaliter contra contractum non agit, quia scilicet supplementum tantum petit, cuius oblatio ipsum contractum magis confirmet: quam Baldi theoricam præter eos, quos superius retuli, tenet vir magnæ authoritatis Gregor. Lop. cum admiratione in *dict. l. 56. tit. 5. part. 5.* & reuerà illa decisio tot, tantisque viris recepta habet eam rationem, quia qui supplementum petit, reuera ipsum contractum non destruit; imò magis confirmare studet: quod si tu supplementum deneges, magisque rem libens ac volens restituas, iam id non meâ culpâ factum intelligitur. Rursum si supplementum offeras, nihil factum reperitur contra iusiurandum. Contra Bald. tenent viri tres grauissimi, Couarr. in *dict. cap. quamuis pactum*, part. 3. §. 4. num. 8. Pinel. in *dict. l. 2. part. 3. cap. 1. num. 5.* indignabundus ferè. Dominus Anton. de Padil. *ibidem*, num. 82. quorum argumenta, quæ pauca sunt, non aded fortia sunt, vt non possint facilè vitari, ex his quæ circa restitutionis hoc genus notauimus. Verum enim est, tantum me agere non posse, quantum iureiurando firmaui me non acturum: quod si verò iurauero me contra contractum illum minimè acturum vt rescinderetur, quid obsecro obstat, vt seruato contractu de minore pretio agam, in quo me læsum reperio? an occasione illius iuramenti ditescet ille cum mea iactura? quod si vnus & idem contractus est, diuersa tamen est huius & illius partis ratio, quæ non vno & eodem iure, sed diuerso censentur: quod si mihi hoc indultum est iure, vt in pretio circunuentus, de pretio agam, obseruato contractu, quid est quod prætextu sacramenti, quod hanc partem non attingit, agere prohibear? Cùm autem dicta lex *si quidem*, & dicta lex *si res*, §. 1. hanc inuenerint viam, quâ læsus non in contrahendo, sed in pretio agere posset; cur obsecro iusiurandum de obseruando & non rescindendo contractu, viam

præcludet ad pretij æqualitatem, quæ diuerso iure censetur? quicquid ex auctoritate horum, qui grauissimi sunt, video controuersum. Nec quicquam facit illa consideratio, quâ hæc inuestigatio nullius momenti esse videri potuit, quia iustitia vel iniustitia contractus requirenda est, vt rescindatur, ex qua iurifurandi vis & potestas dependet; aliud enim est, posse te intrepidè contra contractum agere; aliud quærere eam iustitiam, quæ sufficiens sit, vt & contra contractum, & contra iurifurandum agere possis. Adde quod etiam si in hoc Senatu, & aliis supremis Senatibus Hispaniæ, ex usu & antiqua consuetudine non sit necessaria relaxatio iuramenti ad agendum, sed pendeat ex iniustitia actus, qui gestus est; apud iudices tamen inferiores relaxatio necessaria est. In nostra autem specie auditur de supplemento agens, nec vlla indigebit relaxatione, ex Bald. & eis, quos retulimus, qui quoque sunt viri doctissimi, cuius probatio licèt ex dict. l. si quis sub conditione, §. si quis, non colligatur; colligi tamen facilè potest ex iuribus & rationibus suprâ adductis, & mirè quadrant decisioni nostræ quæstionis, vbi læsio in pretio est; & sententia, licèt restitutionem rei contineat, illæsus tamen seruari contractus poterit, si supplementum offeratur; idque quousque rei indicatæ actione agatur, quo casu magis confirmatur contractus, & magis iurifurandum obseruatur, perficiente contractum ipsa iusti pretij solutione, quæ deerat ad contractus iustitiam, quasi reiectâ è medio causâ, ex qua contractus perire poterat.

31 Quod verò attinet ad textum, quem Bald. allegat in dict. l. quæ sub conditione, §. si quis, de condit. instit. quoniam doctissimus Couar. ubi sup. respondendo ad Baldi inductionem, ipsamque refutando, existimat cum multis, ex duabus conditionibus alternatim ibi positis, reiectâ vnâ, alteram tantum superesse, idque dict. num. 8. ad fin. in vltimis verbis, secus existimandum est, ibi solum reiici quod turpe & impossibile est, alia autem remanere; denique in dispositione quacumque, quæ impossibile aut turpe aliquid contineat, id quod turpe & impossibile est tantum reiicitur, ex l. turpia, ff. de leg. 1. §. 1. & ibi Alexand. num. 7. pro quo est textus in dict. l. quæ sub conditione, §. quoties, & Accursius ibi, Si hæres iubeatur iurare factum faciendum, quod non sit de genere malorum, actiones hereditarias non aliàs habebit, quàm si fecerit id quod iurare iussus fuerat, solo iuramento remisso. Idque magis confirmatur ex regula legis obtinuit, ff. de cond. & demonstr. & §. si impossibilis, institut. de inutilibus stipulationibus.

32 Vnde ad l. si quis ita institutus, ff. de condit. instit. ibi, Si quis ita institutus sit (inquit Vlpian.) si monumentum post mortem testatoris in triduo proximo mortis eius fecisset, cum monumentum in triduo perfici non possit, dicendum erit conditionem euanescere quasi impossibilem; Vlpianus quamuis dicit conditionem euanescere, intelligendum est, euanescere id quod est impossibile, non verò omnem conditionem: quoniam verò non est impossibile monumentum confici, sed tempus tridui, illud solum breuissimum tempus, propter quod conditio impossibilis visa est, reiicitur; conditio verò conficiendi monumentum remanet; & ita non remanet dispositio simplex & pura, sed conditionalis, si monumentum fiat; & pro hoc intellectu est textus expressus in l. hac scriptura, ff. de condit. & demonstr. ibi: Si iuraueris se decem daturum, aut monumen-



*rum facturum* : & ibi , tamen compellitur facere id , quod facturum se iurare iussus est ; solo iureiurando remisso , quo iure remittebatur iusiurandum , l. non dubitamus , ff. de condit. & demonstr. Vnde in dict. l. qua sub conditione , §. si quis sub iusiurandi , non est dicendum reiici alteram conditionem , quæ sub iureiurando fuerat concepta , sed remanere conditionem remisso iuramento ; & ita remanere dispositionem sub conditione alternata , non verò sub vnica duntaxat conditione , quæ iurata fuerit , vel non fuerit ; quod existimabat doctissimus Couarruias contra hæc iuris principia ; & ante eum sic intelligebant Albericus & Iason in l. si mihi & tibi , §. si quis seruos , ff. de leg. 1. Loquuntur tamen contra iuris rationem. Melius Alexand. ubi sup. hæc explicuit , remittens impossibile aut turpe , non verò ipsas dandi , faciendive conditiones , quæ sub iureiurando præstando fuerant conceptæ. Ipsemet Couarr. aliud agens in dict. cap. quamuis pactum , 1. part. §. 3. num. 7. vers. primum , posse id sentiebat , & melius in casu dicti §. si quis iuratur. & pro Alexand. est nobis lex 6. titul. 4. part. 6. ubi iusiurandum remittitur manente obligatione faciendi. Quod autem attinet ad litteram dicti §. si quis , in fine , quoniam subobscura est , ita debet concipi ibi , vt aut pareat conditioni , aut iuret : illud quidem videndum est , nunquid ei remitti conditio non debeat , quia potest alteri conditioni parendo esse securus ( scilicet parendo conditioni quæ non fuerat iurata ; ) & est verius , remittendam conditionem ( scilicet remittendum iusiurandum , ) ne alia ratione ( id est si non remittatur iuramentum , ) conditio altera ( id est conditio quæ iurata non fuit , ) urgeat eum ad iusiurandum ( scilicet quia potest fieri vt non possit hæres adimplere conditionem non iurata : ) & ita nisi iuramentum reiiceretur ab altera conditione , cogeretur iurare , quia alteram adimplere non posset. Tollitur ergo iuramentum , & manet dispositio sub alternata conditione , ita vt si vnā non possit adimplere hæres , ad alteram confugiat.

33

Ex his omnibus , quæ diximus ad glossam in dict. l. si quidem , & ad l. 2. Cod. de rescind. vend. patet intellectus ad l. fin. tit. fin. part. 6. quæ lex difficilis est , & solet torquere animos Hispanorum ; quam vt intelligas , reuocandum est in memoriam , esse quidem de restitutione duplex edictum : alterum quod fauet minoribus ; alterum verò quod maiores quoque tuetur : vtrumque in eo , quod dolo , aut circumuentione , aut leuitate sua amiserunt. Illud est per totum Digestum de minorib. hoc verò per totum Digestum & Codicem ex quib. causis maiores. Præterea aduertendum est , hisce edictis ambobus iuari Ecclesiam , Principem , & Rempublicam ; modò enim restituuntur vt minores , cap. 1. & per totum de in integ. restitut. modò quoque vt maiores , in his , in quibus maioribus per restitutionem solet succurri , l. in contractibus , Cod. quibus ex causis maiores , & l. 2. Cod. de rescind. vend. modò constat Ecclesiam iuari edicto minorum , cap. 1. de in integ. restit. nec solùm si dolo aduersarij sit circumscripta , sed etiam si per imprudentiam administrantium , ex glossa in dict. cap. 1. iuncta rubrica & titulo , si tutor vel curator interuenerit. Bernardus Diaz de Lugo in reg. Ecclesia , bis ausus est dicere , edictum non induci , nisi quando Ecclesia dolo aduersarij fuerit circumscripta , non sui facilitate ; quia existimat istam facilitatem non reperiri in administratoribus rerum Ec-

34

35

clēsia : sed omnia quæ concedimus minoribus, Ecclesiæ concedenda sunt, nec potest discrimen assignari in hac re.

- 36 Præterea minor post quadriennium numerandum à tempore maioris ætatis non restituitur, etiamsi alleget damnum eminentissimum; & tamen Ecclesia post quadriennium iure minoris restituitur, si allegat damnum eminentissimum: glossa recepta *in cap. 1. de rest. in integ. verbo causa*, lib. 6. sed intra quantum tempus Ecclesia post quadriennium audiatur, vide Rodericum Suar. Hispanum *allegat. 21.* qui ait concedendum esse Ecclesiæ alterum quadriennium: contra Suar. tenent reliqui Hispani, Couar. *variar. resol. lib. 1. cap. 3. num. 12.* & tenuerat Emanuel Costa *in §. Et quid si tantum*, part. 2. num. 83. & in effectu tenet Bernard. Diaz de Lugo *ubi supra*, & Gregor. Lopez *in dict. l. fin. part. 6.* qui asserunt tribuendum esse Ecclesiæ spatium 30. annorum; & licet ita arbitrentur, verius esse asserimus in hoc casu dari 40. annos, *authentica quas actiones*, Cod. de sacrosanct. Eccles. tenet Imol. *in cap. ad nostram*, num. 7. de empt. & vendit. quam communem dixit Cagnol. *in l. 2. Cod. de rescind. vend. num. 32.* & est nobis lex 26. tit. 29. part. 3. & hoc sentiebat Gregor. Lopez *in dict. l. fin. tit. fin. part. 6.* Omnes tamen, excepto Emanuele Costa, ut contra Roder. Suar. concedant 30. annos, iure nostro allegant dictam legem *fin. tit. fin. part. 6.* Quæ cum difficillima sit, intelligitur, ut tradit Couar. *ubi supra*, num. 13. ut prior pars dictæ legis finalis loquatur in restitutione in integrum, quæ iure ordinario in quadriennio petenda est; pars verò posterior, quæ incipit, ibi: *Pero si el menoscabo fuese tan grande*, sit quædam exceptio, vel interpretatio, ut si læsio enormis sit, quæ dimidium iusti excedat, loco quadriennij 30. anni competant; unde utraque pars, & prior, & posterior intelligitur de restitutione in integrum, quæ competit Ecclesiæ, Principi, vel Republicæ iure minorum; qui intellectus id agit, ut ex hac restitutione contractus, qui gestus est, rescindatur, sicuti rescinditur à minore qui in integrum restitutionem postulauit intra quadriennium. Retenta autem hac opinione possunt conciliari dicta lex finalis, *tit. fin.* cum dicta lege 26. tit. 29. ut licet Ecclesiæ non possit interimiri ius ex capite præscriptionis, nisi transactis quadraginta annis; ipsa tamen si læsa sit intra triginta annos, debeat in integrum restitutionem postulare; quæ inæqualitas merito suspecta videri potest aliùs intuenti hanc rem, expendentique authenticam *quas actiones*, C. de sacros. Eccles. Pone ex eodem contractu mecum inito Ecclesiam læsam: quid obsecro est, quod ego ante quadagesimum annum securus esse nequeam, & Ecclesia agere non possit post triginta annos? si post trigessimum annum non auditur Ecclesia, *ex d. l. fin.* quorsum quadraginta expectantur, *ex d. l. 26.* quod præcipue obtinet in causis, in quibus necessaria sit Ecclesiæ in integrum restitutio. Animaduertimus autem, hanc pugnam inesse respectu Ecclesiæ, quia dicta lex finalis loquitur in Principe, Republica, & Ecclesia; idè dicta lex finalis difficilis est: unde Emanuel Costa intelligit dictam legem finalem quando Ecclesia iure maioris peteret restitutionem in integrum, ob pretij modicitatem, ratione deceptionis ultra dimidiam iusti pretij, iuxta dictam legem *in contractib. C. ex quibus causis maiores*, & dictam legem 2. C. de rescind. vend. egregius textus *in d. l. domum*, ff. de contrah. empt. quo casu cum possit intendere & impetrare in integrum



regum restitutionem iure maioris, non potest iure minoris postulare, ex glossa recepta in l. 1. *Cod. si aduersus fiscum*: & ita intelligimus à Principe, Ecclesia, & Reipublica posse postulari in integrum restitutionem, non tanquam minoribus, sed tanquam maioribus, ratione parui pretij, quod non exæquet dimidium iusti pretij; idque intra trigessimum annum, ex dict. l. fin. cuius verba, quæ de restitutione sunt, ad hanc restitutionem sunt referenda, non ad restitutionem iure minoris; neque obstat quod ait Couarr. dict. num. 13. ad fin. quod ex hac restitutione contractus omnino rescinditur. Nam ex dicta glossa in l. si quidem, de qua agimus, quando restitutio petitur ex causa modici pretij, non statim contractus rescinditur, sed est electio, sicuti in dict. l. 2. *Cod. de rescind. vend.* & est verissimum, quod licet aliàs priuatis remedium dictæ legis 2. competat intra quadriennium, tamen ex dict. l. fin. competet Ecclesiæ, Principi, vel Reipublicæ intra 30. annos; id tamen retenta hac interpretatione Emanuели Costæ, per restitutionem in integrum, iure maioris ex dict. l. in contractibus, ratione deceptionis pretij ultra dimidiam, in qua restitutione omnino non auocatur res, sed est electio, sicuti in casu dictæ legis 2. ex glossa in dict. l. si quidem, ad quam hæc adduximus, & retento hoc sensu quadrant dicta lex fin. tit. fin. & dicta lex 26. tit. 29. & cessat inconueniens, Couarr. d. num. 14. ad fin. quod res ex hac restitutione indistinctè raperetur.

Præterea dictum Baldi ex eo magis confirmatur, quia ex his quæ diximus, etiamsi Legistarum verior sit opinio, vt in casu dictæ legis 2. *Cod. de rescind. vend.* libellus concipi debeat alternatiuè per legem 1. *Cod. si maior factus alienationem sine decreto*, licet ipsi Canonistæ contra iura in contrariam ierint sententiam, de qua suprâ; in casu tamen nostro, in quo de restitutione agimus, libellus concipi alternatiuè non potest, quia ex natura restitutionis sola res est in obligatione. Ratio differentię ea est, quia actio bonæ fidei in dict. l. 2. *Cod. de rescind. vendit.* competit ad vtrumque ex eius exuberantia; sed vbi contractus est stricti iuris, tunc remedium dictæ legis 2. daretur; ita tamen vt sola res peteretur, solaque rei restitutio videretur esse in obligatione, & supplementum iusti pretij, in soluentis facultate, idque secundum probabilem opinionem Beroi in dict. c. cum dilecti, de emptione & vend. numer. antepenult. iudicium autem in integrum restitutionis rectè applicatur iudiciis stricti iuris, non autem bonæ fidei; neque enim passim, neque vbique, neque omnibus conceditur, sed cum causæ cognitione, præmissâ apertâ læsionis probatione, intra certum tempus; ita demum cum nullum aliud remedium est. Tum etiam quia non refertur inter iudicia bonæ fidei: in iudiciis autem stricti iuris non competere actionem alternatiuam tenet Bart. in dict. l. 2. num. 5. idem Bart. & reliqui in l. si quis cum aliter, ff. de verb. vbi Iason refert num. 18. esse communem opinionem, præter Beroum vbi suprâ, dicunt quoque communem Antonius de Burgos num. 15. & 23. Imola num. 13. in dict. cap. cum dilecti. Cagnolus in dict. l. 2. num. 65. & 68. qui post Alexand. & alios cum neget competere actionem alternatiuam, asserit competere conditionem indebiti. Quicquid sit, quod nunc non prosequor, minoribus certè competit ex supradictis restitutio, quæ cum stricti iuris sit, alternatiuè certè concipi non potest, sed ad rem ipsam est recipienda, cuius rei restitutio, ex glossa in dict. l. si quidem,

de qua agimus, vitabitur oblato pretio iusto; & cum vera sint, satis tuentur opinionem glossæ & Baldi ibi; si enim in casu dictæ legis 2. *de rescindenda vendit.* remedium eius legis in contractu stricti iuris alternatiuè non concipitur, sed res petitur, & supplementum est in potestate soluentis, quid mirum restitutionem ob pretij exiguitatem ad rem quoque concipi, vitari tamen oblato iusto pretio, quæ est decisio dictæ glossæ & Baldi *in dict. l. si quidem*, quam impugnabat Pinel. *ubi sup.*

43 Vtilitas autem eius inuestigationis, quam adduximus *ad dict. l. 2.* an res sit in obligatione, an pretium, an verò vtrumque, perspecto iure nostro maxima est; quia si sola res est in obligatione, in potestate autem soluentis supplementum iusti pretij, idque vsque ad executionem rei indicatæ, si res pereat fatali necessitate sine culpa aliqua, vel dolo, nulla superest obligatio, cum pretium in obligatione non contineatur, neque ad id precisè agi possit: boni autem hoc casu consulere debet venditor, quod res aliquo pretio vendita sit, quæ apud se fuerat quoque peritura, *ex dict. l. si res, §. 1.* suprà adducta, *ff. de iure dotium.* Faciunt ad hanc conclusionem quæ adducit doctissimus Couar. *variar. lib. 2. cap. 4. num. 14. ad finem.* Dominus Antonius de Meneles *dict. l. 2. num. 37.* Pinel. *ibi 2. part. cap. 1. num. 36.* vbi in casu dictæ legis 2. retenta Canonistarum sententia liberat emptorem, cum pretium debeat respectu rei, non verò simpliciter, *ex Bart. in l. quod te mihi, ff. si certum petatur*, vbi Iason *num. 15. ex l. 1. §. fin. ff. si cui plusquam per leg. Falcid.* quam opinionem aduertit doctissimus Couar. *ubi suprà.* Si ergo in casu dictæ legis 2. mortalitas liberat, quia apud venditorem mori poterat res empta, non solum quando res est in obligatione, sed quando alternatiuè concipitur libellus, vt diximus, nihil mirum quod eadem liberet in nostra hac restitutione, vbi res est in obligatione, pretij verò supplementum in facultate emptoris: vnde illud perpetuò memineris, si compertum habeas rem emptam apud emptorem periisse fatali necessitate, confuge ad opinionem Fulgosij, & dictæ legis 56. *tit. 15. part. 5.* & supplementum pete, quod cum ex dispositione illius legis solum videatur positum & situm in obligatione, vt suprà adnotauimus, non poterit ex mortalitate euitari iusti pretij supplementum.

44 Præterea ex his, quæ notauimus ad glossam *in dict. l. si quidem*, est utilis declaratio *ad l. 1. Cod. si aduersus venditionem*, & *ad l. 1. & 2. Cod. de vendendis rebus ad ciuitatem pertinentibus*, & *ad l. Lucius, §. fin. ff. ad municipal.* & *ad l. 5. tit. fin. part. 6.* quod post perfectam venditionem sub prætextu maioris summæ oblata, perfecta semel venditio reuocari non possit, vt scilicet si ciuitas de minori pretio agat, quod læsionem contineat vltra dimidiam, vltra quadriennium audietur quidem, ex restitutione in integrum iure maioris intra triginta annos, *ex d. l. fin. tit. fin. part. 6.* quia hoc quoque casu, sicuti in glossa *in d. l. si quidem*, directò contractus non infringitur; euitatur enim rescissio oblato iusto pretio, nihilque fit contra dictam legem 1. & 2. & dictam legem 5. *tit. fin. part. 6.* atque hæc interpretatio aptanda est ad ea quæ tradunt Matthæus de Afflict. *in decisionib. quest. 340.* Rochus *in cap. fin. de consuetudine, fol. mibi 48.* Auendañ. *de exequendis mandatis Regum Hispaniæ, 2. part. cap. 12. num. 12.* qui omnes retenta specie dictæ legis 1. & legis 1. & 2. & legis Lucius, §. fin. & dictæ legis 5. *tit. fin.*



*fin. part. 6.* negant restitutionem in integrum concedi ad infringendam venditionem, vt ea restitutio concedenda sit, de qua glossa *in dict. l. si quidem*; quæ 45 innitatur in læsione modici pretij, quoniam hæc directò non rescindit contractum, aut venditionem, quoniam in facultate emptoris est supplere iustum pretium, obseruato contractu; quo supplemento magis venditio confirmetur, vt diximus. Atque hæc ferè pertinent ad dictam glossam *in dict. l. si quidem*, quam Pinellus impugnat ex his fundamentis, quæ superius adduximus; illa tamen recipienda est, & vtilitatem continet: & quod attinet ad nostrum institutum, etiamsi hoc casu emptor libens, ac volens tradat rem, dum pretium supplere nequit, adhuc contra Salycetum *in dict. l. 2. de rescind. vendit.* qui occasionem dedit nobis dictam quæstionem interpretandi *dict. gloss. in d. l. si quidem*, obtinendum est, consecuturum emptorem suas expensas & meliorationes, neque erit differentia illa inter restitutionem, & remedium dictæ legis quantum ad hoc; nunquam enim remittere existimatur meliorationes suas, vt sæpiùs aduertimus.

Rursum alia inuestigatio est, quæ pertinet ad emptorem, in hoc expensarum & meliorationum tractatu, vtilis & quotidiana, quæ luce eget, vt intelligi possit; ea autem est circa onera, & tributa ab emptore soluta occasione emptionis, à quo ea sibi conseruet emptor, rescissa venditione, vtcumque rescindatur, siue per in integrum restitutionem, siue ex remedio legis 2. *C. de rescind. vendit.* vel quia cum pacto de reuendendo fuerit concepta: putà decima soluta est, laudemium domino, à quo sibi conseruauit ea onera, quis soluerit? quis ex hac causa expensurus est? an quippiam sibi reseruet emptor rescisso contractu? in quo Pin. *in l. 2. de rescind. vend. part. 2. c. 3. n. 35.* duplicem quæstionem attingit, scilicet, an rescisso contractu ex causa restitutionis in integrum, vel ex alia quacumque causa, dominus, qui laudemium accepit, vel releuium, teneatur restituere; & in hac quæstione censet cum Carol. Molin. *in consuetudinibus Parisiensib. §. 22. titul. 1. num. 18. & seq.* posse à domino feudi, vel à domino directò rei emphyteuticæ laudemium, vel releuium recuperari, rescisso contractu emphyteusis, vel feudi, vtcumque rescindatur: diuersum autem constituit in gabella soluta ex tali contractu. Pone dominium, fundum emptum, vel rem emphyteuticam venditam ex consensu domini, quinquagesimam solutam domino, item & releuium; fit vt emptio illa rescindatur, vel edicto minorum, vel ex pacto, vel alia ex causa. Pone quoque gabellam esse solutam rescisso contractu, quæritur, an releuium & laudemium repeti possint, an & gabella, quæ fisco soluta est? tenent laudemium, & releuium repeti posse, gabellam non item; & ita iudicatum Parisiis tradit Molineus vbi suprà, *num. 33.* rationem differentiæ eam esse ait Molineus, quòd iura feudalia & emphyteutica, quæ tribuunt domino releuium, vel laudemium, concernunt mutationem vassalli, vel emphyteutæ; vnde si reuerà vassallus, vel emphyteuta mutati non sint, laudemium vel releuium non debentur, vnde dominus restituere tenetur: at verò ius gabellæ respicit merum factum emptionis & venditionis, non mutationem vassalli, vel emphyteutæ; ex qua causa pronum est, gabellam non repeti. Hæc Molineus, quæ approbat Pinellus *vbi suprà*, & vterque loquitur indistinctè, siue rescindatur

47 contractus aliàs validus, siue annulletur; immò ipse Pinellus eam traditionem recipit in casu legis 2. *Cod. de rescind. vend.* ubi aliàs contractus perfectus rescinditur, non oblato iusto pretio. Ego certè in proposita specie, scilicet in qua contractus annullatur, libens ac volens existimarem repeti laudemium & releuium; item & gabellam, quia ita intelligenda est venditio facta, ac si nunquam facta intelligeretur, *l. facta, ff. de adilitio edicto*: namque ex contractu nullo non debetur neque gabella: textus in *l. 2. Cod. de eunuchis*, ibi, & *cos qui octuam, vel aliquid vestigialis causà pro his susceperint, eidem pœna subiticiendo*: ubi Salycet. id tenet. Optima decisio ad Abbat. in *additionibus*, in *cap. 1. de constitutionibus*, n. 9. *litera D, verbo Gabella*, ubi plura ad gabellam quotidiana, quando & quomodo fraudari possit; immò licet contractus valeat, si in continenti partes ab eo recesserint, non autem ex intervallo, non debetur gabella, quia de hoc ita iudicamus, ac si nunquam factus esset. Paulus in *l. iuris gentium*, §. *adeo, ff. de pactis*, num. 2. Iason in *l. possideri*, §. *Nerva filius, ff. de acquir. possessione*, Bald. in *dict. l. 2. Cod. de eunuchis*, & in *l. non dubium, Cod. de legibus*, Bertachinus in *tract. de Gabellis*, *part. 8. quæst. 5.* latè tradit Carolus Molineus *dict. §. 22. num. 32.* & in hoc casu quando contractus est nullus, verissima est hæc conclusio, quod nedum laudemium, vel releuium, sed neque gabella debetur, & soluta repetitur, quia indebita: quod si contractus semel valeat, ex causaque non annulletur, sed rescindatur, quæ duo plurimum differunt, certè quod attinet ad gabellam certissimum est, quod à fisco non exigitur, *l. 70. Tauri*, quæ optima est & ita debet intelligi Bald. in *l. 2. Cod. de adilitis actionibus*: & licet intelligas dictam legem 70. Taurinam, in casu de quo proximè dicemus, scilicet quod ibi emptor soluit gabellam, quæ aliàs erat soluenda à venditore, attento nostro iure Hispano, idque ex pacto conuento, & necessario ita intelligenda est, quia non nisi ex pacto gabellæ solutio ad venditorem nostro iure pertinet, quasi lex 70. velit, vt vniuersa restituantur emptori, nihil autem decadat circa nostram quæstionem, an scilicet à fisco repetatur gabella, quod *dict. l. 70.* non est decisum: sed id resoluunt Molineus, & Pinellus *ubi supra*, vt rescisso contractu gabella remaneat fisco, quia soluitur propter simplicem actum venditionis, nihilque aliud requiritur vt gabella solvatur: denique quod attinet ad gabellam, considerandum est, an actus qui geritur, sit nullus, vel validus, etiamsi rescindatur, ita vt ex hoc meritò solvatur gabella, ex illo verò minimè: in laudemio, & releuio contrarium existimabat Molineus & Pinellus, vt ex contractu etiam valido, qui per restitutionem, aut alio quouis modo rescindatur, omnino repetantur à domino qui acceperit, quia cùm soluantur ex eo, quod emphyteusis, & feudum manum mutauerint, non mutata manu intelligunt non esse relinquenda releuia & laudemia penes dominum. In hoc autem casu, ubi contractus valuit, & dominus rectè accepit, quod sibi ciuilitè debitum erat, quod sit repetitio quasi indebiti, mihi certè durissimum est. Præterea duas rationes adducit ad hanc conclusionem suam Molineus *num. 36. & 39.* vtræque autem conclusionis suæ ratio in restitutione versatur; ait enim restitutionem in integrum extendi ad iura quæ sita tertio, quando sunt ei quæ sita ex causa quæ immediatè per restitutionem in integrum annullatur, ad quod

allegat



allegat plures *dict. num. 36. & 37. & 38.* deinde *num. 39.* ait restitutionem in integrum, quæ conceditur per viam iustitiæ, extendi contra tertium, secus si restitutio concedatur ex gratia, vbi plures allegat: id tamen efficiet, vt in causa restitutionis id sit concedendum, extra eam verò minimè, vnde extra 49  
causam restitutionis difficilis est assertio Molinei, qui quamuis *num. 18.* agat de lege 2. *de rescind. vend. & retenta eius specie* quærat, an reperatur laudemium, remittit ad quæstionem 4. & 5. quæ sunt *num. 32. & 33.* Vbi de nullitate agit, postremò *num. 35.* vbi de contractu valido, & rescisso agit, ad restitutionem in integrum confugit, in qua cum expedita res sit, extra eam mihi satis dubia est, & pressius vrgenti respondebo, laudemium non esse restituendum à domino, qui consensit venditioni rei emphyteuticæ, etiamsi postea ex pacto, vel consensu, vel ex remedio legis 2. *de rescind. venditione*, venditio rescissa sit, quia verè mutauit emphyteusis manum, & verè emphyteuta nouus extitit emptor; idemque de releuio intelligendum est, pro quo multa faciunt quæ adducit Molineus *dict. §. 22. num. 5. 6. & 7.* & quæ disputant scribentes in *dict. l. 2. de rescind. vend.* de hypotheca inducta ab emptore, an perimatur rescisso contractu, quod alibi melius: præterea cum remedium dicte legis 2. *de rescind. vendit.* in Gallia durer toto decennio, vt tradit idem Molineus vbi suprà, *tit. 1. §. 22. num. 47. ad fin.* an ferendum est, vt toto hoc tempore dominus totus non sit, qui laudemium accepit, vel releuium, nec dicatur mutata manus, vel emphyteusis; quin potius adhuc in restitutione, nisi in continenti fieret, aut modico ex interuallo, existimarem cum Paulo vbi suprà, non esse repetitioni locum eius quod modis omnibus debebatur, & iure solutum sit: adde quod Molineus *dict. num. 33.* vbi ait iudicatum in supremo Parisiensi Senatu pro sua illa opinione, obscurè admodum proponit factum, ita vt nequeas satis ex eius verbis ad nullitatem, vel ad rescissionem actus referre; imò vtrumque confundit, ait enim donationem fuisse rescissam, aut alia ratione annullatam. Iniqua facti referendi ratio, vnde ius non nisi confusè educere possis; & licèt verum sit, restitutionem ius quoque labe-  
factare tertij, quod quæsitum sit ex actu, contra quem impetratur restitutio, ex his quæ adducit ipse Molineus *dict. num. 36.* illud tamen ita accipiendum est, si opportunè & commodè petatur, quod attinet ad nostram quæstionem; 50  
neque enim spes restitutionis, quæ peri potest, impedit ciuiles effectus, qui possunt medio tempore accidere: textus in *l. quod si minor, §. Scævola, ff. de minoribus*, vbi spes restitutionis non impediuit delationem hæreditatis substituto, & docuit Bart. in *l. 1. num. 29. ff. de vulgari*: vnde etiamsi minor vendidit accedentibus solennibus ad celebrandum contractum ex consensu domini, emphyteusim, & laudemium domino soluit; & quamuis possit intra tempus vtile petere restitutionem læsus, spes illa restitutionis non impediuit ciuiles effectus, & verè aperta est emphyteusis, & mutata verè manus, & dominus rectè accipit laudemium verè debitum, secutaque causa est, cur acciperet: & licèt solutio laudemij habuerit causam à contractu, tamen aliam habet rationem iuris minor aduersus emptorem, & eam fortiolem, quam aduersus dominum, quæ debiliior est: negotium illud cum domino finitum est, cum emptore pendet tempore vtili ad restitutionem; emptor enim ex restitutione im-

petrata acceperat indebitum; at verò dominus debitum ex mutatione manus, & emphyteusis; habet enim minor sæpè aduersus eum cum quo gessit, restitutionem, non verò aduersus tertium, qui quippiam sibi debitum habet, *l. in integrum, ff. de minoribus, dict. §. Scauola*, vbi minor restitutus, intelligendus est non restitui aduersus tertium, qui rem destructam habet, sed aduersus pretium duntaxat. Cùm ergo patronus habuerit causam ex mutatione emphyteusis, quæ verè mutata est, quæ causa licèt habuerit occasionem ab ipso contractu, tamen non dependet ex contractu, quia solus contractus non mutauit manum, sed traditio rescisso contractu, non rescinditur ius illud tertij. Simile est quod diximus ex repudiatione facta à minore; secuta est aditio substituti, solutio legatorum, & distractio rerum; restituitur minor, securi sunt emptores rerum, quia licèt ea venditio dependeat ab actu contra quem restitutum impetratur, tamen habet separatam causam, & alium iuris effectum; spes enim illa restitutionis non impediuit alienationes, neque solutiones rectè factas, *dict. §. Scauola*: ergo nec solutionem factam domino. Aliquando enim ex æquo & bono restitutio minoribus negatur, etiam in eo, in quo læsi aliàs videri poterant. Alexand. *consil. 67. lib. 5. ad fin. l. fin. l. ex causa, in principio, ff. de minoribus*: æquum enim est, vt in eo restituatur, in quo læsus est. Cùm autem minor læsus in pretio est, aut in repudiatione, æquum est vt omnia ei restituantur, quæ læsionem eam attingant; non reliqua, quæ extra læsionem sunt: vnde Molinei opinio non est facilè accipienda contra dominos, extra causam nullitatis, vel saltem restitutionis, scilicet, si ex pacto, vel libentes decesserint, vel ex remedio legis 2. *de rescind. vendit.* à contractu facto: magis æquum est, vt ius conseruetur domino ex hac causa, quæ voluntaria est, non necessaria, multoque minùs si rescissio sequatur, ex remedio dictæ glossæ *in l. si quidem, Cod. de prædiis & aliis rebus minorum*.

§ 2 An verò ex rei venditione, quæ fit ex pacto de retrouendendo, vel ex necessitate rei iudicatæ, vel ex redhibitione debeatur domino tributum, siue illud sit publicum, siue priuatum, latè distinguit Molineus vbi suprà, §. 22. *quest. 3. num. 11. & 13. gloss. 5. quest. 2. Pinellus in dict. l. 2. Cod. de rescind. vendit. cap. 3. num. 36. breuiùs latè Tiraq. de retractu conuentionali. §. 6. gloss. 2. à num. 3. vsque ad num. 19. & seq. Cagnolus in l. 2. de rescind. vendit. n. 237. distinguunt inter voluntariam resolutionem contractus, & necessariam ex pacto appposito in priori contractu, vt ex illa debeatur, ex hac minimè.*

§ 3 Alia autem inuestigatio est longè ab hac aliena, an emptor repetat à venditore, vel venditor ab emptore hæc ipsa tributa & onera? & receptum est in omni genere rescissionis, vt qui contractum resciderit ex quacunque causa, siue pacti, siue læsionis, soluere debeat alteri quicquid vel fisco, vel domino solutum sit. Tiraquel. *de retractu lignagier*, §. 26. *gloss. 4. num. 1. cum sequent. & 20. & 21. Cagnolus in dict. l. 2. de rescind. vendit. quest. 82. num. 236. dicens ita fuisse iudicatum, & refert Baldum & Cynum in l. neque, Cod. de heredib. instituend. pro quibus textus in l. debet, ff. de adilitio edicto, ibi: Quid ergo si forè vectigalis nomine datum est quod emptorem forè sequeretur? dicimus hoc quoque restituendum, indemnitis enim emptor recedere debet: l. cum autem, §. iubent, ibi: Iubent (inquit Vlpianus) adiles restitui & quod venditioni accessit,*



& si quas accessiones ipse praestiterit, ut uterque resoluta emptione nihil amplius consequatur, quam haberet, si venditio facta non esset. Et facit generalis constitutio Pauli in *l. facta, ff. eodem. Facta* (inquit ille) *redhibitione, omnia in integrum restituntur perinde ac si neque emptio, neque venditio intercessisset.* Vnde ceteras iuris partes hac iuris ratione trahunt scriptores, & meritò, scilicet ad casum legis 2. *de rescind. vendit.* Pinellus, contra Iacobum Curtium Burgensem in *dict. l. 2. part. 2. cap. 3. num. 38.* ad retractum iure sanguinis, & pactum Tyraquel. & alij, de quibus supra; vnde dimanauit decisio textus in *l. 70. Tauri*, ut gabellam quoque conseruet sibi emptor à venditore, quod est tributum publicum, si emptor eadem soluerit; quia *ex dict. l. debet*, & *l. facta*, resoluta emptione hoc quoque nomine expenditur, ut emptor, vel venditor uterque alteri teneatur de eo, quod tributum causâ erogatum sit.

Præterea ad emptoris ius circa expensas & meliorationes illud quoque pertinet, quod si rem emerit hypothecatam, posteaque suis sumptibus & expensis meliorem fecerit, si creditor ex hypotheca agat, ut aut debitum sibi solvatur, aut res tradatur obtinenda iure pignoris, quousque debito satisfiat, quod creditor hypothecarius petere potest, *l. 2. Cod. si unus ex pluribus heredibus*, ubi Bart. *cap. ex literis, de pignoribus*, licet alij aliter hunc libellum concipiant; hoc tamen est receptum Iureconsultis, & vsu forensi vsitatum, nempe ut debitum soluat, aut rem hypothecatam restituat. Emptor qui emit, obicere potest causam de expensis & meliorationibus, quia meliorem effecit rem emptam suis sumptibus, ut meliorationes sibi soluantur, aut relinquatur res hypothecata, & melior facta retinenda, quousque soluantur expensæ, *l. fin. de censibus*, & in *l. qui agros, Cod. de omni agro deserto, lib. 11.* quæ duo iura allegat Molineus in *consuetudinibus, tit. 1. glos. 5. num. 80.* Ea tamen nihil faciunt ad hanc rem: mihi verò est textus expressus in *l. Paulus, §. penult. ff. de pignoribus. Domus*, inquit Paulus, *pignori data exusta est, eamque aream emit Lucius Titius, & exiruxit. Quasi non est de iure pignoris. Paulus respondit pignoris perfectionem perseuerare, & ideo ius soli superficiem securam videri, id est cum iure pignoris; sed bona fidei possessores non aliter cogendos creditoribus adificium restituere, quam sumptus in exiructionem erogatos, quatenus pretiosior res facta esset, reciperent.* Quod Pauli responsum mihi certè, & his qui rectè sentiunt de Iureconsultorum responsis, laniata ea fuisse, excisa, & veluti in frustra dissecta à compilatoribus Digestorum, sine pace, sine vlla concordia, sine vlla conciliatione pugnat cum responso Aphricani in *l. cum postulasset, §. damni infecti, ff. de damno infecto*, in secunda parte, ibi: *Cur ergo non emptori id Accursius variè soluit: in glos. verb. tribuendum*, refert conciliationem ad bonam & malam fidem, deinde quod alibi facta erat res melior, alibi verò non: tertio, quod alter Iureconsultus loquatur de iure rigorofo, alter de iure æquo: quarto quod missus in possessionem refecerit necessariò, emptor ex voluntate: postremo cum omnes solutiones displiceant, & meritò, disputatione vtitur, literamque alio modo componit quam nunc scripta est. Bart. cum omnes concordias Accursij reprobet, ad disputationem literæ accurrit. Paulus ibi confugit ad distinctionem quandam, quam etiam si obserues, Iureconsultorum responsa non conciliabis: ait aliud in domino, aliud in creditore, aliud in vo-

luntaria, aliud in necessaria refectione, aliud in eo qui missus est in possessionem resciente, aliud in emptore respectu creditoris; istud verò aliud, cur aliud sit, non explicat: cur, obsecro, missus in possessionem ex secundo decreto meliorationes suas recuperabit à creditore hypothecario, emptor non item: quæ diuersitatis ratio eius quod est decisum in dict. §. *damni*: quod si iure ita constitutum sit, idque visum est Aphricano, quid mouit Paulum vt contrarium constitueret in dict. l. *Paulus*, §. *penult.* Vtinam Molineus in hæc iura incidisset, non in illas leges, quæ nihil faciunt ad propositam quæstione quod si legas literam illius textus interrogatiue ab illis verbis, *cur ergo*, vsque ad verbum, & *possit & debeat*; vt ibi finiatur interrogatio, & responsio sequatur ab illis verbis, *quod non aequè & de eo, cui damni infecti non promittatur, dici possit*: quasi velit Iureconsultus æquare in hoc circa expensas ius emptoris, & eius qui iussus est possidere rem ex causa damni infecti, & verba illa, *quod non aequè*, intelligenda sint, id est, quod iniquè, & non rectè dici potest de emptore, & de eo cui damni infecti non promittitur: ita vt totius literæ sensus sit, non concedi possideri iussu ex causa damni infecti carere suis expensis, nec concedi creditori pignoratitio & hypothecario pignoris persecutionem, nisi ei expensas soluerit, idque vsque ad versiculum, *cur ergo*; deinde sequatur dubitatio, an idem dicendum sit in emptore, vsque ad versiculum *non rectè*; à versiculo, *quod non*, apponatur causa & ratio dubitationis, quæ possit concedere iussu possidere ex causa damni infecti recuperationem expensarum; emptori non item, quia iussus possidere coactus possideat, emptor ex voluntate accedat ad emptionem, qui potuerit expensas conseruare sibi à venditore, vt diximus isto capite. Postremò in versiculo, *quod non aequè*, sit decisio quæstionis, scilicet vt non aequè, id est iniquè, & non rectè de vtroque id dicatur; quasi dicat aequè, id est rectè & iure, & emptorem, & iussu possidere conseruare sibi suas expensas à creditore, & ita legendo quadrat apertè cum lege *Paulus*, §. *penultimo*, & cum priori parte dicti §. *damni*; ita vt nulla separatio sit inter iussu possidere, & emptorem respectu creditoris pignoratitij & hypothecarij. Hanc tamen lectionem nullus hucusque codex agnouit, omnes ita disuncti sunt, vt interrogationis signum habeant ad verbum illud, *pignoratium emerit*: & Accursius in verbo, *non rectè*, ait incipere responsum Aphricani. Hæc tamen lectio probari poterit facile ex eo, quod nullam literam mutet, nec corrumpat, sed solam virgulam illam, interrogationis indicem, à verbo, *emerit*, transferat ad verbum, & *debeat*.

58

Præterea ratio illa dubitandi potuit non mouere Aphricanum, quia & emptor, & iussus possidere, vterque accedit ad rem, ex voluntate, non coacti: de emptore planum est: de iussu possidere patet, quia nisi id postulauerit libens ac volens, in iudicio à Præside, vel Prætorè, pro tribunali sedendo, nunquam id impetrat, l. *dies*, §. *hoc autem iudicium, de damno infecto*. Hoc autem iudicium, inquit Vlpianus, *certam habet conditionem, si postulatum est: ceterum qui non postulauit, experiri non potest: postulare autem hic propriè dicimus, pro tribunali petere, non alibi*. Hæc Paulus, ex cuius sententia tam emptor, quàm iussus possidere, libentes, & volentes accedunt, alter ad emptionem, alter ad postulationem cautionis & possessionis. Præterea vterque necessa-

riam



riam impensam impendere debet, & de deterioratione tenentur, si culpâ suâ res fiat deterior, cum possint fulcire & reperare. De iussu possidere ex causâ damni infecti, est textus in *l. si finita*, §. *si quis metu*, ff. *de damno infecto*, ubi iussus possidere, si reparare possit, & non reparet, ius suum amittit; neque enim tenetur antiquo domino de ruina, quæ futura non erat, si refecisset, ex §. *si quis damni*, dict. *l. si finita*. Bene tamen amittit ius suum, quia animo suo dereliquit decedens, ex dict. §. *si quis metu*, qui ita debet intelligi: & ita iussus possidere ex causâ damni infecti, si non repararet cum possit, domino quidem antiquo non tenetur; sibi tamen nocet, quia ius amittit, unde coactus videri potuit reparasse, metu perculsus, ne ius amitteret. Emptor quoque de deterioratione tenetur, si rem perdiderit, licet dominus sit; quod in actione redhibitoria receptissimum est, ut emptor teneatur de deterioratione contingente eius culpâ, *l. quod si nolit*, §. *si mancipium*, vers. *culpam*, & in *l. cum autem reddibetur*, ff. *de adilitio edicto*: ubi glossa, latè Tiraquel. *de retractu lignagier*, in fin. num. 68. & num. 70. quod de emptore magis erit admittendum, ut de deterioratione teneatur, ubi ipse sciat, vel suspicetur venditorem læsum acturum ut emptionem rescindat; tunc enim malignè censetur rem deteriores fecisse, argumento textus in *l. & hac distinctio* 38. §. *cum fundum*, ff. *locati*; & in emptore obligato ad reuendendum magis erit recipiendum, Tiraquellus dict. num. 70. item & creditor pignoratitius, sicuti expensas, & meliorationes factas in pignore conseruat sibi, ita & de damno suâ culpâ contingente tenetur: vtrumque probant lex *si necessarias impensas*, & lex *si seruos pignoratos*, ff. *de pignoratitia actione*. Item & in eo, qui bona iudicis autoritate possidet, si rem meliorem fecerit, expensas conseruat suas: item & quod in seruos, & familiam fortè alendam irrogat, & dum bona defendit. Si verò culpâ suâ seruus moriatur, ædes corruant, damnum fiat, de deterioratione tenetur, *l. Prætor*, §. *his verbis*, & §. *est præterea*, §. *in eum*, ff. *de bonis autorit. iudicis possidendis*. Igitur ex hac causa potuit videri Aphricano in dict. §. *damni*, iussus possidere similis emptori, ut decideret; non æquè dici posse de emptore, & de eo qui iussus est possidere ex causa damni infecti, eos esse dissimiles, cum vterque volentes recedant, alter ad emptionem, alter ad postulationem possessionis ex causa damni infecti; & vterque necessitate coactus reficiat, alter ne deteriores faciendo rem emptam, licet dominus, teneatur: alter ne si metu perculsus auferat, rem deferendo, ius suum amittat. Sed hæc interpretatio ad dict. §. *damni infecti*, licet neque literulam vllam mutet, & rationem habeat; quâ tamen disputationem litteræ solùm mutat, scilicet interrogationis indicem à verbo, *emeris*, ad verbum, *& debeat*, quam nullus codex hucusque agnouit, periculosa est, & meritò: nihil enim omnino mutandum est, aliter enim disputationis Iureconsultorum responsis, etiam si verba non mutantur, facilis sæpè est conciliatio; præterea quod verbum illud, *non æquè*, planè refertur ad inæqualitatem & dissimilitudinem, quam Aphricanus reperit, & intellexit inter iussu possidere, & emptorem; quare cum non quiescat animus, secretius aliud inuestigandum est, quod veram iuris rationem aperiat.

59

60

61

Iacobus Cuiacius vir doctissimus, ad Aphricanum tractat. 9. folio miki 144.

62

in §. *damni infecti*, adducens responsum Pauli in *dict. l. Paulus*, §. *domus*, de *pignoribus*, quasi Accursij commenta, ut ipse ait, ita conciliat, ut in *dict. §. damni*, agatur de sumptibus refectionis, quos ait non agnoscere creditorem hypothecarium, qui ab emptore pignus suum persequitur, cum emptor habeat regressum aduersus venditorum euctionis nomine, in quo iudicio euctionis diximus venire quoque expensas refectionis: at verò in *dict. §. penultimo*, *dict. l. Paulus*, ait agi de sumptibus ædificationis, & extructionisve, hoc est de sumptibus factis in nouum ædificium, quos quidem sumptus, qui fiunt de nouo, ait agnoscere creditorem, quoniam siue his nullius ædificij pignus creditor haberet, sed areæ tantum; æquumque esse existimat Cuiacius, ut creditor præstet eos sumptus, propter quos restitutum sibi sit suum pignus. Præterea cum parum fidat ei conciliationi, paucis verbis ait utrumque responsum Aphricani, & Pauli non versari in eodem genere sumptuum; quasi apertiùs dicat, alterum Iureconsultum circa sumptus necessarios, alterum circa sumptus viles, vel voluptatis versatum. Hæc est sententia Cuiacij, & eius interpretatio.

63 Hæc autem posterior interpretatio Cuiacij planè ex litera Pauli, & Aphricani extorqueri vix poterit, vterque enim necessariò expendit, & qui ædes ruituras reparauit & refecit, & qui in area ædes extruxit: prior verò interpretatio satis à nobis explicata est suprâ, *cap. 5. num. 11. iuncto num. 14.* quam cum admittas, statim in promptu est difficultas, cur tam variè distinguas inter reficientem, & ædificantem de nouo, cum vterque conseruet pignus creditori, & in pignore reperiatur creditor hypothecarius substantiam meam, expensasque meas: vnde semper rediuiua est dubitatio, cur emptor ædificans conseruet sibi suas expensas, reficiens minimè; cum vterque expendat necessariò. Adde quod illa consideratio; aut potiùs separatio inter ædificantem de nouo, & reficientem, particularis est ad acquisitionem dominij expensarum, ut diximus *dict. cap. 5. num. 11.* & magis poterat deduci contra Paulum in *dict. §. domus*, ut creditori hypothecario quæsitæ viderentur illæ expensæ, postquam in area hypothecata fierent: quod etiam quomodo intelligendum sit, satis explicuimus *dict. cap. 5. num. 20.* ad interpretationem legis 2. *Cod. de rei vend.* quæ difficillima aliàs videri potuit viris doctissimis; denique Cuiacius dum Accursij commenta reiecit, in eadem incidit: quod verò de ædificio & refectione dixit, secutus quoque Paulum est; quod quidem nouioribus Gallis vsitatum est, sæpè enim reiecto Accursio & Bart. aliis verbis Accursij & Bart. explicationes vsurpant, & tanquam ab Apolline secretò acceptas, suis laudibus non fraudant; maluntque, quod ait Plinius, in furto deprehendi, quàm ingenuè fateri per quos proficiant, illud obliti, sortem fieri ex vsuris, ab aliisque priùs dicta, nostra fieri, si vel nostra luce illustrentur, vel iustâ censurâ expendantur.

64 Ego verò existimo Accursium, & post eum Albericum, verum sensum attingisse di *§. damni infecti*, & dicti *§. domus*: sed quia breuiter attingunt, non potest facile percipi; is autem ut percipiatur, animaduerto, iussum possidere ex causa damni infecti, nullum negotium gerere cum antiquo domino non comparente, vel cauente, aut latitante; ideoque etiam si patiatur collabi & corrui ædes domino antiquo, in nihilo tenetur, *l. si finita*, §. *si quis damni*; ideoque



ideoque si non reparet, cum domino non teneatur, decedens tamen & abiens ius suum amittit, §. *si quis meum, eadem l. si finita, ff. de damno infecto*: nihil ergo obligatur domino ob culpam, ideoque nihil eum obligat reparando, quia nullum negotium inter eos geritur; quod apprimè necessarium est ad meliorationum persecutionem, saltem ex causa euictionis, argumento legis *si in area, ff. de cond. indebiti*, ibi, *quia nullum negotium inter nos contraheretur*. Vide quæ diximus *cap. 7. num. 20. & 21.* præterea illud aduerto, non omnem reparationem mereri nomen meliorationis, sed illam duntaxat, quæ meliorem fecit rem: pone accepisse à me domum, multa reparasti dum obtineres, multum expendisti; sed domus in nihilo melior mihi facta est, expensæ illæ, quod ad me attinet, meliorationes dici nequeunt, *l. in fundo, ff. de rei vendic.* Tertio illud aduertendum est, aliquando etiam si expensæ in reparando meliorem non faciant rem, ac subinde non mereantur nomen meliorationum; posse tamen obtineri, ut debeantur ab eo, qui aliàs omnino facturus erat eas expensas; quod in expensis necessariis, sine quibus res periret, indubitati iuris est, *l. domum, Cod. de rei vend.* in vtilibus, si aliàs eras facturus, est textus expressus *in l. in fundo, ff. de rei vend.* & diximus *suprà cap. 1. num. 18.*

His præmissis, quæ vera sunt, modò patet solutio Accursij & Alberici *in dict. §. damni*, ad seipsum, & ad *§. domus, dict. l. Paulus*, quæ vno verbo dicitur ab Accursio: scilicet *in dict. §. domus*, rem factam fuisse meliorem; *in dict. §. damni*, non item; namque cum quæritur, an emptor teneatur creditori hypothecario restituere rem propter hypothecæ ius, refutis expensis, dicendum est cum Paulo *in dict. §. domus*, creditorem hypothecarium teneri refundere expensas, non omnes simpliciter, sed eas duntaxat, quibus res facta est melior, quàm erat tempore constitutæ hypothecæ; cæteras autem, quantumvis necessarias, quæ meliorem rem non faciunt, quàm erat tempore contractæ hypothecæ, non teneatur soluere creditor hypothecarius; quia præterea quod sibi meliorem non fecerunt rem, cum eo nullum negotium gestum est, ut is teneatur; ideoque emptor à creditore hypothecario recuperat eas meliorationes duntaxat, quæ rem creditori fecerunt meliorem, scilicet quàm erat tempore contractæ hypothecæ, *dict. §. domus*, ibi: *Non aliter cogendos adificium creditoribus restituere, quàm sumptus in eam rem erogatos, quatenus res melior facta esset, reciperent.* Hæc Paulus. Cæteras autem expensas necessarias, consumptas in reparationes rei, vel vtilis, quæ aliàs dominus antiquus erat facturus ut rem conseruaret, quibus res permanet, & conseruatur, etiam si melior facta non sit, eas cum emptor non possit conseruare à creditore, cum quo, quod attinet ad has expensas, nullum negotium gestum est, nec ex his est facta res melior, aut pretiosior creditori, conseruat emptor ex causa euictionis, actione ex empto à venditore, *l. Titius, ff. de actionib. empt. & vendit. vers. de sumptibus*, & diximus isto capite *suprà*. Igitur ex hac fundata iuris ratione, creditor emptori tenetur in eas expensas, quæ meliorem sibi fecerunt rem quàm fuerat tempore contractæ obligationis & hypothecæ; cæteras autem expensas in resciendo & reparando rem, quæ eam meliorem non faciunt, necessarias eas vel vtilis, conseruat sibi emptor, non à creditore, cum quo nullum negotium gessit, sed à venditore actione ex empto. Hactenus

Paulus in dict. §. domus, iuncta dict. l. Tuius. Modò capio dictum §. damni, dict. l. cum postulasset, cuius duæ sunt partes. In priori agitur de iusso possidere ex causa damni infecti, qui reficit rem; hoc enim verbo vtitur Aphricanus, & ex eo pender sensus Aphricani; refecta enim ibi res est, non autem melior effecta: creditor hypothecarius à iusso possidere ædes illas refectas, id est pignus suum, persequitur ratione hypothecæ; iussus possidere obiicit se non antea teneri ædes illas restituere, quàm sibi expensæ illæ solvantur; expendisse se, refecisse, reparasse suis sumptibus & expensis, idque necessariò, aut saltem vtiliter, quæ dominus omninò facturus erat; iniquè secum fieri, si expensæ illæ non conferrentur: tunc creditor sibi inquit nihil melioratum esse, in eo statu esse ædes, quo erant tempore hypothecæ contractæ, nihil esse additum ex his expensis; ideoque ædes non esse factas meliores, saltem sibi, à quo expensæ exigenterentur illæ. Præterea etiamsi necessariò factæ esse intelligerentur, aut vtiliter, secum nullum negotium gestum esse, & minimè teneri, ex dict. §. domus, & ex dict. l. si in area. Possidens autem aiebat non debere se suis expensis carere, necessariò & vtiliter factis; neque esse ferendum vt substantia sua ad creditorem illum deueniret sine causa; non esse sibi similem causam, & emptori; quia emptor à venditore eas expensas refectionis actione ex empto possit conferuare, se verò à domino minimè; quia inter iussu possidere, & dominum latitantem, aut non comparentem, nullum negotium gestum sit; posse ipsum creditorem sibi soluere suas expensas refectionis, & hoc esse recipiendum, quia sine periculo creditoris hypothecarij id fieret; potest enim creditor eas expensas, quas numeratâ pecuniâ iusso possidere soluisset, à domino antiquo recuperare, si dominus antiquus velit pignus luendo rem suam sibi redimere, l. in hoc iudicium, in 2. part. ff. communi diuidendo, & diximus suprâ cap. 7. num. 13. de eo qui meliorationes non fecit, quatenus possit eas sibi conferuare; neque erat periculum quod fructus harum expensarum minuerent sibi suum debitum, quia cum has meliorationes habeat iure dominij emptas suis pecuniis, non verò iure solius possessionis, inducitur regula de non computandis fructibus cum expensis & meliorationibus; cuius enim proprio iure sunt fructus, nulla est cum meliorationibus compensatio: glossa in l. emptor, vers. superfluum, in princip. de rei vend. sequitur Bart. Bald. Angelus ibidem: idem Bald. Imola, Raphael Cumanus, Paulus de Castro, Alex. & Ias. in l. domos, ff. de legat. 1. Bald. Ang. Imol. Alex. in l. insulam, §. fructus, vbi glossa verbo compensatus, ff. solut. matrim. & dicemus infrâ, cum de computatione fructuum & meliorationum egerimus, ad l. sumptus, ff. de rei vendic. & ad leges nostras patrias. Hæc erant quæ potuerunt Aphricanum sursum deorsum trahere; iuris rigor, qui creditorem liberabat, cum quo nullum negotium gessisset iussus possidere, ac subinde quod sibi res non esset melior effecta: ratio postulabat, vt possidens non amitteret suas expensas, quas si à creditore non haberet, à domino certè recuperare non poterat, cum quo sibi nullum negotium gestum esset: creditor verò si eas solueret, poterat à domino recuperare, qua ratione poterat vtrique consuli, domino postremò eas expensas deuorante, cuius res necessario refecta esset sumptu; & in hac specie Aphricanus inquit, non sine ratione dicetur, nisi im-



*penfas, quas in refectione fecerim, mihi prestare sit paratus, inhibendam aduersus me persecutionem*: expende verbum illud, *non sine ratione*, quod difficultatem iuris significat, quo possidens, nec à creditore, nec à domino expensas suas conseruare potuisset, aliud suadente ratione, quam explicuimus. Modò aggredior versiculum, *cur ergo, in dict. §. damni infecti*.

Quærit ergo Aphricanus, cur non sit admittendum hoc, quod de creditore & possidente diximus, in emptore. Vt non admitteretur, subdit diuersitatis rationem *in vers. non rectè*, & est responsum, scilicet non rectè hæc inter se comparari, hoc est, non esse similes in hoc emptor & possidens ex causa damni infecti: quoniam emptor, sua voluntate negotium gessit, scilicet cum venditore, dum contraxit cum eodem: & refert verbum illud, *negotium gessit sua voluntate*, ad verba illa, quæ sunt *in dict. l. si in area*, de quibus suprâ; non verò significat, possidentem coactum accessisse, emptorem verò voluntarium. Itaque emptorem dissimilem facit, & meritò, à iussu possidere; quia emptor cum venditore domino negotium gessit, possidens verò minimè; ideoque à venditore potuit sibi cauere de expensis, & prouideri; & si non cauerit, debet prouideri sibi iure, quia necessariò & vtiliter expendit, & cum venditore negotium gessit; ideoque liberatur creditor, cum quo negotium gestum non est, dum rescinduntur ædes, & tenetur dominus vendens: & subdit Alphricanus, hæc non posse æquè, id est æqualiter, dici de possidente, qui cum domino nullum negotium gessit. Igitur emptor expensas eas, quibus res fuit facta melior, quàm erat tempore contractæ hypothecæ, à creditore recuperat & conseruat, *dict. §. domus*. Expensas verò refectionis, quibus res conseruata est, à venditore: iussus verò possidere à creditore, propter rationem illam, quæ mouit Aphricanum, æquitate plenissimam, & dignam, quæ Iureconsulto clarissimo admitteretur: & verba illa *in dict. §. damni, Sua voluntate negotium gessit*, in materia expensarum singularem habent interpretationem, *ex dict. l. si in area*, non verò eam, quam vulgus recepit, & Cuiacius admisit. Habes explicata hæc iura difficillima.

Ex quibus patet verus intellectus *ad l. 15. titulo 13. partit. 5. ibi, Faziendo hy alguna mejoría*, vt lex illa nostra videatur desumpta *ex dict. leg. Paulus, §. domus, de pignoribus*, & sit intelligenda in secunda parte, vt creditor teneatur emptori, de expensis scilicet eis, quæ rem meliorem fecerint, quàm fuisset tempore contractæ obligationis, quasi nihil attingat de expensis aliis necessariis, factis ad rei refectionem, de quibus *in dict. §. damni*; nec sic existimet correctum esse *§. damni infecti, ex dict. l. 15*. In tertia verò parte eiusdem legis 15. ibi, *Otrofi*, duo deciduntur, scilicet augmentum rei hypothecatæ subesse hypothecæ, sicuti & ipsam rem, idque esse quoque recipiendum de expensis, *l. si fundus hypotheca, ff. de pignoribus, l. si conuenerit, §. si nuda, ff. de pignorati. actione*: quæ iura de alluione loquuntur; in quo tamen est difficultas, an in patenti alluione, an verò in latenti sit intelligendum; dicemus autem cum de augmento egerimus. De expensis factis à creditore pignoratitio est lex *si fundus, §. 2. ff. de pignoribus*, vt scilicet cedat rei tale augmentum, talesque expensæ, & creditor teneatur restituere, refutis expensis. Vbi intelligendum verè est, nihil esse soluendum propter id quod alluione accre-

73 uit, sed propter id quod expensum est, ibi: *Pero deve lo todo tornar à aquel que gelo empenho, pagandole su deuda, è las despesas, si las fizo sobre esta raçon.*

Et ita agit ea lex in secunda parte de expensis factis à tertio possessore, quatenus res ex illis facta est melior: in tertia autem parte agit de expensis factis à creditore pignoratitio in pignore; in quibus distinguit inter eas quæ casu obveniunt, ut est in alluvione, saltem latenti, aut temporis beneficio, quo cuncta pereunt, & augentur, & eas quæ nostrâ operâ & sumptu fiunt: utrasque recuperat dominus cum re, sed refundit secundas has expensas, non priores.

75 De meliorationibus factis à debitore post contractum ius hypothecæ, resolutum est idem quoque esse dicendum, ut rei cedant, & in causam hypothecæ cedant, ex eisdem iuribus *dict. l. si fundus, dict. §. 2. dict. l. si conuenerit, §. si nuda*; quæ fortius procedunt in debitore quàm in hypothecario possessore, aut pignoratitio, qui pignus possidet; neque rectè applicantur tertio possessori, qui pignus possidet, nempe ab emptore, in quo non ita expedita hactenus res est, an meliorationes factæ à tertio possessore, nempe ab emptore, non verò à debitore, sint creditori sicuti ipsa res, hypothecata; nec in hoc quicquam facit dicta lex *§. tit. 13. part. 5.* quæ in principio conuenit cum dicta lege *si fundus, §. 2. in 2. parte*, ibi: *E si aquel*; ubi loquitur de tertio possessore meliorante, nec ullum verbum est de hypotheca; solum dicitur non teneri emptorem restituere rem, nisi refusus expensis, quatenus res melior facta est. Postremò in fine agit de creditore meliorante, ubi distinguuntur meliorationes nostro labore & sumptu factæ, ab his, quæ casu, aut tempore obuenerunt, ut illas nobis conseruemus, has verò minimè, licet *ex dict. l. 15. tit. 13. part. 5.* ubi an patens alluvione augmentum ad creditorem, vel ad dominum cedat, non disputamus modò, relinquimus suo loco.

76 Quod verò attinet ad tertium possessorem qui meliorauit, an meliorationes sint sicut ipsa res obligatæ, quod ad nostrum emptorem pertinet, in quo Bart. *in l. final. Cod. de pradiis & omni re nauicular. lib. 11.* tenet nullam esse obligationem, aut hypothecam in his meliorationibus, quæ sunt ab emptore rei obligatæ, post contractam obligationem: sequitur Paulus de Castro, quos sequitur & refert Ias. *in l. creditor, Ias. l. 1. in fin. ff. si certum petat.* & Antonius de Fano hoc ipsum sine vlla difficultate tenet, *de pignoribus & hypothecis, part. 5. membr. 4. num. 18.* quod tamen apertè est contra textum *in dict. l. Paulus, §. domus, ff. de pignor.* ibi: *Paulus respondit, pignoris persecutionem perseuerare, & ideo ius soli superficiesem secutam videri, id est, cum iure pignoris: sed bone fidei possessores non aliter cogendos creditoribus adificium restituere, quàm sumptus in exstructione erogatos, quatenus pretiosior res facta est, recipiant.* Hæc Paulus. Et licet illi omnes allegent pro sua opinione legem finalem, *Cod. de pradiis & omni re nauic. lib. 11.* voluerunt allegare legem 2. *cod. tit.* quoniam lex finalis nihil facit ad rem, sed neque dicta lex 2. in qua solum statuitur, res nauiculariorum, quæ pro certa pensione sunt fisco subiectæ, posse quidem alienari quouis titulo; ita tamen ut pensio nec diminuatur, quæ pro ea re apud nauicularium pendebarur, nec augeatur, aut crescat, si res



nouis meliorationibus apud emptorem adaucta sit & meliorata. Illud verò minimè decisum est *in dict. l. 2.* expresse, an meliorationes illæ factæ pro pensione sint subiectæ, sicuti & ipsa res; in quo tamen obtineri poterit *ex dict. §. domus*, ius pignoris durare; id tamen conseruari emptori, quo res melior facta sit, *dict. §. domus, dict. l. 15. tit. 13. part. 5.* vbi de tertio meliorante agit: quod deriuatum est perperam ex dicta lege 2. contra dictum *§. domus*.

Sed longè deterior alia quoque opinio recepta est, *ex dict. l. 2.* contra fundatam iuris rationem, quæ deriuata est ab interpretatione ea *ad dict. l. 2.* scilicet vt tertius hic possessor, de quo agimus, emptor, aut donatarius, nihil refert, nedum possit petere refundi sibi expensas suas eo quo diximus modo, scilicet quatenus res melior facta sit; sed si maluerit, id obtineat, vt excludat creditorem offerendo ei æstimationem rei, quæ erat tempore quo acquisiuit; & soluendo hanc æstimationem, fiat liber ab hypotheca, & rem liberam sibi retineat; quod ea ratione asserunt, quia respectu huius tertij possessoris, scilicet emptoris, non censetur res creditori obnoxia hypothecæ iure, *ex dict. l. fin. aliàs 2.* quam ipsi ita intelligunt: & si vlla hypotheca inducta est, quod ego arbitror, *ex dict. §. domus*, ea hypotheca non est extendenda (quod ego addo) nisi quatenus res erat, & æstimabatur eo tempore, quo ad tertium possessorem peruenit, aut verius, quo hypothecæ ius constitutum est: ad hoc dicunt esse legem *in ius, Cod. de prædijs, & omnib. reb. nauticul. lib. 11.* & ita decidit Bart. ibi, & Alexand. ad Bart. ibi, & Platea *num. 5.* Paulus *in l. si conuenerit, §. si fundus, ff. de pignoribus.* Socinus *conf. 224. lib. 2.* Antonius Corsetus *singulari, verb. melioratio, Ias. in l. creditor, la 1. ff. si cert. petat. ad fin.* Albertus Brunus *in tractatu de augmento, conclusione 14. fall. 2.* Antonius de Fano *tractat. de pignorib. §. parte, membro 4. num. 21.* Molineus *in consuetudinibus Parisiensib. tit. 1. glos. 5. §. 1. num. 80.* Couarruu. *variarum resolutionum lib. 1. cap. 8. num. 2.* Gregorius Lopez *in l. 15. tit. 13. part. 5. verbo, A buena fé.* Et dicit Couarr. *vbi supra*, quod hæc opinio est praxi & vsu forensi recepta sæpissimè in Granatensi Prætorio, licet ipse ab ea videatur decedere. Huius verò opinionis maxima utilitas est; si enim recipiatur tertius possessor, nempe is, qui rem hypothecatam possidet, aliquando soluens veram æstimationem rei, vti erat tempore contractæ hypothecæ, minùs soluet, quàm creditori debeatur, cùm aliàs ex actione hypothecaria necesse sibi sit, aut debitum integrè soluere, aut rem restituere.

Quoniam verò Didacus Couarruias explicat hanc receptam sententiam, scilicet, vt æstimatio rei fiat, attento antiquo statu, sed attento præsentis valore; id ita intellige, vt emptor tertius, nempe possessor, possit offerre æstimationem rei hoc pacto, vt res consideretur in eo statu, quo fuerat tempore contractæ obligationis, deducto eo, in quo melior ab emptore facta est, *ex dict. §. domus*, & illa qualitas rei æstimetur iuxta pretium, quod modò illa res, si ita permanisset, habitura erat, ex his quæ notantur *in l. domos, ff. de legatis 1.* Antonius de Fano *dict. memb. 4. num. 21.* Molineus, & Couar. *vbi supra*; voluit enim retenta hac communi opinione cum Bart. *in dict. l. 2. de prædijs, & omni re nauticul.* omne augmentum rei, quod non sit factum operâ, industriâ, labore, & sumptu possessoris, quo pretium rei creuerit, prodesse credi-

tori: augmentum aurem, quo res creuerit respectu eius status, in quo fuerat cum hypotheca contracta est, quod operâ, industriâ, sumptu, & labore possessoris obuenerit, prodesse possessori, *ex dict. l. domus*. Itaque si domus tempore, quo hypotheca contracta est, æstimabatur centum nummis aureis, postea verò temporis solius beneficio creuit ad mille, mille aiunt esse soluenda creditori: item si alluione (semper intelligimus de latenti) sensim creuerit, idem existimant, quoniam omne augmentum internum, quod ab industria & sumptu possessoris non proueniat, prodest creditori, non verò possessori rei. Tenent illi *ubi supra*, Molineus *num. 82*. Couarr. *versic. ceterum*, & est *lex si fundus, in princip. & §. 2. de pignoribus, l. si conuenerit, §. si unda, ff. de pignorat. actione*.

79 Quod verò ait Couarr. id extendendum esse non solum in eo, qui fecit expensas, verum in successore rei, qui successit in illis sumptibus & expensis, & allegat legem *in hoc iudicium, §. impendia, ff. communi diuidundo*, & Antonium de Fano, id quomodo sit intelligendum, quando is qui expensas non fecit, possit opponere expensas, & an cessio iuris necessaria sit, diximus *suprà cap. 7. num. 13*, *ubi vide*.

80 Præterea illam communem opinionem receptam cum Bart. *in dict. l. 2. extendunt*, ut non solum habeat locum contra creditorem pignoraticium, vel hypothecarium; sed contra eum qui haberet dominium utile, & utilem rei vendicationem, in subsidium tamen, & de iure speciali, sicuti in re emptâ à viro nomine suo, ex pecunia tamen dotali, vel sibi donata ab vxore constante matrimonio, quia hæc res verè est propria viri, *l. ex pecunia, Cod. de iure dotium*; tamen si maritus soluendo non sit, res illa in subsidium efficitur vxoris, quoad utile dominium: textus, & ibi Bart. *in l. vxor marito, ff. de donationib. inter virum & uxorem*. Itaque tertius, qui emit à marito rem illam, poterit ex communi & recepta sententia offerre vxori, agenti utili rei vendicatione, æstimationem, sicuti creditori; immò & excussionem, ut priùs excutiantur mariti & eius hæredum bona; & cum non sint soluendo, oblata æstimatione euitatur rei restitutio, licet totum debitum non offerat, quia facta hac oblatione, cessat causa illius utilis dominij subsidiarij. Socinus *consil. 224 lib. 2. & Molineus dict. num. 81*.

81 Ex his aiunt, quod si tempore hypothecati fundi vsusfructus erat alienus, & nuda proprietas ad emptorem peruenit, scilicet quia viuebat vsusfructuarius, postea verò moriatur, consolidationem, nempe augmentum illud vsusfructus prodesse creditori; quia nullâ operâ, nullâ industriâ, nullâ expensâ emptoris euenit; secus si redemptus sit ab emptore, sibi prodest; si verò cessione fiat consolidatio fructuarij, tunc causa renunciationis est considerata, unde res dirimatur.

83 Quin quod ex intellectu *ad dict. l. 2. & communi opinione* in aliam quoque sententiam Socinus *dict. consil. 224. lib. 2.* iuit, quam ipse, & meritò nouam esse ait, ut scilicet is qui rem obligatam possidet, qui debitor non est, neque ullas meliorationes fecit, sed retinet in statu quo erat tempore contractæ hypothecæ, possit conuentus hypothecaria à creditore ipsi offerre non integrum debitum, sed veram rei æstimationem, licet sit minor ipso debito, ait probari



bari hoc in cap. ex litteris, de pignoribus, & alia iura adducit, quæ refert, & diluit Antonius de Fano de pignoribus dict. membro 4. num. 22. mihi certè in terris Pontificis iudicaturò magnum negotium facefferet dictum caput ex litteris, de pignoribus. Cui etiam si Antonius de Fano velit se satisfacere, ex intellectu Abbatis, certè sententia ibi lata maximè hanc sententiam probat, neque vt patet ex principio textus, fuit conformis libello; sed iudicaturò secundum ius Cæsareum, vel in Hispania secundum leges nostras Partitæ, placere non potest hæc sententia, quia natura actionis hypothecariæ, vt diximus, ea est, vt debitum totum soluatur, aut res tradatur obtinenda iure pignoris, quousque de debito satis sit factum. Vnde ex hoc solo fundamento iuris, nec potest placere communis & recepta sententia, quam deducebat Bartol. & post eum reliqui, quos supra adduximus ex dict. l. 2. Cod. de præditiis & omni re nauicul. nullum enim habet ius; quod patet, quia illa sententia innititur in dict. l. 2. illa autem lex aliud probat, vt diximus, & optimè aduertit doctissimus Couar. ubi sup. versic. non obstat: quo vno fundamento destruitur dicta opinio communis, scilicet, quia nullum ius habet, & quia est expresse contra veram rationem hypothecariæ actionis, quæ id agit, vt res sibi restituatur obtinenda, quousque de debito integrè fiat satis, l. si cum venditor, ff. de euictionib. §. in vendicatione, l. si fundus, & §. vlt. l. si inter, ff. de pignor. vel quod receptius est, & vsu forensi magis receptum, vt debitum soluatur integrum, vel res tradatur obtinenda, dict. l. 2. Cod. si unus ex pluribus heredibus; idèoque Dominus Couarr. meritò decedit ab hac recepta sententia, vbi supra, & Molineus dixerat vbi supra, num. 83. ad finem, in Gallia non seruari. Itaque restat legis Paul. §. domus, ff. de pignoribus, vnicum remedium possessori, vt conferuet sibi suas expensas, quibus res illa facta sit melior, quàm erat tempore initæ hypothecæ; quas si creditor numeret emptori, res ab emptore indifferenter auferitur, & creditori traditur, nisi emptor debitum integrum soluat; & hæc pertinent ad emptorem pignoris, vel rei hypothecatæ, & ad creditorem, meliorantes huiusmodi res, & circa eas expendentes.

84

## CAPVT XIX.

*De his qui rem communem habent, expendentibus, aut meliorantibus, vel reficientibus.*

Notabilia ex capite decimonono.

- 1 Sociorum ius quale.
- 2 Socium cauere nemo potest.
- 3 Quæ diligentia requiratur in socio.
- 4 Expensæ quæ fiunt propter societatem, imputantur societati.
- 5 Socij, & qui rem communem habent, expensas factas conseruant sibi.

6 Quæ

- 6 *Qua actione.*  
 7 *Agitur de lege qui aliena, §. fin. ff. de negot. gestis, & lege ex parte, ff. famil. erciscund.*  
 8 *Iudicium familia erciscunda est uniuersum naturâ, & necessitate.*  
 9 *Res particularis indiuisa non petitur iudicio familia erciscunda.*  
 10 *Socius qui parietem communem reficit suis sumptibus, an expensas conseruet.*  
 11 *Socius iure societatis potest reficere rem communem, non iure seruitutis: explicatur lex parietem, ff. de seruit. urb. prædiorum.*  
 12 *Licet socius uiliter solum, vel uoluptariè expendat, si alter uti uelit his sumptibus, expensas refutauit.*  
 13 *Ad refectionem reipublica, vel communis putei, fontis, vel pontis nemo excusatur iure societatis, etiamsi protestetur se re illa uti nolle.*  
 14 *Agitur de lege si ut proponis, Cod. de ædific. priuatis, & de lege fin. tit. fin. part. 3.*  
 15 *Quæ sint in iure centesima usura, quæ semisses usura, quadrantales, & orientales.*  
 16 *Quæ fuerit origo harum usurarum.*  
 17 *Fœneratores dicti menstrui exactores, & similes demonibus menstrualibus.*  
 18 *Maiores usura, & minores usura quæ.*  
 19 *Quæ sint necessaria ut competat remedium dictæ legis si ut proponis, expensâ literâ eius.*



- I** Æc quoque nobis pars restat ex parte attingenda, quoniam de sociis plura nobis dicta sunt, & de hæredibus, qui rem pro indiuiso habent; item de his, inter quos iudicium rerum communium diuidendarum admissum est; sociorum enim æquum ius est, æqualis utilitas, una & eadem causa damni & lucri, sacrosancta fides, constans, firma, & perpetua veritas; socij enim peccata maxime animaduertenda sunt, & coercenda seuerè, quia difficillimè præcauentur: recti esse ad alienos possumus (ut ait Cicero pro Sext. Roscio Amerino)
- 2** Intimi multa apertiora uideantur necesse est, socium uerò cauere quî possumus? quem etiamsi metuimus, ius officij lædimus. Rectè igitur maiores eum, qui socium fessellisset, in bonorum virorum numero non putabant haberi oportere. Hæc Cicero, unde iura societatis dimanarunt sanctissima, unde culpæ, & negligentia ratio habita, l. socius 73. ff. pro socio. Socius, inquit Caius, socius etiam culpa nomine teneitur, id est, desidia atque negligentia; culpa autem non ad exactissimam diligentiam redigenda est, sufficit enim talem diligentiam communibus adhibere, qualem rebus suis adhibere solet; quia qui parum diligentem socium sibi requirit, de se queri debet. Hæc Caius.
- 4** Unde expensæ, quæ propter societatem contingunt, societati imputantur, l. si fratres, §. si quis ex sociis, ff. pro socio. Si quis ex sociis, inquit Papinianus, propter societatem profectus sit, ueluti ad merces emendas, eos duntaxat sumptus societati imputabit, qui in eam rem impensi sunt. Viatica igitur, & meritoriorum, & stabulorum, & iumentorum, & carrulorum uecturas, vel sui, vel sarcinarum



*cinarum suarum gratiâ, vel mercium rectè imputabit.* Hæc Papinianus, qui dum viatica censet imputanda societati, Iulianum videri potest induxisse in eam sententiam, quæ est in *l. secundum Iulianum, 62. ff. eod. contra Labeonem in l. socium, 61. §. fin. eod.* vbi Labeo existimabat, socium qui resisteret communibus rebus, vel servis ad fugam erumpentibus, vulneratum, impensam, quam in securando fecisset, non consecuturum actione pro socio; existimabat enim Labeo, idem esse de medicamentis expensis, quod de damno contingente socio propter societatem; & ita aiebat, sicuti socius, qui desit hæres institui propter societatem, nihil consequitur actione pro socio eo nomine, ita & qui propter res societatis vulneratus est, quia damnum quod propter societatem contingit, non refarcitur ex rebus societatis. Iulianus autem cum animaduerneret viatica imputari, rectè ait, & medicamenta, & quod medico datum est, rectè imputandum esse, quia hæc vix à viatici nomine & alimentis separantur. Diximus suprâ abundè *cap. 3. num. 42.* in quo haberi potest ratio, de qua ibidem *cap. 4. num. 5.* scilicet quas domi expensas facturum socius esset, ut tantò minùs imputet societati, quantò plus domi consumpturus videretur. Alia verò, quæ quisque in aliquam rem expendit, hæc non solent actione pro socio expediri, sed inter cohæredes iudicio familiæ erciscundæ, inter cæteros iudicio communi diuidundo, *l. quibus casibus 34. ff. pro socio.* Vnde ratio cohæredum, sociorum, & eorum qui communem habent rem, quod attingit ad nostrum propositum vna & eadem est: unde iam à nobis *suprâ cap. 7. num. 12.* & *num. 22.* aliqua explicata sunt, quæ pertinent ad socios & cohæredes, scilicet ad eos, qui communem rem possident, ut expensas & sumptus conferuent sibi, quos fecerint in his rebus, quæ communes sunt; in quo tamen illud animaduertendum est, an partem suam rectè tueri potuerint, relicta parte alterius, vel contrà, ut vel communi diuidundo, aut iudicio familiæ erciscundæ agendum sit, an verò actione negotiorum gestorum, *l. si communes ades, ff. de negotiis gestis*, ibi: *Quia potui partem meam ita defendere, ut socij partem defendere non cogeret:* unde aliquando expensæ pro parte quoque socij repetuntur, scilicet actione negotiorum gestorum, *l. ex parte, ff. famil. hercis.* & quæ diximus *dict. num. 22. cap. 7. ad l. qui aliena, §. fin. ff. de negot. gest.* & in eum sensum accipienda est lex *sive pro fratre, Cod. de negot. gestis*, & lex *filie cuius, in fine*, ibi, *erciscundæ iudicio, vel negotiorum gestorum actione seruari possint, Cod. famil. erciscund. l. si quis putans, 6. §. siue autem, ff. communi diuidundo.* Cæterum (inquit Vlpianus) non aliàs iudicio communi diuidundo locus erit, ut & Papinianus scribit, nisi id demùm gessit, sine quo partem suam rectè administrare non potuit; alioqui si potuit, habet negotiorum gestorum actionem, eaque tenetur, *l. hæredes, §. si vnus, ff. famil. ercisc.* ibi, *& omnino quæ pro parte expediri non possunt, si vnus cogente necessitate fecerit, familiæ erciscundæ iudicio locus est.* Quod licet verum sit, adhuc in his, quæ pro parte geri non possunt, datur negotiorum gestorum actio, si suo & alieno nomine gestum sit, vel causæ quæ geritur, natura, & qualitas ea sit, ut alteri profit, cuius nomine gesta videri possit: in *§. fin. l. qui aliena, ff. de negotiis gestis*, causa indiuidua effecit, ut actio negotiorum gestorum suboriretur: idem quoque effectum est in *l. ex parte, ff. familia erciscundæ*, ibi,

sed & si omiserit doli exceptionem, agere posse de recipienda portione sumptuum; ibi enim causa de totis bonis, quæ ad omnes hæredes pertinebat, suscepta est. Intelligendum autem est, susceptam fuisse, non solius agentis nomine, sed & hæredum, vt actio negotiorum gestorum competat. Quod si solo nomine agentis intentata est, tunc familiæ erciscundæ locus est, quatenus cohæres magis expendit quàm aliàs pro se erat expensurus; continet enim hoc iudicium familiæ erciscundæ duo capita: alterum, vt res diuidantur hæreditariæ, alterum vt præstationes fiant mutuæ de eo quod ex hæreditate ultra id quod debetur, acceptum, expensumve sit, *l. idem Labeo, ff. familia erciscunda, versiculo, Familia erciscunda*; vbi hoc iudicium ex duobus constat, id est, rebus, atque præstationibus, quæ sunt personales actiones: textus elegans in *l. sorori, ff. si pars hereditat. petatur*, ibi, *sumptus, qui propter onera totius hereditatis iusti sunt, si qui patroni nomine portionem euicerit, pro rata computentur*: id autem fiet iudicio familiæ erciscundæ, quod præstationes has continet, quæ sunt mutuo hæredibus & ab hæredibus, *l. idem Labeo*. Denique si res possit geri pro parte, semper est actio negotiorum, nullaue alia: si pro parte non possit geri, adhuc est locus actioni negotiorum gestorum, si utiliter alieno nomine fiat: si proprio in iudicio familiæ erciscundæ, adhuc sustinetur actio ad consequendas has impensas ex natura huius actionis, quæ præter diuisionem rerum, præstationes quoque mutuas continet. Ita intelligenda est dicta lex *ex parte*, vt actio, de qua ibi, sit negotiorum gestorum, si omnium nomine causa sit defensata, vel si proprio, familiæ erciscundæ, si magis sit consumptum, quia præstatio illa venit in hoc iudicio, *dict. l. idem Labeo, dict. l. sorori*.

Ex quibus quæ diximus *dicto cap. 7. num. 22. ad dict. l. ex parte*, pertinent ad conciliationem illius legis cum dicto §. finali legis *qui aliena, ff. de negotiis gestis*; vtrumque enim illud ius intelleximus in actione negotiorum gestorum particulari intentata; tunc enim consequor à cohærede iudicio hoc particulari illud quod eius nomine consumpsi, quod aliàs eram consumpturus, si meam duntaxat causam tutatus essem; & conuenit cum dicto §. finali. Itaque dicimus in *dict. l. ex parte*, non fuisse actum de tota hæreditate, sed petita est pars rei hæreditariæ; patet ibi, *cohæres partem suam ab eo petebat*. In hoc autem iudicio particulari petebat quoque cohæres sumptus actione negotiorum gestorum; ideo rectè ait Iureconsultus, si magis consumptum sit propter cohæredis causam, posse illud consequi actione, scilicet negotiorum gestorum. Quod si in dicta lege *ex parte*, actum esset vniuersali iudicio totius hæreditatis diuidendæ, tunc quidem omnes sumptus, omnes meliorationes venirent, & præstarentur mutuo; quia illæ mutuæ præstationes in hoc iudicio continentur, non solum res diuidendæ, *dict. l. idem Labeo, dict. l. sorori*; patet enim iudicium familiæ erciscundæ dari pro tota hæreditate inter hæredes diuidendæ; & est vniuersum iudicium naturæ, necessitate, & effectû; neque sicuti petitio hæreditatis datur pro vna re, ita & iudicium hoc; ideoque semel duntaxat intentatur, *l. si filia, §. familia erciscund, ff. eod.* vnde vna vel altera res, quæ indiuisa remaneat, non petitur iudicio familiæ erciscundæ, sed communi diuidendo, vel ipsa hæreditatis petitione: glossa ibi in *dict. §. famil. erciscunda*, elegans



elegans & recepta Iasoni in §. *quadam*, Institut. de actionib. Ideo ergo in dict. l. *ex parte*, non veniant sumptus vniuersi, iuxta dictam legem *forori*, & l. *idem Labeo*, quia non est actum iudicio familiæ erciscundæ, sed pars petebatur actione communi diuidendo, vel aliàs alia particulari: in quo particulari iudicio rectè de sumptibus agitur particulari quoque actione, non vniuersali, ob idque hodie si hæreditas vt diuidatur, postuletur, sumptus & expensæ in eo iudicio deducuntur, & mutuo imputantur, dict. l. *idem Labeo*, & dict. l. *forori*: si verò res hæreditaria petatur, nec agatur de tota hæreditate diuidenda, tunc locus est decisioni dictæ legis *ex parte*, vt is sumptus veniat, qui aliàs non erat hæredi faciendus, si suam duntaxat causam defenderet, siue agat proprio, siue communi nomine, dum rem defendit. Itaque in foro plurimum proderit hæc inuestigatio; namque si semel facta diuisione hæreditaria rem euincas tuo nomine ab alieno possessore, tunc quidem imperitus à cohærede, vt partem rei hæreditariæ præstes, meritò obiciis de sumptibus; sed tamen de his duntaxat sumptibus, quos aliàs non eras facturus si pro te duntaxat litigasses, dict. l. *ex parte*. Quod si omnium nomine rem vendicasti, actio negotiorum gestorum competit, quâ ab his cohæredibus pro emolumento sumptus quoque recuperes. In quo sensu quoque accipi potest dicta lex *ex parte*, & sunt necessariæ interpretationes ad prædicta iura, & separantur inter se; quia in iudicio familiæ erciscundæ sumptus sequuntur portiones hæreditarias, dict. l. *forori*; in particulari autem iudicio non item, sed vtilitatem, inspecto eo quod pro te omnino eras consumpturus: illud in actione negotiorum gestorum, hoc est, quando communi nomine actum est; hoc verò in casu dictæ legis *ex parte*, cum res euicta est à cohærede, cuius partem postulat alter cohæres; tunc enim ratio habetur sumptuum, qui fierent propter eam partem quæ extorquetur; nullibi enim reperias in dict. l. *ex parte*, actum fuisse iudicio vniuersali familiæ erciscundæ, sed expressè particulari ibi partem petebat. Vnde meritò separandæ sunt tres species, scilicet cum agitur iudicio vniuersali familiæ erciscundæ, & tunc indistinctè veniunt sumptus pro portionibus hæreditariis, dict. l. *forori*, d. l. *idem Labeo*, aut particulari, & tunc si communi nomine actum sit, pro vtilitate actione negotiorum gestorum, & pro commodo recuperatur sumptus; aut proprio nomine factus est sumptus, & tunc ratio habetur sumptus, qui aliàs erat faciendus, vt non nisi expensas eas consequatur, quæ vltèrius fiunt, quàm poscebat ius & ratio propriæ causæ: tu cogita, & adde quæ diximus dict. cap. 7. num. 22. & adde quod hi duo casus posteriores vnâ & eandem habent iuris rationem; nam vtilitas tertij id quoque admittit, quod pro te eras expensurus, l. si pupilli, §. sed si quis ita, ff. de negotiis gestis. Si quis ita (inquit Vlpianus) simpliciter versatus est, vt suum negotium in suis bonis quasi meum gesserit, nulla ex vtroque latere nascitur actio, nec fides bona hoc patitur. Itaque pro me litigasti, dum tuum negotium geris, nulla actio est; etiamsi meo nomine expendas, nihil accipis. Et §. sed si quis, in dict. l. si pupilli, l. si quis aliena, ff. eod. vbi consequeris quod duntaxat pro me præstare debuisti, etiamsi multa expendas. Itaque cum in hac actione negotiorum gestorum teneat pro sumptibus factis in rem meam, quatenus locupletior factus sim, ad eos sumptus tenebor, quos eras omnino pro me facturus,

si tuam causam non gessisses; non enim teneor ad sumptus quos fecisti, sed ad eos duntaxat, quos pro me facturus eras: vide apud nos legem 28. & 29. cum seq. tit. 12. part. 5. ubi nouus & antiquior glossator; & pertinent ad expensas, quas recuperat negotiorum gestor. De expensis verò factis à cohæredibus in nostris legibus, præter eos sumptus, de quibus in *l. fundus qui. ff. fam. l. ereisc.* rara aut nulla mentio est, ita ut semper sit indaganda ratio dictæ

9 legis *ex parte*, quæ procul dubio in vniuersali iudicio familiæ ereiscundæ nec potest, neque debet intelligi; sed, ut diximus, in particulari petitione rei hæreditariæ, in qua ratio habetur sumptus, qui pro me erat faciendus duntaxat; actione negotiorum gestorum, si communi nomine factus est, quod suadebat Bartolus in *dict. l. ex parte, ad finem*; vel si proprio, communi diuidendo: vtrique autem hæc actio id continet, quod pro me eras duntaxat expensurus, etiamsi multa expendas, vel pro te, vel meâ causâ, vel libens nulla urgente necessitate, *dict. l. si quis in aliena.*

10 His præmissis patet, quid dicendum sit in illa quæstione, si socius parietem, vel domum communem reedificet suis sumptibus, an partem sumptuum conseruet sibi à socio, vel ab eo cum quo sibi communis est. In qua refert, an socius suo nomine expenderit, vel communi; posteriori casu, si resectio necessaria sit, non est dubium, quin socius dimidium sumptus facti exsoluat, si domus, vel paries amborum sit, alias pro portione societatis, *l. si ut proponis, in priori parte, Cod. de edificiis priuatis*; possum enim reficere aedes communes; idque ut efficiam, possum demoliri, *l. si aedes, ff. communi diuidendo*: cui non obstat, nec repugnat *lex parietem, ff. de seruitutibus urbanor. pradiorum*; vera est enim Accursij sententia in *dict. l. si aedes*: & rursum in *dict. l. si ut proponis*, quod possum reficere iure societatis, non iure seruitutis; verba enim Caij in *dict. l. parietem*, ibi, *reficiendi ius non est*, id significant, & faciunt verba illa quæ sequuntur, *quia non scilicet dominus*: quasi dicat, quia cum vterque dominus sit, non potest esse ius seruitutis, ne res sua sibi seruiat; idque illis verbis intelligendum est subtilius, alias etiamsi alius sit dominus pro parte iure societatis, licet reficere, & ob eam causam demoliri, *dict. l. si aedes, dict. l. si ut proponis*. Si verò proprio nomine gesserit, non tanquam socius, tunc quidem refert, an eo animo fecerit, ut partem socij occuparet; & tunc expensas nullas recuperat, propter improbum consilium, quod suscepit, *l. si is contra quem, de edificiis priuatis*: improbum autem consilium coniecimus ex qualitate expensarum, ut si necessariae fuerint, quia sine his conseruari aedes non potuerint, magis est ut sibi conseruet, quas malæ fidei possessor conseruat, *l. domum, Cod. de rei vindicatione*: in vtilibus solum alia ratio est, *ex l. sed an ultro, ff. de negot. gestis, l. qui aliena, ff. eod. dict. l. si is contra quem*: facit §. *ex diuerso, Institut. de rerum diuisione, l. adeo, §. ex diuerso, ff. de acquir. rerum dom. l. si quis putans, l. si quis cum existimaret, ff. communi diuidendo*. Ex quibus duntaxat patet quomodo decidendum sit in illa quæstione quinta, quam perplexè, & obscure admodum decidit Cæpola de *seruitutibus urban. pradior. cap. de muro & pariete, vers. sed est dubium*, quando quis altius vult tollere, ubi multiplicatis distinctionibus, & subdistinctionibus, ex hisque mille, & eo amplius subdistinctioniunculis factis, quid dicendum sit, desideratur,



tur, tanquam si nihil fuisset dictum. Vnum est addendum, quod etiam si necessarium non expenderim, sed utiliter, imò voluntariè, si socius velit his sumptibus frui, necesse est ut expensas soluat; quia hoc casu videtur aliàs facturus, argumento textus *in l. in fundo, ff. de rei vindicatione*; unde utiles impensæ factæ in re communi, bona fide conseruantur, ut diximus in principio, quod modò non est repetendum. Ex his etiam in necessaria refectione reipublicæ, vel communis, omnes ad quos utilitas eius rei extenditur, impensas conferre tenentur, quod particulariter in refectione putei communis notat ex Speculatore *in de censib. §. 1. vers. sed porro vicini*, glossator vetus ad leges fori legum lib. 3. tit. 4. l. 5. *ad fin.* quod ex his extendendum erit ad fontes, pontes, reliquaque publica, quorum vsus communis est, quoniam subest eadem ratio, de qua *in dict. l. si ut proponis*; & quæ diximus suprà, quod & ad templa sacra recipiendum est, si opes non habeant, vel nihil superfit parochi, *Cod. de his*; & ibi Abbas & reliqui *de Ecclesiis adific. vel reparandis*: à qua contributione expensarum non liberatur quisquam, etiamsi protestetur, se re illa communi, seu publica non vsurum, ex Speculatore *ubi suprà*, si necessarius est sumptus: unde in his societatibus, quas nos vocamus verbo nostro, *Cofradias*, necessarij sumptus, qui fiant ad comparanda funalia, & cæreas candelas, vestesque sacras, & alia id genus, nemo ex his excusatur, quia apprimè necessaria sunt: quod si quis dicat nolle se amplius in ea societate esse, necessum est ut soluat quod necessariò expensum est, ex his quæ diximus suprà: vide Auendañum *de exequendis mandatis Reg. Hispan. 2. part. cap. 3. num. 6. & sequentib.* cuius expensis reficiatur fons, pons, & mœnia, & Ecclesiæ, vide ibi.

Prædicta lex *si ut proponis*, *Cod. de adificiis priuatis*, in secunda parte elegans & difficilis est, & nobis Hispanis negotium facessit, propter legem finalem, *titul. fin. partit. 3.* cui conuenit. Vtriusque autem decisio dura visæ semper est viris iuris sanctissimis, cum iniquitatem continere videatur. Voco iniquitatem, id est inæqualitatem, quæ contingere potest inter expensas soluendas, & rem ipsam admittendam, ob non solutas expensas. Verba eius hæc sunt: *Etenim si solus edificaueris, nec intra quatuor mensium tempora cum centesimis usuris inuus pro portione socij erogatus, restitutus fuerit, vel quo minus id fieret, per socium id stetisse constiterit, ius domini pro solido vindicare vel obtinere iuxta placitum antiquitatis poteris.* Hactenus Imperatores: iam olim Papinianus isthuc argumentum attigerat *in l. si fratres, §. idem respondit, ff. pro socio*. Idem respondit, inquit Papinianus, socius qui cessantis, cessantiumve portiones insulæ restituerit, quamuis aut sortem cum certis vsuris intra quatuor menses postquam opus refectionem fuerit, recipere poterit: in exigendo quoque privilegio uteretur, aut deinceps propriam rem habebit; potest tamen & pro socio agere ad hoc ut consequatur quod sua intererat. Finge enim eum in alio suo consequi quàm dominium insulæ; oratio enim Diui Marci idcirco quatuor mensibus finit certas vsuras, quia post quatuor menses dominium dedit. Hactenus Papinianus; oratio autem Diui Marci, de qua meminit Papinianus, antiquitatis placitum est, de quo *in dict. l. si ut proponis*. Denique ex his, si alter ex sociis rem communem collabentem, vel collapsam, necessariis sum-

ptibus & expensis reficiat, si socij intra quatuor menses post reparatam rem communem partem sumptuum cum vsuris non præstiterint, potest socius rem sibi propriam facere; si malit autem, sumptus recuperabit, & omne id quod sua interest. Clarius in hoc expressa est lex finalis, *titul. finali, part. 3.* ex qua iunctis dictis legibus, tota ratio iuris in hoc dependet; ipsæ enim seipsas interpretantur. In quo quod pertinet ad literam *in dict. §. idem respondit*, verbum illud, *cum certis vsuris*, ambiguum erat; expositum autem est *in dict. l. si ut proponis*. Itaque nouo illo iure factæ sunt centesimæ illæ vsuræ. Et quia sæpè in iure inuenies centesimas vsuras, sæpè semisses vsuras, sæpè quadrantales, aliquando trientales, sæpè centesimas quoque positas inuenies Kalendas, hæc ut intelligas breuiter animaduerte; doctis enim hæc vulgata sunt, aliis ignota: à fœneratoribus antiquis hæc omnia deducta sunt; stipulabantur autem vsuras in singulas Kalendas, ut hac via vsura distributa in partes duodecim, duplum excederet, *l. usura, Cod. de usuris*. *Vsura*, inquit Imperator, *per tempora soluta non proficiunt reo ad dupli computationem; tunc enim ultra sortis summam usura exiguntur, quoties tempore solutionis summa usurarum excedat eam computationem*. Hæc Imperator; fœneratores ergo si toto anno ad vnicam vsuram mutualsent pecuniam, duplum excedere non poterant, distributa verò solutione integra in singulos menses, hoc est, in singulas Kalendas, excedebant duplum. Hoc igitur auarum & improbum fœneratorum consilium fecit, ut in singulas Kalendas vsuras stipularentur, hoc est in menses singulos, *l. lecta, ff. si certum petatur*; quæ est ad propositum elegans, vnde fœneratores dicebantur antiquis menstrui exactores, & similes dæmonibus, qui recurrente Luna morbo veluti comitali homines quosdam affligent, cum debitores suos recurrentibus Kalendis expectata solutione torqueant, & miris modis crucient, & affligent. Ad idus aliquando differebant solutionem, ideoque aliquando vsuras debitas idibus legimus; quod Cicero obieciebat in Catilinam, ruinas fortunarum omnium suarum futuras proximis idibus; quod dicebat propter expectatam à fœneratoribus pecuniam; & alibi sæpè, *l. si ex pluribus, §. ultimo, ff. de solutionib.* ubi idibus Septembris facta est enumeratio, quin & mercedes locationum numerabantur quoque Kalendis, alibi Iuliis, alibi Martiis. Macrobius *lib. 1. c. 12. l. defuncta, ff. de usufructu*. Hinc factum est, ut Kalendarium dictum sit pro libro rationum, in quo ratio sit pecuniæ acceptæ, & creditæ; hincque deducitur pro libro rationum, *l. penultima, ff. si certum petatur, l. uxorem, §. legauerat, ff. de legat. 3.* Seneca libro de beneficiis, 1. *Nemo*, inquit, *beneficia in Kalendario scribit*; vnde stipulatio facta in quartas, quintas, sextasve Kalendas, intelligitur concepta in quartum, quintum, sextumve mensem, *l. 1. §. si quis simpliciter, de verborum*. Hinc centesimæ vsuræ dictæ sunt, quæ centesimis Kalendis, hoc est centesimo mense sortem æquabant, hoc est octo annis & mensibus quatuor, vno accepto pro centum singulis Kalendis, duodecim pro centum quotannis; hinc semisses vsuras vocamus, cum pro centum singulis annis sex vsurarum nomine numeramus, singulis Kalendis pro centum dimidium: trientales vsuras, quatuor quotannis solutis pro centum, *l. quid ergo, §. contrarium, ff. de contraria act. tutel.* quadrantales tribus solutis; ita enim fiebat antiquitus, ut res omnes quæ

pondere,



pondere, numero, mensurave constarent, ad assem redigerentur: unde apud Plinium, Theophrastum, Dioscoridem, passim legimus, arbusculas habere stipitem dodrantalem, hoc est, quibus ad pedis magnitudinem deest quadrans. Dodrans continet tres partes assis, quem si ad magnitudinem referas, continebit duodecim digitos, hoc est tres partes pedis, qui sexdecim digitos continet. Centesimæ autem usuræ dicebantur maiores usuræ, reliquæ minores; ita intelligenda est dicta lex *si ex plurib. §. ultimo, ff. de solutionib.* ibi: *Vna quindecim sub usuris maioribus.* Igitur in *§. idem respondit*, cum certis usuris soluendam pecuniam ait, interpretatus est Imperator, scilicet, cum centesimis usuris, intra quatuor illos menses: quod si cum fisco actum esset, qui rem communem cum priuato haberet, retenta specie dictæ legis *si ut proponis*, in quatuor illos menses haberet maiores usuras, non minores, scilicet semissibus; nam quæ priuatis centesimæ sunt usuræ, fisco sunt centesimæ, si priuatæ usuræ sint minores semissibus, fisco semisses esse oportet, si in locum priuati succedat, *l. cum quidam, §. ex locato, versic. si debitores, ff. de usuris*, ibi: *Si debitores*, inquit Paulus, *qui minores semissibus usuras præstabant, fisci esse cœperunt, postquam ad fiscum transferunt, semisses cogendi sum præstare.* Porro Paulus usuras minore semissibus, intelligit trientales, & quadrantales usuras: mutata igitur persona, *ex dict. §. si debitores*, mutatur usuræ qualitas, & quantitas augetur. Ex quo Baldus inferebat ad quotidianam quæstionem in *l. in emphy. euticariis, Cod. de iure emphyteutico, in additione, num. 27.* de Ecclesia, quæ successit priuato, qui rem in emphyteusum dederat, an expectetur biennium, an triennium ad commissum ex causa non soluti canonis, vide ibi. Adducit dictum *§. si debitores*, ut mutarê personâ, qualitas rei videatur mutata. Diximus suprâ *cap. 12. num. 70.* & pertinebant hæc ad litteram dictæ legis *si ut proponis, dict. §. idem respondit.* Unde patet declaratio ad glossam, & textum in *l. ad curatoris, ff. de damno infecto. Domum sumptu publico extructam*, inquit Paulus, *si dominus ad tempus pecuniam impensam cum usuris restitueret nulnerit, iure eam respublica distrabit.* Hæc Paulus, qui planè consentit Papiniano in *dict. §. idem respondit*; & vterque intelligit, aut certè intelligi debet iuxta dictam legem *si ut proponis*, quantum ad tempus, & usuras, ut tempus sit quadrimestre, quod etiam agnouit Papinianus; usuræ autem sint centesimæ, nempe maiores usuræ: de semissibus autem intelligi non potest cum Accursio ibi, quia centesimæ usuræ nunquam iure redactæ sunt ad semisses, sed minores reducuntur ad semisses, *ex d. §. si debitores*: minores semissibus usuræ sunt trientales, & quadrantales, quas Accursius non agnouit, ob idque de semissibus intellexerat.

Conuenit autem cum dicta lege *si ut proponis*, & cum *dict. §. idem respondit, l. fin. tit. fin. part. 3.* quæ partim Iureconsultos explicat, partim ab illis explicatur: primùm enim ait decisionem eam admittendam esse ubicumque res communis sit, nihilque distinguit quo iure sit communis: quo sit ut inter cohæredes habeat locum qui possident rem pro indiuiso, utcumque possideant, siue ex causa societatis quæ inter eos contracta sit, siue actiones habeant, aut patiantur, quæ ex inita societate resultent cum his, quorum hæredes ipsi sint, licet plerique interpretabantur dictam legem *si ut proponis*, & *dict. §. idem respondit*

18

19

*respondit*, vt non haberent locum inter hæredes socij, quia socij morte dissoluta sit societas, *l. socio*, §. *qui in eo*, ff. *pro socio*. Quamvis autem in acquirendis nulla societas sit, acquisita tamen communia sunt, vnde locus est decisioni dictæ legis finalis, & dictæ legis *si vt proponis*, & dicti §. *idem respondit*, si sint multi partiarij domini, quos *aparceros* vocat lex nostra. Itaque occasione societatis deducitur legis illa decisio ad eum casum, scilicet vbi-  
cunque res communis sit. Deinde res ista oportet vt refectionis indiga sit; quo verbo necessariam refectionem intelligimus, sine qua conseruari res non possit. Quæ verba excludunt voluntarias expensas, & etiam viles, si res sine his conseruari possit: quod patet ex litera dictæ legis finalis, ibi: *Si esnuiesse mal parada, de guisa que se quiera caer, e algunos de los aparceros la manda labrar, e reparar*; verbum enim *reparar*, est reficere: reficere autem est ponere in eo statu, in quo erat, *l. 3. §. reficere*, ff. *de itinere actûque priuato*; quod si præter necessitatem velit reparare socius, rectè prohibere poterit, ex *l. Sabinius*, ff. *communi diuidundo*. Item etiam non erit locus dictæ legi finali, si res omnino diruta sit, & solo æquata, ex illis verbis, *Que se quiera caer*. Itaque solo æquatas ædes si socius erigat sine temporis præfinitione licebit socio partem expensarum offerre, & rem sibi pro sua parte asserere, quia in hoc incorrectum est ius, quod in dict. *l. fin.* de refectione solum agit. Præterea debet socius, qui reficere est paratus, commonere socios, & prouocare ad refectionem, ibi, *Faciendoles saber*. Quæ verba licet Gregorius Lopez existimet non inducere necessitatem, sed consilium; ego tamen existimo, omnia esse necessaria, quæ lege illa lata sunt, vt dominij translatio fiat; planè enim immeritò socius resecta re communi ignarum fortè socium dominio suo priuaret, ideoque apprimè necessaria commonitio est, vt socius de refectione curet, operi adsit, sumptus temperet, remque communem communi quoque consilio conseruet. Præterea monitione facta deber opus suo & sociorum nomine incipere, facere, & perficere, vt negotium cum illis gessisse videri possit, ne à sociis obiici possit, industriosam fuisse eam refectionem, vt rem sibi occuparet, quod aduertit Greg. Lopez, & Cæpola de refectione, cap. 59. quæ omnia nostra hac lege addita sunt ad dict. *l. si vt proponis*, & ad §. *idem respondit*, & sunt necessaria: hisque prætermisiss, aut ex his aliquot, denique quicquid omittatur, mala fides præsumitur, & sumptus amittuntur, quasi iniquè facti: quod patet in dictæ legis finalis parte secunda, ibi: *Pero si este que faze la labor*. Præterea dicta lex finalis interpretanda est ex dicta lege *si vt proponis*, vt postquam perfectum opus sit, socius interpellatus, soluere teneatur intra quatuor menses expensas cum vsuris; quæ vsuræ hodie nec centesimæ, nec semisses sunt, sed recepta consuetudine, ratione vnus pro singulis quatuordecim: quatuor autem menses incipiunt, non à die perfecti & absoluti operis, sed postquam perfectum est sit interpellatio illa de soluendo; mox à die eius interpellationis currunt quatuor menses: & hæc pertinent ad dictam legem finalem, & ad reparationem rei communis.



## CAPVT XX.

*De tutore, & curatore, & administratore meliorante, & expendente, & de probatione expensarum.*

## Notabilia ex capite vigesimo.

- 1 *Curatorum varia genera traduntur: exheredationem semper fuisse conseruatam ex causa, & de lege si furioso, ff. de curatore furiosi: adducitur locus Ciceronis, num. 2.*
- 3 *Hereditati iacenti, & absentis bonis, & reipublica datur curator.*
- 4 *Pro debito reipublica non debet ciuis carcerari.*
- 5 *In executione instrumenti contra absentem bonis datur curator, & num. 6. cum mulier bona dotalia petit, qua absens maritus dissipauit.*
- 7 *Tutor, curator, administrator quomodo conseruent expensas, quas faciunt cum pupillis, minoribus, furiosis.*
- 8 *An hi donare, & quid donare possint, quidue remittere. Procurator Caesaris an sit Aduocatus fisci, num. 9.*
- 10 *Præses nostri Senatus Galleci quid, quantumue donet.*
- 11 *Hi omnes conseruant sibi expensas quas faciunt domo egressi, num. 12. horum officium plenum officio est.*
- 13 *Potest his assignari salarium. 14. Quibus aliis possit salarium constitui. 15. Expensas personales non imputari in salarium.*
- 16 *Expensas factas in rem pupilli & reliquorum conseruat tutor, curator & administrator.*
- 17 *Lites quantum finiant, & incipiant, & de expensis litium.*
- 18 *Debita recipiunt & solunt, & expensas in hoc factas recuperant. 19. Quid si res pereat commisso, ob non solutam pensionem.*
- 20 *Meliorationes conseruant sibi etiam factas in re, qua non extat.*
- 21 *Miseram esse conditionem pupillorum sine parente.*
- 22 *Quomodo hi reddant rationem. 23. Quomodo probent expensas. 24. Ob rem modicam non sunt faciendæ maiores expensæ.*



Hoc genus expensarum pertinet ad eos, qui res sibi commendatas gerunt, in quibus ab eo qui mandatum habet, item à tutore argumentum postulandum est: quoniam in his apertè decisum est, quid, quantumue nomine sumptus & meliorationis conseruare sibi possint; vnde de his aliqua nobis quoque sunt attingenda. Administratoris autem nomine vniuersè intelligimus omnes curatores, quales ius agnoscere

confuevit; sunt enim alij, qui dantur maioribus quatuordecim annorum masculis; fœminis verò viri potentibus vsque ad vigesimum quintum annum: hîque testamento non dantur; dati tamen decreto Prætoris, vel Præsidis

I confirmantur, *Instituis de curatoribus, in princip. l. 13. tit. 16. part. 6.* vbi latè Gregorius Lopez. Sunt alij quoque, qui maioribus dantur, rem suam vel negligentibus, vel gerere impeditis: hi sunt furiosi, dementes, venter plenus; illi sunt prodigi, & mulieres, quæ luxuriosè viuunt; de quibus omnibus est lex 1. & ferè per totum ff. de curatore furioso & prodigo, & aliis maioribus dando: hi autem curatores sunt sæpè filij parentibus, l. 2. l. 4. eod. l. si furioso, 16. eod. vbi quod licèt testatoris iudicio curatores isti dari neque possint, neque consueuerint, sed Præsidis vel Prætoris decreto, plurimùm tamen poterit consilium patris pro filio prodigo, vt ei omnino confirmandus sit, quem parens dandum esse censuerit: verba autem dictæ legis furioso, 16. ibi, & exhæredasset filium, eique quod sufficeret, alimentorum nomine ab eis certum legasset, addita causa, necessitateque iudicij sui, ita vulgè intelliguntur, non quòd illo

2 iure necessaria fuisset causa ad sustinendam exhæredationem. Allegant ad hoc legem in suis, ff. de liberis & posthum. sed vt nepotibus magis faueret explicitis causis exhæredationis, quibus nepotes excludere possent parentem agentem querela, ex iudicio magis testatoris, quàm ex affectione sua, quia aliàs filij iniqui poterant videri erga parentem suum, si nouas quærerent causas, vt parentem suum excluderent ab hæreditate aui; secuti verò iudicium aui, eiusdemque testatoris nullam iniuriam videbantur facere parenti suo, quia aui testatoris animum & voluntatem adimplerent. Hæc est interpretatio ad dict. l. si furioso, ad illa verba, addita causa, necessitateque iudicij sui, vt scilicet ideo ibi necessaria fuerit causa exhæredationis, quia nisi propoſita fuisset à testatore, non fuisset requirenda ab hæredibus contra exhæredatum, scilicet patrem. Honeſta sanè interpretatio, quæ tamen asſerat, illo iure, quod Digestorum vulgus vocat, non fuisse necessarium, vt causa exhæredationis adderetur à parente, sed liberum illi fuisse filium exhæredasse, ex dict. l. in suis, quæ proculdubio nihil tale dicit, si prudenter intelligatur. Ait illa licitum esse parenti exhæredare filium sine causa, sed id non explicat in authentico Vt cùm, de appellatione cognosc. §. aliud quoque capitulum. Occasionem nouæ legi fecit difficultas quæ inerat, in eo scilicet, quæ satis sufficientes causæ forent ad exhæredandum filium: in eo inquit Imperator variè disputatum fuisse; causas verò præmittit semper & vbique necessarias fuisse, necessarioque semper addendas fuisse parenti: nam quod ibi de præteritione dicitur, antiquum quoque est in filio suo, in principio de exhæredat. liberor. Instituis; totum negotium erat in ea inuestigatione, quæ causæ sufficientes viderentur, vt ex illis exhæredatio sequi posset: illud nouè constitutum est in dicto §. aliud quoque capitulum, vbi expressæ sunt causæ exhæredationis, & quæ illis similes videri possunt, maioreſne, aut grauioreſ, ex Angelo in l. lex Cornelia, ff. de iniuriis. Ioannes Lupus de Palacios Rubios in Rubrica de donationibus, §. 16. num. 10. & in cap. per vestras, 3. notabili, §. 20. num. 15. Emanuel Costa in §. & quid si tantum, 3. parte, num. 175. post Guillelmum Benedictum in capit. Raynuttius, versic. in eodem testamento, et secundo, num. 19. & alios, quos refert



Couarr. in cap. Raynutius, in princip. num. 16. planè si veterem antiquorum iudiciorum formam perspicimus, vbiunque de exhæredatione agitur, actumue est, statim desiderata est. Sextus Roscius Amerinus accusatus est Romæ patricidij, defenditur à Cicerone; odium erga parentem comminiscuntur accusatores, inde deducunt, quod pater de exhæredatione Roscij Amerini cogitauerit; has odij causas Cicero ita euerit. *Exhæredare patrem filium cogitabat; mitto querere qua de causa, quæro qui scias? tamen si te dicere atque enumerare causas omnes oportebat, & id erat certi accusatoris officium, qui tanti sceleris argueret, explicare omnia vitia, atque peccata filij, quibus incensus parens potuerit animum inducere, ut naturam ipsam exueret, ut amorem illum penitus insitum eiiceret ex animo, ut denique patrem esse sese obliuisceretur, quæ sine magnis huiusce peccatis accidere potuisse non arbitror.* Hæc Cicero. Vide quæ fuerit antiqua forma iudicij, quomodo iam tunc exhæredatio sustinebatur ex causis, ex peccatis, ex commissis filij erga parentem: vide quàm alienum sit à recta ratione sic existimare ante dictum §. *aliud quoque capitulum, ex dict. l. in suis*, exhæredationem constasse ex sola parentis voluntate: vide quàm longè aliter accipienda sint verba dictæ legis *furioso*, ibi, *addita causa, necessitateque iudicij sui*. Licebat ergo parenti exhæredare filium; sed hæc exhæredatio sustinebatur ex peccato filij, ex delicto, ex impietate, & ingratitudine; non tamen ex sola voluntate exhæredare volentis, quod vulgus intelligit. Hodie tamen illud nouum est, exhæredationem sine causa nihil prodesse, quæ probanda sit ab hærede scripto. Ita intelligenda est communis traditio, & in dict. l. si furioso, rectè dicimus, ab auo explicitas fuisse causas exhæredationis, ne nepotes, inquit, iniurij viderentur, si causas requirerent contra parentem; verè tamen etiam si additæ ab auo non essent, in iudicio requirebantur, ex Cicerone, & forma illa iudicij, quæ pertinent ad dict. l. si furioso.

Dantur etiam curatores hæreditati iacenti, hoc est bonis defuncti, l. i. ff. de curatore bonis dando: item & bonis distrahendis curator dari consuevit, l. 2. ff. eodem: item ex Carboniano edicto possessione petita si satis non detur, custodiendis bonis curator datur: item & bonis eius qui ab hostibus captus est, l. i. §. *aque personales*, ff. de muneribus & honoribus. Denique eius bonis, qui iam diu abest, nec vbi sit, satis compertum est, curatorem dari ait glossa in l. cum cognatos tuos, verbo *observatione*, ff. de postliminio reuersis: pro qua est textus in dict. l. i. §. *aque*, iuncta glossa verb. *bonis*: quod ita accipiendum est, si absentia magna sit, neque speretur reditus, saltem proximus: glossa in l. ab hostibus, ff. ex quibus causis maiores, Bald. in l. cum proponas, Cod. de bonis author. Iudicis possidend. latè Greg. Lopez in l. 12. tit. 2. part. 3. verb. *Que captiuam*; & est ibi textus in dict. l. 12. ibi: *O non son en la tierra aquellos contra quien el demandador.*

Præterea respublica habet suum curatorem, quem vocamus syndicum, quem debent conuenire debitores reipublicæ, & ab his conuenitur, capitur, incarcerationatur, non verò singuli de ciuitate, l. 3. part. 3. tit. 2. qui est optimus textus contra istos aguacellos audaces, qui quotidie pro debitis reipublicæ capiunt, & in vincula coniiciunt quem antea oderunt, & eum cum quo sibi simulas & priuata inimicitia intercedit, quod facere non possunt, & faciunt

quotidie, *dict. l. 13. ibi*: Porque la cosa que todo el consejo, o el cabildo, e el con-  
 vento deviesse, o fuesse tenuto de fazer, non pueden apremiar, por ella à perfor-  
 ciertas de aquel logar que lo cumplan, como quier que todos en uno sean tenudos de  
 lo cumplir. Addit aliam rationem prædicta lex 13. & abusum & insolentiam  
 horum aguacellorum damnat Gregorius Lopez post Lucam de Peña, quem  
 ipse adducit, & alios *in l. 15. tit. 10. part. 7.* Facit lex 4. *tit. 30. part. 3.* vbi Gre-  
 gorius. Vide Paulum *in l. sicuti, ff. quod cuiusque universitatis.*

Denique ubicunque Prætori æquum iustumque visum fuerit, dabit curato-  
 rem bonis, de quo est casus particularis *in l. 31. tit. 1. part. 6.* qui referri potest  
 ad eos, quos diximus. Facit ratio dictæ legis 1. & seq. *ff. de curatore bonis dan-*  
*do*, & dictæ legis 1. §. *fin. ff. de muneribus & honoribus*: vnde in omni casu vbi  
 agitur de distrahendis, addicendis, vendendis bonis alicuius, qui abest, his  
 curator datur, siue petat qui creditor est, siue non petat: vnde habentes in-  
 strumenta guarentigia, si petant executionem contra iacentem hæreditatem  
 5 aut absentem, nihil valebit executio, nisi curator datus fuerit: item si mu-  
 lier absente & inopie marito agat ad bona dotalia contra creditores, processus  
 erit nullus, nisi bona mariti per curatorem defendantur; & ille curator debet  
 6 dari à Prælore, aut Præsidente: denique à iudice. Tenet post Angel. Ioannes de  
 Imola, post Angelum iterum, & Iasonem Gregorius Lopez *in l. 12. tit. 2.*  
*part. 3.* verbo, *Non valdria.* Faciunt ea verba, *Ca de oira guisa non valdria la*  
*demanda que ficiessse*: & ibi, *Dene pedir ad juez del logar que de quien guarde*  
*aquel pleyto.* In cessione autem bonorum datur curator ex consensu credito-  
 rum, *l. fin. ff. de curatore bonis dando.*

7 De his igitur tutoribus, curatoribus, vel administratoribus, tanquam de  
 his qui mandatum habent, quod pertinet ad expensas & meliorationes idem  
 iudicium est; sicuti enim tutor conseruat sibi suas expensas & meliorationes,  
 quas cum pupillo facit dum eum alit, educat, instituit ægrotum & beneua-  
 lentem, de quo diximus latè *cap. 4. num. 26. & cap. 3. num. 51.* faciunt autem  
 curatores has expensas sicuti & tutores, *etiam ad exhibendum cibum, potum,*  
*sectum & similia*; ita etiam instar tutoris has quoque expensas alimentorum  
 consequentur, quod quidem extendendum erit, vt recuperent, aut saltem in  
 ratione administrationis refundantur ipsis non solum alimenta præstita pupil-  
 lo, vel furioso, cuius tutelam vel curam gerit, sed & alimenta seruis, famu-  
 lis, domesticisque exhibita; imò & mercedes, non solum horum, sed & præ-  
 ceptorum qui pupillum instituerint, vel furiosum curauerint ad sanam men-  
 tem reducere, *l. 1. §. 1. ff. de tutelis & rationib. l. cum plures, §. final. ff. de administ.*  
*tutorum*; dum tamen in his sumptibus adsit modus, scilicet is, quod pupillus  
 erat omninò facturus, & quod curator si opus sibi esset his medicamentis,  
 aut famulis, tantundem cum his fuisset expensurus, *dict. l. cum plures, §. ni-*  
*mius*; neque enim medicum, quem sibi accersisset sextertio, furioso, vel pu-  
 pillo suo accerset talento; sed curabunt & gerent omnia fideliter vt probos  
 viros decet, quibus res aliena commissâ sit: quæ autem probè consumpta fue-  
 rint, in ratione administrationis reputabuntur; ex his quæ diximus; & de  
 his est lex 16. *tit. 16. part. 6. iuncta l. 20. eadem part. & tit.*

8 Et licet hi omnes habeant hanc generalem administrationem, donare non  
 possunt



possunt quicquam, l. 1. §. 1. ff. de officio procuratoris Caesaris. Quæ acta, inquit Vlpianus, gestæ sunt à procuratore Caesaris, sic ab eo comprobantur, ac si à Cæsare gesta essent: si rem Caesaris procurator, eius quasi rem propriam, tradat, non puto eum dominium transferre: tunc enim transfert, cum negotium gerens Caesaris, consensu ipsius tradit. Denique si venditionis, transactionis, vel donationis causâ quid agat, nihil agit: non enim alienare ei rem Caesaris, sed diligenter gerere commissum est. Hæc Vlpianus, qui procuratori Cæsaris, qui liberam habet administrationem, negat donandi facultatem. Illud autem obiter adnotabis, nec olim, neque hodie fuisse procuratorem Cæsaris illum, qui causas fisci defendit, longè alius ille ab hoc. Ille res Cæsaris curabat, hæreditates adibat vel repudiabat, atque vniuersa quæ ad Cæsarem, & rem Caesaris pertinebant, cum illo erant gerenda, vt patet ex dict. l. 1. & per totum ff. de procuratore Caesaris, vel de officio eius; hic autem antiquitus dictus est fisci Aduocatus, quem primùm instituit Adrianus Imperator, ex Ælio Spartiano in vita Adriani, folio mihi in paruis 75. hic enim fisci Aduocatus nullam vllius rei administrationem gerit, dict. l. 1. Præstat optimum argumentum, vt huiusmodi curatores, quamuis habeant administrationem, donare non possint, dict. l. 1. ff. de tutel. & rationibus distrahendis. Gloss. in l. quicquid, Cod. arbitrium tutela, l. prohiberi, §. planè, ff. quod vi aut clam. Vnde in Prælati, Parochi, æconomis, & his similibus habentibus hanc administrationem liberam non admittitur donatio, neque remissio aut renunciatio exceptionis peremptoriæ, quia isthuc donare est, Innocentius in cap. cum olim, el 1. de officio delegati, cap. 1. de deposito, Ioannes Andreas, & alij in cap. 2. de donationibus; sed neque admittitur remissio debiti, quia donatio est, l. si quis delegauerit, ff. de donationibus; nec compromissum item, l. quod dicitur, §. si compromiserit, Cod. de emptionibus: de quo tamen vide latius Pinellum in l. 1. de bonis maternis, part. 3. num. 31. de alienatione, compromisso, & transactione num. 44. & 45. quoniam illud ad nos nihil pertinet: hoc vnum sic habeto, istos curatores & tutores donare non posse, quia hoc eis nulla, quantumvis generali commissione administrationis concessum est.

Si verò pupillus, vel furiosus, vel absens, aut is, cuius bonis curator datus sit, nobili genere sit, qui dum sanæ erat mentis, vel cuius pupilli parentes quotannis solebant solemnia munera & xenia mittere consanguineis, amicis, Aduocatis, vel aliis, poterit tutor, curator, & administrator hoc genus liberalitatis exercere, nobilesque mores illos retinere, quos non excoGITauit primus, sed in ratione rei familiaris inuenit acceptos, & hi sumptus expensæ reputabuntur in ratione administrationis, dict. l. cum plures, §. cum tutor, ff. de administ. tutorum, ibi: In primis tutor mercedes preceptorum, non quamuis minimas potuerit, sed pro facultate patrimonij, pro dignitate natalium constituet alimenta seruicij libertisque, nonnunquam & exteris, si hoc pupillo expediet, præstabit, solemnia munera parentibus cognatis mittere. Agnuit Palacios Rub. in rub. donationib. fol. mihi 5. in magnis, num. 5. Segura in repet. l. 3. §. final. ff. de liber. & posth. folio mihi 3. Iaf. in l. pactum curatoris, de pactis. Cum autem legatis soleant legationis causâ munera dari à Regibus, & qui Regiis moribus viuunt, l. Diuus, ff. de bonis damnat. curator Regis vel Magnatis po-

terit hæc xenia mittere, & largitiones facere, *ex dict. §. cum tutor*; imò cum soleant sæpè pecuniæ theatrales iactari, nuncio prosperè confecti belli, aut litis feliciter iudicatæ allato, poterit tutor, vel curator absentis, pupilli, aut furiosi pecunias iactare; id enim Andreas Siculus dicebat *in cap. 1. de donationibus*, tutorem, vel curatorem Regis posse facere donationes omnes, cum minor suscipitur in Regem, quæ consueverunt fieri à parente, auo & maioribus, cum fuerunt creati Reges: quod & in aliis omnibus est accipiendum, *argumento dict. §. cum tutor*, ubi Albericus post Accursium, Bartol. & Raphaëlem; quia has expensas faciunt omnes curatores.

IO

Ex quo in nostro hoc Senatu Gallico Præses donat ex pecunia fiscali aliquot festiuis diebus, ianitoribus, Sacerdoti, qui singulis diebus sacra facit, & aliis, festiuas quasdam pecunias; sed eas, quas maiores, & qui præcesserunt Præsides, donare consueverunt: item & morte Principis lugubres vestes curialibus & officialibus; idque meritò, quoniam cui administratio commissa est, permessa est donatio, quæ fieri consuevit ex suprà adductis, & *dict. §. cum tutor*. Si quando verò aliquid petitur nomine donatiui, tunc Senatus noster consuevit iubere, vt magister scriniorum, vulgò, *Secretario del acuerdo*, apud quem est ratio harum donationum, quæ fieri solent, adducat, quid, quantum, quandòque, & à quo ei datum sit, aut prædecessori eius qui largitatem desiderat; si nihil vnquam datum fuisse compertum sit, nihil datur: habuerunt autem originem *ex dict. §. cum tutor*, & est recepta sententia in omni genere administrationis, vt donatio permittatur, quæ tamen fieri consuevit.

II

Præterea hi tutores vel curatores, quod de fociis diximus, expensas sibi conseruant, & in ratione administrationis & tutelæ refundunt, quas ipsi faciunt domo egressi, si alibi res pupilli, aut furiosi gerenda sit, *dict. l. 1. §. si pupillis, versic. item sumptus, ff. de tutelis & rationibus distrabendis*, ibi, & *viatica si ex officio necesse habuit aliquò excurrere, vel proficisci*: in quo tamen, vt de fociis diximus, intelligendum est in omni genere expensarum huiusmodi, vt omnino deducatur quod aliàs erat domi suæ expensurus. Diximus sæpè suprà: has autem expensas deducunt curatores, & tutores, & administratores, *ex dict. §. si pupillis, l. si fratres, §. si quis ex fociis, ff. pro socio, l. idemque, §. idem Labeo, ff. mandati*, Paulus & Angelus *in l. numitoribus, Cod. communia de successionibus*, Dynus, Odofredus, Baldus, Albericus *in l. in eos, ff. de tutelis*, Chassaneus *in consuetudinibus Burgundia, rubric. 6. §. 5. verbo, & fait la dicte femme*, Rochus de Curte *in cap. final. de consuetudine, quest. 12. Oroscius in l. sumptus, ff. de pactis*, alios refert Gaspar Bæzius *de decima præstanda tutori, cap. 1. num. 3.* denique quas domi faciet expensas tutor, curator, & administrator, de his expensis, quas in personam suam faciunt hi, nullas sibi conseruant, sed conseruant quas faciunt peregrè profecti. Albericus *in dict. l. à tutoribus, §. quemadmodum, ff. de administratione tutor. & in l. 1. dict. §. si pupillis, ff. de tutelis & rationibus distrabendis*. Boërius *in consuetudinibus Bituricensibus, titulo de consuetudine iuris stat. person. §. 11. columna 2.* recipit autem interpretationem ex glossa *in dict. §. idem Labeo, in l. idemque, ff. mandati*, ne rusticus, curator, vel tutor, vel administrator, qui pedes iter facere solet, pro pupillo



pupillo eques proficiſcatur : denique vt eas expenſas pro pupillo faciat tutor vel curator pro bonis, quas pro ſe feciſſet.

Quamuis autem horum omnium officium pleniffimum pietate ſit, & grato animo ſoleat exerceri, nullo expectato lucro, *l. in eos, ff. de tutelis, l. à tutoribus, §. principalibus, aliàs quemadmodum, ff. de adminiſtratione tutorum, l. qui negociationem, ff. eod. l. ſi is qui, ff. de eo qui pro tutore gerit, & tenent antiquiores in dict. §. principalibus, Albericus, Bartol. Bald. & Raphaël Cumanus idem in dict. §. ſi pupillis, dict. l. 1. ff. de tutelis & rationibus diſtrah. & alij plures, quos refert Gaſpar Bæzius dict. cap. 2. num. 2. verſic. eiſdem opinionis: & quamuis nihil magis contrarium ſit liberalitati & gratuito officio quàm merces, quæ vna facit vt donationes degenerent in locationes, *l. 1. ff. mandati*; poteſt tamen ex cauſa tutori assignari ſalarium pro labore. Ita probat lex à tutoribus, §. principalibus, ff. de adminiſtratione tutorum, *l. idemque, §. idem Labeo, ff. mandati, l. 1. §. ſi à pupillis, ff. de tutelis & rationibus diſtrahendis.**

Denique in omni genere adminiſtrationis & curæ iſthuc recipiendum eſt, ex prædictis iuribus, & cap. 1. de ſyndico, qui eſt optimus textus: & quia ius quod in his ſalaria admiſit, non eſt viſum reſpuere in ſimilibus, *l. ob es alienum, Cod. de prædiis minor.* quod tamen ita accipe, vt neceſſaria ſit facultas Regia, *l. 1. Cod. de præbendo ſalariorum, lib. 10.* ſubintellige id, ſi de pecunia ad rempublicam, vel ſiſcum pertinente ſoluendum ſit ſalarium, ex dict. l. 1. ibi, *nulli tribuatur ſalarium ex iuribus rei publicæ*: vnde conſuevit medicis ſalarium concedi à ciuitatibus, vel ex facultatè Regis, vel ſub conditione, ſi Rex facultatem conceſſerit, argumento legis 2. §. ſi ſub conditione, ff. de bonorum poſſeſſ. ſecundùm tabulas: & quæ tradit Antonius Gomez tractat. de ſucceſſionib. cap. 2. num. 13. & 14.

Vnde capitulum Sede vacante, ad quod iura Episcopalia, quæ pertinent iure communi, transferuntur, non autem quæ competunt iure ſpeciali, Doctores in cap. 2. ne Sede vacante, latè Ioannes Andreas in cap. vno, de maiori-tate & obedientia, lib. 6. Præpoſitus Alexandrinus in cap. Episcopum, 18. diſtinctione, dum iudices creat qui iuriſdictionem exercean, dum vicarios & adminiſtratores rebus Episcopi curandis proponit, poteſt ſalarium conſtituere, dict. cap. 1. de ſyndico, dict. §. idem Labeo, dict. §. ſi pupillis, dict. §. principalibus, vbi Bartol. & optima ad eum additio: notat Cardinalis num. 9. & Imol. in Clement. ſtatutum, de electione. In quo illud aduertendum eſt, quod cùm iſtud ſalarium ſit donatio, non poterit capitulum maius ſalarium conſtituere, quàm antea conſueuerit dari, ne ex affectione, & amore facultates Eccleſiæ conſumantur. Solent enim Canonici Sede vacante in conferendis officiis multa officia, non dicam rependere, ſed verè vendere, dum amicis, fratribus, parentibus, cognatis & aliis multò his charioribus officia ſolicitant; vtinamque Dominus noſter Rex Sede vacante gubernationem ſuſciperet; ſcio rem futuram rei publicæ ſaluberrimam.

Quibus autem conſtitui poſſint ſalaria, vide Auendañum, qui plures refert de exequendis mandatis Regum Hiſpan. part. 1. cap. 2. num. 8. nempe Iudicibus, Legatis, tutori, teſti, Aduocato, notario, ſequeſtro, dimenſori vel peræquatori, executori teſtamentorum, Cathedratico, Decurioni, venatori luporum

add;

adde tu his syndicum, œconomum, omne genus curatoris & procuratoris & Aduocati. Denique magis enumerabis eos, quibus dari non potest, quàm quibus dari potest, ex dictis iuribus.

Hodie apud nos decima fructuum est salarium pro labore & opera tutoris, *l. 2. tit. 7. lib. 3. fori legum*, quæ lex Gothorum *lib. 4. tit. de los herederos*, incipit: *Si el padre*, de quibus Gaspar Bæzius *vbi supra, per totum*, quod quidem meritò lex constituit, vt faciliùs homines ad hoc officium pietatis inuitarentur.

15 Cùm autem dixerimus, hos curatores & tutores conseruare sibi expensas & sumptus, quos faciunt domo sua egressi, non in rem pupilli, sed secum, dum equum currumve quærunt, famulos addicunt, quibus comitati iter faciant, dum maiores expensas faciunt foris, quàm domi erant facturi (de his enim modò est nobis quæstio, nam illas semper deducunt quæ in rem faciunt pupilli:) quæstio est opportuna, an si salarium his constitutum sit, præter salarium possint deducere hi personales expensas, an verò salarium censeatur datum pro his expensis, an facti, an iuris quæstio sit: in qua quæstione si Doctorum sententias inspicias aliud, aliud verò si Iureconsultorum responsa perquiras, respondebis; non desunt enim qui existiment salarium præsumi datum pro his expensis personalibus, quas facit tutor vel curator: quod ex Guidonis *decisione 625.* & Innocentio *in cap. final. de dolo & contumacia*, & Abbate *in cap. finem libris, de dolo & contumacia*, & Rupellano *l. 2. forensium institution. folio 153.* deducebat idem Bæzius *dict. cap. 1. num. 11.* sed tamen contrarium decisum est ex Labeonis sententia *in l. idemque, §. idem Labeo, ff. mandati*, ibi: *Et si ad vecturas suas dum excurrit in prædia, sumptum fecit, nisi salarium fuerit datum, & hoc conuenit vt sumptus de suo faceret ad hæc itinera, non est de salario.* Quod Vlpiani responsum ex Labeonis sententia proculdubio præter salarium expensas has concedit tutori, nisi salarium, vt ille inquit, pro his expensis expressè constitutum sit; ex quo destruitur præsumptio illa Doctorum: præterea cùm *in §. si pupillis*, sæpè allegato, pro alimentis expressè salarium constitutum sit, ex dicto *§. idem Labeo*, proculdubio tenendum est, nisi aliter constitutum & conuentum sit, salarium non impedire expensarum deductionem, scilicet earum, quæ fiunt à tutore in seipsum, quod est recipiendum *ad dict. l. 2. titulo 7. lib. 3. fori legum*, vbi simpliciter pro labore constituta decima est: neque memini me legisse aliud Iureconsultorum responsum, quod ad quæstionem pertineat; reliqua omnia sunt eius generis, quæ pertinent ad tutelam, non verò ad tutorem, de quibus nostra quæstio est. Audio quod Speculator tenet hanc opinionem *in §. 1. de salario, columna 2.* mihi tamen nihil dicit: præterea video legem Gothorum facere pro hac opinione, vt tutor præter salarium expensas consequatur, ibi, *E si algunas expensas fiziere por los negocios de los hermanos, cobrelo.* Quæ verba ex eo quia generalia sunt, generaliter sunt intelligenda, vt non solum expensas contineant solutas Aduocatis, procuratoribus, iudicibus, nuntiis, & in rebus minorum, verùm quas tutor, idemque frater secum fecerit; ita tamen si domo egressus fuerit, vt fratrum negotia gerat. Fateor priorem opinionem, si salarium magnum sit, eise æquiore, sed *ex dicto §. idem Labeo*, non sit iudicium liberum. Tu cogita.



Præterea tutor reputat in ratione tutelæ sumptus omnes, quos facit, & expensas in rem, & patrimonium pupilli, *l. consilio, ff. de curatore furiosi, l. 3. §. contrarium, versiculo deducuntur, ad finem, ff. de contraria & vili actione tutela, dict. l. à tutoribus, §. principalibus*, sæpè allegato, *ff. de administratione tutorum*. Itaque siue ædificet, siue reficiat, conseruat sibi suas expensas & sumptus, *l. 15. titul. 16. part. 6. ibi: E després desto deuen los guardadores enderecar las cosas del huérfano, que no cayan, e fazer labrar las heredades, e criar los ganados*. Denique expensas omnes has conseruat, quia si prætermisisset, teneretur; nisi enim facta tecta habeat, tenetur, *l. quicquid, Cod. arbit. tutela*, Ioannes de Platea in *l. 2. Cod. de condit. in public. horreis*, & Gregorius Lopez in *dict. l. 15. vbi notant de tutore qui horrea non reficit, vnde frumentum corruptum est: denique si vtiliter gerat tutor, conseruat sibi expensas suas, idque index arbitrabitur, l. quod ergo, ff. de contraria, & vili action. tutel. ibi, Index igitur qui contrario iudicio cognoscit, vtilitatem pupilli spectabit, & an tutor ex officio sumptus fecerit*. Isthucque non solum in tutore habet locum, sed & in curatore, administratore, syndico, & in omni eo qui curat rem alienam: textus elegans in *l. 1. ff. de contraria & vili actione tutela*, ibi: *Hæc actio non solum tutore, verum etiam ei qui pro tutore negotia gessit, competere debet, sed & si curator sit, vt pupilli, vel adolescentis, vel furiosi, vel prodigi, dicendum est etiam his contrarium dandum iudicium. Idem in curatore quoque ventris probandum est: quæ sententia Sabini fuit, existimantis cæteris quoque curatoribus ex eisdem causis dandum contrarium iudicium*. Hæc Vlpianus, ex cuius decisione in omni genere administrationis, & administratoris isthuc recipimus.

Præterea lites perficit, & quicquid eo nomine expendit, reputat in ratione administrationis tutelæ, *l. ita, ff. de rationibus, & tutelis distrab. ibi: Item sumptus litis tutor reputabit, & hoc est commune tutore, & reliquis administratoribus, qui non solum cæptas, inuentasque lites prosequuntur, vt perficiant, sed incipiunt etiam quas perire posse putant*. Optimus textus in *l. 1. §. illud, ff. de muneribus & honoribus*, ibi, *Æquè personale munus est tutela, cura adulti, furiosi, item prodigi, muti, & ventris, etiam ad exhibendum cibum, potum, tectum, & similia: sed & in bonis, cuius officium est vsucapiones interpellare, ac ne debitores liberentur providere*. Textus elegans in *l. sed & si is, §. quoties, ff. de Carboniano edicto*. *Aduersarius, inquit Vlpianus, si satis dederit res quæ tempore peritura, aut deteriores futura sunt, distrabere debet: item à debitoribus qui tempore liberabuntur, exigere debet*. Textus in *l. 1. ff. de ventre in possession. mittendo*, ibi: *Item si periculum est, inquit Vlpianus, ne interim res vsucapiantur, ne debitores tempore liberentur, idem curare deet*. Ita igitur curam hoc quoque officio administrabit, quo solent curatores, atque tutores pupillorum, vt videas quàm eodem iure censeantur hi omnes tutores, curatores, administratores, æconomi, vicarij, & syndici. Facit lex *1. ff. de negotiis gestis*, vbi hæc omnia quoque in negotiorum gestore habent locum, atque hoc adnotauit glossa in *leg. creditori, verbo debet, ff. de bonis authoritat. iudicis possidend. & in l. de curatore, verbo rata, ff. de curatore bonis dando*, vbi Bart. Paulus, & reliqui: possunt autem isti tutores & curatores omnes actiones suas exercere ex officio quod gerunt, etiam si non sint tempore perituræ, nec vllum periculum sit si non experian-

tur; quoniam facultas litigandi & exercendi causas generalis est, & generaliter concessa, *l. 2. ff. de curatore bonis dando*, ibi, *Eisque actiones, & in eos vires competunt*: ubi glossa verbo *competunt*, hoc ideo esse ait, quia habent legitimam administrationem; cum autem omnes, de quibus egimus, habeant administrationem à lege, lege enim authorante hæc genera administrationum inuenta sunt, ut diximus, constat habere hos omnes actiones actiuas & passiuas, quas vocant Scriptores, scilicet pro pupillis & contra pupillos, ut agant & tueantur, siue periculum sit ne actiones pereant, siue nullum periculum sit, *dict. l. 1. §. illud*, *dict. l. 1. §. si pupillis*, *dict. leg. ista autem*, *§. post completum*, *l. sed & si is*, *§. si impubes*, *ff. de Carboniano edicto*, ibi, *curatorem constitui debere, qui omnia curet & actiones exerceat*. Denique isti curatores, quicquid sine dolo malo expendunt agendo, ædificando, reficiendo, defendendo, interpellando & interrompendo, conseruant sibi, *leg. 1. §. quod de fructibus*, *per totum*, *ff. de curatore bonis dando*. Elegans textus in *l. 17. tit. 16. part. 6. El guardador en nome del huérfano deve mandar, e defender el derecho del, en todo pleyo, quel mouiesse, o le fuesse mouido en juyzio*. Quæ proculdubio Accursij difficultatem diluit, dum generaliter definit, nihilque est sollicita, an actiones sint periturae, necne; liberum habent hi omnes administrationis genus; quicquid ex officio consumpserint, conseruant sibi, vniuersasque actiones experiuntur, etiam perituras, quas si non exerceant, & pereant, tenentur, argumento dictæ legis *quicquid*, *Cod. arbitrium tutela*; & non perituras item, si ex officio agant. Illud tamen aduertendum est, ita lites esse agendas & causas tutelæ & administrationis tractandas, sumptusque faciendos, ut tutor, administrator, curator, syndicus, & reliqui, de quibus agimus, in huiusmodi sumptibus & expensis ita se moderatè gerant, quasi res propria, non aliena gereretur; neque enim pro pupillo, absente, furioso, ventre, vel pro bonis magis expendendum est, quam pro se expenderet tutor ac curator. Itaque moderata esse oportet salaria Aduocatorum, Procuratoris, legitimos sumptus, certas expensas, iure & lege taxatas, ne sub prætextu pupilli & eius patrocini vniuersum patrimonium consumatur, nè de re aliena liberales existant. Probat mihi textus in *l. cum plures*, *§. nimum*, *ff. de administrat.* *Nimum est*, inquit Paulus, *tutori licere respectu existimationis pupilli erogare ex bonis eius quod ex suis non honestissime esset erogaturus*. Tenent Palacios Rub. & Gregorius Lopez *ubi supra*: neque admodum ad hoc desiderarem ius, cum apertè id ratio naturalis poscat. proficuos oportet esse hos tutores & curatores, non damnosos: quod dicimus de expensis, de causis quoque accipiendum est; neque enim debent calumniosas causas instituere, nec quicquam earum nomine expendere, *l. non est ignotum*, *C. de administrat. tutorum*, & ibi Bartol. Paul. Salycet. textus in *l. si bonam causam*, *C. eodem*, ubi sumptus permittuntur propter bonam causam.

- 18 Præterea circa solutiones debitorum expendit etiam tutor, & curator, & reliqui administratores, *l. tutor*, *§. 1. ff. de administrat. tutorum*: sicuti enim debitas pupillis, & his quorum rem gerunt, pecunias exigunt, in eamque rem expendunt, & nisi exigant, nomina tutelæ, aut administrationis pereunt eorum damno, *l. debitoribus*, *Cod. de administ. tutorem*, ibi, *ad te nominum periculo pertinet*, *l. tutores*, *Cod. eod.* ibi, *quarum exactio in periculum tutorum pertinet*:



*pertinet* : cumque is qui tutori soluit, aut curatori, liber sit, etiam in canone ad vitandam poenam & fugiendum commissum, *l. sancimus, Cod. eod.* ita etiam tenetur soluere debita, *ex dict. §. 1.* Denique sicuti non exigendo debitum tenetur, si liberatio ex tempore contingat; ita nisi soluat, periculum est tutoris, & ad expensas & sumptus & reliqua tenetur, quæ contingant pupillo, vel ei, cuius res geritur, propter non solutum debitum: pone pecuniam debitam cum usuris; si potest curator, & expeditam habet pecuniam, necesse est soluat, ut vitet usuras, alioqui sibi imputabuntur usuræ. Pone debere pupillum, aut eum cuius res geritur, annuos redditus, qui redimi possint, necesse est ut redimat curator si possit, alioqui sibi imputabuntur. Pone emphyteuticum, vel vectigalem esse prædium, necesse est ut pensionem, vel tributum soluat curator, tutor, vel administrator, alioqui sibi nocebunt, non pupillo, aut furioso, aut ei cuius rem gerunt, *l. si tutoris, Cod. de administrat. tutorum.* Si tutoris, inquit Imperator, vel curatoris culpâ, vel dolo, eo quod vectigal prædio emphyteutico impositum minimè dependere voluissent, minoris prædium fuerit amissum, damnum quod ei contigit, ex substantia eorum resciri necesse est. Qui est optimus textus ad omnia illa quæ diximus: damnum autem, de quo ibi, an sit res quæ commissio perit, an verò sumptus & expensa quæ sit à minore, ut rem recuperet: itaque an reseruetur ius illæsum minori, ita ut restitutione non indigeat ad consecutionem prædij, quod commissio curatoris perit, an verò restitutione præmissa aduersus illud damnum prædium sit consequendum, iuxta legem *si ex causa, §. si in commissum, ff. de minoribus*, ubi restitutione necessaria videtur; vide glossam in dict. *l. si tutoris, verbo damnum*, Bart. Bald. Salycetum ibi, Bartolum, & alios in dict. *§. si in commissum*, Baldus in *l. minorum, in fine, Cod. in quibus causis in integ. restit.* & in *l. pupillorum, Cod. de repudianda hered. ias. in l. 2. Cod. de iure emphyteutico, num. 49.* vide textum in *l. Imperatores, §. 1. ff. de publicanis & vectigalibus*: ubi glossa & reliqui. *Idem rescripserunt*, inquit Vlpianus, pupillo remittere se poenam commissi, *si intra diem tricesimum vectigal intulisset.* Denique has omnes expensas & sumptus facit hic tutor, curator, administrator, cui res alterius commissæ est, soluit, accipit debita, liberat, & liberatur, suumque pupillum, furiosum, vel absentem liberat à commissio, à poena, ab usuris, ne faciat expensas omnes, & sumptus refundit ipse pupillo; factas verò deducit in ratione administratæ tutelæ, vel curæ, quod in omni administratore, qui liberam habet administrationem, recipiendum est, argumento dictæ legis *1. ff. de contraria & vili actione tutela.*

19

Illud animadversione dignum est, quod tutor & curator, & quilibet administrator, sicuti possessor hæreditatis, meliorationes factas recuperant & conseruant sibi vtiliter factas, licet non extent res, in quibus factæ sunt, quia perierint, combustæ, vel euictæ sint, si à principio vtiliter sint factæ, *l. planè, ff. de petitione hæreditatis, ad finem*, ibi. *Planè sic potest in eo differentia esse, ut bonæ fidei quidem possessor omnino deducat, licet res non extet, in quam fecit; sicut tutor, vel curator consequitur: prado autem non aliter quàm si res melior sit facta.* Simile est quod de negotiorum gestorum actione tradit Vlpianus in *l. sed an ultro, §. is autem, ff. de negot. gestis.* Is autem, qui nego-

20

- tiorum gestorum agit, non solum si effectum habuit negotium quod gessit, actione ista uteretur, sed sufficit si utiliter cepit, etiam si effectum non habuit negotium; & idem si insulam emisit, vel seruum agrum curauit, etiam si insula exusta sit, vel seruus obiit, agat negotiorum gestorum actione: quæ sequuntur autem verba in dict. §. is autem, nihil faciunt ad nos in hac quaestione: ideoque si utiliter expenderint isti tutores vel curatores, & administratores à principio, futurus euentus non impedit expensarum deductionem, idque non solum in meliorationibus est recipiendum, perempta re meliorata, sed & in expensis litium, si lites utiliter à principio institutæ, aut prosecutæ sint, etiam si tristem euentum (ut adsolent) habeant, *l. qui mutuum, §. fin. ff. mandati, l. si seruus in rem, in principio, ff. de in rem verso, l. si seruum, Cod. eod. l. quid ergo, ff. de contrario iudicio tutela*, ibi: Sufficit, inquit Vlpianus, tutori bene & diligenter negotia gessisse, etsi euentum aduersum habuerit quod gestum est. Simile est quod Vlpianus tradit in dict. *l. quid ergo*, ut tutor expensas omnes consequatur, quas utiliter fecit à principio, etiam si nihil adauctum sit pupillo; & est recipiendum etiam si plus sit in expensis & sumptibus, quam in facultatibus, dict. *l. quid ergo*. Potest igitur fieri, ut tutor, aut curator lites suscipiat à principio utiliter pro pupillo, & maiores expensas faciat, quam sint facultates pupilli, & infelici euentu litis, nihilo consecuto, necessum sit pupillo pro sumptibus tutori patrimonium & facultates relinquere, dict. *l. quid ergo*, quæ cum dict. *l. planè*, singulares iuris decisiones continent, pupillis & reliquis periculosas; ut videas quàm miserum sit, orbatum parentibus quempiam fortunæ ludibrio relinqui, cui officium tutoris rectè administrantis & rem gerentis facultates adimere potest: ut iam dolos, & machinationes omitteamus, quibus miserè pupilli obnoxij sunt, qui officiosa interdum virtute & curâ perduntur.
- 22 Quomodo autem administratores teneantur reddere rationem, & quid complecti debeat ista ratio; dic quod continet primum, scilicet codicem & librum, in quo omnes rationes administrationis scriptæ sint in tutore, *l. 1. §. officio, ff. de rationib. & tutelis*, in curatore, *l. aduersus, l. rationes, Cod. de administrat. tutorum*, in executore testamenti, *l. nulli, Cod. de Episcop. & Cler. cap. tua nobis, cap. Ioannes, de testamentis*, in procuratore, siue ad agendum, siue ad negotia, *l. qui proprio, §. procurator, ff. de procuratoribus*, in negotiorum gestore, *l. 2. ff. de negotiis gestis*, in orphanotrophis, & xenodochis, siue hospitalariis, *l. orphanotrophi, la 1. Cod. de Episcopis & Cleric. Clementina 2. §. vi autem, de religiosis domibus*, & generaliter quicumque rem administrauerit, in qua sit acceptum, & expensum, codicem habere debet, qui contineat rationem accepti & expensi. Tenet & resoluit post Bart. in dict. *l. 2. ff. de negotiis gestis*, Bald. *consil. 137. lib. 5. Romanus consil. 414. Socinus consil. 46. libro 1. Decius consil. 533. Carolus Molineus in consuetudinibus Parisiensibus, tit. 1. §. 6. gloss. 6. num. 14. & seq.* cuius methodum in hoc sequimur. Ait ille tamen, quod si res quæ geritur, eius qualitatis sit, in qua nulla reperiat ratio accepti & impensi, quod excusabitur administrator ab hoc codice & libro rationum. Idem ait si fortè expediebat ei, cuius res administratur, ne patrimonium detegeretur, quod tunc excusatur administrator ab hoc libro.



libro, per l. 2. §. tractari, ff. ad Trebellicum, Bart. in l. tutor qui reparatorum, numero 16. ff. de administrat. tutor. Ludouicus Romanus sing. 104. & Hippolyt. notabili 502. adde tu l. 20. titul. 16. pars. 6. & rationem huius vide præter ipsos, & deduc ex l. 2. Cod. quando & quibus quarta pars debeat, lib. 10. ibi: *Quid enim tam durum, tamque inhumanum est, quam publicatione, pompæque rerum familiarium & paupertatis detegi vilitatem, & inuidia exponere diuitias.* Qua ratione possunt plerique excusari à confectioe inuentarij: melius est pupillis sæpè diuitiarum opinionem conseruare, quæ utilis sæpe est, quàm factio inuentario, paupertatis detegi vilitatem, quæ per totam vitam noceat & impediatur felices successus: quod cum admittamus circa inuentarium, administrator tamen librum debet habere expensarum, ex his quæ diximus; id enim vult dicta lex 20. partitæ, & dicta lex 2. Omissio enim inuentarij potest habere singularem illam excusationem, omissio codicis expensarum non item.

Contra hunc, qui non habet hunc codicem & librum expensarum accepti & expensi, iuratur in litem, l. 1. §. in officio, ff. de tutelis; ita enim præsumitur contra illum qui non fecit librum expensarum, sicuti contra eum qui non fecit inuentarium. Bald. in dict. §. officio. Omisit enim illud, ad quod sciebat se teneri, ideoque dolo imputamus, l. si procuratorem, §. dolo, l. dolus, ff. mandati, & ita iuratur contra eum, Bart. cons. 150. Angelus cons. 277. Romanus cons. 518. idque ex regula legis in actionib. ff. de in lit. iurando, & quæ notantur in l. si quando, Cod. unde vi, l. tutor qui reparatorum, in princ. ff. de administrat. tutorum.

Hic autem expensarum codex debet sigillatim, clarè & distinctè habere expressas omnes & singulas expensas, quid, quantum, quocum, quove die, mense & anno expensum sit: idem de accepto, ita vt minutissima quæque capita accepti & expensi contineat, vulgò, *Cuenta por menudo*, l. cum seruus, ff. de conditionib. & demonstrat. quæ est Callistrati Iureconsulti: sed illud inquit ille, vt rationes reddat, quomodo seruus reddere solet, idest legendas offerre, ratione primùm, deinde computandas, vt explorari possit computationes an improbè referantur, accepta rectè sint relata, an non rectè, l. qui sub conditione 110. ff. de condit. & demonstrat. ibi, *Sed & quod reliquum per contextum scriptum est remanere apud eum*: l. ubi purè 37. ff. de fideicommissar. libertat. ibi, *corpora planè rationum*: & ibi, *& de singulis instituere*: leg. si pater, 47. §. si Stichus, ff. de fideicommissar. libertat. ibi, *cuius arbitrio rationes computentur*: textus optimus in l. si statulibera, §. fin. ff. de statuliber. ibi, *rationum autem reddendarum conditio, quod ad reliqua quidem attinet, in danda pecunia consistit*, quo autem ad ipsa volumina rationum tradenda, percontandasque & examinandas rationes, & dispungendas, atque excutiendas factum habet. Denique oportet adesse libros, qui sigillatim contineant minutissimas quasque expensas, & acceptas quoque pecunias, vt his collatis inuicem, facillè constet debitum. Ex quibus iuncta l. pro socio 38. ff. pro socio, inter socios id quoque recipiendum est, vt in his quoque liber rationum desideretur, qui contineat accepta, expensaque societati imputanda, l. si igitur 56. ff. pro socio, ibi, *eum in societatis rationem hoc contulisse*. Est enim hoc generale in omni administratione, vt

diximus, ubi acceptum & expensum reperiatur. Ita notat Bart. & post eum Ioan. de Plat. in l. *comperimus*, per illum textum, de *nauculariis*, lib. 11. adde legem *sive ex pratoriano*, Cod. de *exceptoribus & exactoribus*, lib. 12. vide semper Bartol. dict. *conf.* 150.

23 Vnde si liber expensarum & rationum non habeat hæc capita, & confusus sit, ita ut rationes dispungi & concludi non possint, nihil releuat; & ita est, ac si confectus non esset. Bart. dict. *l. tutor qui repertorium*, num. 18. cum autem rationes possint dispungi, tunc rectè factum liberum censemus, etiamsi dies locusve factæ expensæ additus non sit, quia Iureconsulti id duntaxat desiderant, ut rationes conferri possint, unde debita consent.

Hoc tamen intelligit Abbas *conf.* 12. lib. 1. in 6. *dubio*, & Socinus dict. *conf.* 73. lib. 1. & in *conf.* 40. lib. 4. ut non habeant locum inter consanguineos, quod non probo, cautiùs enim inter hos agendum est, viuitur enim (ut ille inquit) ex raptò, non hospes ab hospite tutus, nec gener à socero; fratrum quoque gratia rara est: illud tamen rationem habet, ut si appareat oculis opus confectum, neque qui expendit fortè contulit in librum; tunc enim quia ad oculum constat, per æstimationem peritorum taxari poterit. Bartol. in l. *qui sub conditione*, ff. de *condit. & demonstrat.* nullum enim periculum est quod scriptæ non sint expensæ, cum possint commodè taxari; quod erit obseruandum in meliorationibus.

Præterea is qui librum hunc exhibet, debet probare omnia capita eitis vera, itaque debet probare verè omnia à se expensa, dict. *l. qui sub conditione*, ibi, *docere debet, constare fidem de omnibus quæ ab eo gesta sunt*: hæc autem probatio aliquando admittit priuata syngrapha, neque enim semper postulat authentica instrumenta, aut testes omni exceptione maiores; imò admittit hæc probatio coniecturas arbitrio iudicis, ex fide, integritate, & qualitate eius qui consumpsit & expendit, ex qualitate expensarum; ideòque in hoc plurimum commissum est iudicis prudentis arbitrio. Baldus in rubr. Cod. de *fide instrum.* Corneus in l. *final.* §. in *computatione*, Cod. de *iure delib.* Carolus Molineus ubi *suprà*, num. 21. quod si expensæ sint modicæ, sufficit iuramentum eius qui expendit, attenta eius qualitate. Speculator tit. de *instrumentor. editio.* §. nunc verò aliqua, *versiculo vigesimo, quid si executor*. Bart. & omnes Scribentes in dict. *l. fin.* §. in *computatione*, Cod. de *iure deliber.* Carolus Molineus ubi *suprà*, num. 25. Bæzsius ubi *suprà*, cap. 21. num. 28. parue autem expensæ sunt iudicis arbitrio: diximus *suprà*, cap. 11. num. 16. iudex autem arbitrabitur, an expensæ huiusmodi sint rationabiles, an rectè fieri potuerint; ubicumque enim statur iuramento alicuius, id ita accipiendum est: similia dicit Bart. in l. *inter omnes*, §. rectè, num. 3. ff. de *furtis*. in l. *quemadmodum*, Cod. de *agricolis & censitis*, lib. 11. Alex. in l. 2. §. per *procuratorem*, ff. de *acquirend. posses.* & in *consil.* 47. lib. 6. Iason in §. *sed ista*, num. 92. *Institutiis de actionib.* Carolus Molineus ubi *sup.* num. 27. ob idque si expensæ non sunt verosimiles aut rationabiles, planè nihil creditur iuramento eius qui expendit, Paulus & Ias. in dict. §. in *computatione*: & pertinent hæc ad probationem expensarum & meliorationum: non solum quod attinet ad administratores, syndicos, tutores, curatores, sed ad omne genus expensarum deducimus, ut ubicumque de expensis



expensis & meliorationibus agamus, in usufructuario, fideicommissario, emphyteuta, vassallo, conductore & reliquis, de quibus agimus, ut probare debeant suas expensas & meliorationes, etiam si librum rationum in his qui ad rationem non tenentur, minimè poscamus.

Adde quod isti non tenentur has impensas ostendere à se factas, cum enim factæ reperiantur, ab his præsumuntur factæ, qui facere tenebantur; in hoc enim nulla probatio requiritur, nisi & hoc quoque in dubium reuocetur. Bartol. in l. cum seruis, ff. de verbor. obligat. vide latè Carolus Molineus ubi supra, num. 28. qui infert ad aliqua: vide tu supra cap. 4. num. 26. & 27. de pupillo, qui non præsumatur vixisse de vento, & quæ ibi adduximus ex Alciato; conueniunt enim cum his quæ adducit Carolus Molineus.

Præterea is, cuius iuramento creditur, debet sigillatim dicere expendi tot in tali re, non verò confusè expendi mille, vel duo millia, & debet addere causam expensarum. Bartol. in dict. l. qui sub conditione, Ioannes Andreas ad Speculat. de instrumentorum editione, §. nunc verò aliqua, vers. duodecimò, quid si executor: quod tamen non multum refert in expensis verosimilibus & rationabilibus, ut supra diximus. Hæc igitur pertinent ad probationem; de æstimatione verò dicendum nobis est infra.

Non debet autem suscipere tutor, vel administrator, neque prosequi lites, in quibus plus expendendum sit, quàm ultimo iudicio sit consequendum, ex Abbate in cap. de appellationibus, tit. de appellationibus; & est optima interpretatio ad omnia quæ diximus, vide ad hanc limitationem quæ diximus supra cap. 11. num. 16. & 17.

24

## C A P V T X X I.

### De variis, & extraordinariis sumptibus & expensis.

#### Notabilia ex capite vigesimoprimo.

- 1 Qui restitutionem facere tenetur, suis sumptibus & expensis facere debet: adducitur distinctio.
- 2 Qui agrotantem curauit, & ob eam rem impendit, expensas recuperat, etiam ab inuito.
- 3 Per subtractionem quoque quis occidere potest.
- 4 Qui pro damnato capitaliter, vel corporaliter appellando expendit, etiam ab inuito expensas recuperat.
- 5 Index ordinarius, qui territorium circumit suum, domo egressus suis sumptibus & expensis viuit.
- 6 Satis bene constitutum erat, ut qui stipendium unum habet, alterum habere non possit.

- 7 *Multiplicatio stipendiorum saepe facit à iusto aberrare.*
- 8 *Delegatus & missus à Principe, ab eo habet sumptus & expensas.*
- 9 *Si à partibus petatur, à partibus habet expensas; de damnis non tenentur.*
- 10 *Iudex delegatus domi sua iudicans, expensas non habet à partibus.*
- 11 *Sportulas tamen habet, quas nos nostro nomine vocamus, Derechos.*
- 12 *Sportula olim continebat centum quadrantes.*
- 13 *Quadrans, dipondius, sestertius, & denarius quid.*
- 14 *Sestertius in genere neutro quid.*
- 15 *Explicatur epigramma Martialis elegantissimum.*
- 16 *Aureus Romanus, & aureolus quid.*
- 17 *Exercitamenta diurna Romanorum; adducitur epigramma Martialis.*
- 18 *Adducitur locus ex Cornelio Tacito difficilis.*
- 19 *Que fuerit Romanis & Græcis cœna ex sportula.*
- 20 *Dominus iurisdictionis suis sumptibus creat indicem literatum, aut illiterato dat assessorem.*
- 21 *Ius confiscandi principaliter Principi, aliis Nobilibus item competit.*
- 22 *Pœna fiscales sunt fructus iurisdictionis.*
- 23 *Relatoribus deberi publicum stipendium, & certum constitui.*
- 24 *Ludi publici & publica spectacula facienda sunt expensis publicis.*
- 25 *Si are alieno gravata & oppressa sit respublica, ab spectaculis abstinendum est.*
- 26 *Quod restat ex ludis & spectaculis ad rempublicam pertinet, etiam vestes.*
- 27 *Dominus soluta mercede famulo, potest retinere vestem. Explicatur lex Titia, §. 1. ff. de auro & argento legato.*
- 28 *Referuntur Græcorum, Romanorum & Hispanorum ludi & spectacula.*
- 29 *Publica spectacula & publici ludi lege approbati.*
- 30 *Si Princeps timore belli muniat castrum alicuius nobilis, non potest ab eo expensas illas repetere.*
- 31 *Potest Rex noster ponere milites praesidiarios in castro alicuius nobilis, eo invito.*
- 32 *Imperium & regna propter civium utilitatem instituta sunt.*
- 33 *Exhaustis & consumptis opibus Regis ciues tenentur contribuere ut regnum defendatur.*
- 34 *Mare est eius cuius est territorium adiacens.*
- 35 *Pyrata expellendi sunt expensis Regis, si grassentur in mari adiacenti territorio Regis.*
- 36 *Expensa, quæ fiunt in supplicationibus publicis, vulgò En las processiones, cuius expensis fiunt.*
- 37 *Supplicatio antiquis quid, quid etiam acclamatio, & Litania.*
- 38 *Regulares olim & hodie post decretum Concilij Tridentini compelli poterant venire ad processiones publicas.*
- 39 *Adducitur alius casus expendendi in ludo nostro chartarum pictarum.*

**P**rimùm tumultuarium hanc, quam hoc capite cœpimus, expensarum feraginem, quæ ad certum genus reduci non potuerunt, à restitutione incipimus, in qua quoque ratio sumptus & expensarum admissa est: is enim, qui restituere tenetur, suis sumptibus & expensis facere debet restitutionem, vnde ab-

senti



senti facienda restitutio sit, qui longius absit, illucque necessum sit adduci & affri pecuniam, aut rem restituendam, quantumvis magni sumptus faciendi sint: existimat Sotus faciendos eos esse ei qui restituere tenetur, idque *lib. 4. de iustitia & iur. q. 7. art. 1. ad 3. arg.* secutus Richardum *in 4. Sentent. dist. 15.* quam sententiam Sotus temperat, adducta distinctione inter ea quæ debentur & retinentur, quæ tamen restituenda sunt, an retineantur à principio per vim & iniuriam, aut furtum: sic distinguit Imperator *in Authentico ut nulli iudicum, collatione 9. §. quia verò, vers. pro furto, vers. fures autem vocamus:* an verò retentio à principio facta sit ex causa contractus, cui dolus causam non dederat, cuius tamen iniquitas postea apparuit: hoc casu si ante tempus faciendæ restitutionis absuit is, cui ea erat facienda, nullæ sint faciendæ expensæ ab eo qui restituere tenetur: sat est si professus rem suam non esset, sed alienam, eius scilicet cui restituenda esset, si adesset apud sequestrum publicum, aut apud iudicem deponas, ut certior factus eius dominus, recepturus adueniat, aut mittat suis expensis & sumptibus: si verò per iniuriam, vim, dolum, aut furtum retinueris à principio, requirere dominum tuis expensis & sumptibus teneris, eoque rem aut pecuniam adportare, ut restituas: idem dicendum est priori casu, scilicet, si eo tempore cœperit abesse, quo sciebas iam tibi rem alienam restituendam ei esse; si enim opportunè cum posses non restituisti, tunc morosus damna expensarum & sumptuum pateris, cum sine causa distoleris quod facere tenebaris, *arg. l. mora, & quæ ibi scribentes, ff. de usuris, l. fin. ff. de periculo & commod. rei vend. l. si ex legati causa, ff. de verbor. l. 27. tit. 5. parit. 5.* Segura *in repet. d. l. si ex legati causa, num. 138.* Scriptores *in l. quod te mihi, ff. si certum petatur.* Facit etiam illud, quia restitutio importat redditionem, ut ita dicamus, rei quæ iniuste vel aufertur, vel retinetur; id enim poscit iustitia commutativa. Etenim qui rem retinet alienam invito domino, & iustitiam violat, & charitatem debitam proximo; unde Paulus *ad Romanos 13. Reddite*, inquit, *omnibus debita; cui tributum, tributum, &c.* & ibi, *Nemini cuiquam debeatis*: & Christus Dominus *Matth. 22. Reddite*, inquit, *quæ sunt Cæsaris Cæsari.* Unde Tobias *cap. 2.* cum vocem balantis hædi, quem vxor attulerat, audisset: *Videte*, inquit, *ne forte furtiuus sit; reddite eum dominis suis, quia non licet nobis aut edere ex furto aliquid, aut contingere*: qua ratione, nec rapere, nec retinere debita possumus, cum tempus solutionis & restitutionis elapsum sit; unde vel surripienti, vel retinenti, restitutionem tuis expensis facere debes, si restituendi facultatem nactus, eandem omiseris; unde onus sumptuum expensarumque succrescet, & meritò, quia nec ferendus sit morosus debitor, neque nimium delicatus creditor.

Aliud genus expensarum illud est, quia si fortè infirmus prohibeat, ne medicus sibi accersatur, nève medicamenta morbo adhibeantur, si eius qualitatis sit, ut curari debeat, præsumitur furiosus, *l. quidam, ff. de cond. inst. c. fin. de successionib. ab intestat.* quæ duo iura in argumento id probant, sed illud fortius est, quia vita nihil charius est, quam odit qui medicamenta contemnit & medicum, si verè medicus is sit, cui vitam committere possis, quos ego raros esse arbitror: neque multum interest mortem inferas, an admittas, ut inquit *cap. 1. 83. distinctione*, ibi: *Non est grandis differentia, an lethum inferas,*

vel admittas : mortem enim languentibus probatur infligere, qui hanc, cum possit, non excludit : hæc Gratianus, *cap. pasce*, 86. *distinctione. Pasce* (inquit Ambrosius) *fame morientem*; quisquis enim *pascendo hominem seruare poteris, si non paueris, fame occidisti* : ubi est optima glossa *verbo, Occidisti*, quando per subtractionem quis occidisse visus est, *l. necare, ff. de liberis agnoscendis*. Tunc verò repugnante isto æg. oto si tuis expensis medicum accersas & medicamenta adhibeas, poteris quidem vel ab eo, vel ab hæredibus has expensas tibi conseruare, quia vtiliter negotium eius gesseris, *l. Pomponius, ff. de neg. gestis*; idque etiam si moriatur æger, sufficit enim quod vtiliter à principio rem eius gesseris, *l. sed an ultro, ff. eod.* glossa optima in d. c. 1. 83. *distin.* quam ibi sequuntur Interpretes, Archid. & Præpositus, Barbat. in rubric. *de solutionibus*, Bart. in *l. Stichus, ff. de peculio legato*, ubi bona additio, *num. 1. littera B*, quæ sequitur glossam prædictam; & est ibi similis glossa, & iterum glossa approbat Speculator. *titulo de salariis, §. postremò, num. 4.* ubi bona additio, singularem fecit Romanus *sing. 123.* qui ait glossam illam esse incognitam Legistis & Canonistis, cum nihil sit magis vulgatum : latè de illa Decius in regula *inuito*, *num. 2. de reg. iuris*, & apud Bartol. in *dict. l. Stichus*, & apud Decium in *dict. regula inuito* : vide quod qui soluit condemnationem pro eo, cui amputanda erat manus, nisi ad certum tempus soluisset, recuperat solutum, licet eo inuito solutum sit, argumento eorum quæ in specie legis *non tantum, ff. de appellat.* ubi pro eo qui ducitur ad supplicium quilibet potest appellare, etiam si ille acquiescat sententiæ, qui appellauerit & eo nomine expensas fecerit, etiam si nihil proficiat; si tamen à principio vtiliter expendit, & expendendi rationabiles habuit causas, expensas recuperat, quas fecit, *dict. l. sed an ultro*, dicta glossa recepta in *dict. capit. 1.* sensit additio ad ipsam glossam. Item ex his patet interpretatio ad *l. at si quis, §. idem Labeo, ff. de relig. & sumpt. funer.* vt si quis aliquem funerauerit inuito eo, vel eius hæredibus, expensas possit consequi, argumentò dictæ legis *sed an ultro*, & dictæ glossæ, & quæ diximus.

Item est illud genus expensarum quod pertinet ad iudices, quos distinguimus in delegatos & ordinarios, qui in multis conueniunt, in multis verò separantur, quod inodò omitimus, nostras expensas secuti : ordinarius iudex, si extra domum intra territorium sit profectus, vt ius, iustitiàmque faciat, vel vt prouinciã suam visat, finésque circumeat & terminos affigat, expensas quas facit in victu, equis, curribus, etiam eas quas domi non erat factururus, à nemine conferuat, *cap. cum ab omni, de vita & honestate clericorum, l. illud, 10. quest. 3.* abstinere enim debent ab omni lucro, quouis quæsito colore, ne iustitiæ administrandæ, & iuris dicendi occasionem in turpissimum lucrum conuertant, *l. omnes, Cod. ad leg. Jul. repetundar.* Neque enim licet vendere iustitiã, *cap. non licet, 11. quest. 3.* contenti debent esse stipendiis suis, *Lucea cap. 3. & 86. distinctione, cap. non satis*, vide Abbatem in *cap. etsi quæstiones, de simonia*, vide DD. in *cap. statutum, §. insuper, de rescriptis lib. 6.* Speculator in *titulo de salariis, §. 1. num. 8.* Gregorius Lopez in *l. 7. tit. 17. part. 3. verbo, Deue dar* : quod expressius iure nostro constitutum est inter leges quæ dantur vrbanis Prætoribus, quorum iustar de reliquis iudicamus, & quotidie



fit in syndicatu : neque quicquam iudicem excusat quod stipendium non habeas , providere enim sibi debuit de stipendio , aut minùs illud omittere : neque nomine harum expensarum quicquam accipere debent , imò nec quicquam nomine condemnationis , quod antiquiores nostræ leges extendebant ad quoscunque iudices , *l. 23. tit. 4. lib. 6. veteris ordinamenti* ; quæ lex sanctissima erat , & reipublicæ saluberrima , ut is qui stipendium aliàs habet à Rege vel republica , egressus aliquò , alterum stipendium non habeat , sed computato antiquo stipendio necessarias expensas , ut neque lucrum capiat , neque damnum patiatur. Vnde antiquo nostro iure Auditor qui extra Senatum aliquò profectus est , debet quidem habere non novum & cumulatam stipendium , quod hodie fit , sed expensas duntaxat , in his computato stipendio : hodie verò particulari dispositione in singulis Senatibus singula stipendia & cumulata constituta sunt Auditoribus Senatu & domo egressis , idque præter ordinarium & antiquum stipendium ; multa verò suadent , ut legem illam existimemus sanctissimam , quâ expensæ duntaxat præstantur , scilicet dictam legem 23. *tit. 4. lib. 6. ordinamenti* , melius enim & dignius , vtilius & honestius consuleretur reipublicæ , ciuibus , & Principi , quàm multiplicatis stipendiis ipsorum minui & consumi patrimonium & substantiam , adaucta re iudicis vnus , vel alterius , cui abundè vnico stipendio satisfactum videri posset , aut saltem refusus expensis , quas faceret , vltra stipendij quantitatem. Vide quæ adducit Gregorius Lopez *in dict. l. 7. tit. 17. part. 3.* Non semel enim , ut ista multiplicatio stipendiorum contingeret , protritas legum fuisse vires , conculcatamque iuris auctoritatem compertum est ; adde nihil esse pestilentius quàm Senatorem diutius extra Senatum commorari , idque experimento sæpè didici , ob idque odi istas commissiones factas Senatoribus. Hoc autem pestilentia genus sæpè facit expectata stipendiorum cumulatio , pauci enim sunt ea animi integritate , ut oblatum quæstem respuant.

Ordinatio verò dantur pro visitatione expensæ & sumptus , *cap. cum Apostolus , de censib. cap. sopita , eod. item cum consecrat Ecclesiam , cap. cum sit Romana , de simonia* ; non autem cum reconciliat. Bald. ibi , & *in additione ad Speculat. dict. tit. de salariis , §. 1. num. 9. littera L.* In hoc autem consuetudo recepta plurimum poterit , ex eodem Speculatore *dict. §. 1. dict. num. 9. & numero 13.*

Si est delegatus à Principe ad causam Principis , à Principe habet expensas , Gregorius Lopez *dict. l. 7. tit. 17.* antiquitus eo modo quo receptum erat *dict. l. 23. tit. 4. lib. 6.* Hodie verò aliter fit , de quo proximè diximus : si verò ad petitionem partis , tunc à parte expensæ præstantur , ad victum , vecturam , & equitatum ; stipendium tamen non dabatur , *dict. cap. cum ab omni , de vita & honest. clericorum. cap. charitatem 12. quæst. 2.* Nemo enim cogitur suis expensis militare , *capit. iam nunc , 38. quæst. 1. cap. cum ex officij , de prescriptionib.* Hæ autem expensæ & sumptus moderati esse debent , & quales consueverunt fieri domi , quod latè diximus capite proximo , & notat Speculator *dict. §. 1. in principio* , ubi quod pars non debet refarcire damna iudicij , quæ contingunt propter ipsum iudicium , veluti si dum proficiscitur ad locum iudicij , in latrones incidit , & spoliatus est supellectile , & pecuniis , in his expensis ea

damna non continentur: multa ad hoc allegat idem Speculator dict. §. 1. ubi *suprà*, quem vide.

- 10 Imò neque expensas expectabit si domi suæ iudicium expediat, quod agnouimus capite proximo, neque facilem arripiet occasionem, vt domo egredia-  
tur, accepturus expensas, quod satis abundè decisum: est textus *in c. p. statu-  
tum*, §. *insuper*, de *r. scrip. is*, lib. 6. qui textus satis pro Doctore est: vide Spe-  
culatorem dict. §. 1. *in principio*. Neque tamen existimes prohibitum iudici de-  
legato accipere sportulas: vocant nouiores sportulas, quos nos nostro nomi-  
11 ne Hispano vocamus, *Derechos*, in *authentico de sanctissimis Episcopis*, col-  
lat. 9. & alibi sæpè, §. *sportularum*, *authentic.* sed hodie, *authent. generaliter*,  
12 *Cod. de Episcopis & Clericis*, cap. *indicia*, §. *offeratur*, 3. *quest. 3.* & alibi. Cœ-  
pit enim illud nomen in hac acceptione, cum olim expensam diurnam signi-  
ficaret, quam nos hodie vocamus, *Racion*. Solebant enim Romani ditiores  
eos alere, qui sibi aderant tota die, quique ipsos officij causâ comitabantur,  
quique ipsos togati ipsi quoque summo mane salutabant, hi ferè quos hodie  
*Escluderos* vocamus, quibus pro victu diurno, cibo, potu, sportula præstaba-  
tur. Iuuenalis *satyrâ primâ*,

— Nunc sportula primo

*Limine prima sedet, turba rapienda rogata.*

Et *satyrâ 3.*

*Noane vides quanto celebretur sportula fumo.*

Martialis lib. 1. *epigrammat.*

*Dat Baiana mihi quadrantes sportula centum*

*Inter delicias, quid facit ista fames?*

*Redde Lupi nobis, tenebrosaque balnea Grylli:*

*Tam malè cum cœnem, cur bene, Flacce, lauro.*

- 13 Vides sportulam constasse centum quadrantibus: quadrans erat quarta pars  
assis: assis numisma si conferas ad nostra, facit *Quatro marauedis*, ex Budæo;  
dipondius facit *Ocho marauedis*, sextertius *Diez marauedis*, qui continebat  
duos asses & dimidium, & erat quarta pars denarij, scilicet, *Diez marauedis*,  
quia denarius erat numisma, quod ad nostrum collatum efficiebat, *Qu. renta*  
*marauedis*: itaque denarius continet decem asses, sextertius quartam partem  
denarij, qui & dicitur nummus æris. Vnde sextertius & nummus æris idem  
14 sunt. Sextertium autem genere neutro continet mille sextertius, scilicet, *Diez*  
*mil marauedis*, vnde idem est in vera computatione sextertium, & mille sex-  
tertij; quadrans verò paruum & vile est numisma, quod continet quartam  
partem assis, vulgò, *Vn marauedis*. Sportula igitur continebat centum qua-  
drantes, vulgò, *Cien marauedis*, atque ea erat antiquis Romanis sportula, ex  
15 Martiale lib. 3. *epigram. 7.* *Centum miselli iam valete quadrantes, ante ambulonis*  
*congiarium lassi, quos diuidebat balneator elixus: quid cogitatis, ô fames amico-*  
*rum, Regis superbi sportula recesseruat, nihil stropharum est, iam salarium dandum*  
*est.* Hactenus Martialis; hæc autem apertè explicat epigramma Martialis eru-  
ditissimum, apud quem doctiores aliquando impingunt, est lib. 30. *Epigr. 73.*

*Millia viginti quondam me Galla poposcit,*

*Et satcor magno non erat illa nimis.*



*Annus abiit, bis quinta dabis sextertia dixit:*

*Poscere plus visa est, quam prius illa mihi.*

*Iam duo poscenti post sextum milliamensem:*

*Mille dabam nummos, noluit accipere.*

*Transferant bina forsan, trinave kalenda,*

*Aureolos ultrò quatuor ipsa petit.*

*Non dedimus, centum iussit me mittere nummos,*

*Sed visa est nobis hæc quoque summa gravis.*

*Sportula nos nunxit quadrantibus arida centum:*

*Hanc vouit, puero diximus esse datam.*

*Inferius nunquid potuit descendere: fecit.*

*Dat gratis, ultrò dat mihi, Galla nego.*

Principio itaque Galla poscebat sibi millia viginti, scilicet sextertiorum, genere masculino, hoc est, *Docientas mil marauedis*; post annum poscebat decem sextertia genere neutro, nempe dimidium eius quod prius poposcerat, scilicet, *Cien mil marauedis*, post sextum mensem poscebat duo millia nummum, hoc est sextertiorum, nempe, *Veynte mil marauedis*; dabat mille nummos, *Diez mil marauedis*, hoc est dimidium; post duos menses poscebat quatuor aureos (nam diminuto verbo usus est Martialis propter carmen) aureus autem Romanus continebat centum nummos æris, siue centum sextertios. 16  
Andreas Alciatus ad Cornelium Tacitum *lib. 11.* unde faciebat, *Dos ducatos y medio*, unusquisque aureus; in vera computatione, *Mil marauedis*: poscebat ergo Galla quatuor aureos, qui efficiunt, *Quatro mil marauedis*, quod neque dedit Martialis: postea poposcit centum nummos, hoc est, *Mil marauedis*; sed neque illud affecuta est. Postremò voluit ipsam sportulam, scilicet, centum quadrantes, hoc est, *Cien marauedis*, eos datos à se puero dixit Martialis, ut victum quæriraret, quæ summa vilissima erat, & famem appellarat Martialis dicto *Epigrammat. 27. lib. 1.* Habes quid fuerit Romanis sportula: dabatur autem Romanis togatis, qui veniebant summo manè salutaturn. Tunc enim fiebat salutatio illa ab his qui sportulam erant accepturi. Martialis *lib. 4. Epigrammat. 7.* dum diurna exercitia refert, ita inquit, quod est elegans Epigramma, ut noscas quibus Romani rebus studuerint singulis diebus: de nobilioribus & opulentioribus loquimur. 17

*Prima saluantes, atque altera detinet hora,*

*Exercet rancos tercia cauidicos.*

*In quinta varios extendit Roma labores,*

*Sexta quies lassis, septima finis erit.*

*Sufficit in nonam nitidis octaua pat. stris,*

*Imperat extructos frangere nona thòros.*

*Hora libellorum decima est, Eupheme, meorum.*

*Temperat ambrosias cum tua cura dapes:*

*Et bonus at heroo laxatur nectare Casar,*

*Igentique tenet pocula parca manu.*

*Tunc admitte jocos, gressu timet ire licenti*

*Ad matutinum nostra thalia longam.*

- Accipe Romanis distributum diurnum laborem; eò autem diximus, vt intelligas summo mane primis duabus horis solitos fuisse dare sportulas salutantibus; itaque sportula continebat centum illos quadrantes, & quadrans quarta erat pars assis, decem autem asses efficiebant in vera computatione denarium. Plinius *lib. 33. cap. 3.* in militari; inquit, stipendio semper denarius pro decem assibus datus. Cornelius Tacitus *libr. 1. Annalium urbis Romæ*, ait rebellantes milites ab Imperatore conquestos, quòd non amplius acciperent quàm decem asses diurnos: faciebant autem ex Plinio denarium, scilicet,
- 18 *Quarenta maravedis cada dia*, quod erat diurnum stipendium militare: agnoscunt Alciatus & Æmilius Ferretus ibi, ad Cornelium Tacitum, ex quibus mihi difficillimus locus est apud eundem Tacitum *in eodem lib. 1.* cùm enim seditione orta, rebellantes milites conquererentur, quòd singulis diebus pro stipendio diurno nihil amplius haberent quàm decem asses, per Clementem Centurionem petebant, vt denarius-diurnum stipendium foret. Si enim dabantur decem asses, quorsum denarium postulabant: locus Æmilio Ferreto aut mendosus & corruptus est; aut nulla interpretatione conciliandus; tu autem conciliabis facilè ex his quæ tradit idem Plinius *dict. lib. 33. cap. 9.* & doctissimus Couarruias *de Numismatibus cap. 2. num. 7. versic. sed & illud.* Ex his legata Cæsaris, eorùmque summam intelligere poteris apud Tacitum & Suetonium, item & Equestrem & Senatorium censum. Vnde illud Martialis:

*Quadraginta dedit, tanti vocat ille pudicam;*

*Quod ad nos nihil attinet, qui in sportulas incidimus.*

- Procedente deinde tempore cœperunt sportularum nomine significari, non expensæ; sed illud quod pro expensis subrogatum est, vulgò *Derechos*, dictum est. Has itaque sportulas habent delegati, scilicet, *Sus derechos*; expensas autem domi minimè: atque ex his patet interpretatio *ad l. 1. §. Aduocatos, ff. de variis & extraordinariis cognitionibus*, quam quantitatem efficiant centum aurei, quos ibi pro palmario accipiunt Aduocati. Aliud autem Romanis antiquioribus fuit cœna ex sportula, ex Athenæo *Dynsophistarum lib. 8. cap. 14.* scilicet cùm amici, viciniue cœnas, quas domi paratas habebant in sportulis, in vnã coniungebant, vulgò *juntar las collas*.

- 20 Sequitur vt expensas illas subeant Domini iurisdictionum, qui iurisdictionis emolumenta & commoda percipiunt, vt suis sumptibus & expensis debeant creare iudices literatos, aut iudici illiterato assessorem constituere, qui causas dirimat, decidat, & componat, ex lege, iure, & institutis, & patria consuetudine. Iniquè enim & grauiter peccant, qui ignauos iudices creant: voco autem ignauos, viros illiteratos, etiam si ingenio vigeant, & experimento docti esse videantur: quoniam quod attinet ad decisionem causarum, & iudiciorum ordinem, quæ iudicia instruere, & dirimere suis sumptibus debent Domini, nihil sapiunt isti illiterati; sæpè enim dilationes protrahendæ, sæpè contrahendæ sunt, sæpè ab ordine iudiciorum constituto decedendum est, cùm sit sæpè summus ordo ordinem nullum seruasse. Sæpè tamen sapiùs non est temerè decedendum à lege: isthuc autem nouit Iurisperitus, non legis, & iuris ignarus. Omitto iudiciorum vltima pronunciata & sententias, quas immerito



tò sententias ( nisi à litterato, qui sentire possit rei difficultatem, de qua agitur, proferantur ) appellabis : quapropter meritò Domini tenentur iudices litteratos creare, aut illiteratis assessores dare suis sumptibus & expensis, nihilque expectabunt à vassallis, quia cùm fiscales pœnas arripiant sibi, & lucrum faciant ex iurisdictione, necesse est, vt ex istis commodis sumptus & expensas faciant ad exercendam iurisdictionem ; natura enim id poscit, vt sumptus eò tendant, quò & commoda.

Licet enim ius confiscandi propriè loquendo Principi competat, qui non recognoscat superiorem, vt est Rex noster Inuidissimus, glossa famosa in rubric. C. de iure fisci, lib. 10. vbi Scriptores omnes post Bart. num. 4. & Bald. in l. 1. C. de hered. vel actione vendit. num. 8. ex priuilegio tamen aut præscriptione potest id ius inferioribus competere. Bald. ubi suprà, Ioan. de Platea in l. 1. C. de bonis vacantibus, lib. 10. num. 2. Guillelmus Benedictus in cap. Raynuitius, de testament. verbo, & uxorem nomine Adalassiam, num. 293. Capycius decisione 185. num. 3. & 4. Carolus Molineus in consuetudinibus Parisiensibus, tit. 1. §. 3. num. 170. vnde plures nobiles in nostro Gallicæ Regno applicant pœnas ad reparationes mœnium, aut ædium ; idque temerè, cùm possint Cameræ applicare, & sibi ; quod præterea quod est contra ius, quia ex priuilegio vel præscriptione, quâ iurisdictionem habent, fiscus quoque intelligitur habere, periculosa est ea pœnarum applicatio ; cùm enim applicatæ illæ pœnæ sint reparationi mœnium in bonis maioratus, successor fortè poterit petere pecunias applicatas, vt ex illis mœnia reparentur : quare consultius est sibi, Cameræque suæ pœnas illas applicare ; neque enim aliter potest constare iurdictio inferiori à Rege nostro, quàm aut priuilegio, aut præscriptione, vnde ius confiscandi nactum est : vnde nihil nobilis timere debet, etiamsi pœnas fiscales percipiat à iudice suo fisco applicatas. Sunt enim istæ pœnæ fiscales quasi fructus iurisdictionis, commoda & emolumenta, si minus fructus dicendæ sint, quæ pertinent ad possessores Baroniarum, & Dominatus, & eos penes quos est ipsum ius iurisdictionis & creandi iudices ; ideoque pertinent ad maioratus possessorem, Prælatum, Episcopum, vsufructuarium, & emphyteutam, quibus territorium cum iurisdictione concessum est. Bald. in l. fin. ff. solut. matr. num. 2. Iacobinus de sancto Georgio de feud. verbo de castro Rubei montis, vers. quero etiam, Palacios Rub. in repetition. rubr. de donationib. inter virum & uxorem. §. 62. num. 11. Tiraquel. de retract. conuenionali, §. 5. gloss. 4. num. 18. Boërius decis. 180. num. 4. Cùm igitur percipiat fructus & commoda iurisdictionis, necesse est aut peccent grauissimè in Deum, aut literatos creent iudices, aut illiteratis assessores addant, qui suis expensis non litigantium lites dirimant & componant : iniquum satis enim est, miserum rusticum litigatorem, spoliatum à procuratore, scriba, & Aduocato, tandem suis nummis & pecuniis comparare sibi Doctorem, qui causam suam diiudicet, cùm illud pertineat ad dominum, quem quantum existimo, restitutorum puto quidquid eo nomine à litigatoribus extortum est. Alex. Seuerus assessoribus stipendia & salaria instituit, quamquam, &c. refert Ælius Lamprid. in eius vita, folio mihi 398.

Vnde quoque existimo, Dominum nostrum Regem Inuidissimum omnino

nò teneri ex hac ratione relatoribus expensas & sumptus præstare, vel stipendium constituere, quia causas forenses referunt: putòque nihil minùs decere auctoritatem Senatus & utilitatem ciuium, & causarum optimam definitionem, quàm relatores sumptus à litigatore expectare. Hic enim si querere Aduocatum, procuratorem, & defensorem tenetur, idque suis sumptibus & expensis, certè Rex per iudices suos videre debet causas, intelligere & diiudicare: quod si iudices relatores indigeant, illud expensis Regis & sumptibus, non collitigantium futurum est, experimentòque didici muldò vtilius fore reipublicæ, & causarum decisioni, si relatores ex stipendio à Rege constituto alerentur, quàm si ex litigatore misero, qui omnem, cùm ad relatores perueniat, pecuniam consumpsit, expensas eas expectet, quas facere debet Rex, qui iudicare tenetur per iudices, qui & factum per se intelligant, & ius decernant; pertinent enim ille expensæ ad iudicium, quod suis sumptibus Rex facere tenetur, postquam commoda & iurisdictionis emolumenta percipit.

- 24 Sequitur sumptus illo, qui quotidie fit ad publica spectacula, & in publica læticia, statis diebus, vel in aduentu, ortùve Principis; publica enim illa spectacula in hac publica læticia non sunt facienda expensis & sumptibus ciuium, sed reipublicæ, & de his bonis quæ communia dicuntur, siue ex redditibus publicis; neque possunt hi sumptus fieri, si postea ciues ex bonis suis priuatis expensas sint subministraturi, suppleantur verò ex pecunia communi; sunt enim bona quædam, quæ reipublicæ censentur, sicuti priuata priuatorum, quæ nos vocamus propria nostro nomine ex facultate Principis; ex his suppleantur isti sumptus publici, si verò bona publica nulla sint, ab his abstinendum est spectaculis. Licet enim hæc bona debeant conuertri in communem usum ciuium, *l. 20. titul. 28. partit. 3. ibi, Deuen ser metidas empto communal de toda la ciudad, o villa cuyas fueren.* Vnde bona communia, & communitatis, & reipublicæ, propria dici meruerunt, *l. inter publica*, & ibi glossa, *ff. de verbor. significatione*, in ipsis spectaculis expendi tamen possunt, & meritò, *l. 1. C. de expensis ludorum, lib. 11.* vbi ita sunt expensis publicis facienda spectacula, ne tamen respublica aliis necessariis expensis egeat; si enim mœnia diruta sint, muri solo æquati, vrbs ruinis deformis, sine templo, ponte, fontëve, aut propter necessarios sumptus ære alieno grauata, satius est illa omnia reparari, quàm his spectaculis & festiuis ludis magis rempublicam onerare; quod ita temperandum est, vt liberata republica, & restituta in antiquum splendorem, soluto omni debito, & ære alieno, ex antiqua consuetudine spectacula edantur; quæ tamen ita exhibenda sunt, vt ministris nihil aliud acquiratur, quàm læticia. In hoc enim par debet esse ministrorum & reliquorum ciuium conditio: vnde quod superest ex spectaculis, & ludis & læticia, ad rempublicam pertinet, & reuertitur. Arcus enim qui sunt urbani, theatra, & triumphalia carpenta, item cultus, vestimenta, & reliqui apparatus ministrorum, mimorum, omnia denique peractis ludis venduntur, si seruando seruari non possunt in futuros ludos, & in publicos vsus conuertuntur: ita resoluit Auendañus *de exequend. manlat. Regum Hispania,*
- 26 *part. 2. cap. 10. num. 13.* Ex qua ratione existimat vestes illas triumphales tra-beis antiquioribus persimiles, quæ dantur urbium Rectoribus in aduentu Principis



Principis, vt venientem Regem ornati quadam veluti trabea sub umbella serica exceptum in urbem inducant, excepto Rege esse eas restituendas reipublicæ, nec debere remanere apud Rectores, cum sint expensæ propter publicam lætitiā, quā finitā nihil magis apud Rectores, & reliquos ministros reipublicæ remanere debet, quā apud reliquos ciues, ne cum iactura reipublicæ ministri occasione eius lætitiæ dilescent, idque tener argumento glossæ *in l. id vestimentum, ff. de peculio*, in quo licet glossa illa opportuna sit, magis tamen facit decisio textus *in dict. l. id vestimentum*; ex qua in peculio serui dicimus esse eam vestem, quam ita dedit dominus, vt seruus ea perpetuū vteretur, argumento cuius dici poterit, non esse Rectoris urbani id vestimentum, quod à republica accipit, non liberè, sed vt in publica lætitiā ad splendorem reipublicæ vtatur: argumento eius legis glossa ibi, *verbo peculij*, existimat contra famulos, pedisequos & pueros seruitores, vt si vel domo à Domino eiciantur, vel decedant ipsi, possit Dominus retinere vestimentum illud quod dederit, solutā mercede seruitij, illudque nec adito, neque expectato iudice, ait Montalius *in l. 4. tit. 4. lib. 4. Fori leg.* in nobilibus enim isthuc apprimè 27 necessarium & vtile est: sæpè enim pedisequos istos anteambulones, puerosque seruitores certa vestimentorum & conformi compositione elegantius ornant, non tam ipsius, quā proprio splendori consulentes. Tunc verò æquisimum est, vt abiens & decedens famulus vestimentum illud relinquat soluta mercede, quo alius indutus certus ille ordo, & splendor vestium constet. Hanc autem vestium conformium compositionem, quam vulgus vocat *Libream*, vocat Iureconsultus Synthesin, *l. Tertia testamento, §. 1. ff. de auro & argent. legat.* Præmissa eius verbi acceptione facile intelliges verba eius legis, aliquibus enim difficillima visa sunt. Hæc ergo vestimenta neque famulis, neque Rectoribus, neque seruis liberè data intelligi possunt, sed magis vt Dominus splendeat, vtque Respublica illustretur. Quapropter *ex dict. l. id vestimentum*, non est vestimentum illud in patrimonio, nec in re eorundem, sed domini & reipublicæ, quæ addenda sunt Auendaño vbi suprà; qui tamen ex eo quod de vestimentis pretiosis traditum est ab Scriptoribus in viro & vxore, ad Rempublicam & Rectores argumentatur, de quo tamen non egimus *cap. 8. num. 38.* & veram rationem adduximus, non ex præsumpta donatione, vt reliqui, sed ex necessitate alimentorum, quæ vestes quotidianas continent, non pretiosas: denique idem Auendaño ait ita se vidisse practicum contra Rectores villæ de Madrid, quæ antiquis fuit Mantua Carpentanorum; ego tamen in hoc plurimū consuetudini antiquæ & vsui recepto, & legitimo 28 tribuo, qui in hoc, vt in reliquis, plurimū poterit; quamuis enim id poscat iuris rigor, induci consuetudine contrarium posse non est dubium, vt latè diximus suprà *cap. 7.* & ita si casus offerrentur, ad consuetudinem confugerem, quæ optima interpret est; quod enim iam factum est, regula est eius, quod fieri debeat; idque quotidie censet Senatus noster in his rebus, quæ ad largitates, & erogationes pertinent, vt diximus capite proximo latè.

Est autem illud sanctissimè receptum, vt populus publicā lætitiā recreetur; nulla ætas, nulla Respublica hoc genus expensarum repulit: habuit Græcia sua olympia quinquagesimo quoque mense repetita, ab Olympia vrbe nomi-

nata, quò vniuersa iuuentus Græciæ ad illam celebritatem ludorum confluebat, vbi sese cæstibus, cursu, saltu, disco, & palæstra exercebat, salutaria reipublicæ exercitamenta. Troiani ludos hos publicos agnouerant, si Virgilio credendum sit, nec magis existimandum sit sui temporis mores antiquitatis numini consecrassè, quod non semel ab eo factum est. Persæ, Ægypti, Galli, Hispanique, si Iustino, Trogo, Berofo, Cæsarique habenda sit fides, multùm huic publicæ latitiæ tribuerunt. De Hebræis notissima festa sunt: Romani aded in hoc cæteros excelluerunt, vt in hac vna re cum reliquis omnibus contendisse meritò videri possint: extant passim apud Plutarchum varia ludorum genera, plura apud Tacitum, Ælium Lampridium, Iulium Capitolinum, Ælium Spartianum, & alios eius temporis Scriptores. Omitto Liuium, qui non semel causas quoque, originesque ludorum exquirat: hinc pylæ incensæ in media arena, vt ardore pyllarum feræ magis sæuirent; hinc lustra, instar olympiorum, sed religiosa magis quàm olympia; hinc decennia, quæ extant apud Pollionem *in vita Gallieni*; hinc cyclopea, hinc hecatombæ, hinc gladiatores, theatra, carpenta, mimi, histriones, pugiles; hinc arena, circus, & bestiarum celeberrima spectacula, quorum veteribus ingens vsus maximum sumptum, & sæpè admirabilem expensarum summam exæquauit; hinc naumachia, cæteraque amphitheatralia exercitamenta, de quibus multa Martialis in amphitheatrum Cæsaris; hinc hominum cum feris prælia, eorum præcipuè qui damnati capitaliter reperiebantur: sæpè enim capitis pœnam deuictâ ferâ vitabant, atque ob eam causam ex prouinciis Romam afferbantur, idque lege lata, si tales essent, ac tanti artificij, vt sæuissimas feras in conspectu Principis, & populi Romani vincere & subigere possent. Tunc enim non licebat Præsidiis prouinciarum hos interficere, sed ad Principem Romam mittebantur, vt in spectaculum ederentur populo Romano, idque obtinuit post legem latam, quam Paulus reliquit memoriæ *in l. ad bestias, ff. de pœnis*. Florente verò Roma ante legem illam in prouinciis feris exponebantur omnes, quoscumque Princeps, Præsesve oderat: scribit ad Ciceronem Asinius Pollio, Cæsarem ludos publicos fecisse Gadibus; in his gladiatores, feras, & feris ciues Romanos obiectos refert *epistola 208. lib. 10. epistolarum familiarium*: hinc compitalitij ludi, qui compitalitiis diebus fieri solebant, de quibus Cicero *in Oratione in Pisonem*, 18. Kalendis Ianuariis: hinc votiui ludi, qui ex voto fiebant, deinde Romani, quos Respublica Romana, vt populum Romanum recrearet, faciebat post nonas sextiles, decimo die; hinc victoriæ ludi, hinc plebeij, quos actione secunda in Verrem enumerat Cicero; hinc polluti ludi, quibus polluta religio expiabatur. Cicero *de Aruspicium responsis oratione*: osciorum etiam ludorum & scænicorum recordatio est apud Ciceronem *ad Marcum Marium*: deinde Respublica Romana infinitum prope ludorum genus, acceptis aliquot à Græcis, addidit; quibus ciues suos populumque Romanum exhilarauit. In his expensarum erogatio permissa est,

29 & multæ prærogatiuæ horum ludorum artificibus concessæ, *l. vna, Cod. de expensis ludorum*, & per totum Codicem *de spectaculis scænicis & lenonibus, lib. 11.* permissumque populo est insaniâ suâ frui festiuis diebus, & ludos renouare suos antiqua consuetudine receptos, expensis publicis, *l. 4. Cod. de paganis*:



genia: Si quid ut prophanos ritus, inquit Imperator, iam salubri lege submonimus, ita fastus, conuentus ciuium, & communem omnium latitiam non patimur submoueri, unde absque ullo sacrificio, atque ulla superstitione damnabili exhiberi populorum voluptates, secundum veterem consuetudinem, ministrari etiam facta conuenia, quando exigunt publica vota, decernimus. Præsidibus quoque prouinciarum ea cura iniuncta est, ut in ea re laborent, ut ludi publici exhibeantur, l. 1. §. quies, ff. de officio Præfecti urbis. Hispani quoque nostros publicos ludos habemus, congressus cataphractorum, hastatorum equitum grauioris armaturæ, vulgò *justas*. Deinde sequitur ludus ille leuioris armaturæ: scutata agmina variis coloribus distincta, mutuo sese ligneis virgis laceſſunt; equites non extentis cruribus, sed ad ephippium reflexis proplitibus totum circum, totam arenam circumeunt, ambiunt, obequant, nunc huc, nunc rapti illuc, celeres, citi, veloces, nunc curui, nunc recti, nunc procidui dimicantes, quod cataphracti facere non possunt, vulgò, *Cañas*; proprius Hispanorum ludus à Mauris receptus, quibus ille equitandi vsus est. Alius ludus annulus ferreus est, qui suspenditur è fune vtrinque distento: currunt hastati equites, ut immiſſa hastæ cuspide currentes annulum raptant: ludicrum ludi genus, & puerile, ut hoc exercitamento instructi cataphracti & hastati congregientes, hostem rectius perquirere noscant, vulgò *Sortija*: taurorum spectaculum simile est bestiarum spectaculis, quos cordatiores Romani facile negligebant; ut enim inquit Cicero ad M. Marium, quæ potest esse homini politico delectatio, cum aut homo imbecillus à valentissima bestia laniatur, aut præclara bestia venabulo transverberatur: inuisum est plerisque ex nostris taurorum hoc spectaculum, quibus cum Cicerone non multum suaue est bestiam aculeis ferreis transfigi, lugubre autem maxime & triste hominem à tauro dilaniari: in his sunt Bernard. Diaz de Lugo in sua praxi criminali, verbo *Publicis spectaculis*, Ioannes de Medina in tractatu suo restitutionis, quaest. 21. ad finem. Gregorius Lopez in l. 57. tit. 5. part. 1. verbo *Lidiar los toros*: idem facit Auendañus ubi supra, 1. part. cap. 10. num. 12. qui omnes, excepto vno Medina, aiunt raro posse contingere hoc spectaculum sine labe mortalis criminis, ex eo quod descendens in arenam cum bestia dentata aut cornuta, peccet mortaliter, & adspicientes notati sint infamia, glossa in cap. qui venatoribus, 86. distinction. quæ glossa cum de his intelligit, qui operas suas locant, ut cum fera præliantur, non potest ed protrahi, ubi quispiam pedibus, cursu, celeritate confusus, arteque & ingenio, experimentoque instructus, & viribus, audeat cum fera dimicare. Longè enim illius & huius ratio est. Adde quod glossa non ita clarè loquitur, ut mortalem labem protinus inesse dicat. Prætereà licet ita intelligenda sit, fortè de his loquitur, qui præcio operas suas locant, ut cum feris dimicent; non verò de his, qui feræ leuitiam constanter expectantes, facile verò declinantes, aut viribus, aut ingenio inspectantem populum varia delectatione recreant. Solebat David Hebræus (Regum 1. cap. 17.) dum pasceret patris sui greges, ingruentem leonem vel visum adire, fugientem persequi, persecutum percutere, & ab eorundem ore eruas hædum, vel arietem, quem è medio grege arripuerant, insurgentesque aduersus suffocabat, sæpeque leonem & visum interfecit cum ipsis congressus; quo

exemplo ( de nostris Sacerdotibus nihil loquor ) existimamus eum qui viribus, celeritate, cursu, ingenio sæpè cum feris dimicauit feliciter, nihil peccare, etiamsi in arenam cum fera dimicaturus certa mercede allectus descendat; in qua enim re Philisthæus ille Goliath à fera differebat? & teneræ ætatis adolescens Dauid pacta mercede cum eo in arenam descendit? neque idè existimandum est peccasse, propter quam rem variè laudatus est à populo Hebræo, quasi decem millia hostium solus interfecisset; quaque vna re regnum Iudæ commertus est. Sic igitur constitue, eum peccare grauitè, qui temerè, sine arte, viribus, & ingenio, desperatæ vite in arenam moribundus cum fera congreditur, cornibus, vnguibus, dentibus feræ confodiendus; non is qui feram vel fallere, vel vincere consuevit, siue vltro is, siue mercede pacta in arenam descendat: adde equestrem dignitatem, & ordinem, equorumque industriam, & equitum peritiam in Hispania vix sine taurorum spectaculis conseruari posse; aluntur enim ad eam rem à nobilibus nobilissimi equi, magno comparati: sine his spectaculis pauciores reperti sunt, atque hi desidiosiores, & inertes: semel itaque edita lege à Summo Pontifice hæc spectacula prohibita sunt, iterum verò permissa, clericis verò spectare non licet, quod lege nostra Partitæ sanctissimè constitutum fuerat, *l. 57. titul. 5. partit. 1.* vbi alia ludorum quoque genera referuntur. *Cuerdamente*, inquit, *deuen los porlados irær sus faciendas, como homes de quien los otros toman exemplo, assi como de su es dicho, e porende non deuen yr a ver los juegos, assi como alancar, o bohordar, o lidiar los toros, o otras bestias bravas, nin yr a ver los que lidian. Oirosi non deuen jugardados, nin tablas, nin pelota, nin teinelos, nin otros juegos semejantes destos.* Idem constitutum est in Concilio Bracharensi 4. *actione 5. capit. 8.* in vltima parte, & in Concilio Cæsaraugustano anno 1566. *cap. 1.* & in Synodo Valentiniana, *actione 1.* & in Concilio prouinciali Toletano *actione 3. capit. 26.* irritantur vota de agitatione taurorum, vide Bernardinum de Sandobal *de officio Ecclesiastico Canonico*, 4. *parte, cap. 8.* vbi, vt solet reliqua, doctè & eruditè id ipsum attingit. Alij quoque ludi sunt varij, sed hi Hispanis familiares; solent enim insanire carius quàm reliqui, instituta sæpè naumachia oppositis in medio foro; & in mediterraneis vrbibus triremibus ad eam duntaxat insaniam summis sumptibus constructis, arcem sæpè erigunt magnis expensis, quam bellicis instrumentis fortiter propugnatam fortissimè expugnent: aliquando armata agmina congrediuntur, vera initi prælij species: omnia autem hæc si res ac tempus poscat, in publica lætitia expensis fiunt publicis; nemo enim cogendus est insanite suis sumptibus, & in ratione expensarum reponuntur, nec qui rationibus præsent publicis, quicquam de ea re ampliùs perquirunt, si in his ludis hæc pecunia publica consumpta reperiatur. Hactenus de expensis ludorum.

30

Illud quoque ad expensas pertinet, vt si Princeps, vel Rex muniat castrum, urbem, aut arcem alicuius nobilis, timore hostium & ingruentis belli, ne irruant in regnum, nève urbem, aut arcem vi capiant, vnde non possint eiici nisi maximis sumptibus & viribus, vndèque securiùs cætera debellare possint, finito bello, aut sublato belli timore, non potest Rex repetere à nobili expen-

•sas



fas illas, quas ita facit, vt abradi sine læsione non possint, dum moenia munivit,  
 aggeres erexit, fossas aquarias excauauit, bellica instrumenta composuit;  
 neque Nobilis tenetur quicquam ea ratione soluere; tormenta autem sulphu-  
 raria, reliquosque belli apparatus adsportabit Rex, quia auferri sine læsione  
 possunt: propter alias autem expensas, quas diximus, etiam si apprimè neces-  
 sariæ sint, vel vtilis, nihil expectabit à nobili & Domino vrbis, aut arcis; quia  
 dominus noster Rex Hispaniæ tenetur ciuem illum, reliquosque omnes ciues  
 tueri & defendere suis expensis & sumptibus. Francisc. Cremenſis *singulari* 25.  
 qui allegat Bald. *in l. si aliquam, ff. de officio Proconsulis & Legati*, tenet Cæpo-  
 la *titulo de seruitutibus urbanorum prædiorum, cap. 39. in fin.* Angel. *in l. turres,*  
*C. de operibus publicis*, Thomas Grammat. *consil. 13.* Boëtius *in tract. de custo-*  
*dia clauium*, Fernandus Menchaca noster *illustrium questionum lib. 1. cap. 6. in*  
*prin.* potest enim Rex noster ponere præſidiarios milites in castro, & vrbe ci-  
 uis sui, inuito eo, nec exquirenda est ratio, nec inquirendum consilium Re-  
 gis, cur id faciat; vnus enim & supremus Dominus est in suo regno, cui om-  
 nes subiecti sunt, suppositi, & obedientes; solus fundat in vniuersa Hispania  
 dominij ius; ab eo tanquam à fonte perpetuo & perenni omnes sunt veluti  
 fluentia deriuati, idèd subiecti, & suppositi sunt, & præcepta eius tan-  
 quam sacrosancta adimplere, & opere efficere tenentur. Illud verò sibi remit-  
 tere cui faciat, *l. fin. de pignoraticia actione, & de nauiculariis non excusandis,*  
*lib. 11.* hi verò sumptus & expensæ ad Principem pertinent, qui tueri debet  
 ciues, eorumque res, filios, & bona, idque quantum per regias facultates li-  
 cuerit; quoniam regna, imperia, & diuiones omnes, Reges, & Imperatores  
 creatos & acceptos esse constat propter ciues, & ciuium publicam & priua-  
 tam utilitatem, vt ab eo defendantur, quem sibi Ducem, Imperatorem, &  
 Regem esse voluerunt, cuique tributorum percipiendorum vim, facultatem-  
 que permiserunt; creantur enim à populo, qui in eos omnem vim & pote-  
 statem contulit, vt deinceps eius industriâ, ope, & diligentia tutus & securus  
 quiescat, Princeps verò togatus, & armatus quietem illam tueatur & defendat:  
 glossa & Abb. *in Clem. una, de baptismo*, quam allegat Menchaca *illu-*  
*strium questionum cap. 1.* illa tamen nihil dicit, etiam si enumeret illos, quos  
 Principis appellatione nominare licet. Allegat tamen alios, quos videre per  
 te poteris, eamque opinionem ipse tuetur; res tamen clarior est, quàm vt  
 longa & numerosa allegatione egeat; nisi enim in re maximè controuerſa,  
 vbi veritas vix indagari potest, vitiosam semper dixi Doctorum cumulatione-  
 nem. Est nobis præter Aristotelem & Platonem, quos ipse adduxit, elegans  
 lex 2. *tit. 10. part. 2.* ibi: *La tercera guarda es del daño que les podria venir de*  
*los de fuera que se entiende por los enemigos, ca deslos los deue el guardar en*  
*todas las maneras que el podiere, e sera entonces muro, e amparanea dellos,*  
*assi como dixeron los antiguos que lo deue ser.* Quæ lex ita debet concor-  
 dari cum lege finali, *tit. 20. part. 2.* vt Princeps omnino teneatur; exhaustis  
 verò & consumptis Principis opibus, in subsidium Princeps teneatur, sed  
 ex facultatibus ciuium: facit authentica *vt indices sine quoquo suffragio, §. oportet,*  
*collatione 2.* vt enim inquit Greg. Lopez *in dict. l. fin.* priùs ad hoc est re-  
 quirendum marsupium Regis, deinde eo consumpto ad collectas ciuium de-  
 ueniendum.

ueniendum est : allegat Bald. Cyn. Iferniam : quod tamen intelligendum esse ait in territorio Regis, & infra fines regni; nam extra territorium ciues suos defendere non tenetur. Archidiaconus *in cap. si quis peregrinos*, 24. *quest. 3.* Angelus *in l. ne quid*, ff. *de incendio, ruina, naufragio*, quæ omnia sunt addenda Menchacæ *ubi sup.* & quæ ipse tradit Greg. Lop. *in dict. l. fin. & l. 2.*

- 34 Ex quibus illud constat euidenter, quia mare est eius, cuius est terra, cui adiacet : glossa notabilis *in cap. ubi periculum*, § *porrò*, *super verbo territorium, de electione lib. 6.* quam ibi approbant Canonistæ, & præter eos Bald. *in cap. 1. in principio*, *quibus modis feudum amittatur*, & *in l. penultima, ad finem, Cod. de institutionibus & substitutionibus sub condit. factis*, *in Authentico ut omnes obediant iudicibus*, §. 1. & *in l. 1. column. 2. de sententiis ex periculo recit.* idem *in cap. ex liseris, ad fin. de probationibus.* & *cap. accedens, el. 2. ut lite non contestata*, ubi quod ille qui est in mari, quod regitur per ciuitatem maritimam, dicitur esse in districtu illius ciuitatis : textus *in l. Insula*, ff. *de iudiciis*, vide alia apud Rodericum Suarez *allegatione 17. in principio*, cui adde Bartol. *tractat. de Insula*, §. *nullus esse creditor* : textus optimus *in l. 1. Cod. de classicis, lib. 11.* quam adde ad ea quæ tradit Suarez, Corletus *singulari verbo iurisdictio*, Angelus *in dict. l. Insula*, ff. *de iudiciis*, Gerardus de Petra *sancta singulari* 15, quia ea quæ sunt in mari adiacente territorio, dicuntur fieri in territorio, quod sicuti Rex noster tenetur suis sumptibus & expensis defendere ab hostibus, ita quoque tenetur tueri & defendere ciues suos à pyratibus in mari adiacente territorio; quia ex his, quæ diximus, in territorio grassantur.

- 35 Ex quo aliàs dicebam, consulente Rege nostro Philippo, vnde exstrui posset classis armata, quæ pyratæ, qui regnum hoc nostrum miris modis infestant, hostes sæuissimi, & religionis Christianæ hostes aperti, longiùs propelli possent; vniuersæ enim Galleciæ, Asturum, & bonam Cantabrorum partem ita premunt, vt non solum nauigare longiùs, sed neque piscatoribus nauculis in littoribus piscari securum sit: dicebam, inquam, suis sumptibus & expensis hoc faciendum esse, nulla ad hoc ciuium Gallicorum expectata largitione, omninoque teneri; tum quia territorio illa strages fieret; tum quia cum redditus percipiat eorum nomine, sumptus quoque hos sustinere debeat, Lucas de Peña *in l. 1. ne rustici ad vllum obseq. lib. 11.* præstatio enim tributorum obligat Regem ad defensionem, & cum à nauigantibus tributum soluatur, nauigantes Rex tueri, & defendere tenetur, *l. 4. tituli. 26. part. 2.* ibi: *Apuestas razones fallaron los sabios antiguos, porque los homes diessen al Rey con derecho su parte de lo que ganan en las guerras: & ibi, La quarta, porque es tenuto de los defender;* & sicut debet Rex purgare malis hominibus, & grassatores coercere, latrones fugare, vniuersamque prouinciam in otio retinere, ita quoque mare quod adiacet terræ, *l. congruit*, ff. *de officio Præsidis, iuncta l. 1. Cod. de classicis, lib. 11.* ubi Bartolus & Lucas de Peña, ubi illa lex probat apertè hoc genus expensarum, scilicet parandi classem, quæ parata longiùs expellat pyratas, pertinere ad Principem, qui redditus percipit à nauigantibus, & qui ciues suos intra territorium defendere tenetur; atque eo modo in mari adiacente terræ & territorio hanc sententiam tenet



tenet Gregorius Lopez *in dist. l. fin. tit. 20. part. 2.* quem vide, si de hoc sis disputaturus; nobis autem qui sumptus & expensarum hanc rationem sequimur, hæc attigisse sat sit.

Alia expensarum genera, vt semel finiam, vide apud Auendañum *de exeq. 36 mandatis Reg. Hispania, part. 2. c. 10.* de expensis, quæ fiunt in supplicationibus publicis, vulgò *En las processiones publicas, num. 28.* vt expensa illa non debeat fieri expensis publicis, sed priuatis; quia priuatum cuiusque intercedit commodum, quod à Deo Maximo expectant. Hæ autem supplicationes vocantur; vulgus *Litanias* vocat. Est autem supplicatio Litaniam, quæ antiquioribus non fiebat solum re feliciter gesta, ex Senatusconsulto apertis templis, & Deorum simulachris, populo ad puluinaria confluyente, Diisque pro eorum in rem publicam meritis gratias agente; sed & vt periculum vitaretur imminens sæpè supplicatio decreta est, quæ ad quindecim viginti, plures, paucioresve dies fieri consuevit. Cicero *in Catilinam actione 3. Quamobrem Quirites quoniam ad omnia puluinaria supplicatio decreta est, celebratore illos dies cum coniugibus & liberis nostris; nam multi sæpè honores Diis immortalibus iusti habiti sunt ac debiti; sed profecto iustiores nunquam. Erepti enim ex crudelissimo, ac miserrimo interitu, erepti sine cade, sine sanguine, sine exercitu, sine dimicatione, me uno rogato, Duce & Imperatore vicistis.* Cæsari quoque *lib. 4. Comment. belli Gallici*, per viginti dies ob rem feliciter gestam supplicatio decreta est. Liuius *lib. 21.* supplicationem Romæ decretam esse ait, vt barbari Annibalis vim & potestatem ab Vrbe Dij immortales averterent; cùm enim sub idem tempus, vt ille inquit, Legati à Carthagine reuersi Romam tulissent omnia esse hostilia, cùmque Sagunti excidium nuntiatum esset, tantus mœror patres, misericordiæque sociorum interemptorum indignè, & pudor non latius auxilij, & ira in Carthaginenses, metusque de summa rerum cœpit, velut si iam ad vrbis portas hostis esset, vt tot vno tempore motibus animi turbati trepidarent, magis quàm consulerent. Et paulò inferiùs inquit, *Eiusque belli causâ supplicatio per urbem habita, atque adorati Dij, vt bene, ac feliciter eueniret.* Propter pestem quoque, quæ urbem Romam inuaserat, constat olim supplicationem decretam. Liuius *lib. 4. Et is ipse (inquit) exercitus agrè explebatur propter pestilentiam, quæ iam tertium annum urbem Romam, atque ita locum vastabat: Prator Titius Minutius, & haud multò ita post Caius Calpurnius moritur, multique alij omnium ordinum illustres viri; postremo prodigij loco ea clades haberi cœpta est. C. Seruilius Pont. Max. piacula ira Deum conquirere iussus, decemviri libros inspicere, Consul Apollini, Æsculapio salutis dona vouere, & dare signa inaurata, quæ vouit, deditque: decemviri supplicationem in biduum valetudinis causâ in vrbe & per omnia fora, conciliabulæque edixerunt, maiores duodecim annis omnes coronati, & lauream in manu tenentes supplicauerunt. Hæ erant veteribus supplicationes, de quibus apud veteres recordatio est.* Hactenus Liuius: quid verò in istis supplicationibus actum sit, indicant acclamationes, quæ senescente Roma iniri cœperunt, quæ extant apud Ælium Lampridium in vita Commodi Antonini, quæ sine dubio veteris Romæ supplicatio erat: vide ibi preces, quas effundebat populus Romanus, non multum diuersas à nostris precibus, quas tamen nos Deo immortalis, non verò commentitiis nominibus effundimus;

fundimus; & iterum apud Flauium Vopiscum *in vita Taciti Imperatoris*. De Litaniiis in Concilio Aurelianensi primo, circa tempora Hormisdæ Papæ, *cap. 29.* ita definitum est; *Rogationes, id est, Litanias* (legendum est Litanias) *ante Ascensionem Domini placuit celebrari, ita ut præmissum triduanum ieiunium in Dominica Ascensionis sollemnitate soluantur, per quod triduum serui, & ancilla ab opere relaxentur, quo magis plebs vniuersa conueniat, quo triduo omnes abstineant, & quadragesimalibus cibis utantur*; quod est translatum *in c. rogationes, de consecrat. dist. 3.* vbi gloss. & Scriptores plurimum tribuunt consuetudini patriæ. Aliæ autem sunt rogationes, quæ celebrantur die sancti Marci, vide Guillelmum *de rogationibus*, Lapum *allegatione 90.* & sunt maiores istæ rogationes. Ad istas autem Litanias, hoc est, ad has rogationes publicas, vulgò processiones, tenentur accedere omnes Clerici territorij, aut saltem, ut aiunt Doctores, omnes de territorio baptismalis Ecclesiæ. Abbas *in c. nimis, de excessibus Prælatorum*, contra Archidiaconum *in c. quanto, 38. distinctione*, qui contra Laurentium tenebat, quod omnes clerici Episcopatus tenentur singulis annis venire ad Litanias ad Ecclesiam maiorem, per textum ibi, qui æquiparabat Litanias, & Concilium; & est certum, quod tenentur venire ad Concilium: ergo ad Litanias. Ita colligebat Archidiaconus: at verò Geminianus decedit ab Archidiacono, & meritò, existimâtque eos solùm teneri qui sunt in territorio Ecclesiæ baptismalis: tenet Felinus *in cap. dilectus de officio Ordinarij, num. 7.* & de Litaniiis fit mentio *in Clementina vna, de reliquiis & veneratione sanctorum*, vbi Cardinalis *verbo in die*, vbi quod sicuti ad Litanias compelli possunt Clerici de territorio baptismalis Ecclesiæ, ita ad rogationes publicas & supplicationes, vulgò, ad processiones, quæ fiunt in celebritate Eucharistiæ sacræ in die festiuo, quo sacram Eucharistiæ sollemnitate celebramus.

38

Imò Abbas & Felinus *vbi supra* tenent, quod si processio fiat ex magna causa, Regulares teneri venire & accedere, quod sanctissimum est; nulla autem parua causa videri poterit, quæ cogat processiones fieri; idèd poterunt compelli ut in festo Corporis Christi accedant ad processiones, item & ad Litanias, & vbi cumque necessum sit, adesse debent sacris supplicationibus, & & per Ordinarium compelluntur: quod hodie præter ea quod olim ita constitutum, aut rectius, receptum erat, in Concilio Tridentino statutum est *sessione 25. cap. 13.* de reformatione. Exempti autem omnes, inquit sacra Synodus, tam clerici seculares, quàm regulares quicumque, etiam monachi, ad publicas processiones vocati, accedere compelluntur, his tantum exceptis, qui in strictiori clausula perpetuò viuunt: quare meritò in festo Corporis Christi, & in Litaniiis ordinariis compellat Regulares, ut cum cæteris Deum optimum Maximum orent, & pro communi omnium salute comprecantur: quid autem orandum & cōprecandum sit, quid sit oratio, quotuplex, qui debeant orare, qui orando exaudiantur, quid continere oratio debeat, qualis esse debeat, an vocalis, an mentalis, an ad Orientem, an ad Occidentem orandum sit, vide glossam optimam & magistram *in Clementina vna, de reliq. & venerat. Sanctorum. verbo Oratio*, quæ antiquiora non ineleganter refert: in his autem publicis & sacris supplicationibus, quamuis ita arbitremur expensis priuatis faciendas esse,



esse, illud etiam censemus quod de ludis, patriæ consuetudinem obseruandam; legitimè enim inducta plurimùm poterit. Vide alia expensarum genera apud Auendañum dicto cap. 10.

Nouum autem casum addit Didacus Perez, legum, quas veterum ordinationum vocamus, Interpretes, in 2. part. quam nouissimè edidit, de expensis ludi, vt si quis sit restitutorus pecuniam aliàs lucrata, deducendum sit, quod nomine donatiui & erogationis elargitum sit, vulgò, *Barato*: atque ea pecunia, quā pictæ quoque chartæ emptæ sint, quodque in lucernas consumptum est: quasi hæ expensæ sint ludi, quæ debeant deduci sicuti reliqui sumptus. Hactenus de expensis quæ industriâ nostrâ, labore, opere, & diligentia, & sumptu fiunt, quibus res meliores reperiuntur. Nunc vt institutum nostrum prosequamur, de ea melioratione agendum est, quæ sine facto nostro contingit, hoc est de augmento: res est eruditione plenissima, quæ tamen ab aliis scripta sit, quibus aliquid fortasse nobis addetur, aut detrahetur: nonnulla interpretabimur, quod hactenus à nobis factum est: alios casus vide apud Anton. Cordubæ de Lara in l. si quis à liberis, §. si impubes, ff. de liberis agnoscendis, per totum, quos sciens omitto.

## CAPVT XXII.

De augmento, auri, & argenti fodinis, alluvione, & thesauro.

Notabilia ex capite vigesimosecundo.

- 1 Qui de augmento tractarunt, & num. 2. contingere augmentum, aut facto nostro, aut natura, vel casu.
- 3 Augmentum aliud separabile, aliud inseparabile.
- 4 Quæ per se subsistunt, separatam habent rationem acquisitionis, item & amissionis.
- 5 Augmentum factum in feudo, an sit feudum: idem de emphyteusi, & maioria & usufructu, & num. 6. etiam si accessorie augmentum fiat.
- 7 Iurisdictio acquisita emphyteuta, vassallo, fructuario, & possessori maioratus in territorio feudali, emphyteutico, aut fructuario, vel maioria, cuius sit.
- 8 Quid de gabellis, & aliis inribus quasitis in his praediis, cuius sint.
- 9 Iurisdictio quasita contemplatione feudi, aut emphyteusis, aut maioria, ad emphyteusim, feudum, & maioriam pertinet, & de asimatione soluenda.
- 10 Augmentum usufructus consolidati cui cedat, & an in viro & uxore sit lucrata res constante matrimonio.
- 11 Augmentum feudi aut emphyteusis factum constante matrimonio, cui acquiratur.

- 12 *Augmentum praescriptionis coepta ante matrimonium cui cedat.*
- 13 *Augmentum factum iure retractus constante matrimonio, cui cedat, & n. 14. de retractu occasione emphyteusis, feudi, fructus, aut maioria.*
- 15 *Augmentum factum iure annui census redempti, qui ex feudo, emphyteusi, vel maioria soluetur, cui proficit.*
- 16 *Augmentum factum ex commissio in re feudali, emphyteusi, vel maioria, cui cedat, an viro, an uxori, an utrique quasi lucratum.*
- 17 *Servitus realis acquisita in pradio feudali, emphyteutico, aut maioria, cui cedat: idem de edificio.*
- 18 *Augmentum factum sine nostra industria solo temporis beneficio, an proficit nobis.*
- 19 *Augmentum factum sine facto heredis in re conferenda, prodest coharedibus, & sit aestimatio non secundum tempus mortis.*
- 20 *Augmentum hoc casuale venit causa emictionis.*
- 21 *Quomodo venditor tenetur de casu fortuito.*
- 22 *Augmentum regni an fiat regnum, & num. 23. Regnum additum quibus legibus regi debeat.*
- 24 *Augmentum factum in hereditate post mortem testatoris, si legitima portio relicta sit filiis, inspecto tempore mortis, prodest scripto heredi.*
- 25 *Augmentum vii pertinet ad eum cuius res est, ita & diminutio.*
- 26 *Diminutio hereditatis facta post mortem testatoris, & post inventarium confectum, an noceat legatariis, an heredi.*
- 27 *Augmentum rei pupilli pertinet ad tutorem pupilli, quoad administrationem.*
- 28 *Augmentum legati pertinet ad legatarium.*
- 29 *Idem operatur additio quoad augmentum, quod detractio quoad diminutionem.*
- 30 *Augmentum an habeat locum si limitatum sit legatum.*
- 31 *Augmentum factum in castro, an sit eius, cuius est castrum; an verò eius, qui castrum concessit.*
- 32 *Si vir aut uxor legat fundum lucratum constante matrimonio; an totum, an partem suam videatur legasse.*
- 33 *Explicatur lex nuper, ff. de legat. 3. & cum aliis legibus conciliatur.*
- 34 *Conciliatur lex si chorus, §. area legata, ff. de legatis 3. cum lege servum filij, §. si area, ff. de leg. 1.*
- 35 *Augmentum factum in pignore est sicuti ipsum pignus hypothecatum.*
- 36 *Augmentum alluvionis eius sit, cuius est pradium quod alluitur.*
- 37 *Augmentum alluvionis, sine latentis, sine apparentis, factum in agro coniugis alterius, eius sit, cuius est ager.*
- 38 *Augmentum alluvionis factum in pradio maioria, Ecclesia, aut dignitatis, ad possessorem maioriatus & Pralatam pertinet iure maioria & dignitatis.*
- 39 *Augmentum alluvionis factum in pradio fructuario, ad fructuarium pertinet iure usu fructus & commodi.*
- 40 *Augmentum alluvionis factum in feudo vassallus habet.*
- 41 *Augmentum alluvionis factum in emphyteusi quatenus ad emphyteutam pertineat.*



- 42 *Acquisitio ex causa alluvionis est de iure gentium. Defenditur Agenus Orbiculus, contra Eginarium & Alvarum Vazquez.*
- 43 *In agris limitatus non est locus alluvioni : explicatur lex in agris, ff. de acquir. rer. dom.*
- 44 *Ager alius est arcifinus, vel arcifinius, alius subseciuns.*
- 45 *Termini & limites naturales qui sint, & quod magis probent territorij finem, quàm alij.*
- 46 *In agris tributariis est locus alluvioni ; declaratur lex 2. C. de alluvionibus, nonè.*
- 47 *Minera, siue minerale, lapidicina, auri, argentive fodina reperta in pradio maris, emphyteutico, feudali, maioria, aut fructuario, cui cedant.*
- 48 *Agitur de lege diuortio, §. si vir, ff. soluto matrimonio.*
- 49 *Thesaurus repertus in fundo dotali cui cedat.*
- 50 *Thesaurus repertus in fundo maioria, cui cedat.*
- 51 *Thesaurus repertus in fundo fructuario, cui cedat. & an fructuarius habeat repertoris partem ; & de Episcopo, Prælato, & Rectore.*
- 52 *Thesaurus repertus in fundo emphyteutico, aut feudali, cui cedat.*
- 53 *Thesaurus non est requirendus in aliis artibus, neque in proprio fundo, neque in alieno, contra Andream Alciatum.*
- 54 *De thesauris varia leges constituta sunt.*
- 55 *Monilia, viriola, in aures, & cetera ornamenta virorum, aut mulierum, recondita & reperta, obtinent rationem thesauri : adducitur lex Theodosij Imperatoris.*
- 56 *Explicatur §. thesauros, & quod corrigat legem 3. §. penultimo, ff. de iure fisci, quatenus de fisco & thesauro reperto in loco religioso agit, contra Andream Alciatum.*
- 57 *Leges de thesauris intelligenda sunt de pecunia, eaque antiqua, qua hodie nullibi excudatur : adducitur lex à tutore, ff. de rei vindicatione, qua aliam regulam tradit de pecunia recentior inventa, qua hodie excutitur, neque observat regulas dicti §. thesauros, neque legis unica, C. de thesauris.*



Ontingunt sæpè meliorationes rerum, non industriâ nostrâ, neque sumptu, aut expensâ, sed temporis, cæli, solique, & latentium causarum beneficio, ipsaque perpetua rerum vicissitudine, qua terrarum temperamenta, fluminum lapsus, ipsæque naturæ inueteratus usus, & antiqua ratio puncto temporis commutatur. Vnde cum æstimatio, & pretium quoque rerum varietur, disceptari solet quibus prosit, noceatque hæc variatio, an vassallo, emphyteutæ, fructuario, Episcopo, Prælato, & Rectori, an domino? Inde quoque nata est in foro observata priscis Iureconsultis de alluvione disputatio, res quidem quotidiana, & quæ nobis necessariò attingenda fuit, qui de meliorationibus & expensis negotium suscepimus. Sæpè enim de augmento, quo melior facta res est, ex facto agitatum est, an inter meliorationes constituendum sit, quæ possessori sint soluendæ; an verò ad dominum liberè pertineat: pluribus diffusè res hæc tractata est; nos diffusius tractatam brevius complectemur, quantum ad meliorationes prodesse

& soleat, & debeat. Versantur autem in hoc argumento præter integrum tractatum de augmento & diminutione Alberti Bruni, & præter antiquiores, Carolus Molineus in consuetudinibus Parisiensibus, tit. 1. part. 1. gloss. 5. §. 1. numer. 20. Feudistæ in cap. 1. §. e contrario, de investitura de re aliena facta, in visibus feudorum, Iulius Clarus lib. 4. recepiarum sententiarum, §. feudum, quest. 88. Iacobus Cuiacius & Franciscus Hotomanus in §. si quis de manso, si de investitura feudi. Gregorius Lopez pluribus in locis, maximè in l. 30. tit. 28. part. 3. & in l. 2. tit. 15. part. 2. Tiraquellus de retractu Lignagier, §. 32. gloss. 1. numer. 77. Ludonicus Molina de principenti Hispania, lib. 1. cap. 26. per plures numeros, Alvarus Vazquez quest. 16. iuris emp. jr. attigerat multa Covarruvias variarum resolutionum lib. 1. cap. 8. numer. 1. versic. 1. aliqua Antonius Gomez tom. 1. cap. de legatis, numer. 16. Molineus iterum de eo quod interest, quest. 6. numer. 136. item Gregorius Lopez in l. 18. tit. 1. part. 6. & in l. 3. tit. 15. part. 6. iterum Covarr. Practicarum Questionum cap. 1. Hanc autem Scriptorum annumerationem fecimus, ut ex his intelligas, defuisse, aut superfluisse plura his, qui universas augmenti regulas putant se suis commentariis complexos: addemus aliqua, subnotabimus pauca, secuti nostrum institutum; quod eo consilio facimus, ut inveniuti prodesse possimus; doctiores enim nostris istis non indigent documentis. Illud verò observatum ab omnibus est unanimi & concordi sententia, quoniam temporis & naturæ beneficio istud augmentum sæpè contingit, ut inferiùs videndum est, omne augmentum contingere aut facto possessoris rei de qua agitur, aut solius temporis, naturæ, aut fortunæ beneficio: illud contingit in rebus additis fundo à vassallo, emphyteuta, fructuario, Prælato, conductore, possessorëve maioratus; in quo augmenti genere factum duntaxat consideramus eius, qui accessionem & augmentum fieri curavit. Hoc verò augmentum contingit in alluvione, & reliquis rebus, ubi nulla hominis industria reperitur; veluti in augmento pretij rerum, quod solæ solius temporis vicissitudine variari. Denique aliud augmentum indiget operâ possessoris rei, aliud minimè; videbis inferiùs utriusque generis exempla clarissima.

Rursum & illud aduertendum est, esse subsistendum de eo augmento quod accedit rebus ex solo facto possessoris rei vassalli, emphyteutæ, fructuarij, Prælati, nihil interest; nam aut res addita, vel facto possessoris, vel naturæ & temporis beneficio, potest per se subsistere, & reuerà potest ab ipsis rebus, quibus additur & accedit, separari: aut non, illud vocant augmentum externum, hoc verò internum. Ita distinguit Carolus Molineus dict. numer. 20. & eum sequutus Molina numer. 1. 2. Vnde est illa regula, ut ea quæ facto hominis (de his enim agemus, postea de aliis) fundo accedunt, quæ per se subsistere possunt, particularem suam rationem & separatam à fundo naturam, & conditionem obtineant, egeantque separata & diuersa via ut acquirantur, & amittantur: allegant ad hoc legem qui fundum, §. 1. ff. pro emptore. Si fundum, inquit Iulianus, Cornelianum pro emptore longa possessione vñuopiam, & partem ex vicini fundo ei adiciam, utrum eam quoque partem reliquo tempore pro emptore capiam? an integro statuto tempore? Respondi partes, quæ emptio adiciuntur, propriam, ac separatam conditionem habere, & ideo possessionem



possessionem quoque earum separata nancisci oportere, & longam possessionem earum integro statuto tempore impleri. Hæc Iulianus, tenet Afflictis in cap. 1. §. *contrario*, de inuestitura de re aliena facta. Bald. Aluarotus, & alij. Paulus conf. 56. vol. 76. Alexander conf. 2. vol. 2. Decius consil. 483. & 528. Licet enim ea quæ facta possessoris adduntur emphyteusi, feudo, bonis Ecclesiæ, vxoris, aut maioris, ex illa ratione augmenti fiant vna eademque res cum his, quibus adduntur, in quantum res illa possessorem respicit suum: & licet dispositio, aut alienatio facta simpliciter per possessorem, vtrumque fiat, siue per legatum, siue donationem, venditionem, aut quemvis alium civilem modum, includat omnes illas res vnitas, quæ rei, de qua principaliter disponitur, fuerunt vnitæ; non tamen res illæ vnitæ ita vnquam additæ videri poterunt, vt omnino obtineant omnimodam rationem cum ea re cui accedunt. Vnde quod à vassallo simpliciter additum est feudo, verè non est feudum; quod ab emphyteuta additum est emphyteusi, non est emphyteusis, in ratione feudali, aut emphyteuticaria: item quod simpliciter additum est à possessore maioratus (semper agimus in hoc genere augmenti quod per se potest subsistere) non est maioratus, argumento dicti §. 1. & quæ tradunt Molina *ubi sup.* Hoc verò, vt diximus, si simpliciter augmentum & accessio fiat; expressa enim dispositio facit cessare regulam nostram, obseruato eo quod percipiat is, qui augmentum & accessionem fecerit. Itaque quod pertinet ad naturam & rationem emphyteusis, feudi, maioris, vsusfructus, separata ea est ab augmento, quod per se subsistere potest, licet simpliciter augmentum & accessio facta sit; neque veniunt illa augmenta per se subsistentia in stricta ratione emphyteutica, feudali, aut maioris. Vnde aperto feudo, aperta emphyteusi, aut maioratu, culpâ, aut delicto amisso, non amittitur augmentum illud, dict. §. 1. Iulius Clarus *ubi supra*, & Carolus Molineus, & Ludonicus Molina in locis *suprà* adductis, Feudistæ in dict. §. *contrario*, Gregori. Lopez in l. 2. tit. 15. part. 2. verbo, *Sino el hijo mayor*. Vbi id tenet post Tiraquellum *ubi sup.* §. 32. gloss. 1. num. 77. idque verum esse aiunt, non solum si principaliter res aliqua emphyteusi, vel feudo addatur, sed accessorie, scilicet, vt fiat vna eademque res cum feudo & emphyteusi, aut maioratu; adhuc enim non est feudum, nec emphyteusis, nisi id expressè dictum sit, idque etiam intelligendum est in maioratu. Adhuc enim distinguitur ab emphyteusi, & feudo, & maioria: quod attinet ad conditiones maioris, feudi, & emphyteusis, etiam si quantum ad dispositionem eius, qui hæc addidit, vna eademque res sit, vt venditio, & alienatio feudi, vel emphyteusis augmentum quoque contineat; idem quoad legatum. Quod si maioris fiat augmentum, ita vt perpetuè sit in maioria, & ad successores in ea perueniat legibus & conditionibus ipsius, & ita vna, eademque res sit cum ea, hoc casu nihil distat à maioria, quia expressè id actum est. Ex his ergo, quæ diximus, si feudum, vel emphyteusis ex prouidentia, vel ex pacto sint, etiam si vassallus, vel emphyteuta rem coniunxerint, ita vt is qui in feudo vel emphyteusi successerit, succedat quoque in re illa addita, res addita non est emphyteusis, neque feudum, neque dispositum in vno, intelligitur dispositum in alio, neque petitorio feudi, aut emphyteusis continet illud augmentum; neque sententia lata

de successione feudi, aut emphyteusis huiusmodi extenditur ad hoc augmentum; sed alia petitio, aliud iudicium, alia sententia est necessaria, quia diuersa sunt & separata, & diuersam & separatam habent iuris rationem, vt acquirantur, *dict. §. 1.* & quæ superius diximus. Vnde si maioratui, quem possides, antiquiori bona emphyteutica, aut feudalia addas, ita vt qui in maioratu succedit, hæc quoque obtineat, quamdiu emphyteusis & feudum constiterit, patet dispositionem de maioratu factam ab ipso qui addidit, continere emphyteusim & feudum, sed in aliis diuersa esse; quem enim ille simpliciter vocarit ad maioratum, censetur vocatus ad augmentum; sed quia adhuc emphyteusis & feudum non sunt maioratus in ratione maioris, sententia lata super maioratu non extenditur ad illud genus augmenti, quod separatam habet rationem, sed noua lite, petitione, & sententia opus est, *dict. l. qui fundum, §. 1. ff. pro emptore*, & quæ tradunt Tiraq. Molineus, Molina, Greg. Lopez *ubi supra*. Plurimum igitur attendendum erit ad verba, quibus augmentum sit conceptum, quæ clara, aperta, & perspicua esse debent, vt augmentum omni modo, maioria, emphyteusis, aut feudum fiat, amissa antiquâ naturâ, & inductâ quadam largitatis & donationis præsumptione, contra notissimas iuris regulas, quod commendat Molina *ubi supra dict. cap. 16. num. 3. lib. 1.* cum enim separata sint, & per se subsistant, indigent ista adeo expressa explicatione augmenti facti; quod est quoque quotidianum in sulphurariis maioribus & minoribus tormentis, bellicis instrumentis, galeis, thoracibus, hastis, gladiis & seruis præsidariis, in arcibus maioratus ab ipsius possessoribus repositis simpliciter, vt neque sint maioratus, neque ad successores in eo pertineant iure maioratus, sed cum hæreditate emortui ad hæres eius deferantur, successorque maioratus aut sinet auferri, aut veram æstimationem soluet, quod alibi diximus, & descendunt *ex dict. §. 1.* & Scriptoribus adductis *suprà* ad nostram regulam de his rebus additis, quæ per se subsistere possunt, an inducatur augmentum, quantumque profit istud augmentum rei possessori. Et hoc est quod dicitur, vtra res cedat alteri, *ex vñ rei & patrisfamilias esse existimandum, l. si quando, ff. de auro & argento legato*, dummodo adit actus facti, ex quo colligatur animus augmenti, Raphaël Cuman, *in l. serui electione, ff. de legat. 1.* Alexand. *consil. 169. vol. 5.* Socin. *in l. 1. ff. de rebus dubiis*. Facit lex *pradij, §. Titio, ff. de legat. 2. l. quod in rerum, §. qui post, l. planè, la primera, §. fin. ff. de legat. 1. l. si quis duas, §. si quis partem, verb. planè, ff. communia pradiorum*.

7 Hinc in emphyteusi, feudo, usufructu, & aliis illa inspectio est, quoniam sunt plurima quæ acquiruntur, partim nostrâ industriâ, partim autem & iuris, & temporis beneficio, in quibus pars est possessoris, pars temporis beneficium, vt acquirantur; an ea possessori prosint, an emphyteusi, feudo, rebûsque his addantur, putà si cum emphyteusim possiderem, vel fundum, nihil interest, iurisdictionem temporis beneficio, & meâ industriâ acquisiui, quæ per se potest subsistere, neque quicquam habet commune cum feudo, aut emphyteusi, cuius sit iurdictio, si retraxi, si redemi censum impositum, quibus casibus res augefcunt, cui profit & cedat ista accessio, ad quem pertineat hoc augmentum: in quo ita dicendum est, si iurisdictionem acquisiui

meo



meo iure & opera , non verò ex titulo aut causa feudali , aut emphyteutica ; tunc indubitè etiam si iurisdictionio illa de nouo acquisita reperitur in emphyteusi , vel fundo , & ab emphyteuta , vel vassallo , nihil pertinet ad emphyteusim , vassallum , fructuarium , possessorem maioratus , & reliquos id genus possessores , iure emphyteutico , feudistico , fructuario , neque ad successores in istis feudis & maioratibus , sed ad proprios hæredes eius qui iurisdictionem acquisiuit : ita resoluunt Molineus *vbi supra* , *dict. gloss. 5. num. 4.* Iulius Clarus *lib. 4. Sententiarum* , §. *feudum* , *quest. 88.* Gregorius Lopez *in l. 2. titul. 15. part. 2.* idem dicendum esse in gabellis , decimis , & aliis iuribus quæsitis , quæ per se subsistere possint , ait Molina *vbi supra* , *num. 6.* Si verò ex titulo & causa emphyteutica , feudali , aut fructuaria , denique rei , quam possides , cuius occasione , titulo , & causâ præscribis , fiat hæc acquisitio , proculdubio ad eas res pertinet ea acquisitio , quia earum titulo & causâ acquisita est ; vnde iurisdictionio , gabella , decima , lucuosa , & alia id genus acquisita legitimâ præscriptione ab emphyteuta , vassallo , fructuario , possessore maioratus , ex titulo & causa , & occasione emphyteusis , feudi , vsusfructus , & maioratus , ad emphyteusis , feudi , maioratæ , & aliarum id genus rerum successores pertinent , æstimatio tamen harum rerum acquisitarum acquirenti debetur , & numerabitur eius hæredibus , finitâ emphyteusi , feudo , fructu , quia factæ sunt meliores eius industriæ ; quod quidem vniuersè accipiendum est , exceptis rebus maioratus in quibus hoc de æstimatione soluenda difficile est , *ex l. 46. Tauri* , quam iam Scriptores generaliter intelligunt in omni melioratione , propter eandem iuris rationem , quæ in ædificiis & aliis meliorationibus versatur , de qua supra multa diximus . In aliis recipiendum illud est , vt ista acquisita ad emphyteusim , feudum , & rem vsufructuariam pertineant quidem , cæterum æstimatio solvatur quasi re meliore facta , Molin. *tit. 1. §. 7. num. 29. & 30.* qui plures allegat : eum sequitur Molina *vbi sup. n. 7.* iterum Molin. *vbi de æstimatione soluenda ait* , *dict. §. 1. gloss. 5. num. 7.* & post eum alios adducit Molina *vbi sup. num. 11.* cum agit de rebus additis industriæ possessoris , quæ per se subsistere non possunt , in quibus cum æstimatio debeat augeri , multò fortius id recipiendum est in his quæ per se subsistere possunt , etiam si titulo earum rerum acquisita sint , quia fortior erat ratio in illis , vt æstimatio non deberetur , quàm in istis . Cum ergo in illis debeat , pronum est , vt in his quoque admittenda sit æstimationis numeratio : quæ sit ergo iurisdictionio emphyteutæ titulo & causâ emphyteusis , in ipso emphyteuticario solo , emphyteusis est illa iurisdictionio , & ad eam pertinet , peremptaque emphyteusi æstimatio iurisdictionis quæ sita debetur , tanquam utilis meliorationis in emphyteusi repertæ , ex vera ratione iuris , quia hæc augmenta , quod pertinet ad dominum directum , nihil distant à meliorationibus ; recipit enim fundum suum , quem sine iurisdictione in emphyteusim dederat , iurisdictione meliorem . Duplex ergo inspectio in hac re est , prior vt augmentum hoc modis omnibus ad emphyteusim , feudum , aut maioriā pertineat , quia earum titulo & causâ acquisitum & factum est ; posterior est , vt quia dominus directus rem suam accipit meliorem factam industriæ possessoris , qui iurisdictionem vsucepit , æstimationem soluat , quasi

vtilis meliorationis. Afflict. *in dict.* §. è contrario probat, cap. primum, §. si vasfallus, hic finitur lex, & ibi Ifern. Bald. Angel. & alij in l. Senatus, §. Marcellus, de legat. 1. Guido Papæ *decision.* 169. Brunus de augmento, *conclusion.* 20. Vtrumque habet particularem suam iuris rationem. In maioratu sæpius aduertimus hoc de æstimatione difficile esse, propter prædictam legem 46. & aduertit Couarruu. in 4. cap. 7. §. 1. num. 9. *vers. hinc inferitur, ad fin.* & ante eum Palacios Rub. de donationib. §. 62. num. 16. & nos diximus cap. 13. num. 43. & seq. in feudo recipit Molineus *ubi supra*, in Episcopo, Prælato, Rectore difficilis quoque erit hæc æstimatio soluenda in hoc secundo casu, quando augmentem contingat ex titulo, & causa rerum Ecclesiæ, dignitatis, aut sacerdotij; propter ea quæ notauimus *suprà*, cap. 11. num. 71. vbi verò lex 46. non obseruabitur, in bonis maioratus fiet ista æstimationis solutio, sicuti in feudo & emphyteusi, quod pariter ex eadem ratione recipiendum est in fructuario.

- IO Descendant hæc ex illa regula, quod acquisita ex titulo & causa alicuius rei, sunt eius, cuius res illa est, cuiusque titulo & causâ acquisita sunt, ex qua regula patet decisio eius quæstionis, quæ ad augmentum pertinet, & à nostris Hispanis perperam decisum olim reperimus; noviores verò melius decidunt, an augmentum vsusfructus consolidati constante matrimonio in hoc regno pertineat ad virum & uxorem, tanquam res lucrata & quæsitâ constante matrimonio, an verò ad eum cuius proprietas sit, ex cuius titulo & causa sit consolidatio, & ita augmentum vsusfructus. Rodericus Suarez vir apud nos summæ authoritatis, in l. 1. tit. 3. *fori leg. in fin.* & Ioannes Lopez de Palac. Rub. in rubr. de donationibus inter vir. & uxorem, §. 62. num. 13. quos Doctissimus Couarruias existimat non conuenire, post Ioan. Fabrum in §. si cui fundus, Institut. de legat. & Angel. ibi, & cum eis Chassan. in consuetudinibus Burgundia, rubr. 4. §. 2. num. 12. *vers. additio*, & Nicolaum Boërium in consuetudinibus Bituricensibus, titul. de consuetudine matrim. §. 2. column. 5. tenebunt hunc vsusfructum communem vxori & viro, vtpote constante matrimonio quæsitum: contrarium omninò tenendum erit ex nostra regula augmenti, quia cum hoc augmentum & accessio vsusfructus contingat ex titulo & causa proprietatis, debet ad eum pertinere, ad quem ius & proprietas pertinet, l. vsusfructus in multis, ff. de vsusfructu. Præterea quæ accedunt rebus mariti ex natura ac propria vi, non sunt vxori communia, l. verum, §. penultimo, ff. pro socio: mihi est elegans textus in l. proprietati, ff. de iure dot. quem nec Suarez, nec Ioannes Lupus aduertunt: si proprietati nude in dotem datæ, inquit Paulus, vsusfructus accesserit, incrementum videtur dotis, non alia dos, quemadmodum si alluione accessisset. Hæc Paulus: tertiam rationem addit D. Couarruu. in 4. part. 2. cap. 7. §. 1. num. 9. ex quibus cum Molineo d. part. 1. tit. 1. quæst. 50. §. 30. *vers. 2.* tenet contra eos, quos retulimus, vt vsusfructus augmentatus ratione consolidationis pertineat ad proprietatis dominum, cuius titulo, causa & occasione consolidatus est.

Ex quo infert D. Couarruu. vsusfructum fore communem viro & vxori, si matrimonio constante fundo mariti accedat, non ex titulo & causa proprietatis, sed ex causa emptionis, vtpote quia commoditas illa & facultas percipiendi



piendi fructus , quæ penes alium erat, ematur à viro : quod fieri quidem posse, obseruata eleganti regula legis *necessariò*, ff. *de periculo & commodo rei vendit.* latè disputauimus suprà *cap. 10. num. 31. & seq.* & de aliis meliorationibus viri & vxoris diximus *cap. 13. num. 41.*

Quod si vsusfructus hic, de quo agimus, id est , facultas percipiendi fructus ea occasione emptus sit , vt ad proprietatem redeat, quæ nuda sit apud virum & vxorem , tunc quidem adhuc existimamus pertinere hunc vsusfructum ad proprietatem, obseruatâ nostrâ regulâ, & regulâ dictæ legis *necessariò*, §. *fin.* & tunc quidem de æstimatione agendum est, quid, quantumve ad vxorem pertineat ; quod quidem resultauit ex vita eius qui vsusfructum vendidit, & morte mariti, iuxta dictam legem *necessariò*, §. *fin.* ff. *de periculo & commodo rei venditæ* : quod si vsusfructus, aut facultas hæc percipiendi fructus futura erat perpetuò apud venditorem, aut longissimo tempore, quod fieri quidem potest, & occasione proprietatis comparata sit , tunc quidem adhuc ex his quæ diximus *ad dict. l. si proprietati*, vsusfructus proprietati quæritur, ex nostra regula; sed æstimationis, hoc est pretij , quo redemptus est vsusfructus , dimidium debetur vxori, éstque locus regulæ de meliorationibus factis in fundo alterius coniugis , vt ad eum pertineant , cuius est fundus melioratus , solutâ dimidiâ æstimationis alteri , aut in diuisione bonorum tantidem accipiat ex vniuerso patrimonio , quantum fuerit expensum : vtrumque idem est , de his diximus *dict. cap. 13. num. 41.*

Vnde si maritus , vxorve habeant quilibet ante matrimonium contractum emphyteusin vel fundum , cuius partes aliquot apud alios sint , constante autem matrimonio perueniant ad feudum & emphyteusin, ex titulo & causa feudali, & emphyteutica ; licèt per se hæc subsistant , tamen quia ex causa & titulo feudali, aut emphyteutica vniuntur , ad eum pertinent , ad quem pertinet feudum, aut emphyteusis, neque sunt communia, ex nostra regula, neque possunt dici lucrata constante matrimonio. Contrarium, sed puto malè , censebat Ioannes Lupus de Palac. Rub. *in d. §. 62. num. 13.* adducebat pro se §. *si cui fundus, Instit. de legat.* & legem *non quocunque*, §. *3. de legat. 1.* quibus optimè satisfacit doctissimus Couarruu. *ubi supr. dict. num. 9.* vbi optimè expendit verum sensum illarum legum ; quæ tamen si altiùs & attentius expendas, magis faciunt pro doctissimo Couarr. & nostra conclusione, quam ipse tuetur ; nullum enim commodum legatarius percipit ex legato , si aliàs ex causa lucratiua aliunde ipsum legatum consecutus sit , vnde legato tibi fundo Seiano, proprietatem emisti tibi , vsusfructum aliunde ex causa lucratiua habuisti ; si legatum postea petas, debetur , ita tamen , vt deducta vera æstimatione vsusfructus consequaris ; nullum est enim legatum , si aliunde ex causa gratuita legatum sis consecutus , ne duplex commodum reportes ; quod quidem induci pro Palacios Rubios vix potest, proclius tamen est, vt pro nostra regula inducatur ; cessât enim æstimatio ; quia contemplatione proprietatis vsusfructus accessit : quod si hæ partes emptæ sint , tunc magis aduertendum est ad ea quæ diximus numero præcedenti , de portione soluenda pretij alteri ex coniugibus : descendunt hæc ex nostra regula, quæ in materia augmenti priorem locum obtinet.

- 12 Præterea si vir ante matrimonium cœperit vsucapionem, & demùm finiatur vsucapio constante matrimonio, illud augmentum non est commune vtriusque, mariti & vxoris, sed eius qui vsucapere cœpit, quia quæ superveniunt ex causa habente originem ex præterito, retrò finguntur eius esse, cuius à principio futura erant, *l. in ratione, l. 1. §. Imperator, ff. ad leg. Falcid. l. servi qui apud hostes, ff. eod.* tenent ex his iuribus & rationibus Palac. Rub. *ubi supr. num. 10.* Conarrubias *ubi supr.* Molina *ubi supr. num. 8.* hæc enim consistunt de per se, & pertinent ad eum, cuius titulo & causâ acquisita sunt.
- 13 Inde fit quoque, ut si constante matrimonio ego iure retractus retraxi rem autam numerato pretio, verè res mea erit: vxor autem his quæ diximus, habebit dimidium æstimationis, quia illud augmentum mei contemplatione, ex mea causa, & titulo contigit; item si emphyteusim, feudum, aut maioriam habens, ex titulo & causa feudali, emphyteutica, vel maiorie rem retraxi, pertinet res illa tanquam augmentum per se subsistens, ad emphyteusim, feudum, & maioriam; si fiat constante matrimonio, nihil est commune, nec dicitur lucratum; bene tamen admittimus ut dimidium veri pretij vxori sit annuerandum, quod in maioratu non recipimus, propter sæpius allegatam Taurinam legem 46. Dubitarique satis potest in hoc de opinione Ludovici Molinæ *ubi supr. num. 8. vers. in contrarium*, ubi in maioria tenet, quod quantumvis res retrahatur ex titulo & causa maioratus, & occasione ipsius non continuò fiat maioratus res illa retracta: ratio autem dubitandi est ex nostra regula, cum enim acquiratur ex titulo & causa ipsius, dicendum est ad ipsum pertinere, quia id postulat iuris scripti ratio. Præterea ratio, quam ipse adhibuit, facile potest vitari; quamvis enim possessor maioratus fructus suos faciat, quod non dissentimus, quos lucratur ex titulo & causa maiorie, non inde sequitur, quod lucretur quoque res accedentes maiorie pleno iure, de qua questione agimus; ea enim ratio illud duntaxat obtinet, ut fructus quoque rerum accedentium faciat suos, non res ipsas, quantum ad proprietatem: illud enim de fructibus satis iure constitutum est: de augmento verò lucrando argumenta inquirimus, quæ eò inclinant, ut ad maioriam pertineant, postquam ex titulo & causa eiusdem acquiruntur. Fatemur actionem quam exercet possessor maioratus, esse in fructu aut obventione maioratus, quâ ipse rem retrahit titulo & causa maioratus; sed dicimus rem retractam & additam, ad maiorum pertinere; neque quicquam facit *§. è contrario, si de inuestitura de re aliena facta, lib. 2. cap. 8. feudor.* Sumus enim in alia specie, cui pessimè applicabitur dictus *§. è contrario*; non enim dubitamus, posse per se subsistere hæc quæ retrahimus; sed illud inquirimus, esto quod per se subsistere possint, an ex eo quod ex titulo & causa maiorie sint augmentata, aut retracta & quæsitâ, ad maioriam pertineant, quod *in d. §. e contrario*, non est decissum: ait enim augmenta, quæ per se subsistunt, non pertinere ad feudum; fatemur, & diximus superiùs: sed ulterius addimus & quærimus, an augmenta per se subsistentia, si tamen quæsitâ sint ex titulo & causa feudi, ad feudum pertineant; quæ questio non potest decidi *ex dict. §. è contrario*, sed ex his quæ diximus hoc capite. Et ita arbitramur, liberum tamen erit cuique rem dubiam apertiore & iure & ratione discernere. Nihil damnamus, nostrum iudicium, si quod



est, in hac re in medium proferamus, subituri aleam, vt faciunt doctiores.

Vnde quod idem Molina animaduertit, *num. 10.* de censibus annuis, cæterisque redditibus & pensionationibus, quibus res maioratus subiectæ sint, vt si redimantur à possessore maioratus, ad eum, & hæredes eius pertineant, illud ego intelligo, si expressè id actum sit; nam si simpliciter id actum sit occasione maioratus, ego facillè in eam sententiam adducerem, vt maioratus censeretur liber, proinde plurimum aduertendum est, quid factum fuerit: omnia superius dicta militant quoque in hac specie, & habent locum in feudo, emphyteusi, re dotali: at in rebus Ecclesiæ indubitatè tenerem cedere in fauorem Ecclesiæ ista augmenta, propter id quod sæpiùs repetimus de meliorationibus factis in rebus Ecclesiæ ab Episcopis, Prælatiis, & Sacerdotibus, *cap. 11. num. 71.* suprà.

Inde est, vt si commissio res feudalibus, aut emphyteuticis pereat, ad verum dominum reuertatur, neque fiat communis, nec lucretur constante matrimonio, quia ex titulo & causa damni reuertitur, vnde ad eum modis omnibus pertinere debet. Et ita tenent quos refert Carol. Mol. *in consuetud. Parisiensib. part. 1. tit. 1. §. 1. glos. 1. num. 37.* Ioan. And. Oldr. Paul. Guid. Papæ, Ias. Boër. & Guil. Bened. & pertinent ad eam regulam, vt etiam si augmentum possit quidem per se subsistere, quo casu non videtur additum rei, *dict. §. in contrario*, quia separatam & distinctam habet iuris rationem, *l. qui fundum, §. 1. ff. pro emptore*; si tamen ex causa & titulo rei acquiratur, ad rem pertineat, ex his quos adduximus *num. 7. & 8.* suprà *istò capite.*

Aggredimur modò alium casum, qui plures sub se continet, quando res additâ industriâ possessoris, non potest subsistere de per se, sed omnino dependet ex re illa, cui addita est. Exemplum omnes constituunt in seruitute reali, quæ adhæret prædio, nequitque ab ipso separari: idem in edificio erecto in fundo feudali, aut emphyteutico, aut maioratui; hæc cedunt omninò his rebus quibus adduntur, cum sine ipsis consistere nequeant, idque postulet iuris ratio, diuersa ab ea, quam suprà constituimus de re, quæ omnino per se subsistere potest; res enim quæ omnino per se consistere non potest, ad eam rem, cui additur, pertinet; in quo tamen quòd de æstimatione soluenda ei qui rem addidit, diximus suprà, obseruandum erit: excipimus maioratui, propter dictam legem 46. item excipimus æstimationem edificiij erecti, si necessarium non sit; tunc enim magis ad voluptatem pertinet, & erit obseruanda regula legis *si duob. fratribus, ff. de neg. gest.* vt tollat ædificium, aut relinquat, nihilo annuerato; in aliis æstimatione debebitur eius rei additæ, quæ per se consistere nequeat, quæ tamen nostrâ industriâ addita sit: tenet Molineus *ubi supr. tit. 1. §. 1. glos. 5. num. 70.* Molina *ubi supr. cap. 26. num. 11.* Iulius Clar. *dict. lib. 4. Sen. contrarium, §. feudum, quæst. 88.* Post antiquiores quos ipsi allegant, & feuditas in *cap. 1. §. si quis de manso, de controuerſia inuestit.* allegant *§. si vassallus, in cap. domino guerram: hic finitur lex*, de quo nos suprà *cap. 12. num. 85.* difficilis enim ille textus feudalibus est, & in contrariam sententiam contra communem & receptam interpretata est lex nostra partitæ, cui plurimum semper tribuo, vt ibi diximus *dict. num. 85.* est ergo semper soluenda æstimatio quo diximus modo, usufructuario, emphyteuticæ, vassallo, licet istiusmodi

- augmenta contemplatione harum rerum quæ sita sint, & nequeant ab ipsis separari. Idque aduertunt ij quos retulimus. In his enim duplex inspectio est, quæ ex eadem ratione augmenti oritur; ex eo enim quia istud augmentum per se subsistere nequit, & occasione emphyteusis, feudi, aut vsusfructus acquiritur, proum est, vt dicamus ad emphyteusim, feudum & vsusfructum pertinere, & in hoc omnes conueniunt, idque postulat iuris ratio. Alterum verò est, an æstimatio augmenti soluenda sit, in quo nulla ratio excogitari potest, quâ dominus emphyteusis, feudi, aut vsusfructus, quibus augmentum acquiritur, ab hac solutione pretij, aut saltem præsentis valoris & æstimationis liberetur, quia cum rem recipiant meliorem factam, meliorationem tenentur refundere, ex his quæ superius adduximus, quicquid distinguat & subdistinguat Lud. Molin. *vbi supra, dict. num. 12.* cur enim dominus accipiat rem meâ operâ, industriâ & sumptu meliorem, etiamsi eius rei contemplatione addita & acquisita sit; meam enim industriam & operam non est habiturus, nec substantiam meam sine causa. Semper loquimur de his augmentis, quæ licet contemplatione rei addita sint & acquisita, nostrâ tamen industriâ contingunt, vt sunt seruitutes, & ædificia necessaria, quæ per se consistere nequeunt, sed contemplatione rei contingunt; quia tamen in istis augmentis reperitur expensa nostra, nostraque industria, ratio postulat, vt dominus, ad quem res illa cum augmento pertinet, augmentum quidem ex capite habeat, cæterum ex hoc æstimationem persoluat. Quod si nec expensa, nec pretium vllum est, aut industria, sed temporis beneficio, rerumque vicissitudine augmentum contigerit, tunc quidem nihil expectandum est ab eo, cui augmentum cum re restituitur: vnde si maritus habet montem, lucum, aut syluam, quæ constante matrimonio sine substantia, opera, sumptu, aut expensa vxoris, suapte natura, & sponte crescat, & augeatur, & fiat fructuosior, tale augmentum sine dubio liberè ad maritum pertinebit: idem respondendum est de vxore, nec nomine lucri quicquam vxor à viro expectabit, *argum. text. in l. fructus, in fin. ff. de vsuris*, de qua proximo capite sumus acturi, vbi ea quæ proueniunt sponte, & naturæ beneficæ largitate, & munere, sine facto villo, fiunt eius cuius res est, nihilo refuso: tenet Ioannes Lupus de Palac. Rub. *in repet. rubrica, §. 62. num. 14.* Dominus Couarr. *vbi supra, dicto num. 9.* neque enim hoc incrementum, quod rei cedit, tibi prodesse, neque mihi nocere debet, sed rem omninò sequitur, cui additur, ipsiusque dominum. Itaque quod de re ipsa, hoc de hoc augmento censendum est; neque enim vlla ratione à re ipsa separatur: ex hac regula sumenda est ratio ad alia id genus exempla, quorum opportunè aliqua subiungemus, quotidiana ea quidem, & nisi ad hanc augmenti regulam oculos conicias, facile decipi poteris.
- 19 Secundum exemplum posuimus *suprà cap. 4. num. 14. vers. quod verò*, vbi diximus de officio militiæ, aut tabellionatus, aut decurionatus, & eius æstimatione, quod conferatur, atque adedò attendendam esse æstimationem quæ fuerit tempore mortis parentis; quod intelleximus, nisi æstimatio creuerit & augmentata sit sine iudustria, & opera fratris, sed solius temporis beneficio; quia tunc augmentum illud debet omnibus prodesse, qui partem militiæ aut officij habituri erant; sequitur enim naturam rei ipsius, cui accedit augmentum; idque



que diximus ex Alex. & aliis, quos ibi adduximus, vide ibi, quotidianum enim est & in foro vtilissimum: deducitur autem ex nostra regula, vt quia illud augmentum naturam rei sequitur, rationem ipsius rei quoque sequatur, & ad eos pertineat, ad quos res omninò pertinebat; nihil enim augmentum hoc distat ab ipsa re. Diuersum esset si meâ operâ & industriâ, cresceret; tunc enim recipiendum esset quod de æstimatione soluenda diximus.

Tertium subsequitur exemplum, quod deceditur ex nostra regula, quam ex aliis dubiis & ancipitibus iuris rationibus deduximus: species talis est. 20  
Domus mihi vendita est mille, neque tunc plus valebat; postea verò dum possideò, variante tempore, rerumque vicissitudine faciente, sine opera, sine industria mea creuit ad duo millia, ita enim fieri solet, vt quod prædium hodie carissimè emitur, vilissimè post paucos dies vendatur; quique fundus vilissimè venditur, intra paucos menses carissimè ematur. Hæc domus aliena erat, euicta est à vero domino, qui de augmento in nihilo tenetur; nihil enim aliud recipit quàm rem suam, & omninò totam illam accessionem habiturus erat, si rem suam habuisset. Ego ad venditorem reuersus non solum mille actione ex empto, sed augmentum quoque postulo, & ita duo millia soluet procul dubio venditor; quia tantum mihi deest ablata domo, tantumque habuisssem, nisi domum mihi bona fide emptam antiquus dominus abstulisset: cum ipse autem teneatur ad omne id quod mea interest, etiam si duo millia soluat, nihil aliud soluit, neque amplius quàm veram & iustam æstimationem rei meæ, quæ mihi deest. Facit lex *venditor hominis*, ff. de euictionibus, vbi in causa euictionis habetur ratio eius, quod per seruum emptum quæ situm fuisset emptori cessante euictione, vt si seruus emptus fuit institutus hæres ab aliquo, non contemplatione emptoris, quod augmentum verè casuale est, & seruus ipsum adedè sequitur, vt nequeat ab eo separari: istud igitur interesse venit in causa euictionis, neque quicquam obstat quod venditor non tenetur de casu fortuito, l. necessariò, ff. de periculo & commodo rei vendit; neque item 21  
tenetur de lucro quod aufertur per casum, neque de damno quod infligitur casu, & fortuitò; quia aliud est, si istud damnum infligitur, aut lucrum aufertur ex defectu iuris venditoris, quia tunc de damno illato, & lucro ablato per causam tenetur; & ita intelligenda est dicta lex *venditor hominis*, ff. de euict. ita interpretatur Carolus Molin. de eo quod interest, num. 136. vbi explicat legem *ex mille*, ff. de euictionibus, quæ difficillima est, tenetque nostram hanc conclusionem, quæ magis suadet ex nostra regula, quia augmentum illud nihil distat ab ipsa re, sed vna & eadem res est.

Inde quoque est, vt quod regno adiicitur quasi augmentum regni, quod 22  
per se subsistere nequit, regnum idem, & iisdem legibus subiiciatur, vt sunt Indiarum Occiduarum regna & Imperia Hispaniæ adiuncta casu primùm, & fortuitò, deinde bello: quomodo autem regnum nouum antiquiori iunctum, regendum sit, & quibus legibus, vide Bartol. in tract. de insul. §. nullus enim esse ceditur, num. 10. vnde intelligi potest, quantum antiquiores leges regni expugnati & deuicti sint seruandæ: dixerat idem Bartol. in l. si conuenerit, §. si nuda, ff. de pignorat. actione.

Ex hac regula, quod augmentum accedens rei, ab ipsa re rationem acci- 23  
piat,

- piat, & eius naturam sequatur, si eius generis sit, ut ab ipsa re secerni vlla ratione non possit, nec consistere queat sine ipsa re, deciditur elegans quaestio, de qua Paulus de Castro *in l. in oratione, la 2. ff. ad leg. Falcid. num. 4. Ias. in l. cum quaritur, Cod. de inofficioso test. num. 2. Salycetus in l. scimus, §. repletio- nem, Cod. eod. Alex. in dict. l. in oratione, Greg. Lopez in l. 18. tit. 1. part. 6.*
- 24 vt si pater reliquerit filiis titulo institutionis legitimam portionem iure debita-  
tam, & in reliquo instituerit extraneum heredem, si tempore mortis paternae bona omnia valeant quinquaginta tantum, è quibus ritè & rectè legitima sit relictà, perspectis bonis tempore mortis, si bona postea apud heredem au-  
geantur, ita vt valeant centum, ex augmento addito rebus istis hereditariis, quaesitum est, an ex illo quoque augmento filij habeant augmentum quoque  
portionis suae legitimae. Tenent omnes nihil prodesse tale augmentum filiis quibus portio relictà est debita iure naturae, perspectis bonis tempore mortis  
paternae, sed totum augmentum cedere in utilitatem heredis. Ratio ex nostra regula sumi potest, quia tempore mortis testatoris hereditas sine augmento  
erat, factaque computatione, rectè legitima portio relictà fuerat, idque ti-  
tulo honorabili, & vtrisque optimè satisfecerat parens; vnde augmentum  
illud factum in re heredis, non prodest filiis, quia si contigisset in re filij,  
nihil proderet heredi; augmentum enim sit vnum complexum, & idem cum  
re, cui accedit. Itaque quia hereditas illa futura erat apud heredem perpetuò,  
ita & augmentum, *l. si patronum, §. fin. ff. de bonis libertorum. Si ex bonis* (in-  
quit Paulus) *que mortis tempore fuerunt, debitam partem dedit liberis in here-  
ditate vel legato; seruus tamen post mortem liberi reuersus ab hostibus augeat  
patrimonium, non potest patronus propterea queri, quòd minus habeat in seruo,  
quàm haberet si ex debita portione fuisset institutus. Idem & in alluione, cum sa-  
tisfactum sit ex bonis qua mortis tempore fuerunt. Idem est si pars legati liberto  
relictà ab eo, cui simul datum erat, vel hereditatis, nunc illis abstinentibus ac-  
crescat.* Haftenus Paulus, qui ad eandem augmenti decisionem tria exempla  
accumulat, de seruo, alluione, & iure accrescendi. Meritò ergo augmen-  
tum pertinet ad eum, cuius res augmentata est.
- 25 Quin quod & diminutio sequitur quoque augmenti naturam, & qualita-  
tem; pertinet enim ad eum, cuius res est, in qua contingit diminutio, *l. pig-  
nus, Cod. de pignorat. actione*; debent enim ambo sequi eum, aut eos qui rem  
diminutam, aut augmento maiorem omnino erant habituri, ex nostra regu-  
la, & dict. §. fin. Paulo, Alexand. Iasone, & Salyceto, & Gregorio Lopez: vn-  
de res hereditaria augmento maior, vel diminutione minor, ad heredes per-  
tinet cum augmento, aut damno. Elegans ratio ad ea quae diximus: in ra-  
tione autem legis Falcidiae, recepto beneficio reperti inuentarij, difficultas  
illa maxima est, si successor, idemque haeres inuentarium quidem rerum hæ-  
reditariarum confecit; quo casu ex inuentario compertum erat sufficere pa-  
trimonium legatariis & heredi; postea facta est diminutio patrimonij, an le-  
gatarij certarum quantitatum citra deductionem vllam legata sint consecutu-  
ri; & dicendum est consecuturos, quia si patrimonium augmentatum esset,  
proderet heredi: ergo diminutio ei nocet, vt soluat sine deductione, quan-  
tum sufficiant opes hereditatis; idque tenet Paulus de Castro *in dict. l. in ra-*



tionem, la 2. num. 2. nam in legatariis speciei, perempta specie, legatum ademptum censetur: si verò sit legatarius quantitatis respectu certæ speciei, & perempta sit, aut diminuta species, cuius respectu quantitas est relicta, an nihil debeatur, vide eundem Paul. *vbi supra*, & quæ ille adducit ex Bart. & aliis. Descendunt autem hæc ex nostra regula augmenti, ut omnino sequatur rationem rei, cui additur.

Ex regula quoque patet, ad eum tutorem & curatorem, cui res pupilli commissa, ipseque pupillus commissus est, pertinere augmentum rei, ut sicuti de re pupilli tenetur, ita & de augmento; nomine autem augmenti non solum intelligimus rem separatam ab antiquo patrimonio pupilli, quæ superuenit, qualis est res materna aut auita, sed vniuersè intelligo quodcumque augmentum internum, & externum, *l. quoties, § fin. ff. de administ. tutor.* ibi, *ter contrarium autem*, inquit Iulianus, *quia datus est simplici ex tutor pupillo, vel curator, si quid postea augmenti accesserit, de periculo tenetur, quantum solcat ad augmentum dari tutor.* Quæ res non facit, ut ipsa augmenta non pertineant ad curam priorum tutorum, ad quos omnis utilitas pupillorum debet pertinere: glossa verbo *Accesserit*, intelligit de pupillo; ego vniuersè intelligo, siue accedat augmentum pupillo, siue rei pupilli, siue internum sit, siue externum, siue per se subsistat, siue à re pupilli nequeat separari.

Deducitur quoque ex illa regula ratio ad augmentum legati, ut augmentum factum in re legata pertineat ad legatarium, *l. cum fundus, ff. de legat. 2.* *Cum fundus nominatim legatus est*, inquit Labeo, *si quid ei post testamentum factum adiectum est, id quoque legato cedit, etiam si illa verba adiecta non sint, Qui meus erit.* Textus, qui omne augmentum commiscet, quantum ad hoc, *in l. quod in rerum, §. si quis, ff. de leg. 1.* *Si quis post testamentum factum*, inquit Pomponius, *fundo Titiano legato partem aliquam adiecerit, quam fundo Titiano designaret, id quod adiectum est, exigi à legatario potest; & similis causa est alluvionis.* Hæc Pomponius, qui de detractione & diminutione legati quoque pauca tradit: quod autem de alluvione dicit, coacta ratione de utroque intelligendum est, quoniam de utroque quoque augmento Pomponius agit, scilicet & de agro addito, & fundo facto meliore, *l. si ex toto, ff. eod.* ibi, *quia etiam si adiecerit aliquid ei fundo, augmentum legatario cederet.* In priori parte Pomponius idem de detractione & diminutione eandem constituerat regulam: nobis est elegans textus, qui à nostris non ad lucitur, *in l. 37. tit. 9. par. 6.* ibi, *E esto seria, como si le mandasse un solar, e despues que gelo ouiesse mandado, fiziesse el testador caso, o otro edificio en el; ca enonces àquel aquien fue fecha tal manda, deue auer, tan bien la casa, como el solar, esso mesmo seria, si le fiziesse manda de un cambo, e despues se le acreciesse alguna cosa por auenidas de rios, que le corriesen de cerca, o se ayuntassen a el otras cosas assi: como arbole.* Quibus verbis proculdubio, etiam si interpretes ad ea parum animum aduerterint, utraque alluvio significata est geminatis illis verbis, scilicet, *que le corriesen de cerca*; & ibi, *o ayuntassen a el otros arboles, o casas.* Eius legis non meminit Antonius Gomez *in tomo 1. cap. 12. de legatis, num. 16.* *vbi de augmento facto in re aliena scienter legata dispartat*, & Greg. Lopez *in dict. l. 37. verbo en todo lo*

cit detractio quædam diminutionem. Adde legem *seruum filij*, §. *si arg.* ff. de legat. 1. & legem *si chorvus*, §. *area*, ff. de leg. 3. l. *si area*, ff. de legatis 2.

Illam autem omnia intellige, nisi taxatè, & vt ita dicam, ad mensuram fundus concessus, aut legatus sit, quia tunc etiam si internum augmentum nunquam adeptum videatur, quod paulatim sine nostra opera & diligentia, sed solius temporis aut fortunæ beneficio accesserit; alterum verò quod secerni & separari potest, nunquam intelligitur legatum aut concessum; limitata enim concessio, item & limitata legati conceptio limitatum producit effectum, l. *in agris*, ff. de acquir. rerum dominio, de qua inferiùs isto capite, l. *non modus*, Cod. de seruicibus; & quæ notat Baldus in l. *serui electione*, §. *ultimo*, ff. de legat. 1. Inde doctissimus Couarr. *practicarum questionum cap. 2.* per totum, ex dict. l. *cum fundus*, & ex dict. l. *quod in rerum*, §. 1. & ex Bald. quem ipse & plures alios adducit, infert ad augmentum factum in castro, oppido, aut vrbe à Principe concessa, quod latissimè disputat; magis autem conueniens decisio est, vt tale augmentum ad concessionem pertineat, nisi limitata concessio facta fuerit, ex dict. l. *cum fundus*, iuncta dict. l. *in agris*. Adde legem *grege legato*, ff. de leg. 1. vbi Iureconsultus, *grege*, inquit, *legato*, & *qua postea accedunt*, ad *legatarium* pertinent. Vide apud ipsum alia iura, quæ cumularat glossa in l. *si ex ioro*, ff. de legat. 1. & in l. *peculium*, ff. de legat. 2. adde textum elegantem in l. *serui electione*, §. *fin.* ff. de legat. 1. vbi si quis leget fundum, vel dicat meum, vel simpliciter loquatur, qui tamen fundus communis sit sibi cum alio, censetur tantum fundi partem suam reliquisse, & si post factum testamentum partem aliquam adiiciat, est locus dictæ legi *cum fundus*; quod latè fundat num. 3. & dixerat num. 1. egregia declaratio ad id legatum, quod quotidie fit apud nos; sæpe enim maritus, aut vxor legant lucratum constante matrimonio fundum, ac subinde communem, vt partem suam videantur legasse, si suum fundum legauerint; aut dicant, *fundum meum Titianum relinquo*; verbum enim illud *meum*, licet non impediat augmentum, in hoc tamen casu extra causam augmenti facit vt portio testatoris videatur legata; legato verò fundo Titiano, sine pronomine *meo*, ad aliam regulam veniendum est, idque si sit communis cum alio, an scienter rem alienam legauerit, quod in viro & vxore facile est intelligere, ex his, quæ notantur in l. *verius*, ff. de probationibus: vide ad hoc glossam in dict. l. *serui electione*, §. *fin.* ff. de legat. 1. quæ ex his quæ diximus, iuris rationem habent.

Illud tamen aduertendum est ad ea, quæ tradidit doctissimus Couarr. dict. cap. 2. vers. *secundò*: ipse arbitror id quod tradit de pronomine *meus*, dum explicat dictam legem *cum fundus*, & dictam legem *serui electione*, §. *fin.* & legem *si ita*, ff. de auro & arg. legato, altiori indigere explicatione, quam ipse sciens & prudens omisit, vt propositam sibi rem perficeret. Nos in gratiam iuuentutis explicabimus, vt innoscant plura iura, quæ aliàs confusa nimis & obscura videri poterunt altiùs intuenti: & recurrendum est ad l. *nuper*, ff. de legat. 3. tanquam ad regulam, vbi Pomponius distinctè & apertè hanc ipsam controuerſiam definit; ex eo facilis erit interpretatio ad aliqua iura. Pomponius id quærit, quando scilicet pronomina, *meus*, *tuus*, & alia adiuncta præſentis temporis, vel futuri verbis, demonstrationem, aut conditionem, faciant:



faciant : & in primis in priori parte ita inquit : Verbum *meum* , cum verbo presentis temporis , demonstrationem , non conditionem facit , veluti si testator ita dixerit , *Lego Titio Sempronianum meum fundum , vel qui meus est* , ibi , *ut quoties certum corpus legatur , ad presens tempus adiectum hoc verbum , meum , non faciat conditionem* . Altera species est si legetur incertum corpus cum pronomine ad verbum presentis temporis , ut frumentum meum , vel quod meum est , vel argentum meum , vel quod meum est , vel libros meos , vel qui mei sunt ; non enim facit conditionem , sed est instar conditionis , & verè demonstrationem facit & purum legatum , non verò conditionale ; est tamen pro conditione demonstratio illa , id est , instar conditionis , *ut ea demum* , inquit Pomponius , *qua illius sunt , videantur legata* ; idque tempore testamenti , unde vinum , quod erat testatoris tempore testamenti , etiamsi id coacuerit , legato cederet : hæ sunt duæ species , scilicet cum certa & determinata res legatur cum pronomine & verbo presentis temporis , *Scichum qui meus est , do , lego* ; demonstratio est : at verò incerta res , cum hoc verbo & pronomine purum legatum facit , non conditionale , & continet demonstrationem ; sed ea demonstratio est instar conditionis , ea enim legata sunt quæ tempore testamenti erant testatoris . *Vinum meum do , lego Titio* ; nullum legatum est , si testator nullum vinum habuit ; si verò habet , etiam quod coacuit , ad legatum pertinet . In hac secunda specie est textus *in l. scribit , de auro & argento legato , §. item scribit* ; Pomponius enim in eadem sententia est , & seipsum explicat ; alibi enim proposita & retentâ specie , ea verba ait esse pro conditione , scilicet *in dict. §. idem scribit* ; utriusque autem responsi vnicus est sensus , ut id censeatur relictum , quod tempore testamenti facti testatoris fuisse compertum sit . *Quinus Mutius* , inquit Pomponius , *scribit , si maritus cum haberet quinque pondo auri uxori ita legasset , Aurum quodcumque uxoris causâ paratum est , uti heres uxori det ; etiamsi libra auri inde vanisset , & mortis tempore amplius quàm quatuor libra non deprehenderentur , in totis quinque libris heredem esse obligatum , quoniam articulus , Est , presentis temporis demonstrationem in se continet* . Hæc Pomponius . Igitur cum demonstrationem contineat , dicendum est esse purum legatum , non conditionale , sed illam demonstrationem esse pro conditione , *ex dicta l. nuper* , ut detractio non faciat diminutionem , nec additio augmentum ; id enim solum legato continetur , quod tempore testamenti testatoris esse compertum sit . Inde patet sensus ad dictam legem *serui electione , §. cum fundus* ; & conuenit lex *si ita legatum esset , ff. de auro & argento legato* : modò subdit Pomponius tertiam speciem *in d. l. nuper* : *Planè in mortis tempus collatum hunc sermonem , Vestem qua mea erit , sine dubio pro conditione accipiendum puto* . Quæ tertia species continet pronomen *meum* , cum incerta re , adiuncto articulo , aut verbo futuri temporis : & ait Pomponius esse demonstrationem , sed eam esse pro conditione , id est , quantum ad legatum videri id duntaxat legatum , quod tempore mortis testatoris , non verò confecti testamenti testatoris reperitur : unde detractio diminutionem inducit , additio augmentum . Exemplum & vilitatem huius tertiæ speciei vide clarè & expressè apud Papinianum *in l. cum illud aut illud , §. finali , ff. quando dies legati*

*cedat*, vbi verba Pomponij explicantur; certum enim est, posse fieri, vt legatum purum sit, & transmittatur, & tamen conditionalis legati naturam obtineat: namque inquit Papinianus *in dicto §. finali: D. es legat. cui conditio non adscribitur, quamvis extrinsecus expectanda sit, cedit*. Id ipsum dixerat Pomponius (pro conditione) *in dict. l. nuper*, quia licet purum sit, & cedat, tamen id debetur quod tempore futuro, idest tempore mortis, reperitur testatoris; & cum tempore presenti, idest testatoris, reperitur tempore confecti testamenti, *dict. l. cum illud, §. final. dict. l. nuper, dict. l. scribit, §. 1. versic. uxori*, vbi verba illa Quinti Mutij expendenda sunt: ibi, habere legatum in se demonstrationem, & augmentum. Ideoque ipso iure alienatâ librâ auri, ampliùs quàm quatuor libræ non remanent in legato, quia detractione diminutum est, sicuti potuit augmento crescere. Subdit quartam speciem Pomponius *in dict. l. nuper*, ibi: *Sed & Stichum, qui meus erit puto pro conditione accipiendum, neque interesse verum ita, qui meus erit; an ita, si meus erit, virobique conditionem eam esse*. Itaque in priori specie certa res cum verbo presenti demonstrationem faciebat, quæ non vitiabat legatum, & debebatur, etiamsi res certa testatoris non fuisset. In hac quarta specie vitiatur legatum, nisi testatoris res certæ reperiantur; & nihil interest inter has verborum conceptiones, *Stichum qui meus erit*, vel *Stichum si meus erit*; vtraque continet conditionem, non verò demonstrationem, *dict. l. nuper*. In hac quarta specie est textus expressus *in l. Stichum, qui meus erit, ff. de legat. 1. Stichum qui meus erit*, inquit Iulianus, *cum moriar, heres meus dato: magis conditionem inieciisse legato, quàm demonstrare voluisse pauperem familias apparet, eo quod si demonstrandi causâ hac oratio poneretur, ita concepta esset, Stichum qui meus est; non, qui meus erit*. Hæc Iulianus. Ita hæc iura interpretatur Emanuel Costa doctissimus & eloquentissimus, licet breuiter, de patruo & nepote, *fol. mihi §. 4. versiculo unde in proposita specie*, ex Alex. & aliis, quos ipse adducit *in l. commodissime, ff. de lib. & posthum.* & pertinent *ad dict. l. cum fundus*, & ad reliqua iura de augmento & detractione legati; idèò necessariò fuerunt nobis adducenda, & quæ aggrediebatur doctissimus Couarr. *dict. §. secundò, vbi supra*. Ex quibus intelligi faciliè potest, quid quantumve accedat, aut detrahatur legatis auri, argenti, pecuniæ, frumenti, gregis, supellectilis: & explicatur dicta lex *nuper*, dicta lex *serui electione §. cum fundus*, dicta lex *si ita legatum, ff. de auro & argent. legat.* dicta lex *cum illud, §. fin.* dicta lex *Stichum qui meus erit*, dicta lex *scribit, §. 1.* & alia quæcumque ita sint concepta per pronomen & verbum futuri, aut presentis temporis.

- 34 Sumus adhuc in augmento, vel diminutione legati, quæ res hætenus ieiunè tractata est: in quo est quoque de area non obscura discrepantia inter clarissimos Iureconsultos, quos nemo hætenus legitima pace composuit, cum bellum & pugnam planè viderint. Pertinet hic tractatus *ad l. sischorus 79. §. area legata, ff. de legat. 3.* & *ad l. seruum filij, §. si arca, 46. ff. de legat. 1.* Paulus & Celsus videntur mutuo pugnare, Paulus enim *in dict. §. si arca legata*, inquit, *domus imposita sit, debetur legatario, nisi testator mutauerit voluntatem*. Hæc Paulus, qui in legato aræ superposito ædificio censet augmentum factum, vt locus sit dictæ legi *cum fundus*, & his quæ de augmento legati diximus:
- cum



cum Paulo est Papinianus in *l. si area*, 47. ff. de legat. 2. *Si area legata*, inquit, post testamentum factum ædificium impositum sit, virumque debebitur, & solum, & superficies. Quod Papiniani responsum ad augmentum pertinet: facit lex inier stipulans, 83. §. *sacram*, ff. de verborum, quod area eadem est diruto ædificio, & denuò ædificato non eadem semper sit: nil mirum igitur si legatâ areâ ædificium superimpositum debeat, ex ratione augmenti. Facit lex qui usufructum, ff. de usufructu, lex *repeti*, §. *si area*, ff. quibus modis usu fr. amittat. Denique hæc omnia iura id postulant sibi, ut quoniam areæ alia ratio est atque domus, aut insulæ, area quidem debeat, cui si à testatore superponatur ædificium, augmentum legati videatur factum. Contrarium vult Celsus in dict. *l. si chorus*, §. *area legata*, ibi: *Area legata si in edificata medio tempore fuerit, ac rursus area facta sit, quamquam tunc peti non poterat, nunc tamen debetur.* Vbi ædificium superpositum areæ legatæ nihil auget legatum, Bart. Paulus, Iason, & reliqui in *d. l. servum filij*, §. *si area*, dupliciter solvunt, & conciliant, constituendo semper regulam ex *d. §. si area*, & ex dict. *l. si area*, ut legata area debeat item ædificium superpositum, quasi augmentum rei legatæ; aiuntque id obtinere nisi ædificium erectum sit, ut adimeretur legatum, ex verbis dicti §. *si area*, ibi, *nisi testator mutaverit voluntatem*; aiuntque in *d. l. si chorus*, §. *area*, mutata esse voluntatem testatoris, benè tamen fatentur omnes, esse diuinatorium hunc sensum, & planè ad *d. §. area*, nihil magis diuinat. Secundò solvunt, verè quidem, sed diuinando quoque aiunt in *d. §. area*, *l. si chorus*, aream fuisse alienam, ac eo præmissò, & pro vero constituto, inducunt regulam ex *l. qui res*, 98. ff. de solutionibus, ubi §. *aream*, inquit Paulus, *non est similis area, in qua ædificium impositum est; non enim desit area in rerum natura esse, imò & peti potest area, & æstimatione eius solvi debebit; pars enim insula area est, & quidem maxima, cui etiam superficies cedit.* Subditque Paulus in fine: *Denique lex duodecim Tabularum tignum adibus iniunctum vendicari posse sciscit.* Hæc Paulus, qui, ut patet in principio, loquitur de area aliena promissa, cui dominus ædificium superposuit, ibi, *aream promissi alienam, in ea dominus insulam edificavit*: itaque in promissione areæ, aut in legato areæ alienæ ædificium erectum in area non cedit areæ, neque efficit augmentum promissionis, aut legati; & quamdiu durat ædificium, cessat areæ petitio, quia lege duodecim tabularum cessat vendicatio tigni, quamdiu ædificio iniunctum sit, licet ad æstimationem agi possit. Aiunt ergo argumento dictæ legis qui res, §. *aream*, fuisse alienam aream, in dict. *l. si chorus*, §. *area legata*, nec peti potuisse existente ædificio, eo verò collapsò & diruto, potuisse peti aream, quia debetur: retento autem hoc sensu & intellectu, dicendum est potuisse peti æstimationem, ex dict. §. *aream*, sed & hic intellectus diuinat ad dict. *l. si chorus*, §. *area*; neque enim extorquebis ex dict. §. *area*, quomodo area fuerit aliena, ut inducatur dispositio dictæ legis qui res, §. *aream*: quod sensit Iac. in dict. *l. servum filij*, §. *si area*. His duabus solutionibus omnes contenti, nullusque aliam inquit, quem ego viderim; adhuc enim remanent Paulus & Celsus ex diametro pugnantes sine pace; ego tamen existimo Iureconsultos hos diuersas facti species tractasse. Celsus inquit conservationem legati, Paulus augmentum; hic proponit aream legatam, & ædificium su-

perpositum; quærit de augmento, an superpositum ædificium sit legati augmentum: in qua facti specie Celsus idem quod Paulus respondisset, scilicet factum fuisse augmentum, & legatario prodesse. Celsus verò aliam facti speciem proponit, ac subinde aliam ac subtilem & difficilem iuris decisionem inquirit: proponit aream legatam, proponit item ædificium superpositum. Hactenus erat facti species, in qua erat Paulus. Addit Celsus vltcrius dirutum fuisse ædificium, & iterum redactum ad aream: quærit, non de augmento, quod dirutum esse constat, & iam non est; sed de ipso legato areæ, an area peti possit: ait posse quidem peti. Ratio quæ potuit mouere Celsum, vt dubitaret in hac specie, elegantissima erat, & subtilis, ex *l. si grege*, 22. ff. de legat. 1. iuncta decisione legis *si ita legatum*, §. *si domus*, ff. eodem; vbi si insula legata sit, & sit postea combusta, dubitatur an saltem in area, quæ pars est insulæ, & quidem maxima, conseruetur legatum, & ait Pomponius conseruari, vt saltem area debeatur, vtpote pars insulæ legatæ, idque in dict. *l. si grege*: rursus Caius in dict. §. *si domus*, proponit domum legatam, eamque dirutam, & rursus aliam erectam; quærit an hac secunda, quæ de nouo fuit erecta, iterum diruta, legatum omnino intereat, ita vt neque in area conseruetur: & ait interire, quia hæc area, quæ modò restat, non est pars domus, quæ legata fuit, sed eius quæ de nouo erecta est. Itaque Celsus proponit aream legatam: si verò proponeret duntaxat ædificium erectum, & superpositum, de augmento rogatus planè respondisset augeri legatum, sed vltcrius progreditur, & dirutum rursus ait ædificium. Quærit non de augmento quod dirutum est, & iam non extat, sed de area, an debeatur: ait deberi, quia eadem area reperitur, quæ legata fuerat; neque in hoc pugnat cum dicta lege *si ita legatum*, §. *si domus*, quia diuersa facti species & diuersa iuris ratio est. Hic enim non area, sed domus relicta fuit, cuius tunc area veluti pars domus legatæ legato contineri videbatur; eâ autem dirutâ & ædificatâ nouâ domo, iam area incipit esse pars domus nunquam legatæ, quæ postea erecta fuit, & ita non venit tanquam pars rei legatæ; simpliciter autem area legata non erat, ideo non debebatur. In dict. *l. si chorus*, §. *area*, simpliciter legata est area, & simpliciter reperitur; ideo debetur, etiam si ædificium erectum sit, idque dirutum rursus, quia sola area legata est, quæ restat destructo ædificio. Hanc existimo esse conciliationem Pauli & Celsi, nisi difficilis sit his, qui aream partem insulæ putant, domus non item. Certè ambo Iureconsulti in diuersa sunt facti specie, diuersa quærunt, diuersa respondent. Hactenus de augmento legati, & deriuata sunt ex regula augmenti, quia addita sequuntur naturam & rationem earum rerum, quibus adduntur.

- 35 Ex illa quoque regula deducimus, vt meliorationes, & augmentum factum in pignore sit sicuti ipsum pignus obligatum, vt hypothecæ subdatur, *l. si fundus hypotheca*, ff. de pignoribus. Si fundus, inquit Marcianus, hypotheca datus sit, deinde alluvione maior factus, totus obligabitur: *l. si conuenerit*, §. *si nuda*, ff. de pignoratitia actione. Si nuda, inquit Paulus, propicietas pignori data sit, ususfructus, qui postea accreuit, pignori cedit; eadem causa est alluvionis. Facit lex Paulus, §. penultimo, ff. de pignoribus, de qua & de lege cum postulasset, §. 1. ff. de damno infecto, diximus cap. 18. num. 57. est nobis lex 15. tit. 13. part. 5. quam



quam *dict. cap. 18.* explicuimus, ubi Gregorius Lopez. Igitur augmentum inseparabile semper ipsius rei sequitur naturam, quia eadem res est cum ea cui accedit, & eius naturam & qualitates suscipit, & retinet.

De alluione quoque decidendum est ex hac regula, ut alluio ad eum 36  
pleno iure pertineat, ad quem quoque pleno iure pertinet res, cui alluitur: quod si res à diuersis diuerso respectu obtineatur, alluio quoque diuersè diuersis respectibus acquireretur: id poscit ratio, nisi aliud scriptum sit particulariter in iure, cui standum erit, vnde ex nostra regula decidendum existimamus, quod cogitandum reliquit Gregorius Lopez *in l. 30. titul. 28. partit. 3.* verbo *propriedad*, ut alluio facta in agro mariti vel vxoris, siue ea latens sit, siue patens, ad eum pertineat, cuius est prædium, cui alluitur, scilicet ex nostra regula; quia cum aliud iure expressum non sit, id obtinendum est, ut omne augmentum inseparabile ac separabile, quod contemplatione alicuius rei contingat ex eius titulo & causa, ad eum pertineat, ad quem ipsa res pertinet, quam fundauimus suprà *ex dict. l. si proprietati*, & probat idem Gregorius Lopez ex Oldrado, Bartol. & aliis, cui decisioni nihil repugnat, quod ipsemet Gregorius Lopez adducit in priori parte glossæ; namque id satis superque à nobis suprà isto capite reprobatum est. Itaque *ex dict. l. si proprietati*, & ex his quæ diximus, in viro & vxore constituendum est, augmentum alluionis sequi naturam, qualitatem, & rationem, & ius eius rei cui alluio & augmentum accedit, ut eodem iure censeatur; neque hoc dignum erat quod cuiusque cogitationi relinqueretur, cum potuisset facile expediri, præsertim *ex dict. l. si proprietati*, ff. *de iure dotium*, ibi, *quemadmodum si alluione accessisset*: quæ lex, cum loquatur indistinctè de alluione, de vtraque est intelligenda; cumque asserat esse hoc dotis incrementum, nulla restat difficultas, quin ad eum pertineat, ad quem res pertinet, cui accedit. In rebus igitur mariti expeditum sit hoc, quod tractamus de incremento alluionis in viri & vxoris rebus. 37

Præterea ex nostra regula idem censendum est in maioratus possessore, 38  
Prælato, Rectore, & aliis id genus possessoribus, ut si alluio contingat in rebus maioræ, aut dignitatis, aut Ecclesiæ, siue alluio appareat & pateat, siue lateat, ad eos pleno iure pertineat, & ad successores cum qualitate maioræ, & Ecclesiæ; nihil enim in his contrarium decisum reperitur, vnde non est citra ius à regula decedendum; hi enim omnes nullum ius cum aliis habent admixtum, sed res ipsas domini possident cum qualitate illa. Cum ergo augmentum contingat respectu rei, sequitur rem, ac subinde rei possessores. Ita concludit in maioratus possessore Ludouicus Molina *cap. 16. lib. 1. num. 17.* idem obseruandum est in aliis, quia eadem iuris ratio est; cum enim augmentum contingat ratione rei, ad possessores pertinet, neque in his & aliis meliorationibus, etiam si industria, & operâ contingerent, esset locus expensarum reputationi in maioria, propter legem 46. in aliis propter ea quæ diximus *suprà cap. 11. num. 71.*

Istud verò de augmento ex alluione intelligendum est iuxta dispositionem legis *addo*, §. *præterea*, ff. *de acqui-endo rerum dominio*, & legis 26. *ut. 28. part. 3.* ubi si paulatim incrementum contingat, eo modo ut sentiri nequeat, sit eius

prædij, cui accessit, secus, si terræ disiecta magna gleba ex meo fundo, tuo adhæsit; antiqui enim damni est, neque tibi quæritur. Vide ibi, & Gregorium Lopez.

39 In fructuario expeditum est iure Cæsarum, *ex li. item, §. fundi, §. huic vicinus, vers. sed si insula, ff. de usufructu*, vt latens incrementum molliter adauctum habeat, & eo fruatur; patenti non item. Ideoque si insula in medio flumine appareat, non habet partem quæ obiiicitur fundo fructuario, sed dominus. Verba Celsi hæc sunt: *Huic vicinus tractatus est, qui solet in eo quod accessit tractari, & placuit alluionis quoque usufructum ad fructuarium pertinere: sed si insula iuxta fundum in flumine nata sit, eius usufructum ad fructuarium non pertinere Pegasus scribit, licet proprietati accedat; esse enim veluti proprium fundum, cuius usufructus ad te non pertineat: quæ sententia non est sine ratione; nam ubi latitat incrementum, & usufructus augetur; ubi autem apparet separatim, fructuario non accedit.* Hactenus Celsus, contra quem & Pegasus Paulus contrarium tenebat *receptarum sententiarum lib. 3.* vide tamen Cuiacium *libro 1. feudorum, si de inuestitura feudi controuersia fuerit, §. si quis de manso*. Contra Paulum ergo præualere debet Pegasi & Celsi sententia, vt alluionis augmentum patens ad dominum pleno iure pertineat, latenti fruatur fructuarius, quamdiu re fruenda sibi frui licuerit: hoc est in fructuario constitutum.

40 In vassallo autem consuetudine feudorum inductum putant plerique, vt distinguendum item sit inter vtramque alluionem, ita vt obseruetur distinctio, quæ obseruata est & tradita in fructuario. Aluarotus *in cap. 1. §. si quis de manso, si de inuestitura feudi, lib. 1. tit. 4.* Ruinus *consil. 7. num. 12. lib. 1.* Alij contrà censuerunt, nempe vtrumque incrementum ad vassallum pertinere, cum qualitate tamen feudali: Paris. de Puteo *de finibus feudorum, fol. 171. num. 7.* Bald. *in dict. §. si quis de manso, n. 1.* Molineus *in consuetud. Parisiensibus, tit. 1. part. 1. §. 1. glos. 5. num. 99.* Iulius Clarus *§. feudum, quest. 88.* Aliter existimabat Iacobus Cuiacius *in dict. §. si quis de manso*, an dominus retinuerit partem curtis, vel non: vt priori parte pro portione obtineat quoque incrementum, secundo verò casu nihil, sed totum augmentum pertineat ad vassallum: cuius sententia est eadem cum secunda, quæ præsupponit totam curtem datam vassallo; si enim feudum simpliciter concessum contineat totam curtem, vtrumque incrementum pertinet ad vassallum, ex secunda sententia, & receptiori, ibi: *Sed si dominus in ipsa curte nihil sibi retinuit, tunc omne incrementum pertinet ad vassallum, id est iure feudi fidelis obtinet.* Facit *§. final. eodem tit.* vt omne incrementum ad vassallum pertineat iure feudi, aut cum qualitate feudi; nostra tamen lex 30. *tit. 28. part. 3.* vassallum fructuario similem facit, & in vassallo priorem opinionem comprobat; in vtroque enim existimat, & decedit admittendam esse distinctionem latentis & patenti incrementi ob alluionem; quæ opinio iure feudorum sustineri non potest, *ex dict. §. si quis de manso*, nostro iure admittenda est, *ex dict. l. 30. tit. 28. part. 3.*

41 In emphyteuta cumulauit opiniones Aluarus Vazquez Lusitanus *quest. 16. num. 2. & 3.* eamque existimat veriore & receptiore, vt omne augmentum, tam latens, quàm patens, pertineat ad emphyteutam, quia maius ius habeat quàm fructuarius, scilicet vtilem vendicationem, & dominium non peritum



rum morte : tum etiam quia cum damnum sentiat vtriusque alluionis , necessum est vt secundum naturam commoda quoque & vtilitates eiusdem sentire debeat , & ita tenet cum Bart. Salycet. Bald. Angel. Iason. & aliis , contra eos qui existimabant esse distinguendum inter vtramque alluionem , quos quoque refert Gregorius Lopez *in dict. l. 30. tit. 28. part. 3.* qui in hac opinione est , propter auctoritatem legis nostræ , quæ usufructuarium & vassallum similes facit , quasi sublatâ & ademptâ occasione disputandi ; siue enim vassallo , siue fructuario emphyteutam similem facias , vtrumque ius est , obseruato nostro iure : in Hispania ergo emphyteuta augmentum latentis alluionis iure emphyteutico habebit ; quod verò alluitur apparenter , emphyteusis domino cedit.

Ista autem acquisitio , quæ fit per alluionem latentem , id est istud , quod 42  
meo prædio alluitur , sensim & paulatim lambendo ex tuo , acquiritur prædio meo iure gentium , *l. adeo , §. 1. ff. de acq. rerum domin. §. præterea , Institut. lib. 2. tit. de rerum diuisione , l. 26. tit. 28. part. 3.* accedit enim inseparabiliter rei meæ , cui indiscreta quadam ratione vnitur , neque ad alium quemquam pertinet , nec contrarium asseruit Agennus Urbicus in commentariis ad Iulium Frontinum *de controuersia limitum , & diuisione agrorum , cap. de controuersia , versiculo de alluione* ; quem malè subnotat Æguinarius Varo *in dict. §. Præterea* , adductus ad hoc ab Aluaro Vazquez *ubi supra , num. 3.* ait enim Urbicus , hanc alluionem contingere propter tuam negligentiam , qui prædium non munieris aduersum fluminis alueum rapidum. De acquisitione verò neque verbum. Verba eius hæc sunt : *De alluione obseruatio est , si in occupatoriis agitur agris ; quicquid vis aqua abstulerit , repetitionem nemo habet , quæ res necessitatem ripæ munienda iniungit.* Et rursum ait : *At Cassius Longinus vir prudentissimus , iuris author , hoc statuit , vt quicquid aqua lambendo abstulerit , id possessor amittat , quoniam scilicet ripam suam sine alterius damno tueri debet.* Hæc Urbicus ; neque enim in hac re eadem est causa amittendi , & acquirendi. Amittit ille qui prædium non muniuit suum aduersus fluium , *l. 1. Cod. de alluionibus & paludibus , l. 1. ff. de ripa munienda* , quæ sentiunt idem quod Urbicus : acquirit autem ille cui accedit , *dict. l. 1.* quia in re sua cum re sua nihil aliud quàm rem suam reperit.

Ex Agenno autem Urbico & Iulio Frontino , de controuersiis & qualita- 43  
te agrorum colligit Franciscus Connanus , vir mihi doctissimus inter Gallos , interpretationem ad difficilem decisionem legis *in agris , ff. de acquir. rerum dominio , comment. iuris ciuilibus lib. 3. cap. 5. num. 4. & 5.* quam interpretationem & probo , & magis explico. Aiunt scriptores omnes , ait Iureconsultus ipse *in d. l. in agris* , non esse locum augmento in agris limitatis , ac subinde deducunt vulgare illud dictum , limitatam causam , limitatum producere effectum ; cumque illud constituent , & verum illud sit , de quo superius , isto capite ; illud tamen difficillimum est intelligere exempla duo à Iureconsulto addita *in d. l. in agris* , ex quibus innotescat , quæ sit causa limitata , quique sit ager limitatus. Aluarius Vazq. explicat *q. 16. n. 10.* sua tamen sibi displicet interpretatio : explicat Accursius *in d. l. in agris* , sed ex ipso obscurior est dicta lex *in agris*. Explicat Alciatus *prætermissorum lib. 2.* & Æguinarius Varo *dict. §. præterea* , sed ægrè sustinentur

44 stinentur illæ interpretationes. Ex Urbico melius & vtilius interpretatur; diuidit enim agrorum genus omne in arcifinium, vel arcifinium, vel occupatorium, ab arcendis hostibus, vel ab occupatione, quodd ab hostibus fuerit occupatus, & sit in confinio hostium: hæc agrorum genera terminat & limitat secundum antiquam obseruationem, vt inquit Urbicus, fluminibus, fossis, montibus, viis, arboribus vetustis, antemissis, aquarum diuergiis, quæ verè sunt termini & limites, quos nos vocamus naturales, reuerà enim limitatus & terminatus est ager qui huiusmodi terminis cingitur & continetur, & in disputationibus terminorum hos verè terminos, & naturales quidem censemus, *l. sed & si loci, §. fin. cum l. seq. ff. finium regundorum*. Paulus de Castro *in l. ex hoc iure, ff. de iustitia & iure*, Ioan. Andreas *in cap. causam, de probationibus*, Auiles *in capitulis correctorum, cap. 6.* Auendañus *ibidem, par. 1. cap. 4. num. 19.* Zazius *consil. 16. lib. 2.* Liuius Antiocho ait limitatum à Romanis Regnum vsque ad montem Taurum: melius hæc limites & terminos probant, quàm maceries, casellæ, aut valla ex cespite congesta. Ager ergo his finibus & terminis cinctus habet ius alluuionis. De hoc genere agri limitati his limitibus & terminis intelligendus est sensisse Florentinus Iureconsultus, antiquitatis scientissimus, in priori parte sui responsi, & in priori exemplo, *dict. l. in agris*: cum enim dixisset, in agris limitatis non esse locum iuri alluuionis, subdit statim, agrum eum, qui hostibus deuictis militibus fuisset concessus; quibus verbis de agro arcifinio proculdubio intelligit, vel occupatorio, capto scilicet ab hostibus & concessio militibus, cuius natura ea ex Urbico fuit, vt secundum antiquam obseruationem finiretur montibus, fontibus, & cæteris terminis naturalibus: & subdit habere alluuiorem, neque esse eo modo limitatum, vt alluuiorem à se reiiciat, quamuis suos terminos secundum antiquam obseruationem habeat; ita enim dabatur hoc genus agrorum, qui arcifinij, aut occupatorii dicebantur, vti ab hostibus possidebantur, quousque ager ille Romæ veniret, id est venundaretur, vnde militi portio debita assignaretur, & reipublicæ superfluum & residuum daretur: itaque quod

45 Urbicus ait, nunquam inuentam fuisse mensuram in hoc genere agri arcifini, vel arcifinij, aut occupatorii, planè & clarè ait Urbicus hunc agrum his limitibus contentum non esse limitatum, scilicet ad mensuram & lineam, idè esse locum alluuiori: modò Frontinus & Urbicus alterum constituunt genus agri, scilicet subsecium, quem à subsecante linea dictum putant; & est ager ille, qui non limitabatur secundum veterem & antiquam obseruationem, scilicet montibus, fontibus, rupibus, fossis, aquarum diuergiis, sed ad lineam, & mensuram, & ita assignabatur militi: hic verè limitatus est, nempe ad lineam & mensuram, in quo non est locus alluuiori. De hoc agro limitato sensit Florentinus *in dict. l. in agris*; ager enim qui ad regulam & mensuram, & lineam assignatus est militi, & ab eo manu capitur, hic iam venundatus est Romæ, iamque separatus est à portione quæ reliqua est reipublicæ: itaque in arcifinio & occupatorio expectabatur vt veniret Romæ, interim dabatur ad antiquam formam, & veterem cultus consuetudinem, quousque venderetur, & venditione compertum esset, quanta aut quota pars relinquenda esset militi ob bellicam virtutem & præmium commeritum; & hac portione assignata



assignata militi, fiebat vt reliquum pertineret ad rempublicam: alter ager, scilicet subsecuius, militi dabatur ad regulam, limitatus ad lineam, militique ita manu capiebatur iam venditus Romæ, & æstimatus pro militari virtute; limitari enim propriè est finibus coërceri, & separari, & ita accipiendum est verbum illud apud Plinium *lib.17.cap.22.* vbi vineas ait limitari decumano, id est, terminari. Ex eodem Urbico intelliges facilè, quâ figurâ, dispositione decumano terminentur, id est, angulis ita oppositis, vt crucem transversam efficiant, aut decussis figuram X. Alibi disponendas arbores esse ait in quincuncem, id est, in formam figuræ quincuncis, quæ forma patet ex verbo: figura quincuncis hæc est V. Locus Plinij est *lib.18.cap.34.* vide Columellam *lib.4.cap.20.* De palmitibus inquit alligandis, iuxta decumanum atque semitas, palmites intrinsecus flectendi sunt, ne prætereuntium incensu lædantur. Pertinent autem ad interpretationem dictæ legis *in agris*, cuius verba difficilia iam possunt innotescere ex Urbico, obseruatâ antiquâ & veteri formâ, & distinctione agrorum: venditio autem agrorum Romæ fiebat. Cicero *de lege agraria, actione 1. contra Rullum.*

In tributariis quoque agris, de quibus quoque Frontinus & Urbicus mentionem faciunt, ratio agrorum arcifinorum, vel occupatoriorum obseruanda est: ager enim tributarius per vniuersitatem, inquit Frontinus, populis est definitus, non inquit per regulam, aut lineam; & ita tributarius quoque ager, qui reipublicæ quotannis pensionem solueret, limitabatur & finiebatur secundum veterem obseruationem, vtpote ager arcifinus, & tanquam artificinus, vel occupatorius, neque ad lineam, neque ad mensuram repertus est vnquam limitatus, idèd erat semper locus iuri alluuionis, quia non erat propriè limitatus, scilicet ad lineam & mensuram, licèt contineretur, & coërceretur suis naturalibus limitibus & terminis, montibus scilicet, iugis, fontibus, fluuiis: reuerà ager arcifinus, vel occupatorius, eius naturam retinens, & sub genere arcifinorum collocat Urbicus: est ergo sicuti in arcifiniis locus alluuioni, ex quo patet lex finalis, *Cod. de alluuiionibus, & paludib.* tributarius enim gaudet hoc naturæ beneficio, *l.2.Cod.eod.* & licèt plerisque visa sit loqui in alluuiione, verissimum est loqui in inundatione, cuius longè alia ratio est quàm alluuionis. Benè fatemur vtramque legem agere de agro tributario; alteram in eo, qui augetur ex alluuiione; alteram in eo qui augetur ex inundatione; idèd in casu legis finalis non augetur pensio; in casu legis 2. augetur propter inundationem, cuius dispar ratio est atque alluuionis, *l.aded, §. præterea, §. Insula, versic. aliud sanè, ff.de acquirendo rerum dominio*: vide Gregor. Lopez *in l.26.tit.28. part.3.* Connanum *lib.1.cap.5.* Aluarum Vazquez *dict. quest.16. num 7.* vbi in principio mendosè, ni fallor, *l.2. pro l.fin. Cod. de alluuiionibus*, allegatur. Diuersitas autem alluuionis, & inundationis patet *ex dict. l.2.* alluuiò enim ex negligentia tua mihi molliter & paulatim iure gentium acquiritur, non temporis momento, sed expectatis diebus, ita vt cum meo agro idem efficiatur ager, & nequeat ab ipso secerni & separari; & tibi restat ager tuus vnde tributum soluas, si tributarius sit; inundatio autem relictis illis agris, alios inundat, rapit vbertatem, & aliò transfert, steriles facit hos agros, ita vt ex his pensio si tributarij sint, nequeat solui: ne autem

respublica sine redditibus pauper remaneat, destitutos suis opibus liberat pensione, cuiusque exigit ab his quibus vbertas accessit inundationis, ne Respub. careat suis redditibus; quod in alluione contingere nunquam potest, cum semper remaneat ager vade pensio solvatur; hæc est ratio dictæ legis 2. licet Accursius varie laboret, ut ipsam cum *l. fin.* conciliet; quæ autem vbertas hæc sit, aut fecunditas, quæ in Nilo reperitur, explicat Strabo *Geographia lib. 15. folio mihi 477. Qui etiam Nilum fecundissimum esse dicunt* ( inquit ) *& nutritivum, propter moderatam solis decoctionem, relinquentis nutrimentum & superfluum evaporationis; ex ea causa verisimile est* ( inquit ) *id contingere, quod Nili aqua dimidio minori igne decoquitur, quam cætera aqua.* Hæc Strabo. Hæc ergo est vbertas, hæc fertilitas adaucta, cum Nilus aliis relictis agris, alios cooperit & inundat, his relinquens nutrimentum, illis adimens; quod in alluione fieri non potest, ideo Homerus cælestem amnem vocavit Nilum; cum verò aliis vbertatem præstet, adimat aliis, utrumque provinciam præstare ait Plinius *lib. 5. naturalis Historia, capite nono. Minores*, inquit, *aqua non omnia rigant, ampliores detinent tardius recedendo: hæc ferendi tempore absumunt solo madere, illæ non dant sitiente, virumque reputat Provincia.* Hæc Plinius & hæc est reputatio, de qua in *dict. l. 2.* propter ademptam fertilitatem, & amissam, ut ij qui lugent patrimonium ademptum, pensione liberentur, quam pendant fertiliores agri, facta reputatione, ex Plinio.

47

De mineris seu mineralibus, salinis, arenis, metallis, auri, argenti, cretæve fodinis, de quibus *l. sed & ij. ff. de publicanis & vectigalibus, l. 3. §. fin. & l. sequenti, ff. de rebus eorum*, illa traditio est, ut si rebus superueniant, rebus acquirantur, & earum rationem sequantur, quantum ad proprietatem: quod verò attinet ad perceptionem commoditatis, an ad emphyteutam, vassallum, maritum, possessoremve maioratus pertineat, difficilis assertio est; illa tamen verior, ut si mineræ, aut mineralia (semper intelligimus de ea parte, quæ fundi domino competit, non de ea, quæ ad Principem pertinet) argenti, cretæ, arenæ, aurive fodinæ antiquæ sunt, ex quibus aurum, argentum, creta, lapideve excisi, vel effossi sint tempore maiorum, quando prædium in dotem, feudum, vel emphyteusim datum est, poterit vassallus, emphyteuta, fructuarius, Prælati, & possessor maioratus uti mineris & fodinis istis ad eum usum & commoditatem, quam à principio agnouere, quæque maioribus fuerit, qui tradiderint, *l. si fundus, ff. solut. matrim.* quæ licet loquatur in marito, ex eadem ratione recipiendum est in aliis.

Alter casus est, ut etiamsi lapidicinæ, salinæ, mineræ, metallæ, cretæ, arenæ, auri, argenteve fodinæ non sint antiquæ, sed de nouo repertæ, si id quod percipitur, renascatur, planè ad fructuarium pertinet, vassallum, emphyteutam, maritum, Prælatum, possessorem maioratus, & fructuum conductorem, quia is fructus est, qui renasci solet, *l. fin. ff. de fundo dotali*; ubi si renascatur lapis, expensa debetur marito, quia meliorem efficit prædium inuentæ lapidicinæ, quæ renascitur, quasi perpetua utilitate, aut saltem diutius duraturæ: ita enim Papyrius Fabianus naturæ rerum peritissimus ait inter plurima alia miracula Italiæ ipsa marmora in lapidicinis crescere, complerique sponte sua montium vlcera illa, id est, montium cavernas; & speluncas,

vnde



vnde marmora effodiuntur, renascentibus humanæ vitæ deliciis, refert Plinius *lib. naturalis Historia* 36. *cap. 15. ad finem*. Qui igitur inuenerit lapidicinas, aut instituerit huiusmodi fodinas, eo ipso quod renascantur, meliorem facit fundum, quasi instituta re fructuosa, ac impensas in eam rem factas meliore facto fundo recuperat, *l. æquissimum*, ff. *de usufructu*, *iuncta dict. l. finali*, adeest egregia lex 27. *tit. 2. part. 4.* quæ iuris decisio habet locum in vassallo, emphyteuta, fructuario, marito, Prælato, Sacerdote, maioratus possessore, & locatore fructuum, de quo nonnulla capite sequenti agemus, quæ opportunè ad hanc conclusionem pertinebunt; quæ autem hic à nobis dicta sunt, ibi non repetuntur ampliùs.

Tertius casus, si talis sit lapidicina, fodina aut minera, vt ex ea effossum metallum, aurum, argentumve, & quicquid aliud sit, non renascatur; tunc quidem in emphyteuta, vassallo, marito, Prælato, Episcopo, Rectore, & possessore maioratus, & in aliis id genus possessoribus, qui dominium obtinent, ad quos non solum fructus, verum prouentiones & emolumenta, commodaque pertinent, dicendum est, marmora illa effossa, & reliqua metalla, etiam non renascentia, ad eos pertinere, qui tamen expensas de suo facient; & si fundum fecerint peiorem, de damno tenentur: quod abundè nobis dictum est suprà in marito, fructuario & aliis, cum damnum faciunt: isthuc satis comprobatur ex eo, quia cum sint domini, omnia habent; non solum fructus quicumque ex re percipiuntur, siue fructus renascentes sint, siue commoda, & emolumenta; idè hoc generaliter à nobis propositum est. Quoniam verò in fructuario, & marito difficile isthuc videri poterat, de istis quoque subiungemus rationes & iura.

In fructuario igitur, ni fallimur, recipiendam esse tertiam conclusionem existimamus, vt non solum renascentes fodinas iure fructus obtrineat, quod sine dubitatione est; sed & metalla, & arenas, aurum & argentum, & reliqua commoda, licet non renascantur; quod mihi decisum iure est *in litem si fundi*, 10. ff. *de usufructu*, *l. usufructu legato*, 7. ff. *eadem*, *l. usufructu relicto*, 59. ff. *ead.* vbi non solum fructus renascentes ad fructuarium pertinent, verum commoditates, & quicquid ex fundo fructuario percipi potest; ita tamen vt boni viri arbitrato fruatur, id est, vt meliorem faciat fundum; Iulianus enim *in l. æquissimum*, ff. *ead.* censet illum fructuarium verè & ciuilitè frui, & vti arbitrato boni viri, qui meliorem fecerit fundum, vtcumque fruatur, vnde *ex dict. litem si fundi*, & *l. usufructu relicto*, & *l. usufructu legato*, *iuncta dict. l. æquissimum*, fructuarius facit suos lapides, arenam, cretam, aurum & argentum, etiam si non renascantur, si vtatur boni viri arbitrato; quod interpretamur *ex dict. l. æquissimum*, id est, si fundus melior fiat, quantumvis lapides excauer, quantumvis formam fundi mutet, si fundo profit mutatio illa. Quod si deteriore fecerit, tunc de damno tenetur, & excauata, educta, & effossa restituit, ex dictis legibus. Ita sentit Paulus de Castro breuiter *l. diuorio*, §. *si vir*, ff. *solut. matrim. num. 3.* Omnia enim hæc sua facit fructuarius meliore fundo effecto.

In marito constituendum est, vt effossa, & educta ex fodinis, cretam, 48  
arenam, lapides, aurum, argentum nil refert, etiam si non renascantur, sua

faciat, meliore prædio facto. Probat apertè lex *diuortio*, §. *Si vir*, in prior parte; nec in hoc casu expensa debebitur, quia cùm non renascatur, non debetur momentaneæ meliorationis expensa, quod & *in l. si. ff. de fundo dotali*, constitutum fuerat. *Si vir* (inquit Papinianus) *in fundo mulieris dotali lapidicinas marmoreas inuenerit, & fundum fructuosorem fecerit, marmor quod casum est, neque exportatum, mariti est*. Hactenus Papinianus: poterat intelligi de fodinis & lapidicinis renascentibus, & verba illa, & *fundum fructuosorem fecerit*, poterant intelligi, scilicet inuentis lapidicinis renascentibus; sed quæ sequuntur verba non patiuntur hunc sensum, scilicet de renascentibus lapidicinis, subdit enim Papinianus, & *impensa non est ea præstanda*; mox addit rationem quare non sit præstanda expensa, quia scilicet marmor non est in fructu, nisi tale sit vt renascatur: ait ergo apertè, non esse marito soluendam expensam, quia effodit lapides non renascentes; & ita ait apertè, marmora illa non esse fructus, neque contineri nomine fructus, vt iure fructus quaerantur marito, sicuti neque quaererentur fructuario nomine fructus; bene tamen nomine prouentionis & perceptionis, meliore facto fundo, aut prædio: marmora ergo illa, licèt nec fructus sunt, nec nomine fructus contineantur, quæstio sunt marito, quia cùm fructuosorem fecerit prædium, emolumenta illa sua facit, quod diximus de fructuario; vnde quod ait Pomponius *in l. si ex lapidicinis, ff. de iure dotium*, intelligendum est iuxta hæc ipsa Iureconsultorum responsa, de quibus hactenus; neque referendum est ad lapides ibi renascentes, neque fundum factum fructuosorem, quod patet ex litera, ibi enim nulla horum mentio est. Si enim renascerentur lapides, proculdubio ad maritum pertinerent iure fructus dotalis, ac si meliorem fecisset fundum; cùm autem doti accrescant, ibi planè confitendum est, habere illum sensum, & ita esse intelligenda verba dictæ legis *si ex lapidicinis*, vt neque fructuosa fuerit lapidicina, neque à marito effossa in vtilitatem prædij, nisi dicas lapides ibi effossos, sed adhuc apud lapidicinam datos in dotem, sicuti arbores & superficies: quo casu prædium, lapis, & arbores dos sunt, & pretium item ex his redactum: ita ferè intelligit Paulus de Castro *in dict. l. diuortio*, §. *si vir*: recepta autem sententia aliter intelligebat, quam refutat Duarenus ibi, & post eum Ludouicus Molina *de Hispan. primog. lib. 1. cap. 23. n. 8.* quem vide, diuidunt enim dictum §. *si vir*, in duas partes; priorem vsque ad versiculum, *quia nec in fructu est marmor*; posterior incipit, *sed si creta fodina*. In priori parte intellige lapidicinam non fructuosam, fundum tamen factum fructuosorem, idèd lapides cæsos, neque exportatos, mariti esse, non tanquam fructus, sed iure obuentionis & emolumenti, sicuti tribulos euulsos, & spinas eductas ex agro suas facit & comburit, vt meliorem faciat agrum. Patet hic sensus ex eo quod sequitur; ait enim non deberi marito impensam, quia scilicet non fecit fundum fructuosorem perpetuo & duraturo fructu, sed momentaneo; neque enim lapis est in fructu, nisi renascatur. In posteriori parte agit de mineris & lapidicinis, & fodinis perpetuis, in quibus longè aliud dicendum sit, lapides prodesse viro iure fructus, & expensam deberi meliorationis duraturæ: facit dicta lex finalis, & dicta lex *si ex lapidicinis*, dicta lex *aquissimum*, dicta lex *usufructu legato*, & dicta lex *usufructu relicto*; quæ



quæ omnia patent ex hoc sensu apertè & dilucidè , aliàs obscura & difficillima sunt. Bartolus tamen , Alexander , & Iason aliter diuidunt dictum §. *si vir* , ibi , sed perperam si rectè & cum iudicio expendas. Gregorius Lopez sequitur communem sensum cum Bartolo & Alexand. idque in l. 27. tit. 2. part. 4. cuius legis sunt tres partes , prior de arboribus , secunda de lapidicinis & lapidibus non renascentibus , tertia de lapidibus renascentibus. Prima & tertia patent , secunda verò pars intelligenda est vt iacet , & quadrat cum dicta lege *si ex lapidicinis* ; interpretatio tamen est *ex dict. l. aquissimum* , & *ex dict. l. usufructu* , & *ex dict. §. si vir* , vt si fundus factus sit melior , quia euolsum sit marmor , & effossi lapides , qui cultum impediabant , maritus instar fructuarij , in quo strictior ratio est extensionis à fructu ad comoda , & emolumenta , hos quoque lapides suos faciat ; neque enim hic casus , quando effectus est melior fundus , decisis est per dictam legem 27. vnde decisio in hac specie expectanda est ex his iuribus. Ita interpretatur , & ingeniosè , & verè Ludouicus Molina vbi supra , *dict. l. 27.* Gregorius , vt assolet , traditâ receptâ sententiâ , literam omisit : aliam quæstionem addit Gregorius Lopez in *gloss. verbo* , *Despuës* , de qua sequenti capite acturi sumus cum Domino Francisco Sarmiento , qui nouè quæstionem monet in redditibus annuis : Zazius optimè explicat dictum §. *si vir* , iuxta nostrum sensum , *singul. intellect. lib. 2. cap. 3.*

De thesauro autem breuiter dicendum est , si in fundo dotali reperiatur , per- 49  
tinere dimidium marito , dimidium vxori , cuius prædium est , solutoque matrimonio esse restituendum , quia thesaurus separata res est à prædio , & per se consistere potest , vnde non est locus regulæ , de qua suprâ egimus , neque thesaurus propriè ad augmentum pertinet ; idèò breuiter expediam in marito & vxore , vt in l. *diuortio* , §. *si fundum* , ff. *solut. matrimon.* In maioratu contrarium resoluit Molina , & benè , quia non est respectu maioratum adhærendum regulæ dicti §. *si fundum* , quia possessor maioratus verè dominus est , 50  
vt diximus suprâ , & latè resoluit idem Molina lib. 1. cap. 19. Cum igitur sit dominus , & thesaurus sit res distincta à bonis maioratus , omnique ratione separata , planum est pertinere ad possessorem pleno iure : vide Molinam *dict. loc. capit. 23. num. 1. versiculo. Sed quæmuis.*

In fructuario omnes planè aiunt thesaurum repperum in prædio fructuario 51  
non pertinere ad fructuarium , *ex dict. l. diuortio* , §. *si fundum* ; quia non est thesaurus in fructu ; ita resoluunt plures , inter quos Carolus Molineus in *consuetudinibus Parisiensibus* , part. 1. tit. 1. gloss. 1. num. 43. Aluarus Vazquez *quæst. 15. iuris emphyt.* Molina vbi suprâ : quod quidem verissimum est , si fructuarius iure vltusfructus velit sibi thesaurum ; nam si iure repertoris fortuiti , sicuti alius extraneus , fortè aut fortuna , dum agrum fructuarium colit , thesaurum reperiatur , non video cur dimidia sibi sit deneganda thesauri reperti , quæ extraneo repertori negari non posset , *ex §. thesauros* , *Institut. de rerum diuisione* , & l. *vna* , *Cod. de thesauris* , lib. 11. l. 45. tit. 28. part. 3. planè fructuarius iura extranei repertoris non amisit ; vnde si consultò perquireret thesaurum in agro fructuario , & reperiret , quia ager fructuarij non est , planè nihil haberet , *ex dict. l. vna* , *dict. §. thesauros* , *dict. l. 45.* est enim iure constitutum , vt qui in alieno agro thesaurum consultò inquit , inuenti thesauri nullam

partem habeat, ex d'is legibus. Tradunt Couarr. in *regul. peccatum*, part. 3. §. ultimo, Antonius Gomez in l. 45. Tauri, num. 51. Auendanius de *exequendis mandat. Reg. Hispan. prima part. cap. 4. num. 33.* Nauarrus in *Manuali*, cap. 17. num. 172. idèd fortuiti thesauri usufructuarius iure repertoris dimidium habebit; consultò quæsti non item, neque enim donum Dei denegandum fructuario est: ita vocat & appellat thesaurum dicta l. x una, neque contrarium vult Carolus Molineus; agit enim de thesauro reperto fortè aut fortuna in agro fructuario ab aliquo extraneo: deinde quærit cum dimidia pars reperti thesauri ad repertorem fortuitum pertineat, altera pars an ad fructuarium, an verò ad dominum pertinere debeat; & ait addicendam domino, non verò fructuario, quia *ex dict. §. si fundus*, thesaurus non sit fructus, & meritò; at verò de fructuario repertore fortuito nec verbum.

In Episcopo, Prælato, & Rectore idem quod in fructuario constituendum est; neque enim sunt domini, sed dominium rerum Ecclesiasticarum secundum verissimam opinionem est penes ipsas Ecclesias particulares iuris intellectu; vna enim Ecclesia præscribit contra aliam, donat, vendit, locat, dat in emphyteusim, & feudum, *cap. illud, de præscriptionibus.* Ioannes Faber in §. nullius, *Institutis de rerum diuisione*, licèt de hoc sint aliæ opiniones, aliis facientibus dominum Summum Pontificem, aliis Christum optimum maximum, aliis Ecclesiam Catholicam, aliis pauperes Christi: sed tamen verissimum est quoad iuris effectus particulares Ecclesias suas res habere iure dominij, Episcopi autem, Prælati, & Rectores usufructuariis verè similes sunt, & fructus suos faciunt; quod quidem fatendum est, non tamen simpliciter, sed cum qualitatibus à iure expressis, vt vtantur quo iure canones vtendum constituunt, vt in morte duntaxat in pios vsus disponant, *capit. ad hac, de testamentis*, ibi, *de distributionibus quotidianis liberè viuens & moriens disponat: cap. vno, de cler. non residente, lib. 6.* item de illis redditibus qui sibi sunt necessarij ad vitam, si aliunde viuat ex stipendio publico propter officium, *cap. ecclesias 13. quæst. 1. cap. fin. 12. quæst. 2. capit. videntes, eadem causa & questione*; & si qui sunt alij casus in iure, quibus possint disponere, aliàs non: hoc modo facimus dominum Sacerdotem & Episcopum fructuum: scio esse rem disputatam à præclarissimis ingeniis, Pelagio de *planctu Ecclesia lib. 2. cap. 28.* Domino de Soto de *iustitia & iure lib. 10. quæst. 4. art. 3.* Domin. Francisc. Sarmiento de *redditibus ecclesiasticis lib. 3. cap. 1.* omissis autem longis disputationibus ita resoluit doctissimus Couarruias in *capit. cum in officiis, de testamentis, num. 1. 2. & 3.* Cum igitur isti Prælati, Episcopi, & Sacerdotes domini verè non sint, sed fructuarij, thesaurum habebunt repertum in bonis Ecclesiæ sicuti usufructuarij iure fortuiti repertoris, non aliàs. Denique in omnibus & per omnia similes sunt fructuariis quoad iuris effectus, maximè quantum pertinet ad acquisitionem thesauri.

52 In vassallo & emphyteuta recepta sententia est, totum thesaurum pertinere ad vassallum & emphyteutam, quam probat Aluarus Vazquez *dict. quæst. 15.* & ex eisdem Ludouicus Molina *dict. lib. 1. cap. 13. num. 7.* verior tamen sententia est contra Accursium in *dicto §. thesauros*, Plateam. Angel. Fabrum, Porcium, Iasonem, Claudium, Ioannem de Farrara, Iferniam, Aluarotum, Rebuffum



buffum, & Guillelmum Benedictum, authores prædictæ opinionis, quos referunt Molina & Aluarus Vazquez *vbi supra*. Itaque verior hæc sententia diuidit inter dominum, emphyteutam, aut vassallum, quam probat Aluarus Vazquez *vbi supra*, qui *num. 4.* agit de thesauro inuento magicis artibus, & incantaminibus: ipsum vide, ex quo, & *dict. l. 45. tit. 28. parisi. 3.* corrige id quod in hac specie tradit Alciatus *Parergon lib. 7. cap. 1.* ait enim, legem quæ thesaurum repertum mala arte, hoc est, incantaminibus, fisco tribuit, de eo repertore esse intelligendam, qui in suis locis hac arte inquit, non de eo qui in alieno quærit hac arte: ego non video bonam differentię rationem inter vtramque. cum indistincte inquisitio per malam artem prohibita sit, & in odium eius acquisitum, fisco est applicatum: quid igitur prodesse potest, quod in alieno agro magicis artibus thesaurum quæsieris, deinde agrum emeris, quominus fisco acquiratur, quod hac via inueneris; iura enim odium magicæ incantationis puniunt, quouis loco ea sit: quod si in proprio agro non licet vti malis artibus, cur licebit in alieno? Denique dicta lex *vna*, & dicta lex 54. prohibuerunt magicas inuentiones, nec pœnalis illa dispositio restringenda est ad eum casum, vbi quis in suo inquit, quæsitoque thesauro quantumcunque emat prædium, in quo thesaurus sit; sed est extendenda ad eam speciem, scilicet si in alieno inquiras, etiam si agrum emas, vel non emas; hæc enim non est extensio, sed comprehensio, *l. illud. ff. ad leg. Aquil.* & quæ ibi scriptores, *l. ultima*, iuncta glossa, *C. de renocand. donationibus*. Faciunt quæ adducit Aluarus Vazq. in alio proposito, *d. n. 4.* contra Nauartum, quia quæsita his artibus, sunt contra iura diuina & humana quæsita, *l. illud 26. q. 2.* Merito igitur displicebit opinio Alciati. Alias quæstiones vide apud hos scriptores, quos retuli; pauca enim de thesauro adducere libuit, ea scilicet, sine quibus nostrum augmentum diminutum videri poterat; ideò & leges de thesauro scriptas addere libet. Aliam de thesauro legem vide apud Ælium Spartianum *in vita Adriani Caesaris, folio mihi 27.* ab ipso Adriano Augusto latam: alteram tulit Theodosius *lib. 10. tit. 10. C. de thesauris*, vbi non dimidia, sed quarta pars domino concedebatur; in eo tamen illa lex Theodosiana utilis esse potest, quod de monilibus repositis, idem quod de pecunia constituit, & in his quoque thesauri nomen, & leges censet recipiendas, si fortè non pecunia antiqua, sed monilia, in aures, viriolæ, armillæ, aliaque & virorum & foeminarum ornamenta recondita reperiantur, de quibus est lex *si tibi, §. 1. ff. de optione legata, l. argumentum, §. ornamenta, ff. de auro & argento legato, l. quid tamen, Cod. de contrah. emptio- ne*. Variis temporibus variè fait de thesauris constitutum, vnde correctione potius concilianda est antinomia, sic vocat Alciatus *dict. cap. 1. lib. 7.* quam aliâ explicatione, quæ reperitur *in dict. §. thesauros*, & *in l. 3. §. penultimo, ff. de iure fisci*. de thesauro reperto in loco religioso; non enim difficilis est inductio correctionis in ea re, quæ sæpè variè est constituta, neque sine ratione inducitur inter leges diversis temporibus latas, præsertim in hoc de thesauro tractatu, in quo tam variè.

Postremò, quæ de thesauro leges scriptæ sunt, omnes interpretandæ sunt de pecunia antiqua, non quæ nostris temporibus excussa est. Si enim domum vendideris, emptorquæ pecuniam argenteam, aut auream inuenerit, eius for-

mæ quæ hodie cuditur, planè repertor, idémque emptor non iuuabitur legibus quæ de thesauro scriptæ sunt; in illis pecuniam antiquam exigimus, qualis hisce diebus reperta est in vinea in hoc regno, duodecim erant mille denarii argentei Romani, ita signis aut insignibus, & literis conspicui & clari, ac si hodie excussi essent; in recenti autem pecunia recenter excussa non est locus dicto §. *thesauros*, neque dictæ legi vnica, neque dictæ legi 45. Angelus, & Platea, & reliqui, *ubi supra*, Alciatus dicto *capitulo primo*, Aluarus Vazquez *ubi supra*, ad finem: egregia declaratio ad l. à tutore, 67. ff. de rei vendic. ut isthæc recens pecunia nihil pertineat ad thesaurum.

## CAPVT XXIII.

## De computatione expensarum &amp; meliorationum cum fructibus.

## Notabilia ex capite vigesimotertio.

- 1 *Fructus propriè quis dicatur, ex Iureconsultorum responsis.*
- 2 *Papinianus totius Iurisprudentiæ parens.*
- 3 *Commoda, obuentiones, emolumenta non differunt à fructibus.*
- 4 *Pœna fiscales nomine fructuum veniunt.*
- 5 *Annui redditus pecuniarij, aut frumentarij dati in dotem, an sint fructus, an restituendi soluto matrimonio.*
- 6 *Explicatur lex diuortio, §. si vir, ff. soluto matrimonio.*
- 7 *Agitur de diuisione fructuum, qui naturales, qui ciuiles, qui industriales sint.*
- 8 *Qui sint fructus naturales, relinquuntur iudicis arbitrio.*
- 9 *Bona fides nomen variè in iure accipit.*
- 10 *Contractus bona fidei, qui, quales, quare hoc nomine dicti.*
- 11 *Bona fides quoad acquisitionem fructuum quid sit.*
- 12 *Quid hæc bona fides consistat in facto, non in iure.*
- 13 *Contestatiolus, & denunciatio fictè malam fidem inducunt & præsumptè.*
- 14 *Et quatenus inducam hanc malam fidem.*
- 15 *Diluitur Antinomia ex l. qui scit, ff. de vsuris, & l. qui bona fide, ff. de acquirend. rer. domin.*
- 16 *Antinomia vera ratio traditur, & referuntur duo.*
- 17 *Quando dicatur res euicta, aut fundus euictus.*
- 18 *Euictionem passus quando possit agere aduersus venditorem.*
- 19 *Verba sæpe ex subiecta materia trahuntur à propria significatione ad impropriam.*
- 20 *Bona fidei possessor naturales fructus non facit suos.*
- 21 *Reprehenditur generalis constitutio Pinelli, & Francisci Connani, & reducitur ad ius.*



- 22 *Lex fructus*, ff. de usufris, & *lex fructibus*, ff. de donationib. inter vi-  
rum, & uxorem, *explicantur*.
- 23 *Defenditur Ioan. Lupus de Palac. Rub. contra Pinellum*.
- 24 *Qui habet titulum reprobatum à iure*, potest habere bonam fidem, etiamsi  
erret in iure, *contra Pinellum*.
- 25 *Argumentum ad inconueniens fragilissimum est*.
- 26 *Error iuris quod possit probari*, & num. 27. *quod error & ignorantia iuris*  
*facilius presumatur quàm sciencia*.
- 28 *Solemnitas iuris qualis presumatur esse nota*, qualis ignota.
- 29 *Iuris error aliquando probatur iuramento eius qui errauit*.
- 30 *Iuris obscuri error nihil nocet in acquisitione fructuum*.
- 31 *Vsucapio tota à iure dependet*, & num. 32. *ubi titulus requiritur*, non suffi-  
cit sola bona fides.
- 33 *Explicatur lex si uxori*, ff. de vsucap. pro donato.
- 34 *An sit concedenda restitutio Doctori minori*, qui dicit se in iure circumuen-  
tum.
- 35 *Conciliatur lex fructus*, ff. de usufris, & *lex bonæ fidei*, ff. de acq. ter. do-  
minio.
- 36 *Discrimen inter possessorem bonæ fidei cum titulo*, & *sine titulo*.
- 37 *Reperiri possessorem bonæ fidei sine titulo*.
- 38 *Adducitur ius Hispanum*, & *explicatur lex* 39. tit. 28. part. 3.
- 39 *Possessor bonæ fidei fructus industriales facit suos*.
- 40 *An idem possessor bonæ fidei restituat hos fructus factus locupletior*.
- 41 *Quod iure nostro Hispano explicatur*, l. 39. tit. 28. part. 3. & l. 4. tit. 14.  
part. 6.
- 42 *Mala fidei possessor restituit fructus industriales*.
- 43 *Quomodo teneatur de percipiendis fructibus*.
- 44 *Explicatur lex* 40. tit. 28. part. 3. *contra Molineum*, qui in eadem specie  
contrarium scripsit.
- 45 *Explicatur lex certum*, Cod. de rei vend. & *lex si fundum*, Cod. eo-  
dem.
- 46 *Fructus*, qui percipi potuerunt, *qui verè sint*.
- 47 *Verbum causa in hac re quid significet*, *explicatur* l. in conuentionalibus,  
§. final. ff. de verborum.
- 48 *De mortalitate quatenus teneatur mala fidei possessor*.
- 49 *Mala fidei possessor nunquam restituit fructus*, qui potuerunt percipi ex aug-  
mento ab eo facto.
- 50 *Fructus percipiendi*, an intelligantur respectu possessoris, an verò actoris, &  
num. 51. an quo casu à mala fidei possessori non acquiruntur, vsucapi possint.
- 52 *Meliorationes iure proprio pertinent ad meliorantem*, & num. 53. *fructus qui*  
*percipiuntur iure dominij non computantur*.
- 54 *An fructus meliorationum veniant in condemnatione facta rei cum fructi-  
bus*.
- 55 *Adducitur ratio computationis*, & num. 56. *quod fructus meliorationum*  
*non computentur*, sed rei secundum antiquum statum.

- 57 *Emphyteuta, vassallus, fructuarius, libellarius, superficiarius, conditor, possessor maioratus quantum compenset fructus, & num. 56. limitatur id vtiliter.*
- 58 *Ponuntur alia compensationum genera, quæ omittuntur, quia ad meliorationes non pertinent.*



Erè vltimus labor hic de fructibus cum meliorationibus reputatio, proprio suo iure sibi eam postulat cognitionem, qui propriè fructus sint, quos fructus bonæ, vel malæ fidei possessor suos faciat, vt in his fiat hæc quæ scripta est computatio; quæ huius computationis ratio fuerit, qui effectus, qui fructus in hac computatione contineantur, an etiam quos possessor ex meliorationibus suis percepit, quid in emphyteuta, vassallo, fructuario, conductore, & aliis; nam in maioratus possessore rard in Hispania hæc disputabitur quæstio, propter id quod sæpius nobis constitutum est *ex l. 46. Tauri*; apud externos tamen eadem in maioratæ possessore, quæ in aliis, extat iuris ratio. Hæc est huius capituli materia, in hac disputatione versamur: fructus autem nomine Bartolus in *l. diuersio, §. si vir, ff. solut. matrimonio*, id duntaxat intelligit, quod à terra percipitur, ac id quidem si renascatur. Est textus ibi, *quia nec in fructu est lapis, nisi talis sit, qui renascatur: l. si fundus, ff. eodem*, vbi lapides renascentes mariti fiunt, quia propriè fructus dici merentur, qui ad virum omnino pertinent, *l. fructus, ff. de usuris*, vbi cum de fructibus agat Iureconsultus, segetes, poma, herbas, aliaque exempla addit, eorum scilicet quæ repetita sæpè, certa & perpetua vice nascuntur: opinio Bartoli recepta est, vt diximus *capite proximo, num. 48.* vbi egimus de intellectu dicti *§. si vir*, ex Zazio, Duareno, & Molina, contra reliquos. Ita dicebat Bartolus esse intelligendum, si ex etymo nominis sit agendum, & stricta vocis latinæ significatione: vnde illud putabat verissimum, vt si quis bonorum suorum relinquat cuiuspiam vsumfructum, non videatur reliquisse quod ex translatione authentici instrumenti ( vocat ille exemplationem protocollorum ) perceptum sit, quia propriè non est fructus. Idem tenet Angelus in *rubrica de usuris*, quoniam semel traducuntur, & semel in exemplaria referuntur, quod contra rationem fructus est, qui iteratis vicibus renasci soleat è terra. Boërius quoque relatis aliis, *decisione 224. num. 7. & 10.* eum qui fructus conduxerit, non habiturum ait spolia emorientium ( vulgò *Lutuosus* ) quia cum non renascantur, neque suboriantur iterata vice, meritò fructus nomine non continentur, neque in fructuum conductione venire intelliguntur; itaque duo requirunt, vt veram fructus rationem assequantur: alterum vt à terra fructus isti percipiantur, alterum verò vt rediuiua, & iterata isthæc perceptio reperiat; vtrumque in pomis, herbis, vuis & segete obseruamus: sed Iureconsulti non tam strictam disputandi rationem sunt secuti, neque tam assiduum natiuitatem, neque tam exactam iterationem requirunt, cum sibi de fructibus inest disputatio: nam primùm Caius in *l. in pondum, ff. de usuris*, pecudam foetus in fructu esse ait, ac non solum lanam, lac, & pilos, in quibus iterati ortus poterat similitudo quædam reperiri, sed hædos, & agnos in fructu esse ait, idque verissimè, licet & hi neque ex terra percipiantur,

neque



neque suboriantur sæpe: partus ancillæ in fructu esse negat, quod & ante Caium disputarant antiquiores. Celsus quoque ad fructuarium (vbi stricta fructus acceptio obseruanda erat) pertinere ait incrementum alluuiõis non apparentis, quod quidem neque suboritur, aut renascitur, neque ex terra percipitur, *in l. i. em si fundi, ff. de usufructu*; & nomine fructus intelligit quicquid in fundo nascitur, & simul quicquid inde percipi potest; quæ duo verba non fuerunt sibi otiose cumulata. Pomponius quoque numismatum veterum vsum fructum constituit *in l. numismatum, ff. eod.* 35. quin quod Tryphonius aprum, aut ceruum, quem venando fructuarius cœperit, iure vsum fructus ad ipsum pertinere ait, *in l. usufructuarium venari, 69. ff. eod.* Papinianus item splendidissimus Vlpiani, Iulij, Pauli, Claudij, Pomponij, Alpheni, Aphricani, Florentini, Marciani, Callistrati, & Modestini magister, fereque totius Iurisprudentiæ parens, si Ælio Lampridio credimus in vita Alexandri Seueri, ad finem, hic talis tantusque vir pensiones vrbanoꝝ prædiorum similes omnino fecit fructibus rusticorum, *in l. diuortio, §. non solum, ff. soluto matrimonio*: idem antea fecerat Scauola antiquior Iureconsultus, quo familiariter vsus est M. Antonius, cognomento Philosophus: refert Iulius Capitolinus *in ipsius vita, l. defuncta, ff. de usufructu*. Iam verò Vlpianus hanc ipsam fructus appellationem ferè ad vsuras extendit, *l. de fructibus, 18. ff. de donat. inter virum & uxorem*. Rursum Papinianus *in l. sinauis, 62. ff. de rei vindicatione*, vecturam naui fructum naui esse ait; quoniam, inquit, etsi maximè vectura, sicut vsura, non naturâ prouenit, sed iure percipitur; tamen ideo vectura desiderari poterit, quoniam periculum naui possessor petitori præstare non debet. Paulus quoque omnia hæc semel nomine fructuum contineri ait *in l. apud Iulianum, §. fructus, ff. de legatis 1.* cum enim de fructibus constituisset, subdit, & idem in operis seruorum, vel vecturis iumentorum, vel naualis nauium dicendum est; quod in fructibus dicitur, hoc & in pensionibus vrbanoꝝ adificioꝝ intelligendum erit; atque mox subiunxit de vsuris, denique veteres Iureconsulti nomen hoc fructus latissimè sunt interpretati ciuili modo, iuxta qualitatem rei de qua egissent; idque sentiebat Duarenus *in dict. §. si vir*; & est recipiendum cum præclarissimis viris, neglectis istis nouiorum (Bartolum & alios intelligo) documentis; multa autem eorum quæ Iureconsulti nomine fructus contineri censuerunt, interpretes commoda, obuentiones, emolumenta, & prouentus vocarunt, distinguentes hæc à fructibus, glossa *in cap. grandi, verbo redditibus, de supplenda negligentia Prælatorum*: vide latissimè Boërium *decisione 214.* quem temperat ex his Iureconsultorum responsis, sicque habeto, verbum fructus, verbum ciuile esse, ciuilitè interpretandum, vt iuxta rei, de qua agitur, non strictam significationem, sed amplam, omnem videatur vtilitatem continere. Vnde omnia illa continet, & præterea pœnas fiscales, Carolus Molineus *in consuetud. Parisiensi b. tit. 1. §. 1. glos. 1. num. 51. part. 1.* quibus nihil potest longius ab iterata natiuitate abesse. Quod si Iureconsulti aliquando veram rationem fructus in hac natiuitate inquirunt, vt *in dict. §. si vir*, & *in l. fin. ff. de fundo dotali*, & *in l. si ex lapidicinis, ff. de iure dotium*, illud quidem propter expensas inquisitum est, quod optimè aduertit Zazius *singular. intellect. lib. 2. cap. 3.* dum explicat dictum §. si vir. Illud sæpe admonitos lectores

esse volumus, faciliorem semper fore Iureconsultorum lectionem, si quid principaliter tractent, & inquirant, intellexerimus: neque enim temerè quod Iureconsultus ad vnam iuris partem eleganter adduxit, ad aliam statim per vim & iniuriam trahendum est, conciliatis inimicè, aut confusè ac turpiter pluribus iuris institutis: proderit illa quoque inuestigatio in illa quotidiana & in foro assidua quaestione, an isti fructus, & ea quæ diximus fructus nomine contineri, dati in dotem, ad maritum modis omnibus pertineant, an verò soluto matrimonio, veluti certa quantitas in dotem data, & in annos plures distributa, restituenda sit uxori, & eius hæredibus: idem in annuis redditibus disputari solet. Pone sacerdotem, in his enim quotidiana est quaestio, cum consanguinea in dotem viro dedisset fructus sacerdotij annuos, bimos, 5 trimos, aut in decennium, vt cum ea omnia quæ perceperit vir toto illo tempore, quæ fructus nomine contineri diximus, soluto matrimonio sint restituenda, an verò veri fructus obtineant rationem, vt omnino viro acquisita videantur? In qua quaestione recurrendum est ad *l. uxori*, ff. *de usufructu legato*, vbi ususfructus ad quinquennium relictus durat vsque ad quinquennium, etiamsi usufructuaria vxor antè decesserit; quia cum fructus annuus relictus est ad certum tempus, videtur certa quantitas in illos omnes annos distributa legato, ideo ibi non attendimus mortem fructuariæ, contra dispositionem 6 §. *snitur*, *Institutis de usufructu*. Argumentum autem, quod desumitur ex *l. diuortio*, §. *si vir*, ff. *solutio matrimonio*, fragile est, quia ibi lapis, etiamsi non renascatur, ad maritum pertinet, ex his quæ diximus *capite proximo*, num. 48. Neque enim ibi inuenti lapides dati erant in dotem, sed fundus, in quo vir inuenit lapides, sed non renascentes; idè autem fecit suos, quia fecit meliorem fundum eiectis istis lapidibus, qui cultum impediabant; impensa autem non debetur, quia vir satis suæ meliorationis vtilitatem recepit, ipsos nempe lapides eductos, & qui relinquitur fundus in *d. §. si vir*, nouâ semper culturâ & operâ indiget: de quo diximus *dict. num. 48. capite proximo*; idè nihil pertinet ad nostram quaestionem. Qua ratione neque quicquam facit lex *si ex lapidicinis*, ff. *de iure dotium*, de qua ibi quoque diximus, obseruata ratione dicti §. *si vir*. Itaque sicuti citra vllam difficultatem est illud, scilicet vt si annui redditus perpetuè duraturi, in dotem dati sint, annui redditus, qui constante matrimonio percepti sint, ad virum pertineant, neque sint restituendi, sed solùm soluto matrimonio ceditur ius illud in posterum percipiendi redditus annuos; quod obtinet etiamsi ad vitam alterius annui hi redditus sint duraturi, nihilque amplius, *l. cum in fundo*, ff. *solutio matrimonio*, vbi usufructus perceptus est; & solùm restitutio fit, soluto matrimonio, iuris percipiendi fructus: quin & illud ibi obseruandum est, nihil contribuere in funus vxoris virum, qui fructus percepit constante matrimonio; quia cum ius percipiendi fructus restituat, etiamsi annuos fructus perceperit constante matrimonio, nihil ad se pertinere ex substantia vxoris intelligimus: contrarium fuisset asserendum, si quippiam vir assequeretur ex substantia vxoris; nam pro ea parte ad funus quoque teneretur. Diximus suprà *capit. 8. num. 42. & 43. & sequentib.* textus in *l. usufructu in dotem dato*, ff. *solutio matrimonio*. Ita quoque citra vllam difficultatem est, vt si ad tempus certum hi fructus, aut annui redditus



redditus constituentur, ita censeantur constituti, qualis certa quantitas constituta appareat, vt hæc omnino restituatur, *d. l. uxori 35. ff. de usufructu legato, l. uxori 37. ff. eod.* vbi relicto usufructu omnium bonorum ad certum tempus kalendarij, vsusfructus relictus videtur, non verò res in kalendario positæ; est enim quædam utilitas & commoditas rerum, quæ fructuosæ non sunt, vsusfructus obtinens vicem, de qua nos in alia questione egimus suprâ *cap. 8. num. 33.* hanc ferè resolutionem tenet Dominus Franciscus Sarmiento *selectar. question. lib. 3. cap. 10.* & ante eum idem dixerat breuius Greg. Lop. *in l. 15. tit. 2. part. 4. & in l. 27. tit. 6. part. 4.* qui licet non ita explicet, idem tamen tenet; allegat enim legem *dotis fructus, ff. de iur. dot. §. si usufruct.* vbi si in dotem simpliciter vsusfructus datus sit, fructus non sunt restituendi, quasi firmer in oppositum regulam, *ex dict. l. uxori*, vt si non simpliciter, sed ad tempus datus sit, videatur certa quantitas data, sed in annos distributa, cuius, sicuti kalendarij, *in dict. l. uxori*, marito utilitas est, *ex dictis dict. cap. 8. num. 33. & l. si conueneris, 4. ff. de pactis dotalib.* qui est elegans textus: quod nisi ita intelligas, fiet profectò, vt datis annuis redditibus in dotem mulier soluto matrimonio indotata relinquatur, quod ne fiat, si nihil statutum esset *in dd. ll.* pro vxore, ita intelligendum esset coacta ratione; oportet enim dotatas remanere fœminas, vt alimentis abundant, non vt vidua in hac nostra specie secunda ineat vota. In hac ergo specie rectè inquirimus fructus rationem, vt à dote fecernamus & separemus, vtque soluto matrimonio possimus apertè iudicare, & constituere, quid, quantumque nomine fructus apud virum sit relinquendum, quid quantumve soluto matrimonio ad vxorem sit peruenturum dotis nomine. In vtraque autem specie qui fructus lucrabitur, id etiam lucrabitur quod fructus nomine diximus contineri; quod si fructus dati in dotem dos sint, dos etiam erit quicquid nomine fructus continebitur. Vnde *in dict. l. uxori, 37.* kalendarium sequitur naturam fructus, quam quoque sequeretur in contrario casu, vt verum sit id quod diximus, Iureconsultos fructus exactam & particularem rationem indagasse ad particulares iuris partes; nomine autem fructus intellexisse vniuersè omnem utilitatem, quæ ex re, de qua ageretur, percipi potuisset, vt nomine fructus intelligamus obventiones, prouentus, utilitates & commoda: ita intelligebat Carolus Molinæus *in consuetudinibus Parisiensib. tit. 1. §. 1. glof. 1. num. 33. part. 1.*

Doctores verò diuidunt hos fructus in naturales, & industriales; alij quoque tertium genus addunt, scilicet ciuiliū fructuum. Illi sunt in quibus producendis magis ipsa natura, quàm hominis industria conspicitur; id genus aiunt esse poma, glandes, herbam, fœnum, & illa in montibus vbiq̃ue iacentia: in industrialibus magis opera & diligentia nostra conspicitur, quàm natura. Bartolus *in l. ex diuerso, ff. de rei vindicatione.* Abbas *in cap. gruu, de restitutione spoliatorum.* Bald. *in l. 1. Cod. de fructibus, & litium expensis:* bimembrem hanc diuisionem recipiunt Pinellus *in l. 2. Cod. de rescindenda vendit. part. 2. cap. 4. num. 52.* Couarruias *variarum resolutionum lib. 1. cap. 3. num. 6.* Aretinus *consil. 159.* Alij autem ita diuidunt, vt alij fructus naturâ ipsâ subministrante proueniant, alij autem iure, non natura; illos naturales vocant, hos ciuiles fructus. Horum quoque diuisio bimembris est, vt *in dict. l. si nauis,*

*ff. de rescind. vendit.* Baldus in cap. cum *M. Ferrariensis*, de constitutionibus. Corneus *consil.* 129. volumine 4. Alexand. *consil.* 56. num. 9. lib. 4. Boërius *decisione* 224. num. 1. quorum aliqui tertium genus constituunt, scilicet eorum, qui nostra arte & artificio contingunt, vt sint picturæ: bimembrem illam diuisionem agnoui Molineus *ubi supra*, *dict. glos. l. iul. l. num. 3*; hæc pertinent ad interpretes; quod attinet ad Iureconsultos & iuris scripti rationem, non dubium est, quin fructus alij sint naturales, alij ciuiles: de naturalibus est lex *fructus*, *ff. de usuris*; ex quo Iurisconsulti responso necessum est, hos naturales fructus diuidere in duo capita, vt naturales fructus alij sponte quidem proueniant, alij verò nostram artem & industriam & diligentiam desiderent, & exposcant; eos simpliciter vocamus naturales, hos industriales. Ita inquit Pomponius, fructus percipiendo vxor vel vir ex re sibi donata suos facit, illos tantum quos suis operis acquisierit, veluti ferendæ; nam si pomum decerpserit, vel ex sylua ceciderit, non fit eius, sicuti neque cuiuslibet bonæ fidei possessoris; quia non ex facto eius is fructus nascitur. Hæc Pomponius. Ex quo responso, quod totum versatur in fructibus naturalibus, distinctio illa comprobatur, vt hi fructus naturales, alij sponte proueniant, sine facto nostro (hos naturales simpliciter vocarunt Interpretes) veluti pomum, & ex sylua ligna; alij non nisi industriâ nostrâ, & facto proueniant, vt sata, vineæ, & oliueta, & alia id genus; ciuiles autem fructus contra naturales illos fructus distinguuntur, quoniam iure proueniunt, non industria, aut beneficio naturæ: de his est lex *de fructibus*, *ff. de donationibus inter virum & uxorem*, ibi: *Et Iulianus scribit, fructus quoque vt usuras licitam habere donationem: l. apud Iulian. §. fructus, ff. de legatis l. i.* ibi: *Quod in fructibus dicitur, hoc in pensionibus urbanorum adificiorum intelligendum est: l. diuortio, §. de pensionibus, ff. soluto matrimonio, l. si nauis, ff. de rei vendic.* ibi: *Non naturâ prouenit, sed iure percipitur.* Denique bimebris illa distinctio fructuum recipi debet, quæ distinguit inter fructus naturales, & ciuiles; dummodo subdistinctio naturalium admittatur inter eos qui sponte proueniunt, & quos industriales vocarunt Scriptores, qui naturales quidem sunt, sed non proueniunt sine nostra opera, diligentia, & labore: & hæc est distinctio recipienda ex legibus supra adductis, & acquisitio fructuum etiam apud Iureconsultos hanc inuenit rationem distinctionis, vt hoc capite videbimus paulò inferiùs. Ex quibus cessant infinitæ distinctiones fructuum, confusè aliis industriales facientibus fructus, Bart. in *l. fin. in fin. ff. de iure fisci*, aliis industriosissimos, Bald. in *l. traditio, in fin. Cod. de actionibus empti*; aliis naturales tantum agnoscentibus, aliis naturales & industriales, reiicentibus ciuiles fructus; aliis ita demum admittentibus ciuiles, vt de industrialibus nihil curent: denique ex Iureconsultis naturales distinguuntur à ciuilibus, atque hi ipsi naturales bipartiti sunt in eos qui sponte proueniunt (quos vulgus naturales vocat, quo verbo vtendum nobis est;) & in eos qui nostro facto proueniunt quoque, vti sata, & vineæ, & oliueta, ex *dict. l. fructus, dict. l. de fructibus, dict. §. fructus, de pensionibus, dict. l. si nauis*; quæ sunt iura præcipua in hac disputatione. At verò lex nostra *paritæ 39. tit. 28. part. 3.* Bartoli distinctionem secuta est, ibi: *Otro-si dezimos, que los fructos que ouiesse recebido, si fuesse de tal natura que non veniesse*



viniesſen por labor de homes , mas por ſi ſe los dieſſe la heredad , aſſi como peras , o mançanas , o cereſas , o nuezes , o los fructos ſemejantes deſtos , que han los arboles por ſi naturalmente , o ſin labor de home , que eſtos a tales tenudos ſon de los tornar con la heredad. De qua inferiùs iſto capite nobis eſt agendum , neque exiſtimandum eſt reieciſſe noſtram legem fructus ciuiles , quia ſibi ſolùm de naturalibus erat negotium ; horum verò agnouit diſtinctionem , eorum qui ſponte & factò noſtro proueniunt ; de ciuilibus nihil egit , idèd non eſt exiſtimandum *ex dict. l. 39. correctas dictam legem fructus* , dictam legem *de fructibus* , dictum §. *fructus* , dictum §. *pensionibus* , dictam legem *ſi nautis* , vbi Interpretes ieiuñe admodum rem iſtam tractarunt.

Quamòis autem Scriptores mirè digladiantur , qui verè ſint fructus illi qui ſponte proueniunt ( quos deinceps naturales vocabimus ) quique illi cenſendi ſint , qui noſtrâ operâ & diligentia egent , de quo variè Bart. *in dict. l. ex diuerſo* , & Fulgoſ. *in l. fructus* , ff. *de rei vendic. num. 4.* de lana , lacte , oleo , herba , & foetu ouium ; Paulus *in l. ſequitur* , §. *fructus* , ff. *de uſucapionibus* : in his tamen non eſt immorandum , veriſſimum enim eſt , poſſe plurimùm in hoc arbitrium iudicis , quod verſabitur in qualitate , uſu , & conſuetudine prouinciæ : alibi enim herba indiſtriâ , & non mediocri labore prouenit , alibi ſponte naſcitur , alibi pomaria coluntur , alibi non expectata proueniunt , quod ex Bartolo , Abbate , & Aretino , & aliis receptum tradit D. Didacus Couarruu. *dict. lib. 3. capit. 3. num. 6.* Ex quo ceſſare oportet diſputationem Doctorum circa cognitionem horum fructuum ; licèt enim aliquando Iureconſultus diſtinguat inter foetus ouium , & recepta ex operis , non ſtatim aiendum eſt , foetus ouium naturales fructus eſſe , qui ſponte proueniant ; alibi enim ſponte proueniunt , pèrque ſyluas & montes gementes agnos , ſaltitantèſque hædos reperimus ; alibi autem vt concipiantur , mutare pascua compelluntur , hybernòſque & æſtiuos ſaltus & montes deſiderant , quò ducantur , deducanturue : ita exiſtimamus ſenſiſſe Iureconſultum *in l. penultima* , ff. *de peculio* ; neque enim lex , neque Iureconſultus potuit in hoc certam rationem conſtituere , cùm pertineat ad qualitatè , & genuinas vniuſcuſque loci circumſtantias , quæ certa lege deſiniri non poſſunt ; idèd cùm diſtinctio illa de fructibus veriſſima ſit , quicquid Lortius *de fructibus axiomate 16.* & Carpus *1. part.* diſputando tradant , & poſt eos reliqui quos retulimus : exempla certè vniuerſè vera non eſſe poſſunt , vnde neque de lana , lacte , herba , neque de foetu ouium quippiam vniuerſè tradi poteſt ; quæ autem tradita à Iureconſultis ſunt , exemplorum obtinent veram rationem , quorum nullam veritatem neceſſariam præſupponimus : ita enim Pomponius foetum ouium , & caprarum naturales fructus aſſerit , vt non neg. ſſet , poſſe quidem indiſtriales eſſe : & in hoc noſtro Galleciæ Regno , cùm alibi equæ ad manum admittantur , & admiſſariæ ſint ; frequentius ſine cura concipiunt & pariunt , vix enim toto anno , niſi cùm ſtemmate conſignandus eſt nouus partus , à domino viſantur. Boues quoque , quas feroces vocamus vel indomitas eodem modo , domitas autem , ipſasque oves maximâ curâ & diligentia conſeruamus ; itaque in hoc exempla addita à Iureconſultis nullum negotium faceſſent viro cordato , quæ propriùs pertinent ad locorum priuatas circumſtantias & qualitates , quàm ad iuris diſpoſitionem

positionem; idemque dicendum est ad dict. l. 39. tit. 28. part. 3. non enim ita ex illa nostra lege constituendum est, esse hoc arbitrium sublatum ex illis verbis, *assi como perus, o mançanas, ocerezas, o nuezes*; vt cerasa, seu pyra, nuces, & poma vbique existimanda sint fructus naturales, qui sponte proueniant; sed ita demùm si absque industria hominis nascantur; exempla enim sunt, quæ veritatem vniuersam, & necessariam non requirunt, dum explicent rem de qua traditur, aliàs frustra addita essent illa verba quæ sequuntur, *o los fructos semejantes destos que han los arboles naturalmente*; non inquit, *que han los arboles*; sed addit, *naturalmente*; quasi dicat, esse hos naturales: & subdit, *e sin labor de home*; quod idè dictum est, quia sunt fructus naturales, qui proueniunt sine nostra opera & industria, ac simul, vt intelligas ita demùm poma, nuces, pyra, castaneas, cerasa & alia esse connumeranda in hoc genere, scilicet si sponte proueniant, sine cultu, sine labore, sine industria & diligentia nostra, quod fieri potest. Acquisitio autem fructuum versatur plerumque in bona fide, de qua pauca, & breuiter attingenda sunt: explicuit elegantissimè omnium D. D. Couarruu. in *regul. possessor. part. 2. §. 6. per totum*.

9 Licet enim bona fides plerumque accipiat in eum sensum, vt scilicet excludat omnem machinationem, dolum, & figmentum, idque existimemus fieri bona fide, quod fit non dolosè, versutè, & callidè, aut fictè, ita acceperunt Iureconsulti *l. si seruus communis, §. quod si sciens, ff. de furtis, l. ab emptione, ff. de pactis*, & ante Iureconsultos antiquiores ita loquebantur, quod sine dolo aut machinatione fieri, dicere volebant, bona, fide dici, fieriue iuebant: ita quod syncerè fit, diciturue, non callidè, versutè, & dolosè, bona fide dicitur fieri: aliquando in iure bona fides ab non syncero animo longè abest, æquitatemque significat iuris rigori oppositam, propter quam æquitatem fit benigna quædam, & lata interpretatio, vltra id quod expressè actum, gestumve est, *l. bona fides, ff. de positi, l. at si quis, §. hæc actio, ff. de relig. & sumptibus funer. l. si mandauero, §. Iulianus, ff. mandati, l. 2. §. ultimo, ff. de precario*; opponitur enim iuri rigoroso, stricto, præduro, & exacto, quod nullam huiusmodi interpretationem recipit, *l. 2. §. item Varus, ff. de aqua plu. arcenda, l. Pantoni, ff. de acquirend. hereditat. l. si ita scriptum, in princip. ff. de liberis & posthumis*; quo fit, vt æquitas rigori opposita, sit benigna quædam interpretatio, ex circumstantiis rei, & personarum, de quibus agitur, dict. *l. bona fides, ff. de positi*, ibi, *si totius rei æquitatem, quæ ex omnibus personis, quæ in negotio gesto continguntur, impletur*: cuius æquitatis ibi exempla plura connectit Africanus, alia D. Couarr. *ubi supra, num. 3.* qui plures adducit, inter quos Aristotelem, Quintilianum, Ciceronem. Est itaque ius rigorosum strictum, & exactum, à quo non licet decedere; est æquum quoddam & bonum ius, quod benigna interpretatione temperamus, ex æquo & bono, quod æquum & bonum repletur ex circumstantiis personarum, & rerum, de quibus agimus; vnde contractus stricti iuris, & bonæ fidei appellatio in iure orta est, quod illi exactè, durè, & strictè sint accipiendi; hi verò ex circumstantiis æquè & benignè temperentur: in his contrahentes officio quodam iudicantis mutuo tenentur, etiam ad id, quod ex bono & æquo præstari oportet; in illis ad id quod expressum est, nascitur obligatio, nihilque ampliùs, quoniam illi



illi benigni sint, æqui & boni: hi exacti, duri, stricti, & rigorosi. Vide exempla horum in *l. quicquid adstringenda*, & *l. si ita stipulatus*, §. *Chrysogonus*, ff. *de verbor. obligation.* illorum verò in dict. *l. bona fides*, & in *l. ex maleficiis*, ff. *de actionib. & obligat.* & in *l. quero*, ff. *locati*. Itaque alibi exuberat æquitas & bona fides, alibi durum, strictum & exactum ius omnem interpretationem, omne temperamentum respuit. Quintus quidem Scævola Pontif. Maxim. apud Ciceronem *lib. 3. de Officiis*, censebat, summam vim esse in his omnibus arbitriis, in quibus adderetur ex fide bona; fideique bonæ nomen existimabat manare latissimè, idque versari in tutelis, societatibus, fiduciis, mandatis, rebus emptis & venditis, conductis, locatis, quibus vitæ societas continetur. Hæc Cicero. In his iudiciis, quoniam essent ad tuendam hominum societatem apprimè necessaria & vtilia, quibus maximè vita hominum, vtilitasque communis conseruatur, quæ magis est secundum naturam, ut paulò superius dixerat Cicero, quàm vita, aut mors; ablata enim è medio vtilitate communi, nihil sanctum, nihil firmum in republica videri poterit, pereat necesse est ciuitas, in qua priuata commoda vtilitatem impediant communem. Quoniam ergo magis in his contractibus, quàm in reliquis sita & posita videbatur isthæc communis vtilitas, ex bono & æquo interpretationem recipiebant, & bonæ fidei appellationem sunt commeriti, ne bonum & æquum contrahenti deesset, etiamsi nihil de eo actum esset, idque decebat communem vtilitatem, & maximè eos hominum actus, in quibus isthæc communis vtilitas conseruaretur; in aliis actibus, vbi priuata erat vtilitas, veluti in stipulationibus prædiorum, strictum, exactumque relictum est ius ab omni interpretatione alienum. Ità Prætores olim statis diebus litigatoribus, datis formulis ad pedaneos iudices, qui causas ad se delatas ex formulis à se datis componerent, & deciderent, in istis iudiciis, quæ vtilitatem communem continent, iudicare iuebant ex bona fide; in aliis, vbi priuatum inerat commodum, non item, *l. quero*, ff. *locati*, ibi, *in quantum illum condemnari ex bona fide oportebit, tantum fide tua esse iubeas*. Cicero *lib. 3. de officiis*. Atque iste dolus malus etiam legibus erat vendicatus, ut tutela duodecim tabularum, & circumscriptio adolescentium lege latoria, & sine lege iudicis, ex quibus ex bona fide additur: ita Theophilus in principio de interdictis institutis. Facit lex 1. in principio, ff. de fluminibus, l. 1. ff. de doli exceptione. Optimè omnium Boërius ad topica Ciceronis, sexto libro; vbi Cicero quoque, in his omnibus, inquit, iudiciis, in quibus ex fide bona est additum, plurimus earum vsus est. Sed neque hæc interpretatio quicquam ad nostrum tractatum pertinet. Quod pertinet ad fructuum acquisitionem, bonam fidem eam dicimus, id est, bonum iudicium, ut fides iudicium sit, quo quisque de rebus suis secum iudicat tacitus, an ad se pertineant, an non; isque bonam fidem habere dicitur, qui in hoc priuato & tacito iudicio conscientiam rei alienæ nullam reperit; ille verò malam, qui conscientiam rei alienæ reperit; est enim fides iudicium. Ita intelligendus est Paulus ad Roman. capite 14. Omne quod non est ex fide, peccatum est: ex fide, inquit Ambrosius, id est, ex conscientia, in cap. querat aliquis, de pœnitentia distinct. 3. dependet enim hæc fides, aut iudicium ex conscientia mea, qui iudico, non alterius, l. 1. §. Iulianus scribit, ff. de itinere, actuque priuato, ibi;

*non enim opinio tua, sed mea quarendum est.* Itaque is qui iuste secum deliberans & iudicans omnino credit rem ad se pertinere, is possessor est bonæ fidei, *l. bona fidei possessor, ff. de verborum significat. l. ultim. Cod. unde vi*: quod in illo iudicio ita debeamus iudicare, ut quod nostrum non sit, ad alium debeat modis omnibus pertinere: inde effectum est, ut ista bona fides factum, non ius sit; cum enim dependeat ex hoc iudicio priuato, quod quisque secum facit, non potest certo definiri iure: ita Paulus Iureconsultus constituit in *l. bona fidei, ff. de acquir. rerum dominio*, ibi; *hoc enim ad ius, id est ad usucapionem; illud ad factum pertinet, ut quis bona aut mala fide possideat.* Unde quod attinet ad malam fidem, vel bonam, conscientia inquirenda est; neque enim potest verè mala fides à iure iudicij provenire, quo fit ut contestatio, & denuntiatio factæ mala fides sint, non veræ; neque enim statim quod rem à me petas, sic existimare debeat rem ad te pertinere, si nihil aliud adferas & ostendas; neque enim ex opinione tua qui petis, sed ex mea pender isthæc mala fides, *dicta l. 1. §. Iulianus scribit, ff. de iuner. actuque priuato*; neque potest verè à iure induci mala fides, cum in facto consistat, hoc est in conscientia mea, *dicta l. bona fidei.* Cum igitur verè habuerim bonam fidem, fructus tamdiu meos facio, quamdiu in bona fide sum, quia non tam initium, quàm singula momenta expectamus; ab eo enim momento quo possessor scit fundum ad se non pertinere, malæ fidei possessor est, neque fructus suos facit, *l. qui bona fide, ff. de acquirend. rerum dominio*; quia bona fides in facto consistit, non in iure; ex qua ratione diximus, quia contestatio factè, non verè malam fidem inducit, item denuntiationem id efficere, *ex l. si fundum, C. de rei vendicac.* posse restitutionem fructuum fieri quidem, non ex die contestationis, aut denuntiationis, sed ex eo die, quo reus petitus ex documentis ad ductis & sibi exhibitis, potuit compertum habere, rem ad se non pertinere, diximus suprà *cap. 6. num. 2. & 3.*

Inde illud animaduersione dignissimum est, quod semel in hoc foro & Senatu receptum vidi, ut litis contestatio inducat effectus veræ malæ fidei, in hoc tractatu de acquisitione fructuum, ubi factum versatur; nam in his quæ sunt iuris, ut in usucapionibus, *ex dicta l. bona fidei, ff. de acquirend. rerum dominio*, nihil dubitandum est; sed ita demùm si contestatio fiat, quomodo ius faciendam constituerit, scilicet edita actione; ac non solum actione, sed editis & exhibitis instrumentis, & documentis, quibus quis usus est, ut proinde sciat reus utrum magis cedere, an ultra contendere debeat, *l. 1. in principio, & §. edenda, ff. de edendo, l. is apud quem, Cod. eod.* idque iure nostro quoque constitutum est in his legibus, quæ iudiciorum ordinem continent: quas *Mudritias* vulgus vocat. Itaque actor edere debet actiones, instrumenta, & reliqua, quibus ad se rem petitam pertinere putat, quæ videat reus, ut deliberet an res sibi restituenda sit, post quam deliberationem negatio meritò malam fidem inducit, præsumente id iure. In hoc autem iudicio rectè obseruato, meritò à contestatione, cum nihil attuleris contra actionem & instrumenta edita, malæ fidei possessor diceris, *l. sed etsi lege, §. etiamsi ante litem, ff. de petitione hereditat.* quo casu rectè fructus restituuntur post litem contestatam. Quod si in contrario casu nihil aliud proponas quàm libellum, cum



eo nihil edas, quod frequentius fit; ego profectò nescio, cur hæc contestatio sine documentis & instrumentis exhibitis fide inducitur inducere possit veram fructus restitutionem, nisi ex eo tempore quo reus ex actis potuit cognoscere rem ad se non pertinere. Quod fiet post publicationem & attestationem, & ita iam semel iudicatum vidi in hoc Senatu, & audio iudicatum fuisse Pinciæ. Certè fundatam habet hæc praxis iuris rationem, quæ addenda est his quæ diximus suprâ, *cap. 6. num. 3. & 4.* reseruauimus enim in hunc locum: est ad hoc textus elegans in *l. si quis inficiatus, ff. de positi*, ibi; *postea autem si cognouerit, cum eo agi poterit, quoniam tunc incipit dolo malo facere, si cedere eam non vult.* Vide Bartol. in *l. non solum, §. morte, num. 45.* quæ pertinent ad *l. si fundum, Cod. de rei vendic.* vt præter verbalem denunciationem, omnia cum denunciatione sint exhibenda, quæ possint emptorem ab emptione retardare; nisi illud dicas in *dict. l. si fundum*, fructus fuisse restitutos, qui cum mala fide percepti sunt; non enim à die denunciationis restituendos præcipit Imperator, sed à die superuenientis malæ fidei. Quæ est literalis & vera solutio; namque sola denunciatio, sicuti litis contestatio, nisi fiat apertè, secundum iuris regulas, ex Bartolo *dict. l. non solum, §. morte, num. 35.* malam fidem non inducit, quæ verè in facto consistit, non in iure: diximus *dicto cap. 6. num. 4. §. & sequentibus.* Non enim teneor, neque debeo protinus intelligere fundum, quem bona fide possideo, ad te pertinere, quòd illum in iudicio petas; mea enim opinio, non tua expectanda est; ideo edere te oportet documenta, vt deliberem, an restituere debeam; aliter certè bona fides mea durat, quam verè non tollit litis contestatio, cum in facto, non in iure consistat: constat ergo duplicem esse malam fidem; veram quæ in conscientia consistit; fictam, quæ in iure posita est, hoc est in petitione, & denunciatione rectè facta, scilicet, exhibitis documentis, quibus rem ad te pertinere mecum ipse diiudicare possim.

Ex hoc iuris principio conciliari mihi posse videntur due Iureconsulti, quos hætenus nemo apertè conciliauit; hoc ausim sic dicere, etiamsi eorum sententiam probem, qui rarò, aut nunquam istas antinomias in iure reperiri asserant; agnosco Iureconsultos homines fuisse, video sæpè contraria sensisse, mutila nobis relicta ipsorum responsa, è propriis sedibus & locis, vbi apertè sita & collocata erant, ad aliena translata; sed tamen sæpè mecum constituo, obseruata recta ratione iuris, posse ad concordiam redigi, quantumvis diffideant, & pugnent eorum responsa. Ij igitur sunt Iulianus & Vlpianus, ille *libro vigesimo secundo Digestorum, in l. qui scit, de usuris*; hic *libro quadragesimo primo, in l. qui bona fide, de acquirendo rerum dominio*, circa acquisitionem fructuum in malæ fidei possessore apertè pugnant: *Bona fidei emptor* (inquit Iulianus) *sevit, & antequam fructus perciperet, agnouit fundum alienum esse; an perceptione fructus suos facit, quaritur? Respondi, bona fidei emptor quoad percipiendos fructus intelligi debet, quamdiu euitus fundus non fuerit; nam & seruus alienus, quem bona fide emero, tamdiu mihi ex re mea, vel operis suis acquirit, quamdiu à me euitus non fuerit.* Hæc Iulianus, quem vides ad euitionem vsque possessori huic fructus reliquisse. Vlpianus contrà: *Qui bona fide, inquit, alicui seruit, sine seruus alienus est, sine homo liber est, quicquid ex re*

15

eius, cui seruit, acquirit, ei acquirit, cui bona fide seruit; sed & si quid ex operis suis acquirit, simili modo ei acquirit; nam & opera quodammodo ex re eius, cui seruit, habentur, quia iure ei operas exhibere debet, cui bona fide seruit: tamdiu autem ei acquirit, quamdiu bona fide seruit; ceterum si cœperit possessor scire eum alienum esse, vel liberum, videamus an ei acquirat: quæstio in eo est, virum in-  
 titum in eo expectemus, an singula momenta: & magis est, ut singula momenta ex-  
 pectemus. Hæc Vlpianus: status controuersæ in eo est, quod alter Iureconsultus, quod pertinet ad acquisitionem fructus, ab eo puncto temporis, quo conscien-  
 tia rei aliæ superuenit, censet restituendos fructus; alter ita demum censet fru-  
 ctuum restitutionem faciendam, ut tempus spectemus euictionis potius, quam  
 malæ fidei superuenientis: iubet ergo alter spectari singula momenta, alter tem-  
 pus euictionis, hoc est euictæ rei: & ne existimes (lector optime) facile conci-  
 liari posse hos Iureconsultos, memineris Aequinarium Baron, virum egregiè,  
 & optimè eruditum, fateri ingenuè, nulla conciliatione posse concordari, in  
 §. si quis à non domino, *Institutis de rerum diuisione*: & ut rem difficiliorem fa-  
 ciamus, doctissimus noster Couarruias *variarum resolutionum lib. 1. cap. 3. nu-  
 mero 7.* cum in hæc duo responsa incidisset, ita ait; Mihi potius dictum esse  
 videtur opinionum conflictu, ut tandem aduersa prorsus hos Iurisconsultos  
 opinatos fuisse existimem. Constat enim passim ipsos Iureconsultos, ob varia  
 iudicia, contraria respondisse; siquidem plerumque Iuliano aduersatur Paulus,  
 à Paulo dissentit Vlpianus; nec mirum est eos qui Iustiniani Cæsaris imperio  
 tot Iureconsultorum responsa ex tot eorum libris ad epitomen reduxerunt,  
 memoriæ lapsu (homines enim erant) non aduertisse repugnantia inuicem  
 responsa seipso Pandectarum libris adnectere: hæc doctissimus Couarruias,  
 ut videas non immeritò à nobis dictum esse, illa duo responsa hætenus conci-  
 liata non esse: me certè iuris ciuilis præclaris & firmis prædiis destitutum  
 pudet, tædetque nouam conciliationem adducere; video quale quantumque  
 periculum sit in re difficili; sed dicam audacter quod sentio, neque iudicium  
 pertimescam, quod vnum potuit nobis præclaros omnes authores subripuisse,  
 sicque existimo Iureconsultos Vlpianum, & Iulianum diuersa sensisse, non  
 contraria; versatosque in diuerso argumento, iuxta rem quam agebant, res-  
 pondisse; quæ tamen, utpote diuersa, non mereantur repugnantia nomen,  
 seu antinomia; existimo enim antinomiae nomen illa responsa mereri, quæ  
 eadem habeant facti speciem, personarum easdem circumstantias, easdem  
 temporis, locique qualitates, easdem iuris rationes: quod si diuersum argu-  
 mentum sit, aliæ personæ, alia iuris ratio, diuersa, non contraria dicam,  
 etiam si vulgus contraria vocet & appellet; quidquid quocumque modo diffi-  
 deat, ego sanè factum, personas, locum, tempus, iusque adspicio in vtroque  
 responso, si quando antinomiali propositam inquirō: huius generis non diffi-  
 teor esse aliqua, & præcipuè in hoc genere, l. 3. §. si emptor, ff. de actionibus  
 empti, cum l. si stipulatus, ff. de usuris: vterque textus loquitur in eadem stipula-  
 tione, iisdem verbis concepta, vterque in emptore, vterque in eadem materia,  
 vterque in eadem dispositione iuris, in eodem casu, in eisdem circumstantiis:  
 huius generis ferè est lex finalis, ff. de usucapionibus, cum l. si quisquam, ff. de  
 variis & extraordinariis præscriptionibus; ambo in eadem specie, ambo in iis-  
 dem



dem circumstantiis , in eadem iuris dispositione , in eodem loco , & tempore , de quibus modò nihil agimus : in secundo genere vbi diuersa facti species est , variæ circumstantiæ , diuersa iuris ratio sunt , plura Iuriscensultorum responsa , quæ antinomix nomen minimè merentur ; plura conciliauit Zazius de antinomiis , post Budæum , quem ipse refert. Estque hodie integer tractatus de antinomiis , de quibus ita iudico , vt ferè totum ius hoc notare nomine possis , si vtrumque dissidentes leges protinus antinomix appellatione gloriosa , laudem quæsiturus , aut auram popularem potiùs , nuncupēs ; quasi cum pueris in scholis , non cum viris doctissimis negotium sit. In hoc secundo genere rectè collocabis hanc , de qua agimus , antinomiam , quoniam Iulianus , & Vlpianus , non in eadem specie , non in eodem iure , sed diuersis circumstantiis definito versantur. Diximus posse suboriri malam fidem , nulla præuia aduersarij admonitione , aut compellatione , petitione , mutationeue , quoniam interno iudicio tecum ipse cognoueris rem ad te non pertinere , sed alienam esse : tunc quidem ius , quod semper certum est , rectè constituit vt fructus non facias tuos eius rei , quam alienam esse fateris ; in hoc argumento versatur Vlpianus in dict. l. qui bona fide , iam suprà allegata , qui ad primum momentum superuenientis malæ fidei restitutionem fructuum restringit , & rectè , iubetque singula momenta spectari : Iulianus autem loquitur in mala fide inducta per denuntiationem & petitionem , litisve contestationem in iudicio , quæ duo , vt proximè dicebam ( longè lateque differunt , isti enim actus ciuiles sunt , vtque effectus malæ fidei inducant , necessum est , vt legitimè fiant ; aliàs cum fictè mala fides non censeatur , si non fiant secundum iuris dispositionem , malam fidem nunquam efficient , quia mala fides factum , non ius continet , vt diximus. Paret autem hoc ex verbo *euincere* , de quo dubitari non potest , quin iudicarium , aut iudiciale sit , & in iudiciis frequens & quotidianum. At verò in dict. l. qui bona fide , nullum de iudicio indicium est. Hanc duplicem malæ fidei constituendæ viam agnouit ipsemet Vlpianus , vt non extranea conciliationis fundamenta adducamus , in *Litem veniunt* , §. *petitam* , ff. de petitione hereditatis , vbi primum de compellatione , aut denuntiatione in hæc verba ait : *Petitam autem fisco hereditatem , id est , ex quo quis scit à se peti ; nam vbi scierit , incipit esse mala fidei possessor , id est , cum primum ei denuntiatum esset*. Hactenus de denuntiatione , mox subiunxit cognitionem & scientiam , quæ nulla nuntiatione præuia fit , his verbis : *Quid ergo si scit quidem , nemo autem ei denuntiavit ; an incipiat vsuras debere pecunia redacta ? & puto debere ; cepit enim mala fidei possessor esse*. Hactenus ipsemet Vlpianus : vides ergo duplicem hanc malam fidem agnitam ab Vlpiano , ex quo iam obtinemus , in diuersa facti specie versatos Iulianum , & Vlpianum , alterum egisse de mala fide superueniente nullâ præuiâ nuntiatione : alterum verò de ea mala fide , quam inducit nuntiatio , aut petitionis iudicialis ; diximus vtriusque diuersam rationem , & diuersas circumstantias , vt planum hactenus sit , respondisse eos diuersa in diuersa facti specie , & iuris dispositione , modò in diuersa specie adhuc videntur pugnare , quia alter ab eo temporis puncto , quo mala fides superuenit , censet restituendos fructus ; alter verò petitione facta , nuntiationeue in causa euictio-

nis, censet emptorem fructus suos facere, quousque fundus euictus sit; sic autem existimandum est rectè iudicium illud euictionis factum, proposita actione, & exhibitis instrumentis à petitore, quæ rem sibi, aut fundum asserere poterant; sufficientia quidem ad inducendam malam fidem in eo, qui obstinatè existimaret sibi litigandum, & tandem victus sit; neque enim factum apud Iureconsultos constituendum est, nisi legitimum, & iuxta civilis iuris regulas agitarum. Existimamus ergo in eo iudicio euictionis apud Iulianum *in d. l. qui scit*, vendicantem edidisse actionem suam, exhibuisse rationes omnes & instrumenta, quibus rem ad se pertinere ostenderet, iuxta dictam legem 1. ff. *de edendo*; exhibita vidisse emptorem, deliberasse, decreuisseque secum iudicium esse sibi suscipiendum, suscepisse, litigasse, victum esse, quo successu non dubium est, quin malam fidem habuerit à tempore litis contestatæ. Cur ergo ab eo tempore fructus non censet Iulianus restituendos, sed ipsos relinquit emptori, quousque fundus verè euictus sit: hæc est Iuliani sententia, ex hac ratione difficilis; quam tamen ut interpreteris facilè, memineris illud in causis euictionis iuris principium familiare Iureconsultis; quod tunc res, de qua lis est, verè euicta censetur, cum emptor, idemque possessor & reus planè cognoscit, rem à se euinci posse, id est, ab eo momento, quo scit, aut scisse debuit rem ad se non posse pertinere: tunc dicitur euicta res, tunc fundus dicitur euictus. Licet enim ex empto aduersus venditorem agere non possis, nisi euicta re, *l. euicta re*, 16. ff. *de euictionibus*, *l. vtrique*, ff. *de rei vendicac.* l. 3. *Cod. de euictionibus*, l. 4. ff. *de actionibus empti & venditi*, ubi notabat Paulus de Castro, quod nemo poterat agere actione ex empto aduersus venditorem, nisi re omnino euicta, & restituta, Cæpola idem existimauit *in cautela* 71. tamen euictus fundus dicitur, & euicta res, ut agere possis, simul atque con-  
18 terit tibi rem omnino fore euincendam, & restituendam; eo momento scilicet, quo cognoscis rem alienam. Elegans textus *in l. emptorem* 12. ff. *de actionib. empti & venditi*. Emptorem, inquit ipsemet Vlpianus, *noxali iudicio condemnatum, ex empto actione id tantum consequi, quanti minimo defungi potuit: idemque putat eisi ex stipulatu agat, siue non defendat noxali iudicio, quia manifestum fuit noxium seruum fuisse; nihilominus vel ex stipulatore, vel ex emptore agere posse*. Hæc Vlpianus, qui tunc demùm agere posse censet emptorem ex empto aduersus venditorem suum, cum sibi manifestum est, rem à se euinci posse, etiam si eam tradat, & non defendat; tunc enim verè agit euicta re, & res verè euicta est, cum conscientiam habes rei alienæ omnino restituendæ; cum enim illa iura, *l. euicta*, *l. vtrique*, l. 4. l. 3. negent actionem, nisi euicta re, *l. emptorem*; & concedant actionem simul atque noueris rem esse euincendam, profectò rectè colligo apud Iureconsultos rem tunc euictam esse, cum cognosco ad euincentem pertinere. Ita Paulus de Castro *in l. atqui natura*, §. *cum me absente*, ff. *de negotiis gestis*, num. 5. *in fine*, existimabat emptorem, qui certò sciret, rem ad vendicantem pertinere, posse ei restituere rem, quasi euicta esset, nullo suscepto iudicio, & agere posse ex empto ob euictionis causam aduersus suum venditorem, quia tunc verè res, & fundus, aut seruus euictus est à te, cum noueris tuum non esse, neque ad te pertinere. Inde inoleuit praxis quotidiana in foro, ut publicatis attestationibus in causis euictionis,



euidtionis, possit reus desperata causa illa antiquum suum authorem in iudicium vocare, vt si ipse euincenti sit condemnatus, author sibi etiam suus condemnatur: agnouit Bald. in l. si pro ea, num. 9. Cod. mandari, idque publicatis attestacionibus, inquirunt, quia tunc liquet fundum euictum, glossa verbo *Liquet*, & ibi Abbas in cap. significauerunt, de testibus, neque expectatur res iudicata, ex dict. l. euicta, & l. 4. & l. 3. vtiq; quæ requirunt euictam rem; euictam enim rem censet Vlpianus in dict. l. emptorem, quam scio ad me non pertinere, idèd neque defensa re, nec expectata sententia ago ex empto; quem textum habet pro se praxis illa; vnde quod dicimus de attestacionibus publicatis, intelligendum de exhibitis instrumentis, quibus id quoque constet, ita vt nullo etiam suscepto iudicio ex empto ob rem euictam possim agere, quia fundus euictus tunc censetur, quando scientia rei alienæ superuenit; in hoc casu tamen, vbi non expectata sententia restituo, quia non à me defendi non posse in iudicio proposito contra meum debitorem, aut venditorem, ob rem euictam, probare debeo rem ad euincentem omnimodo pertinuisse, quo probato securè trado, securè ago, quia res verè euicta est, ex Paulo in dicto §. cum me absente. Igitur Iulianus rectè ait emptorem quoad percipiendos fructus intelligi debere bonæ fidei, quamdiu fundus euictus non sit; quia quamdiu bonam fidem probabiliter habeo, fundus non dicitur euictus; simul atque malam fidem habeo, fundus euictus dicitur: igitur in ea specie, in qua ex denunciatione agitur, ab eo momento, quo scis fundum euinci posse, à quo malæ fidei possessor es, restituere debes fructus; vnde concordant ambo Iureconsulti, & in diuersa specie idem ius constituunt: ambo ab eo puncto, & momento, quo mala fides prouenit, restituendos fructus esse censent, ex quo si, quod plerumque fit, petitio in iudicio fiat, nullis productis, neque exhibitis instrumentis, quibus causam tueri tuam confidas, egoque resistam, litigem, quia non debeo statim petitioni tuæ acquiescere; publicatis autem attestacionibus videam iure te & ratione agere, tunc quidem potero restituere, & aduersus venditorem meum reuersus, tanquam re euicta agam, qui non poterit obicere, dict. l. euicta, & l. vtiq; & l. 4. & l. 3. imò prudens iudex, si res ad euincentem pertineat, poterit hercule vtrumque condemnare, reum possessorem, vt euincenti restituat: venditorem verò emptori ex empto in totum illud, quod intersit ex causa euictionis: poteritque ex fundata iuris ratione, quoniam petitio non sit proposita exhibitis instrumentis, quibus cedere posset reus fructus, condemnationem differre ad id tempus, quo reus scinit rem alienam; namque restitutio fructuum sequitur malam fidem circa dominium; mala autem fides non consistit in iure, vt his ciuilibus actibus possit induci, sed in facto consistit; verè autem scientiam rei alienæ non obtinui, nisi ex eo tempore, quo publicatis attestacionibus didici apertè rem non esse meam; huiusmodi autem, petitio, & interpellatio actus sunt ciuiles, quæ per se solum veram malam fidem non inducunt; ideo fictio non debet veritati praualeere, nisi legitime proponatur, & secundum iuris ciuilis constitutas regulas.

Præterea ista verba, quæ perfectionem actus significant ex etymo nominum, vbi agitur de obligatione inducenda impropriantur. Bartolus & Scrip- 19  
tores

tores in *l. amplius non peti*, ff. *rem ratam haberi*, Iason in *l. emmian*, ff. *si certum petatur, in principio*. Itaque verba ad inducendam obligationem, quæ nondum erat, extrahuntur à propria significatione, & vt ita dicamus, impropriantur, vt significant non exactionem in iudicio, sed petitionem, aut nuntiationem. Hoc mihi probat apertè Paulus Iurisconsultus in *leg. amplius non peti*, ff. *rem ratam haberi*, iuncto Vlpiano in *l. item veniunt*, §. *debitam*, ff. *de petitione hereditat.* Paulus ex etymo nominis interpretatur verbum hoc *peto*, id est, lite contestata, vt is demùm petiisse intelligatur, non qui denuntiavit, aut compellavit, aut postulavit simpliciter, sed qui petiit exhibitis instrumentis, & rationibus suis, qui deliberare coëgit reum suum, vt cederet, aut litigaret; qui denique effecit, vt reus susceperet iudicium: hæc est propria acceptio huius verbi, *peto*; sed aliàs videas hoc ipsum verbum *peto*, aliò trahi à Iureconsultis, cum agitur de obligatione inducenda; extrahitur enim à propria significatione, & ad simplicem denuntiationem profertur ab Vlpiano, in *dict. §. petitam*. Ibi enim malæ fidei possessor fit ille, cum hereditas à se petita est; petita est autem, cum sibi denuntiatum est. Vides quomodo ad inducendam obligationem restituendi fructus verbum *peto*, extrahatur à propria significatione ad eum actum, qui eundem effectum habeat, & possit eandem malam fidem inducere. Denique Iureconsulti rerum potius quàm verborum solliciti id quærunt, an conscientiam habeas rei alienæ: hanc si habeas verba non verentur, vt iuris rationes obseruent; cum enim nuntiatio legitimè facta, ita inducat malam fidem, sicuti contestatio, *l. si fundum*, Cod. *de rei vindicatione*, *dict. §. petitam*, planè obligationem inducunt, ex quocunque actu mala fides induci possit, vt fructus restituantur, cuius instar est, quod de euitctione dicimus, vt res euitcta sit ex quocunque actu, vbi mala fides reperiri possit; nec significationem in hac re nominum curant Iureconsulti, imò magis arbitrantur eam etiam esse propriam vocum significationem ciuiliū, quæ ciuiles regulas magis conseruauerint. Hactenus de hac antinomia: si meliùs senseris, amice lector, nostram diligentiam ne reprehendito.

- 20 Acquisitionem igitur fructuum aggressi, primam regulam constituimus, vt bonæ fidei possessor naturales fructus non faciat suos: glossa in *l. ex diuerso*, ff. *de rei vendic.* glossa in §. *si quis à non domino*, verb. *fructus*, *Institutis de rerum diuisione*: glossa magna in §. 1. *Institutis de officio iudicis*, quas communiter approbatas inquit Ioannes de Imola in *l. Neseñnius*, §. *fundum*, ff. *de re indicata*, idem Imola in *cap. grauis*, de *restit. spoliatorum*: hanc probat expressè Pomponius in *l. fructus*, ff. *de usur.* cuius verba, quia de illis agendum sapiùs est, adscribere libet. *Fructus percipiendo*, inquit Pomponius, *uxor, vel vir, ex re sibi donata suos facit illos, quos suis operis adquisierit, veluti ferendo; nam si pomum decerpserit, vel ex sylua ceciderit, non fit eius, sicuti nec cuiuslibet bonæ fidei possessoris, quia non ex facto eius is fructus nascitur.* Hæc Pomponius, qui apertè distinguit inter fructus naturales & industriales; planèque naturales, qui sponte proueniunt (hos enim naturales vocamus) non fieri bonæ fidei possessoris fatetur, etiamsi industriales suos faciat: Pomponij autem verba perspicua sunt, nulla interpretatione egent, neque possunt aliò torqueri.



Ex quo obiter id adnotandum est, perperam Franciscum Connanum virum eruditissimum, lib. 8. *commentariorum iuris*, cap. 11. & post eum Pinellum vbi suprâ in l. 2. part. 2. cap. 4. num. 50. existimasse donationem fructuum valere indistinctè inter virum & uxorem, nullâ habitâ ratione bonæ vel malæ fidei, seu iuris scientiæ aut ignorantiæ; idque ex dict. l. de fructibus, ff. de donationibus inter virum & uxorem, ibi: *Et Iulianus scribit fructus quoque ut usuras licitam habere donationem*; atque ita existimant id solum considerandum esse, quodd donans non sit pauperior, etiamsi donatarius fiat locupletior, iuxta legem §. ultimo, ff. de donationibus inter virum & uxorem, ibi: *Vbiunque igitur non diminuit de facultatibus suis, qui donavit, vel etiamsi diminueat, locupletior tamen non sit qui accepit, donatio valet*: quæ ratio non magis in fructibus, quàm in cæteris rebus recipienda est, siue donentur fructus, siue prædia, siue pecuniæ; quin imò sumus in diuersa specie, ad quam pessimè aptatur dicta lex §. §. final. neque enim fructus donati sunt, sed prædium donatum est contra iuris regulas, quæ constitutæ sunt inter virum & uxorem: tunc quæstio est, an prædij donati fructus donatarius suos faciat; quo casu magis bonam vel malam fidem perspicimus, à qua fructuum acquisitio constat; & ipsorum fructuum propriam & genuinam naturam, & qualitatem, secundum iuris regulas, quàm dictam legem §. §. fin. quia non fructus donatos præsupponimus, quo casu fatemur licitam esse donationem; sed fundum, quo casu nullam donationem asserimus: hoc casu de fructibus qui expressè donati non sunt, quærimus, an donatarius suos faciat. Itaque ex dict. l. §. §. fin. nihil particulare debuerunt constituere Connanus, & Pinellus in donatione fructuum, nec ex dict. l. de fructibus, debuerunt deducere fructus fuisse donatos, sed fundum: verba eius hæc sunt: *De fructibus quoque*, inquit Vlpianus, *videamus si ex fructibus prædiorum, que donata sunt, locupletata sit, an in causam donationis cadant? & Iulianus scribit, fructus quoque, ut usuras, licitam habere donationem*. Ecce prædia fuerunt donata, quorum fructus inquirimus, an ad donatarium pertineant, quod longè abest à ratione dicti §. finalis in dict. l. §. vbi de fructibus constitui debet donatio, ut valeat, qui licèt donatarium faciant locupletiores, donantem non faciunt pauperiorem, cui semper restat substantia sua integra, quantumvis fructus donet, l. §. & 6. tit. 11. part. 4. quod est exemplum elegans ad dict. l. §. ibi, *Esse mesino seria ca valdria la donacion que fuesse fecha en alguna otra manera semejante destas*; vbi Gregorius Lopez, verbo *otra manera*, inquit exempla, inter quæ aptissimè connumerabis fructuum donationem alicuius prædij, si hi fructus expressè donentur: nam si prædia donata sint extra regulam dictæ legis §. §. finali, de fructibus, recurrentum est ad iuris regulas de bona & mala fide, in quo dicta lex de fructibus, ex diametro pugnare videtur cum dicta lege fructus, vbi fructuum acquisitio indistinctè non sustinetur, cum naturales fructus, qui spontè proueniunt, possessor non faciat suos; species autem vtriusque responsi eadem est, ambo Iurisconsulti in eodem facto versantur, vterque præmittit non fructus donatos, sed prædia, ex quibus fructus percepti sunt, & in eadem specie Vlpianus licitam ait fructuum donationem, Pomponius non item, sed eorum duntaxat, quos industriales vocamus. Conciliatio illa placet, ut Vlpianus intelligendus sit iuxta

distinctionem Pomponij, vt licita sit acquisitio fructuum industrialium, non naturalium, vt dicta lex *de fructibus*, habeat locum in fructibus industrialibus, & de his loquatur: idque colligitur ex Vlpiano in comparatione fructuum & vsuatarum, in quibus licitam esse ait acquisitionem; vsuræ enim cum magis ad industriam, quàm ad naturam pertineant, vt comparatio, aut similitudo Vlpiani constare possit, intelligenda est de fructibus, qui ad industriam potius quàm ad naturam pertineant: ita intellexit Accursius ibi, & Bart. & Abbas *in cap. consultationibus, de iure patronat.* iuxta quem sensum est intelligendus textus in *l. ex annuo, ff. eod.* vt procedat in industrialibus fructibus: vnde licet donatio rei inter virum & uxorem non valeat, tamen fructus industriales lucratur coniux ex ea donatione, non verò naturales, ex *dict. l. fructus*; nec excludenda bona fides est, ex Pomponio, ibi, *sicuti neque cuiuslibet bonæ fidei possessoris*; breuiter enim ait Pomponius, in ea donatione intervenisse bonam fidem, effectum autem bonæ fidei non adscendere eò, vt fructus qui sine labore, sine opera tua, & industria proveniunt, omnino alienos lucrificias. Indeque perperam colliges, non esse necessariam bonam fidem, vt industriales acquiras; neque enim sequitur, Bonæ fidei possessor non acquirit fructus naturales, ergo malæ fidei possessor lucratur industriales; pessima collectio est, dispar assumpti & collecti ratio; mala fides acquisitionem excludit, bona autem fides admittit, sed eorum, quos tuo cultu, operâ & diligentia acquisieris, non eorum, quos naturæ largitas præstitit: itaque in hoc casu, ubi de fructibus expressè non est facta donatio, sed de prædio aut fundo, necessariò est habenda ratio bonæ & malæ fidei, ad acquisitionem fructuum, contra Pinellum & Connanum, idque sensit Accursius, Bartolus, Abbas, & alij cordatius. Est contra eos expressè Vlpianus in *l. si uxor filio, ff. eod. de donationibus inter virum & uxorem*, ibi: *Quia nec ex re sua quicquam acquiri potest per eum qui donat, ei cui donatur; hoc enim bonæ fidei possessoribus concessum est.* Ecce quomodo bona fides in acquisitione fructuum industrialium ab Vlpiano exigitur, idque inter virum & uxorem.

Vnde si donatarius sciuerit donationem esse iure reprobata, & contra leges & iura (quo casu in promptu est mala fides,) *l. si prædium, Cod. de prædiis minorum*, vix enim potest dici bonæ fidei possessor, qui quippiam habet contra iuris constitutas regulas, *l. quemadmodum, Cod. de agricolis & censitis, lib. 11. l. si quis decurionum, Cod. de prædiis curialium sine decreto non alienandis*, ubi decurio non potest vendere immobilia sine decreto ex iusta causa alienationis, aliàs non valet venditio, & emptor perdit pretium, & restituit rem cum fructibus, & ibi Platea *notabili* 4. id notat, *l. inbemus nulli, §. 1. Cod. de sacrosanctis Ecclesiis*, ubi cum fructibus, seu pensionibus vel accessionibus mediij temporis vendicantur, *cap. si quis presbyterorum, de rebus Eccles. non alienandis*, ibi, & *vt cum fructibus possint alienata reposcere: l. 2. Cod. si quis ignorans rem minoris: Si contra amplissimi ordinis*, inquit, *decretum possessiones tue distracte sunt, conveni earum possessorem, ut si ita probaveris gestum, & possessor restituitur, & fructus universi reuocentur, si non bona fide emptorem fuisse qui emit, constiterit.* Glossa & scriptores in verbo *mala fides*, in *l. 1. Cod. de fide instrumentorum & iure hæstæ fiscalis, lib. 10.* ubi qui non contrahit cum solennitatibus requisitis



requisitis à iure, dicitur esse in mala fide, gloss. Bart. in l. 2. verbo *Oculi*, Cod. de his qui ex publicis rationibus, lib. 10. glossa verbo *Clandestina*, in cap. cum inhibito, de clandestina desponsatione; fructus hos qui in consequentiam rei donatæ percipiuntur, non faciet suos, quia possessor malæ fidei est, idque constitutum est in dict. l. de fructibus, & in l. si uxor filio, ff. eodem, ubi apertè de mala & bona fide facta est distinctio ad acquirendos fructus in donationibus inter virum & uxorem. Vnde immeritò reprehendit Pinellus Ioannem Lupum de Palacios Rubios in repet. rub. §. 72. num. 3. qui rationem habendam existimat bonæ, vel malæ fidei in acquisitione fructuum. Pinellus enim ubi supra, num. 51. cum teneat illam opinionem, licitam esse fructuum donationem, quia donantem non faciat pauperiorem, verè existimat in sua illa specie, in qua ipse versatur, non habendam rationem bonæ vel malæ fidei; sed Palacios Rubios loquitur in casu, in quo fructus particulariter non sunt donati, sed prædia: de fructibus prædiorum queritur, in quibus non potest excludi consideratio bonæ, vel malæ fidei, quam Iureconsulti admittunt in dict. l. de fructibus, & in dict. l. si uxor filio, & admittit ratio iuris, quæ de bonæ & malæ fidei possessore circa fructus acquirendos constituta est, quam rectè sequitur Palacios Rubios, & immerito reprehendit Pinellus, quoniam diuersa facti species diuersam exigit iuris decisionem: neque quicquam facit lex cum hic status, ff. de donationibus inter virum & uxorem, quia ex illa lege solum colligendum est, donationes posse reuocari, quæ de validis, non de inualidis intelligenda est; quæ enim à principio non valent, nulla reuocatione egent. In his ad fructus lucrandos bonam vel malam fidem requirimus, quam in viro facilius quàm in uxore præsumemus; neque enim dicta lex cum hic status, correxit totum ius de donationibus inter virum & uxorem: idè Palacios Rubios dicto num. 3. rectè allegat dictam legem de fructibus, & dictam legem fructus, & dictam legem si uxor; cum enim, ut sæpè diximus, bona vel mala fides consistat in facto, non in iure, d. l. bona fidei, ff. de acquirendo rerum domino, nihil curamus titulum, sed conscientiam alienæ vel propriæ rei; vnde qui habet titulum reprobatur à iure, potest habere nihilominus bonam fidem iuris ignarus: textus egregius in l. 2. C. si quis ignorans rem minoris, ibi, si contra Amplissimi Ordinis decretum; & ibi, si non bona fide emptorem qui emit, fuisse constiterit; titulus enim illegitimus malam fidem, ut diximus, inducit præsumptam, quæ excluditur probata vera bona fide, quam mulier, rusticus, & vir iuris ignarus probare poterit ex variis circumstantiis. Bartol. & Angelus in l. sed & si lege, §. scire, ff. de petitione heredit. Bald. in cap. cum super, de causa possessionis & proprietatis; atque in hunc sensum accipienda sunt verba dicti §. scire, ibi, & non puto hunc esse prædonem, qui dolo caret, quamuis in iure errauit: nihil enim habet commune bona fides vera, cum mala fide præsumpta. Fateor errorem iuris malam fidem inducere præsumptiuè, sed vera bona fides in eo, qui ius ignorat, & dolo caret, præsumptam eam malam fidem excludit, dict. l. 2. Cod. si quis ignorans rem minoris, qui est textus expressus; reliqua autem iura, quæ adduximus num. proximo, in mala fide præsumpta accipienda sunt, quod ferè tenent Baldus, & Salycetus in dict. l. 2. Abbas in cap. ad nostram, prope finem, de rebus Ecclesiæ, Iason in l. 1. §. si vir uxori, num. 22. & in

23

24

*l. 3. §. ex contrario, ff. de acquir. possess. glossa in l. de fructibus, suprà de donatio-  
nibus inter virum & uxorem, Romanus singulari 90. Paulus in l. Celsus, ff. de  
usucapion. Bart. & reliqui in dict. §. scire, tenent Innocentius, Ancharanus, &  
Imola in dict. cap. ad nostram, qui extendunt ad errorem iuris resistentis actui  
de quo agitur; item vt vel res omnino prohibeatur alienari, vel prohibeatur  
certa damtaxat solemnitate omitta: resoluit Couarruias lib. 1. variarum reso-  
lutionum, cap. 3. num. 8. pro quo est nobis textus elegans in l. 11. tit. 14. part. 2.  
ibi, *Otro si el que tal heredad comparasse, sabiendo que era de la yglesia, e non fi-  
ziessse la compra en la manera que se dice en las leyes deste titulo, de nela perder e  
cobrar la yglesia con los esquilmos que ende lleuo: & ibi, e si alguno la recibiesse  
a subindas en donadio, deue la entregar a la yglesia con todas las rentas que della  
ouo*: nota verbum *a sabindas*, quod latinè est, *scienter*, quomodo scientiam  
requirit, hoc est, malam fidem veram, quæ non tantum deducatur ex titulo  
reprobato, qui fide mala fides censetur: ita communis & vera opinio distin-  
guir inter malam fidem fictam, & veram; errorem iuris excusare ait ab hac  
mala fide, & meritò, vnde in dict. §. scire, verbum illud *pradonem*, interpre-  
tandum est verè, id est malæ fidei possessorem: ita interpretati sumus suprà,  
cum de hoc verbo egimus, cap. 2. num. 17. contra quam opinionem immeritò  
tenet Pinellus doctissimus in dict. l. 2. in 2. parte cap. num. 34. omnia autem iura  
quæ adducit in contrarium, scilicet dict. l. que madmodum, Cod. de agricolis &  
censuris, lib. 11. ibi, *quia vix potest dici bonæ fidei possessor, qui aliquid mercatur,  
contra legum interdicta; & dict. l. si pradium, Cod. de prædiis minorum, & dict.  
l. si quis decurionum, Cod. de prædiis curialibus, & dict. l. 1. Cod. de fide instrumen-  
tor. & iure hasta fiscalis, lib. 10. & l. inbemus nulli, §. 1. Cod. de sacrosanct. Eccle-  
siis, & cap. si quis presbyterorum, de rebus Ecclesiæ non alienandis*, procedunt in  
mala fide ficta, quæ plurimum distat à vera mala fide, quæ in facto consistit,  
nec ab ea excluditur, iuxta quem sensum intelligenda est lex 40. titulo 28.  
part. 3. ibi, *la quarta es quando ganasse la heredad contra leyes de este libro; vt  
qui titulum habet à iure reprobato, præsumatur habere malam fidem, verè  
tamen habere possit bonam fidem, quæ restitutionem fructuum excludat, &  
ex circumstantiis rerum & personarum, quia bona, & mala fides facti res est,  
non iuris, vt diximus; nisi enim illa iura omnia scientiam illam præsumpsis-  
sent tituli reprobatum à iure, nunquam inducerent restitutionem fructuum, in  
dict. l. 1. Cod. de fide instrum. & iure publica subhastationis, ibi, *recissa venditione  
mala fide facta, easdem res recipies cum fructibus; & rursus ibi, quos ad emplo-  
rem mala fide peruenisse*: nota præter titulum illegitimum requisitam fuisse ve-  
ram malam fidem, non præsumptam, ad restitutionem fructuum: quia ius  
ad hoc factum semper requirit: idem innuit textus in dict. l. si quis decurionum,  
Cod. de prædiis durionum, lib. 10. ibi, *quod si quis contra veritatem occultis mol-  
tionibus per suppositas fraude personas*; nota ibi de fraude fieri mentionem, qua-  
si præter illegitimum titulum fraudem lex requisierit: idem in l. inbemus nul-  
li, §. 1. Cod. de sacrosanct. Ecclesiis, ibi, *auduci spiritu & mente sacrilega*; quæ  
verba magis ad factum, quàm ad ius referenda sunt: idem in c. si quis presbye-  
rorum, ibi, *quod si minore anima sue cura*; quæ verba solum referre ad titulum  
illegitimum nemo cordatus audebit. Igitur iura hæc omnia ad fructus restitu-**



tionem præsumunt scientiam iuris reprobari; quæ tamen sæpe abesse potest, & probari ex circumstantiis regionis, temporis, & personarum. Alia autem iura, quæ addunt Pinellus, scilicet lex 2. §. si à pupillo, ff. de usucapionibus pro emptore, lex si vir uxori, ff. de donat. lex nunquam, ff. de usucapionibus, lex potest, lex in so, ff. eodem, lex iuris regula, ff. de iuris & facti ignorantia, 4. & 7. denique omnia hæc iura pertinent ad usucapionem, in qua dispar ratio est, atque in acquisitione fructuum: textus expressus in dict. l. bona fidei, ff. de acquir. rer. domin. sæpius allegata; usucapio ibi perficiebatur apud Iureconsultos cum mala fide, acquisitio fructuum non item: denique iura illa non possunt ad hanc nostram acquisitionem fructuum allegari, & habent particularem rationem, quam alibi dicimus. Quod verò refert ipse Pinellus deducto 25  
argumento ad inconueniens, quod fragile Dialectici censent, ubi agitur de elidendo argumento; qui enim argumentum proponit, inconuenientia asserit, quæ ex tali argumento nascuntur, & deriuari possint; ait enim quod cum his iuris error probari debeat, reuera probari non possit, quod argumentum leuissimum est; error enim in omni genere probationis versatur, quæ probatio tam longè patet, quam longè patent mores, consuetudines rerum, causarum & personarum qualitates: vide Bartolum in l. non fatetur, ff. de confess. num. 12. qui ad hoc allegat legem si adulterium cum incestu, §. primo, ff. de adulteriis, ut ex qualitate facti, & personarum erroris resulter probatio; quin illud verissimum est, si cum iudicio expendamus iura, in dubio facilius præsumi errorem & ignorantiam iuris, quam exactam cognitionem, quod aduertit Raphaël in l. inuutilis, in principio, ff. de acceptilationibus; aded enim profunda est hæc ipsa Iurisprudencia, aded diuersis, secretioribus & occultis abdita 26  
& reposita locis, usque aded tenebroso quodam verborum rerumque inuolucro cooperta; & cæca caligine obdusta, ut nunquam nisi viris apprime eruditis, vario rerum & verborum præsidio instructis patuerit, ut obiter istos leguleos omittamus, qui vix puritatem sermonis latini ingressi, sine Philosophia laudandarum artium procreatrice, ad vnum aut alterum alphabetarium indicem oculos coniicientes, rudes, planè ignari, totam iuris ciuilis, eamque abolutam cognitionem temerè sibi pollicentur, immemores eius Seruij Sulpitij, quem in l. 1. ff. de origine iuris, legimus, cum in dicendis causis primum locum, aut proximum post Marcum Tullium obtineret, quasque sine legibus tractare non poterat, ut ait Cicero in oratione pro Cluentio, obiurgatum fuisse & reprehensum à Quinto Mutio, quod semel atque iterum responsum de amici rebus non intellexisset; reprehensionis causa ea fuit, quod ius ignoraret in quo versaretur. Ex eo loco Accursius, & Zazius ibi colligunt, secuti reliquos iuris Interpretes, facilius esse ut præsumamus iuris ignorantiam, quam notitiam; nam quod Cicero pro Murena aliàs scriptum reliquit, legalem disciplinam cognitu non difficilem, esseque gloriam si benè respondeas, sin malè, nullum subesse periculum, quia protinus subsit existimatio, quod in ius controuersum incideris; foro certè seruiuit Cicero, ubi sæpe non ex vera animi sententia multa dicuntur, sed quæ possint obcæcare iudices, & in causam propositam inclinare; commodo clientis addictus, non libero animi iudicio, quod verè non sentiebat euomuit Cicero, quod priuata utilitas, &

cupido replendæ crumenæ quotidie facit: verba Ciceronis hæc sunt, libet addere, vt videas quàm antiquum sit, pessimum & iniquum iudicium, contra leges & iura prolatum, ex iure controuerso defendere; itaque inquit: *Si mihi homini vehementer occupato stomachum moueritis, triduo me Iureconsultum esse, profitebor enim quæ de scripto aguntur, scripta sunt omnia; neque tamen quicquam tam angustè scriptum est, quo ego non possim quæ de re agitur addere; quæ consuluntur autem minimo periculo respondentur: si id quod oportet, responderis, idem videre respondisse, quod Seruius; si aliter, etiam controuersum ius nosse, & tractasse uideare.* Hactenus Cicero. Videre mihi videor paucis verbis ingenium leguleorum nostræ ætatis suis coloribus depictum; sæpe enim videas iniquè & perperam contra leges & iura, & contra rei gestæ veritatem responsum; vt quæ authoritatem respondentis tueamur, ne viri alioqui graues, & publico iudicio probati ex ridiculo responso ridiculi fiant, ad ius controuersum, non ad iuris ignorantiam responsum referre necesse est: quod attinet ad Ciceronem, hæc facilitas iuris non est sibi ex vera animi sententia proposita, foro seruiuit, quod ille egregiè facere nouerat. Sæpè enim alias difficilem iuris artem profitetur, adedò vt ex libris dignosci non possit nisi præuio magistro & præceptore. Verum est inquit ille ad Trebatium, dignosci non posse sine magistro, difficilem esse. Scæuola item *in l. codicillis, §. Lucius, ff. de legatis 2.* Iureconsultos ait in condendis legibus nimiam, & miseram diligentiam adhibuisse, quæ latere posset faciliè, etiam de ea sollicitum. Passim quoque videas Iureconsultos pugnare, aliisque alia aliorum responsa probata, aliis reprobat; quod quidem nisi ex difficultate artis, in qua versantur, euenire non potest. Verissimum est, quod Aretinus scripsit *in l. sciendum, ff. de verbor. oblig.* quod solennitas contractuum, quæ est vnita vsui gentium, præsumatur esse nota vnicuique; non tamen idem fatendum sit in solennitate simplicis iuris ciuilis, quia talis non præsumitur cognita, nisi peritissimis: nemo ignorat viduæ, pupilli, Ecclesiæ rem sine consensu naturali transferri non posse; est enim solennitas naturalis; pauci sciunt quâ solennitate ciuili sint eorum bona alienanda. Sequitur Alciatus *regula 3. presumptione 10. num. 10. vers. non obstat*, tenet Alex. *consil. 103. vol. 1.* quod non excusatur qui errat in iure notissimo & vsu publico recepto; quapropter in probatione huius erroris, & ignorantie plurimum poterit bonus prudensque index, qui ex causis, personisque variè constituet, secundùm Bartol. *in dict. l. non fatetur*; & Baldum *in dict. l. 2. Cod. si quis ignorans rem minoris*; vbi quod error iuris ex coniecturis, indicis que constabit, vnde Alexand. *in l. 1. §. si quis ita, ff. de verborum*, ex qualitate personæ censet probari posse iuris errorem; ait enim in fœmina iuris ignorantiam & errorem faciliùs probari, quàm in viro: idem Aretinus *consil. 17. num. 2.* qui in illa muliere tolerat faciliùs hunc errorem quàm in Ioanne: idem in milite Bald. *in l. venditioni, Cod. de usucapione pro emptore*, & *in dict. l. 2. Cod. si quis ignorans rem minoris*. Felin. *in cap. de quarta, de prescript.* Alciatus *dict. reg. 3. presumptione 30. num. fin.* Carolus Molineus *in consuetudinibus Parisiensibus, tit. 1. part. 1. §. 22. num. 42. & 54.* ex quibus constat, quàm liberè doctissimus Pinellus constituat iuris errorem improbabilem; quodque ille de iuramento addit, longè aliter proponitur ab scriptoribus;



scriptoribus; non enim in hac vna re iuramentum proponitur, vnicum dumtaxat, & solum probationis genus; non tamen negari potest quod aliquando iuris hic error probari possit sacramento eius qui in iure errauit, iuxta tradita à Doctoribus suprà, præsertim si errans eius sit probitatis, neque absint aliæ coniecturæ, vt ei fides habenda sit, retenta regula legis *quæro*, ff. de *adililio edicto*. Quod verò ait Pinellus, decretum minorum adedò innotescere, 29 vt in eo error tolerari non possit, non dissidentur id Doctores; talem tamen errorem ex causis, personis, vsu, & consuetudine aut abiciunt, aut recipiunt, idque probatur *in dict. l. 2. in 2. part. Cod. si quis ignorans rem minoris*, & sentit Molineus *dict. num. 54.* & reliqui, quærentes veram malam fidem, quam suo nomine positiuam vocant, non fictam, quam multipliciter elidi posse constat. De hac vera bona fide est dicta lex 2. *in 2. parte*, quæ verificabitur in eiente rem minoris, vel ab ipso minore, vel à tertio, qui emerat à minore, si bona fide id facit, vndecumque bona illa fides procedat; bona enim fides tota ratio est acquirendorum vel amittendorum fructuum industrialium, non titulus iustus, vel iniustus, legitimus, vel illegitimus, cum sine titulo hæc mala fides reperiri possit, vt dicemus; quod etiam si hæc non aduerterint Pinellus & Molineus *vbi suprà*, debuerunt certè aduertere, postquam satis intellexerunt hanc de bona & mala fide distinctionem. Melius ergo doctissimus Conar. ad hoc aduertit *in dict. cap. 3. num. 6. ad fin.* vbi contra Molineum tenuit: doctissimum autem Couarruiam immeritò reprehendit Pinellus *num. 16.* ex fundamento fragili; nam quamuis in successore probabiliore sint causæ ignorantie, quàm in contrahente, *ex l. bonæ fidei, ff. de acquir. rerum dominio* ibi, *ab eoque postea alienata bonæ fidei emptori*, & ex regula legis *qui in alterius*, ff. de *regulis iuris*; tamen si idem iuris error reperitur in eiente ab ipso minore, quod fieri posse latè adduximus, quid vetat, bonam illam fidem prodesse ad fructus lucrandos, iuxta communem opinionem: namque enim aptè colligitur, vt qui emit à successore, propter ignorantiam præsumptam successoris præsumatur bonæ fidei: ergo qui emit ab ipso minore verè est malæ fidei, quia bonæ fidei esse potest ex circumstantiis temporis, loci personarum, ex qualitate negotij & causæ, de qua agitur, ex his quæ diximus. Cum ergo agnouerint hanc ipsam distinctionem malæ fidei fictæ & veræ, agnoscere item debuerunt verum & planum sensum *ad dict. l. 2. Cod. si quis ignorans rem minoris, in 2. part.*; in ipso enim iuris errore non dubium est, quin plurimum possit tempus, sexus, qualitas personarum, & loci; aliud de rustico, aliud de milite, aliud de fœmina, aliud de iuris perito, aliud tempore belli, aliud pacis, aliud ruri, aliud in ciuitate existimare debemus potuisse geri, fieriue, de quo Bald. & Paul. *in l. emptor fundi, ff. de usucapione pro emptore*, Aretinus *in l. quod vxor, ff. de acquir. possessione, l. cum de indebito*, ff. de *probationibus*, ibi, & maxime si is qui indebitum dedisse se dicit, homo diligens est & studiosus paterfamilias, cuius personam incredibile est, in aliquo facile errasse. Itaque ex his circumstantiis, quæ incidunt in omne genus causæ, induci potest bona fides vera, in qua possit verificari dicta lex 2. *in 2. parte*, non solum si ab eo emas qui à minore emit.

Namque si vera esset noua illa opinio Pinelli, vt iuris error non excusaret, &

30 & omnino elideret veram bonam fidem positivam, ex eo quia ius est, quod ignorari non possit, tam ea opinio militaret in iure agnito & manifesto, quàm in obscuro & controuerso; neque enim obscuritas iuris ex iure nascitur, sed ex sententiis interpretum varia opinantium; ius enim semper certum est, & certa semper decisio legis, anceps tamen fit ex ancipiti acceptione & intellectu interpretantium; neque enim probabile est voluisse legum conditores dubio responso veluti Apollinis oraculum consulentes ambigua responsione decipere: certus fuit legis condendæ scopus & finis, certa dubitatio, quam lege lata diluerent; verborum autem multiplex interpretatio sæpè facit à vero sensu deniare. Cùm ergo certa semper sit lex, nunquam ex Pinello impunè contingeret iuris error: at verò satis constat iuris ambigui errorem, & controuersi nil nocere ad fructus lucrandos & adquirendos, quod receptissimum est ex his quæ ipsemet Pinellus refert *num. 40.* & doctissimus Couarr. *in reg. possessor, 2. part. §. 7. num. 9.* celebris est glossa *in §. 1. Institutis de obligationibus, quæ ex quasi delicto nascuntur*, quam Baldus & alij notant ad hoc, quam ipsi adducunt post alios; iuris enim error obscuri & ambigui similis est facti errori, DD. *in cap. cùm dilectus, de consuetudine*, Abbas *in capit. Apostolica, num. 2. de donationibus*, Capycius *decisione 69. num. 24.* Socinus *in rubrica ff. de rebus dubiis*, Curtius Iunior. *conf. 28. num. 8.* ex ambiguitate causæ & iuris solent prudentes Senatores Principem consulere, aut litigantes ad concordiam compellere. Matthæus de Afflictis *lib. 1. constitut. Neapolit. rubr. 34.* & ex obscuritate iuris fit diuisio per medium, glossa *in l. Nescennius, ff. de neg. gestis*, Boërius *decisione 149. num. 22. & 42.* Tiraquellus *de primogenio, quaest. 17. in 4. opin. num. 9. & seq. l. & hoc Tiberius 41. ff. de heredibus instit. l. sed & si lege, §. adeo*, & excusatur iudex in errore iuris obscuri, *dict. glos. in §. 1. Institut. de obligationibus quæ ex quasi delicto*, Bald. *in l. mancipia, num. 2. Cod. de seru. fugitiuis*, & prodest ignorantia huius iuris ad restitutionem, ex Abbate *ubi supra*. Igitur ex his circumstantiis habere quis potest veram bonam fidem, etiamsi in iure erret, ac subinde fructus sibi conseruare, etiamsi reprobaturum à iure habeat titulum: quod senserat Ioan. Lup. de Palac. Rub. *dict. n. 3.* quem malè ibi reprehendit Pinellus: sensit Couarruias doctissimus *ubi supra*. dum explicat dictam legem *2. C. si quis ignor. rem minor. in 2. part.* contra Molineum, quem cum dicto Couarruias relinquere poterat idem Pinellus ex his quæ diximus, quod quoniam bona, vel mala fides vera plurimùm distant à titulis legitimis, vel illegitimis, à iure reprobatis, vel probatis, mala fides sæpissimè reperitur cum titulo à iure probato & legitimo, & bona sæpe cum titulo illegitimo & reprobato, *dict. l. 2. in 2. parte, dict. l. si vxor, dict. l. de fructibus, dict. l. fructus, ff. de usuris, dict. l. bona fidei emptor, dict. l. 1. Cod. de fide instrum. & iure pub. subhast. dict. l. si quis decurionum, Cod. de prædiis decurionum, lib. 10. dict. l. iubemus nulli, §. 2. Cod. de sacrosanct. Eccles. dict. cap. si quis presbyterorum, de rebus Eccles. dict. l. qui scit, ff. de usuris, dict. l. sed & si lege, §. sci. e, ff. de pet. hereditat. ubi verbum illud *prædonum*, interpretandum est contra Pinellum pro malæ fidei possessore, iuxta ea quæ tradidimus *cap. 2. num. 17. dict. l. quemadmodum, Cod. de agricolis & censitis, dict. l. 39. titul. 28. part. 3.* hæc omnia iura cum titulo illegitimo bonam fidem admittunt; quæ autem maximè pro Pinello*



Pinello faciunt, ea dumtaxat præsumptam & fictam malam fidem inducunt, quam vera bona fides probata ex circumstantiis legitimis verè excludit, vt diximus.

Alia iura adducit Pinellus pro sua opinione, quæ pertinent ad vſucapionem, *l. 2. §. si à pupillo*, ff. de vſucap. pro emptor. *l. si vir uxori*, ff. pro donato, *l. nunquam*, ff. de vſucapionibus, vbi nunquam iuris error possessoribus prodest, *l. potest*, *l. iusto*, ff. eod. *l. iuris regula*, ff. de iuris & facti ignorantia, 4. & 7. Hæc facili, vt diximus, negotio elidi possunt, ex regula dictæ legis *bona fidei emptor*, ff. de acquirend. rerum domin. quæ est fundamentum totius huius disputationis; admittit enim malam fidem cum vſucapione, atque vſucapionem totam ius esse, & à iure dependere; quate nihil mirum si à iuris errore destruat, cum iure debeat subsistere, & ab eo vires capiat. Præterea illa omnia iura procedunt in vſucapione ordinaria, ad quam titulus est necessarius, *l. Celsus*, ff. de vſucapionibus, *l. nullo*, C. de rei vendic. vbi Bart. nam longi temporis præscriptio triginta vel quadraginta annorum titulum non requirit, *l. omnes*, C. de præscript. triginta vel quadraginta annorum, quod habet locum in rebus quoque Ecclesiæ, cap. placuit, §. potest 16. quest. 3. cap. si diligenti, capit. sanctorum, de præscriptionibus, Bald. de præscriptionibus 2. parte, partic. 3. quest. 6. & in 2. parte, partic. 4. quest. 22. Couarr. in regula possessor, 2. parte, §. 5. in principio, vbi latissimè, ex quo iuris principio necessariò sequitur, bonam fidem veram cum titulo illegitimo, & probato, non fore sufficientem ad vſucapionem ordinariam, cum titulum requirat, dict. *l. nunquam*, ff. de vſucapion. Nunquam, inquit Paulus, in vſucapionibus iuris error possessoribus prodest, & ideo Proculus ait, si per errorem in initio venditionis tutor pupillo auctor factus sit, vel post longum tempus venditionis peractum, vſucapi non posse, quia iuris error est. Vide Accursium verbo factus sit: facti autem error non impedit vſucapionem, *l. 2. §. si à pupillo*, ff. de vſucap. pro emptore, vbi apertè hoc discrimen constituit Paulus. Si à pupillo, inquit, emero sine tutoris auctoritate, quem puberem esse putem, dicemus vſucapionem sequi, vt hic plus sit in re quàm in existimatione: quod si scias pupillum esse, putes tamen pupillis licere res suas sine tutoris auctoritate administrare, non capies usu, quia iuris error nulli prodest. Hæc Paulus: vbi autem concurrat vtrumque, scilicet iuris error, & facti, attenditur magis causa, quæ proſit, quàm quæ noceat. Ita intelligendus est textus in *l. si vir uxori*, ff. de vſucapione pro donato, vt aduertunt Bart. & Scriptores ibi, & in *l. in venditionib. C. de vſucap. pro emptore*, & Cinus ibi, quest. 4. Alciatus præsumptione 30. regula 1. num. 3. Dinus in regula possessor, ff. de regulis iuris, num. 40. verè enim in dict. *l. si vir uxori*, quicquid dicat Paulus de Castro in d. *l. nunquã*, atque eum secutus doctissimus Couarr. in d. *regula possessor*, part. 2. §. 7. n. 10. duplex extitit error, scilicet facti & iuris; alter in eo versatur, quia contrahentes existimant rem donatam à viro fieri uxoris, hoc est valere donationem inter virum & uxorem, contra notissimas iuris regulas; alter in eo versatur, quia donatarius existimauit errans, rem donatoris fuisse, qui error in facto consistit: Iureconsultus ait, si pauperior is qui donasset, non fieret, vſucapionem procedere; ideo autem Pomponius Iurisconsultus existimare potuit: donatorem non fuisse factum pauperiorem, quia proposuit rem alienam

31

32

33

donatam; ex quo patuit, licet contrahentes existimauerint donationem valere inter virum & uxorem, errantes in iure, in ea specie particulari rectè censuisse donationem eam esse validam, quia donatarius donans rem alienam, pauperior non est effectus, quo casu valida est donatio, *dict. l. 5. §. fin. ad fin. ff. de donationibus inter virum & uxorem*. Itaque verè in *dict. l. si vir uxori*, duplex extitit error, & facti, & iuris; sed error iuris generalis, quem contrahentes conceperant, purgatus est ex particulari ratione donationis factæ, quia donatio rei alienæ non fecit pauperiorem donantem; idèdonatio mero iure valuit, licet contrahentes generaliter conceperint donationem inter coniuges valuisse: ex qua ratione constat, ibi vnicum errorem repertum fuisse, scilicet facti, non iuris, quia verè donatio valuit, & colligi potest ex hoc sensu, qui est ad litteram, rectè sensisse D. Couarruu. contra communem, vbicumque adsit iuris error, non conservari vscapionem, etiamsi adsit simul facti error, *ex dicta l. nunquam*, & ita adhuc existimamus ex hac ratione rectè in casu dictæ legis *si vir uxori*, rectè sensisse Paulum de Castro, & Dominum Couarr. in eo saltem, quod communis opinio, quæ tenet, concurrentibus errore facti & iuris, magis attendendum esse ad errorem facti, qui prodest, quàm ad errorem iuris, qui nocet, non possit deduci *ex dict. l. si vir uxori*, vbi donatio verè valida fuit, isthucque poterunt Dominus Couarr. & Paulus deducere: an verò illa communis probetur ex aliis iuribus, illud modò non disputo: sat sit ostendisse, in vscapione aliam esse rationem bonæ & malæ fidei circa titulos legitimos, aut illegitimos, probatos aut improbatos, quàm in acquisitione fructuum, vbi meram animi conscientiam inquirimus & indagamus, neque posse aptè iura de vscapionibus applicari fructuum acquisitioni.

- 34 Vnde quia in vscapione ordinaria, quæ titulum exigat, error iuris nocet, multò fortius id recipiendum est in errore iuris qui resistit actui de quo geritur, quod tenet Paulus in *dict. l. Celsus*, & ibi Bart. *ff. de vscapionibus*, Ias. in *l. si quis id quod, notabili 8. ff. de iurisdictione omnium iudicum*. Bart. in *dict. l. quemadmodum, Cod. de agricolis & censibus, lib. 11. Cardinalis in Clem. 1. §. si quis, quest. 2. de rebus Ecclesiæ non alienandis*: quod ad acquisitionem fructuum, de qua agitur, nihil pertinet; quantumvis enim errem in iure resistente, si bona fide vera id ago, fructus facio meos, ex Innocentio, Anchirano, Cardinale, & Imola in *dict. cap. ad nostram, de rebus Ecclesiæ non alienandis*, atque ex iuris ratione quam adduximus; quia vera bona fides esse potest cum titulo reprobato & illegitimo, cui resistat ius; idque tenendum est contra sententiam receptam, quam tradit Couarruu. *variar. lib. 1. cap. 3. num. 8.* & reliqui, ex distinctione malæ fidei veræ & fictæ, quæ diuerso iure censentur, *ex dict. l. bona fidei emptor*, & *dict. l. qui scit*, & aliis iuribus, quæ ad hoc notauimus suprà; ita vt liqueat contra Pinellum errorem iuris non protinus inducere malam fidem sufficientem ad fructus restitutionem, quia cum errore iuris potest subesse bona fides vera, quæ huiusmodi restitutionem excludit. Ex quibus temperabis ipsummet Couarruu. *dict. cap. 3. num. 9.* & Carolum Molineum *dict. num. 54. §. 22.* semper enim obseruandum est, differre bonam fidem à titulo & errore iuris, cum is qui in iure errat, etiam resistente actui de



de quo agitur, possit habere verè bonam fidem; & is qui in iure non errat, sed legitimè contrahit, possit habere malam fidem veram. Vnde quia bona, vel mala fides vera, non ficta inducunt restitutionem fructuum, *dict. l. qui scit, dict. l. bonæ fidei emptor*; dicendum verè est, & ex fundata iuris ratione, quicquid dicant Pinellus, Molineus, Couar. *ubi supra*, probata vera bona fide nunquam ex præsumpta inducendam esse restitutionem fructuum, in vsucapione autem ordinaria magis esse expectandos titulos, quia vsucapio tota in iure, non in facto versatur: quæ iura non debuit Pinellus ad acquisitionem fructuum adducere, cum aliud agant.

At verò ex *dict. l. 2. si quis ignorans rem minoris, in 2. parte*, cum glossa *ibi*, quatenus iuris error excusat & prodest ad acquisitionem fructuum, opportunè colligendum est, talem iuris errorem non excusare, neque iure Iurisperitorum, Bald. *in l. 4. Cod. de vsucap. pro emptore*; quod tamen in iure variè interpretato, & in multiplici legum sensu non procedit, ut proximè dicebamus: profitenti autem aliquam artem, si in eadem se circumuentum assueret, non est credendum; quod si restitutionem petat in integrum sibi concedi, deneganda illi est: glossa celebris ad hoc *in l. professio, Cod. de muneribus patrimonialib. lib. 10.* quam variè commendant præter Pinellum *ubi supra, num. 41.* qui neminem adducit, Albericus & Angel. *l. 1. §. pueritiam, ff. de postulando.* Faber & Christophorus *in §. 1. Inst. de legitima patronorum tutela*, Bart. Bald. & Socin. *in l. 1. qui & aduersus quos*, Angel. *in l. sed & reprobari, ff. de excusatione tutorum*, Salicet. *in l. 1. qui, & aduersus quos*, optimè Iason *in l. eam quam, Cod. de fideicommiss. num. 19.* omnes hi vno ore fatentur, Doctorem minorem viginti quinque annis, non restitui ex hoc capite, nempe ex iuris errore & ignorantia; in hac enim restitutione Doctor, aut Iurisperitus allegaret turpitudinem suam, cum sit turpe viro patritio ignorare ius in quo versatur. Facit lex *si quis ex argentariis, §. Prætor ait, ff. de edendo.* Facit lex *3. Cod. si minor se maior.* & qui ius profitetur, verè profitetur quandam diuinarum & humanarum rerum cognitionem, *l. iustitia, §. iurisprudencia, ff. de iustitia & iure*, & qui se iuris peritum asserit, oraculum se profitetur totius ciuitatis, Cicero *lib. 1. de Oratore*, & paulò inferiùs: *Sin autem quæreretur*, inquit, *quisnam iuris peritus verè nominaretur, eum dicerem, qui legum & consuetudinis eius, quæ priuati in ciuitate vterentur, & ad respondendum, & ad agendum, & cauendum peritus esset.* Hæc Cicero. Prædicta autem glossa fundat se in præsumptione doctoratus, nihilque aliud continet quàm præsumptionem iuris, ut Doctor in iure minimè se circumuentum in iure possit allegare, quod & in aliis artificibus recepit pragmatica *85. Pintia*, anno millesimo quingentesimo trigesimo septimo. Procedit ergo glossa in casu restitutionis petita à minore Doctore, non probata læsione verè, sed in casu præsumpto; in dubio enim, an minor Doctor, læsusne sit, necne, putà ex allegatione ommissa, duæ præsumptiones oriuntur, quæ mutuò pugnant, & certant; imò si verè dicendum est, mutuo concursu sese elidunt, iuxta legem *Diuis, ff. de in integr. restitut.* Altera nascitur ex Doctoratu, quæ dictam allegationem consultò fuisse omissam indigitat; altera verò resultat ex omissione allegationis planè ommissæ. Itaque in dubio magis est ut denegetur restitutio, quæ in hoc concursu solùm minore

ætate restat subnixa, quia minor ætas sola non est sufficiens sine plena læsionis probatione ad restitutionem impetrandam. In hoc casu procedit glossa ibi, *læsionem præsumptam enervat præsumptio scientiæ*; at verò extra casum præsumptionis, si læsio plenè & legitime probetur, vel de dolo constet, cum nullus sit locus præsumptioni, restituendus est Doctor, idèmq; minor vigintri quinque. Ita tenet Iacobus Butrigarius, & videtur tenere Bald. *in dict. l. 1. Cod. qui & advers. quos*, ubi glossa idem tenet, & Paul. Cum enim cesset præsumptio, non est locus coniecturis; idèò deneganda non est restitutio, vulgari *l. continuus*, §. *ita tamen*, ff. *de verbor. oblig.* Facit dicta lex 1. *qui & adversus quos*, quæ in simili præsumptione fundatur. Facit lex 1. ff. *de minoribus*, ibi, *quamvis rem suam bene gerentibus*; neque hic allegat turpitudinem suam, ex his quæ diximus de magnitudine iuris scientiæ. Præterea si dolum adversarij obiciat, qui si in facto fuerit circumventus, multò magis restituetur, quia in hoc imperitissimi esse solent qui iuris maximè periti sunt; vincit enim Salmantinam, & Bituricensium Iurisprudentiam vnius mercatoris Cremenensis astutia. Facit lex *error*, *Cod. de iur. & facti ignorantia*; & qui ius in pectore totum præsumitur habere, astutias istas ignorare præsumitur, *cap. 1. de constitut. lib. 6.* Iuxta hæc intelligendum est Baldi dictum celebre *in l. 2. §. Servius*, ff. *de origine iuris*, quod redhibitoria actu cessat, ubi mariscalcus emit equum morbosum; nam ex superioribus intelligendum est, quatenus iuris beneficio gaudeat, quod & Plato tradebat de Medico emente serum ægrotum, *de legibus lib. 2.* In hac autem causa restitutionis tali Doctori, quantumvis publicè approbato, datur curator ad agendum. Bald. *in l. sed etsi miles*, §. *iam autem*, ff. *de excusationibus tutor.* Angelus *in dict. §. pueritiam*, Christophorus *in dict. §. fin. institutus de fiduciaria tutela*: & hæc adnotauius circa materiam hanc de iuris errore. Descendebant autem omnia ex illa reprehensione Pinelli contra Ioannem Lupum de Palacios Rubios, qui in rubrica existimarat, & rectè, reperiri veram bonam fidem, quæ prævaleret adversus malam fidem præsumptam; idque *dict. §. 72. num. 3.* & allegat dictam legem *de fructibus*, & legem *fructus*, & legem *si uxor filio*, & potuit allegare reliqua iura, quæ nos superius adduximus, præcipuè dictam legem 2. *Cod. si quis ignorans rem minoris*, *in 2. parte.* & dictam legem *bona fidei emptor*, & dictam legem *qui scit*, cum reliquis iuribus, quæ bonam fidem veram, aut malam exigunt ad acquisitionem fructuum. In reuocatione autem donationis factæ de donatione facta inter coniuges, quod non retrorahatur ad fructus industriales, qui bona fide percepti sunt, cum Pinello *ubi supra*, tenendum est contra Ioannem Lupum de Palacios Rubios *dict. §. 72. num. 1. vers. item intellige nisi donator*; idque *ex dict. l. fructus*, & *l. de fructu*, & *dict. l. si vir uxori*, quæ sunt iura expressa, ut possessor bonæ fidei verè faciat fructus industriales suos, non verò naturales; quem possessorem bonæ fidei latè probauimus reperiri possè cum titulo à iure reprobatò, imò sine titulo, quod inferiùs dicemus, quia bona fides in facto, titulus in iure consistit; quod quidem Pomponius latè asseruit *in dict. l. fructus*, ff. *de usuris*, *l. de fructibus*, *l. si uxor*, *l. ex annuo*, iuncta *l. qui scit*, & *l. bona fidei*, de quibus *suprà*.

Semper igitur bonæ fidei possessor fructus industriales suos facit, quæ fuit nostra



nostra conclusio , à qua digressi sumus ; naturales non item , contra quam conclusionem est Paulus in *l. bona fidei*, ff. de acquir. rer. dominio , cuius verba sunt , *Bona fidei emptor non dubiè percipiendo fructus , etiam ex re aliena , suos interim facit , non tantùm eos qui diligentia & operâ eius prouenerunt , sed omnes : quia quod attingit ad fructus , loco domini penè est*. Hæc Paulus , ex quo dicere poteramus , bonæ fidei possessorem non solùm fructus industriales suos facere , sed omnes , quia respectu fructuum dominus est. Pinellus fatetur ex iuribus , scilicet ex *l. fructus*, ff. de usuris , quæ lex fuit fundamentum nostræ conclusionis , & ex dict. *l. bona fidei* , colligi antinomiam , ubi supra , num. 37. adeò sibi pugnare visæ sunt. Ego quoties diuersam iuris , aut facti circumstantiam in iuribus reperio , protinus mecum constituo procul ea iura abesse ab antinomix vera ratione , vt dixi supra isto capite , in conciliandis dictis iuribus. Accursius in locis supra adductis , scilicet in dict. *l. fructus* , & in dict. *l. bona fidei* , & in dict. §. *si quis à non domino* , & in dict. *l. & ex diuerso* , & in §. 22. *Instituti de officio iudicis* , ait seruandam esse distinctionem Pomponij , & Paulum esse intelligendum de fructibus industrialibus ; quæ interpretatio est Floriani , Baldi , Fulgosij , & Salyceti in dict. *l. fructus* , Angeli in dict. §. *si quis à non domino* , Alexand. in *l. maritus* , ff. ad l. Falcid. communem dicit Igneus in *l. 3. §. si conditioni* , num. 40. ff. ad Syllanianum ; & quia contra hos sunt verba expressa in dict. *l. bona fidei* , ibi. Sed omnes intelligunt verbum illud , scilicet fructus , eos , quos bonæ fidei possessor non solùm suâ operâ , & diligentia acquisiuit , verùm etiam quos percipit alienâ operâ & diligentia ; & ita semper tribuit bonæ fidei possessori hæc opinio industriales fructus , naturales non item. Ex nouioribus tenent hanc Balduinus & Baro in dict. §. *si quis à non domino* , & Copus de fructibus , lib. 2. tit. 4. cap. 6. hanc interpretationem reprobat Pinel. & meritò ubi sup. dict. num. 54. quia verbum omnes , ad fructum est referendum , & ex ratione quam subiungit , quia loco domini est ; item ex natura aduersariæ , quæ vt aduersetur , de reliquis fructibus intelligenda est. Alij aliter interpretantur , Lorientus dict. axiomate 47. distinguit inter bonæ fidei possessorem , & bonæ fidei emptorem , vt vtrumque Iureconsultum conciliet , quòd in emptore duplici tempore requiratur bona fides , & contractus , & traditionis ; in aliis non item. Hunc reprobat Pinell. dict. num. 57. alij distinguunt inter titulam onerosum , & lucratium , alij distinguunt inter acquisitionem perpetuam fructuum , & reuocabilem ; quas sententias refert & refutat idem Pinellus ubi supra dicto numero 47. & 48.

Vera solutio ea videri potest ex his , quæ diximus de bona & mala fide , quam tradit Bart. in dict. *l. ex diuerso* , num. 5. quòd lex fructus loquatur in bonæ fidei possessore sine titulo , vt is fructus naturales non faciat suos : lex bonæ fidei , in possessore bonæ fidei cum titulo legitimo , vt is naturales faciat suos. Tenent hanc Angelus in dict. *l. ex diuerso* , Albericus in dict. *l. fructus* , Abbas in cap. grauis , num. 4. de rest. spoliat. ex nouioribus Couarruias lib. 1. variar. cap. 3. num. 6. versic. his sane præmissis , & versic. secunda conclusio , Costalius in annotat. dict. *l. fructus* , qui allegat Ferretum. Hæc opinio , quia mihi verissima est , fundatur & ratione , & iure. Ratio ea est , quia bona fides ,

quæ in facto consistit, non potest ultra factum ascenderere ad ea quæ sunt iuris; neque enim quisquam potest rem omnino alienam sine iuris præsidio acquirere; illud enim iuris beneficium est, quod non potest ascendere sola bona fides, quæ in facto consistit, separata à iure, hoc est, à legitimo titulo. Itaque possessor bonæ fidei sine titulo legitimo, hoc est iure cognito, cum sit in terminis meri facti, hoc est, in iudicio animi sui secretiore, quo iudicat rem illam ad se pertinere, ita in facto fructus eos acquirit, qui item facto suo, operâ, & diligentia ex re proveniunt, non reliquos, qui ut acquirantur, indigent iuris præsidio: at verò in possessore bonæ fidei cum titulo legitimo, & iure cognito duplex præsidium est, duplex favor, duplex acquisitionis causa, factum & ius; illud consistit in vera conscientia rei propriæ, hoc in titulo legitimo & iure cognito. Nil mirum ergo, si præter fructus industriales, naturales quoque acquirat; eos enim sibi factum suum præstat, hos ius tribuit. Quæ ratio mouere potuit & debuit Iurisconsultos, ut in acquisitione fructuum industrialium, & naturalium ita distinguerent, estque elegans ratio, & fortis, eaque perpetuò obseruata fuit à Iureconsultis: primum in dicta l. fructus, & in dicta l. bona fidei emptor; præterea apertissime in l. liber homo, ff. de acquirendo rerum dominio, ibi: *Quia nec ex re mea, neque ex operis suis id sit, neque vlla eius opera esset in legato: l. qui bona fide, ff. eodem*, ibi: *Alienus seruus duobus bona fide seruiat, & ex vnius eorum re acquirat, rationem facere, ut ei dumtaxat in solidum acquirat*. Hæc Vlpiani ratio illa non potest esse alia, quam quæ adducta nobis est, neque in his iuribus de titulo aliquo fit mentio, l. seruus, 43. ff. eodem, §. idem placet, Instituis per quas personas nobis acquiratur, l. 1. Cod. de rei vindicatione, §. si quis à non domino, Institut. de rerum diuisione, qui est textus expressus; nec mirum videri debet alicui, reperiri possessorem bonæ fidei sine titulo, quod iam impossibile visum est Innocentio & Baldo in capis. per tuas, de testibus, & Pinello ubi supra, num. 56. qui semper confugit ad errorem facti, perpetuus in sua illa opinione; vix fieri posse, ut reperiat error iuris sine mala fide, quod supra latè refutamur ex pluribus Iureconsultorum responsis. Qui tamen in hac sunt opinione, parum aduertunt hodie præscriptionem non perfici mala fide interueniente, compleri autem vscupationem sine titulo, ut videas quàm longè distent, postquam alterum, dempto altero, consistere potest, ex quo patet, dari posse bonæ fidei possessorem sine titulo; in acquisitione fructuum plura exempla, & in vscupatione posuit Couarruias doctissimus in regula possessor, parte 2. §. 8. per totum.

Inde est, ut à bonæ fidei possessore sine titulo extantes vendicentur directò, quoniam naturales fructus nunquam fecit suos, consumpti autem petantur conditione sine causa; at verò à possessore bonæ fidei cum titulo, quia suos facit, extantes non vendicantur directò, petuntur autem officio iudicis, ex æquitate, l. sine & Titium, ff. si certum petatur, consumpti autem non petuntur, nisi quatenus locupletior factus est, idque conditione sine causa, ex æquitate prædicta. Hæc est sententia Bartoli, quem omnes à tempore suo sunt secuti: ita Fulgosius in dicta l. fructus, num. 10. Paulus de Castro in dicta l. quod uxori, ff. de acquirend. posses. resoluit communem & receptam Dominus



minus Couarr. vbi suprà, *lib. 1. cap. .... n. 6.* qui sensus ne videatur diuinatorius ad iura illa duo, aduerte in *d. l. bona fidei*, verbum illud *empior*, vbi titulus est emptionis; at verò in *dict. l. fructus*, licet interueniret titulus donationis, illa tamen donatio erat improbata à iure, quia inter virum & vxorem, & ita erat pro non titulo, ex *l. quoties*, ff. *qui satisd. cog.* Quoties, inquit Iureconsultus, iniquè vel vitiosè cautum ac satisfdatum est, ita est ac si neque cautum, neque satisfdatum esset. Neque quicquam faciunt, retenta opinione Bartoli, verba Iureconsulti ad finem in *dict. l. fructus*, ibi, *sicuti nec cuiuslibet bonæ fidei possessoris, quia non ex facto eius fructus is nascitur*; verba enim hæc magis confirmant hanc interpretationem, quia Iureconsultus apertè fructus, qui non nascuntur ex facto bonæ fidei possessoris, bonæ fidei possessori non tribuit; item verba illa *cuiuslibet*, &c. non significant omnem possessorem bonæ fidei indistinctè, sed nec quemlibet; quasi dicat apertè, non cuiuslibet bonæ fidei possessoris est, vt acquirat fructus naturales, sed eius solùm qui habeat præter bonam fidem titulum legitimum. Sic dicimus non esse cuiuslibet adire Corinthum, sed eius dumtaxat, qui decem talenta numerare possit, vt est in prouerbio; nec quælibet exhereditatio potest excludere filium, sed ea quæ rectè & ritè facta reperiatur; ita & in casu nostro poma sponte nascentia non fiunt huius bonæ fidei possessoris, sicuti neque cuiuslibet, sed eius dumtaxat, qui & bonam fidem, & titulum habeat legitimum. Præterea certum est reperiri bonæ fidei possessorem sine titulo, vt latè probauimus, quod forsàn adduxit Pinellum in contrariam opinionem, vt patet *dicto num. 56.* qui nullum satis vehemens argumentum adducit contra hanc opinionem.

Eâ autem retentâ, quæ retinenda est, omnia iura, in quibus de restitutione fructuum mentio fit, intelligenda sunt iuxta hanc distinctionem, *cap. grauis, de restitutione spoliator. l. 4. §. post litem*, ff. *finium regundorum, l. sed etsi lege*, ff. *de petitione hæredis. l. quod si minor*, §. *restit.* ff. *de minoribus*, tradit Molineus in *consuetudinibus Parisiensibus*, tit. 1. §. 22. *quest. 10. num. 53.* quod in Ecclesia, sicuti in minore, recipiendum est, quia eodem iure vtuntur. Aymon *de antiquitate temporis*, part. 4. num. 162. resoluit Couarruias *variarum resolutionum lib. 1. cap. 3. num. 4. vers. sed tamen*, contra Imolam in *cap. Apostolica*, 3. col. *de donationibus*, qui fundabatur in *l. in causa*, §. *interdum*, ff. *de minoribus*, per legem 4. §. 1. ff. *de fideicommissariis libertatibus*, & optimè respondet ad dictum §. *interdum*, vt possessor certò sciat suum contractum rescindi posse, petitâ in integrum restitutione, si aliàs legitimè sit contractus factus, quamdiu non petitur restitutio, & bonam fidem cum titulo habeat, vt fructus etiam naturales faciat suos; quæ enim vniuersè & generaliter leges loquuntur, interpretandæ sunt iuxta particulares iuris decisiones, alioqui confusa admodum erit iuris ratio, & incerta: quo solo fundamento vitare poteris adducta à Pinello vbi suprà *dicto num. 60.* si quis autem teneat cum Pinello in particularibus iudiciis non habendam esse rationem fructuum, si ditior factus sis, & consumpseris; sed eam considerationem locum dumtaxat habere in petitione hæreditatis, *l. 1. Cod. de petitione hæreditatis*, *l. illud 43. versic. in bona fidei*, ff. *eod.* non multum errabit, imò verum asseret, quia in petitione hæreditatis fructus augent hæreditatem, *l. item veniunt*, §. *fructus*, ff. *de petit. hæredis.* dummodo admittat

admittat distinctionem illam fructuum industrialium, & naturalium, vt naturales omnino consumptos, vel extantes possessor bonæ fidei sine titulo restituat, industriales faciat suos; possessor autem bonæ fidei cum titulo utrosque faciat suos, neque post acceptum iudicium quicquam retineat, neque ante iudicium restituat, vt considerationes illæ Bart. in d. lex diuerso, extra casum petitionis hæreditatis & iudicij vniuersalis habere locum non possint; & ita obseruat praxis, quæ licet fructuum naturalium, & industrialium non admittat distinctionem, non tamen omnino respuet cum Pinello; temperandæ enim cum iudicio sunt opiniones, non verò obsecratè amplectendæ: æquitas enim legis si me & Titium, ff. si certum petatur, & condictio sine causa ægrè ad acquisitionem fructuum, in qua particulares iuris regulæ constitutæ sunt, applicabuntur: & ita interpretabimur legem certum, Cod. de rei vend. & obseruabitur communis praxis, bonæque fidei possessor sine titulo fructus naturales restituet, siue consumptos, siue extantes; industriales autem ante iudicium susceptum faciet suos, cum titulo autem utrosque faciet suos; post litis contestationem utrosque restituet, si litis contestatio legitimè facta sit, vt latè diximus suprà.

38 Nobis autem Hispanis est lex 39. tit. 28. part. 3. quæ in illis verbis, *que estos a tales tenudos son de los tornar con la heredad, maguer los aya despendido a buena fé, comprando la cosa, o auriendola en otra manera*, videtur tollere de medio distinctionem Bartoli, quæ distinguit inter possessorem bonæ fidei cum titulo, vel sine titulo; ea enim solum id constituit, vt fructus naturales restituantur, nihil de titulo sollicita, ad quod ponderanda sunt verba legis ibi, *comprando la cosa, o auriendola en otra manera*; vt verba illa, *comprando la*, denotent titulum, & illa, *o auriendola en otra manera*, non titulum, vel illegitimum: quod si dicas quod verba, *o auriendola en otra manera*, sunt interpretanda, scilicet *auriendola en otra manera semejante*, scilicet cum titulo, ex alia causa & titulo, non emptionis, tunc magis adhuc hoc ipsum confirmatur, quia cum à possessore bonæ fidei cum titulo fructus statuatur restituendos naturales, multò magis id intelligendum est in possessore bonæ fidei sine titulo; itaque nobis in Hispania in hac iuris Cæsarei controuersia expressus est textus, vt fructus naturales, qui sine opera nostra proueniunt, omnino sint restituendi, idque pro Accursio in dictis locis *ubi suprà*, contra Bartoli opinionem distinguentem inter possessorem cum titulo, & sine titulo; quæ opinio Bartoli vera iure Cæsareo est, & contra reliquorum interpretationes. Itaque iure communi veriorum Bartol. opinionem censemus, iure Hispano Accursij opinionem, quam reliqui omnes reliciebant: ex quo verissimum illud arbitramur nostro iure, siue extantes sint, siue consumpti, siue à bonæ fidei possessore cum titulo, vel sine titulo, esse omnino restituendos, quia nunquam facti sunt eius possessoris, qui vel bona fide sit cum titulo, vel sine titulo; neque nostro iure hodie indigemus illa Bartoli inspectione, an locupletior factus sit, neque desideramus remedium extraordinarium, scilicet conductionem sine causa, ex æquitate legis si me & Titium, cum dicta lex 39. aperte restituendos esse dicat, nihilque curet de titulo, aut non titulo, illis verbis, *comprando la cosa, o auriendola en otra manera*.

Neque



Neque quicquam facit vltima pars eiusdem legis ibi, *mas si ouo mala fē*; quia verba ea referenda sunt ad primam partem textus, vbi de industrialibus actum est, quod patet ex natura aduersatiuæ, *mas*, quæ cum non aduersetur secundæ parti eius legis, vbi de fructibus naturalibus agitur, necessariò intelligendum est referri ea verba ad priorem partem, cui opportunè aduersantur; ibi enim constitutum est bonæ fidei possessorem fructus industriales suos facere. Subdit autem textus, malæ fidei possessorem non item efficere suos fructus, quæ verba ad proximam partem legis referri non possunt, salua verborum proprietate, vbi idem constitutum fuerat, neque quicquam diuersum erat, cui aduersaretur.

In fructibus industrialibus sequens sit conclusio, vt possessor bonæ fidei 39 cum titulo, vel sine titulo indistinctè fructus industriales suos faciat, extantes autem restituit, idque non rei vindicatione, quæ planè competere non potest, cum possessoris fiant mero iure; sed officio iudicis ex æquitate illa, de qua supra l. si me & Titium, ff. si certum petas. quam conclusionem post glossam in dicta l. ex diuerso, tenent omnes, de quibus supra mentio facta est, quosque mox referemus: hæc conclusio probata nobis est dict. l. 39. tit. 28. part. 3. *A buena fé compran los homes, e ganen casa o heredaniento ageno, cuidando que es suyo de aquellos que lo enagenaron, o que han derecho de lo enagenar; e acuesce que viene despues el verdadero señor de ella, e demanda ella en iunzio, e vencele, en tal caso, como este dezimos, que el señorio de los fructos que ouiesse recibidos, e despendidos del heredaniento, este vencido que deuen ser suyos: &* subdit paulò inferiùs de extantibus, *mas los que no ouiesse despendido de la heredad, tenudo seria de los tornar al señor de la heredad, sacando, &c.* quæ lex iterum videtur admittere in industrialibus distinctionem Bartoli in dicta l. ex diuerso, de extantibus & consumptis, & ex dict. l. 39. admittenda est in Hispania in industrialibus, in naturalibus non item. Cum ergo dicta lex 39. industriales fructus bonæ fidei possessori tribuat, si consumpti sint, stantes autem & non consumptos iubeat restitui, licebit extantes vindicare directò, quia possessoris bonæ fidei iure nostro sint facti: olim autem iure Cæsareo iudicis officio percipiebantur, ex æquitate legis si me & Titium; quia possessores fiebant mero iure, vt diximus, quod planè constitutum est nostro iure.

Sed & in consumptis, hisque industrialibus maior iure nostro, & Cæsareo 40 disputatio est, postquam fidei bonæ hic possessor suos facit, an saltem locupletior & ditior ex eisdem fructibus effectus, restituere teneatur quatenus locupletior reperitur, & ditior occasione eorum fructuum: quam quæstionem veteres fecerunt dubiam & ancipitem, extortis iuribus, & à suis sedibus ad alienas per vim & iniuriam extractis, cum etiam communis praxis, vsusque forensis totius Hispaniæ rarò aut nunquam hanc ipsam considerationem admiserit, glossa verb. de consumptis, in dict. l. ex diuerso, quam glossam communiter ibi obseruari inquit Bartol. num. 6. & Antonius de Butrio, & Panormitanus Abbas in capit. gratis, de restitut. spoliatorum, versic. si verò sint consumpti; & post eos Alexand. in l. Nescennius, §. fundum, in final. verb. ff. de re iudicata, & ibi Vincentius num. 8. idem Alexand. in consil. 21. ad fin. lib. 4. So-

cinus *in consil.* 251. *lib.* 2. Corneus *in consil.* 301. *volum.* 1. Omnes hi, & alij, quos ipsi adducunt, post glossam *in dict. l. sed et si lege*, §. *scire*, ff. *de pet. hered.* & *in l. 5. in fin.* §. 1. ff. *de usucapionibus*, & Paulum de Castro *in l. si fundum*, *Cod. de rei vendic.* Angel. *in l. si me & Titium*, ff. *si certum petatur*, & *in consil.* 133. & *consil.* 160. tenent ita plures ex illis, referentes aliorum opiniones, & huic accedentes, aut non obscure adhaerentes. Denique ex his possessor bonæ fidei industriales fructus consumptos aded facit suos, ut nihil teneatur restituere, etiamsi ex his fructibus reperitur ditior, aut locupletior; ita ante litem perceptos fructus omnino facit suos, utrumque consumpti reperiantur: de industrialibus loquimur. Plures authores refert huius opinionis doctissimus Couarruias *variarum resolut. cap.* 3. *num.* 6. *libro* 1. *vers. tertia conclusio*; quæ opinio intelligenda est in iudicio particulari, nam in iudicio vniuersali absque controuersia expedita res est, in his fructibus industrialibus, & in hoc bonæ fidei possessore, admittendam esse restitutionem fructuum, etiam ante litem, si locupletior ex his possessor reperitur: ita intelligunt omnes, & resoluit Doctor Couarr. *ubi supra*, & Carol. Molin. *in consuetudin. Parisiensib. tit.* 1. §. *fructus*, 22. *num.* 49. *part.* 1. *l. item veniunt*, §. *eos*, ff. *de per. hered. l. 1. Cod. eod.* Itaque in iudicio vniuersali iure communi nulla fit disputatio, in particulari illa prior opinio consumptos fructus & perceptos tribuit bonæ huic fidei possessori, quantumvis ante litem sint percepti, etiamsi factus ex his sit locupletior. Contraria opinio tenet teneri hunc bonæ fidei possessorem fructus ante litem perceptos industriales restituere, in quantum factus sit locupletior ex eis. Authores huius opinionis referunt doctissimus Couarr. & Molineus *ubi supra*, Bartol. & Angel. *in dict. l. ex diuersa*, Antonium & Abbat. *ubi supra*, Paulum *ubi supra*, Alex. Iason. & Decium *in l. si me & Titium*, ff. *si cert. petat.* Alexand. *ubi supra*, quorum aliquos adduximus *supra* referentes eam sententiam; contra hanc posteriorem sententiam teneri dominus Couarr. *ubi supra*, melius tamen Carolus Molineus in iudicio particulari elegit priorem; quod enim fundamentum doctissimus Couarr. pro se adducit, ut accederet posteriori huic sententiæ, idemmet fundamentum adduxit Molineus, & meritò, in priorem sententiam, quia omnia iura de possessore facto locupletiore loquentia, ea constituta sunt in iudicio vniuersali, non in particulari, ut diximus: præterea est §. *si quis à non domino*, *Institutis de rerum diuisione*, ibi, *quos percepit*; & rursum ibi, *de fructibus ab eo consumptis*: elegans textus ad hoc *in l. sed & loci*, §. *post litem*, ff. *finium regundorum*, ibi, *nam aut bona fide percepit, & lucrari eum oportet, si eos consumpsit, aut mala fide, & condici potuerunt*. Sequitur Carolum Molineum Pinellus *ubi supra*, *l. 2. part.* 2. *cap.* 4. *num.* 64. in iudicio autem vniuersali inerat illa particularis ratio, quia fructus augebant hæreditatem: itaque mero iure fructus nihil distabant ab hæreditate, & hi videbantur extare in substantia possessoris locupletioris; quæ ratio non proderat in particulari iudicio, imò inerat contraria ratio, quia in particulari iudicio, pro cura, & cultura fructus industriales relinquebantur bonæ fidei possessori, *dict. §. si quis à non Domino*, *dict. l. 39.* ided hæc ratio culturæ & curæ locum habebat in omnibus consumptis, etiamsi ditior possessor factus esset. Illam rationem agnouit Pinellus *ubi supra*,



prà , hanc Carol. Molin. *dict. num. 49.* Prætera æquitas legis *sine & Titium*, non poterat huc extendi, contra iura expressa, quæ fructus hos tribuunt bonæ fidei possessori, sine distinctione vlla, præter eam, quam superius diximus.

Nostro iure Hispano adhuc vberius constitutum est; verissima enim Molinæ, & Pinelli opinio est iure nostro, idque quod forsan mirum videri poterit, non solum in particulari iudicio, sed in vniuersali, vt fructus industriales consumptos rei particularis, vel hæreditatis possessor perceptos ante litem suos faciat, nihilquæ restituat, etiamsi locupletior factus est, *dict. l. 39. tit. 28. part. 3.* expende verba illa, *à buena fé compran los homes, o ganan casa, o heredamiento*, vt verbum *casa*, referatur ad vendicationem particularem, verbum *heredamiento*, ad hæreditatem, iudicium nempe vniuersale: & rursum ibi, *que ouiesse despendido del heredamiento*. Idque perpetuò obseruatum est iure nostro, *l. 4. tit. 14. part. 6.* que de iudicio vniuersali constituta est, & solum extantium, & consumptorum fructuum ratio habetur; nulla tamen mentio est de locupletiore, vel non locupletiore: ex quibus legibus Hispani neque in iudicio vniuersali, neque particulari vnquam admisimus hanc ipsam distinctionem de locupletiore possessore bonæ fidei ex fructibus industrialibus. Ita tenent Gregorius Lopez *in dicta l. 39.* & *in dicta l. 4.* & tenebat Coarruuias *vbi supra*, sub dubio: sed quia leges apertæ sunt, nihil fuit dubitandum.

In possessore malæ fidei planum est, teneri restituere fructus industriales, etiam consumptos, siue habeat titulum, siue non, *dict. l. 39. in fin. ibi, e se por auentura ouiesse mala fé en comprando la cosa, o en auendola en otra manera, sabiendo que non era suya de aquel que se la enageno, estonce maguer ouiesse despendido los fructos que ouiesse recebidos de la heredad, tenuto seria de pechar el precio dellos.* Hæc conclusio certissima est iure quoque communi, quam probant omnia iura, de quibus mox agemus.

De percipiendis autem maior dubitatio est, an titulus saltem excuset: recurrendum est ad glossam *in l. si fundum, Cod. de rei vindicat.* verbo *percepisse*, quæ reuera distinguit inter possessorem malæ fidei cum titulo, & sine titulo; illum excusat à percipiendis fructibus, hunc verò minimè; ita vt titulus excuset à restitutione fructuum, qui percipi potuerunt, nisi titulus sit vnus ex quatuor, de quibus *in dict. glos.* fit mentio, quia illi non excusant à glossa illa, quæ desumpta est ad litteram *ex l. 40. tit. 2. part. 3.* ita vt iure nostro res expedita sit, vt titulus excuset, nisi sit ex illis, quos dicta glossa & dicta lex 40. referunt: Ioannes Faber *in l. certum, Cod. de rei vindicatione*, omnes illos titulos exceptos in glossa supra adducta, & *in dict. l. 40.* reducebat ad vnum, scilicet, si titulus esset reprobatus à iure, quales omnino videri possunt illi quatuor excepti in dicta glossa & prædicta lege 40. in vtroque casu loquitur in possessore verè malæ fidei; patet in principio, ibi, *à mala fé ganan los homes heredades e otras cosas en dos maneras; la primera es quando furtan la cosa, o la roban, o la entran sin derecho.* Quæ verba ad veram malam fidem sunt necessariò referenda; mox subdit: *La segunda manera es quando la ganan por razón de compra, o de donadio, o por otra razón destas*, id est cum si-

mili titulo. *Però sabiendo que aquello de quien las han, que non han derecho de las enagenar*: nota verbum *sabiendo*, quod veram quoque malam fidem inducit. Ecce ergo, quod lex nostra in utroque casu, siue possessor malæ fidei habeat titulum, siue non habeat, requirit veram malam fidem, & in vera mala fide cum titulo reprobato à iure præcipit restituendos fructus, non solum perceptos, sed percipiendos, ibi, *el quarto quando ganasse la heredad contra leyes deste libro*, qui erat sensus Ioannis Fabri, vt vniuersè intelligeretur glossa prædicta de possessore malæ fidei veræ cum titulo reprobato, vt talis restituat fructus percipiendos, non solum perceptos; secus dicendum sit de possessore veræ malæ fidei cum titulo iusto, vt talis excusetur à percipiendis, *dict. gloss. & dict. l. 40.* quare hic est sensus receptus, nobis autem Hispanis necessarius, quibus non licet à iure constituto decedere, ne latum quidem vnguem. Vide ergo quod in utroque casu requiritur vera mala fides.

- 44 Quo præmissis insurgit elegans declaratio *ad l. 40.* suprà adductam, vt si hic possessor fidei & præsumptiue, non verè sit malæ fidei, etiamsi titulum non habeat, non sit restitutus percipiendos fructus. Facit dicta lex 40. quæ verè in utroque illo casu veram malam fidem requirit, non fictam: ita colligebant Petrus, Cynus, & Paulus *in dict. l. si fundum, Cod. de rei vindicatione*. Lancelotus Decius *in l. apud Iulianum, §. fructus, notabili 2. ff. de legat. 1.* & Bald. *in consil. 397. lib. 4.* quos ad hoc allegat Molineus *tit. 1. §. 22. num. 50. de consuetudinibus Parisiensibus, 1. parte*: huius interpretationis ea utilitas erit, vt si denunciatio, aut litis contestatio ita fuerit facta, vt veram malam fidem inducere non possit, secundum hanc interpretationem possessor conuentus de fructibus, qui acquiri potuerunt, non teneatur, quia vera mala fides requisita est: ego autem adeo hoc verum existimo, vt inhærendo semper dictæ legi *bonæ fidei emptor, ff. de acquirendo rerum dominio*, quæ ex vera bona fide inducit acquisitionem fructuum, ex vera mala fide restitutionem, non ex ficta, semper censeam non esse eum possessorem malæ fidei, etiam suscepto iudicio, post litem motam, à quo res petitur, nihil autem ostenditur, præter simplicem petitionem; neque ipse, qui rem aliunde bona fide habui, statim debeo acquiescere petitioni, quod res à me peratur, & existimo cum iudicio *in dict. l. 4.* desideratam fuisse malam fidem veram, quia ficta non est sufficiens contra veritatem, si quis probet veram bonam fidem ad inducendam fructuum restitutionem, ideoque existimo perperam dixisse Molineum, & contra iuris aperta principia, quod indistinctè etiam verus bonæ fidei possessor, etiam cum iusto titulo, tenetur ad omnes fructus, etiam percipiendos à tempore litis contestatæ: apertè bonus ille vir rationem omnem iuris confundit; nam quæ potest fieri, vt sola denunciatio, aut petitio sine instrumentis, & aliis rebus adductis me protinus constituat possessorem malæ fidei: certè hoc nec ratio naturalis, neque ius patitur. An protinus restituere debeo fundum, quia ad te pertinere dicis? Ego sanè video dictam legem 40. requirere malam fidem veram, non fictam; video litis contestationem & denunciationem fidei censeari inducere malam fidem, non verè; quod si verè bonam fidem habeo, quod rem à parente habuero, qui emerit à Titio, qui rem possederit; an quod rem petas, dicasque nec ad me, nec ad parentem meum, neque ad Titium
- vnuquam



vnquam pertinuisse, sed tuam esse, si nihil aliud adducas, eaque de re iudicium suscipiatur, protinus malæ fidei sum, si non restituam? Certè neque id ratio, neque ius constituit, imò durat bona fides, quæ apud prudentes iudices me non solum de perceptis fructibus, sed & de percipiendis excusabit, cum verè bonæ fidei possessor sim; sin autem litis contestatio legitimè facta fuerit, ex qua mala fides vera possessoris deduci possit, tunc vera est opinio, vt non solum perceptos fructus restituere debeat, sed percipiendos; & ita intelligo dictam legem *certum*, *Cod. de rei vindicatione*. Itaque si res feudalisi, vel emphyteutica, aut locata, aut prorsus aliena petatur, aut vendicetur, ob feloniam, ob commissum, vel quia tempus locationis transactum sit, veraque sit causa vindicationis, aut petitionis, quam cum sciat possessor, conductor, emphyteuta, vel vassallus, contendere obstinatè velit; tunc quidem meritò sit fructuum condemnatio, non solum eorum qui percepti sunt, sed & eorum qui percipi potuerunt; quia hic possessor verè ex lite, & denuntiatione veram malam fidem habuisse dignoscitur; nouerat enim se feloniam commississe, pensionem non soluisse, tempus conductionis elapsum esse; at verò perspecta qualitate rei & negotij, de quo agitur, si rem bona fide emo ab eo, cuius esse putabam, tu dicas ad te pertinere, nihilque adducas præter petitionem, aut nuntiationem, certè quia bonam fidem habeo, contestatio, vel nuntiatio non possunt me efficere malæ fidei possessorem, si nihil aliud secum adducant; quo casu non recipimus Molinei opinionem *dict. num. 50.* qui existimat, hunc verè bonæ fidei possessorem lite contestata non solum teneri de perceptis fructibus, sed de percipiendis. Ego ex fundata iuris ratione existimo non solum non teneri de percipiendis, verum neque de perceptis; quia quia re vera est bonæ fidei possessor, quem dicta lex *bona fidei*, & dicta lex *qui scit*, liberat ab omni fructuum restitutione, & dicta lex 40. veram malam fidem desiderat, non fictam, ad restitutionem fructuum & perceptorum & percipiendorum. Quia ergo dicta lex 40. requirit malam fidem veram, censeo fictam & præsumptam non esse sufficientem ad fructuum condemnationem; præterea quod etiamsi vera mala fides adsit, tamen titulus iustus iure Hispaniæ excuset à fructibus percipiendis, *dict. l. 40.* idem iure communi ex recepta sententia cum glossa *in dict. l. si fundum*. Quicquid sit de hac nostra opinione, quæ Iureconsultorum est, certè indignum est, vt bonæ fidei possessor, qui veram bonam fidem habet, præterea & titulum iustum, suscepto iudicio fructus percipiendos restituat, quod existimabat Molineus *ubi supra*, contra dictam legem *bona fidei emptor*, & legem *qui scit*, cum litis contestatio & denuntiatio fictè malam fidem inducant, non verè; & possit quis nihilominus suscepto iudicio, & facta nuntiatione bonæ fidei esse: tum quia dicta lex 40. nobis veram malam fidem requirit, etiam in eo qui titulum non habet legitimum, vt de fructibus teneatur qui percipi potuerunt: iuxta quam interpretationem oportet intelligere dictam legem *certum*, *Cod. de rei vindicatione*, vt ibi verbum *mala fidei*, propriè de vera mala fide sit intelligendum, & verbum *post litis contestationem*, intelligendum est de contestatione legitimè facta, quæ possit, & debeat malam fidem veram inducere, cum qua vix consistere possit vera bona fides, vt patet in exemplis supra adductis; non verò in-

46

telligendum est de ea contestatione, cum qua vera bona fides consistere possit, quia tunc proculdubio quidquid sit de perceptis, de quibus iudex bonus & prudens variè iudicare poterit ex circumstantiis causarum, rerum & personarum, certè de percipiendis securus erit talis possessor, quia durat fides bona; idque sensit Imperator in dicta *l. si fundum, Cod. de rei vend.* ubi fructus sunt restituendi, non à tempore factæ denuntiationis, sed à tempore malæ fidei, ibi, *fructus quos cum mala fide percepisse fuerit probatum;* ubi Imperator non ex sola denuntiatione induxit malam fidem, neque à denuntiatione restitutionem fructus, & meritò, quia durare potuit bona fides vera; sed à tempore malæ fidei veræ superuenientis. Igitur verba dictæ legis *certum*, sunt propriè accipienda, secundum iuris regulas, non obstinatè, ut noua monstra in iure nascantur; simile enim prodigio est quod Molineus asseruit, scilicet ut possessor veræ bonæ fidei cum titulo legitimo & iusto fructus percipiendos restituat, dum perperam interpretatur dictam legem *certum*, veram æquitatem, & iuris scientiam oblitus, cuius se sapissimè præclarissimum admiratorem iactitat.

47

Denique verus hic malæ fidei possessor sine titulo, iure civili ex recepta glossa, & iure nostro *ex d. l. 40.* restituit fructus industriales, etiam ante iudicium perceptos, consumptos, & extantes, quin & eos post moram, vel suscepto iudicio restituit, qui percipi potuerunt, imò & nullo suscepto iudicio, *d. l. certum, d. l. si fundum, l. si nauis, §. generaliter, ff. de rei vend.* & præstat omnem causam, *l. domum, C. eodem*: omnis autem causa continet fructus fructuum, & partus partuum. Id significat verbum illud *cum omni causa*, & est vtitatum Iureconsultis in *l. sed & partus, ff. quod metus causâ. Sed & partus ancillarum*, inquit Vlpianus, *& fœtus pecorum, & fructus restitui, & omnem causam oportet.* Accursum ibi, verbo *causam*, exponit ibi, fructus fructuum, & partus partuum; & ibi Angelus. Idem est in *l. cum fundus, ff. si cert. petat.* si fundus, inquit Paulus, vel homo per conditionem petitus est, puto nos hoc iure uti, ut post iudicium acceptum causa omnis restituenda sit, id est omne quod habiturus esset actor, si litis contestatæ tempore solutus esset, uti Iason *num. 5. textus in l. Iulianus, §. idem Iulianus, ff. de rei vindicatione*, ibi: *Idem Iulianus ait non solum fructus, sed etiam omnem causam præstandam, & ideo & partus venire in restitutione, & partuum fructus.* Et loquitur ibi Iulianus post commissam moram; quod patet ibi, *si moram fecerit: l. videamus, §. si actionem, ff. de usuris*, ibi: *Quod si acceptum est iudicium, tunc Sabinus & Cassius ex æquitate fructus quoque restituendos esse putant, sed ut & causa post acceptum iudicium restituitur, puto rectè dici.* Et inferius in *§. interdicto*, ibi, *ut omnis causa & fructus restituitur.* Itaque malæ fidei possessor hic, de quo agimus, & de quo est dicta lex 47. in priori parte omnem causam præstat, nempe & fructus, & partus, & fructuum fructus, & partuum partus, *l. præterea, ff. de rei vindicat.* ibi, *neque enim sufficit corpus ipsum restitui, sed opus est, ut & causa rei restituitur;* id est, ut omne habeat petitor, quod habiturus foret, si eo tempore quo iudicium accipiebatur, restitutus illi homo fuisset: explicat Caius eleganter omnem causam, id esse quod demùm petitor habiturus esset, si homo opportunè restitutus esset. In petitione hæreditatis est lex *sed*



*ei si lege*, §. *fin. cum duabus sequentibus*, ff. *de petitione hereditatis*, ibi, *augent hereditatem gregum & pecorum partus*, & ibi, *quod si oves natae sunt, deinde ex his alia*, ea quoque quasi augmentum restitui debent; & ibi, *ancillarum etiam partus, & partuum partus*, quamquam fructus esse non existimantur, augent tamen hereditatem. Ecce ergo quid verbum hoc in iure significet, *omnis causa*, quam malæ fidei possessor præstat, nec otiosè hæc scripsimus, sed ut alia quoque iura innotescant, quæ ad literam difficilia sunt: patet *ex l. in conventionalibus*, §. *fin. ff. de verbor. Si quis vacuum possessionem*, inquit Vlpianus, *tradi promiserit, non nudum factum hæc stipulatio continebit, sed causam bonorum*. Bart. Imol. Paulus, Alexand. & Iason. ibi obliti, quid significet verbum illud, *causa bonorum*, intelligunt ut venditor teneatur transferre dominium, præcedente causâ, id est titulo sufficienti ad translationem dominij: qui cum videant se loqui contra textum expressum *in l. si stipulatus*, ff. *de usuris*, aiunt suam interpretationem esse violentam; verè tamen qui promisit vacuum se possessionem traditurum, verè promisit, non simplicem traditionem, sed traditionem rei pinguem, & opulentam cum redditu, & fructu, & fructuum fructu, *dicta l. stipulatus*, ibi propter inferiora verba; ita ut differant hæc verba apud Iureconsultos, *rem tradi*, & *vacuam possessionem tradi*; illa strictissimè interpretamur, hæc largè, benignè, & latè extendimus ad fructus, & causam bonorum. Ex quibus patet quàm ex diametro pugnent lex 3. §. *si emptor*, ff. *de actionibus empti*, cum lege *si stipulatus*, ff. *de usuris*, quarum conciliationem modò non curamus, aliud agimus; difficillima sunt, ut quæ maximè in iure.

Aduertendum tamen est ad Paulum *in dicta l. cum fundus*, ibi, *omne quod habiturus erat actor, si litis contestata tempore solutus esset*; & ad verba Caij *in dicta l. prætere*, ibi, *id est ut omne habeat petitor, quod habiturus foret, si eo tempore, quo iudicium accipiebatur, restitutus illi homo fuisset*; maximum enim habent effectum, nam licèt etiam in reali actione possessor malæ fidei accepto iudicio, vel non accepto, modò malæ fidei veræ sit, omnem causam præstare debeat, ac subinde partus partuum, & fructus fructuum; id tamen sanè intelligendum est, iuxta sensum Pauli, & Caij, si demùm eos partus, & fœtus restitutos repetitor esset habiturus. Ringe petitorum occisurum illicò armentum, & oves, solum id habiturus est, quod habuisset, si res sibi restituta esset; in quo variè iudicis officium expectatur, *lit. si verberatum*, §. *si seruus*, ff. *de rei vindicat.* vbi glos. Bart. Paul. & Iason ibi *sed est verius, si fortè distrahturus erat petitor, si accepisset*. Vlpianus ibi morosum debitorem etiam in actione reali, non solum ad omnem causam non obligat, verùm neque ad æstimationem armenti emortui, idque constituit vniuersè & generaliter, nisi fortè venditurus erat petitor; tunc enim quia pretium erat consecuturus, pretium restituitur; quod si non fuisset illicò venditurus, mortalique necessitate armentum pereat, neque æstimatio quidem debetur, nedum partus & fœtus, & omnis causa; atque hæc distinctio in actione reali seruanda est, *ex dict. §. si seruus*, Accursio, Bart. Paul. & Iasone.

Atque cum hoc constitutum sit in actione reali, quoad ipsius rei interitum, minùs difficile est propter interitum sine dolo & culpa possessorem liberare, 48  
etiam malæ fidei ab hac causa: licèt enim post moram, & accepto iudicio,  
armentum

armentum quod petebatur, emortuum sit, quo casu ex ratione malæ fidei veniebat restitutio cum omni causa; si tamen interitus sine dolo, & absque culpa possessoris, quamvis iam malæ fidei, eveniat ingruente peste (qualis nos hodie Corunæ iterum & tertid ferè exanimatos habet, Kalendis enim Ianiiis, anno millesimo quingentesimo septuagesimosexto Compostellâ properè iussi diuertere, cum adhuc Coruna expurganda esset, infectas adhuc & pollutas exitiali hoc contagio ciuium ædes inuenimus, molliter & paulatim consuetudine, & mutua officiorum vicissitudine, congressu, & communicatione, quâ nullum maius incitamentum est, longiùs prorepfit malum quàm existimauimus vnquam; subrepti iam litigatores aliquot, subrepti ciues, subrepti curiales; cum vna fuga vnicum præsidium, & saluberrimum remedium sit, Corunæ commoramur, quia de hac re certiores oportuit fieri supremi Senatus Hispaniæ Senatores maximos; ) si interitus igitur fatali necessitate eveniat, quoniam armentum restitutum in potestate petitoris eodem quoque casu omnino erat perituum, neque habiturus erat petitor hos fœtus, & partus, ex Pauli & Caij sententia, æquitate suadente nihil horum habebit petitor; quidquid sit de rei æstimatione omnem certè hanc causam non consequetur; est enim quæstio de interitu, quæ plerumque in arbitrio iuris, & iudicis posita & sita est, & ex æquo & bono constituitur: in eaque ex authoritate iuris scientiæ, id est, dum exactum ius sequimur, perniciosè erramus, *l. si seruum, §. sequitur, ff. de verborum*, ibi, *esse hanc quæstionem de æquo & bono*; quo in genere plerumque ex authoritate iuris scientiæ perniciosè erratur, *l. si res æstimata, §. si mulier, ff. de iure dotium*, ibi, *quod si decesserit, Marcellus ait æstimationem præstandam, non iustam, sed eam que facta est*; quia boni consulere mulier debet quod æstimatus fuerit; subtilitas enim illa vt malæ fidei possessor ad omnem causam teneatur, temperanda est ex iure æquo, si omnis illa causa ad petitozem erat omnino peruentura, dolove, aut culpa possessoris desit peruenire. Quod si omnino nihil erat habiturus petitor, æquum est nihil restituere possessorem; veritas enim illa, scilicet quod omnino non erat habiturus, pugnat cum iuris subtilitate, quæ dictat omnem causam esse restituendam; in qua pugna veritatis & subtilitatis potior apud cordatum virum esse debet causa veritatis, glossa in *c. cum sancti*, 24. quæst. 3. verbo *Subtile*, pro qua textus in *§. sed quia, Instit. de fideicommiss. heredit.* ibi, *Papiniano excellenti ingenio viro plus placet legum simplicitas, quàm subtilitas*. Facit lex plures, *§. siue autem, ff. de positi*, ibi: *Sabinus & Cassius absolui debere eum, cum quo actum est, dixerunt, quia æquum est naturalem interitum ad actorem pertinere, utique cum interitura esset ea res, etsi restituta esset auctori*. In actione autem personali quæstio de interitu longè latèque patet, de qua est textus in *l. quod te mihi, ff. si certum petatur*, ad quem vide Brunum de diminutione, conclusione 20. à num. 144. ad num. 163.

- 49 Illud tamen aduertendum est, quod in omnibus casibus, in quibus malæ fidei possessor tenetur de fructibus percipiendis, non tenetur de fructibus qui poterant percipi ex augmento rei facto à seipso suis expensis & sumptibus, *l. ceterum, ff. de rei vendicat.* Ceterum, inquit Paulus, cum de fructibus serui petiti queritur, non tantum pubertas eius spectanda est, quia etiam impuberis ali-



qua opera esse possunt ; improbè tamen desiderabit petitor fructus aestimari , qui ex artificio eius percipi potuerunt , quod artificio sumptibus possessoris didicit. Hæc Paulus : tenent ibi Angelus , Fulgos. & Romanus , idèmq; recipiendum est in omni genere meliorationum , quia subest eadem ratio , etiamsi melioratio non sit doctrina , sed eius generis sit quæ separari possit , & aestimari , propter ea quæ diximus suprâ ad l. 1. C. de infantibus expositis , cap. 2. num. 8. & cap. 5. num. 3.

Præterea in hac fructuum disputatione , quod pertinet ad malæ fidei possessorem circa fructus percipiendos , non desunt quibus illa quoque difficultas negotium facessat , an fructus percipiendi à petitore , an verò à possessore restituendi sint. Pone scholasticum possessorem , petitorum rusticum agricolam ; plurimum interesse videri poterat , an malæ fidei possessor , idèmq; scholasticus restituat fructus , quos ipse percipere potuit , an quos agricola , idèmq; petitor percipere potuisset. Difficultatem faciunt varia Iureconsultorum responsa , quorum pleraque attulimus , quæ causam petitoris inspiciendam esse aiunt , l. domum , Cod. de rei vindicatione ; & fructus restituendos esse , non quos possessor , sed quos petitor , idèmq; dominus percipere potuisset , ibi , Præses provincia cum pensionibus quas percipere poterat , restitui iubebit. Ad possessorem quoque negotium coniecit Iureconsultus in l. sed & si lege , §. quod autem , vers. sed & fructus : non quos perceperint ( inquit ) sed quos percipere debuerunt , eos præstatueros. Idem decisum est in §. cisi hereditas , & §. illorum , Instituit de officio iudicis. Contrarium decisum est expressè in l. si navis , §. fin. ff. de rei vindicatione , ubi Papinianus generaliter inquit , cum de fructibus aestimandis agitur , constat animaduerti debere , non an malæ fidei fructus sit possessor , sed an petitor frui potuerit , si ei possidere licuisset : quam sententiam Iulianus quoque probat , cum enim de mala fide agamus , quæ fraudi æquiparatur , ex Baldo in l. quæ fornicis , versic. premittit ad euidenciam , Cod. de pignoratitia actione , non tam considerandum est , quid actor fraudatus habeat , quàm quid ab aduersario fraudatus habere non potuit , id est , quid percipere potuisset actor , si rem habuisset , l. ait Prætor , §. per hanc actionem , ff. de his quæ in fraudem creditorum , ibi , Verùm hi qui percipi potuerunt ab ipso fraudatore ; licet Decius regulâ generaliter alleget quasi concordantem cum dicto §. generaliter , l. si navis , veriùs tamen concordat cum dicta lege domum : ad actorem respexit in dict. l. cum fundus , ff. si cert. per. & in dict. l. præterea , ff. de rei vindicatione. Itaque quod attinet ad Iureconsultos , modò ex persona actoris , modò verò ex persona possessoris metiuntur istam restitutionem fructuum eorum , qui percipi poterant : ad dominum quoque & possessorem respexisse videtur prædicta lex nostra 40. tit. 28. part. ibi , è aun con los que pudiera ende lleuar el señor de la heredad. Hæc ut concilies , memineris illud Bartoli in dict. l. domum , quia cum in hac disputatione veniat id quod communiter percipi potuit , nihil interest , an actorem , vel possessorem consideremus ; singulare enim interesse actoris non debet considerari , sed quod communiter percipi potuit , l. pretia rerum , ff. ad leg. Falc. l. si seruum , ff. ad leg. Aquil. l. furti , in principio , ff. de furtis ; ideòque rectè sensit Bartolus , quia cum id quod communiter percipi potuit , à quolibet possessore inquirendum sit , nihil refert

apposita sit persona petitoris, vel possessoris à Iureconsultis. Opinionem Bartoli dicit magis communem Alexand. in l. apud Iulianum, §. 1. ff. de legat. 1. Decius idem in regula generaliter, ff. de regul. iuris, num. 8. ad fin. Boërius decisione 268. Gregorius Lopez in dict. l. 40. tit. 28. part. 3. vers. pudiera llevar.

51. Postremò in hac fructuum acquisitione, quo casu bonæ fidei possessor naturales fructus suos non facit, vel industriales consumptos, aut extantes, secundum varias opiniones, quas superiùs adduximus, cessat ipsorum restitutio; si triennio fructus eos habueris, neque à te petiti sint, iure usucapionis ex bona fide tui facti sunt; textus, glossa & omnes in l. 4. §. fructus, ff. de usucapionibus, vers. in hoc ergo. Imola, & Paulus dicunt glossam notabilem, & intelligunt etiam si possessor factus sit locupletior. Angelus in §. si quis à non domino, Institutis de rerum divisione: Alexand. & Decius in dict. l. si me & Titium, ff. si certum petatur. Bald. in l. 3. Cod. quod met. causa. Bald. in l. ancilla, num. 15. Cod. de furtis. Baldus de prescriptionibus, 4. parte, partis 4. quæst. 35. Tiraquelus de retractu Lignager, §. 15. gloss. 2. num. 17. Pinellus in l. 2. part. 4. num. 48. quòd est utilissimum ad dict. l. 39. tit. 28. part. 3. ut fructus naturales omnes, quos aliàs bonæ fidei possessor non faciebat suos ex bona fide, faciat suos quidem iure usucapionis, si triennium elapsum sit, à perceptionis tempore numerandum. Hactenus egimus amice lector de acquisitione fructuum, neque arbitramur operam omnino lusisse: ad nostrum tractatum fuit apprimè utile & necessarium; quia de compensatione fructuum acturi, oportuit ut priùs ostenderemus qui fructus cuiusque fierent, ut certum esset quid compensare quisque & possit & debeat: præterea ea res aliqui difficilis iam patere poterit, iuræque magis innotescant, quæ de acquisitione & restitutione fructuum conscripta sunt.

52. Hæc nobis necessariò præiacienda fuerunt ad eam rem, quam tractamus; namque in computatione fructuum cum meliorationibus nosse oportuit quos fructus lucraretur bonæ & malæ fidei possessor, ut in his fieret compensatio proposita, aut restitutio; quapropter illud animaduertendum est, ut iam rem propriùs tractemus, meliorationes iure proprio pertinere ad meliorantem, quod iam superiùs notauimus, cap. 7. num. 20. quas enim meliorationes quisque suas facit, quas cum re relinquere non tenetur, ex particulari aliqua iuris dispositione; ut diximus in emphyteuta, vassallo, & possessore maioratus, eas suas omnino facit, & legat, l. senatus, §. 1. ff. de legat. 1. ac subinde obligat, & expectato tempore vendit verè dominus, l. fin. Cod. de iure emphyt. diximus dict. lib. num. 20. vide ibi: modò ex hoc sequitur altera conclusio, quæ iunctæ omnem de compensatione tractatum absoluunt, quod bonæ fidei possessor compensat quidem fructus & meliorationes, non autem verè dominus, qui iure dominij rem possedit, quia hic suos facit omnino. Prior pars huius conclusionis probatur apertè in l. sumptus, ff. de rei vendicat. qui est textus expressus, ut bonæ fidei possessor, qui iure possessionis rem possidet, compenset & meliorationes. Nobis est textus apertus in l. 4. tit. 28. part. 3. ubi idem tenet Gregorius Lopez, Palacios Rubios in rubr. §. 62. num. 16. Afflictis decisione 87. ad fin. Capycius decision. 39. num. 9. alios refert Alvarus Vazquez questione iuris emphyt. quæst. 25. num. 29. Posterior pars conclusionis, ut is qui



qui iure dominij percipit fructus, non teneatur ad compensationem, est glossa famosa in *l. emptor, verb. superfluum*, ff. de rei vendic. quam sequuntur omnes sine controuersia, quorum plures retulit Pinellus in *l. 2. Cod. de rescind. vendit. part. 2. cap. 4. num. 62. ante fin.* Aluarus Vazquez in *dict. questione iuris emphyt. 25. num. 29.* Dominus Couarruias *variar. resolution. lib. 1. cap. 8. n. 4.* Ludouicus Molina *libro primo de Hispanorum primogeniis, cap. 26. num. 13. vers. neque in hoc casu*, Antonius Gomez in *l. 46. Tauri*, Gregorius Lopez in *l. 41. titul. 28. part. 3. ex Gallis Tiraquellus latè de retractu conuentionali, §. 7. glos. 1. num. 14.* Carolus Molineus in *consuetudinibus Parisiensibus, tit. 1. parte 1. glos. 5. num. 78.* ex Italis Antonius Neguzant. *de pignorib. §. parte, 4. membr. num. 13.* Afflictis *decisione 87.* Iulius Clarus *lib. 4. sententiarum, §.endum, dict. quest. 88.* plures alios allegant ipsi, hadenúsque nemo de hac glossa dubitauit. Plurimum ergo proderit, an rem possideas iure solius possessionis, an iure dominij. Prior casus admittit compensationem, posterior verò non, quia eo casu habes fructus iure dominij veri, & tui sunt iure dominij, nequeuntque à te villo pacto auferri sine iniuria, idèd neque compensas.

Præmissis his regulis adest facti species, ex qua ius controuersum nascitur. 54  
Bona fide emi fundum, dum possideo, meliorem feci; reddebat annua centum, melior à me factus reddit annua decem: is demùm à me petitur, sit legitima litis contestatio quæ malam mihi possessori fidem facere possit; sit condemnatio, cum fructibus restituendus à me ex causa rei iudicatæ fundus est à tempore litis moræ: meliorationes item sunt mihi soluendæ ab actore, cui à me restituendus est fundus. Duplex quæstio est in hac facti specie; altera, an fructus illi, quos percepi ante contestationem litis, bona fide sint computandi in æstimationem meliorationum, & qui fructus illi sint, an rei melioratæ, an verò rei sine melioratione, secundum antiquum statum; id est, an sint decem annua imputanda, an centum: hoc modò non tractamus, proximè tractaturi; altera quæstio nostra est in hac specie, scilicet, vtrum in hac condemnatione facta fundi cum fructibus post litem legitimè moram, veniat fructus meliorationum, id est, an cum fundo restituantur actori à tempore litis contestatæ annua centum, non decem annua; denique an in condemnatione facta rei cum fructibus, veniant fructus meliorationum? In possessore bonæ fidei non est locus huic quæstioni, in malæ fidei possessore, siue vero, siue ficto, opportunè utilis, & quotidiana est, & quotidie neglecta. Accursius primus hanc attigit quæstionem in *l. ceterum, verbo potuerunt*, ff. de rei vindicatione; ibique clariùs tenet venire: obscuriùs tenet etiam in *l. quod si artificem, verbo compensari*, ff. de rei vindicatione. Mouetur ille ex textu in *l. fructus*, ff. de operis seruorum; ex quo textu verè id non colligitur, & Accursius ibi aliter intelligit illum textum; verè enim ibi non proponitur seruus melior effectus aliquo artificio, vt in *dict. l. ceterum*. Denique in casu dictæ legis *fructus*, si vindicato homine operas habiturus sis, rectè expensæ necessariæ factæ cum seruo operarum æstimationem minuent, quod longè abest à nostra specie, in qua de fructibus meliorationum dubitamus. Itaque Accursius author huius opinionis sine iure est, in quo iure ipsemet

varius reperitur. Accursium secuti sunt Angelus & Fulgositus in dict. l. caterum : hos sequitur dominus Couarruias lib. 1. variar. resolut. cap. 8. num. 4. vers. Proxima questioni, qui allegat Bartol. in l. ratio, §. quod si, ff. de actionibus empti, & Roman. singul. 333. verè tamen hi duo mihi nihil dicunt, ex relatione domini Couarruias. Hos quoque pro hac opinione retulit Alvarus Vazquez questione iuris emphyteutici 25. qui allegat pro hac Antonium de Neguz. de pignoribus, 5. part. membro 4. num. 20. qui neminem allegat pro hac opinione, neque glossam, neque textum, neque Doctorem. Contrarium tenent Matthæus de Afflictis decisione 87. num. 7. Antonius Capycius decisione 93. num. 10. qui licet allegent Angelum in dict. l. caterum, ff. de rei vindicatione, pro hac opinione; tamen Angelus loquitur in fructibus percipiendis, non in perceptis, de qua questione egimus isto capite, num. 49. Accursij opinio est sine iure, & ratione: Matthæi de Afflictis opinio rationem habet, scilicet eam, quam diximus, quoniam meliorationes iure proprio ad meliorantem pertinent, & fructus iure dominij, ut diximus: quâ fieri igitur potest, ut meliorationum à me factarum verus valor, & iusta æstimatio solvatur, fructus autem restituatur, contra fundatam iuris rationem, de qua suprâ, ex dict. gloss. verbo superfluum, in dict. l. emptor, ff. de rei vindicatione. Præterea mala fides, quæ non aufert mihi meliorationes meas extantes, quâ poterit fructus consumptos auferre: præterea quia etiam si mala fides sit respectu rei ipsius, non est, neque reperitur circa meliorationes, quas interno & externo animi & fori iudicio meas esse certè scio, quo casu non potest esse fructuum earundem restitutio, quarum vera, neque ficta mala fides est; præterea bonæ fidei possessor respectu fructuum, quos non facit suos, & restituere tenetur, similis est malæ fidei possessori, veluti circa fructus naturales, ut diximus; at verò si iure dominij habeat hos fructus, quia usufrucipit, non tenetur restituere, diximus hoc capite, num. 51. ergo neque malæ fidei possessor rei, de qua lis mota est, restituit fructus meliorationum suarum, quia hos iure dominij habet, non solius possessionis; & ita tenendum est contra dominum Couarruias ubi suprâ, cui si demas Accursium, qui varius est, & Bartolum, & Romanum, qui nihil dicunt, pauci socij relinquuntur; præterea quod Angelus ferè loquitur in fructibus percipiendis, de quibus hîc non disputamus, & Antonius de Neguz. loquitur sine ratione, sine lege, sine auctore. Præterea Alvarus Vazquez dicit pluries se iudicatum vidisse secundum opinionem Matthæi de Afflictis, & Capycij: ego certè semel in hoc Senatu secundum hanc opinionem Matthæi de Afflictis iudicatum vidi, quæ rationi maxime congruit. Contraria est sine ratione & lege; quo casu reterto duplex tempus considerandum est, bonæ & malæ fidei, id est ante litis contestationem, & post litem contestatam: utriusque temporis fructus meliorationum suarum hic possessor habebit suos; fructus verò rei ante litem contestatam suos facit, post litem contestatam restituet; computatio autem solum fiet cum fructibus rei ipsius, secundum antiquum statum, sine meliorationibus, quos aliàs faciebat suos: quod nota, quotidianum enim est, vile, & necessarium.

Ut autem scias, quomodo & quando hæc computatio habeat locum, & quæ



quæ fuerit ratio genuina computationis, reuoca in mentem, quod de iuris rigore semper fructus veniebant in restitutione rei, quantum attinet ad propriam & genuinam naturam restitutionis, *l. videamus, §. in Fauiana, ff. de usuris, l. domum, Cod. de rei vendic.* glossa in *l. sed & si lege*, supra adducta: similis in *l. sed & partus, ff. quod metus causa*, & ibi Angelus, *l. Iulianus, §. 1. l. praterea, ff. de rei vindicatione, l. fundus, ff. si certum petatur, l. in condemnatione, §. 1. ff. de regulis iuris, l. ex diuerso, §. 1. ff. de rei vindicatione. l. quod si minor, §. restitutio, ff. de minoribus*, & ibi Bartol. & in *l. ab hostibus, §. sed quod simpliciter, ff. ex quibus causis, l. 1. tit. 19. parte 6.* Baldus in rubrica de fructibus & litium expensis: hic erat iuris rigor, hæc erat restitutionis natura, aded vt in fructibus qui prouenissent post litem contestatam legitimè factam, petitio horum fructuum non esset necessaria, quasi repetitiâ petiti quoque fructus satis intelligerentur, *l. praterea, ff. de rei vindicac. l. adiles, §. sciendum, ff. de adilitio edicto, l. qui restituere, ff. de rei vindicac. §. etsi in rem, Institutis de officio iudicis.* Quamuis autem hoc poscebat iuris ratio, & restitutionis natura & qualitas, tamen æquitate suadente constitutum est, vt bonæ fidei possessor fructus industriales suos faceret pro cultura, & opera, & pro diligentia. Textus expressus in *§. si quis à non domino, Institutis de rerum diuisione*, ibi, *naturali ratione placuit fructus, quos percepit, eius esse, pro cultura, & cura: l. in bona fidei, ff. de acquirend. rerum dominio*, Abbas & Doctores in capit. *grauis, de restitution. Spoliatorum*, Bartol. & alij in dict. *l. ex diuerso, §. 1. ff. de rei vindicatione. dict. l. 40. tit. 28. parte 3.* Clarus in *l. 39. eodem tit. & part.* ibi, *Por el trabajo que lleuo en ellos*: quæ leges dum rationem quæritant, quare bonæ fidei possessori relinquant fructus eos, non obscure innuunt, eos aliàs fore restituendos, ex natura ipsius restitutionis, vt diximus in naturalibus fructibus, qui restituuntur, quia in his nulla cultura, nulla cura, nulla diligentia, aut opera reperitur possessoris, quantumvis bonæ fidei.

Igitur de rigore iuris, perspectâ verâ & propriâ naturâ, & ratione restitutionis, nisi æquitas quæ culturam, operam, & diligentiam possessoris bonæ fidei dignam existimauit fructibus industrialibus aliud postularer, semper fructus ad eum pertinebunt, ad quem res ipsa pertinet; vnde illa quoque in bonæ fidei possessore solum recepta est æquitas, vt si rem meliorem fecerit, quæ melioratio sibi soluenda sit, cum fructibus ipsius rei à se perceptis computet; cum enim fructus de iuris rigore ad se non pertineant, sed ad eum cui res restituitur, suos autem fecerit propter fidem bonam, culturam & operam de iure æquo, idem æquum ius, & æquitatis vera ratio postulat, vt postquam non restituuntur, saltem computentur, ne duplex æquitatis vtilitas cumulata iniquitatem inducat: poteras enim aliter fructus integros percipere ex vno capite iuris rigore indebitos, ex altero integram æstimationem meliorationis percipere; vnde nasceretur apertè iniuria vero domino, cumulo damno, qui fructus amitteret ex vno capite alios sibi debitos, ex altero verò meliorationis æstimationem solueret, quibus cumulatis facilius sibi esset rem suam sibi numerato pretio emere, quàm vindicare; æquitas ergo, quæ in omni parte iuris principem locum obtinet, efficit, vt bonæ fidei possessor, qui fructus aliàs erat restitutus, cum non restituat, saltem computet, ne ex nimia

æquitatis indulgentia resultet iniquitas. Hæc est vera ratio computationis inter meliorationes & fructus perceptos.

§6 Ex qua verissima ratione computationis colligitur, ut omnino cesset computatio, quoties fructus ad euincentem cum re non pertinnerunt. Itaque si is qui rem vendicat, fructus non erat aliàs habiturus, cessat compensatio, quia cessat ratio compensationis, & hoc est quod brevissimè dixit Molineus ubi suprà, *titul. 1. partit. 1. gloss. §. 1. num. 78.* ex qua vis iusta causa cuitari posse istam computationem fructuum cum meliorationibus. Ex quo primùm illud receptissimum est in hoc nostro Senatu, ut possessor rei bonæ fidei fructus meliorationum suarum nunquam compenset cum meliorationibus suis; iniquitas enim esset si talis compensatio fieret; namque ex mea pecunia, hoc est ex mea re, ex meis fructibus solueretur mihi mea melioratio; fructus enim mearum meliorationum habeo iure dominij ex re omnino mea, ut diximus suprà isto capite: unde cessat compensatio, *ex dict. gloss. verb. superfluum, in dict. l. emptor*, suprà adducta: præterea illi fructus mearum meliorationum nunquam ad vendicantem rem pertinnerunt, neque de iure æquo, neque rigoroso: ergo non debent ei prodesse in solutione æstimationis, & meliorationum: diximus suprà *isto capite*, *num. 52. & 53.* & in terminis ita tenet Molineus ubi suprà: *num. 86.* post Matthæum de Afflictis *decisione Neapolitan. 87.* qui obscuriorem decidendi rationem secutus est, alienam ab hoc tractatu. Fier ergo computatio meliorationis cum fructu rei, dempta melioratione, secundum antiquum statum rei, & redditum eius antequam melioraretur; & ita sæpe iam paucos ante annos iudicatum vidi in hoc nostro Senatu, ac fuit quidem tempus cum hoc non obseruabatur, hodie tamen obseruatur planè. Cum enim fructus meliorationum nunquam pertineat ad vendicantem, ex ratione illa de computatione, non computantur, nec minuunt meliorationum veram æstimationem.

§7 Sequitur ex illa ratione compensationis illa regula generalis, ut in omni casu, in quo fructus rei iure dominij ad alium pertineant, scilicet ad possessorem, & nullo iure pertinere potuerint ad vendicantem, non esse admittendam compensationem, neque enim illi prodesse debent fructus, qui fructus eos non erat habiturus, neque iure æquo, neque iure rigoroso, ex fundamentis superiùs adductis, & ex glossa *in dict. l. emptor, ff. de rei vend.* superiùs allegata; unde vassallus, vel emphyteuta non tenentur compensare æstimationem meliorationum suarum cum fructibus perceptis à fundo emphyteutico, vel feudali. Ratio ea est, quia fructus ij propter titulum nunquam aliquo iure pertinnerunt ad dominum, sed iure dominij ad vassallum & emphyteutam, ut resoluunt post Baldum *in dict. l. emptor*, & Paulum *consilio 270. volumine 2.* Palacios Rubios *dict. §. 62. num. 16.* Antonius de Neguzant. *de pignoribus, 5. part. 4. membro 14.* Molineus *ubi suprà*, *§. 4. gloss. 4. num. 78.* Boërius *decisione 44. num. 19.* Pinellus *in l. 2. part. 2. cap. 4. num. 62. versic. ea receptissima sententia*, Aluarius Vazquez *dict. quest. 25. num. 29.*

In maioratus possessore, seclusa lege 46. Tauri, ubi hoc remanet dispositioni iuris communis, idem dicendum est quod in emphyteuta & vassallo; possessor enim maioratus dominus est, & fructus iure dominij acquirit, non iure



iure solius possessionis & bonæ fidei, *l. non ideo minus*, ff. de rei vindicatione, *l. generaliter*, §. final. verbo pleno iure, ff. qui & à quibus. Ex pluribus post Palacios Rubios, Molineum & Baldum *ubi supra*, resoluit Ludouicus Molina de primogeniis Hispanorum, lib. 1. capit. 26. num. 14. Pinellus *ubi supra*, post ea quæ tradidit in *l. 1. Cod. de bonis maternis*, parte 2. num. 5. idem omnino tenendum est in usufructuario, qui fructus percipit iure dominij, *l. 4. ff. de usufructu*. Idem in libellario & superficiario, *l. 1. §. 1. ff. si ager vectigalis*. Idem in conductore dicendum est, qui pecuniâ numeratâ fructus percepit; nec æquum est, ut & pecuniam numeret pro fructibus, & iterum in suas meliorationes computet fructus, quos habuit pro pecunia, ut locator pecuniam accipiat fructuum, & iterum cum fructus ad se non pertineant, propter locationem & pecuniam, cum fructibus soluat expensas & meliorationes: habet enim locum illa regula, ut quia fructus ad locatorem non pertinent, neque pertinere possunt toto tempore conductionis, non prosint sibi, ut æstimatione meliorationum soluenda minuat, ex nostra regula; & quia ex iusta causa evitatur ista compensatio, ut dicebat Molineus *ubi supra*, dicto num. 78. §. 1. tit. 1. gloss. 5. idem recipiendum est in grauato restituere post tempus, aut post mortem, quia interim verè est dominus, dict. *l. non ideo minus*. Item in legatario, cui iniuncta est restitutio, omnia hæc ex ea regula descendunt, quia ij fructus percipiunt iure dominij, non solius possessionis. Idem in Prælatiis, & aliis, in quibus habeat locum solutio meliorationum, quia non debent tibi fructus minuere æstimationem meliorationum, quos aliàs nullo iure eras habiturus; deinde ex hac regula & ratione descendit, ut si quis emat ignoranter rem dotalem, & melioret, habeat æstimationem meliorationum suarum, neque computet fructus quos perceperit, viuo marito, eodemque venditore, vxore vendicante, quia toto illo tempore mulier fructus eos neque de iure æquo, neque rigoroso erat habitura: hos fructus ergo non computabit emptor, quia cum illo tempore ad mulierem non pertinuerint, non possunt sibi minuere æstimationem meliorationum, neque ad hoc prodesse. Item in emptore rei maternæ, vendente patre, vendicante filio, fructus illius temporis, quo vixit pater, non computantur, quia ad filium neque iure æquo, neque rigoroso pertinuerunt. Hæc ferè videntur causæ iustæ denegandæ compensationis, ratio fructuum, & dominium; & ita vides dictam legem *sumptus*, & dictam legem 39. strictissimè patere, neque longius extendi à bonæ fidei possessore, qui rem non iure dominij, sed iure solius possessionis obtineat; quin quod in hoc adhuc ista computatio cessat, si fructus eos aliquo iure non habiturus erat is qui meliorationum æstimationem est soluturus; est enim in hac re iustum & bonum quo temperantur dicta lex *sumptus*, & dicta lex 39. quod ex ratione compensationis descendit.

Hæc omnia quæ à nobis de emphyteuta, vassallo, fructuario, conductore, libellario, superficiario, possessore maioratus & aliis dicta sunt, ut fructus non compenſent, quos iure dominij perceperunt, intelligenda sunt ex Fulgoso in dict. *l. emptor*, ff. de rei vindicatione, nisi titulus rescindatur, quasi à principio nunquam fuisset. Vnde in emphyteuta, cuius titulus rescinditur, quia non fuerit à principio legitimè factus, fit compensatio, quia interim ob non titu-

§ 8

lura

lum emphyteuta magis percepit fructus iure solius possessionis, sicuti bonæ fidei possessor, quàm iure dominij, ad quod dominium titulum sufficientem nunquam habuisse dignoscitur; contrarium dicendum est, si cùm titulus emphyteutis legitimè reperiatur factus, res tamen emphyteutica auferatur vendicatione, ob commissum, ob cessationem solutionis, ob finitæve generationes; hoc casu non fit ista compensatio, quia fructus sunt sibi percepti iure dominij, non solius possessionis; idè plurimum aduertendum est iudicibus, ex qua causa faciant condemnationem, vt & compensationem admittant: quod in cæteris erit obseruandum, & in emptore obseruat lex *quoties*, C. de rei vendicatione, vt emptor prior titulo, posterior possessione, compenset quidem fructus, quia titulus ille reducitur ad non titulum: tenet Pinellus in dict. l. 2. de rescind. vendit. part. 2. cap. 4. num. 63. ad fin. & in casu dictæ legis *quoties*, in emphyteuta tenet Aluarus Vazquez *quæst.* 14. num. 7. ambo ex hac Fulgosij interpretatione, quod in casu legis 2. C. de rescind. vendit. retenta illa opinione quod fructus non veniunt, vt in casu dictæ legis 2. quam retinet Pinellus ibidem, 2. parte, cap. 4. num. 1. contra veriore opinionem, quam tenuerunt Doctissimus Emanuel Costa in l. Gallus, §. & quid sitantium, 2. parte, num. 72. ff. de liberis & posthumis. & Doctissimus Couarruias *variæ lib.* 1. cap. 3. num. 9. quam videtur tenere Dominus Antonius Meneses in dict. l. 2. num. 50. Retenta ergo Pinelli opinione in illo casu non fit compensatio, quia non redigitur ad non titulum, quasi à principio interuenerit, sed titulus valuit, & fructus interim toto quadriennio iure dominij percepti sunt, etiam si ob læsionem sit rescissus; ita non fiet compensatio cum meliorationibus. Ita videtur tenere idem Pinellus dict. num. 63. ad fin. id dict. l. 1. In restitutione, & redhibitoria, quia redigunt rem ad pristinum & antiquum statum, compensationi locus erit, l. cùm autem, §. cùm redhibetur, ff. de adilitio edicto, l. quod si minor, §. restitutio, ff. de minoribus.

- 59 Hæc pertinent ad compensationem fructuum cum meliorationibus & expensis, de hac enim compensatione agimus. Innumera sunt alia compensationum genera, quæ modò non tractamus; nihil enim pertinent ad meliorationes, l. creditorem, ff. de leg. 3. authentica præterea, C. unde vir. Delegato facto creditori, an fiat vt compensetur, alius est casus in l. scribit Celsus, ff. ad Trebell. vbi diminutio patrimonij per fideicommissum relicti compensatur cum fructibus; alius casus in l. cùm pater, §. Titio, ff. de legat. 2. & l. quod de bonis, §. quod auus, ff. ad leg. falcidiam, vbi quantitas relicta suppletur ex fructibus perceptis; alium casum posuit Alexand. in l. in fideicommissariam, num. 9. ff. ad Trebellianum, & in l. filiusfamilias, num. 4. ad legem falcidiam, vt si parens rogetur à filio hæreditatem post mortem suam restituere, imputet fructus in legitimam portionem, per dictam legem filiusfamilias, ff. ad leg. falcidiam; quæ opinio an sit correctæ per legem scimus, §. repletionem, C. de inofficioso testamento, quæ iubet repletionem fieri non ex fructibus, sed ex substantia parentum, qui textus licet loquatur in filio, debet habere quoque locum in parente, modò non disputo; vide de priori compensatione Antonium Gomez in torno de ultimis voluntatibus, cap. 12. num. 27. in qua re bene fateor esse plura iura quàm ipse adducit; sed eius distinctio & vera, & recepta est: de secunda compensatione vide



vide Ariam Pinellum *dict. l. 2. de rescindend. vendit. part. 2. cap. 4. num. 63.* vbi aliqua remissiue : de tertia compensatione vide latè Boërium *decis. 44. num. 17.* vbi latè, aded vt vix eius sententiam percipere possis : de quarta compensatione vide Emanuelem Costam doctissimum *in cap. si part. 3. verbo priuare non possit, num. 37. de testamentis, lib. 6.* nostram meliorationem & fructuum compensationem secuti, non licet latius vagari; omnia enim illa altiori indigebant cognitione, modò non disputamus.

## CAPVT XXIV.

### *De estimatione facienda meliorationum.*

#### Notabilia ex capite vltimo.

- 1 *Sumptus an debeatur, an verò melioratio, & an utrumque.*
- 2 *Quomodo articulus meliorationis sit concipiendus in bona fidei possessore.*
- 3 *Limitatur regula communis ex communi sententia, & num. 4. agitur de ipsius veritate.*
- 5 *Meliorationes an sint estimanda in concreto, an in abstracto.*
- 6 *Totum an valeat magis quàm singula eius partes; & additur declaratio ad l. 2. C. de rescind. vendit.*
- 7 *Quomodo hac estimatio fiat ex actis, & testificationibus testium.*
- 8 *Agitur de lege diem proferre, §. si plures, ff. de arbitris, & d.c. 1. de arbitris, lib. 6.*
- 9 *Separantur illa iura à lege inter pares, ff. de re iudicata.*
- 10 *Species dicti §. si plures, & legis inter pares, in fin. differt ab specie capitis finalis de re iudicata.*
- 11 *Agitur de lege in iudicio, ff. famil. ercisc. & de lege vna, ff. de quibus rebus ad eundem iud. eatur.*
- 12 *Arbitrium nullum non mandatur executioni.*
- 13 *Defenditur Celsus Iureconsultus, & Bonifacius Summus Pontifex, ab impugnatione Molinei, & Couarruias, & refellitur ipsorum ratio.*
- 14 *Decisionem §. si plures, & capitis 1. habere locum in arbitratoribus, & estimatoribus; agitur de lege si fundum, & legibus sequentibus, ff. mandati.*
- 15 *In testibus quoque habere locum dictum §. si plures, & dictum caput 1.*
- 16 *In iudicibus quoque habere locum dictum §. si plures, & dictum caput 1. & adducitur lex 16. tit. 22. part. 3.*
- 17 *Applicantur omnia hac iura consuetudini Gallie.*
- 18 *An isti estimatores iurare debeant, adducitur distinctio.*
- 19 *Quales isti estimatores eligendi sint, an periti, an seniores, & quomodo estimatori sint.*
- 20 *An omnino duo estimatores sint eligendi, & an sufficiat unus.*

- 21 *Agitur de lege 1. §. fin. ff. de verbor. quem sensum habeat.*  
 22 *Declaratur lex finalis, C. de ponderatoribus.*  
 23 *Quā poenā puniatur qui diuersa metalla commiscet.*  
 24 *Isti simul debent communicato consilio aestimare.*  
 25 *Possunt isti aestimatores recusari ex capite suspicionis & ignorantie.*  
 26 *Possunt compelli ut aestiment.*  
 27 *Tertium quis debeat eligere.*  
 28 *An aestimatio horum sit executioni mandanda.*  
 29 *Quid si grauent.*



Vomodo probentur expensæ factæ, & meliorationes, diximus supra cap. 20. num. 22. & 23. cum sequentibus, sæpe autem probatio facta non admittitur, quia testes æstimationem meliorationum non aptè testificantur, nec secundum iuris regulas, ideo sæpè præcipitur, ut æstimatores à partibus nominentur, qui de ea re visis meliorationibus veram æstimationem depromant; additurque tertius, qui discordantes & dissidentes iusta æstimatione compenset, cuius æstimationi standum sit. Quapropter quid aduertere hos æstimatores deceat, dicam; quid iudices oporteat considerare, confirmaturos, aut reuocatuos has æstimationes meliorationum; quomodo creandi sint æstimatores, quid facere, æstimareque valeant, ne quid desit huic nostro tractatui. Atque in primis notandum est, ut hæc innotescant, separari, & distingui hæc duo, scilicet, sumptus, & meliorationes; diuersa sunt, diuersa vtriusque ratio, cum possit fieri, ut expendas in fundo, nihilque meliores; ideoque neque vtrumque debetur, neque alterum duntaxat, sed alterum, ad alterum tamen relatum; id est, debetur sumptus, non verò simpliciter, sed quatenus proficiuus & utilis fundo sumptus fuit, vel vtiliter, vel necessario. Itaque si expensas fecero, nihil verò meliorauero, nihil debetur, quia nihil melioratum est; sumptus enim debetur, sed qui meliorem reddiderit fundum: totaque ratio sumptus & expensarum dependet ex melioratione, solus verò sumptus debetur: unde si expendero centum, sed fundum in ducentis fecerim meliorem, centum duntaxat debentur, & pro centum quæ expensa sunt, fundus retinebitur: molas frumentarias extruxisti in prædio vrbano, expendisti quingenta, prædium verò propter has versatiles molas creuit, melioratus in octingenta; non debetur melioratio integra, sed solum quod impensum est, scilicet quingenta: contra verò expendisti octingenta, fundus in quingentis creuit, quingenta debentur. Diuersitatis ratio est, quia sumptus & expensæ principaliter veniunt soluendi, hi verò cum respectu ad meliorationem, ut eam non excedant, l. sumptus, ff. de rei vindicatione, ibi, *superfluum sumptum meliore prædio facto dominus restituere cogitur, l. in fundo, ff. eodem, ibi, quousque duntaxat quo pretiosior factus est, & si plus pretij fundo accessit, solum quod impensum est;* & ibi scriptores: textus in cap. de in integrum restitut. ibi, *possessions illas expensis ac labore suo reddiderint meliores, sumptibus, quos bona fide fecerint, debeant defraudari;* & tenet ibi Abbas num. 4. post Innocentium: idem in cap. quod quibusdam, de fideiussoribus, idem in cap. ad nostram, de reb. Ecclesia non alien. Felinus in cap. cum causam, de



*de re iudicata*, num. 28. Paul. *consil.* 270. lib. 2. Curtius Iunior *conf.* 44. Cyprius *decisione* 93. num. 9. Antonius de Phano *de pignorib. & hypoth.* 5. part. membro 4. num. 2. alios allegat Alvarus Vazquez *dict. quest.* 25. num. 28. qui post Bartol. *in dict. l. in fundo*, & post reliquos admonet Aduocatos, vt probationum articulos concipiant de melioratione, non solum de sumptu; requiritur enim vt impensam habeas, meliorationem probare, quæ par sumptui sit; nam si minus sit melioratum quàm expensum, meliorationis modus accipiendus est, & ad eum conicere debent oculos æstimatores, quousque de ea re notio sit: nostro iure est textus *in l. 39. 40. 41. titul. 28. part. 3.* quæ vtrumque coniungunt, meliorationem scilicet & expensas; & in hoc sensu perpetuò sunt, vt vtrumque requirant, ita vt nostro quoque iure ea decisio verissima sit.

Atque istud est, quod aliàs notabat Iason *in l. 1. §. haeres perceptio fundo*, ff. ad Trebellian. quod quando soluuntur melioramenta facta, tunc non sit æstimatio, prout vendi poterant, sed prout in melioratione sit expensum: allegat legem 2. §. portio, ff. ad leg. Rhodiam de iactu. Inductio patet ex verbis Iurisconsulti, ibi, *detrimenti, non lucri sit præstatio: dict. l. in fundo*, qui pro Iasone est melior textus, neque indiget vlla inductione. Facit lex *si fundum*, ff. de in rem verso, ibi, *sive pluri sit, non plus videatur in rem versum, quàm emptum sit*; ea enim regula dictæ legis *in fundo*, obseruata est à Iureconsultis, etiam in actione de in rem verso, vt si filius fundum emerit, & minoris sit fundus quàm emptus fuerit, tantundem videatur in rem versum, quanti dignus fundus fuerit; si verò pluri fundus sit, non plus videatur in rem versum, quàm emptus sit: ita vt condigna similitudine dicendum sit solum id deberi nomine expensarum, quod expensum est, etiamsi plus melioratum sit; si verò minus melioratum sit quàm expensum, quod melioratum sit, debeatur, ita vt in ratione expensarum res retineatur pro impenso quidem, sed cum respectu ad meliorationem; ita tamen vt si melioratio minor sit quàm impensæ sint factæ, semper id quod minus est, debeatur, quia ad similitudinem patrisfamilias id solum in vtilitatem & rem ipsius versum esse reperitur, nihilque amplius; atque aded ex suprà traditis id quod expensum est, deberetur, si tantundem melioratum sit: ex quo articulus hodie concipiendus est, partim ex melioratione, 2 partim ex sumptu, idque in possessore bonæ fidei; duplexque articulus necessarius est, alter qui contineat meliorationem factam, qui concipietur ex duplici tempore, in quo fundus non melioratus traditus est; & ex tempore, in quo melioratus reperitur: alter non continebit huius meliorationis veram æstimationem, sed veram impensam, quæ verè à possessore bonæ fidei expensa sit: perperam enim in possessore bonæ fidei concipitur articulus ex hac communi & vera resolutione in ea forma, quam quotidie concipiunt Aduocati, scilicet, *Item si saben que Fulano hizo en la cosa, sobre que es el pleyto perfectos, y mejoramientos utiles y necesarios, que oy en dia estan y permanescen, que a justa y communal estimacion valen tanto*. Potest enim fieri vt quantitatem illam & summam expenderit, sed fundus in eam quantitatem non creuerit, isthucque quotidie negligitur à Iudicibus cum summa iniuria litigantium. Oportet enim istas causas forenses ex iure constituto metiri, non ex vano, & inutili

patrocinantium stilo: ergo in possessore bonæ fidei, de quo modò agimus, meliorationem inquirerem maiorem impensâ, deinde ipsam impensam, quod facile fieri potest, ex recepta sententia, & ex dict. l. in fundo, dict. l. 2. §. portio, dict. l. sumptus, dict. l. si fundum: quadrant verba nostræ legis 40. ibi, *tenudo es de tornar al otro todas las despesas que ouiere fecho*; & ibi, *que cotre aquello que y despendio*; & ibi, *las despesas que y ouiesse fecho*; quod millies repetitum est nostro iure.

- 3 Prædicta autem regula dictæ legis *in fundo*, non habet locum extra bonæ fidei possessorem, qui fundum ad se pertinere censebat, ipsumque verè possidebat, non iure dominij, sed iure solius possessionis; ita vt contrarium, aut saltem diuersum constituendum sit in eo, qui iure dominij, licet reuocabilis, expendit, vt is meliorationes acquirat & conferuet, iuxta præsentem æstimationem, non prout olim constare potuerunt, quando expensum est, neque habita ratione meliorationis, ita vt emphyteuta, vsufructuarius, & fideicommissarius huiusmodi expensas nanciscantur, habita ratione præsentis æstimationis, modò pluris, modò paucioris fundus creuerit. Hanc tenent plures, Antonius de Neguzant. *de pignor. & hypoth. §. part. membro 4. num. 16.* Bartol. Bald. Angel. Alex. & Iason *in l. domos*, ff. de legat. 1. Boërius *decissione 44.* Cremenensis *in l. 2. Cod. de rescind. vendit. num. 22 §.* Paulus de Castro *consil. 270. volumine 2.* Antonius Gomez *in l. 46. num. 3. in legibus Taurinis*, Aluarus Vazquez *in dict. quæst. 25. distinct. num. 28.* Didacus Couarruuias *lib. 1. variarum resolution. cap. 8. vers. ceterum*, Carolus Molineus *dict. tit. 1. §. 1. gloss. §. num. 97.* qui eam rationem esse ait, quia hi qui iure dominij rem habent tempore restitutionis faciendæ, tantum transferunt ad dominum, quantum ipsis abest, hoc est veram æstimationem eius quod verè impensum est, quodque impensa tempore restitutionis verè valet, *dict. l. si fundum.* Quapropter in eo teneri dominum dicendum est. Altera ratio est, quam adducit Aluarus Vazquez, quia isti, qui iure dominij habent istas res restituendas, faciunt istas expensas in suo, idè tantum eis soluendum est, quantum ab ipsis est impensum; quæ ratio incidit in priorem, quia tantum abest istis, quantum accrescit illis verè dominis: mouentur isti omnes, qui separant bonæ fidei possessorem ab istis, qui iure dominij rem habent, ultra illas rationes, quæ facile dilui possunt, *ex l. domos*, ff. de legat. 1. ibi, *adificij æstimatio faciendæ est*: quem textum ad hoc notabilem dixit Antonius Gomez *dict. num. 3.* allegat etiam textum *in l. mulier*, §. sed enim, *vers. sed & ipse*, ibi, *si quem sumptum fecerit in res hereditarias, detrahet*: ff. ad Trebellian. Adducitur etiam textus *in l. ubi purè*, §. fin. ff. eod. ibi, *qui in distrahendis, conseruandisque hereditariis rebus sumptus factus est, impurari heredi debet.* Præter hæc iura adducit Boërius *in d. decis. 44.* textum *in l. 4. §. hac autem actio*, ff. de vi bonor. raptor. vbi Vlpianus in actione vi bonorum raptorum in factum eam concedit, & dari in duplum fatetur quanti ea res sit, idque ad verum rei pretium refert, & præsentis temporis faciendam æstimationem asseuerat. Adducitur textus *in l. continens*, §. cum quis, ff. de verbor. oblig. ibi, *non enim secundum futuri temporis ius, sed secundum presentis æstimari debet stipulatio.* Et hac recepta sententia in emphyteuta, vassallo, & fructuario, à quibus non ob titulum, sed ob culpam aut commissum repetatur, potest



test sustineri articulus ille , qui quotidie fit & concipitur ad Aduocatis , obseruata ratione ea , quam tradidimus capite proximo , *num. 58.* atque idem obseruandum erit in omnibus his , qui iure dominij res habeant , non verò iure solius possessionis , vt hac communi sententia limiteretur regula dictæ legis *in fundo* , dicti §. *portio* , dictæ legis *sumptus* , dictæ legis *si fundum*.

Hæc tamen communis opinio , tot tantorúmque interpretum autoritate 4 probata neque rationem habet ; & si verum amamus , neque ius : iura enim illa omnia , quæ præsentis temporis faciunt mentionem , debilissimum faciunt argumentum ; namque iura de stipulatione , & actione vi bonorum raptorum adedò aliena sunt à nostro tractatu , vt ex his argumentari ad æstimationem expensarum secundùm præsens , vel futurum tempus sine pudore non liceat. Præterea regula Iurisperiti *in d.l. in fundo* , certa est : idem *in d.l. sumptus* ; quas licet ad bonæ fidei possessores restringas , nulla tamen ratio satis cogit , vt ad fideicommissarium , fructuarium , emphyteutam , vassallum , cæterósque huiusmodi possessores protrahere non possis. Namque ratio illa , quæ sustinenda videbatur communis interpretatio , scilicet quia hi , qui iure dominij res habent in suo , sumptus istos faciunt , si rectè iudicemus multò fortior est in bonæ fidei possessore ; qui quantum ad se pertinet , rem illam quam meliorat suis sumptibus , ad se modis omnibus pertinere existimat : ideoque sicuti in illo non inducit æstimationem solius sumptus & solius expensæ , iuxta tempus præsens , sed illius quod verè expensum & consumptum est meliorando , quî fieri potest , vt in emphyteuta & fideicommissario , & aliis id genus inducatur contrarium ; cùm hi ne existimarent quidem in suo se omnino facere , etiamsi ciuilitè aut vtiliter quoad actiones ciuiles domini sint , in promptu erat scientia rei aliquando restituendæ , quod ne possessor quidem bonæ fidei existimare potuit. Quod si ius habent vtile ad exercendas actiones , quæ aliàs vero domino concedi solent , ac vtilis domini sint , vbi obsecro hæc exceptio scripta est , vt à regula dictæ legis *in fundo* , decedere valeamus ; quin imò ipsa ratio Molinæi magis persuadet , vt res debeat iudicari per dictam legem *in fundo* ; an enim tantùm peruenerit ad dominum , necne ? ex præsentī melioratione diiudicatur , scilicet , non ex sumptu factō , sed ex melioratione , quæ ex sumptu resultat : itaque si melioratio nulla sit , nihil peruenit ad dominum , quia dominus præter suum fundum nihil accipit , namque expensarum & sumptuum rationem ex melioratione inquirimus , meliorationem ex persona domini , non possessoris , *ex l. sed an vltro* , ff. de neg. gest. & quæ adduximus *capit. 1. num. 30.* & *cap. 5. num. 9.* quod si melioratio sit , tunc sumptus debetur , nisi hi sumptus meliorationem excedant , quia dominus meliorationem accipit , possessor sumptus amittit. Debet ergo intercedere melioratio , tunc sumptus , qui facti sunt , debentur , quia hoc solum abest possessori restituenti rem , scilicet quod ex suo consumpsit. Præterea communis illa opinio iisdem , eisdem autoritatibus displicet ; namque Paulus de Castro *in dicta l. domos* , *versic. sed adhuc oppono* , variè distinguit , neque satis quiescit ; imò vt videre facile est , commiscet alia , atque alia , nusquam tutus , nec quietus , & suæ distinctionis multos adfert authores , eos quos communis opinio pro se adducebat : plures refert Boërius *dicta decis. 44. num. 13.* de

sumptibus gratiâ fructuum duraturis, aut non duraturis, de quibus latissimè egimus *capit. 1. per plures numeros*. Alia iura, ut dicta lex *domos*, dictus §. *sed enim*, dicta lex *ubi purè*, parum aut nihil faciunt, si rectè expendantur. In Lusitania aiunt in praxi receptam esse communem opinionem *in dict. l. domos*, & Bartoli ibi; apud nos etiam obseruatur, nescio sanè, an ex negligentia iuris, an verò ex ratione dictæ sententiæ & opinionis receptæ: certè video quoque obseruatum erga bonæ fidei possessorem, qui rem iure solius possessionis habet, non dominij. Ego obseruatas velim iuris constitutiones, postquam scriptæ sunt: certè in bonæ fidei possessore obseruanda omnino sine dubio erit decisio dicti §. *in fundo*, in his qui iure dominij res habent; per me sit suum cuique pulchrum.

5 Sed & illud aduertendum est, tradidisse Doctores indistinctè meliorationes æstimandas esse, non prout sunt in concreto, sed prout reperiuntur in abstracto; quâ formâ, & dicendi ratione & methodo primus vltus est Bald. more suo propria singularum facultatum nomina vbique confundens, ob eam vnam rem plerisque doctissimus, propter quam doctissimis ignorantissimus meritiò videri poterat. Is igitur Bald. *in cap. 1. §. si quis de mansoribus, de controuersia inuestit.* & *in §. si vassallus, cap. 1. hic finitur lex*, atque eum secutus Ias. *in l. 2. Cod. de iure emph. num. 29. & 30.* asserunt æstimanda esse melioramenta huiusmodi in abstracto, non prout reperiuntur in concreto, quos sequitur Tiraq. *in 2. retractu, §. 7. gloss. 1. num. 6.* Rolandus *consil. 28. num. 30.* contra quos licèt teneat Carol. Molin. relatus, non tamen suo nomine, idque immeritiò (neque enim cum larvis luctandum est) ex Aluaro Vazquez viro docto & egregiè erudito, vbi suprâ *dict. quest. 25. num. 16. ad fin.* tenebat id Carol. Molineus *dict. gloss. §. 1. tit. 1. num. 98. in consuetudinibus Parisiensibus*; aiunt enim ex ea æstimatione subtili defraudari meliorantes à suis meliorationibus, quia diruti, & in partes separati, & distincti ædificij valor multò minùs constat, quàm si totum simul ædificum æstimeretur. Carolum Molineum sequitur Iulius Clarus *lib. 3. sententiarum, §. fendum, quest. 86.* qui, & Carolus Molineus verè non sunt recta ratione docendi vti; namque æstimatio meliorationum, sicuti conseruatio earundem, non pendet ex damno, vel commodo possessoris, vel domini, sed ex iure æquo & bono, quod scriptum est, *ex dict. l. in fundo*. Proinde dominus, siue abradi patiatur, siue meliorationes soluturus sit, semper habere debet præsentem regulam illam Celsi, ut vtilitatem inquiramus; eâ verò quæritâ, si minor vtilitas sit, quæ nisi in concreto considerari non potest, namque vtilitas resultat ex vniuerso opere confecto vniuersè accepto, itaque meliorem esse fundum nunc cum restituitur, quàm fuerit olim, constet ex reditu ex opere facto vniuersè accepto, quia scilicet riuus ducti sunt, molæ frumentariæ erectæ, & alia id genus facta, idque in concreto est, id est, respectu totius operis vniuersè accepti, non considerando singula signa, trabes, tabulas, lapides, calcis, argillæve singulos modios & mensuras, quasi singula ab ædificio ipso separasset; quæ æstimatio dicta fuit Baldo in abstracto, nescio quantum benè; nam quas voces à Dialecticis, eisdemque Sophisticis non elegantioribus vsurpauit, ineptè iuri nostro applicauit; aiunt enim illi facultates & scientias tractari in abstracto, non in concreto: quod Aristotelici, &



qui Ciceronem amant, dicere solent, vniuersales esse facultatum & scientiarum regulas, non verò particulares; dicimus enim hominem ridere vniuersè, id quidem intelligendum esse vniuersè, non de Heraclito, quique Gelasius dictus est Democritus, eâ regulâ etiam continetur, quia vniuersè flebilem hominem esse dicimus: itaque regulæ vniuersæ traduntur, de singulis enim rebus nec possunt, nec debent præcepta constitui. Has nostro iure nos definitiones vocamus; cumque dicimus testationem mentis testamentum esse, & testationem esse rei veræ probationem, vniuersè id dicimus; dicunt barbari in abstracto, non descendentes ad singulorum testamenta & probationes, quæ plerumque nec rei veræ, nec mentis probationes, aut attestaciones sunt: quæ singula si persequeremur, concreta cum barbaris nos tractare oporteret. Baldus autem ad meliorationes has voces transferens, id quidem efficere voluit suis illis ineptis verbis, & parum intellectis, easdem illas voces peruertens, vt meliorationes soluantur, & æstimatio ipsarum fiat respectu, non totius operis facti, quod ipse vocabit in concreto; sed solum respectu singularum partium, quod vocat in abstracto. Itaque æstimatores debent totum ædificium, & singulas eius partes æstimare, vt veram æstimationem meliorationum proferant. Denique in opere & facto, vt magis hæc explicemus, ex quo melior factus sit fundus, censet Baldus æstimationem faciendam singularum partium, id est, quot trabes, quot tigna, quot regulæ, quot lapides, quot calcis, quot argillæ mensuræ, quot diurna artificum stipendia consumpta expensæue sint, atque ea omnia deberi; quod mihi secundum rationem esse videtur, & certè id voluit apertè Celsus in *d. l. in fundo*, ibi, *solum quod impensum est*: ex quo puto distinguendum vt diximus isto capite, *n. 1.* nam si magis expensum sit quàm melioratum, tunc quia sola melioratio debetur, atque ea non potest considerari nisi respectu totius operis, planè hoc casu totum opus vniuersè æstimabitur, nihilque descendemus ad singulas partes, quæ meliorationem excederent, ad quas non est deueniendum, quia non debentur; præsupponimus enim magis fuisse expensum, quàm melioratum; quo casu necessariò in concreto facienda est æstimatio respectu pretij & æstimationis meliorationis, quæ redditum & vtilitatem fundi adaucti respicit; si verò minùs sit expensum quàm melioratum, tunc quidem coacta ratione æstimatio debet fieri respectu singularum partium, quia *ex d. l. in fundo*, quod impensum est, debetur, & sic in abstracto. Obseruata autem hac Iureconsulti ratione, neque iniuria sit possessori, nec domino, sed ratio iuris constituti obseruatur, quæ scripta est. Ex hac dicendi ratione scriptorum placita temperantur; præterea quia etiam si ista æstimandi meliorationes ratio scripta non esset, adhuc ista facienda foret, non enim fatemur diruendum ædificium, & disiciendum; diruto autem eo & disiecto esse æstimanda rudera, & singula eius ædificij; quod existimabat planè Carolus Molineus *d. n. 98.* nam hoc pacto disruptas trabes, reflexas tabulas, disiectos lapides, nullius ferè pretij esse constat, sed cum integrum ædificium sit, quærere singularum partium veram æstimationem, vt diximus, non video quam iniuriam afferre possit possessori, vtilitatem certe afferre potest. Præterea ratio expensarum debet fieri sigillatim de singulis rebus expensis, & vera cuiusque æstimatione, non confusè, vt diximus *c. 20. n. 22. versic. hic tamen codex*, vbi de probatione egimus meliorationum

tionum & expensarum. Cum ergo hæc ipsa æstimatio facienda ab æstimatoribus in nihilo distet à probatione, debet fieri sigillatim æstimatoris singulis rebus ad eam quantitatem, quæ verè expensa sit, *ex d.l. in fundo*; in bonæ autem fidei possessore ad eam summam, qua res præsentis tempore constare possit, si communem opinionem sequaris receptam in iis, qui iure dominij res habent. Certè utroque casu, si de expenso ratio ineatur, sigillatim de singulis rebus expensis facienda est: præterea hæc ipsa ratio utilior est possessori, quàm si confusè ipsa melioratio dumtaxat, aut totum ipsum æstimeretur; quamvis enim iuris intellectu totum valeat plus quàm omnes singulares partes per se, neque tantum valeant partes fundi seorsum separatæ, quantum totus fundus simul, *l. Manius, §. fin. ff. famil. ereiscund. ibi, uniuersa res æstimari debent, non singulorum rerum partes*, vbi glossa *verb. partes*, glossa *in l. 1. C. communi diuidundo, verbo parte pretij*; vbi Doctores, & Salycet. *in l. fin. Cod. de iure dotium*, Bartol. *in l. uxorem, §. agri plagam, ff. de legat. 3.* textus *in l. Manius, 68. §. in fundo, ff. de de legat. 2.* sæpe tamen vsuuenit, ut plures vendantur singulæ partes fundi quàm toto valerent, quod frequentius contingit ob singularem cuiusque affectionem, & propter particulares cuiusque partis circumstantias: tum quia facilius est emptor vineæ, salicti, pineti, aut horti, quàm totius fundi, qui eas partes habet: vnde Carolus Molineus *in tract. de eo quod interest, n. 114.* de facto consultus respondit in materia legis 2. *C. de rescind. vendit.* venditorem villæ, aut fundi, non esse admittendum, neque posse probare læsionem ex eo quod de facto tempore venditionis totius fundi singulæ partes eiusdem fundi habituræ essent vicinos emptores, qui singula prædia multò plures emisissent, quàm totus fundus esset emptus; iuris enim intellectu totus fundus plus valet, quàm singulæ eius partes, licet propter particularem affectionem & faciliorem emptionem facilius & carius singulæ partes vendantur; quæ affectio cum nusquam non sit, potest æstimatio facta per partes maiorem utilitatem afferre; sed in nostro casu de expenso disputatio est, quod nisi sigillatim fieri nequit, quamcumque opinionem teneas, de quibus suprâ.

7 Hæc autem æstimatio plerumque fit à iudice ex probatione partium, ac per sententiam ex testibus & eorum attestationibus; atque in nostro Senatu, si ex actis aptè constare possit æstimatio sumptuum, utpote quia testes ritè & rectè secundum iuris regulas veram æstimationem attestantur, nunquam relinquatur executori sententiæ liquidanda, idque optimè fit; nam præterea quod in fructibus isthuc lege latè constitutum est, ut quoties ex actis vera ipsorum æstimatio haberi possit, non relinquatur executori, ne lites ex litibus protrahantur, quod ex identitate rationis necessariò recipiendum est in æstimatione fructuum, & meliorationum, ne scilicet quod rectè à sapientissimis iudicibus æstimari possit, relinquatur executoris rudi, ignauoque iudicio, qui difficiliore solent facere executionum causas, quàm ipsæ fuerint olim cum cœptæ sunt. Igitur cum ex actis facienda erit ista æstimatio, quia testes ritè, & rectè; aptè, & secundum iuris regulas de æstimatione harum meliorationum testificentur, quod rarò fit, iudices veram quoque æstimationem earundem meliorationum pronuntiabunt, facturi autem hanc æstimationem aduertent ad glossam *vers. consenserunt, in l. diem proferre, §. si plures, ff. de arbitris*; & quæ ibi Bart. & Ias. ut etiam si decisis



decisio textus ibi, minorem summam capiat tanquam ab omnibus approbatam, illud speciale habeat considerationem in arbitris, ita ut in testibus aliud obseruandum sit; postquam enim illud ex fide testium iudicandum est, ea summa accipienda est, in quam plures testes consenserunt: quod si tres duntaxat essent testes, quorum singuli diuersas summas profiterentur, tunc est recurrendum ad decisionem textus in *d. l. diem proferre, §. si plures*, & ad pontificiam decisionem in *cap. 1. de arbitris, lib. 6.* idem si diuersi testes numero pares in diuersis summis consentiant. Nam si plures numero aptè testificantes in vnam summam conueniant, in eam ituri sunt iudices, utpote maiori numero testium approbatam. In illa verò pari testium varietate aliud sequendum est, quod tamen interpretatione eget, quia viris eruditissimis visa est omnino difficilis, & à ratione iuris aliena; ideo circa eam non nihil immorandum est.

Extat Vlpiani responsum in *d. §. si plures*, quod solet difficillimum iudicari, 8 propter rationem ipsiusmet Vlpiani, quæ viris doctissimis non vsque adeò placeat. Verba Vlpiani hæc sunt: *Inde quaritur apud Iulianum, si ex tribus arbitris vnus in quindecim, alius in decem, tertius in quinque condemnet, cuius sententia stet: & Iulianus scribit quinque debere prastari, quia in hanc summam omnes consenserunt.* Quod quidem Vlpiani responsum Bonifacius VIII. Pontifex summus in suo sexto libro epistolarum decretalium reposuit, in *c. 1. de arbit.* & tamen in priori parte ita temperat Vlpiani decisionem, ut si duo in decem, tertius in quinque condemnet, duorum præualeat iudicium, cum maior pars sæpe meliorem vincat: sæpeque vsu venit, ut peritissimus quisque, propter ingenij subtilitatem à pluribus, eisque rudioribus relinquatur, ut de his, quod de Catone, dici possit, *Victrix causa diis placuit, sed victa Catoni.* Ita enim naturâ ipsâ constitutum est, ut naturaliter homines dissentiant, & quor capita sunt, tot sententiæ passim reperiantur: Aristoteles Milesiorum rempublicam circa iudicia subuersurus, *lib. 9. Politicor. c. 6.* ait eam vnum iudicium principale posuisse, ad quod omnia malè iudicata reuocarentur, idque constitutum ex senibus deuictis, quia sententias non calculis ferrent scriptis, in quas quisque scriberet, ne si condemnaret simpliciter, vel simpliciter absolueret (quod à Græcis fiebat) cogerentur iudices absolvere eum simpliciter, qui si non totam summam petitam deberet, partis tamen debitor verè extitisset, seipso peierantes, & sacra & iusiurandum violantes. Igitur Aristoteles ut hanc rempublicam non mehercule in hac iudicij forma malè constitutam subuertat, aduersus Milesios more suo quibusdam quasi aculeis pungens, litigiosam fore sententiam, quæ in hoc iudicio proferretur, asseuerat; ait enim, si petuntur viginti, iudicum autem vnus decem iudicet, alter quinque; alter quatuor, & hoc modo diuidant, & alij in totum condemnent, alij in nihilum, quis inquit erit modus sententiarum concordandarum? hæc Aristoteles, quem malè Alciarius *lib. 9. parergon, c. 14.* refert, quasi Iureconsulti Vlpiani comprobantem sententiam, & responsum, cum subuertat potius, deducto argumento ad inconueniens, existimans Milesiorum rempublicam in hac iudiciorum forma non benè constitutam. Quodque in hoc doctissimus Couarruias *lib. 1. variarum resol. cap. 2.* refert de Plinio iuniore *epistolar. lib. 8. ad Aristonem*, & de Quintiliani Rhetoris declamatione, etiam si in hoc iudiciorum genere versetur, tamen non ad Vlpianum pertinet; ego apud

Quintilianum nihil reperi, apud Senecam pauca, *lib. 3. declamationum, declamatione 2.* Illa tamen alia sunt ab his quæ tractat Vlpianus *in d. §. si plures, & Summus Pontifex in d. c. 1.* pertinent enim ad capitale iudicium, & ad *l. inter pares, ff. de re iudicata*, quarum species ea est: Si duo iudices relegent, duo infamiâ notent, in septuplum condemnantes tres reum capite damnent, an sint coniungendæ sententiæ, quæ vitam conseruant, vt vincant eam quæ reum capite puniendum esse censet: itaque eorum quæstiones, & controuersiæ in eo sunt, an separari possint sententiæ occidentes à non occidentibus; in quo particularis ratio reperitur, conseruatio nempe humanæ vitæ, quam quidem vbique Iureconsulti amant, & obnixè tuentur: in nostro casu agimus de quantitate soluenda, in qua plures summæ, illæque diuersæ in diuersis iudicum sententiis reperiuntur; cui speciei applicabitur vltima pars dictæ legis *inter pares*, non verò prior; in qua specie ratio condemnationis sumenda est à iure quod reperitur expressum *in d. §. si plures, & in d. l. inter pares, in fin. & in d. c. 1.* quorum decisiones Couarr. doctissimus difficiles esse ait. Idem ante eum dixerat non sine gloria Carolus Molineus, vir vbique doctissimus, sed sibi in suis opinionibus nimium placens, & arridens, exitiali philantiæ morbo subiectissimus; idque *in consuetudinibus Parisiensibus, tit. 1. §. 33. gloss. 3. n. 13.* post Baldum (vt videas nihil ignorasse antiquitatem) *in l. 1. Cod. de sententiis qua sine certa quantitate*, quem refert doctissimus Couarr. *variar. lib. 1. cap. 2. n. 6.* qui quamuis conentur non ineleganti ratione ostendere decisionem Celsi *in d. §. si plures*, Pauli *in dict. l. inter pares, in fine*, & Summi Pontificis *in d. c. 1.* agrè sustineri posse, ni tanta autoritate defenderetur; ego sanè existimo eos habuisse bonam & præclaram rationem, antiquitatis plenissimam, obseruatam olim in arbitris, quæ latuerit Molineum, de qua proximè dicemus; illud prius animaduertentes, decisionem capitis finalis *de re iudicata, in fine*, ibi, *quod si ex compromisso, neutra debet habere vigorem* (vbi si duo arbitri diuersam quisque sententiam profert; nihil effectum est,) quia in nulla parte eius sententiæ & arbitrij consensus reperitur; quod si in aliquo consensus reperiatur, in eo sententia sustinetur; procedere, scilicet dictum caput finale, & obtinere in duobus arbitris, quorum vterque diuersam sententiam omnino protulerit, quod ad literam ex illo capite finali colligitur: at verò *in d. §. si plures, & in d. c. 1. de arbitris, lib. 6.* est aliud, in quo consensus reperiri potest; scilicet minor summa, iuxta dictam legem *inter pares, ff. de re iudicata, in fine*: & ita nullum argumentum deduci potest *ex d. c. fin.* ad impugnandam decisionem Celsi *in d. §. si plures*. Præterea non impugnatur Celsi decisio Pauli *in l. in hoc iudicium, ff. fam. l. erciscund.* vbi iudicium diuisum in partes, non sustinetur. Ibi enim propter naturam iudicij vniuersalis de vniuersa hæreditate, & inter vniuersos hæredes iudicium ab eo iudice, cui de ea re notio erit, proferendum est, aliàs inquit Paulus, res iudicata pro parte valere, pro parte verò non valere vix potest, in quo duo particularia sunt, scilicet natura iudicij, quod vniuersum est, & diuidi ipsum iudicium non potest, nec enim de hæreditate eadem ad diuersos eundem est iudices, sed ad vnum, qui possit inter omnes iudicare, *l. vna, ff. de quibus rebus ad eund. iudic. eatur*, cuius legis decisio frequens in foro est, quoniam ex ea causa ad Senatores Regios occurrit potest, cum de hæreditate agitur diuidenda inter plures hæredes, quorum singuli conueniri de



actione priuata non possent, apud eos præsertim, cum horum hæredum alij alijs iudicibus sublint, nec possint omnes simul coram eodem conueniri: idè sapè admissum in hoc Senatu animaduerti hoc iudicium, *ex d.l. una*, & ratione dictæ legis *in hoc iudicio*; sapè quoque repulsum hoc iudicium aduerti, nec admissam notionem in hoc Senatu tractari, hoc quod vulgo dicitur, *que no sea caso de corte*: æquissimè tamen facient iudices, qui admiserint, cum nequeat alibi integrè causa illa tractari: alterum autem *in d.l. in hoc iudicio*, particulare est, quod de tota hæreditate iudicium suscipi & proferri debet, ne diuidatur, ex Pauli sententia; diuidi enim iudicium illud non potest, sed de vniuersa hæreditate inter omnes & vniuersos hæredes faciendum est, ne alicuius persona omittatur; namque si omiſsa sit, non possunt aliorum partes constare. Pone quatuor esse hæredes, duos tranſegisse, vt duobus tranſigentibus portiones legitimæ constituentur, aliorum quoque non tranſigentium ratio habenda est, quæ si omittatur, planè iudicium ipsum constare non potest, *ex d.l. in hoc iudicio*, ex qua condemnationes, & absolutiones in omnium persona faciendæ sunt; & idè si in alicuius persona omiſsa sit condemnatio, in cæterorum quoque persona quod fecit iudex non valebit, quia non potest ex vno, eodemque iudicio res iudicata in parte valere, in parte non valere. Hæc Paulus; vnde quia istud iudicium nullum est, non mandabitur executioni, cum constet euidenter, ex actis scilicet, aliorum partes omiſsas; quæ nullitas, notoria & manifesta ex actis, impedire solet quamcumque executionem, etiam trium sententiarum conformium. Bald. *in l. 1. C. ne liceat tertio prouocare*. Cardinalis *in Clem. 1. de re iudicata*, Francus *in c. dilecto de appellationibus*, q. 52. Alciatus *lib. 1. de verborum significatione*, Aymon *conf. 3*. Felinus *in c. inter cætera, de re iudicata*, Iason *in l. 1. n. 8. ff. de noui operis nuntiatione*, & *in l. si is ad quem, ff. de acquir. hæreditate*: est receptissima conclusio Corneo *consil. 204. lib. 2*. Imola *in l. de pupillo, §. qui opus, ff. de operis noui nuntiatione*. Ita resoluit doctissimus Couarr. *practicar. qq. c. 25. n. 2. versic. primum igitur*. Idè si arbitri inter duos pronuntient hæredes de vniuersa hæreditate, omiſsis alijs, illudque constet, forſan non mandabitur executioni tale iudicium manifestè nullum, *ex dict. l. in hoc iudicio*; quamuis enim aliàs arbitria habeant executionem paratam iure nostro, & olim habuerint, *ex l. diem proferre, §. stari, ff. de arbitris*, ibi, *stari debet sententia arbitri, quam de re dixerit, siue æqua, siue iniqua sit, & sibi imputet qui compromisit; nam & dini Pij rescripto adiicitur, vel minus probabilem sententiam æquo animo ferre debet*; illud tamen recipiendum est in arbitrijs rectè, riteque obseruatis, non in his quæ nullius momenti Iureconsulti esse dixerunt, vt est *in d.l. in hoc iudicio*: itaque decisio text. *in d.l. diem proferre, §. si plures*, & *d. c. 1. nihil pertinet ad d.l. in hoc iudicio*.

Vnde neque illa inuestigatio quicquam ad nos pertinet, an condemnans in minori absolvere voluerit à maiori summa, de qua Bart. *in l. si plures, ff. de fideiussores*, Felinus *in c. cum inter, de re iudicata*; quod enim attinet ad *d. §. si plures*, & ad *d. c. 1.* parum, aut nihil faciunt, cum in eis consensus reperiatur condemnationis in minori summa, ob idque difficilior est decisio dicti *§. si plures*; semper enim illud in promptu esse debet, interfuisse ibi tres iudices, eosque arbitros, qui in minore videntur consensisse quantitate, vt tandem distet longius

II

12

13

ab specie legis *inter pares*, & *cap. fin.* & *l. in hoc iudicio*; quod licet senferit doctissimus Couarruias ubi supra, *d. c. 2. n. 6.* tamen ipse aliam rationem adducit, quam fortiter intruit, propter quam exorbitantem & impropriam, neque satis firmam rationem, nullam decisionem Celsi *in d. §. si plures*, & cum ea constitutionem Pontificiam existimat *in d. c. 1.* secutus Carolum Molineum *ubi supra*. Ratio autem ea est, quod iudicis etiam arbitri sententia referenda sit ad libellum, sicut sententiæ reliquæ quorumcunque iudicum, cum arbitria instar sint iudiciorum; compromittens autem, ut ipse Molineus ait, maiorem summam & quantitatem petens, minori summæ & quantitati consentire non vult, sed tanquam si rem peteret, aut corpus, ita summam quoque exigit: unde arbiter, qui de minore summa soluenda pronuntiat, planè dissidet reuerà ab eo, qui maiorem deberi protulit; & rursus tertius à duobus, qui diuersam quoque pronuntiauit quantitatem soluendam, quasi res diuersas, aut diuersa corpora quisque tradenda protulisset: consistunt enim numeri in indiuiduo, sicuti ipsæ res, Aristoteles *lib. 13. Metaphysic. c. 9.* quingenta enim reuera non sunt quinquaginta, neque centum decem, etiamsi quingenta quinquaginta contineant, centum verò decem; unde reuerà, aut formaliter, uti Molineus & Couarruias dicunt, iudices duo, quorum alter in quingenta, alter in quinquaginta condemnat, diuersas proferunt omnino sententias, tanquam si vnus ædes censeret restituendas, alter bibliothecam, cum hi numeri diuersi specie sint, & specificè separati, quantumvis contineant maioris & minoris quantitatis respectum & proportionem. Hæc est ratio Molinei & Couarruias, propter quam difficilem, & exorbitantem existimant Celsi illam decisionem *in d. §. si plures*: neque vniuersè existimat Couarrui. accipiendam decisionem Celsi, sed particiùs admittendam; ideoque negat doctissimus Couarrui. admittendam extra arbitros, vt dictus §. *si plures*, & dictum caput 1. & lex *inter pares, in fin.* non habeant locum in arbitratoribus, neque in æstimatoribus, quoniam exorbitans decisio iuris sit, & difficilis, longèque absit à vera ratione iudiciorum, de quo mox aliqua, simulatque rationem Caroli & Couarruias ostenderimus procul abesse à vera & antiqua iudiciorum forma. Illa enim doctissimorum virorum ratio tota inde trahitur & descendit, quod sententia arbitratorum conuenire debeat libello & conclusioni compromittentis, atque dissidere videantur arbitri, qui diuersas sententias à libello proferant: atque ex sola hac ratione facilè labefactari potest eorum noua illa ratio; maximum enim in hoc discrimen est inter iudicia & arbitria: neque satis Carolus Molineus, qui prior in Iureconsultum & Pontificem inuectus est, rationem antiquam arbitratorum afsecutus est, quod non malucolè dictum velim; noui enim ipsum virum doctissimum, sed vt inquit Imperator Iustinianus *in l. 1. C. de veteri iure enucleando*, potest vnus forsan & deterioris sententia, & multos & maiores in aliqua parte superare. Veteres olim, ita constituebant, iudicium rei certæ esse, arbitrium autem incertæ; iudiciũque eò vsque agitari, vt totam litem vel obtineamus, vel omittamus, in arbitrio non item, in quo neque nihil petitur, neque totum: vterque compromittens plus petit, quàm scit sibi deberi, ob idque arbitrij & iudicij, & olim & hodie longè alia ratio est; in arbitrio neque libellus erat, neque hodie fit; conclusionem libelli, vel petitionem compromissi spectant arbitri,



bitri, sed ad id oculos, mentemque coniciunt, quod æquius & melius est; unde arbitria particularem habent rationem, propter quam minima summa à Celso admissa sit, quia æquum & bonum quod in arbitriis versatur, id exigere videbatur, quod Cicero eleganter in oratione pro Roscio Comædo his verbis scriptum reliquit. *Pecunia (inquit Cicero) tibi debetur certa, qua nunc petitur per iudicem. In qua legitima parti, sponso facta est, hic tu si amplius H. S. nummos petisti, quàm tibi debitum est, causam perdidisti, propterea quod aliud est iudicium, aliud arbitrium: iudicium est pecunia certa, arbitrium incerta; ad iudicium hoc modo venimus, ut totam litem aut obtineamus, aut omittamus; ad arbitrium hoc modo, & animo adimus, ut neque nihil, neque tantum, quantum postulamus, consequamur: cuius rei ipsa verba formula testimonio sunt: quid est in iudicio & directum, asperum, simplex: si peteret sesteria quinquaginta tria dari, hic nisi planum faciat sesteria quinquaginta tria ad libellum sibi deberi, causam perdit. Quid est in arbitrio: mite, moderatum, quantum æquius & melius, id clarius; ille tamen confitetur plus se petere quàm debeat, sed satis superque habere dicit, quod sibi ab arbitrio tribuatur. Itaque alter causa confidit, alter diffidit.* Hactenus Cicero. Vides igitur antiquam formam iudiciorum & arbitriorum; vides in iudiciis versari asperum, & directum, in arbitriis æquum & bonum, quod sustinet iudicium arbitratium in ea summa quæ petita non sit, quoniam in arbitrio nec quod petitum est, admittitur, sed quod æquum & bonum est. Quæ fuit formula antiqua iudiciorum & arbitriorum: inde illis etiam temporibus contractus omnes bonæ fidei, in quibus Prætor ex bona fide iubeat sententiam proferri, in quibus iudiciis præter id quod expressè gestum, actumve erat, veniebat æquum & bonum, etiam si nihil de eo actum, gestumve esset: quod æquum & bonum replebant ex variis causarum circumstantiis, personarum, locorumve, *l. bona fides, ff. depositi*. Ea iudicia in quibus non erat standum actis, gestisve à partibus & contrahentibus, sed æquitatis ratio admittebatur, etiam ad ea quæ neque gesta, nec acta essent, nec petita aut postulata, vocabant veteres arbitria; quoniam sicuti arbitria bonum & æquum admitterent, ultra id quod gestum, actumve expressè esset. Ita Cicero *lib. 4. offic.* dicebat Quintum Scævolam Pontificem maximum censere summam vim esse in omnibus arbitriis, in quibus adderetur ex fide bona; quod Ciceronis dictum ed referendum est, ut quia iudicia bonæ fidei, ut diximus capite proximo, *n. 10.* extenduntur ultra ea quæ gesta, actave sunt, quantum concedat æquum & bonum ex circumstantiis personarum, causarum, locorum & temporum, meritis arbitria dicantur, quæ hanc æqui & boni rationem admittunt: itaque sæpè à Cicerone cumulantur hæc verba non otiosè, quod vir ille facere non solet, sed ut liberam potestatem significet; iudicium enim liberum non est, arbitrium solum est legibus. Ita ille in *proæmio de officiis ad Marcum filium*, inquit: *Sequitur igitur hoc quidem tempore & hac in questione potissimum Stoicos, non ut interpretes, sed ut solemus, è fontibus eorum, iudicio, arbitrioque nostro, quantum quoque modo videbitur, hauriamus; arbitrium continet liberam potestatem, non item iudicium.* Vides ergo quàm diuersa fuerit antiquis iudiciorum & arbitriorum forma: iudicia erant sicuti contractus illi stricti iuris, in quibus non addebatur ex fide bona, aspera, simplicia, & rigida; arbitria sicuti contractus bonæ fidei, mitia, mode-

14

rata, æqua, & bona; in illis aut nihil, aut totum sententia iudicantis dabat; in his neque nihil, neque totum, sed quod bonum & æquum: unde Celsus *in d. §. si plures*, minorem summam elegit, quia id in illo iudicio dissentientium iudicium æquius & melius visum est; vix enim est, ut formulam illam veterem arbitrorum ignorasse credatur, neque eum secutus Bonifacius Summ. Pontif. unde merito in arbitratoribus dictus §. *si plures*, & dictum caput 1. est recipiendum, ex ea formula antiqua, quia in his maior est facultas arbitrij, quam in arbitris, multoque fortior est ratio æqui & boni, cum facultas arbitrij plenissime arbitratoribus concedatur quotidie, quantum æquè, benèque videatur, ut tantum auferant, adimantque: ideo ex ratione illa arbitrorum, quia ea copiosior in arbitratoribus est, dissentientibus arbitratoribus ad Celsum, & Bonifacium recurrendum est, *in d. §. si plures*, & *in d. c. 1.* contra Molineum, & Dominum Couartuiam, *ubi supra*, qui contrarium tenebant contra Lanfrancum *de arbitris, c. multis*, q. 12. Verius multò est, ex formula arbitrij antiqua minorem summam esse eligendam, dissentientibus arbitratoribus: neque enim decisio dicti §. *si plures*, & dicti capitis 1. est exorbitans, sed iuri consona, ideoque his omnibus iudiciis applicanda est, in quibus arbitrij natura, causa, ratio, & similitudo reperitur; reperitur vberior, & potentior in arbitratoribus, ex vberiori, & potentiori facultate arbitrandi, quæ conceditur arbitratoribus; ideo & isti neque totum, neque nihil præstabunt, sed quod æquius, meliusque sit. Præterea in æstimatoribus, si à partibus eligantur, ut veram meliorationum æstimationem pronuncient, ipsique dissentientibus tertius creetur, diuersas summas proferentibus singulis, erit locus decisioni dicti §. *si plures*, & dicti capitis 1. quia in his est arbitrij quædam similitudo, cum eligantur ut arbitri, cum nihil ab illis petatur, cum subsit illa ratio æqui & boni, quæ non erat exorbitans in arbitris, sed secundum ius, & iudiciorum naturam & qualitatem mite, benignum, moderatum, æquum, & bonum, quod in omni parte iuris præcipuum locum debet obtinere; & licet doctissimus Couarruias contrarium teneat ubi supra, *d. n. 6.* tamen neque ratione, neque autoritate defenditur: rationem diluimus, autoritatem eneruabimus, ut planum fiat in æstimatoribus quoque esse recipiendum Celsum *in d. l. si plures*, & *in d. c. 1.* allegat ille pro contraria opinione Bald. *in l. 1. C. si seruus extero*, q. 6. sed Bald. ibi, neque verbum de æstimatoribus: allegat Antonium Corsetum *singulari verbo sententia*, qui neque de æstimatoribus, sed de arbitratore, & malè; allegat Gerardum *singulari* 25. qui planè tenet contrarium; allegat Iasonem *in §. sequens*, n. 36. *Institutiis de actionibus*, qui nec verbum: Salicetus, quem ipse allegat, solus restat eius opinionis author, sine iure, sine ratione: contra ipsum expressè tenet Gerardus *d. singulari* 25. *ex d. §. si plures*, & *d. c. 1.* postremò ait Couarr. esse pro sua illa opinione textum, quem dicit insignem, *in l. si fundum*, cum l. seq. ff. *mandati*, qui nihil pertinet ad æstimatores, nec ad arbitros, aut arbitratore: longè alia species est lurreconsulti ibi, sit enim ibi omnium summarum coaceruatio, eaque postea diuiditur in partes, ut vera pars pretij, quæ mandatario danda sit, constet; vtilitas eius legis versatur in rationibus mercatorum, & computantium, ubi incerta summa est; denique alia est iuris vtilitas, alius vsus, ut patet ex prædicta lege *si fundum*, & *l. ita tamen*, ff. *mandati*;



ad certas autem summas mutuò dissidentes arbitrantium, aut æstimantium applicari certè non possunt, salua iuris ratione. Quod redditurus fundus Seianus fuerit anno septuagesimosexto, si ex iuris regulis inuestigandum sit, capies redditus trium annorum, qui transacti sint, neque vberrimos, neque sterilissimos; coacerua in vnam summam, coaceruatam diuide in partes, pars altera reditum efficiet eius anni, de quo inuestigatio fit, *ex d.l. si fundum, & l. ita tamen, ff. mandati*; quod addidimus exempli causà, poteris facile applicare aliis reputationibus, certè ad æstimatores, qui diuersas summas protulerunt, applicari non potest, cùm expresse regula scripta sit *in d. §. si plures, & in d. c. 1.* quæ non sunt exorbitantes, & à iuris ratione alienæ, sed mites, moderatæ, & æquæ & bonæ, à quibus non sit facilè decedendum, cùm habeant fundatam iuris rationem, antiquam nempe arbitriorum formam, quibus res æstimanda commissa sit, dum à partibus eliguntur, vt de ea re sententiam proferant, quod faciebant arbitri; ideoque in arbitriis decisiones illæ non solùm erunt admittendæ, sed in arbitratoribus, & æstimatoribus, in quibus elucescunt rationes arbitrij, *dict. l. si fundum, & l. ita tamen*; in computationibus recipietur vtilitas illius, in rationibus spectabitur.

Ex qua iuris ratione & ad testes trahenda quoque videretur ratio dicti §. si plures, & dicti capitis 1. vnde si ex testibus vnus diceret meliorationes valere centum, duo autem centum & viginti, testimonium duorum accipiendum est, vt diximus, argumento legis finalis, *Cod. de fideicommissis*, ibi, *vt per ampliores*; ita Salicetus, & Cremenfis relati ab Ario Pinello *in l. 2. C. de rescind. vendit. p. 3. c. 4. n. 10.* sed si vnus dicat valere centum, alter octuaginta, tertius septuaginta, aiunt Salicetus & Cremenfis ex Butrio *consil. 5 2.* & ex Alexand. *consil. 64. lib. 2.* & ex Afflictis *decis. 240. n. 5.* mediam summam esse capiendam, subdunt rationem, quia in ea media summa concordant duo; quæ ratio certè magis obtinere debet, vt minor summa capiatur, quia in ea omnes consentiunt, *ex d. §. si plures, & d. c. 1.* quam enim adstruunt rationem, mediam summam non exigebat, sed minimam, idque debuissent ipsi asserere, si rectam iuris rationem secuti essent: vbi verò maior numerus testium reperiatur, qui aptè deponant de vero pretio & æstimatione, eorum testificatio accipienda est. Isthucque in testibus recipiendum est, modò aptiùs deponant. Alexand. *consil. 64. lib. 2. supra*, Alciatus *in l. 1. ff. de verborum, §. si stipulanti, n. 40.* Inter testes enim pares numero circumstantiæ & rationes testificationis expendendæ sunt, ex suprà adductis, non verò quod de affirmatiua, negatiuæ attestentur, si modò apta ratio & iuri consona attestatiōi addatur, ita vt parum curandum sit de glossa *in dict. §. si plures*, quæ debet intelligi in negatiua, quæ improbabilis sit, non verò in ea negatiua, quæ suam habere rationem possit, veluti si testis dicat meliorationes factas & sumptus valere centum, alter verò dicat valere octuaginta, nihilque amplius, subdatque rationem, quoniam tunc addita attestatiōis ratione, non potest dici negatiua attestatio. ex Alexandro & Alciato vbi suprà, vnde inter pares numero testes ad rationem ad probabilem attestatiōis modum deueniendum est; si verò omnia hæc paria sint, minor summa præferenda est, *ex dicto §. si plures, & capit. 1.* & ita intelligendi sunt Alexand. *consil. 185. lib. 7. num. 6.* quæ pertinent ad testes, & ad dictum §. si plures.

Et licèt, quod attinet ad formam illam veterem iudiciorum, asperam, immitem, & rigidam, propter quam ad libellum, vti dicebat Cicero, petita quantitas probanda erat, alioqui causa perdebatur, formula illa sublata sit, quam iam multos ante annos reiecerant Græci, ex Aristotele 6. *Politicor. cap.* & ibi, *non enim cum absoluit, nihil deberi iudicat, sed viginti minas non deberi*; hodie tamen qui decem petit, si septem duntaxat, sex, vel quinque sibi deberi probauerit, in eo obtinebit. Vlpian. *in l. si quis cum totum, ff. de exceptione rei indicata*, ibi, *nam pars in toto est*; eadem enim res accipitur, etsi pars petitur eius, quod totum petitum est. Facit §. final. in eadem lege, ibi, *nam cum hereditatem peto, & corpora, & actiones omnes, quæ in hereditate sunt, videntur in petitione deduci*. Facit textus *in l. 1. §. si stipulanti, ff. de verborum*, ibi, *è contrario quoque si me viginti interrogante, tu decem spondeas, obligatio nisi in decem non erit*; vnde hodie veteri illâ formâ iudiciorum reiectâ, si actor decem petierit, quinque autem comperiat iudex deberi, in quinque fiet condemnatio, ex illis iuribus, tum propter bonum & æquum, de quo scriptores post glossam *in l. verbum oportet, ff. de verbor. significat.* & *in l. si seruus, §. verbo subreptio, verbo Submonebitur, & verbo Offerente, ff. de condict. furtina*, Faber *in §. quoties, Institutis de inutilibus stipulationibus*, quem allegat Bartolus *in l. si constante, §. final. ff. soluto matrim.* & *in l. qui solidum, ff. de legat. 2.* vnde manifestè patet, qui fuerint illi, qui apud Iulianum *in l. quidam existimauerunt, ff. si certum petatur*, existimarunt, non cogendum illum qui decem petierit, quinque recipere; humaniùs verò facturum Prætorem existimat Iulianus, si actorem compulerit ad accipiendum, cum ad officium eius pertineat lites dirimere; inde etiam erat illud, de quo *in d. §. si quis agens, Institut. de actionibus*. Itaque hodie forma illa antiqua iudiciorum antiquata abiit, retinetur autem forma arbitriorum ex æquo & bono, & ex eo quod melius est: namque iudicia aspera sunt, arbitria mitia; illa simplicia, hæc quantò æquiora, tantò meliora; sed tamen ad absolutionem & condemnationem ad eandem formam sunt redacta, vt *in l. 1. ff. de arbitris*. Sed tamen adhuc plurimùm differunt, restat enim adhuc plurimùm formulæ antiquæ, quæ non est ex omni parte sublata; ratio enim arbitrij plenissimè in iudicio non admittitur; licèt enim, vt diximus, qui decem petit, & quinque probat deberi, quinque habiturus sit ex condemnatione; illud tamen longè aliter atque in arbitrio procedit, namque in arbitrio quinque debentur, etiamsi alius iudex in decem, alius in octo condemnauerit; quia in eam summam omnes tres arbitri simul dissidentes consensisse videntur: in iudicio autem, qui decem petit, & quinque probat, quinque quidem consequitur, non verò eo modo, quo in arbitrio; namque vt quinque consequatur, testes concordēs & plenam probationem afferre debet; præterea quod eius formæ antiquæ aliqua quidem antiquata sunt, aliqua vigent: antiquatum est totius summæ petitæ necessarium iudicium, probatio verò necessaria est legitima: at verò propter æquum & bonum contrarium dicendum est in arbitriis, & in aliis iudiciis, quæ arbitriorum instar sunt, à quibus ad iudicia molliter, & paulatim traxit Paulus Iureconsultus *in d. l. inter pares, in fin. vt summa minima eligatur in iudiciis etiam inter dissidentes sententias*, vt minus dubium sit in arbitratore, & æstimatoribus, contra Molineum, & Couarruias: nobis est lex 16. *tit. 2. part. 2.* quæ intelligenda sunt in tribus, quatuorve



quatuorve iudicibus, eorumque sententiis, maiores & minores summas continentibus, ut minor summa eligatur: tum quia in fauorem rei benignior sententia recipitur, quod sentit Couarruias ubi suprâ, *versiculo tertio quamuis*. Tum etiam propter præsumptum consensum in minori quantitate instar arbitrij; hanc autem rationem licet non admittat Couar. extra dictum §. *si plures*, & dictum caput 1. admittit tamen expressè Paul. ex Iul. sententia in d. l. *inter pares*, & expressè hunc consensum aduertit lex nostra, ibi: *Entonces dezimos, que si tantos fueren los de una parte, como los de la otra, que deve valer el yn yzto, que fue dado en la menor quantia, è non el otro*; & subdit rationem, *e esto es por dos razones: la una, porque todos se acuerdan en aquello que es menos; la otra porque los jueços deuen ser siempre piadosos, e mesurados, e mas les deve plaçer de quitar, e de librar el demandado, que condenarlo, ò agraniarlo*. Vides consensum apertè in minori summa; licet enim species huius nostræ legis diuersa sit à dicto §. *si plures*, tamen ratio vtriusque decisionis eadem est, scilicet consensus in minori summa. Sunt ergo huius consensus auctores, Vlpianus, Paulus, Iulianus, & Bonifacius Summus Pontifex, & lex nostra partitæ 16. tit. 22. *partita 3. in d. §. si plures, in d. l. inter pares, & in d. c. 1.* qui etiam si ratione destituerentur, meritò Molineo, & Couarruias præferri possent, sed eos Cicero veluti dux tueretur & defendit, traditâ antiquâ iudiciorum & arbitriorum forma. Itaque planum sit decisiones illas habere locum in arbitris, arbitratoribus, æstimatoribus, testibus, & iudicibus, ex his quæ diximus; illudque vnum reliquum sit, non esse Iureconsultos facile in iure notandos, qui iuris veteres formas apprime cognouerunt, nos omnino ignoramus.

Ex eodem capite fit, ut si de re aliqua, non de quantitate in duos sit compromissum, eisdem diuersas sententias proferentibus, neutra præualeat, sed tertius eligendus sit, cuius sententiæ pareatur, *Item si vnus, §. principaliter, ff. de arbitris*; quia extra casum dicti §. *si plures*, maior pars requiritur iudicium concordantium; inter duos autem maior pars reperiri non potest, nisi tertius assumatur, qui alterius sententiam sequendo maiorem efficiat partem.

In iudicibus autem delegatis seruatur forma mandati, & literarum eius, qui 16 iurisdictionem commisit: textus in c. *prudentiam, de officio delegati*, ibi, *mandati si quidem fines excedere probaretur, qui citra formam rescripti accepti præsumeret iudicare*: itaque dictus §. *si plures*, & caput 1. *de arbitris*, procedunt in arbitrio quantitatis; dictus §. *principaliter*, in arbitrio de re, non de quantitate, in quo arbitrio tertius assumitur: at verò dicta lex *inter pares*, & lex 16. tit. 22. *partita 3.* habent locum in ordinariis iudicibus paribus numero & potestate, scilicet exempli causâ quatuor, quorum duo maiorem summam deberi pronuncient, ut in fauorem rei, & propter tacitum consensum minor summa accipiat. In iudice delegato forma rescripti facit ius, ut d. c. *prudentiam*; at verò dictum caput finale *de re iudicata*, in duobus arbitris procedit, & locum obtinet, quorum sententiæ in n. lla re consentiunt, & quadrat cum §. *principaliter*, ex quo suppleri poterit: quoad tertium assumendum dicta lex *in hoc iudicio, ff. familia exciscund.* non sustinet iudicium pro parte, propter naturam vniuersalis iudicij. Habes igitur hæc omnia iura exposita & interpretata, ut iam scias quid quæque contineant, plura numero, & sensu difficilia, d. s. §. *plures*, d. cap. 1. d. l.

*inter pares, d.c. fin. de re iudic. d. §. principaliter, d.c. prudentiam, d.l. 16. tit. 22. p. 3. d.l. in hoc iudicio, ff. famil. ercisc. d. l. una, de quibus reb. ad eund. iudicem eatur.* Habes de arbitris, arbitratoribus, æstimatoribus, testibus, iudicibus delegatis, ordinariis, deque iudiciis particularibus & vniuersis, quid, quantumque dissidentes sententiæ, concordeseve profint, aut noceant: quæ summa, quæ quantitas debeatur, quod iudicium sustineatur pro parte, quotidiana in foro quæstio, utilis & necessaria.

- 17 Quæ omnia cessant vbi ex forma statuti omnium iudicum concors sententia requiratur, ibi enim particularis legis dispositione non sufficiet maior pars; singularis interpretatio in hoc nostro Senatu, ex suprâ adductis, ad executionem sententiæ, quæ corporalem pœnam imponat; quæ tamen licet prior sit, vt executioni mandari possit, non expectata appellatione aut supplicatione trium iudicum, requirit ad executionem concordem sententiam, & vnamine votum, aliàs executioni non est mandanda, de quo extat nobis constitutio lata anno millesimo quingentesimo sexagesimosexto, quæ quotidie obseruatur; quæ tamen in causis ciuilibus diminuta relicta est: emendabitur autem, vt componat dissidentes iudicum sententias, & vota, quæ interim ex iure scripto pronunciabunt, & sententiam facient, ex illis iuribus, quæ adduximus superius: eò enim à nobis adnotata sunt, quoniam nobis vtilissima sunt, & apprimè necessaria, quibus hoc ius indecisum relictum est: de hoc latius in consuetudinibus Gallæcis, de quibus nobis imminens labor est.

- 18 Cùm autem ex probationibus partium nihil certi liqueat, tunc quidem Senatus noster de re diiudicans, præcipit, vt partes singulæ singulos æstimateores nominent, qui de ea re iudicium proferant: reseruat sibi facultatem nominandi, si partes nominare recusent, & tertium dissidentibus æstimatoribus nominatis, iubetque mandari executioni quod horum æstimatorum iudicio fuerit prolatum; de qua clausula in sententiis frequenti pauca dicemus, quibus adductis noster tractatus perficietur; & in primis dubitari solet, an isti æstimateores teneantur iurare: qua de re ex facto agitatum sæpe est, plerisque in eam sententiam euntibus, vt omnino iurare debeant, quam resoluit Arius Pinellus in l. 2. C. de rescindend. vend. p. 3. c. 4. n. 3. ex Baldo in l. hac edictali, §. his illud, C. de secundis nuptiis. Bart. in l. si quis arbitrari, n. 7. ff. de verbor. oblig. & in l. 1. ff. de ventre inspiciendo, & in l. 3. ad fin. C. de pignoribus, Iafon in §. quadam, n. 78. Institut. de actionib. Decius, & Felinus, quos ipse allegat: sed verior est sententia quam tradit Lucas de Peña in l. 1. C. de nauiculariis, lib. 2. quod aut assumuntur in inuitum, hoc est in iudicio, quod redditur in inuitum, & debent iurare; aut assumuntur extra iudicium communi consensu partium, & nullum requiritur iuramentum, nulla forma, nisi fortè ea à partibus præfigatur. Lucæ de Peña distinctionem refert & sequitur Carolus Molineus in consuetudinibus Parisiensibus, tit. 1. §. 33. glos. 3. num. 7. Lucas autem de Peña mihi nihil dicit, etiam si eius distinctionem probem, quæ rationi conuenit: consensus enim partium meritò tollit suspensionem, quam tollere debebat iuramentum. Rursum si in iudicio assumantur à iudice de consensu partium, tunc non requiretur quod iurent parte citata & præsentem; ita ille ex Bartolo in l. Theopompus, ff. de dote prælegata, n. 9. quia consensus partium supplet omnes defectus: itaque ex hac distinctione temperabis



temperabis Pinelli decisionem, vt non indistinctè iuramentum necessarium sit in nostro casu; vbi in iudicio assumuntur, quod redditur in inuitum, iurare debent: textus *in authentico de non alienandis aut permutandis*, §. *quod autem*, *columna* 2. ibi, *duobus per tempora mechanicis aut architectis*; vbi de valore & æstimatione ædificij agebatur, & ad duos accurritur architectos peritos, & est regulate vt duos adhibeamus ex forma sententiarum, item ex necessitate testimonij, quia in ore duorum, vel trium consistit, *l. vbi numerus*, ff. *de testibus*; subeunt enim isti æstimatores vicem testium, *c. proposuisti*, *de probationib.* ibi: *Videatur igitur nobis quod iuramento puella & testimonio illarum septem mulierum fides est potius adhibenda*: at vero ex forma sententiæ, cuius vi & potestate creati iudicant, iudicum vicem obtinent; vnde iuramentum necessarium est, ex illo capite quo testes videri possunt, *d. §. quod autem*, ibi, *Sacrosanctis Euangelis positis*; elegans ad vtrumque decisio textus *in l. hac edictali*, §. *is illud*, *C. de secund. nuptiis*, vbi æstimatores à partibus eliguntur, atque ij interposito sacramento testificantur, ibi, *mobiliu verò rerum iustis pretiis æstimatione facta*, *per eos*, *quos utraque pars elegerit*, *arbitros indicaturos interposito sacramento*; qui textus ad æstimationem rerum mobilium singularis est, & quotidianus, vt iacente hæreditate res mobiles æstimentur, si vendi aliqua ex causa iusta nequeant; sæpe enim publica inuidia fugitur, periculosiusque est facultates testatoris detegi, ac tunc quidem æstimantur, quo fit vt hæredes vel vtilitatem hæreditatis contendant, vel diuitias inuidiæ non exponant, *ex l. 1. C. quando & quibus quarta pars debeatur*. Facit textus *in c. tuis*, *de testibus*, vbi neque testibus probatissimis sine iuramento creditur: & licet §. *his illud*, loquatur in arbitrio, & ita intelligatur à Bartolo *in l. si quis arbitratus*, ff. *de verbor. n. 7.* tamen idem in æstimatoribus est dicendum, *ex dicto §. quod autem*, & est hoc vniuersum in omni causa vbi periti in arte admittuntur, vt periti isti iurent. Angelus in repetitione legis *si vacantia, de bonis vacantibus*, Salycetus *in d. §. his illud*, Decius *in cap. proposuisti, de probationibus*, n. 15. post Abbat. ibi, & *in c. fraternitatis, de frigid. & maleficiatis*. Antonius Gomez *de contractibus*, cap. 10. n. 5. sunt vtilia & quotidiana ad discussores, de quibus *in l. 1. C. de discussoribus*, lib. 10. & ad peræquatores, *l. peræquatores, de censibus*: ad mensores, *l. 1. l. si mensor*, §. 1. & seq. ff. *si mensor fals. mod. dix.* in scribis quoque & tabellionibus in comparatione literarum, *l. comparationes*, *Cod. de fide instrumentorum*, & in Medico de qualitate vulneris, & morbi genere, *cap. significasti, de homicidio*, & obstetrice, de ventre pleno, vel vacuo, *l. 1. ff. de ventre inspiciendo*, & in æstimatore de valore patrimonij, *dict. §. his illud*: alij sunt plures casus, qui quotidie sese offerunt, vt iurare omnino isti debeant, ex his quæ diximus.

Isti autem æstimatores & periti iurabunt de veritate dicenda, quantum fieri possit, scilicet si vera notitia sumptuum & expensarum haberi possit; cùm enim dixerimus, id solum nomine expensarum deberi, quod verè consumptum est, nihilque amplius, si vtilitas & melioratio expensas superet, vt diximus supra ito capite, *in principio*, *ex d. l. in fundo*, si multis retrò annis opus effectum sit, quæret executor, cui res commissa erit, peritos fabros lignarios, vel ferrarios, aut lapidicidas, qui probè de ea re iudicare possint, iuxta dictum §. *quod autem dictum est*, neque admitter imperitos, etiam si à partibus nominentur;

verba enim sententiæ quæ iubent æstimatores nominari, ex iure interpretationem accipiunt, ut tales sint qui probè æstimare & velint, & possint. Qui tabulata, pavimenta, tigna, lateres, trabes, lapides, seras ferreas, postes & ligneos, & lapideos, seras, clauos, tegulas, denique omnia aptè æstimabunt particulariter & sigillatim, denique in abstracto, ut more suo dicebat Baldus *suprà*, qui & eius ætatis erunt, ut tempus confecti ædificij, & expensarum norint, ut pretij vera noticia adesse possit: ita in specie notarunt Imola & Alex. *num. 6. in l. pretia rerum, ff. ad l. Falcid.* aliàs si opus antiquius sit, nec viri seniores reperiantur, tunc sufficiet testimonium de credulitate, quod tamen ferant periti, Abbas *in d. c. proposuisti, de probationibus*, & *in d. c. fraternitatis*, Angelus *in d. l. comparationes, C. de fide instrumentorum*, & *in l. iurisiurandi, vers. vlt. quaro, C. de testibus*, Bartolus *in proœmio Digestorum*, Bald. *in d. §. his illud, & in proœmio Digestorum, versiculo Sed dubiet.* Decius, qui dicit communem opinionem, *in d. c. proposuisti, n. 15. de probationibus*; imò ex præsentī sument argumentum & iudicium ad præteritum iudices, si ad eos ab æstimatoribus occurratur, & arbitrabuntur ex variis causis, quas in prouincia similes iudicarint, Paulus de Castro *in l. 2. de rescind. vendit. ad fin.* & ibi Cagnolus *n. 264.* quod si æstimatio facienda sit iuxta præsentis temporis æstimationem, quia magis expensum sit quàm melioratum, quo casu melioratio debetur, quæ nisi in concreto æstimari non potest, iuxta præsentem statum, scilicet ex *suprà* adductis *num. 1. & 2.* tunc quidem sufficiet peritos queri, neque de ætate sollicitabimur, quia cùm facienda sit æstimatio iuxta præsentem statum, nihil est quod de ætate curemus, quæ sunt notanda ad Angelum *in dict. l. 2. Cod. de rescind. vendit.* qui irridet Bartolum, eo quod similem distinctionem non fecerit; cùm enim Bartol. ibi dixisset in probatione pretij eundum esse ad æstimatores, qui rem inspiciant, ait Angelus dictum Bartoli non valere vnum obolum, eo quod huiusmodi æstimatores opus inspiciendo, declarabunt secundum præsens tempus, quâ distinctione adhibita effugiemus irrisiōnem Angeli.

20

Ex his vniuersè accipiendum est, quod pro æstimatione rei, cùm ad æstimatores peritos itur, duo querendi sunt, quod patet *in d. §. quod autem, in authent. de non alienandis*, ibi, *duobus per testimonium, per tempora & primatibus mechanicis*; quod quidem intellige iuxta distinctionem traditam ad Antonio Gomez *de contractibus, c. 10. n. 5.* distinctio in eo est, ut si plures inueniri non possint, sufficiat quidem vnus testimonium: ad quod ipse expendit dictum §. *quod autem*, ibi, *aut etiam vno, si vnum solam ciuitas habeat*; & ad eam distinctionem citat plures, & facit communem opinionem; sed illa communis opinio temperanda est, ut scilicet vnus testimonium periti, non repertis aliis, fidem quidem faciat, si de leui, aut nullo alicuius præiudicio agatur; nam alias regula iuris est obseruanda, quod vni testi non sit credendum, etiamsi præclara præfulgeat dignitate, *l. iurisiurandi, in fin. c. de testibus, c. licet vniuersis, de testibus*, nec quicquam facit dictus §. *quod autem*; ibi enim lex imponitur Ecclesiæ circa æstimandas res, ut Ecclesia adhibitis æstimatoribus duobus sciat, quid res valeat sua; vnum verò admittit non repertis aliis, qui æstimationem faciat Ecclesiæ, quod eò efficitur, ut Ecclesia sciat, quid in emphyteusim concedat, quidve acceptura sit. Itaque fit ibi æstimatio pro instructione Ecclesiæ; ille verò qui



rem eam fuerit accepturus in emphyteusim, secum deliberet, & aliunde consilium capiat, an è re sua sit eam rem sub ea pensione in emphyteusim accipere; denique *ex d. §. quod autem*, tempore quo fit æstimatio, nullius præiudicium vertitur, sed utilitas Ecclesiæ quæritur, ob eamque causam vnus testimonium recipitur; ad quod non aduertit communis opinio, nec quicquam etiam facit *lex 1. §. fin. ff. de verborum obligat. ibi, ut vterque alterius linguam intelligat, siue per se, siue per unum interpretem*. Inducitur lex illa quatenus loquitur in numero singulari, & nullam aliam probationem requirit; quæ lex parum, aut nihil facit ad nostram questionem; sæpe enim illud mihi repetendum est, quod iam à maioribus meis doctissimis accepi, Iureconsultorum responsa ita esse accipienda, ut ab eis argumentemur, argumentum autem sumatur ab eo quod principaliter Iureconsulti tractarunt; quæ autem obiter dixerunt aliud agendo, id periculosè ad decisionem causarum trahetur, diximus latè suprà c. 8. n. 50. multa enim ipsi obiter dum aliàs tractant quæstiones, dicunt, quæ maximas habent difficultates, quæ si ex proposito tractassent, alia methodo & dicendi ratione vti essent; Vlpianus enim *in d. §. fin. id ex proposito agit, an diuersitas linguæ vitiet stipulationem*, ut si quis Latine interroget, Græcè verò, vel Hispanè alter respondeat: diuersitatem autem linguæ stipulationem non vitare ait, dummodo sese mutuo intelligant, quod fieri Vlpian. posse ait, vel per sese, vel per interpretem; quod si ab Vlpiano sciscitareris, an duo, vnusve interpres interuenire debuisset, aliud responderet: certè *in d. §. fin. nihil respondet, unde perperam inde argumentaberis: non desunt tamen quibus singula Iureconsultorum verba instar religionis sint*, quibus satisfaciendum est cum Bartol. ibi, n. 2. qui dicit interpretem ibi longè distare à teste, quia testis ab vno contra alium sumitur, interpres verò ex consensu vtriusque, sicuti arbiter, aut arbitrator, & agrimenfor, *ex l. Theopompus, ff. de dote prælegata*; atque adeò nihil mirum esse, quod interpretatio ibi sumatur, & sustineatur: ex voluntate testatoris item statatur attestationi vnus testis, *ex d. l. Theopompus*, ex quibus communis opinio cum Bartolo *in l. 1. §. fin. de verbor. & in l. 1. ff. de ventr. inspiciendo, & in l. comparationes, C. de fide instrument. & cum Bald. in l. indices, C. de sententiis & interloc.* & cum Canonistis *in c. proposuisti, de probationibus*, & per Decium ibi, temperanda est utiliter, ut non repertis duobus peritis, vnus quidem admittatur, sed vnus hic peritus faciet quidem fidem, si de leui aut nullo præiudicio alicuius agatur; namque si de præiudicio alicuius agitur, tunc vnus testis dumtaxat fidem non faciet, ex qua interpretatione æstimatores duo creabuntur, qui expensas, & sumptus, aut meliorationes inspiciant, taxent, moderentur, & expendant, iuxta ea quæ nobis dicta sunt *istò cap. num. 1. & 2.* ut his concordibus vera æstimatio constet, hisque dissidentibus, tertius alterius probatâ æstimatione certum modum, & finem liti constituat, quæ de expensis & meliorationibus suscepra sit.

Vnde elegans est declaratio *ad l. semel, C. de re militari, lib. 12.* vbi si de vul. 21  
nere vel sanitate militis agatur, debet committi Medicis peritis, & Chirurgis, ut ij ad minus sint duo, quod patet ibi, *nisi quos constet Medicis denuntiantibus*; quæ pluralis locutio duos saltem requirit; sentiunt ibi Bartol. post glossam, Lucas de Peña, & Platea, Ioannes de Imola *in cap. proposuisti, de probationibus*,

pro quibus est textus *in cap. significasti*, de homicidio, ibi, *ut peritorum iudicio Medicorum talis peremptio asseratur fuisse lethalis*; vbi Canonistæ, Ioannes Andreas, Hostiensis, Abbas, Cardinalis, & Bald. Temperatur hæc communis opinio, vt intelligenda sit quando agitur de magno præiudicio, an quis de vulnere, an verò de occiso teneatur; tunc quidem, & in aliis huiusmodi casibus, vbi de magno præiudicio agitur, meritò duo, pluresve Medici periti, vel Chirurghi admittuntur; namque in hoc plurimum valet testimonium peritorum ad pœnæ impositionem, *l. qui occidit*, §. *si vulneratus*, ff. *ad leg. Aquil.* vbi *si vulneratus*, inquit Paulus, *fuert seruus, non mortiferè, negligentia autem perierit, de vulnerato actio erit, non de occiso*: at verò si de leui præiudicio agatur, tunc quidem ad informandos iudicum animos sufficit vnus Medici & periti testimonium, quod quotidie obseruat noster Senatus, cùm carcerati postulant se relaxari à carcere, quia ægrotant, & aduersa sunt valetudine. Tunc quidem præcipitur, vt Medicus, qui nobiscum affidet, ægrotantem videat, propositoque sacramento, ex traditis suprâ *num. 18.* ex attestatione Medici solet Senatus relaxare, vel retinere, variè iudicando, ex causisque, rebusque, & personis. Quæ omnia addenda sunt his quæ tradit Pinellus *in l. 2. C. de rescind. vendit. 3. part. 6. 4. num. 5.* vbi communem opinionem refert & sequitur, indistinctèque duos quærit.

- 22 Ex his *ad l. fin. C. de ponderatoribus & auri illatione, lib. 10.* opportuna declaratio est, vt quia nostro quoque iure in vnaquaque ciuitate ponderatur, constitui debet, quem nos nostro nomine *contraſte* vocamus, deducto verbo à Græco sermone, quo *Nicoſtratem* vocamus: de qua Hispaniæ consuetudine meminit additio ad Plateam *in d. l. fin.* quæ hanc refert consuetudinem; sed lege lata statutum est, vt vasa argentea & aurea omnia ad publicum ponderatorem adducantur, qui incisa parte argenti, aurive, eaque excocta, comprobatur, an æris quippiam admixtum habeat, ne fraus fiat his qui ab argentariis hæc vasa emunt; hic autem publicus ponderator approbatissimus testis est, fide publica susceptus, cuius testimonio standum est, ex quo publicè approbatur, per *l. fin.* ibi, *qui pro sua fide atque industria, neque fallat, nec fallatur, & conueni-  
entem dirimat*: vbi Bartol. ait, quod ibi statuit dicto vnus, quia deliberatione totius populi, vel Principis constituitur, putà ad æstimandum, probandum, vel improbandum, & licet Bart. id sentiat, tamen ipsemet, & Lucas de Peña ibidem adnotant, vt hic ponderator fidem quidem faciat, quia publicè approbatus est, cæterum ipse quidem argentarius, cuius metallum damnatur, poterit testes peritos in arte producere, quibus iudicium ponderatoris destruat, quia vnus testis testimonium nunquam sufficiens est ad condemnationem; neque ita præualet, vt contrarios testes non admittat, quantumvis publicè approbatus sit. Ita intelligendum est quod tradit Antonius Gomez *in d. c. 9. de contra-  
ctibus, in fin.* qui nullum ius ad lucit, & solent iudices, si iniquitas auri, argenteæ ex testimonio tantum ponderatoris constet, ipsa vasa aurea aut argentea peritis tradere, qui interpolito sacramento experimentum faciant; vocant suo nomine, *ensaye*, ex illo examine condemnationem aut absolutionem instituunt. Quæ si non extent, variè ex causis, personisque sæpe iudicatum vidi; varietatem scio prouenisse ex difficultate vtilis testis, cuius testimonium debilissimum



simum est, ad imponendam pœnam legalem, cùm etiam si respublica de illo confidat, possit ille nihilominus habere causas odij, & amicitia; ideo ab horum iudicio appellari potest, Angelus *ad Bartol. in d. l. 1. Platea in l. de discussoribus, libr. 10.* pœna autem argentarij, qui ara æribus immisceret, metalla confundens, capitalis fuit. Extat recordatio eius apud Flaviū Vopiscum *in vita Imperatoris Taciti*, his verbis: *Si quis argento publicè priuatimque as miscuisset, si quis auro argentum, si quis ari plumbum, capitale esset cum bonorum pro-* 23  
*scriptione*; nostro iure tenetur de dolo, & falsum committit, item vasa ipsa amittit, & septuplum fisco applicandum. Extat lex lata anno millesimo quadringentesimo octuagesimo octauo, inter sanctiones pragmaticas.

Isti autem æstimatores debent simul communicato consilio æstimationem 24  
facere, quoniam alter ab altero trahi in suam sententiam potest, *l. si in tres, cum l. seq. ff. de arbitris*; quod si nolint æstimatores nominati negotium suscipere, vel præmorianitur, absque dubio ab eorum personis receditur, & alij nominandi sunt, cùm præcedat obligatio perfecta, per glossam & *DD. in l. fin. C. de contrahend. emptione*, & *in l. 1. ff. de leg. 1.* quod si suscepto negotio in- 25  
tempestiuè recusauerint, tenentur ad interesse, nisi propter culpam partium, vel ex iusta causa superueniente recusentur, iuxta notata in simili *in l. si manda-* 26  
*uero, in fin. cum l. sequens. ff. mandati*; non autem præcisè cogi possunt ad factum, cùm non sint arbitri, *ex l. item si unus, ff. de arbitris*; sed verius est, postquam nominati sunt, & nominationem factam admiserunt, teneri perficere, argumento dictæ legis *item si unus*; & ideo executor poterit eos compellere, vt æstiment, etiam inuitos & reluctantes, contra Molineum *dict. §. 33. gloss. 3. num. 9.* si autem publicæ personæ essent ad hoc nominatæ, compelli possent, Bartol. *in l. 1. §. cura carnis, ff. de officio Praefecti urbis*, & *in l. 1. §. ff. nautæ, cauponæ*, & *in l. 1. ff. furti aduers. naut.* Bald. Salycet. & Alexand. *in dict. l. inuitus, ff. de Procuratoribus.*

Si autem ipsi æstimatores discordauerint, non possunt ipsi eligere tertium, sed hoc spectat ad partes, vel ad iudicem; ideo neque executor poterat, sicuti non possunt alium suo loco subrogare, cùm electa sit industria; & hoc nisi à partibus sit eis potestas concessa, vt liceat ipsis tertium assumere, quod valet etiam si non sit actum de certa persona; sed verius contrarium item est, *ex d. l. item si unus, §. si. in duos, ff. de arbit.* vbi non valet compromissum in duos cum potestate eligendi tertium, quem velint, in casum discordiæ, sed debet exprimi certa persona; vide glossam, Abbat. & textum *in cap. penultimo, de arbitris*, & singulare Romani 163. hodie verò ex forma sententiæ isthuc reseruatur iudicibus, qui postea omnia necessaria committunt executori; idè ipse executor tertium eligit, vel compellit partes vt eligant, & conueniant in ter-  
tio, *dict. l. item si unus*, & quotidie fit, in quo expectanda est facultas concessa executori, quæ vtplurimum exuberat ad omnia.

Quin imò possunt isti periti & tertius recusari, ex ratione non solum imperitiæ, sed & suspicionis; tum quia debet fieri æstimatio à peritis, *dict. §. quod* 27  
*autem, in Authentico de alienandis*; item debet fieri à non suspectis, vt *in dict. §. quod autem, ibi, & non suspectis*; & in arbitris est textus *in l. non distinguemus, §. cùm quidam, ff. de arbitris.* Idem dicendum est in mero arbitratore, ex eadem ratione.

ratione, & in æstimatoribus; & nisi de idoneis conueniant partes, iudices eligent, & executor, cui cum omni causa executio commissa est, Bartol. *in l. creditores, ad fin. C. de pignor.* Bart. *in l. 2. C. de rescind. vendit.* & consentientibus in vnum, vel plures, non curamus an sint maiores, vel minores, quia ex consensu tollitur difficultas, *dict. l. fin. Cod. de arbit. & l. cum lege, ff. eod.* Baptista de Sancto Blasio *de arbitris, quest. 69.*

- 28 Hi verò æstimatores, si quempiam grauauerint, est licita appellatio, sed si ex forma sententiæ iussum sit, vt executioni mandetur quidquid concordi iudicio protulerint, appellatio secuta non suspendit executionem; maxima enim utilitas est, & quotidiana eius clausulæ, aliàs æstimatorum æstimatio executioni non est mandanda, quousque ab eo confirmetur qui de ea re notionem habeat, textus egregius, & in foro quotidianus, quem ignorare nemini licet, *in l. instar, Cod. de iur. fisci*, quæ summa autem necessaria sit, vt grauasse intelligantur æstimatores isti, arbitrio iudicis relinquitur. Molin. *dict. §. 3; gloss. 3. num. 5.* Habes, Lector optime, de Expensis & Meliorationibus vniuersa & generalia præcepta, quæ in particularibus casibus poterunt tibi prodesse, boni, æquique nostram diligentiam consule: si quid verò impie scriptum, dictumve reperitur, hoc nec dictum, neque scriptum volumus.
- 29

*Laus Deo, honor, & gloria.*







# INDEX RERVM

## AD TRACTATVM

### De Expensis & Meliorationibus pertinentium.

*Prior numerus paginam , posterior marginales  
notas designat.*

#### A



- A**bbadia forense verbum  
differt à luctuosa. pa-  
gin.155.n.1.  
**A**bbadia an aliquando sit  
odiosa. p.185.n.88  
**A**bbadia quid. p.184.n.84  
**A**bbadia non habet præsumptionem  
violentiæ. ibid.n.85  
**A**bbadiam qui habiturus est , an ha-  
beat vestem scissam, non consutam  
apud sartorem. ibid.n.86  
**A**bbadiam qui habiturus est,& nomi-  
ne eius vestem meliorem , an ha-  
beat clauos, & orbiculos aureos af-  
fixos. ibid.n.86  
**A**braham , Isaac , Iacob , cum Sara,  
Rebecca,& Lia sepulti.p.129.ad fin.  
**A**bradi quatenus possint expensæ &  
meliorationes. p.19.n.33  
**A**brasio concessa an vitetur oblata  
æstimatione expensæ & melioratio-  
nis. ibid.  
**A**bradere qui potest ex pacto conuen-  
to , an impediatur oblato pretio.  
ibid.  
**A**brasio an impediatur in fundo rusti-  
co & urbano,oblato pretio, contra  
Molineum. ibid.n.35  
**A**brasio sine læsione rei vbique con-  
cessa. p.81.n.3  
**A**brasio semper concessa malæ fidei  
possessori , in vtilibus & voluptatis  
expensis. p.86.n.15.& 16  
**A**ctionis noxalis ratio. p.377.n.25  
**A**ctio ex empto in causa euictionis  
habet duo. p.368.n.4  
**A**ctionis huius capita explicantur.  
ibid.n.5,6.& 7.  
**A**ctio alternatiua non competit in iu-  
diciis stricti iuris. p.383.n.42  
**A**clamatio quid. p.439.n.37  
**A**ctio ex empto ad impensas extendi-  
tur. p.104.n.16  
**A**duocatus quis hodie. p.146.n.2  
**A**dams cum vxore sepultus. p.129.ad  
fin.n.4.  
**A**doptio per æs & libram , qualis an-  
tiquis. p.4.n.6

# INDEX

- Administrator quid , & quantum expendat. p.409.& seqq.toto c.20
- Adriani & Federici bellum propter hoc verbum, Beneficium. pag.256. num.28.
- Ædificia ampla plerumque pertinent ad voluptatem. p.83.n.9
- Ædificia ampla , & nullius redditus, nullius pretij sint. p.64.n.19
- Ædificare in alieno , animo donandi, quis dicatur. p.89.& seq.n.22.& 23
- Ædificans in publico soluit solarium. p.91.n.25.
- Ædificans in alieno magis præsumitur ædificare vt occupet , quàm vt donet. p.89.n.22
- Ædificium quatenus cedat solo. p.88. & 89.n.21.& seq.
- Ædificia ampla ad voluptatem pertinentia, iure Hispano non abraduntur. p.83.n.10
- Ædificia erecta in solo alterius coniugis, cui cedant. p.87.n.19
- Æquitas naturalis vbique recipienda. p.16.n.27.
- Æquitas quatenus recipienda. p.27. n.18.& p.371.n.12.
- Æquitas quæ nec est scripta , nec naturalis, virtus est. p.17.n.28
- Æquitatis recipiendæ quæstio antiqua. ibid.n.29
- Æstimatio meliorationum quomodo sit facienda. p.528.n.7
- Æstimatores tres , si diuersas summas pronuntient , an habeat locum caput 1. *de arbitrio*, lib.6. p.533.n.14
- Æstimatores an debeant iurare. p.537. n.16.
- Æstimatores quales sint eligendi. p.532.n.19.
- Æstimatores quomodo æstimare debeant. ibid.n.19
- Æstimatores an sint necessariò eligendi duo. ibid.& seq.n.19.& 20
- Æstimatores debent simul communicato consilio æstimare. p.543.n.24
- Æstimator electus ab aduersario potest à me recusari ex capite ignorantiae , aut suspicionis. ibid.n.25
- Æstimatores possunt compelli , vt æstiment. ibid.n.26
- Æstimatorem tertium dissidentibus duobus quis eligere potest. ibid. n.27.
- Æstimatio horum an mandetur executioni. p.544.n.28
- Æstimatores si grauent an liceat appellare. ibid.n.29
- Ager limitatus quis. p.463.n.43
- Ager alius arcifinus , vel arcifinius, alius subsocius. p.464.n.44
- Ager tributarius quis. p.465.n.46
- Ager limitrophus , qui Hispanis *frontera*. p.253.& seq.n.18.19.20
- Agenus Urbicus defenditur contra Æginarium Baro. p.463.n.42
- Agricolæ censitores aut censiti qui. p.254.n.21.
- Alienari prohibita an possint confiscari. p.211.n.48
- Alienationis prohibitio non impedit dominium. p.279.n.10
- Alimenta an alant , an verò natura, contra Dominum Franciscum Sarmiento. p.25.n.13
- Alimenta numerantur inter necessarias expensas. p.26.n.16
- Alere tenentur parentes liberos. p.33. num.2.
- Alimenta solent assignari filiis in aliquo fundo. ibid.
- Alendi necessitas vnde nobis insita. p.34.n.5.
- Alendi quæ vis vnde. ibid.
- Alimenta an debeantur iure naturæ, an instinctu naturæ , contra Telliū. p.35.& seq.n.7.& 10
- Alimenta quatenus debeantur filiis etiam spuris & incestuosis. p.35. num.8.

Alimenta



Alimenta in totum saepe adimuntur.  
p.36.n.12.

Alimenta spurii quare negarit ius ci-  
uile. p.39.n.21

Alere filios ex meretrice Solonis lege  
non tenebatur pater. p.42.n.24

Alimenta fortius debentur legitimis,  
quam naturalibus aut spuriiis. p.43.  
num.28.

Alere mater intra triennium debet.  
ibid.n.29.

Alere matrem aliquando iura non per-  
mittunt. p.45.n.32

Alere tenentur aui, proaui, atau  
posteror suos. p.46.n.33

Alere tenetur frater ditior fratres pau-  
periores. p.48.n.39

Alere frater Sacerdos tenetur fratres  
ex redditibus ecclesiasticis. pag.47.  
num.36.

Alimenta an sint praestanda pro modo  
facultatum. ibid.n.37

Alimentorum verbo quid contineat-  
ur. ibid.n.38

Alimentorum verbo an veniant cubi-  
lia & stragula conuolutoria. p.48.  
num.39.

Alimenta qui tenetur praestare, an pra-  
estet aulae laeae, aut sericae. ibid.n.40

Alimentorum verbo medicamina  
contineri, & quatenus. p.49.n.42

Alimenta ubicumque debeantur res-  
pectiue, habetur ratio magni &  
parui. p.50.n.44

Alimenta relicta naturalibus liberis,  
& spuriiis, recipiunt onera & condi-  
tiones & grauamina, contra An-  
ton. Gomez. p.53.n.54

Alere pater tenetur filium legitimum  
pro modo facultatum. p.63.n.17

Alimentorum ista facultas expendenda  
est pro redditibus. ibid.n.18

Alendus an debeat manere in domo  
eius qui alit. p.64.n.20

Alimenta quomodo constituantur

alendo. ibid.n.20. & 21

Alimenta non praestantur his qui  
aliunde habent unde se alant. p.65.  
num.22.

Alere scriptus haeres quatenus debeat  
exhaerdatum. ibid.n.23

Alentis charitas aut affectio facit ces-  
sare expensarum recuperationem:  
exempla plura. p.66.n.24

Alimenta relicta ex certo fundo, an  
habeant fundum obligatum. p.67.  
num.30.

Alluionis augmentum. p.461. & seq.  
à n.38.ad 41.

Alluioni non est locus in agris limi-  
tatis. p.463.n.43

Annui redditus & annuae praestatio-  
nis taxatae & limitatae exempla &  
effectus. p.71. & seq. à n.37.ad 43

Anaxagoras sepulchrum negligebat.  
p.132.n.5.

Annua praestatio praestita 30. annis,  
recte praescripta censetur. pag.173.  
num.59.

Annus census quando excludat ex-  
cussionem. p.74.n.44

Annua praestatio ex certo fundo an  
habeat fundum hypothecatum.  
p.67.n.30.

Annui census relicti alicui, cuius ex-  
pensis constituti, an frumentarij  
sint restituendi soluto matrimo-  
nio. p.476.n.5

Anniuersarium in funeribus anti-  
quum. p.132.n.6

Antinomia conciliata. p.483.n.15

Antinomiae vera ratio. p.484.n.16

Antinomiae duae. ibid.

Antiquum factum est quod contigit  
ab hinc centum annis. p.164.n.34

Arbitratores tres dissidentes in sum-  
mis, an sint conciliandi, *ex cap.1.  
de arbitr. lib.6.* p.529.n.8

Arbores frugiferas incidere & euertere  
domos idem est. p.257.n.29

- Arborum frugiferarum incisio generaliter vassallo, marito, emphyteutæ, possessori maioratus, fideicommissario prohibita. p.273.n.80
- Arborum frugiferarum incisio pendet quoque ex consuetudine patriæ. ibid.n.81.
- Archidiaconus habet iurisdictionem ordinariam. p.157.ad init.
- Argumentum à sufficienti partium enumeratione facit euentiam rei. p.76.n.49.
- Argumentum ad inconueniens debilissimum. p.493.n.25
- Argumentari quantum liceat ab usufructuario ad feudatarium. p.264.num.47.
- Argumentum à fideicommissio ad maioratum quantum valeat. pag.327.num.5.
- Assignatio loci aut personæ ad solutionem quando conditionem, quando demonstrationem faciat. p.70.n.34.
- Augmentum factum ex meliorationibus an veniat in causa euictionis actione ex empto. p.368.n.5.6.& 7
- Augmentum qui tractarunt. pag.443.num.1.
- Augmentum quod sine mea opera contingit, si possideam, mihi non prodest. p.372.n.14
- Augmentum contingit aut facto nostro, aut casu, aut natura. p.444.num.2.
- Augmentum aliud separabile, aliud inseparabile. ibid.n.3
- Augmentum factum in feudo an sit feudum: idem de emphyteusi, maioria, & usufructu. p.445.n.5
- Augmentum quod sit accessorie, an cedat rei auctæ. ibid.n.6
- Augmentum vsusfructus consolidari cui cedat. p.448.n.10
- Augmentum vsusfructus consolidari constante matrimonio, an sit lucratum. ibid.
- Augmentum feudi & emphyteusis constante matrimonio an lucratum dicatur, & cui acquiratur. p.444.n.2.
- Augmentum præscriptionis cœptæ ante matrimonium, & perfectæ constante matrimonio, cui cedat. p.450.n.12.
- Augmentum factum iure retractus constante matrimonio cui cedat. ibid.n.13.
- Augmentum factum iure annui census redempti cui cedat. ibid.n.14
- Augmentum factum ex commissio cui cedat. p.451.n.16
- Augmentum factum temporis beneficio sine nostra opera cui cedat. p.452.n.18.
- Augmentum factum iure hæreditario, siue facto hæredis, cui cedat. ibid.num.19.
- Augmentum casuale venit in causa euictionis. p.453.n.20
- Augmentum regni an fiat regnum. ibid.n.22.
- Augmentum factum in hæreditate mortuo testatore, an pro sit scripto hæredi, an filio, an omnibus. p.454.n.24.
- Augmentum rei pupilli pertinentis ad tutorem iure tutoris, ab ipso administratur. p.455.n.27
- Augmentum legati cui cedat. ibid.num.28.
- Augmentum an habeat locum in legato limitato. p.456.n.30
- Augmentum factum in castro an sit domini castri, an eius qui castrum concessit. ibid.n.31
- Augmentum factum in pignore, sicuti pignus hypothecatur. pag.460.num.35.
- Augmentum alluionis eius sit, cuius est



est prædium. p.461. & seq. à n.37.  
ad 41.  
Aureus Romanus, & aureolus quid.  
p.429.n.16.

B

**B**ayonam urbem Gallecam Amphylucus erexit. p.150.n.5  
Baldus defenditur contra D. Conaruias, Pinellum, & D. Antonium de Meneses. p.379.n.30  
Bartolus malè meritis de scholasticis. p.59.n.8.  
Beneficiatus pro rata fructuum soluit collectas. p.254.n.58  
Beneficiatus tenetur inuentarium facere de rebus beneficij. pag.239. num.66.  
Benefacere benefactoribus naturali ratione tenemur. p.271.n.74  
Beneficium verbum efficit bellum inter summum Pontificem, & Federicum Imperatorem. p.256.n.28  
Bonorum appellatione veniunt iura & actiones. p.195.n.13  
Bona fides consistit in facto, non in iure. p.482.n.12  
Bona fides quoad acquisitionem fructuum quid. p.475.n.2  
Bonæ fidei contractus qui, & quare hoc nomen meruerunt. pag.480. num. 10.  
Bonæ fidei possessor esse potest sine titulo. p.502.n.37.  
Bonæ fidei possessor cum titulo, differt à possessore bonæ fidei sine titulo. ibid.n.36  
Bonæ fidei possessor fructus industriales facit suos. pag. 505. num. 39. & naturales an faciat. p.488.n.20  
Bona & mala fides in quo consistant. p.97.n.3. & p.480.n.20.  
Bonæ fidei possessor necessarias expensas deducit. p.14.n.24

Bonæ fidei possessor pro istis expensis excipit & agit. ibid.  
Bonam fidem habere potest qui habet titulum reprobatum à iure. p.491. num.24.  
Bona fides sola non sufficit vbi titulus requiritur. p.497.n.32  
Bonæ fidei possessor factus locupletior an restituat fructus. p.505.n.40  
Bona lucrata in Hispania quæ sunt. pag.280.n.11.  
Bona lucrata pro dimidia quærentur uxori, quoad dominium & possessionem. ibid.n.12  
Bos agricola est, & humani laboris socius. p.67.n.29  
Bouem alienum in proprio agro deprehensum qui occidebat, grauiter puniebatur olim. ibid.n.29  
Budei opinio de origine feudorum. p.246.n.3. & seq.

C

**C**oena ex sportula quid. pag.430. num.19.  
Carolus cognomento Magnus, victus ab Hispanis. p.250.n.10  
Causa, verbum quid significet. p.514. num.52.  
Cadaveris inhumati non sit secrestatio. p.137.n.18  
Census frumentarius habet nouam in Gallecia legem. p.178.n.73  
Census frumentarius reducitur ad censum pecuniarium in Gallecia. ibid. num.73.  
Census frumentarij Galleca lex referatur. p.179. & seq.  
Censuariæ legis causa. p.178.n.74  
Censuariæ legis capita. p.181.n.76  
Censum frumentarium qui semel conuertit in pecuniarium, amplius frumentarium non soluit. ibid. num.77.

# INDEX

- Census frumentarij verum pretium Gallecis. p.182.n.78
- Censui pecuniario ea lege non est pretium constitutum. p.283.n.80. & seq.
- Centesima vsuræ quæ, semisses, quadrantales, & trientales. p.406.n.15
- Charitas verbum pro animæ pensione. p.136. n.14.
- Ciconia olim in summo sceptri Regij, hyppopothamus in imo apponebatur. p.77.n.54
- Clientela Romana quid sit. p.246.n.4
- Ciceronis locus. p.4.n.6. & 7. & p.531 num.13.
- Cyconia alunt suos parentes. p.77. num.54.
- Cicero contemni facile posse sepulchrum ait. p.132.n.5
- Cicero oderat istas cum feris dimicationes. p.434.n.29
- Ciuis non debet carcerari pro debito reipublicæ. p.411.n.4
- Clausula in fine posita determinat omnia in quibus ea ratio sit. p.173. num.57.
- Columnæ dictæ turres exiles, & altius erectæ. p.150.n.51
- Collationis materia difficilis, & quæ sint aduertenda in ea. p.57.n.4
- Collectas quis soluat. p.234.n.56
- Collectæ quid. ibid.
- Collecta sequitur fructuarium. ibid. num.57.
- Collectarum solutio admittit consuetudinem receptam. p.235.n.59
- Collectas & taleas quis imponere possit. p.252.n.14
- Collectas non imponunt parochiani diuidentes inter se ad vestes sacras, & vasa sacra. p.269.n.66
- Collecta vera vbi imponitur, non sufficit consensus populi. ibid.n.68
- Collectas impositas à Domino nostro Rege subeunt emphyteutæ & vassalli Ecclesiæ. ibid.n.69
- Colonus an deducat expensas fructuum. p.3.n.2. & p.316.n.23
- Colonus partiarius an id efficiat. p.315.n.22
- Colonus partiarius quis. ibid.n.21
- Colonus partiarius an soluat onera & tributa. p.318.n.29
- Colonus ad quæ teneatur. pag.318. num.29.
- Colonus de qua culpa teneatur. ibid. num.30.
- Coloni armati apud Cæsarem & Sallustium qui. p.256.n.25
- Comes. p.260.n.37
- Commoda, obreptiones, emolumenta, quantum differant à fructu. p.475.n.3.
- Commodatarius an expensas maiores in medicando equo de suo faciat. p.49.n.43.
- Computatio fructuum & meliorationum. p.514.n.52
- Computationis ratio. p.516.n.55
- Computatio fructuum cum meliorationibus, quando habeant locum. p.514.n.52. & p.518.n.56.
- Computare fructus cum meliorationibus qui teneantur. p.518.n.57
- Computationum plura genera. p.520. num.59.
- Concilium Lateranense quando. p.185.n.89. & seq.
- Condictio indebiti quid. pag.114. num.7.
- Condictio incerti quid. ibid.
- Condictio incerti, de qua *in l. qui exceptionem, §. si pars, ff. de condictione indebiti.* p.113.n.6
- Condictio incerti applicatur ad *l. si in area, ff. de cond. indebiti.* p.115.n.8
- Conditionis furtivæ natura crescit, & quomodo. p.21.n.2
- Condictio rei furtivæ, perempta re an competat. p.24.n.12
- Condictio



# R E R V M.

- Condictio furtiua cessat vbi corpus  
sublatum apparet. *ibid.*
- Condictio an inducatur ex assignatio-  
ne loci, aut personæ ad solutionem.  
p.71.n.36.
- Conductor ad longum tempus sicuti  
emphyteuta an expellantur ob non  
solutum canonem. p.278.n.7
- Conductor conseruat vtiles expensas  
& necessarias, vtumque finiatur  
conductio. p.279.n.10. & p.280.  
num.13. & 14.
- Conductor non tenetur facere aggeres  
& fossata. p.309 n.15
- Conductor quibus casibus meliora-  
tiones non conseruet. p.310.n.16
- Conducens ab vsufructuario an con-  
seruet sibi meliorationes. pag.311.  
num.17.
- Conductor an soluat onera & tributa.  
p.312.n.18.
- Conductor an conueniatur propter  
onera. p.314.n.19
- Conductor an excidere possit arbores  
etiam frugiferas. p.316.n.24
- Conductor superficiarius quis sit, &  
qualiter conseruet expensas. p.317.  
num.26.
- Conductor de quibus rebus teneatur.  
p.318.n.29.
- Conductor de qua culpa teneatur.  
*ibid.*n.30.
- Consuetudo differt à præscriptione.  
p.167 n.43.
- Consuetudo requirit binum actum, &  
an iudicalem. p.168.n.44
- Contestatio litis an sit mala fides.  
p.482.n.13.
- Contestatio litis in causis summarijs  
quæ sit. p.183.n.83
- Contractuum initium. p.2.n.1
- Contractuum primi donatio, & per-  
mutatio. *ibid.*
- Conuiuia in funeribus. p.135.n.12
- Conuiuia hodie in funeribus an pro-  
hibita. *ibid.*n.13
- Cornelij Taciti locus. p.430.n.18
- Corte quid. p.255.n.24
- Cors & cohors quid, & quid feudum  
in curte. *ibid.*
- Coruna Galleciæ vrbs, vnde sic dicta.  
p.150.n.51.
- Curtis quid. p.254.n.23
- Curatores quomodo reddant rationes.  
p.420.n.22.
- Curator, tutor, administrator con-  
seruant meliorationes suas, etiam  
non existente re. p.419.n.20
- Curatorum varia genera. p.409.n.1
- Curator quatenus conseruet expensas.  
p.412.n.7.
- Curatores, tutores, administratores  
quantum donare possint. *ibid.*n.8
- Curator, tutor, administrator, an  
conseruent expensas, quas faciunt  
domo egressi. *ibid.*n.2
- Curator, tutor, expensas in re pupilli  
factas quatenus conseruent sibi.  
p.417.n.16.
- Curator, tutor, administrator, quate-  
nus expendat nomine litium. *ibid.*  
num.17.
- Curator, tutor, administrator debita  
recuperant & soluunt, & de expen-  
sis factis hoc nomine. p.418.n.18
- Curator, tutor, administrator an te-  
neantur, si res pereat commissio.  
p.419.n.19.
- Curator datur hæreditati iacenti.  
p.411.n.3.
- Curator datur bonis absentis. *ibid.*
- Curator datur bonis in executione,  
& datur à iudice, non ab executore.  
p.412.n.5. & 6.
- Curator datur Reipublicæ. *ibid.*
- Curator datur bonis mariti absentis si  
mulier petat dotem. *ibid.*n.6
- Curia vnde dicta. p.255.n.24. & seq.

# INDEX.

## D

**D**avid Rex cum feris pugnare solitus. p.434.& seq.n.29  
 Decanus habet ordinariam iurisdictionem. p.156.n.4  
 Decanus dicitur Archipresbyter & Plebanus. p.157.n.6  
 Decani officium. ibid.  
 Decimarum ius licet laici habere non possint, fructus decimarum habere possunt. p.185.n.91  
 Decimæ deducuntur non deductis expensis fructuum. p.11.n.17  
 Decima deducitur ante pensionem. p.12.n.18.  
 Decima debita fisco an deducatur deductis expensis. ibid.n.20  
 Decima tutori præstanda an deducatur deductis expensis fructuum. ibid. num.21.  
 Decimas Galleci nobiles iustè obtinent. p.185.n.92  
 Delinquens videtur contrahere cum fisco. p.212.n.50  
 Demonstratio, an conditio inducatur ex adiectione loci & personæ, ad solutionem. p.71.n.36  
 Denarius quid. p.428.n.13  
 Denunciatio an inducat malam fidem. p.96.n.2.& seq.& p.482.n.13.  
 Desiderare est petere, & desiderium petitio. p.21.n.5  
 Deterioratio facta à maiorus possessore. p.349.n.38  
 Deterioratio ista quam culpam requirat. ibid.n.40.& p.266.n.54  
 Deterioratio quatenus noceat emphyteutæ. p.321.n.16  
 Deterioratio generaliter cui noceat. p.240.n.9.  
 Deterioratio ad priuationem feudi qualis esse debeat. p.265.n.51  
 Deterioratio ad priuationem, est ar-

bitrio iudicis. ibid.n.52  
 Diffidere vnde. p.258.n.30  
 Diminutio est ex detractioe, sicuti augmentum ex additione. p.455. num.29.  
 Diminutio sicuti augmentum pertinet ad eum cuius res est. p.454.n.25  
 Diminutio hæreditatis facta mortuo testatore, & post inuentarium, nocet legatariis. ibid.n.26  
 Diogenis Cynici sepulchrum. p.133. num.9.  
 Diomedis & Glauci permutatio. p.3. num.3.  
 Dipondius quid. p.428.n.13  
 Dominus iurisdictionis, si abutatur iurisdictione, priuatur. p.267.n.59. & 60.  
 Dominium rei legatæ an transeat ad legatarium. p.91.n.24  
 Dominus soluta mercede famulo potest retinere vestem. p.433.n.27  
 Dominium potest esse penes duos diuersis respectibus. p.278.n.7  
 Dominus iurisdictionis suis sumptibus creat iudices & assessores. pagin.430.n.20.  
 Domum ex vetustate collapsam an hæres teneatur erigere fructuario. p.22.n.18.  
 Domo collapsa & erecta ab hærede fruitur fructuarius. ibid.n.18  
 Domus exustæ & reparatæ an habeat fructuarius vsufructum. p.223. num.19.  
 Domus & insulæ an sit eadem ratio. ibid.n.19.  
 Domus & insulæ dirutæ an emphyteuta soluat canonem. p.337.n.17  
 Donatio antiquissimus contractus. p.2.n.1.  
 Donationes nunquam præsumimus. p.89.n.22.  
 Donatarius donatorem suum esurientem alere tenetur. p.270.n.73  
 Dos



Dos quomodo sit substantia & patrimonium vxoris. p.279.n.9

## E

**E**cclēsia quanto tempore audiatur, contra Rodericum Suarez. p.382.n.36.

Ecclesia quomodo restituitur, contra Bernardum Diaz de Lugo. ibid. num.35.

Emolumenta quantum differant à fructibus. p.475.n.3

Emphyteusis hæreditaria. p.273.n.83. & seq.

Emphyteusis ex prouidentia. ibid. num.84.

Emphyteusis noua & antiqua. p.262. num.44.

Emphyteuta quas meliorationes conseruet sibi. p.80.& seqq.

Emphyteuta potest incidere arbores cæduas renascituras. p.228.n.36

Emphyteuta, colonus, fideicommissarius traditas meliorationes augendo consequuntur. p.113.n.4.& 5

Emphyteuta quasdam meliorationes facit ex necessitate contractus. p.308.num.12.

Emphyteuta ad quas meliorationes teneatur. p.102.n.12.& p.106.n.20. & seq.

Emphyteuta quas meliorationes potest vendere & obligare. pag.107. num.22.

Emphyteuta maiores meliorationes nunquam amittit. ibid.n.21

Emphyteuta differt à locatore ad longum tempus. p.108.n.23

Emphyteusis augmentum cui cedit. p.445.n.5.

Emphyteuta quatenus computet fructus cum meliorationibus. p.518. num.57.

Emphyteuta cædendo arbores frugi-

feras, an eiiciatur. p.228.n.34

Emphyteuta plantando, imboscando & colendo, an melioretur. p.319. num.4.

Emphyteuta post commissum factas meliorationes an conseruet. ibid. num.5.

Emphyteuta meliorans ex vi pacti quid conseruet. ibid.n.6

Emphyteuta soluit onera realia, tributa & collectas. p.320.n.14

Emphyteuta tenetur de deterioratione & damno. p.321.n.16

Emphyteuta etiam si non melioretur, impetrat renouationem. p.322.n.18

Emptor vendicationem passus obicit expensas. p.366.n.1

Emptor fundi suis sumptibus comparat aditum ad fundum. pag.359. num.14.

Emptio & venditio vnde cœperint. p.3.n.3.

Emptionis & venditionis vtilitas vnde. ibid.

Emponema quid significet. pag.102. n.12.& p.319.n.6.

Episcopus de rebus Episcopatus facit inuentarium. p.239.n.66

Episcopi, Prælati, beneficiati meliorando nihil recuperant. pag.241.& seq.n.71.& 72.

Episcopi, Prælati, & Beneficiati non compensant meliorationes cum damnis. ibid.n.73

Error iuris quod possit probari. p.493. num.26.

Error iuris facilius præsumitur quàm scientiæ. ibid.n.27

Error iuris aliquando probatur iuramento eius qui errauit. p.495.n.29

Error iuris obscuri nihil nocet in acquisitione fructuum. p.496.n.30

Euictionis causa continet quod rei accessit. p.119.n.16

Euicta res quando dicatur. p.485.n.17

# INDEX

- Euictionem passus quando agat contra venditorem. p.486.n.18
- Exceptio de dolo nunquam cum mala fide. p.21.n.3.& p.87.n.17
- Exceptiones quæ non impugnant sententiam, omissæ in iudicio, in executione an opponuntur. p.103.n.14.& 15.
- Exceptio compensationis inuentarij, ne quis ultra vires faciat solutionis, & aliæ his similes opponuntur in executione. p.104.n.16
- Excussio in annuo censu quando non sit necessaria. p.74.n.44
- Exhereditatio in primogeniis an & quando habeat locum. p.341.n.27
- Exheredationem pro parte valere aliquando. p.340.n.23
- Expensa Latinum verbum est. p.2.n.1
- Expensarum materia vnde ortum acceperit. p.5.n.9
- Expensarum diuisio quatuor continet membra. p.8.n.10
- Expensæ quæ fiunt gratiâ colligendorum fructuum. p.3.n.2
- Expensas deducit colonus, quas suis manibus fecit. p.10.n.14
- Expensæ maiores quàm fructus an deducantur integræ, an pro modo fructuum. ibid.n.15
- Expensæ fructuum inducunt retentionem. ibid.n.16
- Expensas necessarias bonæ fidei possessor deducit & agendo, & excipiendo. p.14.n.24
- Expensæ fructuum an deducantur ante decimam Deo debitam. pag.11.n.17.& seq.
- Expensæ fructuum an deducantur ante tributum debitum fisco. pag.12.num.20.
- Expensæ fructuum an deducantur à colono partiario. ibid.n.22
- Expensæ fructuum an deducantur ante decimam debitam tutori iure Hispano. ibid.n.22
- Expensas necessarias bonæ fidei possessor deducit agendo, nouo iure Codicis. p.14.n.24
- Expensas viles bonæ fidei possessor quatenus deducat, contra Antonium Gomezium. p.15.n.25
- Expensarum utilitas vnde accipienda. p.18.n.30.
- Expensas necessarias malæ fidei possessor quatenus conseruet. p.20.n.1
- Expensas viles malæ fidei possessor quatenus conseruet. p.21.n.2
- Expensæ necessariae deducuntur à malæ fidei possessore. p.22.n.7
- Expensæ viles à malæ fidei possessore non deducuntur, & quæ ratio. ibid.n.7.
- Expensæ necessariae ad quas omnes tenentur, quæ sunt. ibid.n.7
- Expensæ alimentorum necessariae sunt sicut reparatio parietis, ædis, aut triclinij. p.23.n.9
- Expensæ an conseruentur in conditione furtiua. p.21.n.2
- Expensæ factæ in alieno solo quatenus amittantur. p.29.n.18
- Expensas alimentorum parentes tenentur facere, & quatenus. pag.32.num.1.
- Expensæ alimentorum an debeantur iure naturæ, an instinctu naturæ. p.36.n.10.
- Expensas alimentorum cum filio spurio quare negauit ius. p.33.n.2
- Expensæ maiores factæ à commodatario in re commodata, an pertineant ad dominum. p.49.n.43
- Expensas in medicando uxorem quatenus vir de suo faciat. p.50.n.44
- Expensas pro disciplina addiscenda an pater teneatur facere. ibid.n.45
- Expensas ad disciplinas an tutor facere teneatur. ibid. n.46. & pag.52.num.51.

Expensas



Expensas ad disciplinas addiscendas an filius teneatur conferre. pag.51. num.48.

Expensas factas à filio dum literis nauat, operam an pater teneatur præstare, velit nolit. p.52.n.50

Expensas semel cœptas cum filio aut fratre Salmanticæ, an perficere teneatur pater aut frater. ibid.n.52

Expensas ad maiora studia factas à patre filius non tenetur conferre. p.56.n.1

Expensas factas cum filio, cuius bona habeat pater, imputat sibi filius. ibid.n.2.

Expensas collatas in studium si filius erogauit in malos vsus, imputat sibi. p.57.n.3

Expensas factas à patre animo credendi confert filius, & quomodo colligatur iste animus. ibid.n.4

Expensarum collatio non continet expensas quas pater cum filio domi erat aliàs facturus. ibid.n.5

Expensas ad disciplinas & libros non confert filius qui actu audit, non is qui desit audit. p.58.n.7

Expensas factas à patre vt filium charum ab hostibus redimat, an conferat filius. p.60.n.12

Expensas factas à patre dum soluit condemnationem filij, an faciat de suo. p.61.n.13

Expensas factas à patre in comparanda militia filio, an pater de suo faciat. ibid.n.14

Expensarum quæ sunt alendi causâ, recuperatio cessat vbi inter expendentem, & eum cui expenditur, est affectio aliqua. p.66.n.24

Expensas vtilis malæ fidei possessor abradit. p.80.n.1

Expensas voluptatis malæ fidei possessor abradit. p.83.n.9

Expensæ voluptatis & vtilis ybique

malæ fidei possessori possidenti abraduntur. p.86.n.15. & 16

Expensas necessarias malæ fidei possessor conseruat sibi. ibid.n.16

Expensæ voluptatis & vtilis, malæ fidei possessori retinentur, & quatenus. p.92.n.26

Expensæ factæ post commissum, an & quatenus conseruentur. pag.99. num.9.

Expensæ factæ post litem contestatam quatenus conseruentur. p.97.n.6

Expensas factas intra tempus retractus quatenus quis conseruet. p.98.n.8

Expensæ omissæ in iudicio opponi possunt in executione. p.103.n.14

Expensæ non liquidæ causas executiuas an impediunt. p.105.n.19

Expensas emphyteuta tenetur facere. p.106. n.20. & 21. & sequentibus. Colonus non item. ibid.

Expensas qui non facit, aliquando de expensis obiicit. p.117.n.13

Expensas qui tradidit euictio fundi, an ex causa euictionis agat contra venditorem suum ad expensas. p.118.n.14.

Expensas in causa non consequitur, qui sciens aliena emit. p.119.n.17

Expensas traditas soluit qui sciens alienam rem vendidit. p.120.n.18

Expensæ factæ in nuptiis filij aut filiæ, an ipsi, an verò sibi imputet. p.59.n.10.

Expensas vt consequaris actione negotiorum gestorum, necesse est vt negotium intercedat. p.120.n.19

Expensas sola retentione consequitur qui negotium non gessit. ibid.n.20

Expensæ necessariæ semper deducuntur, vtilis ita demùm si negotium gestum sit. ibid.n.21

Expensas quoque à venditore consequimur actione ex empto. p.118. num.15.

# INDEX

- Expensa funeris quid contineat. p.128.n.1.  
 Expensa ad monumentum qualis debeat esse. ibid.n.2  
 Expensa ad sepulturam deducenda est ex legatis. ibid.n.3  
 Expensa funeris quæ sit necessaria. p.136.n.16.  
 Expensæ funeris an contineant vestes lugubres. ibid.n.17  
 Expensa funeris quæ sit, quæ præferatur æri alieno. p.137.n.18  
 Expensa funeris propriæ quæ sit. p.136.n.16.  
 Expensa funeris necessaria quomodo deducenda sit, existentibus filiis, & creditoribus. p.138.n.20  
 Expensas funeris quomodo deducat executor testamenti. ibid.n.21  
 Expensæ funeris quæ deducantur ex quinto,iure nostro. ibid.n.22  
 Expensa funeris an præferatur æri alieno, quod habet hypothecam. p.139.n.23.  
 Expensas quas facere teneatur usufructuarius. p.216.n.5  
 Expensa magna & parua. ibid.n.5. Et quæ dicatur. p.221. n.14.& p.222. num.17.  
 Expensas quas pater usufructuarius facere tenetur. p.218.n.8  
 Expensas usufructuarius præstat circa lites. p.219.n.10  
 Expensas ad reficiendum an præstet usufructuarius legitimus, & datiuus. p.221.n.12  
 Expensæ magnæ vt recuperentur ab usufructuario, debent pertinere ad perpetuam utilitatem. ibid.n.13  
 Expensa omissa quatenus teneatur usufructuarius. p.226.n.29.& 30  
 Expensæ onerum & tributorum ad fructuarium quomodo pertineant. p.231.n.45.  
 Expensa collectarum ad fructuarium pertinet. p.234.n.56  
 Expensæ fructuum non deducuntur in casu particulari. p.235.n.60  
 Expensæ vassalli ad reparandas res dominicas. p.270.n.71  
 Expensæ vassalli ad soluendas collectas & tributa. ibid.  
 Expensæ vassalli nomine alimentorum. ibid.n.72  
 Expensæ vassalli pro Domino incarcerato. p.271.n.77  
 Expensæ vassalli dum Dominum suum sequitur ad bellum. p.273.n.82  
 Expensæ feudatarij hæreditarij vt soluantur debita. ibid.n.83  
 Expensas alimenti & medicaminis quatenus vir vxori præstet. p.284. num.23.  
 Expensæ funeris vxoris. p.285.n.25  
 Expensæ vestium vxoris. p.284.n.24  
 Expensæ faciendæ cum vxore vidua. p.285.n.26.  
 Expensæ ad exactionem nominum dotalium. p.286. n.34. & pag.288. num.37.  
 Expensæ necessariæ in re dotali quæ sint. p.293.n.49  
 Expensas deducit superficiarius & conductor. p.317.n.26  
 Expensæ litium pro conseruatione rei locatæ quantum conseruentur. ibid.n.27.  
 Expensa necessaria in conductore quæ sit. ibid.n.28  
 Expensas quas faciat maioratus possessor. p.347.n.35  
 Expensas an faciat hæres, an legatarius, vt legatum consequatur. p.357.n.10.  
 Expensas quis faciat vt res adducatur, vt tradatur legatario. p.360.n.18  
 Expensas venditionis emptoræ, an venditor facere teneatur. pag.385. num.46.  
 Expensas tributorum, onerum, gabellæ,



- bellæ, & collectarum, an emptor recuperet à venditore actione ex empto, rescisso emptionis contractu. p.388.n.53
- Expensas an conseruet socius qui parietem communem refecit. p.404. num.10.
- Expensa ad reficiendam rem communem ad quem pertineat. p.405.n.13
- Expensæ reficiendi putei, fontis, & pontis ad quem pertineant. ibid. num.13.
- Expensas quas facit tutor, curator, administrator, quatenus conseruet sibi, vide verbo *Curator*. p.409. & seqq.tot.cap.20.
- Expensæ quomodo probentur. p.422. num.23.
- Expensæ maiores non sunt faciendæ propter rem minorem. p.423.n.24
- Expensa personalis vbi salarium est, imputatur salario. p.416.n.15
- Expensæ factæ cum ægrotante recuperantur. p.425.n.2
- Expensæ factæ pro damnato corporaliter, si pro eo inuito appellatum sit, recuperantur. p.426.n.4
- Expensæ iudicis ordinarij & delegati. p.426. & seq.n.5.8. & 9.
- Expensæ publici ludus, & spectaculi, ad quem pertineant. p.432.n.24. & 25.
- Expensæ factæ à Principe in castro nobilis timore belli, non recuperantur à nobili. p.436.n.30
- Expensis ciuium an subleuandus Rex. p.437.n.33.
- Expensis Regis pyratæ expellendi. p.438.n.35.
- Expensæ quæ fiunt in supplicationibus publicis. p.439.n.36
- Expensa ludorum chartarum. pag.441. num.39.

- F**ama in antiquis probat. p.160. num.12.
- Fames Galleca. p.151. & seq.n.51
- Familia emptor antiquis quis fuerit. p.4.n.5.
- Feudatarius quatenus compenset fructus. p.518.n.57
- Feudum simile vsufructui. pag.245. num.1.
- Feudorum initium variè traditur. p.246.n.3.
- Feudum in curte & extra curtem quid. p.255.n.24.
- Feudum idem quod beneficium. p.256.n.27.
- Feudum vnde, feida quid, feidare, vel defeidare quid. p.258.n.30
- Feudum regale, & feudum ligium quid. p.259.n.33. & 34
- Feudum francum. p.260.n.35. & p.262.n.43.
- Feudatarij dicuntur beneficiarij. pagin.260.n.37.
- Feudum aliud nouum, aliud antiquum. p.262.n.44
- Feudum aliud rectum, aliud non rectum. p.263.n.45
- Feudum Guardie, & Guastaldie quid. ibid.n.46
- Feudum Camere, Cauene, & Soldatæ quid. ibid.n.46
- Feudatarius tenetur seruare rem dominicam. p.265.n.48.
- Feudatarius an veniat priuandus si deteriorauerit rem dominicam. ibid. num.48.
- Feudatarij priuatio an requirat interpellationem. ibid.n.50
- Feudatarij priuatio an requirat magnam deteriorationem. ibid.n.51
- Feudatarius tenetur ad onera & tributa. p.268.n.62
- Feudata

# INDEX

**Feudatarius soluit collectas & taleas.**  
     *ibid.*n.63.  
**Feudum emitur, & dicitur feudum em-**  
     *ptum.* p.271.n.75  
**Feudum hæreditarium quid, & quid**  
     **feudum ex prouidentia.** pag.274.  
     num.84.  
**Feudi augmentum cui proffit.** p.445.  
     num.5.  
**Fides quid sit, quid fides bona & ma-**  
     **la.** p.81.n.5. latius p.480.n.9. & 10  
**Fides bona in facto consistit, non in**  
     *iure.* *ibid.*  
**Fidelitas feudi vxoris est penes vxorem**  
     **constante matrimonio.** p.278.n.4  
**Fideles dicuntur feudatarij.** p.260.  
     num.37.  
**Filios nostros quatenus alere teneam-**  
     **ur, etiam spurios & incestuosos.**  
     p.35.n.8.  
**Filius si abundè habeat unde se alat,**  
     **alimenta non debentur.** p.25.n.13  
**Filij legitimi qui, qui naturales & spu-**  
     **rii.** p.39.n.21  
**Filios spurios quare ius non permittat**  
     **ali.** *ibid.*  
**Filius spurius non admittitur ad pri-**  
     **mogenium.** *ibid.*  
**Filius spurius non portat arma, ne-**  
     **que defert insignia parentis.** *ibid.*  
**Filius spurius non est de domo, neque**  
     **de familia patris.** *ibid.*  
**Filius legitimus & naturalis olim**  
     **nullus præsumebatur.** *ibid.*  
**Filius potius præsumebatur spurius**  
     **quàm naturalis.** *ibid.*  
**Filius naturalis hodie dicitur, qui**  
     **olim spurius.** *ibid.*  
**Filius hodie præsumitur potius natu-**  
     **ralis quàm spurius, aut legitimus.**  
     p.41.n.22.  
**Filij spurij & naturales non sunt ge-**  
     **niti secundum legis naturalis ratio-**  
     **nem.** *ibid.*n.22  
**Filij ex meretrice non erant alendi,**

**Solonis lege.** p.42.n.24  
**Filij quos hodie naturales dicimus, an**  
     **gaudeant nobilitate parentis.** *ibid.*  
     num.25.  
**Filij colere debent parentes tanquam**  
     **rem sacram.** p.43.n.26  
**Filio pater est veluti Deus.** *ibid.*  
**Filiò spurio an sit ultra quartum præ-**  
     **standum, si quintum non sit satis,**  
     **ut alatur.** *ibid.*n.28  
**Filius inuito patre an possit studere li-**  
     **teris, & expensis patris.** p.52.n.50  
**Filij spurij & naturales datis alimentis**  
     **an possint granari in alimentis, con-**  
     **tra Antonium Gomez.** p.53.n.54  
**Filius operam & impensam perdens**  
     **expensas sibi imputat.** p.57.n.3  
**Filius non est alendus à patre si aliqn-**  
     **de habeat.** p.65.n.23  
**Filius exhæredatus, si egeat, qua-**  
     **tenus ab scripto hærede alatur.**  
     *ibid.*  
**Filij parentes alere tenentur.** p.77.  
     num.52.  
**Filius est res propria patris, & de eo**  
     **sicuti de re sua disponit.** pag.192.  
     num.9.  
**Fisco non cedunt prohibita alienari.**  
     p.211.n.48.  
**Fisco non cedunt quæ non cedunt**  
     **extraneis.** p.212.n.51  
**Fiscales pœnæ sunt fructus iurisdic-**  
     **tionis;** p.431.n.22  
**Flere mortuos quantum liceat.** p.134.  
     num.11.  
**Forma est locus excavatus per quam**  
     **aqua ducitur.** p.354.n.3  
**Fœneratores dicti menstrui exactores.**  
     p.406.n.16.  
**Fœneratores similes dæmonibus**  
     **menstrualibus, & lunaticis.** *ibid.*  
     num.16.  
**Fornicatio simplex est peccatum, &**  
     **coniunctio contra naturæ leges.**  
     p.42.n.23.

Fornicatio



Fornicatio simplex non est coitus legitimus. ibid.n.24  
 Frater ditior fratres pauperes alit. p.46.n.34.  
 Frater ditior an nepotes ex fratre alar. p.47.n.35.  
 Frater Sacerdos ex redditibus Ecclesiæ alit sororem & fratres. ibid.n.36  
 Fratres, si communia habent bona, facere expensas semel cœptas cum fratre tenentur. p.53.n.53  
 Franciscus Connanus, & Pinellus notantur. p.489.n.21  
 Francisci Connani de origine feudorum opinio. p.252.n.15  
 Fructus quid sit, & qui dicantur verè fructus. p.8. n.12. p.14. n.23. & p.474.n.1.  
 Fructus ciuiles, industriales, & naturales qui. p.477.n.7. & p.479.n.8  
 Fructus qui percipi potuerunt, qui. p.509.n.46.  
 Fructus quales faciat suos bonæ & malæ fidei possessor. p.488.n.20. & p.405.n.39. & seqq.  
 Fructus percipiendi an sint respectu possessoris, an verò domini. p.513. num.50.  
 Fructus à malæ fidei possessore an vsucapi possint. p.514.n.51  
 Fructus qui percipiuntur iure dominij an computentur. p.514.n.53  
 Fructus meliorationum an veniant in condemnatione rei facta cum fructibus. p.515.n.54  
 Fructus meliorationum an computentur. p.518.n.56  
 Fructus rerum dotalium pertinent ad maritum, & quare. p.142.n.32  
 Fructuosa quæ non est res, habet suam commoditatem. p.143.n.33  
 Fructus expensæ quomodo & quatenus deducantur. p.10.n.16. & p.235.n.60.  
 Fructuum maioratus diuisio traditur

cum Emanuele Costa, contra reliquos. p.327.n.6  
 Fundus qui reddit annua centum non est pretiosior quàm sint annua centum. p.64.n.19  
 Fundus ex quo alimenta annua relicta sunt, an sit hypothecatus, & quid in annua præstatione. p.67.n.30  
 Fundus quas partes habeat. p.190.n.4. & p.229.n.39.  
 Fundus consideratur quoad partes corporeas, & quoad iuris intellectum. ibid.  
 Funeris expensæ quomodo & à quibus erogandæ, vide totum caput octauum. p.126. & seqq.  
 Funus non detinetur propter æs alienum. p.137.n.18  
 Funus filij quatenus pertineat ad patrem. p.149.n.49  
 Funus filij an sit deducendum ex tertio, sicuti ex quinto paternum. ibid.n.50.

## G

**G**Abellam emptor, an venditor soluat. p.385.n.46  
 Gabella an debeat ex contractu nullo. ibid. & an ex contractu rescindendo. ibid.  
 Gabellarum ius percipiendarum acquisitum emphyteusi, feudo, maioris, vsufructui, beneficio aut Episcopatus, cui cedat. p.445. & seqq. n.5. & seqq.  
 Galli cum Hispanis semper infeliter conflixerunt. p.251.n.11  
 Galleci nobiles iustè habent decimas, quas vocant beneficia patrimonialia. p.185.n.92. & seqq.  
 Galleci nobiles habent arrestum pro se contra Episcopos, anni 1390. p.186. n.94. & alterum arrestum anni 1492. ibid.n.95. & seqq. vbi adducitur

# INDEX

ducitur Concilium Tridentinum.  
 Galleci nobiles vendunt ista beneficia  
 patrimonialia , & concedunt ad fir-  
 mam, locant , & dant in dotem.  
 p.187.n.97.  
 Galleci hæredes defuncti beneficium  
 patrimoniale diuidunt iudicio fa-  
 miliæ eriscundæ. ibid.n.98  
 Galleci nobiles si decimæ sibi debitæ  
 collectentur ab Episcopo,iuste ap-  
 pellant. ibid.n.99  
 Gallicorum decimas non attingunt  
 manus Episcopi. ibid.n.100  
 Galleca lex noua de censu frumenta-  
 rio non comparando nisi ad ratio-  
 nem vnus pro viginti,adducitur &  
 expenditur. p.179.n.75  
 Gallecæ legis nouæ causæ , & partes.  
 p.181.& seqq.n.76.& seqq.  
 Gloss. in l. si quidem, Cod. de prædiis &  
 aliis rebus minorum , explicatur.  
 p.374.n.19.  
 Gothi reges Hispaniæ nihil accepe-  
 runt à Romanis. p.177.n.70

## H

**H**æres compelli potest, principali  
 etiam potestate, adimplere vo-  
 luntatem defuncti. p.123.n.24  
 Hæres viri an lucretur fructus rerum  
 mobilium tempore annuæ dilatio-  
 nis. p.141.n.29  
 Hæres vendens hæreditatem hæres  
 remanet. p.206.n.37  
 Hæres de rebus restituendis per fidei-  
 commissum tenetur inuentarium  
 facere. p.239.n.66  
 Hæres restitutus per fideicommissum  
 recuperat expensas. p.325.n.1.  
 & p.353.n.1.  
 Hæres restituens per fideicommissum  
 recuperat litium expensas. p.325.  
 num.2.  
 Hæres an soluat onera realia , tributa

& collectas, an legatarius. p.353.  
 num.2.  
 Hæres facit expensas vt legatarius le-  
 gatium consequatur. p.357.n.10  
 Hæres legatario vsus, aut vsusfructus  
 aditum præstare debet. p.358.n.11  
 Hæres an teneatur emere suis expensis  
 annum redditum relictum legata-  
 rio. p.359.n.13  
 Hæredibus tribus existentibus si infi-  
 mum vni , medium alteri , supre-  
 mum tabulatum earundem ædium  
 tertio contingat , an habeant adi-  
 tum superiores , contra Iasonem.  
 ibid.n.15.  
 Hæres quid expendat nomine ali-  
 menti. p.364.n.25  
 Hæres rei hæreditariæ meliorationes  
 recuperat à cohærede. p.367.n.2  
 Hermæ statutz sunt truncæ , quales  
 in columnis quotidie videmus.  
 p.133.n.8.  
 Hispanis Hispanæ leges faciunt ius,  
 non Iurisconsulti. p.203.n.33  
 Hispani Barones ferè habent regale  
 feudum. p.261.n.41  
 Hispania nouit feudum ligium. ibid.  
 num.42.  
 Hispani Barones habentes castra , re-  
 nentur ea reparare suis sumptibus.  
 p.266.n.53.  
 Hispani carius insanunt quàm reli-  
 quæ gentes. p.434.n.29  
 Homo omnium animantium miserrimi-  
 mè nascitur. p.33.n.4.  
 Homo eget aliena ope vt viuat. ibid.  
 Homo ligius quis. p.259.n.34  
 Hominis infirmitas. p.33.n.4  
 Homines liberos suos amant , & quæ  
 amoris causæ. p.35.n.6  
 Hypotheca est suppositio. pag.69.  
 num.33.  
 Hypothecatus fundus est fundus sup-  
 positus. ibid.  
 Hypotheca sine actione personali ex  
 postfacto



postfacto consistere potest. p.75. num.48.

Hypothecam in re propria quis habere potest. p.283. & seq.n.21. & 22

Hypopotamus animal efferum, parentem occidit, & matrem init. p.77.n.54.

## I

**I**mpossibile quod est, aut turpe, solum reiicitur ex dispositione ultima, non reliqua. p.380.n.31

Immemoralis probatio ubi requiritur, non sufficit probatio centum annorum. p.166.n.33

Immemoralis corrumpit si recordatio contrarij actus extet etiam ultra centum annos. ibid.n.31

Immemoralis possessio difficillime probatur. p.162.n.29

Immemoralis probatio destruitur recordatione & memoria hominum, & quomodo intelligatur. p.161. num.24.

Immemoralis probatio tollit omnem præsumptionem coactionis & metus. ibid.n.23

Immemoralis probatio non requirit titulum. p.160.n.16

Immemoralis probatio est titulus vnde quaque legitimus. ibid.n.17

Immemoralis probatio habet vim legis. ibid.n.18

Immemoralis probatio potest tantum quantum Imperator cum causa. ibid.n.19.

Immemoralis probatio habet vim privilegij. p.161.n.20

Immemoralis probatio efficit præsumptionem iuris & de iure. ibid. num.21.

Immemoralis probatio tollit questionem de bona & mala fide. ibid. num.22.

Inventarium qui teneantur conficere. p.238.n.64. & p.239.n.66.

Inventarium qui tenentur facere, tenentur de deterioratione. ibid.

Ioannes Lupus de Palacios Rubios defenditur. p.491.n.23

Iudicium familiæ erciscundæ est uniuersum. p.402.n.3

Iudicio familiæ erciscundæ res particularis indiuisa non petitur. p.404. num.9.

Iudicandi facultas quibus, & quomodo olim concedebatur. p.58.n.7

Iudices tres si diuersas protulerint sententias, an sit locus decisioni § si plures, & capitis 1. de arbitris, lib.6. p.484.n.16

Iura de collatione nouem. p.60.n.11

Iureconsulti melius & clarius docent quàm ipsorum interpretes. p.147. num.43.

Ius naturale quid. p.3. n.14. quid gentium. ibid. & n.15. & p.38.n.18

Ius gentium & ratio naturalis, sunt idem. p.38.n.17

Ius gentium primæuum & secundarium merum figmentum. ibid.n.18

Iustum pretium fundi est quantum fructus fundi viginti annis, deductis expensis effecerit. p.182. n.78. & 79.

Iustum pretium census frumentarij in Gallecia est hodie ad rationem vnus pro viginti. ibid.n.78

Ius & facultas idem aliquando. p.208. num.40.

Ius confiscandi Principi competit. p.431.n.21.

Ius confiscandi nobilibus habentibus iurisdictionem quoque competit. ibid.

Iurisdicctio acquisita emphyteusi, feudo, maioris, cui cedat. pag.446. & seq.

Iurisdictionis expensas in iudice delegato

# INDEX

gato & ordinario , vide pag.426.  
& 427.n.5.8.9.& seqq.

## L

**L** Ac maternum alieno lacte melius. p.44.n.30  
Lac plurimum prodest ad ingenium. ibid.  
Lactandus filius à matre triennio. ibid.  
Lasio etiam minima sufficit ad restitutionem. p.375.n.21  
Lasio in vendendo contingit sicuti in pretio. p.374.n.19  
Leges de proprietate verborum depONENTES non multum curamus. p.258.n.31.  
Leges partitæ quando publicatæ. p.338.n.19.  
Legem apertam non licet violare. p.177.n.71.  
Legum quæ in hoc toto opere elucidantur explicationem vide in fronte huius Tractatus , vbi singulas reperiæ collectas , & accurato indice denotatas.  
Legitima portio quatenus debeatur. p.35.n.7.  
Legitima portio an tolli possit. ibid.  
Legatum vbi peti possit. p.360.n.19  
Legata res vbi tradenda sit. ibid.n.20  
Legata re obligata, aut pignori tradita, cuius expensis sit luenda. p.363. num.23.  
Legatum alimentorum quid contineat. p.47.n.37  
Legatum factum ab vxore vel viro de re lucrata. p.457.n.32  
Legatum limitatum. p.71.n.36.& 37  
Legatum esse inutile non est nouum. p.355.n.5.  
Legato alteri vsufructu , alteri fundo, quomodo constet legatum. p.282. num.19.

Legatarius si solutis tributis & oneribus nullam vtilitatem sit percepturus ex legato, an teneatur ad onera. p.354.n.4.  
Lælij Aurelij de origine feudorum opinio. p.253.n.18  
Libri an conferantur à filio. p.58.n.6  
Libripens quid antiquis. p.3.n.4  
Libellus magis sustinetur ex parte quæ iuuat , quàm destruitur ex ea quæ nocet. p.378.n.29  
Limitata venditio aut donatio quæ sit. p.71.n.36.& seq.  
Limitatæ venditionis aut donationis effectus. ibid.  
Litania quid. p.439.n.37  
Litis contestatio an semper habeat effectus male fidei , & quatenus. p.96.n.2.& p.482.n.15.& seq.  
Locatio an requirat de necessitate pensionem soluendam in pecunia. p.314.n.20.  
Locatio , vide verbo *Conductor*.  
Locatio ad longum tempus vtile dominium transfert. p.297.n.1  
Locatio ad longum tempus quæ sit. p.298.n.2.  
Locationi ad longum tempus an teneatur stare particularis successor. p.302.n.5.  
Locatio ad longum tempus an sit similis emphyteusi. ibid.n.6  
Locare ad longum tempus an liceat prohibitis alienare. p.301.n.4  
Lucæ de Peña de origine feudorum opinio. p.252.n.14  
Lucra seruanda filiis in Hispania quæ sint. p.281.n.17  
Luçtuosa quid. p.155.& seq.n.1.& 2  
Luçtuosa semper habet præsumptionem coactionis & metus. pag.156. num.3.  
Luçtuosa habet duplicem odij causam. p.157.n.7  
Luçtuosæ vt obtineri possint, necessaria



# R E R V M.

- ria est immemorialis possessio. p.158.num.8. & quatenus teneatur de mortalitate. p.511.n.48
- Luctuosa debet fuisse vniformis perpetuò. p.162.n.26 Mala fides alibi exuberat abundantius. p.9.n.13
- Luctuosa si variauit, tota corrumpitur. ibid. num.27. Malæ fidei possessor quas expensas conferuet. p.20.& 21.n.1.& 2
- Luctuosa requirit possessionem sine viâ coactione. p.165.n.35 Malæ fidei possessor an habeat exceptionem de dolo. p.21.n.3
- Luctuosam si Domini iurisdictionem in loco exercentes velint, probare debent solutionem spontaneam, quia contra ipsos est duplex præsumptio. ibid.n.36 Mala fides ad iuris effectus varia est. p.27.n.17.
- Luctuosarum causâ si Domini arrestabant, constat de violentia. ibid. num.37. Malæ fidei possessor nunquam restituit fructus meliorationum. p.512.n.49.
- Luctuosa ius quomodo extendatur de vassallo ad vassallum, qui nunquam soluit. ibid.n.38.& seq.ad n.49 & an teneatur de percipiendis. p.507.n.43.
- Ludus chartarum pictarum habet suas expensas. p.441.n.39 Magnum & paruum est arbitrium. p.222.n.16.
- Ludi publici, & publica spectacula publicis sumptibus facienda. p.434.num.24. Magna res comparata ad maiores expensas dicitur parua. ibid.n.17
- Ludi publici & spectacula omittenda sunt, si Respublica onerata est ære alieno. ibid.n.25 Mansum quid. p.254.n.22
- Ludis publicis & spectaculis peractis, quod superest pertinet ad Rempublicam. ibid.n.26 Maioratus augmentum cui cedat. p.445.n.5.
- Ludi Romanorum referuntur. p.433.num.28. Maioratus Hispani, & fideicommissa non exæquantur. p.325.n.3
- Ludi Hispanorum referuntur. ibid. Ludi publici lege probati. pag. 434. num.29. Maioratus quid differat à fideicommissò. p.326.n.4
- Ludi publici Græcorum. ibid.n.28 Maioratus possessor an soluat debita. p.329.& seqq.n.7.9.& 14.
- M Maioratus possessor quos fructus restituat. p.507.n.42 Maioratus possessor an soluat expensas funeris. p.343.n.33
- Mala fides an inducatur ex contestatione litis. p.482.n.13 Maioratus possessor quid expendat nomine alimentorum. p.348.n.34. & 35. quid nomine dotis. p.352.n.42
- Malæ fidei possessor ædificans in alieno, an amittat expensas. p.29.n.18. Maioratus possessor quid expendat nomine sumptus litium. p.348.num.36.
- Maioratus successor quid expendat nomine tributi, oneris & collectæ. p.349.n.37.
- Maioratus possessor quid expendat nomine damni illati. ibid.n.38
- Maioratus possessor an mutet formam rei. p.351.n.41
- Maioratus possessor tenetur inuentarium facere. p.250.n.67
- Manubriæ quæ sint, quid distent à præda. p.250.n.67

# INDEX

- præda. p.27.n.17  
 Mare eius est eius, cuius est territorium adiacens. p.438.n.34  
 Marischalculus quis. p.260.n.37  
 Marchia quid. ibid.  
 Maritus in æstimatione rei dotalis æquatur minori. p.375.n.22  
 Maioratus an compenset fructus eum expensis. p.295.n.58  
 Maritus an habeat ius retentionis in rebus dotalibus melioratis. p.294.num.57.  
 Maritus an sit dominus rerum dotalium. p.277.& seqq.n.1.& 6  
 Maritus diuidit thesaurum inuentum in fundo dotali. p.277.n.2  
 Maritus alienat lucra acquisita constante matrimonio. p.282.n.18  
 Maritus lucra an donare possit. ibid.n.19.& an leget. ibid.n.20  
 Maritus quantum expendat nomine alimenti. p.283.n.21  
 Maritus quantum expendat cum vxore nomine vestium. p.284.n.22  
 Maritus quatenus expendat in funere vxoris. p.285.n.25  
 Maritus quid expendat nomine oneris & tributi. p.285.n.27  
 Maritus quid expendat nomine commissi ob non solutam pensionem. ibid.n.28.  
 Maritus tenetur de dolo & culpa. ibid.num.29.  
 Maritus sustinet periculum nominum dotalium. p.286.n.34  
 Maritus si leget vxori dotem, an videatur remisisse expensarum deductionem. p.293.n.50  
 Maritus litiganti secum vxori an præstet expensas. p.294.n.51  
 Maritus an teneatur de expensis funeris vxori. p.146.n.42  
 Maritus de funere vxoris an teneatur appposito pacto contrario. ibid.  
 Maritus tenetur de funere vxoris, & pertinet ad ipsius dignitatem. p.148.num.47.  
 Maritus potest incidere arbores cædudas renascituras. p.228.n.36  
 Marialis epigramma. p.26.n.16.& p.429.n.15.& 17.  
 Mater intra triennium alere tenetur. p.43.& seqq.n.29.30.& 31.  
 Mater paupercola iuste petit æstimationem alimenti intra triennium à parente. p.45.n.31  
 Matri aliquando arripitur filius alibi alendus. ibid.n.32  
 Medicamina quatenus veniant nomine alimenti. p.49.n.42  
 Melioratio verbum Latinum est. p.5.num.8.  
 Melioratus rectè dicitur filius cui maior pars relicta est. ibid.  
 Melioratio quid sit. ibid.  
 Meliorationes quæ fiunt ex pacto, quomodo conferuntur. p.102.num.12.  
 Meliorationes factæ ex forma contractus sunt pars contractus. p.103.num.13.  
 Meliorationes non malignè factæ, quas dominus rei soluere non potest, quomodo soluantur. p.102.num.11.  
 Meliorationes intra tempus retractus an conferuntur. p.99.n.8  
 Melioratio re perempta, aliquando debetur. p.97.n.6  
 Meliorationes factæ post litem contestatam an conferuntur. p.97.n.6  
 Meliorationes factæ post commissum an conferuntur. p.98.n.7  
 Meliorationes factæ post denuntiationem & protestationem, ne fiant, an conferuntur, vide toto capite 6.& seqq.  
 Meliorationes omisæ in iudicio, in executione opponi possunt. p.103.num.14.



Meliorationes an sint prius soluendæ,  
quàm res restituatur. p.105.n.18

Meliorationes non liquidæ executi-  
ua iudicia an impendant. p.100.  
num.10.

Meliorationes sunt propria bona me-  
liorantis. p.106.n.20.& p.514.n.52

Meliorationes suas potest quisque  
vendere & obligare. p.106.n.20

Meliorationes maiores emphyteuta  
nunquam amittit. ibid.n.21

Meliorationes emphyteuta tenetur fa-  
cere, colonus non item. p.106.  
n.20.& seq.

Meliorationes traditas quomodo pos-  
sis exigere. p.110. & seqq. toto  
cap.7.

Meliorationes à se non factas aliquan-  
do sibi quis conseruat. p.117.n.13

Meliorationes in re emphyteutica  
quæ confiscari non potest, possunt  
confiscari. p.212.n.52

Meliorationes factæ à parente in re  
filij confert filius. p.221.n.14

Meliorationes factæ in re vxoris sunt  
bona lucrata. ibid.n.15

Meliorationes quas faciunt beneficia-  
ri, Prælati & Episcopi, cedunt Ec-  
clesiæ. p.241.n.71

Meliorationes factæ à vassallo in feu-  
do aperto, an acquirantur Domino.  
p.274.n.84.

Meliorationes factæ ab emphyteuta  
sunt ipsius propriæ. p.319.n.1

Meliorationes, quas faciat de suo em-  
phyteuta. ibid.n.2

Meliorationes emphyteuta quas amit-  
tat ex causa commissi. ibid.n.3

Meliorationum vtilitas vnde depen-  
deat. p.319.n.7

Meliorationes emphyteuta qua ratio-  
ne consequatur. ibid.n.8

Meliorationes factas à rusticis an con-  
seruet sibi emphyteuta. p.320.n.9

Meliorationes factas ab hærede in re

hæreditaria recuperat hæres à co-  
hærede. p.367.n.2

Meliorationes an & quomodo conse-  
quatur actione ex empto. p.368.  
num.7.

Meliorationes conseruantur rescisso  
contractu ex causa restitutionis.  
p.373.n.15.

Meliorationes intra tempus retractus  
factæ. ibid.n.17

Meliorationes factæ intra quadrienn-  
nium legis secundæ de rescinden-  
da venditione. ibid.n.18

Melioratio an contineat augmentum.  
p.375.n.72.

Melioratio facta re hypothecata à credi-  
toribus, conseruantur melioratio-  
nes. p.389.n.55

Meliorationes factæ à debitore vel  
creditore, an hypothecata sint.  
p.386.n.47. & p.396.n.75.

Meliorationes factæ à tertio posses-  
sore an sint hypothecata creditori.  
ibid.n.76.

Meliorationes suas an conseruet sibi  
tertius possessor oblata vera æsti-  
matione, secundum antiquum sta-  
tum. p.397.n.77

Meliorationes factæ in solo maioratus  
alterius coniugis cui cedant. p.291.  
num.43.

Melioratio an debeatur, an vero sum-  
ptus, an vtrumque. p.522.n.1

Meliorationis articulus quomodo sit  
concipiendus. p.523.n.2

Meliorationum æstimatio quando fiat  
secundum statum. p.524. & seq.  
n.3. & 4.

Meliorationes an sint æstimandæ in  
concreto. p.526.n.5

Meliorationum æstimatio quomodo  
fiat. p.522. & seqq. toto cap.24

Militia olim quid, quid hodie; & de  
expensis factis ad comparandam  
militiam. p.61.n.14.15. & 16

# INDEX.

Minera, siue minerale repertum in agro dotali, emphyteutico, feudali, cui cedat. p.466.n.47  
 Molinei de feudorum origine opinio. p.249.n.7.  
 Molineus temerè ait Hispanos victos à Gallis. p.250.n.9  
 Molineus reprehenditur. p.19. n.35. p.92. n.27. p.117. n.11. p.122.n.23. p.124. n.25. p.371. n.13. & p.531. n.13.  
 Mobilia & iocalia, viriolæ, & inaures, à lege de thesauris deciduntur. p.471.n.55.  
 Mutata qualitate bonorum, sit bonorum mutatio, & quæstio quotidiana. p.269.n.79

## N

**N**atura an alat, an alimentum, an qui alimentum præstat. p.25.n.13.  
 Natura post procreationem sapienter educationem constituit. pag.33. n.4.& 5.  
 Natura nihil amat quod ab honestate absit. p.41.n.22  
 Naturales filij qui olim. p.39.n.21  
 Naturales hodie præsumimus, olim non item. ibidem: vide suprà, verbo *Filij*.  
 Necessaria expensa: vide suprà, verbo *Expensa*.  
 Nouendiale in funeribus antiquum. p.136.n.16.  
 Noya Galleciæ vrbs omnium Gallecarum vrbiũ antiquissima. p.150. num.51.

## O

**O**buentiones an sint fructus. p.425.n.3.  
 Occidit quis etiam per subtractio-

nem. p.425.n.3  
 Officium iudicis in malæ & bonæ fidei possessore varium est. p.21.n.2  
 Officia publica lucrata constante matrimonio. p.61.& seq.n.14.15.& 16  
 Officia publica imputantur & conferuntur. ibid.  
 Officia publica quomodo æstimentur. ibid.  
 Onera & tributa sequuntur fructus. p.231.n.45. & de nouo imposita. ibid.n.47.  
 Onera & tributa non consueta, cui sint soluenda. ibid.n.48  
 Onera & tributa præterita. ibid.n.49  
 Onera & tributa habent rem obligatam. p.232.n.50  
 Onera & tributa soluens tanquam possessor, contra quem agat. ibid. num.51.  
 Onera & tributa an efficiant vsum fructum inanem. p.236.n.61

## P

**P**actum appositum vt abradere liceat, quid operetur. p.19.n.34  
 Pactum vt res meliorata restituatur, quid operetur. p.102.n.12  
 Pacto quod fieri nequit, neque fit delinquendo. p.211.n.48  
 Pragmaticus quis vere sit. p.359.n.17  
 Præsumptio iuris quare ita dicta. p.141.n.28.  
 Præses Galleci Senatus quid & quantum doner. p.414.n.10  
 Prado vnde dicatur. p.27.n.17  
 Præda quæ sit, & quid distet à manubriis. ibid.  
 Prædonis nomine simplicem malæ fidei possessorem intelligunt Iureconsulti. ibid.n.17  
 Præsumens sine lege, temerè præsumit. p.141.n.28  
 Præscriptio stricti iuris est, & non extenditur.



# R E R V M.

- tenditur. p.165.n.38
- Præscriptio iuris realis an extendatur. ibid.n.39.
- Præscriptio quatenus extendatur de vno actu ad alium. p.166.n.40
- Præscriptio iuris personalis an extendatur de vno ad alium. ibid.n.41. & 42.
- Præscriptio distinguitur à consuetudine. p.167.n.43
- Præscriptio quot, & quibus actibus sustineatur. p.169.& seq.n.47.& 50
- Præscriptio luctuosarum, vide verbo *Luctuosa*.
- Parentes odio habent filios petentes alimenta. p.33.n.2
- Parentes alere tenentur liberos. p.32. & seq.n.1.& 2.
- Parentes, aui, proaui, atau, paterni & materni, quo ordine alere tenentur. p.46.n.33
- Pars Dialecticis est species. p.191.n.7
- Partiarius colonus an deducat expensas fructuum. p.13.n.22
- Partes singulæ an æstimentur pluris quàm totum. p.528.n.6
- Papinianus magister Vlpiani, Iulij, Pauli, Claudij, Pomponij, Alpheni, Aphricani, Florentini, Martiani, Callistrati, Modestini. p.475.n.2.
- Pater qui semel cœpit expendere Salmanticæ cum filio, an teneatur perficere. p.52.n.52
- Pater velit nolit an teneatur præstare expensas filio nauanti literis. ibid. num.50.
- Pater qui habet bona filij, expensas factas cum filio an videatur donasse. p.56.n.2
- Patris facultas ad alendum ex redditibus inspicienda est. p.63.n.18
- Pater fructuarius est rerum filij, & item dominus. p.190.n.2.& p.215. num.2.
- Pater fructuarius an teneatur facere omnes expensas. p.218. num.8. & p.220.n.11.
- Pater mutata forma rei retinet vsum fructum. p.223.n.24
- Pater quid & quantum noceat filiis in rebus maternis delinquendo, vel omittendo. p.277.n.3
- Pater renunciando emphyteusi an noceat filiis. p.286.n.32.& 33
- Pater fructuarius an faciat inuentarium. p.239.n.66
- Pecus alienum in agro tuo repertum pro damno retinere non potes, datis aliis pignoribus. p.59.n.8
- Pecus alienum propter pabula retineri potest. p.67.n.28
- Pensionarius pro rata soluit collectas. p.254.n.58.
- Pensiones decursas soluens, quas alius erat soluturus, qua ratione recuperet. p.232.n.51.& seq.
- Permutatio antiquissimus omnium contractus. p.2.n.1
- Permutationis initium. ibid.
- Permutationis inutilitas vnde cœperit. p.3.n.2
- Personalis seruitus quæ sit. p.195.n.14
- Pestis Galleca. p.152. n.51. & p.512. num.48.
- Plantatio vinearum an sit melioratio. p.5.n.8.
- Plantatio, imboscatio, & cultura, quantum pertineant ad meliorationes. p.319.n.4
- Pœnæ fiscales sunt fructus iurisdictionis. p.431.n.22.& p.475.n.4
- Pœna imposita emphyteutæ alienanti an habeat locum in conductore ad longum tempus. p.304.n.8
- Pœna conuentionalis apud suprema tribunalia non exigitur. p.174.n.63
- Pœna conuentionalis quanta esse debeat, difficillimum. p.175.n.65
- Pœna adiecta obligationi quantitatatis facile

# INDEX

- facile inducit vsuræ suspicionem. p.176.n.66.
- Pœnæ conuentionalis vltra id quod verè interest, ratio admittitur. ibid. num.67.
- Pons, fons, puteus, & res plurimis communis, cuius expensis rescindenda, & an protestatio iuuet. p.405. num.13.
- Ponteuedra authoris patria. p.151.ad fin.
- Ponteuedræ origo. ibid.
- Possessor bonæ fidei sine titulo. p.502. num.37.
- Possessor bonæ & malæ fidei quos fructus lucrentur. ibid. & seqq.
- Praxis legis secundæ de rescindenda venditione. p.378.n.28
- Prælati de rebus dignitatis tenentur facere inuentarium. p.239.n.66
- Prælati an soluant debita contracta in vtilitatem Ecclesiæ. p.334.n.14
- Prælatus quid, quantumve noceat Ecclesiæ delinquendo vel omittendo. p.277.n.3.
- Privatus agens ad vtilitatem publicam an habeat expensas ex publico. p.294.n.54.
- Probatio expensarum & meliorationum qualis. p.422.n.23
- Pupillus agens querelâ inofficiosi, an sit alendus. p.294.n.53
- Pupillorum sine parente miserrimam conditionem, ex particulari casu. p.420.n.21.
- Putei communis refectio qualis, & ad quem pertineat. p.405.n.13
- Q**
- Q** Vadrans quid. p.428.n.13
- Q**uadrantal vsura quid. p.406. num.15.
- Q**uadrantes centum faciunt sportulam. p.428.n.12
- Quasi, verbum similitudinis est. p.115. num.8.
- Quasi, verbum exprimit aliquando verum. ibid.
- Quincuncis figura quæ. p.464.n.45
- R**
- R**egnum an deferatur iure hæreditario. p.337.n.16
- Regni augmentum an sit regnum. p.453.n.22.
- Regnum Hispaniæ qualiter acquisitum sit iure Gothorum. pag.337. num.17.
- Regnum additum alteri, quibus legibus regatur. p.453.n.23
- Regni successio multa habet particularia. p.343.n.31
- Regi Hispaniæ qui solum gradum appellationis relinquunt, delirant. p.267.n.58.
- Regis Alfonso noni tempore intra patrum & nepotem de Regno quæstio orta est. p.340.n.25
- Regis Sanchi exhæredatio variè agitata est in Regno tempore Ioannis primi. p.342.n.28
- Regis maiestas inuenta est propter vtilitatem ciuium, non Regis. p.437.num.32.
- Regis opibus exhaustis in vtilitatem ciuium, ciues refundere tenentur. ibid.n.33.
- Regulares & olim, & hodie poterant compelli venire ad publicas precesiones. p.433.n.28
- Relatoribus debere publicum stipendium constitui. p.387.n.51
- Releuium quid sit. p.278.n.5
- Religio metum habet. p.129. & seqq. à num.4.
- Religiosus locus quis. ibid.
- Religiosus vir quis. ibid.
- Religiosa loca meticulosa. ibid.
- Religiosi



# R E R V M.

- Religiosi dies qui. *ibid.*  
 Remedium legis 2. *de rescind. vend.* durare Principi, Ecclesiæ & Reipublicæ 30. annis. p. 383. n. 39  
 Remissio an sit facienda conductori ad longum tempus, sicuti emphyteutæ, propter sterilitatem. p. 279. num. 9.  
 Rerum quæ fructuosæ non sunt, est aliqua commoditas. p. 143. n. 33  
 Rerum infructuosarum commoditatem agnouerunt Iurisconsulti. *ibid.*  
 Restitutionis spes an impediatur ciuile effectus. p. 387. n. 51  
 Restitutionis indicium est stricti iuris. p. 383. n. 41.  
 Restitutio propriis expensis facienda est eius qui restituere tenetur. p. 424. n. 1.  
 Respublica potest compellere ciues suos ut otiosam pecuniam mutuent ad necessitates publicas. p. 269. n. 67  
 Retineri quando possit alia res. p. 10. num. 16.  
 Retineri pro expensis res potest. *ibid.*  
 Retentionis causæ. *ibid.*  
 Rex an teneatur soluere debita defuncti Regis. p. 335. n. 15  
 Rex Hispaniæ non recognoscit superiorem. p. 176. n. 69  
 Rex Hispaniæ potest alienare tertias. p. 187. n. 98.  
 Rex noster Philippus à Carolo magno originem ducit. p. 251. n. 12  
 Rex Hispanus solus fundat intentionem in Hispania in iurisdictione. p. 266. n. 57.  
 Rex Hispaniæ concurrit cum inferioribus. *ibid.*  
 Rex Ferdinandus, cognomento Magnus, regnum diuisit inter quatuor filios. p. 339. n. 20  
 Rex Sanchus frustra recusauit regni diuisionem. *ibid.* n. 21  
 Rex Sanchus à parente exheredatus est. p. 340. & seq. n. 22. & 26  
 Rex Alfonsus, cognomento Imperator, regnum diuisit inter liberos. *ibid.* n. 24.  
 Rex Alfonsus nonus iussit debita soluere à regni successore. p. 342. n. 29. & 30.  
 Rex noster potest ponere milites præsidarios in castro nobilis, eo inuito. p. 437. n. 31.  
 Ricinia quid. p. 134. n. 11  
 Riciniis & olim, & hodie modus impositus. *ibid.*  
 Rolandus Gallus occisus ad Hispanis. p. 134. n. 11.  
 Romanorum diurnæ exercitationes. p. 429. n. 17.  
 Romanorum ludi publici. p. 433. n. 28

## S

- S**alarium curatoribus, administratoribus potest assignari. p. 415. num. 13.  
 Salarium quibus possit assignari. *ibid.* num. 14.  
 Sceptrum regium in summo ciconiam, in imo hyppopotamum habebat. p. 77. n. 54  
 Scholasticos Bartolus pessimè cum arcariis, braccariis, muscariis, & aliis id genus comparat. p. 59. n. 8  
 Sedilia, vulgò *strados*, non possunt poni in propriis sepulchris. p. 150. num. 51.  
 Sedere in sepulchro suo unicuique permittitur. *ibid.*  
 Sedendi usu in sepultura maiorum non potest quisquam priuari. *ibid.*  
 Sedere in templo in nobiliori loco debent nobiliores. *ibid.*  
 Sedere in templo in nobiliori loco cum iniuria alterius non debet nobilior. *ibid.*  
 CCcc Sepeliendi

# INDEX

- Sepeliendi modus obseruatus à Græcis. p.132.n.6
- Sepulchrum sanctum Mausolo Regi Caria. ibid.n.7
- Sepulchrum barbarè negligitur. p.132.n.5.
- Sepeliri cum maioribus iam olim obseruatum. ibid.
- Sepulchrorum ius latè traditur. p.129. num.4.
- Sepulchrum habenti maiorum non est nouum sepulchrum comparandum. ibid.n.4
- Sepeliri in sepulchro maiorum nulli prohibitum. ibid.
- Sepulchrorum diuisio. ibid.
- Sepulcha & capellæ ad sepeliendum liberis communia. ibid.
- Sepeliri in sepulchro maiorum liberi possunt, etiamsi non sint hæredes. ibid.
- Sepulchrum quando sit religiosum. p.132.n.5.
- Sepulchrum vendi nefas. p.150.n.51
- Sepulchrorum ius quatenus pertineat ad iudicem laicum. ibid.
- Sepulchri nullum est dominium, nulla possessio. ibid.
- Sepulchrum habet suum vsu. ibid.
- Sepulchrum alienum nemo occupat. ibid.
- Sepeliebantur olim omnes extra ciuitatem. p.134.n.10
- Sedes & specus pertinent ad expensas. p.8.n.12.
- Sepeliri in vrbe licebat viro triumphali. ibid.
- Sepulti qui fuerint in foro Romano. ibid.
- Sepulchrorum leges à Romanis & Græcis latæ. p.133.n.8
- Seruitutes sunt indiuiduæ. p.192.n.9
- Seruitus realis quæ sit. p.196.n.15
- Seruitus personalis non egreditur personam. p.195.n.14
- Seruitutem in proprio fundo nemo habet. p.200.n.24
- Seruitus realis quæ sita emphyteusi, maioriæ, feudo, vsufructui, Ecclesiæ, cui cedat. p.451.n.17
- Sestertium quid. p.428.n.14
- Sestertius quid. ibid.n.13 & 14
- Situs verbum vnde. p.134.n.11
- Sociorum ius æquum. p.400.n.1
- Socium cauere nemo potest. ibid.n.2
- Socius quam diligentiam adhibere debeat. ibid.n.3
- Socij, & qui rem communem habent, expensas quomodo conferunt. p.401.n.5.
- Socius qui parietem communem habet, & reficit suis sumptibus, expensas quas recuperet. p.404.n.10
- Socius iure societatis potest reficere rem communem. ibid.n.11
- Socius etiamsi voluntariè vel vtiliter expendit, consequitur expensas. p.405.n.12.
- Societas viri & vxoris. p.280.n.13. & 14.
- Solarium quid sit. p.91.n.25
- Solonis lex defenditur contra Couaruiam. p.46.n.33
- Solemnitas iuris qualis præsumatur nota, qualis ignota. p.494.n.28
- Spectacula publica publicis expensis facienda. p.432.n.24
- Spectacula omittenda si subsit æs alienum. ibid.n.25
- Spectacula Græcorum & Romanorum. p.433.n.28
- Spectacula Hispanorum. ibid.
- Spectacula & ludi taurorum quantum liceant. ibid.
- Spectacula & ludos lege esse comprobatos. p.434.n.29
- Spectacula ferarum Ciceronem non delectabantur. p.433.n.28
- Sportula quid. p.414.n.12
- Sportula continebat centum quadrantes.



drantes. p.415.n.12  
 Spuriij dicti sine patre. p.39.n.21  
 Spuriij olim qui. ibid.n.21  
 Spuriij hodie qui. ibid.  
 Spuriij & naturales longè absunt à naturæ legibus. ibid.  
 Stabularius non restituit bona hospitis nisi solutis expensis. pag.140. num.26.  
 Stipulationis duplæ origo & capita. p.369.n.8.  
 Stipendium duplex non habetur iustè. p.427.n.6.  
 Stipendiorum multiplicatio sæpe facit à iusto aberrare. ibid.n.7  
 Stragula vnde dicta. p.52.n.50  
 Stragula conuoluta habere quid sit. ibid.  
 Substitutionis pupillaris difficultas. p.78.n.56.  
 Subsistentia per se separatam habet rationem acquisitionis & omissionis. p.444.n.4  
 Superficiariæ ædes quæ sint. pag.83. num.9.  
 Superficiarius conductor quis sit. p.310.n.16.  
 Supplicatio Romanis quid. pag.439. num.37.  
 Sumptus an debeatur, an melioratio, an vtrumque. p.522.n.1  
 Suprema tribunalia non debent recedere à lege: si difficilis decisio sit, consulant Regem. p.176.n.68  
 Sylla inter Cornelios primus crematus. p.134.n.11  
 Sylua cædua quæ dicatur. pag.227. num.31.  
 Syluæ cæduæ incisio debet esse ad utilitatem. p.228.n.35  
 Syluæ non cæduæ usufructu relicto, an cædi possit. p.229.n.37

T

**T** Aurorum spectacula an licita. p.433.n.28.  
 Taurorum spectaculum prudentibus iniucundum. ibid.  
 Termini naturales qui sint. p.463.n.42  
 Tessera quid & quid differat à militia. p.316.n.16.  
 Testis potest testificari de his quæ vidit ante pubertatem. p.163.n.32  
 Testibus duobus affirmantibus magis creditur quàm mille negantibus. ibid.n.32.  
 Testes bonos vbi lex requirit, debet bonitas probari. p.160.n.15  
 Testis ad probandam immemoriam cuius ætatis esse debeat. p.159.n.9  
 Testis de immemoriali, quid & quomodo attestaturus sit circa ea quæ audiuit. ibid.n.10  
 Testis de immemoriali in materia odiosa exactissimo debet attestari. ibid.n.11.  
 Testes de immemoriali debent esse probi, & debet probari ista probitas. p.160.n.14  
 Testes tres, aut plures, si diuersas summas testificentur, an habeat locum caput 1. de arbit. lib.6. in §. si plures. p.535.n.15  
 Testantium voluntates esse adiuvandas qualiter dicatur. p.356.n.6  
 Testamentum per æs & libram quale fuerit antiquis. p.315.n.5  
 Thesaurus inuentus à marito in agro dotali diuiditur. p.277.n.3  
 Thesaurus repertus in fundo dotali, emphyteutico, maioris, fructuario, Ecclesiæ, cui cedat. p.469.n.49  
 Thesaurus non est acquirendus malis artibus. p.471.n.53  
 Thesauri variæ leges proditæ. ibid. num.54.

# INDEX

- Theſaurus eſt accipiendus de moneta veteri, quæ nullibi hodie excudatur.** *ibid.* n. 57.  
**Theſaurus non comprehendit pecuniam recentem inuentam.** *ibid.*  
**Theſauri leges comprehendunt monilia, inaures, viriolas reconditas.** p. 471. n. 55.  
**Tobias moriens quid præceperit filio.** p. 129. n. 4.  
**Totum an valeat plus quàm ſingulæ totius partes iunctæ, ad l. 2. C. de reſcind. vend.** p. 528. n. 6  
**Tradens rem ſuam, apponit leges quas vult.** p. 174. n. 62  
**Transactio de alimenris, quæ alimenta contineat.** p. 48. n. 38  
**Tributa ſequuntur fructus.** pag. 231. num. 45.  
**Tributa de nouo impoſita, non ſolùm antiqua, fructus ſequuntur.** *ibid.* num. 47.  
**Tributa debita fiſco an deducantur deductis expenſis ſeminis & laboris.** p. 12. n. 20.  
**Triens quid.** p. 406. n. 15  
**Trientalis uſura quid.** *ibid.* n. 15  
**Tutor quid, quantum expendat, vide verbo Curator, & p. 409. & ſeqq. toto cap. 20.**  
**Tutor expenſas ad diſciplinās facere tenetur.** p. 52. n. 51. & p. 53. n. 53  
**Tutor an deducat decimam deductis expenſis fructuum.** p. 431. n. 22. 23  
**Tuy vrbs, antiquis caſtellum Tydei.** p. 150. n. 51.  
**Tuy vrbs ſaluberrima.** *ibid.*  
**Tuy vrbs author.** *ibid.*  
**Tybon, vulgò tumba, vnde.** p. 133. num. 9.  
**Vaſſalli cenſiti qui dicantur.** p. 171. num. 51.  
**Vaſſalli ſolariegi qui dicantur.** *ibid.* num. 52.  
**Vaſſalli de manſata qui.** *ibid.* n. 53  
**Vaſſallus de manſata quicquid acquirat, Domino acquirit.** p. 171. n. 54  
**Vaſſallus nihil aliud ſoluit quàm cenſum.** p. 172. n. 55  
**Vaſſallorum Domini niſi ex immemoriali ab iſtis nihil exigunt præter cenſum.** *ibid.* n. 56  
**Vaſſallo quaſita quomodo cedant Domino.** p. 174. n. 61  
**Vaſſallus ſi triginta annis ſoluerit, inducitur præſcriptio.** p. 173. n. 58  
**Vaſſallus abutens iuriſdictione, ipſa priuatur.** p. 266. n. 55  
**Vaſſalli negligentia in exercenda iuriſdictione prodeſt domino.** *ibid.* num. 56.  
**Vaſſallus expendit reparando.** p. 270. num. 71.  
**Vaſſallus expendit ſoluendo tributa, onera, & collectas.** *ibid.*  
**Vaſſallus tenetur alere filium Domini emortui.** p. 271. n. 76  
**Vaſſallus an incidere poſſit arbores frugiferas.** p. 272. n. 78  
**Vaſſalli qui dicantur.** p. 260. n. 38  
**Vaſus quis dicatur.** *ibid.* n. 37. & 38  
**Valuaſſores qui.** *ibid.* n. 38  
**Valuaſſini qui.** *ibid.*  
**Valuaſſores comitantur Regem Romanorum ſuis ſumptibus.** p. 273. num. 82.  
**Verba ſæpe ex propria ſignificatione iuxta ſubiectam materiam trahuntur ad improprium.** p. 487. n. 19  
**Veſtis legatum an contineat orbiculos & clauos aureos affixos.** p. 184. num. 87.  
**Veſtes viduales vt dentur, requiritur conſuetudo.** p. 146. n. 39.  
**Veſtes viles præſumuntur donatæ vxori**

## V

**Vaſſallus quomodo decedat à manſo.** p. 174. n. 60



# R E R V M.

vxori, & quare. p.145.n.38  
 Vestes legubres an deducantur ex quinto. p.138.n.22  
 Vestes lugubres an contineantur nomine expensarum funeris. p.136.num.17.  
 Vestes lugubres quibus præstandæ, & cuius expensis. p.138.n.22  
 Vidua an habeat lectulum mariti, & de quo lectulo intelligenda sit. p.146.n.41.  
 Viduæ an sit danda vestis luctuosa. p.141.n.29.  
 Viduæ quomodo & quando restituenda sit dos. p.142.n.30  
 Vir vxorem pauperem de suo funerat. p.139.n.24.  
 Vineæ plantatæ in solo alterius coniugis cuius sit. p.290.n.42  
 Voluptariæ expensæ quæ. p.8.n.10  
 Voluptarias expensas an deducat bona fidei possessor. ibid.p.18.n.32  
 Voluptarias expensas malæ fidei possessor an abradat. p.83.n.9  
 Vfusfructus variè accipitur in iure. p.189.num.1.  
 Vfusfructus in aliquibus pars est domini. ibid.  
 Vfusfructus in aliquibus est seruitus. ibid.  
 Vfusfructus aliquando cum proprietate est coniunctus, & est veluti res corporea. ibid.  
 Vfusfructus non est pars corporea fundi, sed est pars substantialis fundi. p.190.n.4  
 Vfusfructus est diuiduus, contra rationem reliquarum seruitutum. p.192.num.9.  
 Vfusfructus commoditas aliquando est separata à iure. ibid.n.9  
 Vfusfructus quomodo nec sit in bonis, nec extra bona. p.193.n.11.& seq.  
 Vfusfructus proprii fundi non est

seruitus. p.195.n.14  
 Vfusfructus diuiduus est, & legatur pluribus simul, & omnes concurrunt. p.196.n.17  
 Vfusfructus legatus pluribus quomodo diuiditur. ibid.  
 Vsumfructum qui vniuersè & sine distinctione tradit, aut fallit, aut fallitur. p.197.n.18  
 Vfusfructus & proprietates sunt partes substantiales integrantes fundum. ibid.n.16.  
 Vsumfructu alteri legato, alteri verò fundo, quomodo constet legatum. ibid.  
 Vsumfructu legato potest proprietates legari. p.198.n.21.& 22  
 Vsumfructu relicto, ita ut usufructuarius de re disponere possit, proprietates est relicta. p.200.n.25  
 Vsumfructu concessio in omni genere actus cum libera dispositione rei, est concessio proprietatis. p.201.n.26  
 Vfusfructus an possit vendi, latè disputatur. ibid.n.27  
 Vfusfructus alienationem quæ iura videantur permittere. ibid.n.28  
 Vfusfructus ius cedi non potest. p.207.num.39.  
 Vfusfructus venditor an amittat hodie vsumfructum. p.208.n.41  
 Vsumfructuarius qui vendidit vsumfructum, adhuc remanet usufructuarius. p.209.n.42  
 Vsumfructuarius venditor vsumfructus agere potest nomine domini. ibid.num.43.  
 Vfusfructus emptore dilapidante venditor tenetur. ibid.n.44  
 Vfusfructus alienatione prohibita, an prohibeatur alienatio commoditatis. ibid.n.45.& 46  
 Vfusfructus quatenus confiscari possit prohibita alienatione ipsius. p.211.n.47.

# INDEX

- V**sfusfructus relictus ea lege ne vsusfructus aut commoditas alienari possit, fructuario delinquente an fructus confiscentur. p.212.n.53
- V**sfusfructuarius tenetur facere omnia quæ diligens rei custos facit. p.215.num.1.
- V**sfusfructuarius agere potest nomine proprietarij sine mandato. p.216.num.3.
- V**sfusfructuarius an sit procurator in rem suam. ibid.n.4
- V**sfusfructuarius quas expensas facere tenetur. ibid.n.5
- V**sfusfructuarium legitimum teneri ad solutionem legatorum, quomodo intelligendum sit. p.217.n.6
- V**sfusfructuarius alius dativus, alius legitimus. p.218.n.7
- V**sfusfructuarius expensas litis quas præstet. p.219.n.10
- V**sfusfructuarius dativus & legitimus an præstent expensas ad reficiendum. p.221.n.12
- V**sfusfructuarius an habeat vsumfructum domus exustæ & reparatæ. p.223.n.19.
- V**sfusfructuarius an amittat vsumfructum agri inundati. ibid.n.20
- V**sfusfructuarius an habeat vsumfructum sylvæ excisæ. ibid.n.21
- V**sfusfructuarius auri & argenti, an sit vasis ex eo conflati. ibid.n.22
- V**sfusfructuarius navis, disiecta naui, an habeat vsumfructum. ibid.num.23.
- V**sfusfructuarius quadrigarum an perempto equo habeat vsumfructum. ibid.n.23.
- V**sfusfructuario reficere volenti non cogitur dominus pecuniam dare. p.224.n.25.
- V**sfusfructuarius an possit compelli reficere. ibid.n.26
- V**sfusfructuarius si facit magnam expensam in re fruenda, recuperat à Domino. ibid.n.25.& 26
- V**sfusfructuarius nihil necesse habet commonere Dominum vt reficiat. p.224.n.28.
- V**sfusfructuarius omissa parva expensa tenetur. p.222.n.29
- V**sfusfructuarius quatenus teneatur omissa magna expensa. ibid.n.30
- V**sfusfructuarius an cædat sylvam. p.227.n.31.
- V**sfusfructuarius an cedat arbores frugiferas. ibid.n.32
- V**sfusfructuarius cædendo arbores frugiferas an eiiciatur ab vsufructu. ibid.n.33.
- V**sfusfructuarius sylvæ non cædæ an incidere possit. p.224.n.27
- V**sfusfructuarius non mutat formam rei. p.229.n.38
- V**sfusfructuarius nihil novum facere potest in re fruenda. p.230.n.40
- V**sfusfructuarius perficere opus inchoatum non potest. ibid.n.42
- V**sfusfructuarius onera & tributa solvit, & nihil expectat à Domino. p.231.num.45.
- V**sfusfructuarius onerosus, an solvat onera & tributa nova. ibid.n.48
- V**sfusfructuarius an teneatur ad onera præterita. ibid.n.49
- V**sfusfructuarius tenetur de oneribus & tributis, etiam stante pacto ne teneatur. p.233.n.55
- V**sfusfructuarius an solvat onera & tributa, etiamsi vsusfructus remaneat sine utilitate. p.236.n.61
- V**sfusfructuarius an expendat circa solutionem legatorum. ibid.n.62
- V**sfusfructuarius tenetur inventarium facere. p.238.n.64
- V**sfusfructus augmentum cui cedat. p.445.n.5.
- V**sfucapio toto consistit in iure. p.497.num.31.



# R E R V M.

- Vfura centefima, femiffis, quadrantalif, trientalis, quæ fit in iure. p. 406. num. 15.
- Vfurarum quæ origo. ibid. n. 16
- Vfuræ maiores quæ, & quæ minores. p. 407. n. 18.
- Vtiles expenfas malæ fidei poffeffor recuperat. p. 80. n. 1
- Vtiles expenfæ quæ. p. 8. n. 10
- Vtiles expenfas quatenus conferuet bonæ fidei poffeffor. p. 15. n. 25
- Vtilis expenfa quæ dicatur. p. 18. n. 30
- Vtilitas vnde accipienda. ibid.
- Vxor habens dotem & parapherna, quomodo & cuius expenfis funeretur. p. 148. n. 46
- Vxore mortua, pro expenfis funeris conueniendus eft is penes quem dos eft. p. 147. n. 44
- Vxor fi moriatur, ad quem pertineat expenfa funeris. p. 146. n. 42
- Vxor debet probare confuetudinem pro vefte viduali. ibid. n. 39
- Vxor an fit alenda toto anno luctus. p. 144. n. 35.
- Vxori vir quatenus medicamenta præftet. p. 50. n. 44
- Vxor de adulterio conuiâta an habeat expenfas à viro. p. 294. n. 56
- Vxor foluto matrimonio remanet domina. p. 278. n. 7
- Vxor an in dimidia lucratorum, quorum eft domina, habeat hypothecam. p. 283. n. 21

F I N I S.





D. D.

IOANNIS GARSIAE

A SAABEDRA

*TRACTATUS QUATVOR,*

Quorum I. de Donatione Remuneratoria. II. de Tacito  
Fideicommisso. III. de Hypotheca post contra-  
ctum. IV. de Coniugali Acquæstu.







# TRACTATUS I.

## De Donatione Remuneratoria.

### NOTABILIA.

- 1 *Obligatio antidotalis vel remuneratoria oritur ex instinctu naturæ, & reperitur apud bruta animantia.*
- 2 *Reperitur hæc antidotalis obligatio inter coniunctos & extraneos.*
- 3 *Donatio remuneratoria propriè non est donatio, quia non procedit ex mera liberalitate.*
- 4 *Multi multa tribuunt donationi remuneratoria, & quòd id conveniat humana naturæ.*
- 5 *Donatio remuneratoria pertinet ad titulum onerosum, non ad lucratiuum.*
- 6 *Defenditur allegatio communis ex l. Aquilius, ff. de donat. contra Pinellum.*
- 7 *Donatio remuneratoria non indiget insinuatione.*
- 8 *Adducitur pro communi l. si pater, §. fin. ff. de donat. ut donatio ob merita non reuocetur propter ingratitudinem.*
- 9 *Privilegia concessa à Principe propter merita non reuocantur, & de privilegio immunitatis ob merita.*
- 10 *Donatio ob merita non revocatur ex filiis superuenientibus.*
- 11 *Defenditur communis allegatio d. §. fin. contra Pinellum, adducitur l. metum, §. sed licet, ff. quod met. caus.*
- 12 *Pinellus suscitavit sententiam iam diu reprobata contra Baldum, & Guillelmum de Cugneo.*
- 13 *Adducitur pro communi lex sed etsi lege, §. consuluit, ff. de petit. hæred.*
- 14 *Prelatus aliàs prohibitus alienare, potest ob merita infundare: & vide infra num. 31.*
- 15 *Defenditur allegatio communis, d. §. consuluit, contra Pinellum.*
- 16 *Adducitur lex idemque, §. final. cum l. seq. & lex. si verò non remunerandi, ff. mandati.*
- 17 *Si creditor acceptum tulerit fideiussori ob merita, habet fideiussor actionem mandati adversus debitorem, secus si gratuito.*
- 18 *Donans, qui aliàs nō tenetur ultra quā facere potest, si donet ob merita, tenetur.*

- 19 *Defenditur communis allegatio d.l.idemque, §. final. & l. seq. & l. si verò non remunerandi, contra Pinellum.*
- 20 *Adducitur pro communi lex quod autem, §. si vir, ff. de donat. inter virum & vxor.*
- 21 *Donatio remuneratoria valet inter coniuges constante matrimonio.*
- 22 *Tutor & curator remunerando donant, & quantum, & quibus.*
- 23 *Procurator generalis & administrator donant remunerando.*
- 24 *Donatio si incipit à traditione, non sustinet euictionis onus, secus si est ob merita.*
- 25 *Defenditur allegatio communis d.l. quod autem, §. si vir.*
- 26 *Sustinetur donatio facta à viro sene, aut plebeio, uxori nobili, aut inuencula.*
- 27 *Agitur de textu in c. de illis, de cond. appof. & d. leg. si ita stipulatus, §. si tibi nupsero, ff. de verb. oblig.*
- 28 *Referuntur merita, quibus vxor potest mereri erga maritum, contra Pinellum.*
- 29 *Aliqua sunt merita vxorum erga maritos que merentur remunerationem.*
- 30 *Adducitur pro communi textus in cap. per tuas, de donat.*
- 31 *Prelatus potest ob merita infundare terras Ecclesie, & potest mutare naturam feudi.*
- 32 *Defenditur communis allegatio d. cap. per tuas, contra Pinellum.*
- 33 *Prelatus potest infundare ob merita bona immobilia fructuosa.*
- 34 *Adducitur pro communi sententia lex etiam, §. ex præterito, ff. de manu. miss. vind.*
- 35 *Minor alienat immobilia ob merita, etiam sine decreto.*
- 36 *Adducitur pro communi lex cum Nauarchorum, C. de nauiculariis, lib. 1. v. benemeritis de republica immunitas detur.*
- 37 *Defenditur allegatio communis d.l. cum Nauarchorum, contra Tiraguelum, & explicatur lura.*
- 38 *Benemerito de republica, ob delictum pœna ordinaria remittitur.*
- 39 *Ei latroni parciunt, qui plures latrones in Repub detegit.*
- 40 *Adducitur pro communi lex viuius libertus, ff. si quid in fraudem patroni, ut libertus donet benemerito, etiamsi legitimam minuat patrono.*
- 41 *Dispositio dictæ legis viuius libertus, non habet locum in patre, qui filios habet legitimos.*
- 42 *Pater senex aut ignobilis, qui secundam duxit uxorem, non potest secundam etiam inuencula, & pulchra, aut nobili, facere donationem ob hac merita in fraudem legitima filiorum ex primo matrimonio.*
- 43 *Adducuntur iura, quibus filij possunt benemereri de parentibus, contra Pinellum, & Lancellotum Politum.*
- 44 *Donatio remuneratoria facta à parente filio valet, ac si extraneo facta esset.*
- 45 *Virum ista donatio minuat reliquis fratribus legitimam portionem, & an iure Hispano.*
- 46 *Nostri iure Hispano maxima differentia est inter donationem simplicem, & donationem ob causam.*
- 47 *Concordia omnium Scriptorum Hispanorum ad l. 26. & 29. Tauri adducitur ad*



ad decisionem questionis, & de donatione simplici, & ob causam.

- 48 Donatio ob merita est donatio ob causam, non simplex, & quomodo sit ob causam.
- 49 Donatio simplex probatis meritis remanet ob causam meritum.
- 50 Donatio simpliciter facta filio, aut cognato, aut coniuncto, probatis meritis non censetur remuneratoria propter merita.
- 51 Donatio quantumvis remuneratoria, in eo quod excedit merita est simplex.
- 52 Remuneratio quando dicatur excedere merita, & quæ sit in hoc consideratio.
- 53 An & quantum credendum sit ei, qui donat & asserit donatarium de se bene meritum.
- 54 Merita non dicuntur, quæ fiunt vel legis, vel naturæ, vel pietatis imperio.

**D**E donatione ob merita, quam donationem remuneratorem dicimus, integra ferè volumina scripta sunt, quæ integrum volumen exigunt, aliis plus nimio extendentibus, quoad effectus iuris, hanc ipsam remuneratorem donationem, aliis, plus iusto coarctantibus & restringentibus: ita ut ferè media exigat documenta, cum nec omnino explodendus sit fauor antidoræ, nec omnino ita ampliandus & extendendus, ut nihil ferè in iure relinquat integrum & incorruptum.

Iason in *l. ex hoc iure, de iust. & iur. n. 52.* ait obligationem antidoralem, quæ est remuneratoria, oriri ex solo instinctu naturæ, quo instrumur, ut beneficentibus beneficemus; & ait ex Nicolao de Neapoli, in *princ. Instit. de oblig.* quod hæc remuneratio reperitur etiam apud bruta animantia: multa de canibus, leonibus equis, elephantis, piscibusque referuntur, quæ videre poteris apud Tiraquellum in *l. si unquam, C. de reuocand. donat. verbo donatione largitus, num. 69.* sed quia ea eius generis sunt, ut quivis domi suæ facile experiri possit, nihil in istis immorandum est.

Contrahitur autem isthæc antidoralis obligatio & inter extraneos, & inter 2 coniunctos, veluti inter patrem & filium, matrem, liberosque; inter virum & uxorem. Cum enim naturalis sit, apud omnes ut reperiatur necesse est, *§. sed naturalia, Instit. de iur. nat. gent. & civil. l. ex hoc iure, ff. eodem.*

Hinc colligunt scriptores donationem hanc remuneratorem propriè non esse donationem, cum non procedat ex mera liberalitate. Debet enim donatio 3 esse gratuita, liberalis, mera, simplex, propriaque donatio, *l. 1. in princip. ff. de donat. l. filiusfamilias, in princ. ff. eodem*, quod vero verius est, & agnoscit Iason *consil. 171. n. 4.* Baldus & Angelus in *l. si unquam, C. de reuocand. don.* Romanus *consil. 126.* quod notissimum est, & patet ex *l. 1. tit. 5. pari. 5. Donation,* inquit nostra lex, *es bien fecho que nace de nobliza e bondad de coraçon quando es fecha sin ninguna premia*: & ibi notat Gregorius.

Quoniam autem donatio remuneratoria habet quædam incitamenta naturalia ad liberalitatem, quæ sunt veluti quædam nobilia calcaria, quibus nobiliter adigimur, ut beneficentibus beneficemus, multa ex his incitamentis naturalibus, quæ plurimum apud omnes possunt, tribuunt scriptores huic remunerationi, quæ scripta latè reliquit Iason in *l. ex hoc iure, ff. de iust. & iur. num. 52.*

per plures numeros, vbi fere viginti priuilegia adducit huius remunerationis. Iterum in l. si non sortem, §. libertus, ff. de condict. indebit. num. 8. totidem effectus iuris enumerat, qui resultant ex hac remuneratoria largitate: plura additio ad Felinum in c. nouit de iudiciis, Tiraquellus de hac remuneratione quadraginta sex effectus adducit in l. si vnquam, C. de renovand. donat. verbo, donatione largitus, num. 11. Multa tradit Didacus noster in c. cum in officiis, de testam. num. 8. vers. gl. Bernardi, ex primis huius capitis verbis.

At verò cum viri litteris & eruditione præclari, imò cum vniuersa iuris prudentiæ schola donationi propter merita plurima hæc priuilegia tribuant, cumque hoc sit maximè secundum naturam, vt ad gratiam excitemur, diligentius iustè quærendus est beneficij, quam pecuniæ debitor: cumque hæc remunerandi obligatio nascatur ex ratione naturali, quæ adiuuanda, & fouenda est, non coërcenda, ex Hispano Fortunio Garfia in l. §. in naturale, ff. de iust. & iur. illat. 10. ideo iuris prudentissimi ius hoc naturæ adiuuantes, & quasi benigna interpretatione naturæ hominum conuenientissima fouentes, simul vt ad gratitudinem adigeremur, plurima illa beneficia & priuilegia huic remunerationi tribuerunt, quæ omnia vno actu destruere se posse exultauit Pinellus alioqui doctissimus, in eamque vnam rem obstinato studio elaborauit ( quantum feliciter, aliorum esto iudicium ) in l. 1. C. de bonis matris, part. 3. a num. 19. per plures numeros. Quasi verò in eo sit sita & posita laus, si quo iure, quaque iniuria vniuersas & vniuersè acceptas sententias ad interuersionem vsque destruas & enerues. Sed tamen fundamenta communis & receptissimæ sententiæ ipsa sese optima ratione defendunt, quæ facile vitari non possunt, licet multa, vt ea eneruet, cumulet Pinellus: de his igitur hæc pauca accipe benigne lector.

Communis igitur & huc vsque recepta sententia vt priuilegia hæc plurima, de quibus Iason & Tiraquellus ubi supra, tribuat remunerationi & antidotæ, donationem hanc remuneratoriam, & propter merita à ratione merè voluntaria & gratuita deducit, & trahit ad rationem aliorum contractuum, vt quæ ad donationis, gratuitæ perfectionem, & valorem requirimus, in donationem ob merita reiciamus, ex qua sola ratione emanauit ratio antidotæ, & deriuarunt omnia illa priuilegia, aiuntque donationem ob merita nec dici, nec esse donationem, sed esse quandam permutationem, & compensationem, titulumque planè onerosum, cui non conueniant quæ de gratuita & liberali donatione scripta sunt.

Idque probant primum ex l. Aquilius Regulus, ff. de donat. ibi: Defendi non meram donationem esse, verum officium magistri quadam mercede remuneratum; quo textu nihil potest esse clarius. quem ad hoc allegat Baldus, & ibi Bartolus in l. per diuersas, C. mandat. Alex. in l. iuris gentium, §. quinimo, ff. de pactis, & consil. 217. lib. 2. & consil. 43. vol. 4. Franciscus de Aretio consil. 17 Romanus in l. si verò, §. de viro, num. 258. ff. sol. matrim. Alexand. & Decius in l. si donatione, C. de collat. Palacios Rubios in rubr. de donat. inter vir. & vxor §. 1. Suarez in l. Regni titulo, de lucris, 3. limitat. Didacus in c. cum in officiis, de testam. Bartolus, Paulus, Alexander, & Iason in authent. unde si parens, C. de inoffic. testam. 17.



Pinellus autem in d.l. 1. *C. de bonis maternis, part. 3. num. 92.* nititur destruere allegationem dictæ legis *Aquilinus Regulus*, ut receptam sententiam nudam relinquat omni iure, quod parum feliciter ipsi cedit: & primum adducit censum glossæ ibi, *verb. mercede*, quam ibi sequitur Rogerius & Cumanus, & præter ipsos Decius in *l. donari, ff. de regul. iur.* scilicet, quod in casu dictæ legis *Aquilinus Regulus*, agebatur de mercede debita, ad quam competebar ius agendi. Hæc autem interpretatio tum diuinat, tum reicitur *ex verbo donatio*, & Iurisconsultus Papinianus tuetur Nicostratum, vel Rhetorem, vel Præceptorem, non ex obligatione efficaci, sed ex remuneratione: & cum videat Pinellus hanc interpretationem, tum diuinantem, tum alienam à verbis & sensu Iureconsulti, quod ipse agnoscit, ait secundò in casu dictæ legis *Aquilinus*, dubitatum fuisse de tempore post mortem Reguli, quod quidem est verissimum, sed in ea quæstione de tempore post mortem donatoris decisio petita est ex meritis.

Dubium autem faciebat verbum illud, *dono & permitto tibi habitare in illo cœnaculo, & eo uti*; quæ verba & ad donationem, & ad vsum, & ad habitationem referebantur, & omnia iuncta inducebant precarium, ut patet ex *l. Lucius, ff. eodem*, qui est textus expressus, cuius verba hæc sunt: *Lucius Titius epistolam talem misit. Ille illi salutem: hospitio illo quandiu volueris, utaris superioribus dictis, & his omnibus gratuito, idque te ex voluntate mea facere, hac epistola notum tibi facio: quaro an hæredes eius habitationem prohibere possint? Respondi secundum ea, quæ proponerentur, hæredes eius posse mutare voluntatem.* Hactenus Scævola, ex cuius responso vides ea verba, quæ leguntur in d. l. *Aquilinus*, ibi: *Dono, & permitto tibi habitare in illo cœnaculo, & eo uti*, pertinere ad precarium, & meram voluntatem, de qua fuit dubitatum, quod apertissimum est ex responso Scævola: *Hæredes eius posse mutare voluntatem*; iuncto responso Papiniani in d. l. *Aquilinus*, ibi: *Non videri donationem sequentis temporis irritam.*

Precarium autem pendet à non voluntate concedentis, quia durat quandiu durat voluntas, & ex contraria voluntate reuocatur, *c. final. de precario, l. questum, §. quod à Titio, l. cum precario, §. precarij, ff. de precario*, Paulus per illum textum in d. l. *Lucius*, idem Paulus, ubi glossa in d. l. *Aquilinus*, Bartol. in *l. centesimis, §. fin.* ubi Alexand. & Iason, *ff. de verbor. Tiraquellus de constituto num. 12. ampliat. 2.* Didacus in 4. *part. cap. 3. num. 5.* & est lex 1. & lex 2. *ff. de precario.*

Mortuo igitur Aquilio mota lis est contra Nicostratum, & hæredes aperta voluntate, aut dicam noluntate, contraria certè voluntati, reuocabant precarium, quod patet ex litera, ibi: *Mortuo Regulo controuersiam habitationis patiebatur Nicostratus*: quod non potest dici clariùs, ut obiter aduertas quàm obcæcatè dicat Pinellus d. n. 62. *ad medium*, ex textu non intelligi, quis mouebat controuersiam donatario. Donatarius igitur effugit rationem aperti & clari precarij confugiendo ad merita; quæ quidem merita effecerunt, ut illa verba, quæ tota pertinebant ad precarium, aliò pertinerent, scilicet ad satisfactionem, solutionem, compensationem, & remunerationem, qui est verissimus & receptissimus sensus dictæ legis *Aquilinus*.

Ex

Ex quo sensu planè corrui labor Pinelli *d. num. 62. & 63. in princip.* nec enim merita illa expressa in *d. l. Aquilius*, confirmarunt donationem, & iustificarunt causam donationis; quod quidem ridiculum est, quia ibi nulla donatio, sed precarium intercessit; sed merita effecerunt, ut contractus precarij, & conceptus verbis precariis nihil pertineret ad precarium, sed ad compensationem, & satisfactionem, & permutationem; unde meritò scriptores aiunt donationem ob merita transformari in permutationem & compensationem, itavt scripta & requisita in donatione non habeant locum in donatione remuneratoria, quoniam in *dict. leg. Aquilius*, donatio & permissio habitationis & usus transit ob merita in compensationem; & est ipsa veritas, quicquid dicat Pinellus.

7 Ex quo indubitato iuris principio constat apertè, quòd licèt donatio requiratur insinuationem, in donatione tamen ob merita nullam esse necessariam insinuationem, cum ea, ut apertissimè ostendimus, non sit donatio, sed commutatio & compensatio, ut tota pertineat ad titulum & causam onerosam, ut ad nauseam usque tradit Tiraquellus in *d. l. si unquam, verb. donatione largitus, num. 47.* ubi ferè innumeros adducit pro hac opinione receptissima, quam tamen à se labefactatam & destructam existimat Pinellus, verborum potius congerie, quam iuris autoritate: eandem latè defendit Iason in *d. l. ex hoc iure, num. 63. ff. de iust. & iure*: in eodem argumento versatur ibi Fortunius Garcia Hispanus, & Claudius de Seifellis, & Guido Papæ *quest. 95.* & est adeo recepta, ut nemo unquam de ea dubitarit, præter unum Pinellum.

8 Secundò adducitur pro communi sententia textus in *l. si pater, §. finali, ff. de donat.* cuius verba hæc sunt: *Si quis aliquem à latrunculo vel hostibus captum eripiat, & aliquid pro eo ab ipso accipiat, hæc donatio irrevocabilis est; merces enim laboris eximij appellanda est, quod contemplatione salvis certo modo æstimari non placuit.* Quem textum ad hoc, ut donatio ob merita non possit reuocari secuta ingratitudine, intelligunt, & allegant ex proposito Albericus, Angelus, Romanus, & Baldus in *l. si cum mihi, ff. de dolo malo*, Abbas in *c. final. de don. Romanus singulari 516. & cons. 16. & cons. 93. & 436.* Corneus *cons. 194. lib. 3.* Barbatia in rubrica de don. Iason in *l. 1. ff. de iust. & iure, in effectu 2. & in l. si non sortem, §. libertus, ff. de cond. indeb. effectu 1.* Ioannes Lupus in *repet. rubr. de don. inter virum & uxorem, §. 50.* Tiraquellus latissimè *d. verbo, donatione largitus, num. 13.*

Inde ex textu in *d. l. si pater, §. final.* infert Romanus *cons. 436. & in l. si viro, §. de viro, ff. soluto matrim. 24. fallent.* Alciatus *lib. 1. de verborum significat.* Baldus in *l. si cum mihi, ff. de dolo*, Ruinus *consil. 29. num. 3. lib. 1. & consil. 217. lib. 1. num. 7.* priuilegia concessa à Principe propter merita transire in contractum, & fieri irrevocabilia; idem scripsit Alex *consil. 101. & consil. 229. lib. 1. & lib. 2.* quod licèt priuilegium immunitatis concessum alicui, possit per ingratitudinem reuocari, non possit reuocari, si sit concessum propter merita: plura adducit Iason in *d. l. ex hoc iure, effectu 1.* ubi vide, & multò plura Tiraquellus ubi suprà, *num. 14.* idem in materia feudorum, quod ob ingratia



gratitudinem non possint reuocari, si fiant propter merita, Zasius in *epit. feud. part. 10. conclus. 4. fallent. 4.* Ioannes Lupus de Palac. Rub. in *repet. d. rubr. c. 50.* Molinaus in *consuetud. tit. 1. §. 30. n. 99.* latè Tiraquellus vbi suprà, *n. 12.* qui *n. 16.* adducit Guilelmum de Cugno, & Baldum in *l. si tibi pecuniam, ff. si certum petatur*, contrarium tenentes, & ait vtrumque de meritis malè meritum, qui fundabantur in ea ratione, scilicet quia causa præcedens meritum non erat obligatoria, sed voluntaria; innuentes non admitti hos effectus antidoræ, nisi vbi causa meritum præcedens esset obligatoria & efficax ad agendum, quos tamen cum sua ratione ait Tiraquellus in re apertissima errare; quam tamen rationem Baldi & Guilelmi de Cugno reprobata à Tiraquello, suscitauit Pinellus in *d. l. part. 3. n. 60.* ibi: *Assero igitur verè & propriè, &c.* quasi ad gloriam & laudem pertineat, antiquorum errores, iam diu reprobatos, novè suscitatos obstinatè defendere & tueri, vt videamur noui aliquid attulisse. Idèd autem, benigne lector, hanc operam circa merita suscepi, vt hæc & alia pateant, ne iuniores autoritate decipiantur.

Inde etiam dimanauit receptissima sententia, vt scilicet donatio propter 10 merita non reuocetur ex superuenientia liberorum, iuxta textum in *l. si unquam, C. de reuoc. donat.* quam sententiam latissimè, vt solet, fundat Tiraquellus vbi suprà, *n. 12.* & Iason in *d. l. ex hoc iure, effect. 16.* & in *d. §. libertus, effect. 15.* Alciatus in *l. credito. es, ff. de verbor. signific.* Catellianus Corra memorab. *verb. donatio facta filio*, Iacobinus à Sancto Georgio, in *l. tale pactum, §. final. de pactis*, Ripa in *repet. d. l. si unquam, q. 14. & respons. 113. lib. 3.* reliquos vide apud Tiraquellum, & Iasonem, quos etiam refert & sequitur glossa in *l. 8. tit. 4. part. 5. verbo disse.* Omnia autem hæc descendunt ex decisione dictæ legis *Aquilinus*, & *d. l. si pater, §. fin. ff. de don.* quòd scilicet hæc remuneratoria donatio non sit verè donatio, sed compensatio, aut permutatio: vnde omnia, quæ de simplici & vera donatione scripta sunt, non possunt commodè ad ipsam applicari, salua recta iuris ratione.

Pinellus autem, vt dixi, elaborat in eo, vt omnes hos effectus iuris longiùs propellat, ideoque sicut ad intellectum dictæ legis *Aquilinus*, frustra fatigauit ingenium, ita & in intellectu legis *si pater*, *§. final. ff. de donat.* operam & oleum perdit. Ait primùm in *d. §. final.* interuenisse conuentionem à principio inter duos, vt alter alterum à periculo liberaret, & certa res liberatori præstaretur, atque adèd ex conuentione ait nihil pertinere decisionem dicti *§. finalis* ad merita; & subdit, quod ita intellexit Cumanus *ibi*, & se ita intellexisse ante multos annos, quàm Cumanum legisset, dicens ita intelligi textum in *d. §. final.* & in *l. metum*, *§. sed licet, ff. de eo quod metus causa.* Deinde asserit penitissimè literam intuenti, & expendenti dictum *§. finale* & dictum *§. sed licet*, esse meram diuinationem dicere quod ibi interuenit conuentio; quod quidem est verissimum.

Secundò, cum primus intellectus non quadret ad dictum *§. finale* nec ad *§. sed licet*, confugit ad specialitatem, eamque ait esse conseruationem vitæ. Ego verò quærerem, cur ad specialitatem confugit? cur eam vitæ conseruationem veretur vocare meritum, vt vocat tota iurisprudentiæ schola? scilicet, vt videatur receptissimam sententiam eneruasse, quam nec verbo

- quidem satis congruo concutit. Restat igitur inconcussa recepta sententia, ex  
 12 *d.l. Aquilius, & ex d. §. final. & §. sed licet*, reprobata opinione Baldi & Guilelmi de Cugno, in *l. si tibi pecuniam, ff. si certum petatur*, vt per Tiraquellum *d. n. 16.* qui exultimabant non dici meritum, nisi ex eo nasceretur obligatio efficax ad agendum: quam sententiam reprobata suscitavit Pinellus vbi *suprà*, in *d. l. 1. part. 3. num. 60.* ibi: *Affero igitur verè & propriè donationem etiam liberalem vel gratuitam appellari, quæ sit causâ remunerationis, quando seruicia, vel merita non præstabant ius aliquod agendi: idèd enim hæc scribimus post reliquorum vberiora scripta, vt admoneamus lectores in rebus grauibz, ne cuiusquam opinione decipiantur.*
- 13 Tertiò adducitur pro communi & receptissima sententia, etiam verissima ex prædictis fundamentis, etiamsi alia deessent, textus in *l. sed etsi lege, §. consuluit, ff. de petit. hered.* ibi: *Planè si antidota acceperunt, dicendum est locupletiores factos, quatenus acceperunt; sequitur ibi: Et velut genus hoc esse permutationis.* Ecce textum, vbi Iurisconsultus sine ambage donationem remuneratorem ait pertinere ad permutationem, non verò ad omnimodam liberalitatem, qualem in donatione requirimus.
- 14 Ex hoc textu, & ex *d. l. si pater, §. final. & d. l. metum, §. sed licet, & d. l. Aquilius, quæ sunt iura expressa*, colligunt scriptores Prælatus posse donationem exercere remuneratorem, etiamsi sit prohibitus donare, *l. iubemus nulli, §. scientes*, ibi: *ad vicissitudinem beneficij collati, & ibi glossa, verb. permissum*, Albericus, Bartolus, Baldus, Paulus & alij, *C. de sacrosanct. Eccles. Iason in d. §. libertus, & in d. l. ex hoc iure, vbi supra, Alciatus in d. l. creditores, de verbor. significat. ad fin.* Palacios Rubios in *repetit. rubr. de donat. inter virum & uxorem, vbi supra.* Tiraquellus latissimè *d. verbo, donatione largitus, n. 7.* vbi quod non solum hoc licet in mobilibus, sed etiam in rebus immobilibus, ex Baldo in *l. cum multa, de bonis quæ liberis*, vbi dicit, quòd Papa potest infeudare res Ecclesiæ propter merita; & Paulus de Castro *conf. 74. lib. 1.* & Iason *conf. 222. lib. 2.* vbi loquitur in Archiepiscopo, & in immobilibus; licet contrarium in immobilibus teneat Decius *conf. 164.*
- 15 Inde etiam deducunt scriptores, quòd Prælatus ob merita potest mutare naturam feudi, veluti si concessum sit ad tempus, vt protrahatur etiam ad fæminas: ita fundat Iason in *d. §. libertus, in 7. effectu*, & Tiraquellus *vbi supra*, qui multos allegat *num. 28.* dicemus nos inferius *num. 30.* latius ad textum in *c. per tuas, de donation.* ibi vide. Pinellus autem ad *l. sed & lege, §. consuluit*, ait ea verba, scilicet, *& velut genus quoddam hoc esse permutationis*, fuisse dicta obiter, non principaliter, sed ornatus causâ. Ego vero video verba illa addita, quasi in eis adsit ratio decisionis; nec Iurisconsulti otiosè loqui soliti sunt; præterea sunt posita iuxta mentem & sensum Iurisconsulti. Non est enim similis is qui de se benemerenti beneficium tribuit, ei qui ludo, scortis, alea, aliisque id genus rebus rem hæreditariam perdit, nec ei, qui sola liberalitate vsus donauit; is enim pauperior factus est, ille verò qui beneficium retribuit, locupletior, cum merita priora habeat, & siue rem compenset re, siue pecuniam pecunia, siue beneficium beneficio, planè quantum donauit remunerando,



do, tantum accepit, nihilque de hæreditate amississe intelligitur; & hic est verus sensus ad litteram, qui probat communem & receptissimam sententiam; & ita hætenus sunt iura expressa dictæ legis *Aquilus, d.l. si pater, §. fin. d.l. metum, §. sed licet, d.l. sed & si lege, §. consuluit*, ut meritò de remuneratione bene sentiant, qui ingenio sunt mitiori, quosque de meritis malè meritos esse pudet.

Quartò, pro communi & receptissima sententia est textus in *l. idemque, §. fin. & l. sequenti*, & *l. si verò non remunerandi, ff. mandati*, ex quibus iuribus fideiussor potest agere actione mandati aduersus debitorem, si creditor ei acceptum tulerit causà remunerationis; secus si non remunerandi causà, sed liberaliter fideiussori remiserit. Verba Vlpiani hæc sunt: *Si fideiussori donationis causà accepto factum sit creditore, puta si fideiussorem remunerare voluit creditor, habere eum mandati actionem multò magis si mortis causà accepta tulisset, vel se ei liber actionem legauit*. Subdit Pomponius: *Si ei cui damnatus ex causa fideiussoria fuero, hæres postea extitero, habeo mandati actionem*. Vlpianus autem iuxta propriam sententiam in *d.l. idemque, §. fin.* limitat Pomponij sententiam, subdens in *l. sequenti*: *Si verò non remunerandi causà, sed principaliter donando fideiussori remisit actionem mandati, eum non acturum*: & ita intelligit Vlpianum & Pomponium Baldus in *l. vltima, versic. pone aliquis, C. de fructib. & lit. expens.* agnouit Tiraquellus *vbi supra, n. 60.* Iason in *d.l. ex hoc iure, in decimo effectu*, & in *d. §. libertus, duodecimo effectu*, & est verissimum ex superioribus, quia donatio ob merita vergit in contractum onerosum, non lucratium; & textus in *d.l. Aquilius, d.l. si pater, §. fin. d.l. metum, §. sed licet, l. sed & si lege, §. consuluit, d.l. idemque, §. fin. cum l. sequenti*; & *l. si verò non remunerandi*, quæ sunt iura aperta pro receptissima sententia, quæ potuerunt retinere Pinellum, ne de meritis malè meritus in remunerationem adeò effrenatè inueheretur.

Fit inde, ut licet donans non conueniatur ultra quàm facere potest, *l. inter eos, §. si quoque, ff. de re iud. cum similib.* illud tamen non habeat locum in donatione remuneratoria, Angelus originaliter in *l. sed hoc ita*, & in *l. non tantum, ff. de re iudicat.* sequuntur Alex. in *l. sunt qui in id. ff. eodem*. Iason in *d. §. libertus, effectu 17.* Ioannes Lupus in *repet. rub. de donat. inter virum & uxorem, §. 10.*

Pinellus in *d.l. 1. part. 3. num. 58. versicul. non obstat text. in dict. l. si verò non remunerandi, cum l. precedenti*, & *§. fin. d.l. idemque*, ut meritorum vim & potestatem excludat, ait scriptores verbis legis deceptos non aduertisse ad mentem creditoris debitum remittentis, & hac speciosa verborum ambage credit satisfecisse receptæ sententiæ. Quòd si vterius quæras, vnde colligat Iurisconsultus mentem creditoris remittere debitum volentis, certè non aliunde, quàm ex meritis colligenda est. Merita igitur sunt quæ distinguunt Pomponium & Vlpianum, & faciunt donationem, legatum, & vltionem remissionem distinguunt remuneratione, ut non donatio, sed compensatio sit, quæ fiat ob merita, ita ut vnus casus debitorem liberet, alter obliget.

Quintò pro communi & recepta hucusque sententia adducitur textus in *l. quod autem, §. si vir, ff. de donat. inter vir. & uxorem*. Verba eius hæc sunt: *Si*

vir, & uxor quina inuicem sibi donauerunt, & maritus seruauerit, uxor consumpserit, recte placuit compensationem fieri donationum; & hoc diuus Adrianus constituit.

- 21 Fit ex hoc textu & receptissima sententia, vt donatio remuneratoria inter virum & uxorem valeat. Bartolus & Iason in *l. si dinortio*, ff. de verbor. obligat. Bartolus in *l. si voluntate*, C. de dotis promiss. Baldus in *l. 2. §. creditum*, vltim. oppos. ff. si certum petatur, Tiraquellus de nobilit. cap. 8. num. 19. vers. hinc fit primum, Cynus, & Salycetus in *l. si pater puella*, de inoff. testament. & ibi Iason, Abbas in rubr. de donat. idem Iason in *l. ex hoc iure*, ff. de iustit. & iure, num. 55. Palac. Rubios in repet. rubr. §. 1. num. 1. & §. 32. num. 8.
- 22 Fit idem secundò, vt licet tutor aut curator donare non possint simpliciter, *l. vltim.* ff. de curat. furiosi, *l. tutor ad utilitatem*, *l. Lucius*, §. vltimo, de administrat. tutor. *l. pactum curatoris*, C. de pactis, possit tamen causa remunerationis, textus in *l. cum plures*, §. cum tutor, & ibi glossa, ff. de administrat. tutor. *l. qui filium*, ff. vbi pupillus educari debeat. Ita ex his iuribus respondit Raphaël Cumanus consil. 101. & Rom. consil. 50. vide quæ adduximus de expens. & meliorationib. c. 20. num. 8. & 9. vbi quantum donare & expendere possit curator. Idem argumentum tractauit Franciscus de Caldas Pereyra in *l. si curatorem habens*, C. de in integr. resit. verb. sine curatore constitutus, num. 119. & 120. vbi videre poteris, quid quantumque donare possint curatores, aut tutores regis minoris.
- 23 Item procurator generalis, licet donare non possit, *l. praeses*, C. de trans. & cap. fin. de offic. vicar. lib. 6. tamen remunerando non dicitur donare, *l. filius*, in princip. ff. de procurator. tenet Bartolus in *l. ambitiosa*, ff. de decretis ab ordine fac. vbi primores populi causa beneficij gratificantur donanti: & dicit communem opinionem Franciscus de Aretio consil. 24. in §. dubio, Iason in d. §. libertus, 6. effectus, & tenet Tiraquellus d. verb. donatione largitus, num. 32.
- 24 Fit item, vt licet in donatione, quando incipit à traditione, si euincatur res donata, non teneatur donator de euictione, *l. Aristo*, §. final. vbi glossa & Bartolus, ff. de donation. hæc tamen euictio admittatur in donatione ob merita, licet incipiat à traditione, Bartol. in *l. Iulianus*, §. qui fundum, ff. de verb. Alexand. consil. 47. volum. 3. Iason vbi supra, num. 68. quæ omnia descendunt ex eo iuris principio, quod donatio remuneratoria propriè non est donatio, sed compensatio, satisfactio, & permutatio, & accedit naturæ contractus onerosi, non verò lucratiui. Vnde fit vt deposita in donatione liberali, simplici & mera, non habeant locum in donatione remuneratoria, d. l. Aquilius, d. l. si pater, §. final. d. l. metum, §. sed licet, d. l. sed & si lege, §. consuluit, d. l. idemque, §. fin. & l. sequent. & l. si verò non remunerandi, d. l. quod autem, §. si vir, d. l. cum plures, §. cum tutor; quæ sunt iura pro communi & recepta sententia.
- 25 Pinellus autem, cum ferè nihil admittat remuneratorium, nisi merita præcedentia obligationem habeant efficacem, quod aduersus Bald. & Guilelm. de Cugno reprobarat Tiraquellus, vt supra aduertimus, ait in d. l. quod autem, §. si vir, ff. de donat. inter vir. & uxor. Iureconsultum loqui in donationibus mu-



uis, licet illum textum allegent viri magni nominis, de quibus supra mentionem fecimus, quos ait Pinellus multa in hoc perniciosè scripta reliquissè, ob idque ipse *d. num. 85.* ibi, *minus obstat text. in d. l. quod autem, §. si vir*, porro ait in donationibus mutuis omnia esse paria inter coniuges, atque separari donationem reciprocam à donatione remuneratoria, & allegat ad hoc Tiraquellum *inferius n. 94.* qui mihi, ut est videre, nihil dicit; nec est ratio necessaria, quòd vxor debeat viro omnia officia, etiam pietatis; propter quam rationem reiecit remunerationem inter coniuges: quia alia inueniri & interdere solent, ad quæ non omnes vxores indistinctè tenentur vxorio officio, & maritali affectione, quod statim dicemus. Denique Pinellus ait cessare rationem prohibitionis in donatione mutua inter coniuges, quia nemo illorum vtrò citròque dando & accipiendo fit pauperior, aut ditior; quæ omnia reperiuntur in donatione remuneratoria, & inuenerunt viri illi magni nominis, à quibus decedit Pinellus. Est enim donatio remuneratoria reciproca, & mutua donatio, quæ neminem facit nec pauperiorem, nec ditiozem, quod probauimus ex sapius allegato *§. consuluit*, & est permutatio, *ex d. l. Aquilius*; & commutatio, *ex d. l. si pater, §. final.* & satisfactio, *ex d. l. idemque, cum l. sequenti*, & *l. si verò non remunerandi*; ita ut planè in hac mutua & reciproca donatione remuneratoria inuoluta reperiuntur merita, ex quibus locus fit dictæ legi *quod autem, §. si vir*, & ex meritis resultat reciproca donatio, & ex illis constat & conseruatur donatio inter virum & vxorem: nec potuit aptè Pinellus in casu dicti *§. si vir*, distinguere mutuam donationem à donatione remuneratoria, in qua semper mutua donatio necesse est ut reperiatur.

Ex eo intellectu sustinetur donatio inter virum & vxorem, scilicet, si se- 26  
nex ducat vxorem puellam, iuenculam, pulchram; si rusticus nobilem, glossa in *l. voluntate, C. de dotis promiss.* & ibi Salyc. probant Bartol. Angel. & Paul. & Alexand. in *l. si diuortio, ff. de verborum oblig.* & in *l. si ita stipulatus, §. si tibi nupsero, ff. eodem*, Bald. in *l. 1. in fin. C. de donation. ant. nupt.* & in *l. pen. §. mulier, ff. soluto matrim.* Angelus in *l. 1. ff. eodem*, vbi Imola: tenet Iason in *l. ex hoc iure, ff. de instit. & iur. num. 55. effectus 3.* & iterum in *l. si non sortem, §. libertus, ff. de condict. indebit. num. 8.* vbi latissimè Tiraquellus vbi supra, num. 19. Palac Rub. in repet. rubricæ, §. 31. Didacus latè in *4. 2. part. §. 3. num. 2.* tenet Gregorius noster in *l. 2. tit. 20. part. 2.* qui allegat Bald. Nouellum in tract. de dote, gl. 1. & ut tum hæc donatio valeat præiudicare filiis prioris matrimonij in legitima, *ex l. viuus libertus, ff. ne quid in fraud. patroni*, dicemus inferius; & quid nostro iure Hispano. Et hoc modo limitatur decisio textus in *l. que iam nuptia, ff. de don. inter virum & vxorem*, & textus in *c. de illis, de condit. appositis*, vbi donatio confertur in tempus habile, scilicet antequam eam in vxorem ducat; at verò lege *si ita stipulatus fuero 57. §. si tibi nupsero*, donatio confertur in tempus inhabile, scilicet contracto iam matrimonio, quæ est vera concordia ad illa duo iura, licet aliqui nescio quam turpitudinem somniant, ex qua conciliari putant duo illa iurant; vide Didacum *d. §. 3. n. 5. & 6.*

Præterea & contra Pinellum, qui existimabat vxorem debere omnia officia 27  
coniugi maritali affectione, & non posse inueniri merita erga virum, facit, quia excogitari possunt merita & quotidie interuenire, ut vxor de marito benemerita

& esse, & dici possit: namque si duxeris nobiliorem fœminam, ipsaque te ægrotante cibum parat, medicamenta apponat, excubet pernox, fricet, vngat,  
 28 thorum sternat ipsa, vt mollius cubes, lauet, nec abstineat à coquinaria opera, & seruilibus ministeriis; profectò quia ad ista non tenetur vxor nobilior, ex Abbate in c. literas, de restit. spol. si faciat, te modis omnibus demeretur, & singulari & opportuno beneficio afficit, Bald. in c. grauis, de rest. spol. textus singularis in l. etiam, §. ex praterito, ibi: Quod enim sanauerit, & ibi: quia multa merita incidere possunt, ff. de manum. vind. Ideoque non assentior Pinello, qui ad d.l. si vir. existimabat non posse reperiri officium, ad quod non teneretur vxor amore maritali; & puto hæc merita admittere remunerationem æqualem, etiam constante matrimonio, cum communi & recepta sententia, & sensit Palacios Rubios d. §. 1. in princip. & n. 2. ad finem, & breuius Tiraquellus, in c. 8. connubiali, vbi nihil allegat, num. 6. solo Plutarcho adducto.

29 Imò cum hæ nobiliores fœminæ non soleant locare operas suas, si isthæc faciant, planè hæ operæ excedunt omnem æstimationem pecuniariam, ita vt mereantur quamlibet quantumvis magnam remunerationem: textus ad hoc singularis in l. naturalis, §. at cum do, ff. de præscript. verbis, ibi: Si tale sit factum quod locari solet; qui est textus ad hoc singularis. Cum enim æstimari non possit beneficium illud pecuniâ, quia non solet locari nobilior fœmina, certè remunerationis causâ quamlibet rem meretur; quod aduertimus pro viris imperiosis, & superbis, qui putant vxores sibi suas seruas & ancillas omne debere officium, quantumvis humile; simulque vt de fœminis nobilioribus benemeriti videamur.

30 Sexiò adducitur pro communi & receptissima sententia textus in c. per tuas, de donat. ibi: Quòd cum quidam nobiles Florentini tempore schismatis Episcopum Florentinum in domo sua tenuerunt, idem Episcopus sedata schismatis tempestate, de mandato Alexand. Pap. quatuor modios terre in feudum concessisse eisdem: qui textus est expressus, & notabilis, vt Prælatus propter benemerita possit infeudare terras Episcopatus, & Ecclesiæ suæ, licet aliàs alienare non possit: & potest mutare naturam feudi, veluti si sit ad tempus, potest protrahere in longius tempus; & si concessum sit pro masculis, potest extendere ad fœminas; fundat Iafon in d. §. libertus, in septimo effectu, & Tiraq. d. verb. donatione largitus, num. 28. vbi plures allegat, diximus supra n. 14. textus in c. 1. primo, de l. Corrad. & in c. 1. §. primo, titulo qui feudum dar. poss.

31 Palac. Rub. l. Iulianus, in repet. rub. §. 50. quem adducit Tiraquellus vbi supra, num. 27. vbi plura ad propositum Alciatus in l. creditores, ff. de verb. signif. l. ei, in auth. hoc ius, C. de sacrosanctis Ecclesiis: pro quibus est textus expressus in d. c. per tuas, d. l. Aquilius, d. l. si pater, §. fin. d. l. metum, §. Sed licet, d. l. & si lege, §. consuluit, d. l. idemque, §. fin. cum l. sed si non remunerandi, d. l. quod autem, §. si vir; quæ omnia iura sunt expressa pro receptissima omnium opinione contra Pinellum; quod leuiter attingens putat posse omnia hæc iura enervari.

Pinellus igitur contra communem interpretationem ait, quòd in d. cap. per tuas, concurrunt duo maximè aduertenda, & ait, quòd ea parum ab scriptoribus



ribus aduertuntur : primum scilicet , quod ob seruitia & benemerita res omninò non donatur , *in d. c. per tuas* , quod quidem non ignorant Scriptores , qui ex eo textu colligunt , Prælatum posse dare in feudum res Ecclesiæ propter benemerita ; quod quidem ad alienationem pertinet *ex c. nulli , de rebus Ecclesiæ non alienand. & ex l. fin. C. de rebus alienis* , vbi vtrumque , siue directum , siue vtile dominium alienetur , alienationem dicit censeri. Iason *in §. item si quis in fraudem , Instit. de actionib. l. 1. C. de fundo dotali*. Benè igitur aduertunt Doctores ad ea , quæ scripta reliquerunt , & applicarunt *ad d. c. per tuas* , & optima ratione scripsere , Prælatum , qui alias non potest alienare , posse tamen dare in feudum , cum sit alienatio , sustinerique eam alienationem rerum soli , & immobilium propter merita.

Ait secundò Pinellus , quòd ibi intercessit autoritas summi Pontificis , ibi , *31 ex mandato Alexandri Papæ* ; & licèt mandatum illud longè absit ab auctoritate præstita : sed esto , quòd mandatum illud pertineat ad auctoritatem , patet ex textu idèd Summum Pontificem mandasse , & Episcopum concessisse , quia scilicet nobiles illi benemeriti erant de Episcopo , ac subinde de Romana Sede , quia tempore schismatis , quo tumultuari solent reliqui , ipsi ex fide seruassent Episcopum , iustissimèque deducunt ex textu Scriptores , esse *in d. cap. per tuas* , textum , vbi Prælatus , qui aliàs non alienat , concedit in feudum res immobiles propter merita , vt obiter notem textum illum contra Decium *in cons. 164.* contra Ruinum *consil. 3. lib. 1.* & contra Ioannem 33 Lupum de Palacios Rubios *d. §. 50.* qui existimabant , non posse ex hac causa remunerationis alienari immobilia : contrarium tenuerat Iason *cons. 222. & cons. 227. vol. 2. & cons. 10. vol. 3.* Vide Curtium iuniorem *in tractat. de feudis. 2. parte princ. quest. 6. versic. secundò moueor , si de feudo agas , & de rebus novè infeudatis à Pralato.*

Septimò adducuntur pro communi & recepta sententia alia iura , & præcipuè textus *in l. etiam , §. ex præterito , ff. de manumiss. vind. libi : Veluti quòd Dominum in pralio adiunxit , quòd contra latrones iutus sit , quòd cum sanauerit , quòd insidias detexerit ; & longum est si exequi volueris , quia multa merita incidere possunt , quibus honestum sit libertatem cum decreto præstare , quæ estimare debet is apud quem de ea re agitur : vbi minor alienat remunerando.* Socin. *cons. 66. lib. 1.* Alciat. *in l. credit , de verb. signif. Roman. in l. si ante nuptias , ff. solut. matrim.* & notat illum textum Bart. *in rubr. de don. & disputat Ias. in l. si non sortem , §. libertus , in nono effect. ff. de cond. indebit.* vbi fundat minorem , qui etiam cum decreto non potest alienare res immobiles , *l. fin. C. si maior factus , l. 1. ff. de tutel. & ration. distrab.* propter merita remuneranda posse etiam sine decreto , & addit , quòd licèt Franciscus de Aretio *consil. 24.* restringat hoc ad mobilia , quasi non possit immobilia alienare , sic intelligendo textum *in l. cum plures , ff. de administr. tut. & l. qui filium , ff. vbi pupill. educ. debeat , & c. cum in officiis , de testam.* & dicit Franciscus de Aretio , quòd ista est intentio textus *in l. fin. C. si maior factus* ; tamen Iason tenet contra 35 Franciscum de Aretio , & allegat contra illum textum *in l. 2. C. si aduersus donat.* vbi non fuit licitum donare rem immobilem pupilli eò , quia non interuenit decretum : ergo si fieret alienatio cum iudicis decreto , valeret ; sed tamen

adverte, quòd in d. l. 2. nulla mentio est de meritis, ideò inductio illius textus ad hanc rem, quam agimus, nihil valet, nisi dicas ibi agi de alienatione fundi, & ita de re immobili; & non tenet alienatio propter Senatusconsulti auctoritatem: si ergo adesset solemnitas Senatusconsulti, valeret: cùm ergo illud recipiatur in simplici alienatione, multò magis admittendum est in alienatione propter merita, ex d. l. cùm plures, & d. l. qui filium, & ita pro Ias. iudico d. l. 2.

36 Octauò pro communi & receptissima sententia facit textus in l. cùm Navarchorum, C. de naviculariis & naucleris, lib. 11. vbi remittuntur publicæ pensationes, & conceditur immunitas in præmium benè navatæ operæ in rempublicam ab eo qui eam operam navare non tenebatur: & ad hoc adnotavit illum textum Romanus in rep. d. l. si verò, §. de viro, ff. solut. matrim. fallent. 48. & Barbatia cons. 11. lib. 2. & consil. 44. eodem libro, & Tiraquellus ubi supra, credit hoc verum, num. 42. addit tamen ibi hæc verba; sed an id probeatur in d. l. cùm Navarchorum, aliorum sit iudicium.

Meo autem iudicio textus benè probat conclusionem, ad quam allegatur à Romano & Barbatia, si consideres decisionem legis penultimæ, C. de iure fisci, lib. 10. ibi: *Quæque antiqua consuetudine commendantur in pabulis, vel sumptibus familie ministrando, intemerata permaneant*: ubi antiqua consuetudo est servanda in creandis officiis, in eo scilicet, vt unusquisque munia & munera sui magistratus exerceat, nec putet ab alio esse sibi excusationem expectandam; idque circa pabulum, & circa sumptum familiæ.

Modò capio sensum legis cùm Navarchorum. Cùm propter penuriam navium Naucleri orientales, quibus ex antiqua consuetudine munus iniunctum erat vt frumentum ex Alexandria Constantinopolim transferretur, eorum operâ officium suum præstare non possent, ac subinde, vt inquit textus, titubarent, id est, timerent pœnas legibus adversus eos impositas, transacta præsertim jam occasione navigandi, ideoque expectarent indignationem iudiciorum, quæ iudicia reddebantur adversus naucleros non transvehentes frumentum, Augustus verò, ne vrbs penuriâ frumenti laboraret, frustra expectatis naucleris orientalibus, vocatis ad se Præfecto Augustali & Præsidi Insularum ex eorum consilio (id enim sonant verba illa *Præfecto Augustali & Insularum Præsidi conventis*) id est, vocatis & communicatis de eare: Augustus igitur ex eorum consilio fecit, vt Principes, & Summates, hoc est, Præfecti Alexandriae & Cripaciæ classis frumentum adducerent, quod quidem per naucleros orientis ex conditis vrbis Alexandriae consueverat transferri. Itaque Summates Alexandriae, quæ in Africa est ad ostia Nili, transvexerunt frumentum Constantinopolim, quod ex antiqua consuetudine naucleri orientis, hoc est Africæ, transferre tenebantur; cumque urbem fame liberassent, immunitate pro remuneratione donantur, ibi: *Salariis pro mercedibus præstitis*, & ibi: *Ex tributaria pensationis immunitate*. Quidquid igitur reliquerit Tiraquellus aliorum iudicio, certè textus in d. l. cùm Navarchorum, probat ad literam id, ad quod à Romano & Barbatia allegatur, & miror Tiraquellum bonarum literarum præditiis illustrem, de litera dictæ legis cùm Navarchorum, dubitasse. Mare autem Carpathium inter Rhodum & Cretam est, à Carpathio insula dictum: vergit ad Ægyptum, hodie Turcis familiare.



Vnde fit, vt ei aut remittatur omninò pœna, aut saltem minuatur, qui de re publica bene est meritus, l. 2. §. *postea cum Appius*, ff. de orig. juris, vbi ei, qui librum Appio surripuit, & populo donauit, pœna furti nulla imponitur: textus in l. non omnes, §. *ult* ff. de re milit. vbi ei parcitur, licèt transfugæ, qui plures latrones detexit, & transfugas demonstravit: notat Roman. sing. 538. Barbat. conf. 11. lib. 4 & conf. 20. lib. 2 Fulgos. conf. 124. Alexand. conf. 19. lib. 7. Socinus regula 229. Platea & Angel. in §. *sed & quod Principi*, Inst. de iure natur. gentium & ciuil. & ibi glossa verbo, ob meritum. Vide Tiraquellum latissimè in tract. de minuend. pen. caut. 24. & vide legem in eos, ff. de custodia reorum, vbi parcitur carcerato, qui detexit conspirationem factam in carcere.

Nonò, pro communi & receptissima sententia est textus expressus in l. *viuus libertus*, ff. ne quid in fraud. patroni; verba illius hæc sunt: *Viuus libertus donare bene merentibus amicis potest, legare verò nec bene merentibus amicis potest, quò patroni partem minuat*: ex donatione igitur remuneratoria minuitur legitima portio patrono, & ad hoc notat illum textum Bald. in l. 2. oppos. 4. C. de inoffic. don. Rom. in repet. l. si verò, §. de viro, ff. solut. matrim. fall. 48. vers. 6. Alex. conf. 55. lib. 2. Barb. in rub. de don. & conf. 2. lib. 3. Corneus conf. 178. lib. 2. Iason in auth. vnde si parens, C. de inoffic. testam. glossa in l. patronus, ff. de prob. Bart. in l. ambitiosa, ff. de decret. ab ord. fac. vbi ait, idèd in d. l. *viuus libertus*, admitti remunerationem in vita, quia libertus potest lucrari adhuc bona, vnde legitima patrono soluatur, & in vltima voluntate cessat ista ratio, ita refert Iason in l. si non sortem, §. libertus, ff. de condict. indeb. num. 8. effectu 8. & in l. ex hoc iure, ff. de iust. & iure, 8. effectu.

Aduerte tamen ad vnum, quod est in hoc Regno Hispaniæ quotidianum, quòd decisio dictæ legis *viuus libertus*, non habet locum in patre respectu filiorum, quibus legitima debetur, quia ex dispositione nostrarum legum pater non potest remunerare de bonis filiorum, sed de suis duntaxat. Bona enim parentis sunt bona filiorum, auth. nouissima, & auth. vnde si parens, C. de inoffic. testam. & sunt creditores paterni, l. fin. C. de curatore furiosi, & nostro iure sunt bona omnia parentum bona filiorum, de quibus pater nec viuens, nec moriens vltra quintum disponere potest. Vnde si vltra quintum pater donasset remunerando, iam remuneraret ex alieno, non ex proprio: tenet de iure communi expressè Ias. in d. l. ex hoc iure, n. 62. vers. *decimum effectum*, & in auth. vnde si parens, C. de inoffic. testam. idem resoluit Gregorius in l. 8. tit. 4. part. 5. in glossa, verbo legitima, & in gloss. verbo, en vida, & in eadem l. ipse Gregorius post Roder. Suarez, tenet patrem nec viucentem, nec morientem posse disponere, nisi de quinta bonorum, & vltra legem 28. Tauri, allegat dictam legem 8. vsque aded, vt nec minutulas donationes possit facere, quæ magnam aut mediocrem donationem efficiant, non solum rerum ipsarum, verum etiam nec fructuum: vide ibi, & consil. 63. Socini, lib. 1. vt nec in rebus, nec in fructibus pater disponere possit vltra quintum, existentibus filiis legitimis: nostram conclusionem tenet etiam glossa, Fulgos. Paulus & Iason in d. auth. vnde si parens: tenet expressè Bald. in l. 2. C. de inoffic. donat. oppos. 4. quod dicta lex *viuus libertus*, non habeat locum in patre respectu filiorum, &

legitimæ ipsis debita : tenet hanc Baëza *de non meliorand.rat. dot. filiabus, c. 17.num.3.* Tellus in *l. 28. Tauri* : tenet hanc Gutierrez *de iuramento confirmatorio, 1. part. c. 5. num. 25.* tenet Nauarrus relatus à Gutierrez vbi *suprà, n. 26. & 27.* & hæc est vera resolutio ad *d. l. viuis libertus*. Nec enim legitima patroni exæquatur legitimæ filiorum iure naturæ & civili debita, *l. nam & si parent. ff. de inoffic. testam. l. scripto, ff. unde lib. l. cum ratio, ff. de bonis damnat.*

Nec ad hanc questionem facit, quod scribit Ioan. Lupus *in repet. rubr. §. 50. num. 2.* & Didacus de Segura *in l. coharedi, §. cum filia, ff. de vulg. fallentia 16.* nec quæ scripsit Castillo *in proæmio legum Tauri, verb. gratia,* & Mieres *de primogen. quæst. 22. 1. part. num. 19.* quia de his inferiùs nobis agendum est, cum de filiis agemus ; in filiis alia iuris ratio sequenda est nostro iure, quomodo & quantum hæc donatio sustineatur intra, aut vltra legitimam ; & vtrum filij possint meritis mereri remunerationem à patre, *num. 43.* modò id dicimus, patrem habentem filios legitimos, non posse remunerare extraneo vltra quintum, quia vltra eam quantitatem remuneraret ex filiorum substantia, non sua, *d. l. 8. d. l. 28. Bart. Bald. Fulgos. Paulus, Socinus, Didacus, & Gregorius vbi suprà,* cum alijs à me adductis.

42 Vnde in casu, quo donatio remuneratoria facta fuit extraneo, certè in præiudicium filiorum non sustinetur, nec iure cõmuni, nec nostro, nec dicta lex *viuis libertus*, habet locum in filiis & patre, ex his quæ à nobis adductæ sunt. Quod si pater senior, aut rusticus, aut ignobilis ducat secundam uxorem nobiliorem, aut iuuenulam, eoque nomine remuneret ; certè apud nos filiis prioris matrimonij non præiudicabit, nisi in quinto, ad quod opportuna sunt superiùs adducta ex Didaco, & Gregorio, Nauarro, Baeza, Gutierrez, Tello, Bart. Bald. Fulgos. Paul. Iafone.

43 Decimò pro receptissima sententia facit textus expressus *in authent. de non eligendo secundo nubent. ibi : Plurimumque à filio experta fauorem existimauit oportere, ne relinqueret eum sine remuneratione.* Vbi Angel. ex textu notat antidoralem hanc obligationem reperiri inter patrem & filios, contra Lancellotum Politum *in l. filium quem habentem, C. famul. a heriscund. vers. secunda conclusio,* & contra Pinellum *in d. l. 1. C. de bonis maternis. 3 part. n. 85. versicul. inferitur vndecimò,* qui existimabant, nullum esse officium tam pium, tamque humanum, quod filius non debeat parenti ; vnde remunerationem & meritum reiiciebat à patre & filio : sed meliùs Angelus sentiebat, & contra ipsos & pro Angelo est textus *in d. authent. & in l. de emancipatis, C. de legitim. hered. ibi : Hoc à suis genitoribus meruerunt : & in l. cum pater, §. rogo, ff. de legat. 2. ibi : Rogo filia, ut bona tua quandoque distribuas filiis tuis, ut quisque de te meruerit.* Textus *in l. 1. §. toties, ff. de collat. bonorum, ibi : Si etiam iudicium patris meruit ; & in l. femina, C. de secund. nupt. ibi, Contemplatione meritorum.* & contra Politum ita residendum est, & contra Pinellum, quòd etiamsi filius debeat parentibus omne officium & obsequium, quantum ius ad pium, adhuc hæc officia dici possint merita, quæ remunerationem expectare possint, maximè si merita procedant ex artificio, aut exercitio impensò à filio, vel in patrem, vel in rem paternam : veluti si curator, si administrator, si aduocatus, si tutor, si faber lignarius, aut ferrarius, aut scriba, operas venales patri impendat. Textus *in l. pen. ff. de obseq. à lib. & libertis pat. & patrono prest. ibi : Nam pietatem debent liberi parentibus, non operas ;* ita Bald.



Salyc. & Iaf. in *l. si donazione, C. de collat.* Anton. Gomez in *l. 29. Tauri, n. 23.* Gutierrez *vbi supra, part. 1. cap. 5. n. 5.* Ex his enim operibus cum filius agere possit (intelligimus de emancipato) planè si pater non remuneret, expectare salarium poterit. Pone filium rem rusticam curare, lites in hoc Senatu paternas sollicitare, negotia patris agere domi forisque, quæ extraneus non nisi magno pretio & salario fecisset, aliis in otio, aut scholis degentibus, videbatur posse remunerari; quòd si remuneratio desit, quod poterit salarium petere, quod tenebat Fulgos. in *l. illud, C. de collat.* sequitur Anton. Gomez in *l. 26. Taur. n. 24.* vbi quod sit hæc Fulgosij opinio æqua, tenet Didac. Perez in *l. 1. tit. 2. lib. ordinam.* sed Iason ibi, in *d. l. illud*, tenet contra Fulgosium; dicit veriore pro Iasone Baeza *de decima præstand. c. 2. n. 3. & 9.* licet ipse ibi distinguat: tenet contra Fulgosium glossa in *l. 3. tit. 10. part. 2. verbo, que son suyos*; & hæc sunt duæ opiniones repugnantes: Gutier. verò *de iuram. confirm. part. 1. c. 5. n. 10.* distinguit ita, vt filius emancipatus possit petere salarium, secus verò filius in potestate: & licet faciat magnum festum *d. l. fin. tit. 20. part. ead.* certè mihi illæ leges nimium genericè loquuntur; ego magis probo opinionem Nauarri in hac quæstione in *Manual. c. 17. n. 144.* vt quæstio decidatur ex voluntate aut præsumpta, aut probata: & in dubio sit præsumendum filium parenti hanc curam, hanc sollicitudinem, has operas donasse, idque ex his quæ dicemus *n. 50.* nisi constet apertè de contraria voluntate filij, quæ voluntas constabit ex protestatione, iuxta *l. Nefennius, ff. de neg. gest.* & ex librationum, & ex declaratione animi per testes, iuxta ea quæ diximus de patre erga filios, *de expens. & meliorat. c. 4. num. 4.* egregia *l. qui pater, ff. famil. hercisund.* ibi: *Si non credendi animo pater fecisse fuerit comprobatus*; vbi Bartol. egregia *l. illud, C. de collat.* ibi: *Nisi huiusmodi legem donator tempore donationis sua indulgentia imposuerit*: ex quibus verbis & Bart. ibi aduerte, quòd protestatio debet fieri, item explicatio voluntatis tempore, quo seruitium aut operæ præstantur, quæ omnia sunt addenda Ayora *3. part. quæst. 3.* vbi hæc omnia omisit.

Modò ex dictis iuribus asserentibus merita filiorum erga parentes, contra 44  
Politum & Pinellum inferunt Scriptores, valere donationem remuneratorem factam filio benemerito tanquam extraneo, Iaf. qui plures refert in *d. l. ex hoc iure, 3. effect.* & Saisel. *effect. 3.* idem Iaf. in *d. §. libertus, effect. 2.* Roland. *consil. 98. lib. 1. n. 44. & 4.* Palac. Rub. *d. §. 50.* Tiraq. *vbi sup. n. 10.* glossa. Bart. Bald. Angel. & Paul. in *auth. unde si parens, C. de inoffic. testam.* glossa. Bart. & Bald. in *l. si donazione, C. de collat.* & in *l. filium quem habentem, ff. famil. hercisf.* Castil. Hispan. in *proœmio legum Tauri, verb. gratia*, Segura in *l. coheredi, §. cum filia, ff. de vulg. fallent. 16.* Didac. in *c. cum in officiis, de testam. n. 11.* Gutier. *de iuram. confirm. lib. 1. c. 5. in princ.* & est receptissima sententia nostris & exteris.

Sed opportunè quæritur nostro iure Hispano, an si pater quatuor habens filios, vni eorum donet ob merita, an iuxta communem & receptam sententiam filius ille habeat ea bona donata tanquam extraneus, & an reputanda sint æs alienum, an verò computanda sint in legitimam, an in tertium, an in quintum, quid iure Hispano sit decidendum?

In quæstione autem proposita illud certum est, bona illa non esse æs alie- 45  
C 2 num,

num, nec filium respectu eorum esse veluti extraneum, nec in hoc casu habere locum *l. vius libertus*, ff. si quid in fraud. patron. quod resolvimus supra cum Ias. Bald. Paul. Didaco, Greg. & reliquis quos adduximus *n. 41.* & tenet expresse Aymon *conf. 165.* ratio est, quia cum *ex l. 28. Taur. & l. 8. tit. 4. part. 5.* & ibi Gregor. verbo, *en vida*, & Roder. Suar. ibi adducto, omnia bona præter quintum sint bona filiorum, iam remuneraret pater extraneum ex bonis filiorum, cum donatio illa extraneo facta esse intelligatur, & alibi adnotauimus *ad leg. 27. Taur.* cum autem bona ista nec sint æs alienum, nec donatio facta intelligatur filio tanquam extraneo, nec si extraneo fieret, filiis noceret in legitima; cumque nec in hoc casu habeat locum dicta lex *vius libertus*, videndum est, quatenus nostro iure illa donatio facta filio respectu reliquorum filiorum sustineatur, quod nec Didac. dixit, nec Greg. scripsit, cum tamen verissimè dicant in hoc casu non esse locum dictæ legi *vius libertus*.

46 Ego verò considero nostro iure maximam esse differentiam inter simplicem donationem, & donationem ob causam; namque illa simplex non confertur, & valet in tertio & quinto, præcipuè *l. 26. Taur. l. 20. tit. 6. lib. 3. recop.* donatio ob causam confertur, *l. 29. Taur. l. 3. tit. 8. lib. 5. recop.* Ita illa duo iura conciliant Hispani Scriptores *in d. l. 29. Cifuent. n. 1. Lupus n. 7. Anton. n. 29. Tel. n. 2. & 4. Auend. n. 3. Greg. in l. 3. verbo en su parte, tit. 4. part. 6. & in l. 3. verbo no querria, tit. 5. part. 6. Suar. in l. quoniam in prioribus, C. de inoffic. testam. q. 5. post limitationes, Didac. in c. Raynaldus, §. 2. num. 8. Suarez iterum ubi sup. in declaratione legum Regni, q. 5. n. 19. Bernard. Diaz de Lugo reg. 140. Gutier. quest. pract. ciuil. 64. num. 3. Auend. respons. 17. num. 3. Matienz. in l. 3. tit. 8. lib. 5. glos. 2. n. 1. & hæc differentia reincident in antiquiorem, quæ dicebat donationem simplicem imputari, donationem verò ob causam conferri: & erat difficilis, *ex l. illud, C. de collat.* ibi: *hæc autem regula, vt omnia que imputantur, etiam conferantur, minimè è contrario tenebit*: & hanc tenebat Suarez ubi supra *d. num. 9.**

Intelligere tamen oportet in casu dictæ legis 29. & *l. 3. tit. 8. lib. 5. recopil.* donationem ob causam sustineri in legitima, & deinde in tertio & quinto, si is, qui donatione accepit, ea contentus nihil amplius velit de bonis mortui parentis; tunc rectè collatis bonis, fit diuisio, donatioque illa ob causam sustinetur in legitima, & deinde in tertio & quinto, & ita intelligitur ipsamet lex 29. verbis expressis, ita vt inofficiosa sit, si legitimam excedat, & insuper tertium & quintum, ac tunc fit imputatio, sine qua constare non potest, an sit inofficiosa; si verò ea donatione contentus non sit, tunc quidem omnia confert, & procedit dicta lex *illud*, vt nihil curandum sit de imputatione; & sunt aperta verba dictæ legis 29. *in principio.*

74 Intellige etiam vnum, quod est necessarium *in d. l. 29. Tauri*, & deducitur ex verbis illius legis, ibi: *A traer à collacion y particion la dote y donacion propter nuptias*; sequitur *e las otras donaciones que ouier en recebido*: vt hæc verba non solum referantur ad donationes ob causam, & non ad donationes simplices; quæ fuit sententia Scriptorum Hispanorum, de qua hoc *num. 47.* sed etiam referantur ad donationem ob causam, non quæcumque, sed necessariam, saltem (meâ sententiâ) necessitate impulsua decente, & conueniente;



niente, vt est donatio ob dotem, quæ est necessariò compulsiva, donatio propter nuptias hodie non solùm libera, verùm nec iure cognita nostro: denique causa debet esse necessaria necessitate vel legis, vt dos; vel naturâ, vt datum ad alimenta; vel honestate, vt militia; vel quia conueniat, vt datum vt in matrimonium eatur. Ita intelligo verba, *y las otras*, quæ sunt verba repetitiva similium Glossa in *auth. si fugitini, C. de seruís fugitiuis*. Leges enim quæ loquuntur de imputanda donatione in legitimam, loquuntur de donatione ob causam, non quamcunque, sed de causa simili illis expressis in *d. l. 29.*

In quo laborabat Ripa in *l. in quartam, ff. ad legem falcid. n. 158.* Bereng. 3. <sup>48</sup>  
*part. art. 3.* Ruinus *num. 13.* Corras. in *l. filium quem habentem, C. fam. hercisc.* Menchac. *de succ. creat. §. 30. num. 268.* omnes quærunt quæ causa illa sit, quæ faciat donationem ob causam non simplicem, vt conferatur; & inclinant in causam necessariam & efficacem ad agendum: sed si ita intelligas nostro iure verba legis 29. ibi, *e las otras donaciones*, planè erunt sine sensu, quia hodie iam nulla donatio ob causam, præter dotalem, habet eam necessitatem præcisam. Similia verba sunt in *auth. ex ea ratione*, quam superiùs adduximus, quia scilicet non debet pater remunerare de bonis filiis debitis, quia iam remuneraret ex alieno, & quia pater quantumvis donet remunerando, semper meminisse debet esse suam substantiam filiis suis debitam; quod latè fundauimus suprà. Et licèt ad hoc, vt donatio dicatur remuneratoria, dixerimus non esse necesse, vt merita sint obligatoria ad agendum efficaciter, *ex iuribus suprà adductis, d. l. Aquil. regul. l. metum, §. sed licèt, d. l. sed etsi lege, §. consl. idemque, §. fin. cum l. seq. & l. si verò non remuner. d. l. quod autem, §. si vir, d. c. per tuas, l. l. etiam, §. ex præst. d. l. cum Nauarc.* quæ sunt iura expressa contra Guilel. de Cun. & Baldum, & Pinel. in materia tamen collationis & imputationis tenemus necessariam esse causam, aut compulsuam, aut certè multùm impulsuam, vel lege, vel naturâ, vel honestate, vel more, vel consuetudine, contra Bereng. Corrasium, Corneum, Ripam, Didacum, Tell. vt suprà latè diximus.

Vnde donatio facta filio, quia patrem amauerit, coluerit obsequens & obediens, quod pertinet ad collationem & imputationem, certè simplex est donatio, & habebitur præcipua; & quidem est remuneratoria, vt distinguatur ab ea donatione, quæ liberalis est: sed quod pertinet ad imputationem, aut collationem, iuxta ea quæ diximus *num. 47. isto c.* certè est donatio simplex, & habetur præcipua: & ita intelligo Ioan. Lup. & Paul. Vnde plurimùm aduertendum est in casu legis 29. ad causam, an sit necessaria, an verò libera: inde inferes ad donationem librorum & expensarum pro addiscenda aliqua facultate, de quo nos *de expensis & meliorat. c. 3. n. 6.* inde ad donationem clerico factam ad titulum patrimonij, de qua Did. in *c. Raynaldus, §. 1. num. 7.* Gomez. in *d. l. 29. num. 21. vers. subinfero*, Auend. *resp. 17.* Auend. alter in *d. l. 29. n. 8.* & Tellus *n. 16.* Menchaca *de succ. creat. §. 30. n. 116.* quam ego credo vel conferendam, si filius vti hæres ad paternam hæreditatem accedat; vel imputandam in legitimam, si se abstineat, & residuum sustineri in tertio & quinto, iuxta ea quæ diximus *num. 47.* & in hoc probò opinionem Didaci & Auendañij, contra Tellum, & Antonium Gomezium, quam tenet & fundat

Ayora de *partit. bonor. 2. part. q. 3. per totam*, vbi vide; & vide de quæstione ad utramque partem, *gl. 18. principali, de melioratione, num. 65.* & in tota illa glossa plura de donationibus conferendis, vel non: & latè disputat Gutierrez *quæst. pract. civili 65. per totam*, vbi videre poteris.

49 Adde tamen, quòd etiam si donatio sit simplex (iam enim reuertimur ad nostram de meritis disputationem) si tamen probantur merita, donatio diceretur remuneratoria, idque etiam in prohibitis, glossa loquens de patre & filio, quam sequuntur Bart. & Alex. ibi, in *l. si donatio, C. de collat.* Bartol. in *l. si tibi decem, §. si pactus, ff. de pactis*, Bartol. in *l. 1. §. nec Castrense, ff. de collat.* Bartol. in *tractat. de duobus fratribus, quæst. penult.* Bald. in *l. et si mortis, C. ad legem Falcidiam, & in l. 1. C. de confess. & in l. cum virum, C. de fideicommiss.* Socinus in *l. si non sortem, §. libertus, ff. de condict. indebiti*, Ias. in *l. ex hoc iure, ff. de iust. & iure, in secundo effectum*, Fortunius in *l. iurisperitum, §. qui iure, versicul. ego verò de tali, ff. de pact.* ita ut ex eorundem authorum, quos retulimus, sententia non sit de ea dubitandum, quam tamen intellige, nisi cum benemeritis reperiatur quoque affectio filiationis & sanguinis, quia tunc præualeat causa naturalis, Romanus *singul. 648.* Paulus de Castro *consil. 345. lib. 1. & consil. 371. eodem lib.* Socin. *consil. 91. lib. 1.* Decius in *cap. quoniam Abbas, de officio delegati, l. à patre, C. de collation.* Vnde si spurius reperiatur institutus, vel reperiatur donatio ei facta à patre, magis præualeat affectio naturalis, quam meritum: & ita intelligunt Imola, Cumanus, Paulus, Aretin. & Iason in *l. quod dicitur, ff. de verbor. oblig.* vbi stipulatio facta à patre filio benemerenti, magis censetur facta amore paterno, etiam si pater exprimat se facere propter meritum: tenent Baldus, Fulgosius & Iason in *l. si tibi decem, §. si pactus, ff. de pactis.* Inde dixit Decius *consil. 10.* quod si quidpiam relinquatur consanguineo pauperi, non est relictum pium: igitur nec etiam si ex testamento, *C. de collat.* ibi: *Dotis & aliorum datorum*: quod nota ad Tellum in *d. l. 29.* qui accipit ea verba strictè & efficaciter, & reuerà accipiendo illa verba, *e las otras donaciones*, scilicet ob causam necessariam & efficacem, remanent sine sensu, quia nec ipsa donatio propter nuptias est hodie necessaria, nec agnoscitur.

50 Quid autem fuerit donatio propter nuptias, vide Gomez in *l. 50. Taur. n. 9.* quid lege partitarum, vide *l. 87. tit. 18. p. 4. & l. 1. tit. 11. p. ead.* & utrobique Gregor. Didac. in *4. part. 2. c. 3. §. 7. n. 10.* Palacios Rub. in *rubric. §. 12. n. 1.* Suar. in *l. 1. titulo de las arras, n. 2.* Ex quibus constat hodie nec esse ullam donationem propter nuptias, nec aliam ei similem. Vnde quidquid obstinatè teneat Tellus in *d. l. 29. Tauri*, & in *l. 17. num. 78.* & in *l. 12.* certè verba illa, *E las otras donaciones*, ne remaneant sine sensu, intelligenda sunt meo iudicio, aut de donatione dotis, aut de donationibus similibus ob causam necessariam naturâ, honestate, more & consuetudine patriæ, in quibus non reperitur mera liberalitas, etiam si non reperiatur præcisa & legalis coactio. Lex enim, quæ coniunxit & apposuit sub vna & eadem decisione donationem dotis, & donationem propter nuptias iam ignotam, saltem non obseruatam, & deinde addit, *e las otras*, intelligenda est de aliis ob causam necessariam naturâ, honestate, more, & consuetudine, vbi non adest mera liberalitas, licet nec coactio præcisa: alij iudicent, hæc mea sententia est ad *d. l. 29.* Ratio est horum omnium.



omnium, quia pater hæc donando non versatur in mera liberalitate, idè dare videtur in legitimam; hanc rationem agnoscunt Ripa, Corraf. Berengar. & Ruinus *ubi supra*, & Suarez & Menchac. *de succession. creat.* §. 30. num. 268. & quamvis Auendan. *in d.l. 29. Tauri*, gloss. 3. num. 4. velit recedere à communi sententia, certè meo iudicio immeritò; quia si cum iudicio eius verba expendas, confundit casus dictæ legis 29. & licèt alleget pro se & pro sua illa sententia Ioannem Lupum de Palat. Rub. *in reper. cap. per vestras, de donat. inter virum & uxorem*, 3. notab. §. 22. num. 10. & 11. meliùs Gutier. illum reprobat, *question. pract. civil.* 64. lib. 2. num. 1. & 2. sed si cum iudicio expendantur verba Ioannis Lupi, magis probant receptam sententiam Hispanorum scriptorum *ad d. l. 29. & ad l. 26. Taurinas*, vt altera in donatione simplici præcipua intelligatur, altera verò in donatione ob causam conferenda quo diximus modo. Ait enim ipse Ioan. Lupus his verbis: *Dando ergo dotem magnam videtur filium meliorare in quinta & tertia bonorum ultra legitimam*: nota verbum illud, *ultra legitimam*; ita vt ex mente Ioan. Lupi priùs de legitima fiat & ineatur ratio, postea verò de tertio & quinto: & est sensus iuxta verba ipsius legis 29. *in 2. part.* & ita sunt intelligenda verba Ioan. Lupi, n. 12. & 13. quatenus allegat dictas leges 26. & 29.

Sit igitur verissimum ex interpretatione scriptorum nostrorum, legem 26. Tauri, intelligendam esse de donatione simplici, quæ præcipua est, & ad tertium & quintum pertinet: at verò legem 29. intelligendam esse de donatione ob causam quæ legitimam primò tangit, & confertur ab eo, qui ea donatione à patre sibi facta contentus esse nequit; at verò imputatur in legitimam, & deinde in tertio & quinto, ab eo qui ea contentus donatione, nihil amplius curat de bonis paternis.

Sit item verissimum, quidquid Berengarius, Ripa, Ruinus, & Coraf. dicant *ubi supra*, quicquid scripserit Tel. *in d.l. 29. Tauri*, Paul. *in l. vt liberis*, n. 10. C. *de collat.* & Decius *in auth. ex testam. C. eod.* Didac. *in c. Raynald.* §. 2. n. 7. *de testam.* & Menchac. *ubi sup.* de causa necessaria & efficaci requisita ad hoc, vt in materia collationis donatio dici possit ob causam, quæ si non sit donatio ob causam, sed simplex, quæ non habeat necessariam & efficacem causam, quod in hac materia collationis sufficit, quòd causa sit necessaria necessitate vel naturæ, vel honestatis, vel moris, vel consuetudinis vt diximus: quia hæc necessitas, quamvis non sit coactiua, satis superque cogit, ne videatur donans liberaliter donasse: & facit textus *in l. omni modo, §. imputari, C. de inoffic. testam.* vbi militia filio imputatur in legitimam, & tamen nulla necessitate pater tenetur emere filio militiam; & ita nouissimè contra Tellum tentauit Angulo *de meliorat. in d.l. 29 gl. 4. n. 17.* & in hoc inclinat Menoch. *de success. creat.* §. 22. n. 45. & Gutier. *tract. quest. civil. c. 5. lib. 2.* vbi disputat questionem illam, vtrum datum, vel donatum à patre filio ad titulum patrimonij, vt factos Ordines suscipiat, imputatur ipsi in legitimam; & nos referimus alios inferiùs ad propositum huius disputationis, an causa debeat esse compulsiua; & quamvis donatio ob merita non sit simplex donatio respectu meræ liberalitatis, vt supra satis probauimus in principio, *isto capite*, imò dicitur donatio ob causam, quæ sit ob merita, & ita asserit, & tenet Faber, & Platea, & Aretius *in §. sunt praterea, versic. idem est si quis, num. 8. Instit. de action.* idem Iason *in l.*

in l. inter eos, versic. limita, ff. de re iud. & in conf. 118. lib. 4. Decius in l. Diuus, ff. de regul. iur. versic. & ista regula. Cùm ergo ista donatio remuneratoria, de qua agimus, sit de sui natura donatio ob causam, ex recepta sententia, & non simplex, videbatur planè dicendum ex decisione dictæ legis 29. hanc donationem debere imputari in legitimam filij donatarij, & residuum sustineri in tertio & quinto, si filius eâ contentus sit, nec ampliùs velit de hæreditate paterna: aut si velit accedere ad patris hæreditatem vti hæres, debere hanc donationem conferre, iuxta dictam legem 29. in princ. contrarium tenebat Palac. Rub. in d. l. 29. num. 10. relato Paul. de Castro consil. 121. quod tamen mihi est difficile, vt ultra quintum donatio concipiatur simpliciter; sustinetur tamen vt remuneratoria probatis meritis, nisi probetur causa affectionis naturalis.

51 Aduerte etiam, quia donatio quantumcunque remuneratoria, in eo quod excedit merita, est simplex, & merè liberalis, textus in c. relatum, de testam. ibi: iuxta seruitij meritum, Ias. in d. l. ex hoc iure, ff. de iustitia & iure, primo effectus, & in auth. vnde si parens, de inoffic. testam. Alciatus in l. alienatum, §. donationis, de verb. signif. Angelus in l. sed & si lege, §. consuluit, ff. de petit. hered. Angelus, Imola, & Rom. in l. Aquilius, ff. de donat. plures adducit more suo Tiraquellus vbi supra, num. 8. & est æquissima opinio plena ratione & æquitate, vt merita & præmia exæquantur.

Sed & illud variè deciditur, quando dicatur remuneratoria excedere meritum, cùm soleant agri fertiles multò plus afferre, quàm acceperint: quia cùm agimus de remuneratione, facienda est lata interpretatio, Decius in c. fin. de const. & conf. 169. & conf. 193. & conf. 413. & conf. 614. Cumanus conf. 162. Gozadinus conf. 8. n. 22. Hispanus Loazes in repet. l. filiusfamilias, §. Diui, ff. de legat. 3. vers. non obstat.

Ideò Bald. & Salycet. in auth. ex testamento, C. de collat. hic verò in l. petens, C. de pactis, q. 4. aiunt sufficere, vt merita non sint infra dimidiam rei donatæ; & contra hos resoluit Ias. in d. l. petens, & ibi Decius, & idem Iason in d. l. ex hoc iure, in primo effectus, & in auth. vnde si parens, C. de inoffic. testam. & in l. frater à fratre, ff. de cond. indeb. Alex. in l. si donat. C. de collat. Bertrandus conf. 5. in 1. dubio, tenent hi id censeri gratuitum, quod excedit meritum: puto tamen hoc pendere ex arbitrio iudicis, qui de meritis & remuneratione cognoscit ex qualitate personarum, an nobilis, an ignobilis, an diues, an verò pauper: iura etiam admittet, an scilicet donans sit pauper, qui filios habeat, quos defraudare æquum non sit; omnia considerari oportet, ex Tiraquello vbi supra n. 85. & 86. vbi videre poteris ampliùs si velis, & casus sese obtulerit.

52 De probatione autem meritum, & an credendum sit de meritis ei, qui dicit sese remunerasse ob merita, & merita specificauerit, etiam cum iuramento, tene partem negatiuam, si sit de prohibitis, quod nos latissimè resolui-  
mus in nostro tractatu de Hispan. nobilit. & exempt. gl. 2. num. 17. & latissimè Tiraquellus d. verb. donatione largitus, num. 87. & seq. vbi n. 91. agit de iuramento meritum, & ibi latè distinguit inter specificam meritum relationem, & generalem, & inter prohibitos alienare, & donare in præiudicium,

vel



vel non prohibitos ; & nos agimus de Principe afferente de meritis , quatenus sit ei credendum, in d. gl.2. n. 17.

Item nota non esse iudicanda merita ea, quæ sunt vel officio pietatis, vel iuris, vel naturæ imperio, & vi, & potestate, ut in filio, vassallo, vxore, famulo, & amico sæpè experimur ; itemque in seruo & liberto, discipulo, quæ 54 considerat Ripa in d.l. si vnquam, C. de reuocand. don. quest. & lib.3. responso-  
rum, c. 13. Cum enim officia necessariò exhibentur, non possunt hæc officia vlllo modo pertinere ad meritorum rationem, cum in necessitatibus nemo vnquam liberalis existat, l. rem legatam, ff. de adimend. legatis. Textus in l. si seruo, ff. de hered. instit. l. proxime, ff. de ritu nuptiarum, ibi: Magis debitam libertatem præstitit, quàm vllum beneficium in mulierem contulit: quo nomine nec libertus obsequia præstando, nec vassallus fidelis pro domino moriendo, nec filius pro patre elaborando, nec vxor maritum colendo quicquam faciunt, nisi aliud grauius & maius intercedat, quod ad meritum pertinere videatur. Ob idque in tractatu nostro de Nobilit. gl.2. num. 33. per plures numeros diximus, quantum teneantur subditi mori pro Rege nostro, vbi n.29. Regis oppressi-  
onem detestamur, & obligationem adducimus ciuium, ut Regi subueniant, & eum liberent à tyrannide, nullum præmium expectantes ex eo officio, ad quod legis, & iuris imperio tenentur inuiti, & renitentes: ibi vide oppor-  
tuna ad hanc rem, quam tractamus.

## TRACTATVS II.

### De Tacito Fideicommisso.

#### Notabilia.

- 1 Tacitum fideicommissum qui ex nostris explicent.
- 2 Tacitum fideicommissum vnde sit dictum.
- 3 Obscuritas testamenti non purgat vitium tacite fidei.
- 4 Fideicommitti, & fideicommissum verba vnde.
- 5 Verba, quæ non pertinent ad fidem, non pertinent ad fideicommissum.
- 6 Verba legis 13. tit.7. part.6. in poridad, explicantur.
- 7 Notatur opinio Greg. Lop. in d. l. 13.
- 8 Obscuritas persone in testamento, secuta restitutione facta incapaci, probat tacitum fideicommissum.
- 9 Regula, quod expressum facit cessare tacitum, an habeat locum in nostro casu.
- 10 Instituto capace hærede, & eo palam rogato de restituendo incapaci, non est locus fisco.
- 11 Quod intelligitur, nisi sequatur restitutio.
- 12 Restitutio cum obscuritate testamenti inducit tacitum fideicommissum, si fiat incapaci.
- 13 Restitutio facta incapaci præcedente clausula in testamento, ut fiat resti-

- tutio cui velit , an pertineat ad tacitum fideicommissum.
- 14 Sine restitutione semper est necessaria accommodatio tacita fidei.
  - 15 Explicatur lex 13. tit.7. part.6. verbo en poridad.
  - 16 Ex confessione hæredis scripti inducitur tacitum fideicommissum.
  - 17 Limitatur hoc de confessione hæredis.
  - 18 Confessio de sui natura solet sibi nocere.
  - 19 Confessio debitoris non nocet creditori hypothecario.
  - 20 Confessio maris & fœmina afferentium matrimonium non nocet aliis.
  - 21 Confessio solius mariti de dote recepta non nocet creditoribus.
  - 22 Agitur de lege hæreditas, C. de his quibus vt indignis.
  - 23 Dicta lex hæreditas, continet dispositionem, non probationem delicti.
  - 24 An accommodatio tacita fidei probeatur coniecturis.
  - 25 Ad probandum delictum necessaria est aperta probatio , & n. 26. & 27. adducuntur aliquot coniectura.
  - 28 An maioratus institutus post accommodationem tacita fidei valeat.
  - 29 Delictum accommodantis fidem, an extendatur ad legata , & fideicommissa particularia.
  - 30 Verisimilitudo est cognata natura.
  - 31 Quod non consonat natura & rationi, non consonat iuri.
  - 32 Hæreditas qua transit ad fiscum , transit cum onere legatorum , & fideicommissorum.
  - 33 Pœna non egreditur suos authores.
  - 34 Resoluitur quod talis maioratus non valet in fraudem fisci.
  - 35 Differentia inter fideicommissa particularia, & vniuersalia.
  - 36 Intellectus ad l. 3. C. ad leg. Falcid.
  - 37 Intellectus ad l. Marcellus, §. fin. ff. ad Trebellianum.
  - 38 An in conscientia , & anima iudicio sit tutus , qui accommodauit tacitam fidem.
  - 39 Traditur resolutio questionis contra Baldum.
  - 40 Inuentio testamentorum quo iure.
  - 41 Traditur differentia inter indignum, & incapacem.
  - 42 Fiscus Ecclesiasticus & secularis quomodo admittantur.
  - 43 Agitur de capite 2. de successionibus ab intestato.
  - 44 Qua onera agnoscat fiscus.

**R**es est in foro quotidie assiduâ disceptatione controuersa, & variè de fideicommissio tacito quæstio disputata, nec vlla hætenus satis firma ratione decisa, cum habeat sua particularia iura, quæ luce indigent, & interpretationem aliquam suo quodam iure postulant. Multa autem de fideicommissio tacito multi scripserunt, sed quæ lucem aliquam desiderant: multa Anton. Gomez in l.9. Taur. multa Gregor. noster in l.3. tit.7. part.6. Didacus, & Simanc. aliqua, hic de hereticis, c.9. ille in 4. part. 2. cap.6. §.8. quæ tamen redigenda sunt in ordinem, vt dilucidius constent sibi.

Et primùm fideicommissum hoc vocatum est tacitum, cum nihil minùs tacitum dici possit; ex eo autem tacitum dictum est, vt inquit glossa in l. cum

tacitum,



*tacitum*, ff. de probation. verb. *tacitum*, quia timor est, si palam relinquatur, non capiendi, ob idque dicitur *tacitum*, quia palam non relinquitur.

In hac autem re dicitur *tacitum*, quia palam non relinquitur, hoc est, quia in testamento sciri non potest, cum testamentum recitatum est, textus in l. 3. ff. de his quibus ut indign. l. ita fidei hæredis, ff. de iure fisci, ibi: Non est enim palam relinquere, quod ex testamento sciri non potest, cum recitatum est: textus in l. 3. ff. eodem, ibi: Non intelligitur fraudem legi fecisse, qui rogatus est palam restituere. Et rursum ibi: Iulianus respondit, non quidem apparere quid ab hæredibus ex huiusmodi verbis petatum est. Et cum multa tradiderit Paul. de acceptione huius nominis, palam, in l. hæredes palam, ff. de testam. ubi latè videre poteris: in hac autem re verbum, palam, id est, quod apparet in testamento, cum recitatur; *tacitum* autem, quod ex testamento non apparet.

Denique obscuritas testamenti circa personam, etiam si restitutio postulata palam & apertè sit, non dicitur, nec intelligitur purgare vitium fideicommissi taciti; nihil enim proderit testatori, si in testamento postulet restitutionem, si ex ipso testamento non intelligatur palam cui restitutio sit facienda: textus in d. l. ita, 40. ff. de iure fisci, ibi: Fundum Titio des, de quo ter rogavi; & ibi: Rogo vos hæredes meos in eo quod à vobis peti, fidem præstetis. In hoc enim fideicommissio posteriore obscura sunt omnia, in priori verò, quoniam Titio rogatus est hæres restituere, nomen pluribus commune obscuritatem fecit; idè ipsa restitutio postea facta Titio incapaci locum quoque fecit fisco: idè meritò diximus, quòd obscuritas testamenti facit coniecturam, & præstat hoc nomen fideicommissio, ut *tacitum* vocetur, quoniam palam non est recitatum in testamento, sed tacitè extra testamentum: quodque dicimus de testamento, intelligimus de codicillis: textus expressus in l. in tacitis, ff. de legat. 1. ibi: Quoties quis nec testamento, nec codicillis rogatur, ubi gl. verb. rogatur, & Scriptores.

Fideicommissum autem vocatum est, quia modo & eisdem verbis concipitur, quibus solent solemnia & legitima fideicommissa concipi. In sola enim fide hæredis posita sunt, pudorque hæredis est, si fidem conceptam & speratam fallat: textus in §. fin. Instit. de sing. reb. per fideicommiss. reliet. Vnde & Paul. lib. 4. sententiarum ait, non inducere propriè fideicommissum ea verba, quæ omninò nihil pertineant ad fidem conceptam, & speratam à testatore fideicommittente. Hæc autem verba ipse Paul. enumerat, inter quæ sunt verba *inbeo*, *mando*, *precipio*, *volo*, nisi his quoque iunctum sit *fidei* verbum, ut *tue mando fidei*. Verba autem precaria, qualia *rogo*, *peto*, *cupio*, *deprecor*, *desidero*, *opto*, fideicommissum inducere, quia meram fidem sequuntur hæredis scripti, cui directæ sunt. Quoniam autem hæc dispositio, de qua nos agimus, his ipsis verbis concipitur, idque plerumque euenit, fideicommissum meritò appellatum est; *tacitum* autem, quoniam extra testamentum & codicillos: ideoque palam fieri non dicitur. Denique nostro iure est textus expressus in d. l. 3. tit. 7. p. 6. ibi: La sexta razones, quando el testador rogasse al heredero en poridad: ubi verbum illud, *en poridad*, intelligendum est, scilicet extra testamentum, aut codicillos.

Vnde verissimum arbitror, quod ibi verbo, *en poridad*, notat Gregor. Lupus, quod licet accommodatio tacitæ fidei fiat in publico instrumento in quo adsint testatoris preces, & fiat solemne instrumentum de precibus & promissione, adhibitis ad hoc testibus coram publico tabellione, ait Gregor. quodd si testes & tabellio rogantur de secreto seruando, scilicet ne deregant, aut publicent hoc, quod gestum est, quodd talis accommodatio fidei, quæ verè non est tacita, sed expressa, & publica, & notoriè solemnis, facit locum fisco, & allegat ad hoc Bartol. *in d. l. non intelligitur*, §. *tacitè, eodem*: idque asserit ipse ex Bart. propter secretum postulatam, & desideratum à contrahentibus.

7 Ego verò ex regula dictæ legis *ita fidei*, & dictæ legis 3. & legis *non intelligitur*, ff. *de iure fisci*, & glossa *in d. l. cum tacitum*, & scribentium omnium ibi, & *d. l. in tacitis*, etiamsi alias nullum secretum postulatam sit, si nec in testamento, nec in codicillis fiat mentio de restitutione illa facienda, quo casu cum in recitatione testamenti nihil reperiatur palam, hoc est, in testamento dispositum, tacitum factum esse intelligimus, & locus est dispositioni de tacito, licet seorsum, vel chirographo, vel cautione interposita, vel instrumento publico edito & confecto super ea restitutione preces testatoris, & accommodatio fidei tacitæ hæredis grauati scriptæ reperiantur in fauorem incapacis; idè locum esse aio fisco etiamsi de chirographo occultando omninò nihil sit inter eos actum, quoniam prædicta iura non solum exigunt, quodd hæc de qua agimus, restitutio omninò extra testamentum, aut codicillos rogata, & postulata sit, *d. l. in tacitis*, cum legibus supra adductis; atque hoc modo exillimo interpretandos Bartolum, & Gregor. qui eum sequitur; & captatio secreti non est necessaria, etiamsi multum iuuat.

8 Hinc est vt obscuritas personæ, cui hæc ipsa restitutio sit facienda, si obscuritas contingat in testamento, inducat præsumptionem tacitæ fidei accommodatæ, ex glossa & Bart. *in l. Lucius*, §. *in testamento*, ff. *de legat. 1.* vbi bonus textus: idem Bart. *in l. cohæredi*, ff. *de rebus dub.* per textum ibi: cuius ea vtilitas est, vt ex hac obscuritate secutâ postea restitutione incapaci, inducatur vera probatio tacitæ fidei accommodatæ, ex superius adductis, pro qua sententia est textus expressus *in d. l. ita*, & *d. l. non intelligitur*, & *d. §. in testamento*, & *d. l. qua hæredi*: quia obscuritas testamenti, scilicet, *restitue hereditatem meam ei, quem dixi*: vel *fac de bonis meis quod iussi*; vel, *dispone de bonis iuxta ea qua, à nobis dicta sunt*, aut *sicuti inter nos est conuenium*, & *actum*; secutâ postea restitutione facta incapaci, nullam relinquit dubitationem ad inducendam tacitam fidem vt locus fiat fisco: omnia autem descendunt ex eo quod diximus suprâ; quia illud in hac re quam tractamus, tacitum est, quod non inuenitur in testamento cum recitatur, etiamsi alias sit expressum, vel comprobatum testibus, vel chirographo, vel publico instrumento.

Vnde puerilis est illa allegatio, & sine effectu, quæ passim solet obiici, scilicet vocationem facere cessare tacitum. Sæpè enim testator rogat restitutionem, idque tacitè in fauorem incapacis; deinde eâ præmissâ longam in testamento addit vocationem, sæpeque perpetuum & simplex fideicommissum



missum constituit, de quo agemus inferius; tunc in promptu est querere, an liceat, & quid, quantumve profit: & contra fiscum opponuntur vocari ex testamento, hisque statim in ore est ea allegatio, scilicet quod expressè sint vocati; at verò incapax obscurè, tacitè & secretò, ac subindè inferunt, quod in fideicommissis expressum faciat cessare tacitum, ex Bald. Paul. Alex. & Ias. per textum ibi in *l. cum ex filio impuberi*, ff. de vulg. & in *l. si ita*, ff. de liberis & posthum. & in *l. clemens patronus*, ff. de hered. instit. & quia substitutus præfertur coniuncto, qui venit per ius accrescendi, quia hic tacitè, ille expressè vocatur, *l. i. §. si duo*, ff. de bon. poss. secund. tab. *l. vna*, §. pro secundo, C. de caducis tollend. *l. à Tirio*, §. Iulianus, ff. de legat. 2. vbi quod ius accrescendi venit ex tacita voluntate, substitutio autem ex expressa, quia secunda institutio est, ideoque adest in substitutione expressa voluntas; & quia est expressa voluntas, facit cessare tacitam voluntatem ex iuris expressa decisione, Bald. in *l. quidam eulogium*, C. de iure deliberand. *l. qui plures*, §. itaque, *l. ex facto*, §. idem quero, ff. de vulgari, Baldus, & Decius in *l. in testamento*, C. de impub. & aliis, & in hoc argumento versantur Aymon Craueta cons. 92. n. 3. Socinus consil. 30. n. 36. vol. 111. Cumanus consil. 118. & licèt hoc ita se habeat, vt in plerisque iuris partibus expressum faciat cessare tacitum, hæc verò allegatio applicata ad casum, de quo agimus, est planè puerilis, & inanis, quia vtraque vocatio est expressa, & patet ex expressa & clara voce testatoris: sed quia altera extra testamentum est facta, meritò ex iuribus adductis vocata est tacita, de qua infra nobis agendum est, nunc verò illud dixisse sat sit, non dici tacitum fideicommissum, nisi quia palam, hoc est, in testamento non est ea restitutio postulata, vel in codicillis petita; non verò dicitur tacitum ex defectu expressæ voluntatis, quia quod attinet ad tacitum fideicommissum, expressam quoque exigimus morientis voluntatem, sed tamen extra testamentum, aut codicillos.

Inde etiam fit, vt instituto capace hærede, eoque palàm rogato vt incapaci restituat hæreditatem, si fides non accommodatur, nullum delictum hæredis est; quia palàm, hoc est, in testamento rogatus inuenitur, non tacitè extra testamentum, aut codicillos; & remanet hæreditas penes scriptum hæredem, quasi purè relicta, *l. 3. §. si quis palam*, ff. de iur. fisci, *l. in tacitis*, ff. de leg. 1. *l. Lucius*, §. in testamento, ff. eodem: quod extendè etiam si & palàm, & tacitè simul rogatus sit restituere hæreditatem; tunc enim non accommodata fide, nihil omninò peccat hæres, ex d. §. in testamento; idè aduersus fiscum satis sese tueretur, aduersus verò incapacem respectu eius, quod capere potest, alia ratio iuris est, quæ ad nos nihil pertinet modò.

Hæc tamen limitat Anton. Gomez post Baldum in *l. eam quam*, C. de fideicommiss. num. 21. ad fin. & Paulum qui eum sequitur in d. §. in testamento, n. 2. & est Gomez in *l. Tauri*, num. 21. versic. secundò, ibi: Secus tamen si bona restituat tali incapaci; fundantur omnes in textu quem Bald. allegat, & more suo dicit vnicum, in *l. si postulante*, §. fin. ff. ad Trebellian. Verba eius hæc sunt: Si donationis causâ suspectam hæreditatem sibi hæres dixerit, & ei restituerit, qui solidum capere non possit, auferitur ei quod capere non potest. Ex quo textu aiunt, quod si palàm sit rogatus dignus restituere incapaci, hoc est,

in testamento, quo casu nihil videbatur pertinere ad fidem tacitam, quòd si secuta sit restitutio facta incapaci, aut ex testamento, aut in contractu inito inter viuos, quod aufertur, adjudicatur fisco, quia restitutio illa tacitam fidem inducat, & indicat indignum eum, qui restituit incapaci. Fundatur Bald. in verbo *aufertur*, quod magis applicatur indigno hæredi, *ex l. aufertur. ff. de iure fisci*: quæ tamen sententia mihi certè suspecta est; namque verbum, *aufertur*, applicatum hæredi indigno, rectè inducit indignitatem hæredis, & quandam pœnam fisco applicandam, *ex d. l. aufertur, & ex l. Papinianus, ff. de his quibus ut indign.* at verò reliquis applicatum non ita potest nec debet interpretari, nec induci in fauorem fisci; & tamen *in d. §. final. d. l. si postulante*, verbum illud, *aufertur*, applicatur incapaci, qui nulum delictum commisit, nec quicquam cum eo gestum est, nec de fide, nec de restitutione: ideoque verbum illud, *aufertur*, *in d. §. idem est* quod dicitur, non facit suum, iuxta legem *omnes 187. §. non videtur, ff. de reg. iur.*

Quod si dicas, propter restitutionem semel factam incapaci, id dictum fuisse *in d. §. fin.* ego libentius quæram, quare cùm tota hæreditas restituta sit *in d. §. fin.* & de tota hæreditate rogatus sit hæres, cùmque vniuersè deliquerit respectu totius hæreditatis, atque eam totam coactus restituerit, quia suspectam dixit, & à prætore fideicommissario coactus sit adire & restituere, cur non fuit ablata tota hæreditas, ex regula textus *in l. hæres, & in l. rescriptum, ff. de his quibus ut indign.* quæ sunt opportuna iura ad propositam disputationem: & *in l. etiam, C. ad legem Falcid.* Certè sententia Baldi, Pauli & Gomezij dura est, ad textum *in d. §. fin.* & durior inductio ipsius textus, nisi dicas, quod restitutio reperitur facta contra legem, maximè in ea parte, in qua non erat ius capiendi ei, cui ipsa restitutio facta est; sed tamen adhuc dura est isthæc sententia, ex eo maximè, quia nec fides tacita inest; ac etiamsi adesset, totam inficeret hæreditatem, quoniam in tota hæreditate peccatum est; quin etiam quia restitutio non fuit voluntaria, sed coacta & necessaria, & omnia palàm gesta sunt; quo casu delictum nec subest, nec intelligitur, nec in restituente, nec in accipiente, licèt incapace: & fortè verbum illud, *aufertur*, non refertur ad fiscum, *in d. §. fin.* sed capit interpretationem à *d. l. omnes, §. non videtur, ff. de reg. iur.* Habet autem relationem ad eos, qui iure persequi possunt, ita vt ex illo verbo solùm intelligamus incapacem partem eam, quam capere non potest, non fecisse suam, cùm auferri à se possit; & videtur verus sensus, observata decisione dicti *§. non videtur*, etiamsi authoritas Baldi, Pauli, & Gomezij plurimum resistat.

- 12 Adde etiam in hac materia alios duos casus, quorum vnus est, quando in testamento est obscuritas personæ, cui facienda est restitutio, sed secretò & tacitè de ea actum est; tunc enim sola restitutio cum obscuritate testamenti, aut codicillorum sufficit, vt locum faciat fisco, ex gloss. & Bart. & reliquis *in d. §. in testamento*. Pone instituisse me Titium, eundemque rogasse, vt bona restituat ei, quem sciebat, vel vt de hæreditate faciat quod nouit faciendum, vel vt restituat ei, de quo inter nos actum est; secuta postea restitutione post hanc obscuritatem suspectam locus erit fisco, si demùm incapaci



paci fuerit facta restitutio, quasi verificata fide tacite accommodata; idque ex d. §. in testamento, & glossa ibi.

Alter casus est, quem ponit Bart. in d. §. in testamento, n. 2. scilicet si testator instituat aliquem, forsan uxorem, & eam in testamento roget, ut restituat post mortem illis, quibus ipsi videbitur; & præsuppono, quod nec secretò, nec publicè testator sensit de aliqua persona, ut excludamus casum superiorem; ita ut tota restitutio collata sit in liberam voluntatem uxoris. Bart. ibi tenet, quod si vxor moriens instituat hæredes filios spurios mariti, quod ex hac restitutione non inducitur tacitum fideicommissum, quia sola restitutio non inducit tacitum; nullibi enim id scriptum est: nec item institutio hæredis, ut Bart. ait, & est verum.

Eandem quæstionem attigit idem Bart. in l. fin. ff. de his quibus ut indign. n. 7. versic. alius casus: sed non ita constanter: nec existimes Bartolum esse sibi contrarium, quia in d. §. in testamento, asserit, quod ex illa restitutione non inducitur accommodatio tacitæ fidei, & sic non fit locus fisco in illo casu: at verò in d. l. fin. non quærit de fisco, retenta eadem specie; sed an restitutio possit fieri vtiliter, quia non est tacitum fideicommissum: & ait, quod non est tutum, nec securum incapaci, si ei hoc modo restituatur hæreditas, quia semper videbitur capere eam hæreditatem à testatore, ex regula vulgari textus in l. vnum ex familia, §. 1. ff. de legat. 1. l. si arrogator, vers. penult. ff. de adopt. l. coheredi, §. cum filia, vers. nec fideicommissio, ff. de vulgari. l. quoties, C. de don. que sub mod. sunt, l. vtrum, §. cum quidam, ff. de reb. dub. Molinaus in consuet. Paris. tit. 1. §. 1. gl. 3. n. 12. Tellus noster in l. 27. Taur. n. 1. & 2. Corn. in l. 1. C. de cond. insertis. Vnde talis restitutio non valeret, arg. text. in l. si is qui ex bonis, ff. de vulg. ibi: Ut ex bonis que testatoris fuerint, amplius capere non possit. Et hanc distinctionem tenet Paul. in d. §. in testamento: denique in hoc casu excluditur fisco, quia nihil peccatum est, nec hæredis, nec testatoris, qui de nulla persona sensit, nec clam, nec palam: & est singularis declaratio ad l. 6. tit. 8. lib. 5. re. cop. At verò in duobus casibus præcedentibus testator sensit de aliqua persona, vel clam, vel palam; quia verba illa oriosa non sunt, nec intelligi possunt; idè secuta postea restitutio locum fecit fisco, quia delictum reperitur; hæres enim debuit abstinere ab ea restitutione, quæ legibus suspecta erat. quaque immeritò, & iniuste experierat testator verbis suis subobscuris & prægnantibus.

Et ita habes casus, in quibus sine accommodatione tacitæ fidei de restituendo incapaci, inducitur tacitum fideicommissum, quod alias necessarium est, l. hæres qui tacitum, ff. de his quibus ut indign. l. ex facto, §. Iulianus, ff. de vulg. vbi Alexand. & Iason. leg. 3. Cod. ad legem Falcidiam, Gregorius notat in leg. 13. tit. 7. part. 6. Antonius de Meneses in rubric. de fideicommissis, num. 12. vbi tenent omnes, & est verum, quod applicatur fisco id demum, respectu cuius tacita est accommodata fides. Textus in l. non intelligitur, in principio, §. tacita autem: & textus in d. l. in tacitis, ibi, obligaret se: textus in d. §. in testamento, vbi Bart. & Imol. id apertè tenent: textus in l. in fraudem, ff. de his quibus ut indig. Omnes in hoc conueniunt, ut accommodatio tacitæ fidei sit omninò necessaria, ut applicetur fisco id, circa quod reddendum aut restituendum fides tacite fuit accommodata, vel tota hæreditas,

vel pars hereditatis postulata & expectata sit ab hærede in fauorem incapacis. Delictum enim pendet ex hac accommodatione fidei, ita vt totam restituas fisco, si totam incapaci promiseris; vel partem, si pars expectata sit. At verò hoc de tacita fide accommodata, exclusa ipsa restitutione, inducit quidem tacitum fideicommissum; qui enim promittit se restitutorum incapaci, ex ipsa sua sola promissione sese indignum hereditate effecit citra vllam restitutionem, & ab eo aufertur hereditas, vel id, circa quod accommodata est tacita fides, & applicatur fisco, ex iuribus suprà adductis: quia accommodando tacitam fidem, leges, iuraque scripta laxasse intelligitur; sed tamen citra accommodationem tacitæ fidei reperitur etiam tacitum fideicommissum, atque id intelligitur ex precibus testatoris, vel palam factis in testamento, vel extra testamentum & codicillos, secuta restitutione, quæ per necessariam consequentiam subintelligit accommodationem tacitæ fidei. Vnde illud factum est, quod diximus ex Paulo, Bald. & Gomez. per textum *in d. l. si postulante, §. fin. ad Treb.* vt si hæres capax hereditatis rogetur palam in testamento de restituendo hereditatem incapaci, & ipse tandem restituat, etiamsi à principio non acquieuerit precibus, nec accommodauerit tacitam fidem, quod ex expresso fideicommissio, non verò tacito, & secuta restitutione sit locus fisco, qui casus mihi, vt superius dixi, si decidendus foret, forsan quod pertinet ad fiscum aliter deciderem, etiamsi inutilem eam restitutionem existimarem in ea parte, cuius incapax esset is, cui facta esset restitutio. Aliud enim est ex Bartoli sententia, quæ mihi semper in dubiis vera est, & amplectenda libenter, fisco facere locum ex causa indignitatis, hoc est ex delicto, accommodata fide de restituendo, quod est iure prohibitum; aliud verò est querere, an ipsa restitutio facta ei, qui capere non potest, sit inutilis: sic Bart. *in d. §. in testamento*, & *in d. §. fin.* ne incapax capiat à testatore medio hærede, contra iura superius adducta.

35 Præterea & in alio casu, de quo suprà egimus, restitutio supplet accommodationem tacitæ fidei, scilicet cum testator tacitis & obscuris verbis in testamento sensit de aliqua persona, rogans hæredem scriptum de restitutione facienda, de quo est textus & glossa, & communis & recepta sententia *in d. l. Lucius, §. in testamento*, cum videlicet testator rogat hæredem scriptum, vt de hereditate faciat quod inter eos conuentum est, vel quod ipse scit: tunc restitutio incapaci facta inducit tacitum fideicommissum, secus verò si tota restitutio planè collata sit in liberam voluntatem hæredis, veluti si testator roget vt hereditas restituatur pauperibus, vel his quibus hæres velit; tunc si fiat restitutio incapaci, restitutio forsan erit inutilis; ex iuribus suprà adductis, quia ab eo incapax caperet medio hærede, à quo capere non potuisset; sed non fit locus fisco, ex Bartol. Paulo, & Imol. *in d. §. fin. & d. §. in testamento*. Hi sunt quotidiani casus, qui contingere solent, ex quibus sine accommodatione tacitæ fidei induci potest fideicommissum tacitum, ita vt fisco locus fiat.

36 Ex quibus elegans declaratio est ad legem Regiam 13. tit. 7. part. 6. ibi: *La sexta razón es, quando el testador rogasse al heredero en poridad, que diese aquella heredad, en que le estableciesse a algun su fijo, o a otro que lo non podría*



dria heredar, por que le era descendide por la ley, ca si el heredero cumplierse tal ruego o mandamiento del testador, e la entregasse al otro, perderia porende el derecho que auia en la heredad; id est: Sexta ratio est, quando testator rogasset heredem secretò, vt illam hereditatem, in qua institutus est, restitueret alicui filio suo, aut alteri qui capere non posset, quia prohibitum esset lege; quia si hæres adimpleat tales preces, aut præcepta testatoris, & restituat incapaci, exinde perderet ius, quod ad hereditatem habebat. Ecce ergo legem Regiam, quæ apertè non loquitur in accommodatione tacitæ fidei; eum enim casum, in quo interuenit accommodatio tacitæ fidei, relinquit dispositioni iuris communis, vt scilicet ex accommodatione tacitæ fidei sola, sine vlla restitutione inducatur tacitum fideicommissum, & fiat locus fisco: sed lex nostra decidit casum, scilicet quando non est accommodata fides secretò, sed secretò rogatus est hæres, ibi, *en poridad*, id est, secretò & tacitè, scilicet extra testamentum, vt satis explicuimus, aut codicillos; & tunc etiam si rogatus à testatore nihil ei promiserit coràm, postea verò factus hæres hereditatem restituat incapaci, inducitur iure nostro tacitum fideicommissum, & fit locus fisco: quod sensit Greg. ibidem, & optimè.

Sed tamen extende hanc ipsam declarationem, vt licet prædictæ legis 13. verbum illud, *en poridad*, hoc est, tacitè aut secretò, decidat casum frequentem, idem tamen sit dicendum *ex d. l. si postulante*, §. *fin.* & Bald. Paulo, & Gomezio *suprà*, si hæres capax apertè & non secretò sit rogatus. Tunc enim, vt diximus, restitutio redigit rem ad casum, *de poridad*, hoc est, tacitum; & inducitur tacitum fideicommissum: idem si obscuritas adsit in testamento, *ex d. §. in testamento*, & glossa & Bart. ibi. Restitutio enim inducit tacitum fideicommissum sine accommodatione vlla tacitæ fidei, vel non probatis aliter precibus. Ex obscuritate enim illa declaratur verbum, *en poridad*, id est, secretò, vt secretò sit factum, quia obscurè rogatus est, & palam restitutum; & ita ampliatur dictum Gregorij, explicaturque nouè verbum illud, *en poridad*, id est, secretò. Ex quibus vides, quòd ad inducendum tacitum fideicommissum non semper est necessaria accommodatio tacitæ fidei.

Sed si hæres scriptus confessus sit se tacitam fidem accommodasse, ex hac 17 confessione inducitur tacitum fideicommissum, & fit locus fisco: glossa in l. 3. *Cod. ad legem falco.* glossa in l. 3. *de iure fisci, verb. probationibus*, vbi Bartol. & Salicet. in *dist. leg. 3.* Imol. in *leg. tacitis*, ff. *de legat. 1.* quod quidem dum hereditas est apud ipsum consentientem, verissimum mihi est; ceterum in duobus casibus hæc opinio, quæ placuit Ant. Gom. in *d. l. 9. Tauri, n. 24. vers. 4.* cæteris displicere poterit, & meritò.

Primus casus est post restitutionem factam incapaci liberè. Pone testatorem simpliciter me instituisse heredem, nihilque, nec palam, nec tacitè rogasse; me tamen ex hereditate res aliquas donasse semel filio testatoris incapaci, vt commodius viueret. Certè post eam donationem nihil proderit confessio sola hæredis, quòd rogatus tacitè fuerit. Item pone me heredem scriptum rogatum apertè in testamento hereditatem restituere Sejo; si nihil aliud proponatur quàm confessio hæredis, qui dicat se tacitam fidem accommodasse, certè

sola ista confessio nihil nec prodest fisco, nec nocet tertio; confitenti autem sibi nocebit, quia istiusmodi confessiones solæ de se nocere aliis nec solent, nec debent, præsertim in iure iam quæsito tertio, textus in *l. certum*, §. *sed an ipsos*, cum glossa ibi egregia, ff. de confess. vbi Bart. & reliqui: textus elegans in *l. qui seruum*, ff. de interrog. act. facit quod eleganter tradit Bart. in *l. 2. ff. de fide instrum.* & in *l. scripturas*, C. qui potiores in pignore, & Speculator tit. de oblig. & solut. §. 1. *vers. sed quid*, quodd debitor confessus se prius cum alio contraxisse in præiudicium creditoris sui, nihil ei præiudicat, sed sibi duntaxat nocet: ergo isthæc confessio nihil tertio nocebit, licet confitenti noceat.

20 Facit item elegans ratio, quia de iure confessio maris & fœminæ afferentium matrimonium inter eos contractum fuisse, absque testibus admittenda omninò non est, vbicunque ex ea confessione præiudicium fieret tertio; solis verò confitentibus nocet, glossa in *cap. si quis diurnis* 30. *quæst. 5. leg. 2. tit. 3. part. 4.*

21 Nec confessio mariti sola de dote recepta præiudicat creditoribus hypothecariis, glossa *verb. data*, in *l. assiduis*, C. qui pot. Palac. Rub. in *repet. rub. de donat. inter virum & uxorem*, §. 15. & 33. Tiraq. de retract. conuent. §. 4. *gl. 6. num. 14.* Afflict. in *constit. Neapol. lib. 3. rub. 24. num. 34.* Bald. de dote *part. 10.* Ias. in §. *fuerat*, n. 37. & 91. *Inst. de act.* apud quos plura videre poteris, ex quibus, & quæ ipsi adducunt, videas constitutissimum esse in iure, quod confessio non prodest tertio, nocet autem confitenti: ex qua regula in nostro casu nocebit hæredi, reliquis nocere non poterit, nisi cum confessione adsint alia adminicula, eaque legitima à lege, de quo vide Franciscum de Aretio *conf. 13. n. 9.* si quando casus contigerit.

22 Præterea occurrit lex *hereditas*, C. de his quibus ut indig. quæ lex est elegantissima in hac materia, & ex ea colligitur alius & nouus casus taciti fideicommissi in fauorem fisci; vt si hereditas data sit in testamento valido, non possit adimi in codicillis, vel epistola, sicuti nec dari; si tamen in testamento testator reputauit hæredem indignum, vel dixit eum non mereri hereditatem, si illam in alium non transtulit, aufertur ab hærede tanquam ab indigno, & applicatur fisco. Verba eius hæc sunt: *hereditas in testamento data per epistolam vel codicillos adimi verbis directis non potuit; quia tamen testatrix voluntatem suam non mereri vnum ex heredibus suis declarauit, merito eius portio non iure ad alium translata fisco vindicata est: libertates autem in eadem epistola datæ peti potuerunt.* Bart. in *l. fin. ff. si quis aliquem testari prohib. n. 14.* applicat dictam legem *hereditatis*, ad casum indignitatis. Idem faciunt Paul. in *dict. l. hereditas*; quam indignitatem intelligunt, siue hæres scriptus adiuerit hereditatem, siue non adiuerit: quia priori casu magis facit locum fisco, i. ex facto, §. *Julianus*, ff. de vulgar. si autem non adiuuit & repudiauit, fecisse in fraudem fisci intelligitur, & sic habetur pro aduente, ex textu in *l. si sequens*, vbi Doctores, ff. ad Syllan. si autem mortuus est hæres scriptus non adita hereditate, tunc portio accrescit cohæredi, quia ipso iure accrescit hereditas; casus enim mortis facit portionem ipso iure deficere: item ita intelligunt dictam legem *hereditas*, si testator dicat hæredem esse



esse indignum, etiamsi non dicat, quod nihil habeat ex suo testamento. Satis enim dicit asserendo ipsum indignum; idemque esset, si non dicat hæredem indignum, sed dicat, quod accommodavit tacitam fidem de restituendo incapaci; sufficit enim utcumque indignitatem explicet: ita Paulus ibi post antiquiores, quos sequitur Greg. in *l. 23. tit. 1. part. 6.* ex quo verbo, *razon*, constat, quod apud antiquiores in casu dictæ legis *hereditas*, variè disputatum fuit, an sit omninò credendum testatori, quia eo tempore, quo id in testamento fatetur, habet liberam disponendi de rebus suis facultatem, & potest vel directò, vel obliquè hæreditatem suam relinquere fisco, *l. in re mandata, C. mandat. auct. de nupt. §. disponat*; ita tenet Albericus in *d. l. hereditas*, & post eum Bald. & post eos Alex. & sensu Paul. ibi, & post hos omnes Greg. in *d. l. 23.*

Quia verò filij sunt veluti creditores paterni, *l. fin. de curat. furiosi*, & sunt 23 veluti domini rerum paternarum, quibus & iure naturæ & civili debentur bona paterna, *l. cum ratio, de bonis damnat. l. scripto, ff. unde lib. l. nam & si parentibus, ff. de inoffic. testam.* ideoque dominium rerum parentum in ipsis continuatur, *l. in suis, ff. de liber. & posthum.* ex his quæ diximus suprà de confessione, quod non præiudicat tertio, qui ius habeat; in filiis limitamus decisionem dictæ legis *hereditas*, & limitat Greg. in *d. l. 23. verbo fin. sijo.* Unde meritò dicta lex 23. exclusit hunc casum, ibi: *En que dexasse a otro por su heredero que non fuesse sijo, nin de los que descenden del*; id est, *in quo relinqueret alium heredem, qui filius non sit, nec à filio procreatus*: hi enim quibus legitima portio debetur, non possunt exhæredari, nisi legitimè observata ratione authenticæ *ut cum, de appell. cognosc. §. aliud quoque capitulum, col. lat. 9. & l. 4. tit. 7. part. 6.* sed hodie illud quoque necessarium est, ut id dicat testator coram tot testibus, quor sufficiant ad solennitatem codicillorum; quod innuit dicta lex 23. ibi: *E despues dixesse ante cingo testigos quiero que fulano*; id est, *postea autem coram quinque testibus dixisset, volo Titium*: in Hispania autem cum codicillorum & testamentorum exæquata sit solennitas, idemque numerus expectandus est; qui in testamento nuncupatio exigitur.

Cum enim ultima voluntas ea sit, debet iusto numero testium constare, & inducitur ibi textus, quod iam tunc quinque testes sine tabellione ad hanc solennitatem, quæ tunc erat solennitas codicillorum, ut in *l. 3. tit. 12. part. 6.* erant vocandi, & hæc est confessio testatoris, quæ nocet hæredi, & prodest fisco; solemnitas scilicet & ex proposito, & consultò facta, non obiter, quomodo fiunt ipsi codicilli, ne putes quamlibet confessionem utcumque probatam sufficere ad auferendam hæreditatem. Valet enim huiusmodi confessio non in vim probationis, nempe quod ex illa confessione sit probatum delictum hæredis; nam tunc sufficerent duo testes de confessione, nec lex exigeret quinque testes.

Sed valet illa confessio in vim dispositionis, ideò non sufficiunt duo testes, quibus probatio naturalis constat; sed ad minus requiritur solennitas codicillorum, quæ est probatio civilis & legitima, differens à probatione naturali, *d. l. 23. d. l. hereditas*, & ex dispositione dictæ legis *1. tit. 3. lib. 5. recap.*

ufficiunt hodie apud nos Hispanos tres testes cum publico tabellione, quia confessio illa pertinet ad dispositionem, non verò ad probationem.

Ex qua declaratione, stante *d. l. 23.* non est locus doctrinæ Bart. *in d. l. fin.* ubi duos tantum vel tres requirebat testes, etiamsi coram tabellione fieret ista confessio. Nam ex his, quæ diximus, cum constitutio requirit dispositionem solemnem & legitimam, ex *d. nostra lege 13.* ibi: *E debe deser del Rey, pues que el testador no quiso que la ouiesse aquel que es ablescio por heredero*; id est, & ad Regem pertinere debet, postquam testator noluit, ut ad eum pertineret, quem heredem instituit: nota verbum illud *no quiso*, id est, noluit, quod ad voluntatem necessariò referendum est. Cum ergo voluntas sit, restat ut sit voluntas solennis & legitima, qualis est codicillaris, cum directò hæreditas adimi non possit in codicillis, obliquè possit, *l. 2. C. de codicillis, d. l. hæreditas*, ibi: *Adimi verbis directis non potuit*: & quia non est expressa persona, cui restituenda esset, *d. l. 23.* ibi: *E non dexo en su testamento oro heredero que heredasse lo suyo*; id est, & nec in suo testamento alium heredem scripsit, qui sibi heres esset: unde non potest induci in nostro casu dictæ legis *hæreditas*, ad tacitum fideicommissum, quia ibi non est expressa persona, cui sit restituenda hæreditas, ex quibus factus est locus fisco.

Quando autem agitur de probanda accommodatione tacitæ fidei, statim in promptu est allegatio, quòd accommodatio tacitæ fidei probetur ex coniecturis & indiciis; quia cum sit delictum tacitum, id est, occultum, in quo interuenit dolus, videtur, quòd sit admittenda probatio, quæ admittitur ad probandum dolum, qui quidem coniecturis probatur & indiciis, *l. dolum, C. de dolo*, qui est textus expressus *l. non omnes, §. à Barbaris, ff. de re militari*, ibi: *Sed licet hoc liquidò constare non possit, argumentis tamen cognoscendum est*: textus in *c. 1. de renunc. lib. 6. l. consensu, C. de repudiis*, Boëtius *decis. 101. n. 4.* Moderni de arbitris *lib. 2. casu 89. & casu 175. num. 7.* Ias. qui dicit dolum difficillimæ probationis, *conf. 141. lib. 4.* Salyc. in *l. 3. C. ad leg. falsid.* Anton. Gomez. in *leg. 9. Tauri, num 25.* Menesius in rubr. *de fideicommissis*, ubi sic intelligit post reliquos verba ista dictæ legis 3. ibi: *Manifestissimis probationibus.*

- 25 Sed mihi hæc difficilia sunt, quia ad probandum delictum, & adimendam hæreditatem propter delictum commissum, necessaria est aperta & clara probatio, *l. sciant cuncti, C. de prob. l. 3. §. tacita, ff. de iure fisci*, ibi, *aliis probationibus manifestissimis*: & forsan hoc de indiciis rectè applicabitur casibus, de quibus suprà, qui præsumuntur probati ex restitutione secuta: at verò applicari ad verum delictum ostendendum, hoc est, ad monstrandam veram accommodationem tacitæ fidei, non possunt. Debet enim hæc verè probari, aut testibus, aut chirographo, vel nuda promissione, ex *l. in fraudem, ff. de his quib. ut indign. l. heres, ff. eod. l. in tacitis, ff. de legat. 1.* Idèd semper requiro naturalem probationem duorum vel trium testium asserentium accommodatam fuisse tacitam fidem, utque legitimi sint testes tales, quibus fides intrepidè habenda sit, cum delictum nisi legitimo testimonio probari non possit, nec sit vnquam auferenda hæreditas ex coniecturis. Quod enim pertinet ad solam restitutionem, ea nunquam sola probat tacitum fideicommissum, etiamsi



etiam si in continenti fiat. Tenet Anton. Gomez in *l. Tauri*, n. 26. & est verum. Necessse enim est vt præcedat id, quod superius diximus, vel aperta & clara deprecatio extra tabulas, vel obscura in testamento, aut codicillis, *ex d. §. in testamento.*

Item nec sufficit sola indagatio & inquisitio, quo pacto incapaci possit re- 26  
linqui propria hæreditas, nec quodd de ea re testator consuluit Iurisperitos. Cum enim consulens & inquirens quandam proclivem voluntatem manifestaverit, credibile est, quod permanferit & duraverit in ea voluntate, quam vivens habere videbatur, & quodd opere expleverit, quod consulendo quæsierit, *l. Statius, in principio, ff. de iure fisci*, ibi: *Si non probaretur mutatam voluntatem, l. cum tacitum*, iuncta glossa 2. *ff. de probat. l. 3. tit. 4. p. 7. l. non solum, §. morte, ff. de noui oper. nunc. l. si quis in principio testamenti, ff. de legat. 3.* Bart. eleganter in *d. l. cum tacitum*, vbi dicit, quodd semper videtur in eadem secreta voluntate durare & permanere, quæ mutata non intelligitur, nec præsumitur; & ex voluntate viventis præsumimus voluntatem morientis, *l. Titia, §. qui morte, ff. de ann. legat. l. Sempronio, & l. final. ff. de vsufr. leg. l. quoniam, C. de naturalibus lib.* Idedd secundum testamentum non tollit causas indignitatis, quæ ortæ erant ex priore, si sequatur illa restitutio, de qua consultatio præcellerat, *d. l. Statius*, & Bald. in *d. l. cum tacitum*, per textum ibi.

Item nec sufficit, quodd testator fuerit avarus, rebusque suis parcens, & ad- 27  
modum frugalis vitæ; nec quodd immemor animæ suæ, parum aut nihil pro ea distribuendum curauerit; nec quodd suorum immemor, planeque egentium, extraneum, planèque incognitum hæredem reliquerit, cum ex huiusmodi magna largitione ita facta præsumatur fraus, *l. omnes, §. Lucius, ff. de his quæ in fraud. cred. l. 7. tit. 15. part. 5.* & ibi glossa verb. *todos estos*: & ex qualitate personæ arbitrandum est, Bald. in titulo quibus in caus. amitt. feud. & ibi multa adducit Afflictus, quodd sit qualitas personæ attendenda, an amicus, an cognatus, an vir probus, quem putes facile seruaturum fidem; an olim inimicus.

Sæpè tamen contingit, vt fiat fraus legi, quodd testator post acceptam, da. 28  
tamque fidem secutus cautelam Cæpollæ 38. addit varias substitutiones vocando vnum, & item alium, post hæredem scriptum, ipsumque rogando palam de restitutione facienda; sæpeque maioratum & fideicommissum perpetuum instituit: quod eo animo fit, & consilio, vt si quando de tacita fide accommodata agatur, fiscus excludatur, quia scilicet fides tacitè accommodari per hæredem scriptum non possit in fraudem eorum, qui vocati sunt ex causa fideicommissi: tuncque adducuntur omnia, quæ scripsimus de expensis & meliorationibus, *cap. 10. n. 48.* quodd ea quæ non possunt alienari, non possunt confiscari, *l. Imperator, ff. de fideicommiss. lib.* vbi Bart. maximè si prohibitio alienationis fuit facta in fauorem tertij, ex Bart. in *l. si quis in tantam, C. unde vi*: aiuntque hæredem accommodantem fidem sibi delinquere, non reliquis, *l. Statius Florus, §. Cornelio Felici, ff. de iure fisci.*

Præterea adducitur lex 3. *C. ad legem Falcidiam*, & *l. Marcellus, §. final. ff. ad Trebell. l. Papinianus, §. meminisse, ff. de inoffic. testam.* quodd scilicet delictum hæredis accommodantis tacitam fidem non extendatur ad legata & fideicommissa.

Et postremò adducitur quod superius attigimus de expresso & tacito, quòd expressum fideicommissum faciat cessare tacitum, *l. cum ex filio*, §. *filio impuberi*, ff. *de vulgar. l. doli clausula*, ff. *de verb. oblig.* & argumentantur à verisimili, quòd non sit credibile, quòd testator quæsierit viam, quâ dispositio propria corruat, *l. 3. C. de mil. testam.* nec sit verosimile tam contraria, & penè impossibilia voluisse testatorem, *l. nam ad ea*, ff. *de condit. & demonstr.* vbi gl. & Doctores, Bart. in *l. 1. §. parui*, ff. *quod vi aut clam*, Alex. in *l. si mihi & tibi*, §. *fin.* ff. *de leg. 1.* Alciatus *regul. 2. presumpt. 28.* Nec sit quicquam minus præsumendum de homine cordato, & sanæ mentis, *l. si ita quis in fine*, ibi: *Quod utique nemo sanus probabit*, ff. *de evictio. l. Saluius Arist.* ff. *de legatis præstand.* facit lex *Mauius*, ff. *de legatis 2.* vbi quod verisimile est credendum; contrà verò non est credendum, quod non est verisimile, *l. cum pater*, §. *pater*, ff. *eodem*, *l. qui filium*, & in *l. uxorem*, §. *felicissimo*, ff. *de legat. 3.*

Et verisimilitudo est cognata naturæ, Bald. *conf. 80. n. 3. lib. 1.* textus in *l. filio quem pater*, ff. *de liberis & posthumis*; & quæ non consonant rationi naturali, non consonant legibus & iuri, latè Baldus in *leg. testium*, *Cod. de testibus*.

Adducuntur etiam, quòd quando hæreditas transit ad fiscum propter indignitatem, transit cum onere legatorum & fideicommissorum, Anton. Meneſius in *l. eam quam*, *C. de fideicommissis*, num. 57. & est textus in *l. non intelligitur*, §. *cum ex causa*, ff. *de iur. fisci*, ibi: *Omnia, quæ in testamento data sunt, valent*: textus in *d. l. 3. C. ad legem falcidiam*: textus in *l. hæreditas*, *C. de his quibus ut indignis*, & in *d. l. Marcellus*, §. *fin.* & *d. l. Papinianus*, §. *meminisse*, ff. *de inoffic. testam. l. dicitur*, ff. *de iur. fisci*, ibi: *& libertates, & legata monent*, *l. cum fisco*, ff. *ad Syllanian.* & *l. cum tabulis*, ibi: *Eam rem legatariis non obesse, & ideo cum suo onere fiscum succedere*, *l. Imperator*, §. *Diuus*, ff. *de fideicommiss. lib. l. si seruum plurimum*, §. *si quis*, ff. *de legat. 1.* vbi Bart. & Doctores: & quia pœna non debet egredi suos authores, *l. sancimus*, *C. de pœnis*.

33 Et addunt, quòd testamentum potuit incipere à substitutione, *l. 3. §. fin. de liberis & posthumis*, Alex. in *l. si pater impuberis*, ff. *de vulgari*, num. 4. Iason in *auth. nouissima*, num. 26. *C. de inoffic. Suarez in l. quoniam in prioribus*, 15. limitat. *C. de inoffic. testam.* Alciatus in *rubr. de vulgari*, num. 6. Berberanus in *l. si pater*, *C. eodem*, num. 328. & *C. de instit. & substit.* Corasius in *rubric. C. de impub. n. 14.* Ripa in *l. 1. num. 7. de vulgari*: textus in *l. si filius*, ff. *de hæredib. instit. l. si à primo*, ff. *de liber. & posthum.* quod ad multa solet allegari, ut utilis substitutio propter inutilem institutionem non vitietur, sed ab ea utiliter incipiat: & est quotidianum ad vocationes, de quibus in *l. humanitatis*, *Cod. de impub. & aliis*, & ad eas, de quibus in *l. 27. Tauri*: cuius legis dispositio frequens est in foro, & frequentior disputatio de substitutione utili conseruanda, reiecta inutili, quæ ex *dict. leg. 27.* fieri non potuit, ne tota dispositio pereat, de quo alibi.

34 Omnia tamen hæc maximam difficultatem habent, semel data & accepta fide de restituenda tota hæreditate; plus enim valet hoc, quod revera agitur, quam



quàm vocationes quæ post hanc fidem datam & acceptam simulatæ concipiuntur, vt per totum *plus valere quod agitur*; & in huiusmodi rebus magis retinenda est vera voluntas, quàm longa quædam relatio verborum, *l. voluntas, C. de fideicommiss.* non enim verbis legis impositæ sunt, sed rebus, quæ verè & realiter geruntur, *d. l. voluntas, l. qui autem, §. non simpliciter, ff. si quis omiff. caus. test. l. 2. tit. 16. lib. 5. recopilation.* & qui tacitam fidem postulauit de restitutione faciendâ incapaci, falcem apposuit ad radicem suæ dispositionis, quia tractatus prior tollit sequentem voluntatem, *l. si quis in principio testamenti, ff. de legatis 3. l. non solum, §. morte, ff. de noni operis nunc. l. at si quis, §. plerique, ff. de relig. & sumpt.* fuit enim fideicommissum illud appositum in testamento vmbra quædam, quæ tacitum obumbraret in fraudem fisci, cui ius quæsitum est ex tacita fide postulata, & data: accedente autem veritatis luce, fugit & annihilatur vmbra, prævalente rei quæ geritur veritate, *l. filio quem pater, ff. de liberis & posthumis*, ibi: *Ne imagine veritas natura obumbretur: l. ita fidei, ff. de iure fisci, regul. certum, de regulis iuris lib. 6.* & quia collapsio fundamento corrui ædificium superimpositum, *c. cum Paulus, 1. quæst. 1. l. redemptores, ff. de rei vend.*

Nec obstat lex 3. *C. ad legem Falcidiam*, cum similibus, quæ conseruant legata & fideicommissa; quia fatemur, quòd fiscus tenetur adimplere & soluere legata & fideicommissa particularia relicta particularibus; istud tamen cessat in fideicommissò vniuersali, atque aded in ipso particulari cessat, si in eo inueniatur data & postulata fides tacita. Vniuersale namque fideicommissum idem est quod hæreditas: fideicommissum enim vniuersale non acquiritur ipso iure, sicuti hæreditas, *l. facta, verb. restituta, ff. ad Trebell. Bart. in l. 1. ff. de legatis 1. Ias. in rubrica ff. ad Trebell. num. 9.* legata autem & fideicommissa particularia etiamsi sint maximarum rerum & plurium, rectâ transeunt viâ ad legatarium, & fideicommissarium, *l. à Tizio, ff. de furtis, Alex. & alij in l. si tibi homo, §. cum seruus, ff. de legat. 1.* Hæc enim fideicommissa particularia perpetua, quamuis contineant vniuersitatem rerum, vt continent maioratus nostri, attamen continent vniuersitatem facti, non autem iuris. At verò hæreditas, ipsumque fideicommissum vniuersale continent vniuersitatem iuris, quod adnotauit Molina noster *de primog. lib. 1. c. 26. n. 20.* & est vtilissimum *ad l. 4. ff. de pet. hered.* vt in fideicommissò vniuersali vnum iudicium sufficiat pro toto fideicommissò vniuersali: at verò in maioratu non item, sed singulæ res & singula iudicia, & singulas vendicationes exposcunt. In generalitate enim facti quælibet species considerantur de per se, *l. vendicatio, ff. de rei vendic. Paul. in leg. 1. ff. de offic. eius cui mand. est iurisdic.* quod est elegans *ad d. l. 4. ff. de pet. hered.*

Vnde fideicommissarius vniuersalis est hæres, *l. si filius, §. 1. ff. quod cum eo, gl. famosa in l. fin. Cod. de edicto diui Adrian. tollend.* vbi Scriptores. Habet enim fideicommissarius vniuersalis executionem, de qua ibi, particularis minimè; ob idque qui est incapax hæreditatis, est incapax fideicommissi vniuersalis, glossa verbo habetur, in *§. est autem, Inst. de hered. instit.* Scriptores in *l. Seius & Augerius, ff. ad leg. Falcidiam*: & quia legata æquiparantur fideicommissis particularibus, non verò vniuersalibus, *l. 1. ff. de legatis 1. l. fin. C.*

*fin. C. de fideicommiss.* item ex fideicommissio particulari potius deducitur Falcidia ; at verò ex vniuersali potius Trebellianica, *l. inf. in rubr. ff. ad Trebell. num. 6.*

36 Idè dicta lex 3. *ad legem Falcidiam*, loquitur in fideicommissio, ex quo deducitur Falcidia, non verò Trebellianica ; & idè intelligenda est de particulari, ibi : *Ad eum videlicet modum quem lex falcidia paritur* : & ita textus in *l. seruus plurium*, §. *penultimo*, loquitur in legatis, ibi : *Ex necessitate redundabit onus legatorum ad heredem* : & lex Imperator, solum in libertatibus fideicommissariis, quæ sunt particulares : idem in *l. cum fisco*, ibi : *In eum legatorum actio datur, & libertates ratae sunt*. Omnes itaque loquuntur in fideicommissio & legato particulari, quod conseruatur à fisco, dolus verò versatur in fideicommissio vniuersali, si ex verbis appareat perpetuum, probatà tacitè fide, *l. omnes*, §. *Lucius*, *ff. de his qua in fraud. cred.* Decius *conf. 659. n. 9.* Mieres in *tractatu de maiorat. 4. part. quæst. 23. n. 17.*

37 Nec obstat lex *Marcellus*, §. *fin. ff. ad Trebell.* quæ loquitur in fideicommissio vniuersali ; namque ibi à principio fideicommissum rectè & legitime factum est, & rogatus fuit capax, & vocati item capaces ; diuersa species à nostro casu. Quia verò rogatus non vendicauit mortem testatoris, se indignum fecit : sibi itaque nocuit ex postfacto : in nostro casu, vt diximus, est vitium voluntatis in ipso limine institutionis, & aliud apertè geritur, aliud tacitè tractatur. Denique ex repugnantia voluntatis delictum reperitur solum legitime commissum contra legem ante vocationes : at verò in casu dictæ legis *Marcellus*, testator nihil peccauit, omnia legitime gessit ; idè diximus, quod in nostro casu testator apposuit falcem ad radicem suæ dispositionis delinquendo, & expressè suas secutas dispositiones destruendo : & idè reliqui casus de indignitate non possunt computari cum nostro casu, in quo ex voluntate contraria, & delicto testatoris incipit ius fisci, & perficitur accommodatione tacita hæredis. Itaque est locus fisco, & fideicommissum subsecutum est inane, ex defectu veræ voluntatis ; & nihil nocet fisco, cui iam ius planè quæsitum est.

38 Illud verò maximè est controuersum, an hæres tacitè grauatus restituere hæreditatem incapaci, cui tacitam fidem accommodauit, teneatur in foro conscientia restituere fisco, in quo nostri variè sentiunt. Namque Anton. Gomez in *d. l. 9. Tauri*, num. 28. tenet resolutiue, vt ipse dicere solet, quodd talis hæres nullo modo potest retinere sibi ea bona, quæ accepit restituenda incapaci per fideicommissum tacitum : item quodd nec possit incapaci restituere ; imò quodd nec ipse incapax, si ipsi facta sit restitutio ; illudque tenet ex ratione, quia cum semper sit in mala fide, ex *l. cum tacitum*, *ff. de prob.* restituere tenetur. Ex quo textu fructus etiam ante litem coeptam restituuntur, quia absuit bona fides, & adfuit mala, & quæ notat Bart. in *l. prædonis*, *ff. de pet. hered.* & Scriptores in *l. heredem*, *ff. de his quibus vt indignis* : & quia omne, quod non est ex fide, peccatum est, *c. fin. de præscript.* & quia scire debes, quod tuum non est, ad alium modis omnibus pertinere, *l. fin. C. unde vi*, & hanc tenet Bart. in *l. fin. ff. de his quibus vt indig. n. 9.* & Segura in *lep. cohæredi*, §. *cum filio*, *ff. de vulg.* idem tenet Gregorius in *l. 13. verba,*



verbo, cumplieffe al ruego, ibi, sed fortè dictum Bartoli reius est, vbi supra.

Contrarium tenet Didacus in 4. p. 2. cap. 8. §. 5. n. 8. & 9. sed reuera eius fundamentum non multum vrget; quia hic hæres, qui accommodauit tacitam fidem, verè non habet voluntatem testatoris, qui contrarium rogauit, & petiit, & quietus decessit, propter fidem datam tacitè de restituendo; idè reuerà secluso iuris figmento ex voluntate hæres non est, quod patet ex superius dictis. Vnde corrui ratio Didaci: ius enim cum hæredem facit ad effectus iuris, & vt ab eo arripiat fiscus tanquam ab hærede indigno; ipse tamen reuerà, seclusa fisci causâ, bona retinet contra sibi notissimam voluntatem testatoris. Vnde corrui ratio Didaci: procederet verò ea ratio in aliis casibus indignitatis propter non vendicatam mortem, ex d. l. Marcellus, §. fin. vbi omnia ritè & rectè processerunt ex legitima voluntate testatoris, quæ in nostro casu accommodatæ tacitæ fidei deficit. Vnde hæres scriptus non potest retinere illam hæreditatem ex defectu voluntatis, quia reuerà ipsi non est relicta, nec incapax item retinebit ex restitutione, quia lege iustissima disponente incapax est, ex his quæ notat idem Didacus vbi supra, n. 8. vtrisc. primum, cum Caietano 2. 2. quæst. 62. art. 3.

Glossa enim celebris in c. fraternitatis 12. quæst. 2. quæ ait pœnam legis exterioris non esse considerandam in interiori iudicio, donec fiat executio, intelligitur in pœnis exigentibus iudicis executionem, non verò habet locum in pœnis, quæ non requirunt actum aliquem iudicis, cum incapax ipso iure sit incapax sine actu iudicis, nec hæres restitutus habet voluntatem, nec fidem bonam, sine quibus bona habere non potest. Est ergo vera opinio contra Didacum, nec quicquam facit voluntas testatoris erga spurium, quia ea etiam si sit voluntas, non est voluntas legitima. Non enim quælibet voluntas sufficit, sed ea, quæ à lege probatur, vnde dependet solennitas testamenti, dict. l. 1. tit. 4. lib. 5. recap. & d. l. 13. tit. 7. part. 6. & quæ diximus.

Quamuis enim inuentio testamentorum de iure gentium emanarit, tamen <sup>40</sup> sine viribus erat hoc testamentum, nec cogebat hæredem, §. 1. Instit. de fideicommiss. hered. Ius autem ciuile vires & solennitatem addidit testamenti, sine quibus efficaciter nihil valet. Bart. in l. interdum, de cond. indebit. Peralta in rubr. de hered. instit. n. 140. Pinellus in rubr. de rescind. vendit. 1. part. c. 1. num. 23. Didacus lib. 3. var. cap. 6. n. 7. Viglius in §. sed pradipta, n. 5. Instit. de testam. Anton. Gomez, Burgos de Paz. & Tellius in l. 3. Tauri, Iulius Clarus lib. 3. sentent. §. testamentum, q. 2. Menchac. de success. creat. §. 1. n. 1. Fortunius Garfia in l. Gallus, in princ. n. 3. de libertis & posthumis. Hothomanus ad l. duodecim Tabularum, & ibi Balduinus, c. 18. Sigonius de antiquo iure ciuili, lib. 1. c. 12. Corrasius in l. filium quem habentem, C. famil. hercis. Cum ergo à iure ciuili capiat vim & potestatem testamentum, nihil rectè testamento dispositum est, quod contra iura ciuilia, non obseruatâ sollemnitate iuris dispositum reperiatur: qua ratione aut fisci intra sua tempora, aut post ea tempora venientium ab intestato, in hoc secretiori animi iudicio causa erit potior, nec dicimus restitutionem esse faciendam fisco, qui nihil petierit intra sua tempora, sed eum sensum sequimur, vt si tempora labantur

fisco, venientium ab intestato causa sit melior futura, si hæres indignus tandem secum statuerit bona ea ad se non pertinere; quod quidem rectè statuet si à se tacitè fidem accommodatam contra iuris præcepta meminerit.

Modò restat illud, quod attigit Palacios Rubios *in repet. rubr.* §. 39. n. 9. ubi miscet & confundit indignum cum incapace, & utrumque idem existimat, & perperam; multum enim differt indignus ab incapace. Indignus enim verè legatum aut hæreditatem acquirit, subiectus tamen periculo, si fiscus intra sua tempora agat, & agendo auferat; at verò incapax nihil sibi timet à fisco, nec quicquam acquirit, sed vel coniunctis, vel venientibus ab intestato locum facit, ita ut si clericus apertè filium spurium instituat, nihil omninò de fisco sit curandum, sed in indigno continetur: tradidit distinctionem Bartol. *in l. 1. num. 4. de iure fisci*, glossa *in l. si duo patroni, in principio, ff. de iur. iurando*, & *in l. ex facto, §. Iulianus, ff. de vulgari*, glossa & Bartolus *in l. his consequenter, §. 1. verbo, Non pertinet, ff. famil. ercisc.* tradit differentiam ex Bartolo suprà, Alex. *in l. hæreditas, C. de his quibus ut indignis*.

41 Cui & illud consequens est, quòd si hæreditas relicta sit à clerico, sed indigno, qui fidem tacitam accommodavit de restituendo incapaci, cum hæres ille indignus acquirat interim hæreditatem, dum labuntur tempora fisci, quòd ille hæres subiacebit suo fisco seculari, si ipse secularis sit; ecclesiastico, si ecclesiasticus ille sit, ita ut à clerico indigno auferat fiscus Ecclesiæ, ab hærede indigno seculari, fiscus secularis. Postquam enim indignus acquirit, non est locus nec substitutis, nec coniunctis, ut admisimus in incapace, qui nihil omninò acquirit, unde fiscus rapit, Ecclesiasticus à clerico indigno, secularis à seculari indigno: tenent Baldus & Paulus *in l. si quis presbyter, Cod. de Episcop. & Cleric. las. in l. hæreditas, Cod. de his quibus ut indignis*, communem dicit Anton. Gomez. *in l. 9. Tauri, num. 19.* & tenet Palac. Rub. *ubi supr.*

42 Ex quibus elegans est interpretatio ad textum *in c. 2. de success. ab intestato*, contra Abbatem ibi, ut ille textus in illis verbis: *Quarta parentibus assignetur; & si non sint idonei parentes, Episcopus eam recipiat*, intelligendus sit de parentibus laicis incapacibus, quia si laici essent, & indigni, proculdubio ab eis auferret fiscus secularis, ex his quæ diximus contra Abbatem ibi, & conveniunt verba illa, *Si non sunt idonei*: quæ ad incapacitatem sunt referenda; ex glossa *in §. legati, Instit. de Legatis*. Idèd in casu illius textus attenditur persona clerici defuncti, cum ad parentes illos incapaces nunquam pervenerit hæreditas; idèd Ecclesia in casu illius textus non successit iure fisci, sed iure bonorum vacantium; nam iure fisci potior erat causa fisci secularis.

Postremò nota ad illum textum, quòd verbum *parentes*, ibi largè pro quibuscunque cognatis positum est, vulgari accepta significatione, & est elegans interpretatio contra Abbatem, observatà differentià indigni, & incapacis, quoad civiles & iuridicos effectus.

Ex his quæ diximus, melius resolvuntur quæ confusè admodum tradunt Afflictus, *quæ sunt regalia in v. sib. fendor. vers. & quæ*; & post eum Ægidius Bossius *in practica, tit. de his quibus ut indignis bona auferantur, & ad fiscum non*



non pertinent; obseruatâ enim distinctione indigni & incapacis, omnia ab his cumulata elucescunt.

Adde ramen, quòd fiscus auferens ab indigno tenetur ad onera, quæ incumbebant testatori, non verò ad ea quæ incumbebant indigno, *l. cum fisco*, ff. ad *Senatusconsult. Syllan.* Paulus in *l. recusare*, §. *si fisco*, ff. ad *Senatusconsult. Trebell.* glossa, Bart. & cæteri in *l. eam quam*, C. de *fideicom.* & ibi Ias. *l. Marcellus*, §. *fin.* ff. ad *Trebellian.*

An autem restituenda sit hæreditas ab indigno cum fructibus perceptis ante litem motam, vide in *l. i. C. de his quibus ut indig.* & ibi Iason.

## TRACTATUS III.

### *De hypotheca post contractum viuente aut moriente rescisso contractu.*

#### NOTABILIA

Ad hanc de vita & morte pignoris disputationem.

- 1 Proponitur factum unde resultat dubitatio.
- 2 Adducuntur fundamenta inducentia mortem pignoris.
- 3 Adducitur lex ubi adhuc, §. *sed & Marcellus*, ff. de *in diem additione*, & *lex si res distracta*, ff. *quibus mod. pign. vel hypoth. soluat. in fin.*
- 4 Adducuntur alia iura ad hanc partem.
- 5 Adducuntur iura quæ inducunt vitam pignoris & hypotheca.
- 6 Adducitur authoritas Bartoli ad questionem.
- 7 Adducitur authoritas Baldi ad questionem, & referuntur alij.
- 8 Quid sit in venditione cum pacto de reuendendo, & de feudo, emphyteusi, & agro vectigali, & redhibitoria.
- 9 Declaratur textus in *l. si res distracta*, in *fin.* ff. *quib. mod. pign. vel hypoth. soluat.*
- 10 Notatur distinctio Bartoli de voluntate directa, & indirecta, ad rescissionem contractus.
- 11 Expenditur lex vectigali, ff. de *pignoribus*, ad questionem propositam.
- 12 Debet quis cogitare, & sibi cauere aduersum ea, quæ accidere possunt.
- 13 Emptor annui redditus redimibilis sollicitans venditorem ad redemptionem, secuta redemptione, an extinguat pignus.
- 14 Nemo debet nocere sibi, ut aliis prosit, nec debet omittere suam utilitatem, etiamsi alij noceat.
- 15 Contrahens non debet esse ignarus persona cum qua contrahit, nec natura rei de qua agit.

- 16 Dolus qui habet secum coniunctam utilitatem & licitam, verè non est dolus.
- 17 Reuenditio facta per dolum & fraudem, si habeat causam à priori contractu, dicitur facta ex causa necessaria.
- 18 In libera alienatione durat pignus, & in redhibitoria; sed tamen redhibens tenetur redhibere liberum pignus.
- 19 Declaratur communis sententia, si res perveniat ad antiquum dominum iure privato.
- 20 Consuetudine Francia animadvertitur in materia mortis, & vite pignoris.
- 21 In redditibus annuis venditis à Rege cum pacto de redimendo, quando censetur facta redemptio à Rege ad vitam aut mortem pignoris.
- 22 Quòd in hoc consuetudo plurimum profit, & per quos probetur hac consuetudo.
- 23 An in casu legis 2. C. de rescind. vend. hypotheca pereat rescisso contractu ex causa lisionis ultra dimidiam.
- 24 Adducitur opinio & ratio Bartoli.
- 25 Adducitur opinio Baldi, & eius rationes contra Bartolum.
- 26 Refutatur ratio Baldi & Salyceti in modo agendi; & traditur ratio agendi in euictione.
- 27 Defenditur opinio Bartoli, & eius ratio contra Baldum, Cagnolum, & Pinellum, ut in casu legis 2. pignus vinat.

<sup>1</sup> **E** Mptus fundus hypothecæ suppositus est: rescissa venditione, quæsitum est, an duret hypotheca, vel moriatur, quod & in cæteris contractibus rescissis ex facto quotidie agitur est. Pauca addere libuit, quæ ad mortem & vitam pignoris pertinent, nostro more Iureconsultorum responsa sectando, deinde iuris scriptorum auctoritatem adducendo, ut res hæc forensis suâ explicatione clarius elucescat.

<sup>2</sup> Et primò, quòd pereat hypotheca medio illo tempore inposita resoluta antiquo & priori contractu, est textus elegans in l. si res distracta 3 ff. quibus mod. pign. vel hypotheca soluat. vbi res vendita est sub conditione, nisi meliorem sortem inuenero; & tamen pendente conditione pignori res data & submissa est, & tandem pignus extinguatur, inuento meliore emptore, atque adeò rescisso antiquiore, & primo emptionis contractu, ibi: *Marcellus lib. 5. Digestorum ait, finiri pignus si melior conditio offeratur.*

<sup>3</sup> Secundò est textus ut hypotheca pereat & moriatur, in l. vbi adhuc 6. §. sed & Marcellus, ff. de in diem addit. vbi purè vendito, & in diem additò fundo, si melior conditio allata sit, rem pignori esse desinere ait: *Sed & Marcellus*, inquit *Paul. lib. 5. Digest. scribit, purè vendito, & in diem additò fundo, si melior conditio allata sit, rem pignori esse desinere, si emptor eum fundum pignori dedisset.* Et subdit: *Ex quo colligitur, quòd emptor medio tempore dominus est, aliqui nec pignus teneret.* Quæ verba explicant eiusdem Marcelli sensum in d. l. si res distracta, 3. ff. quibus modis pignus vel hypotheca soluat, ibi: *Quamquam vbi res distracta est, nisi emptori displicuisse,*  
pignus



*pignus finiri non possit*; quasi apertius dicat Marcellus, emptionem conceptam hac forma, *nisi emptori displicuerit*, puram esse, & emptorem verè dominum, licèt habeat resolutionem sub ea conditione: textus in l. 3. de contrah. empt. Si res, inquit Vlpianus, ita distracta sit, ut si displicuisset, inempta esset, constat non esse sub conditione distractam, sed resolui emptionem sub conditione. Igitur illud obiter adnotamus ad d. l. si res distracta 3. ne vltima pars resistat priori, verba illa, *quamquam ubi res distracta est, nisi emptori displicuisset*: non inducere conditionem emptionis, hoc est, emptionem esse puram, & emptorem verè & simpliciter dominum sine vlla conditione, ex d. s. sed & Marcellus, in vltimis verbis, & ex d. l. 3. esse tamen rescissionem & resolutionem eius emptionis conditionalem, quod maximè pertinet ad ea quæ dicturi sumus, & ne Marcellus contraria interim sensisse videatur.

Tertiò est textus in l. lex vectigali, 31. ff. de pignorib. ibi: *Respondi, si ut proponeretur, vectigali non soluto iure suo dominus usus esset, etiam pignoris ius evanuisse*: qui textus iam pertinet ad aliud rescissionis genus, & de eo infra, n. 6. latius sumus acturi.

Quartò est textus in l. grege 13. §. statuliber, ff. de pignorib. Statuliber, inquit Martianus, *hypotheca dari poterit, licèt sub conditione existente evanescat pignus*.

Quintò est textus in l. in diem, 19. ff. de aqua pulun. arcend. ibi: *Ideo autem voluntas exigitur, ne dominus ignorans iniuriam accipiat*. Ex quo textu non durat ius, nec hypotheca imposita ab emptore in diem, addicò prædio, nisi adsit domini antiqui expressa voluntas; quasi apertius dicat, rescisso eo contractu perire ius hypothecæ mediæ.

Sextò est textus in l. fin. §. sed quia nostra, C. communia de legat. ibi, *Et alienam spem decipere*: ubi non licet rem afficere hypothecæ iure, quæ aliquando alterius omninò sit futura: & pertinet decisio eius textus ad restitutiones faciendas, & ad hypothecas in ipsis his rebus medio tempore impositas.

Septimò est textus in c. 1. in principio, incipit: *Imperialem, de prohib. feud. alien.* ibi: *Vendere, vel pignorare*, & ibi: *Sine permissione illius domini, ad quem fundus spectare dignoscitur*.

Hæc sunt iura extinctionem & mortem pignoris inducentia, varia, & quæ ad varia contractuum genera pertinere dignoscuntur, quæ aut perimunt pignus, aut ut non subsistat, suadent ut nihil omninò fiat, quod antiquo venditori & domino, etiam futuro, sine eius consensu noceat.

In contrarium autem, quòd duret pignus, vel hypotheca, est textus in l. si debitor, 14. ff. quib. mod. pign. vel hypoth. soluat. Si debitor, inquit Vlpianus, cuius res pignori obligata erat, servum, quem emerat, redhibuerit, an desinat Serviana locus esse? & magis est ne desinat, nisi ex voluntate creditoris hoc factum est. Ecce quòd durat hypotheca, & creditoris requiritur voluntas, ut pereat, non verò venditoris antiqui.

Secundò pro hac contraria sententia est textus in l. bonem, 3. §. si quis eum, ff. de adil. edicto. Si quis eum, inquit Iuriconsultus, cum consilium inie- rit fraudandorum creditorum, redhibuerit, non redhibiturus aliàs, nisi vellet eis fraudare, tenetur creditoribus.

Tertiò est textus *in d.l. bouem*, §. *pignus*, ff. *eodem*: *Pignus*, inquit Paulus *certe manebit obligatum, etiamsi redhibitus fuerit seruus, quemadmodum & si eum alienasset*: vbi obiter nota ad ea, quæ dicturi sumus, quodd redhibitio cedit emptioni perfectæ, & puræ, & est quasi quædam voluntaria alienatio, vt iam hinc iacias opportuna fundamenta ad ea, quæ nobis ad concordiam iurium & legum sunt necessariò dicenda, & pertinent hæc ad iuris & legum apertas decisiones aliquantò difficiliore ex ipsa repugnantia, sed concordēs, si ad ea, quæ diximus, mentem coniciās.

Quod verò pertinet ad authoritatem, nostrum morem secuti, Bartolus, vt ab eo tanquam antesignato duce exordiamur, vt hæc iura conciliet *in d.l. si res*, ff. *quibus mod. pig. vel hypot. soluat. n. 1.* distinguit in hunc modum: aut pignus soluitur ex causa necessaria antecedente, aut soluitur ex mera voluntate: & primo casu ait extinguī pignus, & ita intelligi dictam legem *si res, d. §. Marcellus, d.l. lex vectigali, d. §. statuliber, d.l. in diem, d. §. sed quia nostra, & d.c. 1.* quia pignus extinguitur ex causa necessaria appositā in ipso contractu, ex necessitate voluntatis primi vendentis, & apponentis condiciones licitas in traditione rei propriæ, *l. in re mandata, C. mandati.*

At verò si resoluatur ex sola voluntate, non verò ex necessitate antiqui contractus, & conditionis, & legis in eo appositæ, tunc ait durare & permanere pignus: & ita intelligit iura contraria, scilicet legem *si debitor, d.l. bouem*, §. *pignus, d. §. si quis cum*; quasi dicat apertè, quodd de redhibitoria nihil actum fuit expressè in venditione serui, seu mancipij, sed venditio fuit facta purè, & simpliciter, sine vlla conditione perfectā, & absoluta: vnde postea quando redhibetur seruus, fit redhibitio ex voluntate sola emptoris, non verò ex causa antiquiori & anteriori expressa in ipso contractu: quod & Iurisconsultus sensit *in d. §. pignus*, licet Bart. non expendat verba eius ibi, *quemadmodum si eum alienasset*: vbi redhibitio æquiparatur nouæ, & omninò liberæ alienationi, quæ non dependet ex necessitate antiqui contractus; iam enim necessaria causa esset, & anterior, quæ ex ipso contractu nasceretur.

Secundò Bart. clariùs id ipsum explicat *in d. §. sed & Marcellus*, vbi addit rationem, scilicet quodd emptor sua voluntate non potest facere causam pignoris peiorem; at verò potest ex causa anteriore, quæ dependeat ex contractu; & idem Bart. tertiò id ipsum explicat *in d.l. idem*, iisdem verbis, & est constans in hac opinione.

7 Baldus etiam *in feud. tit. quib. mod. feud. amitt. §. rursus, num. 1. vers. secundò* queritur, hanc opinionem eleganter determinat tenendo opinionem Bart. & est multum attendendum ad verba Baldi pro mercatoribus: format enim ibi quæstionem Baldus, vtum ille qui accepit pignori feudum, vassallo feudum refutante in fauorem domini, amittat ius pignoris: & ponit sibi rationem dubitandi, cur amittere non debeat, & tandem resoluit, quodd ius pignoris amittitur, his verbis: *Sed respondeo, quodd ista facultas inerat à principio ex natura rei, id est, ipsius feudi*; & mox ait, & scire debuit hoc qui cum vassallo contraxit: ff. *de regulis iuris, leg. qui cum alio*, quæ est lex valde notabilis. Hæc Bald. qui proculdubio consensit cum Bart. quodd



quodd pignus extinguitur ex causa necessaria anteriore, & coherente ipsi contractui; & addit illud pulchrum, scilicet quodd scire debuit creditor, qui cum emptore agit, & cauere sibi, *ex d.l. qui cum alio contrahit*.

Demum Boërius vir Gallus *decis. 181. num. 8.* post longam, latamque allegationem, eandem tenet opinionem cum Bartolo & Baldo, vt causa anterior ex ipso contractu, vel ex natura rei ea sit necessaria, & extinguat pignus; non item voluntaria, quæ non sit vel ex natura rei, vel ex ipso contractu: & tandem *num. 12.* dicit hanc communem opinionem multos adducendo, quos ibi videre poteris.

Postremò, Tiraquellus *de retractu conuent. §. 3. gloss. 1. n. 11. & 12.* multa more suo allegans, hanc opinionem multos adducendo receptam resoluit communiter. Denique hæc est receptissima sententia, vt omninò respiciendum sit ad naturam contractus, ita vt si is ex causa in eo expressa sit resolubilis, planè eo resoluta ex ea causa, dicatur resolutus ex causa necessaria, extinguiturque pignus: si verò contractus sit purus, simplex, nullaque conditione perfectus, licet postea ex accidenti resoluatur, dicatur resolutus ex voluntate, & ipsum pignus duret, nec hypotheca petimatur. Itaque ea est causa necessaria, quæ resultat ex natura rei, & ex conditione contractus.

Hinc si vendas cum pacto de reuendendo, est utilis hæc disputatio; si vendas cum conditione, nisi melior conditio afferatur, si contractus de sui natura sit resolubilis, vtputa emphyteuticus, vectigalis, aut feudalis, non soluto canone, vel denegato seruitio, aut commissa feloniam, certè ex ratione legum, & recepta sententia, hypotheca medio tempore inducta resoluta contractu perit, & ita perit ex causa necessaria, quia extinguitur ex natura rei, & conditione contractus, & ex causa necessaria & anteriore.

Secus si emas seruum purè, quem pignori subiicias, quia si postea redhibeas, durat hypotheca, quia redhibitio sit ex mera voluntate, non verò vel ex natura contractus, vel ex causa ex eo proueniente; redhibere enim mancipium potes libens, & volens, quia redhibitio ex sola tua voluntate pendet, idèò durat pignus.

Ex quo restat egregia declaratio *ad d.l. si res distracta 3. ff. quibus mod. pign. vel hypothec. soluitur*; in priori parte ad versiculum *quamquam ubi res distracta est, nisi emptori displicuisset, pignus si uiri non posse*; idèò ibi durare pignus & hypothecam, quia contractus purè est initus sine ulla conditione; nec conditio illa, *nisi emptori displicuisset*, respicit contractum, sed distractum; idèò quando displicet, libens ac volens emptor ab emptione recedit, non verò ex causa anteriore contractus; idque notauimus *ex l. 1. ff. de contr. empt.* ubi illa conditio, *nisi displicuerit*, non facit contractum conditionalem, sed distractum: ideo displicendo rescisso contractu, ex voluntate sit rescissio, ac subinde durat pignus & hypotheca, & est elegans ratio *ad d. l. si res distracta*, vt prior pars concordet cum posteriori.

Vnde cessat illa inuestigatio, an hæc voluntas sit ordinata directè ad destructionem contractus, aut indirectè, quam ponit Bart. *in d.l. ubi adhuc, §. sed & Marcellus, ff. de in diem additione*, ad intellectum textus *in l. lex vectigali, ff. de pignorib.* quia licet is, qui non soluit canonem, vel committit feloniam

- niam libens, ac volens, sciens, ac prudens destruat contractum, ac subinde pignus, quo casu videbatur dicendum durare pignus, iuxta superius adducta; illud tamen inspicitur, quod scilicet resolutio contractus contingat ex causa necessaria anteriore, nempe ex ipso contractu, & ex natura ipsius rei resolubilis de sui natura ex euentu conditionis. Vnde magis inspicimus naturam ipsius contractus, scilicet quod de sui natura sit resolubilis adueniente condi-
- 12 *tione*, quam voluntatem, siue directam, siue indirectam; idem Scauola in *d. l. lex vestigali*, expendit conditionem contractus, ibi, *lex vestigali fundo dicta est*: & expendit negligentiam debitoris, & creditoris, ibi, *quod tam debitor quam creditor cessassent*: & demum expendit ius domini, qui vtendo iure suo iniuriam nemini facit, ibi, *iure suo dominus usus esset*: ideoque pignus ibi perit, quia pendebat ex necessaria causa, & anteriore ipsi contractui: ideoque etiam si debitor libens, ac volens, sciens, & prudens omittat solutionem pensionis, nihil eius consilium plenum fraude & dolo animaduertitur; sed id demum, quod dominus vtatur iure suo, quo casu contractus resolutus est ex necessaria causa ipsius contractus, iuxta praedicta iura, & receptam sententiam, idque animaduertit optimè Baldus in *d. §. rursus*, qui optimè loquitur; nihil enim magis voluntarium esse potest, quam refutatio feudi, aut emphyteusis; & tamen inquit ibi Baldus, quod per talem refutationem extinguitur pignus, quia non attendimus voluntatem, nec indirectam, nec directam, vbi natura contractus est reuocabilis. Idem dicit Baldus, quod creditor debuit sibi cauere, dum feudum hypothecae subdebatur; & debuit sibi cauere, & prospicere, & tandem illud cogitare, quod resilla, quae hypothecae subditur, erat resolubilis ex natura ipsius contractus; & prospicere sibi aliunde, *ex d. regula, qui cum alio contrahit, ff. de regulis iuris*. Idem Baldus secundo id sensit in *l. 2. C. de rescind. vend. q. 13. n. 17*. vbi ait, quod debemus potius considerare id, quod ex natura contractus procedit, quam voluntatem; & ita creditor accipiens rem pignori debuit cautiùs prospicere naturam rei, & cauere sibi alio iuris remedio, seu indemnitate, iuxta latè tradita per eundem Baldum in *dict. leg. fin. §. sed quia nostra, Cod. communia de legat.*
- 13 Vnde si quis emat redditus annuos cum pacto de redimendo oblatà pecunià, quae interim supponantur, & hypothecae subdantur ab emptore; post sunt enim alienari & vendi, postquam semel empti sunt, & per consequens hypothecari, & obligari, ex his quae notat Henricus Gandauus *quodlibeto* 8. *q. 22. Didacus variar. lib. 3. c. 7. num. 2. versic. 4. omnium consensu*, Lasarte in *suo tract. docto & eleganti de gabellis, c. 20. n. 7. vers. atqui quod de censu*, iuncto textu in *c. nulli, de rebus Eccl. ibi, nec hypotheca*; & quotidie fit: tunc ipse emptor, vel quia sibi expedit habere suam pecuniam potius quam annuos redditus, & vel dolo, vel fraude sollicitet antiquum venditorem, vt offerat pecuniam, & recuperet, aut extinguat annuos redditus, planè hæc tam aperta & explicita voluntas nihil ad rem facit, quò minus venditio resoluat, ac subinde pignus, quia emptor facit sibi rem vtilem; nemini autem denegatum est suam sibi quarere vtilitatem, si id sibi liceat; nec enim dolo facit qui suo iure vitur, *l. nullius 66. de regul. iuris*, idque in propriis terminis



minis expendebat Iurisconsultus in d.l. *lex vedlig.* & nemo debet nocere sibi, vt 14  
 aliis profit, nec omittere suam vtilitatem, etiam si aliis noceat, l. *Proculus* ff.  
*de damno infecto*, Bald. in c. *cum Eccl. Volaterrana*, de *election.* & satis multa  
 adduximus ad propositum de eo qui moriens iam in extremo vitæ constitu-  
 tus concubinam duxit uxorem eo consilio, vt filium aliàs concubinarium se-  
 cuto matrimonio legitimum faciat, vt hac arte & consilio eum admittat ad  
 legitimam hæreditatem, aut ad fideicommissum, quod legitimis debeat, &  
 excludat cognatos, qui aliàs erant successuri; quia demùm liceat vnicuique  
 rem suam sibi quærere, & facere quod sibi sit vtile, etiam si aliis damnum in-  
 de proueniat. Idque latè adduximus de *Hispanorum nobilitate & exemptione*  
*glosf. 21. num. 60.* tum etiam quia, vt dicebat Baldus in d. §. *rursus*: cre- 15  
 ditor debuit sibi cauere, & esse non ignarus conditionis eius, cum quo  
 contrahebat, & cauere alio sibi iuris remedio: idem Baldus in dict. §. *sed*  
*quia nostra*: & quia si quis faciat actum sibi utilem, talis actus non debet  
 carere effectu, quamuis aliis præiudicet, Bald. in d. c. *cum Ecclesia Volater-*  
*rana*, num. 5.

Imò plus dicam, quòd etiam si cum vtilitate reperiat immixtus dolus, 16  
 adhuc dolus, quia habet licitam vtilitatem coniunctam, non dicitur dolus,  
 nec fraus à Iurisconsultis, sed diligentia. Textus melior de iure in l. *qui au-*  
*tem*, 6. ff. *que in fraud. cred.* ibi: *Sciendum est, Iulianum scribere, eoque iure*  
*nos uti, vt qui debitam pecuniam accepit antequam bona debitoris possideantur,*  
*quamuis sciens soluendo non esse recipiat, non timere hoc edictum; sibi enim*  
*vigilauit*: ponderanda sunt verba illa, *quamuis sciens soluendo non esse*; quia  
 pertinent ad dolum: sed tamen Iurisconsultus, quia creditor rem utilem sibi  
 facit, etiam si fraudauerit reliquos creditores, diligentem illum vocat, non do-  
 losum, ibi, *sibi enim vigilauit*: ideoque licet emptor sollicitet antiquum ven-  
 ditorem ad redemptionem, adhuc quia vtilitatem suam sibi sollicitat, vigilat  
 vtiq; sibi, licet in hac sollicitudine inuoluta fraus reperiat, & dolus mix-  
 tus; nihil tamen ea res ad fraudem & dolum pertinet, sed ad diligentiam,  
 quæ nemini debet nocere.

Vnde etiam si apertè reuenditio, aut redemptio per fraudem & dolum facta 17  
 esse intelligatur, quia tamen fit ex causa necessaria anteriore contractu, certè  
 ex recepta sententia & iuribus adductis rectè fit, & legitimè resoluitur hypo-  
 theca: & ad hanc fraudem aliunde occurrendum est, sc. ex edicto de his quæ in  
 fraudem creditorum: quod edictum in pignore quoque versatur, textus expres-  
 sus in l. *si vir*, 18. de *his quæ in fraud. credit.* ibi, *actione vili reuocabitur*. Itaque  
 dabitur actio reuocatoria ex illo edicto, non verò hypothecaria, utpote extin-  
 cto pignore, & mortuo hypothecæ iure; in quo tamen sæpè aduertimus inuo-  
 lutam vtilitatem fraudem tollere, ex d. l. *sciendum*, & d. l. *qui autem*. Facit tex-  
 tus cum glossa in d. l. *bonem*, §. *si quis cum*, ff. de *adilit. edicto*, vbi si quis red-  
 hibeat eo consilio, vt creditores defraudet, non redhibiturus aliàs, nisi vt eos  
 fraudaret, teneretur creditoribus: & subdit glossa quòd tenetur reuocatoriâ:  
 & intellige illum textum in creditoribus personalibus, non pignoratitiis, aut  
 hypothecariis, quia in his ex §. *pignus*, qui statim sequitur, est locus pigno-  
 ratitiæ propter naturam redhibitionis, quæ est omninò libera, nihil depen-

dens ab anteriore contractu, nec à natura ipsius; quod est singulare beneficium creditorum hypothecariorum, & remedium opportunum creditoribus personalibus. Itaque creditor ad edictum recurret reuocatorium, hypothecam verò non habebit si reuenditio procedat ex causa necessaria anteriore contractus, iuxta receptam sententiam; cauebitque ne in hac fraude & dolo utilitas inveniatur emptoris, quia ipsa utilitatis ratio expellet fraudem, *d. §. sciendum*; 18 non enim ea res pertinebit ad dolum, sed ad diligentiam, ut diximus.

In libera autem alienatione diximus durare pignus, non in necessaria. Itaque eo casu, quo daret pignus, tenetur is qui pignori subdidit, rem liberam tradere omni pignore & hypotheca, quod vel actione empti quidem contingeret, vel conditione ex lege; idque patet in redhibitoria, in qua pignus durat, sed redhibitio omninò libera facienda est respectu antiqui venditoris, cui redhibetur: probat id apertè textus in *l. bonem, §. pignus, ff. de adilit. edict.* 19 ibi: *Nec rectè redhibebit, nisi redemptum, & pignore liberatum redhibeat.*

Restant duo in hac materia opportuna & necessaria, quòd communis sententia habet locum, quando res reuertitur ad dominum antiquum, vel iure actionis emanantis ab ipso contractu, & causa anteriore expressa in ipso contractu, ut puta quia utitur facultate redimendi expressa in ipso contractu, vel iure dominij, ut in feudo admissa feloniam, vel in fundo vectigali, vel emphyteutico, non soluto canone; quo casu resoluitur contractus ex causa necessaria, ut satis aduertimus: secus est si res perueniat ad antiquum dominum alio modo tanquam priuatum, quia emit tanquam priuatus sine vlla consideratione conditionis contentæ in contractu; vel emptor legat, vel donat eandem rem antiquo domino. Nam hypotheca durabit toto tempore, quo res futura erat apud hypothecantem, *ex d. l. si debitor*. Ita resoluit Boërius *d. decis. 181. n. 7.* ubi latè allegat pro hac explicatione, & iuxta hunc sensum intelligendus est Bartol. in *d. l. si res, n. 1.* 20

Secundò illud considerandum est, quòd consuetudo vniuersalis in Regno circa redemptionem horum censuum, ut hypotheca conferretur, aut pereat, obseruanda est, quia recepta consuetudo potest facere, ut hypotheca pereat eo casu, quo debebat viuere, & permaneat eo casu, quo debebat interire, ut in simili aduertit Boër. *d. decis. 181. n. 12.* ibi: *Propter generalem consuetudinem in hoc Regno Francia obseruatam; ubi restringitur regula d. l. lex vectigali, & durat in Francia in casu illius legis hypotheca, quæ aliàs interire debebat, propter generalem consuetudinem Franciæ, quæ facit bona feudalia instar legitimi patrimonij: ex qua consuetudine limitatur dictum Baldi in Francia, de quo suprà versic. Baldus etiam in feudis, n. 3. ut latè per Boërium ubi suprà; & non immeritò, quia talis consuetudo obseruata in Regno facit ius, l. 6. tit. 3. part. 1.* ibi: *Esto se debe entender quando la costumbre fuesse usada generalmente en todo el Reyno: & est de iure, §. ex non scripto, Instit. de iur. nat. gent. & civil.* 21

Vnde in Hispania, quia redditus annui venditi à Rege nostro cum pacto de redimendo, ex recepta consuetudine redimuntur à Rege nostro ad instantiam, & preces emptoris noui, nulla interueniente pecunia Regis, sed breui manu accepta pecunia directò à nouo emptore, & tradita antiquo, à quo redimitur, quod vulgò dicitur *entrada por salida*, id est, fieri id à Rege nullo negotio



negotio cum ipso gesto ; & aliquando fit sine pecunia ex sola satisfatione vtriusque, & veteris, & noui emptoris ; & intelligitur factum negotium inter vtrumque, sine Regis vlla particulari intercessionem, si in libris rationalibus Regis non inueniatur redditus ille annuus annotatus, & signatus hypothecâ, ipsa profectò hypotheca in hoc casu durat, quia reuerà voluntaria alienatio est veteris ad nouum emptorem ; quasi nihil cum Rege gestum, nihilque actum ex causa necessaria contractus, & anteriore ; & hoc est iuri consonum. Oportet enim vt hypotheca moriatur, negotium esse gestum principaliter cum Rege, ipsumque, aut alium eius nomine ex vi clausulæ redemptiux redemisse, nouoque emptori vendidisse : quod si breui manu fiat ab antiquo ad nouum emptorem, nihilque in libris rationalibus reperitum sit, quàm translatio eius census annui de vno ad alterum, planè voluntaria rescissio conseruat hypothecam, nisi consuetudine aliud obseruatum sit, 22 ex Boërio : *vbi supra*, quæ consuetudo comprobabitur ex istis rationalibus, qui præsumunt rationibus Regis, vulgò, *contadores de cuentas*, qui probè norunt, quæ consuetudo in hoc vigeat, vt hypotheca pereat, aut conseruetur, quod est multum aduertendum pro istis magnis mercatoribus, qui inter se annuos istos redditus alienant, & hypothecæ passim supponunt, petirà solâ Regis verbali redemptione, nihil ex proposito cum ipso, aut cum eius rationalibus viris, qui præsumunt rationibus rei dominicæ, gerentes.

Hinc inferre licet ad quæstionem illam, an in casu legis 2. *C. de rescind.* 23 *vend.* duret hypotheca ab emptore intra quadriennium imposita ? Bart. tenet quòd non resoluitur, *in d. l. si res* : secundò *in d. §. sed & Marcellus* : tertio *in d. l. in diem* : sequuntur Bartolum Cumanus, Romanus & Fulg. *in d. l. si res*, Alex. *conf. 45. lib. 5. n. 4.* Boërius *d. decis. 181.* vbi communis est, & plures referuntur. Albericus *in d. l. 2. n. 28.* Corasius *in l. 3. ff. de seruiniubus.*

Ratio Bartoli ea est, quia hæc emptionis resolutio est verè voluntaria ex 24 eo, quia semper est in manu & potestate emptoris, etiamsi in iudicio condemnatur, retinere rem, & supplere pretium : facit etiam pro Bart. quia emptio fuit pura, & simplex ; vnde sicuti redhibitoria non peremit hypothecam, ita nec rescissio ob læsionem, *d. l. si creditor, d. §. pignus.*

Contra Bart. tenet Bald. *in l. 2. C. de rescind. vend. q. 13. n. 17.* vbi quod hypo- 25 theca perimitur : addit tres rationes pro sua hac opinione.

Prima, quia debemus potius considerare id, quod est in natura actionis reuocatorix, quæ competit ad rem, quàm ad aliud : hæc ratio Baldi est expressè contra *d. l. si deb.* vbi non consideratur natura actionis reuocatorix, hoc est, redhibitionis, nisi id solum, quòd contractus fuerit purus & simplex sine aliqua conditione ; idem *in d. §. pignus*, vbi redhibitoria dicitur noua alienatio : tum quia actio *ex d. l. 2. C. de rescind. vend.* vel conditio *ex ipsa lege* non est in rem ; quod sentit idemmet Baldus *ibidem n. 16. ad fin.* & clariùs aduertit Pinellus *ibi part. 2. c. 1. num. 29.*

Secunda ratio Baldi est, quia res illa vendita erat affecta vitio læsionis, & subiecta decisioni dictæ legis 2. Hæc ratio reincident in priorem, quia hoc non est considerabile ; namque etiamsi *in dict. l. si debitor*, & *in dict. §. pignus*, res vendita erat affecta vitio, ex quo erat locus redhibitorix, tamen

id vitium non peremit hypothecam, quia prima emptio fuit simplex & pura, & redhibitio fuit voluntaria alienatio, d. §. *pignus*. Vnde idem observandum est in casu dictæ legis. 2. item quia actio vel condictio dictæ legis 2. non est in rem scripta, quasi affecta re ob læsionem; sed est merè personalis, Pinell. d. num. 29.

Tertia ratio Baldi est, quia in casu legis 2. emptor est reus, in casu verò dictæ legis si vend. & in d. §. *pignus*, emptor est actor, & ibi accedebat coactus, hinc volens. Vnde Salyc. in d. l. 2. ex hac Baldi consideratione admittebat dictum Baldi in restitutione rei ex necessitate iudicij, secus si emptor volens rem restitueret in casu dictæ legis 2. & ita intelligebat Cagnol. in d. l. 2. n. 111. tenendam opinionem Bartoli, de qua *suprà*.

26 Sed tamen siue res tradatur accepta pretio post sententiam, vel antè, pendente iudicio, idem ius est, quia emptor agnoscens bonam fidem, & venditorem læsum in pretio ultra dimidiam, potest, nedum cœpto iudicio, verùm cum adhuc lis mota non sit, rem restituere accepto pretio; & si creditor agat, dicatque ex voluntate restitutam rem, potest opponere de læsione, quam opposuisset venditor; eaque probata, reducit rem ad eum statum, in quo res fuisset à principio, quamvis sententia contra se lata esset ad rescissionem emptionis ex causa læsionis. Molin. in consuet. Paris. §. 44. ad fin. n. 25. idem ad Alex. conf. 63. lib. 6. Afflict. tit. de contronerf. int. vassallum, n. 24. Didac. variar. lib. 3. c. 17. n. 6. & nos satis superque diximus de expens. & melior. c. 23. n. 17. & 18. & de Hisp. nobil. & exempt. gl. 3. §. 1. n. 3. vbi quòd paria sunt, esse aliquem condemnatum, vel absolutum, vel perspicere ex actis, quòd possit condemnari, aut absolui: quæ omnia ad causas euictionis opportuna aliàs sunt, vt illicò possis ad iudicium vocare authorem tuum, simulatque cognoscis rem ad illum non pertinuisse; & possis rem tradere vendicanti contra venditorem euictionis causâ intentatâ, nec periculum sit, quòd tradideris, si in iudicio euictionis possis ostendere non ius tui authoris.

27 Et quamvis hæc omnia vera sint in se, certè ratio illa Baldi distinguentis inter actorem & reum in casu legis 2. C. de rescind. vend. non eneruat rationem Bartoli. Siue enim ex sententia res restituatur, siue ante sententiam, siue lite cœptâ, siue ante iudicium, agnitâ, vti diximus, læsione; certè ratio Baldi nihil facit contra Bartolum, semperque huius ratio militat. Non enim tenebaris in omnibus his casibus rem præcisè restituere, nisi ex voluntate, quia in manu tua semper exitit supplementum iusti pretii, retenta ipsamet re, quæ est ratio Bartoli; vnde semper insurgit libera voluntas, & voluntaria traditio, & spontanea restitutio ex natura iudicij & actionis, quæ ex fundata juris ratione, & recepta sententia, pignus & hypothecam non perimit. Vnde non dubium est, meo iudicio, quin in hoc casu verior sit opinio Bart. contra Baldum, quamvis opinionem Baldi secuti sint viri graues. Cagnolus in d. l. 2. C. de rescind. vend. n. 120. & in l. 2. C. de pactis int. empt. & vend. n. 199. Ant. de Fano de pignorib. part. 5. memb. 1. num. 43. Pinell. in d. l. 2. part. 2. c. 1. num. 11. qui fortassis non aduertunt ad ea, quæ diximus de libera & spontanea, seu coacta & necessaria rescissione contractus; vnde insurgit ratio mortis & vitæ pignoris, ex qua probabilior est opinio pro Bartolo contra Baldum.



Tu lector elige, & boni consule nostram hanc de vita & morte pignoris operam : quotidiana res est.

## TRACTATUS IV.

## De coniugali acquæstu.

## Notabilia.

- 1 *Acquæstus quid, & unde descendat : & ibi varia referuntur apud varias gentes consuetudines.*
- Consuetudine Lusitana bona utriusque coniugis communicantur inter eos, nihil disponente circa quæsitâ constante matrimonio, ibi.*
- 2 *Lucra & bona mariti & uxoris qualiter diuidantur in Lusitania, Italia & Corduba, diligenter refertur.*
- 3 *Acquæstum duo genera sunt, & quæ : & ibi lucra inter maritum & uxorem operâ & industriâ eorum facta fieri communia, & adquiri utrique, quoad dominium & possessionem : & n. 4. & 64. & 72. & 186. & 188.*
- 4 *Maritus & uxor possunt de lucratis constante matrimonio pro sua parte disponere ad libitum, ut de cæteris bonis.*
- 5 *Constante matrimonio maritus sine fraude habet liberam lucrorum dispositionem, eîdæ cum damno uxoris*
- Donatio lucrorum inter maritum & uxorem constante matrimonio an teneat, necne, remissiuè, ibidem, & latius n. 65.*
- 6 *Maritus an possit in damnum uxoris legare quæstus factos constante matrimonio, remissiuè, & differit n. 65.*
- 7 *Utrum mulier præter dominum simul hypothecam in bonis mariti habeat pro securitate quæstum, remissiuè.*
- 8 *Lucrum quale est, quod coniux tenetur reservari filiis illius matrimonij, cum ad secundas nuptias transit.*
- 9 *Lex 15. Tauri explanatur, & ibi de iure Regio legem generaliter, C. de secund. nupt. & auth. de nuptiis § si verò pectet, servari.*
- 10 *Lex 14. Tauri, quæ est lex 6. tit. 4. lib. 6. recop. & lex 15. quæ est lex 4. tit. 1. lib. 5. recop. in duplici genere lucri habent locum.*
- 11 *In Hispania societatis iure, olim consuetudine, hodie iure inductæ, inter virum & uxorem lucra diuiduntur.*
- 12 *Societas legitima inter maritum & uxorem, & statim fit domina uxor lucrorum pro sua parte, & verè possidet ; & ibi socios omnium bonorum fieri dominos & possessores rerum societatis sine alia traditione, non tamen postea quæstorum ; ea enim iura societatis diuiduntur.*
- 13 *De societate viri & uxoris lex Romuli antiquissima non ineleganter consideratur bonorum diuisionem inducens.*

- 14 *Lex Romuli perpenditur, & ibi varios modos sacrorum à ciuibus Romanis obseruatos fuisse: alia publica, alia priuata sacra, & qualia n. 15. & 16. & perpenditur lex 12. tabul. n. 17. & ibi ad eos sacrorum conseruationem peruenisse, ad quos pecunia.*
- 15 *Sacra gentilitia quæ, & unde dicta.*
- 18 *Qui fuissent olim obstricti ad horum sacrorum obseruationem, quæ paterfamilias instituisse grauissima: quando apud antiquos fuit I. C. ut Cicero refert, decidit ibi n. 19.*
- 20 *Varij antiquorum de sacris agentes loci enodantur, & ibi filia in sacris esse unde dicatur, declaraturque lex filia, 2. Cod. de collat. & ibi lex sacrilegij 9. ad leg. Iul. peculatus.*
- 21 *Priuata sacra abierunt, & à Christiana religione recessere.*
- 22 *Vxor socia est & iure diuino propter matrimonium, & iure nostro propter civilem societatem.*
- 23 *Nuptiarum verba solemnia apud antiquos pulchrè traduntur, & Caius, id est dominus latinè dicitur.*
- 25 *Matrimonium apud Romanos olim videbatur contrahi, si mulier virum Caium, seu dominum; vir mulierem Caiam, id est, dominam vocabat: subtiliterque consideratur textus in auth. quib. mod. effic. legit. §. illud, & num. præcedenti.*
- 26 *Vnde originem fæminas dominas vocare, seu Donna Fulana in Hispania consuetudo traxerit.*
- 28 *Hispani verbo, damas, vtuntur, quod verbum à Græco damar usurpatur.*
- 29 *Bona quesita constante matrimonio consuetudinis est apud Gallos inter virum & uxorem diuidi.*
- 30 *Vtrum de iure communi bona quesita constante matrimonio communicari deberent inter coniuges, fuerit tantum inductum de iure regni, latè disputatur & interpretatur caput 2. de donat. int. vir. & vxor.*
- 32 *Vsus, seu consuetudo debet probari, cum ei resistunt iuris regula, nec præsumitur; quia quæ sunt facti, non præsumuntur.*
- 33 *Qualitas seu circumstantia præsupposita in dispositione, debet prius adesse, quàm dispositio sequatur, & n. 120.*
- 34 *Articuli ante legem 15. tit. 9. lib. 5. recop. circa quesita constante matrimonio qualiter debebant formari, secundum Suarez.*
- 35 *Consuetudo notoria & legalis non indiget probatione; quod limita in consuetudinibus vniversalibus, qualis est hæc de diuidendis lucris, & de iure retractus, & consuetudo Hispania quæ permittit Clericis de bonis inuitu Ecclesia acquisitis testari; & n. 36. & seq.*
- 37 *Consuetudo specialis alicuius loci probari debet, vt est de bonis reducendis ad truncum, vt aiunt, de qua in l. 6. Taur. quæ est lex 1. tit. 8. lib. 5. recop.*
- 38 *Consuetudinem alleganti non diuidendi bona inter coniuges constante matrimonio quesita, incumbit onus probandi; & ibi ius commune esse inter virum & uxorem ea lucra diuidi in Hispania.*
- 39 *Vtrum mulier propter stuprum commissum mortuo marito lucrata constante*  
*matrimo*



matrimonio amittat, veniantque mariti hæredibus restituenda, eleganter disceptatur: & n. 40. & 41. & 45. cum seq.

- 41 Vidua, qua in corpus suum peccat, iniuriam marito mortuo irrogat, & secundum aliquos dotem amittit: item vidua adhuc dicitur esse in matrimonio; eademque castitas requiritur in ea ac si matrimonium duraret.
- 46 Lex & mulier, ff. de curat. furios. eleganter interpretatur, & n. 47. meretrici curator dari non debet: item testari potest, ibid. & n. 48.
- 49 Incontinenti, & libidinoso curator dari non debet, contra Seguram intelligentem dictam legem & mulieri, licet prodigo detur.
- 50 Lex fin. §. fin. C. de sentent. passis, improbata Acosta consideratione explanatur.
- 51 Vidua abiecta pudicitia est, qua etsi non sit meretrix, thorum polluit, & ibi quoddam veluti vitium esse de iure civili secundas inire nuptias, secus de iure canonico.
- 52 Lucrata à marito non cohabitante cum uxore, an communicentur, necne.
- 53 Quæstus ab sponso facti uxori nondum ad domum ducta, an communicentur.
- 54 Societas legitima, lucrumque considerabile est inter sponso.
- 55 Mortua uxore rebus utriusque coniugis in eodem statu manentibus, quæstus à marito superstiti facti hæredibus uxoris communicari.
- 56 In coeunda societate solo consensu opus est, & sponsa socia est, n. 57.
- 58 Quæstus à marito absente factos utrique coniugi communicari, & ibi lex 2. tit. 9. lib. 5. recop. enucleatur. Verba legum non rusticè, sed civiliter interpretari debent, ibid. & n. 53. in fin.
- 59 Separatione culpâ alterius coniugis civiliter factâ, quid iuris de lucris ab altero eorum quæstis.
- 60 Soluta matrimonio quæstus non communicari.
- 61 Res empta ante matrimonium, si post solutum fuit pretium, an communicanda veniat, necne? quid si fundum proprium maritus vendidit, ut alium emat: & num. seq. in utraque quæstione vir uxori tantundem pretij tenetur refundere, ibid.
- 63 Fundum pecuniâ alterius coniugis emptum utriusque fieri, dominus tamen pecuniam ante lucrorum diuisionem consequitur.
- 64 Lucrorum appellatione mobilia & immobilia, iura & actiones significari: tot sunt legata, quot præstationes annua, secus in contractibus, in quibus ab initio initi contractus una est obligatio omnium præstationum nata.
- 65 Marius an possit perdere lucra ludendo, scortando, & an tantundem debeat uxori refundere, & an possit istos quæstus legare, n. 5. & donare saltem ex causa, num. 65.
- 66 Maritus male consumendo lucra, peccat, non tamen tenetur ad restitutionem.
- 67 Officia, qua solent, & possunt vendi, communicantur inter coniuges, etsi non pecuniâ sed precibus impetrata fuerint constante matrimonio, & iudicio familia eriscunda, & communi diuidundo veniunt; & ibi id, quid de de-curionatus & tabellionatus officiis à rege concessis: & n. 68.

- 69 *Quæstus tabellionis propter exemplationem instrumentorum lucrati, deductis papyri, & transcribentis expensis communicantur inter coniuges.*
- 70 *Maritus, qui lucratis constante matrimonio naui impositis destinaverat ad Indos proficisci, metu pyratarum maris spreto, & uxoris, amicorum & cognatorum consilio, ei asserentium non esse suam, & coniugis substantiam tanto exponendam periculo, utrum teneantur à pyratibus naui dirempta, & captis mercibus marito mortuo eius heredes damnum uxori resarcire.*
- 71 *Turpiter adquisitum, veluti ex furto vel usura, non communicari inter coniuges; & consulit ut restituatur secreto, ne eius ratione possit de facto conueniri saltem.*
- 72 *Lucra à viro vel uxore constante matrimonio facta utrique communicantur, & æqua lance vir & uxor iudicantur; & n. 3. 4. & 64. secus est de iure communi, quo lucra non communicabantur inter eos: item per liberam personam alteri non acquiri, ibid. & uxor libera reputatur, & n. 12. filius si patri operas artificiales subministraverit, potest salarium exigere; secus si obsequiales, ibid.*
- 73 *Expensa in re alterius coniugis facta ad lucra nuptialia pertinent, consequiturque coniux partis sue estimationem.*
- 74 *Si in solo alterius coniugis vineas plantet, quid iuris, & an estimatio debeat eo casu sumptibus coaquari, n. 75.*
- 76 *Meliorationes facta in rebus maioria constante matrimonio, sintne communicanda coniugi, vel saltem estimatio soluenda, late differitur, & ibidem legis 46. Tauri sensus & ratio, & n. 77.*
- 78 *Dicta lex Tauri 46. utrum procedat in meliorationibus solum factis in fortaliis, mœnibus, aut adibus maioratus, ad extensionem ipsius legis, & n. 79. & 84.*
- 81 *Si ratio legis dicto ipsius sit amplior, lex porrigi valet: & n. 82.*
- 83 *Ratio legis animæ, verba corporis vicem obinent.*
- 85 *Dicta lex 46. Tauri, ibi, en las casas de mayorazgo, an solum de domo, unde maioratus denominatur, & principaliori, an de omni domo etiam conducticia, intelligatur, affirmatur contra Gutier.*
- 86 *Dicta lex 46. Tauri, an sibi locum vendicat, etsi expensa magna sit.*
- 87 *Si meliorationes facta in rebus maioratus, an sine lesione rei abradi possint, ut inter coniuges diuidantur, ad limitationem dictæ legis 46. Tauri.*
- 88 *Concesso castro munitiones ad defensionem castri concessioni cedere.*
- 89 *Dicta lex 46. Tauri, utrum habeat locum in omni maioratu, etiam sine regia facultate instituto, anniuersario & Capellania.*
- 90 *Dicta lex 46. an habeat locum in tertio possessore maioratus res meliorante, seu resciente quoad hoc, nempe ne possit uxor solutis tertio expensis, ex lucratis constante matrimonio partem consequi; tertius enim proculdubio expensas repetit, ibidem.*
- 91 *Dicta legi Tauri in præiudicium creditorum possessoris maioratus sit necne locus, utpote si expensis factis in rebus maioratus fiat non soluendo.*
- 92 *Uxor an ab heredibus mariti aliquid consequi possit ratione quæstus coniugalis*



lis in meliorandis rebus maioratus consumpti, ad declarationem dicta legis 46. differitur.

- 93 *ususfructus constante matrimonio cum proprietate consolidatus, ex natura propria ipsius ususfructus non communicatur inter coniuges; consolidatus ex alia causa communicatur: & n. seq. respectu pretij ipsius, n. 95. & qualiter fieri debeat æstimatio, n. 96.*
- 97 *Fructus omnes à coniugibus perceptos rerum omnium, etiam castrensum, vel quasi, diuidi inter eos.*
- 98 *Si vir aut uxor feudum habeat, an quod feudo constante matrimonio accrescit, utriusque fiat.*
- 99 *Res quæ ante matrimonium ab altero coniugum cæpit usucapi, post matrimonium impleta usucapione non communicatur utrique coniugi.*
- 100 *Res iure retractus constante matrimonio adquisita, vel saltem pretium retractus communicetur, necne inter coniuges.*
- 101 *Donatio facta uxori à consanguineis mariti non pertinet ad quæstum coniugalem, nec è conuerso; & ibi in diuisione bonorum, cuius futura sunt res ita donate; viri, cuius contemplatione damur; an uxoris, latè differritur num. 103. & seq.*
- 104 *Peculium profectitium est, quod à patre, vel ab alio contemplatione patris filio datur, & pleraque alia exempla in aliis etiam personis traduntur, in quibus datum alicui contemplatione alterius, perinde est, ac si daretur ei, cui is contemplatione datum fuit, & n. 105.*
- 106 *Xenia data sponse die sponsaliorum, vel nuptiarum à consanguineis viri, à viro donata intelligi; & ita regulariter.*
- 108 *Contemplatione mariti donatio uxori dicitur fieri, si mariti mentio in donatione habeatur; & n. 117.*
- 109 *Plures referuntur asserentes donationem à consanguineis mariti uxori factam statim valere, contra Bartolum communiter receptum, relatumque n. 101. & 102. defenditur à Bart. n. 116.*
- 110 *Iura & rationes, quibus prædicta sententia contra Bart. & communem nititur, referuntur, & n. 111. & 112.*
- 111 *Donatio facta ambassiatori, id est legato communitatis, seu Principis, utrum Principi & communitati facta censeatur, distinguitur.*
- 112 *Donatum socio occasione societatis, fit socij.*
- 113 *Media Angeli sententia in prædicta questione refertur, & reprobat, n. 119.*
- 114 *Donationem à coniugis consanguineis factam utrique coniugi, ad quæstum coniugalem pertinere, indubitati iuris est.*
- 115 *Donatum à viri consanguineis viro, vel uxori ab eius consanguineis, inter coniuges non communicari, sed integrè donatarij fieri.*
- 118 *Donatio simpliciter uxori à consanguineis viri facta, non censeatur contemplatione viri fieri, & quando id præsumatur, cum iudicio traditur n. 108. & 110. quod locum habet etsi res uxori, siue viro conueniens donetur, contra Angelum, & n. 119.*
- 120 *Qualitas præsupposita in dispositione debet dispositionem antecire, seu præcedere, & num. 33. sup.*

- 121 *Legis si seruus communis, & legis cum hic status, §. oratio, ff. de don. inter virum, legis si constante, legis nec inter, legis si te in vacuum, C. eod. v. rursus sensus: vxor libera quoad acquisitionē persona reputatur. ibid. & n. 72.*
- 122 *Consuetudinis vi & potestate induci posset, vt donata vxori à consanguineis mariti, & eius contemplatione, vxori adquirantur.*
- 123 *Donatio remuneratoria alteri coniugi facta vtrum communicari debeat, & n. 125, cum seq. ad limitationem legis 3. tit. 9. lib. 5. nouæ recop. differitur.*
- 124 *Adquisitum à viro ob scientiam, artem, vel industriam, non communicari inter coniuges, & ibidem stipendia, seu salaria Auditorū Regalium, Iudicum, Aduocatorum, & Medicorū, ad lucra nuptialia non pertinere, contra Gutier.*
- 126 *Liberalis animi indoles.*
- 127 *Pleraque qua inter coniuges non communicantur.*
- 128 *Peculium quadruplex est, & inter patrimonium & peculium quid intersit; & legis fin. C. de inoffic. testam. & legis 5. tit. 17. p. 4. intellectus, ibi.*
- 129 *Peculium profectitium quid, & n. 104.*
- 130 *Ad peculium profectitium fructus eiusdem peculij à filio percepti pertinent, nec communicantur coniugibus; & n. seq.*
- 132 *Aduentitia non communicantur quoad proprietatem.*
- 133 *Aduentitium peculium quid.*
- 134 *Peculij profectitij proprietates ad filium, vsusfructus ad patrem pertinet; qui vsusfructus ducta vxore, acceptisque benedictionibus Ecclesia, filio acquiritur, nec communicatur coniugi, quoad ipsum ius utendi, sed quoad fructus constante matrimonio perceptos.*
- 135 *Castrensia & quasi non diuidi inter coniuges, fructus tamen eorum officiorum, & commendarū constante matrimonio perceptos proculdubio, & n. 194.*
- 136 *Peculium castrense quid; & ibi valere testamentum iure militari factum præterito filio.*
- 137 *Castrensia an ad filium iure antiquo pertinuerint, an nouo, remissuè.*
- 138 *Donatio à Principe filio vel filia facta, castrensis peculij vicem obinet, & solum donatario quaritur.*
- 139 *Peculium castrense, quod adquisiuit maritus militans expensis etiam vxoris, communicatur.*
- 140 *Leges qua circa lucra diuidenda attendenda, si vir & vxor diuersa sortiantur domicilia, & matrimonium alibi contrahatur, cum n. seq.*
- 143 *Quid si vxor ignorabat leges, vel consuetudines domicilij mariti, vel si putabat maritum non esse exterum, & n. seq.*
- 145 *Si maritus alibi domicilium habeat, & contrahat matrimonium in loco originis, quæ leges circa lucra nuptialia partienda attendenda, & quid in bonis alibi sitis lucratis constante matrimonio, n. 146.*
- 147 *Donatio lucrorum nuptialium ante vel post matrimonium viro ab vxore facta, an teneat.*
- 148 *Lucra querenda possunt ab vxore in necem, seu damnum creditorum parentis & filiorum renunciari, non item quæsitæ.*
- 149 *Ex lucratis constante matrimonio debent debita eo tempore contracta solui, & ibi, quid iuris, si maritus pro alio fideiusserit.*
- 150 *Dos ab utroque coniuge promissa, vel à patre tantum, an ex bonis lucratis soluenda,*



- ſoluenda, etiamſi ſoluto matrimonio à patre promittatur, & n. 151.
- 152 Alimenta filiis prioris matrimonij præſtitæ, quatenus imputanda.
- 153 Fructus rei ſi in quinquennium maritus conduxit, ſi ante quinquennium moritur, an poſſit uxor ſtatim mediâ fructuû partem tranſacti temporis petere ab hæredibus mariti, vel teneatur totius quinquennij euentû expectare.
- 154 Si alter coniux ſecundò nupſerit, filiaque prioris matrimonij dotem ex bonis communibus ſoluerit, quatenus ſoluto matrimonio teneatur.
- 155 Mulier lucris renunciãtis, delicta conſtante matrimonio contracta non cogitur ſoluere, & n. 149. quod locum etiam habet in mulieris hærede, n. 156. conſequeturque eo caſu liberè dotem, ibidem.
- 157 Mulier an ſoluto matrimonio poſſit contra debitores marito ſolum obligatos inſtrumentum executioni mandare pro dimidia lucrorum parte.
- 158 Hodie omnia bona utriuſque coniugis præſumuntur, olim ſecus.
- 159 Omnia ſuperius dicta ad matrimonium putatiuum porrigi, & ad matrimonium clandestinum, & n. ſequenti.
- 160 Quaſtus nuptias de factò contrahentibus contra ſacroſanctâ Romanâ Eccleſiâ ſtatuta non communicari.
- 161 Lucra ab altero coniuge quaſita, altero bannito, vel ſeruo pœna effectò, vel propter hæreſim in monaſterium recluſo, non diuidi, & ibidem filiumfamilias his caſibus ius utendi fruendi, quod erat penes patrem peculij aduentitij, conſequi, & non conſiſcari.
- 162 Quaſtus ab uxore factos domi viro in exilium vel ad triremes miſſo, non communicari; viduatur uxor his caſibus, ibidem.
- 163 Culpâ alterius coniugis ſeparato matrimonio, utpote propter mores deprauatos, lucrata ab altero ſibi acquiruntur.
- 164 Lucra à viro quaſita domi concubinâ retentâ, quâ cum poſtea matrimonium contraxit, non communicantur.
- 165 Inſpatronatus conſtante matrimonio adquiſitum coniugibus communicari; marito tamen viuenti præſentatio incumbit.
- 166 Marito mortuo ſocietas coniugalis durat inter filios & coniugem ſuperſtitem, rebus in eodem ſtatu manentibus, & quaſtus communicantur: quod limitatur n. 169. & 170.
- 169 Heres ſocij mortui ſi cum ſuperſtite ſocio negotia proſequatur, continuatur ſocietas, & n. ſeq.
- 171 Quaſtus à marito lucratos volente ſibi ſolum adquirere, uxori communicari.
- 172 Lucra nuptialia coniugibus ipſo iure ſine aliqua agnitione communicari, adquiri, & tranſmitti: item an quod coniux lucratur ab altero coniuge, propriè lucrum debeat vocari, & n. 187.
- 173 An quod maritus adquiret remiſſa iniuriæ nomine, vel per ſententiam actione iniuriarum, veriat communicandum; & ibi quis præferatur in accuſatione, & omiſſione moris mariti, ibidem.
- 174 Commoditatem uſuſfructus etiam rerum, quæ non communicantur utrique coniugi, communicari, ius verò utendi fruendi non item.
- Si commoditas alicuius rei alteri fuerit coniugi conceſſa, non ius utendi fruendi, verum communicatur, ibidem.

Egidius Ramirez de Arellano in hoc Pintiano Senatu Senator laudatur.

- 175 *Dotem, nec lucrata matrimonio constante pro delicto alterius coniugis non publicari, ne alteri per alterum, &c. & n. 179. & seqq.*
- 176 *Maritus adquisita constante matrimonio, uxore in delictum dilapsa, propter quod bona ipso iure publicantur, utrum possit distrabere, & n. seqq.*
- 178 *Maritus non presumitur scire uxorem delictum commisisse; & ibidem dolum non presumi.*
- 179 *Ius accrescendi in rebus quaesitis non habere locum, & ibi latè differitur, utrum si uterque coniux emphyteusin acquisierit, posteaque alter in haresin dilabatur, noceat alteri, & quatenus, cum pluribus n. seqq.*
- 183 *Maritus quaestus constante matrimonio quaestus legans, suam partem, non uxoris videtur legare.*
- 184 *Maiores ab altero ex coniugibus ex lucratis constante matrimonio an infitui possit, necne, differitur: & n. 185. & 186. improbato Andrea Angulo inficiatur.*
- 187 *Lucrum à lege delatum ad haeredes transmittitur sine aliqua agnitione, & quaesit ratio.*
- 188 *Dominium lucrorum constante matrimonio adquirentium utrique coniugi statim communicari, & n. 3. & 4.*
- 189 *Heres mariti in partis lucrorum ad mulierem pertinentis possessionem ex edicto diui Adriani non est mittendus, nec tenetur mulier mediam lucrorum partem de manu haeredis accipere.*
- 190 *Alter coniux constante matrimonio actione in rem petit bona cum fructibus, soluto matrimonio ei cum fructibus restitui iubetur, an filij & haeredes mortui coniugis sibi fructuum portionem vindicare possint, necne, quaeritur, quam is, cuius haeredes sunt, habiturus fuit, contra Ayoram resolutur, & n. 191. cum seq.*
- 192 *Mortuo fructuario fructibus perceptis, prius tamen quam debeantur, quid iuris, & n. seq.*
- 193 *Fructus capitulo debiti, an Canonicis post collectionem fructuum electis rectè solvantur, vel haeredibus priorum Canonicorum collectionis tempore existentium.*
- 194 *Fructus communicantur coniugibus, etiam rerum quae non diuiduntur, & n. 97. & 153. copula & quando in disunctam resoluuntur, ibidem.*
- 195 *Sententia nihil novi concedit, sed ius quod fuit, declarat.*
- 196 *Fructus nomine quid veniat in hac de lucratis constante matrimonio disceptatione.*
- 197 *Ancilla partus in fructu non est, & quare?*
- 198 *Lucrorum qualiter sit inveniendae ratio.*
- 199 *Si lucra non extant, quis praefertur, heres prioris uxoris, an posterior? extantibus enim lucris suum unusquisque vendicat.*
- 200 *Fructus propriarum etiam rerum constante matrimonio collectos inter coniuges communicari.*

I **A** Cquaestum conjugalem vocamus, quem coniux suâ operâ & industriâ acquirit, ut idem significet, quod quaestus, ab acquirendo. *Quaestus*, inquit Paul.



Paul. intelligitur qui ex opera cuiusque descendit : in l. *quæstus*, ff. pro socio, & dicitur lucrum propriè, quia in hac re generale verbum *lucrum*, ad quæstum referimus, l. *sed si adiciatur* 13. ff. eod. Sed si adiciatur, inquit Paul. ut & quæstus & lucri socij sint, verum est non ad aliud lucrum, quam quod ex quæstu venit, hanc quoque pertinere adiectionem ; & notavit glossa 1. in l. 7. tit. 20. p. 5. Galli vocant coniugalem acquæstum, qui fit à coniuge ; nos etiam lucrum vocamus nostro nomine Hispano, *ganancia*, quod ad quæstum magis quam ad lucrum refertur, etiam si utriusque in hac re eadem sit vis & significatio.

Varia autem sunt horum acquæstuum & lucrorum genera, variæ apud varias gentes consuetudines. Refertur consuetudo Lusitana, quæ bona ex solis nuptiis fiunt communia ; hæc verò consuetudo nihil pertinet ad bona lucrata constante matrimonio inter virum & uxorem, de qua sunt Hispana iuraj, l. 1. tit. de las *ganancias*, lib. 3. fori leg. & l. 1. 2. & 3. tit. 9. lib. 5. noua recop. ex quibus in Hispania quæ sita constante matrimonio nostrâ operâ & diligentia fiunt communia, non dos, non hæreditas, non donatio.

Consuetudo autem Lusitana magis pertinet ad statuta Italiæ, de quibus 2 Bart. in l. *cunctos populos*, C. de sum. Trinit. & fid. Cath. ubi de statuto Perulij, ut maritus lucretur ab vxore, & vxor à viro : de consuetudine Bononiæ Archidiaconus in *cillud*, 12. dist. multa adducit his simillima, Chassaneus in *consuet. Burg. rub. 4. §. 2. n. 6.* multa Pyrrus in *consuet. Aurel. tit. de societ. int. vir. & vxor c. 1.* multa Boërius de *consuetudinib. Bituricensib. tit. de cons. mat. §. 1.*

Consuetudo Cordubensis vnique coniugi sua lucra concedit ; quidquid enim ibi alter ex coniugibus acquirit, sibi acquirit, de qua Simancas *Instit. Cathol. c. 9. n. 93. & 103.* diuersum ait Ayora in *præfatione, ante fin.* Ego credo Didaco de Simancas Cordub. quamuis Angul. Cordub. aliud dicat in l. 3. gl. 4. n. 16. ipsi viderint quæ sit sibi sua consuetudo.

Ex quibus patet duo esse genera acquæstuum inter maritum & uxorem : 3 alterum, quem alter coniux ab altero acquirit ex solo matrimonio inito subsistente, vel pacto, vel statuto, vel lege, vel consuetudine ; & hoc pertinet ad ea quæ diximus : alterum qui fit à viro & vxore, eorum operâ, industriâ & diligentia, constante matrimonio ; & est communis ambobus, & acquiritur utrique & quoad dominium, & quoad possessionem, & hoc pertinet ad d. l. 1. 2. & 3. tit. 9. lib. 5. *recopil. & ad dict. l. 3. & ad dict. l. quæstus, & ad d. l. sed si adiciatur.*

Vnde patet vera & elegans declaratio ad l. 14. *Tauri*, l. 6. tit. 9. lib. 5. *recopil.* 4 ut & maritus & vxor possint soluto matrimonio disponere de his lucris pro sua parte, tanquam de bonis suis propriis, quia hæc lucra quæ sita constante matrimonio fiunt mariti & vxoris, & quoad dominium, & quoad possessionem, & nihil de his lucris tenentur reseruare filiis eius matrimonij, in quo fuerunt facta : tenet & ita intelligit dictam legem 14. Segura in l. 3. §. fin. ff. de lib. & posthum. & de bonis lucratis constante matrimonio, Greg in l. 55. verb. *comunalmente*, tit. 5. p. 5. & in l. 5. verbo, *otra manera*, tit. 11. p. 4. Didac. lib. 3. *variariar. c. 19. n. 2.* Palac. Rub. in l. 16. *Tauri*, n. 9. & in rub. de donat. inter virum & uxorem, §. 66. num. 8. Anton. Gomez. in l. 51. *Tauri*, num. 76. Baeza de non meliorandis rat. dot. filiab. cap. 11. Guilelmus Benedictus in c. Raynūt.

verb. & uxorem nomine Adelaſiam, num. 788. Chaffaneus in consuet. Burg. rub. 4. §. 2. n. 6. Molin. in consuet. Paris. §. 25. n. 1. & 2. Emanuel Costa in cap. si pater, de testam. lib. 6. part. 1. verb. legauit, num. 35. tenent moderni Interpretes Hispani ad l. 1. & ad l. 6. tit. 9. lib. 5. recop. & nos tenuimus de expens. & melior. c. 13. à n. 14.

Est receptissima sententia, & vera, quidquid teneat Angul. in l. 3. gl. 4. n. 5. vers. sed in illo articulo, secutus Tellium. Illud enim ius, quod ille concedit vxori, nihil aliud est quam dominium reuocabile constante matrimonio, vt diximus d. n. 14.

- 5 Constante autem matrimonio solus vir sine fraude de his lucris liberè disponit, etiam in damnum vxoris, l. 5. tit. 9. lib. 5. recop. circa quam legem nostri variè disputant, an vir occasione istius legis donet, de quo inferius num. 65. Anton. Gomez in l. 50. Tauri, n. 73. tenet contra Suarez, & Palac. Rub. qui existimabant virum donare hos acquæstus non posse. Molina de primog. lib. 2. cap. 10. num. 6. temperat has opiniones, quem sequitur Gutier. quest. 121. pract. & nos latius dicemus num. 65. vbi vide, & dixeramus de expens. & melior. c. 13. n. 19. cum Molina, vide quæ adducimus post hos omnes de expens. & melior. c. 13. n. 19.

- 6 Ibiq; attingimus eam quæstionem quotidianam, an saltem in vltima voluntate alienet legando & pralegando, dist. cap. 13. num. 20. vbi quod suum, non alienum leget, nisi scienter id fecerit; quo casu ad regulas iuris eundum est, de quibus ibi vide quæ adducimus d. n. 20.

Cuius occasione infra n. 65. eam quoque quæstionem attingimus, vtrum vir ludendo, & conuiuando, & scortando noceat mulieri in his lucris, quantumque teneatur; quæ omnia pertinent ad alienandi facultatem concessam sibi, ex d. l. 5. tit. 9. lib. 5. recop.

- 7 Vtrum autem mulier habeat præter dominium hypothecam simul ad effectum iuris, latè diximus d. cap. 13. num. 21. in tract. de expens. & melior. & ibi adducimus vtilitatem huius quæstionis, & separationem inter dominium reuocabile, & irreuocabile, vide ibi.

- 8 Alterum autem lucri genus est, quod alter coniux ab altero lucratur, dum matrimonium initur, operante id lege, statuto, consuetudine, vel pacto, de quo lucri genere diximus suprà num. 2. Quod enim maritus lucratur ab vxore, siue tota dos sit, siue eiusdem pars, quodque vxor à viro, vel legis, vel statuti, vel pacti conuenti, vel consuetudinis vi & potestate, id transcundo ad secundas nuptias tenebatur referuare filiis prioris matrimonij, prohibita & omninò sublata facultate alienandi. Ita Bald. in auth. ex testamento, Cod. de secund. nupt. quem probant ibidem Paul. Rom. & Socin. Corn. consil. 269. lib. 4. Gratus consil. 35. lib. 1. licet contrarium tenuerit idem Bald. in l. fin. Cod. de bon. mat. Segur. in tract. de bonis lucratis const. matrim. n. 86. & 87.

- 9 Ad hoc lucri genus respexit lex 15. Tauri, quæ est lex 4. tit. 1. lib. 5. recop. & ita intelligunt nostri interpretes, Castellus, Arias, & Gomez, post Ioannem Lupum in l. 14. Tauri, Gregor. in l. 26. tit. 3. part. 5. Perez ad Segur. vbi supra, Didac. in 4. part. 2. cap. 3. num. 7. idem Ioan. Lup. in repet. rub. de donat. int. vir. & vxor. §. 50. num. 35. Pinel. in l. vlt. C. de bon. mat. num. 2.



num. 2. Itaque nostro iure admissa est lex generaliter, *Cod. de secund. nupt. & in auth. de nupt. §. si verò expectet* : & ad hanc reservationem, quando fieri debeat, vide Mieres 1. *part. 9. §. 4. de maioratu*, Emanuëlem Costam in *cap. si pater*, 3. *part. verb. censendum*, num. 16. *de testam. in sexto*, Anton. Gabriel. *tit. de secund. nupt. reg. 1. 2. & 3. Garrau. in auth. ex testament. C. de secund. nupt. Rip. in l. femina, C. eodem. Ioan. Nicol. Arelatens. in l. generaliter, C. eodem.*

Igitur duæ leges Hispanæ, lex 14. quæ est lex 6. *tit. 9. lib. 5. recop.* & lex 15. Tauri, quæ est lex 4. *tit. 1. lib. 5. recop.* procedunt, & habent locum in duplici genere lucris, quod inter virum & vxorem nostris legibus reperitur, iuxta ea quæ à nobis hic scripta sunt, & scripsimus *de expens. & meliorat. dict. cap. 13. à num. 19.*

In Hispania igitur olim consuetudine, hodie iure inductum est, ut societas constet inter virum & vxorem respectu bonorum : vnde lucrata constante matrimonio obseruato societatis iure, inter virum & vxorem diuiduntur, *d. l. 14. Tauri, d. l. 1. tit. de las ganancias, l. 2. fori leg. l. 1. 3. & per totum tit. 9. lib. 5. recop.* & quamuis à principio consuetudinis vi & potestate istud inductum & receptum fuerit, hodie tamen lege & iure probatum iam deuiat à iure consuetudinario. Ea enim lege in Hispania nostra iam inducta est quædam vitæ societas, eaque indiuidua, propter ipsum matrimonium, de qua textus in *c. cum societas, 27. quest. 2.*

Et est quoque inducta bonorum societas ciuilis & legitima quoad bonorum quasitorum constante matrimonio acquisitionem : quæ societas cum sit generalis, non solum inducere communionem earum rerum, quæ socij in societatem contulerunt, verum earum etiam, quæ quasitæ sunt manente societate. Quamuis enim iure ciuili in societate omnium bonorum, vel partis bonorum socij efficerentur domini & possessores societatis rerum, *l. 1. & 2. ff. pro socio*, vbi glossa & Bart. id notat; in rebus tamen adauctis post societatem initam non fiebat sociorum id quod accedebat, iudicio tamen societatis communicabatur : at nostro iure diuersum est. Vxor enim statim fit domina lucrorum pro sua parte, eaque verè possidet, quia inducta est societas indiuidua, ex iuribus supra adductis, & est ad hoc nobis egregia lex 47. *tit. 28. part. 3. ibi : Otrosi dezimos, que toda la ganancia que qualquiera dellos haga, que el señorio dellos passa a los otros tambien, como si cada vno dellos la vniesso hecho.* Ita Suar. in *d. l. 50. n. 69.* Ioan. Lup. *vbi sup.* Segur. in *l. 3. §. fin. ff. de lib. & posth.* Didac. in *4. part. 2. §. 1. n. 5. & c. 3. n. 7. & 8. Pinel. d. l. fin. num. 2. C. de bon. mat. & Hispani cæteri in d. l. 14. & 15. Tauri*, & nouiores in *d. l. 6. tit. 9. & in d. l. 4. tit. 1. lib. 5. recop.*

De hac viri & vxoris societate extat Romuli lex antiquissima, quam refert Dionysius, & eum referens Carrouius in *l. 2. ff. de orig. iur.* refert Plutarch. in *preceptis connubialibus*, & hanc societatem laudat *c. 20. Mulier nupta*, inquit Romulea lex, viro coniuncta pecuniarum omnium omniumque sacrorum socia est.

Quod autem ait lex Romulea, mulierem sacrorum omnium sociam esse debere, quia ad veterem Iurisprudentiam pertinet, paucis explicabo, ut verba Iuriconsultorum pateant. Olim antequam Pontificia iura ederentur, ante leges duodecim Tabularum non erat Romanis omnibus vnus sacrorum modus;

modus ; iam enim à Romulo, vti diximus, lege lata sacrorum societas induc-  
ta erat , alia erant publica , alia verò priuata sacra ; nec enim nefas erat  
quemque sibi sua sacra instituere, quæ Diis ipse faceret. Plinius *in præfatione*  
*libri de naturali historia*, inquit, *nec cui unquam vitio fuit, quomodo possit ve-*  
*nerari Deos.*

- 15 Atque hæc ipsa sacra, quæ priuata erant, aut gentis, vnde gentilitia sacra  
dicebantur ; aut personæ cuiusvis, cuiusvè erant : priuata verò dicebantur,  
quoniam ab eis sacris alia erant, quæ populus Romanus per suos Pontifices  
publicè faciebat : indicant id aliquot antiquitatis præclara monumenta, quæ  
leges quoque antiquissimas explicant , & quibus nouiores elucescunt. Lilius  
*lib. 5. Romanæ historiae*, ita ait : *Sacrificium erat statutum Fabii genti in colle*  
*Quirinali ad id faciendum. C. Fabius dorso suo Gabino cinctu sacra manibus*  
*gerens de Capitolio descendens. Qui locus elegans est , & pertinet ad sacra*  
*gentilitia, aut familiaria. Idem Lilius lib. 4. Roman. historiae*, cum de lege Ca-  
nuleia agit, quâ Canuleius Tribunus plebis contendebat commiscere connu-  
bia Patrum, & plebis, contra legem duodecim Tabularum, quæ erat de ma-  
ritandis ordinibus, patrum cum patribus, plebei cum plebeio ; obfistentibus  
& repugnantibus Patriciis, iniquè ferentibus superbè à Tribuno abrogari  
duodecim Tabularum legem, in hæc verba proruperunt , ea lege omnia hu-  
mana & diuina misceri , nihil incontaminatum futurum promiscuis connu-  
biis, eos , qui nascerentur , ignoraturos ciues sanguinis , quorum sacrorum  
fierent : qui locus pertinet & ad sacra gentilitia patrum , & priuata plebeio-  
rum. Lege quoque duodecim Tabularum ita de his sacris priuatis , quæ sibi  
quisque elegisset , sacrificium Diis facturus, decisum erat : *Sacra priuata per-*  
*petuò manento.* Refert legem hanc Cicero *de legib. lib. 2.* idque eo consilio,  
inquit Cicero, factum est, ne morte patrisfamilias sacrorum memoria exci-  
deret. Ideoque ad eos, inquit, conseruatio sacrorum peruenit, ad quos patris-  
familias morte pecunia peruenisset ; idque Pontificum authoritate compro-  
batum ait , vt non immeritò vxor lege illa Romulea sacrorum fieret socia,  
postquam & pecuniarum quoque fiebat particeps.
- 18 Ac tunc quidem illis sæculis, quibus lex duodecim Tabularum obseruaba-  
tur, à priscis illis Iurisconsultis in dubio passim reuocabatur , quinam essent  
hi, qui ad obseruationem horum sacrorum, quæ sibi paterfamilias instituisset,  
obstringerentur : hanc quæstionem olim fuisse in foro Romano quotidianam  
ait Cicero *lib. 2. de legib.* repletosque ait Iurisconsultorum veterum hac dis-  
putatione libros ; sed tamen ita communi consensu dicebant filiorum hære-  
dum iustissimam & primam esse causam , eosque iustissimè esse in sacris pa-  
rentis , eaque sacra debere apud eos permanere ; quoniam , vt inquit Cice-  
ro , sic existimabant veteres illi Iurisconsulti , nullam esse personam quæ ad  
vicem eius , qui è vita migrauerit , potius accedat , quam filius hæres : dein-  
de legem duodecim Tabularum extendebant ad successores ex testamento ;  
deinde si hæres nullus esset, in sacris patrisfamilias ponebant bonorum pos-  
sessorem, deinde creditorem, quæ omnia ex Scæuola vetere Iurisconsulto di-  
dicisse se Cicero ait *d. lib. 2. de legibus.*
- 20 Hinc apud antiquiores , eosque elegantiores , passim de his sacris priuatis  
mentio



mentio frequens est apud Liuium, Varronem, Ciceronem, Tacitum & alios, quos prudens omitto. Inde diuinauit vetus illa paromia, *hereditas sine sacris*, id est, sine onere, & absque vlla obligatione. Plautus in *Captiuis*: *Sine sacris hereditatem adeptus sum offertissimam*. Plinius Secundus in panegyrico: *Non passuri erant homines abradi aliquid bonis, quæ sanguine, genilitate, sacrorum denique societate meruissent*. Hinc Imperator in l. filia, la 2. Cod. de collat. filiam in potestate in sacris esse ait. Paul. quoque Iureconsultus in l. sacrilegi 9. ff. ad leg. Iul. pecul. distinguit inter sacra publica & priuata, cuius verba sine his quæ adduximus, satis intelligi non possunt. *Sacrilegi sunt, in-* 71  
*quit, qui sacra publica compilauerint, aut qui sacra priuata, vel ediculas incu-*  
*stoditas tentauerint*. Inde Modestinus in l. 1. ff. de ritu nupt. ait, nuptias esse communicationem iuris, & diuini, & humani; quia scilicet fieret societas pecuniarum, & rerum, quod ad ius humanum pertinet; & sacrorum, quod ad iura diuina spectare dignoscitur, quia id iure antiquiore, lege ea iam à Romulo edita, mulier socia efficeretur & pecuniarum & sacrorum.

Nobis autem iam ista sacra priuata abierunt, qui veram religionem Chri- 22  
 sti colimus, estque vxor socia indiuidua societate, & iure diuino, propter ma-  
 trimonium; & iure nostro, propter ciuilem societatem nobis coniuncta, d.  
 c. cum societas, 27. q. 2. d. l. 2. d. l. 1. tit. de las gananc. lib. 3. fori leg. & d. l. 13.  
 tit. 8. lib. 5. recap.

Ex ea autem indiuidua vitæ societate & pecuniarum & sacrorum, iam in-  
 de à Romulo, & postea lege duodecim Tabularum constituta, emanauit ritus  
 ille nuptiarum obseruatus priscis Romanis, quibus solemnia nuptiarum ver-  
 ba hæc erant, dicente viro: *Vbi tu Caia, ibi ego Caius*; referente fœmina: 23  
*Vbi tu Caius, ibi ego Caia*. Hetruscum verbum Caius est, latinè dominus.  
 Multa de his refert Boërius ad *Topica Ciceronis*. Itaque ex hac rerum & sa-  
 crorum societate vxores apud Romanos primùm Caiæ dictæ sunt, deinde la-  
 tino verbo receptiore domina dici cœperunt, indeque verbo recepto & vul-  
 gato vxor, domina dicta est, & nomine dominæ vxorem intelligimus, leg. 24  
*vxorem* 39. in princip. ff. de leg. 3. ibi: *Peto à te domina vxor mea*; vbi Alber-  
 ricus hoc ipsum notat, & in l. Titia, §. qui Marco, ff. de annuis legatis, ibi:  
*Scio te, domina sanctissima, de amicis meis curatura*. Vix me continere possum,  
 quin irrideam iram & indignationem Tiraquelli mihi viri doctissimi, qui in  
 l. 4. connub. gl. 1. n. 11. vocat hunc virum, de quo in d. §. qui Marco, virum  
 effracti & obiecti animi, eo quod vxorem suam vocarit & dominam, & do-  
 minam sanctissimam; nec meminit Romuleam, nec duodecim Tabularum  
 leges nec hanc sacrorum, & pecuniarum societatem, nec Caiæ & dominæ  
 originem unde vxores recepto nomine dominæ sunt vocatæ; quod Baldus  
 quoque Ensit in l. vit. C. de indict. viduit. & Iurisconsultus in l. medio, §. vxori,  
 ff. de auro & arg. legat. ibi: *Sempronia domina mea hoc amplius argentum*;  
 vbi verbum *domina mea*, sonat, id est, vxori mea: text. in auth. quib. mod.  
 natur. offic. leg. iuni, §. illud quoque; melius ex antiquo illo ritu nuptiarum re-  
 cepto Romanis antiquioribus, quo vir Caiam dicebat fœminam, fœmina  
 verò Caiam virum ex his quæ adduximus ex Boërio, matrimonium quoque  
 videbatur contractum illo iure ex solo affectu, quo vir dominam suam Ti-

- tiam dicebat, ipsa verò Titia dominum suum Sempronium appellabat, ibi  
*Nam introeuntes testes sine periculo mentientes, quia vir vocabat dominam*  
 25 *coherentem, & istum illa similiter nominabat.* Ista enim nuptiarum probatio  
 ad antiquum Romanorum ritum commodata matrimonium inducere vide-  
 batur, ut videas quanta antiquitate leges nouiores plenæ sint. Angel. no-  
 mine dominæ vxorem intelligit, ibi: sed nec ipse ibi, nec Tiraqueli, vir do-  
 ctissimus in 4. lege connub. satis aduertunt ad antiquum Romanorum ritum,  
 quo Caij & Caiæ, id est, domini & dominæ mutua appellatione nuptiæ  
 perficiebantur, ad quem ritum applicanda sunt verba dicti §. *illud quoque*  
*melius,* & secuti sunt adhuc nouiores, Ioann. Andr. in c. cum secundum, de  
 præbendis, & in c. qui prior, de reg. iur. in sexto, in Mercuria lib. Milanciam  
 vocat dominam suam, id est, vxorem suam: & Geneseos c. 18. Sara ita lo-  
 quitur, postquam consensui, & dominus meus vetulus est, voluptati ope-  
 ram dabo.
- 26 Inde ex hac propria significatione deriuatum verbum est dominæ, &  
 cœpimus honoris causâ fœminas dominas vocare. Plinius lib. 33. c. 3. *Discur-*  
*ram,* inquit, *catina circa latera, & incerta margaritarum pondera, & collo do-*  
*minarum auro pendeant.* Et Ioan. Apost. epist. 2. ibi, *electa domina, & natis huius;*  
 & ibi, & nunc rogo domina. Et Diuus Hieron. Eustochiam dominam vocat, in  
 regula sanctimonialium, c. 16. & nostri quoque hunc sunt insecuti modum lo-  
 quendi, ut fœminas vocent dominas, glossa in l. si ignorans, ff. locati, & in l. ad  
 egregias, ff. de testib. & in l. medicos, c. de profess. & medicis, l. 10. glossa in c. odia  
 24. quest. 1. Bald. consil. 380. lib. 2. Angel. in §. usus. uctuarium venari, ff. de usu-  
 fruct. Bartol. in l. inficiando, §. infans, ff. de furt. & ibi Angel. Ioan. Andr. in cap.  
 ult. de coll. deteg. Aretin. in l. patris & filij, ff. de vulg. multa quoque Tiraq.  
 in d. l. 4. connub. à n. 14. Antiquo enim iure ex illa societate bonorum &  
 sacrorum, de quibus Romulea lex, & postea duodecim tabularum iure, vxor  
 domina facta, dici quoque cœpit, deinde honoris causâ domina nominata.
- 27 Inde ex hac antiquissimarum legum obseruatione, & veteris iuris usu in  
 Hispania fœminæ nobiliores honoris causâ dominæ dicuntur, & abbreviato  
 quasi verbo compendio, quod proprium Hispanorum est, pro dominæ vulga-  
 ri verbo donnx sunt vocatæ, & est nobilioribus prænomen honoris causâ,  
 veluti Donna Maria; quod & in viris receptum est.
- 28 Sed Hispani alio vtuntur nomine, quod quidem eandem habet significa-  
 tionem; siquidem fœminas nobiliores elegantiori verbo vocant damas,  
 quod verbum Græcis vxor est; δάμας enim Græcè vxor est; at verò vxor  
 Latine domina. Itaque hoc nomine damas, significamus fœminas nobiliores;  
 refert Tiraq. ubi supra.
- 29 Apud Gallos item eadem consuetudo est, ut bona acquisita constante ma-  
 trimonio, communia fiant viri & vxoris; & sicut apud nos vocantur lucra  
 acquisita, ita apud Gallos vocantur acquæstus. Ita Tiraq. gl. 8. post leges con-  
 nubiales, n. 270. ubi allegat nostram legem Hispanam, lib. 3. fori leg. tit. 6. l. 1.  
 & 4. Multa tractat Boërius decif. 12. & in consuet. Bituric. de consuet. matrim.  
 & Chassanæus in consuet. Burg. rubr. 4. §. 1.
- 30 His omnibus adde hanc nostram consuetudinem relatam, non solum agni-  
 tam



tam ab Innocentio, post Tancred. & Vincent. in cap. 2. de donat. int. vir. & vxor. ubi est bona additio ibi ad glossam in margine : & sunt qui existimant de iure communi id esse verissimum, seclufa consuetudine, vt quæsitâ constante matrimonio communia fiant vtrique, viro & vxori : allegant Ioann. Lup. de Palac. Rub. gl. in d. c. 2. de donat. inter vir. & vxor. idque in repet. rub. §. 61. idem tenebat Montalius in l. 1. tit. 3. lib. 3. fori leg. Boët. in consuet. Bitur. tit. de consuet. matr. §. 2. similis glossa in c. cum societas 27 q. 2. pro quibus videtur textus expressus in d. c. 2. ibi : *Possessione etiam, quæ ipsis dum simul viuerent, cuiuscunque contractus titulo communiter obuenerant.* Et rursum ibi : *Ipsam ibi : Ipsam ad restitutionem dotis, & diuisionem eorum, quæ olim communiter habuerunt.* Pro hac videtur etiam textus expressus in c. constitutus, de restit. ibi : *Quasdam possessiones vtrique communes quibusdam vendidit.* Et quidem Spino nihil horum recordatus, nec difficultatem proponens, gl. 18. de testam. n. 105. securè tenet inductam esse societatem & vitæ, & bonorum.

Sed tamen verissimum est, hanc societatem bonorum totam referendam esse ad consuetudinem loci, non ad ius : & ita existimandum est, & iure ciuili, & canonico sol in vitæ societatem esse inductam, de qua in cap. cum societas, 27 q. 2. At verò in aliquibus locis inductam esse consuetudinem de societate bonorum, ita resoluit Didac. in 4. p. 2. §. 1. n. 5. ubi respondet ad textum in d. c. 2. scilicet ibi, ea bona communia quæsitâ fuisse ex pecunia vxoris & mariti : & licet ipse nihil aliud alleget, idem sensit ibi glossa, Innocent. & Abbas, quo casu, vt ipsi aiunt, inducitur societas lucrorum, aliàs autem iure communi hæc lucra non erant communia, quod resoluit Palac. Rub. in repet. rub. §. 62. n. 4. & 5. Chassan. in consuet. Burg. rub. 4. §. 2. n. 16. Didac. & quos isti adducunt in 4. §. 1. p. 2. c. 7. n. 5. qui eam interpretationem agnoscunt ad textum in d. c. 2. & ea inuatur ex verbis, *cuiuscunque contractus titulo communiter obuenerunt* ; & ibi, *quæ olim communiter habuerunt* : nec tamen alienum est à iure sic existimare cum Vincentio & Tancredo, consuetudinem loci particularem fuisse ibi deductam & probatam, postquam ius commune ei diuisioni resistit : quod & ad d. c. constitutus, recipiendum est, ita vt tota ratio de communicandis lucris constante matrimonio pendeat non ex iure, sed ex statuto, aut lege provinciali, aut consuetudine. Ita resoluunt omnes, & Suar. noster in proæmium legum fori ; talisque consuetudo nostro nomine à nobis Hispanis vocatur *forus*, cò quòd in foro obseruetur. Et quamuis iste sit communis intellectus, tamen attentius considerari potest nempe ibi Sum. Pont. iubere bona, quæ vir & vxor ex quocunque titulo adquisierunt, diuortio inter eos solemniter celebrato inter eos diuidi ; id est, vt si communiter vterque contrahat, aliquidque ex eo contractu adquirat, diuidatur. Libera enim persona est vxor, liberque maritus : & quæ communiter illis obuenerunt, vel communiter habuerunt, vtrique adquiritur ; nec absurdum est illa verba d. c. 2. ibi : *Cõmuniter obuenerunt ex cuiuscunque contractus titulo* ; & ibi : *Quæ olim communiter habuerunt*, ita accipere, intelligendo mariti & vxoris nomine contractum celebratum fuisse, cum id cõmuniter dicitur obuenerit, quod ad plures pertinet, arg. l. magis puto, §. fin. de reb. eor. & §. 1. de re. diuis. cum sim. Item quia illa verba text. *obuenerunt, & habuerunt*, sunt præteriti, ad initiumque referri debent acquisitionis, arg. l. si procura-

tozem, ff. mandat. & §. 1. de exhered. lib. nec dicat aliquis hic nos diuinare vtriusque coniugis nomine in illo textu celebratum fuisse contractum, quia habilia præsupponere iuris non est vaticinatio, l. qui testamento, de testam. l.

32 siue manifestus, de condict. furt.

Vnde talis vsus, vel forus venit probandus, cum habeat contra se iuris ciuilis regulas contrarium postulantes; & id est commune in omni dispositione forensi. Ita ait Suarez noster ubi supra, & Isernia in c. 1. §. item eadem lex, de natura fendi, Afflict. in constitut. Neap. rub. 6. num. 9. Gregor. in l. 7. tit. 2. part. 1. latissimè multos allegans Burgos de Paz Senior in l. 1. Tauri, n. 108. Ioseph Mascard. tit. de probat. part. 1. conclus. 78. num. 22. Valascus in l. 6. Tauri, gloss. 11. n. 2. idque patet ex l. 1. Tauri, ibi: En lo que fueren, o son usadas: ex quibus verbis prædictæ leges restringuntur, vt vsu tantum receptæ sint obseruandæ, l. ea tamen adiectio, ff. de legat. 3. l. hac edictali, §. bis illud, C. de secund. nupt. & quia lex, quæ vsum requirit, probationem quoque vsus requirit, cum in facto consistat vsus, c. 1. de const. lib. 6. l. 1. C. quæ sit longa consuetudo, & ibi Bart. & quia facta nisi probentur, non præsumuntur, l. in bello, §. facta, ff. de capt. & postlim. reuers. d. c. 1.

33 Quorum omnium elegans est ratio, quia in omni dispositione, siue hominis, siue legis, quando vnum disponitur, & alterum præsupponitur, ad hoc vt habeat locum dispositum, debet probari præsuppositum. Glossa in l. mancipia, verb. ad vocandum, Cod. de seruis fugit. notat Iacobus Buttrigarius & Bald. ibi, & Roman. singulari 489. Decius in l. 1. n. 14. C. de edend. Curtius Iunior in l. 1. n. 2. ff. si cert. pet. Felin. in c. nonnulli, num. 34. de rescriptis: ita argumentatur Gutierrez conf. 1. n. 16.

34 Vnde dicebat Suarez noster ubi supra, n. 6. quodd Aduocati debent facere articulos de vsu huius fori, scilicet quodd obseruetur in loco, vbi agitur de videndis lucris quæsitis constante matrimonio: quod dictum hodie non habet locum post legem 15. tit. 9. lib. 5. recop.

35 Quando enim forus est notorius, & manifestus, & legalis, non indiget probatione. Bellapert. in l. 2. C. quæ sit long. consuet. Abb. in c. 1. de re iudic. Alex. conf. 67. lib. 7. Decius conf. 655 n. 26. & conf. 402. n. 10. Gratus conf. 135. n. 9. lib. 1. Greg. in d. l. 7. tit. 2. part. verb. Paladino, Burgos de Paz Senior in d. l. 1. n. 13;.

36 Quod quidem intelligunt Burgos de Paz ubi supra, num. 266. & Gregorius in dict. l. 7. in foris & consuetudinibus vniuersalibus, qualis est forus & consuetudo de diuidendis lucris, de quo agimus, & forus de iure retractus, ad retrahendam rem autam, de quo in d. l. 7. & 8. tit. 11. lib. 5. recop. & forus item, vel consuetudo, vt clerici in regno possint testari de bonis quæsitis intuitu Ecclesiæ, de qua consuetudine vniuersali in tota Hispania multa Didacus in c. cum officiis, de testam. & post Nauarrum Sarmiento de reddit. Ecclesiast. part. 2. c. 6. per totum; hodie enim ex l. 1. 3. tit. 8. lib. 5. recop. illa consuetudo est probata, nec indiget probatione vlla.

37 Diuersum verò animaduertimus aduertendum in foro vel consuetudine particulari alicuius loci, quia tunc vsus fori particularis probandus est: ideoque forus de reducendis bonis ad truncum, de quo in l. 6. Taur. quæ est lex 1. tit. 8.



*tit. 8. lib. 5. recop.* est articulandus, & probandus, & tenet Palac. Rub. in d. l. 6. n. 35. & Valasc. gl. 11. num. 4. Igitur hodie non est necesse probare hanc consuetudinem de diuidendis bonis lucratis constante matrimonio, quia lege probata & approbata est, & quia est vniuersalis in Regno, nemini non satis cognita.

Ex quibus si quis contendat lucra quæ sita constante matrimonio non esse diuidenda ex consuetudine contraria & particulari in loco, vbi vigeat ius commune, certè probare debet particularem illam consuetudinem, quæ iam meritiò particularis est, quia contraria nostris legibus, quæ nobis ius commune faciunt, *ex l. 1. Tauri*, & ex nostra constitutione legum nouæ *recop.* & ita intelligendus est Ayora in *finalibus verbis prefationis*, vt arbiter cogniturus de his lucris diuidendis, probationes recipiat quo diximus modo, scilicet vt recipiat probationes de vsu particulari huius aut illius loci, non vt diuidantur lucra, sed magis vt non diuidantur ex consuetudine contraria particulari, quia hoc de non diuidendis lucris inter virum & uxorem, est hodie exceptio à regula, quæ vniuersè constitutum est, esse in regno diuidenda lucra quæ sita constante matrimonio inter virum & uxorem, *ex l. 1. & 3. tit. 9. lib. 5. recop.*

Modò adest quæstio elegans, & à nostris variè ex facto agitata, an mulier propter stuprum commissum in viduitate amittat hæc bona lucrata, quæ ex forma legis *5. tit. 9. lib. 5. recop.* restituenda sunt hæredibus viri, cum quo sunt lucrata. Verba autem legis hæc sunt, quoniam ex eorum interpretatione pendet decisio vera quæstionis: *Y otro si mando y ordeno, que si la muger fincare biuda, y siendo biuda, viuiere luxuriosamente*, &c. & Anton. Gom. in l. 53. *Tauri*, n. 8. & apertius in l. 14. *Taur.* n. 17. est in hac opinione, vt propter stuprum amittat hæc bona lucrata; idque colligitur ex eo, quia acquiparat decisionem legis *5. tit. 6. lib. 5. ord.* cum decisione legis *9. tit. 12. lib. 3. fori leg.* & l. 3. tit. 12. *part. 4.* & cum decisione textus in *auth. de restitut. & ea qua parit*, *undec. mens. §. fin. coll. 4.* nihil distinguens stuprum commissum intra annum luctus, de quo *d. l. 3.* à stupro commissio in viduitate extra annum luctus, de quo *d. l. 5.* & l. 9. nec distinguens hæc verba, *ficiere maldad de su cuerpo*, quibus vtitur dicta lex 3. à verbo *stuprum*, quo vtitur §. finalis: nec hoc distinguit ab eo, scilicet, *no fiziere buena vida*, de quibus in *d. l. 9.* nec hæc separat ab aliis verbis, quæ sunt in *d. l. 5.* scilicet, *viuiere luxuriosamente*. Denique Anton. Gom. existimat viduam, quæ semel stuprum commisit, viuere luxuriosè, nec benè viuere, maleque corpore suo vti, vt bona amittat lucrata constante matrimonio; insuper & quidquid à viro omninò fuisset habitura; nec putat in hoc esse aliquid, nec ad verba legum, nec ad tempus stupri commissi aduertendum. Idem tenet Pal. Rub. in *rep. rub. §. 11. num. 6.* quatenus allegat leges *9. & 5.* quæ tunc erat l. 4. tit. 4. lib. 5. *veteris ord.* & *auth. de rest. & ea qua parit*, §. *fin.* omnia eodem iure expendens: idem tenet in *rep. rub. §. 67. in princ.* idem tenet Didac. in 4. *part. 2. c. 7. §. 6. n. 12.* Denique hi tres existimant, siue intra annum luctus, siue post annum luctus viduam, quæ stuprum commisit, corporis sui fecisse copiam, ob idque turpiter, maleque & luxuriosè viuere, nec solum amittere, quæ à viro ipsi proue-

niunt, verum bona hæc lucrata constante matrimonio, quæ pleno iure ad ipsam pertinere sæpius diximus: existimantque hæc quatuor iura diuersis suis verbis vnâ eandemque rei substantiam significasse, ita vt ea vidua malè, luxurioseque viuât, quæ in corpus suum peccans stupro maritalem lectulum polluerit, siue intra annum, siue post annum luctus, meritoque eam priuari bonis his lucratis constante matrimonio, atque his etiam, quæ à viro aliàs esset lucrata: & idem tenet Auiles expressè *in cap. correct. in proximo, n. 38. & seq.* Idem patet ex rationibus per ipsum adductis *d. n. 38.* & quatenus ibi solam viduitatem considerat, & quatenus *d. n. 9.* allegat Palac. Rub. qui id indistinctè tenet, vt diximus. Idem tenet Montalius *in l. 6. tit. 2. lib. 3. fori legum, verb. pierda,* & loquitur indistinctè, si suprum committat, vel intra annum, vel extra annum luctus. Idem tenet Saly. c. & Modernus Hispanus *in l. fideicommissum, C. de fideic.* Denique hæc est recepta sententia nostris Scriptoribus, qui mouentur optimâ ratione, eâ scilicet, quia vidua videtur esse adhuc in priori matrimonio: textus egregius *in l. fin. C. de bon. mar. ibi: Siue in priori matrimonio pater, in quo filios habuit, permanere voluerit.* Ex qua ratione dicebant aliqui mulierem ita committere adulterium viduam quantum ad amissionem dotis, sicuti vxoritam, si in corpus suum peccet, violatis viduitatis honestissimis legibus. In hac opinione sunt Paul. Ias. Præposit. Hippolyt. Felin. Gerard. Ioan. Lup. quos refert Didac. *in 4. part. 2. c. 7. §. 6. n. 10.* quorum opinio licet habeat quoad amissionem dotis contradictores, quos idem ibi refert; in eo tamen non est pugna, quod vidua faciat iniuriam viro, quam fecisset viuo; & id tenet expressè Bartol. *in l. penult. C. de adult.* ex quibus Ioan. Lup. *d. §. 67. in repet. rub. n. 2.* dicebat esse adhuc viduam in matrimonio, eandemque castitatem desiderari, ac si duraret matrimonium; idque non solum intra annum luctus, sed perpetuè in tota viduitate; quia sicuti viuens vir affectus iniuria contristaretur, ita & mortuus, *auth. de nupt. §. quæ verò nunc, collat. 4.* ibi: *Deum simul & defuncti animam contristaret.* Vnde sicuti vnico turpitudinis actu, adulterio commissio thorum violasset, pœnasque meruisset adulteris impositas; ita quoque vnico stupro in corpus suum peccans violatis pudoris & castitatis legibus, nec benè, nec castè esse gerens, sed luxuriosè & turpiter, pœnas quoque viduitatis violatæ sit omnino subitura, quæ sunt constitutæ, vt & lucra hæc perdat, & quæ à marito omnino esset habitura, quia delicta in ipso primo actu verificantur, *argument. text. in l. quis sit fugitiuus, ff. de edil. edict. l. maritum, versic. qui quæstum, ff. ad l. Iul. de adult.* Bart. *in l. legatis, n. 4. ff. de legat. 3.* Abb. *in fin.* & Decius *in c. 1. de iudiciis, Dominic. & Franc. in c. 1. de vit. & bon. Clericorum, lib. 6.* qua ratione nihil hi omnes distinguunt, an stuprum intra luctus annum sit commissum, an verò post annum: nec quicquam distinguunt inter verba illa legum, an scilicet malè viuât, an luxuriosè, an in corpus peccet, an stuprum committat; totam viduitatem honestam, castam, puram, incontaminatamque desiderant, intacto semper & illæso thoro maritali: idque merito existimant diuersis illis verbis egisse nostros legumlatores.

Elisimèl Costa vir ingeniosus, & iuris prudentissimus *in c. si pater, de testament. 1. p. verb. legauit, n. 33.* distinguit stuprum commissum à vidua intra annum



annum luctus, ab stupro commissio extra annum; atque intra annum luctus, si mulier committat stuprum, planè priuari his, quæ à viro esset habitura, ex textu in *auth. de rest. fideicom. & ea quæ parit, vndec. mens. §. fin. collat. 4.* post annum luctus ait viduam propter stuprum nec posse, nec debere priuari his rebus, quæ à viro esset habitura: & *n. 3. ad fin.* ita intelligit legem 3. *tit. 12. part. 4.* ut loquatur in stupro commissio intra annum, ex ipsius verbis ibi: *Si ante quæ passasse el año, fiziesse mal de su cuerpo*: cumque lex 9. *tit. 12. lib. 3. fori legum* generaliter disponat, quòd si mulier post mariti mortem non benè vixerit, amittit quicquid fuisset habitura à marito, nihil distinguens de tempore, sed totam viduitatem requirens honestam, ait primum legem partitæ esse seruandam in dubio, legem verò fori vbi consuetudo vigeat, secundum ea, quæ suprà diximus: sed hac solutione neglecta ait legem fori maximè aduari ex dispositione dictæ legis 3. *tit. 9. lib. 5. ordin. nouioris*, vbi indistinctè vidua, quæ luxuriosè vixerit, amittit lucra hæc quæsita constante matrimonio, sine distinctione temporis, de qua lege nos agimus; atque ita ex altera parte constituit §. finalem, & legem 3. ex altera verò legem 9. & legem 5. quasi mutuò pugnantes circa acquisitionem lucrorum, quæ sunt constante matrimonio, de quibus *d. l. 5.* & lucrorum, quæ sibi acquirat mulier à viro suo, de quibus *d. §. fin. d. l. 3. d. l. 9.* atque in eo ponit pugnam, quod lex 3. & §. fin. annum luctus requirunt incontaminatū stupro, lex verò 5. & 9. totam viduitatem exigat honestam & castam. Vnde quicquid sit de legato relicto vxori, an amittatur ob stuprum commissum post annum luctus, in quo lex 3. *tit. 12. p. 4.* videtur obseruanda, certè ad *d. l. 5.* quæ loquitur in lucris quæsitis constante matrimonio amittendis, aut retinendis ob stuprum commissum à vidua, Emanuël Costa intra annum luctus admittit amissionem ob stuprum; extra annum non item, sed requirit mores planè meretricios, & prostitutam ferè verècundiam: atque ita interpretantur verba dictæ legis 5. ibi, *viuere luxuriosamente*; atque ex vno, aut altero stupro non dici viduam luxuriosam vitam agere: itaque *num. 40. ferè ad finem*, distinguit mulierem, quæ vitam agit turpem & libidinofam, ab ea muliere, quæ semel aut iterum in corpus suum peccauit, quasi dicat hanc non agere vitam turpem, 43 nec libidinofam. Et pro hac sua opinione noua *num. 40.* inducit textum & glossam, quem ipse dicit bellissimum in *leg. & mulieri, ff. de curat. furios.* Verba eius hæc sunt: *Et mulieri, quæ luxuriosè viuat, bonis interdici potest*: vbi glossa, *verbo & mulieri*, dupliciter explicat: primò mulierem, quæ luxuriosè viuat, intelligit meretricem; secundò interpretatur verbum illud *luxuriosè*, id est, lautè, profusè, & splendidè, prodigali quadam luxuriâ, & immodicâ epularum lautitiâ, & nimio vestimentorum vfu, & rerum copioso, aut dicam otioso apparatu: hæc sunt glossæ duæ interpretationes, quarum prima est pro Emanuële Costa, quatenus glossam interpretans, per illa verba, scilicet *mulier quæ luxuriosè viuat*, meretricem intelligit, non eam quæ semel aut iterum peccauit in corpus suum, ex quo glossæ intellectu ait verba illa in dicta lege 5. scilicet, *viuere luxuriosamente*, intelligenda esse de ea vidua, quæ viuat meretricio more, ac proinde non esse eam viduam priuandam bonis suis lucratis, quæ semel aut iterum ad ruitutudinem prona, stuprum commiserit. Itaque Emanuel Costa expectat

ad amissionem luctorum in vidua meretricios mores, & omninò turpiter abiectam & prostitutam verecundiam.

- 44 Secundò allegat Acoſta textum in *l. fin. Cod. de ſentent. paſſ. & reſt. §. fin.* ibi : *Nam ſi patria poteſtate ad corrumpendi atque effundendi patrimonij licentiam abutatur, ut furioſo ac dementi, item prodigo, libidinum omnium, viti-  
riorumque ſeruo, non eſt pecunia eorum committenda* : allegat ad idem textum in *l. his ſolus, C. de reuocand. donat.* ibi : *De cateris autem, quæ portentosa vi-  
litate, abiectaſque pudicitia ſunt, ſatis etiam cautum tacite putamus ; nis  
enim eſt, qui his aliquid arbitretur tribuendum eſſe, cum etiam illis quæ iure  
ſecondas tantum contraxerunt nuptias, nihil ex his priuilegijs tributum eſſe ve-  
limus* : ubi gloſſa portentofam vilitatem, & abiectam pudicitiam vocat mo-  
res planè meretricios. Deinde ait idem Coſta, quòd verbum *luxurioſam*, de-  
notat officium & conſuetudinem, ita vt ea luxurioſè viuat, quæ habeat offi-  
cium & morem peccandi. Hæ ſunt rationes Coſtæ, quibus putat viduam ſe-  
mel aut iterum ſtupro commiſſo, abiecta honeſtate, & violato thoro mari-  
tali, conculcatiſque legibus viduitatis, niſi planè impudens meretricioſ agno-  
ſcat mores, priuari acquæſtibus non poſſe ; huiusque ſententiam ſequitur ſe-  
cundè Gutierrez *pract. q. 122. lib. 22. ad d. l. 5. Azenedo verò non ſubterfu-  
git, ne ruſticè loquar, ſed quæſtionem omiſit, in dict. leg. 5. titul. 9. lib. 5.  
recopilat.*

- 45 Ego verò, vt liberè dicam quod ſentio, licentioſam exiſtimo Coſta, præ-  
ceptoris mei, opinionem, vidualique honeſtati maximè damnoſam, dum me-  
retricos expectat mores, planeque effrenem & diſſolutam libidinem ad  
amiffionem ac quæſtum ; nec puto eius opinionem ſatis firma confirmari  
ratione. Nam primùm, vt diximus, textus in *d. l. 5. & d. l. 9. & d. l. 3. iuncto d.  
§. fin. in auth. de reſtit. fideicommiſſ. & ea quæ parit, vnd. menſ.* diuerſis verbis  
vnam faciunt ſenſus conſonantiam, eandemque ſubſtantiam, vt ſcilicet vi-  
duitas ſit vndequaque honeſta, thoruſque maritalis nulla labe pollutus, &  
marrimonium, quod legis intellectu durat & permanet ſuperſtite vidua, ex *d.  
l. fin. C. de bon. mar. perpetua honeſtate decorum, nec vllò adulterij crimine  
contaminatum* : & planè ita ſentiendum eſt, leges illas mutuo ſeſe explicare,  
mutua interpretatione concordēs, ſiue intra annum, ſiue poſt annum luctus  
vidua pudicitiam abiecerit, quæ ſtupro certè commiſſo retineri non poteſt,  
cum corruat, & primo impudicitia actu intereat, vt diximus ; durumque ſit  
expectare meretricioſ mores, quos ex gloſſa in *c. vidua, 34. diſt.* niſi ex con-  
greſſu cum vigintiquatuor milibus virorum, aut cordatiùs, niſi cum tri-  
bus viris ad minus, ex Iuriſconſulto in *l. palam, ff. de ritu nupt.* planè nun-  
quam induces, quibus expectatis inutilis legum ſit diſpoſitio, & ſecura vi-  
duæ inuerecundia, impunitaque thori nuptialis pollutio, & caſtitate abiectæ  
macula ſine vlla ſeueritatis & poenæ formidine, aded vt hæc tam honeſta,  
tam iuſta, tam ſancta opinio, tot tantique, & tam doctis viris recepta, non  
ſit leni, nec ſatis firmo argumento relinquenda.

- 46 Nam primàm ea ratio, quam fortiſſimam Coſta exiſtimat ex gloſſa & tex-  
tu in *l. & mulieri, ff. de curat. furioſ.* de qua ſuprà n. 40. mihi certè debiliſſi-  
ma eſt, nihilque omninò ad propoſitum facere exiſtimo, ſi veram iuris ratio-



nem amamus. Quod enim pertinet ad verba Iurisconsulti, ut ab eo exordiamur, antequam ad glossam accedamus, quam bellissimam vocat Costa, verba Pauli hæc sunt: *Et mulieri, quæ luxuriosè vivit, bonis interdici potest.* Quæ verba, nec possunt, nec debent intelligi de fœmina meretrice, quæ stuprum frequenter, quæque corporis sui passim faciat copiam. Nec enim scriptum est, ut fœminæ inhonestè viventi curator detur, quod resolvit Arias Pinell. in l. 4. C. de bon. mat. num. 21. & est verissimum, ut ipse resolvit contra Cumanum in d. l. & mulieri, & contra Felin. Abbat. & Decium in cap. Pastoralis, de iudiciis.

Vnde ipsemet Arias Pinell. ubi supra, reprobatur cautela Baldi in c. cum 47 decorum, de ætate & qualit. quam sequuntur Ias. in l. 4. §. sed quod meretrici, n. 2. ff. de condit. ob turp. caus. & Ferrarius cautel. 6. & alij, quos ipse adducit ubi supra, n. 20. aiunt hi legitimos hæredes posse facere, ut curator detur fœminæ meretrici, ex d. l. & mulieri, ac subinde effici posse ne testari possit, ex regula textus in l. is cui lege, ff. de testam. cum aliàs meretrix testari possit, cum id nullo iure prohibeatur, ex Baldo in l. 1. C. de cond. ob turp. caus. Ias. in l. miles, n. 17. ff. de re indic. Alberic. in l. si queramus, ff. de testament. & in l. qui eas, §. fin. ff. de furt. Sed tamen Arias Pinell. optimè hanc ipsam cautelam reprobatur, ex eo quod habeat falsum fundamentum; putat enim hæc cautela, & eiusdem authores existimant, dictam legem & mulieri, intelligi de muliere meretrice, quæ sui corporis passim facit copiam, idque falsò, ut ipsemet Pinell. d. n. 21. resolvit, & optimè: & quamvis glossa ibi in prima explicatione, intellexerit verbum illud, *Et mulieri quæ luxuriosè vivit*, de muliere meretrice, & quæ sui corporis copiam facit, ipsa tamen recedit ab hoc sensu, & seipsam corrigit, secundumque intellectum veriorum & receptiorum adducit, quem Scribentes quoque recipiunt. Denique intellectus Costæ cum glossa in d. l. & mulieri, reprobatur etiam à seipsa, nec est vera in se, applicata ad textum in d. l. & mulieri: ubi verbum illud, *quæ luxuriosè vivit*, nec potest, nec debet intelligi de muliere inhonesta, & quæ sui corporis faciat copiam: & ita corrumpitur præcipuum fundamentum Costæ, qui ex verbo illo, *luxuriosè vivit*, extorquebat intellectum ad l. §. titul. 9. libr. 5. recip. ut ea fœmina diceretur luxuriosè vivere, quæ meretricio more sese prostitueret, cum nihil minùs verba illa sonent, & planè reprobis sit ille sensus, & planè reprobetur ab ipsamet glossa in d. l. & mulieri, quæ author extitit eius sensus, ex his quæ diximus.

Verus autem sensus ad verba dictæ legis & mulieri quæ luxuriosè vivit, is 48 est, ut ei mulieri detur curator, quæ luxuriosè vivat, id est, ei quæ immodicos faciat sumptus, & lautè, profusèque vivat epularum apparatu, nimioque vestium ornatu, & rei domesticæ vano & otioso ornamento lasciuiens. Id enim pertinet ad luxuriam, id est, nimiam, profusamque rerum omnium copiam, & meliorum vestium, epularumque lautiorum effusionem, etiamsi ea fœmina nihil committat, quod ad turpitudinem corpoream pertineat. Ita accipit Cicero pro Murana, dum priuatam luxuriam damnat, publicam verò laudat magnificentiam; unde agros eos dicimus luxuriari, qui frugum nimio incremento proveniunt; & animos etiam luxuriari dicimus rebus secundis;

& iuuenilibus annis luxuriant animi, id est, immodicè gaudent, & latantur: quo sensu vitur hoc verbo eleganter Vlpianus in l. ex damni 40. ff. de damno infect. Ex damni, inquit, infecti stipulatione non oportet infinitam, vel immoderatam aestimationem fieri, utputa ob rectoria, & picturas. Licet enim in hoc magna erogatio facta est, attamen ex damni infecti stipulatione moderatam aestimationem faciendam, quia honestus modus seruandus est, non immoderata cuiusque luxuria subsequenda. Hæc Vlpianus.

- 49 Hanc interpretationem ad d. l. & mulieri, agnouit glossa ibi in secunda & posteriore explicatione, & agnoscit Aretinus in l. is cui bonis, ff. de verb. & ibi refert plures Ripa n. 17. & comprobat Anton. Augustin. lib. 4. emendar. c. 11. plures adducit Pinel. in l. fin. C. de bonis mat. n. 22. reprehendens Seguram in l. Imperator, ff. ad Trebell. ad fin. qui ex d. l. & mulieri, scriptum reliquit, incontinenti viro, & libidinoso curatorem dandum; expendens verbum, & in d. l. & mulieri, quasi verbum illud implicet, ut non solum viro, sed mulieri detur curator: & tandem n. 24. idem Pinel. contra Seguram optimè resoluit, adductis Speculatore, Alberico, Cumano, Felin. Decio, Gomezio, Ioan. de Palac. Rub. Boëtio, & aliis, quos apud ipsam videre poteris. Ratio omnium est, quia nec fœminæ, nec viro libidinoso & venereo curator dari possit, nisi prodigus sit: ad hanc autem prodigalem luxuriam respexit Iuriconsultus in d. l. & mulieri, non ad venerem, & libidinem: vnde fundamentum Costæ destruitur, ut nec textus in d. l. & mulieri, nec glossa ibi, quicquam pertineant ad mores meretricios, quos ipse in vidua desiderat, ut acquæstum conjugalem amittat, prostitutâ semel verecundiâ, & turpiter conculcata viduali honestate, pollutoque thalamo maritali.

- 50 Ad secundum fundamentum Costæ ex d. l. final. Cod. de sentent. passis & rest. facilis responsio est, expensis & retentis quæ diximus proximè num. 45. & 46. Textus enim ille in §. final. ibi: Nam si patria potestate ad corrumpendi atque effundendi patrimonij licentiam abutatur, ut furioso & dementi, item prodigo, libidinum omnium vitiis, & vitiis, non est pecunia committenda; magis pertinet ad effusionem patrimonij, & immodicos sumptus, quàm ad solam veneream libidinem, quod patet apertè ex verbis ipsis, nulla inductione egentibus.

- 51 Ad tertium fundamentum Costæ, quod est ex l. his solis, Cod. de reuocand. donat. respondemus satis portentosæ vilitatis, abiectæque pudicitie esse viduam, si ad honestatem secundarum nuptiarum conferas, ut confert & comparat Imperator, quæ thorum virilem, thalamumque conjugalem, abiecta honestate, prostitutæque verecundia polluit; nec indigemus moribus meretricijs, perempta fide, pudicitia, pudore, & honestate: namque si Imperator suo sibi iudicio in secundis nuptiis fœmineis aliquid punibile esse existimauit, quod agnouit poëta Hispanus suo elegenti carmine Hispano, egregio, & erudito:

*A ti muger vimos del gran Mausoleo,*

*Tu que con lagrimas nos prophetizas,*

*Las maritales tragando cenizas,*

*Servicio blinda mas que de vno solo.*

Si igitur quoddam veluti vitium est, ex Imperatoris sensu, ad secundas fœminam



minam prouolasse nuptias, quod quidem iure canonico non fatemur, & verius, sed Imperatoris proponimus sententiam, & ex ea eiusdem argumentum, quo utitur *in d. l. his solis*, argumentando ab honestate secundarum nuptiarum ad turpitudinem stupri commissi; & meritò ait eam viduam portentosa libidinis, & abiectæ vilitatis, quæ sine nuptiarum honestate, quantumvis secundarum, sese veneri, voluptatique tradiderit. Itaque dicta lex *his solis*, nihil pertinet ad mores meretricios, quos requirebat Emanuel Costa, neglecto vno aut altero stupro. Semel enim aut bis commissio stupro, perit pudicitia, moritur honestas, iacet decor, prosternitur verecundia, polluitur thalamus coniugalis, legesque conjugales omnes vno ictu intereunt & moriuntur.

Ad postremum argumentum Costæ, quo contendit ea verba, *viuere luxuriosamente*, denotare officium, ac subinde multiplicatos actus, satis respondemus *num. 38.* pudicitiam & honestatem vnico actu interire, nec indigemus ad hoc longa probatione, si expendamus rei naturam, de qua agimus, & quæ adduximus *d. num. 38.*

Omnia autem quæ dicimus de lucris & acquæstibus, vt communicentur inter virum & vxorem, intelligimus, vt hæc lucra locum habeant, postquam vir & vxor cœperunt simul cohabitare, & adhuc cohabitant eo tempore, quo hæc lucra fiunt: ita tenet Ioan. Lup. de Palac. Rub. *in rubr. de donat. inter vir. & vxor. §. 62.* Didacus à Segura *in l. vnum ex familia, §. sed si fundum, ff. de legat. 2.* Nicolaus Boërius, qui dicit apud Gallos communi vsu receptum esse, *decis. 22. num. 33.* At verò Chassaneus ad longum disputat *in consuet. Burg. rubr. 4. §. 6.* sed tandem ait hanc opinionem, scilicet quòd requiratur cohabitatio, & lucra facta sint durante cohabitatione, probatam fuisse iudicio Prætorij Parisiensis: idemque ait Boërius *in consuet. Bituric. tit. de consuet. mar. §. 1.* & apud nos idem tenet Didacus, qui mihi multorum instar est, *in 4. part. 2. c. 7. §. 1. n. 6.* qui allegat legem 205. stili, & nobis est lex expressa *in l. 2. tit. 9. lib. 5. recop. ibi: Ganaren o compraren estando de consuno*; & ex his verbis tenet Auendañ. *respons. 10. lim. 6. Gutierrez de iurament. confirmat. 1. part. c. 7. num. 56. & 66. Gamma decis. 357.* Et licet Didacus alleget Ioan. Lupum de Palac. Rub. pro contraria opinione, mihi certè ille *in l. 16. Tauri, num. 12.* idem tenet, etiamsi postea disputet quæstionem de viro sponso negociante cum pecunia dotali, sponsa nondum traductâ ad domum: quæ facti species longè differt à nostra hac, quam tractamus simpliciter, scilicet, an quæsitâ ab sponso, nondum sponsa traductâ, sint communia tanquam quæstus coniugalis: hæc autem quæstio benè deciditur ex superiùs adductis, scilicet non fieri communia, quia inter ipsos nulla adhuc est societas, nec sunt simul, hoc est, *de consuno*.

Vnde quamuis dominus Didacus reprobet Ioan. Lupum de Palac. Rub. *53 in d. l. 16. Tauri*, ego puto in specie, quam ipse proponit *num. 13.* eius opinionem sequendam, scilicet si sponsus ante traductionem sponsæ ad domum, acceptâ pecuniâ dotali negotietur cum ipsa. Nam hoc casu sponsa habebit medietatem acquæstus facti per sponsum, & ait Ioan. de Palac. Rub. *ibidem, num. 28. ad fin.* quòd hæc opinio videtur sibi securior, & rationi & iuri magis consentanea; & mihi certè verissima est, quia reuerà societas iam

est contracta ex legitimo matrimonio, ex sapiùs allegato capite *cum societate*, 27. *quest.* 2. Tum etiam reipsa contributà pecunià dotali, quasi expectatà solà industrià viri, quo casu mutuo consensu societas contracta est: & ait idem Ioan. Lupus de Palac. Rubios, *num.* 21. *ubi supra*, quòd hæc ratio bene probatur *per totum c. & ff. pro socio*, estque mihi textus expressus in *l. societatem*, 4. *ff. pro socio*: *Societatem*, inquit Modestinus, *coire re & verbis*, & *per nuncium posse nos*, non dubium est. Cum ergo inita reperiatur societas coniugalìs, itemque legalis, planè communia quæ sita esse debent, debetque communicari acquæstus hic coniugalìs ex genuina ratione legitimæ societatis. Facit lex 1. *tit.* 10. *part.* 5. & quæ notat Greg. in *l.* 10. *eodem tit. & part. gloss.* 1. *ad fin.* & Ioannes Lupus in *dict. l.* 16. *Tauri*, *num.* 17. quæ videre poteris.

Quod si simul adhuc non cohabitent, nihil refert, meo iudicio; quia ego non induco communicationem acquæstus ex eo capite, quòd simul cohabitent, sed ex eo, quòd sint socij diuini & humani iuris, & quia inter ipsos planè reperiuntur integra iura societatis: addo etiam quod verba illa legis 2. *tit.* 9. *libr.* 5. *recop.* ibi: *estando de consuno*, hoc est, *stando simul*, habent ciuilem interpretationem; hoc est, si sint simul in societate; nec enim, vt ait Iureconsultus in *l. ad exhibendum*, *ff. ad exhibend.* verba legum captanda sunt, sed quo sensu, quidque dicatur, id expendendum est. Et hoc voluit etiam si aliter respondeat Ioan. Lupus *ibid.* à *num.* 25. ait enim sibi sufficere, quòd sponsus & sponsa reperiuntur socij. Ego addo, iure societatis diuinæ contracto matrimonio; & humano contributà pecunià, vnde aut dicendum est, quæsitum ex ea pecunia esse sponsæ, aut communicari; quod ego magis probo.

- 54 Præterea considero, quòd inter sponfos est lucrum considerabile, & societas legitima, quam agnouit ius in *l. Deo nobis*, *C. de Episcop. & Cleric.* ibi: *Vnusquisque eorum res suas recipiat, quas pro dote, vel ante nuptias donatione receperat, & hoc tantummodo lucrì nomine consequatur ab eo qui solitariam vitam elegerit.* Præterea ad effectus iuris nihil consideramus cohabitationem. Textus egregius in *l. cum hic status*, §. *si mulier & maritus*, *ff. de donat. inter vir. & vxor.* ibi: *Non enim coitus matrimonium facit, sed maritalis affectio.* Textus in *l. nihil*, *ff. rerum amotar.* *Nihil*, inquit Vlpianus, *interest, verum simul, an separatim habitauerint, cum actio rerum amotarum competat aduersus eam, quæ ex ea domo se subtraxerit, in qua non simul cum viro habitabat.* Vnde dicebat Bald. in *l. 1. Cod. vnde vir & vxor*, quòd deficientibus coniunctis, vir & vxor ab intestato vocantur, & quòd hoc habet locum in vxore nondum traducta: ratio est, quia quoad effectus iuris nihil cohabitationem & coitum consideramus, *d. l. nihil*, *d. §. si mulier*, *d. l. Deo nobis*: cætera vide apud Palac. Rub. *d. l.* 16. à *n.* 13.

- 55 Tum etiam, quia soluto matrimonio per mortem vxoris, rebus vxoris & viri in eodem statu manentibus, sine actu vllò, qui diuisionem patrimoniorum inducat, maritus superstes retinet omnia bona communia, societasque ipsa durat, & lucrà quæ sita communicantur viro & legitimis filiis vxoris mortuæ: quo casu vir & vxor non sunt simul, hoc est, *de consuno*; sed id fit ratione



ratione societatis permanentis. Ita tenet Palac. Rub. in d. l. 16. *Tauri*, n. 20. & 21. per l. 9. quæ incipit, *si vn homo*, tit. 3. lib. 5. fori leg. l. *generosum*, & per l. 6. tit. de los labores, part. 4. lib. 3. fori leg. & tenet Gregor. in l. 10. part. 3. gloss. 1. ad fin. Castillo in l. 16. *Tauri*, num. 52. Segura in l. 1. §. fin. ff. de liberis & posth. num. 74. Perez in l. 4. tit. 4. lib. 5. ordin. longè latèque disputat Matienzo in l. 2. tit. 9. lib. 5. recop. à num. 9. vbi videre poteris, quando hæc societas continuata post mortem vxoris, & quibus actibus videatur sublata: dicimus infra, num. 116. ibi vide. Nunc rebus sic se habentibus vti sese habebant in vita vtriusque coniugis, nihilque immutato, reuerà societas durat, & acquæstus fit communis viro & filiis, eisdemque hæredibus vxoris. Si igitur mortua vxore hoc fit, quid obstat cur non fiat, sponsâ, nondum ad domum traductâ, cum in contrahenda societate solo consensu opus sit sine vlla verborum solemnitate, l. si stipuler, §. fin. ff. de verbor. notat Ioan. Faber Instit. de societat. §. 1. Vnde re ipsa quod contractum est matrimonium inter spon- 56 sos, ac insuper contributa pecunia dotalis, videtur contracta societas inter illos, etiamsi non cohabitent, per Bartol. in l. Titium, §. altero, versic. *quaro an societas*, ff. de administr. tutor. & sponsa dicitur socia, Speculator tit. de feudis, §. quoniam, vers. *vigesimo*. Cum ergo re ipsa & consensu inita sit so- 57 cietas & diuina & humana, planè fit communicatio bonorum, ex l. 1. vbi Bald. & alii, ff. pro socio: cùmque separato matrimonio morte vxoris inueniatur hæc ipsa communicatio, nihil obistente dicta lege 2. ibi, *essando de consuno*, planè idem sentiendum est in sponsa, propter iura societatis, quæ inter sponfos traditâ præsertim pecuniâ reperiuntur.

Præterea, si semel vxore traductâ ad domum viri peregrè abeat, vt lucre- 58 tur bona, aut vt negotietur, aut legationis gratiâ, aut aliam quamvis ob causam publicam, aut priuatam, etiamsi non sint simul, hoc est, *de consuno*, vt in d. l. 2. sæpius allegata, certè lucra communia sunt. Nec enim requiritur perpetua & continuata per omne vitæ tempus cohabitatio, vt iura de viro, & vxore habeant locum, quod tenet Palac. Rub. in rub. §. 64. num. 15. & §. 34. num. 1. 2. & 3. Multa Gomezius Leon in centur. c. 1. & est mihi textus elegantissimus in l. cum hic status, §. si mulier & maritus, ff. de don. int. vir. & vxor. ibi: *Si mulier & maritus diu seorsum habitauerint, sed honorem inuicem matrimonio habeant; quod scimus interdum inter consulares viros subsequutum*. Data enim semel cohabitatione, & perpetuâ matrimonij fide, & continuato honore, tunc quidem locus est acquæstui & lucro, ciuilitèrque interpreta- mur verba dictæ legis 2. vt simul esse, hoc est, *de consuno*, intelligantur: quæ verba diximus supra n. 50. non esse captanda, sed ciuilitèr accipienda. Ciui- lis autem interpretatio ea est, vt tandiu duret societas, & communio acquæ- stus, quandiu durat maritalis affectio, d. §. si mulier, d. l. nihil, & quæ supe- rius diximus.

Si tamen separatio viri & vxoris, & cohabitationis mutux facta sit pro- 59 pter culpam mariti, vxor nihilominus lucrabitur medietatem acquæstus facti à viro iam seorsum habitante. Pone maritum admisisse adulterium, vxore conquesta & diuortio facto, quia ob culpam fit viri, communicabitur vxori acquæstus factus à viro. Pone propter sæuitiam viri diuertentem sæminam,

fit acquæstus viri communicatio. Finge libertiores vxoris mores, seorsum agens vir acquæstus quoque fœminei partem habebit: tenet Ioan. Lupus de Palac. Rub. in d.l. 16. num. 35. & in rubr. de donat. inter vir. & vxor. quem locum ipsemet allegat, & est in §. 64. n. 10. & tenet Didacus in 4. part. 2. c. 7. §. 1. n. 6. ad fin. vide infra n. 162. & 163.

60 Quando autem in totum dirimeretur matrimonium, tunc cessaret acquæstus communicatio: ita intelligo Seguram in l. unum ex familia, §. sed si fundum, n. 31. & 37. ff. de legat. 1. & quæ adducit Gutierrez de iuram. confirmat. 1. part. c. 1. n. 61. & à Gomezio adducta in l. 53. Tauri, n. 72. Matienzo in l. 2. tit. 9. lib. 5. recop. & Castillo in d.l. 16. num. 52. Gamma decif. 37. n. 1. & Azeued. qui hæc non subterfugit, vt eius verbo utar in d.l. 2. tit. 9. lib. 5. & pro hac mihi vera sententia est textus expressus in c. 2. de donat. inter vir. & vxor. vbi vsque ad veram separationem matrimonij habetur ratio dotis & donationis propter nuptias, & acquæstus, & deinde quisque de suo viuit: itaque distinguo ex dicto capite separationem simplicem à diuortio legitime & solemniter facto: & in vtroque intelligo vtramque opinionem respectiue: adde quæ dicimus infra n. 160.

61 Quod si maritus emerit ante matrimonium fundum, prædium, aut aliquid aliud, & pretium soluit postea constante matrimonio, quæsitum est, an fundus, prædium, aut illud, quod emptum est, sit commune viri & vxoris: & quamuis multa cumulet Chassanæus in consuet. Burg. tit. des droïts 3. rub. 4. §. 9. n. 3. & §. 2. verbo, & acquis, 2. n. 8. in hoc tamen non multum est laborandum, quia res illa empta omni iure pertinet ad emptorem, siue tradita sit, siue sit habita fides de pretio, §. vendita, Inst. de rer. diuis. soluto autem matrimonio, cum diuisio fiet, vir ex capitali integro deducet pecuniâ illam, quasi reliqua debita soluta constante matrimonio, & contracta sibi ante matrimonium; aut tantundem refundet vxori, & ita concludit Ayora, & bene 1. part. c. 7. in principio, de partitionibus. Non enim habere debet & rem emptam, & pretium iterum ex bonis vtriusque, sed postquam debitum soluit constante matrimonio in vtilitatem suam, deducet ex capitali tantò minus accipiendo, aut refundet vxori; id enim postulat ratio æqualitatis.

62 Simile est si maritus vendat constante matrimonio fundum suum, & emat alterum: profectò parum immorandum est in huiusmodi quæstionibus. Nam vir habere debet, item & vxor, capitale integrum in diuisione, tum reliqua sunt communicanda: repleto autem capitali, si supersunt facultates, restat fundus emptus communis; sin verò non supersunt, minimè; ac cum hoc dependeat ex partitione facienda, puta superuacaneam protestationem, & licentiam iudicis, quam desiderabat Azeued. in l. 2. tit. 9. lib. 5. recop. num. 16. ad fin. post Chassanæum vbi supra d. §. 2. num. 7. qui quidem Doctor Azeued. non subterfugit hanc quæstionem, vt eius verbis utar, licet aliter sese ab ea extricet: mihi semper videtur hoc dependere ex partitione, vtrum hæc res pertineant ad lucra.

63 Ex his autem, quæ diximus n. 61. & 62. quòd scilicet in diuisione apparere debeat de lucris, non tempore, quo emptio fit, aut acquisitio, quæ est regula verissima, ad quam debuit Azeued. recurrere, infertur quòd si fundus emptus



fit constante matrimonio ex pecunia viri, etiam si de hoc constet, quod adhuc sit communis, non verò mariti: item si comparatus sit ex pecunia vxoris, adhuc communis sit, quia illa pecunia deducitur ad matrimonium, & communicatur ambobus coniugibus ex ratione societatis contractæ; atque is, cuiuserat pecunia tempore diuisionis, habet ex cumulo omnium bonorum eam capitalem pecuniam, deinde lucrorum partem, si lucra supersint, idque ex l. 2. tit. 9. lib. 5. recop. & l. 1. eod. quod quidem aduertebat, & optimè Ioan. Lup. de Palac. Rubios in rub. de donat. inter vir. & vxor. §. 62. n. 4. & Marien-zo in d. l. 2. gl. 2. n. 3. & 6. & Gutier. qui cum iudicio hoc tenet, præf. q. 117. lib. 2. ad l. 1. & l. 2. tit. 9. lib. 5. recop. quem tanquam ciuem videre debuit Azeuedo d. n. 16. l. 2. tit. 9. lib. 5. recop. cum aliàs attentius scrutetur dicta Gutierrez, æquo an iniquo animo, ipse viderit; immeritò certè, quod ipse animaduertit non semel. Gutierrez igitur hos secutus d. q. 117. lib. 2. ait, & benè, ex dispositione nostrarum legum, quæ sunt lex 1. & 2. tit. 9. lib. 5. recop. cessare dispositionem legis 1. & legis multum interest cum materia, C. si quis alteri vel sibi; contra Montaluum in l. 11. tit. 4. lib. 3. fori leg. & in l. 1. tit. 3. lib. 3. fori, verbo per medio, & Suar. ibi in vers. secundò limita, & contra Cifuentes in l. 16. Tauri, n. 9. & Tiraquell. de utroque retract. tit. 1. §. 32. gl. vna, n. 10. quoniam hoc casu, de quo agimus, emptum ex pecunia alterius sit commune, quoniam in diuisione postea facienda vterque deducit capitale, eoque deducto fundus emptus remanet communis in ratione acquæstus & lucri facti constante matrimonio; & ita quoque existimat ad alium propositum Ayora de partitionib. 2. p. q. 36. n. 34. vbi cum iudicio ait non considerari hæc lucra, nisi iam cumulatis bonis, & deducto capitali; quod fieri non potest, nisi tempore diuisionis, etiam si in eo sit notandus, quod putet interim bona ea constante matrimonio comparata non pertinere ad lucra. Ex his enim, quæ diximus, acquæstus & lucri rationem continent, eaque, si supersint aliàs bona, diuidenda sunt inter coniuges, capitali vtriusque aliunde repleto & deducto; nec existimandum est protinus ad alium pertinere, eo quod eius pecuniâ comparata sint. Fiunt enim communia ex legum nostrarum aperta decisione.

64

Lucrorum autem nomine & acquæstum constante matrimonio quæstorum non solum intelligo res, fundos, prædia, seruos, ædes, & reliqua huiusmodi, verum etiam iura & actiones, etiam si hæc iura & actiones habeant tractum successuum, & extendantur post mortem vtriusque coniugis, quia ad vtriusque hæredes æquo iure pertinebunt, ita notabat Bald. in l. ea de mium, C. de collat. & Chassanæus vbi suprâ, d. §. 2. num. 8. quod est maxime aduertendum ad annuos redditus emptos constante matrimonio, quia ex Baldo in l. cum notissimi, §. in his, C. de præscr. triginta vel quadraginta annorum, annui census & redditus deducti in contractum dies cedit aduersus omnes præstationes faciendas à die contractus; quia est vnica obligatio, & vnicum obligationis ius, licet præstationes sint diuersæ, & habeant tractum successuum. Est enim ex Salyceto ibi, in contractu vnica obligatio perpetua ad omnes præstationes; secus in annuo legato, quod à principio est purum, deinde pro sequentibus annis cōditionale; idem resoluit ibi Bart. scilicet quod annui

annui redditus vnica sit actio, vnicumque ius, vnica præsumptio, diuersum verò in legatis reperiri, quia tot sunt legata quor anni, *l. Senatus, §. fin. de donat. caus. mort. l. cum in annos, ff. de annuis legatis*: idem tenet Alexand. & Ias. in *d. §. in his*, tenent Abb. Ioan. Andr. & Card. in *cap. auditis, de præscript.* Guid. Pap. *decis. 406.* incipit, *pone quod debes*: tenet Signorolus de Homod. *conf. 31.* & Parisius in *d. c. auditis*, Corneus *conf. 44. & consil. 181. vol. 2.* Balbus de *præscript. 4. part. 4. partis, quest. 4.* Ergo restat, vt quæ sita ex contractu constante matrimonio, fiant communia etiam soluto matrimonio.

67 Diximus *num. 5. & 6. supra*, posse maritum alienare hæc lucra, ex decisione legis *5. tit. 9. lib. 5. recop.* & an donare possit, remisimus ad Molinam temperantem duas contrarias opiniones, & ad Gutierrez, qui Molinam sequitur *qq. præct. q. 121. per totam*, & nos probauimus hanc concordiam de *expens. & meliorat. c. 13. n. 19.* quæ concordia sustinet donationes moderatas, & ex iusta causa, dum modica & consueta donantur, in quibus fraus abesse & possit & debeat: hæc fuit concordia illa Molinæ *lib. 2. de Hispan. primog. c. 10. num. 66. & 67.* & tenuerat Burgos de Paz Iunior *quest. 9. n. 23.* iamque hæc concordia est receptissima Hispanis Scriptoribus ad interpretationem dictæ legis *5. tit. 9. lib. 1.* Diximus quoque delinquendo non alienare virum in præiudicium vxoris hæc lucra, & acquæstum coniugalem, & remisimus *suprà num. 6.* ad ea quæ tradidimus de *expensis & meliorationibus dict. cap. 13. num. 19.*

In quo tamen subest hodie quæstio, vtrum vir ludendo & scortando possit alienare hæc lucra? In qua quæstione Montalvus in *l. 1. tit. 3. lib. 3. fori*, concludit maritum debere refundere quicquid ludo consumpserit, tantò minus accipiendo, aut tantundem vxori esse præstandum: quoniam ludere, delinquere est; & ludendo vir in magna quantitate, delinquit; in delictis autem nullam reperiri societatem, *l. 1. §. planè, ibi: nec enim vlla societas est malefactorum, ff. de tut. & rat. distrahend. l. nec prætermittendum, ff. pro socio*, quæ ratione Ayora de *partition. 1. part. cap. 8. num. 10.* indistinctè & securè tenet hanc partem cum Montaluo. Sed tamen licet verissimum sit, maritum, qui ludendo & scortando lucra hæc consumit, delinquere, & delinquendo leges violare societatis, nihil socio nocendo, idque sit verissimum de iure; attamen contrarium seruari forensi vsu asserit Rodericus Suarez in *d. l. 1. tit. 3. lib. 3. fori leg.* idque obseruatum esse in praxi, ne infinitæ lites excitentur, nèue iura de societate inter virum & vxorem, quæ huiusmodi alienationes hæcenus admiserunt, rigorosa nimis efficiamus, præsertim cum maritus accedat ludo, non animo defraudandi vxorem, sed acquirendi, in quo consideramus directam & indirectam voluntatem, ad interpretationem actus subsequenti, de qua voluntate directa & indirecta Bartol. in *l. vbi adhuc, §. sed & Marcellus, ff. de in diem addict.* ex qua consideratione fit satis dictæ legi *2. tit. 9. lib. 5. noua recop.* quatenus prohibet alienationem acquæstum, si fiat in fraudem vxoris. Hanc praxin Roderici Suarez probat Anton. Gomez in *l. 53. Tauri, num. 73. versic. ex quibus infero*, Gregor. in *l. 13. verb. ganancias, tit. 10. p. 5.* vbi de hac praxi testatur: tenet, & probat Burgos de Paz *q. 8. n. 13. & 19.*

tenet



tenet Baeza de decima int. præst. c. 27. n. 28. tenet Gutierrez præst. quæst. 121. lib. 2. num. 7. ubi concludit maritum malè consumendo peccare quidem in conscientia; tamen non teneri ad restitutionem vxori faciendam: & adducit Nauarrum in Manuali, c. 28. in addit. ad c. 17. num. 153. & n. 193. quod eo consilio adduximus, ne iuniores decipiantur sententiâ Ayoræ; ipse enim merum ius secutus, scribentium omisit in hac re animaduersionem.

Sed & in officiis hæc ipsa lucra consistunt, de quibus nos latè egimus, de <sup>67</sup>  
*expens. & meliorat. c. 4. n. 14.* post Didacum *variar. lib. 3. c. 19.* & Guilelm. Benedict. in *c. Raym. verb. & uxorem nomine Adelaßiam, de test. n. 787.* & Chassanæus in *confus. Burg. rub. 4. vers. secundo*, & Nicolaum de Vbaldis de *succes. ab intest.* inter quos erat controuersum, an hæc officia tabellionum & decurionum à viro & vxore acquisita constante matrimonio pertinerent ad rationem acquæstus & lucri: ad hæc autem sunt videnda quæ adducimus *d. c. 4. n. 14. 15. & 16.* & quæ post nos congerit Gutier. *q. præst. 64. ad l. 26. & 29. Tauri, lib. 2. præst. quæst.* & adduxerat multa Rolandus ab Alexand. *conf. 11. num. 11. vol. 2.* Constans enim iam hodie sententia est, vt officia hæc, quæ vendi & possunt & solent, veniant iudicio familiæ ereiscundæ, & communi diuidundo, & continentur propriè in vera ratione lucri, & acquæstus, si constante matrimonio acquirantur; & nouissimè solo Didaco adducto tenet indistinctè Ayora de *partit. p. 1. c. 8. n. 61.* quod tamen accipiendum est cum distinctione prædicta; idque etiamsi officium precibus, non pecuniâ comparatum sit, vt aduertimus *d. num. 14. cap. 4.* si verò liberè à Rege donentur, vide infra *n. 127.*

Et si valor & æstimatio officij creuerit temporis beneficio, crescit quoque <sup>68</sup>  
 vxori, quia cùm sit domina pro sua parte, vt latè fundauimus suprâ *n. 4.* augmentum crescit ipsi tanquam dominæ, quod resoluimus *d. n. 14. vers. quod vero* ubi adduximus Alex. contra Fulg. & tenebat Greg. in *l. 3. tit. 15. p. 6.*

Ex quibus, & ex *l. 3. tit. 20. lib. 2. recop.* & quæ tradit Guilel. Bened. in *c. Ray-* <sup>69</sup>  
*nutius, de testam. verb. cetera bona, n. 27.* & Rebuff. in *l. bonorum, 49. ff. de verb. signif.* vxor debet habere partem pecuniæ quæ resultat ex exemplatione instrumentorum, quæ exemplantur deducto sumptu papyri, & eius, qui exemplat & transcribit: idque interim, quòd protocollum traditur futuro successori, iuxta legem *24. d. tir. 2. lib. 4. recop.* quod protocollum an liberè tradendum sit successori in casu dictæ legis *24.* adhuc ex facto agitatum vidi, & variè iudicatum; quod nunc prudens omitto. Quod verò diximus, obseruatur in praxi, nec quicquam facit, quòd pecunia illa, quæ resultat ex exemplatione instrumentorum, nihil pertineat ad fructûs rationem, quia non renascitur, de quo nos latissimè egimus de *expens. & melior. c. 23. n. 1. & n. 3.* adducto Bart. in *l. diuortio, §. si vir, ff. solut. matrim.* & ibi Alex. & Angel. in *rub. de usuris*, & Boërio *decis. 224. n. 7.* At verò in hac re, ubi non agimus de proprietate verbi vsusfructus, sed de obuentione, prouentu & commoditate, pecunia hæc ex exemplatione protocolli debetur vxori, quicquid latè disputet Auendañus *respons. 38. ad fin.* Cùm igitur emolumentum sit & prouentus ea pecunia ex re æstimabili & vendibili, vti diximus, planè eius rei emolumentum ad vxorem pertinet, & quotidie fit, & satis innuit dicta lex *31.*

70 Pone hac nostra ætate , quâ totum mare occiduum piratis maritimis infestatur vsque adedò miserrimè , vt nemini liceat securiùs nauigare , cùm passim & maiora & minora nauigia capiantur ; maritum , cui cum vxore lucra sunt coniugalia , nauim mercibus onerasse ad Indos , aliòve nauigaturam ; admonitum tamen ab vxore , amicis & cognatis , non esse suam & coniugis substantiam tam manifesto periculo exponendam : ipsum verò fatali pertinacia ab incepto non desistere , tandem nauem à piratis diremptam ; morte mariti sequuta mulier contendit maritum minimè ex fide rem communem gessisse , sed ex fraude & dolo ; ideoque in eam culpam incidisse , quæ stolidum & supinum decet , non sanum & mentis compotem ; nauium merces bona communia manifesto periculo coniecisse , violasse societatis leges , esse viro deuorandam infaniam suam , iacturam esse in sortem viri imputandam , sibi que tantundem esse refundendum , idque in diuisione bonorum ; profectò non abs re erit si mulier audiatur , quoniam tam supina hæc culpa dolo & fraudi æquiparatur , *l. in actionibus , ff. de in lit. iurand. l. 1. §. non autem , ff. si quis testament. lib. esse iuss. fuerit* : latè per Bart. & alios in *l. quod Neria , ff. deposit. Bald. latissimè in l. pignus , C. de pignorat. act. glossa & reliqui in cap. 1. de dolo* , Dynus in *reg. ignorantia , lib. 6.* adedò vt locus sit decisioni legis *§. tit. 9. lib. 5. recop. ibi : Saluo si fuere probado , que lo fizo cautelosamente per defraudar ò damnificar à la muger.* Item quia qui facit aliquid tempore , & loco incongruo , quod aliis opportunè facere tenebatur , in culpa maxima est , *l. qui foueas , ff. ad legem Aquil.* Tum etiam , quia si admonitus non esset , scire & vitare debuit periculum , *l. si seruus communis , ff. de furt. l. idem iurus , §. penult. ff. ad leg. Aquil.* tum etiam quia qui committit naui , & pelagi periculo merces , quæ naui non erant committendæ , reficit socio damnum perditis mercibus , *l. cum duobus , §. damna , in fin. ff. pro socio* : & quamuis hæc virgeant pro vxore , ipsa tamen lex *§. tit. 9. lib. 5. recop.* apertè exigit animum & consilium viri , vt vxori noceret , ibi : *Saluo si fuere probado que lo fizo cautelosamente* : & debet ex iisdem verbis animus probari : cùm verò in mercatore possit capi coniectura lucri , planè est locus doctrinæ Bartoli in *l. ubi adhuc , §. sed & Marcellus , ff. de in diem addict.* de directâ & indirectâ voluntate ad qualificandum actum subsequutum , & ex his puto hoc positum in iudicis arbitrio.

71 Res autem malè acquiræ , & malis moribus comparatæ ab altero coniuge , ad communionem & acquæstum coniugalem minimè pertinere certum est , ideoque res furto subtractæ , quodque repetundarum nomine congestum est , nihil ad hanc societatem pertinent , *l. cetera , §. & mala , ff. famil. ercisc. l. quod sapè , §. veneni , ff. de contrahend. empt. l. quod autem , cum sequentib. ff. pro socio* , vbi Pomponius in *l. si igitur* , optimè explicat qualiter ex societate hæc sint disiungenda , & separanda ; & pertinent hæc iura ad quæstus malè quæsitos , & ad malas artes & mores ; & ita hæc non esse communicanda , tenet Palacios Rubios in *rubr. §. 6. Suarez noster titulo de las ganancias , limit. 4. Didacus Perez in l. 2. tit. 4. lib. 5. ordin. & est lex 2. tit. 15. part. 6. quæ pertinet ad diuisionem* , ibi : *Pero si en los bienes del testador fueren falladas algunas cosas malas , assi como ponconas , o malas yervas , o damnosas , y elocinas , o libros ,*



libros,ò escripturas de encantaciones malas, o otras cosas de aquellas que son defendidas, que non usen los homes dellas, non las deben partir entresi : antes dezimos que las deben quemar, e destruyr. Et subdit lex de rebus furto sublati : *Otro si si falleren en los bienes de la heredad algunas cosas que fuesen mal ganadas, assi como si aquel que pagano, fue ome que recibio o tino en su poder algunas rentas del Rey, o furto algo dellas, o si furto, ò robo, o força à otro home alguna cosa, o lo gano de usura, no lo deben partir entresi los herederos, antes dezimos que deben tornar e dar estas cosas à talos à aquellos cuyas fueren, o à sus herederos* : quod ibi latè prosequitur Gregor. per plures glossas. Quæ iura Hispana omninò restituenda censent huiusmodi lucra pessimè comparata, ita ut multò magis alter ex coniugibus, qui hæc lucratus ante diuisionem fuit, possit tacitus & secretò eadem restituere, nihil lædens iure societatis, quod aliàs existimabat Pal. Rub. *vbi suprà, num. 10.* & Baeza de *decim. tutori præstand.* c. 26. num. 8. quodque pertinet ad societatem, quòd hæc lucra pessimè quæsit non veniant iudicio societatis, est nobis egregia lex 8. tit. 10. part. 5. vbi Greg. latissimè, quod quidè est quotidianum, & ad animæ iudicium vile, si restitutas secretò, ut nec coniugi, nec hæredibus tenearis, & ex facto iam semel agitatum comperi.

Nec leges nostræ magis respiciunt virum quàm vxorem ; de lucris enim 72 inter vtrumque coniugem, & factis ab vtroque scriptæ sunt ; iure enim communi, quo hæc lucra ignota sunt, si vxor aliquid suo artificio quærebat, ad ipsam pertinebat. Pone obstetricem, chirurgam, aut excludentem, ex hoc artificio vberrimos quæstus facientem : iure communi hic quæstus ad vxorem pertinebat, ex his quæ refert Palac. Rubios in *rub. de donation. inter virum & vxorem*, §. 45. n. 4. & tenuerat Fulgos. in *l. si mulier*, §. si vir uxori, ff. de donation. inter virum & vxorem, & in l. 1. C. de bonis quæ lib. & Bald. in *l. vxorem*, C. de cond. insertis, decisio Rotæ antiquæ 1. de donation. inter virum & vxorem, n. 3. & 4. inter decisiones Bisigneti ; cuius quidè ratio est, quia vxor est libera persona, quæ sibi quærere potest, nec ab ea quæsitæ acquiruntur viro, quia non sunt quæsitæ viri industriâ, aut operâ, sed vxoris, ut per Cynum in *l. final. quæst. ultim. C. de furt.* quod enim aliàs diximus, cùm de donatione remuneratoria egimus, filium debere patri obsequium, non operas artificiales, ex l. penult. ff. de obseq. à lib. pat. & patron. præstand. ibi : *Nam pietatem debent liberi parentibus, non operas* ; vnde inferimus ad resolutionem eius sententiæ, quam scriptam reliquit Fulgos. in *l. illud*, Cod. de collat. & Anton. Gom. in l. 29. Tauri, num. 24. quod si filius impendat patri operas non obsequiales, sed artificiales, possit à patre salarium expectare ; quia cùm obsequens esse debeat, artificium impendere non debet, idque disputauimus de donatione remuneratoria num. 24. versic. ex his enim operibus ; idem quoque de vxore dici oportet ; hæc enim obsequium coniugale debet viro, non operas artificiales ; libera enim est persona, nec scriptum est, ut per liberam personam alicui acquiratur. Fulgos. in *l. si mulier*, §. si vir uxori, ff. de don. inter virum & vxorem, & in l. 1. C. de bonis quæ lib. & Bald. in *l. si vxorem*, C. de cond. insertis, vbi id apertè tenet, & est ipsa veritas iure communi : at verò nostro iure Hispano ex disposi-

tione dictæ legis 1. & per totum, tit. 9. lib. 5. recop. hæc artificia & lucra ex eis resultantia ad communionem & coniugalem societatem pertinent; & hoc est verissimum.

- 73 Quin quod ad lucra quoque pertinent meliorationes factæ in rebus conjugilibus, meliorationes enim factæ in re mariti constante matrimonio, etiam si cedant marito cum ipsa re, earum tamen æstimatio communis est vxori, & è contra, si in re vxoria facta reperiantur; nec enim alter ditescere debet cum alterius iactura, ita resoluimus de expens. & meliorat. c. 13 num. 41. & tenuerat Suar. in repet. tit. de las ganancias, lib. 3. fori legum, vers. sed pene quod in solo, & tenuit Didac. in 4.p. 2. c. 7. §. 1. num. 9. vers. hinc inferitur, & nouissimè Ayora de partit. cap. 10.

Vnde si quisque coniux mille adduxerit in matrimonium, alteriusque mille illa in re alterius consumpta sunt vtiliter, certè is, ad quem res meliorata pertinebit, mille alteri soluet; quia id exigit ratio societatis, ipsaque æquitas apertè id postulat, ne tu in re tua habeas substantiam meam sine causa: si verò supersint ex meliorationes deductis capitalibus, magis ad lucra pertinebunt, & in hunc modum intelligendus est modernus quidam Hispanus in l. 2. tit. 9. de las ganancias, lib. 5. recop. verbo Ganaren, n. 11. aliàs nescio quid sibi voluerit; tu videris, candide lector.

- 74 At verò in vinea plantata in solo alterius diuersum iudicatum vidi. Is enim cuius solum est, in quo vinea plantata est, præcipuum habebit, quod in ea regione manere consuevit his, qui montem incultum dare consueuerunt rusticis vitibus conferendum, reliquum vtrique communicabitur, nec cedet domino fundi: hæc est lex tertia, tit. de los labores, lib. 3. fori legum: quam vsu receptam tradit Suar. vbi supra, & nos tradidimus de expens. & meliorat. d. c. 13. n. 41. & tradit Ayora de partit. 1. p. c. 10. n. 2. qui quamuis adducat rationem differentie inter vineam plantatam & domum melioratam, tamen ratio differentie ab ipso adducta nihil facit ad rem; & an ista meliorationis æstimatio correspondere debeat sumptui, an verò præsentī æstimationi, quam quæstionem attingit Ayora d. 1. part. d. c. 10. n. 2. vers. secundò queritur, & planè nihil decidit vtiliter: tu inuenies quæstionem latè discussam de expens. & melior. c. 24. per totum, vbi videre poteris si se casus offerat.

- 76 At verò in meliorationibus factis in rebus maioratus constante matrimonio est lex 46. Tauri, quæ hodie est lex 6. tit. 7. lib. 4. nouæ recop. verba hæc sunt: *Omnia castra que deinceps erecta sint in urbibus, oppidis, & villis, aut prædiis maioratus, & omnia mœnia prædictarum urbium, oppidorum, & villarum maioratus, non solum que deinceps de nouo extructa sint, sed que deinceps reficiantur, aut si quid in eis melioretur, veluti adificia que deinceps fient in adibus maioratus, ædificando, reparando, aut reficiendo in eis, ita sint maioratus sicut ipsæ urbes, oppida, & villa, & fundi sunt aut fuerunt maioratus, & sicut ipsæ ades maioratus: & precipimus, ut in his omnibus succedat vocatus ad maiorum, cum vinculis, conditionibus in maioratu contentis sine ulla obligatione dandi partem aliquam æstimationis, aut valoris dictorum adificiorum vxoribus eorum, aut eius qui eas meliorationes facit heredibus suis, aut successoribus.* Hæc sunt verba eius legis 46. Tauri, quæ pertinent ad nostrum institutum, de qua lege



lege nostri Hispani variè agunt, & est satis disputata. Breuiter adducam quæ hæcenus scripta sunt, remittendo ad sua loca, ne videamur otiosè membranas nostras repleſſe.

Et primò quæritur de iustitiæ dictæ legis 46. an sit iusta æqua ratione : & 77 iustam, æquamque, & necessarium probauimus ad conseruationem maiorationum, ex ea ratione, quam adduximus *de expens. & melior. c. 13. n. 44.* quia si in his meliorationibus factis in rebus maioratus non admitterentur quæ diximus *d. c. 13. n. 43.* planè maioratus, qui ad perpetuitatem instituitur, quamciussimè periret, repititis meliorationibus ab vnoquoque successore, & ferè ab vltimo vniuersis, vt *d. n. 44.* diximus : & ita licèt visa sit ea lex iniqua Ioan. Lupo de Palacios Rubios *in rubr. de donat. inter vir. & vxor. §. 62. n. 15. & 16. & in d. l. 46. n. 3.* & Gomez Arias ibi *n. 28.* & aliis relatis à Burgos de Paz Iunior, *q. 6. n. 9.* cæteris tamen omnibus visa est iusta, æqua, & necessaria ad perpetuitatem maiorationum, ne pereant multiplicata æstimatione meliorationum ab vno, aut altero, tertio, vel quarto successore, quam omninò sic multiplicatam soluere nequeat quintus successor, vnde perpetuitas constare non possit, & ex hac ratione iustam dixerunt cæteri & necessariam. Anton. Gomez ibi, *n. 4.* Castillo *gl. 1. Pinel. in l. 1. C. de bonis mat. 2. part. n. 71.* Meneses & Padilla *in rub. de fidei comm. n. 20.* Molin *de Hispan. primog. s. 1. n. 27. lib. 1.* Burg. de Paz Iunior *d. q. 6. n. 10.* Gutier. *q. pract. 81.* & nos *d. n. 44. c. 13.* quam rationem oportet intueri, quia ex illa deciditur sequens dubitatio.

Secundò quærebatur *ad d. l. 46.* an lex illa haberet locum in meliorationibus factis in fortalitiis, mœnibus, aut ædibus maioratus expensis, *in d. l. 46.* an verò lex generaliter sit intelligenda in omni melioratione facta in re maioratus, ita vt illa tria verba non restringant dispositionem dictæ legis 1. sed posita sint vti exempla frequentiora ; & quidem alij putant verba illa tria esse restrictiua ; ita vt reliquæ meliorationes, quæ non reperiuntur factæ in fortalitiis, mœnibus, & ædibus maioratus, subiaceant regulæ, de qua suprà *n. 73.* hi sunt Gom. Arias *in l. 44. Tauri, num. 40. versic. aduerſe,* dicens ita fuisse iudicatum in supremo Senatu. Matienzo *in l. 6. Tauri, verb. 46. tit. 7. lib. 5. recap.* Burg. de Paz Iunior *quest. 7. num. 17.* Aluatus Valascus *de iure emphyt. quest. 25.* Pelæz *de maiorat. 4. part. quest. 33. num. 3.* Burgos de Paz Senior *consil. 3. num. 109. lib. 1.* Anton. Gomez *in d. l. 46. & in l. 40. Tauri, num. 72.* Gutierrez *pract. quest. 82. ad finem,* Celsus *in repertorio, verb. maioratus,* Gutierrez allegat Gregorium *in l. 41. tit. 28. part. 3. in gl. magna, ad fin.* sed Gregor. *in gl. verb. entregado, versic. de infero,* ad maioratum non loquitur, attenta dicta lege 46. sed attento iure communi & partitæ.

Qui sunt in hac opinione, aiunt legem hanc, quamuis iustam, continere tamen summum rigorem, cùm disponat in præiudiciu iuris vxoris circa medietatem meliorationum, & in præiudiciu legitimæ portionis filiis debitæ, vt obseruabat Molina *lib. 1. c. 26. n. 15.* & Burg. de Paz Iunior *q. 7. n. 49.* idèd aiunt non esse extendendam, & debere intelligi ita, vt quantum fieri possit, minimè lædat tertium : aiunt correctoriam legem non esse extendendam, planèque dictam legem 66. corrigere iura omnia à nobis adducta *de expens. & melior. c. 13. n. 43.* esse particularem rationem in fortalitiis, mœnibus, & ædibus,

quæ partim pertineant ad publicum decorem , partim ad publicam utilitatem ; quas rationes congerit Gutierrez *d. pract. q. 82. per totam* , atque his fundamentis diuidunt fortalitia, mœnia, & ædes ab aliis rebus maioratus ; & eum maioratum , qui non habeat mœnia, nec fortalitia , nec ædes , quorum sunt plures in Hispania , relinquunt morti expositum viri , duraturum factis meliorationibus pretiosis soluendis à successore , atque ad eò ipsum maioratum , in quo reperiatur domus , fortalitium , & murus , relinquunt expilandum ab eo , qui in reliquis rebus meliorationes confecerit , dum maioratum retinet donec expensæ soluantur.

Quin quodd ex huiusmodi sensu relinquunt vxoris maioratum expensis adauctum viri , retinendum ab heredibus viri , quoniam lex illa de vxore loquitur ; mihi certè dispar, inæqualis & iniqua decidendi ratio , & quæ non lites consopiat , nec componat , sed excitet maximas & innumeras. Cum enim lex maioratum conseruationi & perpetuitati consuluerit , planè admissò eo sensu , magis mortem & excidium , quàm vitam conciliat. Adauctis enim expensis ab vno & altero successore , fiet profectò , vt facilius sit tertio successorì bona libera emere , quàm expensis solutis in maioratu succedere : adde quòd hic sensus aperit viam successorì , vt fraudet sibi successurum his adauctis expensis.

80 Quare ex hac ratione contrariam sententiam tenent Palac. Rubios , qui adfuit his legibus condendis , atque ob id debet pro multis valere , *in d. l. 46. idem tenet Castillo ibi , & Anton. Gomez n. 1. idem tenet Pinel. l. 1. Cod. de bon. mat. part. 2. num. 61. idem tenet Molina lib. 1. de primog. c. 26. num. 25. item tenuimus de expens. & meliorat. cap. 23. num. 45. idem nouissimè tenet Azeued. qui quæstionem non subterfugit , in l. 6. tit. 7. lib. 5. recop. quorum ea ratio est , quam superius adduximus , ne scilicet corrumpant breuiter perpetui maioratus , nève aperiatur occasio fraudibus & dolis , qua perpetuitas desiderata interdicat.*

81 Qui sunt in hac opinione , nihil faciunt , quòd lex 46. sit correctoria , exorbitans , rigorosa & deuians à iure communi & partitarum. Namque etiam in his legibus ratio ipsa facit , vt dicta lex 46. non solum fortalitia , mœnia , & ædes contineat , sed cæteras omnes res maioratus. Cum enim perpetuitati maioratum consuluerit , eaque pereat admissa priori sententia , planè ita intelligenda est , vt res omnes maioratus adfecerit , ne quod vnâ viâ vitaret , aliâ admiserit , cum in omnibus ratio ipsius legis reperiatur.

82 Quod apertissimè probatur , quia vbicumque ratio legis est amplior dicto ipsius legis , tunc dictum ipsum legis extendi debet ad terminos rationis legis , glossa *in Clem. fin. de election. reputat eam singularem Card. ibi , textus in l. cum pater , §. dulcissimus , vbi Bart. & alij , de legat. 2. Socin. cons. 89. vol. 4. num. 20. vbi inquit , quòd ratio est primum in intentione statuentis , & ex ea infertur dictum , vt in auth. ingressi , C. de sacrosanct. Eccles.*

83 Est siquidem ratio in lege , sicuti anima & spiritus ; eius autem verba sunt corpus , Bald. *in l. si quis seruo , Cod. de furt. & in cons. 49. in 2. part. las. in l. qui quadraginta , ff. ad Trebellianum , & in l. si vnus , §. si cum mihi , ff. de pact. Crotus in l. 2. num. 48. ff. soluto matrimonio , vbi ait , quòd sicut homo consistit.*



ſiſtit ex anima & corpore ; ita lex ex ratione & verbis ; & verba ſunt corpus & ſuperficies ; ratio verò eſt anima ipſius , & illa magis attendi debet , quàm ſuperficies & cortex verborum , *l. ſi de interpretatione , ff. de legibus.* Tiraquell. *in tract. ceſſante cauſa, part. 1. num. 134.* Modò cùm dicta lege 46. voluerit conſeruare maioratus , ne factis expenſis & meliorationibus , eiſque à ſucceſſoribus expetitis , intercidat , quæ eſt ratio ipſius legis , planè obtinere poſterior debet ſententia , & ita intelligendum eſt dictam legem 46. eſſe generalem , & vniuerſè accipiendam in omni melioratione facta in quacunque re maioratus ; atque hi caſus debent intelligi comprehenſi & expreſſi in lege ex rationis identitate , ne otioſa , vana , & inanis lex ipſa remaneat , admiſſa priori ſententia.

Omnia enim , quæ prior ſententia conſiderat *in d. l. 46.* reperiuntur in 84 maioratu , priuat filios legitimâ , ſaltem integrâ ; facit bona alias libera reſtitioni ſubiecta , corrigit iura de ſucceſſione ſcripta , & tamen adhuc habet cauſas fauoris propter perpetuitatem , quod ex multis conſiderat Molina ſtatim in principio , & recipit benignam interpretationem , etiamſi deuiet à iuris communis regulis , vt nihil mirum ſit , admitti in acceſſionibus , quod in maioratu ipſo iura admittunt. Cùm enim dicta lex 46. ad maioratus pertineat , nihil mirum ſi maioratum quoque retineat rationem , cùm acceſſio ex eo recipiat naturam cui accedit , quod proſecuti ſumus latè *de expenſ. & melior. c. 22. num. 25. & 35. & 23. & ſerè per totum* , & notamus *in tract. noſtro de acceſſionibus, in diuiſione.*

Tertia quæſtio erat inter eos , qui legem 46. Tauri exiſtimabant non eſſe 85 generalem , ac tunc quærebant verbum illud , *en las caſas de mayorazgo* , id eſt , domus maioratus , an eſſet intelligendum de domibus principalioribus , vnde maioratus denominantur ; an verò de omni domo , etiam conductitia , quæ reperiatur in maioratu. Mihi quæſtio nullum faceſſit negotium , qui intelligam legem vniuerſè , & generaliter ; & ſi arbiter ſim vocandus inter eos , quibus lex illa reſtrictiuè accipitur , dicam verbum illud accipi pro famoſiori ſignificato , cum Mieres *de maioratu 4. part. quaſt. 33. num. 6.* & facilè diſcedam à ſententia Gutierrez *pract. quaſt. 83.* quia eius fundamenta mihi parum aut nihil concludunt ; ſibi habeant , qui in ea ſententia ſunt.

Quarta quæſtio circa dictam legem 46. ea eſt , an ſcilicet ſi expenſa magna 86 ſit , adhuc ſubueniendum ſit vxori , ſi tamen expenſum ſit in vtilitatem perpetuam maioratus : & quidem Palac. Rubios *in d. l. 46. num. 1.* & Doctor Caſtillo *in gl. 1. Arias Pinel, in d. l. 1. Cod. de bon. mat. 2. part. n. 71. verſ. in qua difficultate* , & alios referens Burg. *de Paz. d. l. 7. num. 27.* & Gutierrez *pract. quaſt. 83. num. 3.* admittunt ſeparationem magnæ & paruæ expenſæ : vt in magna expenſa ſucceſſor maioratus teneatur prouidere vxori , in parua minimè ; & aiunt magnam expenſam dici reſpectu filiorum , quos habuerit ædificans , aut expendens , ex traditis per Ruinum *conſil. 14. lib. 1. num. 3.* & Roland. à Valle *conſ. 28. lib. 1. num. 25.* Ego verò aliter mihi hanc reſoluo quæſtionem , vt ſcilicet quantumvis expenſa magna ſit , ſi modò contineatur intra metas lucri , nihil omninò curandum ſit de vxore. Potuit enim vir aliter lucri illa conſumere impunè : at verò ſi expenſa diminuat dotem vxoris ,

ris, tunc succurrendum vxori censuimus, *de expens. & meliorat. c. 13. n. 48.* ubi quomodo & à quo sit dos consumpta in maioratu vxori reficienda: vide *ibi*. Vnde retentâ hac specie ego meo more arbitror expensam eam esse maximam, vt satisfiat vxori, quæ totam dotem, vel saltem aliquam partem dotis diminuat, ac tunc existimo satisfaciendum vxori: ea verò permanente, cum ad quæstum & lucrum res pertineat, meritò dicta lex § 6. consumptionem lucrorum in rebus maioratus permisisse videtur; atque ita temperandam cenſeo eorum sententiam, quos retuli, & tenebat Gutierrez *diſt. pract. quæst. 86. num. 4.* adducto Burgos de Paz *d. quæst. 7. num. 51. & seq.* sed tamen hunc casum separant à priori de magna & parua impensa; separari tamen non debent, sed coniungi, ita vt magna expensa in hac re, quam tractamus, sit quæ dotem minuat, & refectionem mereatur: parua autem, quæ intra metas lucri contineatur, salua dote, licet aliàs plurimum sit expensum.

- 87 Quinta quæstio erat circa dictam legem § 6. Tauri, an istæ meliorationes factæ in fortalitiis, ædibus, & mœnibus, aut in aliis rebus maioratus, si eius generis sint, vt abradi possint sine damno, & læsione rei, possint abradi, vt diuidantur? & abradi posse, & diuidi inter vxorem & hæredes vici, nisi iusta offeratur æſtimatio, tenuimus *de expens. & meliorat. cap. 12. num. 74.* quod adnotauimus pro tormentis sulphurariis, & machinis bellicis, clypeis, hastis, thoracibus, globulisque ferreis, gladiis & scutis in fortalitiis magnatum relictis, quia abradi possunt. Nec quicquam pertinent ad dispositionem dictæ legis 46. vt ibi diximus; & ibi ostendimus nihil obſtare dictum Baldi *tit. de controuerſ. inueſt. §. si quis de manso, num. 4.* quod concessio castro munitiones videntur concessæ quæ sunt positæ ad defensionem caſtri: & sequitur Alex. & Ias. *in pralud. feud. n. 22.* & Mieres *de maioratu 4. part. quæst. 33. n. 9.*
- 88 *vsque ad num. 15.* quia aliud in concessione, aliud in ademptione in damnum vxoris, cuius sumptu pro sua parte hæc sunt comparata; & quia de his sumptibus qui abradi possunt, nihil locuta est lex 46. idè de his nihil dicere debemus, *l. in prauaricationis, §. fin. ff. de prauaricat. cum vulgatis.* Et hæc sunt verissima pro resolutione huius quintæ quæstionis *ad d. l. 46. Tauri*, atque adèd hi sumptus, qui abradi possunt sine læsione rei, pertinebunt ad lucrum & acquæstum coniugalem, de quo nobis sermo est.

- 89 Sexta quæstio erat circa dictam legem 46. Tauri, an scilicet dispositio eius legis habeat locum non solum in maioratu ex regia facultate instituto, verum etiam in maioratu tertij & quinti instituto iuxta tenorem legis 27. Tauri; item & in anniuersario & capellania? Et in omnibus his procedere diuisionem dictæ legis 46. tenuimus *de expens. & meliorat. cap. 13. num. 46.* & ibi adduximus Didacum *variarum lib. 3. cap. 5. num. 3.* Anton. de Menes. *in rubr. C. de fideicommiss. num. 10.* Molinam *de primog. lib. 1. cap. 1. num. 27.* & tenet Burgos de Paz *Iun. quæst. 6. n. 45.* & Gutierrez *pract. quæst. 85.*
- 90 Septima quæstio circa dictam legem 46. Tauri, ea erat, an ea lex procedat solum in ædificio, aut reparatione facta à possessore, an etiam si fierent hæc meliorationes ab alio, putà tertio, qui ex aliqua causa bona possederit? Ego puto nihil referre, vtrum possessor meliorer, an alius, ex verbis dictæ legis 46. *se hizeren*, quæ sunt verba realia; non enim dicit lex, *que hizeren*



el possessor del mayorazgo, hoc est, quas fecerit possessor maioratus: hæc enim verba erant personalia, ideoque à quocunque fiant, puto legem illam habere locum, quasi dicta lex 46. corrigat textum in *l. fin. §. fin. C. communia de legat.* & legem *domos. ff. de legat. 1.* & quia militat in hoc casu eadem ratio dictæ legis 46. idèò puto contrarium esse verius, contra Burg. de Paz Iunior *d. q. 7. num. 32.* & contra Mier. *de maioratu 4. p. q. 32.* & Pinel. in *l. 2. C. de rescind. vend. 2. part. c. 5. num. 1.* Didac. *lib. 1. variat. c. 17. n. 1.* aliàs daretur occasio fraudandi legem. Facile enim daretur res melioranda tertio occasione emptionis fictitiæ, quod quidem animaduertendum est. Istud verò intelligo non respectu tertij, qui meliorationes fecit (potest enim eas consequi à successore maioratus vendicante rem maioratus, quod ad nostram legem 46. nihil pertinet: & ita intelligo tradita à Didaco, Pinell. & cæteris, quos adduxi: ) sed si successor maioratus vendicans rem maioratus à tertio soluat eidem expensas constante matrimonio, eoque soluto vxor velit sibi refundi partem earum expensarum, quæ solutæ sint constante matrimonio, puto submouendam, ex *l. 46. Tauri.* Tunc enim etiamsi expensæ factæ sint à tertio, quoniam tamen solutæ sunt à marito, ab ipso factæ intelliguntur; ideoque est locus dictæ legi 46. quæ verbis personalibus vsa non est, sed realibus.

Octava quæstio circa dictam legem 46. ea erat, an dicta lex procedat, & 91 habeat locum in præiudicium creditorum ipsius, qui expendit in rebus maioratus. Hanc quæstionem attigit Molina *de primog. lib. 1. c. 10. n. 18.* & ad decisionem ita se restringit, & timidè decedit, vt ferè nihil sensisse videatur. requirit enim pecuniam expressè mutuam & creditam ad refectionem rei maioratus, & in eo consumptam, atque adeò in vtilitate permanentem; ac tunc quidem adhuc ait maturiùs considerandum. Ab hac autem tam timida decisione recedit Burgos de Paz Iunior *d. quæst. 7. n. 49.* & animosiùs existimat quorumcunque creditorum esse ius contra successorem, vt veram hanc credit sententiam Gutierrez *pract. quæst. 84.* quæ mihi displicet, ex his quæ à me adducuntur *de expens. & meliorat. cap. 16. n. 10.* vbi latè diximus, & ibi videre poteris. Rationes enim adductæ à Gutierrez magis vrgent ad dolum & fraudem: ac tunc quidem, an prosequantur rem omninò liberam ab obligatione & actione: tu videris, nos diximus *d. n. 10. & 19.*

Nonò quærebant circa dictam legem 46. si possessor maioratus bona re- 92 liquisset libera, an vxor, quæ nomine bonorum lucratorum nihil esset consecuta, nihilominus posset à successore in bonis liberis hæreditario tantùm consequi, quantum nomine lucri fuisset habitura: quod est querere, an vxor habeat in casu dictæ legis 46. recursum contra successorem hæreditarium in bonis liberis? Et quidem Ayora *de diuis. bon. part. 1. cap. 10. n. 4.* tenet securè posse consequi à successore hæreditario viri expensas illas pro sua parte, quia dicta lex 46 nihil loquitur de hoc hærede, nihilque aliud adducit. At verò Matienzo post Burg. de Paz Iunior, quem ipse refert, relinquunt cogitandum, & est Paz in *q. 8.* & Matienzo in *d. l. 6. tit. 7. lib. 5. recop.* idem facit Gutierrez *dict. quæst. 84. num. 3.* At verò Castillo in *dict. l. 46.* tenet contrarium, vt scilicet vxor nihil consequatur ab hærede viri. Ego tamen

M

facile

facile adhæreo Castillo, qui videam obligationem hanc ad exigendas huiusmodi expensas peremptam à lege, & concessam facultatem liberam marito lucrorum in bonis maioratus; & quia mihi iniustum est, vt mulier dote sua integra de lucris non extantibus portionem petat; sunt enim illæ meliorationes beneficio legis 46. Tauri, quasi non extantes, nec in bonis mariti, nec hæredum eius, veluti si aleis, aut scortis, aut aliter vir consumpsisset. Hic in ea sententia est cum Castillo contra Paz; tu candide lector cogita, & elige melius.

Et sic habeto, vxorem habere quidem medietatem lucrorum, quæ resultant ex meliorationibus, tanquam acquæstus coniugalis; at verò si hi sumptus fiant in rebus maioratus, sic existima nihil eorum, quæ diximus, pertinere ad vxorem, propter legem 46. Tauri, cuius præcipuas dubitationes tibi adduximus utcumque explicatas.

93 Inde est, vt vsusfructus consolidatus cum proprietate ex causa ipsius proprietatis & rei, ad eum pertineat, ad quem res & proprietas pertinet, nec quicquam ad acquæstum coniugalem, nec ad communionem & lucra; hanc tenent Palac. Rubios *in repet. rub. §. 62. num. 13.* Anton. Gomez. 2. tom. *variariar. cap. 15. de seruitut. num. 19. & in l. 53. Tauri, num. 78. & in l. 70. n. 28.* Didacus *in 4. part. 2. c. 7. §. 1. num. 9.* Perez *in l. 4. tit. 4. lib. 5. ordin. Greg. Lopez in l. 18. tit. 11. part. 4. verbo, ò estimanda no fuesse, & nos tenuimus de expens. & meliorat. cap. 22. num. 70.* tenet Gutierrez *pract. quæst. 116. num. 1.* Ayora *de partit. bonor. c. 8. part. 1. n. 20. & 21.*

94 Quod quidem ex ratione probauimus *vbi supra*, quia acquisita ex titulo & causa alicuius rei, fiunt eius, cuius res illa est, cuiusque titulo & causâ acquisita sunt, quod latè probauimus *dict. cap. 22. per totum.* Vnde *d. cap. 22. num. 10. vers. ex quo infert Didac. Conar.* dicebamus, quod si vsusfructus non consolidetur occasione ipsius rei, & ex titulo causâ rei ipsius, titulo emptionis, aut alio oneroso, quod talis vsusfructus erit communis viro & vxori: ita resoluit Didacus *vbi supra n. 9.* & nos *d. vers. ex quo infert.*

95 Quod si adhuc vsusfructus venditus sit, hoc est, commoditas illa, vt ad proprietatem redeat, habebit hanc commoditatem is, cuius res est; at verò æstimationem soluet alteri coniugi: ita resoluiamus *dict. vers. ex quo infert D. Conarrun.*

96 Sed an æstimatio facienda sit iuxta legem *hereditatum*, aliàs *computationem*, ff. *ad leg. falcid.* an verò iuxta legem *si quis argentum*, §. *sin autem donator, vers. in redditibus*, maximè controuersum est. Vide Albericum, & Cynum *in d. §. in redditibus*, & Bald. *in l. quoniam in prioribus*, C. *de ineffic. testam.* & Didac. *variariar. lib. 3. c. 9. n. 5.* vbi latissimè.

97 Quæ omnia eam recipiunt interpretationem, vt quamuis vsusfructus consolidatus occasione rei pertineat ad eum, cuius res est, id sit quidem verum in hunc modum, vt scilicet in diuisione bonorum soluto matrimonio vsusfructus ei cedat, cuius rest est. Namque constante matrimonio fructus percepti ad vtrumque pertinent, & sunt communes; idque vniuersum est in omni re, etiam in peculio castrensi, aut quasi, nemoque de hoc ambiget; & est nobis lex 4. *titul. 8. lib. 5. recopilation.* quæ generaliter hoc decidit, & hoc



hoc est quod multis verbis inculcat Ayora *de partit. cap. 8. num. 20. & 21.*

Præterea & illud ad quæstum coniugalem minimè pertinet, si maritus aut 98  
 vxor habeant feudum aut emphyteusiu ante matrimonium, & demùm con-  
 stante matrimonio aliquid huic feudo aut emphyteusi accedat occasione ip-  
 sius feudi, aut emphyteusis, & ex causa & titulo ipsius, quia ad eum res illa  
 accedens pertinet, ad quem pertinebat emphyteusis, aut feudum: ita resol-  
 uimus *d.c. 22. num. 11. de expens. & meliorat.* cum Didaco Couarruu. contra  
 Ioan. Lupum de Palac. Rub. *in rub. § 62. num. 13.* in quo etiam illud aduer-  
 timus, quòd si res accedat pretio, tunc æstimationis fiat satisfactio alteri con-  
 iugi ratione acquæstus pro sua parte, vt diximus *n. 95.*

Item dicimus nihil pertinere ad acquæstum coniugalem rem vsucaptam 99  
 ab altero coniuge constante matrimonio, si demùm vsucapio cœpta ante  
 matrimonium perficiatur constante matrimonio. Namque hæc habent ori-  
 ginem præteritam, & eius demùm sunt, cuius omninò futura erant, si ma-  
 trimonium nullum intercessisset: tenent Pal. Rubios *d. §. 62. num. 10.* Didacus  
*ubi supra, 2. parte, c. 7. §. 1. num. 10.* Molina *de primog. lib. 1. cap. 26. num. 10.*  
 & nos tenuimus *de expens. & melior. cap. 22. num. 12.* & est verissimum ex ea  
 ratione, quam adduximus *d. n. 12.*

In retractu quoque iure sanguinis idem recipiendum est cum Castillo *in* 100  
*l. 70. Tauri*, & Anton. Gomez *ibi*, *n. 28.* vt res quidem ad acquæstum non  
 pertineat, & tamen pecunia redemptionis & retractus pertinet: & sequitur  
 Didacus Perez *in l. 4. tit. 4. lib. 5. ordinam.* & placet Matienzo *in l. 7. gloss. 12.*  
*num. 10. tit. 2. lib. 5. recop.* & Gutierrez *pract. quæst. 116.* & nos tenuimus *de*  
*expens. & meliorat. cap. 22. num. 13. & 14.* contra Auendañum *responsio 39.*  
*per totum*, & attingit Molina *d. lib. 1. c. 26. num. 8.* tenet Greg. *in l. 18. tit. 11.*  
*part. 4. gloss. verbo*, è *estimanda no fuisse*, Palac. Rubios *in d. §. 62. num. 13.*  
 vbi hi tenent, quòd hoc habet locum, etiamsi res retracta multò pluris sit  
 cum retrahitur, quam fuerit vendita; & quòd hæc omnia habent etiam lo-  
 cum in retractu ex pacto de reuendendo, quod est verissimum, ex Didaco, &  
 Palac. Rubios *ubi supra.*

Quæri solet an res donatæ vxori à consanguineis viri, aut viro à consanguineis 101  
 vxoris, pertineant ad acquæstum coniugalem & lucrum; si verò minùs  
 ad lucrum pertineant, cuius tandem futuræ sint in diuisione bonorum: an  
 viri, cuius contemplatione dantur; an verò vxoris, cui donatio ipsa fit; &  
 contra in casu contrario quando viro donantur contemplatione vxoris, res  
 dubia est, sed à plurimis scripta & controuersa. Nos, qui aliud agimus, bre-  
 uiter expedietur, quid in hac re sentiamus: & primùm asserimus has dona-  
 tiones omninò nihil pertinere ad quæstum coniugalem & lucrum, totam  
 autem dubitationem in eo esse, ad virum, an ad vxorem pertineant, si con-  
 templantatione vnus alteri sit donatum.

Et quidem quætionem attingunt Bart. & reliqui *in l. sed & si plures*, §. 102  
*in arrogato. ff. de vulgari*, vbi nouissimè las. *in fin.* & ante eum Raph. Cu-  
 man. *consil. 73.* idem disputat Alexand. *ibi*, & Paulus & Baldus *in l. cum te,*  
*Cod. de donat. ante nuptias*, Abbas *in cap. sedes, de rescr.* idem Bart. *in l. an-*  
*nua*, §. 1. *ff. de annuis legatis*, Cagnolus *in l. contractus*, num. 38. *ff. de regulis*

*iuris*, Julius Clarus *lib. 3. recept. sentent. §. donatio, quest. 10.* Corneus *consil. 81. vol. 1.* Decius *in l. ut liberis, de collat. decisiones Rotæ antiquæ, 1. de donat. inter virum & uxorem, Roland. à Valle consil. 10. lib. 1.* Capra *consil. 31.* Alciat. *regul. 1. præsumpt. 18.* Zasius *lib. 2. singular. intellect. c. 9.* Bald. *consil. 16. vol. 4.* Rom. *consil. 127.* Angelus qui distinguit in quaestione, *in d. §. in arrogato*, Palacios Rubios *in rub. de donat. §. 45.* Segura *in l. 1. §. si vir uxori, num. 92.* Anton. Gomez *in l. 50. Tauri, num. 67.* Caldas Pereyra à Castro *in repet. l. si curatorem habens, verb. lasis, n. 117. C. de integrum restit.* Gutierrez *pract. quest. 120.* Ayora *de partit. bonor. 1. part. quest. 8. n. 9.* Azevedo *in l. 3. & 4. tit. 9. lib. 5. recopil.* Manuel Mendez de Castro *ad l. cum oportet, C. de bonis quæ liber. 1. part. verb. ex eius substantia, num. 9.*

103 Et quamvis dixerimus, Scriptores omnes, qui quaestionem hactenus attigere; hi tamen non sunt concordia consensu in eadem sententia, sed alij aliam sequuntur. Angelus diuidit & distinguit; rursus Alexander distinctionem destruit; proinde res omninò dubia liberam cuiusque sententiam admittit, quæ cum iudicio utilis reipublicæ sit, ex fundata tamen iuris ratione. Nam primùm Bartol. Alexand. & Ias. *in d. §. in arrogato*, tenent rem donatam à consanguineis viri uxori, esse perinde, ac si ab ipso viro donata esset, ac subinde mortua uxore superstite viro, à viro recuperari, & ad eum pertinere; quod si vir præmoriatur, morte confirmari donationem, iuxta textum *in l. donationes quas parentes, C. de don. inter virum & uxorem.* cùm præsertim traditio præcedat, iuxta legem Papinianus, & *l. cum hic status, ff. eodem*: tenent cum Bartol. Paul. & Corneus *in d. l. cum oportet, num. 4.* Alexand. Ias. & reliqui *in l. ut liberis*, & ibi Ias. *n. 17.* dicit magis communem: idem dicit ibi Romanus Angelus *in §. fuerat, Instit. de actionibus, num. 42.* Anton. de Butrio *consil. 7. in 2. dubio*, Iul. Clarus *recept. sentent. quest. 10. num. 2. §. donatio.* Cap. *consil. 31.* Baeza *de dotib. c. 30. num. 4.* Palac. Rub. *in rubr. §. 45. num. 2. & 19.* Segura *in l. 1. §. si vir uxori, num. 92. ff. de acquirenda possess. & tanquam verius cum multis resoluit Anton. Gomez in l. 50. Tauri, num. 67. & Roland. à Valle d. consil. 10. num. 8. volum. 1.* Caldas Pereyra de Castro *in l. si curatorem habens, verb. lasis, Cod. de in integrum restit. num. 115. versicul. inde infero ad donata à consanguineis.* Ayora *de partit. 1. parte, quest. 8. n. 19.* Rotæ decisio 1. *de donat. inter vir. & uxorem inter decisiones Bisigneti.* Simancas *in Instit. Cath. c. 9. num. 16.*

104 Mouentur hi omnes ex ea ratione, quia in iure, quod ab aliquo patre donatur filio, seu ab alio contemplatione ipsius patris, dicitur ab ipso patre donatum, & ad profectitium peculium pertinet, non verò aliunde aduentitium, quod probant Bart. *in l. cum oportet, C. de bon. quæ liber. n. 1.* Ias. *in §. actiones autem, n. 18.* & Gomezius ibi, *n. 16. Instit. de act. glossa & Aretin. in §. igitur, verb. ex re, per quas personas acq. eod.* Corrasius *in l. frater à fratre, 1. part. n. 62. de condit. indeb.* Nauarrus *in Manuali c. 17. n. 147.* & Montalvus, & Greg. *in l. 9. tit. 5. part. 6.* & resoluunt omnes, quos superiùs adduxi.

105 Mouentur item ex *l. aditio, vers. ultimo*, ibi, *propter me, ff. de acquir. hered.* vbi liber homo, qui mihi bona fide seruit, si propter me instituitur hæres, non ex opera sua mihi acquirit, sed ex re mea.

Mouentur



Mouentur ex l. *sed & si quid*, 26. ff. de usufructu: Sed & si quid, inquit Vlpianus, donetur seruo, in quo usufructus alterius est, quaritur quid fieri oporteat, & in omnibus istis, si quid contemplatione fructuarij ei relictum, vel donatum est, ipsi acquiratur; si verò propriarij, sine ipsius serui, acquiratur domino: nec distinguemus unde cognitum eum, & cuius merito habuit, qui donauit, vel reliquit: qui textus est elegantissimus ad propositum.

Mouentur ex l. *sed si plures*, §. in arrogato, ff. de adopt. ibi: Ego etiam amplius puo, & si quid beneficio arrogatoris acquisiuit, & hoc substitutum posse habere, reputa si arrogatoris amicus, vel cognatus ei aliquid reliquit: concordat dicta lex 9. tit. 5. part. 6.

Mouentur ex textu in l. *dotem dedit*, 6. de collat. bonor. vbi dos data ab auo paterno, perinde est, ac si pater dedisset, & filiâ mortuâ ad eum reuertitur. Dotem, inquit Celsus, quam dedit auus paternus, an post mortem aui mortuâ in matrimonio filiâ patri reddi oporteat, quaritur? Occurrit æquitas rei, ut quod pater meus propter me filia mea nomine dedit, perinde sit, ac si ipse dederim: quippe officium aui circa nepotem, ex officio patris erga filium pendet: & quia pater filia, ideo auus propter filium nepoti dotem dare debet.

Mouentur ex textu in §. *igitur liberi*, Institut. per quas personas nob. acq. ibi: Quæ enim inuidia est, quod ex patris occasione profectum est, hoc ad eum reuerti, ponderando verbum illud, Ex patris occasione, cum superius dixisset, ex re patris, quasi extensa decisione eius paragraphi.

Mouentur ex l. *profectitia* 1. §. 1. ff. de iur. dot. ibi: Quid & si quis patri donaturus dotem dedit: Marcellus libro 6. Digestorum scribit, hanc quoque à patre profectam esse, & est verum.

Mouentur item textu in l. *si quid earum*, versic. in quib. ff. de legat. 3. vbi si maritus legauit vxori, quæ sui causâ comparata sunt, veniunt ea, quæ socer nurûs nomine comparauit.

Mouentur ex textu in *auth. in donatione*, C. de secundis nuptiis, vbi si mulier recepit donationem propter nuptias à tertio contemplatione ipsius mariti, tenetur filiis eius matrimonij reseruare.

Ex quibus verissimam existimo interpretationem Pauli de Castro in d. §. 106 in arrogato, num. 4. ut hæc communis opinio procedat, quando matrimonium soluitur morte mulieris: nam tunc donatio facta à marito reuocatur. Cumque iuris intellectu hæc donationes factæ sint à marito, ut patet ex iuribus suprà adductis, meritò reuocabuntur morte vxoris: si verò coniux ipse præmoriatur præcedente traditione, ex l. *Papinianus*, de donat. inter virum & vxor. morte confirmatur, & est interpretatio conformis iuribus, & legibus, de quibus suprà, nemoque ab ea recedit, & est necessaria, & necessariò consequitur ad receptam sententiam, quæ cum iuribus suprà adductis donationem viri eam esse dicunt. Gutierrez contrarium existimabat d. pract. 7. 20. num. 11. à quo in hac re facillè recedo; quia si hæc donationes fiunt viro, non vxori, frustra iura de vxore agunt, etsi à viro donata existimant: ergo iura quæ de donationibus inter virum loquuntur, meritò habebunt locum in hoc genere donationum, quæ vel marito fiant, vel vxori certè à marito reperiantur factæ, & verè retenta hac communi opinione, scilicet, quòd data vxori ab amicis &

cognatis mariti censeantur data à viro, postquam à viro eius consensu donantur vxori, nequit non habere locum ius illud de confirmata donatione morte viri, *l. donationes quas parentes, & d.l. cum hic status, ff. de donat. inter virum & uxorem*; nisi intelligas donationem nunquam fuisse factam vxori, sed viro, quantumvis intercesserit vxor; quod mihi est difficillimum, propter verba legum *in dict. l. sed & si quis, ibi, donetur seruo*; & *in d. §. arrogato, ibi, si quid beneficio arrogatoris acquisiuit*; & rursum *ibi, ei aliquid reliquit*; & clarius *in d. l. dotem, ibi, quem dedit avus paternus*; & *in d. l. profectitia, §. 1. ibi, dotem dedit*; & hanc tenent Caldas vbi suprâ, *vers. inde inferens*: idem expresse tenet Emanuel Mendez de Castro vbi suprâ, *1. part. verb. ex substantia, n. 9.* idem tenet Anton. Gomez *in d. l. §. 0. num. 67.* & hoc est rationi convenientissimum, siquidem ex hac communi sententia hæ donationes ab aliis factæ vxori, ita factæ intelliguntur, quasi à viro fierent: & reuerà à viro factæ vxori intelliguntur.

107 Hinc etiam retenta hac communi opinione, quod scilicet donata sponsæ aut vxori à cognatis viri, censentur donata à viro, facile defendi potest & debet. Anton. Gom. *in l. §. 0. Tauri, num. 57.* vbi ait, quod xenia data sponsæ tempore sponsaliorum, vel ipso die nuptiarum à cognatis & consanguineis viri, censentur donata à viro, & ab eo profecta, & quod iudicabitur sponsalitia largitas, & per consequens lucrabitur medietatem per osculum, & per copulam lucrabitur totum; & si nihil horum interuenerit, nihil lucrabitur. Certè opinio hæc ei, qui communem tueatur, est verissima, quoniam à viro hæc xenia profecta iuris intellectu censentur; & quamuis Gutierrez ab Anton. Gomez recedat *dict. quasi. 120. num. 10.* certè retenta communi opinione meo iudicio negari non potest, quoniam à viro profecta intelliguntur, vt diximus; & ita in hoc puto Gomezij sententiam tenendam, retenta communi opinione, quæ data à consanguineis profecta à marito asserit, ex dictis iuribus, de quibus *suprà*, & ad propositum allegat Anton. Gomez *d. §. in arrogato*, vbi bona donata à consanguineis, à patre arrogante videntur donata, & *l. 3. §. fin. ff. de donat. inter virum & uxorem*. vbi donatum à tertio, quod aliàs donandum erat viro, si donetur vxori, à viro videtur donatum, & pertinet ad donationem inter virum & uxorem, itaque ratio ea est, quam non enervat Gutierrez meo iudicio, quia hæ donationes à patre aut viro in nostro casu censentur profectæ, & donatio ab ipso iuris intellectu fit.

108 At verò hæc communis opinio cum Bartol. *in d. §. in arrogato*, quæ tenet donata vxori à consanguineis viri, ab ipso viro videri donata, ac subinde ipsius fieri, à suis authoribus seipsam exponit, vt scilicet contemplatione viri facta donatio intelligatur, si in ipsa donatione fiat mentio viri, vtputa, *por estar casada con Titio vuestro marido*, id est, propter consanguinitatem quæ mihi est cum Titio coniuge tuo, Bart. *in l. filiofamilias, in 2. num. 1. ff. de don. caus. mort.* & *in l. fin. C. de usufructu*, & *in l. cum aliquis, num. 3. C. de iur. delib.* sequuntur Alex. & Ias. *in d. l. cum aliquis*, Corraus & Crotus *in l. frater à fratre, Cod. de cond. indeb. n. 4.* Pal. Rubios *in repet. rubr. §. 47. num. 7.* Afflict. *in c. 1. num. 11. de alienat. feud.* Costa *lib. 2. select. c. 17.* Caldas Pereyra *in l. si curatorem habens, verb. lafis, num. 115.* Natta *cons. 363. num. 11. vol. 2.*

quæ



quæ est vera, licet Palac. Rubios §. 45. n.6. dicat procedere opinionem Bartoli, etiamsi mariti nulla fiat mentio, dum ab ipsius consanguineis fiat. Atque ita communis opinio restat cum Bart. in d. §. in arrogato, quam Ias. ibi & Alex. latè defendunt, & dicunt omninò non esse recedendum à Bart. idem aiunt Paul. & Corneus in l. cum oportet, C. de bon. quæ lib. num.4. idem dicit Segura in l.1. §. si vir uxori, n.92. ff. de acquir. possess. idem dicit Anton. Gomez in dict. l. 50. Tauri, num.67. idem dicit Rol. à Valle consil. 10. num. 8. volum. 1.

Contra Bart. tamen & communem tenuerunt Raphael Cumanus, & Aretin. in d. §. in arrogato, & dicit Aretinus, quod sententia Bartoli est magnus error, & quod Bart. loquitur contra plures leges, & quòd donatio facta uxori à consanguineis viri, statim valet nullâ expectatâ morte, & quòd statim acquiritur uxori, & similiter donatio facta viro à consanguineis vxoris. Contra Bartolum tenet Angelus, & Romanus in l. ut liberis, C. de collat. & ita consuluit Roman. contra Bart. in consil. 171. tenet contra Bartolum Salycetus in l. nec inter, Cod. de donat. inter virum & uxorem, & in l. si sponsus, §. si donat, ff. eodem: contra Bart. tenet Alciatus d. præsumpt. 18. reg. 1. contra Bart. & communem tenet Zasius lib.2. intellect. sing. cap. 9. contra Bart. inclinât Caldas Pereyra dicto verb. lafis, num. 117. & tenuerunt Bald. consil. 316. & tenet hanc Manuel Mendez de Castro ad l. cum oportet, C. de bonis quæ lib.1. part. verb. ex eius substantia, n.9.

Allegant omnes contra Bart. textum in l. si seruus communis, ff. de donat. inter virum & uxorem, ibi: Si seruus communis, inquit Alphenus, viri & fratris eius, puerum donauerit uxori fratris, pro qua parte is seruus, qui donasset, viri esset, pro ea parte munus non esse factum mulieris respondi. Idem iuris esset si ex tribus fratribus vnus uxorem haberet, & rem communem uxori donasset; nam ex tertia parte mulieris rem factam non esse, ex duabus autem partibus reliquis, si id scissent fratres, aut postquam donata esset, ratum habuissent, nihil debere mulierem reddere. Ecce donationem à consanguineis viri factam uxori, & efficitur vxoris, Allegant contra Bart. & est allegatio Aretini, textum in l. si constante, C. de donat. inter virum & uxorem, ibi: si constante matrimonio ibi mater domum tradidit, in tuis bonis fecit. Vbi mater filio donat in potestate viri affectu vxorio, & valet donatio, & ibi glossa refert hanc donationem ad virum, cum filius ei acquirit, & ait mero iure non valere, sed confirmari morte, d.l. Papinianus, ff. eodem, l. donationes quas parentes, Cod. eodem: allegat idem Aretinus, legem si te in vacuum, Cod. eodem. Si te in vacuum possessionem prædij socrus tua titulo donationis ante matrimonium, vel post induxit, ad rescindendam donationem pœnitentia nihil proficit: qui textus clarè inducitur pro Aretino contra Bartol. ex ipsius verbis. Allegat Salycet. contra Bart. textum in l. nec inter, Cod. de donat. inter virum & uxorem, à contrario sensu, vbi donationes valent inter eos, qui sibi inuicem subiecti non sunt. Cum ergo consanguinei viri non sint inuicem subiecti cum eius vxore, sequitur quòd donatio inter eos valida est. Allegat Alex. contra Bartolum, licet eum sequatur, textum in l. cum his status, §. oratio, ff. de donat. inter virum & uxorem, vbi idem probatur, quod in dict. l. nec inter. Allegant

contra Bart. textum *in l. si mater vestra, Cod. de donat. ante nuptias*, ibi: *Si mater vestra filia sua sponse vel marito pradia sine ulla repetendi lege donauit, & eum in vacuam possessionem induxit, nuptiis diuortio solutis, perfecta non dissoluitur donatio*: cuius textus inductio est clarissima contra Bartolum.

111 Adducit Raphael Cuman. *in d. §. in arrogato*, rationem contra Bart. de donatione facta Ambassiatori, hoc est, Legato communitalis contemplatione ipsius communitalis; & tamen talis donatio fit Legato, & reassumit Palac. Rub. *ubi supra, §. 45. num. 6.* & agnoscunt nouiores, Gutierrez *d. pract. q. 120. n. 5.* Azeuedo *in l. 3. & 4. tit. 9. lib. 5. recop. num. 9.* in qua tamen re, vt ait Alex. *in d. §. in arrogato*, recurrit ad qualitatem rei donatæ Ambassiatori, vt si magis conueniat Legato, ipsi censeatur datum; si verò ex qualitate & quantitate magis conueniat communitati, aut Principi mittenti, ipsi censeatur datum, non Legato, ad quod est opportuna lex *Diuus, C. de bonis damnat.* quam ad hoc allegat Alex. *in d. §. in arrogato. n. final. ad fin.* vbi ait, quod hanc distinctionem tenent Doctores, & sunt addendi his quos retuli.

112 Allegant hi Doctores Hispani secuti Palac. Rub. contra Bartoli sententiam, id quod scriptum reliquit Suarez noster *in tit. de las ganancias, 3. limitat.* & iterum *in 7. limitat.* quod donatum socio occasione societatis, fit ipsius socij Palac. Rub. *d. §. 65. num. 65.* & est glossa magna *in l. 3. tit. 10. p. 5.* & sequuntur Gutierrez, & Azeued. *ubi supra.*

Vltimò hi Doctores Hispani secuti Ioan. Lupum de Palac. Rub. *ubi supra, §. 43. num. 1.* & post eum Gutierrez, & Azeued. qui quæstionem non subterfugit, *ubi supra*, in hoc Regno contra Bartolum expendunt verba textus *in l. 3. tit. 9. lib. 5.* in sua generalitate, ibi: *O donacion de señor, ò de pariente, ò de amigo*; licet ipsi aliam secuti sint decidendi rationem, de qua lege infra *n. 115.*

113 Hactenus duæ opiniones contrariæ cum Bartolo, & contra Bart. & vtriusque fundamenta. Angelus verò *in d. §. in arrogato*, tenebat quandam distinctionem, scilicet an res donata à consanguineis viri conueniat tantum mulieri, vt quia est res destinata pro ornamento capitis mulieris, aut quia est ornamentum muliebres; & existimat, quod erit propria mulieris: aut conuenit tantum viro, vt quia donantur gladius, scutum, equus phaleratus; & ait quod erunt tantum viri: aut donantur res indifferentes, & hoc casu ait procedere dictum Bartoli, quam Angeli distinctionem sequuntur nouiores. Gutierrez *d. q. 120. n. 14.* & tenet Azeuedo *in d. l. 3. & 4. tit. 9. lib. 5. num. 10.* alios ipsi allegant. Sed tamen opinio Angeli displicet Imolæ & Alexand. *in d. §. in arrogato*: & hanc contra Angel. defendit Alex. *n. 13.* & cum hac Alexandri opinione transit Palac. Rub. *d. §. 45. n. 8.* quæ reuerà non est vera; & Ias. transit eum opinione Angeli, quæ tamen habet præcipuum fundamentum *in d. l. Diuus, ff. de bon. damnat.* vbi ex qualitate rei iudicamus, quid cuique concessum & donatum sit; mihi nec probatur, nec improbat; aliunde enim puto rem decidendam.

Quæstio principalis ex mente & verbis scribentium decidenda est ex iure scripto, cumque ius varium sit, vt constat ex fundamentis vtriusque opinionis; idè operæ pretium est, ea aggredi, atque hanc operam egregiè præstant nobis Alex. & Ias. *in d. §. in arrogato*: aduertenda tamen sunt aliqua, ne confusa sit resolutio confusæ disputationis.



Et primùm , quod si tempore nuptiarum & sponsaliorum , aut constante 114  
matrimonio aliqua ab amicis vel extraneis donantur vtrique , quod quotidiana  
est , hæc dona pertinent ad quæstum coniugalem , & ad lucrum con-  
stante matrimonio quæsitum ; & sunt communia , atque hunc casum , prate-  
rea quoddam est indubitatum , tenet Anton. Gomez in l. 50. *Tauri*, n. 67.

Si verò à consanguineis viri donantur viro , vel à consanguineis vxoris 115  
vxori donata reperiantur , planè nihil pertinent hæc dona ad quæstum coniu-  
galem , nec ad lucrum , sed fiunt eius cui donantur ; & praterea quod hoc  
quoque est indubitatum , tenet Anton. Gomez d. n. 67. in d. l. 50. & ita intel-  
ligo legem ; *tit. 9. lib. 5. recop.* quæ non potest aptè applicari ad quæstio-  
nem principalem , de qua *suprà* , etiam si Pal. Rub. & cum secuti Gutierrez  
& Azevedo , vt diximus *suprà* num. 112. *versic. ultimò* , applicent dictam le-  
gem Regni ad opinionem contra Bartolum. Lex enim loquitur de donatis vi-  
ro ab amicis aut consanguineis suis ; quæstio verò nostra principalis versa-  
tur in casu diuerso , scilicet in donationibus factis viro à consanguineis vxo-  
ris , & eiusdem respectu ; aut vxori à consanguineis viri , eiusdem occasione ,  
iuxta speciem propositam in d. §. in *arrogato* , de quo nihil prædicta lex 3.  
agit , quod eò aduertimus , vt excludamus hunc casum , & hanc legem 3. à de-  
cisione propositæ quæstionis , totaque ea remaneat in mera iuris dispu-  
tatione.

Quod pertinet ad quæstionem propositam , quæ versatur in casu tertio , sci- 116  
licet quando consanguineus viri donat vxori respectu viri ; aut consanguineus  
vxoris donat viro occasione & respectu vxoris ; ego teneo cum Bart. à  
quo , vt inquit Ias. in d. §. in *arrogato* , in hac quæstione durum esset in præ-  
ctica recedere , & ait Alex. ibi , num. 13. *versic. tamen his non obstantibus* ,  
quoddam in hac quæstione est residendum cum Bartolo , cui nullo modo videtur  
benè responsum ; atque cum Alex. Ias. & reliquis , qui Bartolum sequuntur ,  
totum negotium versabitur in responsione ad ea , quæ contra Bartol. & com-  
munem adducuntur.

Et in primis opinio Bartoli , vt diximus , procedit , vt ipse ait in d. §. in *arroga-* 117  
*to* , num. 4. concurrentibus duobus , scilicet quoddam donatio sit facta à consan-  
guineis viri , & etiam viri contemplatione ; & quidem viri contemplatione , à  
consanguineis item viri censetur facta donatio vxori , vt diximus *suprà* , n. 108.  
si in donatione fiat mentio viri : exempla posuimus *dict. n. 108. supra* , ibi vi-  
de. Itaque debent concurrere hæc duo , hisque duobus concurrentibus pla-  
na , vera , necessaria & utilis est doctrina Bart. in d. §. in *arrogato* , n. 4. à qua  
vti dicebat Ias. durum est recedere in præctica , vt diximus proximo numero.

Vnde si simpliciter fiat donatio vxori à consanguineo viri , planè dicam  
non esse factam donationem contemplatione viri , quia de eo nulla facta est  
mentio in donatione ; & hic est sensus Bartoli , vt diximus d. num. 108. Vnde 118  
hæc duæ donationis conceptiones differunt , *dono tibi Seja centum* , vel *dono*  
*tibi Seja vxori filij mei centum* ; quia in altera non est filij contemplatio , ideo-  
que vxori quæritur ; in altera filij mentio est , ideoque eius contemplatione vi-  
deretur facta ; debetque Bartolus intelligi ex eiusdem verbis , & suppleri ex  
aliis , quos adduximus d. n. 108. & est mens dicti §. in *arrogato* ; quæ ex verbis ,

& suppleti ex aliis, quos adduximus *d.n.* 108. & est mens dicti §. *in arrogato*; quæ ex verbis ipsius satis colligitur subtilius intuenti & expendenti verba Iurisconsulti, ibi, & si quid beneficio arrogatoris. Ex quibus verbis patet, apertè debere constare accidisse donationem beneficio arrogatoris; constare autem poterit, si in ipsa donatione arrogatoris mentio facta sit, ex adductis *d.num.* 108. & hæc fuit mens Bartoli, & eorum, *d.n.* 108. & Alex. & Ias. *vbi supra*, vt videas quàm longè abeant nouiores à vera ratione iuris, quàmque aliter intelligant Bartolum, quàm ipse sese intellexerit, quàmque intellexerint adducti à nobis *d. n.* 108. vt obiter aduertas, immeritò Ioan. Lupum de Palac. Rubios *in rubr. de donat. inter virum & vxor.* §. 45. num. 6. extendisse dictum Bartoli, etiamsi de viro, cuius contemplatione facta fuit donatio, mentio facta non sit. Debet enim *ex d. §. in arrogato*, constare viri contemplatione factam fuisse donationem, idque variis modis constare potest, vel testibus, qui de animo donatoris deponant, vel confessione ipsius, *arg. l. quaro, ff. de adilitio edito*; vel quia in ipsa donatione facta fuit viri mentio, aliàs nunquam existimabo contemplatione ipsius factam donationem, sed simpliciter.

119 Hinc patet rectè Imolam & Alexandrum recessisse ab opinione Angeli *in d. §. in arrogato*; qui distinguebat, vti diximus *suprà num.* 113. siue enim res conueniens vxori donetur, si ea donata sit contemplatione viri, ipsi quaritur, & ab eo facta censetur donatio; si conueniens viro, quia à consanguineo vxoris donata, vxori acquireretur, ex superiùs adductis, probata contemplatione, scilicet quod beneficio alterius datum sit, aut testibus, aut confessione, aut serie donationis, scilicet quòd in ipsa eius mentio facta sit, cuius contemplatione facta sit donatio. At verò Gutier. Hispanus *d. quest.* 120. n. 14. & Azcued. *d.l. 3. tit. 9. lib. 5. recop. n. 10.* sequuntur Angeli distinctionem: ego sequor Imolam & Alex. meo iudicio melius sentientes, obseruatis his, quæ diximus *proximo numero*, & Bartoli, & Iurisconsulti opinione *in dicto §. in arrogato*.

120 Cum enim Iurisconsultus *in d. §. in arrogato*, præsupponat beneficio arrogatoris factam fuisse donationem, ac eo præsupposito decidat planè, vt dictum habeat locum, oportet probare præsuppositum; ita argumentatur Rolandus à Valle *conf.* 10. n. 14. *vol. 4.* ex Fulgoso, Paulo, Salyceto *in l. mancipia, C. de seruis fugit.* Romanus *conf.* 489. Gutierrez *conf.* 1. n. 16. Ergo meritò ait Bartolus *ex d. §. in arrogato*, debere concurrere illa duo, scilicet, vt à consanguineis alterius fiat donatio, & item, quòd contemplatione ipsius: & meritò hi, quos retulimus *dict. num.* 108. exigunt saltem mentionem eius, propter quem facta est donatio, vt meritò differant hæ donationes quoad iuris effectus, *dono Titia vxori filij mei*, vel *quia filio meo nupsit*, vel *filio meo nupta ab ea dono Titia centum*; quia in hac si nihil aliud probatum sit, quia simpliciter est facta, nullam alterius contemplationem indicat de se, nisi aliunde testibus, aut confessione præambula probetur, illa verò ex mentione eius propter quem facta est, meritò ab eo facta intelligitur.

121 Ex quibus facilis est interpretatio ad iura, quæ contra Bartol. adducun-  
tur;



tur ; & primùm ad textum in *d. l. si seruus communis*, ff. de donat. inter virum & vxor. respondet Alex. *d. n. 13. versic. nec obstant iura contra Bart. allegata*. Ias. quoque in *d. §. in arrogato* ; num. 8. *versic. Sed ego clarius respondeo*, vt rursus in *versicul. ad alium textum in l. si seruus communis* : ego autem considero, quod in *d. l. si seruus communis*, in 2. part. donatio apertè fuit facta à marito ; patet ibi, & *rem communem vxori donasset* : quare quicquid sit de aliis partibus, certè donatio facta fuit à viro vxori, non verò à fratribus viri ; vnde nihil pertinet ad nostrum casum. Et si cum Iasone iustes, quòd adhuc fratres videntur donasse, quia consensu donationem perfecerunt, dico adhuc mulierem nihil esse reddituram, quia superstes morte mariti donatio confirmata tenet, quantumvis à marito, aut à fratribus facta sit contemplatione fratris, eiusdemque mariti, ex his quæ diximus suprà n. 106. At verò in priori parte textus Iurisconsultus nihil decidit de parte fratris, an ad mulierem, an ad virum pertineat : itaque textus in *d. l. si seruus communis*, magis suadet opinionem Bartoli, ex verbo illo, *nihil* ; quasi donatione confirmata per mortem mariti, nihil omninò sit restituendum. Ad *l. si constante*, Cod. de don. inter virum & vxorem, dicimus factam fuisse ibi donationem simpliciter, nihilque vetat vxorem à consanguineis viri accipere, si ipsi simpliciter donent sine viri, eiusdemque consanguinei respectu, aut beneficio : libera persona est, quæ ab eo, qui simpliciter donauerit, acquirere potest, *d. l. nec inter*, C. de donat. inter vir. & vxor. l. cum hic status, §. oratio, ff. eodem, quæ adducebantur à Salyceto contra Bart. Idemque respondemus ad textum in *d. l. si te in vacuam*, Cod. eodem, vbi simpliciter donatio quoque facta est vxori. Idem respondendum est ad textum in *l. si mater vestra*, eodem. Denique omnia iura, quæ contra Bart. adducuntur, aut nihil pertinent ad quæstionem, vt in *d. l. si seruus communis* ; aut procedant in donatione simplici, quæ fit vxori à consanguineo viri, sine viri aliqua recordatione ; & hoc est, quod nouiores aiunt, nostram quæstionem nihil pertinere ad casum voluntatis, scilicet quando consanguinei voluerunt expressè donare vxori eius viri, cum quo sibi consanguinitas est ; at verò intelligere debemus hanc voluntatem ex eo, quòd in eiusmodi donatione nulla viri facta sit recordatio, iuxta latè tradita suprà *d. num. 108*. Cum enim libera persona vxor sit respectu consanguineorum viri, potest ab eis accipere, *d. §. oratio. d. l. nec inter*, si simpliciter donatum sit ; si verò donatio fiat propter virum, & ipsius commemoratione, tunc locus est Bartoli sententiæ communiter receptæ, de qua suprà, à qua aiunt Alex. & Ias. omninò in practica non esse recedendum.

Postremò Alexand. in *d. §. in arrogato*, num. 13. *versic. vel quod hic appareret*, adducit Baldum in *l. cum ante*, Cod. de donat. ante nuptias, decidentem hanc quæstionem, vbi limitat opinionem Bartoli, scilicet nisi esset consuetudo donandi mulieri, quia tunc, inquit ille, acquiritur mulieri, & eius hæredibus, *argument. l. cum plures*, & *cum tutor*, de tutorib. & *ration. distrab. & l. secundum dignitatem*, ff. eodem, & *d. l. si seruus communis* : ait tamen Alexand. *vbi suprà*, quòd hæc limitatio Baldi est destructio doctrinæ Bartoli. Nam ipse, & qui eum sequuntur, præsupponunt consuetum esse donare vxori ; vnde ait, quòd si Baldus voluit intelligere, quòd talia donata ex

cunſuetudinis vi & poteſtate acquirantur mulieri, tunc res planè procederet, in dubio autem non probata hac cunſuetudine, contemplatione viri donata intelligendum eſſe: & Alex. ſequitur Iaſon, & ita debet intelligi Ioan. Lupus de Palac Rub. *ubi ſuprà*, & moderni, qui cunſuetudinem in hoc valere aiunt.

- 123 Præterea illud controuerti ſolet, an diſpoſitum in l. 3. tit. 9. lib. 5. nouæ recopilationis, ibi: *Que ſi el marido alguna coſa ganare de donadio de ſeñoro, de pariente, o amigo, o en hueſte de Rey, o de otro que lo aya por ſu ſoldada, lo aya todo quanto ganare por ſuyo*: hoc eſt, vt ſi maritus aliquam rem acquiſierit, ex donatione Domini, aut cognati, aut amici, aut in exercitu Regis, aut alterius, quod acquiſierit ex ſtipendio, aut mercede, habeat quidquid acquiſuerit ſuum proprium: habeat locum in ſimplici donatione, an verò etiam in donatione ob merita, quam remuneratoriæ diximus; an remuneratoriæ donatio veniat communicanda, non verò ſimplex: facit dubium, quia, vt diximus ſatis, donatio remuneratoriæ non eſt ſimplex, nec propria donatio; nec diſpoſita in donatione habent locum in donatione remuneratoriæ, diximus latè de donatione remuneratoriæ à n. 13. per plures numeros.

Vt autem conſtet diſputatio, & diſputationis diſpoſitio, intelligi oportet maritum conſtante matrimonio perdiu ac pernox operam diligentiamque ſuam impendiſſe Domino, amico, aut Regi, oblitus vxoris, reiſque familiaris, quam interim vxor curauit ſedula, ita vt ſeruitium & opera ipſam quoque tangat vxorem; nam ſi ſeruitia, aut opera præceſſerunt matrimonium, tunc nulla difficultas eſt.

- 124 Secundò intelligi oportet in donatione, quæ fit contemplatione ſeruitij, operæque impenſæ, non verò in donatione, quæ fit ob ſcientiam, artem & induſtriam, quia in hoc nihil eſt, quod ad vxorem pertineat; & hoc ideo dixerim, vt bone lector attentius legas Gutierrez præſt. quaſt. 119. lib. 2. qui n. 7. his verbis ait: *Ex quibus inferitur, quòd ſtipendia & ſalaria, quæ maritus Doctòr, Aduocatùs, vel Medicùs, ſine Auditor, vel Index, ſeu quiſquis alius Officialis Regiùs acquiſiuit conſtante matrimonio, poſtquam ſimul cohabitauit vir & vxor, veniunt inter eos communicanda, & equaliter diuidenda ſoluto matrimonio*. Hæc ille. Inauditum enim eſt, vt auditor ſoluto matrimonio communiceſ ſalarium filiis ex matrimonio, quo conſtante auditor creatus eſt; quia ex induſtria, arte, ſcientia & peritia creatus eſt, quantumvis id ſumptibus ſolicitet communibus; & pertinent hæc ad caſtrenſia peculia vel quaſi, vt latè in hac re aduertit Montalius in l. 2. tit. 3. lib. 3. fori leg. gloſſ. verb. communal, verſic. item ſi Doctòr, & eſt lex 5. tit. 9. lib. 5. recop. ibi: *y officios de Rey*, qui eſt textus expreſſus, quaſi quaſtio propoſita in his non habeat locum in donationibus, ſed in aliis, vt diximus, quæ nihil reſpiciunt artem, peritiam & induſtriam mariti, ſcilicet in donationibus ob ſeruitia & merita, quarum quilibet eſt capax, etiam iners & ignorans.

- 125 In quaſtione autem propoſita verior & receptior eſt ſententiæ, vt talis donatio pertineat ad lucrum coniugalem, & diuidatur inter virum & vxorem: ita tenet Didacus, in cap. cum in offi. de teſtam. in fin. tenet ante ipſum Suarez, quem Didacus allegat, in l. 1. tit. de las ganancias, 3. lib. 3. fori leg. limit. 3. probat



probat Gregor. in l. 3. gloss. *ygualmente*, tit. 10. part. 5. tenet Montalvus in l. 1. tit. 3. lib. 3. fori leg. gloss. *verbo, communal*: in hanc partem inclinat Gutierrez *quæst. prælt. 119. ad tit. 9. lib. 5. noua recop.* Mouentur hi ex multis, vt est videre apud ipsos; sed præcipuè ex eo, quia dicta lex 3. tit. 9. lib. 5. *recop.* quæ loquitur de donatione, intelligenda est propriè non de donatione remuneratoria, quæ propriè non est donatio, vt diximus d. n. 31. de don. remunerat. tum quia id ipsum est expressè decisum in d. l. 3. vt etiam castrensia acquisita communibus expensis, fiant communia; atque id recipiunt in quantitate commensurabili expensis, vt est videre apud Gregorium *vbi supra*; quod mihi durum est, tam exactam regulam sectari, cum sæpè apud beneficos & liberales parua expensæ magna sint commercitæ præmia. Est enim & grati, & planè ingenui animi gratiam cumulatissimè refert, cap. primo, de don. cuius verba, quia elegantia sunt, apponere libuit. *Hanc sibi quodammodo nobilitas legem imponit*, inquit Alexand. Summus Pontifex, *vt debere se, quod sponte tribuit, existimet; & nisi in beneficiis suis creuerit, nihil se præstitisse putet.* Satis enim est, quòd donatio respondeat & liberalitati & opulentia donatoris, etiamsi merita excedat; quod animaduertit Corneus *conf. 144. lib. 2.* & rursus in l. si donatione, C. de collat. vers. *ex quo videtur*: & consuetudinem obseruatam in donationis modo aduertit Bart. in l. si tibi decem, §. si pactus, ff. de pactis: tenet apertè Barbatia in cap. sedes, de rescriptis, quod satis est si donatio respondeat liberalitati Principis, etiamsi excedat merita; ac illa fortissima ratio est, quia merita & beneficia æquare debemus, vbi donatio est prohibita, vt inter virum & vxorem, aliàs magis liberalitatem, & opus donatarij expectamus: vtrumque tradit Tiraquel. in l. fin. C. de renouand. donat. verb. *donatione largitus, à n. 83.* Quare in hac, quam tractamus, quæstione magis est, vt hæ donationes communicentur, ac remittendam esse exæquationem meritorum, si id poscat liberalitas & opulentia donationis, consuetudoque donandi ab eo obseruata: & ita temperare oportet dictum Gregorij, & Gutierrez, qui ipsum sequitur *vbi supra*.

126

At verò Arias Pinel. in l. 1. part. 3. illat. 13. num. 62. & eum secutus Martienzo in d. l. 3. tit. 9. lib. 5. *recop.* tenebant contra Didacum, Gregor. & Rodericum, & Montal. & latiùs Burg. de Paz Iunior *quæst. 11.* Sed eorum fundamenta mihi debiliora sunt. Quare placet, vt ista donatio communicetur, cum illa duo fundamenta maximè vrgeant, & talis donatio diuidetur inter hæredes mortui, & superstitem, qui est effectus disputationis, aliàs fructus constante matrimonio semper diuiduntur, etiamsi donatio ad alterum pertineat, de quo infra.

Sequuntur verba legis 3. & legis 5. d. tit. 9. lib. 5. *recop.* ibi: *Si el marido alguna cosa ganare de herencia, de padre, o de otro propinquo, & ibi: Que todos y qualesquier a bienes castrenses, y officios de Rey, y donados de les que fueren ganados, y majorados, y auídos durante el matrimonio entre el marido y muger por el vno dellas, que sean y finquen de aquel que los vno ganado, sin que el otro aya parte dellas*, id est: Si vir aliquid adquisierit hæreditarium ex patre, aut matre, aut ab alio propinquo: & ibi, vt omnia & quælibet bona castrensia, & officia regia, & munera, quæque acquisita fuerint, quicquidve

127

actum, & melioratum fuerit constante matrimonio, vti omninò relinquatur qui acquisierit, nec alter coniugum vllam in eis habeat partem. Occasione quarum legum castrensia, & quasi castrensia, itemque profectitia & aduentitia non pertinent ad lucrum, nec coniugalem acquisitionem.

- 118 Constat autem peculium esse quadruplex : profectitium, aduentitium, castrense, & quasi castrense. Ita resolutio communis est in §. *igitur liberi*, *Instit. per quas personas*, & in l. *frater à fratre*, ff. de cond. indeb. vbi Crotus n. 20. licet lex §. tit. 17. part. 4. secuta Imperatoriam sententiam in l. *fin. C. de inoffic. testam.* triplex tantum peculium cognouerit, paganum, castrense & quasi; sed in pagano & profectitium & aduentitium cognoscimus. In hoc verò differt peculium à patrimonio, quod peculium administrationem solam respicit : at verò patrimonium proprietatem : tenent Brissonijs & Hothom. verb. *peculium*, Cuiacius ad African. lib. 8. l. 38. Medices de diffin. cap. 30. Duaren. ad tit. de pecul. Caldas ad l. *si curatorem habens*, C. de in integ. restit. verb. *lasis*, num. 89. qua ratione aduentitium, quia apud filium est iure proprio, ex l. *cum oportet*, Cod. de bon. qua liberis, magis ad proprietatem videbatur pertinere, quàm ad administrationem & peculium; sed adhuc peculium dici meruit, quia pater horum quoque bonorum quasi dominus est, vt sapiùs diximus in tract. nostro de expens. & melior. c. 10.

- 119 Quidquid autem ex bonis patris ad filium proficiscitur, ad profectitium peculium pertinet, & administratio ad filium spectat : glossa in l. *cum oportet*, Cod. de bon. qua lib. vbi Bartol. Paul. & Bald. & Corn. glossa in §. *igitur liberi*, *Instit. per quas personas*, vbi Rimin. n. 68. Gregor. in l. 2. tit. 11. part. 4. Nauar. in Manuali, c. 17. num. 143. Caldas in d. l. *si curatorem habens*, verb. *lasis*, num. 345. Manuel Mendez de Castro ad l. *cum oportet*, Cod. de bonis qua lib. verb. *ex eius substantia*.

- 130 Cum igitur peculium ad solam administrationem referamus, cuius dominium ad patrem pertinere dignoscitur, vt in l. *deposita*, §. *final.* ff. de peculio, & notant mihi quos suprà adduximus; planè ad uxorem nihil horum pertinere poterit, si ea concessio ante benedictiones Ecclesiæ facta fuerit, iuxta dispositionem l. 49. *Taurina*, quia adhuc maritus est in potestate parentis, & hæc ab ipso profecta penes ipsum adhuc sunt iure dominij, vti diximus, licet administratio ad filium, hoc est peculium pertinuerit, ex textu in d. l. *depositi*, §. *final.* & l. 1. cum glossa, C. de inoffic. donat. & l. *stipulatio ista*, 38. §. *hac quoque*, ibi, *possidere civiliter non possit*, ff. de verbor. quin quod fructus ex hac re filio à patre donati, quandiu ipse in potestate est, ad profectitium quoque peculium pertinere intelliguntur, quia patris occasione acquiruntur, ex d. l. *cum oportet*, verb. *occasione patris*; & est glossa in d. §. *igitur liberi*, quæ allegat legem 3. §. *nonnunquam*, versic. *cum Pollidius*, ff. de vsuris; quia profecta à patre, ipsorumque fructus ad patrem iure dominij pertinent; ad filium verò iure peculij, id est, administrationis; quod non solum in fundo profecto à patre obtinet, & in fructibus ab eo collatis, sed etiam in pecunia concessa, & vsuris ab ipsa prouenientibus; quod nostra lege 3. tit. 15. p. 6. decisum est, & fuit glossa in d. l. *cum oportet*, verbo *ex eius substantia*, quam receptam dicit Oroscius in l. *si tibi*, §. *si pactus*, ff. de pactis, n. 2. Chassanæus



in consuet. Burg. rub. 6. §. 4. n. 6. resoluit Lara in l. si quis à liberis, §. sed si filius, n. 138. de lib. agnosc. idque nobis est obseruandum contra Bart. in l. 1. §. castrense, n. 5. ff. de collat. & in tract. de duobus fratribus, 1. part. num. 2. & contra Gomez in l. 29. n. 4. ideoque omnia illa, & fructus, & prouenientia ex re aut pecunia patris, conferuntur, quia patris intelliguntur esse: si verò ea concessio fiat filio post nuptias & benedictiones Ecclesiæ, an communicetur vxori, aliunde decidendum est, ex his quæ dixi de donatis à patre filio, suprà à num. 101.

Aduentitia item quoad proprietatem non communicantur, sed ad alterum 132 pertinent; quod satis est iure nostro decisum in d. l. 3. & l. 9. tit. 9. lib. 5. recop. ibi: Si el marido alguna cosa ganare de padre, o de madre, o de otro propinquuo. Palacios Rubios in rub. §. 64. n. 66.

Est enim aduentitium peculium, quod profectitium non est, nempe quod 133 nec à patre, nec à militia armata vel togata filio prouenit, Bart. in l. fin. C. de bon. que lib. Corrañ. in l. frater à fratre, ff. de cond. indeb. Menchac. de success. progressu, lib. 2. §. 29. n. 69. Caldas de patria potestate, in l. si curatorem habens, verb. lesis, num. 124. Nauar. in Manual. c. 17. n. 145. Matienz. in l. 9. tit. 1. lib. 3. ordin. gl. 1.

Aduentitia autem autoritate legis cum oportet, C. de bonis que lib. ad filium 134 pertinent quoad proprietatem, at verò quoad vsumfructum ad patrem: in nostro Regno filius ducta vxore acceptis benedictionibus Ecclesiæ, iuxta decisionem legis 46. Tauri, habet vsumfructum qui communicatur alteri coniugi, ex dispositione dictæ legis 5. tit. 9. lib. 5. recop. iuncta l. 3. eod. tit. & lib. vbi fructus constante matrimonio percepti communicantur earum etiam rerum, quæ alterius capitales sint; & quamvis ius vsumfructus non communicetur, tamen commoditas istius iuris, quæ est fructus istius iuris, communicatur: tenet Ioan. de Palac. Rub. in repet. rubrica, §. 65. num. 66. vbi additio, quæ ait ita practicari: vide infrà n. 174. vbi latius.

Ex eisdem legibus nostris & castrensia quoque, & quasi castrensia non 135 communicantur, d. l. 5. tit. 9. lib. 5. recop. ibi: Que todos y qualesquiera bienes castrenses y officies de Rey: & rursum ibi, que no fueren castrenses: & ibi, aunque sean de los que el derecho vno por quasi castrenses: omnia hæc non communicantur, fructus autem communes sunt, d. l. 5. ibi: Pero que los fructos y rentas dellos, y de todos otros qualesquiera officies. Vnde hodie fructus commendarum communicantur, Palac. Rub. in repet. rub. §. 5. n. 65. ad fin. numeri.

Est autem peculium castrense, quod filius familias habet occasione mili- 136 tiæ, quod quidem non fuisset habiturus, si non militaret, l. castrense, ff. de castr. pecul. l. 1. C. eod. vbi Platea lib. 12. Aretin. in §. igitur liberè, Instit. per quas personas, Corrañus in l. frater à fratre, ff. de cond. indeb. Caldas in l. si curatorem habens, verb. lesis, num. 90. Emanuel Mendez in dict. l. cum oportet, Cod. de bonis, que lib. num. 140. vbi alios allegat, apud quem videre poteris. Nomine belli intelligimus, siue geratur in patria, siue apud hostes, siue in limitibus Regni, siue mari, pelago, flumine, aut ripa. Greg. in l. 6. tit. 17. part. 4. vbi textus, & in l. 7. eod. Vnde præfecti nauium militarium iure militari testantur: singularis explicatio ad textum singularem in l. Seius Saturni

*Saturninus, 46. ad Trebellian.* vbi sustinetur iure hoc limitari testamentum in quo filius est prateritus.

- 137 Etiam hæc bona castrensia antiquo iure ad filium pertinuerunt; an verò ex dispositione nouioris iuris, vide Cuiacium, Balduinum & Hothomanum in §. *igitur liberi*, *Inst. per quas personas nob. acq.* Caldas & Emanuel Mendez vbi *suprà*, Costam in l. *qui duos*, §. *cum in bello, verbo patris*, ff. de rebus dub. l. 1. §. *nec castrense, verb. patris*, ff. de bonorum collat. ibi, multis constitutionibus, l. 4. §. 1. ff. de cast. pecul. ibi, principales constitutiones, l. *hereditate*, §. *pater*, ibi, iure concessio, ff. eod.
- 138 Subdit dicta lex ibi, *y donadios*, vt donationes quoque pertineant ad quasi castrensia. Donata enim à Principe filio, plenè pertinent ad filium, Baldus in l. *cum multa*, C. de bonis que lib. notat Menchaca de success. creat. lib. 3. §. 26. num. 2. & §. Caldas vbi *suprà*, num. 96. Chassan. in catal. 5. part. consideratione 24. privileg. 64. l. 7. tit. 17. part. 4. quod intelligendum est, siue ipsa donatio fiat filio, siue filia: tenet expressè Bald. in d. l. *cum multa*, Cod. de bonis que lib. tenet Ias. in aub. ex testamento, num. 12. C. de collat. tenet Suarez Hispanus in l. *quoniam in prioribus*, 6. limitat. ad l. *Regiam*, C. de inoffic. testam. & ex his quæ à nobis hæctenus dicta sunt, remanet explicata dicta lex §. *tit. 9. lib. 5. recap.*
- 139 Quæ omnia hæctenus à nobis dicta de castrensi & quasi castrensi peculio, limitat dicta lex 3. *tit. 9. lib. 5. recap.* nisi maritus quicquam acquirat in bello militans expensis etiam vxoris, ibi: *E si fuere en hueste sin foliada de su, y de muger, quanto ganare desta guisa, todo sea del marido y de la muger.* Et subdit lex rationem, eam scilicet, quia acquisitum in bello communibus expensis, & vxoris & viri, commune sit necesse est: & ita tenent nostri, nemoque ambigit.
- 140 Sed pone coniugem domicilium habere in vno regno, vxorem in alio, contractum autem esse matrimonium in regno domicilij vxoris, aut alibi, diuersasque esse leges de diuidendis & lucrandis bonis, quæ leges sint attendendæ. In hac quæstione communis & recepta sententia tenet, considerandam esse consuetudinem, & seruandas leges illius Regni, aut loci, vbi maritus habet domicilium tempore quo matrimonium contrahitur. Antonius, Abb. & alij in cap. 1. de sponsal. Bart. in l. *cunctos populos*, Cod. de sum. Trin. q. 1. & ibi Ias. in repet. num. 60. Purpurat. n. 97. dicit communem Socinus Iunior consil. 14. vol. 1. vbi ait, id esse verum, etiamsi matrimonium contractum sit in domicilio vxoris, quia vir ex suo aduenerit nuptias celebraturus: & in nostris terminis tenet Didacus in 4. part. 2. c. 7. num. 7.
- 141 Quin imò Nicolaus Boërius extendit communem, etiamsi postea maritus mutet domicilium, & moriatur in domicilio nouo, relicto antiquo, idque in consuetudinib. Bituricensib. de consuetud. matrimon. §. 4. Ias. vbi *suprà*, n. 63. & tenet id Didacus vbi *suprà*.
- Sed communis & recepta sententia, de qua *suprà* n. 104. & 141. non habet locum, si maritus contraxit matrimonium in domicilio vxoris eo animo, vt ibi viuatur & moriatur, id est, animo ibi morandi perpetuò; quia tunc quoad lucra & diuisionem bonorum istud domicilium attendendum est, non verò,



virī, in quo hætenus habitabat, Tiraq. *de legib. connub. l. 14. q. 2.* Suarez in *l. 1. tit. de las ganancias. lib. 3. fori leg. limit. 6.* Didacus *ubi supra, num. 8.* qui intelligunt legem 24. *tit. 11. part. 4.* dicentem, ad hoc animaduertendum esse locum contractus matrimonij, vt ea lex habeat locum, quando contractus eo animo gestus est, vt in eo maritus cum vxore habitaret; idque ne dicta lex 24. superius à nobis adducta corrigatur. At verò Gregorius *ibidem*, cum multum, varièque disputer de bonis alibi sitis, in hoc quod disputamus, indistinctè accipit dictam legem 24. quæ mihi certè indistinctè loqui & decidere semper visa est; tu verò cogita, & sis cautus, vt hæc euites, facque vxorem ad te adduci, quod faciunt cautiore; & iam semel ex facto animaduerti timore dictæ legis 24. quam tamen velle ex scriptorum placitis corrigere, satis contra iuris rationem vides. Præterea concordabis dictam legem 24. cum lege *exigere dotem. ff. de iud. vt per Simancas in cathol. instit. cap. 9. à num. 96. ubi optimè.*

Bald. in *c. 1. §. fin. de inuestitura de re aliena facta*, limitabat communem 143 opinionem, de qua supra, *n. 140.* si vxor ignorabat leges, statuta & consuetudines domicilij mariti; & Baldum sequuntur Præpositus & Felinus in *cap. 1. de sponsal. & Ias. in l. 1. C. de sum. Trinit. 2. lectura, n. 60.* & Alex. *conf. 100. vol. 3.* Sed hæc limitatio displicet Didaco, ex eo, quia vxor contrahens cum extero debuit inquirere & scire consuetudines, leges, & statuta patriæ viri; & reprobabat Baldum & reliquos, secutus Decium *conf. 119.* Tiraq. *d. l. 14. q. 2.* Purpuratum post Ias. in *d. l. 1. n. 187.* idque *d. 2. part. c. 7. num. 8.*

Ideoque Didacus *ubi supra*, cum Tiraquello *d. l. 14. connub. q. 2.* & cum 144 Decio *d. consil. 119.* & cum Purpurato, & Ias. in *d. l. 1. C. de summa Trinit. & fide cathol. num. 187.* admittunt Baldi sententiam, quando ipsa vxor tempore contractus reuera credebatur, & existimabat maritum non esse sibi exterum, sed ciuem, & conterraneum, eisdem legibus subiectum, & consuetudinibus; ego addo, quòd si statuta patriæ viri non sint probata iure communi, quòd poterit mulier iuari beneficio restitutionis, quæ impartiri solet maioribus ex iusta causa contra particularia statuta, in quibus cadit probabilis ignorantia. Innocent. Ioan. Andr. Compost. & alij in *rub. de don. Alex. conf. 37.* Roland. à Valle *conf. 42. lib. 3. n. 26.* Gabriel *tit. de consuet. conclus. 2. num. 18.* tenet, & latè fundat & allegat Sfortiam Oddum in *suo eleganti tract. de restit. p. 1. q. 8. art. 12.*

Aliter quoque Barbatia *conf. 14. vol. 2.* limitabat communem opinionem 145 cum Bart. de qua supra *n. 140.* scilicet si maritus cum alibi haberet domicilium, in loco tamen originis suæ iniret matrimonium, quia tunc seruanda est dicta lex 24. *Hispana*, vt locus contractus obseruetur, etiam ad ea quæ post matrimonium contingunt; & non habet Barbatia reprehensorem, quem sequitur Didacus. *ubi supra n. 10.* quæ Hispano viro amplectenda est, propter dictam legem 24.

Sed & illud quæri solet, an retenta illa opinione communi, de qua *d. n. 140.* 146 sit extendenda, vt procedat non solum respectu bonorum, quæ sunt in loco domicilij viri, sed & respectu bonorum, quæ alibi sint, scilicet extra domicilium mariti? Palac. *Rub. de donat. inter virum & vxorem, §. 62. num. 31.* post Baldum *consil. 208. volum. 3.* latè extendit ad quæcunque bona, contra-

rium resoluit Didacus vbi suprâ, n.9. vbi latè allegat, & post longam disputationem hinc inde distinguendo, & subdistinguendo, idem videtur tenere Gregor. Lopez in d.l. 24. tit. 11. part. 4. qui est videndus, & resoluit Iacobus Simancas Inst. carb. c. 6. num. 99. latissimè vsque ad n. 104. vbi bene intelligit dictam legem 24. de lucris ibi quæsitis in loco contractus, non de alibi factis.

- 147 *Ex l. 9. tit. 9. lib. recop.* quæ fuerat lex 60. Tauri, constat valere pactum generale & particulare factum ab altero ex coniugibus de non lucrandis his lucris, ibi, *quando la muger renunciar las ganancias*; siue enim ante contractum matrimonium, siue post, siue eo constante, valet pactum huiusmodi: ita intelligit Anton. Gom. noster in l. 60. Tauri, num. 1. & Palac. Rub. in repet. de donat. inter vir. & vxor. §. 63. n. 1. & 2. & §. 47. n. 13. tenet Didac. in 4. part. 2. c. 7. §. 1. num. 11. vbi quod id liceat etiam constante matrimonio, & valeat hoc genus donationis inter coniuges: plures refert Burg. de Paz Iunior quæst. civil. 9. vbi disputat & resoluit, & ibi ait, quod consensus mariti in hoc casu est pro licentia: idem tenuerat Palac. Rub. d. §. 47. num. 13. Burg. de Paz Senior consil. 2. num. 96. semper ait licitam esse huiusmodi donationem inter coniuges: tenet Perez in l. 4. tit. 4. lib. 5. ordin. Matienz. in l. 9. tit. 9. lib. 5. recop. gl. 1. num. 2. latè fundat & disputat Gutier. pract. q. 126. per totam, vbi tenet contra Gregor. Lop. in l. 5. tit. 1. part. 4. de renunciatione lucrorum quæsiturum facta constante matrimonio: & contra Burg. de Paz q. civil. 9. num. 10. cum Matienz. vbi suprâ. & cum Pelæz de maiorat. 4. part. principali, q. 23. num. 60. & 61. qui tenet nostram sententiam contra Menchac. lib. 1. controu. vsufr. c. 13. num. 6. Quorum omnium bona ratio est, quia ea donatio non facit pauperiorem donantem, etiamsi faciat donatarium locupletiores, quo casu donationem inter coniuges constare, constat l. si sponsus, §. si maritus, ff. de donat. inter vir. & vxor. lib. 5. tit. 11. part. 4.
- 148 Renunciatio autem lucrorum quærendorum nocebit creditoribus, ex l. qui autem, ff. de his qua in fraud. credit. quæsitæ verò minimè renunciabuntur in eorum damnum, & præiudicium, ex edicto, de his quæ in fraudem creditorum: ita intelligendus est Matienz. in l. 9. d. gl. 1. num. 6. Didac. in 4. part. 2. c. 7. num. 12. Decius consil. 260. num. 1. Tellus in l. 4. Tauri, num. 52. Burgos de Paz quæst. 9. num. 12. ad fin. Ideoque nec filia, quæ liberos non habet, in fraudem parentis lucra quæsitæ renunciabit, licèt quærenda renunciare possit; nec item in fraudem filiorum, si semel lucra quæserit, Palac. Rubios in repet. rubr. §. 63. num. 1. Pelæz de maiorat. 4. part. principali, quæst. 23. n. 60. tenet eandem sententiam Gutierrez pract. q. 127. per totam.
- 149 At verò ex l. 9. tit. 9. lib. 5. recop. soluenda sunt debita contracta constante matrimonio ex his lucris; quare si mulier renunciauerit lucris debitis, nihil tenebitur; quin quod si vir constante matrimonio pro aliquo fideiussert, mulier habebit quidem lucrorum medietatem, at verò ad debitum illud fideiussionis minimè tenebitur, l. 7. tit. 3. lib. 5. recop. ibi: *Mandamos que por fiança que el marido hiziere en qualquier manera, o por qualquiera razon, no sea obligada su muger, ni sus bienes*: & ibi Matienz. gl. 1. n. 1. & 2. & in l. 3. tit. 9. lib. 5. recop. gl. 7. n. 3. Ayora de parit. 1. part. c. 8. n. 12.



Quin quod lege 4. *eodem tit. 9. lib. 5. recop.* decifum est, vt si constante matrimonio, aut vir & vxor, aut vir solus dotem filiae promiserint, ea soluenda sit de bonis multiplicatis constante matrimonio, quæ ad lucra pertinebant, nullis verò existentibus lucris, si dos ab ambobus promissa fuerit, ex amborum bonis soluatur; sin verò à solo patre constante adhuc matrimonio promissa sit, ex bonis lucratis, si sint bona lucrata, soluenda est; sin verò nulla lucra extent, ex substantia patris dos soluenda erit, quod *d. l. 8. decifum est*, & est textus expressus.

Sed quæsitum est ex facto, si soluto matrimonio pater promiserit dotem, an ex lucris extantibus soluenda sit, si extent; an verò ex substantia patris, cuius officium proprium est filias dotare, *ex l. final. C. de dotis promission. & quidem ex hoc fundamento*, & quia *d. l. 8.* hunc casum, scilicet si dos promittatur soluto matrimonio, non attigerit, Castillo, & Anton. Gomez *in l. 53. Tauri*, ille *in glossa durante*, hic verò *n. 24* tenent ad patris substantiam pertinere illam dotis promissionem. Contraria opinio est magis recepta ab Hispanis scriptoribus, vt scilicet in dote promissa à patre soluto matrimonio sit omninò seruanda regula dictæ legis 8. *tit. 9. lib. 5. recop.* tenet Didacus *variar. lib. 3. c. 19. num. 3.* tenet Gregor. *in l. 1. tit. 10. part. 5. gl. magna*; tenet Baeza *de non meliorandis rat. dot. filiab. cap. 11. num. 11.* tenet Matienzo *in l. 3. tit. 9. lib. 5. recop. gl. 7. num. 9.* tenet Gutierrez *pract. q. 125.* ego horum auctoritatem sequendam existimarem, quamvis me ratio iuris multum moueat, quæ pro contraria opinione est, scilicet verba dictæ legis 8. ex quibus vix potest videri incorrecta lex finalis, *Cod. de dot. promiss.* liberum sit cuique suo modo sentire.

Alimenta verò præstita constante secundo matrimonio filiis prioris matrimonij, imputantur parenti in diuisione bonorum, vt alter ex coniugibus vel tantundem accipiat ex cumulo bonorum, vel ex capitali parentis; dimidium verò æstimationis alimentorum capiat alter, quod receptissimum est & vulgatissimum, & postulat iuris nostri ratio. Burgos de Paz, licet non ita explicet, *quæst. civil. 8. n. 8.* & ad hanc resolutionem sunt reducenda quæ disputat Gutierrez latè *q. pract. 129.* post Matienz. *in l. 9. tit. 9. lib. 5. recopil. gl. 7. num. 10.*

Quid si maritus conduxit vestigalia, vel fructus sacerdotij, aut Episcopatus, ad tres, quatuor, quinqué annos, et aliam quamvis rem fructuosam, idque constante matrimonio, & primo secundove anno decedat locationis; an mulier, si vel timeat pessimum conductionis successum futuræ, vel nihil timeat, possit à conductione decedere & relinquere eam heredibus viri, lucraque sibi postulare, quæ facta sint constante matrimonio, nihil expectato futuri temporis successu, quo duratura est conductio: & tenet Matienzo *in l. 1. gl. 1. tit. 9. lib. 5. recop. num. 12. & 21.* mulierem omninò expectare debere totius conductionis perfectæ futurum euentum, nec interim lucra meritò dici posse constante matrimonio facta, quæ dependeant ab euentu futuro, constante quoque matrimonio cæpto: id. *ex l. nam & Seruum, §. si viuo, ff. de neg. gest.* Quæcunque enim prioris negotij explicandi causâ geruntur, nihil refert, quo tempore consumantur, sed quo tempore inchoentur.

Vide ipsum Matienz. vide & Gutierrez assumentem eius opinionem *pract. quæst.* 130. eumque sequentem, quorum opinio mihi & veta, & æqua videtur.

154 Ex eisdem regulis illud quoque descendit, ut si alter ex coniugibus constante secundo matrimonio filiam dotauerit prioris matrimonio; dotemque soluerit ex bonis communibus, ut alter coniux in diuisione bonorum tantundem sit habiturus ex bonis communibus, aut ex propriis dotantis dimidium sit illi soluendum, quod est verissimum, ex his quæ diximus supra *n.* 152. & tenent Scriptores Hispani omnes, Palacios Rubios in *repet. rub. de donat. inter virum & vxor.* §. 66. *n.* 18. & §. 62. *num.* 32. Baeza de *non meliorand. rat. dot. filiab. c.* 11. *num.* 120. Burg. de Paz *quæst. civil.* 8. *num.* 19. Gutierrez *quæst. pract.* 128. Ayora de *partit. 1. part. cap.* 8. *num.* 12. & 13. & est vulgare & verum.

155 Sed & illud lege 9. *tit. 9. lib. 5. recop.* constitutum est, ut mulier possit quidem renunciare huiusmodi lucra, ac tunc quidem libera est ab omni debito coniugali constante matrimonio contracto, liberæque dotem suam sibi habet, nullis huiusmodi debitis obnoxiam. Quando, inquit Hispana lex, mulier renunciat lucra, minimè tenetur soluere debitum vllum à marito constante matrimonio contractum, quod planum est, & agnoscunt Scriptores omnes.

156 Sed & vxoris mortuæ hæres id ipsum efficere poterit, etiamsi mulier ea lucra ipso iure acquisierit. Habet enim eam, quam ipsa, si viueret, habuisset facultatem, ut dote contentus, ne debita agnoscat, omittat lucra, tenet Matienzo in *l. 5. tit. 9. lib. 5. recop. gl. 9.* post eos quos ipse allegat, Palacios Rubios in *repet. rub. de donat. inter virum & vxor.* §. 66. *n.* 31. *vers. amplia 4.* Segur. in *l. unum ex familia, §. sed si fundum, n.* 172. *ff. de legat. 2.* Castillo in *l. 14. Tauri*, Anton. Gomez in *l. 53. Tauri*, ante fin. expresse tenet iterum Matienzo in *l. 9. tit. 9. lib. 5. recop. gl. 1. n.* 8. Burgos de Paz *lun. q. 9. num.* 21. & 22. & assumpsit ex his Gutierrez *q. pract.* 123. & est receptissimum, & in Hispania citra dubium.

157 Vnde mulier, quia ipso iure habet medietatem lucrorum acquisite sibi iure ipso legis beneficio, est quidem domina, ut latè diximus verè, & obtinet earundem verum dominium, supra *n.* 4. ea quæstio suborta est, an ipsa soluto matrimonio possit agere, etiam viâ executiuâ contra debitores mariti, qui sunt viro tantum obligati, quorum debitorum dimidium sit omninò habitura; hanc tangit quæstionem Auendañus *resp.* 20. Didacus Perez in *l. 4. tit. 8. lib. 3. ordin.* Gutier. *pract. q.* 118. & 15. post Rebuffum *tract. de lit. oblig. art. 1. gl. 9. n.* 29. *ad constit. Gallas, 1. tom.* & Masfrer. in *pract. tit. 1. de executione, §. item nota.* Trimembris est resolutio: aut obligatio facta est simul expresse marito & vxori, & potest suo iure uti, quia verè domina est: aut facta est diuisione bonorum, & cessit sibi id nomen debitoris, & potest item agere; aut obligatio facta est soli viro, nec adhuc facta est diuisione bonorum, & indiget cessione. Et hoc iure utimur: rerum autem corporalium verè domina est, & respectu ipsarum sua iura exercet sine cessione, uti diximus, & moriens easdem ad hæredes transmittit, diximus latè supra, & dicemus infra *num.* 188.



Adde inductam hodie nostro iure præsumptionem iuris, *ex l. 1. tit. 9. lib. 5.* 158  
*recop.* vt omnia bona tempore mortis alterius coniugis præsumantur communia de iure, nisi quis demonstrat adducta à se in matrimonium; olim enim mortuo marito omnia ab eo relictæ, siue apud vxorem, siue alibi, mariti esse intelligebantur, *l. Quintus, ff. de donat. l. etiam, Cod. eodem, l. 2. tit. 14. part. 3. Palac. Rubios de donat. inter vir. & vxor. §. 60. n. 1. Didac. in c. 1. de testam. n. 6. & in 4. part. 2. c. 7. §. 1. n. 5.*

Habent autem omnia superius dicta locum, non solum in vero, legitimo- 159  
 que matrimonio, sed etiam in putatio, quod receptissimum est nostris. Palac. Rub. *in repet. rub. 36. n. 2.* Suarez noster *tit. de las ganancias, §. 1. per totum*, Didacus in *4. part. 2. c. 7. §. 1. num. 7. de sponsal.* Baeza *de decima tutori præstand. c. 12. n. 17.* Gamma *decis. Lusitana 220.* tenent nouiores, Matienz. in *l. 1. tit. 9. lib. 5. recop.* Perez in *l. 4. tit. 4. lib. 5. veteris ordinam.* & post hos omnes Azcued. in *l. 2. tit. 9. lib. 5. recop. n. 5.*

De matrimonio autem clandestino, quod an hodie sit post decisionem 160  
 Concilij Tridentini *sessione 24. cap. 1.* variè disputant Molina *de Hispanorum primog. lib. 2. c. 16. num. 16.* Menochius *conf. 69. per totum*, decisio Caualcana *29. n. 19.* Nauarrus in *Manuali, c. 22. num. 26.* Plotus in *l. si quando, Cod. unde vi, num. 341.* an scilicet idem recipiendum sit in clandestino matrimonio, quod in putatio, disputauit latè Auendañus *respons. 20.* & assumpsit Matienz. in *l. 2. tit. 9. lib. 5. recop. gl. 1.* vbi videre poteris, non esse lucra communicanda, quæ fiant constante matrimonio reprobato ab Ecclesia sancta.

Adde etiam, quòd lucra quæ sita per alterum coniugem altero bannito, aut 161  
 seruo pœnæ, non communicantur. Requirit enim lex mutuam cohabitationem, *l. 2. tit. 9. lib. 5. recop.* ibi, *estando de consuno*, & ita ait Segura in *l. vnum ex familia, §. sed si, ff. de legat. 1.* & tenet Auendañ. *d. respons. 20. n. 9. vers. limita sexto*, quod applica ad factum quotidianum. Vxor incidit in hæresin, recluditur, ac subinde suâ culpâ separatur à viro, durante reclusionis tempore multa quæsiuit vir, profectò ea lucra non communicantur, ex superius dictis. Simile est, quod notat & tradit Simancas *c. 9. n. 15. Instit. cathol.* scilicet, patre hæretico non confiscari vsumfructum, sed eum pertinere ad filium, quia pater propter status diminutionem effectus sit pœnæ seruus, ac demùm filius sui iuris, & habet sibi suum vsumfructum consolidatum cum proprietate, quasi liber à patria potestate, ex Simancas *vbi supra*, ita ad propositum loquitur Bald. *conf. 423. vol. 5.* Chassaneus in *consuet. Burg. rub. 4. §. 2. in principio*, adde ad ea quæ diximus supra *n. 59. & seq.*

Ex quibus patet, quid dicendum sit, si maritus ducatur ad triremes, aut 162  
 in exilium mittatur, mulierque domi relictæ quæstum faciat, vt talis quæstus non communicetur, ex Segura, Baldo, Chassaneo, Auendaño *vbi supra*. Suâ enim culpâ desit apud vxorem esse, & propter status mutationem vxor desit esse in potestate mariti, sibi que laborando soia, solum sibi acquirit, ex superius dictis à *num. 160.* verè que dicitur vidua, quæ damnatum habet virum, Iason in *l. si is qui pro emptore, ff. de vscap. num. 85. glossa in l. final. C. ad leg. Falcid. de plag.*

Quin & illud ex hoc fonte & principio deducitur, vt si mulier propter sæui- 163

tiam diuellatur à marito, ipsa sibi acquirat, si vir propter malos mores vxoris discedat, & bona lucretur, vt minimè hæc sint communicanda; quod ex Segur. *in d. §. sed si, l. vnum ex familia*, notabat & tenebat Auendañus *d. respons. 10. num. 9. versic. limita septimò*; decedens autem habebit medietatem lucrorum, Palac. Rub. *in repet. rub. §. 64. num. 10. & Segura supra*, & vide *suprà num. 9.*

164 Pone aliquem habuisse sibi concubinam plures annos domi, hoc tempore multa quæsisse, tandem eandem in vxorem duxisse; an lucra illa communicentur, tanquam si à principio inter ipsos contractum esset matrimonium? Reperio Ioan. Lupum de Palac. Rub. quæstionem attingentem, qui videtur inclinare in eam partem, vt hæc quoque lucra communicentur; idque ait fenitè Bart. *in l. Titium & Manium, ff. de administ. tutor. & in l. cum proponas, Cod. pro socio*, & ibi Bald. & ait bene facere pro hac opinione, quæ adducuntur pro concubinato, ad æquiparationem concubinæ & vxoris, & seipsum ad hoc allegat. Mihi hæc opinio non placet ex verbis nostræ legis, quæ de marito & vxore loquuntur, & rursus constante, inquit lex nostra, inter eos matrimonio, *l. 1. l. 2. 3. & 4. & per totum tit. 9. lib. 5. recop.*

165 Præterea si maritus constante matrimonio ædificet, & dotet Ecclesiam, & consequenter acquirat iuspatronatus, ex textu *in c. nobis, de iurepatronatus*, aut erit vniuersitatem bonorum, cum qua transeat iuspatronatus, textus *in cap. ex literis, de iurepatronatus*, tunc pertinet hoc ius ad lucra, & mortuo marito mulier admittetur cum hæredibus viri ad præsentandum, & obtinebit dimidium, licet viuens maritus præsentet: tenet Ioan. Lupus de Palac. Rub. *in rub. de donat. inter virum & vxor. §. 62. num. 23. Baeza de decim. tit. præst. cap. 23. num. 21. & 22. Matth. de Afflict. in constit. Sicil. in c. 9. 2. admittentur autem vxor & hæredes viri, item hæredes vtriusque in stirpem, Clem. plures, de iurepat.*

166 Sed & illud quæsitum est, de quo pauca diximus *suprà num. 55.* an hæc societas duret soluto matrimonio inter filios mortui, & superstitem coniugem, rebus in eodem statu manentibus: quod quidem inter negotiatores, & mercaturam exercentes est quotidianum, & regulariter manet societas, & lucra obuientia sunt communia, *l. 9. quæ incipit, si vn homo, tit. 4. lib. 5. fori leg. l. generos, & l. 6. tit. 3. de las labores, lib. 1. fori leg.* quas allegat Palac. Rub. qui nostram hanc conclusionem tenet *in repet. rub. §. 62. num. 25.* & eum sequitur Greg. *in l. 10. tit. 5. part. 5.* & latè disputat hanc, & tenet Matienzo *in l. 2. tit. 9. lib. recop.* Simile est, quod si pater tuus societatem cum

167 Titio contraxerat, eo mortuo, & sic dissoluta societate, *ex l. adeo, in princ. ff. pro socio*, tamen si res permaneant in societate, & tu cum socio patris negotia prosequaris, iisdem institoribus vsus, durat societas; tenet Bald. *in l. mandatum, Cod. mandati, in 3. opposit.* & tenet Alex. *conf. 132. vol. 5.* Andreas Siculus *in c. quia, de iudiciis, & in c. peruenit, de empt. & vend.*

168 Item si duo fratres simul mercaturam & negotia gerebant, vnoque eorum mortuo alter continuat cum superstiribus filiis fratris, re indiuisa manente, continuata censetur societas, *arg. l. nam & Seruius, §. si viro, ff. de negot. gestis*, qui est textus ad propositum elegans, & tenet Bald. *in amb. ex testamento,*



*testamento, C. de collat. tenet Petrus de Vbaldis in tract. de societate, 3. part. ubi vide Palac. Rub. d. §. 62. n. 28. Matienzo ubi supra.*

Sed intellige prædicta *d. num. 166.* nisi possit coniectura capi, quod super- 169  
stes gerat alio nomine, quàm ex causa societatis; veluti si gerat tutorio no-  
mine, aut datus sit tutor, aut curator; quia tunc magis credendum est ges-  
sisse curatorio nomine, quàm iure societatis; quod latè resoluit Palacios Ru-  
bios *ubi supra, num. 31.* & ad id allegat & adducit multa, ibi vide. Alia con- 170  
iectura erit si secum ipse in ratione priuata diuisit patrimonia, etiamsi ea di-  
uisio non sit filiis intimata; vtputa si suum, si filiorum patrimonium seor-  
sum conscripserit, & id pateat ex libris domesticis; tunc nulla præsumptio est  
societatis continuatæ, textus in *l. Nescennius, ff. de negot. gest. & ibi Scripto-  
res*; & quæ diximus de patre expendente cum filio, & reponente in libro, de  
quo diximus *de expensis & meliorat. cap. 4. n. 4. & de donat. remunerat. n. 43.  
versic. ex his enim*, sunt addenda ad ea quæ diximus supra *n. 15.*

Eam quoque quæstionem attingunt nostri, & latissimè disputat Segura in 171  
*repet. l. 3. §. final. ff. de liber. & postb. statim in principio, vers. ex supra dictis.*  
Ex quo ego infero ad quæstionem, de qua sæpius vidi dubitari, an scili-  
cet ea etiam sint communia, quæ sibi vir particulariter voluerit acquiri: vt  
si contractum concipiat suo proprio nomine, sibi que solùm stipuletur, aut  
contrahat; an verò lucra habeant particularem rationem in contractibus  
nomine communi vxoris & viri celebratis? Et quamvis ipse ad partes dispu-  
tet, tandem tamen tenet eam partem, scilicet ad lucrum omnino pertinere, &  
ad communionem, quod sibi solùm maritus acquisierit ex contractu in sua  
sola persona celebrato, & ad id adducit innumera fundamenta: res expedita  
est, vt ad lucrum pertineat is quæstus, etiamsi sit & proueniat ex contractu  
inito cum solo marito: si occasio sese offerat, ibi videre poteris.

Item aduertendum est, hæc lucra acquiri ipso iure, ac demùm sine agni- 172  
tione vlla, vel generaliter, vel particulariter facta transmitti ad hæredes;  
quam opinionem latè resoluit Pinel. in *l. 1. Cod. de bon. mat. 1. part. num. 36.  
& 37.* idque facit generale in omni lucro delato à lege; allegat Angelum,  
Baldum, Socinum, & Crauetam, Iasonem, & Chastaneum, quos videre ibi  
poteris, & infra *num. 187.* & quamuis existimet hæc lucra constante matri-  
monio quæsitæ à viro & coniuge, propriè non esse lucra, idque *num. 17.* at-  
que eo nomine reprehendat Seguram in *l. unum ex familia, §. sed & si, ff.  
de legat. 2.* Segura tamen propriè est locutus. Vti enim diximus, hæc lucra  
tota iure communi pertinent ad virum; consuetudine verò, ac demùm iam  
hodie legis beneficio communicantur, reque vera vxor lucratur à viro me-  
diatatem eius, quod ad eum integrum pertinebat: & meritò hæc quæsitæ con-  
stante matrimonio dicuntur lucra, & communicantur vtrique; & licèt Di-  
dacus de *sponsalib. 2. part. cap. 7. §. 1. num. 8.* dicat hæc bona communia,  
non negat tamen esse lucra, quæ vxor à viro acquirit legis beneficio, ad  
quem integra iure pertinebant: diximus quando & quomodo mulier possit  
petere executionem contractuum, *num. 157.*

Quicquid autem maritus acquirit nomine remissæ iniuriæ, aut ex pacto, & 173  
transactione, aut aliàs ex sententia, id totum sibi acquirit, quia hoc ad ad-  
uenientia

uentitia pertinet, quæ non communicantur, vt diximus suprà *n. 132. & sequentib. ex l. 3. & s. tit. 9. lib. 5. recap.* ita tenet hoc pertinere ad aduentitia Pinel. *de bon. matern. in l. 1. part. 3. n. 105.* pro hac opinione facit textus in *l. 2. §. emancipatus. ff. de collat. bonor.* vbi filius emancipatus, qui habet actionem iniuriarum, ex ea acquisitum non confert, quia ea actione magis consequitur vindictam, quàm pecuniam: vindicta autem ad societatem non pertinet, *l. socium, 61. §. socius, ff. pro socio:* qui textus id obtinet, scilicet etiam si propter vxorem, aut occasione matrimonij iniuria contingat; si verò ex hac pecunia redditus procedant, hi communicabuntur, veluti fructus aduentitiorum, vt latè diximus suprà *n. 134.* vbi de fructibus & vsufructu. Ex qua ratione, & *ex d. l. 2. §. emancipatus, ff. de collat. bonor.* & ex his quæ diximus hoc numero, id fit, vt quia vxor vidua accusat mortem viri, *ex l. 2. tit. 1. & l. 14. tit. 8. part. 7.* & quia cæteris hæredibus præfertur in accusatione & remissione, quod tradit Antonius Gomez *tom. 3. c. 3. n. 65. ad fin.* quod remissionis & transactionis, vt ita dicam, nomine acquirit, sibi solum acquirat, nihilque communicet eo nomine, etiam filiis hæredibus, quia aduentitium est, ex traditis à Pinel. *d. n. 105.* & quia aduentitia sibi coniux habet, vt diximus suprà latè *ex l. 4. tit. 9. lib. 5. recap.* & quia vxor, cui vindicta solum competit, magis vindictam ipsam consequitur, quàm pecuniam, *ex d. §. emancipatus;* quæ sententia certè ex hac iuris ratione probabilis est, mihi certè dura ex his, quæ notat idem Pinel. *d. n. 115. ibi, quia pecuniaria æstimatio in iure filio acquirenda est, & quia filij iacturam fecerint;* quam etiam iacturam vindicta continet, ex Bart. in *l. interdum, §. qui furem, ff. de furtis,* Didac.  *variarum lib. 2. c. 10. num. 7.* Cum igitur damnum filiorum contineat vindicta, atque vxor vindictam consequatur, *ex d. §. emancipatus,* remittendo vindictam, certè damnum filiorum remittit, ideoque quod ex illa remissione consequitur, filiis etiam competere videri potest: tu ipse lector videris, quid tibi tenendum sit.

- 374 Est enim regulare, vt fructus communicentur, etiam earum rerum, quæ non communicantur, vt sæpiùs diximus *d. n. 134.* vbi egimus de vsufructu. Planè enim ipse vsufructus, cum sit ius quoddam incorporeum, nec alienabile, non communicatur, vt diximus *d. n. 134.* & adduximus Ioan. Lupum de Palac. Rub. in *rep. rub. de don. inter vir. & vxor. §. 65. n. 66.* vbi bona additio, quæ distinguit inter istud ius inseparabile & inalienabile, & inter commoditatem & emolumentum istius iuris, vt ius illud non communicetur vxorij, ita vt mortuo marito, eodemque vsufructuario, nihil relinquatur vxori, quia morte vsufructuarij finitur ius illud, *§. finitur, Inst. de vsufructu.* At verò commoditas & emolumentum, & fructus huius iuris constante matrimonio communicabitur, quia ius illud est instar proprietatis, commoditas instar fructus; fructus autem semper communicabitur, etiam eius rei, quæ aliàs sit incommunicabilis; inde aliò deuentum est, nempe ad eam quæstionem, scilicet quando marito concessi sint fructus rei fructuosæ, aut commoditas alienius rei sine iure illo inalienabili & inseparabili, quod nos dicimus vsufructum, vt potè quia Sacerdos concesserit marito fructus sacerdotij, seu trimos, aut bimos, & prouentus sui canonicatus trimos, & aliud id genus, vbi soli fructus



fructus reperiuntur sine iure alio, aut proprietate; vtrum fructus illi communicentur, & vtrum in hoc casu habeant locum, quæ diximus de usufructu? Et cum multum, diuque hæsitarem, tandem Ægidium Ramirez Senatorem merittissimum in hoc Pintiano Senatu consului, cum quo mihi non vulgaris amicitia est, & solemus mutuo nostras de iure dubitationes conferre, qui tandem pluribus vltro citroque habitis, hanc separationem probauit, vt scilicet hi fructus bimi, trimiue, aut plurium, aut pauciorum annorum non communicentur, quia cum in his non sit dabilis alia proprietas, ipsi sibi suam habent proprietatem in hunc modum dati; quæ proprietas communionem non admittit. In usufructu aliud censebat, quia considerabat aliam proprietatem præter fructus, scilicet ius illud inseparabile & inalienabile. Pro hac separatione faciunt adducta à Domino Francisco Sarmiento *selectarum lib. 3. c. 10.* & quæ nos post ipsum adduximus *de expensis & meliorat. c. 3. n. 4. & 5.* & glossa in *l. 25. tit. 11. p. 4.* Spino in *Speculo testamentorum*, nihilo adducto, *gl. 13. n. 67.* & textus egregius in *l. vxori 35.* & in *l. vxori 37. ff. de usufructu leg.* iuncto textu in *l. cum in fundo, ff. de iure dot.* quæ sunt iura ad propositum elegantia. Patet enim in *d. l. vxori 35.* usufructum legatum ad quinquennium non finiri morte usufructuarij morientis intra quinquennium: ergo non erat ibi ius illud inseparabile, sed sola quantitas relicta erat distributa in annos quinque. Constat item in *d. l. in fundo*, dotem fuisse constitutam in usufructu, & diuortio facto solum restitutum esse usufructum nouè constitutum in posterum; & ita illa iura, quæ à me adducebantur, rectè probant illam separationem fructuum, & usufructus: tu videris optime lector.

Propter delictum mariti etiam hæreseos mulieri nec confiscatur dos, nec medietas lucrorum constante matrimonio quæsitorum; idque recipimus in marito & vxore delinquente: vterque autem si delinquat, sibi in suis bonis nocet, non in alterius, nec capitalibus, nec lucratis: vtrumque decusum est *l. 10. & l. 11. tit. 9. lib. 5. recop.* licet Segura latè disputarit hunc articulum, eius tamen disputatio in re aperta & clara, vt inquit Didacus de Simancas, otiosa est. Tota enim Seguræ disputatio de bonis lucratis constante matrimonio eò dirigitur, vt ostendat bona vxoris non esse publicanda propter delictum mariti, etiam lucrata constante matrimonio; nec item bona mariti, etiam lucrata constante matrimonio, propter delictum vxoris, quod hodie decusum est *dict. l. 10. & l. 11. tit. 9. lib. 5. recop.* & est receptissimum in praxi & vsu forensi.

Sed tamen quæsitum est, an maritus, cui alienatio horum lucrorum concessa est constante matrimonio, eo quem diximus modo suprâ *n. 5. & 65. & de expensis & meliorat. c. 13. n. 19.* possint alienare bona quæsitâ constante matrimonio pro parte ad vxorem pertinentia, ab eo tempore, quo illa delictum commisit, propter quod bona ipso iure publicantur, vt in crimine hæreseos vsque ad sententiam diffinitiuam, quâ vxor declaratur hæretica, cum possit videri à die commissi criminis hæreseos bona publicata esse, & ad fiscum pertinuisse, *c. cum secundum, de hæretic. lib. 6.* & placuit in hoc separatio, vt scilicet vir sciens & prudens hæresis coniugis alienare nequeat, ignarus possit; si enim sciat vxorem hæreticam, & alienet, in fraudem fisci fecisse videtur, *ex d. auth. de his quæ in fraudem cred. & ff. si quid in fraud. patroni.*

177 Omni autem fraude cessante, ignaro marito criminis vxoris, liberè & legitime ex dispositione legis lucrata alienat illa, in quam partem inclinat regia lex 10. tit. 9. lib. 5. *nona recopil.* vbi ratio & substantia horum bonorum lucratorum, & de eis scripta durant, donec bona coniugalia per sententiam declarentur ad fiscum pertinuisse; subditque lex etiam si delicta sint huiusmodi, vt propterea iure sit indicta ipso iure bonorum publicatio; quâ lege decisa videtur hæc quæstio, vt maritus in dubio post delictum vxoris, etiam hæreseos, possit vsque ad sententiam declaratoriam alienare bona illa medio hoc tempore quæsita, & ita tenet Didac. de Simanc. *Instit. cathol. c. 6. n. 87. & 88.*

178 Subditque Simâcas ibidem n. 89. & 90. quodd in dubio præsumitur bona fides mariti alienantis, ita vt fisco incumbat onus probationis malæ fidei mariti quia vir alienans interim dat operam rei permissæ, ac iure suo vitur, ideoque nemini facit iniuriam; fraus item & dolus non præsumuntur, præsumitur autem sinceritas, & fides, item & ignorantia, l. *verius, ff. de prob.* ideoque onus probandi in eum transfertur qui dixerit dolo hæc bona alienata; sub qua regula, vti ipse ait, fiscus quoque includitur: si verò ex circumstantiis fraus colligatur, tum fortior ratio est pro fisco, & maritus probabit: ita Simanc. *vbi supra n. 90.* vbi quod ait de donatione, intelligendum est iuxta ea, quæ latè diximus *suprà n. 5. & 65. & de expens. & meliorat. c. 13. n. 19.*

179 Si verò maritus & vxor acquisierint sibi emphyteusim, & alter incidat in hæresim, nihil nocet alteri, ex dispositione dictæ legis 10. & l. 11. tit. 9. lib. 5. *recop.* Suam enim partem retinebit alter modo legitimo, vel tempore, vel commoditate, vel regionibus facta diuisione, vel pretio, si id magis alter coniux sibi vtile existimauerit; altera autem pars emphyteusis non accrescet ei coniugi, qui nihil peccauit, quia cum concessa sit & quæsita vtrique coniugi, cessat ius accrescendi: tenet in terminis Anton. Gomez *tom. 1. c. 10. n. 5.* Cuius ratio est, quia ius accrescendi non habet locum regulariter post emolumentum quæsitum, Bart. in l. *si mihi & Titio ff. de verbor. oblig. l. 1. §. interdum, ff. de usufructu accresc.* notat Bart. in l. *fundum cum mihi venderes, ff. de action. empti, & in l. si quis usufructum, de usufruct. legat. & Bald. in l. multum, C. si quis alteri vel sibi.*

180 In qua re duo sunt animaduertenda, eaque non vulgaria. Primum, quod plurimum aduertendum est ad verba concessionis emphyteuticæ; quia etiam si sit verissimum, quodd in contractibus post emolumentum quæsitum non sit locus iuri accrescendi; illud tamen non habet locum, quoties ex mente & voluntate concedentis potest induci coniectura inducti & expectati iuris accrescendi; idque colligitur ex verbis concessionis, veluti si dicatur, *concedimus vobis Titio & vxori vestra Seja fundum Titianum in emphyteusim pro vobis, & vestrum quolibet*: aut si conuentum sit, vt Titius & vxor vna persona reputentur aut ad vitas tres, quarum vnâ volumus esse vestram, & vxoris simul: tunc enim ex mente & voluntate concedentis inducitur ius non decrescendi, & durat integra emphyteusis apud alterum, etiam post quæsitum emolumentum: Bald. in c. 1. §. *filia, in fin. de success. feud. & in l. vna, Cod. quando non potentium partes, versic. sed hic dubitatur quid si in instrumento dicitur*, vbi Salyc. *quæst. 12.* Petrus de Anchar. *consil. 232.* tenet Alex. *conf. 17. vol. 5. ru. 6. ad medium*, quâ ratione meritò emphyteusis remanet integra apud vxorem, mariti



mariti publicatis bonis, tanquam si bona non fuissent publicata; nec illi quicquam adimitur eius, quod habitura erat cum viro, quod obtinebit locum viro capite punito. Quandiu enim vivit, non dubium est quin fiscus quoque concurret cum vxore, quemadmodum vir olim concurrebat, & concursu sibi faciat partem. Itaque si fiscus vendat bona publicata eius coniugis, emptor ad hæc attendere debet: mortuo enim coniuge, qui peccavit, vxor totam habet emphyteusin sola, ex his quæ diximus.

Deinde illud est advertendum, quod si emphyteusis sit ecclesiastica, talis scilicet quæ ad extraneos pertinere non possit, iuxta latè tradita à Chassanxo in *consuet. Burg. rub. 2. §. 2. num. 10.* & à Decio in *c. in presentia, de probat. num. 48.* & Gozad. *consil. 39.* tunc magis est ut fiscus, nec vivente quidem coniuge, qui deliquit, quicquam ex ea habere possit, sed tota ad vxorem pertineat; ac tunc quidem quia fiscus extraneus est, ad eum pertinere nequit, ac subinde nec ad Ecclesiam, cum totam vxori quoque concesserit, cui nihil est diminuendum de iure suo: ac subinde ex iure non decrescendi habet emphyteusim totam, ex superius notatis *proximo numero.*

Si verò emphyteusis huiusmodi sit, ut diximus *proximo numero*, totaque ad coniugem delinquentem pertinuerit, tunc ex ea ratione, quia ad extraneos pervenire non potuit, alia iuris ratio, eaque non vulgaris, sequenda est, ut liberum sit intra biennium Ecclesiæ eligere, an scilicet velit habere fiscum sibi in emphyteutam, an verò accipere sibi emphyteuticam rem: textus in *auth. de alien. & emphyt. coll. 9. §. si verò contigerit quamlibet rem*, Bart. in *l. si finita, §. si de vestigalibus, num. 6. ff. de damno infecto*, vbi Alex. *num. 24.* Bald. in *l. si quis presbyter, Cod. de Episcop. & Cler.* Imola in *c. ex parte, de feud.* Decius *consil. 442. num. 30.* Ruinus *consil. 13. lib. 5. n. 33.* quod est notatu dignissimum.

Vir, vxorque constante matrimonio quæsierunt sibi fundum Titianum, vir moriens suo filio prælegat, seu amico legat hunc fundum; quæsitum est an vxori noceat, concessa sibi alienandi facultate, de qua supra, *num. 5.* diximus in *tractatu nostro de expensis & meliorat. c. 13. num. 20.* virum visum de sua tantum parte disposuisse, & supra *num. 6.* ad nosmetipsos nos remisimus, egimusque ibi, illud scilicet, quid futurum esset, si vir sciens, prudensque rem alienam legasset, sciens ad vxorem suam omninò medietatem pertinere, quo casu sequendas esse regulas de re aliena scienter legata observavimus, quod est rationi convenientissimum, & suadet iuris scientia, ut scilicet tum duntaxat videaris reliquisse, *l. domus, §. fin. ff. de legat. 1. l. servi electione, §. final. ff. de legat. 1.* & latè docet Tellius in *l. 19. Tauri, a num. 7.* vbi limitat & sublimitat, ipsum vide, & *d. c. 13. a n. 20.*

Quæsitum tamen est à nostris Scriptoribus Hispanis, virum ex his ipsis bonis constante matrimonio acquisitis inter virum & vxorem possit maritus solus absque vxoris consensu primogenium, aut maioratium in persona filij primogeniti in eodem matrimonio instituere, vtpote si maioratium instituens res maioratus particulariter velit esse fundum Mauium & Seianum, qui proculdubio sint acquisiti constante matrimonio: hæc est dubitatio, quæ ut decident nostri, aiunt hæc quæstionē pendere ex alia, quæ supra resolvimus hoc tractatu,

n. 4. & ex ea, quam attigimus *suprà* n. 5. & in *tract. nostro de expensis & meliorat. c. 13. n. 14. & seq.* & n. 19. quæ breuiter, quia iam à nobis scripta sunt, & leuiter hic sunt necessariò attingenda, diximus *suprà* n. 4. & d. c. 13. n. 14. & ibi adduximus legem nostram Hispanam ad hanc rem opportunissimam, deuiantem à iure communi, nempe quæ sita constante matrimonio acquiri ipso iure marito & vxori, quod est & receptissimum, vt diximus n. 4. *suprà*, & verissimum, vt probauimus d. c. 13. à n. 14. diximus item *suprà* n. 5. & in c. 13. n. 19. de *expensis & meliorat.* maritum, etiam si alienare possit hæc lucra, hoc tamen intelligendum esse, vt donare in magna quantitate non possit, in quo probauimus distinctionem Ludouici Molinæ de *Hispanorum primog. c. 10. n. 66. lib. 2.* quæ est opinio æquitate plenissima.

185 His vtunque præmissis, de quibus d. n. 4. & 5. *suprà*, & d. c. 13. n. 14. ad n. 19 patet quid dicendum sit ad hanc quæstionem: quod dilucidius constabit, si repetas quæ diximus *suprà*, n. 183. Si enim hæc lucra quærantur pro sua parte vxori ipso iure, & quoad dominium, & quoad possessionem, si maritus item donare non potest, saltem in hac quantitate, præterea si vir aut vxor legaris, aut prælegans rem communem, de sua tantum parte intelligitur legasse, aut prælegasse, certè ex his fundamentis, vel obocæcatis oculis eò deuenies, vt ad quæstionem respondeas, maioratum institutum de rebus communibus in eo sustineri duntaxat, quod ad instituentem pertineat. Nam quod vxoris est, & vxori quæsitum ipso iure cuius & dominium & possessionem habet, durissimum est, quod ab ea auelli possit sine facto vllò suo, contra apertissima iuris principia. Hanc sententiam cum ad partes disputarit, post longam disputationem tenet & probat & iure & ratione Ludouicus Molina de *Hispan. primog. lib. 2. c. 10. n. 67. vers. sed quamvis hac stringere videantur*, vbi respondet ad l. 5. tit. 9. lib. 5. *recop.* qua alienatio horum lucrorum conceditur viro constante matrimonio sine fraude, quæ fraus in institutione maioratus vocato filio communi videtur cessare; ait enim & in hoc fraudem quoque inueniri, quæ vxori adimat liberam de rebus suis dispositionem. Ego addo, in libera dispositione non contineri donationem, quod latè disputauimus d. c. 13. à n. 14. ad n. 19. Ad alia autem ipse optimè respondet, quæ non multum vrgent, ibi videre poteris, ita vt ex his bonis addictis primogenio nihil damni patiatur vxor, hæc est sententia Ludouici Molinæ *vbi suprà*, qui vxori retinet bona sua intacta, cui nec æstimatione pecuniaria satisfiat.

186 Nouissimè Andreas Angulo Cordubensis quæstionem attigit in l. sua *tertia meliorationum*, quæ est lex 19. *Tauri*, in gl. 4. n. 4. qui tandem post longam item allegationem, n. 8. recedit à Ludouico Molina, & n. 14. expresse ait maritum posse donare, vel assignare pro melioratione rem lucratam constante matrimonio; dum tamen tantundem refarciat vxori de communi: quam opinionem, quantum coniecto, ex eo tenet, quia *suprà* n. 5. *vers. sed in illo articulo*, tenuerat hæc lucra constante matrimonio non acquiri ipso iure quoad dominium vxori, quæ fuerat opinio Telli in d. l. 19. Castilli, Ancharani & Caroli Molinæ, quos ipse ibi refert; qua opinione retenta facile fuit asserere, maritum etiam hoc modo alienare posse, vxorique ius solum competere ad pretium partis suæ; & ad hanc rationem rediguntur omnia argumenta ab eo adducta.



adducta. Cùm verò sit receptissima sententia, & meo iudicio verissima, mulierem ipso iure effici dominam acquæstum, quod latè tradidimus *d. cap. 13. à n. 14.* & suprà *n. 4.* planè illud quoque consequens est, vt mulier sibi sua retineat bona, nihil de æstimatione sollicita : quod probat Molina *vbi suprà*, & ego libens amplector. Namque si verum amamus, nostro iure sit acquisitio ambobus ipso iure dominij veri acquæstum, quod *lege nostra 47. tit. 28. part. 3.* mihi decisum est apertè. Licet enim lucra societatis iure communi venient communicanda iudicio societatis, actione pro socio nostro iure vendicatio competit, *ex d. l. 14.* quod latè diximus *d. c. 13. à n. 14.* Vnde illud dominium retinet sibi vxor, & meritò, cùm sine facto suo auferri ipsi non possit, quæ sola ratio adhuc diluenda est, si dilui possit, ab eis qui solum ius, hoc est actionem, non dominium relinquunt vxori.

Ex his resultat, quod notauimus suprà *num. 172.* vt hæc lucra quæ sita 187 ipso iure sine agnitione vlla, transmittantur ad hæredes vxoris, quod diximus generale in omni lucro delato à lege : & ratio ex eo descendit, quia cùm ipsa sit domina, & habeat dominium harum rerum quæsiturarum constante matrimonio, planè instituti hæredes habent quidem ius ad hæreditatem, ac subinde ad hæc bona, quia sunt in hæreditate emortuæ vxoris, & augent hæreditatem, & profunt creditoribus vxoris, tanquam res hæreditaria, & in eis habent locum iura omnia hæreditaria : hæreditatis enim nomine omnia intelligimus quæ fuerint testatoris tempore mortis eius ; quod est vulgare.

Ex eodem principio deductum est, quod notauimus suprà *n. 157.* vt quia 188 dominium quæsitum sit vxori pro sua parte, possit quidem soluto matrimonio pro ea in iudicio agere, quia de iure suo agere potest etiam viâ executiuâ : itaque vendicauit res corporeas pro sua parte, cæterasque actiones exercet in iudicio pro his lucris ; tum etiam obligationes pecuniarias sibi, maritoque suo debitas pro parte sua diuidua prosequetur, & petet etiam exequendo, quia hoc iure sibi concessum est, nec expectauit vllam ad hæc hæredum viri cessionem, quæ sibi dominæ necessaria non est. Nemini enim denegatum vnquam est ius suum in iudicio exercere ; ea est actionis natura, vt quod nostrum est, persequi valeamus, §. 1. *Instit. de action.* si verò obligatio facta sit soli viro, quo casu diximus adhuc esse locum communioni & societati, suprà *num. 171.* tunc quidem quia reuerà debitor non est obligatus vxori, diximus indigere vxorem cessione ; suprà *n. 157.* quæ omnia habent sibi particularem rationem, ex his quæ suprà diximus de dominio quæsito vxori in his lucris, & destruntur omnia, si ea opinio nostro iure recipiatur, scilicet quòd vxor non sit domina ; quæ opinio, attentà *d. l. 47. tit. 28. part. 3.* meo iudicio sustineri in Hispania non potest, idque receptissimâ sententiâ comprobatum est, de quo suprà *n. 4.* & *d. c. 13. à n. 14.*

Ex his etiam constat apertè, quid dicendum sit ad eam quæstionem, quam 189 indecisam reliquit Roderic. Suar. in *l. 1. tit. de las ganancias, lib. . fori leg. vers. queritur ulterius, ad finem*, vbi hæc eius verba sunt : *Ho. est importantissimum de facto ; nam mortuo marito hæredes petunt se mitti ex edicto Diui Adriani in possessionem bonorum, quæ remanserunt à defuncto, si in medietate bonorum vxori pertinemere, ipsa tuenda sit in possessione, nec in illa debeat mitti hæres ;*

vel an ipsa debeat habere de manu hæredis, cogitabis, quia nunc habeo de facto. Hactenus Suarez noster. Dubium autem ab ipso propositum deciditur & verissimè & brevissimè, ex his quæ diximus supra *proximè*, n. 186. 187. & 189. Cum ipsa enim sit domina suæ patris, & lucrorum pro sua parte habeat verum dominium, nihil est, quod in his accipiat ab hærede, nec hæres in possessionem mittendus est earum rerum, quæ ad testatorem suum non pertineverunt, nec viventem, nec morientem, quod est vulgare, si obligatio reperitur facta soli viro, vt diximus *proximo numero*, sed cessione opus est mulieri, ad agendum contra obligatum, quia sibi obligatus non est, vt diximus.

- 190 Illud controuertitur inter Iurisperitos, an id etiam ad lucra hæc pertineat? Maritus vxorve de bonis litigat constante priore matrimonio, quo morte soluto, secundo tandem inito matrimonio, lis sententiâ & re iudicatâ finita est; bona, de quibus liserat, adiudicantur cum fructibus à die litis contestatæ; filij prioris matrimonij petunt sibi eam fructuum portionem, quæ parenti comperebat toto tempore, quo matrimonium constitit, & lis versata est: aiunt reliqui nullam habendam esse rationem ipsorum fructuum, qui constante eo matrimonio non sint percepti; namque obijciunt de perceptis à viro & vxore esse intelligenda iura nostra, *l. 3. tit. 3. lib. 3. fori leg. l. 4. tit. 9. libr. 5. recop.* tam etiam quia mens nostrarum legum cohabitationem continuam mariti & vxoris exigere videtur, ac subinde vtriusque industriam, & in qua rendis, & conseruandis; hanc autem abesse in nostro casu, cum hi fructus percepti sint soluto iam priori matrimonio, & quia non sint viri, & prioris vxoris, etiam si actionem habuerint. Improptiè enim dicimus nostrum, ad quod actionem habemus, *ex l. qui actionem habet, ff. de reg. iur. ibi, habere videtur*, quæ sunt improprietas notæ, & quia fructuum ratio, industriæ, operæ & labori adhæret, §. *si quis à non domino, Instit. de rer. diuis.* quibus rationibus hanc partem tenet Ayora *de part. bonor. 3. part. quest. 27. per totam*: vbi nihilo alio adducto, concludit nihil horum fructuum deberi priori coniugi, nec eius hæredibus: dura mihi certè sententia; & vt ingenuè dicam quod sentio, contra iuris scripti rationem.

- 191 Pro contraria enim sententia, quam ego veriore censeo, est textus expressus in *l. defuncta, ff. de usufructu*: vbi usufructuaria mortuâ post collectos fructus, nempe mense Decembri, sed antequam deberentur, quia ex lege conductionis soluendi erant Kalendis Martiis, fructus adhuc consequitur: & ibi est textus, quod dies perceptionis fructus attendendus sit, non solutionis, qui nondum venerat, ad hoc vt is, cui fructus debentur, eosdem consequatur.

- 193 Præterea contra Ayoram est singulare consilium Gasparis Calderini *inter consilia Ioan. Calderini, tit. de præbend. & concess. præb. consil. 21.* vbi respectu Capituli quærit, an fructus Capitulo debiti ab hinc tres, quatuor, decemve annos, aut minùs, aut ampliùs, hodie verò soluti, sint diuidendi inter Canonicos eius temporis, quo sunt collecti, & eorum hæredes; an verò inter Canonicos nouos, qui hodie recepti sunt post collectionem fructuum, & ante eorundem solutionem? vbi resoluit, particularem rationem versari in hoc suo casu, vbi fructus debentur Capitulo, & non nisi à Capitulo exigì possunt, in consequentiam autem veniunt diuidendi inter Capitulares, quia cum  
idem



idem sit Capitulum hodiernum, & quod fuit ab hinc decennium, etiam si omnes de Capitulo mutati sint, quod ipse aliunde probat, oblitus textum singularem in *l. proponebatur, ff. de iudiciis*: sit ut fructus Capitulo principaliter debiti his solvantur legitimè, qui hodie capitulares reperiantur: diuersum verò ait esse recipiendum in casu dictæ legis defunctæ, ubi dies collectionis attenditur, non solutionis; quia fructus particulariter ipsi debentur à die collectionis, non solutionis: quæ ratio Calderini necessariam facit decisionem nostræ quæstionis contra Ayor. Cum enim vxor habere debeat fructuum partem legis beneficio, cui constante eo matrimonio proueniant & acquirantur, ex *d.l. 4. tit. 9. lib. 5. recop.* & fructus illi tandem acquisiti sint etiam pro eo tempore, sit profectò, ut in nostro casu sit locus dictæ legi defunctæ.

Præterea ex *d.l. 4. tit. 9. lib. 5. recop.* fructus indistinctè debentur vxori, etiam 194 earum rerum quæ non communicantur, nec in *l. 5. eod. tit. & lib.* contrarium deciditur. Verba enim ea in *d.l. 5. ibi, de los que fueren ganados y mejorados y auidos*, non sunt posita copulatiuè, ita ut mulier habere debeat partem fructuum earum rerum, quæ simul & coniunctim & lucrata, & meliorata, & habita sint constante matrimonio; sufficit enim si vel lucrata sint, etiam si non sint meliorata; & item ex eadem ratione sufficit, si acquirantur, etiam si non habeantur, quia ex regula legis sapè, *ff. de verbor. signific. copula, &* in *d. l. 5.* resoluitur in disiunctiuam, quia adiectiuus appositus est. Fieret enim, si copula, &, ibi posita copulatiuè acciperetur, ut inducta in fauorem vxoris retorquerentur in eius damnum, nec ipsa fructus haberet, nisi earum rerum, quæ simul & acquisitæ, & habitæ, & melioratæ essent; quod est inauditum, ex interpretatione ad *d.l. 5.* ex qua planè corrui fundamentum, quod ex ea astruebat Ayora, existimans non sufficere acquisitionem, nisi post iuris acquisitionem planè fructus habeantur.

Præterea sententia, quæ lata fuit constante secundo matrimonio, nihil 195 tribuit de nouo, sed antiquum ius, quod olim competebar, declarat, nempe rem coniugis fuisse, item & fructus totius temporis à lite contestata ad executionem sententiæ: textus expressus in *l. sicuti, §. sed si queratur, ff. si seruit. vend. ibi, non enim per sententiam seruitus constituitur, sed quæ est, declaratur*. Cum ergo sententia declararet, rem cum fructibus toto illo tempore coniugis fuisse, atque eo nomine totius temporis fructus solvantur, iam est locus dictæ legi *4. tit. 4. lib. 5. recop.* ut pars fructus quoque filiis prioris matrimonij debeatur; quod quidem verissimum puto, & indubitatissimum est, si priore matrimonio constante coniux litem sit profecutus, sumptusque eo nomine facti sint, quo casu non sunt mihi fructus denegandi, qui meis quoque sumptibus sint quæsi: idem existimo si versemur in inuoratu & perpetuo fideicommissio, in quo legis beneficio dominium transfertur, & in casu legis 45 Tauri.

Gregis quoque foetus ad fructus pertinet, ideoque partus fructus nomi- 196 ne continentur, *l. foetus, §. foetus, & l. quod ergo, ff. de usufructu*. Ideoque horum quoque ratio habetur in hac de bonis & fructibus inter vxorem & virum communicandis ratione: item lana orum, coriaque emortuarum pecudum, lactis quoque quæstus ad vtrumque pertinent, *l. in pecudum, ff. de*

*de usuris* : quod ita veteres Iurisconsulti existimabant, vt si grex, armentum, equitumve capitale sit, id omninò replendum sit ex fœtibus, reliquum ad fructus pertineat, ac subinde ad lucra; secus verò si oues, boues, equæ ad gregis, armenti, equitij numerum non ascendant, idque decisum est in *d. l. fœtus, & fœtus, & l. quid ergo*, suprâ adductis, quæ distinctio hodie non obseruatur in Hispania ex decisione legis 21. tit. 11. part. 4. vbi Greg. id sentit.

- 157 Seruæ autem partus ad fructum non pertinere certum est, *l. vetus. ff. de usu-fruct. Vetis*, inquit Vlpianus *fuit questio, an partus ad usufructuarium pertineret*: sed Bruti sententia obtinuit, fructuarium in eo locum non habere; nec enim in fructu hominis homo esse potest: hac ratione nec usufructum in eo fructuarium habebit. Hactenus Vlpianus: qua ratione ad eum pertinebunt, ad quem mater pertinebat, vt diuersum in fœtu pecorum animaduertendum sit ex Iurisconsultorum placitis.

- 158 Sicubi verò agendum sit de his lucris, primùm illud animaduertendum est, quid quisque ex coniugibus ad matrimonium attulerit, atque id capitale, siue proprium eius habebitur, quod probatione legitimâ constabit, alias communia omnia iudicabuntur, ex decisione nostræ legis 1. tit. 9. lib. 5. *recop.* atque adeò deductis vtriusque bonis propriis, quod reliquum est, ad lucrum pertinebit; si nihil super sit, nihil nomine lucri esse existimabis, quod *ex d. l. 1. tit. 9. lib. 5. recop.* planum est.

- 899 Duplici autem existente matrimonio, illud aduerte, quod decisum est in *l. assiduis, & in auth. si quid ex rebus, C. qui potiores in pign. hab.* Vtrique enim, vxor & filij iidemque hæredes, res propriè extantes iure dominij sibi habent; si verò non extent, tunc secunda vxor in his, quæ iure dominij habere debet, si res extent, priori præfertur; si quid verò habere debeat iure pignoris, & creditoris, priori cedit, ex dictis iuribus; quod latè sumus prosecuti *de expens. & melior. c. 13.* ex qua resolutione cessant omnia quæ scripsit Ayora *de part. bon. 1. part. c. 7. n. 1. 2. & 3.*

- 200 De fructibus autem, quia diuiduntur inter virum & vxorem, etiam earum rerum, quæ propriè alterius sint, diximus *n. 134. & 174. supra*, quo fit vt soluto matrimonio, quia cessat onus matrimonij, *l. pro oneribus, C. de iur. dotium*, fructus omnes sint communes, etiam si percepti sint & co'lecti constante matrimonio, quod tenet Gregor. in *l. 26. tit. 11. part. 4. gl. final.* & optimè: quamvis enim, si consumpti essent, nihil ex eisdem haberet superstes; si tamen extent soluto matrimonio, non dubium est, quin ad lucra pertineant, & est verissimum, licet Gutierrez Gregorium notet, & aliud velit *canonic. 9. 33. n. 16.* Greg. tamen, si rectè eius sententia expendatur, cordatè fructus eos ad lucra pertinuisse asserit, & est verissimum. Hæc, aliud agendo, de coniugali acquæstu cumulauius, vt & quæstiones in promptu essent, & aliquid ad scripta hactenus adderetur, iuuenturi consuluius, cui nostra studia prodesse & cupimus, & laboramus.





# INDEX

## RERVM IN QVATVOR

Posterioribus Tractatibus comprehensarum  
copiosissimus.

*Prior numerus paginam, posterior marginales notas designat.*

A.



**Q**VESTVS est quem  
coniux suâ operâ &  
industriâ acquirit, &  
idem significat quod  
quæstus. p.58.n.1.

Acquæstum & lucro-  
rum varia genera sunt, & consuetu-  
dines variæ. ibid.

Acquæstus vocantur apud Gallos bona  
acquisita constante matrimonio.  
p.69.n.29.

Cætera vide in verbo *Quæstus*, & ver-  
bo *Lucrum*.

**A**gidius Ramirez de Arellano in hoc  
Senatu Pintiano Senator laudatur.  
p.111.n.174.

**A**lienari possunt bona Ecclesiæ à Præ-  
lato propter merita, mobilia vel im-  
mobilia, contra Decium, p.8.n.14.  
& p.12.n.31. & p.13.n.33.

**A**lienari prohibita, confiscari seu pu-  
blicari nequeunt. p.35.n.28.

**A**lienatio rei quando dicatur necessa-

ria, quando voluntaria, ad vitam,  
vel mortem pignoris. p.43. & 44.  
n.6.7. & 8.

**A**limenta filiis prioris matrimonij præ-  
stita quatenus imputanda. p.105.  
num.152.

**A**nnui redditus hypothecæ suppositi,  
si postea fuerint redempti, utrum  
ius hypothecæ duret: vide in verbo  
*Hypotheca*.

**A**rticuli ante legem 15.tit.9.lib.5.recop.  
circa quæ sita constante matrimonio,  
qualiter debeant formari. p.66.n.34.

B.

**B**ona alterius coniugis sunt com-  
munia contracto matrimonio  
Lusitaniæ. p.58.n.1.

**B**ona quæ teneatur coniux reservare  
filiis prioris matrimonij. p.60.n.8.

C.

**C**aius Latinè dicitur dominus, & si-  
militer Caia, id est, domina. p.63.  
num.23.

Q

Castro

Castro concessio munitiones, quæ ibi fuerint ad defensionem castri, cedere. p.86.n.88.

Confessio hæredis scripti probat tacitum fideicommissum infraudem fisci relictum. p.30.n.16.

Quod locum sibi vendicat ante restitutionem factam, secus postea. p.31. num.17.

Confessio de sui natura consentienti, non aliis nocet. p.31.& seq.n.18.

Confessio debitoris assertentis prius cum alio contraxisse, sibi, non alij hypothecario creditori nocet; nec matrimonium sola confessione maris & fœminæ in præiudicium tertij probatur, inter ipsos verò satis superque. p.32.n.19.20.& 21.

Confiscari nequeunt prohibita alienari. p.35.n.28.

Consuetudo Lusitanæ circa bona diuidenda inter coniuges refertur. p.58. n.1.

Consuetudo Italiæ. p.59.n.2.

Consuetudo Cordubensis sua lucra concedit vnicuique coniugi, vbi quidquid alter ex coniugibus acquirit, sibi acquirit. ibid.n.3.

Consuetudo non præsumitur, & debet probari si ei ius commune resistat. p.66.n.32.

Consuetudo notoria, manifesta, & legalis non indiget probatione, ibid. num.35.

Quod limita in consuetudinibus vniuersalibus, vt est consuetudo de diuidendis lucris quæsitis constante matrimonio, & consuetudo retractus, de qua in l.7. § 8. tit. 1. lib.5. recop. ibid. num.36.

Consuetudinem Hispaniæ, vt Clericus possit testari de bonis quæsitis intuitu Ecclesiæ, non est necesse probari. ibid.

Consuetudo de reducendis bonis ad

truncum, vt aiunt, particularis est, de qua in l.6. Tauri, quæ est lex 1. tit.8. lib.5. recop. probari debet. p.66.n.37.

Consuetudinem alleganti, non diuidendi lucra inter virum & uxorem constante matrimonio quæsitæ, incumbit onus probandi. p.67.n.38.

Consuetudo, vt hypotheca finiatur, seu pereat eo casu quo debebat viuere, & permaneat eo casu quo debebat interire, seu extinguì, potest efficere. num.20.

Copula & , quando in disunctiuam resoluitur. p.103.n.144.

Curator datur luxuriosè viuenti. p.71. n.47.& 48.

Curator viro incontinenti & libidinoso dandus non est, licet detur prodigo. p.72.n.49.

## D.

**D**atum alicui propter me, perinde est ac si mihi datum fuisset. p.90.n.104.& 105.

Debita an ex lucratis constante matrimonio debeant solui, & ibi quid iuris si maritus pro alio fideiussert. p.104.n.149.

Debita constante matrimonio contracta mulier lucris renuncians non cogitur soluerè. p.106.n.155. Quod locum habet in mulieris hærede, ibid. & num. sequenti. Consequetur quodd eo casu dotem liberet. ibid.

Debitor deteriore causam creditoris facere potest ex anteriori contractu. p.44.n.6.

Delictum hæredis accommodantis tacitam fidem de restituendo incapaci, ad legata, fideicommissaque non porrigi. p.31.n.29.

Dolus non est, qui vigilauit, sibi que prospexit. p.47.n.16.

Dolus non præsumitur, eumque alleganti



- ganti incumbit onus probandi,  
p.112.n.178.
- Dominium lucrorum constante matrimonio factorum statim communicatur, & acquiritur pro sua parte utrique coniugi. p.115.n.188.
- Donatio lucrorum constante matrimonio, an valeat inter virum & uxorem.  
p.61.n.5. latius p.78.n.65.
- Donatio facta uxori à consanguineis mariti, ad quæstum coniugalem non pertinet, nec è conuerso. pag. 89. num. 101.
- Donatæ res uxori à consanguineis mariti contemplatione mariti, & è conuerso, cuius futuræ sint, latè differitur. ibid.n.101.
- Donatio xeniorum facta à consanguineis mariti uxori, seu sponsæ die sponsaliorum, vel nuptiarum, à marito facta censetur, & ita regulatur. p.91.n.106.
- Donatio uxori facta, tunc tantùm dicitur contemplatione mariti fieri, si eius mentio in donatione habita sit. pag. 95. numero 118. & pag. 92. num. 108.
- Donationem factam uxori à consanguineis mariti statim valere, non expectata morte uxoris, secundùm plurimum sententiam contra Bart. communiter receptum, refertur, p. 93. n. 109. & media sententia refertur. p.94.n.113.
- Iura & rationes, quibus prædicta sententia nititur contra Bart. communiter receptum, referuntur, p. 93. & seq.n.110.111. & 112.
- Donatio facta Ambassiatori (id est, Legato Principis, vel Communitatis) an censeatur Principi, vel Communitati fieri. p.94.n.111.
- Donatum socio occasione societatis, fit ipsius. p.94.n.112.
- Donationem à coniugis consanguineis utrique coniugi factam, ad quæstum coniugalem pertinere, indubitati iuris est. p.95.n.114.
- Donatum à viri consanguineis marito, vel uxori ab eius consanguineis, inter coniuges non communicari. ibi. n.115.
- Donatio simpliciter uxori à consanguineis mariti facta, non censetur mariti contemplatione fieri, & quando id præsumatur, cum iudicio traditur, p.95. num. 118. & 108. Et hoc locum habet, etsi res quæ in donatione venerint, viro vel uxori conueniant, contra Angel. p.96.n.119.
- Donata uxori à consanguineis mariti, & eius contemplatione, ut ei acquirantur, consuetudine induci posse. p.97.n.122.
- Donatio remuneratoria akeri coniugi facta, utrum communicari debeat inter eos, differitur, p.98.n.123. & 125. cum seq. ad limitationem legis 3. tit. 9. lib. 5. recop.
- Donatio à Principe filio vel filiæ facta, castrensis peculij vicem obtinet, & integrè donatario quæritur. p.102. num. 138.
- Donatio lucrorum nuptialium ante vel post matrimonium viro ab uxore facta, an teneat. p.104.n.147.
- Donatio remuneratoria propriè non est donatio. p.3. & seq.n.3. & 5.
- Donationis remuneratoriæ 46. effectus remissivè. p.4.n.4.
- Donatio remuneratoria est quasi compensatio, permutatiove, & inter onerosos titulos connumeratur, ibid.n.5. & p.8.n.13.
- Donatio remuneratoria insinuatione non indiget, p.6.n.7. nec reuocatur propter ingratitudinem. ibidem num.8.
- Donationem filiis superuenientibus non irritari, ad limitationem legis

# I N D E X.

*si unquam, C. de renoc. ind. donat.* p. 7. num. 10.

Donatio propter merita facta est remuneratoria, etsi merita ius agendi non præstarent, contra Pinel p. 8. num. 12.

Donans qui aliàs non tenetur ultra quàm facere potest, si donet ob merita, tenetur. p. 9. n. 18.

Donatio inter virum & vxorem constante matrimonio facta, remuneratoria & reciproca valet. p. 8. n. 12. & p. 10. n. 25.

Donatio remuneratoria à tutore, curatore, procuratore generali, & à quolibet administratore fieri potest. p. 10. n. 22. & 25.

Donator re donata euicta, etsi cœperit à traditione, si ob merita donauit, tenetur. p. 10. n. 24.

Donatio à viro sene, aut plebeio vxori nobili, aut iuuentulæ facta, sustinetur. p. 11. n. 26.

Donare potest libertus ob merita, eoque modo patroni legitimam minuere, secus in patre. p. 15. & seq. n. 40. 41. & 42.

Donatio remuneratoria à parente filio facta vt extraneo, valet. p. 17. n. 44. & an hæc donatio fratrurn portionum legitimas minuat. ibid. n. 45.

Donatio simplex non confertur, sed valet in tertio, & quinto: ob causâ verò donatio confertur. p. 18. n. 46.

Donatio ob merita est ob causam, non simplex; itemque conferenda, & imputanda. p. 18. & 19. n. 47. & 48.

Donatio propter nuptias iure Hispano non est cognita, nec necessaria. ibid. n. 47. & 49. in fine.

Donatio simpliciter facta, probatis meritis est remuneratoria; quod fallit in donatione facta filio, cognato, aut coniuncto. p. 20. n. 49. & 50.

Donatio in eo quod merita excedit,

simplex est. p. 22. num. 51.

Donatio quando merita excedat, & quomodo sit ineunda ratio, & an credendum sit ei qui donat, si asserit donatarium de se bene meritum. p. 22. & 23. n. 52. & 53.

Dos ab vtroque parente promissa, vel à patre tantum, constante, vel soluto matrimonio, an ex lucratis constante matrimonio soluenda, & quid si non sunt lucra. p. 105. num. 150. & 151.

Dotem si soluerit coniux filix prioris matrimonij ex bonis communibus, soluto matrimonio quatenus teneatur. p. 106. n. 154.

Dos (publicatis propter delictum mariti bonis) non publicatur. p. 111. num. 175.

## E.

**E**Mphyteusis ab vtroque coniuge acquisita, si alter in hæresin dilabatur, vtrum alteri noceat, & quatenus & quando, latè differitur à p. 112. & seqq. n. 179. vsque 182.

Emptio & venditio si habent causam à priori contractu, censentur fieri ex causa necessaria. p. 44. num. 7. & 8. & p. 47. n. 17.

Emptio ita contracta, vt si displicuisset, res inempta esset, pura est; resoluitur tamen sub conditione. p. 42. n. 3. & p. 45. n. 9.

Emptor qui obligauit rem emptam, hypothecæ supposuit, eam redhibens, liberam redhibere debet. p. 48. num. 18.

Exhæredari non possunt hi, quibus de iure legitima portio debetur, nisi obseruata ratione authenticæ *Et cum, de appellation. cogn. §. aliud quoque capitulum, & legis eius 4. tit. partit. 6.* p. 33. n. 23.

Expensæ



Expensæ in re alterius coniugis factæ ad lucra nuptialia pertinent, consequiturque coniux partis suæ æstimationem. p.81.n.73.

Expensæ plantationis vineæ in solo alterius coniugis, an debeant à domino soli solui, & an debeat æstimatio tempore computationis sumptibus factis correspondere. p.82.n.74.& 75.

Expensæ in rebus maioris constante matrimonio factæ, an sint coniugi communicandæ, vel saltem ei sit æstimatio meliorationem soluenda. p.82.n.76.ad intellectum legis46. Tauri p.82.n.77. & p.83.n.78.cum sequentibus.

Expensas factas in domibus quibuscumque maioratum, possit, necne vxor repetere pro sua parte; ad extensionem legis 46. Tauri p.85.num.85. vel in mænibus, & fortalitiis maioratus, à p.83.num.78. & quid si fuerit magna expensa. p.85.n.86.

Expensa magna quæ dici debeat, ibid. Cætera vide in verbo, *Melioratio*, & verbo *Lex*.

Expressum an faciat cessare tacitum in hoc de taciti fideicommissi disceptatione tractatu. p.26.num.9. & p.35.n.29.

## F.

**F**acta non præsumuntur, nisi probentur. p.66.n.32.

Feudo in fauorem domini refutato, an ius pignoris antea à vassallo contractum duret. p.44.n.7.

Feudi augmentum non diuiditur inter coniuges. p.89.n.98.

Fideicommissum tacitum vnde dictum. p.25.num.1. & quare. p.26.num.8. & 9.

Fideicommissum, & fideicommitti ver-

ba vnde.

p.25.n.4.

Fideicommissum tacitum in fraudem fisci relinqui incapaci censetur, etsi accommodatio tacitæ fidei in publico fiat instrumento, in quo ad sint expressæ preces testatoris, si testes & tabellio rogati fuerint ne de- tegant, vel de secreto conseruando. p.26.n.6.

Fideicommissum tacitum in fraudem fisci relictum quale sit. pag. 26. num.7.

Fideicommissio palam incapaci relicto fisco locus non est: quod limitatur secundum aliquos, nisi ei fuerit accommodata fides, vel restitutio facta. p.27.n.10. & 11.

Fideicommissio ab hærede palam relicto ita vt restituat quibus voluerit, restitutione incapaci facta, veluti spurio, non est fisco locus. p.29. num.13.

Fideicommissa particularia perpetua, quamuis contineant vniuersitatem rerum, vt maioratus nostri continent vniuersitatem facti, non iuris. &c. p.7.n.35.

Fideicommissum vniuersale, sicut hæreditas, etiam continet vniuersitatem iuris, quod est vtile, quia in hoc sufficiet vnum iudicium vniuersale, in particulari secus. ibid.

Fideicommissarius vniuersalis est hæres. ibid.

Fideicommissum vniuersale à particulari in quo differat. ibid.

Fideicommissis particularibus legata æquiparari. ibidem.

Cætera vide in verbo, *Fiscus*, & in verbo *Hæres*.

Fideiussori propter merita acceptilatione liberato contra debitorem mandati actio competit, secus si gratuito, id est, sine meritis. p.9. n.16. & 17.

Filiorum erga parentes merita quæ.  
p.16.n.43.

Filij parentibus pietatem non operas debent, p.16.num.43.& quando salarium possit perire ob negotia patris à se gesta. ibid.

Filius magis quàm alius ad personam patris accedit. p.62.n.19.

Filius in sacris constitutus vnde dicitur. ibid.n.20.

Filiusfamilias ius vtendi fruendi, quod erat penes patrem, propter lapsum patris in hæresin consequitur, peculi j scilicet aduentitij, nec cum cæteris patris bonis confiscatur. p. 107. num.161.

Filiis legitima portio de iure ciuili & naturali debetur. p.33.n.23.

Fiscus quæ onera cognoscat auferens ab indigno hæreditatem. p.41.n.43.

Fiscus Ecclesiasticus & secularis quomodo admittantur. p.40.n.42.

Fisco locus non est in relicto incapaci, si hæres tacitam fidem de restituendo non accommodauerit. p.29.n.14. Et enumerat casus, in quibus non est necessaria fidei accommodatio, facta restitutione incapaci. ibid. & p.27.& seqq.n.11.12.13.& n.15.

Fisco locus est, testatore asserente aliquem ex hæredibus institutis hæreditatem non mereri, vel ea indignum esse, nec eius portio cohæredi accrescit; siue ille adeat, siue repudiet hæreditatem. p.32.num.22. Quod limitatur in filiis hæredibus institutis. p.33.num.23.& quomodo debeat probari. ibid.

Fisco locus sit, necne, si testator post datam, acceptamque ab hærede fidem de restituendo incapaci, alios hæredi substituerit, perpetuum fideicommissum vel maioratum instituens; potiorve sit cæterorum causa, latè differitur. p.35.n.28.

Fiscus, etsi ad eum regulariter deuoluta hæreditate legata & fideicommissa teneatur soluere, non tamen ea, quæ in fraudem eius relicta sunt. p.36.& seq. n.33. & 35.

Fisco in foro conscientie hæres qui fideicommissum incapaci tacitè relictum restituere agnouit, an teneatur vel ipse incapax restitutione facta, eleganter differitur. p. 38. num.38.

Fisco locus non est cum incapaci aliquid relinquitur, sed cum indigno. p.39.num.40.in fine, & 41.

Cætera vide in verbo *Fideicommissum*. Fructus peculij profectitij à filio collecti, ad peculium profectitium pertinent, nec communicantur. p.100. n.130. & 131.

Fructus omnes constante matrimonio percepti rerum castrensium coniugum, inter eos diuiduntur. p. 88. num.97.

Fructus officiorum, commendarum, bonorum castrensium, vel quasi, coniugibus communicari. p. 101. num.135.

Fructus rei in quinquennium maritus conduxit, ante quinquennium moritur, an possit vxor statim mediam fructuum partem transacti temporis petere ab hæredibus viri, vel teneatur totius quinquennij euentum expectare. p.105.n.153.

Fruatuario mortuo fructibus perceptis antequam veniat dies solutionis, quid iuris. p.100.n.129.

Fructus Capitulo debiti, an Canonicis post collectionem fructuum electis rectè soluantur, vel hæredibus priorum Canonicorum collectionis tempore existentium. p. 106. num. 193.

Fructus communicantur coniugibus, etiam rerum quæ inter eos non diuiduntur,



diuiduntur. p.117num. 194.  
**F**ructus appellatione quid veniat in hac  
 de lucratis constante matrimonio  
 disceptatione. p.118.n.196.  
**F**ructus propriarum etiam rerum con-  
 stante matrimonio collectos inter  
 coniuges communicari. *ibid.*n.200.  
**F**undamento dilapso corrui ædificium.  
 p.36.n.34.

## H.

**H**æreditas sine sacris, id est, sine  
 onere, & absque vlla obliga-  
 tione. p.62.n.20.

**H**æreditas patris, aut matris, vel pro-  
 pinqui, obueniens alteri coniugi, non  
 communicatur. *ibid.*

**H**æreditas ad fiscum transiens, cum le-  
 gatorum & fideicommissorum one-  
 ribus transit. p. 36. & seq. num. 32.  
 & 35.

**H**æreditas continet vniuersitatem iu-  
 ris. p.37.n.35.

**H**æreditas an cum fructibus ante litem  
 cœptam perceptis ab hærede indi-  
 gno fisco sit restituenda. p.41.n.43.

**H**æredem fidem restituendi incapaci  
 accommodasse, qualiter probari  
 queat, vt fisco locus sit. p.33. & seqq.  
 n.24.25. & 26.

**H**æres tacite grauatus restituere hære-  
 ditatem incapaci, an teneatur eam  
 fisco in foro conscientie restituere,  
 si tacitam grauaminis, fidem accom-  
 modauit, latè differitur. p.38.n.38.  
 vel hæredibus ab intestato, si fisco  
 tempora legitima labantur. p.39.  
 num.40.

Cætera vide in verbo, *Fiscus*, & in  
 verbo, *Fideicommissum*.

**H**ypothecæ nomine re emptæ ab em-  
 ptore supposita, an rescisso emptio-  
 nis contractu duret hypothecæ ius,  
 latè differitur. p.42.à n.1. Resoluitur

p.44. n. 6. & 7. & quid si emptio &  
 venditio ex pacto legis commissio-  
 riæ, vel additionis in diem resolui-  
 tur, p.42 num.2. & 3. & quid si pro-  
 pter morbum res ab emptore simul-  
 que debitore fuerit redhibita, an  
 duret ius pignoris, p.43. num. 5. &  
 quid si resoluatur prior contractus  
 ex pacto de retrouendendo appposito  
 in contractu feudali, emphyteutico,  
 vel vectigali? p.45.n.9.

**H**ypothecæ nomine feudum à vassallo  
 datum est, an refutato in fauorem  
 domini feudo ius pignoris duret,  
 p.44.num.7. & quid commissâ felo-  
 niâ, vel denegato seruitio, p.45.n.9.  
 & 10. quod limitatur vbi esset con-  
 traria consuetudo, vt in Regno  
 Franciæ, p.48. & seq. n.20. & 22.

**H**ypothecæ nomine dati sunt annui  
 redditus (quos censum vocant)  
 postea à debitore census redemptio  
 fit, an duret ius pignoris? p.46.n.13.  
 & 21. & quid si fraude vel dolo do-  
 mini census redemptio fiat. p.47.  
 n.14. & 17.

**H**ypothecæ ius etiam contra antiquum  
 rei dominum durat, & quando. p.48.  
 num.19.

**H**ypothecæ res supposita est, in cuius  
 emptione antea debitor deceptus  
 fuit ultra dimidiam, & egit remedio  
 legis 2. *Cod. de resc.* & rescissa est em-  
 ptio, quæritur an duret pignus, nec-  
 ne? eleganter differitur, *ibid.* à n.21.  
 ad finem vsque.

## I.

**I**ncapax hæreditatis est incapax fidei-  
 commissi vniuersalis. p.37.n.35.  
**I**ncapax ab indigno quî differat. p.39.  
 num.40.

**I**mmunitas benemeritis de republica  
 conceditur. p.38.n.36.  
 Instru

Instrumentum marito ab eius debitoribus factum soluto matrimonio, an poterit ad uxoris petitionem executioni mandari, necne? traditur. p.106. n.157.

Iuri accrescendi locus non est hærede portionem repudiante, quem testator non mereri hæreditatem scripsit, sed fiscus hæreditatem vendicat. Vide in verbo, *Fiscus*.

Ius patronatus constante matrimonio acquisitum, vtrique coniugi communicatur, marito tamen viuenti presentatio incumbit. p.108. n.165.

Ius accrescendi in rebus acquisitis non habere locum. p.112. n.179.

## L.

**L** Atroni parcur, qui plures detegit. p.15. n.39.

Legata re simpliciter, id tantum quod est testatoris, videtur legatum. p.113. num.183.

Lex Romuli antiquissima, inter virum & uxorem societatem & bonorum diuisionem inducens, consideratur eleganter. p.61. num.12. & ibi de eius sententia subtiliter agitur. n.13.

Legatum annuum primo anno purum est, sequentibus conditionale. p.77. num.64.

Lex 46. Tauri, an habeat locum in omni maioratu anniuersario, & Capellania. p.86. n.89.

Lex 46. an vendicat locum in tertio res maioratus resciente, ei expensis solutis ex lucratis constante matrimonio. ibid. n.90.

Legi 46. Tauri, in præiudicium creditorum ipsius possessoris maioratus sit, necne locus, utpote si possessor expensis factis fiat non soluendo. p.87. n.91.

Lex non verbis, sed ipsis rebus im-

ponitur. p.36. n.34.

Libera persona alteri regulariter non acquirit. p.81. n.72.

Liberalis animi indoles. p.99. n.126.

Libertus ob merita donando, non legando, legitimam patrimonij minuire potest. p.67. n.40.

Locus qui attendendus, si diuersæ sint leges circa lucra diuidenda in domicilio uxoris, & viri, & vbi matrimonium contrahitur. p.102. n.140. cum duobus sequentibus: quid si uxor ignorabat leges, vel consuetudines domicilij mariti. p.103. n.143. & sequenti: & si maritus alibi domicilium habens, in loco originis matrimonium contrahit. ibid. n.145.

Item quid in bonis in alio territorio, seu prouincia sitis. p.103. n.146.

Lucri varia genera, & consuetudines variæ apud varias nationes referuntur. p.58. n.1.

Lucra constante matrimonio facta non diuiduntur in Lusitania. ibid. n.1.

Lucra & bona quomodo diuidantur in Lusitania, Italia, & Cordubæ. p.59. num.2.

Lucri sunt duo genera inter maritum & uxorem, & quæ. ibid. n.3.

Lucrata constante matrimonio adquiruntur, & communicantur coniugibus, & quoad dominium & possessionem. ibi. n.3. & p.77. n.64. & p.81. n.72. & p.114. & seq. n.186. & 188.

Lucra quo iure inter virum & uxorem olim & hodie diuidi statutum fuit. p.61. n.11.

Lucrata constante matrimonio, etiam apud Gallos diuiduntur, & acquistus vocant. p.64. n.19.

Lucra acquisita constante matrimonio vtrum diuidi deberent de iure communi, an nouè inductum fuerit, latè disputatur. p.64. & 65. num.30. 31. & 32.

Lucrata



**Lucrata constante matrimonio**, inter coniuges diuidi, ius commune est in Hispania. p.67.n.38.

**Lucrata constante matrimonio** an amittat necne mulier propter stuprum commissum mortuo marito, veniantque restituenda hæredibus mariti, non insubtiliter differitur latè. p.67.& seq.n.39.40.& 41.

**Lucra facta à marito cum vxore non cohabitante**, an communicentur. p.73 n.52.

**Lucra ab altero ex coniugibus facta**, nondum sponsa ad domum ducta, vtrum debeant communicari. p.73. & seq. n.53. & 54.

**Lucrata à viro vxore mortua**, rebus vtriusque in eodem statu manentibus, diuiduntur inter maritum & vxoris hæredes. p.74.n.55.

**Lucrata à marito absente** ob quamlibet causam, vtrique communicari. p.75.num.58.

**Lucrata ab altero coniuge culpa alterius**, separatione prius facta, an communicentur. p.75.n.59.

**Lucra non communicari inter coniuges soluto matrimonio.** p.76.n.60.  
Re emptæ ante matrimonium, si post contractum sit pretium venditori solutum, debeat, necne communicari. ibid.n.61.

**Fundum proprium maritus vendidit**, alium emit, quid iuris in hac quæstione, & præcedenti; tenetur maritus refundere tantundem pretij vxori. p.76.n.61.& 62.

**Fundum pecuniâ alterius coniugis comparatum**, vtrique communicari, pecuniæ tamen dominus eam consequitur ex bonorum cumulo. p.36.n.63.

**Lucra quando consideranda inter coniuges**, & quæ sint. ibid.

**Lucrorum appellatio** quid compre-

hendat; & annuæ præstationes constante matrimonio acquisitæ, post solutum matrimonium quæ diuidantur. p.77.n.64.

**Lucra scortando**, ludendove an amittere possit maritus, necne, & ibid. an restituere teneatur vxori, damnumve datum refarcire. ibid.n.65.

**Lucrata constante matrimonio ex causa**, & quatenus maritus donare possit. ibidem, & an legare. p.60 n.5. & 6.

**Lucra turpiter acquisita**, veluti ex furto, vel vsura, inter coniuges non communicari consulit, vt secretò restituantur. p.80.n.71.

**Lucra à viro vel vxore constante matrimonio facta**, vtrique communicari, & æqua lance quoad hæc coniuges iudicari. p.81.n.72.

**Lucra de iure communi non fieri** vtriusque coniugis, ibidem. Expensas seu meliorationes in re alterius coniugis factas, ad lucra nuptialia pertinent, consequiturque coniux partis æstimationem. p.82.n.73.

**Lucris constante matrimonio quæsitis**, & in meliorandis rebus maioratus consumptis, an vxor ab hæredibus mariti aliquid expostulare possit. p.87.num.92.

**Res quæ ante matrimonium ab altero coniugum cœpit vsucapi**, impleta post matrimonium vsucapione vtrique coniugi non communicatur. p.89.n.99.

**Res iure retractus constante matrimonio** adquisita viro, vel vxori, an saltem pretium retractus communicate- tur, necne inter coniuges. ibid. num.100.

**Lucra ob artem, industriam, vel scientiam quæsitæ**, vt à iudicibus quibuslibet, Aduocatis, & Medicis, ad quæstus coniugales non pertinere,

- nere, nec communicari. p.98.n.124.
- Lucra quæ non communicentur inter coniuges. p.99.n.127.
- Lucrorum donatio, vide in verbo, *Donatio lucrorum.*
- Lucra quærenda, non quæſita ab vxore in necem, ſeu damnum creditorum parentis & filiorum, an poſſint impunè renunciari. p.104.n.148.
- Fructus rei in quinquennium maritus conduxit, & intra cōductionis tēpus moritur, an poſſit vxor ſtatim mediam fructuum partem ab hæredibus mariti exigere, vel totius quinquennij fortunam cum eius hæredibus expectare teneatur. p.105.n.153.
- Lucrata ab eis qui in matrimonio putatiuo ſunt, diuiduntur, & ſtatuta in veris coniugibus circa ſcandala diuidenda, habent in imputatiuis locum. p.107. n. 159. & quid in clandestinè nubentibus. ibid.n.159.
- Lucra ab altero coniuge quæſita, altero bannito, ſeruòve poenæ effecto, vel propter hæreſin in monaſterio recluſo, non communicantur. p.107. num. 161.
- Lucrata ab altero coniuge, ſeparato propter deprauatos alterius mores matrimonio, non diuidi inter eos. ibid. & ſeq. n.163.
- Lucra quæſita à viro domi concubinâ retentâ, quo cum poſtea matrimonium contraxit, non communicantur. p.108.n.164.
- Lucrum quod alteri coniugi ex quæſitis ab altero acquiritur, an propriè lucrum vocari queat, necne. p.109. num. 172.
- Lucrum quod acquirit vir actione iniuriarum, aut remiſſæ iniuriæ nomine, an veniat communicandum. ibid. num. 173.
- Lucrata vxore in delictum dilapſa, propter quod ipſo iure veniunt bona publicanda, vtrum ante declara-

- tionem maritus diſtrahere poſſit. p.111. & 112. n.176. & 177.
- Lucrum omne à lege delatum, vt conſtante matrimonio adquiſitum, ſine aliqua agnatione ad hæredes tranſmittitur. p.115. n.187.
- Lucrorum qualiter ſit ineunda ratio. p.118. n.198.
- Lucris non extantibus quis præferatur, hæres prioris vxoris, an ſecunda vxor, quæritur. ibid. n.199.
- Lucris extantibus quando bis coniux contraxit, prioris hæres, & ſecunda vxor, quod ſuum fuerit actione in rem perſequitur. ibidem.
- Pleraque alia vide in verbo, *Quæſtus*, & in verbo, *Acquaſtus*.
- Luxurioſè viuere dicitur, quæ ſemel ſtuprum commiſit. p.60. n.5.

## M.

- M**aioratus ex lucratis conſtante matrimonio ab altero ex coniugibus erigi poſſit, necne, latè diſſeritur. p.113. & ſeq. n.184.185. & 186.
- Maritus & vxor de quæſitis conſtante matrimonio ad libitum, vt de cæteris bonis diſponere poſſunt, nec tenentur liberis illius matrimonij reſeruare. p.60. n.4.
- Maritus liberam habet diſpoſitionem lucrorum conſtante matrimonio, etiam in damnum vxoris, dum tamen fraude careat. ibid. n.5.
- Maritus vtrum poſſit legando, ludendo, aut ſcottando aliquam lucrorum partem, diminuerè portionem vxoris. p.60. n.6. & p.78. n.65.
- Marito emente aliquid ante matrimonium, ſoluenteque pretium poſt, quid iuris. Item marito fundum vendente poſt nuptias, aliamque rem emente: vide in verbo *Lucra*.
- Maritus malè lucratis vtendo peccat, reſtituere:



# I N D E X.

restituere tamen non tenetur. p.78.  
num.66.

Maritus qui lucratis constante matrimonio nauî impositis destinauerat ad Indos proficisci, metu pyratarum maris spreto, & vxoris amicorum, & cognatorum consilio, ei dicentium, ne coniugis & suam substantiam tam manifesto periculo exponeret, à pyratis nauî captâ cum mercibus, mortuo marito, vtrum eius hæredes teneantur vxori damnum rescire. p.81.n.70.

Maritus præsentat in iurepatronatus constante matrimonio quæsito. p.108.n.165.

Meliorationes in rebus maioratus factæ ex lucratis constante matrimonio, sine læsione rei abradi possunt, vt diuidantur. p.115.n.187.

Meliorationes in rebus maioratus factas à tertio potest tertius exigere. ibid.

Meretrici curator dari non debet. p.79. & seq.n.46. & 47.

Meretrix potest testamentum condere. ibid.

Merita quibus non potest maritum mereri, referuntur. p.12.n.28. Et ob hæc remunerationem mereri. ibid. num.29. Et filij parentes. p.16.n.43.

Merita non sunt, nec iudicantur, quæ fiunt vel officio pietatis, vel iuris, vel naturæ imperio, vi, & potestate. p.23.n.54.

Minor mobilia & immobilia ob merita, etiam sine decreto, alienare potest. p.13.n.35.

Mulierem dominam vocari, vnde originem traxit. p.64.n.26. & num. sequenti, cur in Hispania, *dona Fulana*, mulieres vocentur. ibid.

Mulieres nobiliores Hispani vocant Damas, quod verbum à Græco verbo damar, vsurpatur. pag. 64. num.28.

Mulieri luxuriosè viuenti curator datur; & ibi quid sit luxuriosè viuere. p.71.n.48.

N.

**N**uptiarum verba solemnia apud antiquos pulchrè traduntur. p.63. num.23.

Nuptiæ videbantur contrahi, si vir mulierem Caiam, vel dominam, mulier virum Caium, seu dominum vocabat, apud antiquos Romanos. ibid. & p.64.n.24. & 25.

Nuptias secundas inire de iure ciuili vitio tribuitur, secus de iure canonico. p.60.n.5.

O.

**O**bligatio Antidotalis vel remuneratoria oritur ex instinctu naturæ, & reperitur apud bruta animalia, p. 3. n. 1. & reperitur inter coniunctos, & extraneos. ibid. n.2. & inter patrem, & filium. p.4.n.4.

Obscuritas testamenti non purgat vitium taciti fideicommissi in fraudem fisci relictî, imò præstat coniecturam fraudis. p.25.n.3.

Obscuritas personæ in testamento secuta restitutione facta incapaci, probat tacitum fideicommissum. p.26. num.8.

Officia constante matrimonio, siue pecuniâ, siue precibus impetrata, quæ vendi solent, vtrique communicari, & ibi de communi diuidundo & familiarum iudiciis. Item quid de tabellionatus & decurionatus officiis à Rege concessis. p.79.n.67. & 68.

Officia Regia ab altero coniugum constante matrimonio quæsita, non communicari, sed adquirenti integrè relinqui. p.100.n.128.

R 2

Partus

# I N D E X.

P.

**P**artus ancillæ in fructu non est, licet pecudum sit, & cur tam variè. p.118.n.196.& 197.

Pater ob merita donare non potest, quo filiorum legitimam minuat. p.15.& seq.n.41.& 42.

Peccatum est omne quod non est ex fide. p.15.n.38.

Peculium profectitium est, quod à patre filio, vel ab extraneo patris contemplatione filio datum est. p.90.n.104.& p.93.n.109.

Peculium castrense, vel quasi, an communicetur inter coniuges. p.98.n.124. & sequenti.

Peculium quadruplex, & quale. p.100.num.128.

Peculium quid à patrimonio differat. ibid.

Peculium profectitium quoad proprietatem non communicatur inter coniuges, secus quoad fructus collectos constante matrimonio. p.101.n.132.& 134.

Peculium aduentitium quid. ibidem num. 133.

Peculij aduentitij proprietatem ad filium, ususfructus ad patrem pertinet, *ex l. cum oportet, C. de bonis quæ liberis.* p.101.num.134.

Peculia castrensia vel quasi quoad proprietatem non, sed quoad fructus eorum, vel officiorum, & commendarum inter coniuges diuidi. ibid. num.135.

Peculium castrense quid. ibid.n.136.

Peculium castrense an antiquo, nouè iure ad filium pertinuerit, remissiuè. p.102.n.137.

Peculium castrense quod maritus militans expensis etiam vxoris adquisiuit, communicatur. p.102.n.139.

Pœna ordinaria delicti benemerito de republica remittitur, vel saltem minuitur, & latroni ignoscitur qui plures detegit. pag. 15. num. 38. & 39.

Possessio lucrorum, vide in verbo, *Lucrum*, & in verbo, *Dominium lucrorum*.

Prælatus ob merita infeudare potest terras Ecclesiæ, & naturam feudi mutare. p.12.n.31. & bona immobilia fructuosa. p.13.n.33.

Præsumuntur hodie vtrique coniugi omnia bona communia, olim mariti esse tantum præsumebantur. p. 85. num.85.

Præsumuntur quæ verisimilia sunt, secus si non sunt. p.35. & seq.num.29. & 30.

Præiulia propter merita concessa à Principe non reuocari, vimque contractus habere. p.6.n.9.

Probatio quæ requiritur ad conuincendum hæredem fidem restituendi incapaci accommodasse, ut fisco locus sit. pag. 33. & seq. num. 24. 25. & 26.

Dolus indiciis, delictum legitima probatione probari debet. ibid.

Prodesse aliis cum damno proptio nemo debet. p.47.n.14.

Q.

**Q**uæstus tabellionis propter exemplationem instrumentorum lucratus, deductis papyri, & transcribentis expensis, vxori eius communicari. p.79.num.69.

Quæstus ab Auditoribus Regis, aliisve Iudicibus, Aduocatis, & Medicis, inter coniuges non communicari, aduersus Gutierrez defenditur. p.98. num.124.

Quæstus nuptias de facto contra sacrosanctæ



sanctæ Ecclesiæ Romanæ statuta contrahentibus non communicari. p.107.num.160.

Quæstus ab vxore factos, viro in exilium, vel ad tiremes misso, non communicari. ibid.n.162.

Quæstus à marito factos volente sibi solum acquiri, etiam vxori communicari. p.109.n.171.

Quæstus coniugales coniugibus ipso iure aliqua agnatione communicari, acquiri, & ad hæredes transmitti. ibid.n.172.

Quæstus iam acquisitos, propter delictum alterius coniugis non publicari. p.112.num.179. & seq. & p.82.num.75.

In quæstus partis ad mulierem pertinentis possessionem hæres mariti non est mittendus, vel de eius manu suam lucrorum partem mulier non potest accipere. p.115.n.189.

Alter coniux constante matrimonio actione in rem bona cum fructibus petiit, soluto matrimonio ei cum fructibus restitui iubentur, filij & hæredes mortui coniugis eam sibi portionem vindicare possint, necne, quæritur, quam is, cuius hæredes sunt, habiturus fuit. p.116.n.190.

Cætera vide in verbo *Lucrum*, & in verbo *Acquæstus*.

Qualitas præsupposita in dispositione, seu aliquo actu, debet priusquam sequatur dispositio, adesse. p.66.n.33. & p.96.n.120.

Quarta Trebellianica ex vniuersali fideicommissio, Falcidia verò ex particulari deducitur. p.37.n.35.

## R.

**R**atio legis, si dicto sit amplior, ad terminos rationis lex porrigi valet. p.84.n.81.

Ratio legis animæ, verba corporis vicem obtinent. ibid.n.83.

Rationi naturali non consonantia, nec legibus, nec iuri consona iudicantur. p.36.n.31.

Regulæ Expressum facere cessare tacitum, an in hac de tacito fideicommissio disceptatione sit locus. p.26.num.9.

## S.

**S**acrorum apud Romanos ante leges 12.Tab.non fuit vnus modus. p.61.n.14.

Sacra alia publica, alia priuata. ibidem,  
& quæ. p.62.n.15. & n. 16. & perpenditur lex 12. Tabularum. ibid. num.17.

Sacra gentilitia quæ. p.62.n.15. & 16.

Sacrorum conseruatio peruenit ad eum, ad quem morte patris sacra pecunia perueniebat. ibid.n.17.

Qui tenerentur ad sacrorum obseruationem, quæ paterfamilias institisset, grauissima fuit quæstio apud antiquos Iurisconsultos, & deciditur. p.62.n.18. & 19. De sacris agentibus loci antiquorum plures enodantur. ibid.n.20.

Sacra priuata à Christiana Religione abierunt. p.63.n.21.

Salarium Auditorum Regis, aliorumque Iudicum, Aduocatorum, & Medicorum ad lucra nuptialia non pertinere. p.98.n.124.

Sententia nihil noui statuit, sed quod fuit, declarat. p.117.n.195.

Simulatum nihil valere, sed id quod agitur. p.36.n.34.

Societas est inter maritum & vxorem olim consuetudine, hodie iure inducta, cuius potestate lucra diuiduntur constante matrimonio quæ sita. p.58.n.1.

Societas est inter virum & vxorem ciuile, legitima, generalis, respectu lucratorum constante matrimonio.

p.61.n.12.

Socij omnium bonorum fiunt domini & possessores rerum societatis, non tamen postea quæstorum sine traditione. ibid.

Societas est legitima inter sponfos ante cohabitationem. p.74.n.14.

Societas consensu celebratur solo. p.75.n.56.

Socia est sponsa. ibid. & n.57.

Societas coniugalis mortuo marito continuari censetur inter filios & coniugem superstitem, rebus in eodem statu manentibus, & quæstus communicantur. p.108.n.166. quod limitatur. p.109.n.169. & sequenti.

Societas continuatur hærede socij mortui negotia societatis cum superstitite socio prosequente. p.108.n.167. & 168.

Solemnitas testamenti nuncupatiui solemnitati codicillorum in Hispania exæquata est. p.63.n.23.

Spurius etiam in extremo vitæ fit legitimus, si eo tempore pater eius contrahat cum eius matre matrimonium. p.61.num.14.

Stipulatio annua vna est, & vna obligatio diuisa præstationibus. pag.77. num.64.

Substitutio utilis non vitiatur vitiato gradu præcedenti inutili. p.36.n.33.

## T.

**T**estamentum iure militari factum valere præterito filio. pag.101. num. 136.

Testamentum à substitutione potest incipere. p.36.n.33.

Testamentorum origo à iure gentium, solemnitas eorum à iure ciuili in-

uenta est.

pag.39. num.40.

## V.

**V**erisimilitudo est cognata natura. p.38.n.30.

Verba legum non rusticè, sed ciuiler interpretari debent. p.73.n.53. in fin. & p.75.n.58.

Verbum, *videtur*, denotat improprietatem. p.116.n.191.

Verba precarium inducentia, propter merita ad donationem remuneratariam trahi. p.60.n.6.

Verba quæ fideicommissum inducunt, & quæ non, pertinent ad fidem, non ad fideicommissum. p.25. & seq. n.4. & 5.

Vidua quæ semel stuprum commisit, luxuriosè viuere dicitur. p.67.n.39. & p.79.n.45. contra Acoſtam.

Vidua quæ in corpus suum peccat, marito mortuo iniuriam irrogat, & secundum aliquos dotem amittit. p.68.n.40.

Vidua adhuc dicitur esse in matrimonio, eademque castitas in ea requiritur, ac si matrimonium duraret. ibid.

Vidua abiecta pudicitia est, quæ etsi non sit meretrix, thorum polluit. p.72.n.51.

Si vinea plantetur in solo alterius coniugis, quid iuris quoad lucra nuptialia, & an eo casu debeat æstimatio sumptibus correspondere. p.82. n.74. & 75.

V usufructus constante matrimonio cum proprietate consolidatus, ex natura propria ipsius non communicatur inter coniuges. pag.88.n.93. consolidatus ex alia causa communicatur. ibid. num. seq. si ex titulo emptionis, pretium communicatur. ibid. n.95. qualiterque eius æstimatio fieri



# I N D E X.

- fieri debeat. ibid.n.96.
- V**susfructus commoditas, etiam rerum  
quæ non communicantur, vtriusque  
coniugis fit, secus in iure vtendi  
fruendi. p.110.n.174.
- V**susfructus commoditas si coniugi  
fuerit concessa, non ius vtendi,  
vtrum communicetur. ibid.
- V**tile per inutile non vitiatur, quod  
locum habet in gradibus institutio-  
nis & substitutionis. p.36.n.33.
- V**xor socia est iure diuino propter ma-  
trimonium, iure nostro propter ci-  
uilem societatem. p.63.n.22.
- V**xores primùm Caiæ, deinde dominae  
vocabantur, & ibi Tiraq. repren-  
ditur. ibid.n.23.
- V**xor libera persona est quoad acqui-  
sitionem. p.96.n.121.
- V**xor quando censeatur vidua marito  
viuente. p.107.n.162.
- V**xor debet & in mortis mariti accu-  
satione, & remissione cæteris ma-  
riti hæredibus præferri. p.199.n.173.
- V**xor quas operas marito subministra-  
re non teneatur. p.12.n.28. & pro-  
pter eas remunerationem meretur.  
ibid.n.29.
- V**xorem quilibet in extremo vitæ con-  
stitutus ducere potest, & filium spu-  
rium ex ea habitum eo modo legi-  
timum facere. p.47.n.14.

# F I N I S.



















K

García de Saavedra, Juan  
Ioan

G21624

T7

1671

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

UTL AT DOWNSVIEW



D RANGE BAY SHLF POS ITEM C  
39 09 14 20 10 006 1